

# 历代诗余

王奕清

文硕阁

wenshuoge.com

## 目录

|                 |     |
|-----------------|-----|
| 关于我们 .....      | 6   |
| 御制选历代诗余序 .....  | 8   |
| 钦定凡例 .....      | 9   |
| 御选历代诗余编纂官 ..... | 10  |
| 御选历代诗余总目 .....  | 12  |
| 卷一 .....        | 25  |
| 卷二 .....        | 59  |
| 卷三 .....        | 87  |
| 卷四 .....        | 113 |
| 卷五 .....        | 136 |
| 卷六 .....        | 160 |
| 卷七 .....        | 185 |
| 卷八 .....        | 212 |
| 卷九 .....        | 242 |
| 卷十 .....        | 271 |
| 卷十一 .....       | 295 |
| 卷十二 .....       | 323 |
| 卷十三 .....       | 347 |
| 卷十四 .....       | 365 |
| 卷十五 .....       | 382 |
| 卷十六 .....       | 410 |
| 卷十七 .....       | 431 |
| 卷十八 .....       | 453 |
| 卷十九 .....       | 474 |
| 卷二十 .....       | 503 |
| 卷二十一 .....      | 523 |
| 卷二十二 .....      | 543 |
| 卷二十三 .....      | 566 |
| 卷二十四 .....      | 593 |
| 卷二十五 .....      | 613 |
| 卷二十六 .....      | 640 |
| 卷二十七 .....      | 664 |
| 卷二十八 .....      | 680 |
| 卷二十九 .....      | 701 |
| 卷三十 .....       | 724 |
| 卷三十一 .....      | 744 |

|      |       |       |
|------|-------|-------|
| 卷三十二 | ..... | 760   |
| 卷三十三 | ..... | 780   |
| 卷三十四 | ..... | 797   |
| 卷三十五 | ..... | 818   |
| 卷三十六 | ..... | 842   |
| 卷三十七 | ..... | 860   |
| 卷三十八 | ..... | 883   |
| 卷三十九 | ..... | 901   |
| 卷四十  | ..... | 917   |
| 卷四十一 | ..... | 939   |
| 卷四十二 | ..... | 957   |
| 卷四十三 | ..... | 976   |
| 卷四十四 | ..... | 997   |
| 卷四十五 | ..... | 1.013 |
| 卷四十六 | ..... | 1.032 |
| 卷四十七 | ..... | 1.048 |
| 卷四十八 | ..... | 1.071 |
| 卷四十九 | ..... | 1.093 |
| 卷五十  | ..... | 1.113 |
| 卷五十一 | ..... | 1.131 |
| 卷五十二 | ..... | 1.146 |
| 卷五十三 | ..... | 1.166 |
| 卷五十四 | ..... | 1.189 |
| 卷五十五 | ..... | 1.210 |
| 卷五十六 | ..... | 1.224 |
| 卷五十七 | ..... | 1.240 |
| 卷五十八 | ..... | 1.261 |
| 卷五十九 | ..... | 1.277 |
| 卷六十  | ..... | 1.295 |
| 卷六十一 | ..... | 1.311 |
| 卷六十二 | ..... | 1.328 |
| 卷六十三 | ..... | 1.346 |
| 卷六十四 | ..... | 1.360 |
| 卷六十五 | ..... | 1.378 |
| 卷六十六 | ..... | 1.397 |
| 卷六十七 | ..... | 1.417 |
| 卷六十八 | ..... | 1.429 |
| 卷六十九 | ..... | 1.442 |

|      |       |
|------|-------|
| 卷七十  | 1.456 |
| 卷七十一 | 1.470 |
| 卷七十二 | 1.489 |
| 卷七十三 | 1.503 |
| 卷七十四 | 1.521 |
| 卷七十五 | 1.533 |
| 卷七十六 | 1.546 |
| 卷七十七 | 1.560 |
| 卷七十八 | 1.572 |
| 卷七十九 | 1.586 |
| 卷八十  | 1.598 |
| 卷八十一 | 1.610 |
| 卷八十二 | 1.627 |
| 卷八十三 | 1.640 |
| 卷八十四 | 1.657 |
| 卷八十五 | 1.673 |
| 卷八十六 | 1.688 |
| 卷八十七 | 1.701 |
| 卷八十八 | 1.714 |
| 卷八十九 | 1.728 |
| 卷九十  | 1.738 |
| 卷九十一 | 1.748 |
| 卷九十二 | 1.760 |
| 卷九十三 | 1.771 |
| 卷九十四 | 1.783 |
| 卷九十五 | 1.794 |
| 卷九十六 | 1.806 |
| 卷九十七 | 1.817 |
| 卷九十八 | 1.831 |
| 卷九十九 | 1.841 |
| 卷一百  | 1.853 |
| 卷一百一 | 1.864 |
| 卷一百二 | 1.871 |
| 卷一百三 | 1.875 |
| 卷一百四 | 1.883 |
| 卷一百五 | 1.888 |
| 卷一百六 | 1.893 |
| 卷一百七 | 1.899 |

|       |       |
|-------|-------|
| 卷一百八  | 1.910 |
| 卷一百九  | 1.914 |
| 卷一百十  | 1.923 |
| 卷一百十一 | 1.933 |
| 卷一百十二 | 1.940 |
| 卷一百十三 | 1.947 |
| 卷一百十四 | 1.955 |
| 卷一百十五 | 1.965 |
| 卷一百十六 | 1.974 |
| 卷一百十七 | 1.982 |
| 卷一百十八 | 1.991 |
| 卷一百十九 | 2.003 |
| 卷一百二十 | 2.015 |

# 版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

## 什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

## 传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

## 如何联系我们？

网站：[www.wenshuoge.com](http://www.wenshuoge.com)

邮箱：[7sbook@duck.com](mailto:7sbook@duck.com)



(扫码访问网站)



(扫码加客服微信)

# 御制选历代诗余序

钦定四库全书

御制选历代诗余序

诗余之作盖自昔乐府之遗音而後人之审声选调所由以缘起也而要皆昉於诗则其本末源流之故有可言者古帝舜之命夔典乐曰诗言志歌永言声依永律和声可见唐虞时即有诗而诗必谐於声是近代倚声之词其理固已寓焉降而殷周孔子删而三百五篇乐正而雅颂得所考其时郊庙明堂升歌宴飨以及乡饮报赛莫不有诗以叶於笙箫琴瑟之间自诗变为骚骚衍为赋虽旨兼出乎六义而声弗拘於八音至汉而郊祀房中饶歌鼓吹琴曲杂诗皆领於乐官于是始有乐府名迄於六代操觚之家按调属题徵辞赴节日趋婉丽以导宫商唐兴古诗而外创为近体而五七言絶句或传於伶人顾他诗不尽协於乐部其间如李白之清平调忆秦娥菩萨鬘刘禹锡之浪淘沙竹枝词泊温庭筠韦庄之徒相继有作而新声迭出时皆被诸管弦

是诗之流而为词已权輿於唐矣宋初其风渐广至周邦彦领大晟乐府比切声调篇目颇繁柳永复增置之词遂有专家一时绮制可谓极盛虽体殊乐府而句栴字比廉肉节奏不爽寸黍其於古者依永和声之道洵有合也然则词亦何可废欤朕万几清暇博综典籍於经史诸书有关政教而裨益身心者良已纂辑无遗因流览风雅广识名物欲极赋学之全而有赋彙欲萃诗学之富而有全唐诗刊本宋金元明四代诗选更以词者继响夫诗者也乃命词臣辑其风华典丽悉归於正者为若干卷而朕亲裁定焉夫诗之杨厉功德铺陈政事固无论矣至於桑中蔓草诸什而孔子以一言蔽之曰思无邪盖蕙茝可以比贤者嚶鸣可以喻友生苟读其词而引伸之触类之范其轶志砥厥贞心则是编之含英咀华敲金戛玉者何在不可以思无邪之一言该之也若夫一唱三叹谱入丝竹清浊高下无相夺伦殆宇宙之元音具是推此而沿流讨源由词以溯之诗由诗以溯之乐即箫韶九成其亦不外於本人心以求自然之声也夫

康熙四十六年七月十二日



# 钦定凡例

钦定四库全书

钦定凡例

一词者诗之余也诗三百篇皆可歌采诸列国领於乐官至汉而为乐府古诗至唐而为今体诗而诗不尽叶於管弦自李白创为菩萨鬘忆秦娥二词以及白居易王建温庭筠韦庄诸人相继有作流传词苑至南北宋而大盛虽体制因时递变而和声协律之中具有古乐府遗意今自唐迄明网罗采择彙为成书鼓吹风雅

一自昔诗余每有独标调名而不着题目者亦有以本意为题者兹不因题分类第以调之长短为次

一诗余调名有一体而分数名者有词人自撰新名者有同一调名而体有不同者今各注明於下

一是选録其风华典丽而不失於正者为准式其沉郁排宕寄托深远不涉绮靡卓然名家者尤多收録

一诗余原有图谱与旧词多有未合是选广搜名作注明各体故不另立图谱

一词人以时代为序其爵里姓氏彙载卷後

一闺媛方外工词擅名者代不乏人是选亦皆采入一诗余有因事而发流传为词话者别録卷末一是选以字数多寡分卷不分小令中调长调有名词系本调之始因後人改作少字遂列於前而本调反作又一体者每调注释自明也

# 御选历代诗余编纂官

钦定四库全书

御选历代诗余编纂官

日讲官起居注翰林院侍读学士【臣】沈辰垣司经局洗马兼翰林院修撰加二级【臣】王奕清提督广西学政翰林院编修【臣】阎锡爵

翰林院编修【臣】余正健

编録人员

举人【臣】杨祖楫

拔贡生【臣】吴襄

岁贡生【臣】王时鸿

岁贡生【臣】俞楷

钦赐监生生员【臣】秦培钦赐监生生员【臣】杨潜钦赐监生生员【臣】吴陈琰钦赐监生生员【臣】邬维新钦赐监生生员【臣】吴景果

钦赐监生生员【臣】于树范钦赐监生生员【臣】王维淮

监生【臣】杜诏

监生【臣】吴元丰

监生【臣】于枋

监生【臣】储在文

生员【臣】王维汉

儒童【臣】吴学礼

儒童【臣】钱元台

# 御选历代诗余总目

钦定四库全书 集部十

御选历代诗余总目 词曲类二【词选之属】

卷一

六十调 词一百八十八首

卷二

三十二调 词一百六十六首

卷三

二十八调 词一百四十二首

卷四

十八调 词一百二十九首

卷五

一调 词一百四十三首

卷六

一调 词一百二十五首

卷七

一调 词一百三十一首

卷八

四十调 词一百三十八首

卷九

一调 词一百八十五首

卷十

四调 词一百四十四首

卷十一

十九调 词一百二十首

卷十二

十五调 词一百二十九首

卷十三

一调 词一百十九首

卷十四

一调 词一百四首

卷十五

十一调 词一百三十七首

卷十六

十调 词一百二十二首

卷十七

十五调 词一百二十三首

卷十八

八调 词一百十九首

卷十九

五十六调 词一百十九首

卷二十

八调 词一百十六首

卷二十一

三调 词一百二十五首

卷二十二

四十一调 词一百三首

卷二十三

五十七调 词一百十五首

卷二十四

二调 词一百二十五首

卷二十五

三十二调 词一百三十九首

卷二十六

十八调 词一百二十八首

卷二十七

一调 词一百八首

卷二十八

一调 词一百三十八首

卷二十九

三十三调 词一百六首

卷三十

一调 词一百二十七首

卷三十一

一调 词一百十一首

卷三十二

五调 词一百十四首

卷三十三

二调 词一百五首

卷三十四

二十四调 词一百四首

卷三十五

二十五调 词一百二十六首

卷三十六

一调 词一百十一首

卷三十七

三十四调 词一百十二首

卷三十八

二调 词一百十四首

卷三十九

一调 词一百八首

卷四十

一调 词一百三十八首

卷四十一

二十调 词九十六首

卷四十二

二调 词一百二十二首

卷四十三

四十调 词八十三首

卷四十四

三调 词九十首

卷四十五

二十六调 词九十首

卷四十六

一调 词一百一首

卷四十七

二十七调 词九十六首

卷四十八

二十七调 词九十一首



卷四十九

十四调 词九十一首

卷五十

三十调 词七十首

卷五十一

一调 词七十四首

卷五十二

三十一调 词七十四首

卷五十三

四十八调 词七十五首

卷五十四

三十九调 词七十三首

卷五十五

一调 词七十五首

卷五十六

一调 词七十六首

卷五十七

二十七调 词八十三首

卷五十八

二调 词七十九首

卷五十九

二十调 词七十四首

卷六十

一调 词八十二首

卷六十一

五调 词七十八首

卷六十二

二十六调 词七十四首

卷六十三

十调 词六十四首

卷六十四

三十二调 词六十九首

卷六十五

三十三调 词六十八首

卷六十六

三十七调 词六十八首

卷六十七

一调 词六十四首

卷六十八

一调 词六十七首

卷六十九

一调 词六十六首

卷七十

五调 词六十五首

卷七十一

三十八调 词六十四首

卷七十二

六调 词六十九首

卷七十三

三十二调 词六十四首

卷七十四

一调 词六十二首

卷七十五

七调 词六十四首

卷七十六

十四调 词五十九首

卷七十七

一调 词六十二首

卷七十八

十九调 词五十八首

卷七十九

七调 词五十五首

卷八十

七调 词五十六首

卷八十一

三十九调 词六十首

卷八十二

十三调 词五十六首

卷八十三

二十九调 词六十三首

卷八十四

二十九调 词五十四首

卷八十五

二十二调 词五十九首

卷八十六

十九调 词四十四首

卷八十七

十八调 词四十三首

卷八十八

十八调 词四十八首

卷八十九

一调 词四十七首

卷九十

一调 词四十五首

卷九十一

十调 词四十六首

卷九十二

三调 词四十四首

卷九十三

四调 词四十九首

卷九十四

一调 词五十三首

卷九十五

一调 词五十七首

卷九十六

四调 词四十八首

卷九十七

二十一调 词四十五首

卷九十八

十一调 词三十三首

## 卷九十九

十六调 词三十九首

## 卷一百

二十一调 词二十九首

自十六字至二百四十字共一千五百四十调词九千零九首

## 卷一百一

词人姓氏 唐五代十国

## 卷一百二

词人姓氏 宋

## 卷一百三

词人姓氏 宋

## 卷一百四

词人姓氏 南宋

## 卷一百五

词人姓氏 南宋

## 卷一百六

词人姓氏 南宋

## 卷一百七

词人姓氏 南宋

## 卷一百八

词人姓氏 金

卷一百九

词人姓氏 元

卷一百十

词人姓氏 明

卷一百十一

词话 唐

卷一百十二

词话 唐

卷一百十三

词话 五代十国

卷一百十四

词话 宋

卷一百十五

词话 宋

卷一百十六

词话 宋

卷一百十七

词话 南宋

卷一百十八

词话 南宋

卷一百十九

词话 金元

卷一百二十

词话 明

自唐迄明共词人九百五十七人词话七百六十三则

【臣】等谨案历代诗余康熙四十六年

御定侍读学士臣沈辰垣等编纂所收一千五百四十调九千余首为一百卷自唐及明词人姓氏十卷词话十卷都一百二十卷诗降而词实始於唐若菩萨蛮忆秦娥忆江南长相思之属本是唐人之诗而句有长短遂为词家权舆故谓之诗余为其上承於诗下沿为曲而体裁近雅士人多习为之北宋已极其工南宋尤臻其盛金元逮明作者代有或成专集而藏书家多未见收陈振孙书录解题马端临经籍考论采亦略至向来选本若家宴集谪仙集兰畹集复雅歌辞类分乐章羣公诗余後编及草窗周氏选皆佚不传惟顾从敬所编草堂诗余盛行数百年而持择未当识者病之是选广搜严辨务极精博实为词选之大成且自来选家多沿草堂之陋强分小令中调长调之目至谓五十八字以内为小令五十九字至九十字为中调九十一字以外为长调不知宋人编词长者曰慢短者曰令初无所谓中调长调也是选前後悉以字数多少为次不复别生区别尤足尽祛沿袭之说云乾隆四十六年二月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀



# 卷一

钦定四库全书

御选历代诗余卷一目録【起十四字至二十八字】

竹枝

皇甫松

前调【又一体】

皇甫松

十六字令

张孝祥【二首】

袁去华【二首】

周玉晨

闲中好

郑符

前调【又一体】

段成式

张希复

渔父词

戴复古【二首】

梧桐影

吕岩

纥那曲

刘禹锡

罗唢曲

刘采春【三首】

一片子

无名氏

菩萨蛮

李宴

王庭筠【二首】

孟宗献

清平乐

施岳

采桑子

徐氏

南歌子

温庭筠【四首】

荷叶杯

温庭筠【三首】

甘露歌

王安石【三首】

凭阑人

邵亨贞

踏阳春

无名氏

舞马词

张说【三首】

三台令

王建【三首】

韦应物

沈括【二首】

胡俨【三首】

夏言

冯鼎位

塞姑

无名氏

回波乐

李景伯

沈佺期

凭阑人【又一体】

倪瓒

花非花

白居易

摘得新

皇甫松【二首】

南歌子【又一体】

欧阳炯

张泌【三首】

双鴈儿

杨无咎

荷叶杯【又一体】

顾夔【二首】

望江南

白居易【三首】

刘禹锡

温庭筠

黄损

皇甫松【二首】

南唐李煜【四首】

牛峤

伊用昌

金德淑

瞿佑【四首】

商辂

杨慎【二首】

顾同应

王世贞【二首】

魏浣初

钱继章

施绍华

陈子龙

渔歌子

张鹤龄

张志和【五首】

南唐李煜【二首】

和凝

欧阳炯

李珣【二首】

宋高宗【二首】

徐积

张炎

完顏璫【二首】

吴鎮

管道昇【二首】

刘基【五首】

吴充

乐游曲

陈金凤【二首】

春晓曲

朱敦儒

前调【又一体】

张元祥

解红

和凝

步虚词

李德裕

桂殿秋

李白

向子諲

南乡子

欧阳炯【二首】

冯鼎位

潇湘神

刘禹锡

赤枣子

欧阳炯

章台柳

韩翃

杨柳枝

柳氏

法曲献仙音

萨都拉【二首】

捣练子

南唐李煜【二首】

王之望【三首】

刘基

吴子孝

葛一龙

钱继振

叶小鸾

前调【又一体】

商景兰

王微

清平调引

李白

竹枝【又一体】

孙光宪【二首】

柳枝

温庭筠【二首】

阿娜曲

杨太真

欸乃曲

柳宗元

前调【又一体】

元结【三首】

小秦王

无名氏

杨慎

阳关曲

王维



苏轼

遣队

毛滂

八拍蛮

孙光宪

前调【又一体】

阎选

采莲子

皇甫松【二首】

浪淘沙

刘禹锡

天净沙

无名氏

孟昶【十三首】

前调【又一体】

乔吉

无名氏【二首】

字字双

王丽真

陈翼飞

御选历代诗余卷一目録

钦定四库全书

御选历代诗余卷一【起十四字二十八字】

司经局洗马掌局事兼翰林院修撰加二级【臣】王奕清奉

旨校刊

竹枝

【一名巴渝词唐人所作皆言蜀中风景如白居易刘禹锡作皆七言絶句此以二句十四字成调中注竹枝女儿字乃歌时羣和之声犹采莲曲之举棹年少也後人填词不拘蜀地但写风景为多耳】

竹枝 皇甫松

芙蓉并蒂【竹枝】一心连【女儿】花侵橘子【竹枝】眼应穿【女儿】

前调【又一体】 皇甫松

山头桃花【竹枝】谷底杏【女儿】两花窈窕【竹枝】遥相映【女儿】十六字令

【一名归梧謡一字起句作三字起强分调名者非是有以五字为起句者益谬】

十六字令 张孝祥

归猎猎薰风卷绣旗拦教住重举送行杯

前调 张孝祥

归数得宣麻拜相时秋前後公袞更莱衣

前调 袁去华

归目断吾庐小翠微斜阳外白鸟傍山飞

前调 袁去华

归随分山家有蕨薇陶元亮千载是吾师

前调 周玉晨

眠月影穿牕白玉钱无人弄移过枕函边

闲中好

【以首三字为调始於郑符诸人後多效之单调十八字】

闲中好【题永壽寺】 郑 符

闲中好尽日松为侣此趣人不知轻风度僧语

前调【又一体】 段成式

闲中好尘务不萦心坐对当牕木看移三面阴

前调 张希复

闲中好幽磬度声迟卷上论题肇画中僧姓支

渔父词

【单调十八字仅见戴复古作】

渔父词 戴复古

渔父饮不须钱柳枝斜贯锦鳞鲜换酒却归船

前调 戴复古

渔父醉钓竿闲柳下呼儿牢系船高眠风月天

梧桐影

【一名落日斜皆以词中字句为调名也单调二十字】

梧桐影【景德寺僧房】 吕 岩

落日斜秋风冷今夜故人来不来教人立尽梧桐影纻那曲

【纻那本唐乐府名北客歌之若竹枝之歌於巴渝即五言絶句也】

纻那曲 刘禹锡

杨柳郁青青竹枝无限情同郎一回顾听唱纻那声罗唢曲

【作於唐妓刘采春一名望夫歌亦即五言絶句元稹赠刘诗云更有恼人肠断处选词能唱望夫歌即指罗唢曲也】

罗唢曲 【唐妓】 刘采春

莫作商人妇金钗当卜钱朝朝江口望错认几人船

前调 刘采春

不喜秦淮水生憎江上船载儿夫壻去经岁又经年

前调 刘采春

那年离别日只道往桐庐桐庐人不见今得广州书一片子

【亦是五言絶句别立调名也】

一片子 无名氏

柳色青山映梨花雪鸟藏緑牕桃李下闲坐叹春芳菩萨蛮

【本调乃蔓调四十四字此一体见中州乐府单调二十二字】

菩萨蛮 李 宴

断肠人去春将半归客倦花飞小牕寒梦晓谁与画双眉

前调 王庭筠

断肠人恨余香换尘暗琐牕春小花檐月晓屏掩半山青

前调 王庭筠

客愁枫叶秋江隔行远望高城故人新恨苦斜日晓啼莺

前调 孟宗献

睡惊秋近鸣虫砌苍鬓掺匀霜影孤灯翳冷长叹浩歌狂

清平乐

【此亦清平乐四十六字之半调也见周密绝妙词选】

清平乐 施岳

水遥花暝隔岸炊烟冷十里垂杨摇嫩影宿酒和愁都醒

采桑子

【本调乃四十四字此本蜀花蕊北行题壁未竟之作唐词选中载之二十二字】

采桑子 【蜀宫人】 徐氏

初离蜀道心将碎离恨恹恹春日如年马上时时闻杜鹃

南歌子

【一名春宵曲一名水晶帘隋唐以来曲多以子名张衡南都赋云坐南歌兮起郑舞歌或作柯取淳于棼事单调二十三字】

南歌子 温庭筠

手里金鹦鹉胸前绣凤凰偷眼暗形相不如从嫁与作鸳鸯

前调 温庭筠

扑蕊添黄子呵花满翠鬟鸳枕映屏山月明三五夜对芳颜

前调 温庭筠

懒拂鸳鸯枕休缝翡翠裙罗帐罢炉熏近来心更切为思君

前调 温庭筠

似带如丝柳团酥握雪花帘卷玉钩斜九衢尘欲暮逐香车

荷叶杯

【单调二十三字】

荷叶杯 温庭筠

一点露珠凝冷波影满池塘绿茎红艳两相乱肠断水风凉

前调 温庭筠

楚女欲归南浦朝雨湿愁红小船摇曳入花里波起隔西风

前调 温庭筠

镜水夜来秋月如雪采莲时小娘红粉对寒浪惆怅正思惟

甘露歌

【一名古祝英台单调二十四字】

甘露歌【集句咏梅三首】 王安石

折得一枝香在手人间应未有疑是经春雪未消今日是何朝

前调 王安石

尽日含毫难比兴都无色可并万里晴天何处来真是屑琼瑰

前调 王安石

天寒日暮山谷里的皜愁成水地上渐多枝上稀惟有故人知

凭阑人

【单调二十四字】

凭阑人 邵亨贞

谁写江南一段秋妆点钱塘苏小楼楼中多少愁楚山无尽头

踏阳春

【单调二十四字】

踏阳春 无名氏

踏阳春人间二月雨和尘阳春踏尽秋风起肠断人间鹤发人

舞马词

【平仄不拘叶首句可不用韵此与回波三台等皆唐六言绝句用以按叠入歌如七言之清平调小秦王等虽字数相同而体制自别】

舞马词 张说

万玉朝宗凤展千金率领龙媒昞鼓凝骄蹀躞听歌弄影徘徊

前调 张说

彩旄八佾成行时龙五色因方屈膝衔杯赴节倾心献寿无疆

前调 张说

圣君出震应籀神马浮河献图足踏天庭鼓舞心将帝乐踟蹰

三台令

【一名翠华引一名宫中三台一名江南三台一名开元乐平仄不拘叶就所赋之事分别宫中江南等名单调二十四字】

三台令 王建

鱼藻池边射鸭芙蓉苑里看花日色赭?相似不着红鸾扇遮

前调 王建

池北池南草綠殿前殿後花红天子千秋万岁未央明月清风

前调 王建

青草湖边草色飞猿岭上猿声万里三湘客到有风有雨人行

前调 韦应物

冰泮寒塘水綠雨余百草皆生朝来衡门无事晚下高斋有情

前调 沈括

鵙鵙楼头日暖蓬莱殿里花香草綠烟迷步辇天高日近龙牀

前调 沈括

殿後春旗簇仗楼前御队穿花一片红云闹处外人遥认官家

前调 胡俨

一阵霜风乍起半牕月影初斜宝鸭烧残香篆银釭落尽灯花

前调 胡俨

坐稳锦?重叠醉来乌帽敲斜谁遣青娥鬪月自怜银海生花

前调 胡俨

楼上角声呜咽天边斗柄横斜酒醒风惊帘幙漏残月在梅花

前调【西湖感旧】 夏言

犹是西泠桥畔难寻春柳春花只有婆娑老树夕阳依旧栖鸦

前调 冯鼎位

山北山南多雨牕前牕後微寒莺嫩新来唤柳错将好梦惊残



塞姑

【系仄韵六言絶句为边塞闺人之辞盖亦唐人乐府也】

塞姑 无名氏

昨日卢龙塞口整见诸人鎮守都护三年不归折尽江边杨柳

回波乐

【单调二十四字】

回波乐 李景伯

回波尔时酒卮微臣职在箴规侍宴既过三爵諠譁窃恐非仪

前调 沈佺期

回波尔时佺期流向岭外生归身名已蒙齿録?笏未复牙绯

凭阑人

【又一体单调二十五字】

凭阑人【赠吴园良】 倪瓚

客有吴郎吹洞箫明月沉江春雾晓湘灵不可招水云中环佩摇

花非花

【本长庆案长短句诗也後人列之於词即以起句为调名单调二十六字】

花非花 白居易

花非花雾非雾夜半来天明去来如春梦不多时去似朝云无觅处

摘得新

【本皇甫松作以起句为调名单调二十六字】

摘得新 皇甫松

摘得新枝枝叶叶春管弦兼美酒最关人平生那得几十度展香茵

前调 皇甫松

酌一卮须教玉笛吹锦筵红蜡烛莫来迟繁红一夜经风雨是空枝

南歌子

【又一体单调二十六字】

南歌子 欧阳炯

锦帐银灯影纱窗玉漏声迢迢永夜梦难成愁对小庭秋色月空明

前调 张泌

柳色遮楼暗桐花落砌香画堂开处远风凉高卷水晶帘额衬斜阳

前调 张泌

岸柳拖烟绿庭花照日红数声蜀魄入帘栊惊断碧窗残梦画屏空

前调 张泌

锦荐红鸂鶒罗衣绣凤凰绮疏飘雪北风狂帘幕昼垂无事郁金香

双鴈儿

【单调二十六字】

双鴈儿【除夕】 杨元咎

劝君今夕不须眠且满满泛觥船大家沉醉对芳筵愿新年胜旧年

荷叶杯

【又一体单调二十六字】

荷叶杯 顾 夙

春尽小庭花落寂寞凭槛敛双眉忍教成病忆佳期知麼知知麼知

前调 顾 夙

夜久歌声怨咽残月菊冷露微微看看湿透缕金衣归麼归归麼归

望江南

【此调本李德裕为亡妓谢秋娘作原名谢秋娘温庭筠作为望江南又名梦江口白居易思吴宫钱塘之胜作江南忆刘禹锡作春去也李煜作望江梅冯延巳作忆江南後又名日归塞北梦游仙皆一调而异名也海山记载隋开西苑凿湖泛舟作望江南词皆双调按白居易及晚唐词皆单调二十七字至宋方加後叠则知隋词乃贗作矣】

望江南 白居易

江南好风景旧曾谙日出江花红胜火春来江水绿如蓝能不忆江南

前调 白居易

江南忆最忆是杭州山寺月中寻桂子郡亭枕上看潮头何日更重游

前调 白居易

江南忆其次忆吴宫吴酒一杯春竹叶吴娃双舞醉芙蓉早晚复相逢

前调 刘禹锡

春去也多谢洛城人弱柳从风疑举袂丛兰浥露似沾巾独坐亦含颦

前调 温庭筠

梳洗罢独倚望江楼过尽千帆皆不是斜晖脉脉水悠悠肠断白苹洲

前调 黄 损

平生愿愿作乐中筝得近佳人纤手子研罗裙上放娇声便死也为荣

前调 皇甫松

兰烬落屏上暗红蕉闲梦江南梅熟日夜船吹笛雨潇潇人语驿边桥

前调 皇甫松

楼上寝残月下帘旌梦见秣陵惆怅事桃花柳絮满江城双髻坐吹笙

前调 南唐李煜

多少恨昨夜梦魂中还似旧时游上苑车如流水马如龙花月正春风

前调 南唐李煜

多少泪断脸复横颐心事莫将和泪说凤笙休向泪时吹肠断更无疑

前调 南唐李煜

闲梦远南国正芳春船上管弦江面绿满城飞絮辊轻尘忙杀看花人

前调 南唐李煜

闲梦远南国正新秋千里江山寒色暮芦花深处泊孤舟笛在月明楼

前调 牛峤

衔泥燕飞到画堂前占得杏梁安稳处体轻唯有主人怜堪美好因缘

前调 伊用昌

江南鼓梭肚两头栾钉着不知侵骨髓打来只是没心肝空腹被人谩

前调 【元媛】 金德淑

春睡起积雪满燕山万里长城横素练六街灯火已阑珊人在玉楼间

前调 瞿佑

西湖景春日最宜晴花底管弦公子宴水边罗绮丽人行十里按歌声

前调 瞿佑

西湖景夏日正堪游金勒马嘶垂柳岸红妆人泛采莲舟惊起水中鸥

前调 瞿佑

西湖景秋日更宜观桂子冈峦金粟富芙蓉洲渚彩云闲爽气满前山

前调 瞿佑

西湖景冬日转清奇赏雪楼台评酒价观梅园圃定春期共醉太平时

前调 商辂

微雨过何处不催耕百舌无言桃李尽柘枝深处鹁鸪鸣春色属芜菁

前调【雪】 杨慎

晴雪好万瓦玉鳞浮照夜不随青女去羞明应为素娥留只欠剡溪舟

前调【月】 杨慎

明月好流影浸亭台金界三千随望远雕阑十二逐人来只是欠传杯

前调 顾同应

人别後飘泊在江城金屈膝开闲不锁玉搔头坠腻无声一晌没心情

前调 王世贞

歌起处斜日半江红柔绿篙添梅子雨淡黄衫耐藕丝风家在五湖东

前调【都下思家】 王世贞

回首处薄业太湖干半艇春洲芦笋绿一楼风雨杏花寒此景放谁看

前调 魏浣初

江南忆美味忆江鲜刀鲚霜鳞姜水斲河豚雪乳福山船齐到试灯前

前调 钱继章

江南忆四月住山家坠粉乱堆新笋箨煨泥细壅建兰芽松下焙新茶

前调 施绍萃

人何处人在碧云楼雨鴈带愁横浦树风花惊梦扑帘钩应是倦梳头

前调 陈子龙

思往事花月正朦胧玉燕风斜云鬓上金猊香烬画屏中半醉倚轻红

渔歌子

【一名渔父和凝诸人作平仄互异自宋以後皆依西塞一体止二十七字黄庭坚增作鷓鴣天苏轼增作浣溪沙皆别是一格也】

渔歌子 张鹤龄

乐在风波钓是闲草堂松桂已堪攀太湖水洞庭山狂风浪起且须还

前调 张志和

西塞山前白鹭飞桃花流水鳜鱼肥青箬笠绿蓑衣斜风细雨不须归

前调 张志和

青草湖中月正圆巴陵渔父棹歌连钓车子橛头船乐在风波不用仙

前调 张志和

松江蟹舍主人欢菰饭蓴羹亦共餐枫叶落荻花乾醉宿渔舟不觉寒

前调 张志和

霅溪湾里钓鱼翁舴艋为家西复东江上雪浦边风笑着荷衣不叹穷

前调 张志和

钓台渔父褐为裘两两三三舴艋舟能纵棹惯乘流长江白浪不须忧

前调 南唐李煜

浪花有意千里雪桃花无言一队春一壶酒一竿身快活如侬有几人

前调 南唐李煜

一櫂春风一叶舟一纶茧缕一轻钩花满渚酒满瓯万顷波中得自由

前调 和 凝

白芷汀寒立鹭鸶苹风轻翦浪花时烟霏霁日迟迟香引芙蓉惹钓丝

前调 欧阳炯

风浩寒溪照胆明小君山上玉蟾生荷露坠翠烟轻拨刺游鱼几个惊

前调 李珣

水接衡门十里余信船归去卧看书轻爵禄慕玄虚莫道渔人只为鱼

前调 李珣

避世垂纶不记年官高争得似君闲倾白酒对青山笑指柴门待月还

前调 宋高宗

青草开时已过船锦鳞跃处浪痕圆竹叶酒柳花蘊有意沙鸥伴我眠

前调 宋高宗

水涵微雨湛虚明小笠轻蓑未要晴明镜里縠纹生白鹭飞来空外声

前调 徐积

水曲山隈四五家夕阳烟水隔芦花渔唱歇醉眠斜纶竿蓑笠是生涯

前调 张炎

丁卯湾头屋数间放船收尽一溪山聊适兴且怡颜问天难买是真闲

前调 完顏璫

杨柳风前白板扉荷花雨里綠蓑衣红稻美锦鳞肥渔笛闲拈月下吹

前调 完顏璫

钓得鱼来卧看书船头稳置酒葫芦烟际柳雨中蒲乞与人间作画图

前调【题画】 吴 鎮

红叶邨西日影余黄鹂滩畔月痕初轻拨棹且归与挂起长竿不钓鱼

前调【元媛】管道昇

遥想山堂数树梅凌寒玉蕊发南枝山月照晓风吹只为清香苦欲归

前调 管道昇

人生贵极是王侯浮利浮名不自由争得似一扁舟弄月吟风归去休

前调 刘 基

二月桃花紫锦香一声啼鵲百蜂忙歌欵乃濯沧浪有酒无辞醉不妨

前调 刘 基

烟雨楼前溪水生少微山下杂花明杨柳岸小舟横綠杨如幄听啼莺

前调 刘 基

采石矶头煮酒香长干桥畔柳阴凉歌欵乃濯沧浪来往烟波送夕阳

前调 刘 基

钓得鰕鱼不卖钱瓷甌引满看青天芳树下夕阳边睡觉芦花雪满船

前调 刘 基



白鹭洲边好月明赏心亭下暮潮平红米饭紫蓴羹自是无愁过一生

前调 吴 充

千顷蒹葭一钓翁家居南浦小桥东桃花水鲤鱼风短笛横吹细雨中

乐游曲

【调与渔歌子相近按腔则有别耳单调二十七字】

乐游曲 【闽宫人】 陈金凤

龙舟摇曳东复东采莲湖上红复红波澹澹水溶溶奴隔荷花路不通

前调 陈金凤

西湖南湖鬪彩舟青蒲紫蓼满中洲波渺渺水悠悠长奉君王万岁游

春晓曲

【一名西楼月单调二十七字】

春晓曲 朱敦儒

西楼月落鸡声急依约疎桐淅沥玉人酒渴嚼春冰晓色入帘横宝瑟

前调 【又一体】 张元祥

瑶轩绮槛春风度柳垂烟花带雾半闲鸳被怯余寒燕子时来窥绣户

解红

【解红和凝歌童也凝为制此曲宋队舞第九曰儿童解红队本此单调二十七字】

解红 和 凝

百戏罢五音清解红一曲新教成两个瑶池小仙子此时夺却柘枝名

步虚词

【唐词载李德裕步虚词即双调捣练子捣练子本无双调今断以二十七字为正且与捣练子後三句平仄原不同与桂殿秋长短句同惟第三句平仄异】

步虚词 李德裕

仙女下董双成汉殿夜凉吹玉笙曲终却从仙官去万户千门惟月明

桂殿秋

【有谓末二句不对即是赤枣子者非也】

桂殿秋 李 白

河汉女玉链顔云輶往往在人间九霄有路去无迹嫋嫋香风生佩环

前调 向子諲

秋色里月明中红旗翠节下蓬宫蟠桃已结瑶池露桂子初开玉殿风

南乡子

【单调二十七字用平仄韵宋人始有双调五十六字全用平韵後人有指单调为减字者非】

南乡子 欧阳炯

画舸停桡槿花篱外竹横桥水上游人沙上女回顾笑指芭蕉林里住

前调 欧阳炯

岸远沙平日斜归路晚霞明孔雀自怜金翠尾临水认得行人惊不起

前调【花朝】 冯鼎位

晓雾如烟轻寒细雨嫩晴天红杏枝头莺对语飞去昨夜玉人春梦处

潇湘神

【一名潇湘曲首三字用叠句仿九歌为迎神送神调也单调二十七字】

潇湘神 刘禹锡

斑竹枝斑竹枝泪痕点点寄相思楚客欲听瑶瑟怨潇湘深夜月明时

赤枣子

【起二句与捣练子桂殿秋相同下三句平仄则三调各别也单调二十七字】

赤枣子 欧阳炯

夜悄悄烛荧荧金炉香尽酒初醒春睡起来回雪面含羞不语倚云屏

章台柳

【即潇湘神仄韵本唐韩翃寄柳姬词後人即名此词为章台柳以姬家章台街也姬答词起句为杨柳枝三字故有名为杨柳枝第一体又名为折杨柳者其实与此调同二十七字与柳枝二十八字者不同也】

章台柳 韩翃

章台柳章台柳往日依依今在否纵使长条似旧垂也应攀折他人手

杨柳枝

【柳姬答韩翃词与章台柳调同起结句平仄少异】

杨柳枝 【唐妓】柳氏

杨柳枝芳菲节可恨年年赠离别一叶随风忽报秋纵使君来岂堪折

法曲献仙音

【单调二十七字】

法曲献仙音 【寿于司农】 萨都拉

鬓未银东风早挂冠侑词图乡称人瑞度蓬瀛仙祝灵丹遶膝舞斓斑

前调 萨都拉

天?舌尚书老白衣向璇穹尝扶日出卷珠箔闲看云飞成全今古稀

### 捣练子

【一名深院月又名深夜月李煜秋闺词有断续寒砧断续风之句遂以捣练名其调格似桂殿秋然第四五句平仄原不同也】

#### 捣练子 南唐李煜

深院静小庭空断续寒砧断续风无奈夜长人不寐数声和月到帘栊

#### 前调 南唐李煜

云鬓乱晚妆残带恨眉儿远岫攢斜托香腮春笋嫩为谁和泪倚阑干

#### 前调 王之望

捣练子赋梅枝暖借东风次第吹自是百花留不住让教先发放春归

#### 前调 王之望

捣练子赋梅英枝上商量细细生不是根株贪结子被吹羌笛两三声

#### 前调 王之望

捣练子赋梅妆镜里佳人传粉忙额子画成终未是更须插向鬓云傍

#### 前调 刘基

烟漠漠日阴阴山色苍茫草色深客里不知春又半倚阑无语听鸣禽

#### 前调 吴子孝

春欲去雨初晴堤上毵毵柳色明弄水泛舟山影丽游人到处管弦声

#### 前调【春别】 葛一龙

才欲去且逡巡耐雨禁风一日春桥上飞花桥下水断肠人是过桥人

前调 钱继振

春睡足落花平草架荼蘼送晚晴梅子弄黄茶翦翠柳梢犹嫩一声莺

前调 【明媛】叶小鸾

春寂寂月溶溶落尽红香剩绿浓明月清风同翠幙夜深人静小窗中

前调 【又一明媛体】商景兰

长相思久离别为谁憔悴凭谁说卷帘贪看月明多斜风恰打银缸灭

前调 【明妓】王微

心缕缕愁蹙蹙红颜不逐春归去梦中犹带惜花心醒来又听催花雨

清平调引

【或无引字与清平乐无涉楚曲有清调平调有清平相和曲自唐李白始作清平调三章其体即七言绝句也】

清平调引 李白

云想衣裳花想容春风拂槛露华浓若非群玉山头见会向瑶台月下逢

竹枝

【又一体叠十四字二句作二十八字四句唐乐府有蜀竹枝江南竹枝渔家竹枝但言竹枝者蜀词居多填词特以类分耳】

竹枝 孙光宪

门前春水【竹枝】白苹花【女儿】岸上无人【竹枝】小艇斜【女儿】商女经过【竹枝】江欲暮【女儿】散抛残食【竹枝】饲神鸦【女儿】

前调 孙光宪

乱绳千尺【竹枝】绊人深【女儿】越罗万丈【竹枝】表长寻【女儿】杨柳在身【竹枝】垂意绪【女儿】藕花落尽【竹枝】见莲心【女儿】

柳枝

【一名杨柳枝亦名折杨柳皆乐府名即七言絕句也】

柳枝 温庭筠

馆娃宫外邺城西远映征帆近拂堤系得王孙归意切不关芳草綠萋萋

前调 温庭筠

两两黄鹂色似金袅枝啼露动芳音春来幸自长如线可惜牵纏荡子心

阿娜曲

【一名鸡叫子一名春晓曲即仄韵七言絕句】

阿娜曲【夏夜 唐妃】 杨太真

罗?动香香不已红蕖袅袅秋烟里轻云岭上乍摇风嫩柳池边初拂水

欵乃曲

【亦七言絕句平仄韵不拘或作欵或作款皆非欵乃读作袄靄刘蛻湖中歌作靄乃刘言史潇湘诗作暖乃皆欵乃之借字实棹船戛轧之声故棹歌多用之也】

欵乃曲 柳宗元

渔翁夜傍西岩宿晓汲清湘燃楚竹烟消日出不见人欵乃一声山水綠

前调【又一体】 元 结

湘江二月春水平满月和风宜夜行唱桡欲过平阳戍守吏相呼问姓名

前调 元 结

千里枫林烟雨深无朝无暮有猿吟倚桡静听曲中意好似云山韶濩音

前调 元 结

下泷船似入深渊上泷船似欲升天泷南始到九疑郡应絶高人乘兴船

小秦王

【亦七言絶句平仄不拘又名丘家争唐人絶句作乐府歌曲皆七言而异其名也】

小秦王 无名氏

柳条金嫩不胜鸦青粉墙头道韞家燕子不来春寂寂小牕和雨梦梨花

前调 杨 慎

红穗金花落绦台画楼银烛晓光催钗梁小燕双双颤春自玉人头上来

阳关曲

【即王维送元二使安西七言绝句後用为送行之歌观刘禹锡之更与殷勤唱渭城白居易之听唱阳关第四声唐人多已用之阳关三叠按歌法也苏轼田艺衡论各不同盖後人传唱互异耳】

阳关曲 王 维

渭城朝雨浥轻尘客舍青青柳色新劝君更尽一杯酒西出阳关无故人

前调【答李公择】 苏 轼

济南春好雪初晴行到龙山马足轻使君莫忘雪溪女时作阳关肠断声

遣队

【亦七言绝句宋人歌舞欲散时必作此一阙盖遣犹散也队舞队也後人曲终犹用之】

遣队 毛 滂

歌长渐落杏梁尘舞罢香风拂绣茵更拟缘云弄清切尊前恐是断肠人

八拍蛮

【亦七言绝句首句用韵】

八拍蛮 孙光宪

孔雀尾拖金线长怕人飞起入丁香越女沙头争拾翠相呼归去背斜阳

前调【又一体】 阎选

云锁嫩黄烟柳细风吹红蒂雪梅残光景不胜闺阁恨行行坐坐黛眉攒

采莲子

【此亦七言絶句其举棹年少字乃歌时相和之声竹枝词则句中用竹枝二字句尾用女儿二字此则一句一换然观枝儿棹少皆以两字为叶则知为和歌之音矣】

采莲子 皇甫松

菖香连十顷陂【举棹】小姑贪戏采莲迟【年少】晚来弄水船头湿【举棹】更脱红裙裹鸭儿【年少】

前调 皇甫松

船动湖光灩灩秋【举棹】贪看年少信船流【年少】无端隔水抛莲子【举棹】遥被人知半日羞【年少】

浪淘沙

【亦七言絶句唐乐府有浪淘沙一名卖花声一名过龙门唐人多咏调名本意】

浪淘沙 刘禹锡

洛水桥边春日斜碧流轻浅见琼沙无端陌上狂风急惊起鸳鸯出浪花

天净沙

【长短句平仄互叶一名塞上秋以词中有塞上清秋早寒之句也】

天净沙 无名氏

枯藤老树昏鸦小桥流水水平沙古道凄风瘦马夕阳西下断肠人在天涯



前调【?括李贺十二月乐词 正月】 孟 昉

上楼迎得春归暗黄着柳依依弄野轻寒似水锦牀鸳被梦回初日迟迟

前调【二月】 孟 昉

劳劳紫燕酣春逗烟薇帐生尘蛾髻佳人瘦损暖云如困不堪起舞湘裙

前调【三月】 孟 昉

夹城曲水飘香埽蛾云髻新妆落尽梨花欲赏不胜惆怅东风紫损柔肠

前调【四月】 孟 昉

依微香雨青氛金塘闲水生苹数点残芳堕粉緑莎轻衬月明空照黄昏

前调【五月】 孟 昉

铅华水汲青尊含风细縠虚门舞困腮融汗粉翠罗香润鸳鸯扇织回文

前调【六月】 孟 昉

疎疎拂柳生裁炎炎红镜初开暑困天低寡色火轮飞盖晖晖日上蓬莱

前调【七月】 孟 昉

星依云渚溅溅露零玉液娟娟宝砌衰兰翦翦碧天如练光摇北斗阑干

前调【八月】 孟 昉

吴姬鬓拥双鸦玉人梦里归家风弄虚檐铁马天高露下月明丹桂生华

前调【九月】 孟 昉

鸡鸣晓色珑 鸦啼金井梧桐月坠茎寒露涌广寒霜重方池冷悴芙蓉

前调【十月】 孟 昉

玉壶银箭难倾釭花凝笑幽明霜翠虚庭月冷绣帟人静夜长鸳梦难成

前调【十一月】 孟昶

高城回冷严光白天碎堕璫芳高饮挝钟日赏流苏锦帐琐窗睡煞鸳鸯

前调【十二月】 孟昶

日光洒洒生红琼葩碎碎迷空寒夜漫漫漏永串销金凤兽炉香霭春融

前调【闰月】 孟昶

七十二候环催葭灰玉琯重飞莫道光阴似水羲和迂轡金鞭嬾着龙媒

前调【又一体】 乔吉

一从鞍马西东几番衾枕朦胧薄幸虽来梦中争如无

梦那时真个相逢

前调 无名氏

平沙细草斑斑曲溪流水潺潺塞上清秋早寒一声新鴈黄云红叶青山

前调 无名氏

西风塞上芦笳月明马上琵琶那抵昭君怨多李陵台下澹烟衰草黄沙

字字双

【一名宛转曲此七言四句俱用韵因句有叠字故名字字双】

字字双【唐媛】 王丽真

牀头锦衾斑复斑架上朱衣殷复殷空庭明月闲复闲夜长路远山复山

前调 陈翼飞

长城饮马嘶复嘶古木寒鸦栖复栖空牀独守啼复啼从军荡子西复西

御选历代诗余卷一

## 卷二

<集部,词曲类,词选之属,御选历代诗余

钦定四库全书

御选历代诗余卷二目錄【起二十八字至三十四字】

南乡子【又一体】

欧阳炯【五首】

甘州曲

蜀王衍

乾荷叶

刘秉忠

九张机

无名氏

落梅风

解缙

喜春来

张雨

法驾导引

陈与义

上清蔡真人

赤城仙子【二首】

秋风清

李白

江南春

寇准

蹋歌词

崔液【二首】

抛球乐

刘禹锡【二首】

皇甫松【二首】

徐铉

南乡子【又一体】

李珣【十首】

九张机【又一体】

无名氏

黄金缕

张红桥

忆王孙

李甲【四首】

陈克【三首】

吕渭老【三首】

张元干

姚寬

程垓

姜夔

陆游

张辑

张炎

汪元量【二首】

刘基

吴子孝

葛一龙

沈懋德

夏复

沈宜修

前调【又一体】

吕岩

一叶落

後唐庄宗

蕃女怨

温庭筠

後庭花

王恹

邵亨贞【二首】

遐方怨

温庭筠

转应曲

韦应物

王建

戴叔伦

冯延巳【二首】

苏轼

刘基【二首】

高启【二首】

杨慎【二首】

後庭花【又一体】

赵孟頫

诉衷情

韦庄【二首】

顾夔

前调【又一体】

温庭筠

甘州子

顾夔【二首】

如梦令

白居易

後唐庄宗

晏殊

苏轼【二首】

秦观【五首】

李之仪

贺铸

晁冲之【三首】

苏庠

周紫芝

谢逸【二首】

晁端礼

曹组

李祁【二首】

王之道

张元干

吕本中

辛弃疾

范成大【二首】

陈三聘【二首】

吕胜己

刘克庄

陆游

张辑

吴潜

方岳

赵汝茆

吴文英

蒋捷

陈允平【二首】

张炎【二首】

石孝友【三首】

李清照【二首】

孙道绚

陆氏姬



严蕊

刘景翔

王容溪

王逢

倪瓚

王行【二首】

刘基

杨基【二首】

顾璘

杨慎

王世贞

冯琦

王衡

陈子龙

武氏

王微

西溪子

牛峤

思帝乡

韦庄

天仙子

皇甫松【二首】

和凝

前调【又一体】

韦庄

归自谣

冯延巳

欧阳修

朱谏

风流子

孙光宪【二首】

御选历代诗余卷二目錄

钦定四库全书

御选历代诗余卷二【起二十八字至三十四字】

司经局洗马掌局事兼翰林院修撰加二级【臣】王奕清奉

旨校刊

南乡子

【又一体单调二十八字】

南乡子 欧阳炯

洞口谁家术兰船系木兰花红?女郎相引去游南浦笑倚春风相对语

前调 欧阳炯

路入南中桄榔叶暗蓼花红两岸人家微雨後收红豆树底纤纤擡素手

前调 欧阳炯

翡翠鵙鵙白苹香里小沙汀岛上陰陰秋雨色芦花扑数只渔船何处宿

前调 欧阳炯

嫩草如烟石榴花发海南天日暮江亭春影綠鸳鸯浴水远山长看不足

前调 欧阳炯

?敛蛟绡采香深洞笑相邀藤杖枝头芦酒滴铺葵席豆蔻花间趁晚日

甘州曲

【蜀王衍至成都山上清宫自制此曲沿唐乐府名单调二十八字】

甘州曲 蜀王衍

画罗裙能结束称腰身柳眉桃脸不胜春薄媚足精神可惜沦落在风尘

乾荷叶

【元刘秉忠自度曲以首句名调平仄互叶单调二十九字】

乾荷叶 刘秉忠

乾荷叶色苍苍老柄风摇荡减清香越添黄都因昨夜一番霜寂寞秋江上

九张机

【此调自一至九从长篇中摘出单调二十九字】

九张机 无名氏

轻丝象牀玉手出新奇千花万草光凝碧裁缝衣着春天歌舞飞蝶语黄鹂

落梅风

【单调二十九字平仄互叶】

落梅风【中秋望月应制】 解 缙

嫦娥面今夜圆下云帘不着羣僊见 今宵倚阑不去眠看谁过广寒宫殿

喜春来

【单调二十九字】

喜春来【除夜玉山舟中】 张 雨

江梅的的依茅舍石濑溅溅漱玉沙瓦瓯篷底送年华问暮鸦何处阿戎家

法驾导引

【此调似望江南但以叠用起句为别单调三十字】

法驾导引 陈与义

朝元路朝元路同驾玉华君千乘载花红一色人间遥指是祥云回望海光新

前调 上清蔡真人

阑干曲阑干曲红扬绣帘旌花嫩不禁纤手捻被风吹去意还惊眉恨蹙山青

前调 赤城仙子

东风起东风起海上百花摇十八风鬟云半动飞花和雨着轻绡归路碧迢迢

前调 赤城仙子

烟漠漠烟漠漠天澹一帘秋自洗玉舟斟白酒月华微映是空舟歌罢海西流

秋风清

【一名秋风辞调与江南春同但起句两平韵与江南春一仄句一平韵为少异耳单调三十

字】

秋风清 李白

秋风清秋月明落叶聚还散寒鸦栖复惊相思相见知何日此时此夜难为情

江南春

【寇准自度曲有江南春尽离肠断之句故以名调单调三十字】

江南春 寇 准

波渺渺柳依依孤村芳草远斜日杏花飞江南春尽离肠断苹满汀洲人未归

蹋歌词

【西京杂记载歌者蹋地为节此蹋歌之始也四句五言接七字句三字句单调三十字作五言六句者非】

蹋歌词 崔 液

彩女迎金屋仙姬出画堂鸳鸯裁锦?翡翠贴花黄歌响舞行分艳色动流光

前调 崔 液

庭际花微落楼前汉已横金壶催夜尽罗?舞寒轻调笑畅欢情未半看天明

抛球乐

【唐词多写本意宋队舞有抛球乐即用此为舞曲单调三十字首句亦有不用韵者】

抛球乐 刘禹锡

五色绣团圆登君玳瑁筵最宜红烛下偏称落花前上客如先起应须赠一船

前调 刘禹锡

春蚕见花枝朝朝恨发迟及看花落後却忆未开时幸有抛球乐一杯君莫辞

前调 皇甫松

红拨一声飘轻球坠越绡带翻金孔雀香满绣蜂腰少少抛分数花枝正索饶

前调 皇甫松

金蹙花球小真珠绣带垂几回冲蜡烛千度入香怀上客终须醉觥盂且乱排

前调 徐铉

歌舞送飞球金觥碧玉筹管弦桃李月帘幙凤凰楼一笑千场醉浮生任白头

南乡子

【又一体单调三十字】

南乡子 李珣

烟漠漠雨凄凄岸花零落鹧鸪啼远客扁舟临野渡思乡处潮退水平春色暮

前调 李珣

兰桡举水纹开竞携藤笼采莲来回塘深处遥相见邀同宴绿酒一卮红上面

前调 李珣

归路近扣舷歌采真珠处水风多曲岸小桥山月过烟深锁豆蔻花垂千万朵

前调 李珣

乘彩舫过莲塘棹歌惊起睡鸳鸯带香游女偎伴笑争窈窕竞折团荷遮晚照

前调 李珣

云带雨浪迎风钓翁回棹碧湾中春酒香熟鲈鱼美谁同醉缆却扁舟篷底睡

前调 李珣

渔市散渡船稀越南云树望中微行客待潮天欲暮送春浦愁听猩猩啼瘴雨

前调 李 珣

拢云髻背犀梳蕉红衫映绿罗裾越王台下春风暖花盈岸游赏每邀邻女伴

前调 李 珣

携笼去采菱归碧波风起雨霏霏趁岸小船齐棹急罗衣湿出向桃榔树下立

前调 李 珣

登画舸泛清波采莲时唱采莲歌兰棹声齐罗?敛池光颭惊起沙鸥八九点

前调 李 珣

双髻坠小眉弯笑随女伴下春山玉纤遥指花深处争回顾孔雀双双迎日舞

九张机

【又一体单调三十字】

九张机 无名氏

一张机采桑陌上试春衣风晴日暖慵无力桃花枝上啼莺言语不肯放人归

黄金缕

【单调三十字】

黄金缕 【明媛】 张红桥

记得红桥西畔路郎马来时系在垂杨树漠漠梨云和梦度锦屏翠幙留春住

忆王孙

【单调三十一字一名忆君王一名怨王孙一名豆叶黄一名画蛾眉一名阑干万里心一名一半儿】

忆王孙 李 甲

萋萋芳草忆王孙柳外楼高空断魂杜宇声声不忍闻欲黄昏雨打梨花深闭门

前调 李 甲

风蒲猎猎小池塘过雨荷花满院香沈李浮瓜冰雪凉竹方牀鍼线慵拈午梦长

前调 李 甲

飕飕风冷荻花秋明月斜侵独倚楼十二珠帘不上钩黯凝眸一点渔灯古渡头

前调 李 甲

同云风埽雪初晴天外孤鸿三两声独拥寒衾不忍听月胧明牕外梅花瘦影横

前调 陈 克

粉墙丹槛柳阴中帘箔轻明花影重午醉醒来一面风緑葱葱几颗樱桃叶底红

前调 陈 克

树头初日鹁鸪鸣野店山桥新雨晴短?无泥竹杖轻水泠泠梅片飞时春草青

前调 陈 克

秋千人散小庭空麝冷灯昏愁煞依独有闲阶两?风月胧胧一树梨花细雨中

前调 吕渭老

芰荷香外一声蝉风撼琅玕惊昼眠刻烛题诗花满牋小神仙对倚阑干月正圆

前调 吕渭老

晚妆新试碧衫凉金鸭犹残昨夜香柳际风来月满廊一双双人对鸳鸯浴小塘

前调 吕渭老

玉箫风外一声清粉面婵娟对月明紫府楼台夜不扃羽衣轻稳驾双鸾谒帝庭

前调 张元干



轻罗团扇掩微羞酒满玻璃花满头小板齐声唱石州月如鉤一寸横波入鬓流

前调 姚 寛

毵毵杨柳緑初低澹澹梨花未齐楼上情人听马嘶忆郎归细雨春风湿酒旗

前调 程 垓

潇潇梅雨断人行门掩残春緑荫生翠被寒灯枕自横梦初惊牕外啼?催五更

前调 姜 夔

冷红叶叶下塘秋长与行云共一舟零落江南不自由两绸缪料得吟鸾夜夜愁

前调 陆 游

春风楼上柳腰肢初试花前金缕衣嫋嫋娉娉不自持晓妆迟画得蛾眉胜旧时

前调 张 辑

小楼柳色未春深湘月牵情入苦吟翠?风前冷不禁怕登临几曲阑千万里心

前调【谢安碁墅】 张 炎

争碁赌墅意欣然心似游丝扬碧天只为当时一着先笑苻坚百万军声屐齿前

前调【集句】 汪元量

吴王此地有楼台风雨谁知长緑苔半醉闲吟独自来小徘徊惟见江流去不回

前调 汪元量

上阳宫里断肠时春半如秋意转迷独坐纱牕刺绣迟泪沾衣不见人归见鴈归

前调 刘 基

乱山凝黛色高低江雨霏霏江草齐闭户无人鸟自啼緑杨堤笑煞山翁醉似泥

前调 吴子孝

梨花乱落柳阴稠昼永人闲棹小舟柳外新波不断流雨初收芳草如烟日色浮

前调【草】 葛一龙

东风吹後满天涯系马高楼春日斜归梦离披隔柳花不如他一路青青直到家

前调【怀友】 沈懋德

梧桐疎雨对清尊檻外凉风送白苹又听孤鸿度塞云奈离羣人在燕山书在秦

前调 夏 复

珠帘斜卷翠鬟垂晓月重楼人未归细按红牙嬾画眉影徘徊一种东风几样吹

前调【明媛】 沈宜修

云屏寂寂锁残春锦瑟年华已半尘芳草留香燕语新绣苔茵金钿琼箫總殢人

前调【又一体】 吕 岩

二月江南山水路李花零落春无主一个鱼儿无觅处风和雨玉龙生甲归天去

一叶落

【淮南子一叶落而天下知秋调名本此单调三十一字】

一叶落 後唐庄宗

一叶落拏珠箔此时景物正萧索画楼月影寒西风吹罗幕吹罗幕往事思量着

蕃女怨

【单调三十一字平仄以温庭筠词为正谓首二句平仄可通者非】

蕃女怨 温庭筠

万枝香雪开已徧细雨双燕钿蝉筝金雀扇画梁相见鴈门消息不归来又飞回

後庭花

【亦有加破子二字取玉树後庭花字单调三十二字】

後庭花 王 恽

綠树远连洲青山压树头落日高城望烟霏翠满楼木兰舟  
彼汾一曲春风佳可游

前调 邵亨贞

铜壶更漏残红妆春梦阑江上花无语天涯人未还倚楼闲月明千里隔江何处山

前调 邵亨贞

刺船鸂鶒洲题诗黄鹤楼金谷铜驼梦湘云楚水愁少年游好怀依旧故人还在不

遐方怨

【唐教坊乐名用为词调单调三十二字】

遐方怨 温庭筠

花半拆雨初晴未卷珠帘梦残惆怅闻晓莺宿妆眉浅粉山横约鬟鸾镜里绣罗轻

转应曲

【一名调笑一名宫中调笑一名三台调笑六七句有倒叠字故名转应单调三十二字】

转应曲 韦应物

河汉河汉晓挂秋城漫漫愁人起坐相思塞北江南别离离别离河汉虽同路絕

前调 王 建

蝴蝶蝴蝶飞上金枝玉叶君前对舞春风百叶桃花树红红树红树燕语莺啼日暮

前调 戴叔伦

边草边草边草尽来兵老山北山南雪晴千里万里月明明月明月芦笳一声愁絕

前调 冯延巳

春色春色依旧青门紫陌日斜柳暗花嫣醉卧春风少年年少年少行乐直须及早

前调 冯延巳

明月明月照得离人愁絶更深影入空牀不道帏屏夜长长夜长夜梦到庭花阴下

前调 苏轼

渔父渔父江上微风细雨青蓑黄篲裳衣红酒白鱼暮归归暮归暮长笛一声何处

前调 刘基

沙燕沙燕别去几时重见汀洲芳草纤纤细雨微风卷帘帘卷帘卷人与碧桃俱晚

前调 刘基

白露白露点我庭前芳树树中有一个栖鸦啼到银蟾影斜斜影斜影照见罗帏梦冷

前调 高启

双燕双燕去岁今年相见往来东舍西家衔得泥中落花花落花落人在暮寒池阁

前调 高启

疎雨疎雨緑满蘼芜洲渚江南相忆故人远水遥山暮春春暮春暮风急画船难渡

前调 杨慎

银烛银烛锦帐罗帏影独离人无语消魂细雨斜风掩门门掩门掩数尽寒更漏点

前调 杨慎

促织促织声近银牀转急熏残百合衣香消尽兰膏夜长长夜长夜露冷芙蓉花谢

後庭花

【又一体单调三十三字】

後庭花 赵孟頫

清溪一叶舟芙蓉两岸秋采菱谁家女歌声起暮鸥乱云愁满头风雨戴荷叶归去休  
诉衷情

【一名一丝风单调三十三字】

诉衷情 韦庄

碧沼红芳烟雨静倚兰桡垂玉佩交带袅纤腰鸳梦隔星桥迢迢越罗香暗消坠花翘

前调 韦庄

烛烬香残帘半卷梦初惊花欲谢深夜月胧明何处按歌声轻轻舞衣尘暗生负春情

前调 顾夘

香灭帘垂春漏永整鸳衾罗带重双凤缕黄金窗外月光临沉沉断肠无处寻负春心

前调【又一体】 温庭筠

莺语花舞春昼午雨霏微金带枕宫锦凤凰帟柳弱燕交飞依依辽阳音信稀梦中归

甘州子

【单调三十三字】

甘州子 顾夘

露桃花里小楼深持玉盏听瑶琴醉归青琐入鸳衾月色照衣襟山枕上翠钿镇眉心

前调 顾夘

红炉深夜醉调笙敲拍处玉纤轻小屏古画岸低平烟月满闲庭山枕上灯背脸波横

如梦令

【本名忆仙姿因後唐庄宗作内有如梦二字遂以名调一名比梅一名宴桃源一名如意令  
单调三十三字】

如梦令 白居易

前度小花静院不比寻常时见见了又还休愁却等闲分散肠断肠断记取钗横鬓乱

前调 後唐庄宗

曾宴桃源深洞一曲清歌舞凤长记别伊时和泪出门相送如梦如梦残月落花烟重

前调 晏殊

楼外残阳红满春入柳条将半桃李不禁风回首落英无限肠断肠断人共楚天俱远

前调 苏轼

为向东坡传语人在画堂深处别後有谁来雪压小桥无路归去归去江上一犁春雨

前调 苏轼

手种堂前桃李无限緑阴青子帘外百舌儿惊起五更春睡居士居士莫忘小桥流水

前调 秦观

门外莺啼杨柳春色着人如酒睡起熨沉香玉腕不胜金斗消瘦消瘦还是褪花时候

前调 秦观

遥夜月明如水风紧驿亭深闭梦破鼠窥灯霜送晓寒侵被无寐无寐门外马嘶人起

前调 秦观

鷲觜啄花红溜燕尾点波緑皱指冷玉笙寒吹彻小梅春透依旧依旧人与緑杨俱瘦

前调 秦观

幽梦匆匆破後妆粉乱痕沾?遥想酒醒来无奈玉销花瘦回首回首遶岸夕阳疎柳

前调 秦观

池上春归何处满目落花飞絮孤館悄无人梦断月堤归路无绪无绪帘外五更风雨

前调 李之仪

回首芜城旧苑还是翠深红浅春色已无多斜日满帘飞燕不见不见门掩落花庭院

前调 贺铸

莲叶初生南浦两岸绿杨飞絮向晚鲤鱼风断送彩帆何处凝伫凝伫楼外一江烟雨

前调 晁冲之

墙外辘轳金井惊梦瞢腾初省深院闭斜阳燕入阴阴帘影人静人静花落鸟啼风定

前调 晁冲之

门在垂杨影里楼枕曲江春水一阵牡丹风香压满园花气沉醉沉醉不记绿牕先睡

前调 晁冲之

帘外新来双燕珠阁琼楼穿徧香径得泥归飞蹙池塘波面谁见谁见春晚昭阳宫殿

前调 苏庠

叠嶂晓埋烟雨忽作飞花无数整整复斜斜来伴南枝清苦日暮日暮何许云林烟树

前调 周紫芝

林外野塘烟腻衣上落梅香细瘦马步凌兢人在乱山丛里憔悴憔悴回望小楼千里

前调 谢逸

花落莺啼春暮陌上绿杨飞絮金鸭晚香寒人在洞房深处无语无语叶上数声疎雨

前调 谢逸

门外落花流水日暖杜?声碎番马小屏风一枕画堂春睡如醉如醉正是困人天气

前调 晁端礼

又是青春将暮望极桃源归路洞户悄无人空锁一庭红雨凝伫凝伫人面不知何处

前调 曹组

门外绿阴千顷两两黄鹂相应睡起不胜情行到碧梧金井人静人静风弄一枝花影

前调 李祁

春水湖塘深处竹暗沙洲无路闲伴落梅来却信东风归去且住且住细看两山烟雨

前调 李祁

不见玉人清晓长啸一声云杪碧水满兰塘竹外一枝风袅奇妙奇妙半夜山空月皎

前调 王之道

一晌凝情无语手捻梅花何处倚竹不胜愁暗想江头归路东去东去短艇澹烟疎雨

前调 张元干

潮退江南晚渡山暗水西烟雨天气十分凉断送一年残暑归去归去香雾曲屏深处

前调 吕本中

海鴈桥边春苦几见落花飞絮重到柳阴西嬾问画楼何处凝伫凝伫十顷荷花风雨

前调【赋梁燕】 辛弃疾

燕子几曾归去只在翠岩深处重到画梁间谁与旧巢为主深许深许闻道凤凰来住

前调 范成大

罨画屏中客住水色山光无数斜日满江声何处撑来小渡休去休去惊散一洲鸥鹭

前调 范成大

两两莺啼何许寻徧绿阴浓处天气润罗衣病起却忺微暑休雨休雨明日榴花端午

前调 陈三聘

红紫不将春住风定更飘无数溪涨绿含风短艇晚横沙渡归去归去肯念西池鸳鸯



前调 陈三聘

珍重故人相许来向水亭幽处文字间金钗消尽晚天微暑无雨无雨不比寻常端午

前调 吕胜已

花上娇莺哑咤着色江南图画可惜好春风有酒无人同把 舍 舍独醉好天良夜

前调 刘克庄

今夜荼蘼风起应是玉消琼碎澹荡满城春恼破愁人春睡须醉须醉莫待黄梅雨细

前调 陆游

独倚博山峰小翠雾满身飞绕只恐学行云去作阳台春晓春晓春晓满院绿杨芳草

前调 张辑

深夜沉沉尊酒酒醒客衾寒透城角挟霜飞吹得月如清昼倏倏倏倏比着梅花谁瘦

前调 吴潜

江上绿杨芳草想见故园春好一洞海棠花昨夜梦魂飞绕惊晓惊晓晓外一声啼鸟

前调 方岳

知是谁家燕子直恁惺忪言语深入绣帘来无奈落花飞絮春去春去且道与卿何与

前调 赵汝茆

小砑红绡牋纸一字一行春泪封了更亲题题了又还摺起归未归未好个瘦人天气

前调 吴文英

春在绿窗杨柳人与流莺俱瘦眉底暮寒生帘额时翻波皱风骤风骤花径啼红满?

前调【村景】 蒋捷

夜月溪篁鸾影晓雾岩花鹤顶半世踏红尘到底输他村景村景村景樵斧耕蓑渔艇

前调 陈允平

闲倚琐窗工绣春困两眉频皱独自下香街攀折画桥烟柳晴昼晴昼偏称玉楼歌酒

前调 陈允平

何处春风归路金屋空藏樊素零乱海棠花有梦欲随春去情绪情绪粉溅两行冰筋

前调 张炎

隐隐烟痕轻注拂拂暗香微度十二小红阑人与玉箫何处归去归去醉插一枝风露

前调 张炎

苔径独行清昼瑟瑟松风如旧出岫本无心迟种门前杨柳回首回首篱下白衣来否

前调 石孝友

照水粉梅开尽春浅峭寒犹甚香气着人衣斗帐玉儿生晕那更那更帘外月斜风横

前调 石孝友

风猎乱香如埽又是粉梅开了庭户锁残寒梦断池塘春草情悄悄帘外数声啼鸟

前调 石孝友

折寄陇头春信香浅绿柔红嫩插向鬓云边添得几多风韵但问但问管与玉容相称

前调 【宋媛】李清照

常记溪亭日暮沉醉不知归路兴尽晚回舟误入藕花深处争渡争渡惊起一行鸥鹭

前调 李清照

昨夜雨疏风骤浓睡不消残酒试问卷帘人却道海棠依旧知否知否应是绿肥红瘦

前调 【宋媛】孙道绚

翠擘红蕉影乱月上朱阑一半风自碧空来吹落歌珠一串不见不见人被翠帘遮断

前调【送别 宋媛】陆氏姬

日暮马嘶人去船逐清波东注後夜最高楼还肯思量人否无绪无绪生怕黄昏疎雨

前调【红白 宋妓桃花】严 蕊

道是梨花不是道是杏花不是白白与红红别是东风情味曾记曾记人在武陵微醉

前调 刘景翔

独立荷汀烟暮一霎锦云香雨似为我无情惊起鸳鸯飞去飞去飞去却在绿杨深处

前调 王容溪

林下一溪春水林上数峰岚翠中有隐居人茅屋数间而已无事无事石上坐看云起

前调【菰村赋赠】王 逢

檐耸数株松子村绕一湾菰米鸥外迴闻鸡望望云山烟水多此多此酒进玉盘双鲤

前调 倪 瓚

削迹松陵华寓藏密白云深处造物已安排万事何须先虑归去归去海鹤山猿同住

前调 王 行

满眼落花飞絮回首琼林玉树驴背是何人得了灞桥诗句归去归去春在醉乡深处

前调 王 行

一日寻芳一度一树繁花一步回首又何时流水乱红无数春暮春暮幽草绿阴庭户

前调【题画】刘 基

草际斜阳红委林表晴岚绿靡何许一渔舟摇动半江秋水风起风起棹入白苹花里

前调【春雪】杨 基

点缀落梅穠李埋没苍苔芳芷楼上倚阑人立在玉屏风里风起风起都做一江春水

前调【春风】 杨基

银渚拂波轻度罗幄送寒低护催得百花开又与百花相妒无数无数吹过画阑西去

前调 顾璘

夜静猛风将雨落尽紫榆千树行客忆江南渺渺碧天穷处无绪无绪独与寒灯宾主

前调 杨慎

云影月华穿过雨意钟声敲破洞户卷帘时飞透流萤一个孤坐孤坐白雪金徽谁和

前调 王世贞

残月碧梧金井屈戍绣屏初冷徙倚不成眠红泪一双珠迸孤影孤影长自伴人宵永

前调【梅雪?栖图】 冯琦

竹外瑶华千顷更与素梅掩映双雀噪寒枝蹴落飞花无影相并相并明月惊栖不定

前调【芦鴈】 王衡

风起芦花如醉历历鴈行成字一点一声寒霜重晓枫羣碎知未知未只在浅深沙际

前调 陈子龙

红烛逢迎何处笑倚玉人私语莫上软金钩留取水沉浓雾难去难去门外尺深花雨

前调【明媛】 武氏

昼阁闲吟玉案帘卷薰风满院闷则坐花前独立阑干倚徧堪玩堪玩座里清阴一半

前调【明妓】 王微

帘外月消烟冷冻瘦一枝花影空馆不胜情此际知谁管领梦醒梦醒又把闲愁细整

西溪子

【单调三十三字】

西溪子 牛 峤

扞拨双盘金凤蝉鬓玉钗摇动画堂前人不语弦解语弹到昭君怨处翠蛾愁不擡头

思帝乡

【单调三十三字】

思帝乡 韦 庄

云鬓坠凤钗垂鬟坠钗垂无力枕函敲翡翠屏深月落漏依依说尽人间天上两心知

天仙子

【一名万斯年曲有作天台仙子者单调三十四字】

天仙子 皇甫松

晴野鹭鸶飞一只水荇花发秋江碧刘郎此日别天仙登绮席泪珠滴十二晚峰青历历

前调 皇甫松

踟躕花开红照水鸂鶒飞绕青山觜行人经岁始归来千万里错相倚懊恼天仙应有以

前调 和 凝

柳色披衫金缕凤纤手轻拈红豆弄翠蛾双敛正含情桃花洞瑶台梦一片春愁谁与共

前调 【又一体】 韦 庄

怅望前回梦里期看花不语苦寻思露桃宫里小腰肢眉眼细鬓云垂惟有多情宋玉知

归自謠

【一作归国遥单调三十四字又名思佳客令与鸂鶒天别名思佳客者不同】

归自謠 冯延巳

江水碧江上何人吹玉簫扁舟远送潇湘客芦花千里霜月白伤行色来朝便是关山隔

前调 欧阳修

春灩灩江上晚峰三四点柳丝如翦花如染香闺寂寂门半掩愁眉敛泪珠滴破胭脂脸

前调 朱 谏

溪边石两股嵒嵒生绣涩春光点点苍苔湿天孙戏把金刀掷无人识请君试问并州客

风流子

【单调三十四字】

风流子 孙光宪

金络玉衔嘶马系向绿杨阴下朱户掩绣帘垂曲院水流花谢欢罢归也犹在九衢深夜

前调 孙光宪

茆舍槿篱溪曲鸡犬自南自北菰叶长水荇开门外春波涨绿听织声促轧轧鸣梭穿屋

御选历代诗余卷二

## 卷三

<集部,词曲类,词选之属,御选历代诗余

钦定四库全书

御选历代诗余卷三目錄【起三十五字至四十字】

定西番

温庭筠【三首】

韦庄【二首】

毛熙震

孙光宪

江城子

和凝【二首】

牛峤

张泌

望江怨

牛峤

范湊

西溪子【又一体】

李珣

毛文锡

连理枝

李白

何满子

和凝

长相思

白居易【二首】

南唐李煜【二首】

冯延巳

欧阳修【二首】

周邦彦

万俟雅言【二首】

王灼

邓肃

康与之

吕胜己

刘克庄【二首】

李石

陆游【二首】

张辑

黄机



黄昇【三首】

张炎

欧良【四首】

石孝友【三首】

赵潛

汪元量

袁正真

王予可

王行

刘基【三首】

朱谏

张綖

李攀龙

吴子孝

葛一龙

王凤嫺

顾若璞

沈静专

江城子【又一体】

尹鹗

思帝乡【又一体】

温庭筠

孙光宪

相见欢

薛昭蕴

南唐李煜【二首】

毛滂

蒋子云

辛弃疾【二首】

陆游

石孝友

康仲伯

陈逢辰

无名氏【二首】

王庭筠

元好问

刘铉

杨慎

风光好

欧良

何满子【又一体】

杨慎【二首】

江城子【又一体】

牛峤

忆秦娥

毛滂【二首】

调笑令

孙光宪

毛滂【四首】

郑仅【二首】

曾慥

无名氏

捣练子【又一体】

无名氏

望梅花

和凝

孙光宪

醉太平

刘过

戴复古

周密

孙惟信

李彭老

王梦应

顏奎

感恩多

牛峤

薄命女

和凝

上行杯

孙光宪

感恩多【又一体】

牛峤

春光好

和凝

抛球乐【又一体】

冯延巳

和凝

李肩吾

蝴蝶儿

尹鹖

太平时

欧阳修

贺铸【三首】

陆游

上林春令

杨无咎

昭君怨

苏轼

秦观

万俟雅言

韩驹

侯寘

辛弃疾

杨万里

刘克庄【二首】

张鎰

刘光祖

郑域

王从叔

马洪

杨慎

陈继儒

钱继登

御选历代诗余卷三目錄

钦定四库全书

御选历代诗余卷三【起三十五字至四十字】

司经局洗马掌局事兼翰林院修撰加二级【臣】王奕清奉

旨校刊

定西番

【唐教坊曲名双调三十五字】

定西番 温庭筠

汉使昔年离别攀弱柳折寒梅上高台 千里玉关春雪鴈来人不来羌笛一声愁絕月徘徊

前调 温庭筠

海燕欲飞调羽萱草綠杏花红隔帘枕 双鬓翠霞金缕一枝春艳浓楼上月明三五琐窓中

前调 温庭筠

细雨晓莺春晚人似玉柳如眉正相思 罗幙翠帘初卷镜中花一枝肠断塞门消息鴈来稀

前调 韦庄

挑尽金灯红烬人灼灼漏迟迟未眠时 斜倚银屏无语闲愁上翠眉闷煞梧桐残雨滴相思

前调 韦庄

芳草丛生缕结花艳艳雨蒙蒙晓庭中 塞远久无音问愁消镜里红紫燕黄鹂独自恨何穷

前调 毛熙震

苍翠浓阴满院莺对语蝶交飞戏蔷薇 斜日倚阑风好余香出绣衣未得玉郎消息几时归

前调 孙光宪

鸡禄山前游骑边草白朔天明马蹄轻 鹄面弓离短鞞弯来月欲成一只鸣 云外晓鸿惊

江城子

【或作江神子一名水晶帘单调三十五字】

江城子 和 凝

竹里风生月上门理秦筝对云屏轻拨朱弦恐乱马嘶声含恨含娇独自语今夜约太迟生

前调 和 凝

斗转星移玉漏频已三更对栖莺历历花间似有马蹄声含笑整衣开绣户斜敛手下堦迎

前调 牛 峤

鷁鷁飞起郡城东碧江空半滩风越王宫殿苹叶藕花中帘卷水楼鱼浪起千片雪雨蒙蒙

前调 张 泌

碧阑干外小中庭雨初晴晓莺声飞絮落花时节近清明睡起卷帘无一事匀面了没心情

望江怨

【单调三十五字第三第五第七句平仄互异】

望江怨 牛 峤

东风急惜别花时手频执罗帏愁独入马嘶残雨春芜湿倚门立寄语薄情郎粉香和泪滴

前调 范 洎

兰房晓络纬缫丝声未了一霎愁多少桐陰斜压阑干小人悄悄罗幙手慵开惟恐惊栖鸟  
西溪子

【又一体单调三十五字】

西溪子 李 珣

金缕翠钿浮动妆罢小牕圆梦日高时春已老人未到满地落花慵埽无语倚屏风泣残红  
前调 毛文锡

昨夜西溪游赏芳树奇花千样锁春光金樽满听弦管娇妓舞衫香暖不觉到斜晖马驮归  
连理枝

【单调三十五字宋词俱加後叠又名为小桃红】

连理枝 李 白

雪盖宫楼闭罗幙昏金翠鬪压阑干香心淡薄梅梢轻倚喷宝猊香烬麝烟浓馥红绡翠被  
何满子

【唐崔令钦教坊记作河满然此调之始为沧州歌者何满所作则当从何单调三十六字】

何满子 和 凝

写得鱼笺无限其如花锁春晖目断巫山云雨空教残梦依依却爱薰香小鸭羡他长在屏帏  
长相思

【?调三十六字有八句皆用韵者有後叠起句不用韵者有後叠另换一韵者梁陈乐府多取古诗长相思三字作起句调名本此一名山渐青一名双红豆一名忆多娇一名青山相送迎】

长相思 白居易

深画眉浅画眉蝉鬓鬋髻云满衣阳台行雨回 巫山高巫山低暮雨潇潇郎不归空房独守时



前调 白居易

汴水流泗水流流到瓜洲古渡头吴山点点愁 思悠悠恨悠悠恨到归时方始休月明人倚楼

前调 南唐李煜

一重山两重山山远天高烟水寒相思枫叶丹 菊花开菊花残塞鴈高飞人未还一帘风月闲

前调 南唐李煜

云一緺玉一梭淡淡衫儿薄薄罗轻颦双黛螺 秋风多雨如和帘外芭蕉三两窠夜长人奈何

前调 冯延巳

红满枝绿满枝宿雨厌厌睡起迟闲庭花影移 忆归期数归期梦见虽多相见稀相逢知几时

前调 欧阳修

苹满溪柳绕堤相送行人溪水西回时陇月低 烟霏霏雨凄凄重倚朱门听马嘶寒鸦相对飞

前调 欧阳修

花似伊柳似伊花柳春来人别离低头双泪垂 长江东长江西两岸鸳鸯两处飞相逢知几时

前调 周邦彦

沙棠舟小棹游池水澄澄人影浮锦鳞迟上钩 烟云愁箫鼓休再得来时已变秋欲归须少留

前调【雨】 万俟雅言

一声声一更更窗外芭蕉窗里灯此时无限情 梦难成恨难平不道愁人不喜听空阶滴到明

前调【山驿】 万俟雅言

短长亭古今情楼外凉蟾一晕生雨余秋更清 暮云平暮山横几叶秋声和鴈声行人不要听

前调 王灼

来匆匆去匆匆短梦无凭春又空难随郎马踪 山重重水重重飞絮流云西复东音书何处通

前调 邓 肃

一重溪两重溪溪转山回路欲迷朱阑出翠微 梅花飞雪花飞醉卧幽亭不掩扉冷香寻梦归

前调 康与之

南高峰北高峰一片湖光烟霭中春来愁煞侬 郎意浓妾意浓油壁车轻郎马驄相逢九里松

前调 吕胜己

展颦娥抹流波并插玲珑碧玉梭?分两髻螺 晓霜和冻轻呵拍罢阳春白雪歌偎人春意多

前调【惜梅】 刘克庄

寒相催暖相催催了开时催谢时丁宁花放迟 角声吹笛声吹吹了南枝吹北枝明朝成雪飞

前调【钱别】 刘克庄

风潇潇雨潇潇相送津亭折柳条春愁不自聊 烟迢迢水迢迢准拟江边驻画桡舟人频报潮

前调 李 石

花飞飞絮飞飞三月江南烟雨时楼台春树迷 双莺儿双燕儿桥北桥南相对啼行人犹未归

前调 陆 游

桥如虹水如空一叶飘然烟雨中天教称放翁 侧船篷使江风蠡舍参差渔市东到时闻暮钟

前调 陆 游

暮山青暮霞明梦笔桥头艇子横苹风吹酒醒 看潮生看潮平小住西陵莫较程蓴丝初可烹

前调 张 辑

山无情水无情扬柳飞花春雨晴征衫长短亭 拟行行重行行行到江南第几程江南山渐青

前调【蛾眉亭】 黄 机

东梁山西梁山占断长江相对闲古今双鬓斑 天漫漫水漫漫人事如潮多往还浅颦深恨间

前调 黄昇

天悠悠水悠悠月印金枢晓未收笛声人倚楼 芦花秋蓼花秋催得吴霜点鬓稠香笺莫寄愁

前调 黄昇

砧声齐杵声齐金井栏边败叶飞夜寒乌不栖 风凄凄露凄凄影转梧桐月已西花冠牕外啼

前调 黄昇

惜春归爱春归脱了罗衣着苧衣緑陰黄鸟啼 酒醒时梦醒时清簟疎帘一局碁丁东风马儿

前调【赠别】 张炎

去来心短长亭只隔中间一片云不知何处寻 闷还顰恨还嗔同是天涯流落人此情烟水深

前调 欧良

不思量又思量一点寒灯耿夜光鸳衾闲半牀 雨声长漏声长几阵斜风摇纸牕如何不断肠

前调 欧良

云垂垂雨霏霏祇恐今年花事迟不然孤负伊 燕飞飞柳依依有个人人倚翠扉愁横双黛眉

前调 欧良

雨如丝柳如丝织出春来一段奇莺梭来往飞 酒如池醉如泥遮莫教人有醒时雨晴都不知

前调 欧良

燕成双蝶成双飞去飞来扬柳旁问伊因底狂 緑纱牕篆炉香午梦惊回书满牀碁声春昼长

前调 石孝友

树槎牙水交加冷艳疎疎瘦影斜几枝梅放花 天一涯路三叉已是情多怨物华那堪更忆家

前调 石孝友

红依稀緑依稀寒勒花梢开较迟蝶魂空自迷 怕人疑使人疑人道闲愁總未知歌眉因甚低

前调 石孝友

蝶团飞莺乱啼陌上花开人未归碧台歌舞稀 月入屏风满帷坐到黄昏人静时清愁人不知

前调【水仙】 赵 溍

金璞明玉璞明小小杯盘翠?擎满将春色盛 僊佩鸣琼佩鸣雪月花中过洞庭此时人独清

前调【越上寄雪江】 汪元量

吴山深越山深空谷佳人金玉音有谁知此心 夜沉沉漏沉沉闲却梅花一曲琴月高松竹林

前调【送汪 宋宫人水云】 袁正真

南高峰北高峰南北高峰云淡浓湖山图画中 采芙蓉赏芙蓉小小红船西复东相思无路通

前调 王予可

风暖时雨晴时熏摺罗衣人未归螭蛾愁欲飞 枕琼霞锁惺纱帘月楼空燕子家春风埽落花

前调 王 行

烟苍苍水茫茫闲访幽人烟水乡扁舟孤兴长 蒲含霜柳含霜蒲柳萧萧青又黄水云鸥鹭藏

前调 刘 基

桃花开李花开小白长红越女腮春风巧翦裁 蜂徘徊蝶徘徊饮遍清香未肯回莫教飘绿苔

前调【嘉兴道中】 刘 基

草青青麦青青草穗高低麦穗平黄花相间明 山禽鸣水禽鸣禽鸟与人同有情不堪闻此声

前调 刘 基

晚风清晚云轻雨意将成又不成断霞天际明 旧恨盈新恨生立到楼头河汉倾无人知此情

前调【天柱峰】 朱 谏

天宇高地轴遥一柱亭亭万丈标青泥到紫霄 断巨鳌立山椒日脚斜拖云气消僊宫倚碧寥

前调 张綖

对青山爱青山山色参差云雾间孤云何处还 泊沙湾宿沙湾淅淅秋风江水寒绕船枫叶丹

前调 李攀龙

秋风清秋月明秋雨梧桐枕上惊秋梦不分明 秋蛩吟秋鸟鸣秋鴈行行天际横秋思最关情

前调 吴子孝

雨霏霏草离离花落江南燕子飞片时千万思 漏频移枕频敲水远山长无梦归两情应自知

前调 葛一龙

风一邨雨一邨风雨萧萧独闭门梨花也断魂 怕黄昏已黄昏湿透春衫冷不禁啼?共酒?

前调 【明媛】 王凤嫺

梧叶残枫叶残塞鴈频过人未还沉吟独倚阑 忆乡关盼乡关叠叠南云山外山松梢日影寒

前调 【明媛】 顾若璞

梅子青豆子青飞絮飘飘扑短亭风褰罗?轻 送芳辰惜芳辰春事支离些个情眉峰恨几层

前调 【明媛】 沈静专

春未盈蝶睡轻柳外东风吹恨生日长花气清 瘦魂惊一声莺羈住愁魔不放行遥山翠半醒

江城子

【又一体单调三十六字】

江城子 尹 鶚

裙拖碧步飘香纤腰束素长鬓云光拂面珑璁腻玉碎凝妆宝柱秦筝弹向晚弦促鴈更思量

思帝乡

【又一体单调三十六字】

思帝乡 温庭筠

花花满枝红似霞罗?画帘肠断卓香车回面共人闲语战篴金凤斜惟有阮郎春尽不归家

前调 孙光宪

如何遣情情更多永日水堂帘下敛羞蛾六幅罗裙窄地微行曳碧波看尽满池疎雨打团荷

相见欢

【调始於唐宋人则名为乌夜啼又名忆真娘又名忆真妃又名月上瓜洲其名上西楼西楼子西楼秋夜月者皆取南唐後主词中字名调也双调三十六字】

相见欢 薛昭蘊

罗襦绣袂香红画堂中细草平沙蕃马小屏风 卷罗幙凭妆阁思无穷暮雨轻烟魂断隔帘栊

前调 南唐李煜

林花谢了春红太匆匆无奈朝来寒雨晚来风 胭脂泪相留醉几时重自是人生长恨水长东

前调 南唐李煜

无言独上西楼月如鈎寂寞梧桐深院锁清秋 翦不断理还乱是离愁别是一般滋味在心头

前调 毛滂

十年湖海扁舟几多愁白发青灯今夜不宜秋 中庭树空堦雨思悠悠寂寞一生心事五更头

前调 蒋子云

小桃落尽残红夜来风又是一番春事不从容 翠屏掩芳信断转愁浓可惜日长闲暇小帘栊

前调 【山行约友不至】 辛弃疾

江头醉倒山公月明中记得昨宵归路笑儿童 溪欲转山已断两三松一段可怜风月欠诗翁

前调 辛弃疾

晚花露叶风条燕双高行过长廊西畔小红桥 歌再唱人再舞酒才消更把一杯重劝摘樱桃

前调 陆游

江头绿暗红稀燕交飞忽到当年行处恨依依 洒清泪叹人事与心违满酌玉壶花露送春归

前调 石孝友

潇湘雨打船篷别离中愁见拍天沧水搅天风 留不住终须去莫匆匆後夜一樽何处与谁同

前调 康仲伯

匆匆一望关河听离歌艇子急催双桨下清波 淋浪醉阑干泪奈情何明日画桥西畔暮云多

前调 陈逢辰

月痕未到朱扉送郎时暗里一汪儿泪没人知 搵不住收不聚被风吹吹作一天愁雨损花枝

前调 无名氏

都无一点残红夜来风底事东君归去太匆匆 桃花醉梨花泪总成空断送一年春在绿阴中

前调 无名氏

一弯月挂危楼似藏钩醉里不知黄叶报新秋 征鸿断归云乱远峰愁愁见绿杨凝恨在江头

前调 王庭筠

淡烟疎雨新秋不禁愁记得青帘江上酒家楼 人不住花无语水空流只有一双樯燕肯相留

前调【玉簪花】 元好问

花中闲远风流一枝秋只枉十分清瘦不禁愁 人欲去花无语更迟留记得玉人遗下玉搔头

前调【石榴】 刘铉

垂杨影里残红甚匆匆只有榴花全不怨东风 暮雨急晓霞湿绿玲珑比似茜裙初染一般同

前调 杨慎

雨来江涨波浑没沙痕掩过竹桥莎径到柴门 孤烟起干树里几家邨牛背一声长笛报黄昏  
风光好

【此调作者甚少天机余锦止载无名氏一阙今查系欧良作双调三十六字】

风光好 欧 良

柳陰陰水沉沉风约双鳬立不禁碧波心 孤邨桥断人迷路舟横渡旋买邨醪浅浅斟更微吟  
何满子

【父一体单调三十七字】

何满子 杨 慎

敲枕梦回春晓倚阑人在天涯迢递关山千万里佳期水渺云赊记得罗巾别泪愁看带雨梨花

前调 杨 慎

鷓鴣催成綠雨鷓鴣啼破红霞马上韶华真似梦恼人春思交加记得晓妆临镜愁看映水桃花

江城子

【又一体单调三十七字】

江城子 牛 峤

极浦烟销水鸟飞离筵分手时送金卮渡口杨花狂雪任风吹日暮空江波浪急芳草岸柳如丝

忆秦娥

【双调三十七字调名始於唐李白此与李词迥别盖後人所度也】

忆秦娥 毛 滂



醉醉醉击珊瑚碎花花先借春光与酒家  
夜寒我醉谁扶我应抱瑶琴卧清清揽月吟风不用人

前调 毛滂

夜夜夜了花朝也连忙指点银瓶索酒尝  
明朝花落知多少莫把残红埽愁人一片花飞减却春

调笑令

【单调三十八字称古调笑而别名转应曲者止三十二字】

调笑令 孙光宪

柳岸水清浅笑折荷花呼女伴盈盈日照新妆面水调空传幽怨扁舟日暮笑声远对此令人  
肠断

前调【盼盼】 毛滂

无力倚瑶瑟舞罢霓裳今几日楼空雨小春寒逼钿晕罗衫烟色帘前归燕看人立却趁落花  
飞入

前调【莺莺】 毛滂

何处长安路不记墙东花拂树瑶琴理罢霓裳谱依旧月牕风户薄情年少如飞絮梦逐玉环  
西去

前调【苕子】 毛滂

芳草恨春老自是寻春来不早落花风起红多少记得一枝春小緑陰青子空相恼此恨平生  
怀抱

前调【泰娘】 毛滂

香歇袂红颺记立河桥花自折隼旟绀幘城西阙教妾惊鸿回雪铜驼春梦空愁絶云破碧江  
流月

前调【武陵】 郑仅

烟暖武陵晚洞里春长花漫烂红英满地溪流浅渐听云中鸡犬刘郎迷路香风远误到蓬莱僊馆

前调 郑 仅

声切恨难说千里潮平春浪濶梅风不解相思结忍送落花飞雪多才一去芳音絶更对珠帘新月

前调【梅】 曾 慥

清友羣芳右万槁纷披兹独秀天寒月薄黄昏後缟袂亭亭招手故山千树连云岫借问如今安否

前调【桃源集句】 无名氏

相误桃源路万里苍苍烟水暮留君不住君须去秋月春风闲度桃花零乱如红雨人面不知何处

捣练子

【又一体双调三十八字】

捣练子 无名氏

林下路水边亭凉吹水曲散余醒小藤牀随意横  
犹记得旧时经翠荷闇雨做秋声恁时节不堪听

望梅花

【单调三十八字和凝作望梅花词即以名调更有名望梅者乃解连环之别名与此无涉】

望梅花 和 凝

春草全无消息腊雪犹余踪迹越岭寒枝香自拆冷艳奇芳堪惜何事寿阳无处觅吹入谁家横笛

前调【又一体双调】 孙光宪

数枝开与短墙平见雪萼红跗相映引起谁人边塞情帘外欲三更吹断离愁月正明空听隔

江声

醉太平

【一名醉思凡一名凌皮曲一名四字令双调三十八字】

醉太平 刘 过

情高意真眉长鬓青小楼明月调箏写春风数声  
思君忆君魂牵梦萦翠绡香暖云屏更那堪酒醒

前调 戴复古

长亭短亭春风酒醒无端惹起离情有黄鹂数声  
芙蓉绣茵江山画屏梦中昨夜分明悔先行一程

前调 周 密

眉消额黄春凝泪妆玉屏水暖微香听蜂儿打窗  
箏尘半牀绡痕半方愁心欲诉垂杨奈飞红正忙

前调 孙惟信

吹箫跨鸾香销夜阑杏花楼上春残绣罗衾半闲  
襟宽带宽千山万山断肠十二阑干更斜阳暮寒

前调 李彭老

兰汤晚凉鸾钗半妆红巾腻雪吹香擘莲房赌双  
罗纨素璫冰壶露牀月移花影西厢数流莺过墙

前调 王梦应

寒窗月晴寒梢露明一痕归影灯青又分携短亭  
衡皋佩云蒸溪酒春有谁勤说归程是峰头鴈声

前调 顔 奎

茶边水经琴边鹤经小窗甲子初晴报梅花小春

小冠晋人小车洛人醉扶儿子门生指黄河解清

感恩多

【双调三十九字】

感恩多 牛 峤

两条红粉泪多少香闺意强攀桃李枝敛愁眉  
陌上莺啼蝶舞柳花飞柳花飞愿得郎心忆家还早归薄命女

【一名长命女或加令字在唐乐府直是五言诗今断以和凝词为正格】

薄命女 和 凝

天欲晓宫漏穿花声缭绕晓里星光少  
冷霞寒侵帐额残月光沉树杪梦断锦帷空悄悄强起愁眉小上行杯

【单调三十九字】

上行杯 孙光宪

离棹逡巡欲动临极浦故人相送去住心情知不共金船满捧绮罗愁丝管咽迥别帆影灭江  
浪如雪

感恩多

【又一体双调四十字】

感恩多 牛 峤

自从南浦别愁见丁香结近来情转深忆鸳衾  
几度将书托烟鴈泪盈襟泪盈襟礼月求天愿君知我心春光好

【唐明皇击鼓催花曲名春光好调名本此一名愁倚阑令双调四十字】

春光好 和 凝

纱窗暖画屏闲鞦云鬓睡起四肢无力半春间

玉指翦裁罗胜金盘点缀酥山窥宋深心无限事小眉弯抛球乐

【又一体单调四十字】

抛球乐 冯延巳

霜积秋山万树红倚岩楼上挂朱笼白云天远重重恨黄叶烟深淅淅风髣髴凉州曲吹在谁家玉笛中

前调 和凝

尽日登高兴未残红楼人散月盘桓一钩冷雾悬珠箔满面西风凭玉阑归去须沉醉小院新池月乍寒

前调 李肩吾

风冒薰红雨易晴病花中酒过清明绮牕幽梦乱於柳罗?泪痕凝似饴冷地思量着春色三停早二停蝴蝶儿

【起於唐张泌亦以起句为调名双调四十字】

蝴蝶儿 尹鹖

蝴蝶儿晚春时阿娇初着淡黄衣倚牕学画伊  
还似花间见双双对对飞无端和泪湿胭脂惹教双翅垂太平时

【一名贺圣朝影一名添声杨柳枝双调四十字】

太平时 欧阳修

白雪梨花红粉桃露华高垂杨慢舞緑丝绦草如袍风过小池轻浪起似江皋千金莫惜买香醪且陶陶

前调 贺铸

秋尽江南叶未凋晚云高青山隐隐水迢迢接亭皋二十四桥明月下弭兰桡玉人何处教吹箫可怜宵

前调 贺铸

风紧云轻欲变秋雨初收江城水路漫悠悠带汀洲正是客心孤迴处转归舟谁家红?倚津楼  
替人愁

前调 贺铸

九曲池头三月三柳 香尘扑马歎金衔浣春衫苦笋鲋鱼乡味美梦江南阊门烟水晓风  
恬落归帆

前调 陆游

竹里房栊一径深静悵悵乱红飞尽緑成陰有鸣禽临罢兰亭无一事自修琴铜炉袅袅海南  
沉洗尘襟上林春令

【或无令字双调四十字】

上林春令 杨无咎

糴李天桃堆绣正暖日如薰芳酒少年未用称遐寿愿来岁如今时候相将得意皇都同携手  
上林春昼昭君怨

【一名宴西园一名一痕沙他如昭君词昭君叹等皆乐府旧名与填词无涉平仄四换韵双  
调四十字】

昭君怨【送别】 苏轼

谁作桓伊三弄惊破緑牕幽梦新月与愁烟满江天欲去又还不去明日落花飞絮飞絮送行  
舟水东流

前调 秦观

隔叶乳鸦声软啼断日斜陰转杨柳小腰肢画楼西役损风流心眼眉上新愁无限极目送行  
云此时情

前调【春望】 万俟雅言

春到南楼雪尽惊动灯期花信小雨一番寒倚阑干莫把阑干长倚一望几重烟水何处是京  
华暮云遮

前调【雪】 韩驹

昨日樵邨渔浦今日琼川银渚山色卷帘看老峰峦锦帐美人贪睡不觉天孙剪水惊问是杨花是芦花

前调 侯寘

晴日烘香花睡花艳浮杯人醉杨柳绿丝风水溶溶留恋芳丛深处嬾上锦鞦归去待得牡丹开更同来

前调 辛弃疾

长记潇湘秋晚歌舞橘洲人散走马月明中折芙蓉今日西山南浦画栋珠帘云雨风景不争多奈愁何

前调【荷雨】 杨万里

午梦扁舟花底香满西湖烟水急雨打篷声梦初惊却是荷池跳雨散了真珠还聚聚作水银窝泻清波

前调【牡丹】 刘克庄

曾看洛阳旧谱只许姚黄独步若比广陵花太亏他旧日豪家园圃今日荆榛满路君莫说中州怕花愁

前调【琼花】 刘克庄

后土宫中标韵天上人间一本道号玉真妃字琼姬我与花曾半面流落天涯重见莫把玉箫吹怕惊飞

前调【夜月】 张鎰

月在碧虚中住人向乱荷中去花气杂风凉满船香云被歌声摇动酒被诗情掇送醉里卧花心拥红衾

前调 刘光祖

人在醉乡居住记得旧曾来去疎雨听芭蕉梦魂遥惆怅柳烟何处目送落霞江浦明夜月当楼照人愁

前调【梅花】 郑域

道是花来春未道是雪来香异水外一枝斜野人家冷淡竹篱茅舍富贵玉堂琼榭两地不同栽一般开

前调 王从叔

门外春风几度马上行人何处休更卷珠帘草连天立尽海棠花月飞到荼蘼香雪莫恨梦难成梦无凭

前调【题小景】 马洪

路远危峰斜照瘦马风尘衣帽此去向萧关上长安便坐紫骝花底只似黄粱梦里三径易生苔早归来

前调 杨慎

楼外东风到早染得柳条黄了低拂玉阑干怯春寒正是困人时候午睡浓於中酒好梦是谁惊一声莺

前调 陈继儒

记得去年谷雨柳蘸鵝黄春水水上奏琵琶一痕沙曲罢留侬归去家在竹西溪住古树挂藤花吃新茶

前调 钱继登

曾记曲栏高处缥缈眼波深注柳外笑吟声打流莺月下梨香暗散雪後兰芽肥绽更欲比妍华雨余花

御选历代诗余卷三



## 卷四

钦定四库全书

御选历代诗余卷四目錄【起四十字至四十一字】

生查子

韩偓

牛希济【二首】

魏承班

欧阳彬

刘侍读

欧阳修

晏几道【五首】

秦观

晁补之【二首】

毛滂【四首】

王观

周紫芝【三首】

吕渭老【二首】

方乔

向子諲【三首】

赵师侠【三首】

吕本中

杨无咎

辛弃疾【五首】

姚寬

程垓

洪适

赵礪老【二首】

刘克庄

管监

魏子敬

岳珂

陆游【二首】

杨炎

高观国【二首】

韩淲【三首】

汪莘

李廷忠

吴文英【二首】

莫仑

李莱老

李彭老

无名氏

李清照

朱淑真

陆游妾

金章宗

韩玉

王予可

仇远

彭元逊

刘基【五首】

顾志

叶小鸾

王微

醉公子

顾夔【二首】

尹鹗

酒泉子

温庭筠【二首】

牛希济

毛熙震【二首】

前调【又一体】

孙光宪

前调【又一体】

顾夔

杨柳枝【又一体】

顾夔

无名氏

葛长庚

醉花间

毛文锡【二首】

春光好【又一体】

和凝

欧阳炯【三首】

张元干

女冠子

温庭筠【二首】

韦庄【二首】

薛昭蕴【二首】

牛峤【三首】

欧阳炯

毛熙震【二首】

李珣

孙光宪【二首】

张泌

酒泉子【又一体】

温庭筠

韦庄

顾夔

纱窗恨

毛文锡

玉蝴蝶

温庭筠

上行杯【又一体】

韦庄

中兴乐

毛文锡

忆秦娥【又一体】

张先

落梅风【又一体】

张先

诉衷情【又一体】

魏承班

生查子【又一体】

孙光宪【三首】

御选历代诗余卷四目錄

钦定四库全书

御选历代诗余卷四【起四十字至四十一字】

司经局洗马掌局事兼翰林院修撰加二级【臣】王奕清奉

旨校刊

生查子

【查本榷梨之榷与浮槎事无涉双调四十字】

生查子 韩偓

侍女动妆奁故故惊人睡那知本未眠背面偷垂泪嬾卸凤凰钗羞入鸳鸯被时复见残灯和烟坠金穗

前调 牛希济

春山烟欲收天淡星稀小残月脸边明别泪临清晓语多情未了回首犹重道记得绿罗裙处处怜芳草

前调 牛希济

新月曲如眉未有团圞意红豆不堪看满眼相思泪终日擘桃穠人在心儿里两朵隔墙花早

晚成连理

前调 魏承班

烟雨晚晴天零落花无语难话此时心梁燕双来去琴韵对薰风有恨和情抚肠断断弦频泪滴黄金缕

前调 欧阳彬

竟日画堂欢入夜重开宴翦烛蜡烟香促席花光颤待得月华来满院如铺练门外簇骅骝直待更深散

前调 【佚名】 刘侍读

深秋更漏长滴尽银台烛独步出幽闺月晃波澄绿菱荷风乍触一对鸳鸯宿虚掉玉钗惊惊起还相续

前调 欧阳修

含羞整翠鬟得意频相顾鴈柱十三弦一一春莺语娇云容易飞梦断知何处深院锁黄昏阵阵芭蕉雨

前调 晏几道

金鞍美少年去跃青骢马牵系玉楼人绣被春寒夜消息未归来寒食梨花谢无处说相思背面秋千下

前调 晏几道

轻轻制舞衣小小裁歌扇三月柳浓时又向津亭见垂泪送行人湿破红妆面玉指?中弹一曲清商怨

前调 晏几道

红尘陌上游碧柳堤边住才趁彩云来又逐花飞去深深美酒家曲曲幽香路风月有情时总是相逢处

前调 晏几道

长恨涉江遥移近溪头住闲荡木兰舟卧入双鸳浦无端轻薄云暗作廉纖雨翠袖不胜寒欲向荷花语

前调 晏几道

春从何处归试向溪边问岸柳弄娇黄陇麦回青润多情美少年屈指芳菲近谁寄岭头梅未报江南信

前调 秦观

眉黛远山长新柳开青眼楼阁断霞明罗幕春寒浅杯嫌玉漏迟烛厌金刀翦月色忽飞来花影和帘卷

前调【夏日即事】 晁补之

永日向人妍百合忘忧草午枕梦初回远柳蝉声杳薜井出冰泉洗淪烦襟了却挂小帘鈎一缕炉烟袅

前调 晁补之

夜饮别佳人梅小犹飘雪忍泪一春愁过却花时节相见话相思重与临风月休似那回时无事还轻别

前调 毛滂

日照小窗纱风动重帘绣宝炷暮云迷曲沼晴漪皱烟暖柳惺忪雪尽梅清瘦恰是可怜时好似花穠後

前调【九日】 毛滂

鲈蟹正肥时烟雨新凉日露蕊郁金黄云液葡萄碧此日古为佳此醉君寧惜高挂水晶帘尽放秋光入

前调 毛滂

钗上燕犹寒胜里红偏小恰有尔多春不许羣花笑酒面粉酥融香?金泥罩芳意已潜通残雪犹相照

前调 毛滂



花地锦斑残月箔凌波乱鬪鸭玉兰傍扑兽金炉畔小醉奈春何轻梦催云散却步蕙兰中应被鸳鸯见

前调 王观

关山梦里长塞鴈音书少两鬓可怜青一夜容颜老归傍碧纱牕说与人人道真个别离难不似相逢好

前调 周紫芝

春寒入翠帷月淡云来去院落半晴天风撼梨花树人醉掩金铺闲倚秋千柱满眼是相思无说相思处

前调 周紫芝

青丝结晓鬟临镜心情嬾知为晓愁浓画得双蛾浅柳困玉楼空花落红牕暖相对语春愁只有春归燕

前调 周紫芝

金鞍欲别时芳草溪边渡不忍住西楼怕看来时路帘幙卷东风燕子双双语薄幸不归来冷落春情绪

前调 吕渭老

摊钱临小牕扑蝶穿斜径醉戏晚风前吹乱连枝影别来秋夜长梦到金屏近肠断一声鸡残月悬朝镜

前调 吕渭老

双鬟绿髮齐多笑嫣红落穿竹过西斋问字时偷学娇慵不惯羞同倚阑干角屈指数元宵灯火堪行乐

前调【赠紫竹】 方乔

晨莺不住啼故唤愁人起无力晓妆慵闲弄荷钱水欲呼女伴来鬪草花陰里娇极不成狂更向屏山倚

前调 向子諲

近似月当怀远似花藏雾好是月明时同醉花深处看花不自持对月空相顾愿学月频圆莫作花飞去

前调 向子諲

相思嬾下牀春梦迷蝴蝶入柳又穿花去去轻如叶可堪岐路长不道关山隔无赖是黄鹂唤起空愁絶

前调 向子諲

娟娟月入眉整整云归鬓镜里弄妆迟帘外花移影斜窥秋水长软语春莺近无计奈情何只有相思分

前调【别王希白】 赵师侠

梅从陇首传柳向邮亭折鸳瓦晓霜浓掠面凝寒色相逢意便亲欲去如何说我亦是行人更与行人别

前调【阳春亭】 赵师侠

迟迟春昼长冉冉东风软寒食乍晴天红紫芳菲徧前峰积翠横新涨按蓝远向晚淡烟迷一段屏山展

前调【铁炉冈】 赵师侠

春光不肯留风雨催将去红逐故园尘緑满江南树陰晴寒食天寂寞西郊路芳草织新愁怅望人何处

前调 吕本中

双双小凤斜淡淡鸦儿稳一曲渭城歌柳色饶春恨离觞洗别愁酒尽愁难尽宝瑟鴈纵横谁寄天涯信

前调 杨无咎

秋来愁更深黛拂双蛾浅翠袖怯春寒修竹萧萧晚此意有谁知恨与孤鸿远小立背西风又是重门掩

前调【再和杨民瞻】 辛弃疾

谁倾沧海珠簾弄千明月唤取酒边来软语裁春雪人间无凤凰空费穿云笛醉里却归来松菊陶潜宅

前调 辛弃疾

去年燕子来绣户深深处花径得泥归都把琴书污今年燕子来谁听呢喃语不见卷帘人一阵黄昏雨

前调【独游西岩】 辛弃疾

溪边照影行天在清溪底天上有行云人在行云里高歌谁和予空谷清音起非鬼亦非仙一曲桃花水

前调 辛弃疾

青山招不来偃蹇谁怜汝岁晚太寒生唤我溪头住山头明月来本在天高处夜夜入清溪听读离骚去

前调 辛弃疾

青山非不佳未解留依住赤脚踏层冰为爱清溪故朝来山鸟啼劝上山高处我意不关渠自在寻诗去

前调 姚宽

郎如陌上尘妾似堤边絮相见两悠扬踪迹无寻处酒面扑春风泪眼零秋雨过了别离时还解相思否

前调 程垓

溪光曲曲村花影重重树风物小桃源春事还如许情知送客来又作寻芳去可惜一春诗总为闲愁赋

前调 洪适

桃疎蝶惜香柳困莺衔絮日影过帘旌多少闲愁绪红绽武陵溪绿暗章台路春色似行人无意花间住

前调【答洪丞相谢送小冠】 赵磻老

章甫不如人翠绾垂杨缕  
纖手送来时罗帕  
緘香雾貂蝉嬾上头  
渭水知何处风月共垂竿  
脱帽须亲付

前调【再和丞相谢冠】 赵礪老

金门一免时离绪纷如缕  
想像切云高晓日昏罗  
雾峩冠补袞人不是  
无心处欲效贡公弹衣  
鉢知谁付

前调 刘克庄

繁灯夺霁华戏鼓侵明发  
物色旧时同情味中年  
别浅画镜中眉深拜楼  
中月人散市声收渐入  
愁时节

前调 管 监

天教百媚生赋得多情怨  
背整玉搔头寬了黄金  
钗情随歌意深故故回  
娇盼不是不相知只  
为难相见

前调 魏子敬

愁盈镜里山心叠琴中恨  
露湿玉阑秋香伴金屏  
冷云归月正圆鴈到人  
无信孤损凤凰钗立  
尽梧桐影

前调 岳 珂

芙蓉清夜游杨柳黄昏约  
小院碧苔深润透双鸳  
薄暖玉惯春娇簌簌花  
钿落缺月故窺人影  
转阑干角

前调 陆 游

还山荷主恩聊试扶犁手  
新结小茅茨恰占清江  
口风尘不化衣邻曲常  
持酒那似宦游时折  
尽长亭柳

前调 陆 游

梁空燕委巢院静鸠催雨  
香润上朝衣客少闲谭  
麈鬓边千缕丝不是  
吴蚕吐孤梦泛潇湘月  
落闻柔櫓

前调 杨 炎

金莲照夜红玉腕扶春碧曲妙过行云人好欺花色欢生酒面浓笑染炉香湿饮尽十玻瓈月  
堕东方白

前调【梅】 高观国

香惊楚驿寒瘦倚湘筠暮一笛已黄昏片月尤清楚沉沉冰玉魂漠漠烟云浦酸泪不成弹又  
向春心聚

前调【咏芹】 高观国

野泉春吐芽泥湿随飞燕碧涧一杯羹夜韭无人翦玉钗和露香鹅管随春软野意重殷勤持  
以君王献

前调【梅溪】 韩 泂

霜叶柳塘风烟蕊梅溪渡茅屋问村醪未许空归去倚杖小徘徊写我吟边句醉眼复何之落  
日孤鸿处

前调 韩 泂

山意入春晴都是梅和柳白白与青青日映风前酒归去也如何路上休回首各自做新年柳  
裊梅枝瘦

前调 韩 泂

晴色入青山更见飞花晚不是怕登临自是心情嬾试擘小红牋与写天涯怨杜宇一声春楼  
下沧波远

前调 汪 莘

春来春色佳秋至秋光好无计奈春归又有秋光老去年飞雪时病与梅花道来岁雪飞时为  
把金尊倒

前调【蔷薇】 李廷忠

玉女翠帷薰香粉开妆面不是占春迟羞被羣花见纖手织柔条绦雪飞千片流入紫金卮未  
许停歌扇

前调【稽山对雪】 吴文英

暮云千万重寒梦家乡远愁见越溪娘镜里梅花面醉情啼枕冰往事分钗燕三月灞陵桥心翦东风乱

前调【秋社】 吴文英

当楼月半窗曾买菱花处愁影背阑干素髮残风露神前鸡酒盟歌断秋香户泥落画梁空梦想青春语

前调 莫 伦

三两信凉风七八分圆月愁绪到今年又与前年别衾单容易寒烛暗相将灭欲识此时情听取鸣蛩说

前调 李莱老

妾情歌柳枝郎意怜桃叶罗带绾同心谁信愁千结楼上数残更马上看新月绣被怨春寒怕学鸳鸯叠

前调 李彭老

罗襦隐绣茸玉合销红豆深院落梅钿寒峭收灯後心事卜金钱月上鹅黄柳拜了夜香休翠被听春漏

前调 无名氏

闲倚曲屏风试写相思字不道极多情却是浑无思笑近短墙陰抛个青梅子苔上印鉤弯邂逅难忘此

前调 【宋媛】 李清照

年年玉镜台梅蕊宫妆困今岁不归来怕见江南信酒从别後踈泪向愁中尽遥想楚云深人远天涯近

前调 【宋媛】 朱淑真

寒食不多时几日东风恶无绪倦寻芳闲却秋千索玉减翠腰支病怯罗衣薄不忍卷帘看寂寞梨花落

前调 陆游妾

只知眉上愁不识愁来路  
牕外有芭蕉阵阵黄昏雨  
晓起理残妆整顿教愁去  
不合画春山依旧留愁住

前调【有擘橙为软金杯者赋之】 金章宗

风流紫府郎痛饮乌纱岸  
柔软九回肠冷怯玻璃盏  
纖纖白玉葱分破黄金弹  
借取洞庭春飞上桃花面

前调 韩 玉

裙拖簇石榴髻绾偏荷叶  
头上短金钗轻重还相压  
轻颦月入眉浅笑花生颊  
夫婿不风流取次看承别

前调 王予可

夜色明河静风好来千里  
水殿谪仙人皓齿清歌起  
前声金铎中後声银河底  
一夜岭头云绕徧楼前水

前调 仇 远

钗头缀玉蚕耿耿东牕晓  
京洛少年游犹恨归来早  
寒食正梨花古道多芳草  
今夜试青灯依旧双花小

前调 彭元逊

痴多故恼人妆晚翻嫌促  
祇为眼波长嗔笑娇难触  
春心不肯深春睡何曾足  
莫待柳花飞飞去无拘束

前调 刘 基

槐云糝坠鬟柳露酣啼眼  
深院有佳人坐惜芳菲晚  
素手理瑶琴曲罢空长叹  
竚立望青霄愁永清宵短

前调 刘 基

东风为爱花着意吹原野  
穠艳正堪怜何忍轻吹谢  
闷损玉楼人独立花枝下  
微睇敛双蛾红泪和花洒

前调【集句三首】 刘 基

青山欲暮时暝色生寒树不奈客愁多复送王孙去涧底寂无人暗谷疑风雨耿耿夜何长月落闻津鼓

前调 刘基

春风能几时柳色看犹浅蝴蝶梦中飞迹与孤云远明月照花枝入夜愁难遣形影自相怜不及衔泥燕

前调 刘基

愁多梦不成坐对银缸晓轻拂花妆惊起双栖鸟出户独傍徨烟里看鸿小日下四山阴辗转伤怀抱

前调【腊梅】 顾志

幽香度月迟瘦骨凌霜老潇洒自天然驿路花开早从教纖手栽眉黛晨妆巧独有岁寒心别笛声吹晓

前调【送春明媛】 叶小鸾

风飘万点红零落胭脂色柳絮入帘栊似问人愁寂凭阑望远山芳草连天碧深院锁春光去尽无寻覓

前调【明妓】 王微

鴈过纸牕寒月到空阶冷病起不堪愁梦去人初醒犹忆少年时寄迹如萍梗一幅落梅中相携问花影醉公子

【一名四换头双调四十字】

醉公子 顾夔

漠漠秋云澹红藕香侵檻枕倚小山屏金铺向晚扃睡起横波慢独望情何限衰柳数声蝉魂销似去年

前调 顾夔

岸柳垂金线雨晴莺百啭家住绿杨边往来多少年马嘶芳草远高楼帘半卷敛袖翠蛾攢相逢尔许难



前调 尹 鹗

暮烟笼藓砌戟门犹未闭  
尽日醉寻春归来月满身  
离鞍偎绣袂坠巾花乱缀  
何处恼佳人檀痕衣上新  
酒泉子

【此调体最多皆双调此为四十字之一体也】

酒泉子 温庭筠

日映纱窗金鸭小  
屏山碧故乡春烟霭隔背兰缸  
宿妆惆怅倚高阁  
千里云影薄草初齐花又落  
燕双双

前调 温庭筠

楚女不归楼枕小河春水  
月孤明风又起杏花稀  
玉钗斜亸云鬟重  
裙上金缕凤八行书千里  
梦鴈南飞

前调 牛希济

枕转簟凉清晓远  
钟残梦月光斜帘影动旧炉香  
梦中说尽相思事  
纤手匀双泪去年书今日意  
断人肠

前调 毛熙震

闲卧绣帏慵想万般情  
宠锦檀偏翘股重翠云欹  
暮天屏上春山碧  
映香烟雾隔蕙兰心魂梦役  
敛蛾眉

前调 毛熙震

钿匣舞鸾隐映艳红修碧  
月梳斜云鬓腻粉香寒  
晓花微敛轻呵展  
裊金燕软日初升帘半卷  
对妆残

前调 【又一体】 孙光宪

敛态嚬前裊裊雀钗抛  
颈燕成双鸾对影偶新知  
玉纤淡拂眉山小  
镜中嗔共照翠连娟红缥缈  
早妆时

前调 【又一体】 顾夐

罗带缕金兰麝烟凝魂断画屏欹云鬓乱恨难任  
几回垂泪滴鸳衾薄情何处去月临窗花满树信沉沉杨柳枝

【又一体双调四十字】

杨柳枝 顾 夙

秋夜香闺思寂寥漏迢迢鸳帏罗幌麝烟销烛光摇正忆玉郎游荡去无寻处更闻帘外雨潇潇滴芭蕉

前调 无名氏

簌簌花飞一雨残乍衣单屏风数幅画江山水云间别易会难无计那泪潸潸夕阳楼上凭阑干望长安

前调 葛长庚

按碎梅花一断肠送斜阳风烟缥缈月微茫又昏黄平野寒芜何处断接天长短篱浅水橘青黄度清香醉花间

【双调四十一字後段平仄稍异不分体】

醉花间 毛文锡

休相问怕相问相问还添恨春水满塘生鸂鶒还相趁昨夜雨霏霏临明寒一阵偏忆戍楼人久絶边庭信

前调 毛文锡

深相忆莫相忆相忆情难极银汉是红墙一带遥相隔金盘珠露滴两岸榆花白风摇玉佩清今夕为何夕春光好

【又一体双调四十一字换头平仄稍异无分体也】

春光好 和 凝

苹叶软杏花明画船轻双浴鸳鸯出绿汀棹歌声  
春水无风无浪春天半雨半晴红粉相随南浦晚几含情

前调 欧阳炯

磬香散渚冰融暖空蒙飞絮悠扬偏远空惹轻风  
柳眼烟来点绿花心日与妆红黄雀锦鸾相对舞近帘栊

前调 欧阳炯

花滴露柳摇烟艳阳天雨霁山樱红欲烂谷莺迁  
饮处交飞玉笋游时倒把金鞭风飏九衢榆叶动簇青钱

前调 欧阳炯

鸡树绿凰池清满神京玉兔宫前金榜出列仙名  
叠雪罗袍接武团花骏马骄行开宴锦江游烂漫柳烟轻

前调 张元干

疎雨洗细风吹淡黄时不分小亭芳草绿映帘低  
楼下十二层梯日光影里莺啼倚偏阑干看尽柳忆腰肢女冠子

【双调四十一字】

女冠子 温庭筠

霞帔云鬟镜仙容似雪画愁眉遮语回轻扇含羞下绣帏  
玉楼相望久花洞恨来迟早晚乘鸾去莫相遗

前调 温庭筠

含娇含笑宿翠残红窈窕鬟如蝉寒玉簪秋水轻纱卷碧烟  
雪胸鸾镜里琪树凤楼前寄语青娥伴早求仙

前调 韦庄

昨夜夜半枕上分明梦见语多时依旧桃花面频低柳叶眉  
半羞还半喜欲去又依依觉来知是梦不胜悲

前调 韦庄

四月十七正是去年今日别君时忍泪佯低面含羞半敛眉  
不知魂已断空有梦相随除却天边月没人知

前调 薛昭蕴

求仙去也翠钿金篦尽舍入岩峦露卷黄罗帔云雕白玉冠  
野烟溪洞冷林月石桥寒夜静松风下礼天坛

前调 薛昭蕴

云罗雾縠新授明威法籙降真函髻绾青丝髮冠抽碧玉簪  
往来云过五去住岛经三正遇刘郎使啓瑶缄

前调 牛峤

锦江烟水卓女烧春浓美小檀霞绣带芙蓉帐金钗芍药花  
额黄侵膩髮臂钏透红纱柳暗莺啼处认郎家

前调 牛峤

星冠霞帔住在蕊珠宫里佩丁当明翠摇蝉翼織珪理宿妆  
醺坛春草綠药院杏花香青鸟传心事寄刘郎

前调 牛峤

双飞双舞春昼後园莺语卷罗帏锦字书封了银河鴈过迟  
鸳鸯排宝帐豆蔻绣连枝不语匀珠泪落花时

前调 欧阳炯

秋宵秋月一朵荷花初发照前池摇曳熏香夜婵娟对镜时  
蕊中千点泪心里万条丝恰似轻盈女好风姿

前调 毛熙震

碧桃红杏迟日媚笼光影彩霞深香暖熏莺语风清引鹤音  
翠鬟冠玉叶霓袖捧瑶琴应共吹箫侣暗相寻

前调 毛熙震

修蛾慢脸不语檀心一点小山妆  
蝉鬓低含绿罗衣澹拂黄  
闷来深院里闲步落花傍  
纤手轻轻整玉炉香

前调 李 珣

星高月午丹桂青松深处  
醺坛开金磬敲清露珠幢立翠苔  
步虚声缥缈想像思徘徊  
晓天归路去指蓬莱

前调 孙光宪

蕙风芝露坛际残香轻度  
蕊珠宫苔点分圆碧桃花破浅红  
品流巫峡外名籍紫微中  
真侣墉城会梦魂通

前调 孙光宪

淡花瘦玉依约神仙妆束  
佩琼文瑞露通宵贮幽香  
尽日焚碧纱笼绛节黄藕冠浓云  
勿以吹箫伴不同羣

前调 张 泌

露华烟草寂寞五云三岛正  
春深貌减潜销玉香残尚惹襟  
竹疎虚檻静松密醺坛陰  
何事刘郎去信沉沉酒泉子

【又一体双调四十一字】

酒泉子 温庭筠

罗带惹香犹忆别时红豆泪痕新  
金缕旧断离肠  
一双娇燕语雕梁还是去年时节  
绿杨浓芳草歇柳花狂

前调 韦 庄

月落星沉楼上美人春睡  
绿云轻金枕腻画屏深  
子规啼破相思梦曙色东风才动  
柳烟轻花露重思难任

前调 顾 夔

杨柳舞风轻惹春烟残雨杏花愁  
莺正语画楼东  
锦庭寂寞思无穷还是不知消息  
镜尘生珠泪滴损仪容纱牕恨

【双调四十一字】

纱窗恨 毛文锡

新春燕子还来至一双飞垒巢泥湿时时坠浣人衣後园里看百花发香风拂绣户金扉月照  
纱窗恨依依玉蝴蝶

【双调四十一字】

玉蝴蝶 温庭筠

秋风凄切伤离行客未归时塞外草先衰江南鴈到迟芙蓉雕嫩脸杨柳堕新眉摇落使人悲  
断肠谁得知上行杯

【又一体双调四十一字】

上行杯 韦庄

芳草灞陵春岸柳烟深满楼弦管一曲离歌肠寸断今夜送君千万红缕玉盘金缕醺须劝珍  
重意莫辞满中兴乐

【双调四十一字】

中兴乐 毛文锡

豆蔻花繁烟艳深丁香软结同心翠鬟女相与共淘金红蕉叶里猩猩语鸳鸯浦镜中鸾舞丝  
雨隔荔枝陰忆秦娥

【又一体双调四十一字】

忆秦娥 张先

参差竹吹断相思曲情不足西北有楼穷远目  
忆苕溪寒影透清玉秋鴈南飞速菰草綠应下溪头沙上宿落梅风

【又一体双调四十一字】

落梅风 张先

宫烟如水湿芳晨梅似雪相亲数枝春惹香尘  
寿阳娇面偏怜惜妆成一片花新镜中重把玉纖匀酒初醺诉衷情

【又一体双调四十一字】

诉衷情 魏承班

春情满眼脸红销娇妬索人饶星靨小玉璫摇几共醉春朝  
别後忆纖腰梦魂劳如今风叶又萧萧恨迢迢生查子

【又一体双调四十一字】

生查子 孙光宪

寂寞掩朱门正是天将暮黯澹小庭中滴滴梧桐雨绣工夫牵心绪配尽鸳鸯缕待得没人时  
偎倚论私语

前调 孙光宪

清晓牡丹芳红艳凝金蕊乍占锦江春永认笙歌地感人心为物瑞烂漫烟花里戴上玉钗时  
迴与凡花异

前调 孙光宪

密雨阻佳期尽日凝然坐帘外正淋漓不觉愁如锁梦难裁心欲破泪逐檐声堕想得玉人情  
也合思量我

御选历代诗余卷四

## 卷五

<集部,词曲类,词选之属,御选历代诗余

钦定四库全书

御选历代诗余卷五目錄【四十一字】

点绛唇

寇准

赵拚

王禹偁

韩琦

晏几道【四首】

苏轼【二首】

黄庭坚

秦观

贺铸

毛滂【四首】

舒亶

王安礼

苏庠

苏过



周紫芝

谢逸

廖行之

周邦彦【四首】

曹组【五首】

吕渭老

何籀【二首】

蔡伸【三首】

叶梦得

王庭珪

汪藻

赵师侠

王十朋【三首】

赵鼎【二首】

朱翌

张元干【三首】

张抡【二首】

曾觌

侯寘

曾惇

朱雍

辛弃疾

周必大【二首】

姜夔

吕胜己【二首】

袁去华【二首】

吴琚

赵彦端【四首】

管监

陆游

张辑【二首】

王炎

俞灏

高观国【二首】

史達祖

汪莘【二首】

杨泽民

卢炳

吴文英【四首】

陈允平【三首】

周密

张炎

石孝友【二首】

方有闻

赵君举

王茂孙

吴大有

李铨

寇寺丞

无名氏【二首】

舒氏

魏氏

李清照【二首】

朱淑真

段克己

李俊民【二首】

元好问【二首】

张弘范【二首】

程钜夫

刘敏中

王恽

詹正

白朴

蒲道源

萧允之

曾允元

张翥

刘基

杨基【二首】

杨慎

吴子孝【二首】

王慎中

焦竑

王衡【二首】

陈继儒【四首】

施绍莘【二首】

叶小鸾【二首】

张引元

御选历代诗余卷五目錄

钦定四库全书

御选历代诗余卷五【四十一字】

司经局洗马掌局事兼翰林院修撰加二级【臣】王奕清奉

旨校刊

点绛唇

【取江淹诗明珠点绛唇之句一名点樱桃一名沙头雨一名南浦月一名一痕沙双调四十一字】

点绛唇 寇准

小陌轻寒社公雨足东风慢定巢新燕湿雨穿花转象尺熏炉拂晓停针线愁蛾浅飞红零乱  
侧卧珠帘卷

前调 赵抃

秋气微凉梦回明月穿帘幕井梧萧索正遶南枝鹊宝瑟尘生金鴈空零落情无托鬓云慵掠  
不似伊恩薄

前调 王禹偁

雨恨云愁江南依旧称佳丽水村渔市一缕孤烟细天际征鸿遥认行如缀平生事此时凝睇  
谁念凭阑意

前调 韩琦

病起恹恹庭前花影添憔悴乱红飘砌滴尽珍珠泪惆怅春时谁向花前醉愁无际武陵凝睇  
人远波空翠

前调 晏几道

明日征鞭又将南陌垂杨折自怜轻别得音尘絶杏子枝边倚徧阑干月依前缺去年时节  
旧事无人说

前调 晏几道

妆席相逢旋匀红泪歌金缕意中曾许欲共吹花去长爱荷香柳色殷桥路留人住淡烟微雨

好个双栖处

前调 晏几道

花信来时恨无人似花依旧又成春瘦折断门前柳天与多情不与长相守分飞後泪痕和酒沾了双罗袖

前调 晏几道

湖上西风露花啼处秋香老谢家春草唱得清商好笑倚兰舟转尽新声了烟波渺暮云移少一点凉蟾小

前调【杭州】 苏轼

闲倚交牀庾公楼外峰千朵与谁同坐明月清风我别乘一来有唱终须和还知麽自从添个风月平分破

前调 苏轼

月转乌啼画堂宫徵生离恨美人愁闷不管罗衣褪清泪斑斑挥断柔肠寸嗔人问背灯偷搵拭尽残妆粉

前调【重九寄嗣直弟】 黄庭坚

浊酒黄花画帘十日无秋燕梦中相见似作枯禅观镜里朱颜又减心情半江山远登高人健寄语东飞鴈

前调 秦观

醉漾轻舟信流引到花深处尘缘相误无计花间住烟水茫茫回首斜阳暮山无数乱红如雨不记来时路

前调 贺铸

红杏飘香柳含烟翠拖金缕水边朱户门掩黄昏雨烛影摇红一枕伤情绪归不去秦楼何处芳草迷归路

前调 毛滂

柏叶春醕为君竞酌玻璃盏玉箫牙管人意如春?髮緑长留不使韶华晚春无限碧桃花畔笑看蓬萊浅

前调 毛滂

何处君家蟠桃花下瑶池畔日迟烟?留得春长远几见花开一任年光换今年见明年重见春色如人面

前调【复寻旧游不果】 毛滂

小院重帘那回来处花相向迟迟一晌记得春模样昨夜月明应照芙蓉帐空凝望蜂劳蝶攘谁在花枝上

前调【惠山夜月赠鼓琴者】 毛滂

绣岭横秋玉螭吹暑迎凉气碧崖流水流入春葱指半倚朱顔微鞞连环珥通深意月明风细分付知音耳

前调【湖上闻乐】 舒亶

紫雾香浓翠华风转花随辇洞天云?一片笙歌远水殿龙舟忆侍瑶池宴闲庭院梦回春半云鬢无人见

前调【县斋】 王安礼

秋晚寒斋藜牀香篆横轻雾闲愁几许梦逐芭蕉雨云外征鸿似替幽人语归不去乱山无数斜日荒城鼓

前调 苏庠

冰勒轻颺緑痕初涨回塘水柳州烟际白鹭翘沙觜翦笠青蓑未减貂蝉贵云涛里醉眠篷底不属人间世

前调 苏过

新月娟娟夜寒江静山衔斗起来搔首梅影横牕瘦好个霜天闲却传杯手君知否乱鸦啼後归兴浓於酒

前调【桃花落尽赋此】 周紫芝

燕子风高小桃枝上花无数乱溪深处满地飞红雨  
唤得春来又送春归去浑无绪刘郎前度空记来时路

前调 谢逸

金气秋分风清露冷秋期半凉蟾光满桂子飘香远  
素练宽衣仙仗明飞观霓裳乱银桥人散吹彻昭华琯

前调【送人归新城】 廖行之

音信西来匆匆思作东归计别怀萦系为个人留滞  
尊酒团圞莫惜通宵醉还来未滿期君至只在初三是

前调 周邦彦

孤馆迢迢暮天草露沾衣润夜来秋近月晕通风信  
今日原头黄叶飞成阵知人闷故来相趁共结临岐恨

前调 周邦彦

征骑初停酒行莫放离歌举柳汀莲浦看尽江南路  
苦恨斜阳冉冉催人去空回顾淡烟横素不见扬鞭处

前调 周邦彦

台上披襟快风一瞬收残雨柳丝轻举蛛网黏飞絮  
极目平芜应是春归处愁凝伫楚歌声苦村落黄昏鼓

前调 周邦彦

辽鹤归来故乡多少伤情地短书不寄鱼浪空千里  
凭仗桃根说与相思意愁无际旧时衣袂犹有东风泪

前调【咏御射】 曹组

秋劲风高暗知斗力添弓面靶分筠干月到天心满  
白羽流星飞上黄金盃龙沙鴈云边惊散压尽天山箭

前调 曹组



霜落吴江万畦香稻来场圃夜村春黍草屋寒灯雨玉粒长腰沉水温温注相留住共抄云子更听歌声度

前调【烛】曹组

蜜炬高烧宝刀时翦金花碎照人欢醉也照人无睡待得灰心陪尽千行泪笼纱里夜凉如水犹喜长成对

前调曹组

云透斜阳半楼红影明牕户暮山无数归鴈愁边去十里平芜花远重重树空凝伫故人何处可惜春将暮

前调曹组

沉醉归来洞房灯火闲相照夜寒犹峭信意和衣倒春梦虽多好梦常常少纱窗晓风帟人悄花外空啼鸟

前调【圣节鼓子词】吕渭老

扇列红鸾赭黄日色明金殿御香葱蒨宝仗香风暖咫尺天顔九奏朝阳管羣臣宴醉霞凝面午漏传宫箭

前调何籀

春雨蒙蒙淡烟深鎖垂杨院?风轻扇落尽桃花片薄幸不来前事思量徧无由见泪痕如线界破残妆面

前调何籀

莺踏花翻乱红堆径无人埽杜鹃来了梅子枝头小拨尽琵琶總是相思调知音少暗伤怀抱门掩青春老

前调【登历阳连云观】蔡伸

水遶孤城乱山深锁横江路帆归别浦冉冉兰桡暮人在天涯鴈背南云去空凝伫凤楼何处烟雾迷津渡

前调蔡伸

香雪飘零?风着柳笼丝雨恼人情绪春事还如许宝勒朱轮共结寻芳侣东郊路乱红深处醉拍黄金缕

前调【梅】 蔡 伸

綠萼冰花数枝清影横疎牖玉肌清瘦夜久轻寒透忍使孤芳攀折他人手人归後断肠回首只有香盈袖

前调 叶梦得

高柳萧萧睡余已觉西风劲小牕人静淅沥生秋听底事多情欲与流年竞残云暝坠巾慵整独立芝兰径

前调【上元鼓子词】 王庭珪

玉漏春迟铁关金锁星桥夜暗尘随马明月应无价天半朱楼银汉星光射更深也翠蛾如画犹在凉蟾下

前调 汪 藻

高柳蝉嘶采菱歌断秋风起晚云如髻湖上山横翠帘卷西楼过雨凉生袂天如水画楼十二有个人同倚

前调 赵师侠

漠漠春陰褪花时候余寒峭数声幽鸟唤起帘栊晓云鬟慵梳淡拂春山小情多少乱萦愁抱风里垂杨袅

前调【酴醾】 王十朋

野态芳姿枝头占得春长久怕鈎衣袖不放攀花手试问东风花似当时否还依旧谪仙去後风月今谁有

前调【梅】 王十朋

雪径深深北枝贪睡南枝醒暗香疎影孤压羣芳顶玉艳冰姿妆点园林景凭阑咏月明溪静忆昔林和靖

前调【瑞香花】 王十朋

栏檻陰沉紫云呈瑞余寒凜卷帘欹枕香逼幽人寢入梦何年庠阜闻名稔风流甚阿谁题品  
唤作熏笼锦

前调 赵鼎

惜别伤离此生此会无重数故人何处还送春归去美酒一杯谁解歌金缕无情绪淡烟疎雨  
花落空庭暮

前调 赵鼎

香冷金炉梦回鸳帐余香嫩更无人问一枕江南恨消瘦休文顿觉春衫褪清明近杏花吹尽  
薄暮东风紧

前调 朱翌

流水泠泠断桥横路梅枝亚雪花飞下浑似江南画白璧青钱欲买春无价归来也西风平野  
一点香随马

前调 张元干

清夜沉沉暗蛩啼处檐花落乍凉帘幙香绕屏山角堪恨归鸿情似秋云薄书难托尽教寂寞  
忘了前时约

前调【秋社前一日溪光亭雨】 张元干

山暗秋云暝鸦接翅啼榕树故人何处一夜溪亭雨梦入新凉只道消残暑还知否燕将雏去  
又是流年度

前调 张元干

春晓轻雷采苹洲上清明雨乱云遮树黯淡江村路今夜归舟绿润红香处遥山暮画楼何许  
唤取潮回去

前调 张抡

何处春来惠风初自东郊至柳条花蕊迤邐争明媚造化难穷谁晓幽微理都来是自然天地  
一点冲和气

前调【赏花】 张抡

花满名园万红千翠交相映画  
阑幽径行乐迷芳景惟有幽人不与浮华竞  
便幽静兴来独饮花下风吹醒

前调 曾 覿

璧月香风万家帘幙烟如昼  
闹蛾谑柳人似梅花瘦行乐清时莫惜笙歌奏  
更阑後满斟金斗且醉厌厌酒

前调 侯 寘

约莫香来倚阑低瞰花如雪  
怨深愁絶瘦似年时节岁一相逢常是匆匆别  
歌壶缺又还吹彻笛里关山月

前调 曾 惇

九日传杯要携佳客栖霞去  
满城风雨记得潘郎句紫菊红萸何意留依住  
愁如许暮烟一缕正在归时路

前调【梅】 朱 雍

轻艳盈盈相逢曾向寒溪路  
惜飘零处无计禁春雨素影参差人在琼城步  
危阑暮年光催度特地香留住

前调 辛弃疾

隐隐轻雷雨声不受春回护  
落梅如许吹尽墙边去春水无情碍断溪南路  
凭谁诉寄声传语没个人知处

前调【次葛守韵】 周必大

报荅风光满倾琼液休思睡  
乱莺声碎来往甘棠底太守新词解释无穷意  
高歌起浮云闲事浑付烟中翠

前调【七夕赵富文席上】 周必大

秋夜乘槎客星容到天孙渚  
眼波微注将谓牵牛渡见了还非重理霓裳舞  
虽无误几年一遇莫讶周郎顾

前调 姜 夔

燕鴈无心太湖西畔随云去数峰清苦商略黄昏雨第四桥边拟共天随住今何许凭阑怀古  
残柳参差舞

前调【长沙送同官先归邵武】 吕胜已

满路梅花为谁开偏春风萼短亭萧索草草传杯酌送子先归我羡辽东鹤他年约瘦藤芒屨  
与子同丘壑

前调 吕胜已

一叶扁舟浮家来向江边住这回归去作个渔樵侣不挂征帆也莫摇双橹天涯路云山烟渚  
總是留人处

前调【登郢州城楼】 袁去华

楼檻凌风四边浑是青山绕水空相照天末归帆小家在江南三径都荒了何时到暗尘扑帽  
应被渊明笑

前调 袁去华

徙倚虚檐柳陰疎处看飞鸟水平池浴云影闲相照点翰舒牋字密蝇头小还 了路长山杳  
寄得愁多少

前调【涂中逢管倅】 吴 玕

顛顚天涯故人相遇情如故别离何遽忍唱阳关句我是行人更送行人去愁无据寒蝉鸣处  
回首斜阳暮

前调【柳】 赵彦端

春到垂杨嫩黄染就金丝软丽晴新?涌翠千山远为甚年年眉向东风展闲情遣欲归犹嬾渔  
笛天将晚

前调 赵彦端

护雨烘晴紫云缥缈来深院晚寒谁见红杏梢头怨絶代佳人万里沉香殿光风转梦余千片  
犹恨相逢浅

前调 赵彦端

瓦湿鸳鸯夜深霜重江风冷月华明映清浸梅梢粉漏断寒浓惹起当年恨君休问鴈飞欲尽  
没个南来信

前调 赵彦端

雪霁山横翠涛涌起千重恨砌成愁闷那更梅花褪风管云笙无不萦方寸丁宁问泪痕羞搵  
界破香腮粉

前调 管 监

去岁今朝海棠桃杏都开徧今年花晚不恨春恨浅旋旋花开图得春长远且留恋爱花心眼  
常与花为伴

前调 陆 游

采药归来独寻茅店沽新酿暮烟千嶂处处闻渔唱醉弄扁舟不怕黏天浪江湖上这回疎放  
作个闲人样

前调【潇湘渔父】 张 辑

来剪蓴丝江头一阵鸣蓑雨孤篷归路吹得苹风暮短髮萧萧笑与沙鸥语休归去玉龙嘶处  
邀月过南浦

前调 张 辑

带醉归时月华犹在吹箫处晓愁情绪忘却匆匆语客里风霜诗鬓空如许江南去岸花迎櫓  
遥隔沙头雨

前调【崇阳夜次】 王 炎

雨湿东风谁家燕子穿庭户孤材薄暮花落春归去浪走天涯归思萦心绪家何处乱山无数  
不记来时路

前调 俞 灏

欲问东君为谁重到江头路断桥薄暮香透溪云度细草平沙愁入淩波步今何许怨春无语  
片片随流去

前调 高观国

天外青鸾几时常向人间住断歌零舞月上阑陰暮憔悴潘郎不解为花主知何处梦云愁雨怕向西楼去

前调 高观国

钓月篷间载诗却向旗亭醉翠蒲陰外莫放双鸥起水佩仙裳洒落烟云意来相试玉绡新制要写蓬壶记

前调【夜过西陵桥】 史達祖

山月随人翠苹分破秋山影钓船归尽桥外诗心迴多少荷风不盖鸳鸯冷西风定可怜潘鬓偏浸秦台镜

前调 汪莘

数朵芙蕖嫣然一笑凌清晓谢家池沼秋景偏宜少气挟清霜似把羣花小秋风嫋湘君来了一曲烟波渺

前调 汪莘

晓角霜天画帘却是春天气小园行处双蝶相随至恰向梅边又向桃边覷孜孜地访兰寻蕙谁会幽人意

前调【集句】 杨泽民

雨歇方塘清圆一一风荷举棹舟南浦忘却来时路醉拍春衫便欲随君去【一作住】犹回顾小蛮樊素更有留人处

前调 卢炳

过眼溪山向来都是经行处骖鸾人去冷落吹箫侣小立江亭愁对蒹葭浦无情绪酒杯慵举闲看江枫舞

前调 吴文英

推枕南牕拣花寒入单纱浅雨帘不卷空碍调雏燕一握柔葱香染榴巾汗音尘断画罗闲扇山色天涯远

前调 吴文英

金井空陰枕痕历尽秋声闹梦长难晓月树愁鸦悄梅压檐花寒蝶寻香到牕黏了翠池春小  
波冷鸳鸯觉

前调 吴文英

时霎清明载花不过西园路嫩陰綠树正是春留处燕子重来往事东流去征衫贮旧寒一缕  
泪湿风帘絮

前调【越山见梅】 吴文英

春未来时酒携不到千岩路瘦还如许晚色天寒处无限新愁难对风前语行人去暗消春素  
横笛空山暮

前调 陈允平

眉叶顰愁泪痕红透兰襟润鴈声将近须带平安信独倚江楼落叶风成阵情怀闷蝶随蜂趁  
满地黄花恨

前调 陈允平

分袂情怀快风一箭轻帆举暮烟云浦芳草斜阳路输与闲鸥朝暮潮来去空凝伫小蛮樊素  
金屋春深处

前调 陈允平

莺语愁春海棠风里臙脂雨酒杯慵举闲扑亭前絮漠漠斜阳截断愁来路凭阑伫满怀离苦  
分付南楼鼓

前调【访牟存叟南漪词隐】 周 密

午梦初回卷帘尽放春愁去昼长无侣自对黄鹂语絮影苹香春在无人处移舟去未成新句  
一砚梨花雨

前调【芍药】 张 炎

独殿春光此花开後无花了丹青人巧不许芳心老密影翻阶曾为寻诗到竹西好采香歌杳  
十里红楼小

前调 石孝友



霁景澄秋晚风吹尽朝来雨夕阳烟树万里山光暮一带长川自在流今古人何处月波横素冷浸蒹葭浦

前调 石孝友

醉倚危檣望中归思生天际山腰渚尾几簇渔樵市帆落西风一段芦花水八千里锦书欲寄新鴈曾来未

前调 方有闻

七里滩边江光漠漠山如戟渔舟一叶径入寒烟碧笑我尘劳羞对双台石身如织年年行役鱼鸟浑相识

前调 赵君举

野岸孤舟断桥明月穿流水鴈声嘹唳双落行人泪去岁吾家曾插黄花醉今那是杖藜西指看即成千里

前调 莲房 王茂孙

折断烟痕翠蓬初离鸳鸯浦玉纤相妬早被专房误乍脱青衣犹着轻罗护多情处伤心一缕都为相思苦

前调【送李琴泉】 吴大有

江上旗亭送君还是逢君处酒阑呼渡云压沙鸥暮漠漠萧萧香冻梨花雨添愁绪断肠柔橹相逐寒潮去

前调【牡丹】 李铨

十二红阑帝城谷雨初晴後粉拖香逗易惹春衫袖把酒题诗遐想欢如旧花知否故人消瘦长忆同携手

前调【失名】 寇寺丞

春睡瞢腾觉时鸳被堆香煖起来犹嬾独自情何限深院日斜人静花阴转柔肠断凭高不见芳草连天远

前调 无名氏

燕子依依晓来總为谁归去淡云生处已觉宾鸿度浅笑低颦便面机中素乘鸾女琐牕琤宇  
会有明年暑

前调 无名氏

美满生离据鞍兀兀离肠痛旧欢新宠变作高唐梦回首孤城依约青山拥西风送戍楼寒重  
初品梅花弄

前调 【宋媛】 舒氏

独自临池闷来强把阑干凭旧愁新恨耗却年时兴鹭散鱼潜烟敛风初定波心静照人如镜  
少个年时影

前调 【宋媛】 魏氏

波上清风画船明月人归後渐消残酒独自凭阑久聚散匆匆此恨年年有重回首淡烟疎柳  
隐隐芜城漏

前调 【宋媛】 李清照

蹴罢秋千起来慵整纖纖手露浓花瘦薄汗轻衣透见有人来蹴剗金钗溜和羞走倚门回首  
却把青梅颯

前调 李清照

寂寞深闺柔肠一寸愁千缕惜春春去几点催花雨倚徧阑干祇是无情绪人何处连天芳树  
望断归来路

前调 【宋媛】 朱淑真

风劲云浓暮寒无奈侵罗幙髻鬟斜掠呵手梅妆薄少饮清欢银烛花频落凭萧索春工已觉  
点破梅香萼

前调 【晨起书所见】 段克己

爱酒渊明无钱休对黄花语一杯谁举寂寞空归去屋上青山山上行云度悠然处是中真趣  
欲写还无句

前调 【重阳菊间小酌】 李俊民

秋树风高可怜憔悴门前柳白衣去後闲却持杯手一笑相逢落帽年时友君知否南山如旧人比黄花瘦

前调【南斋牡丹】 李俊民

化恨开迟为花迟後为花恼问花开了却恨花开早人貌年年不似花长好还知道年年人貌却笑花先老

前调 元好问

绣佛长斋半生枉伴蒲团过酒垆横卧一蹴虚空破颇笑张颠自谓无人和还知麽醉乡天大少个神仙我

前调 元好问

醉里春归緑窗犹唱留春住问春何处花落莺无语渺渺吟怀漠漠烟中树西楼暮一帘疎雨梦里寻春去

前调 张弘范

春日前村一枝香彻江头路月明风度清煞西湖句昨夜幽欢梦里谁呼去愁如许觉来无语青鸟啼芳树

前调 张弘范

独上高楼恨随春草连天去乱山无数隔断巫阳路信杳梅花惆怅人何处愁无语野鸦烟树一点斜阳暮

前调【送王荅臣】 程钜夫

緑鬓青云王郎故是乘骢侣阿龙风度想在乌衣住带得春来又共春归去江头路美人何处官柳吹风絮

前调 刘敏中

短梦惊回北牕一阵芭蕉雨雨声还住斜日明高树起望行云送雨前山去山如雾断虹犹怒直入山深处

前调【送董秀才】 王恽

杨柳青青玉关门外三千里秦山渭水未是销魂地  
坦卧东牀恐减风云气功名际愿君着意  
莫搵春闺泪

前调【墨本水仙】詹正

缟袂啼香为谁一滴春心碎淡黄轻翠不似当时态  
东洛缁尘依旧交情耐空憔悴玉人何在  
细雨疎烟外

前调白朴

翠水瑶池旧游曾记飞琼伴玉笙吹断总作空花观  
梦里关山泪浥罗襟满离魂乱一灯幽幔  
展转秋宵半

前调【赋野茶蘼】蒲道源

玉蕊珑 绕篱盈树知谁种碧云堆重化作飞琼洞  
勾挽春衫裊裊珠缨弄风微动行人飞鞚  
着袖清香送

前调【记梦】萧允之

花径相逢眼期心诺情如昨怕人疑着佯弄秋千索  
知有而今何似当初莫愁难托雨铃风铎  
梦断灯花落

前调曾允元

一夜东风枕边吹散愁多少数声啼鸟梦转纱牕  
晓来是春初去是春将老长亭道一般芳草  
只有归时好

前调【舟行书见】张翥

风起云飞兰舟竞入横塘住恼人何处隔岸花笼雾  
一水盈盈难送凌波步空相覩正如牛女  
隔断银河路

前调刘基

昨夜三更井梧叶上闻鸣雨梦魂归去不到思量处  
为问灯花底向愁人吐花无语星河满树  
白髮三千缕

前调【莺】杨基

何处飞来梅梢一点黄金小  
睍晴催晓喉舌如簧巧  
春梦须臾正绕江南道  
空相恼被他惊觉  
绿徧池塘草

前调【红白桃】 杨基

浅碧深红是谁分染桃花片  
两枝争艳青粉墙头见  
深是娉婷浅更多娇倩  
昭阳殿玉环飞燕  
各自东风面

前调 杨慎

雪暗江郊小灯孤馆长宵半  
真珠醉艳冻作红冰片  
晓梦惊回画角声初断  
南枝畔梅花开徧  
谁见春风面

前调 吴子孝

花信风轻为花日日芳游早  
曲溪缭绕归棹情多少  
日映清波良夜春寒小  
长空皎歌声缥缈  
醉里愁如埽

前调 吴子孝

几日微寒霏霏小雨初晴霁  
青山迢递杖屨沾岚翠  
才试春衣?日醺人醉  
禽声碎草痕都细  
官柳黄金缀

前调【光泽寺】 王慎中

门掩青山空庭竹影门长埽  
一溪斜绕水气香花草木石幽殊  
禽鸟传昏晓  
谁知道白云锁了  
也有人来到

前调【壽徐松山】 焦竑

轩冕文章肯教换却尊前醉  
脚根如系不到长安市  
若问生涯笑指深山处  
云铺翠虬龙满地  
有个松千树

前调【送陈仲醇】 王衡

湿梦沉沉芭蕉雨响灯花?  
月儿来也人又随潮下?  
怕登高醉面秋风洒  
红堪把茱萸看罢  
半刻重阳假

前调 王衡

刻烛呼卢西风乍急檐头铁故人深热依旧朦胧别山淡云浓渐短憨儿髮杨花月溪桥雨滑  
坐到微钟歇

前调【题金石斋】 陈继儒

有个人家子云草阁相如壁室虚生白云气堆金石经案茶牀一织香烟织风无力牀头树  
色遮断游人屐

前调 陈继儒

凉雨初晴放舟独往游三泖寺门僧少一点鸥来搅返入空山竹底柴门小杯儿倒灯前句好  
雪里留鸿爪

前调【天池】 陈继儒

钟鼓沉沉寺门落叶归僧独晚鸦初宿影乱墙头竹长啸风前清籁飞空谷松如沐炊烟断续  
杯底秋山绿

前调【题泖桥澄鉴寺】 陈继儒

烟水茫茫溪云半掩堆僧屋阑干数曲窈窕藏花木三度风吹送我来投宿西牕竹月明茶熟  
橘柚墙头绿

前调【次眉公韵】 施绍莘

寺枕荒塘时时白浪吞僧屋桥头路曲废井当枯木如此幽闲恰好闲人宿牕敲竹酒醒茶熟  
天水鹦哥绿

前调【题雪图】 施绍莘

水墨江天蒙蒙野色微微树尽堪题句风雪溪桥路一点人行正在模糊处冲寒去打头狂絮  
人远天涯暮

前调【咏采明媛莲女】 叶小鸾

粉面新妆淡红衫子轻罗扇昨宵邻伴来约莲塘玩棹泛扁舟影共莲花乱深深见绿杨风晚  
空载闲愁返

前调 叶小鸾

竹径深深流云晓度罗帏静雨丝几阵满地桐花冷湿翠侵眉纖晕苍苔影看无尽倚屏人映一片潇湘景

前调 【明媛】张引元

时节朱明?风初入芭蕉院归期日盼松尽黄金钏病起南楼愁靥将雏燕无由见白云瞻恋十二阑干徧

御选历代诗余卷五

## 卷六

钦定四库全书

御选历代诗余卷六目錄【四十二字】

浣溪沙【上】

韩偓

张曙

南唐李璟

南唐李煜

韦庄【二首】

薛昭蕴【四首】

毛文锡

欧阳炯【二首】

顾夐

阎选

毛熙震【二首】

李珣【二首】

孙光宪【五首】

张泌【二首】

晏殊【五首】



欧阳修【六首】

晏几道【十二首】

张先【二首】

苏轼【十四首】

黄庭坚【二首】

秦观【三首】

晁补之

贺铸【十首】

毛滂【十二首】

李元膺

舒亶【三首】

赵令畤【四首】

米芾

苏庠

周邦彦【六首】

曹组

陈克

向子諲

蔡伸

叶梦得

赵师侠

赵鼎

朱敦儒

曾觌

曾惇

辛弃疾【六首】

御选历代诗余卷六目錄

钦定四库全书

御选历代诗余卷六【四十二字】

司经局洗马掌局事兼翰林院修撰加二级【臣】王奕清奉

旨校刊

浣溪沙【上】

【沙或作纱或名浣纱溪一名小庭花一名满院春一名广寒秋一名霜菊黄一名踏花天双调四十二字】

浣溪沙 韩偓

宿醉离愁慢髻鬟六铢衣薄惹轻寒慵红闷翠掩青鸾罗袜况兼金菡萏雪肌仍是玉琅玕骨  
杳腰细更沉

檀

前调 张曙

枕障熏炉冷绣帏二年终日苦相思杏花明月尔应知天上人间何处去旧欢新梦觉来时黄  
昏微雨画帘

垂

前调 南唐李璟

风压轻云贴水飞乍晴池馆燕争泥沈郎多病不胜衣沙上未闻鸿雁信竹间时听鹧鸪啼此情惟有落花

知

前调 南唐李煜

转烛飘蓬一梦归欲寻陈迹怅人非天教心愿与身违待月池台空逝水?花楼阁漫斜晖登临不惜更沾

衣

前调 韦庄

惆怅梦余山月斜孤灯照壁背窗纱小楼高阁谢娘家暗想玉容何所似一枝春雪冻梅花满身香雾簇朝

霞

前调 韦庄

夜夜相思更漏残伤心明月凭阑干想君思我锦衾寒咫尺画堂深似海忆来惟把旧书看几时携手入长

安

前调 薛昭蕴

粉上依稀有泪痕郡庭花落欲黄昏远情深恨与谁论记得去年寒食日延秋门外卓金轮日斜人散暗销

魂

前调 薛昭蕴

握手河桥柳似金蜂须轻惹百花心蕙风兰思寄清琴意满便同春水满情深还似酒杯深楚  
烟湘月两沉

沉

前调 薛昭蕴

江馆清秋缆客船故人相送夜开筵麝烟兰焰簇花钿正是断魂迷楚雨不堪离恨咽湘弦月  
高霜白水连

天

前调 薛昭蕴

红蓼滩头秋正凉印沙鸥迹自成行整鬟飘袖野风香不语含颦深浦里几回愁煞棹船郎燕  
归帆尽水茫茫

前调 毛文锡

七夕年年信不违银河清浅白云微蟾光鹊影伯劳飞每恨蟋蟀怜婺女几回娇妬下鸳机今  
宵嘉会两依

依

前调 欧阳炯

天碧罗衣拂地垂美人初着更相宜宛风如舞透香肌独坐含颦吹凤竹园中缓步折花枝有  
情无力泥人

时

前调 欧阳炯

落絮残莺半日天玉柔花醉只思眠惹愁映竹满炉烟独掩画屏愁不语斜欹瑶枕髻鬟偏此  
时心在阿谁

边

前调 顾夔

红藕香寒翠渚平月笼虚阁夜蛩清塞鸿惊梦两牵情宝帐玉炉残麝冷罗衣金缕暗尘生小  
牖孤烛泪纵

横

前调 阎选

寂寞流苏冷绣茵倚屏山枕惹香尘小庭花露泣浓春刘阮信非仙洞客姮娥终是月中人此  
生无路访东

邻

前调 毛熙震

春暮黄莺下砌前水晶帘影露珠悬绮霞低映晚晴天弱柳万条垂翠带残红满地碎香钿蕙  
风飘荡散轻

烟

前调 毛熙震

云薄罗裾绶带长满身新裊瑞龙香翠钿斜映艳梅妆佯不覩人空婉约笑和娇语太猖狂忍  
教牵恨暗形

相

前调 李珣

晚出闲庭看海棠风流学得内家妆小钗横戴一枝芳琢玉梳斜云鬓腻缕金衣透雪肌香暗  
思何事立残

阳

前调 李珣

红藕花香到槛频可堪闲忆似花人旧欢如梦絶音尘翠叠画屏山隐隐冷铺纹簟水粼粼断  
魂何处一蝉

新

前调 孙光宪

蓼岸风多橘柚香江边一望楚天长片帆烟际闪孤光目送征鸿飞杳杳思随流水去茫茫兰  
红波碧忆潇湘

湘

前调 孙光宪

兰沐初休曲槛前暖风迟日洗头天湿云新敛未梳蝉翠袂半将遮粉臆宝钗长欲坠香肩此  
时模样不禁怜

怜

前调 孙光宪

风递残香出绣帘团窠金凤舞檐檐落花微雨恨相兼何处去来狂太甚空推宿酒醒无厌争  
教人不别猜嫌

嫌

前调 孙光宪

轻打银筝坠燕泥断丝高罥画楼西花冠闲上午墙啼粉箨半开新竹径红苞落尽旧桃蹊不  
堪终日闭深闺

闺

前调 孙光宪

乌帽斜欹倒佩鱼静街偷步访仙居隔墙应认打门初将见客时微掩敛得人怜处且生疎低  
头羞问壁间书

书

前调 张泌

钿毂香车过柳堤桦烟分处马频嘶为他沉醉不成泥花满驿亭香露细杜鹃声断玉蟾低含  
情无语倚楼西

西

前调 张泌

马上凝情忆旧游  
照花淹竹小溪流  
钿筝罗幕玉搔头  
早是出门长带月  
可堪分袂又经秋  
晚风斜日不胜

愁

前调 晏殊

一曲新词酒一杯  
去年天气旧亭台  
夕阳西下几时回  
无可奈何花落去  
似曾相识燕归来  
小园香径独徘徊

徊

前调 晏殊

红蓼花香夹岸稠  
绿波春水向东流  
小船轻舫好追游  
渔父酒醒重拨棹  
鸳鸯飞去却回头  
一杯消尽两眉

愁

前调 晏殊

小阁重帘有燕过  
晚花红片落庭莎  
曲阑干影入凉波  
一霎好风生翠幙  
几回疎雨滴圆荷  
酒醒人散得愁

多

前调 晏殊

宿酒才醒厌玉卮  
水沉香冷嬾熏衣  
早梅先绽日边枝  
寒雪寂寥初散後  
春风悠扬欲来时  
小屏闲放画帘垂

垂

前调 晏殊

杨柳陰中驻彩旌  
菱荷香里劝金觥  
小词流入管弦声  
只有醉吟寬别恨  
不须朝暮促归程  
两条烟叶系人

情

前调 欧阳修

湖上朱桥响画轮  
溶溶春水浸春云  
碧琉璃滑净无尘  
当路游丝萦醉客  
隔花啼鸟唤行人  
日斜归去奈何

春

前调 欧阳修

红粉佳人白玉杯  
木兰船稳棹歌催  
綠荷风里笑声来  
细雨轻烟笼草树  
斜桥曲水遶楼台  
夕阳高处画屏

开

前调 欧阳修

二月春光厌落梅  
仙源归路碧桃催  
渭城丝雨劝离杯  
欢意似云真薄幸  
客鞭摇柳正多才  
凤楼人待锦书

来

前调 欧阳修

堤上游人逐画船  
拍堤春水四垂天  
綠杨楼外出秋千  
白髮戴花君莫笑  
六么催拍盞频传  
人生何处似尊

前

前调【秋千】 欧阳修

云曳香緜彩柱高  
绛旗风飏出花梢  
一梭红带往来抛  
束素美人羞不打  
却嫌裙慢褪纤腰  
日斜深院影空

摇



前调 欧阳修

香靥凝羞一笑开  
柳腰如醉暖相挨  
日长人困下楼台  
照水有情聊整鬓  
倚阑无语更兜鞵  
眼边牵恨懒归

来

前调 晏几道

卧鸭池头小苑开  
暄风吹尽北枝梅  
长莎软路几萦回  
静选绿阴莺有意  
漫随游骑絮多才  
去年今日忆同

来

前调 晏几道

二月风和到碧城  
万条千缕绿相迎  
舞烟弄日过清明  
妆镜巧眉偷叶样  
歌台妍曲借枝名  
晚秋霜霰莫无

情

前调 晏几道

白紵春衫杨柳鞭  
碧蹄骄马杏花鞦  
落英飞絮冶游天  
南陌暖风吹舞榭  
东城凉月照歌筵  
赏心多是酒中

仙

前调 晏几道

已拆秋千不奈闲  
却随蝴蝶到花间  
旋寻双叶插云鬟  
几褶湘裙烟缕细  
一钩罗袜素蟾弯  
绿牋红豆忆前

欢

前调 晏几道

团扇初随碧簟收  
画帘归燕尚迟留  
靥朱眉翠喜清秋  
风意未应迷狭路  
灯痕犹自记高楼  
露花烟叶与人

愁

前调 晏几道

唱得红梅字字香柳枝桃叶尽深藏遏云声里送离觞才听便 衣袖湿欲歌先倚黛眉长曲  
终敲损燕钗

梁

前调 晏几道

小杏春声学浪仙疎梅清唱替哀弦似花如雪绕琼筵顚粉月痕妆罢後脸红莲艳酒醒前今  
年新调得人

怜

前调 晏几道

浦口莲香夜不收水边风里欲生秋棹歌声细不惊鸥凉月送归思往事落英飘去起新愁可  
堪题叶寄东

流

前调 晏几道

铜虎分符领外台五云深处彩旌来春随红旆过长淮千里袴襦添旧暖万家桃李间新栽使  
星回首是三

台

前调 晏几道

翠阁朱阑倚处危夜凉闲捻彩箫吹曲中双凤已分飞绿酒细倾消别恨红牋小写问归期月  
华风意似当

时

前调 晏几道

午醉西桥夕未醒  
雨花凄断不堪听  
归时应减鬓边青  
衣化客尘今古道  
柳含春意短长亭  
凤楼争见路傍

情

前调 晏几道

家近旗亭酒易沽  
花时常得醉工夫  
伴人歌笑嬾妆梳  
户外绿杨春系马  
牀前红烛夜呼卢  
相逢不解有情

无

前调 张先

楼倚江边百尺高  
暮烟收处见归桡  
几时期信似春潮  
花片片飞风弄叶  
柳陰陰下水平桥  
日长人去又经

宵

前调 张先

水满池塘花满枝  
乱香深处语黄鹂  
东风轻软弄帘帟  
日正长时春梦短  
燕交飞处柳烟低  
玉牕红子鬪棋

时

前调 苏轼

学画鵷儿正妙年  
阳城下蔡困嫣然  
凭君莫唱短姻缘  
雾帐吹笙香嫋嫋  
霜庭按舞月娟娟  
曲终红袖落双

纏

前调 苏轼

晚菊花前斂翠蛾  
拈花传酒缓声歌  
柳枝团扇别离多  
拥髻凄凉论旧事  
曾随织女度银梭  
当年今夕奈愁

何

前调 苏轼

风卷珠帘自上钩萧萧乱弃报新秋独携纖手上高楼缺月向人舒窈窕三星当户照绸缪香生雾縠见纤

柔

前调 苏轼

覆块青青麦未苏江南云叶暗随车临皋烟景世间无雨脚半收檐断綫霜林初下瓦跳珠归来水颗乱黏

须

前调【咏橘】 苏轼

菊暗荷枯一夜霜新苞绿叶照林光竹篱茅舍出青黄香雾噀人惊半破清泉流齿怯初尝吴姬三日手犹

香

前调 苏轼

旋抹红妆看使君三三五五棘篱门相挨踏破茜罗裙老幼扶携收麦社乌鸢翔舞赛神村道逢醉叟卧黄

昏

前调 苏轼

簌簌衣巾落枣花村南村北响缲车牛衣古柳卖黄瓜酒困路长惟欲睡日高人渴漫思茶敲门试问野人

家

前调 苏轼

道字娇讹苦未成未应春阁梦多情朝来何事绿鬟倾彩索身轻长趁燕红窗睡重不闻莺困人天气近清

明

前调 苏轼

罗袜空飞洛浦尘锦袍不见谪仙人携壶藉草亦天真玉粉轻黄千岁药雪花浮动万家春醉  
归江路野梅

新

前调 苏轼

细雨斜风作晓寒淡烟疎柳媚晴滩入淮清路渐漫漫雪沫乳花浮午盏蓼芽蒿笋试春盘人  
间有味是清

欢

前调【徐州藏春阁】 苏轼

惭愧今年二麦丰千畦翠浪舞晴空化工余力染天红归去山公应倒载拦街拍手笑儿童甚  
时名作锦熏

笼

前调【扬州赏芍药樱桃】 苏轼

芍药樱桃两鬪新名园高会送芳辰洛阳初夏广陵春红玉半开菩萨面丹砂糝点柳枝唇尊  
前还有个中

人

前调【方响】 苏轼

花满银塘水漫流犀槌玉板奏凉州顺风环佩过秦楼远汉碧云轻漠漠今宵人在鹊桥头一  
声敲彻绦河

秋

前调【端午】 苏轼

入袂轻风不破尘玉簪犀壁醉佳辰一番红粉为谁新团扇祇堪题往事新丝那解系行人酒  
阑滋味似残

春

前调 黄庭坚

飞鹊台前晕翠蛾千金新买带青螺最难如意为情多几处淚痕留翠袖一春愁思近横波远  
山低尽不成

歌

前调【渔父】 黄庭坚

新妇矶头眉黛愁女儿浦口眼波秋惊鱼错认月沉鉤青箬笠前无限事綠蓑衣底一时休斜  
风细雨转船

头

前调 秦观

漠漠轻寒上小楼晓陰无赖似穷秋淡烟流水画屏幽自在飞花轻似梦无边丝雨细如愁宝  
帘闲挂小银

鉤

前调 秦观

锦帐重重卷暮霞屏风曲曲鬪红牙恨人何事苦离家枕上梦魂飞不去觉来红日又西斜满  
庭芳草衬残

花

前调 秦观

青杏园林煮酒香佳人初试薄罗裳柳丝摇曳燕飞?乍雨乍晴花易老闲愁闲闷日偏长为谁  
消瘦减容

光

前调【广陵被召留别】晁补之

帐饮都门春浪惊东飞身与白鸥轻淮山一点眼初明谁使梦回兰芷国却将春去凤凰城  
乌风转不胜

情

前调 贺铸

金斗城南载酒频东西飞观跨通津漾舟聊送雨余春桃李趣行无算酌桑榆收得自由身  
酣歌一曲太平

人

前调 贺铸

落日逢迎朱雀街共乘青舫度秦淮笑拈飞絮冒金钗洞户华灯归别馆碧梧红药掩萧斋  
愿随明月入君

怀

前调 贺铸

旧说山阴禊事修漫书茧纸叙清游吴门千载更风流遶郭烟花连茂苑满船丝竹载凉州  
一标争胜锦纒

头

前调 贺铸

闲抱琵琶旧谱寻四弦声怨却沉吟燕飞人静画堂阴欹枕有时成雨梦隔帘无处说春心  
一从灯夜到如

今

前调 贺铸

秋水斜阳遶緑阴平山隐隐隔横林几家村落几声砧记得西楼凝醉眼昔年风物似如今  
只无人与共登

临

前调 贺铸

烟柳春梢蘸晕黄井栏风绰小桃香觉时帘幙又斜阳望处定无千里眼断来能有几回肠少年禁取恁凄

凉

前调 贺铸

鼓动城头啼暝鸦过云时送雨些些嫩凉如水逗窗纱弄影西厢侵户月分香东畔拂墙花此时相望抵天

涯

前调 贺铸

楼角红销一缕霞澹黄杨柳带栖鸦玉人和月折梅花笑捻粉香归绣户半垂罗幙护窗纱东风寒似夜来

些

前调 贺铸

鸚鵡惊人促下帘碧纱如雾隔香奩雪儿窥镜晚蛾纤乌鹊桥边河络角鸳鸯楼外月西南门前嘶马弄金

衔

前调 贺铸

宫锦袍熏水麝香越纱裙染郁金香薄罗依约见明妆绣陌不逢携手伴绿窗谁是画眉郎春风十里断人

肠

前调 毛滂



银字笙箫小小童梁州吹过柳桥风阿谁劝我玉杯空小醉何须眠锦瑟夜归不用照纱笼画船帘卷月明

中

前调【宴太守张内翰】 毛滂

碧雾朦胧郁宝熏和风摇曳舞帘旌花间千骑两朱轮金马天才文作锦玉堂仙骨气如水湖山何似使君

清

前调【新春微雪】 毛滂

谢女清吟压郢楼楼前风转柳花球学成舞态却多羞半落琼瑶天又惜稍侵桃李蝶应愁酒家先当翠云

裘

前调【仲冬见花坞樱桃花】 毛滂

小圃韶光不待邀早通消息与含桃晚来芳意半寒梢含笑不言春淡淡试妆未徧雨萧萧东家小女可怜

娇

前调【上元游静林寺】 毛滂

花市东风卷笑声柳溪人影乱于云梅花何处暗香闻露湿翠云裘上月烛摇红锦帐前春瑶台有路渐无

尘

前调【尉圃观梅】 毛滂

曾向瑶台月下逢为谁回首矮墙东春风吹酒退颔红庾岭殷勤通远信梅花潇洒有仙风晚香多在玉杯

中

前调【寒食初晴对酒】 毛滂

小雨初收蝶做团和风轻拂燕泥乾秋千院落落花寒莫对清尊追往事更催新火续余欢一  
春心绪倚阑

干

前调【寒食初晴见牡丹】 毛滂

魏紫姚黄欲占春不教桃杏见清明残红吹尽恰才晴芳草池塘新涨绿官桥杨柳半拖青秋  
千院落管弦

声

前调【武康社日】 毛滂

碧户朱牕小洞房玉醅新压嫩鹅黄半青橙子可怜香风露满帘清似水笙簧一片醉为乡芙  
蓉绣冷夜初

长

前调 毛滂

本是青门学灌园生涯浑在乱山前一犁春雨种瓜田别後倩云遮鹤帐来时和月寄渔船傍  
人莫做长官

看

前调 毛滂

烟柳风蒲冉冉斜小牕不用着帘遮载归山影转湾沙略约断时分岸色蜻蜓立处过汀花此  
情此水共天

涯

前调 毛滂

灩灩金波暖做春疎疎烟柳瘦于人柳边半醉不胜情未解画船闲待月缓歌金缕细留云将  
云带月入东

门

前调 李元膺

饮散兰堂月未中  
骅骝骄簇绦纱宠  
玳簪促坐客从容  
已醉人间千日酒  
赐来天上密云龙  
蓬山清兴欲乘

风

前调 舒亶

燕外青楼已禁烟  
小寒犹自薄胜绵  
画桥红日下秋千  
惟有尊前芳意在  
应须沉醉倒花前  
绿牕还是五更

天

前调 舒亶

金缕歌残红烛稀  
梁州舞罢小鬟垂  
酒醒还是独归时  
画栋日高来语燕  
绮牕风暖度游丝  
几多绿叶上青

枝

前调【对棋】 舒亶

黑白纷纷小战争  
几人心手鬪纵横  
谁知胜处本无情  
谢傅老来思别墅  
杜郎闲去忆鏖兵  
何妨谈笑下聊

城

前调 赵令畤

槐柳春余绿涨天  
酒旗高插夕阳边  
谁家墙里笑秋千  
往事不堪楼上看  
新愁多向曲中传  
此情销得是何

年

前调 赵令畤

少日怀山老住山一官休务得身闲几年食息白云间似我乐来真是少见人忙处不相关养真高静出尘

寰

前调【王晋卿筵上】 赵令畤

风急花飞昼掩门一檐残雨滴黄昏便无离恨也销魂翠被任熏终不暖玉杯慵举几番温个般情事与谁

论

前调【刘平叔家妓】 赵令畤

稳小弓鞋三寸罗歌唇清韵一樱多灯前香艳总横波指下鸣琴清杳渺掌中回旋小婆娑明朝归路奈情

何

前调 米芾

日射平溪玉宇中云横远渚岫重重野花犹向涧边红静看沙头鱼入网闲支藜杖醉迎风小春天气恼人

浓

前调【题画】 苏庠

水榭风微玉枕凉牙牀角簟藕花香野塘烟雨罩鸳鸯红蓼渡头青嶂远绿苹波上白鸥双淋浪淡墨水云

乡

前调 周邦彦

翠葆参差竹径成新荷跳雨碎珠倾曲阑斜转小池亭风约帘衣归燕急水摇扇影戏鱼惊柳梢残日弄微

晴

前调 周邦彦

日射欹红蜡蒂香风乾微汗粉襟凉碧绡对卷簾纹光自翦柳枝明画阁戏抛莲药种横塘长  
亭无事好思量

量

前调 周邦彦

争挽桐花两鬓垂小妆弄影照清池珠帘踏袜趁蜂儿跳脱添金双腕重琵琶破拨四弦悲夜  
寒谁肯翦春衣

衣

前调 周邦彦

雨过残红湿未飞疎篱一带透斜晖游蜂酿蜜窃香归金屋无人风竹乱夜篝尽日水沉微一  
春须有忆人时

时

前调 周邦彦

水涨鱼天拍柳桥云鸠拖雨过江皋一番春信入东郊闲碾凤团消短梦静看燕子垒新巢又  
移日影上花梢

梢

前调 周邦彦

小院闲窗春色深重帘未卷影沉沉倚楼无语理瑶琴远岫出云催薄暮细风吹雨弄轻阴梨  
花欲谢恐难禁

禁

前调 曹组

柳絮池台淡淡风碧波花屿小桥通云连丽宇倚晴空芳草绿杨人去住短墙幽径燕西东攀  
条弄蕊得从风

容

前调 陈克

浅画香膏拂紫髭牡丹花重翠云偏手按梅子并香肩病起心情终是怯倦来体态不胜怜旋移鍼线小姑

前

前调 向子諲

璧月光中玉漏清小梅疎影水边明似梅人醉月西倾梅欲黄时朝暮雨月重圆处短长亭旧愁新恨若为

情

前调【五月西湖】 蔡伸

双凤雷文拂手香青纱衫子澹梳妆水姿绰约自生凉虚掉玉钗惊翡翠缓移兰棹趁鸳鸯鬓风乱緑云

长

前调【重阳】 叶梦得

小雨初回昨夜凉绕篱新菊已催黄碧云无际卷苍茫千里断鸿供远目十年芳草挂愁肠缓歌聊与送清

觞

前调 赵师侠

雪絮飘池点緑漪舞风游漾燕交飞阴阴庭院日迟迟一缕水沉香散後半瓿新茗味回时翛闲万事總忘

机

前调 赵鼎

灊灊春娇入眼波劝人金盏缓笙歌不禁粉泪搵香罗暮雨朝云相见少落花流水别离多寸肠争奈此情

何

前调 朱敦儒

雨湿清明烟火残碧溪桥外燕泥寒日长独自倚阑干脱箨修篁初散绿褪花新杏未成酸江南春好与谁

看

前调【樱桃】 曾 覿

谷雨郊园喜弄晴满林璀璨缀繁星筠篮新采绦珠倾樊素扇边歌未发葛洪炉内药初成金盘乳酪齿流

冰

前调 曾 惇

无数春山展画屏无穷烟柳照溪明花枝缺处小舟横紫禁正须红药句清江莫与白鸥盟主人元自是仙

卿

前调 辛弃疾

北垄田高踏水频西溪禾早已尝新隔墙沽酒煮纤鳞忽有微凉何处雨更无留影霎时云卖瓜人过竹边

村

前调 辛弃疾

寸步人间百尺楼孤城春水一沙鸥天风吹树几时休突兀趁人山石很朦胧避路野花羞人家平水庙东

头

前调 辛弃疾

歌串如珠个个匀被花勾引笑和颦向来惊动画梁尘莫倚笙歌多乐事相看红紫又抛人旧巢还有燕泥

新

前调 辛弃疾

梅子生时到几回桃花开后不须猜重来松竹意徘徊惯听禽声应可谱饱观鱼阵已能排晚风挟雨唤归

来

前调 辛弃疾

不世孤芳肯自媒直须诗兴与推排不然唤起酒边来自有陶潜方有菊若无和靖即无梅祇今何处向人

开

前调 辛弃疾

台倚崩崖玉灭痕青山却作捧心颦远林烟火几家村引入沧浪鱼得计展成寥阔鹤能言几时高处见层

轩

御选历代诗余卷六



## 卷七

<集部,词曲类,词选之属,御选历代诗余

钦定四库全书

御选历代诗余卷七目录【四十二字】

浣溪沙【下】

范成大【五首】

陈三聘【四首】

黄公度

张孝祥【二首】

程垓【二首】

朱熹

洪适

曹冠

吴儆【四首】

管监

陆游

杨炎

刘镇

郑域

韩淲【二十首】

汪莘

方岳

杨泽民

吴文英

陈允平【七首】

周密【三首】

张炎【二首】

石孝友【四首】

张桂

张盘

杨彦龄

陈德武

薛梦桂

毛珣

赵君举

江开

何梦桂【二首】

李彭老

无名氏

李清照【五首】

李氏

朱淑真【二首】

珍娘

慕容崑卿妻

刘仲尹【三首】

赵可【二首】

王礪

李献能

赵孟頫

詹正

顏奎

宋褰

邵亨贞

刘基【七首】

杨基【五首】

汤公让

张綖

于儒颖

施绍莘【二首】

夏复

钱继登

钱继章

冯鼎位【三首】

王凤嫺

沈宜修

叶小纨

叶小鸾【三首】

周兰秀

前调【又一体】

南唐李煜

御选历代诗余卷七目录

钦定四库全书

御选历代诗余卷七【四十二字】

司经局洗马掌局事兼翰林院修撰加二级【臣】王奕清奉

旨校刊

浣溪沙【下】

浣溪沙【烛下海棠二首】 范成大

倾坐东风百媚生  
万红无语笑逢迎  
照妆醒睡蜡烟轻  
彩蝼横斜春不夜  
绛霞浓淡月微明  
梦中重到锦官

城

前调 范成大

催下珠帘护绮丛花枝红里烛枝红烛光花影夜葱茏锦地绣天香雾里珠星壁月彩云中人  
间别有几春

风

前调【新安驿席上留别】 范成大

送尽残春更出游风前踪迹似沙鸥浅斟低唱小淹留月见西楼清夜醉雨添南浦绿波愁有  
人无计恋行

舟

前调【元夕後三日】 范成大

宝髻双双出绮丛妆光梅影各春风收灯时候却相逢鱼子牋中词婉转龙香拨上语玲珑明  
朝车马莫西

东

前调 范成大

红锦障泥杏叶鞦解鞍呼渡忆当年马骄不肯上航船茅店竹篱开蔗市绦裙青袂斲姜田临  
平风物故依

然

前调 陈三聘

酒力先从脸晕生粉妆新丽笑相迎晓寒高护彩云轻不语似愁春力浅有情应恨烛花明更  
于何处觅倾

城

前调 陈三聘

翠幕遮笼锦一丛樽前初见浅深红淡云和月影葱茏醉态只疑春睡里啼妆愁听雨声中更烧银烛醉东

风

前调 陈三聘

不怕春寒更出游兰桡飞动却惊鸥烟光佳处辄迟留屏曲未曾歌醉梦眉尖空只锁闲愁从教丝柳绊行

舟

前调 陈三聘

点检尊前花影丛于中偏占牡丹风等闲言语惯迎逢扇影不摇珠的皪钗梁斜亸玉玲珑梦魂长向楚江

东

前调【梅】 黄公度

风送清香过短墙烟笼晚色近修篁夕阳楼外角声长欲去还留无限思轻匀淡抹不成妆一樽相对月生

凉

前调 张孝祥

行尽潇湘到洞庭楚天阔处数峰青旗梢不动晚风平红蓼一湾纹缬乱白鱼双尾玉刀明夜凉船影浸疎

星

前调【瑞香】 张孝祥

腊後春前别一般梅花枯淡水仙寒翠云裘着紫霞冠妙品只今推第一宝香原不自人间为君更酌小龙

团

前调 程垓

薄日移陰午暑空一杯何事便潮红扇纨挥尽却疎慵早睡情怀冰枕外夜凉消息雨荷中不  
须留烛眩房

枕

前调 程垓

翠葆扶疎傍药阑乱飘綠沼满书单清明时节又看看小雨勒成春尾恨东风偏作夜来寒琴  
心老尽不须

弹

前调【酴醾】 朱熹

压架年来雪作堆珍丛也是近移栽肯令容易放春回却恐陰晴无定数从教红白一时开多  
情蜂蝶早飞

来

前调【钱范子芬】 洪适

整顿春衫欲跨鞍一杯相属少开顏愁蛾不似旧时弯未见两星添柳宿忍教三叠唱阳关相  
思空望会稽

山

前调【柳】 曹冠

翠带千条蘸碧流多情不解系行舟章台惜别恨悠悠湿雨伤春眉黛敛倚风无力舞腰柔丝  
丝烟缕织离

愁

前调【题星洲寺】 吴儆

十里青山泝碧流夕阳沙晚片帆秋重重烟树出层楼人去人来芳草渡鸥飞鸥没白苹洲碧  
梧翠竹记曾

游

前调 吴 儆

歙浦钱塘一水通闲云如幙碧重重吴山应在碧云东无力海棠风淡荡困眠宫柳日葱茏眼前春色为谁

浓

前调【题余干传舍】 吴 儆

画楯朱阑绕碧山平湖徙倚水云宽人家杨柳带汀湾目力已随飞鸟尽机心还逐白鸥闲萧萧微雨晚来

寒

前调【和镇远楼韵】 吴 儆

斜照波间湿嫩红朱阑翠袖倚轻风平山山色有无中俛首微官真自缚高飞远举羡冥鸿何时一艇大江

东

前调 管 监

十日狂风特地晴天工着意送行人负他桃李十分春杜宇已催归思乱啼莺休惹客愁新晚风溪路净无

尘

前调 陆 游

谩向寒炉醉玉瓶唤君同赏小窗明夕阳吹角最关情忙日苦多闲日少新愁常续旧愁生客中无伴怕君

行

前调 杨 炎



杨柳笼烟袅嫩黄桃花蘸水染红香薄罗衫子日初长  
饮尽东风三百盏醉来愁断几回肠教人独自遣风

光

前调【丁亥钱元宵】 刘 镇

帘幕收灯断续红歌台人散彩云空夜寒归路噤鱼龙宿醉未消花市月芳心已逐柳塘风丁  
宁莺燕莫匆

匆

前调 郑 域

酒薄愁浓睡不成夜长欹枕数残更嫩寒时节过烧灯已自孤鸾羞对镜未能双凤怕闻笙莫  
教吹作别离

声

前调【夜饮中明小轩】 韩 淲

一曲青山映小池林疎人静月明时相逢杯酒也相宜醉眼不知春事少欢情犹得漏声迟神  
仙何处梦魂

飞

前调 韩 淲

宝鸭香销酒未醒锦衾春暖梦初惊鬓云撩乱玉钗横半怯夜寒褰绣幌尚余娇困剔银灯粉?  
微褪脸霞

生

前调【夜饮听歌】 韩 淲

小雨收晴作社寒月桥花院篆香残杏腮桃脸黛眉弯歌拂燕梁牵客恨醉临鸾镜怕人看良  
宵春梦遶屏

山

前调【题美人书卷】 韩 泂

一曲霓裳舞未终玉钗垂额髻云松梦回金殿月华东燕子莺儿情脉脉柳枝桃叶恨匆匆罗襟空惹御香

浓

前调 韩 泂

芍药酴醾满院春门前杨柳媚晴曛重帘双燕语沉沉花映绿娇初日嬾叶栖红小晚烟昏轻雷不觉送微

陰

前调 韩 泂

一曲西风醉木犀天香吹梦入瑶池钗横犹记未开枝花重嬾舒红笑脸叶稀轻拂翠颦眉酒醒残月鴈声

迟

前调 韩 泂

山气吹云宝月凉园林承露菊花黄吾生只合醉为乡怅望佳人因共赋分明佳节是重阳酒边犹发少年

狂

前调 韩 泂

莫问星星鬓染霜一杯同看月昏黄放歌渔父濯沧浪却忆手栽双柳句真成云汉抉天章苏仙何在立苍

茫

前调【过卢申之】 韩 泂

梅叶陰陰占晚春博山香烬玉嶙峋茶瓿酒椀试濡唇闲里常愁无伴侣老来不是有情人牡丹天气惜芳

辰

前调 韩 泂

买得船儿去下湖这些天气近来无清和风里绿阴初酒不为渠闲放荡诗应嫌我太羸疎酒徒诗社复何

如

前调 韩 泂

锦瑟瑶琴续断弦璧堂初过牡丹天玉钩斜压小珠帘睡鸭炉温吟散後双鸳屏掩酒醒前一番春事怨啼

鹄

前调 韩 泂

春入疎弦调外声雪云初霁带湖清屏温香软绮窗深山倚虚寒情澹澹水流轻浅韵泠泠断魂醒处梦难

凭

前调【十六夜】 韩 泂

荆楚谁言镜听词烛花影动画檐低烧灯天气醉为期雨湿杏腮疑簌簌风迷柳眼半微微小山西路板桥

西

前调 韩 泂

分付心情作上元不知投老在林泉谁将邨酒劝觥船月影静摇风柳外霜华寒浸雪梅边醉敲乌帽忽醒

然

前调 韩 泂

宋玉悲秋合反骚陶潜把菊任持醪山遥遥外水萧萧梦不到时诗自在兴难忘处恨全消香  
沉沉里蕊飘

飘

前调【沙溪小饮】 韩 淲

一抹青山拍岸溪麦云将过笋初齐不知何处水流西小阁路头吾欲醉短篷船底客同携酒  
边华发更题

诗

前调 韩 淲

水遶孤邨客路赊一楼风雨角巾斜举觞无复问煎茶夜静曲声初喷竹酒深烛影细吹花明  
朝飞鹭起圆

沙

前调【寄李叔谦】 韩 淲

彩笔新题字字香鴈来时候燕空梁芙蓉无处着秋光人远山长言外意曲传书恨醉时妆倩  
谁闲寄水云

乡

前调【茉莉】 韩 淲

滴滴琼英发翠绡江梅标韵木香娇乍凉时候鴈声遥欲绾鬓丝妆未了半回身分曲初招霓  
裳依约梦魂

飘

前调【小集涧亭】 韩 淲

雨阁云流小院秋半醺凉意不关愁一番相见一番休淡竚乍持盃未浅嬾歌才罢笑初收主  
宾无处着绸

缪

前调【九日】 汪莘

青女催人两鬓霜  
白簪白酒作重阳  
方壶老子莫凄凉  
天地两三蝴蝶梦  
古今多少菊花香  
只将破帽送秋

光

前调【赵阁学饷蝤蛸酒春螺】 方岳

半榼含潮带靛香  
双螯嚼雪迸脐黄  
芦花洲渚夜来霜  
短棹秋江清到底  
长头春瓮醉为乡  
风流不枉与诗

尝

前调【水仙】 杨泽民

仙子何年下太空  
凌波微步笑芙蓉  
水风残月助惺忪  
矾弟梅兄都在眼  
银台金阙正当胸  
为伊一醉酒颜

红

前调 吴文英

曲角深帘隐洞房  
正嫌玉骨易愁黄  
好花偏占一秋香  
夜气清时初傍枕  
晓光分处未开牕  
可伶人似月中

霜

前调 陈允平

自别萧郎锦帐寒  
凤楼日日望平安  
杏花枝上露才乾  
眉皱但嫌钿翠堕  
臂销惟觉钏金宽  
薄情杨柳殢征

鞍

前调 陈允平

一枕华胥梦不成  
碧箫香润玉醪倾  
日长花影过池亭  
雪藕臂寒鹦较怯  
采菱歌发鹭频惊  
白苹洲上雨初

晴

前调 陈允平

鬪鸭阑干燕子飞一堤春水漾晴晖女郎何处踏青归生色鞦儿销凤稳碧罗衫子唾花微後  
期应待牡丹

时

前调 陈允平

六幅蒲帆晓渡平一江星斗渐西倾离家才是两三程酒外野花如唤客树头春鸟自呼名五  
云深处锦官

城

前调 陈允平

柳底征鞍花底车两行香泪湿红襦别来莺燕已春余梳洗楼台愁独倚笙歌庭院醉谁扶卷  
帘闲看玉蟾

蜍

前调 陈允平

十二珠帘绣带垂柳烟迷暗楚江涯自携玉笛凭丹梯写恨鸾笺凝粉泪踏青鸳鞢溅金泥落  
红深处乳莺

啼

前调 陈允平

睡起瞢腾小篆香素纨轻度玉肌凉竹深荷净少炎光雨过乱蝉嘶古柳日斜双鹭立闲塘更  
将心事自商

量

前调【拟梅川】周 密

蚕已三眠柳二眠双竿初起画秋千莺枕风响十三弦鱼素不传新信息鸾胶难续好姻缘薄情明月几番

圆

前调周密

不下珠帘怕燕嗔旋移芳槛引流莺春光却又早中分杏火无烟燃绿暗梨花有雪冷清明冶游天气冶游

心

前调周密

丝雨笼烟织晓晴睡余春酒未全醒翠钿轻脱隐香生怕柳丝萦舞蝶戏抛梅弹打流莺最难消遣是残

春

前调【墨水仙】张炎

昨夜蓝田采玉游向阳瑶草带花收如今风雨不须愁零露依稀倾凿落碎琼重叠缀搔头白云黄鹤思悠

悠

前调【兰】张炎

半面妆凝镜里春同心带舞掌中身因沾弱水褪精神冷艳喜寻梅共笑枯香羞与佩同纫湘皋犹有未归

人

前调石孝友

柳岸梅溪春又生风枝斜袅雪枝横空牵归兴惹离情灰尽寸心犹自热泪承双睫不能晴梦云楼隔豫章

城

前调 石孝友

迎客西来送客行堆堆历历短长亭殢人残酒不能醒烟染暮山浮紫翠霜凋秋叶满丹青凭谁图写入银

屏

前调 石孝友

几曲屏山数幅波鴈声斜带夕阳过卸帆聊醉菊花坡旅枕梦魂归路远秋江风紧夜寒多薄情还解忆人

麼

前调 石孝友

宿醉离愁慢髻鬟绿笺红豆忆前欢锦江春水寄书难红袖时笼金鸭暖小楼吹彻玉笙寒为谁和泪倚阑

干

前调 张 桂

雨压杨花路半乾蜂遗花粉在阑干牡丹开尽正春寒嬾品么弦金鴈并瘦惊双钗玉鱼宽新愁不放翠眉

闲

前调 张 盘

习习轻风破海棠秋千移影上回廊昼长蝴蝶为谁忙度柳早莺分暖绿过花小燕带春香满庭芳草又斜

阳

前调【武进厅壁】 杨彦龄

倦客东归得自由西风江上泛扁舟夜寒霜月素光流想得故人千里外醉吟应上谢家楼不多天气近中



秋

前调 陈德武

月落桐梢杜宇啼雪埋芳树鹧鸪飞夜阑分作送春诗山上安山经几岁口中添口又何时相思一曲诉伊

谁

前调 薛梦桂

柳映疎帘花映门春光一半几销魂新诗未了枕先温燕子说来千万恨海棠开到二三分小牕银烛又黄

昏

前调【桂】 毛珣

绿玉枝头一粟黄碧纱帐里梦魂香晓风和月步新凉吟倚画阑怀李贺笑持玉斧问吴刚素娥不嫁为谁

妆

前调 赵君举

疎?摇摇趁岸移惊鸥点点过帆飞船分水打嫩沙回断梦不知人去处卷帘还有燕来时日斜风紧转湾

西

前调 江开

手捻花枝忆小苹绿窗空锁旧时春满楼飞絮一箴尘素约未传双燕语新愁还入卖花声十分春事倩行

云

前调【寄刘總管】 何梦桂

细柳连营绿?重暖风旗影扬蛇龙昼闲吟思入千峰紫绶金牌人绿鬓绣鞦丝辔马青骢会将三箭取侯

封

前调【用前韵并简二千户】 何梦桂

金紫山前山万重山高云密下苍龙春来好雨徧三峰芳草郊原眠茧犊垂杨营垒系花骢趋归行有紫泥

封

前调 李彭老

玉雪庭心夜色空移花小槛鬪春红轻衫短帽醉歌重彩扇旧题烟雨外玉箫新谱燕莺中阑干到处是春

风

前调【瓜陂题壁】 无名氏

剪碎香罗裊泪痕鹧鸪声断不堪闻马嘶人去近黄昏整整斜斜杨柳陌疎疎密密杏花邨一番风月更销

魂

前调 【宋媛】 李清照

淡荡春光寒食天玉炉沉水裊残烟梦回山枕隐花钿海燕未来人鬪草江梅已过柳生絪黄昏疎雨湿秋

千

前调 李清照

绣幕芙蓉一笑开斜偎宝鸭衬香腮眼波才动被人猜一面风情深有韵半牋娇恨寄幽怀月移花影约重

来

前调 李清照

楼上晴天碧四垂楼前芳草接天涯伤心莫上最高梯新笋已成堂下竹落花都入燕巢泥忍听林表杜鹃

啼

前调 李清照

髻子伤春嬾更梳晚风庭院落梅初淡云来往月疎疎玉鸭熏炉闲瑞脑朱樱斗帐掩流苏通犀还解辟寒

无

前调 李清照

小院闲窗春色深重帘未卷影沉沉倚楼无语理瑶琴远岫出云催薄暮细风吹雨弄轻陰梨花欲谢恐难

禁

前调 【宋媛】 李 氏

无力蔷薇带雨低多情蝴蝶趁花飞流水飘香乳燕啼南浦魂销春不管东阳衣减镜先知小楼今夜月依

依

前调 【宋媛】 朱淑真

露井夭桃吐绛英春衣初试薄罗轻风和烟煖燕巢成满院深帘闲不卷曲房朱户闷长扃恼人光景又清

明

前调 朱淑真

卸下金钗一样娇背灯初解绣裙腰衾寒枕冷夜香消深院不关春寂寂落花和雨夜迢迢恨情和梦更无

聊

前调 【宋媛】 珍娘

溪雾溪烟溪景新溶溶春水净无尘碧琉璃底浸春云风扬游丝垂蝶翅雨飘飞絮湿莺唇桃花片片送残

春

前调 慕容崑卿妻

满目江山忆旧游汀花汀草弄春柔长亭棹住木兰舟好梦易随流水去芳心犹逐?云愁行人莫上望京

楼

前调 刘仲尹

绣馆人人倦踏青粉垣深处簸钱声卖花门巷绿陰轻帘幙风柔飞燕燕池塘花暖语莺莺有谁知道一春

情

前调 刘仲尹

贴体宫罗试袷衣冰蓝娇浅染东池春风一把瘦腰支戏镂宝钿呈翡翠笑拈金剪下酴醾最宜京兆画新

眉

前调 刘仲尹

万叠春山一寸心章台西去柳阴阴蓝桥特为好花寻别後鱼封烟涨阔梦回鸾翼海云深情知顿着有如

今

前调 赵可

火冷熏炉香渐消更阑拨火更重烧愁心心字两俱焦半世清狂无限事一牕风月可怜宵残灯花落梦无

聊

前调 赵可

擡转炉熏自换香锦衾收拾却遮藏二年尘暗小鸳鸯落木萧萧风似雨疎桷皎皎月如霜此时此夜最凄

凉

前调【梦中作】 王 礪

林樾人家急暮砧夕阳人影入江深倚阑疎快北风襟雨自青山明处黑云从白鸟去边阴几多秋思乱乡

心

前调 李献能

垂柳阴阴水拍堤欲穷远目望还迷平芜尽处暮天低万里中原犹北顾十年长路却西归倚楼怀抱有谁

知

前调【赠歌者】 赵孟頫

满捧金卮低唱词樽前再拜索新诗老夫惭愧鬓成丝罗袖染将新竹翠粉香须上小梅枝相逢不似少年

时

前调【赠粉儿】 詹 正

淡淡青山两点春娇羞一点口儿樱一梭儿玉一綰云白藕香中见西子玉梅花下遇文君不曾真个也销

魂

前调 顔奎

梦泊游丝昼影移水沉香苑紫烟微玉笙才过画楼西天上人间花事近镜中翠压两山低又成春过感莺

啼

前调【崑山州城西小寺】 宋 褰

落日吴江驻画桡招提佳处暂逍遥海风吹面酒全消曲沼芙蓉秋的小山丛桂晚萧萧几时容我夜吹

箫

前调 邵亨贞

西子湖头三月天半篙新涨柳如烟十年不上断桥船百媚燕姬红锦瑟五花宛马紫丝鞭年年春色暗相

牵

前调 刘基

半亩荒园自看锄雨中时复撷新蔬不须弹铗叹无鱼早息机心劳役少嬾闻世事往来疎清风明月總羸

余

前调 刘基

绦帟鸡人紫绮裘彤墀欲报五更筹不胜娇冶立清秋日影却穿云气入虹光犹带露华流三千红粉總凝

眸

前调 刘基

细草垂杨邨巷幽白沙素石引溪流青苔矶上有扁舟门外好山开罨画屋头新月学帘鉤窗风一榻似清

秋

前调 刘基

花压阑干春昼长碧楼红树倚斜阳入门惟觉一庭香絶壁过云开锦绣冰丝弹月梦清凉鸾歌凤舞断人

肠

前调 刘基

语燕鸣鸠白昼长黄蜂紫蝶草花香沧江依旧遶斜阳泛水浮萍随处满舞风轻絮霎时狂清和院宇麦秋

凉

前调 刘基

云压斜曛照树黄风生水榭绿阴凉渴蛙得雨闹池塘红焰射人榴火炫青丝匝地柳条长卷帘明月满回

廊

前调 刘基

可怪西园木槿花强将孤艳鬪轻霞不知门外夕阳斜应有断魂随蛱蝶岂无幽恨寄寒鸦那堪横被緑苔

遮

前调【初夏】 杨基

几卷斜封出旧窠藕丝柔梗上新荷衣裳轻薄试单罗烟淡淡中青草合雨丝丝里緑阴多园林佳处是清

和

前调【上巳】 杨基

软翠冠儿簇海棠  
研罗衫子绣丁香  
闲来水上踏青阳  
风暖有人能作伴  
日长无事可思量  
水流花落任匆匆

忙

前调 杨基

小院回廊曲更深  
一重杨柳一重阴  
夜长人静漏沉沉  
雪白梨花千瓣玉  
雨黄梅子万丸金  
清和天气夏初临

临

前调【花朝】 杨基

鸾股先寻鬪草钗  
凤头新绣踏青鞵  
衣裳宫样不须裁  
软玉镂成鸂鶒架  
泥金镌就牡丹牌  
明朝相约看花来

来

前调【寒食】 杨基

暖雨香云百五天  
玉纤银甲十三弦  
笑移罗幙上红船  
照水再簪珠络索  
背人重贴翠团圆  
安排花里蹴秋千

千

前调 汤公让

燕垒雏空日正长  
一川残雨映斜阳  
鸂鶒晒翅满鱼梁  
榴叶拥花当北户  
竹根抽笋出东墙  
小庭孤坐嬾衣裳

裳

前调 张綖

风搅花阴舞扇罗  
疎帘清簟鬪湘波  
隔墙谁唱竹枝歌  
宝鼎袅云秋意嫩  
玉箫吹月夜凉多  
今年新鴈信如何

何



前调 于儒颖

一片心情眼底柔倦容疎态越风流未经惆悵不知愁  
鸳谱怪来鍼线减工夫强半为梳头日西初见下妆

楼

前调 施绍莘

杜若芳洲淡淡烟一番花信又经年燕悲春尽亦呢喃  
烛影摇红裁密信绮琴翻曲记奇缘恼人心性脱绵

天

前调 施绍莘

手揭帘衣漾晓风小釭余灿画屏中有人羞倩拾鞦  
弓眉学蛾妆黄嫩点鬟偷鸦润緑新笼耐人瞧觑面微

红

前调 夏 复

柳色深深听晓莺玉阑愁倚梦分明闲花斜落小钗横  
蝴蝶前生原夜合杨花身後作浮萍东风轻薄误多

情

前调 钱继登

蝉避浓炎静未譁东隣伊轧縵丝车豆棚瓜架野人家  
翠荚嫩堪浮茗气黄鸡肥欲待姜芽闲搔短髮日西

斜

前调 钱继章

春尽园林褪闹红阴阴静緑意从容须眉俱碧住山翁  
花卷半堦通履舄柳开一面出帘栊管人闲事是东

风

前调【客归见柳花作】 冯鼎位

渺渺烟云古道斜长亭遥望短亭除东风何事苦相遮记得江梅才入梦却看杨柳近飞花不知春色在谁

家

前调 冯鼎位

轻暖轻寒日易斜半山半水路方除春深无影倩谁遮客路萧萧无好梦故园日日想开花去年双燕已还

家

前调 冯鼎位

绿满池塘春渐轻恼人天气过清明腰肢瘦损转娉婷唤雨唤晴鸠不歇无拘无束梦难凭闲愁毕竟几时

停

前调【郊行明媛】 王凤?

曲径新篁野草香随风闪闪蝶衣忙柳丝飞堕点衣裳人在景中怜日永燕翻波面舞春长小桥古渡半斜

阳

前调【明媛】 沈宜修

淡薄轻阴拾翠天细腰柔似柳飞丝吹箫闲向画屏前诗句半缘芳草断鸟啼多为杏花妍夜寒红露湿秋

千

前调【新月明媛】 叶小纨

纤影黄昏到小楼弱云扶住柳梢头卷帘依约见帘钩妆镜试开微露匣蛾眉学画半含愁清光先自映波

流

前调【明媛】叶小鸾

几日东风倚画楼碧天青霭半空浮韶光多半杏梢头垂柳有情怜夕照飞花无计郤春愁但凭天气困人

休

前调叶小鸾

竹径烟迷薜荔墙好风摇曳弄垂杨无情啼鸟向人忙一曲瑶琴消午梦半炉沉水爇春香倚阑无语又斜

阳

前调【初夏】叶小鸾

香到酴醾送晚凉苕风轻约薄罗裳曲栏凭徧思偏长自是幽情慵卷幌不关春色恼人肠误他双燕未归

梁

前调【明媛】周兰秀

雨过梧桐万绿平模糊山色逐云行飘飘莺羽傍风迎茉莉小庭香落袂梦余蕉影倚牕横隔楼何处度箫

声

前调【又一体】南唐李煜

红日已高三丈透金炉次第添香兽红锦地衣随步皱佳人舞点金钗溜酒恶时拈花蕊顛别殿遥闻箫鼓奏

御选历代诗余卷七

## 卷八

<集部,词曲类,词选之属,御选历代诗余

钦定四库全书

御选历代诗余卷八目錄【起四十二字至四十四字】

玉蝴蝶【又一体】

孙光宪

清商怨

晏几道

周邦彦

陈允平

醉垂鞭

张先

小桃红

王恽【二首】

倪瓚

春光好【又一体】

程垓

归国谣

温庭筠

前调【又一体】

顏奎

愁倚阑令

晏几道

蔡伸

曾觌

程垓

欧良

石孝友

生查子【又一体】

张泌

前调【又一体】

陈亚

诉衷情【又一体】

吴子孝

雪花飞

黄庭坚

酒泉子【又一体】

牛峤

前调【又一体】

顾夔

前调【又一体】

李珣

纱窗恨【又一体】

毛文锡

中兴乐【又一体】

牛希济

酒泉子【又一体】

顾夔

前调【又一体】

顾夔

前调【又一体】

顾夔

前调【又一体】

李珣【二首】

前调【又一体】

李珣

前调【又一体】

张泌

前调【又一体】

张泌

伤春怨

王安石

霜天晓角

赵师侠

辛弃疾

韩元吉

曹冠

吕胜己

刘圻父

前调【又一体】

林逋

赵长卿

范成大

周必大

甄龙友

张辑

谢懋

吴礼之

高观国

萧泰来

赵希

王澡

葛长庚

韩玉

前调【又一体】

蒋捷

黄机

楼盘【二首】

清商怨【又一体】

晏殊

周邦彦

前调【又一体】

沈会宗

归国谣【又一体】

韦庄【三首】

小桃红【又一体】

王恽【二首】

殿前權

倪瓚



水仙子

倪瓚

减字木兰花

欧阳修

晏几道【二首】

苏轼【六首】

黄庭坚【六首】

秦观

毛滂

舒亶【二首】

王安国

谢逸

谢薖

周邦彦

李祁

夏倪

李纲

朱敦儒

曾觌

范成大【三首】

陈三聘【二首】

吴儆【三首】

赵彦端

管监

汪莘

石孝友

魏氏【二首】

蒋氏

高士谈

韩玉

李东阳

吴洪

赵宽

徐阶

吴子孝【二首】

冯鼎位

马琼琼

孟淑卿

巫山一段云

毛文锡【二首】

欧阳炯

李珣【二首】

赵孟頫【五首】

黄氏

霜天晓角【又一体】

赵长卿

前调【又一体】

赵长卿

前调【又一体】

吴文英

酒泉子【又一体】

顾夔

御选历代诗余卷八目錄

钦定四库全书

御选历代诗余卷八【起四十二字至四十四字】

司经局洗马掌局事兼翰林院修撰加二级【臣】王奕清奉

旨校刊

玉蝴蝶

【又一体双调四十二字】

玉蝴蝶 孙光宪

春欲尽景仍长满园花正黄粉翅两悠扬翩翩过短墙鲜飏暖牵游伴飞去立残芳无语对萧娘舞衫沉麝

香

清商怨

【晋乐府有清商曲唐舞曲有清商伎其声最为凄惋调名以此又名伤情怨又名关河令双调四十二字】

清商怨 晏几道

庭花香信尚浅最玉楼先暖梦觉香衾江南依旧远回文锦字暗翦谩寄与也应归晚要问相思天涯犹自

短

前调 周邦彦

枝头风信渐小看暮鸦飞了又是黄昏闭门收返照江南人去路杳信未通愁已先到怕见孤灯霜寒催睡早

前调 陈允平

南枝春意正小篱菊都荒了帐底孤灯夜来还独照沙洲烟翠渺渺谢塞鸿频带书到笑捻梅花今年开较早

醉垂鞭

【双调四十二字】

醉垂鞭 张先

双蝶绣罗裙东池宴初相见朱粉不深匀闲花淡淡春细看诸处好人人道柳腰身昨日乱山昏来时衣上

云

小桃红

【一名平湖乐双调四十二字】

小桃红 王 恽

秋风嫋嫋白云飞人在平湖醉云影湖光澹无际锦屏围  
故人远在千山外百年心事一尊浊酒长使此心违

前调 王 恽

安仁双鬓已惊秋更甚眉头皱一笑相逢且开口玉为舟  
新词澹似鹅黄酒醉归扶路竹西歌吹人道是扬州

前调 倪 瓚

一江秋水澹寒烟水影明如练眼底离愁数行鴈雪晴天  
綠苹红蓼参差见吴歌荡桨一声哀怨惊起白鸥眠

春光好

【又一体双调四十二字】

春光好 程 垓

春犹浅柳初芽杏初花杨柳杏花交映处有人家  
玉牕明暖烘霞小屏上水远山斜昨夜酒多春睡重莫惊他

归国谣

【双调四十二字】

归国谣 温庭筠

香玉翠凤宝钗垂 ?钿筐交胜金粟越罗春水綠画堂照帘残烛梦余更漏促谢娘无限心曲  
晓屏山断续

前调 【又一体】 顔 奎

春风拂拂檐花双燕入少年湖上风日问天何处觅湖山画屏晴碧梦华知夙昔东风忘了前  
迹上青芜半壁

## 愁倚阑令

【双调四十二字亦春光好之别一体也】

### 愁倚阑令 晏几道

凭江阁看烟鸿恨春浓还有当年闻笛泪洒东风  
时候草绿花红斜阳外远水溶溶浑似阿莲双枕畔画堂中

### 前调 蔡伸

天如水月如钩正新秋月影参差人窈窕小红楼  
如今往事悠悠楼前水肠断东流旧物忍看金约腕玉搔头

### 前调 曾觌

心头事不思量自难忘花底梦回春漠漠恨偏长  
闲时多少韶光雕阑静芳草池塘风急落红留不住又斜阳

### 前调【三荣道上】 程垓

山无数雨萧萧路迢迢不似芙蓉城下去柳如腰  
梦随春絮飘飘知他在第几朱桥说与杜?休唤起怕魂销

### 前调 欧良

东风恶宿云凝忒无情合造梨花深院雨断肠声  
枕上春梦初醒红窗外何处啼莺已办春游双画舫几时晴

### 前调 石孝友

淮水阔楚山长恨难量不道离愁人独夜更天凉  
佳节虚过重阳更篱下拆尽踈黄看取清溪三百曲是回肠

## 生查子

【又一体双调四十二字】

### 生查子 张泌

相见稀喜相见相见还相远檀画荔枝红金蔓蜻蜓软鱼鴈疎芳信断花落庭陰晚可惜玉肌肤销瘦成慵

嬾

前调【又一体】 陈 亚

相思意已深白纸书难足字字苦参商故要?榔读分明记得约当归远至樱桃熟何事菊花时犹未回乡曲

诉衷情

【又一体双调四十二字】

诉衷情 吴子孝

良宵喜见月华明风和雨又晴层云如洗万里湛空青人已静睡初醒酒初行玉炉香暖宝檻花鲜春满帘

旌

雪花飞

【双调四十二字】

雪花飞 黄庭坚

携手青云路稳天声迤邐传呼袍笏恩章乍赐春满皇都何处难忘酒琼花照玉壶归嫋丝鞞竞醉雪舞郊衢

酒泉子

【又一体双调四十二字】

酒泉子 牛 峤

记得去年烟暖杏园花正发雪飘香江草緑柳丝长钿车纤手卷帘望眉学春山样凤钗低袅翠鬟上落梅妆

前调【又一体】 顾 夘

黛薄红深约掠绿鬟云腻小鸳鸯金翡翠称人心  
锦鳞无处传幽意海燕兰堂春又至隔年书千点泪恨难任

前调【又一体】 李 珣

秋月婵娟皎洁碧纱窗外照花穿竹冷沉沉印池心凝露滴砌蛩吟惊觉谢娘残梦夜深斜傍  
枕前来影徘徊

纱窗恨

【又一体双调四十二字】

纱窗恨 毛文锡

双双蝶翅涂铅粉啮花心绮窗绣户飞来稳画堂陰二三月爱随风絮伴落花来拂衣襟更翦  
轻罗片傅黄金

中兴乐

【又一体双调四十二字牛希济词有湿罗衣三字後亦以名调】

中兴乐 牛希济

池塘暖碧浸晴晖蒙蒙柳絮轻飞红蕊凋来醉梦还稀春云空有鴈归珠帘垂东风寂寞恨郎  
抛掷泪湿罗

衣

酒泉子

【又一体双调四十三字】

酒泉子 顾 夘

掩却菱花收拾翠钿休上面金虫玉燕锁香奁恨厌厌云鬟半坠嬾重簪泪侵山枕湿银灯背  
帐梦方酣鴈



飞南

前调【又一体】 顾 夙

水碧风清入槛细香红藕腻谢娘欵翠恨无涯小屏斜堪憎荡子不还家谩留罗带结帐深枕  
腻炷沉烟负

当年

前调【又一体】 顾 夙

小槛日斜风度绿窗人悄悄翠帷闲掩舞双鸾旧香寒别来情绪转难判韶颜看却老依稀粉  
上有啼?暗

销魂

前调【又一体】 李 珣

寂寞青楼风触绣帘珠碎撼月朦胧花黯淡锁春愁寻思往事依稀梦泪脸露桃红色重鬟敲  
蝉钗坠凤思悠悠

前调 李 珣

雨渍花零红散香凋池两岸别情遥春欲断掩银屏孤帆早晚离三楚闲理钿箏愁几许曲中  
情弦上语不堪听

前调【又一体】 李 珣

秋雨连丝声散败荷丛里那堪深夜枕前听酒初醒牵愁惹思更无停烛暗香凝天欲曙细和  
烟冷和雨透帘旌

前调【又一体】 张 泌

紫陌青门三十六宫春色御沟辇路暗相通杏园风咸阳沽酒宝钗空笑指未央归去插花走  
马落残红月明中

前调【又一体】 张 泌

春雨打窗惊梦觉来天气晓画堂深红焰小背兰缸酒香喷鼻嬾开缸惆怅更无人共醉旧巢

中新燕子语双双

伤春怨

【双调四十三字】

伤春怨 王安石

雨打江南树一夜花开无数綠叶渐成陰下有游人归路  
与君相逢处不道春将暮把酒祝东风且莫恁匆匆去

霜天晓角

【一名月当牕一名梅花令双调四十三字】

霜天晓角【三衢道中】 赵师侠

雨余风劲雾重千山暝茅屋寒林相映分明是画图景去程何日定天远长安近唤起新愁无  
尽全没个故

园信

前调 辛弃疾

吴头楚尾一棹人千里休说旧愁新恨长亭树今如此宦游吾倦矣玉人留我醉明日落花寒  
食得且住为

佳耳

前调【题采石矶峨嵋亭】 韩元吉

倚天絕壁直下江千尺天际两蛾凝黛愁与恨几时极暮潮风正急酒阑闻塞笛试问谪仙何  
处青山外远

烟碧

前调 曹冠

水亭清絕拥翠环林樾湘簟宾筵乘兴玉壶酒漾冰雪宝兽沉烟爇玉琴清韵彻夜永风微烟

淡梧桐影碎

明月

前调【题九里驿】 吕胜已

晓来风作病怯春衫薄郭外溪山明秀红尘里自拘束村酒频斟酌野花偏绰约十载人非物  
是惊回首梦

初觉

前调 刘圻父

横陰漠漠似觉罗衣薄正是海棠时候纱牕外东风恶惜春春寂寞寻花花冷落不会这些情  
味元不是念

离索

前调【又一体】 林逋

冰清霜洁昨夜梅花发甚处玉龙三弄声摇动枝头月梦絕金兽 晓寒兰烬灭更卷珠帘清  
赏且莫扫堦

前雪

前调【和梅】 赵长卿

雪花飞歇好向前村折行至断桥斜处寒蕊瘦不禁雪韵絕香更絕归来人共说最爱夜堂深  
迴疎影占半

牕月

前调【和梅】 范成大

晚晴风歇一夜春威折脉脉花疎天淡云来去数枝雪胜絕愁亦絕此情谁共说惟有两行低  
雁知人倚画

楼月

前调 周必大

香莓径滑萦绕秋曲折帘额红摇波影鱼惊睡暗吹沫浪阔轻棹拨武陵曾话别一点烟红春小桃花梦半

牀月

前调【题赤壁】 甄龙友

峨眉仙客四海文章伯来向东坡游戏人间世着不得去国谁爱惜在天何处覓但见樽前人唱前赤壁後

赤壁

前调 张辑

看朱成碧曾醉梅花侧相遇匆匆相别又争似不相识南北千里隔几时重见得最苦子规啼处一片月当

牕白

前调【桂花】 谢懋

綠云翦叶低护黄金屑占断花中声誉香与韵两清洁胜絶君听说是他来处别试看仙衣犹带金庭露玉

阶月

前调 吴礼之

西风又急细雨黄花湿楼枕一篙烟水兰舟漾画桥侧念昔空泪滴故人何处觅魂断菱歌凄怨疎帘卷暮

山碧

前调 高观国

春云粉色春水和云湿试问西湖杨柳东风外几时碧望极连翠陌兰桡双桨急欲访莫愁何处旗亭在画

桥侧

前调【梅】 萧泰来

千霜万雪受尽寒磨折赖是生来瘦硬浑不怕角吹彻清絕影也别知心惟有月元没春风情性如何共海

棠说

前调【桂】 赵希

姮娥戏剧手种长生粒宝干婆娑千古飘芳吹满虚碧韵色檀露滴人间秋第一金粟如来境界谁移在小

亭侧

前调【梅】 王澡

疎明瘦直不受东皇识留与伴春应肯千红底怎着得夜色何处笛晓寒无奈力飞入寿阳宫里一点点有

人惜

前调【緑净堂】 葛长庚

五羊安在城市何曾改十万人家闌闌东亦海西亦海岁岁蒲涧会地接蓬莱界老树知他一劫千山外万

山外

前调 韩玉

竹篱茅屋一树扶疎玉客里十分清絕有人在江南北竚目诗思促翠袖倚修竹不是月媒风聘谁人与伴

幽独

前调【又一体】 蔣捷

人影惺纱是谁来折花折则从他折去知折去向谁家檐牙枝最佳折时高折些说与折花人道须插向鬓

边斜

前调 黄 机

玉粲冰寒月?侵画阑客里安愁无地为徙倚到更残问花花不言嗅香香欲阑消得个温存处山六曲翠

屏闲

前调【梅】 楼 盘

月澹风轻黄昏未是清吟到十分清处也不啻二三更晓钟天未明晓霜人未行只有城头残角说得尽我

平生

前调【梅】 楼 盘

翦雪裁冰有人嫌太清又有人嫌太瘦都不是我知音谁是我知音孤山人姓林一自西湖别後辜负我到

如今

清商怨

【又一体双调四十三字】

清商怨 晏 殊

关河愁思望处满渐素秋向晚雁过南云行人回泪眼双鸂衾裯悔展夜又永枕孤人远梦未成归梅花闻

塞管

前调 周邦彦

秋陰时作渐向暝变一庭凄冷伫听寒声云深无雁影更深人去寂静但照壁孤灯相映酒已都醒如何消

夜永

前调【又一体】 沈会宗

城上鸦啼斗转渐玉壶冰满月淡寒梅清香来小苑谁遣鸾箫写怨翻锦字叠叠和愁卷梦破芦笳江南烟树远

归国谣

【又一体双调四十三字】

归国谣 韦 庄

金翡翠为我南飞传我意罨画桥边春水几年花下醉别後只知相愧泪珠难远寄罗幕绣帷鸳被旧欢如

梦里

前调 韦 庄

春欲晚戏蝶游蜂花烂漫日落谢家池馆柳丝金缕断睡觉緑鬟风乱画屏云雨散闲倚博山长叹泪流沾

皓腕

前调 韦 庄

春欲暮满地落花红带雨惆怅玉笼鹦鹉单栖无伴侣南望去程何许问花花不语早晚得同归去恨无双

翠羽

小桃红

【又一体双调四十三字】

小桃红 王恽

秋风湖上水增波  
水底云陰过  
憔悴湘累莫轻和  
且高歌  
凌波幽梦谁惊破  
佳人望断碧云暮  
合道别後意如何

前调 王恽

采莲人语隔秋烟  
波静如横练  
入手风光莫流转  
共留连  
画船一笑春风面  
江山信美终非吾  
土问何日是归年

殿前懽

【双调四十三字】

殿前懽 倪瓚

揜啼红杏花消息  
雨声中  
十年一觉扬州梦  
春水如空雁波寒  
写去踪离愁重  
南浦行云送冰  
弦玉柱弹怨

东风

水仙子

【双调四十四字】

水仙子 倪瓚

东风花外小红楼  
南浦山横眉黛愁  
春寒不管花枝瘦  
无情水自流  
檐间燕语娇柔  
惊回幽梦难寻  
旧游落日帘鉤

减字木兰花

【双调四十四字平仄互叶】

减字木兰花 欧阳修

楼台向晓澹月低  
云天气好翠幕风微  
宛转凉州入破时  
香生舞袂楚女腰肢  
天与细汗粉重匀  
酒後轻寒不着人



前调 晏几道

长亭晚送都似绿牕前日梦小字还家恰应红灯昨夜花  
良时易过半镜流年春欲破往事难忘一枕高楼到夕阳

前调 晏几道

留春不住恰似年光无味处满眼飞英弹指东风太浅情  
箏弦未稳学得新声难破恨转枕花前且伴香红一夜眠

前调【荔枝】 苏轼

闽溪珍献过海云帆来似箭玉座金盘不贡奇葩四百年  
轻红软白雅称佳人纤手擘骨细肌香恰似当年十八娘

前调【双松上络凌霄花】 苏轼

双龙对起白甲苍髯烟雨里疎影微香下有幽人昼梦长  
湖风清软双雀飞来争噪晚翠颭红轻时下凌霄百尺英

前调 苏轼

晓来风细不会鹊声来报喜却羡寒梅先觉春风一夜来  
香笺一纸写尽回文机上意欲卷重开读徧千回与万回

前调 苏轼

春牛春仗无限春风来海上便与春工染得桃花似肉红  
春幡春胜一阵春风吹酒醒不似天涯卷起杨花似雪花

前调 苏轼

玉房金蕊宜在玉人纤手里澹月朦胧更有微微弄袖风  
温香熟美醉鬢云鬢垂两耳多谢春工不是花红是玉红

前调【琴】 苏轼

神闲气定万籁收声天地静玉指冰弦未动宫商意已传  
悲风流水写出寥寥千古意归去无眠一夜余音在耳边

前调 黄庭坚

巫山古县老杜淹留情始见拨闷题诗千古神交世不知  
云阳台下更值清明风雨夜知道愁辛果是当时作赋人

前调 黄庭坚

诗翁才刃曾陷文场貔虎阵谁敢当哉况是焚舟决胜来  
三巴春杪客馆梦回风雨晓胸次峥嵘欲共潮头赤甲平

前调 黄庭坚

余寒争令雪共腊梅相照映昨夜东风已出耕牛劝岁功  
阴阴幂幂近觉春天无几尺休恨春迟桃李梢头次第知

前调 黄庭坚

中秋无雨醉送月衔西岭去笑口须开几度中秋见月来  
前年江外儿女传杯兄弟会此夜登楼小谢清吟慰白头

前调【登巫山县楼】 黄庭坚

襄王梦里草绿烟深何处是宋玉台头暮雨朝云几许愁  
飞花漫漫不管羁人肠欲断春水茫茫欲渡南陵更断肠

前调【秋夜黔守席上】 黄庭坚

举头无语家在月明深处住拟上摩围最上峰头试望之  
偏怜络秀共苦同甘谁更有想见牵衣月到愁边总未知

前调 秦观

天涯旧恨独自凄凉人不问欲见回肠断续金炉小篆香  
黛蛾长敛任是东风吹不转困倚危楼过尽飞鸿字字愁

前调【留贾耘老】 毛滂

曾教风月催促花边烟棹发不管花开月白风清始肯来  
既来且住风月闲寻秋好处收取凄清暖日阑干助梦吟

前调【戏吴奉议】 舒 亶

眉山敛额往事追思空手拍鴈字频飞生怕人来说着伊  
闲抛绣履愁殢香衾浑不起莫似扬州只作寻常薄幸休

前调【赋锦带花】 舒 亶

碎红如绣摇曳东风垂彩绶拟倩柔条约住佳人细柳腰  
蜀江春绿争似枝头能结束纤手攀时欲绾同心寄与谁

前调 王安国

画桥流水雨湿落花飞不起月破黄昏帘里余香马上闻  
徘徊不语今夜梦魂何处去不似垂杨犹解飞花入洞房

前调 谢 逸

荷花风细乞巧楼中凉似水天幕低垂新月弯环浅晕眉  
桥横乌鹊不负年年云外约浅漏疎钟肠断朝霞一缕红

前调【赠某妓宋瑶】 谢 薖

风篁度曲倦倚银屏初睡足清簟疎帘金鸭香消嬾更添  
纤纤露玉风鬟纵横飞钿局顰敛双蛾凝竚无言密意多

前调 周邦彦

风鬟雾鬓便觉蓬莱三岛近水秀山明缥缈仙姿画不成  
广寒丹桂岂是天桃尘俗世只恐乘风飞上琼楼玉宇中

前调 李 祁

梨花院宇澹月微云初过雨一枕轻寒梦入西瑶小道山  
花深入静帘锁香烟清昼永红药阑干玉案春风窈窕间

前调【登浯台作】 夏 倪

江涵晓日荡漾波光摇桨入笑指浯溪漫叟雄文锁翠微  
休嗟不偶归到中州何处有独立风烟湘水浯台总接天

前调【读神仙传】李纲

茫茫云海方丈蓬壶何处在拟泛轻舟一到金鳌背上游  
琼楼珠室千岁蟠桃初结实月冷风清试倩双成吸玉笙

前调【听琵琶】朱敦儒

刘郎已老不管桃花依旧笑要听琵琶重院啼莺覓谢家  
曲终人醉多似浔阳江上泪万里东风一望山河落照红

前调【宴赏赐牡丹作】曾觌

一声杜宇满地落红愁不语国色春娇不逐风前柳絮飘  
珠帘休卷爱惜龙香藏粉艳胜友俱来同醉君恩倒玉杯

前调【雪】范成大

玉烟浮动银阙三山连海冻翠袖阑干不怕楼高酒力寒  
双松冻折忽忆衰翁容易别想见鸥边压损年时小钓船

前调 范成大

枕书睡熟珍重月明相伴宿宝鸭金寒香满围屏宛转山  
鸡人声杳瑶井玉人相对晓黯淡窗纱却下风帘护烛花

前调 范成大

殷勤举白昨夜东风犹有雪莫恨春迟曾见梅花第一枝  
陰晴未决早晚清明新火活梦遶秦楼欲趁归潮上客舟

前调 陈三聘

凝云不动玉海无声千丈冻来倚阑干襟袖凭虚彻骨寒  
归心易折後夜月明应恨别罨画图边着我披蓑上钓船

前调 陈三聘

腊前三白春到西园还见雪红紫花迟借作东风万玉枝  
归田计决麦饭熟时应快活身在高楼心在山陰一叶舟

前调【中秋独与静之饮】 吴 儆

碧梧秋老满地琅玕纷不扫门掩黄昏惟有年时月照人  
凄凉满眼肯作六年灯火伴莫说凄凉来岁如今天一方

前调【朱子渊见和次韵为谢】 吴 儆

思君欲老一榻尘生谁与扫?仰晨昏同是迟迟去鲁人  
行当洗眼看子青藜来夜伴莫变炎凉斩马还须请上方

前调 吴 儆

此身已老三径都荒长却扫面目尘昏怕着朝章揖贵人  
难瞒明眼只有青山堪作伴触事心凉无病何劳更覓方

前调 赵彦端

乱云萦浦作雪不成还是雨知我为何一笑仍添一恨多  
不须归去琥珀杯深能几许草色如袍记取从今舞处娇

前调【唐守生日】 管 监

乱花飞絮却是一年春好处留住韶光共醉蓬莱日月长  
翻堦红药天上东风传近约绿徧庭槐看取除书一并来

前调 汪 莘

诗家清绝檐外森然苍玉节学易无思一笑牕前白玉妃  
何人共说山上青松松上雪更有谁知溪在门前月在溪

前调【赠何藻】 石孝友

新荷小小比目鱼儿翻翠藻小小新荷点破清光景趣多  
青青半卷一寸芳心浑未展待得圆时罩定鸳鸯一对儿

前调【宋媛】 魏 氏

西楼明月掩映梨花千树雪楼上人归愁听孤城一雁飞  
玉人何处又见江南春色暮芳信难寻去後桃花流水深

前调 魏氏

落花飞絮杳杳天涯人甚处欲寄相思春尽衡阳雁渐稀离肠泪眼肠断泪?流不断明月西楼一曲阑干一倍愁

前调【题雄宋媛州驿】蒋氏

朝云横度辘轳车声如水去白草黄沙月照孤村三两家  
飞鸿过也百结愁肠无昼夜渐近燕山回首乡关归路难

前调 高士谈

西湖睡起飞絮游丝春老矣涨绿涵空十顷玻璃四面风  
平时事少天与湖山供坐啸他日西州却怕羊昙感旧游

前调 韩玉

香檀素手缓理新词来伴酒音调凄凉便是无情也断肠  
莫歌杨柳记得渭城朝雨後客路茫茫几度东风蕙草长

前调 李东阳

危峰欲堕岩背老翁方稳坐落叶无声树底风来了不惊  
祇缘诗癖纵有闲心闲未得刚道忙来世事何曾一挂怀

前调 吴洪

雪花飘了待得梅花来索笑雪白梅香看尽千林兴倍长  
扶筇散步拾得灞桥清绝句岁岁年年梅雪催人到酒边

前调【姚江阻雨】赵宽

黑风吹水水拍船头行复止白雨横秋秋色萧森动客愁  
疎钟何处知在前邨黄叶树茅屋谁家荒径无人菊自花

前调【赠别】徐阶

平凉何处匹马孤城悲远去蓟树秦云何日论文更对君  
边尘作恶利器盘根刚遇着看取功成政事文章二美并

前调【送友使武林】 吴子孝

西湖春好胜地莫教辜负了画舫清讴柳暗花明水似油  
六桥东畔应有游人来共看玉节珠袍天遣仙郎下九霄

前调 吴子孝

青山无数云拥金昌亭下路十月溪堂竹外梅花已试香  
嘉宾旨酒笑指青山来献寿百岁平安人共梅花老岁寒

前调 冯鼎位

长亭凄绝去岁伤秋曾送别杨柳湾头一曲烟波一曲愁  
高城何许正在归鸿欲没处落照东风人倚朱阑第几重

前调【题梅 明媛雪扇】 马琼琼

雪梅妬色雪把梅花相抑勒梅性温柔雪压梅花怎起头  
芳心欲诉全仗东君来作主传语东君早与梅花作主人

前调【明媛】 孟淑卿

银河如昼料峭黄花寒越瘦小立阑干满砌花阴怯步还  
当年刘阮天台重访桃花乱怪道而今眼底眉头剩月明

巫山一段云

【汉铙歌巫山高为思归词後蜀毛文锡撰此调与菩萨蛮之别名巫山一片云者无涉双调四十四字】

巫山一段云 毛文锡

雨霁巫山上云轻映碧天远风吹散又相连十二晚峰前  
暗湿啼猿树高笼过客船朝朝暮暮楚江边几度降神仙

前调 毛文锡

貌掩巫山色才过濯锦波阿谁提笔上银河月里写嫦娥  
薄薄施铅粉盈盈挂绮罗菖蒲花役梦魂多年代属元和

前调 欧阳炯

绛阙登真子飘飘御彩鸾碧虚风雨佩光寒敛袂下云端  
月帐朝霞薄星冠玉叶攒远游蓬岛降人间特地拜龙颜

前调 李珣

有客经巫峡停桡向水湄楚王曾此梦瑶姬一梦杳无期  
尘暗珠帘卷香销翠幄垂西风回首不胜悲暮雨洒空祠

前调【巫峡】 李珣

古庙依青嶂行宫枕碧流水声山色锁妆楼往事思悠悠  
云雨朝还暮烟花春复秋啼猿何必近孤舟行客自多愁

前调【栖凤峰】 赵孟頫

芍药虚投赠丁香漫结愁凤来鸾去两悠悠新恨怯逢秋  
山色惊心碧江声入梦流何时弦管簇归舟兰棹泊沙头

前调【翠屏峰】 赵孟頫

碧水澄青黛危峰耸翠屏竹枝歌怨月三更别是断肠声  
烟外黄牛峡云中白帝城扁舟清夜泊苹汀倚棹不胜情

前调【净坛峰】 赵孟頫

叠嶂千层碧长江一带清瑶坛露冷月胧明欹枕不胜情  
云过船窗晓星移宿雾晴古今离恨拨难平惆怅峡猿声

前调【松鹤峰】 赵孟頫

松鹤堆岚霭阳台枕水湄风清月冷好花时惆怅阻佳期  
别梦愁蝴蝶离歌怨竹枝悠悠往事不胜悲春梦入双眉

前调【云霞峰】 赵孟頫

碧水鸳鸯浴平沙荳蔻红云霞峰翠一重重帆卸落潮风  
澹薄云笼月霏微雨洒篷孤舟晚泊浪声中无处问音容



前调【明媛】黄氏

巫女朝朝艳杨妃夜夜娇行云无力困纖腰媚眼晕红潮  
阿母梳云髻檀郎整翠翘起来罗襪步兰苕一见又魂销

霜天晓角

【又一体双调四十四字】

霜天晓角 赵长卿

阁儿幽寂处围炉向小牕好是鬪头儿坐梅烟炷返魂香  
对火怯夜冷猛饮消漏长饮罢且须自卧斜月照满林霜

前调【又一体】赵长卿

玉清冰樣洁几夜相思切谁料浓云遮涌同心带甚时结  
匆匆休惜别还有来时节记取江陰归路须共踏夜深月

前调【又一体】吴文英

烟林退叶红偶藉游人屐十里秋声松路岚云重翠涛涉  
竚立闲素簫画屏罗嶂叠明月双成归去天风里凤笙泱

酒泉子

【又一体双调四十四字】

酒泉子 顾 夔

黛怨红羞掩映画堂春欲暮残花微雨隔青楼思悠悠芳菲时节看将度寂寞无人还独语画  
罗襦香粉污

不胜愁

御选历代诗余卷八

# 卷九

<集部,词曲类,词选之属,御选历代诗余

钦定四库全书

御选历代诗余卷九目錄【四十四字】

菩萨蛮

李白

温庭筠【十四首】

南唐李煜【二首】

和凝

韦庄【三首】

牛峤【七首】

欧阳炯【三首】

魏承班【二首】

尹鹖【三首】

毛熙震【三首】

李珣【二首】

孙光宪【五首】

冯延巳【八首】

林楚翘

耿玉真

无名氏

李师中

谢绛

王安石

晏几道【六首】

苏轼

黄庭坚【二首】

秦观【二首】

陈师道【二首】

贺铸

孙洙

舒亶【九首】

赵令畤【二首】

孙棣

苏庠【四首】

张表臣

谢逸

周邦彦

晁端礼【二首】

陈克【三首】

沈会宗

蔡伸

叶梦得

曾纡

赵师侠【三首】

吕本中

汤思退

康与之

曾觌

辛弃疾【三首】

范成大【二首】

张孝祥【二首】

姚宽【二首】

程垓【三首】

朱熹【二首】

魏了翁

袁去华【三首】

赵彦端

管监

刘儗【二首】

黄机

严仁

赵善扛【三首】

卢祖皋

高观国【五首】

史达祖

韩淲

洪璚【二首】

杨泽民

陈以庄

黄昇【二首】

吴文英

石孝友

张桂

楼扶

史介翁

僧祖可

魏氏【三首】

朱淑真【二首】

孙道绚

卢摯

刘因

萧汉杰

张翥

拜珠

王璉

陆祖先

刘基【二首】

杨基【二首】

陈淳

王世贞

徐渭

王锡爵

汤显祖

钱继登

钱继章

沈懋德

僧妙声

叶小鸾【二首】

御选历代诗余卷九目錄

钦定四库全书

御选历代诗余卷九【四十四字】

司经局洗马掌局事兼翰林院修撰加二级【臣】王奕清奉

旨校刊

菩萨蛮

【双调四十四字唐开元时南诏入贡危髻金冠璎珞被体号菩萨蛮因以制曲宋队舞亦有此名杨慎改蛮作鬘一名重叠金一名子夜歌一名女王曲一名花间意一名巫山一片云皆後來更名平仄叶韵处稍有异同然体则一也李白作为千古传词平仄宜悉从之】

菩萨蛮 李 白

平林漠漠烟如织寒山一带伤心碧暝色入高楼有人楼上愁  
阑干空伫立宿鸟归飞急何处是归程长亭更短亭

前调 温庭筠

小山重叠金明灭鬓云欲度香腮雪嬾起画蛾眉弄妆梳洗迟  
照花前後镜花面交相映新贴绣罗襦双双金鸂鶒

前调 温庭筠

水晶帘里玳瑁枕暖香惹梦鸳鸯锦江上柳如烟鴈飞残月天  
藕丝秋色浅人胜参差翦双鬓隔香红玉钗头上风

前调 温庭筠

牡丹花谢莺声歇绿杨满院中庭月相忆梦难成背牕灯半明  
翠钿金压脸寂寞香闺掩人远泪阑干燕飞春又残

前调 温庭筠

南园满地堆轻絮愁闻一霎清明雨雨後却斜阳杏花零落香

无言匀睡脸枕上屏山掩时节欲黄昏无憀独倚门

前调 温庭筠

宝函铜雀金鸂?沉香阁上吴山碧杨柳又如丝驿桥春雨时  
画楼音信断芳草江南岸鸾镜与花枝此情谁得知

前调 温庭筠

玉楼明月长相忆柳丝袅娜春无力门外草萋萋送君闻马嘶  
画楼金翡翠香烛销成泪花落子规啼绿牕残梦迷

前调 温庭筠

翠翘金缕双鸂?水纹细起春池碧池上海棠梨雨晴红满枝  
绣衫遮笑靥烟草黏飞蝶青琐对芳菲玉关音信稀

前调 温庭筠

蕊黄无限当山额宿妆隐笑纱牕隔相见牡丹时暂来还别离  
翠钗金作股钗上蝶双舞心事竟谁知月明花满枝

前调 温庭筠

杏花含露团香雪绿杨陌上多离别灯在月胧明觉来闻晓莺  
玉钩褰翠幙妆浅旧眉薄春梦正关情镜中蝉鬓轻

前调 温庭筠

凤凰相对盘金缕牡丹一夜经微雨明镜照新妆鬓轻双脸长  
画楼相望久阑外垂丝柳音信不归来社前双燕回

前调 温庭筠

夜来皓月才当午重帘悄悄无人语深处麝烟长卧时留薄妆  
当年还自惜往事那堪忆花露月明残锦衾知晓寒

前调 温庭筠



雨晴夜合玲珑日万枝香袅红丝拂闲梦忆金堂满庭萱草长  
绣帘垂 ？眉黛远山绿春水渡溪桥凭阑魂欲消

前调 温庭筠

竹风轻动庭除冷珠帘月上玲珑影山枕隐浓妆绿檀金凤凰  
两蛾愁黛浅故国吴宫远春恨正关情画楼残点声

前调【泪】 温庭筠

玉纤弹处真珠落流多暗湿铅华薄春露浥朝华秋波浸晚霞  
风流心上物本为风流出看取薄情人罗衣无此？

前调 南唐李煜

寻春须是先春早看花莫待花枝老缥色玉柔擎醅浮瓊面清  
何妨频笑粲禁院春归晚同醉与闲评诗随叠鼓成

前调 南唐李煜

蓬莱院闭天台女画堂昼寝无人语抛枕翠云光绣衣闻异香  
潜来珠锁动惊觉鸳鸯梦慢脸笑盈盈相看无限情

前调 和 凝

越梅半拆轻寒里冰清澹薄笼蓝水暖觉杏梢红游丝狂惹风  
闲阶莎径碧远梦犹堪惜离恨又迎春相思难重陈

前调 韦庄

红楼别夜堪惆怅香灯半卷流苏帐残月出门时美人和泪辞  
琵琶金翠羽弦上黄莺语劝我早归家绿牕人似花

前调 韦庄

人人尽说江南好游人只合江南老春水碧於天画船听雨眠  
垆边人似月皓腕凝双雪未老莫还乡还乡须断肠

前调 韦庄

如今却忆江南乐当时年少春衫薄骑马倚斜桥满楼红袖招  
翠屏金屈曲醉入花丛宿此度见花枝白头誓不归

前调 牛 峤

绿云鬓上飞金雀愁眉敛翠春烟薄香阁掩芙蓉画屏山几重  
晓寒天欲曙犹结同心苣啼粉浣罗衣问郎何日归

前调 牛 峤

舞裙香暖金泥凤画梁语燕惊残梦门外柳花飞玉郎犹未归  
愁匀红粉泪眉翦春山翠何处是辽阳锦屏春昼长

前调 牛 峤

柳花飞处莺声急晴街春色香车立金凤小帘开脸波和恨来  
今宵求梦想难到青楼上赢得一场愁鸳衾谁并头

前调 牛 峤

画屏重叠巫阳翠楚神尚有行云意朝暮几般心向他情漫深  
风流今古隔虚作瞿塘客山月照山花梦回灯影斜

前调 牛 峤

玉鑪冰簟鸳鸯锦粉融香汗流山枕帘外辘轳声敛眉含笑惊  
柳阴烟漠漠低鬟钗落须作一生判尽君今日欢

前调 牛 峤

玉钗风动春幡急交枝红杏笼烟泣楼上望卿卿寒牕新雨晴  
熏炉蒙翠被绣帐鸳鸯睡何处最相知羡他初画眉

前调 牛 峤

风帘燕舞莺啼柳妆台约鬓低纤手钗重髻盘珊一枝红牡丹  
门前行乐客白马思春色故故坠金鞭回头应眼穿

前调【冬宴】 欧阳炯

红炉暖阁佳人睡隔帘飞雪添寒气小院奏笙歌香风簇绮罗  
酒倾金琖满兰烛重开宴公子醉如泥天街闻马嘶

前调 欧阳炯

翠眉双敛新妆薄香闺斜卷青罗幙寒食百花时红繁香满枝  
双双梁燕语蝶舞相随去肠断正思君闲眠冷绣茵

前调 欧阳炯

画屏绣阁三秋雨香唇腻脸偎人语语罢欲天明娇多梦不成  
晓街钟鼓絶嗔道如今别特地气长吁倚屏弹泪珠

前调 魏承班

罗裾薄薄秋波染眉间画得山两点相见绮筵时深情暗共知  
翠翘云鬓动敛态弹金凤宴罢入兰房邀人解佩璫

前调 魏承班

罗衣隐约金泥画瑋筵一曲当秋夜声颤覩人娇雪鬓嫋翠翘  
酒熏红玉软眉翠秋山远绣幌麝烟沉谁人知两心

前调 尹鹖

陇云暗合秋天白俯窓独坐窥烟陌楼际角重吹黄昏方醉归  
荒唐难共语明日还应去上马出门时金鞭莫与伊

前调 尹鹖

呜呜晓角调如语画楼三会喧雷鼓枕上梦方残月光铺水寒  
蛾眉应敛翠咫尺同千里宿酒未全消满怀离恨饶

前调 尹鹖

锦茵间衬丁香枕银缸落尽犹慵寝顚坐徧红炉谁知情绪孤  
少年狂荡惯花曲长牵绊去便不归来空教骏马回

前调 毛熙震

绣帘高轴临塘看雨翻荷芰真珠散残暑晚初凉轻风度水香  
无惨悲往事争奈牵情思光景暗相催等闲秋又来

前调 毛熙震

梨花满院飘香雪高楼夜静风笋咽斜月照帘帷忆君和梦稀  
小窗灯影背燕语惊愁态屏掩断香飞行云山外归

前调 毛熙震

天含残碧融春色五陵薄幸无消息尽日掩朱门离愁暗断魂  
莺啼芳树暖燕拂回塘满寂寞对屏山相思醉梦间

前调 李珣

回塘风起波纹细刺桐花里门斜闭残日照平芜双双飞鹧鸪  
征帆何处客相见还相隔不语欲魂销望中烟水遥

前调 李珣

隔帘微雨双飞燕砌花零落红深浅捻得宝箏调心随征雁遥  
楚天云外路动便经年去香断画屏深旧欢何处寻

前调 孙光宪

月华如水笼香砌金环碎撼门初闭寒影坠高檐钩垂一面帘  
碧烟轻袅袅红颤灯花笑即此是高唐掩屏秋梦长

前调 孙光宪

青岩碧洞经朝雨隔花相唤南溪去一只木兰船波平远浸天  
扣舷惊翡翠嫩玉擡香臂红日欲沉西烟中遥解携

前调 孙光宪

小庭花落无人埽疎香满地东风老春晚信沉沉天涯何处寻  
晓堂屏六扇眉共湘山远争奈别离心近来尤不禁

前调 孙光宪

花冠频鼓墙头翼东方澹白连牕色门外早莺声背楼残月明薄寒笼醉态依旧铅华在握手  
送人归半拖金缕衣

前调 孙光宪

木棉花映丛祠小越禽声里春光晓铜鼓与蛮歌南人祈赛多  
客帆风正急茜袖偎檣立极浦几回头烟波无限愁

前调 冯延巳

梅花吹入谁家笛行云半夜凝空碧欹枕不成眠关山人未还  
声随幽怨絶空断澄霜月月影下重檐轻风花满帘

前调 冯延巳

金波远逐行云去疎星时作银河渡花影卧秋千更长人不眠  
玉笋弹未彻凤髻横钗脱忆梦翠蛾低微风吹绣衣

前调 冯延巳

画堂昨夜西风过绣帘时拂朱门锁惊梦不成云双蛾枕上顰  
金炉烟嫋嫋烛暗纱牕晓残月尚弯环玉笋和泪弹

前调 冯延巳

回廊远砌生秋草梦魂千里青门道鸂鶒怨长更碧笼金锁横  
罗帏中夜起霜月清如水玉露不成圆宝箏悲断弦

前调 冯延巳

娇鬟堆枕钗横凤溶溶春水杨花梦红烛泪阑干翠屏烟浪寒  
锦壶催画箭玉佩天涯远和泪试严妆落梅飞夜霜

前调 冯延巳

西风嫋嫋凌歌扇秋期正与行云远花叶脱霜红流萤残月中  
兰闺人在否千里重楼暮翠被已销香梦随寒漏长

前调 冯延巳

沉沉朱户横金锁  
纱窗月影随花过  
烛泪欲阑干  
落梅生晚寒  
宝钗横翠凤  
千里香屏梦  
云雨已荒凉  
江南春草长

前调 冯延巳

敲鬟堕髻摇双桨  
采莲晚出清江上  
顾影约流萍  
楚歌娇未成  
相逢颦翠黛  
笑把珠璫解  
家住柳阴中  
画桥东复东

前调 林楚翘

画堂春昼垂帘箔  
卧来揉惹金钗落  
簟滑枕头移  
鬓蝉狂欲飞  
笑拖娇眼慢罗袖  
笼花面重道  
好郎君人前  
莫恼人

前调 【唐女郎】 耿玉真

玉京人去秋萧索  
画檐鹊起梧桐落  
敲枕悄无言  
月和清梦圆  
背灯惟暗泣  
甚处砧声急  
眉黛远山攒  
芭蕉生暮寒

前调 无名氏

牡丹含露真珠颗  
美人折向庭前过  
含笑问檀郎  
花强妾貌强  
檀郎故相恼  
须道花枝好  
一面发娇嗔  
碎掇花打人

前调 李师中

子规啼破城楼月  
画船晓载笙歌发  
两岸荔支红  
万家烟雨中  
佳人相对泣  
泪下罗衣湿  
从此信音稀  
岭南无鴈飞

前调 【咏目】 谢 绦

娟娟侵鬓妆?浅  
双眸相媚弯如翦  
一瞬百般宜  
无端笑与啼  
酒阑思翠被  
特故瞢腾地  
生怕促归轮  
微波先注人

前调 王安石

数间茆屋闲临水  
窄衫短帽垂杨里  
花是去年红  
吹开一夜风  
稍稍新月偃  
午醉醒来晚  
何物最关情  
黄鹂三两声

前调 晏几道

来时杨柳东桥路曲中暗有相期处明月好姻缘欲圆还未圆  
却寻芳草去画扇遮微雨飞絮莫无情闲花应笑人

前调 晏几道

春风未放花心吐尊前不拟分明语酒色上来迟绿?红杏枝  
今朝眉黛浅暗恨归时远别後月当楼相逢南陌头

前调 晏几道

娇香淡染胭脂雪愁春细画弯弯月花月镜边人浅妆匀未成  
佳期应有在试倚秋千待满地落英红万条杨柳风

前调 晏几道

香莲烛下匀丹雪妆成笑弄金堦月娇面胜芙蓉脸边天与红  
玳筵催叠鼓唤上华裯舞春浅未禁寒暗嫌罗袖宽

前调 晏几道

哀筝一弄湘江曲声声写尽湘波绿纤指十三弦细将幽恨传  
当筵秋水慢玉柱斜飞鴈弹到断肠时春山眉黛低

前调 晏几道

江南未雪梅花白忆梅人是江南客犹记旧相逢澹烟微月中  
玉容长有信一笑归来近怀远上楼时晚云和鴈低

前调 苏轼

买田阳羨吾将老从来只为溪山好来往一虚舟聊随物外游  
有书仍嬾着水调歌归去筋力不辞疲要须风雨时

前调 黄庭坚

半烟半雨溪桥畔渔翁醉着无人唤疎嬾意何长春风花草香  
江山如有待此意陶潜解问我去何之君行到自知

前调 黄庭坚

轻风裊断沉烟炷霏微尽日寒塘雨残绣没心情鸟啼花外声  
离愁难自制年少乖盟誓寂寞掩朱门罗衣空泪

前调 秦观

金风簌簌惊黄叶高楼影转银蟾匝梦断绣帘垂月明乌鹊飞  
新愁知几许浑似丝千缕鴈已不堪闻砧声何处邨

前调 秦观

虫声泣露惊秋枕罗帏泪湿鸳鸯锦独卧玉肌凉残更与恨长  
阴风翻翠幔雨涩灯花暗毕竟不成眠鸦啼金井寒

前调【七夕二首】 陈师道

倚楼小小穿鍼女秋光点点蛛丝雨今夕是何宵龙车乌鹊桥  
经年谋一笑岂解令人巧不用问如何人间巧更多

前调 陈师道

银潢清浅填乌鹊画檐急雨长河落初月未成圆明星惜此筵  
愁来无断絶岁岁年年别不用泪红滋年年岁岁期

前调 贺铸

厌厌别酒商歌送萧萧凉叶秋声动小泊画桥东孤舟月满篷  
高城遮短梦衾藉余香拥多谢五更风犹闻城里钟

前调 孙洙

楼头尚有三通鼓何须抵死催人去上马苦匆匆琵琶曲未终  
回头凝望处那更廉纤雨漫道玉为堂玉堂今夜长

前调 舒亶

画船挝鼓催君去高楼把酒留君住去住若为情江头潮欲平  
江潮容易得只是人南北今日此尊空知君何日同

前调 舒亶



柳桥花坞南城陌朱颜绿发长安客雨後小池台寻常载酒来  
马头今日路却望城西去斜日下汀洲断云和泪流

前调 舒亶

楼前流水西江道江头水落芙蓉老画鼓叠凉波凭阑颦翠蛾  
当年金马客青鬓芦花色把酒感秋蓬骊歌半醉中

前调 舒亶

小亭露压风枝动鹊炉火冷金瓶冻悄悄对西牕瘦知罗带长  
欲眠思殢酒坐听寒更久无赖是青灯开花故故明

前调 舒亶

白苹洲渚垂杨岸藕花未放青蒲短斜日画船归背人双鹭飞  
醉眠金马客不道风尘隔红影上牕纱小庭空落花

前调【茶】 舒亶

金船满引人微醉红绡笼烛催归骑香泛雪盈杯云龙疑梦回  
不辞风满腋旧是仙家客空得夜无眠南牕衾枕寒

前调 舒亶

江梅未放枝头结江楼已见山头雪待得此花开知伊来不来  
风帆双画鷁小雨随行色空得郁金香酒?和泪痕

前调 舒亶

绿牕酒醒春如梦小池犹见红云动露湿井干桐翠阴生细风  
雨过方塘净清昼闲中永门外立双旌隔花闻笑声

前调 舒亶

忆曾把酒当红翠舞腰柳弱歌声细纵马杏园西归来香满衣  
宝车金犊驻事逐孤鸿去搔首立江干春梦挂暮山

前调 赵令畤

轻鸥欲下春塘浴双双飞破春烟绿两岸野蔷薇翠笼熏绣衣  
凭船闲弄水中有相思意忆得去年时水边初别离

前调 赵令畤

春风试手先梅蕊颀姿冷艳明沙水不受衆芳知端须月与期  
清香闲自远先向钗头见雪後燕瑶池人间第一枝

前调【落梅】 孙 櫟

一声羌笛吹呜咽玉溪夜半梅翻雪江月正茫茫断桥流水香  
含章春欲暮落日千山雨一点着枝酸吴姬先齿寒

前调【再至西冈兼怀後湖】 苏 庠

短船谁泊蒹葭渚夜深远火明渔浦却忆槿花篱春声穿竹溪  
云山如昨好人自垂垂老心事有谁知月明霜满枝

前调【同彦达舟中作】 苏 庠

眼中叠叠烟中树晚云点点翻荷雨鸥泛渚边烟绿蒲秋满川  
未成江海去聊作林塘主客恨濶无津风斜白纈巾

前调【澧阳庄】 苏 庠

照溪梅雪和烟堕寒林漠漠愁烟锁客恨渺无涯鴈来人忆家  
远山疑带雨一线云间语霜月又婵娟江南若个边

前调 苏 庠

园林寂寂春归去蒙蒙柳下飘香絮野水接云横绿烟啼晓莺  
江南鷓鴣梦山色归来重小艇小湾头苹花苹叶舟

前调 张表臣

垂虹亭下扁舟住松江烟雨长桥暮白苧听吴歌佳人泪脸波  
劝倾金凿落莫作思家恶绿鸭与鲈鱼如何可寄书

前调 谢 逸

縠纹波面浮瀾?蒲芽出水参差碧满院落花香柳梢初弄黄  
衣轻红袖皱春困花枝瘦睡起玉钗横隔帘闻晓莺

前调 周邦彦

银河宛转三千曲浴鳧飞鹭澄波绿何处望归舟夕阳江上楼  
天憎梅浪发故下封枝雪深院卷帘看应怜江上寒

前调【回文二首】 晁端礼

卷帘风入双双燕燕双双入风帘卷明月晓啼莺莺啼晓月明  
断肠空望远远望空肠断楼上几多愁愁多几上楼

前调 晁端礼

远山眉映横波脸脸波横映眉山远云鬓插花新新花插鬓云  
断魂离思远远思离魂断门掩未黄昏昏黄未掩门

前调 陈克

赤阑桥尽香街直笼街细柳娇无力金碧上晴空花晴帘影红  
黄衫飞白马日日朱楼下醉眼不逢人午香吹暗尘

前调 陈克

池塘淡淡浮瀾?杏花吹尽垂杨碧天气度清明小园新雨晴  
绿牕描绣罢笑语茶蘼下围坐赌青梅困从双脸来

前调 陈克

绿芜墙绕青苔院中庭日淡芭蕉卷蝴蝶上堦飞风帘自在垂  
玉鈎双语燕宝甃杨花转几处簸钱声绿牕春梦轻

前调 沈会宗

落花迢迢层陰少青梅竞弄枝头小江色雨和烟行人江那边  
好花都过了满地空芳草落日醉醒间一春无此寒

前调 蔡伸

杏花零落清明雨卷帘双燕来还去枕上玉芙蓉?香堆镜红  
翠翘金钿雀蝉鬓慵梳掠心事一春闲黛眉颦远山

前调【湖光亭晚集】 叶梦得

平波不尽蒹葭远清霜半落沙痕浅烟树晚微茫孤鸿下夕阳  
梅花消息近试向南枝问记得水边春江南别後人

前调【月夜】 曾纡

山光冷浸清溪底溪光直到柴门里卧对白苹洲敲眠数钓舟  
溪山无限好恨不相逢早老眼独醒多其如良夜何

前调【春陵迎阳亭】 赵师侠

西风又老潇湘树翩翩黄叶辞枝去斜日澹云笼溪山烟霭中  
危阑闲独倚穀浪连天际残角起江城书空征鴈横

前调【瑞?亭秋望】 赵师侠

小春爱日融融?危亭望处晴岚满江净绿回环横陈无际山  
清霜欺远树黄叶风扶去试采岭头梅点红开未开

前调 赵师侠

晚风断送归帆急重城回首天连碧犹有小楼情西山如旧青  
故园今渐近应卜灯花信一喜一牵萦平分两处心

前调 吕本中

客愁不到西池路残春又逐花飞去今日傍池行新荷昨夜生  
故人千虑绕不道书来少去住隔关河长亭风雨多

前调【水月寺】 汤思退

画船横絶湖波练更上雕鞍穷翠巘霜橘半垂黄征衣尽日香  
钟声云外听金界青松映何处是华山峰峦杳霭间

前调【荷花】 康与之

南轩面对芙蓉浦宜风宜月还宜雨红少绿多时帘前光景奇  
绳牀乌木几尽日繁香里睡起一樽新与花为主人

前调【次韵春日即事】 曾 覲

杏花寒食佳期近一帘烟雨琴书润砌下水潺潺玉笙吹暮寒  
楚台云易散往事寻思嬾花底醉相扶当时人在无

前调【赋摘阮】 辛弃疾

阮琴斜挂香罗绶玉纤初试琵琶手桐叶雨声乾珍珠落玉盘  
朱弦调未惯笑倩东风伴莫作别离声且听双凤鸣

前调【分赋樱桃】 辛弃疾

香浮乳酪玻璃瓊年年醉里尝新惯何物比春风歌唇一点红  
江湖清梦断翠笼明光殿万颗写轻匀低头愧野人

前调【杏花】 辛弃疾

东风约略吹罗幕一檐细雨春陰薄试把杏花看湿红娇暮寒  
佳人双玉枕烘醉鸳鸯锦折得最繁枝?香生翠帷

前调 范成大

雪林一夜收寒了东风恰向灯前到今夕是何年新春新月圆  
绮丛香雾隔犹记醒狂客留取缕金幡夜蛾相并看

前调 范成大

春城办得红蕖了红蕖未点春先到新月入新年方才今夜圆  
云屏谁为隔肠断金钗客好语写春幡都教席上看

前调【赴东邻集戏作】 张孝祥

庭叶翻翻秋向晚砧声敲月催金翦楼上已清寒不堪频倚阑  
邻翁开社瓮唤客情应重不醉且无归醉时归路迷

前调 张孝祥

雪消墙角收灯後野梅官柳春全透池阁又东风烛花烧夜红  
一尊留好客敲尽阑干月已醉不须归试听乌夜啼

前调 姚 寛

斜阳山下明金碧画楼返照融春色睡起揭帘旌玉人蝉鬓轻  
无言空伫立花落东风急燕子引愁来眉心那得开

前调 姚 寛

梦中不记江南路玉钗翠鬟惊春去午醉晚来醒暝烟花上轻  
红绡空浥泪锦字凭谁寄衫薄暖香消相思云水遥

前调 程 垓

晓烟笼日浮山翠春风着水回川媚远近碧重重人家山色中  
野花香自度似识幽人处安得着三间与山终日闲

前调 程 垓

浅寒带暝和烟下轻陰挟雨随风洒翠幕护重帘篆香销半匳  
平生风雨夜怕近芭蕉下今夕定愁多萧萧声奈何

前调 程 垓

平芜冉冉连云绿斜阳衬雨明溪足小鸭睡晴沙翠烘三两花  
春光闲婉婉尽日无人见试着小屏山图归云际看

前调【回文二首】 朱 熹

晚红飞尽春寒浅浅寒春尽飞红晚尊酒绿陰繁繁陰绿酒尊  
老仙诗句好好句诗仙老长恨送年芳芳年送恨长

前调 朱 熹

暮江寒碧萦长路路长萦碧寒江暮花坞夕阳斜斜阳夕坞花  
客愁无胜集集胜无愁客醒似醉多情情多醉似醒

前调【壽江倅】 魏了翁

东牕五老峰前月南牕九叠坡前雪推出侍郎山着君牕户间  
离骚乡里住恰记庚寅度挹取芷兰芳酌君千岁觞

前调 袁去华

流苏宝帐沉烟馥寒林小景银屏曲睡起鬓云松日高花影重  
沉吟思昨梦闲抱琵琶弄破拨错成声春愁指下生

前调【杜省干席上赋桃花菊】 袁去华

木樨开徧芙蓉老东篱独占秋光好还记笑春风新妆相映红  
莫嫌彭泽令不似刘郎韵把酒赋新诗花前知是谁

前调 袁去华

西风吹雨鸣庭树嫩寒先到孤眠处愁极梦频惊马嘶天渐明  
千林枫叶赤寒事催刀尺树杪又斜阳迢迢归路长

前调 赵彦端

倚阑闲捻生绡扇新凉庭户微风转疎雨断檐声淡云开晚晴  
蔗浆寒浸齿枕簟清如水相忆不胜愁月来帘上钩

前调【德兴饯别座间作】 管 监

今日云山堂上客明朝真个云山隔人不似行云相随长短亭  
堂空歌韵响清切缘云上留住莫教飞怕如人别离

前调【效唐人闺怨】 刘 儗

吹箫人去行云杳香篝绣被都闲了叠损缕金衣伊家浑不知  
冷烟寒食夜淡月梨花下犹自软心肠为他烧夜香

前调 刘 儗

东风去了秦楼畔一川烟草无人管芳树雨初晴黄鹂三两声  
海棠花已谢春事无多也只有牡丹时知他归不归

前调 黄 机

惜山不厌山行远山中禽鸟频经见小雨似怜春霏霏容易晴  
青裙田舍妇饁饷前邨去溪水想平腰唤船依断桥

前调【双溪亭】 严仁

征鸿点破空云碧丹霞染出新秋色返照落平洲半江红锦流  
风清渔笛晚寸寸愁肠断寄语笛休横只消三两声

前调【春游】 赵善扛

楚宫杨柳依依碧遥山翠影横波溢絶艳照穠春春光欲醉人  
纤纤芳草嫩微步轻罗衬花戴满头归游蜂花上飞

前调【春宵】 赵善扛

一川花月青春夜玉容依约花陰下月照曲阑干红绡浥露寒  
袖香温素手意怯金卮酒香远绣帘开画楼吹落梅

前调 赵善扛

玉关芳草黏天碧春风万里思行客骄马向风嘶道归犹未归  
南云新有鴈望眼愁边断膏沐为谁容倚楼烟雨中

前调 卢祖皋

翠楼十二阑干曲雨痕新染葡萄绿时节又黄昏东风深闭门  
玉箫吹未彻影梅花月无语只低眉闲拈双荔枝

前调【苏堤芙蓉】 高观国

红云半压秋波碧艳妆泣露娇啼色佳梦入僊城风流石曼卿  
宫袍呼醉醒休卷西风锦明日粉香残六桥烟水寒

前调【水晶脰】 高观国

玉鳞熬出香凝软并刀断处冰丝颤红缕间堆盘轻明相映寒  
纤柔分劝处膩滑难停筯一洗醉魂清真成醒酒冰

前调【中秋】 高观国



何须急管吹云暝高寒灊灊开金饼今夕不登楼一年空过秋  
桂花香雾冷梧叶西风影客醉倚河桥清光愁玉箫

前调【咏双心水仙】 高观国

云娇雪嫩羞相倚凌波共酌春风醉的皪玉台寒肯教金钿单  
只疑双蝶梦翠袖和香拥香外有鸳鸯风流烟水乡

前调 高观国

春风吹绿湖边草春光依旧湖边道玉勒锦障泥少年游冶时烟明花似绣且醉旗亭酒斜日照花西归鸦花外啼

前调 史达祖

梨花不碍东城月月明照见空阑雪雪底夜香微褰帘拜月归  
锦衾幽梦短明日南堂宴宴罢小楼台春风来不来

前调【酒半戏成】 韩 淲

秋光只共秋风老秋山却笑秋吟少恰恨有秋香青岩秋夜凉  
清秋须是酒结客秋知否醉笔写成秋一秋无复愁

前调【宿水口】 洪 璚

断虹远饮横江水万山紫翠斜阳里系马短亭西丹枫明酒旗  
浮生长客路事逐孤鸿去又是月黄昏寒灯人闭门

前调【湖上】 洪 璚

吴姬压酒浮红蚁少年未饮心先醉驻马绿杨阴酒楼三月春  
相看成一笑遗恨知多少回首欲魂销长桥连短桥

前调 杨泽民

吟风敲遍阑干曲极目澄江千顷绿长笛下扁舟一声人倚楼  
牀头酤正发帐底人如雪月色夜来看可堪霜信寒

前调 陈以庄

举头忽见衡阳鴈千声万字情何限耐薄情夫一行书也无  
泣归香阁恨和泪淹红粉待鴈却回时也无书寄伊

前调 黄昇

南山未解松梢雪西山已挂梅梢月说似玉林人人间无此清  
此身元是客小住娱今夕拍手凭阑干霜风吹鬓寒

前调【立秋】 黄昇

西风半夜惊罗扇蛩声入梦传幽怨碧藕试初凉露痕啼粉香  
清冰凝簟竹不许双鸳宿又是五更钟鸦啼金井桐

前调 吴文英

绿波碧草长堤色东风不管春狼籍鱼沫细痕圆燕泥花唾乾  
无情牵怨抑画舸红楼侧斜日起凭阑垂杨舞晓寒

前调 石孝友

雪香白尽江南陇暖风绿到池塘梦叠影上檐明夜潮春水生  
踏青何处去杨柳桥边路不见浣花人汀洲空白苹

前调 张桂

东风急骤无人见玉塘烟浪浮花片步湿下香堦苔黏金凤鞵  
翠鬟愁不整临水闲窥影摘得野蔷薇游蜂相趁归

前调 楼扶

丝丝杨柳莺声近晚风吹过秋千影寒色一帘轻灯残梦不成  
耳边消息在笑指花梢待又是不归来满庭花自开

前调 史介翁

柳丝轻扬黄金缕织成一片纱雨鬬合做春愁困慵熏玉篝  
暮寒罗袖薄社雨催花落先自为诗忙蔷薇一阵香

前调 僧祖可

谁能画取沙边雨和烟澹埽蒹葭渚别?却斜晖采莲人未归鸳鸯如解语对浴红衣去去了更回头教依特地愁

前调 【宋媛】 魏氏

溪山掩映斜阳里楼台影动鸳鸯起隔?两三家出墙红杏花  
绿杨堤下路早晚溪边去三见柳绵飞离人犹未归

前调 魏氏

东风已绿瀛洲草画楼帘卷清霜晓清絶北湖梅满枝花未开  
长天音信断又见南归鴈何处是离愁长安明月楼

前调 魏氏

红楼斜倚连谿曲楼前谿水凝寒玉荡漾木兰船船中人少年  
荷花娇欲语笑入鸳鸯浦波上暝烟低菱歌月下归

前调 【梅 宋媛】 朱淑真

湿云不断溪桥冷嫩寒初透东风影桥下水声长一枝和雪香  
人怜花似旧花比人应瘦莫凭小阑干夜深花正寒

前调 朱淑真

山亭水榭秋方半凤帙寂寞无人伴愁闷一番新双蛾只旧颦  
起来临绣户时有疎萤度多谢月相怜今宵不忍圆

前调 【宋媛】 孙道绚

阑干六曲天围碧松风亭下梅梢白腊尽见春回寒花惊又开  
曲琼闲不卷沉潦孤星转凝伫小徘徊云间征鴈来

前调 卢摯

市桥烟柳春如画小楼明月吴山下把酒听君歌可人良夜何  
旧游新梦断月落西山远江上数峰青寄声徐孺亭

前调 【湖上即事】 刘因

楼前曲浪归桡急楼中细雨春风湿终日倚危阑故人湖上山  
高情浑似旧只枉东风瘦薄晚去来休装成一段愁

前调【春雨】 萧汉杰

春愁一段来无影着人似醉昏难醒烟雨湿阑干杏花惊蛰寒  
睡壶敲欲破絶叫凭谁和今夜欠添衣那人知不知

前调 张翥

郎情秋後萧疎叶妾心陌上悠扬蝶何处望归鞍暮云山外山  
梨花新月下独自烧香罢惟有梦相寻惊乌啼夜深

前调【秋千】 拜珠

红绳画板柔荑指东风燕子双双起夸俊与争高更将裙系牢  
牙牀和困睡一任金钗坠推枕起来迟纱牕月上时

前调【题黄子久溪山雨意图】 王珣

青山不趁江流去数点翠收林际雨渔屋远模糊烟邨半有无  
一峰飞醉墨秋与天争碧净洗绮罗尘一巢栖乱云

前调【题赵松雪水邨图】 陆祖先

当年图画知何处如今身向沧洲住吾亦爱吾庐芸牕几阑书  
青山天际小目送飞鸿杳试问钓鱼船芦花浅水边

前调【越城晚眺】 刘基

西风吹散云头雨斜阳却照天边树树色荡湖波波光艳绮罗  
征鸿何处起点点残霞里月上海门山山河莽苍间

前调【集句赠野人】 刘基

林中独酌邻家酒门前学种先生柳灌木自悲吟风泉清道心  
独行潭底影蝉噪林逾静渡口欲黄昏残阳归掩门

前调【花边夜宿】 杨基

潇湘门外春江水小红楼子临江起楼下是谁家一株含笑花  
兰舟休远去只就花边住花影上牙樯梦魂今夜香

前调【梨花月】杨基

水晶帘外娟娟月梨花枝上层层雪花月两模糊隔帘看欲无  
月华今夜黑全见梨花白花也笑姮娥让他春色多

前调【山园】陈淳

山中寂静无人到松筠满眼平生好读罢古人书一樽聊自如  
忽闻山鸟语絶胜歌仙侣醉醒月明时鸟还人不知

前调【太白酒楼】王世贞

高楼百尺攀星汉东秦十二夸雄观野旷觉天低天回海树齐  
谁教狂李白独起千秋色而我亦歌呼乾坤一酒徒

前调【闺人纤趾】徐渭

千娇更是罗襪浅有时立在秋千板板已窄棱棱犹余三四分  
红绒刚半索绣满帮儿雀莫去踏香堤游人量印泥

前调【饮邨舍】王锡爵

翠屏叠叠知多少小桥斜去西流遶茅屋几人家桃花和李花  
疎篱遮短短扑鼻香醪满燕子一双低樽前坠湿泥

前调 汤显祖

赤阑桥尽香街直牡丹风外垂杨碧叠损缕金衣相逢憔悴时  
黄衫骑白马日日青楼下金弹惜流莺留他歌一声

前调【索笑轩送梅】钱继登

梅花未忍辞春去风风雨雨情难住晓起探芳丛琼瑶一半空  
可怜尘世事聚散皆如是莫用苦匆匆衔杯风雨中

前调【移情檻雨中独坐】钱继章

桃香杉气来何处好风吹过随风去小雨细如丝幽人薄醉时  
阑干闲倚伫深意谁同语忽有玉人来双双白鹭回

前调【江游】 沈懋德

江声汹汹鱼龙老云情烟色从空绕千里一扁舟看完无限秋  
苹花随浪急白鹭迎风立独有倚楼人凝眸语不闻

前调 僧妙声

白云满地迷行路溪流百折无由渡水上见胡麻有人双浣沙  
仙家知己近失喜惊相问渡口碧桃开郎君何处来

前调【明媛】 叶小鸾

轻烟一抹连天碧帘前规月和烟白翠竹落梅疎相怜雪霁初博山香欲烬风透纱牕冷四望  
寂寥寥闲堦花影摇

前调 叶小鸾

秋声又到梧桐井半廊花雾笼虚影试唤侍儿来纱牕带月开  
浮光怜露叶暗草蛩凄切何事独愁予新词吟未如

御选历代诗余卷九

# 卷十

<集部,词曲类,词选之属,御选历代诗余

钦定四库全书

御选历代诗余卷十【目】録【四十四字】

采桑子

南唐李煜【二首】

和凝

冯延巳【十三首】

欧阳修【九首】

晏几道【七首】

黄庭坚【二首】

谢逸

周邦彦【三首】

李纲【首】

吕本中

康与之【二首】

曾觌

辛弃疾【二首】

陆游

黄机

韩淲【二首】

杨泽民

张炎

欧良

朱藻

李清照

吴元可

何继高

刘基

吴子孝【二首】

王世贞【二首】

冯鼎位【二首】

後庭花【又一体】

毛熙震【二首】

许棐

诉衷情【又一体】

晏殊【三首】

谢绛

晏几道【三首】



柳永

苏轼

黄庭坚

毛滂

苏庠【二首】

万俟雅言

唐庚

刘儗

陈允平【二首】

张辑

郑楷

僧挥【五首】

吴激

王庭筠

段克己

段成己

周用

陈子龙

卜算子

苏轼

陈师道

舒亶

王观

秦湛

周紫芝

谢逸

陈瓘

叶梦得

徐俯

赵师侠【二首】

朱敦儒

辛弃疾

范成大【二首】

陈三聘【二首】

葛立方

程垓【二首】

程大昌

刘克庄

陆游

王炎【二首】

洪咨夔

郭应祥

高观国

韩淲【二首】

沈端节

吴文英

康仲伯【二首】

汪元量

莫仑

僧挥

陆氏姬

严蘩

赵可

赵秉文

段克巳

刘基【二首】

文徵明

御选历代诗余卷十目錄

钦定四库全书

御选历代诗余卷十【四十四字】

司经局洗马掌局事兼翰林院修撰加二级【臣】王奕清奉

旨校刊

采桑子

【一名罗敷媚一名罗敷艳歌双调四十四字】

采桑子 南唐李煜

辘轳金井梧桐晚几树惊秋昼雨如愁百尺鰕?上玉钩  
琼牕春断双蛾皱回首边头欲寄鳞游九曲寒波不泝流

前调 南唐李煜

亭前春逐红英尽舞态徘徊细雨霏微不放双眉时暂开  
緑牕冷静芳音断香印成灰可奈情怀欲睡朦朧入梦来

前调 和凝

蟠踞领上诃梨子绣带双垂椒户闲时竞学擣菹赌荔

枝丛头鞦子红编细裙窄金丝无事顰眉春思翻教阿母疑

前调 冯延巳

马嘶人语春风岸芳草緜緜杨柳桥边落日高楼酒旆悬  
旧愁新恨知多少目断遥天独立花前更听笙歌满画船

前调 冯延巳

小庭雨过春将尽片片花飞独折残枝无语凭阑祇自知  
玉堂香煖珠帘卷双燕来归君约佳期肯信韶华得几时

前调 冯延巳

西风半夜帘栊冷远梦初归梦过金扉花谢牕前夜合枝  
昭阳殿里新翻曲未有人知偷取笙吹惊觉寒蛩到晓啼

前调 冯延巳

酒阑睡觉天香煖  
绣户慵开香印成灰  
独背寒屏理旧眉  
朦胧却向灯前卧  
窗月徘徊晓梦初回  
一夜东风绽早梅

前调 冯延巳

小堂深静无人到  
满院春风惆怅墙东  
一树樱桃带雨红  
愁心似醉兼如病  
欲语还慵日暮疎钟  
双燕归栖画阁中

前调 冯延巳

画堂灯煖帘栊卷  
禁漏丁丁雨罢寒生  
一夜西牕梦不成  
玉娥重起添香印  
回倚孤屏不语含情  
水调何人吹笛声

前调 冯延巳

笙歌放散人归去  
独宿江楼月上云收  
一半珠帘挂玉钩  
起来检点经游地  
处处新愁凭仗东流  
将取离心过橘州

前调 冯延巳

昭阳记得神仙侣  
独自承恩水殿灯昏  
罗幙轻寒夜正春  
如今别馆添萧索  
满面啼?旧约犹存  
忍把金环别与人

前调 冯延巳

微风帘幙清明近  
花落春残尊酒留欢  
添尽罗衣怯夜寒  
愁颜恰似烧残烛  
珠泪阑干也欲高拌  
争奈相逢情万般

前调 冯延巳

画堂昨夜愁无睡  
风雨凄凄林鹊争栖  
落尽灯花鸡未啼  
年光往事如流水  
休说情迷玉筍双垂  
祇是金笼鹦鹉知

前调 冯延巳

洞房深夜笙歌散  
帘幙重重斜月朦胧  
雨过残花落地红  
昔年无限伤心事  
依旧东风独倚梧桐  
闲想闲思到晓钟

前调 冯延巳

花前失却游春侣极目寻芳满眼悲凉纵有笙歌亦断肠  
林间戏蝶帘间燕各自双双忍更思量緑树青苔半夕阳

前调 冯延巳

樱桃谢了梨花发红白相催燕子归来几处香风緑户开  
人生乐事知多少且酌金杯管咽弦哀慢引萧娘舞袖回

前调 欧阳修

轻舟短棹西湖好緑水逶迤芳草长堤隐隐笙歌处处随  
无风水面琉璃滑不觉船移微动涟漪惊起沙禽掠岸飞

前调 欧阳修

春深雨过西湖好百卉争妍蝶乱蜂喧晴日催花暖欲然  
兰桡画舸悠悠去疑是神仙返照波间水濶风高扬管弦

前调 欧阳修

画船载酒西湖好急管繁弦玉残停传稳泛平波任醉眠  
行云却在行舟下空水澄鲜俯仰留连疑是湖中别有天

前调 欧阳修

羣芳过後西湖好狼籍残红飞絮蒙蒙垂柳阑干尽日风  
笙歌散尽游人去始觉春空垂下帘栊双燕归来细雨中

前调 欧阳修

何人解赏西湖好佳景无时飞盖相追贪向花间醉玉卮  
谁知闲凭阑干处芳草斜晖水远烟微一点沧洲白鹭飞

前调 欧阳修

清明上巳西湖好满目繁华争道谁家緑柳朱轮走钿车  
游人日暮相将去醒醉喧譁路转堤斜直到城头总是花

前调 欧阳修

荷花开後西湖好  
载酒来时不用旌旗  
前後红幢绿盖随  
画船撑入花深处  
香泛金卮  
烟雨微微一片笙歌醉里归

前调 欧阳修

天容水色西湖好  
云物俱鲜  
鸥鹭闲眠应惯寻常听管弦  
风清月白偏宜夜  
一片琼田谁羨骖鸾人在舟中便是仙

前调 欧阳修

残霞夕照西湖好  
花坞苹汀十顷波平  
野岸无人舟自横  
西南月上浮云散  
轩檻凉生荷芰香  
清水面风来酒面醒

前调 晏几道

白莲池上当时月  
今夜重圆  
曲水兰船忆伴飞琼看月眠  
黄花绿酒分携後  
泪湿吟笺  
旧事年年时节南湖又采莲

前调 晏几道

前欢几处笙歌地  
长负登临  
月幌风襟犹忆西楼着意深  
莺花见尽当时事  
应笑如今一寸愁心  
日日寒蝉夜夜砧

前调 晏几道

无端恼破桃源梦  
明月青楼  
玉膩花柔不学行云易去留  
应嫌衫袖前香冷  
重傍金虬  
歌扇风流遮尽归时翠黛愁

前调 晏几道

年时此夕东城见  
欢意匆匆  
明日还重却在楼台缥缈中  
垂螺拂黛清歌女  
曾唱相逢秋月春风  
醉枕香衾一岁同

前调 晏几道

西楼月下当时见  
粉泪偷匀  
歌罢还颦恨隔炉烟看未真  
别来楼外垂杨缕  
几换青春  
倦客红尘长记楼中粉泪人

前调 晏几道

湘妃浦口莲开尽昨夜红稀  
嬾过前溪闲棹扁舟看鴈飞  
去年谢女池边醉晚雨霏微  
记得归时旋折新荷盖舞衣

前调 晏几道

红牕碧玉新名旧犹绾双螺  
一寸秋波一斛明珠觉未多  
小来竹马同游客惯听清歌  
今日蹉跎恼乱工夫晕翠蛾

前调【送彭永臯】 黄庭坚

荔枝滩上留千骑桃李阴繁  
宴寝香残画戟森森镇八蛮  
永康又得风流守管领江山  
少讼多闲烟霭楼台舞翠鬟

前调 黄庭坚

夜来酒醒清无梦愁倚阑干  
露滴轻寒雨打芙蓉泪不乾  
佳人别後音尘悄瘦尽难  
明月无端已过红楼十二间

前调 谢逸

楚山削玉云中碧影落沙汀  
秋水澄凝一抹江天鴈字横  
金钱满地西风急红蓼烟轻  
帘外砧声惊起青楼梦不成

前调【梅三首】 周邦彦

肌肤绰约真仙子来伴冰霜  
洗尽铅黄素面初无一点妆  
寻花不用持银烛暗里闻香  
零落池塘分付余妍与寿阳

前调 周邦彦

南枝度腊开全少疎影当轩  
一种宜寒自共清蟾别有缘  
江南风味依然在玉貌韶颜  
今夜凭阑不似钗头仔细看

前调 周邦彦

香梅开後风传信绣户先知  
雾湿罗衣冷艳须攀最远枝  
高歌羌管吹遥夜看即纷披  
已恨来迟不见娉婷带雪时



前调【木犀二首】 李纲

幽芳不为春光发直待秋风直待秋风香比余花分外浓  
步摇金翠人如玉吹动珑璁吹动珑璁恰似瑶台下逢

前调 李纲

枝头万点妆金蕊十里清香十里清香解引幽人雅思长  
玉壶贮水花难老净几明牕净几明牕褪下残英簌簌黄

前调【别情】 吕本中

恨他不似江楼月南北东西南北东西只有相随无别离  
恨他恰似江楼月暂满还亏暂满还亏待得团圆是几时

前调【咏雪】 康与之

冯夷翦破澄溪练飞下同云着地无?柳絮梅花处处春  
山阴此夜明如昼月满前村莫掩溪门恐有扁舟乘兴人

前调 康与之

红楼紫陌青春路柳色皇州月淡烟柔袅袅亭亭不自由  
旧时扶上雕鞍处此地重游总是新愁柳自轻盈水自流

前调【清明】 曾觌

清明池馆晴还雨绿涨溶溶花里游蜂宿粉栖香锦绣中  
玉箫声断人何处依旧春风万点愁红乱逐烟波总向东

前调【赠歌者】 辛弃疾

晚来云淡秋光薄落日晴天落日晴天堂上风斜桦烛烟  
从渠去买人间恨字字都圆字字都圆肠断西风十四弦

前调 辛弃疾

年年索尽梅花笑疎影黄昏疎影黄昏香满东风玉一?  
清诗冷落无人寄雪艳冰魂雪艳冰魂浮玉溪头烟树村

前调 陆 游

宝钗楼上梳妆晚  
嬾上秋千闲  
拨沉烟金缕衣宽  
睡髻偏鳞鸿不寄辽东信  
又是经年弹泪花前愁入春风十四弦

前调 黄 机

绮牕拨断琵琶索  
一一相思一一相思  
无限柔情说向谁  
银鈎欲写回文曲  
泪满乌丝泪满乌丝薄  
幸知他知不知

前调 韩 淲

萧萧两鬓吹华髮  
老眼全昏徙倚衡门  
岁晚寒消涧底  
含情更觉沧洲远  
欲语谁论窈窕孤村  
细雨梅花只断魂

前调 韩 淲

华灯自是年年好  
月淡烟空依旧东风  
箫鼓吹香醉脸融  
谢他诗侣还相觅  
雨迹云踪不分情浓  
柳浅梅深髮影松

前调【梅】 杨泽民

冰姿冠絶人间世  
傲雪凌霜蕊点檀黄  
更着红唇间素妆  
清芬不是先桃李  
桃李无香回出林塘  
万木丛中独秉阳

前调【子母猿】 张 炎

山人去後知何处  
风月清虚来往无拘  
戏引儿孙乐有余  
悬厓挂树如相语  
常守枯株久与人疎  
闲了当年一卷书

前调 欧 良

年年才到花时候  
风雨经旬不肯开晴  
悞却寻花陌上人  
今朝报道天晴也  
花已成尘寄语花神  
何似当初莫做春

前调 朱 藻

障泥油壁人归後  
满院花阴楼影沉沉  
中有伤春一片心  
闲穿緑树寻梅子  
斜日朧明团扇风轻  
一径杨花不避人

前调 【宋媛】李清照

晚来一阵风兼雨洗尽炎光理罢笙簧却对菱花淡淡妆  
绡绡缕薄冰肌莹雪腻酥香笑语檀郎今夜纱?枕簟凉

前调 吴元可

江南二月春深浅芳草青时燕子来迟翦翦轻寒不满衣  
清宵欲寐还无寐顾影颦眉整带心思一样东风两样吹

前调 何继高

醉归那忍旋分手竹屋灯明石鼎茶声坐久听来酒力轻  
粉笺染就芙蓉滑小句初成转自凄清寒逼春衫欲二更

前调 刘基

鴈来不带天边信莫上高楼新月如钩一度春来一度愁  
人间无限凄凉事覆水难收风叶飕飕只是商量断送秋

前调 吴子孝

纤云尽卷天如水芦荻风残松竹霜寒更看前溪月满山  
画船红烛金尊酒子夜歌阑缓吹轻弹得意人生且尽欢

前调 吴子孝

瀛洲夜夜风兼露风递荷香露湿花房点点流萤映水光  
湖山重叠玲珑玉欲去传觞犹恋高堂只为炎天扇枕忙

前调 王世贞

洞庭枫落胭脂冷蛩尾香钩舴艋轻舟一任风霜自在浮  
绿蓑衣上寒云腻蒲底槎头缸面新篴纵有秋声不起愁

前调 王世贞

落英堆砌无人管几点蔫红偷入帘枕要与多情诉晚风  
鸳鸯被冷惊春睡羞把菱铜蹙损眉峰不为风狂也似依

前调 冯鼎位

秋风欲染棠梨叶碧水平池玉笛轻吹落徧中庭桂树枝  
珠帘不卷玲珑月凉透罗衣天远星稀无奈高楼一鴈飞

前调【中秋夜】 冯鼎位

银河澹灩秋如水人是今年月似前年重上南楼思悄然  
繁弦急管催清漏昨夜难圆明夜难圆满泛金尊醉绮筵

後庭花

【又一体双调四十四字一名海棠春】

後庭花 毛熙震

莺啼燕语芳菲节瑞庭花发昔时欢宴歌声揭管弦清越  
自从陵谷追游歇画梁尘黦伤心一片如珪月闲锁宫阙

前调 毛熙震

越罗小袖新香蒨薄笼金钏倚阑无语摇轻扇半遮匀面  
春残日暖莺娇嬾满庭花片争不教人长相见画堂深院

前调 许棐

一春不识西湖面翠羞红倦雨牕和泪摇湘管意长牋短  
知心惟有雕梁燕自来相伴东风不管琵琶怨落花吹徧

诉衷情

【又一体双调四十四字】

诉衷情 晏殊

东风杨柳欲青青烟淡雨初晴恼他香阁浓睡撩乱有啼莺  
眉叶细舞腰轻宿妆成一春芳意三月和风牵系人情

前调 晏殊

芙蓉金菊鬪馨香天气欲重阳远村秋色如画红树间疎黄  
流水澹碧天长路茫茫凭高目断鸿雁来时无限思量

前调 晏殊

青梅煮酒鬪时新天气欲残春东城南陌花下逢着意中人  
回绣袂展香衾叙情亲此时 作千尺游丝惹住朝云

前调 谢绛

银缸夜永影长孤香草续残炉倚屏默默无语粉泪不成珠  
双粲枕百娇壶忆当初恩光莫似秋叶无情欲向人疎

前调 晏几道

凭觴静忆去年秋桐落故溪头诗成自写红叶和恨向东流  
人脉脉水悠悠几多愁雁书不到蝶梦无凭漫倚高楼

前调 晏几道

小楼风韵最妖娆开处雪初消南枝欲附春信长恨陇人遥  
闲记忆旧江皋路迢迢暗香浮动疎影横斜几处溪桥

前调 晏几道

长因蕙草记罗裙緑腰沉水熏阑干曲处人静曾共倚黄昏  
风有韵月无?暗消魂拟将幽恨试写残花寄与朝云

前调 柳永

一声画角日西曛催促掩朱门不堪更倚妆阁肠断已消魂  
年渐晚雁空频问无因思心欲碎愁泪难收又是黄昏

前调 苏轼

海棠珠缀一重重清晓近帘栊胭脂谁与匀染偏向脸边浓  
看叶嫩惜花红意无穷如花似叶岁岁年年共占春风

前调 黄庭坚

小桃灼灼柳鬖鬖春色满江南雨晴风暖烟淡天气正醺酣  
山泼黛水挼蓝翠相搀歌楼酒旆故故招人权典青衫

前调 毛滂

花阴柳影映帘栊罗幙绣重重行云自随语燕回雪趁惊鸿  
银字歇玉杯空蕙烟中桃花髻暖杏叶眉弯一片春风

前调 苏庠

杖头挑得布囊行活计有谁争不肯侯家五鼎碧涧一杯羹  
谿上月岭头云不劳耕瓮中春色枕上华胥便是长生

前调 苏庠

倦投林樾当诛茅鸿雁响寒郊溪上晚来杨柳月露洗烟梢  
霜後渚水分槽尚平桥客牀归梦何必江南门接云涛

前调【送春】 万俟雅言

一鞭清晓喜还家宿醉困流霞夜来小雨新霁双燕舞风斜  
山不尽水无涯望中賒送春滋味念远情怀分付杨花

前调 唐庚

平生不会敛眉头诸事等闲休元来却到愁处须着与他愁  
残照外大江流去悠悠风悲兰杜烟淡沧浪何处扁舟

前调 刘儼

征衣薄薄不禁风长日雨丝中又是一年春事花信到梧桐  
云漠漠水溶溶去匆匆客怀今夜家在江西身在江东

前调 陈允平

緑云凤髻不忺盘情味胜思酸晓色露桃烟杏空照脸霞丹  
花渐老镜台闲锦斓斑怨红一叶流水东风好去人间

前调 陈允平

嫩寒侵帐弄微霜客泪不成行料得黄花憔悴何日赋归装  
楼独倚漏声长暗情伤凄凉况味一半悲秋一半思乡

前调【吴江长桥】张辑

卧虹千尺界湖光冷浸月茫茫当日三高何处渔唱入凄凉  
人世事纵轩裳梦黄粱有谁蓑笠一钓丝风吹尽荷香

前调郑楷

酒旗摇曳柳花天莺语软於絺碎绿未盈芳沼倒影蘸秋千  
匳玉燕套金蝉负华年试问归期是酴醾後是牡丹前

前调僧挥

楚江南岸小青楼楼前人横舟别来後庭花晚花上梦悠悠  
山不断水空流漫凝眸建康宫殿燕子来时多少闲愁

前调【建康】僧挥

锺山影里看楼台江烟晚翠开六朝旧时明月清夜满秦淮  
寂寞处两潮回黯愁怀汀花雨细水树风闲又是秋来

前调【宝月山作】僧挥

清波门外拥轻衣杨花相送飞西湖又还春晚水树乱莺啼  
闲院宇小帘帏晚初归钟声已过篆香才点月到门时

前调僧挥

长桥春水拍堤沙疎雨带残霞几声脆管何处桥下有人家  
宫树绿晚烟斜噪闲鸦山光无尽水风长在满面杨花

前调【寒食】僧挥

涌金门外小瀛洲寒食更风流红船满湖歌吹花外有高楼  
晴日暖淡烟浮恣嬉游三千粉黛十二阑干一片云头

前调吴激

夜寒茅店不成眠残月照吟鞭黄花细雨时候催上渡头船  
鸥似雪水如天忆当年到家应是童稚牵衣笑我华颠

前调 王庭筠

夜凉清露滴梧桐庭树又西风熏笼旧香犹在晓帐暖芙蓉  
云淡薄月朦胧小帘枕江湖残梦半在南楼画角声中

前调【初夏】 段克己

东风帘幙雨丝丝梅子半黄时玉簪微醒醉梦开却两三枝  
初睡起晓莺啼倦弹碁芭蕉新绽徙倚湖山彩笔题诗

前调【史仲恭寿】 段成己

芹溪清浅舞涟漪坠钓锦鳞肥黄花一樽芳酒万事觉俱非  
留晚景惜香霏醉时归最关情处迎门稚子含笑牵衣

前调 周用

人间何处有丹丘曾到太湖头日高主人犹卧花影满重楼  
寻画史接诗流老沧洲一村烟树数家茅屋几个渔舟

前调 陈子龙

小桃枝下试罗裳蝶粉翻遗香玉轮碾平芳草半面恼红妆  
风乍暖日初长袅垂杨一双舞燕万点飞花满地斜阳

卜算子

【一名缺月挂疎桐一名孤鸿一名百尺楼双调四十四字】

卜算子 苏轼

缺月挂疎桐漏断人初静时见幽人独往来缥缈孤鸿影  
惊起却回头有恨无人省拣尽寒枝不肯栖寂寞沙洲冷

前调 陈师道



纤软小腰身明秀天真面澹画修眉小作春中有相思怨  
背立向人羞颜破因谁倩不比阳台梦里逢亲向尊前见

前调【苔】舒亶

池台小雨乾门巷香轮少谁把青钱衬落红满地无人扫  
何时鬪草归几处寻花了留得佳人莲步?宫样鞦儿小

前调【送友之湘东】王观

水是眼波横山是眉峰聚欲问行人去那边眉眼盈盈处  
才是送春归又送君回去若到江南赶上春千万和春住

前调秦湛

春透水波明寒峭花枝瘦极目烟中百尺楼人在楼中否  
四和袅金鳧双陆思纤手拟倩东风浣此情情更浓於酒

前调周紫芝

霜叶下孤篷船在垂杨岸早是凄凉惜别时更惜年华换  
别酒解留人醉君休管醉里朱弦莫漫弹愁入参差鴈

前调谢逸

烟雨冪横塘绀色涵清浅谁把并州快翦刀翦取吴江半  
隐几岸乌巾细葛含风软不见柴桑避俗翁心共孤云远

前调陈瓘

身如一叶舟万事潮头起水长船高一任伊来往洪涛里  
潮落又潮生今古长如此後夜开尊独酌时月满人千里

前调叶梦得

新月挂林梢暗水鸣枯沼时见疎星落画檐几点流萤小  
归意已无多故作连环绕欲寄新声问采莲水阔烟波渺

前调徐俯

清池过雨凉暗有清香度缥缈娉婷絕代歌翠袖风中举  
忽敛双眉去总是关情处一段江山一片云又下阳台雨

前调 赵师侠

晴日敛春泥陌上东风软料峭寒禁花柳间枉恨春工浅  
綠涨一江深黛泼千山远目断平芜无际愁数尽征鸿点

前调 赵师侠

杨柳褪金丝艳杏摇红影欲雨还晴二月天春色浑无定  
晓梦不堪惊午睡新来永一掬归心万叠愁空惹长亭恨

前调 朱敦儒

碧瓦小红楼芳草江南岸雨後纱牕几阵寒零落梨花晚  
看到水如云送尽鸦成点南北东西处处愁独倚阑干徧

前调【荷】 辛弃疾

红粉靓梳妆翠盖低风雨占断人间六月凉明月鸳鸯浦  
根底藕丝长花里莲心苦只为风流有许愁更衬佳人步

前调 范成大

凉夜竹堂虚小睡匆匆醒银漏无声月上堦满地阑干影  
何处最知秋风在梧桐井不惜骖鸾弄玉箫露湿衣裳冷

前调 范成大

雪压小桥深月到重门静冷叶疎枝半不禁更看横牕影  
回首故园春往事难重省半夜清香入梦来从此熏炉冷

前调 陈三聘

雪後竹枝风醉梦风吹醒瘦立寒堦满地春淡月梅花影  
门外辘轳寒晓汲喧金井长笛何人更倚楼玉指风前冷

前调 陈三聘

涧下水声寒壑底松风静时有清香度竹来步月寻疎影  
往事属东风试问花应省曾是花前把酒人别梦溪堂冷

前调 葛立方

裊裊水芝红脉脉蒹葭浦淅淅西风淡淡烟几点疎疎雨  
草草展杯觞对此盈盈女叶叶红衣当酒船细细流霞举

前调 程垓

独自上层楼楼外青山远望到斜阳欲尽时不见西飞雁  
独自下层楼楼下蛩声怨待到黄昏月上时依旧柔肠断

前调 程垓

枕簟暑炎消帘幙秋风动月到宵来愁处明只照团衾凤  
去意杳无凭别语愁难送一纸鱼笺枕底香且做新来梦

前调【秋海棠】 程大昌

春产不贪春为厌春花泛睡到秋深梦始回素影翻春艳  
意赏逐时新旧事谁能占解转春光入酒杯萸菊谁云欠

前调【海棠盛开遇风雨】 刘克庄

片片蝶衣轻点点猩红小人道东君不惜花百种千般巧  
朝见树头繁暮见枝头少人道东君解惜花雨打风吹了

前调【梅花】 陆游

驿外断桥边寂寞开无语已是黄昏独自愁更着风和雨  
无意共争春一任羣芳妒零落成泥碾作尘只有香如故

前调 王炎

膩玉染深红丽质难常好已是人间祓禊时花亦随春老  
唤取麴生来醉赏惟宜早此去陰晴十日间点点黏芳草

前调 王炎

散策问芳菲春半花犹未蓓蕾枝头怯苦寒却似人憔悴  
人莫恨花迟天自催寒去雨意才收日气浓玉靥红如醉

前调 洪咨夔

芍药打团红萱草成窠绿帘卷疎风燕子归依旧卢仝屋  
贫放麴生疎闲到青奴熟扫地焚香伴老仙人胜连环玉

前调 郭应祥

春事到清明过了三之二穠李夭桃委路尘大半成泥滓  
只有海棠花恰似杨妃醉折向铜壶把烛看且莫教渠睡

前调 高观国

屈指数春来弹指惊春去檐外蛛丝网落花也要留春住  
几日喜春晴几夜愁春雨十二雕牕六曲屏题徧伤春句

前调 韩淲

一雨已秋深月色寒初静夜半坡衣草树间玉露团清影  
长笛倚楼声听彻还重省手啓柴扉倦复关云卧衣裳冷

前调 韩淲

烟雨海棠花春夜沉沉酌寒食清明数日间人也须行乐  
不怕笛声长只怕风儿恶烛影红酣宝篆香楼上黄昏角

前调【梅】 沈端节

踏雪看孤芳只有诗人共守定南枝待得开不觉冰轮动  
郤月与凌风漫说扬州梦想见雕阑曲沼边残雪和烟冻

前调 吴文英

凉挂晓云轻声断西风小井上梧桐应未知一叶云鬟袅  
来雁带书迟别燕归程早频探秋香开未开恰似春来了

前调 康仲伯

曾约再来时花暗春风树今日人来花未开春未知人处  
坐客有疎狂彩笔题新语浑为玉人颓玉山忘了阳关路

前调 康仲伯

烟髻绾层巅云叶生寒树斜日行人窈窕村愁阵纵横处  
细细写鸾笺寄相思语会倩春风展柳眉回马章台路

前调【送别】 汪元量

我向河南来伊向河西去客里相逢只片时无计留伊住  
去住总由伊莫把眉头聚安得并州快剪刀割断相思路

前调 莫仑

红底过丝明緑外飞絲小不道东风上海棠白地春归了  
月笛曲阑留露舄芳池绕争得闲情似旧时徧索檐花笑

前调 僧挥

有意送春归无计留春住毕竟年年用着来何似休归去  
目断楚天遥不见春归路风急桃花也似愁点点飞红雨

前调【宋媛】 陆氏姬

送我出东门乍别长安道两岸垂杨鎖暮烟正是秋光老  
一曲古阳关莫惜金尊倒伊向潇湘我向秦鱼雁何时到

前调【宋妓】 严蕊

不是爱风尘似被前缘误花落花开自有时总赖东君主  
去也终须去住也如何住若得山花插满头莫问奴归处

前调 赵可

明月在青天借问今时几但见宵从海上来不觉云间坠  
流水古今人共看皆如此惟愿当歌对酒时长照金尊里

前调 赵秉文

乌鹊不多惊贴贴风枝静珠贝横空冷不收半湿秋河影  
缺月堕幽牕推枕惊深省落叶萧萧听雨声帘外霜华冷

前调 段克巳

澹月晃书牕夜静云撩乱敲枕潇潇听雪声落叶闲堦满  
清晓独开门澹荡东风软诗句成时堕渺茫眼底江天远

前调 刘基

春去蝶先知花落蜂难缀草緑庭空不见人愁共天无际  
凿沼种荷看水浅荷钱细惟有青苔最可怜欲上人衣袂

前调 刘基

白日下层岑青霭生寒水水远山长不见人月上风微起  
何许一孤鸿飞去潇湘沚欲采苹花寄所思无处寻双鲤

前调 文徵明

酒醒夜堂凉雨过湘帘卷时见流萤度短墙乍近依然远  
欲睡更迟徊徙倚阑干徧不觉西楼缺月斜寂寞桐陰转

御选历代诗余卷十

# 卷十一

＜集部,词曲类,词选之属,御选历代诗余

钦定四库全书

御选历代诗余卷十一目錄【四十五字】

谒金门

韦庄【三首】

薛昭蕴

牛希济

阎选

魏承班【二首】

冯延巳

苏轼【二首】

苏庠【二首】

秦湛

周紫芝

陈克【四首】

赵师侠

张元干

康与之

朱雍

范成大

程垓【三首】

韩元吉

吕胜已【三首】

袁去华【四首】

赵彦端【二首】

卫元卿

程秘

张辑【二首】

黄机

吴礼之

赵善扛

毛幵

卢祖皋【四首】

张履信

高观国

韩淲【六首】

汪莘

姚镗



洪璚

赵与

卢炳

沈端节

黄昇

吴文英

张枢

周密【三首】

石孝友【三首】

翁元龙

何光大

赵淇

刘辰翁

李莱老

胡仲弓

谭宣子

无名氏

刘仲尹

王庭筠【二首】

李俊民【四首】

刘诜

张翥

刘基

杨慎

陈子龙

无名氏

叶小鸾

前调【又一体】

孙光宪

杏园芳

尹鹖

柳含烟

毛文锡【三首】

醉太平【又一体】

辛弃疾

诉衷情【又一体】

欧阳修

黄庭坚

思越人

冯延巳

更漏子

温庭筠

前调【又一体】

晏殊【二首】

天门谣

李之仪

贺铸

渔父家风

张元干

严仁

酒泉子【又一体】

司空图

毛文锡

散余霞

毛滂

好女儿

黄庭坚

曾觌

前调【又一体】

黄庭坚

忆闷令

晏几道

一落索

吕渭老

彩鸾归令

张元干

卜算子【又一体】

徐俯

御选历代诗余卷十一目录

钦定四库全书

御选历代诗余卷十一【四十五字】

司经局洗马掌局事兼翰林院修撰加二级【臣】王奕清奉

旨校刊

谒金门

【唐乐名有儒士谒金门词沿其名一名垂杨碧一名花自落一名出塞一名春早湖山一名空相忆双调四十五字】

谒金门 韦庄

春雨足染就一溪新绿柳外飞来双羽玉弄晴相对浴楼外翠帘高轴倚徧阑干几曲云淡水  
平烟树簇寸

心千里目

前调 韦庄

春漏促金烬暗挑残烛一夜帘前风撼竹梦魂相断续有个娇娆如玉夜夜绣帏孤宿闲抱琵琶寻旧曲远

山眉黛绿

前调 韦庄

空相忆无计得传消息天上嫦娥人不识寄书何处覓新睡觉来无力不忍把伊书迹满院落花春寂寂断

肠芳草碧

前调 薛昭蕴

春满院叠损罗衣金线睡觉水精帘未卷帘前双语燕斜倚金铺一扇满地落花千片早是相思肠欲断那

教频梦见

前调 牛希济

秋已暮重叠关山岐路嘶马摇鞭何处去晓禽霜满树梦断禁城钟鼓泪滴枕檀无数一点凝红和薄雾翠

蛾愁不语

前调 阎选

美人浴碧沼莲开芬馥双髻挽云颜似玉素蛾辉淡绿雅澹芳姿闲淑雪映钿装金斛水溅青丝珠断续酥

融香透肉

前调 魏承班

烟水阔又值清明时节雨细花零莺语切愁肠千万结鴈去音徽断絶有恨欲凭谁说无事伤心犹不彻春

时容易别

前调 魏承班

春欲半堆砌落花千片早是潘郎长不见忍听双语燕飞絮晴空扬远风送谁家弦管愁倚画屏凡事嬾泪

沾金缕线

前调 冯延巳

风乍起吹皱一池春水闲引鸳鸯芳径里手按红杏蕊鬪鸭阑干独倚碧玉搔头斜坠终日望君君不至举

头闻鹊喜

前调 苏轼

秋帷里长漏伴人无寐低玉枕凉轻绣被一番秋气味晓色又侵牕纸牕外鸡声初起声断几声还到耳已

明声未已

前调 苏轼

秋池阁风傍小庭帘幙霜叶未衰吹未落半惊鷗喜鹊自笑浮名情薄似与世人疎略一片嬾心双嬾脚好

教闲处着

前调【怀故居】 苏庠

何处所门外冷云堆浦竹里江梅寒未吐茅屋疎疎雨谁遣愁来如许小立野塘官渡手种凌霄今在否柳

浪迷烟渚

前调【怀张元度】 苏庠

杨柳渡醉着青鞵归去点点沙鸥何处所十里菰蒲雨抖擞向来尘土卧看碧山云度寄语故时猿鹤侣未

见心先许

前调 秦 湛

鸳鸯浦春涨一江花雨隔岸数声初过橹晚风生碧树舟子相呼相语载取暮愁归去寒食江村芳草路愁

来无着处

前调 周紫芝

春雨细开尽一番桃李柳暗曲阑花满地日高人睡起绿浸小池春水沙暖鸳鸯双戏薄幸更无书一纸画

楼愁独倚

前调 陈 克

愁脉脉目断江南江北烟树重重芳信隔小楼山几尺细草孤云斜日一晌弄晴天色帘外落花飞不得东

风无气力

前调 陈 克

花满院飞去飞来双燕红雨入帘寒不卷晓屏山六扇翠袖玉笙凄断脉脉两蛾愁浅消息不知郎近远一

春长梦见

前调 陈 克

柳丝碧柳下人家寒食莺语匆匆花寂寂玉堦春藓湿闲凭熏笼无力心事有谁知得檀炷绕窗灯背壁画

檐残雨滴

前调 陈 克

深院静尘暗曲房凄冷黄叶满阶风不定无端吹酒醒露湿小园幽径悄悄啼蛄相应半被余熏残烛影夜

长人独冷

前调 赵师侠

沙畔路记得旧时行处蔼蔼疎烟迷远树野航横不渡竹里疎花梅吐照眼一川鸥鹭家在清江江上住水

流愁不去

前调【道山亭饯别】 张元干

风露底石上岸巾愁起月到房心天似水乱峰清影里此去登瀛须记今夕道山同醉春殿明年人共指玉

皇香案吏

前调【暮春】 康与之

春又晚风劲落红如翦睡起绣牀飞絮满日长门半掩不管离肠欲断听尽梁间双燕试上小楼还不见楼

前芳草远

前调【梅】 朱 雍

春太早十二玉楼初晓半额试妆深院悄相逢何草草临水幽香缥缈髣髴淡妆窥照恰值日边人未到纷

纷萦古道

前调【宜春道中有怀旧隐】 范成大

塘水碧仍带麴尘颜色泥泥縠纹无气力东风如爱惜恰似越来溪侧也有一双鸂鶒只欠柳丝千百尺系

船舂弄笛



前调【荼蘼】程垓

花簇簇触眼万条垂玉小院春深牕锁綠水沉风断续明月又侵楼曲羞向枕囊拘束只待夜深清影足醉

来花底宿

前调【陪诸友饮东山】程垓

乌帽侧行徧杏花春色野意青青分陇麦人家烟水隔春事莫催行客弹指青梅堪摘醉倚暮天江拍拍雨

晴沙路白

前调程垓

春夜雨催润柳塘花坞小院深深门几许画帘香一缕独立晚庭凝竚细把花枝闲数燕子不来天欲暮说

愁无处所

前调【春雪】韩元吉

春尚浅谁把玉英裁翦尽道梅梢开未徧卷帘花满院楼上酒融歌暖楼下水平烟远却似涌金门外见絮

飞波影乱

前调吕胜已

花满树两个黄鹂相语恰似碧城双玉女对歌还对舞可惜娟娟楚楚同伴彩云归去居士心如泥上絮那

能无恨处

前调吕胜已

嗟久客又见他乡寒食流水断桥春寂寂孤邨烟火息白去红飞无迹千树总成新碧醉里伤春愁似织东

风欺酒力

前调 吕胜已

天气暖开了荼蘼一半红日迟迟风拂面堦前花影乱俊逸风神不见定被莺花留恋千尺游丝舒又罥系

人心上綫

前调 袁去华

春索莫楼上晚来风恶午醉初醒罗袖薄护寒添翠幙愁里花时过却闲处泪珠偷落憔悴只羞人问着镜

中还自觉

前调 袁去华

深院闭漫漫东风桃李芳草凄迷烟雨细秦楼何处是还是伤春意味闲却蹋青天气折得海棠双蒂子无

言还自喜

前调 袁去华

归鸟急照水斜阳红湿篷底夜凉风露入藕花香习习点滴城头漏涩凄断草间虫泣新恨旧愁眉上集月

斜还竚立

前调 袁去华

烟水阔夜久风生苹末东舫西船人语絶四更山吐月客里光阴电抹不记离家时节楼上笛声听未彻又

催征櫂发

前调 赵彦端

休相忆明夜远如今日楼外绿烟邨  
花飞如许急柳岸晚来船集波底斜阳红湿  
送尽去云成独立酒

醒愁又入

前调 赵彦端

春已半绣绿新红如换燕子还来帘幙畔  
闲愁天不管翠被曲屏香满花叶彩笺人远  
鹊喜蛛丝都未判连

环空约腕

前调 卫元卿

花过雨又是一番红素燕子归来愁不语  
故巢无觅处谁在玉楼歌舞谁在玉关辛苦  
若使边尘吹得去东

风侯万户

前调 程秘

烟漠漠醉里看春都错过了清明迟一着  
牡丹重约摸晓日渐明檐角天与芳辰难却  
驻得韶华元有药桃

源谁共约

前调 张辑

花半湿睡起一帘晴色千里江南真咫尺  
醉中归梦直前度兰舟送客双鲤沉沉消息  
楼外垂杨如此碧问

春来几日

前调 张辑

春寂寞帘底薰炉烟薄听尽归鸿书怎托  
相思天一角象笔鸾牋闲却秀句与谁商略  
睡起愁怀何处着无

风花自落

前调 黄 机

秋向晚秋晚蕙根犹碧染罗裙湘水浅羞红微到脸  
窈窕绣帘围徧月薄霜明亭院妆罢宝奩慵不掩无

风香自满

前调 吴礼之

风乍扇帘外落红千片飞尽落花春不管鬪忙莺与燕  
往事上心撩乱睡起日高犹倦料得伊家情眷眷近

来长梦见

前调 赵善扛

新雨霁开徧满园桃李波暖池塘风细细一双花鸭戏  
唤起春融睡美扶醉宿妆慵理移步避人花影里绣

裊低窈地

前调 毛 幵

眷已半芳草池塘绿徧山北山南花烂漫日长蜂蝶乱  
闲掩屏山六扇好梦强教惊断愁对画梁双语燕故

人心不见

前调 卢祖皋

闲院宇独自行来行去花片无声帘外雨浅寒生碧树  
做弄清明时序料理春醒情绪忆得归时停櫂处画

桥空落絮

前调 卢祖皋

香漠漠低卷水风池阁玉腕笼纱金半约睡浓团扇落  
雨过凉生云薄女伴櫂歌声乐采得双莲迎笑剥柳

阴多处泊

前调 卢祖皋

风不定移去移来帘影一雨林塘新绿净杏梁归燕并翠袖玉屏金镜日薄绮疏人静心事一  
春疑酒病鸟

啼花满径

前调【惜别】 卢祖皋

兰櫂举相逐落红飞去一隙轻帘凝睇处柳丝牵不住昨日翠蛾金缕今夜碧波烟渚好梦无  
凭怱又雨天

涯知几许

前调 张履信

春睡起小阁明窗儿底帘外雨声花积水薄寒犹在里欲起还慵未起好是孤眠滋味一曲广  
陵应忘记起

来调绿绮

前调 高观国

烟墅暝隔断仙源芳径雨歇花梢魂未醒湿红如有恨别後香车谁整怪得画桥春静碧涨平  
湖三十顷归

云何处问

前调 韩 泂

花影半晴色乍开云卷择胜寻春愁日短雨余山路晚涧底桃深红满人意不禁闲远蝴蝶绕  
枝啼鸟怨东

风吹酒面

前调 韩 泂

花肃肃杨柳三眠未足一櫂溪山新涨绿旧欢无梦续莫问杜鹃啼蜀只有江南水竹北客凄凉无伴独春

山生草木

前调 韩 淲

幽意熟吟啸春风自足麦气初生晴未燠相逢休问卜画出高山盘谷岩上飞云相逐他日江东思渭北断

弦谁为续

前调 韩 淲

春尚早春入湖山渐好人去人来虽未老酒徒犹恨少梅落桃开烟岛日日更吹香草一片芳心?醉倒冷

云藏落照

前调 韩 淲

行又住水远山遥邨路把酒问春春几许老年花似雾坐上风流张绪留我我还难去却忆章台飞柳絮只

愁萦暮雨

前调 韩 淲

云外月画出一痕清绝梅已飘香桃未发带湖烟水阔汀渚尚留微雪不恨酒融歌歇老我多情胶漫结半

醒空自说

前调 汪 莘

檐漏滴都是春归消息带雨牡丹无气力黄鹂愁雨湿争看洛阳春色忘却连天草碧南浦绿波双桨急沙

头人伫立

前调 姚 镗

吟院静迟日自行花影熏透水沉云满鼎晚妆窥露井飞絮游丝无定误了莺莺相等欲唤海棠教睡醒奈

何春不肯

前调 洪 璚

风共雨催尽乱红飞絮百计留春春不住杜鹃声更苦细柳官河狭路几被婵娟相悞空忆坠鞭遗扇处碧

惺眉语度

前调 赵与

归去去风急兰舟不住梦里海棠花下语醒来无觅处薄幸心肠似絮长是轻分轻聚待得来时春几许绿

阴三月暮

前调 卢 炳

春寂寂节物又催寒食楼上卷帘双燕入断魂愁似织门外雨余风急满地落英红湿好梦惊回无处觅天

涯芳草碧

前调 沈端节

寻胜去湖色净涵疎树欸乃一声何处所风铃相应语目送遥林修渚画出江南烟雨山水照人人楚楚锦

肠生秀句

前调 黄 昇

花事浅方费化工匀染墙角红梅开未徧小桃才数点人在暮寒庭院闲续茶经香传酒思如冰诗思嬾雨

声帘不卷

前调 吴文英

鸡唱晚斜照西牕向?一枕午醒幽梦远素衾春絮软紫燕红楼歌断锦瑟华年一箭偷果风流  
输曼倩画

阴争绣线

前调 张 枢

春梦怯人静玉闺平帖睡起眉心端正贴绰枝双杏叶重整金泥蹀躞红皱石榴裙褶款步花  
阴寻蛱蝶玉

纤和粉捻

前调【吴山观涛】 周 密

天水碧染就一江秋色鳌戴雪山龙起蛰快风吹海立数点烟鬟青滴一杼霞绡红湿白鸟明  
边帆影直隔

江闻夜笛

前调 周 密

花不定燕尾翦开红影几点落英蜂翅趁日迟帘幙静试把翠蛾轻晕愁薄宝台鸾镜屈指一  
春将次尽归

期犹未稳

前调 周 密

芳事晚数点杏钿香浅侧侧轻寒风翦翦锦屏春梦远穉柳拖烟娇软花影暗藏深院初试轻  
罗并画扇牡

丹红未展

前调 石孝友



云树直雨歇半空犹湿山影插尖高几尺依依衔落日远岸双飞鸂鶒一水无情自碧飒飒白苹风正急断

肠人独立

前调 石孝友

山雨绝山重冷如冰雪牕外芭蕉三两叶影排牕上月醉枕惊回蝴蝶好梦无人共说心事悠悠芳草歇不

眠听鼠啮

前调 石孝友

归不去归去又还春暮洞里小桃音信阻几番风更雨相伴竹筇芒屨穿尽松溪花坞早是行人贪道路声

声闻杜宇

前调 翁元龙

莺树暖弱絮欲成芳茧流水惜花流不远小桥红欲满原上草迷离苑金勒晚风嘶断等得日长春又短愁

深山翠浅

前调 何光大

天似水池上藕花风起隔岸垂杨青到地乱萤飞又止露湿玉阑闲倚人静自生凉意泛碧沉朱共晚醉月

斜才去睡

前调 赵淇

吟望直春在阑干咫尺山插玉壶花倒立雪明天混碧晓露丝丝琼滴虚揭一帘云湿犹有残梅黄半壁香

随流水急

前调 刘辰翁

风又雨花事自无多许欲待柳花团作絮梅花冰未吐翠钿不禁春误深却绿烟红雾将谓花寒留得住一

时春欲暮

前调 李莱老

春意态闲却远山横黛香径莓苔嗟粉坏凤鞦双鬣彩折得花枝嬾戴犹恋鸳鸯飞盖旧恨新愁都只在东

风吹柳带

前调 胡仲弓

蛾黛浅只为晚寒妆嬾润逼镜鸾红雾满额花留半面渐次梅花开徧花外行人已远欲寄一枝嫌梦短湿

云和恨翦

前调 谭宣子

人病酒生怕日高催绣昨夜新翻花样瘦旋描双蝶凑闲凭绣牀呵手却说春愁还又门外东风吹绽柳海

棠花厮勾

前调 无名氏

山无数遮断故人何处见说兰舟独系住溪边红叶树忆着前时欢遇惹起今翻愁绪怎得西风吹泪去阳

台为暮雨

前调 刘仲尹

帘半卷四座绿围红簇歌尽玉台连夜烛欢缘仍恨促休唱莲舟新曲烟水画船摇绿肠断鸳鸯三十六紫

蒲相对浴

前调 王庭筠

双喜鹊几报归期浑错尽做旧愁都忘却新愁何处着瘦雪一痕墙角青子已妆残萼不道枝头无可落东

风犹作恶

前调 王庭筠

秋萧索灯火新凉帘幙翠被不禁临晓薄南楼闻画角想见玉壶冰萼一夜西风开却梦觉啼乌残月落幽

香无处着

前调【探梅】 李俊民

谁便道昨夜雪中开了次第不将消息报探芳人草草宜在嫩寒清晓兴比孤山更好篱落逢花须醉倒惜

花人易老

前调【叹梅】 李俊民

频点检依旧雪肌清减似恨海东花使滥不教么凤探休笑诗人冷淡道尽疎影香暗桃杏虽然无藻监承

当应不敢

前调【别梅】 李俊民

怀抱恶犹被暗香着莫想在陇头谁领略一枝分付错今夜云牕雾阁明夜烟邨水郭纸帐天寒人寂寞梦

回闻雪落

前调【梦梅】 李俊民

随健步已过市桥江路费尽西湖多少句暗香留不住销得黄昏几度又是天寒日暮枕上吟魂无着处化

为蝴蝶去

前调 刘 诜

春睡倦自拣花枝行徧昨日新红今日变细按将袖染翠扇迎风扑面飞去晴丝还转帘外杨花帘里燕相

逢如未见

前调 张 翥

溪水漫岸口小桥冲断沽酒人家门巷短柳阴旗一片细雨鸣鸠相唤曲港落花流乱两两睡红鸂鶒暖恼

人春不管

前调 刘 基

风嫋嫋吹绿一庭秋草天际斜阳无限好断肠芳树老尘世茫茫难料有酒便须倾倒落叶满阶从不扫醒

来新月皎

前调 杨 慎

风渐陡排比残花春酒憔悴一枝红欲皱问花花恋否寂寞渐长清昼无计与他拖逗犹胜销魂人去後折

来还在手

前调 陈子龙

莺啼处摇荡一天凉雨极目平芜人尽处断虹明碧缕费得炉烟无数只有轻寒难度忽见楼西花影露弄

晴催薄暮

前调 无名氏

真堪惜锦帐夜长虚掷挑尽银灯情脉脉绣花无气力女伴声停刀尺蟋蟀争啼四壁自起卷帘窥夜色天

青星欲滴

前调【秋晚忆明媛两姊】叶小鸾

情脉脉帘卷西风争入漫倚危楼窥远色晚山留落日芳树重重凝碧影浸清波欲湿人向暮烟深处忆绣

裙愁独立

前调【又一体】孙光宪

留不得留得也应无益白苧春衫如雪色扬州初去日轻别离甘抛掷江上满帆风疾却羨彩鸳三十六孤

鸾还一只

杏园芳

【双调四十五字】

杏园芳 尹鹗

严妆嫩脸花明教人见了关情含羞举步越罗轻称娉婷  
终朝咫尺窥香合迢遥似隔层城何时休遣梦相萦入云屏

柳含烟

【一名柳含金双调四十五字】

柳含烟 毛文锡

河桥柳占芳春映水含烟拂路几回攀折赠行人暗伤神  
乐府吹为横笛曲能使离肠断续不如移植在金门近天恩

前调 毛文锡

章台柳近垂旒低拂往来冠盖  
朦胧春色满皇州  
瑞烟浮  
直与路边江畔别  
免被离人攀折  
最怜京兆画蛾眉  
叶纤时

前调 毛文锡

御沟柳占春多半出宫墙  
婀娜有时倒影蘸轻罗  
麴尘波  
昨日金銮巡上苑  
风亚舞腰纤软  
栽培得地近皇宫  
瑞烟浓

醉太平

【又一体双调四十五字】

醉太平 辛弃疾

态浓意远  
顰轻笑浅  
薄罗衣窄  
絮风软  
鬓云欹翠  
卷南园花树  
春暖香径里  
榆钱正满  
欲上秋千  
又惊嬾且归休  
怕晚

诉衷情

【又一体双调四十五字】

诉衷情【画眉】 欧阳修

清晨帘幙卷轻霜  
呵手试梅妆  
都缘自有离恨  
故画作远山长  
思往事  
惜流光  
易成伤  
拟歌先敛  
欲笑还顰  
最断人肠

前调【画眉】 黄庭坚

旋揎玉指鬪弯蛾  
远峰看有无  
天然自有殊态  
供愁黛不须多  
分远岫压横波  
妙难过自欹枕处  
独倚阑时不奈顰何

思越人

【双调四十五字】

思越人 冯延巳

酒醒情怀恶金缕褪玉肌如削寒食过却海棠零落乍倚徧阑干烟淡薄翠幙帘栊画阁春  
睡着觉来失秋千期约

更漏子

【唐温庭筠作秋思词中咏更漏後以名调双调四十五字】

更漏子 温庭筠

玉阑干金盞井月照碧梧桐影独自个立多时露华浓湿衣  
一向凝情望待得不成模样虽耐耐又寻思怎生嗔得伊

前调【又一体】 晏殊

三月?风开却好花无限了当年丛下落纷纷最愁人长安多少利名身若有一杯香桂酒莫辞  
花下醉芳

茵且留春

前调 晏殊

春色初来徧被红芳千万树流莺粉蝶鬬翻飞恋香枝劝君莫惜缕金衣把酒看花须强饮明  
朝後日渐离

披惜芳时

天门谣

【双调四十五字】

天门谣【登采石峨眉亭】 李之仪

天堑休论险尽远目与天俱占山水斂称霜晴披览正风静云闲平潏潏想见高吟名不滥频  
扣檻杳杳落沙鸥数点

前调【登采石峨眉亭】 贺铸

牛渚天门险限南北七雄豪占清雾斂与闲人登览待月上潮平波潏潏塞管轻吹新阿滥风  
满檻历历数西州更点

渔父家风

【双调四十五字第三句去一字即诉衷情之又一体也】

渔父家风 张元干

八年不见荔枝红  
肠断故园东风枝露叶谁新采  
怅望冷香浓  
冰透骨玉为容  
想筠笼今宵归梦满  
颊天浆更御冷风

前调 严仁

一声水调解兰舟  
人间无此愁  
无情江水东流去  
与我泪争流  
人已远更回头  
苦凝眸  
断魂何处梅花岸  
曲有小红楼

酒泉子

【又一体双调四十五字】

酒泉子 司空图

买得杏花十载  
归来方始拆  
假山西畔药阑东  
满枝红  
旋开旋落  
旋成空白  
髮多情人更惜  
黄昏把酒祝东

风且从容

前调 毛文锡

緑树春深燕语莺啼声断续  
惠风飘荡入芳丛  
惹残红  
柳丝无力  
裊烟空  
金盞不辞须满  
酌海棠花下思朦

胧醉春风

散余霞

【谢朓诗余霞散成绮调名本此双调四十五字】

散余霞 毛滂

墙头花蕊寒犹噤  
放绣帘昼静  
帘外时有蜂儿趁  
杨花不定



阑干又还独凭念翠低眉晕春梦枉断人肠更恹恹酒病

好女儿

【一名绣带子一名绣带儿双调四十五字】

好女儿 黄庭坚

小院一枝梅冲破晓寒开偶到张园游戏沾袖带香回玉酒覆银杯尽醉去犹待重来东邻何事惊吹怨曲

雪片成堆

前调 曾觌

潇洒陇头春取次一枝新还是东风来也犹作未归人微月淡烟邨漫伫立惆怅黄昏暮寒香细疎英几点

尽耐销魂

前调【又一体】 黄庭坚

春去几时还桃李无言燕子归栖风动梨花雪乱西园惟有月婵娟似人人难近如天愿教清影常相见更

乞取团圆

忆闷令

【双调四十五字】

忆闷令 晏几道

取次临鸾匀画浅酒醒迟来晚多情爱惹闲愁长黛眉低敛月底相逢见有深深良愿愿期信似月如花须更教长远

一落索

【落或作络一名玉连环一名洛阳春一名上林春双调四十五字】

一落索 吕渭老

宫锦裁书寄远意长词短香兰泣露雨催莲暑气昏池馆  
向晚小园行偏石榴红满花花叶叶尽成双浑似我梁间燕

彩鸾归令

【双调四十五字】

彩鸾归令 张元干

珠履争围小立春风趁拍低态闲不管乐催伊整朱衣粉融香汗随人劝玉困花娇越样宜凤  
城灯夜旧家

时数他谁

卜算子

【又一体双调四十五字】

卜算子 徐俯

天生百种愁挂在斜阳树绿叶阴阴占得春草满莺啼处  
不见凌波步空忆如簧语门外重重叠叠山遮不断愁来路

御选历代诗余卷十一

## 卷十二

<集部,词曲类,词选之属,御选历代诗余

钦定四库全书

御选历代诗余卷十二目錄【起四十五字至四十六字】

好事近

王益

宋祁

郑獬

张先

苏轼

秦观

李豸

李之仪

赵令畤

曾肇

周紫芝

谢逸

曹组

陈克

吕渭老

蒋子云

赵师侠

张纲

朱敦儒【四首】

曾觌

朱雍

范成大【二首】

陈三聘【二首】

黄公度

程垓【二首】

高登【三首】

朱熹

洪适

赵彦端【二首】

管监【二首】

陆游【五首】

张辑

王炎

严仁

洪咨夔

韩淲【四首】

汪莘【九首】

刘翰

吴文英【三首】

周密【二首】

石孝友

汪元量

赵与仁

楼采

葛长庚

魏氏

郑氏

蔡松年

元德明

高士谈

赵可

刘基

吴子孝【二首】

汤显祖

朝天子

杨无咎

谒金门【又一体】

李清臣

程过

洛阳春

陈师道

毛滂

陆游

望仙门

晏殊【三首】

占春芳

苏轼

西地锦

蔡伸

前调【又一体】

周紫芝

喜迁莺

张元干

江亭怨

吴城龙女

金蕉叶

蒋捷

眉峰碧

无名氏

一落索【又一体】

舒亶【二首】

周邦彦【二首】

王安中【三首】

朱敦儒

辛弃疾【二首】

管监

方岳

方千里

杨泽民【二首】

陈允平【二首】

琴调相思引

周紫芝

赵彦端【二首】

许棐

陈允平

汪元量

赵与仁

无名氏

刘仲尹

巫山一段云【又一体】

唐昭宗

柳永【二首】

御选历代诗余卷十二目录

钦定四库全书

御选历代诗余卷十二【起四十五字至四十六字】

司经局洗马掌局事兼翰林院修撰加二级【臣】王奕清奉

旨校刊

好事近

【一名钓船笛换头二句句法平仄稍有不同双调四十五字】

好事近【催妆】 王 益

喜气拥朱门光动绮罗香陌行到紫薇花下悟身非凡客  
不须脂粉污天真嫌怕太红白留取黛眉浅处画章台春色

前调 宋 祁

睡起玉屏风吹去乱红犹落天气骤生轻暖衬沉香帷箔  
珠帘约住海棠风愁拖两眉角昨夜一庭明月冷秋千红索



前调 郑獬

江上探春回正值早梅时节两行小槽双凤按凉州初  
彻谢娘扶下绣帘来红鞦韆残雪归去不须银烛有山头明月

前调【梅花和韵】 张先

月色透横枝短叶小葩无力北客一声长笛怨江南先得  
谁教强半腊前开多情为春忆留取大家须醉幸雨休风息

前调 苏轼

烟外倚危楼初见远灯明灭却跨玉虹归去看洞天星月  
当时张范风流在况一尊浮雪莫问世间何事与劒头微映

前调【梦中作】 秦观

春路雨添花花动一山春色行到小溪深处有黄鹂千百  
飞云当面化龙蛇夭矫转空碧醉卧古藤阴下了不知南北

前调 李豸

落日水熔金天淡暮烟凝碧楼上谁家红袖靠阑干无力  
鸳鸯相对浴红衣短櫂弄长笛惊起一双飞去听波声拍拍

前调 李之仪

春到雨初晴正在小楼时节柳眼向人微笑傍阑干堪折  
暮山浓淡鎖烟霏梅杏半明灭玉笋莫辞沈醉判归时斜月

前调 赵令畤

急雨涨溪浑小树带山秋色轻櫂暮天归路袅芙蓉烟白  
酒醒香冷梦回时虫声正凄絕只觉小牕风月与昨宵都别

前调【归江南别僚旧】 曾肇

岁晚凤山阴看尽楚天冰雪不待牡丹时候又使人轻别

如今归去老江南扁舟载风月不似画梁双燕有重来时节

前调【青阳道中见梅花】周紫芝

江路遶青山山翠扑衣轻湿谁酿晚来云意做一天愁色  
竹溪斜渡尽篮舆疎影暗香入何处最关心事恨落梅风急

前调 谢逸

疎雨洗烟波雨过满江秋色风起白鸥零乱破岚光深碧  
荻花枫叶只供愁清吟写岑寂吟罢倚阑无语听一声羌笛

前调 曹组

茆舍竹篱边雀噪晚枝时节一种暗香飘处已不胜愁絶  
江南得地故先开不待有飞雪肠断几回山路恨无人攀折

前调 陈克

寻徧石亭春黯黯暮山明灭竹外小溪深处倚一枝寒月  
淡云疎雨苦无晴得折便须折醉帽风鬟归去有余香愁絶

前调 吕渭老

云影护梅枝短短未禁飞雪彩幅自题新句作催妆佳阕  
西楼昨夜五更寒恐一枝先发原是素娥无寐驾半轮明月

前调 蒋子云

叶暗乳鸕啼风定老红犹落蝴蝶不随春去入薰风池阁  
休歌金缕劝金卮酒病煞如昨帘卷日长人静任杨花飘泊

前调 赵师侠

红杏已香残惟有海棠堪惜天气着花如酒醉娇红无力  
娉娉袅袅倚东风柔媚忍轻摘凭仗暮寒要住赛锦川春色

前调 张纲

梅柳约东风迎腊暗传消息粉面翠眉偷笑似欣逢佳客  
晚来歌管破余寒沈烟袅轻碧老去不禁卮酒奈尊前春色

前调 朱敦儒

春雨细如尘楼外柳丝黄湿风约绣帘斜去透牕纱寒碧  
美人慵翦上元灯弹泪倚瑶瑟却卜紫姑香火问辽东消息

前调【渔父】 朱敦儒

摇首出红尘醒醉更无时节生计绿蓑青笠惯披霜冲雪  
晚来风定钓丝闲上下是新月千里水天一色看孤鸿明灭

前调 朱敦儒

拨转钓鱼船江海尽为吾宅恰向洞庭沽酒去钱塘横笛  
醉颜禁冷更添红潮落下前碛经过子陵滩畔得梅花消息

前调 朱敦儒

失却故山云撒手指空为客蓴菜鲈鱼留我住鸳鸯湖侧  
偶然添酒旧葫芦小醉度朝夕吹笛月波楼下有何人相识

前调【仰赓圣制】 曾 覲

摇扬杏花风迟日淡阴双阙丝管暗随檀板看舞腰回雪  
龙舟闲棹画桥边须趁好花折频劝御杯宜满正清歌初阕

前调【梅】 朱 雍

春色为谁来枝上半留残雪恰近小园香径对霜林寒月  
危楼凄断笛声长吹到偏呜咽最好短亭归路有行人先折

前调 范成大

云幙暗千山肠断玉楼金阙应是高唐小妇妒姮娥清絕  
夜凉不放酒杯寒醉眼渐生缬何待桂华相照有人人如月

前调 范成大

昨夜报春来的嶰岭梅开雪携手玉人同赏比看谁奇絕  
阑干倚徧忆多情怕角声呜咽与折一枝斜戴衬鬓边梳月

前调 陈三聘

我欲御天风飞上广寒宫阙撼动一轮秋桂照人间愁絕  
归来须着酒消磨玉面点红纈起舞为君狂醉更何须邀月

前调 陈三聘

枝上几多春数点不融香雪纵有笔头千字也难夸清絕  
艳桃浓李敢争妍清怨笛中咽试策短筇溪上看影浮波月

前调 黄公度

湖上送残春已负别时归约好在故园桃李为谁开谁落  
还家应是荔枝天浮蚁要人酌莫把舞裙歌扇便等闲抛却

前调 程垓

烟尽戍楼空又是一帘佳月何事山城留滞负好花时节  
烧灯翦彩没心情应有翠娥说欲借好风吹恨奈乱云稠叠

前调 程垓

急雨闹冰荷销尽一襟烦暑趁取晚凉幽会近翠阴浓处  
风梢危滴乱珠玑洒面得新句莫惜玉壶倾尽待月明归去

前调【黄义卿画带霜竹】 高 登

潇洒带霜枝独向岁寒时节触目千林憔悴更幽姿清絕  
多才应赋得天真落笔惊风叶从此緑牕深处有一梢凉月

前调【再和钱别】 高 登

送客过江邨况值重阳佳节向晚西风萧瑟正离人愁絕  
尊前相顾惜参商引十分蕉叶回首高阳人散负西楼风月

前调【又和纪别】 高 登

饮兴正阑珊正是挥毫时节霜干银钩锦句有壁间三絶  
西风特地飒秋声楼外触残叶匹马翩然归去向征鞍敲月

前调 朱熹

春色欲来时先散满天风雪坐使七闽松竹变珠幢玉节  
中原佳气郁葱葱河山壮宫阙丞相功成千载映黄流清澈

前调【别傅文】 洪适

柳岸碧漪深底事催人行色无计相留情话只别愁如织  
小蛮樊素两倾城几度醉狂客明月扁舟西去听歌声不得

前调【送林主簿】 赵彦端

君到共黄花君去早梅将发君不待梅归去问与谁同折  
白头潘令一年秋有酒恨无客莫忘道山堂上话清音风月

前调【白云亭】 赵彦端

风露入新亭看尽楚天秋色行到暮霞明处有金华仙客  
孤城乔木堕荒凉白云带溪碧唤取小舟同醉话江湖归日

前调【张子仪席上】 管监

风埽暮云空依旧四山环碧珍重主人情意放梅梢春色  
靓妆清唱两无尘莲步绣鞦窄莫怪十分沉醉为教人消得

前调 管监

列炬照梅花仰看满空春雪翠幙沉沉天净挂一钩新月  
微风不动暖光融金杯堕琼屑髣髴暗香吹梦醉广寒宫阙

前调 陆游

风露九霄寒侍宴玉华宫阙亲向紫皇香案见金芝千叶  
碧壶仙露醞初成香味两奇絶醉後却骑丹凤看蓬莱春色

前调 陆游

岁晚喜东归埽尽市朝陈迹拣得乱山环处钓一潭澄碧  
卖鱼沽酒醉还醒心事付横笛家在万重云外有沙鸥相识

前调 陆游

湓口放船归薄暮散花洲宿两岸白苹红蓼映一蓑新绿  
有沽酒处便为家菱芡四时足明日又乘风去住江南江北

前调【登梅仙山絶顶望海】 陆游

挥袖上西峰孤絶去天无尺拄杖下临鲸海数烟帆历历  
贪看云气舞青鸾归路已将夕多谢半山松吹解殷勤留客

前调 陆游

秋晓上莲峰高蹑倚天青壁谁与放翁为伴有天坛轻策  
铿然忽变赤龙飞雷雨四山黑谈笑做成丰岁笑禅龕柳栗

前调 张辑

载酒岳阳楼秋入洞庭深碧极目水天无际正白苹风急  
月明不见宿鸥惊醉把玉阑拍谁解百年心事恰钓船横笛

前调【早梅】 王炎

玉颊映红绡才报东风消息虽则清臞如许有生香真色  
相看动是隔年期忍不饮涓滴莫待轻飞一片却说花堪惜

前调【舟行】 严仁

晓色未分明敲动月边鼙鼓卯酒一杯径醉又别君南浦  
春江如席照晴空大舶夹双橹肠断斜阳渡口正落红如雨

前调【春行次韵】 洪咨夔

二十四番风才见一番花鸟已自有人春瘦正远山横峭  
蹋青底用十分晴半阴晴方好深院日长睡起又海棠开了

前调 韩淲

春色入芳梢点缀万枝红玉莫道怕愁贪睡倚新妆如束  
纷纷桃李太妖娆相对夜阑烛记取疎花横处有暗香飘馥

前调 韩 淲

一涧水南山腊尽春生梅雪行过小桥深处带疎钟横月  
征衫闲指着东吴休怕与人别吟到翠圆枝上是归来时节

前调【探梅】 韩 淲

湖上有孤山合把探梅词刻清浅黄昏时候冷疎枝寒月  
牕前忽到又如何一夜是相忆信道收香藏白报春风消息

前调 韩 淲

梅雨快晴风苔竹定翻新箴相望得寻幽调把陈言都略  
大江东去更飞云心事共回薄髣髴散庵佳处一声声猿鹤

前调【孟春】 汪 莘

风日未全春又是春来风日不出方壶门户见东皇消息  
此时春事苦无多春意最端的却被草芽引去向柳梢收得

前调【仲春】 汪 莘

春早不知春春晚又还无味一点日中星鸟想尧民如醉  
不寒不暖杏花天花到半开处正是太平风景为人间留住

前调【季春】 汪 莘

风雨打黄昏啼煞满山杜宇到得人间春去问春归何处  
桃红李白竞春光谁共残妆语最是梨花一树照谁家庭户

前调【春晓】 汪 莘

阆苑梦回时牕外数声啼鸟觉我牀前天气便清明多少  
诗人门户约花开宿蝶悞飞了一段山青水绿作洞庭春晓

前调【春夕】 汪 莘

夹岸隐桃花花下苍苔如积  
蓦地轻寒一阵上桃花颜色  
东邻西舍绝经过新月是相识  
白玉阑干斜倚作蓬山春夕

前调【春昼】 汪莘

天宇绿无云迟日江山如绣  
是处轻衫团扇笑折花相授  
南山之北北山南星鸟尚依旧  
谁在松风高卧作嵩阳春昼

前调【春夜】 汪莘

月落画桥西花影柳阴相亚  
把住嫦娥问道是谁家亭榭  
天边处士少微星正在杏花下  
斜卓参旗一片作草堂春夜

前调 汪莘

堂上挂黄山辉映庭前春雪  
记得山中雪境恰一般清绝  
须知天锡与方壶比似镜湖别  
好得镜湖狂客伴方壶欢伯

前调 汪莘

挽我过溪桥请与春风权摄  
推出雪峰千丈照碧溪春色  
别来三度见梅花今日共君说  
只这溪山十里剩几多风月

前调 刘翰

花底一声莺花外半钩斜月  
月落乌啼何处照飞英如雪  
东风吹尽去年愁解放丁香结  
惊动小亭红雨舞双双金蝶

前调【僧房听琴】 吴文英

琴冷石牀云海上偷传新曲  
弹作一帘风雨碎芭蕉寒绿  
冰泉轻泻翠筒香林果荐红玉  
早是一分秋意到临牕修竹

前调 吴文英

飞露洒银牀叶叶怨梧啼碧  
蕲竹粉莲香汗是秋来陈迹  
藕丝空缆宿湖船梦阔水云窄  
还系鸳鸯不住老红香月白

前调【秋饮】 吴文英



鴈外雨丝丝将恨和愁都织玉骨西风添瘦减尊前歌力  
袖香曾枕醉红腮依约唾痕碧花下凌波入梦引春雏双鸂

前调 周密

新雨洗花尘扑扑小庭香湿早是垂杨烟老渐嫩黄成碧  
晚帘都卷看青山山外更山色一色梨花新月伴夜牕吹笛

前调 周密

轻翦楚台云玉影半分秋月一晌凄凉无语对残花么蝶  
碧天愁鴈不成书郎意似秋叶闲展鸳绡残绪卷泪花双叠

前调 石孝友

微雨洒芳尘醞造可人春色闻道梦云楼外正小桃花发  
殷勤留取最繁枝尊前待闲折准拟乱红深处化一双蝴蝶

前调【浙江楼闻笛】 汪元量

独倚浙江楼满耳怨笳哀笛犹有梨园声在念那人天北  
海棠顚顚怯春寒风雨怎禁得回首华清池畔渺露芜烟荻

前调 赵与仁

春色醉荼蘼昼永篆烟初絶临水杨花千树尽一时飞雪  
穿帘度竹弄轻盈东风老犹劣睡起凭阑无绪听几声啼鴂

前调 楼采

人去玉屏闲逗晓柳丝风急帘外杏花微雨罩春红愁湿  
单衣初试麴尘罗中酒病无力应是绣牀慵困倚秋千斜立

前调 葛长庚

何事鴈来迟独步秋园默默莫恨桂花开尽有菊花堪惜  
回头顾影背斜阳听西风萧瑟无限诗情酒思那早梅知得

前调【宋媛】 魏氏

雨後晓寒轻花外晓莺啼歇愁听隔溪残漏正一声凄咽  
不堪西望去程赊离肠万回结一似海棠花下按凉州时节

前调【宋媛】郑氏

往事与谁论脉脉不堪追忆何处最堪肠断是黄昏时节  
倚楼凝望又徘徊谁解此情切何计可同归鴈趁江南春色

前调【咏茶】蔡松年

天上赐金匳不减壑源三月午盃春风纤手看一时如雪  
幽人只惯茂林前松风听清絕无奈十年黄卷向枯肠搜彻

前调【次前韵】元德明

梦破打门声有客袖携团月唤起玉川高兴煮松檐晴雪  
蓬莱千古一清风人境两超絕觉我胸中黄卷被春云香彻

前调【次前韵】高士谈

谁打玉川门白绢斜封团月晴日小牕活火响一壶春雪  
可怜桑苎一生颠文字更清絕直拟驾风归去把三山登彻

前调赵可

密雪听牕知午醉晚来初觉人与胆瓶梅蕊共此时萧索  
倚牕闲看六花飞风轻止还作个里有诗谁会满疎篱寒雀

前调刘基

雨过却斜阳虹外远山犹湿独据槁梧高坐待北牕风入  
可人嘉树有清音蝉噪一何急倦暑盼秋来又恐芳时轻戢

前调【月下饮玉涵堂】吴子孝

春色已蹉跎无奈经旬风雨雨後残红无数听枝头莺语  
良宵亭馆浸玻璃云尽天如洗举酒盼青天莫惜高歌起舞

前调吴子孝

乍喜见金波寒满玉壶银阙忍遣阳春易度似寻常佳节  
尊前况有好花枝兼赏花闲月但愿百年身常似今宵欢悦

前调 汤显祖

帘外雨丝丝浅恨轻愁碎滴玉骨西风添瘦趁相思无力  
小虫机杼隐秋牕黯淡烟纱碧落尽红衣池面苦在莲心药

朝天子

【一名思越人双调四十六字】

朝天子【周师从小阁】 杨无咎

小阁宽如掌占螺浦山川夷旷千奇万状见云烟收放更永夜风生明月上用取真成无尽藏  
谁共赏徙倚

抚危阑吟望

谒金门

【又一体双调四十六字】

谒金门 李清臣

杨花落燕子横穿朱阁苦恨春醪如水薄闲愁无处着绿野带红山落角桃杏参差残萼历历  
危樯沙外泊

东风晚来恶

前调 程过

江上路依约数家烟树一枕归心邨店暮更乱山深处梦过江南芳草渡晓色又催人去愁似  
游丝千万缕

倩东风约住

洛阳春

【双调四十六字】

洛阳春 陈师道

素手拈花纤软生香相乱却须诗力与丹青恐俗手难成染  
一顾教人微倩那堪亲见不辞紫袖拂清尘也要识春风面

前调 毛滂

月下风前花畔此情不浅欲留风月守花枝却不道而今远  
檣外鹭飞沙晚烟斜雨短青山祇管一重重向东下遮人眼

前调 陆游

满路游丝飞絮韶光将暮此时谁与说新愁有百啭流莺语  
俯仰人间今古神仙何处花前须判醉扶归酒不到刘伶墓

望仙门

【汉武题华阴集灵宫门曰望仙调名本此双调四十六字後段七字句下必叠三字句後接五字句结乃为定格也】

望仙门 晏殊

紫薇枝上露华浓起秋风管弦声细出帘笼象筵中仙酒斟云液仙歌转绕梁虹此时佳会庆  
相逢庆相逢欢醉且从容

前调 晏殊

玉壶清漏起微凉好秋光金杯重叠满琼浆会仙乡新曲调丝管新声更颺霓裳博山炉暖泛  
浓香泛浓香为寿百千长

前调 晏殊

玉池波浪碧如鳞露莲新清歌一曲翠眉颦舞华裾满酌兰英酒须知献寿千春太平无事荷  
君恩荷君恩齐唱望仙门

占春芳

【此调作者甚少苏轼词云独自占春芳即其自名调也双调四十六字】

占春芳 苏轼

红杏了天桃尽独自占春芳不比人间兰麝自然透骨生香  
对酒莫相忘似佳人兼合明光只忧长笛吹花落除是寧王

西地锦

【双调四十六字】

西地锦 蔡伸

寂寞悲秋怀抱掩重门悄悄清风皓月朱阑画阁双鸳池沼  
不忍今宵重到惹离愁多少蓬山路杳蓝桥信阻黄花空老

前调【又一体】 周紫芝

雨细欲收还滴满一庭秋色阑干独倚无人共说这些愁寂  
手把玉郎书迹怎不教人忆看看又是黄昏也敛眉峰轻碧

喜迁莺

【双调四十六字】

喜迁莺 张元干

文倚马笔如椽桂殿早登仙旧游册府记当年袞绣合貂蝉  
庆天申瞻玉座鹄鹭正陪班看君稳步上花毡归院引金莲

江亭怨

【一名荆州亭此词原无调名以黄庭坚见荆州亭柱题词因以名调双调四十六字】

江亭怨 吴城龙女

帘卷曲阑独倚山展暮天无际泪眼不曾晴家在吴头楚尾  
数点雪花乱委扑漉沙鸥惊起诗句欲成时没入苍烟丛里

金蕉叶

【一名定风波令双调四十六字】

金蕉叶【秋夜】 蒋捷

云褰翠幙满天星碎珠迸索孤蟾阑外照我看看过转角  
酒醒寒砧正作待眠来梦魂怕恶枕屏那更画了平沙断鴈落

眉峰碧

【以宋人词中句名调句法似卜算子之一体并双调四十六字但以平仄有殊别为一调】

眉峰碧 无名氏

蹙破眉峰碧纤手还重执镇日相看未足时忍便使鸳鸯只  
薄暮投邮驿风雨愁通夕牕外芭蕉牕里人分叶上心头滴

一落索

【又一体亦名洛阳春双调四十六字】

一落索 舒亶

正是看花天气为春一醉醉来却不带花归悄不解看花意  
试问此花明媚将花谁比只应花好似年年花不似人憔悴

前调 舒亶

叶底枝头红小天然窈窕後园桃李漫成蹊问占得春多少  
不管雪消霜晓朱颜常好年年若许醉花间待 了花间老

前调 周邦彦

眉共春山争秀可怜长皱莫将清泪湿花枝恐花也如人瘦  
清润玉箫闲久知音稀有欲知日日倚阑愁但问取庭前柳

前调 周邦彦

杜宇催归声苦和春归去倚阑一霎酒旗风任扑面桃花雨  
目断陇云江树难逢尺素落霞隐隐日平西料想是分携处

前调 王安中

梦破池塘杳杳情随春草尊前风味不胜清赋白雪幽兰调  
秀句银钩争妙殷勤东道蛮笺传与翠娥歌便买断千金笑

前调 王安中

欲访瑶池莲岛烟云缥缈清游却到凤凰池听檀板新声妙  
天上除书催早人瞻元老东风烟柳罩河堤更何处深春好

前调 王安中

衰柳未传春信霜花催鬓送君西去指秦关看日近长安近  
玉帐同时英俊合离无準路逢新鴈北飞来寄一字燕山问

前调 朱敦儒

惯被好花留住蝶飞莺语少年场上醉乡中容易放春归去  
今日江南春暮朱颜何处莫将愁绪比飞花花有数愁无数

前调 辛弃疾

锦帐如云高处不知重数夜深银烛泪成行算都把心期付  
莫待燕飞泥户问花花诉不知花定有情无似却怕新词妒

前调 辛弃疾

羞见监鸾孤却倩人梳掠一春长是为花愁甚夜夜东风恶  
行遶翠帘珠箔锦牋谁托玉觞泪满却停觞怕酒似郎情薄

前调 管 监

江上青山无数绿阴深处夕阳犹在系扁舟为佳景留人住  
已办一蓑归去江南烟雨有情鸥鹭莫惊飞便相约长为侣

前调【九日】 方岳

瘦得黄花能小一帘香杳东篱云冷正愁予犹幸是西风少  
叶下亭皋渺渺秋何为老无钱持蟹对黄花又孤负重阳了

前调 方千里

月影娟娟明秀帘波吹皱徘徊空度可怜宵漫问道因谁瘦  
不见芳音长久鳞鸿空有渭城西路恨依然尚梦想青青柳

前调 杨泽民

心抵江莲长苦凌波人去恹恹消瘦不胜衣恨清泪多於雨  
旧曲慵歌琼树谁传香素碧溪流水过楼前问红叶来何处

前调 杨泽民

水与东风俱秀一池春皱满庭花卉尽芳菲只有朵红梅瘦  
谱里知名自久真情难有纵然时有真情又还似章台柳

前调 陈允平

欲寄相思愁苦倩流红去泪花写不断离怀都化作无情雨  
渺渺暮云江树溪烟横素六桥飞絮夕阳西总都是春归处

前调 陈允平

淡淡双蛾疎秀为谁频皱落花何处不春愁料不是因花瘦  
锦字香牋封久鳞鸿稀有舞腰销减不禁愁怕一似章台柳

琴调相思引

【一名玉交枝双调四十六字别本作定风波令定风波自有本调与此无涉】

琴调相思引 周紫芝

梅粉梢头雨未乾淡烟疎日带春寒暝鸦啼处人在小楼边  
芳草只随春恨长塞鸿空傍碧云还断霞消尽新月又婵娟

前调 【别余干作】 赵彦端



拂拂轻烟雨麴尘小庭深幕堕娇云好花无几犹是洛阳春  
燕语自知怀旧垒水声只解送行人可堪诗墨和泪渍罗巾

前调 赵彦端

曾蹑姑苏城上台好山知有好人来几回徙倚月里暮云开  
闲倚和风千步柳倦临残墨一枝梅?香高烛翻动道人灰

前调 许棐

组绣盈箱锦满机倩人缝作护花衣恐花飞去无复上芳枝  
已恨远山迷望眼不须更画远山眉正无聊赖雨外一鸠啼

前调 陈允平

金谷园林锦绣香蹋青挑菜又相将凤台人远离思入三湘  
花着雨添红粉重柳随风曳碧丝长薄情莺燕春去怎商量

前调【赏花】 汪元量

晓拂菱花巧画眉猩罗新翦作春衣恐春归去无处看花枝  
已恨东风成去客更教飞燕舞些时惜花人醉头上插花归

前调 赵与仁

冰箔纱帘小院清晴尘不动地衣平昨宵风雨凉到木犀屏  
香月照妆秋粉薄水云飞佩藕丝轻好天良夜闲理玉鞞笙

前调 无名氏

胆樣瓶儿几点春翦来犹带水云?且移孤冷相伴醉深尊  
每为惜花无晓夜教人甚处不销魂为伊惆怅何独是黄昏

前调 刘仲尹

蚕欲眠时日已曛柔桑叶大綠团云罗敷犹小陌上看行人  
翠实低条梅弄色轻花吹陇麦初匀鸣鸠声里过尽太平春

巫山一段云

【又一体双调四十六字】

巫山一段云 唐昭宗

缥缈云间质盈盈池上身袖罗斜举动埃尘明艳不胜春  
翠鬟晚妆烟重寂寂阳台一梦冰眸莲脸见长新巫峡更何人

前调 唐昭宗

蝶舞梨园雪莺啼柳带烟小池残日艳阳天苙罗山又山  
青鸟不来愁絶忍看鸳鸯双结春风一等少年心闲情恨不禁

前调 柳 永

琪树罗三殿金龙抱九关上清真籍总羣仙朝拜五云间  
昨夜紫微诏下急唤天书使者令賫瑶检降雕霞重到汉皇家

前调 柳 永

萧氏贤夫妇茅家好弟兄羽轮飚驾赴层城高会尽仙卿  
一曲云謡为寿倒尽金壶碧酒醺酣争撼白榆花蹋碎九光霞

御选历代诗余卷十二

## 卷十三

<集部,词曲类,词选之属,御选历代诗余

钦定四库全书

御选历代诗余卷十三目录【四十六字】

清平乐【上】

李白【二首】

南唐李煜

韦庄【六首】

欧阳炯

毛熙震

孙光宪【二首】

冯延巳【二首】

晏殊【三首】

欧阳修

晏几道【八首】

张先【二首】

苏轼

黄庭坚【二首】

晁补之【二首】

陈师道【二首】

李豸

李之仪【三首】

毛滂【十二首】

赵令畤

王安国

王观

苏庠

刘泾

周紫芝【六首】

谢逸【二首】

吕渭老

王安中【二首】

向子諲【三首】

李邴

蔡伸【三首】

赵师侠【三首】

刘一止

赵长卿【八首】

张元干【二首】

吕本中【二首】

朱敦儒【三首】

曾觌【二首】

侯寘

朱雍

辛弃疾【九首】

张孝祥【二首】

程垓【三首】

徐照

许棐

吕胜己

袁去华【四首】

御选历代诗余卷十三目錄

钦定四库全书

御选历代诗余卷十三【四十六字】

司经局洗马掌局事兼翰林院修撰加二级【臣】王奕清奉

旨校刊

清平乐【上】

【或多令字一名忆萝月四十六字换头另叶平韵有托为唐词通体叶仄韵非正格也】

清平乐 李 白

禁庭春昼莺羽披新绣百草巧求花下鬪祇赌珠玑满斗  
日晚却理残妆御前闲舞霓裳谁道腰支窈窕折旋笑得君王

前调 李白

禁闱秋夜月探金牕罅玉帐鸳鸯喷兰麝时落银灯香爇  
女伴莫话孤眠六宫罗绮三千一笑皆生百媚宸衷教在谁边

前调 南唐李煜

别来春半触目愁肠断砌下落梅如雪乱拂了一身还

满 鴈来音信无凭路遥归梦难成离恨恰如春草更行更远还生

前调 韦庄

春愁南陌故国音书隔细雨霏霏梨花白并拂画帘金额  
尽日相望王孙尘满衣上泪痕谁向桥边吹笛驻马西望消魂

前调 韦庄

野花芳草寂寞关山道柳吐金丝莺语早惆怅香闺暗老  
罗带悔结同心独凭朱阑思深梦觉半牀斜月小牕风触鸣琴

前调 韦庄

莺啼残月绣阁香灯灭门外马嘶郎欲别正是落花时节  
妆成不画蛾眉含愁独倚金扉去路香尘莫埽埽即郎去归迟

前调 韦庄

绿杨春雨金线飘千缕花拆香枝黄鹂语玉勒雕鞍何处  
碧牕望断燕鸿翠帘睡眼溟蒙宝瑟谁家弹罢含悲斜倚屏风

前调 韦庄

何处游女蜀国多云雨云解有情花解语翠地绣罗金缕  
妆成不整金钿含羞待月秋千住在绿杨陰里门临春水桥边

前调 韦庄

琐窗春暮满地梨花雨君不归来情又去红泪散沾金缕  
梦魂飞断烟波伤心不奈春何空把金鍼独坐鸳鸯愁绣双窠

前调 欧阳炯

春来街砌春雨如丝细春地满飘红杏蒂春燕舞随风势  
春幡细缕春缿春闺一点春灯自是春心撩乱非关春梦无凭

前调 毛熙震

春光欲暮寂寞闲庭户粉蝶双双穿槛舞帘卷晚天疎雨  
含愁独倚闺帏玉炉烟断香微正是销魂时节东风满院花飞

前调 孙光宪

等闲无语春恨如何去终是疎狂留不住花暗柳浓何处  
尽日目断魂飞晚窗斜界残晖长恨朱门薄暮绣鞍骢马空归

前调 孙光宪

愁肠欲断正是青春半连理分枝鸾失伴又是一场离散  
掩镜无语眉低思随芳草凄凄凭仗东风吹梦与郎终日东西

前调 冯延巳

雨晴烟晚绿水新池满双燕飞来垂柳院小阁画帘高卷  
黄昏独倚朱阑西南新月眉弯砌下落花风起罗衣特地春寒

前调 冯延巳

西园春早夹径抽新草冰散漪澜生碧沼寒在梅花先老  
与君同饮金杯饮余相取徘徊次第小桃将发轩车莫厌频来

前调 晏殊

春来秋去往事知何处燕子归飞兰泣露光景千留不住  
酒阑人散匆匆闲阶独倚梧桐记得去年今日依前黄叶西风

前调 晏殊

金风细细叶叶梧桐坠  
绿酒初尝人易醉  
一枕小窗浓睡  
紫薇朱槿花残  
斜阳却照阑干  
双燕欲归时节  
银屏昨夜微寒

前调 晏殊

红牋小字说尽平生意  
鸿鴈在天鱼在水  
惆怅此情谁寄  
斜阳独倚西楼  
遥山恰对帘钩  
人面不知何处  
绿波依旧东流

前调 欧阳修

小庭春老碧砌红萱草  
长忆小阑闲共遶  
携手绿丛含笑  
别来音信全乖  
旧期前事堪猜  
门掩日斜人静  
落花愁点青苔

前调 晏几道

留人不住醉解兰舟去  
一櫂碧涛春水路  
过尽晓莺啼处  
渡头杨柳青青  
枝枝叶叶离情  
此後锦书休寄  
画楼云雨无凭

前调 晏几道

千花百草送得春归了  
拾翠人稀红渐少  
叶底杏青梅小  
小琼闲抱琵琶  
雪香微透轻纱  
正好一枝娇艳  
当年独占韶华

前调 晏几道

烟轻雨小紫陌香尘少  
谢客池塘生绿草  
一夜红梅先老  
旋题罗带新诗  
重寻杨柳佳期  
强半春寒去後  
几番花信来时

前调 晏几道

春云绿处又见归鸿去  
侧帽风前花满路  
冶叶倡条情绪  
红楼桂酒新开  
曾携翠?同来  
醉弄影娥池水  
短箫吹落残梅

前调 晏几道

波纹碧皱曲水清明後  
折得疎梅香满袖  
暗喜春红依旧  
归来紫陌东头  
金钗换酒销愁  
柳影深深细路  
花梢小小层楼



前调 晏几道

么弦写意意密弦声碎书得凤笺无限事犹恨春心难寄  
卧听疎雨梧桐雨余淡月朦胧一夜梦魂何处那回杨叶楼中

前调 晏几道

双纹彩袖笑捧金船酒娇妙如花轻似柳劝客千春长壽  
艳歌更倚疎弦有情须醉尊前恰是可怜时候玉娇今夜初圆

前调 晏几道

莲开欲徧一夜秋声转残绿断红香片片长是西风堪怨  
莫愁家住溪边采莲心事年年谁管水流花谢月明昨夜兰船

前调【李阁使席】 张先

清歌逐酒醉脸鲜霞透樱小杏青寒食後衣换缕金轻绣  
画堂新月朱扉严城夜鼓归迟细看玉人妆面春工不在花枝

前调 张先

青袍如草得意还年少马跃绿螭金络脑寒食乍临新晓  
曲桥斜度鸾桥西园一片笙箫自欲賸留春住风光无奈飘飘

前调 苏轼

清淮浊汴更在江西岸红旆到时黄叶乱霜入梁王故苑  
秋原何处携壶停骖访古踟蹰双庙遗风尚在漆园傲吏应无

前调 黄庭坚

黄花当户已觉秋容暮云梦南州逢笑语心在歌边舞处  
使君一笑眉开新晴照酒尊来且乐尊前现在休思走马章台

前调 黄庭坚

春归何处寂寞无行路若有人知春去处唤取归来同住  
春无踪迹谁知除非问取黄鹂百啖无人能解因风吹过蔷薇

前调 晁补之

炎天畏景午漏那堪永何苦相仍愁簿领短壑清溪牵兴  
瑶台月下曾逢何由却覩冰容一笑为驱烦暑故人元是清风

前调 晁补之

寒风鴈度声向千门去也到文闱校文处也到文君绣户  
背灯解带魂惊长安此夜秋声早是夜寒不寐五更风雨无情

前调 陈师道

秋声殷地叶叶无留意冰簟流光团扇坠惊起双栖燕子  
夜堂帘合回廊风帷吹乱凝香卧看一庭明月晓寒不耐初凉

前调 陈师道

秋光烛地帘幕生秋意露叶翻风惊鹊坠暗落青林红子  
微行声断长廊熏炉衾换生香灭烛却延明月揽衣先怯微凉

前调 李 彖

落梅呜咽黯淡城头月吹满江天惊梦蝶唤起画楼伤别  
帘风轻触银钩梧桐玉露新秋底事琐窗深夜素娥常伴人愁

前调【橘】 李之仪

西江霜後万点绀晴昼璀璨寄来光欲溜正值文君病酒  
画屏斜倚窗纱睡痕犹带朝霞为问清香韵絶何如解语梅花

前调 李之仪

萧萧风叶似与更声接欲寄明璫非为怯梦断兰舟桂楫  
学书只写鸳鸯却应无奈愁肠安得一双飞去春风芳草池塘

前调 李之仪

仙家庭院红日看看晚一朵梅花挨枕畔玉指几回拈看  
拥衾不比寻常天涯无限思量看了又还重嗅分明不为清香

前调【千叶芝】毛滂

镂烟翦雾 鞦无层数苜蓿青深烦雪兔引到祥华开处  
仙人手翳朝阳清都绛阙相将来覆东封翠辇好遮化日舒长

前调【绛河清三首】毛滂

绛河千岁一照昇平事万里青铜开碧霁俯见南山晚翠  
绀寒不翅湘酃清于练静江澄流向万年觞里玉波可但如渥

前调毛滂

银河秋浪遥出崑仑上忽变澄澜添碧涨可道昇平无象  
黄云浊雾初开荣光休气徘徊试觅当时五老金泥玉检将来

前调毛滂

天连翠潏九折玻璃软回挽金堤清宛转疑是蓬莱清浅  
吾君欲济如何唐虞风顺无多自有松舟桂楫一帆三代同波

前调【太师生辰】毛滂

娟娟月满冉冉梅花暖春意初长寒力浅渐拟芳菲满眼  
当时吉梦重重间生天子三公付与人间桃李年年管领春风

前调【月夕小酌娑罗花下】毛滂

云峰秀叠露冷琉璃叶北畔娑罗花弄雪香度小桥淡月  
与君蹋月寻花玉人双捧流霞吸尽杯中花月仙风相送还家

前调【元夕】毛滂

东风桂影低拂姮娥镜镜里妆寒酥粉莹越恁十分端正  
素光行处随人柳边照见青春一片笙箫何处花阴定有遗簪

前调【春兰】毛滂

曲房青琐浅笑樱桃破睡起三竿红日过冷了沉香残火  
东风偏管伊家剩教递与穠华谁送一怀春思玉台燕拂菱花

前调【送贾耘老盛德常还郡】毛滂

杏花时候庭下双梅瘦天上流霞凝碧袖起舞与君为寿  
两桥风月同来东堂且没尘埃烟艇何时重理更凭风月相催

前调【烛下见花】毛滂

风摇地烬吹下桃花影醉倒碧铺眠碎锦谁伴香迷酒凝  
少年不解辜春年来减尽春心犹下绣帘遮定不教风雨侵袭

前调毛滂

杯深莫厌强看桃花面记得阳和初一线便恁芳菲满眼  
明年春色重来东堂花为谁开我在芦花深处钓矶雨绿莓苔

前调毛滂

锦屏夜夜绣被熏兰麝帐卷芙蓉长不下垂尽银台蜡燄  
脸痕微着流霞瞢腾越恁穠华破睡半残妆粉月随雪到梅花

前调赵令畤

春风依旧着意隋堤柳搓得鹅儿黄欲就天气清明时候  
去年紫陌青门今宵雨魄云魂断送一生憔悴能消几个黄昏

前调王安国

留春不住费尽莺儿语满地残红宫锦污昨夜南园风雨  
小怜初上琵琶晓来思遶天涯不肯画堂朱户春风自在杨花

前调【应制】王观

宜春小苑处处花开满学得红妆红要浅催上金车要看  
君王曲宴瑶池小舟掠水如飞夺得锦标归去匆匆不惜罗衣

前调【咏岩桂】苏庠

断岩流水香度青林底元配骚人兰与芷不数春风桃李  
淮南丛桂小山诗翁合得攀翻身在十洲三岛心游万壑千岩

前调 刘涇

深沉院宇枕簟清无暑睡起花陰初转午一霎云飞过雨  
雨余隐隐残雷夕阳却照庭槐莫把珠帘垂下妨他双燕归来

前调 周紫芝

芦洲晚静雨罢江如镜属玉双飞栖不定数点晚来烟艇  
梦回满眼凄凉一成无奈思量舟在绿杨堤下蝉嘶欲尽斜阳

前调 周紫芝

烟鬟敛翠柳下门初闭门外一川风细细沙上暝禽飞起  
今宵水畔楼边风光宛似当年月到旧时明处共谁同倚阑干

前调 周紫芝

青春欲暮柳下将飞絮月到阶前梅子树啼得杜鹃飞去  
人归不掩朱门一成过了黄昏只有琐窗红蜡照人犹自销魂

前调 周紫芝

团栾小树天与香无数薄艳不禁风日苦賸着红油遮护  
移栽未到江南香山鼻观先参勾引老情偏醉锦熏笼暖春酣

前调 周紫芝

浅妆匀靚一点闲心性脸上羞红凝不定恼乱酒愁花病  
晚来泪搵残霞坠鬟小玉钗斜细雨一帘春恨东风满地桃花

前调 周紫芝

东风庭户红满桃花树准拟蹋青南陌路双凤绣鞵新做  
秋千月挂黄昏画堂深掩朱门立尽花陰归去此时别是销魂

前调 谢逸

晓风残角月里梅花落宿酒醒时滋味恶翠被轻寒漠漠  
梦回一点相思远山暗蹙双眉不觉肌肤瘦玉但知带减腰围

前调 谢逸

花边柳际已渐知春意归信不知何日是旧恨欲 无计  
故人零落西东题诗待倩归鸿惟有多情芳草年年处处相逢

前调 吕渭老

水瓶石砚败壁蜗书篆牕下日舒缝衲线屋角晚风飞霰  
上元灯火佳时长廊笑语追随高卧一幙纸帐觉来月贯南枝

前调 王安中

花时微雨未减春分数占取帘疎花密处把酒听歌金缕  
斜风轻度浓香闲情正与春长向晚红灯入坐尝新青杏随觞

前调 王安中

烟云千里一抹西山翠碧瓦红楼山对起楼下飞光流水  
锦堂风月依然後池莲叶田田缥缈贯珠歌里从容倒玉尊前

前调【桂二首】 向子諲

秋光如水酿作鹅黄蚁散入千岩桂树里惟许修门人醉  
轻钿重上风鬟不禁月冷霜寒步障深沈归去依然愁满空山

前调 向子諲

人间尘外一种寒香蕊疑是月娥天上醉戏把黄云按碎  
使君坐啸清江腾芳飞誉无双兴寄小山丛桂诗成棐几明牕

前调【岩桂赠韩叔夏】 向子諲

吴头楚尾蹋破芒屨底万壑千岩秋色里不耐恼人风味  
而今老我芟林世间百不关心独喜爱香韩壽能来同醉花陰

前调 李邴

露花烟柳春思浓如酒几阵狂风新雨後满地落红铺绣  
风流何处疎狂厌厌恨结柔肠又是危阑独倚一川烟草斜阳

前调 蔡 伸

彩舟双橹六月临平路小雨轻风消晚暑  
遶岸荷花无数  
玉人璫枕方牀遥知待月西厢昨夜有情风月今宵特地凄凉

前调 蔡 伸

南牕月满绣被堆香?若恨春宵更漏短应讶郎归又晚  
征帆初落桥边迎门一笑嫣然今夜流霞共酌何妨金盞垂莲

前调 蔡 伸

明眸秀色肌理凝香雪罗绮丛中标韵别捧酒歌声清越  
不辞醉脸潮红却愁归骑匆匆回首绿牕朱户断肠明月清风

前调 赵师侠

舞风轻燕缭绕深深院昼永人闲帘不卷时听莺簧巧啖  
清和天气陰陰南风初奏薰琴唤起午牕新梦愁添一掬归心

前调 赵师侠

一宵风雨春与人俱去春解再来花作主只有行人无据  
殷勤满酌离觞阳关唱起愁肠苦恨无情杜宇声声叫断斜阳

前调【迎春花一名金腰带】 赵师侠

纤浓娇小也解争春早占得中央颜色好装点枝枝新巧  
东皇初到江城殷勤先去迎春乞与黄金缕带压持红紫纷纷

前调 刘一止

相望吴楚远信无凭据欲倩东风吹泪去化作愁云恨雨  
春应已到三吴楚江日夜东徂惟有泝流鱼上不知尺素来无

前调【梅花】 赵长卿

楚梅娇小好是霜天晓宿酒恼人香暗绕浸影碧波池沼  
生成素淡芳容不须抹黛匀红准拟成陰结子莫教枉费春工

前调 赵长卿

霁光摇目春入郊原绿残雪压枝堆烂玉时向林间簌簌  
杖藜细履平沙醉中一任敲斜落日数声啼鸟香风满路梅花

前调 赵长卿

秋容眼界随寓浑堪爱远岫连天横淡靄望断孤鸿飞外  
夕阳红树林垧重重锦障横陈一段江南景色倩谁为下丹青

前调【早起闻莺】 赵长卿

绮疏新晓学语雏莺巧烟暖瑶阶梧叶老满地东风芳草  
少年不合风流偿他酒债花愁望断绿芜春去销魂嬾上层楼

前调【晚晴赏荷】 赵长卿

水乡清楚襟袖消袞暑绰约藕花初过雨出浴杨妃无语  
葡萄满酌玻璃已?一醉酬伊浪卷夕阳红碎池光飞上帘帟

前调【初夏舞宴】 赵长卿

清和时候底事休教瘦满酌流霞看舞袖步步锦裀红绉  
六么舞到虚催几多深意徘徊?了明朝中酒为伊更饮琼杯

前调 赵长卿

鸿来燕去又是秋光暮冉冉流年嗟暗度这心事还无据  
寒牕露冷风清旅魂幽梦频惊何日利名俱赛为余笑下愁城

前调 赵长卿

紫箫声断牕底春愁乱试着青衫羞自看窄似年时一半  
一春常自厌厌新来愁思重添香冷倦熏金鸭日高不卷珠帘

前调 张元干

明珠翠羽小馆同心缕好去吴淞江上路寄与双鱼尺素兰桡飞取归来愁眉待得伊开相见  
嫣然一笑眼波先入郎怀



前调 张元干

乱山深处雪拥溪桥路晓日乍明催客去惊起玉鸦翻树  
翠衾香煖檀灰一枝想见疎梅凭仗东风说与画眉人共春回

前调【柳花】 吕本中

柳塘新涨艇子操双桨闲倚曲楼成怅望是处春愁一样  
傍人几点飞花夕阳又送栖鸦试问画楼西畔暮云恐近天涯

前调 吕本中

故人何处同在江南路百种旧愁分不去枉被飞花留住  
旧愁百种谁知除非是见伊时最是一春多病等闲过了荼蘼

前调【木樨】 朱敦儒

人间花少菊小芙蓉老冷淡仙人偏得道买定西风一笑  
前身元是江梅黄姑点破冰肌只有暗香犹在饱参清似南枝

前调 朱敦儒

乱红深翠楼阁春风外蝴蝶成团飞照水睡鸭无人惊起  
身闲更觉身轻酒壶歌扇随行芳草绿杨堤畔一声初听啼莺

前调 朱敦儒

相留不住又趁东风去楼外夕阳芳草路今夜短亭何处  
杏花斜压阑干珠帘不卷春寒惆怅黄昏前後离情酒病厌厌

前调 曾觌

松姿不老独立蓬莱杪风卷流苏香雾晓又是江梅开了  
丹青早画麒麟貂蝉自属王门闻道碧桃花绽一枝枝祝千春

前调 曾觌

艳苞初拆偏借东君力上苑梨花风露湿新染胭脂颜色  
玉人小立帘栊轻匀媚脸妆红斜插一枝云鬓看谁剩得春风

前调 侯寘

忍寒滋味枝染蔷薇水揽照青溪花影碎笑杀夭桃穠李  
一生占断春妍偏宜月露娟娟欲寄江南春信乱鸦点破云笺

前调【梅】 朱雍

雪开瑶径素蕊迎春影楼上玉声三弄定无奈幽香翻阵  
凌晨不事铅华化工却付春花流水残阳江上清随月色低斜

前调 辛弃疾

茅檐低小溪上青青草醉里吴音相媚好白发谁家翁媪  
大儿锄豆溪东中儿正织鸡笼最喜小儿无赖溪头看剥莲蓬

前调【宿博山王氏庵】 辛弃疾

遶牀饥鼠蝙蝠翻灯舞屋上松风吹急雨破纸牕间自语  
平生塞北江南归来华发苍颜布被秋宵梦觉眼前万里江山

前调【山园书所见】 辛弃疾

连云松竹万事从今足拄杖东家分社肉白酒牀头初熟  
西风梨枣山园儿童偷把长竿莫遣旁人惊去老夫静处闲看

前调【梅】 辛弃疾

断崖疎竹竹里藏冰玉路转清溪三百曲香满黄昏雪屋  
行人系马疎篱折残犹有高枝留得东风数点只缘娇嫩春迟

前调【木樨二首】 辛弃疾

月明秋晓翠盖团团好碎翦黄金敷恁小都着叶儿遮了  
折来休似年时小牕能有高低无顿许多香处只消三两枝儿

前调 辛弃疾

东园向晓阵阵西风好唤起仙人金小小翠羽玲珑装了  
一枝枕畔开时罗帏翠幙低垂恁地十分遮护打牕早有蜂儿

前调【忆吴江赏木樨】 辛弃疾

少年痛饮忆向吴江醒明月团团高树影十里水沉烟冷  
大都一点宫黄人间直恁芬芳怕是秋天风露染教世界都香

前调【呈赵昌甫】 辛弃疾

云烟草树山北山南雨溪上行人相背去惟有啼鸦一处门前万斛春寒梅花可煞摧残使我  
长忘酒易要君不作诗难

前调【书王德由主簿扇】 辛弃疾

溪回沙浅红杏都开徧鸂鶒不知春水暖犹傍垂杨春岸  
片帆千里轻船行人想见敲眠谁似先生高举一行白鹭青天

前调 张孝祥

光尘扑扑宫柳低迷绿鬪鸭阑干春诘曲帘额微风绣蹙  
碧云青翼无凭困来小倚云屏楚梦未禁春晚黄鹂犹自声声

前调【咏梅】 张孝祥

吹香嚼蕊独立东风里欲冻云骄天似水羞杀夭桃穠李  
如今见说阑干不禁月冷霜寒岭上驿程人远城头戍角声乾

前调【红木樨答友】 程垓

秋香谁买散入琉璃界点缀小红全不碍还却铅华余债  
夜来月底相期一枝未觉香迟恰似青绡帐底绦罗初试褰儿

前调【咏雪】 程垓

疎疎整整风急花无定红烛照筵寒欲凝时见筛帘玉影  
夜深明月笼纱醉归凉面香斜犹有惜梅心在满庭误作吹花

前调 程垓

绿深红少柳外横桥小双燕不知幽梦好惊起碧牕春晓  
起来瞢 多时玉台金镜慵移多少春愁未说却来闲数花枝

前调 徐照

绿围红绕一枕屏山晓怪得今朝偏起早笑道海棠开了  
迎人卷上珠帘小螺未佛眉尖贪教玉笼鹦鹉杨花飞满妆奁

前调 许棐

凤双鸾偶天上人间有檐玉无声花影瘦夜浅春浓时候  
别来几度寒宵六桥风月迢迢灯下有谁相伴一方红湿蛟鮓

前调 吕胜己

红尘久住仙驭凌波去本似行云无定处那更腊残风雨  
瑶芳片片轻飞但留青子栾枝孤负岁寒幽意如今却与春宜

前调 袁去华

嫩凉新霁明月光如洗长笛一声烟际起人在危楼独倚  
夜深风露娟娟抱琴谁和流泉只有乘鸾仙子见人愁絶无眠

前调 袁去华

春愁错莫风定花犹落鬪草蹋青闲过却乳燕鸣鸠自乐  
行人江北江南满庭萱草且恁忘忧可矣只他怎解宜男

前调【赠歌者】 袁去华

移商换羽花底流莺语唱彻秦娥君且住肠断能消几许  
劝觥斜注微波真情着在谁那只怕如今归去酒醒无奈愁何

前调【瑞香】 袁去华

争妍占早只有梅同调紫晕丁香青盖小比似横枝更好  
日烘锦被熏香老夫恼得颠狂把酒花前一笑醉乡别有风光

御选历代诗余卷十三

## 卷十四

钦定四库全书

御选历代诗余卷十四目錄【四十六字】

清平乐【下】

刘克庄【三首】

赵彦端

王千秋【二首】

陈亮

黄机【六首】

刘镇

李泳

戴复古

赵汝迕

卢祖皋【二首】

高观国【二首】

韩淲

洪璚

卢炳【二首】

潘昉

吴文英

陈允平

周密【六首】

张炎【十一首】

石孝友【三首】

李肩吾【二首】

林正大

李莱老

李彭老

赵与仁

李清照

朱淑真

孙道绚

王庭筠【二首】

韩玉

段成已【二首】

李俊民

元好问【二首】

张弘范

刘秉忠

程钜夫

卢挚【三首】

刘因【五首】

白朴【二首】

顏奎

张翥【二首】

张埜【二首】

顾德辉

刘基

杨基【三首】

吴子孝【二首】

吴山【二首】

周用

王锡爵【二首】

储昌祚

莫是龙

陈继儒【二首】

王坊

陈子龙

朱灝

谢小湄

无名氏

御选历代诗余卷十四目錄

钦定四库全书

御选历代诗余卷十四【四十六字】

司经局洗马掌局事兼翰林院修撰加二级【臣】王奕清奉

旨校刊

清平乐【下】

清平乐 刘克庄

纤云埽迹万顷玻瓈色醉跨玉龙游八极历历天青海碧  
水晶宫殿飘香羣仙方按霓裳消得几多风露变教人世清凉

前调 刘克庄

风高浪快万里骑蟾背曾识姮娥真体态素面原无粉黛  
身游银阙珠宫俯看积气蒙蒙醉里偶摇桂树人间唤作凉风

前调【舞姬】 刘克庄

宫腰束素只怕能轻举好筑避风台护取莫遣惊鸿飞去  
一团香玉温柔笑颦俱有风流贪与萧郎眉语不

知舞错伊州

前调【席上赠人】 赵彦端

桃根桃叶一树芳相接春到江南二三月迷损东家蝴蝶  
殷勤蹋取青阳风前花正低昂与我同心栀子报君百结丁香

前调 王千秋



吹花何处桃叶江头路碧锦障泥冲暮雨一霎峭寒如许  
归来索酒银瓶潮红秋水增明却自不禁春恼偎人低度歌声

前调 王千秋

唤云且住莫作龙池舞五月人间须好雨为埽无边烦暑  
畦秧鍼緑重生壶天表里俱清林外桔槔闲挂省渠多少心情

前调 陈亮

银屏绣阁不道蛟绡薄嘶骑匆匆尘漠漠还过夕阳邨落  
乱山千叠无情今宵遮断人行两处香消梦觉一般晓月秋声

前调 黄机

钗头蝴蝶舞趁梅边雪酒泻黄滕光夺月岁岁年年蕉叶  
边城莺唤春堤沙塲马到秋肥脱却熊韬虎略换渠金甲牙旗

前调【江上九日】 黄机

西风猎猎又是登高节一片情深无处说秋满江头红叶  
谁怜鬓影凄凉新来更点吴霜孤负萸囊菊盞年年客里重阳

前调 黄机

风烟韶膩春事三之二说与人生行乐耳富贵古来如此  
西园已有心期姚黄魏紫开时纤指金荷潋灩香唇银竹参差

前调 黄机

烟融雨膩春去三之二了却兰亭修禊事 与仙翁一醉  
方壶日月偏长清容花草吹香办取此身强健功名饱看诸郎

前调 黄机

晓窗晴日一点黄金橘万事如毛随日出多少人间头白  
未春长恨春迟春来生怕春归办取揭天箫鼓莫教孤负荼蘼

前调 黄机

西园啼鸟留得春多少客里情怀无日好愁损连天芳草  
博山灰冷香残微风吹满银笺卓午花阴不动一双蝴蝶团圆

前调【赵园避暑】 刘 镇

柳阴庭院帘约风前燕着雨荷花红半敛消得盈盈绿扇  
竹光野色生寒玉纤雪藕冰盘长记酒醒人静暗香吹月阑干

前调 李 泳

乱云将雨飞过鸳鸯浦人在小楼空翠处分得一襟离绪  
片帆隐隐归舟天边雪卷云浮今夜梦魂何处青山不隔人愁

前调 戴复古

今朝欲去忽有人留处说与江头杨柳树系我扁舟且住  
十分酒兴诗肠难禁冷落秋光借取春风一笑狂夫到老犹狂

前调 赵汝迂

初莺细雨杨柳低愁缕烟浦花桥如梦里犹记倚楼别语  
小屏依旧围香恨抛薄醉残妆判却寸心双泪为他花月凄凉

前调 卢祖皋

柳边深院燕语明如翦消息无凭听又嬾隔断画屏双扇  
宝杯金缕红牙醉魂几度儿家何处一春游荡梦中犹恨杨花

前调 卢祖皋

锦屏开晓寒入宫罗峭脉脉不知春又老帘外舞红多少  
旧时驻马香街如今细雨苍苔残梦不成重理一双蝴蝶飞来

前调【秋叶】 高观国

盘枝翦翠叶叶西风意吹上玉人云鬓底无限新凉气味  
飘萧露卷烟柔绝怜不逐溪流寄语多情宋玉悲秋得似宜秋

前调 高观国

春芜雨湿燕子低飞急云压前山羣翠失烟水满湖轻碧  
小莲相见湾头清寒不到青楼请上琵琶弦索今朝破得春愁

前调 韩 淲

萧然在涧景色秋来冠几缕明霞红未断矫首时时遐观  
回思五马清游分明前辈风流留作山间佳话更谁愁上眉头

前调【渔父】 洪 璚

阵鸿惊处一网沈江渚落叶乱风和细雨拨棹不如归去  
芦花轻泛微澜篷牕独自清闲一觉游仙好梦任他竹冷松寒

前调 卢 炳

琉璃翦叶点缀黄金屑雅淡幽姿风味别翠影婆娑弄月  
秋光占断江南清香鼻观先参一朵折来和露乌云髻畔斜簪

前调 卢 炳

方池小小风皱玻璃皎数朵荷花开更好把住薰风一笑  
芳容淡注臙脂亭亭翠盖相依只欠一双鸂鶒便如画底屏帷

前调 潘 牯

凄凄芳草怨得王孙老瘦损腰围罗带小长是锦书来少  
玉箫吹落梅花晓烟犹透轻纱惊起半帘幽梦小牕淡月啼鸦

前调【书梔子画扇】 吴文英

柔柯翦翠蝴蝶双飞起谁堕玉钿花径里香带薰风临水  
露红滴下秋枝金泥不染禅衣结得同心成了任教春去多时

前调 陈允平

凤城春浅寒压花梢颤有约不来梁上燕十二绣帘空卷  
去年共倚秋千今年独倚阑干误了海棠时候不成直待花残

前调 周 密

吹梅声咽帘卷初弦月一寸春霏消蕙雪愁染垂杨带结  
画桥平接金沙软红浅隔几家燕子未归门掩晚妆空对菱花

前调 周密

晓莺娇咽庭户溶溶月一树绀桃飞茜雪红豆相思渐结  
看看芳草平沙游鞚犹未归家自是萧郎飘泊错教人恨杨花

前调 周密

诗情画意只在阑干里云露天低生爽气一片吴山越水  
宫烟醉柳春晴海风细雨秋明唤取九霞飞佩夜凉跨鹤吹笙

前调 周密

锦城春晓苑陌芳菲早可是杜陵人未老日日酒迷花恼  
归鞚新倚方醒醒来还有新吟人与杏花俱醉春风一路闻莺

前调 周密

小桥紫绿密叶藏吟屋千顷风烟森万玉依旧辋川韦曲  
临流照影何人悠然倚杖看云柳色翠迷山色泉声清和蝉声

前调 周密

图书一室春暖垂帘隙花满翠壶熏砚席睡觉半窗晴日  
手寒不了残棋篝香细勘唐碑无酒无诗情绪欲梅欲雪天时

前调 张炎

候蛩凄断人语西风岸月落沙平江似练望尽芦花无鴈  
暗教愁损兰成可怜夜夜关情只有一枝梧叶不知多少秋声

前调 张炎

暗香千树结屋中间住明月一方流水护梦入梨花深处  
清水隔断尘埃无人蹋碎苍苔一自逋仙归後吟诗不下山来

前调 张炎

黑云飞起夜月啼湘鬼魂返云根无二纸千古不随流水  
芎心淡染清华似花还似非花要与闲梅相处孤山山下人家

前调【牡丹】 张炎

百花开後一朵疑堆绣絶色年年常似旧因甚不随春瘦  
脂?淡约蜂黄可怜独倚新妆太白醉游何处定应忘了沉香

前调【平原牧马】 张炎

簪摇衔铁蹴蹋平原雪勇趁军声曾汗血闲过昇平时节  
茸茸春草天涯涓涓野水晴沙多少骅骝老去至今犹困盐车

前调【题倦耕图】 张炎

一犁初卸息影斜阳下角上汉书何不挂老子近来慵跨  
烟村草树离离卧看流水忘归莫饮山中清味怕教洗耳人知

前调 张炎

采芳人杳顿觉游情少客里看春多草草总被诗愁分了  
去年燕子天涯今年燕子谁家三月休听夜雨如今不是催花

前调【题墨仙双清图】 张炎

丹丘瑶草不许秋风埽记得对花曾被恼犹似前时春好  
湘皋闲立双清相看波冷无声独说长生未老不知老却梅兄

前调【题画兰】 张炎

三花一叶比似前时别烟水茫茫无处说冷却西湖风月  
贞芳只合深山红尘了不相关留得许多清影幽香不到人间

前调【题平沙落鴈图】 张炎

平沙流水叶老芦花未落鴈无声还有字一片潇湘古意  
扁舟记得幽寻相寻只在寒林莫趁春风飞去玉关夜雪犹深

前调 张炎

五湖一叶风浪何时歇醉里不知花影别依旧空山明月  
夜深鹤怨归迟此时那处堪归门外一株杨柳折来多少相思

前调 石孝友

山明水嫩潇洒桐庐郡极目风烟无限景说也如何得尽  
自怜俗状尘容几年断梗飘蓬借使严陵知道只应笑问东风

前调 石孝友

天涯重九独对黄花酒醉捻黄花和泪嗅忆得去年携手  
去年同醉流霞醉中折尽黄花还是黄花时候去年人在天涯

前调 石孝友

恼花风雨断送春将暮百计留春春不住那更送春归去  
今朝且赋归欵明年春满皇都共泛桃花锦浪与公同醉西湖

前调 李肩吾

梦魂寻徧忽向尊前见好似乌衣春社燕软语东风庭院  
丁宁记取儿家碧云隐约红霞直下小桥流水门前一树桃花

前调 李肩吾

东风无用吹得愁眉重有意迎春无意送门外湿云如梦  
韶光九十恹恹俊游回首关山燕子可怜人去海棠不分春寒

前调【括李白采莲曲】 林正大

若耶溪女笑隔荷花语日照新妆明楚楚香袖风飘轻举  
谁家白面游郎两三遥映垂杨醉蹋落花归去踟蹰空断柔肠

前调 李莱老

日寒风细庭馆浮花气白髮潘郎吟欲醉绿暗蘼芜千里  
西园南浦东城一春多少闲情日暮采苹歌远梦回唤得愁醒

前调 李彭老

綠牕初晓枕上闻啼鸟不恨王孙归不早只恨天涯芳草  
锦书红泪千行一春无限思量折得垂杨寄与丝

前调 赵与仁

柳丝摇露不绾兰舟住人宿溪桥知那处一夜风声千树  
晓楼望断天涯过鸿影落寒沙可惜些儿秋意等闲过了黄花

前调 【宋媛】 李清照

年年雪里常插梅花醉揆尽梅花无好意赢得满衣清泪  
今年海角天涯萧萧两鬓生华看取晚来风势故应难看梅花

前调 【宋媛】 朱淑真

风光紧急三月俄三十拟欲留连计无及綠野烟愁露泣  
倩谁寄语春宵城头画鼓轻敲縑纒临岐嘱付来年早到梅梢

前调 【雪 宋媛】 孙道绚

悠悠扬扬做尽轻模樣半夜萧萧牕外响多在梅边竹上  
朱楼向晚帘开六花片片飞来无奈熏炉烟雾腾腾扶上金钗

前调 【杏花】 王庭筠

今年春早到处花开了只有此枝春恰到月底轻颦浅笑  
风流全似梅花承牕疎影横斜梦想溪南溪北竹篱茅舍人家

前调 【应制】 王庭筠

琼枝瑶月帘卷黄金阙宫鬟蛾儿双翠叶点缀离离鬧雪  
东风扇影低还红云不隔天顏夜夜华灯万树年年碧海三山

前调 【赠某者】 韩玉

梅花照雪浑似人清絕香叠紺螺双背结曾侍霓旌绛节  
如今却向尘寰某中寄个萧闲纵便阿郎多事也须偷画春山

前调 【薛子余生子】 段成已

东君调护错怨春迟暮一叶兰芽今始露香满君家庭户  
抱看玉骨亭亭精神秋水分明自是人间英物不须更试啼声

前调【送张君美之任安西】 段成已

鸡声戒晓催上长安道宾幕雍容年正妙人物风流温峤  
政成海泳江涵门阑剩有余闲公事不妨行乐春风韦杜城南

前调 李俊民

黄花今吐才是秋光暮依旧满城风又雨勾引锦囊诗句  
东篱尚可重游羨君来往风流莫惜尊前健倒这回节去蜂愁

前调 元好问

香凝娇聚玉立临春树细看司花留意处都在轻匀浅注  
相逢南陌东城有情只是无情说与新来憔悴莺儿不解丁宁

前调 元好问

离肠宛转瘦觉妆?浅飞去飞来双乳燕消息知郎近远  
楼前小雨珊珊海棠帘幙轻寒杜宇一声春去树头无数青山

前调 张弘范

关河南北有鴈无消息落日楼头人正忆啼鸟一声山碧  
莺莺燕燕争春红尘马足车轮惟有新丰豪客东风老泪沾巾

前调 刘秉忠

彩云盘结何处歌声咽歌罢彩云归绦阙掉下阶前明月  
月华千古分明照人一似无情不道天涯离客梦回愁对三更

前调 程钜夫

新来酒户想胜看花处带得春行平壤路同笑同歌同住  
滦阳近却山家芒屨夜夜丹霞流水落花归思苍烟白石生涯

前调【送友】 卢挚



朱弦三叹宝瑟凝尘满更奈芙蓉秋思晚湘浦离歌欲断  
往年尊俎风流忆君送客江楼此日江楼送客忘怀赖有沙鸥

前调 卢挚

年时寒食直到清明日草草杯盘聊自适不管家徒四壁  
今年寒食无家东风恨满天涯早是海棠睡去莫教醉了梨花

前调 卢挚

海棠痴绝忙甚都开彻不是芜菁花上蝶谁为清明作节  
溪山今日无尘绣衣却待禁春莫遣鸣驄多事老夫也是游人

前调【山亭留宿】 刘因

山翁醉也欲返黄茅舍醉里忽闻留我者说道羣花未谢  
脱巾就卧松龕觉来诗思方酣欲借白云为墨淋漓洒徧晴岚

前调 刘因

青松偃蹇不受春风管松下幽人心自远惊怪人间日短  
微茫云海蓬莱十年一度春来争信门前桃李年年花落花开

前调 刘因

青天仰面卧看浮云卷苍狗白衣千万变都被幽人窥见  
偶然梦见华胥觉来花影扶疎牕下鲁论谁诵呼来共咏舞雩

前调 刘因

雨晴箫鼓四野欢声举平昔饮山今饮雨来就老农歌舞  
半生负郭无田寸心万国丰年谁识山翁乐处野花啼鸟欣然

前调【碁】 刘因

碁声清美盘礴青松底门外行人遥指示好个烂柯仙子  
输赢都付欣然兴阑依旧高眠山鸟山花相语翁心不在碁边

前调【木犀花】 白朴

碧云叶底万点黄金蕊更看蔷薇清露洗泽国秋光如水  
余生牢落江南幽香鼻观曾参见说小山招隐梦魂夜夜云岩

前调 白朴

箜篌小字梦觉参差是不种仙家白玉子着甚闲消好事  
桃花门外重重一言半语相通萦损题诗崔护几回南陌春风

前调【留王静得】 顔奎

留君少住且待晴时去水鹤夜深云外语明日棠梨花雨  
尊前不尽余情都上鸣弦细声二十四番风後緑阴芳草长亭

前调 张翥

阶庭昼永绕石芭蕉影半鞦云鬟慵不整寂寞朝醒乍醒  
绡裊翠被风流背人无限娇羞玉腕一双跳脱欠伸浑是春愁

前调【约道人看杏花】 张翥

东风阵阵第几番花信駮李痴桃消息近写取鸾牋试问  
君家杨柳墙东杏花初吐生红好唤一牀金鴈明朝来醉春风

前调 张埜

别离心软争似交情浅去路愁肠千百转回首高城天远  
断云寒雨西楼落霞孤鹜南州应满归期约定忍教划损搔头

前调 张埜

日长庭馆尚问寒深浅底事今年花倍晚柳外东风未软  
韶光已近春分小桃犹指霜?天意怜予病起故教迟吐清芬

前调【题桐花道人卷】 顾德辉

凤箫声度十二瑶台暮开徧琼花千万树才入谢家诗句  
仙人酌我流霞梦中知是谁家酒醒休扶上马为君一洗琵琶

前调【早春】 刘基

春风欲到小草先知道黄入新萸颜色好图遣王孙归早  
兴来策杖微行杖头布谷初鸣喜见儿童相报墙根荠菜先生

前调【江宁春馆】杨基

梅酸杏小人与春俱老一架茶蘼开偏了能得欢娱多少  
阴阴绿树青苔都无半点尘埃寄语此中猿鹤先生早晚归来

前调杨基

狂歌醉舞俯仰成今古短髮萧萧才几缕听徧江南春雨  
归来茅屋三间桃花流水潺潺莫向窓前种竹先生要看西山

前调【柳】杨基

欺烟困雨拂拂愁千缕曾把腰肢羞舞女赢得轻盈如许  
犹寒未暖时光将昏渐晓池塘记取春来杨柳风流全在轻黄

前调吴子孝

碧山池小秋入池波早开尽荷花花已老绿叶翠茎犹好  
年光如与人期不容白髮生迟坐对江山一笑酒阑且唱清词

前调吴子孝

春光初到帘外寒仍峭一树梅花冰尚绕开处不禁风裊  
拥炉呵炼挥毫满斟玉笋香醪胜似明光侍直晓霜鹄立螭坳

前调【滕王阁】吴山

秋光如许鴈字排空去十二阑干凝眺处帘卷西山暮雨  
白沙翠竹柴门落霞孤鹜江村况是亭皋叶下萧萧最怆吟魂

前调吴山

停歌罢舞俯仰成今古感慨不许题短句谁似三王词赋  
秋屏翠埽朝暾仙人铁柱长存休问滕王遗事蝶罗销尽香痕

前调周用

檀槽弦索一曲清平乐日色曈曈花影薄试暖春光先觉  
重重帘幙罗帏风轻燕子交飞早晚书来问讯东山开过蔷薇

前调 王锡爵

小桥西去渐逼幽香处正放梅花千万树月色横空满路  
疑仙疑梦无端徧身只觉清寒一点尘纤都尽已成雪肺冰肝

前调 王锡爵

荷开绿扇十里铺湖面虽未着花红朶现已占清香一片  
趁前垂柳阴浓停鞭小驻从容髣髴江乡风味引将倦眼惺松

前调【春雪】 储昌祚

雪眠风埽飘舞知多少盼断天涯春色杳一夜铜峰都老  
金猊桂蠹重燃烟笼修竹千竿只有梅花添恨几枝早落阶前

前调 莫是龙

春光已半无语空肠断亭院落花脂粉乱埽却坐来还满  
玉关消息难凭机头锦字初成愁似故园芳草东风一夜还生

前调 陈继儒

有几事足一把茅遮屋若使薄田耕不熟添个新生黄犊  
闲来也教儿孙读书不为功名种竹浇花酿酒世家闭户先生

前调 陈继儒

漏长寒夜闷对孤灯地枕里华胥思霎驾少个麴生相迓  
无人记省渊明玉楼冻合三更半卷黄庭初毕轻雷忽起茶铛

前调 王坊

春归何处应是随风去仔细追寻风去路只有乱红无数  
年时曾嘱东皇再休背我堂堂何事而今不顾竟随柳絮飘扬

前调 陈子龙

绣帘花散难与东风算拈得金鍼丝又乱尚剩檀心一半  
几回黛蹙双蛾斜添红缕微波闲看燕泥欲堕柳丝吹满轻罗

前调 朱灝

雨余虹系鸂负斜阳逝秀树攒林纷若荠蜂蝶同徵花税  
柴门过尽归樵溪声半入诗瓢淡霭空描戏墨狂禽能发新謠

前调 【明媛】 谢小湄

良辰初到春色随时闹妆点蛾眉因甚早人在咸阳古道  
当年曾别长亭今朝嘶马萦情寂寞黄昏时候琐窗夜夜风生

前调 无名氏

湘帘不卷绣阁愁添线小立调鹦生午倦无那风花一片  
玉弯斜枕檀腮芙蓉藕上微开庭院浓阴寂寂窥人燕子飞来

御选历代诗余卷十四

## 卷十五

<集部,词曲类,词选之属,御选历代诗余

钦定四库全书

御选历代诗余卷十五目錄【四十六字】

更漏子【又一体】

温庭筠【六首】

韦庄

牛峤【二首】

毛文锡

顾夔

孙光宪【二首】

毛熙震【二首】

冯延巳【五首】

晏殊【二首】

晏几道【四首】

张先【二首】

苏轼

李之仪

贺铸【四首】

杜安世

毛滂【三首】

向子諲【三首】

赵长卿

许棐

洪咨夔

高观国

欧良【二首】

石孝友

苏氏

张淑芳

刘基

陈子龙

十二时

晁补之

谢懋

无名氏【二首】

画堂春

谢懋

海棠春

马庄父

卜算子【又一体】

杜安世

前调【又一体】

杜安世

浣溪沙【又一体】

顾夔

後庭花【又一体】

孙光宪

前调【又一体】

孙光宪

忆秦娥【又一体】

李白

苏轼

秦观

晁补之

李之仪

周紫芝

周邦彦

万俟雅言



向子諲

蔡伸【二首】

赵师侠

赵长卿

张元干

曾觌【三首】

杨元咎

范成大【五首】

陈三聘【五首】

张孝祥【四首】

程垓【二首】

杨万里

刘克庄【二首】

赵彦端

王千秋【二首】

杨炎

黄机

韩淲

汪莘

沈端节

房舜卿

何梦桂

无名氏【二首】

朱淑真

孙道绚

完顏璫

赵秉文

张翥【二首】

赵雍

倪瓚【二首】

杨基

王達

史监

陈子龙

陆卿子

叶小鸾

王微

前调【又一体】

贺铸【二首】

朱雍

程垓

陆游

张辑

高观国

孙道绚

顏奎

御选历代诗余卷十五目錄

钦定四库全书

御选历代诗余卷十五【四十六字】

司经局洗马掌局事兼翰林院修撰加二级【臣】王奕清奉

旨校刊

更漏子

【又一体双调四十六字换头起三字两句或两叶仄韵或起平句历代不拘也】

更漏子 温庭筠

柳丝长春雨细花外漏声迢递惊塞鴈起城乌画屏金鹧鸪  
香雾薄透帘幕惆怅谢家池阁红烛背绣帘垂梦长君不知

前调 温庭筠

星斗稀钟鼓歇帘外晓莺残月兰露重柳风斜满庭堆落花  
虚阁上倚阑望还似去年惆怅春欲暮思无穷旧欢如梦中

前调 温庭筠

金雀钗红粉面花里暂时相见知我意感君怜此情须

问天 香作穗蜡成泪还似两人心意山枕腻锦衾寒觉来更漏残

前调 温庭筠

相见稀相忆久眉浅淡烟如柳垂翠幕结同心待郎熏绣衾  
城上月白如雪蝉鬓美人愁絶宫树暗鹊桥横玉签初报明

前调 温庭筠

背江楼临海月城上角声呜咽堤柳动岛烟昏两行征鴈分  
京口路归帆渡正是芳菲欲度红烛尽玉绳低一声村落鸡

前调 温庭筠

玉炉香红蜡泪偏照画堂秋思眉翠薄鬓云残夜长衾枕寒  
梧桐树三更雨不道离情正苦一叶叶一声声空阶滴到明

前调 韦庄

钟鼓寒楼阁暝月照古桐金井深院闭小庭空落花香露红  
烟柳重春雾薄灯背水牕高阁闲倚户暗沾衣待郎郎不归

前调 牛峤

星渐稀漏频转何处轮台声怨香阁掩杏花红月明杨柳风  
挑锦字记情事惟愿两心相似收泪语背灯眠玉钗横枕边

前调 牛峤

南浦情红粉泪争奈两人深意低翠黛卷征衣马嘶霜叶飞  
招手别寸肠结还是去年时节书托鴈梦归家觉来江月斜

前调 毛文锡

春夜阑春恨切花外子规啼月人不见梦难凭红纱一点灯  
偏怨别是芳节庭下丁香千结宵雾散晓霞晖梁间双燕飞

前调 顾夐

旧欢娱新怅望拥鼻含颦楼上浓柳翠晚霞微江鸥接翼飞  
帘半卷屏斜掩远岫参差迷眼歌满耳酒盈尊前非不要论

前调 孙光宪

烛荧煌香旖旎闲放一堆鸳被慵就寝独无憀相思魂欲销  
不会得这心力判了依前还忆空自怨奈伊何别来情更多

前调 孙光宪

听寒更闻远鴈半夜萧娘深院扃绣户下珠帘满庭喷玉蟾  
人语静香闺冷红幕半垂清影云雨态蕙兰心此情江海深

前调 毛熙震

秋色清河影淡深户烛寒光暗绡幌碧锦衾红博山香炷融  
更漏咽蛩鸣切满院霜华如雪新月上薄云收映帘悬玉钩

前调 毛熙震

烟月寒秋夜静漏转金壶初永罗幕下绣屏空灯花结碎红  
人悄悄愁无了思梦不成难晓长忆得与郎期窃香私语时

前调 冯延巳

金剪刀青丝髮香墨蛮牋亲劖和粉泪一时封此情千万重  
蓬垂鬓尘侵镜已分今生薄命将远恨上高楼寒江天外流

前调 冯延巳

秋水平黄叶晚落日渡头云散卷珠箔挂金钩暮潮人倚楼  
欢娱地思前事歌罢不胜沉醉消息远梦魂狂酒醒空断肠

前调 冯延巳

鴈南飞人独坐看却一秋空过瑶草短菊花残萧条渐向寒  
帘幕里青苔地谁信闲愁如醉星移後月圆时风摇夜合枝

前调 冯延巳

夜初长人近别梦觉一窗残月鸂鶒睡蟋蟀鸣西风寒未成  
红蜡烛弹棋局牀上画屏山绿褰绣幌倚瑶琴前懽泪滴襟

前调 冯延巳

风带寒枝正好兰蕙无端先老情悄悄梦依依离人殊未归  
褰罗幕凭朱阁不独堪悲摇落月东出鴈南飞谁家夜捣衣

前调 晏殊

蕤华浓山翠浅一寸秋波如翦红日永绮筵开暗随仙驭来  
遏云声回雪袖占断晓莺春柳才送目又颦眉此情谁得知

前调 晏殊

雪藏梅烟着柳依约上春时候初送鴈欲闻莺绿池波浪生  
探花开留客醉忆得去年情味金盏酒玉炉香任他红日长

前调 晏几道

槛花稀池草徧冷落吹笙庭院人去日燕西飞燕归人未归  
数书期寻梦意弹指一年春事新怅望旧悲凉不堪红日长

前调 晏几道

柳丝长桃叶小深院断无人到红日淡绿烟晴流莺三两声  
雪香浓檀晕少枕上卧枝花好春思重晓妆迟寻思残梦时

前调 晏几道

柳间眠花里醉不惜绣袂铺地钗燕重鬟蝉轻一双梅子青  
粉笺书罗袖泪还有可怜新意遮闷绿掩羞红晚来团扇风

前调 晏几道

露华高风信远宿醉画帘低卷梳洗倦冶游慵绿窗春睡浓  
彩条轻金缕重昨日小桥相送芳草恨落花愁去年同倚楼

前调【流杯堂席上作】 张先

相君家宴集秋叶晓霜红湿帘额动水纹浮彩花和水流  
薄霞裳酣酒面重把琵琶轻按回画拨抹么弦一声飞露蟬

前调 张先

杜陵春春树晚伤别更堪临远南去信欲凭谁归鸿多北归  
小桃枝红蓓发今夜昔时风月休苦忆说相思此情人不知

前调【送孙巨源】 苏轼

水涵空山照市西汉二疏乡里新白髮旧黄金故人恩义深  
东海头山尽处自古客槎来去槎有信赴秋期使君行即归

前调 李之仪

暑方烦人似愠怅望林泉幽峻情会处景偏长心清闻妙香  
宝幢低金鏤碎竹影桐阴牕外新事旧旧愁新空嗟不见人

前调 贺铸

上东门门外柳赠别每烦纤手一叶落几番秋江南独倚楼  
曲阑干凝伫久薄暮更堪搔首无际恨见闲愁侵寻天尽头

前调 贺铸

绣罗垂花蜡换问夜何其将半侵舄履促杯盘留欢不作难  
令随?歌应弹舞按霓裳前段翻翠袖怯春寒玉阑风牡丹

前调 贺铸

付金钗平斗酒未许解携纤手吟警句写诗愁游骖为少留  
旧游踪新梦後月映隔牕疎柳闲砚席賸衾稠今秋似去秋

前调 贺铸

酒三行琴再弄宛是和鸣双凤罗斗帐绣屏风浓香夜夜同  
去年懽今夕梦惆悵晓钟初动休道梦觉来空当时亦梦中

前调 杜安世

雪肌轻花脸薄愁困不忺梳掠眉翠裛眼波长恨人言语香  
看难厌怜不足苦恨别离何速珠树远彩鸾孤今生重见无

前调【熏香曲】毛滂

玉狻猊金叶暖馥馥香云不断长下着绣帘重怕随花信风  
傍蔷薇摇露点衣润得香长远双枕凤一衾鸾柳烟花雾间

前调【初秋雨後】毛滂

緑牕寒清漏短帐底沉香火?残烛暗小屏弯云峰遮梦还  
那些愁推不去分付一檐寒雨檐外竹试秋声空庭鹤唤人

前调【和孙公素泛舟观竞渡】毛滂

柳藏烟云漏日寒满雕盘玉食风卷旆水摇天鱼龙挟彩船  
水边人波面乐太守与民同乐春好处总随轩花中谁状元

前调【雪中韩叔夏席上】向子諲

小牕前疎影下鸾镜弄妆初罢梅似雪雪如人都无一点尘  
暮江寒人响絶更着朦胧微月山似玉玉如君相思一笑温

前调【题赵伯山清白轩】向子諲

竹孤青梅醞白更着使君清絶梅似竹竹如君须知德有邻  
月同高风同调月底风前一笑翻翠影度浮香与人风味长

前调 向子諲

鹊桥边牛渚上翠节红旗相向承玉露御金风年年岁岁同  
嬾飞梭停弄杼遥想彩云深处人咫尺似关山无聊独倚阑

前调 赵长卿

日彤彤风荡荡帘外柳花飞扬红有限緑无穷雨晴芳径中  
肠寸结紫离别还是去年时节春暮也子规啼伤春三月时

前调 许棐



泪淹红腮褪粉等得玉销花损羞阮风怯筝鸾指寒无好弹  
一庭雪半窗月又是独眠时节孤枕怨小屏愁天涯梦里游

前调【夜闻桂香次韵】 洪咨夔

眼生花灯缀粟人在黄金列屋金缕细道冠明胆瓶凉意生  
缓歌弦停酒笋待得香风吹下斜月转断云回风流不让梅

前调 高观国

玉箫闲清韵咽人倚画阑愁绝云恼月月羞云半溪梅影昏  
恨春风消散後夜夜数残更漏情悄悄思依依天寒一鴈飞

前调 欧 良

画楼深春昼永帘幙东风微冷莺啭罢燕归来佳人午梦回  
鬓钗横眉黛浅一捻楚腰纤软推绣户倚雕阑无言看牡丹

前调 欧 良

鬓慵梳眉慵画独自行来花下情脉脉泪垂垂此情知为谁  
雨初晴帘半卷两两衔泥新燕人比燕不成双枉教人断肠

前调 石孝友

鞞吟鞭敲醉帽行尽关山古道霜满地水平田鴈儿声在天  
北沙门南浦岸望得眼穿肠断桐树巷梦云楼玉儿应也愁

前调【寄季 宋媛玉妹】 苏 氏

小阑干深院宇依旧当时别处朱户锁玉楼空一帘霜日红  
弄珠江何处是望断碧云无际凝泪眼出重城隔溪羌笛声

前调【宋媛】 张淑芳

墨?香灯下泪点点愁人幽思桐花落蓼花残鴈声天气寒  
云栖月青溪坞付到秋来更苦风淅淅水盈盈淙淙激不平

前调【咏鴈】 刘 基

塞门云湘浦树毕竟故乡何处枫叶渚蓼花矶水深缱?稀  
蓬莱阙扶桑岛极目茫茫烟草芦荻老稻粱空月明江上风

前调 陈子龙

愁眉晓明妆夜多为海棠欲谢纱牕下绣牀间沈吟花信寒  
残红泻余香惹撩乱日长时也门寂寂意茫茫凭他双燕忙

十二时

【一名桃花曲亦名忆少年双调四十六字】

十二时 晁补之

无穷官柳无情画舸无根行客南山尚相送只高城人隔罨画园林溪绀碧算重来尽成陈迹  
刘郎鬓如此况桃花顔色

前调【寒食】 谢 懋

池塘绿徧王孙芳草依依斜日游丝卷晴昼系东风无力  
蝶趁幽香蜂酿蜜秋千外卧红堆碧心情费消遣更梨花寒食

前调 无名氏

疎疎整整斜斜澹澹盈盈脉脉徒怜暗香句笑梨花顔色  
羈马萧萧行又急空回首水寒沙白天涯倦牢落忽一声长笛

前调 无名氏

凄凉天气凄凉院落凄凉时候孤鸿叫斜月伴寒灯残漏  
落尽梧桐秋影瘦菱监古画眉难就重阳又近也对黄花依旧

画堂春

【双调四十六字】

画堂春 谢 懋

西风庭院雨垂垂黄花秋闰迟已凉天气未寒时才褪单衣

睡起枕痕犹在鬓松钗压云低玉匳重拂淡臙脂情入双眉

海棠春

【或添令字亦名海棠花双调四十六字】

海棠春 马庄父

柳腰暗怯花风弱红映秋千院落归逐鴈儿飞斜撼珍珠箔  
满林翠叶臙脂萼不忍频频觑着护取一庭春莫弹花间雀

卜算子

【又一体双调四十六字】

卜算子 杜安世

尊前一曲歌歌里千金意才欲歌时泪已流恨应更多於泪  
试问缘何事不语如痴醉我亦情多不忍闻怕和我成憔悴

前调【又一体】 杜安世

深院花铺地淡淡阴天气水殿风微朱明景又别是愁情味  
有情奈无计谩惹成憔悴欲把罗巾暗传寄细认处斑点泪

浣溪沙

【又一体双调四十六字】

浣溪沙 顾 夘

红藕香残翠渚平月笼虚阁夜蛩清天际鸿枕上梦两牵情  
宝帐玉炉残麝冷罗衣金缕暗尘生小牕凉孤烛背泪纵横

後庭花

【又一体双调四十六字】

後庭花 孙光宪

景阳钟动宫莺啭露凉金殿轻飏吹起琼花绽玉叶如翦  
晚来高阁上珠帘卷见坠香千片修蛾慢脸陪雕辇後庭新讌

前调【又一体】 孙光宪

石城依旧空江国故宫春色七尺青丝芳草碧絶世难得  
玉英雕落尽更何人识野棠如织只是教人添怨忆怅望无极

忆秦娥

【又一体双调四十六字一名秦楼月一名碧云深一名双荷叶虽列又一体然调名始自李白词其三十七字与四十一字皆後人换格此为原调正格也】

忆秦娥 李 白

箫声咽秦娥梦断秦楼月秦楼月年年柳色霸陵伤别乐游原上清秋节咸阳古道音尘絶音  
尘絶西风残

照汉家陵阙

前调 苏 轼

双溪月清光偏照双荷叶双荷叶红心未偶緑衣偷结背风迎雨泪珠滑轻舟短棹先秋折先  
秋折烟鬟未

上玉杯微缺

前调 秦 观

暮云碧佳人不见愁如织愁如织两行征鴈数声羌笛锦书难寄西飞翼无言只是空相忆空  
相忆纱牕月

淡影双人只

前调【送别】 晁补之

牵人意高堂照碧临烟水清秋至东山时伴谢公携妓黄菊虽残堪泛蚁乍寒犹有重阳味应  
相记坐中少

个孟嘉狂醉

前调 李之仪

清溪咽霜风洗出山头月山头月迎得云归还送云别不知今是何时节凌歊望断音尘絕音  
尘絕帆来帆

去天边双阙

前调 周紫芝

东风歇香尘满院花如雪花如雪看看又是黄昏时节无言独自添香爇相思情绪无人说无  
人说照人只

有西楼斜月

前调 周邦彦

香馥馥尊前个人如玉人如玉翠翘金凤内家妆束娇羞爱把眉儿蹙逢人只唱相思曲相  
思曲一声声

是怨红愁綠

前调 万俟雅言

天如洗金波冷浸冰壶里冰壶里一年得似此宵能几等闲莫把阑干倚马蹄去便三千里三  
千里几重云

岫几重烟水

前调 向子諲

虫声切柔肠欲断伤离别伤离别几行清泪界残红颊玉阶白露侵罗襪下帘却望玲珑月玲  
珑月寒光零

乱照人愁絕

前调 蔡伸

湖光碧春花秋月无今昔无今昔十年往事尽成陈迹玉箫声断云屏隔山遥水远长相忆长相忆一生怀

抱为君牵役

前调 蔡伸

花阴月兰堂夜宴神仙客神仙客江梅标韵海棠颜色良辰佳会诚难得花前一醉君休惜君休惜楚台云

雨今夕何夕

前调 赵师侠

伤离索不堪凉月穿珠箔穿珠箔料应别後粉消琼削无聊倚徧西楼角枝头几误惊飞鹊惊飞鹊先来憔

悴更逢摇落

前调 赵长卿

寒萧索征鸿过尽离怀恶离怀恶江空天迥夜寒枫落有人应误刀头约情深翻恨郎情薄郎情薄梦回长

是半牀闲却

前调 张元干

桃花萼雨肥红绽东风恶东风恶长亭无际短书难托征衫辜负深闺约禁烟时候春罗薄春罗薄多应消

瘦可恹梳掠

前调 曾觌

晴空碧吴山染就丹青色丹青色西风摇落可堪凄恻世情冷暖君应识鬓边各自侵寻白侵寻白江南江

北几时归得

前调 曾 覲

风萧瑟邯郸古道伤行客伤行客繁华一瞬不堪思忆丛台歌舞无消息金尊玉管空陈迹空  
陈迹连天衰

草暮云凝碧

前调 曾 覲

暮云蹙小亭带雪斟 醪斟 醪一声羌笛落梅簌簌舞衣旋趁霓裳曲倚阑相对人如玉人  
如玉锦屏罗

幌渐成不足

前调 杨无咎

情难足不堪黄帽催行速催行速扁舟一叶别愁千斛津亭送客惊相嘱举杯欲唱眉先蹙眉  
先蹙背人掩

面不能终曲

前调 范成大

楼阴缺阑干影外东厢月东厢月一天风露杏花如雪隔烟催漏金虬咽罗帏暗淡灯花结灯  
花结片时春

梦江南天阔

前调 范成大

湘江碧故人同作湘中客湘中客东风回鴈杏花寒食温温月到蓝桥侧醒心弦里春无极春  
无极明朝残

梦马嘶南陌

前调 范成大

纱幮薄日红穿幔催梳掠催梳掠新晴天气画檐闻鹊海棠逗晓都开却小云先在阑干角阑  
干角杨花满

地夜来风恶

前调 范成大

珠帘狭卷帘西院花围合花围合昼长人静双双蝴蝶花前苦殢金蕉叶瞢腾午睡扶头怯扶  
头怯闲愁无

限远山斜叠

前调 范成大

香罗薄带围宽尽无人觉无人觉东风日暮一帘花落西园空锁秋千索帘垂帘卷闲池阁闲  
池阁黄昏香

火画楼吹角

前调 陈三聘

云衣薄春晴自有东风掠东风掠试听枝上几声乾鹊曲屏心事新题却离愁何用堆眉角堆  
眉角今朝莫

是打头风恶

前调 陈三聘

花前狭翠茵围坐花阴合花阴合闲情不似一双狂蝶春沟何处寻红叶春寒料想罗衣怯罗  
衣怯午醺醒

未翠衾重叠

前调 陈三聘

光风薄杨花欲谢春应觉春应觉一庭红杏粉花吹落冶游无复飞红索凭高独上湖边阁湖  
边阁黄昏独

倚画阑西角

前调 陈三聘



青楼缺楼心人倚黄昏月黄昏月入帘无奈柳絲吹雪谁人弄笛声呜咽伤春未解丁香结丁香结鳞鸿何

处路遥江阔

前调 陈三聘

春膏集新雷忽起龙蛇蛰龙蛇蛰柳塘风快水流声急伤心有泪凭谁裊尊前容易青衫湿青衫湿渡头人

去野船鸥立

前调 张孝祥

云垂幕阴风惨淡天花落天花落千林琼玖满空鸾鹤征车缥缈穿花薄路迷一路增离索增离索楚溪山

水碧湘楼阁

前调【梅】 张孝祥

梅花发寒梢挂着瑶台月瑶台月和羹心事履霜时节断桥流水声呜咽行人立马空愁絶空愁絶为谁凝

伫为谁攀折

前调【元夕】 张孝祥

元宵节凤楼相对鳌山结鳌山结香尘随步柳梢微月多情又见珠帘揭游人不放笙歌歇笙歌歇晓烟轻

散帝城宫阙

前调 张孝祥

天一角南枝向我情如昨情如昨水寒烟淡雾轻云薄吹花嚼蕊愁无托年华冉冉惊离索惊离索倩春留

住莫教摇落

前调 程垓

情脉脉半黄橙子和香擘和香擘分明记得袖香薰窄别来人远关山隔见梅不忍和花摘和花摘有书无

鴈寄谁归得

前调 程垓

愁无语黄昏庭院黄梅雨黄梅雨新愁一寸旧愁千缕杜鹃叫断空山苦相思欲诉人何许人何许一重云

断一重山阻

前调 杨万里

新春早春前十日春归了春归了落梅如雪野桃红小老夫不管春催老只图烂醉花前倒花前倒几扶归

去醒来牕晓

前调 刘克庄

游人絶緑阴满野芳菲歇芳菲歇养蚕天气采茶时节枝头杜宇啼成血陌头杨柳吹成雪吹成雪淡烟微

雨江南三月

前调 刘克庄

修禊节晋人风味终然别终然别当时宾主至今清絶等闲写就兰亭帖岂知留与人间说人间说永和之

岁暮春之月

前调【瑞香】 赵彦端

香簌簌小山丛桂烘如玉烘如玉酒愁花暗柳腰如束烦君剩与阳春曲为君细拂衾罗馥衾罗馥一春幽

闷与君相续

前调 王千秋

云破碧作霜天气西风急西风急一行征鴈数声横笛挑灯试问今何夕柔肠底事愁如织愁如织紫苔庭

院悄无人迹

前调 王千秋

云叶舞寒林浅淡围烟雨围烟雨三三两两鴈投沙渚征帆暂落知何所短篷静听舟人语舟人语夜寒如

许客能眠否

前调 杨炎

东风寂垂杨舞困春无力春无力落红不管杏花狼籍断肠芳草萋萋碧新来怪底相思极相思极冷烟池

馆又将寒食

前调 黄机

秋萧索梧桐落尽西风恶西风恶数声新鴈数声残角离愁不管人飘泊年年辜负黄花约黄花约几重庭

院几重帘幕

前调【茉莉】 韩淲

香滴滴肌肤冰雪娇无力娇无力秋风凉冷有谁消得洗妆不奈云鬟侧璧堂珠院空相忆空相忆轻颦浅

笑小梅标格

前调 汪莘

村南北夜来陟觉霜风急霜风急征途情绪塞垣消息佳人独抱琵琶泣一江明月空相忆空相忆寒衣未

絮荻花狼藉

前调 沈端节

凭阑独南山影蘸杯心绿杯心绿悠然忽见卧披横轴西风暗度钗梁玉手香记得人簪菊人簪菊无穷幽

韵细看不足

前调 房舜卿

与伊别相思一夜梅花发梅花发凄凉南浦断桥斜月盈盈微步凌波蹴东风笑倚天涯阔天涯阔一声羌

笛暮云愁绝

前调 何梦桂

伤离别江南鴈断音书绝音书绝两行珠泪寸肠千结伤心长记中秋节今年还似前年月前年月那知今

夜月圆人缺

前调【题蓬莱阁】 无名氏

烟漠漠海天摇荡蓬莱阁蓬莱阁朱甍碧瓦半侵寥廓三生谩有长生药茫茫云海风涛恶风涛恶仙槎不

见暮沙潮落

前调 无名氏

秋寂寂碧纱窗外人横笛人横笛天津桥上旧曾听得宫妆玉指无人识龙吟水底声初息声初息月明江

岸数峰凝碧

前调 【宋媛】朱淑真

弯弯曲新年新月鈎寒玉鈎寒玉凤鞵儿小翠眉儿蹙  
闹蛾雪柳添妆束烛龙火树争驰逐争  
驰逐元宵三

五不如初六

前调 【季温归樵 宋媛阳书寄】孙道绚

秋寂寞秋风夜雨伤离索伤离索老怀无奈泪珠零落  
故人一去无期约尺书忽寄西飞鹤西  
飞鹤故人何

处水村山郭

前调 完顔璫

寒仍暑春来秋去无今古无今古梁园风月汴堤烟雨水涵天影秋如许  
夕阳低处征帆举征帆举一行惊

鴈数声柔橹

前调 赵秉文

箫声苦箫声吹断夷山雨夷山雨人空不见吹台歌舞危楼目极伤平楚  
断霞落日怀千古怀千古一杯还

酹信陵坟土

前调 张翥

江南北金鞍一去空消息空消息鸡声月店鴈声霜驿春醪谁道浓无滴  
十分满引浑无力浑无力离愁似

海怎生乾得

前调 张翥

金杯侧东风易醉多情客多情客送君南浦送春南陌落花巧妒罗袞色  
舞红变尽休轻拆休轻拆待他归

看旧时寬窄

前调 赵 雍

春寂寂重门半掩梨花白梨花白芳心如醉暗思当日金钗欲坠乌云侧佳人望断天涯客天涯客今年又

过清明寒食

前调 倪 瓚

扶疎玉蟾宫树影阑干曲阑干曲一襟香露几枝金粟姮娥镜掩秋云綠无端风雨声相续声相续不须澄

霁为沽醺醪

前调 倪 瓚

参差玉笙声暮起瑶台曲瑶台曲轻风香浸夜凉肌粟黄云巧缀飞霞綠清吟未断秋霖续秋霖续恐辜花

意倒尊中醪

前调【杨花】 杨 基

东风恶一溪春水杨花落杨花落惹人衫袖缀人帘幙才飞却堕能纤弱倏来还去无拘着无拘着山遥水

远任伊飘泊

前调 王 達

愁如缕谁家落日敲秋杵敲秋杵淡烟疎柳故人何许别来每恨关山阻征鸿影落芙蓉渚芙蓉渚短篷孤

竹几声疎雨

前调【湖上次韵】 史 监

湖边寺楼台旧是春游地春游地千花张锦两山横翠西风阑槛秋无际青山不改朱颜异朱  
颜异断桥残

柳伴人憔悴

前调【柳絮】 陈子龙

春漠漠香云吹断红文幕红文幕一帘残梦任他飘泊轻狂无奈东风恶蜂黄蝶粉同零落同  
零落满池萍

水夕阳楼阁

前调【感旧明媛】 陆卿子

砧声咽梅花梦断纱窗月纱窗月半枝疏影一帘凄切心前旧愿难重说花飞春老流莺绝流  
莺绝今宵试

问几人离别

前调【明媛】 叶小鸾

湘帘揭梧桐落向银牀咽银牀咽半庭斜日数堆黄叶绣屏一缕消春怯花阑又见飞蝴蝶飞  
蝴蝶怪他轻

薄捣衣时节

前调【明妓】 王微

多情月偷云出照无情别无情别清辉只似暂圆常缺伤心好对西湖说湖光如梦湖流咽湖  
流咽离愁又

似半明不灭

前调【又一体】 贺铸

晓朦胧前溪百鸟啼匆匆啼匆匆凌波人去拜月楼空旧年今日东门东鲜妆辉映桃花红桃  
花红吹开吹

落一任东风

前调【桑】 贺 铸

着春衫玉鞭鞭马南城南城南柔桑细草留住金衔粉娥采叶共亲蚕蚕饥略许携纤纤携纤纤湔裙淇

上更待初三

前调【梅】 朱 雍

风萧萧驿亭春信期春潮期春潮黄昏浮动谁在江皋碧云冉冉横溪桥琼车未至余香飘余香飘一帘疎

影月在花梢

前调 程 垓

青门深海棠开后春阴阴春阴阴万重云水一寸归心玉楼深锁烟销沉知他何日同登临同登临待收红

泪细说如今

前调 陆 游

玉花骢晚街金辔声璁珑声璁珑闲敲乌帽又过城东富春巷陌花重重千金沽酒酬春风酬春风笙歌围

里锦绣丛中

前调 张 辑

风凄凄井栏络纬惊秋啼惊秋啼凉侵好梦月正楼西卷帘望月知心谁关河空隔长相思长相思碧云暮

合有美人兮

前调 高观国

栖乌惊隔牖月色寒於冰寒於冰淡移梅影冷印疎棂幽香未觉魂先清无端勾起相思情相思情恼人无睡直到天明



前调 【宋媛】 孙道绚

花深深一钩罗韞行花阴行花阴闲将柳带试结同心日边消息空沉沉画眉楼上愁登临愁  
登临海棠开

後望到如今

前调 顔 奎

水云幽怕黄霜竹生新愁生新愁如今何处倚月南楼龙吟杳杳天悠悠腾蛟起凤鸣箜篌鸣  
箜篌听吹短

气江上无秋

御选历代诗余卷十五

## 卷十六

<集部,词曲类,词选之属,御选历代诗余

钦定四库全书

御选历代诗余卷十六目录【四十七字】

阮郎归

南唐李煜

冯延巳【二首】

司马光

欧阳修【二首】

晏几道【五首】

张先

苏轼【二首】

黄庭坚【四首】

秦观【五首】

晁补之【三首】

李之仪

毛滂

苏庠

周紫芝【三首】

谢逸【三首】

周邦彦【二首】

曹组

蔡伸

赵师侠【二首】

赵长卿【三首】

曾觌

侯寘【二首】

赵彦端【二首】

马庄父

王炎

严仁

徐照

史达祖【二首】

翁孟寅

洪璚

方千里【二首】

黄昇

吴文英【五首】

蒋捷

李演

张炎

翁元龙

赵君举

王同祖

魏氏

詹正

王从叔

张埜

刘基【二首】

吴子孝【二首】

吴寛

张大烈【三首】

汤显祖

陈子龙

前调【又一体】

端淑卿

画堂春【又一体】

秦观【二首】

赵师侠

赵长卿【二首】

赵鼎

赵彦端

郑域

吴子孝【二首】

莫是龙

陆卿子

喜迁莺【又一体】

南唐李煜

和凝

晏几道

夏竦

前调【又一体】

薛昭蕴【三首】

许棐

前调【又一体】

韦庄【二首】

周邦彦【二首】

夏言

前调【又一体】

晏殊【二首】

前调【又一体】

冯延巳【二首】

晏殊【二首】

前调【又一体】

毛文锡

前调【又一体】

刘基

吴子孝【三首】

御选历代诗余卷十六目錄

钦定四库全书

御选历代诗余卷十六【四十七字】

司经局洗马掌局事兼翰林院修撰加二级【臣】王奕清奉旨校刊

阮郎归

【用阮肇事名调一名醉桃源一名碧云春一名鹤冲天双调四十七字以南唐李煜作为定体後人平仄互异者皆非】

阮郎归 南唐李煜

东风吹水日衔山春来长是闲落花狼藉酒阑珊笙歌醉梦间  
春睡觉晚妆残凭谁整翠鬟留连光景惜朱颜黄昏独倚阑

前调 冯延巳

南园春半蹋青时风和闻马嘶青梅如豆柳如丝日长蝴蝶飞

花露重草烟低人家帘幙垂秋千慵困解罗衣画梁双燕归

前调 冯延巳

角声吹断陇梅枝孤牕月影低塞鸿无限欲惊飞城乌休夜啼  
寻断梦掩香闺行人去路迷门前杨柳緑陰齐何时闻马嘶

前调 司马光

渔舟容易入深山仙家日日闲绮牕纱幌映朱顔相逢醉梦间  
松露冷海霞殷匆匆整棹还落花寂寂水潺潺重寻此路难

前调 欧阳修

刘郎何日是来期无心云胜伊行云犹解傍山扉郎行去不归  
强匀面又芳菲春深轻薄衣桃花无语伴相思陰陰月上时

前调 欧阳修

落花浮水树临池年前心眼期见来无事去还思而今花又飞  
浅螺黛淡臙脂闲妆取次宜隔帘风雨闭门时此情风月知

前调 晏几道

粉痕闲印玉尖纤啼红傍晓匳旧寒新?尚相兼梅疎待雪添  
春冉冉恨恹恹章台对卷帘个人鞭影弄凉蟾楼前侧帽檐

前调 晏几道

来时红日弄牕纱春红入睡霞去时庭树欲栖鸦香屏掩月斜  
收翠羽整妆华青骊信又差玉笙犹恋碧桃花今宵未忆家

前调 晏几道

旧香残粉似当初人情恨不如一春犹有数行书秋来书更疎  
衾凤冷枕鸾孤愁肠待酒舒梦魂纵有也成虚那堪和梦无

前调 晏几道

天边金掌露成霜云随鴈字长绿盃红?趁重阳人情似故乡  
兰佩紫菊簪黄殷勤理旧狂欲将沉醉换悲凉清歌莫断肠

前调 晏几道

晚妆长趁景阳钟双蛾着意浓舞腰浮动绿云穠櫻唇半点红  
怜美景惜芳容沉思暗记中春寒帘幙几重重杨花尽日风

前调【渭州作】 张先

双歌连袂近香猊歌随镂板齐分明珠索漱烟溪凝云定不飞  
唇破点齿编犀春莺莫乱啼阳关更在碧峰西相看翠黛低

前调 苏轼

綠槐高柳咽新蝉薰风初入弦碧纱牕下水沉烟棋声惊昼眠  
微雨过小荷翻榴花开欲然玉盃纤手弄清泉琼珠碎又圆

前调【集句梅花】 苏轼

暗香浮动月黄昏堂前一树春东风何事入西邻儿家常闭门  
雪肌冷玉容真香腮粉末匀折花欲寄陇头人江东日暮云

前调【茶二首】 黄庭坚

歌停檀板舞停鸾高阳饮兴阑兽烟喷尽玉壶乾香分小凤团  
雪浪浅露花圆捧瓯春笋寒绦纱笼下跃金鞍归时人倚栏

前调 黄庭坚

黔中桃李可寻芳摘茶人自忙月团犀胯鬪圆方研膏入焙香  
青箬裹绦纱囊品高闻外江酒阑传盃舞红裳都濡春味长

前调 黄庭坚

退红衫子乱蜂儿衣寬只为伊为伊去得忒多时教人直是疑  
长睡晚理妆迟愁多嬾画眉夜来算得有归期灯花则甚知

前调 黄庭坚



贫家春到也骚骚琼浆注小槽老夫不出长蓬蒿邻墙开碧桃  
木芍药品题高一枝烦翦刀传盃犹似少年豪醉红侵雪毛

前调 秦观

褪花新绿渐团枝扑人风絮飞秋千未拆水平堤落红成地衣  
游蝶困乳莺啼怨春春怎知日长早被酒禁持那堪更别离

前调 秦观

宫腰袅袅翠鬟松夜堂深处逢无端银烛陨秋风灵犀得暗通  
更有限恨无穷星河沈晓空陇头流水各西东佳期如梦中

前调 秦观

潇湘门外水平铺月寒征棹孤红妆饮罢少踟蹰有人偷向隅  
挥玉筋洒真珠梨花春雨余人人尽道断肠初那堪肠也无

前调 秦观

碧天如水月如眉城头银漏迟绿波风动画船移娇羞初见时  
银烛暗翠帘垂芳心两自知楚台魂断晓云飞幽欢难再期

前调 秦观

春风吹雨遶残枝落花无可飞小池寒绿欲生漪雨晴还日西  
帘半卷燕双归讳愁无奈眉翻身整顿着残棋沈吟应却迟

前调 晁补之

小楼独上暮钟时红霞楼外飞烟中远鸟一双归城门灯火微  
横短吹傍危梯水轮涌海迟天涯幽恨有谁知凉风时动衣

前调【泛济州环溪】 晁补之

西城北渚旧追随荒台今是非白苹无际绿蒲迷停舟忆旧时  
双鸭戏乱鸥飞人家烟雨西不成携手折芳菲兰桡惆怅归

前调 晁补之

一濠秋水净涟漪红妆照水嬉攀条寻藕怯船移浮萍湿绣衣  
临好景惜轻归夕阳洲渚迷城门灯火簇轮蹄沙鸥飞去时

前调 李之仪

朱唇玉羽下蓬莱佳时近早梅惜花情味久安排枝头开未开  
魂欲断恨难裁香心休见猜果如何逊是仙才何妨入梦来

前调 毛滂

雨余烟草弄春柔芳郊翠欲流?风时转柳花球晴光烂不收  
红尽处绿新稠穠华只暂留却因留下等闲愁令人双鬓秋

前调 苏庠

西园风暖落花时緑陰莺乱啼倚阑无语惜芳菲絮飞蝴蝶飞  
缘底事减腰围遣愁愁着眉波连春渚暮天垂燕归人未归

前调 周紫芝

酴醾花谢日迟迟杨花无数飞章台侧畔尽风吹飘零无定期  
烟漠漠草萋萋江南春尽时可怜踪迹尚东西故园何日归

前调 周紫芝

月榭疎影照婵娟闲临小玉盘枣花金钏出纤纤棋声敲夜寒  
飞电冷水精圆夜深人未眠笑催炉兽?衾鸳莫教银漏残

前调【西湖摘杨梅】 周紫芝

西湖山水潺潺满山风雨寒枝头红日晓斓斑越梅催染丹  
连翠叶拥金盘玉池生乳泉此生三度试甘酸欲归归尚难

前调 谢逸

花枝破蕾柳梢青春寒拂面轻一眉新月影三星铜荷烛烬零  
低凤扇袅霓旌珊珊环佩声坐间谁识许飞琼对郎仙骨清

前调 谢逸

风飘万点落花飞残红枝上稀平芜叶叶淡烟迷那堪春鸟啼  
风细细日迟迟轻纱叠雪衣多情多病嬾追随玉人应恨伊

前调【雪】 谢逸

晨光晓色埽檐晶寒多蝶梦惊乱飘鸳瓦细无声悠扬柳絮轻  
书幌冷竹牕明柴门只独扃一尊浊酒为谁倾梅花相对清

前调 周邦彦

冬衣初染远山青双丝云鴈绫衣寒袖湿欲成冰都缘珠泪零  
情黯黯闷腾腾身如秋後蝇若教随马逐郎行不辞多少程

前调 周邦彦

菖蒲叶老水平沙临流苏小家画栏曲径宛秋蛇金英垂露华  
烧蜜炬引莲娃酒香醺脸霞再来重约日西斜倚门听暮鸦

前调 曹组

檐头风佩响丁东帘疎烛影红秋千人散月溶溶楼台花气中  
春酒醒夜寒浓绣衾谁与同只愁梦短不相逢觉来罗帐空

前调 蔡伸

烟笼寒水暝禽栖满庭红叶飞兰堂寂寂画帘垂霜浓更漏迟  
鸳被冷麝香微强敲单枕时西牕看尽月痕移此情君怎知

前调【桐江舟中】 赵师侠

微云埽尽碧虚寛月华光影寒山河表里监中看沈沈清夜阑  
风细细露漙漙神游八极间九霄回首望尘寰悠悠醉梦还

前调 赵师侠

杜鹃花发映山红韶光觉正浓水流红紫各西东绿肥春已空  
闲戏蝶嬾游蜂破除花影重问春何事不从容忧愁风雨中

前调【咏春】 赵长卿

和风暖日小层楼人间春事幽杏花深处一声鸠花飞水自流  
寻旧梦续扬州眉山相对愁忆曾和泪送行舟清江古渡头

前调【送别咏莺】 赵长卿

东城沙软马蹄轻清和雨乍晴柳陰曲径泣流莺凄凉不忍听  
休苦怨莫悲鸣何须两泪倾但将巧语写心诚东君肯薄情

前调【客中见梅】 赵长卿

年年为客偏天涯梦迟归路賒无端星月浸牕纱一枝寒影斜  
肠未断鬓先华新来瘦转加角声吹彻小梅花夜长人忆家

前调【侍宴池上赋飞燕】 曾覲

柳陰庭馆占风光呢喃清昼长碧波新涨小池塘双双蹴水忙  
萍散漫絮飘扬轻盈体态狂为怜流去落红香衔将归画梁

前调【和邢公玷】 侯寘

莫欺骑省鬓边华曾眠苏小家彩丝萦腕翦轻霞菖蒲酒更嘉  
人别後叹飞花云山和梦遮吴牋小字写流沙几行秋鴈斜

前调 侯寘

薰风吹尽不多云晓天如水清哦松庭院忽闻笙帘疎香篆明  
兰玉盛风和鸣家声留汉庭玃鞍长傍九重城年年双鬓青

前调 赵彦端

岁寒堂下两株梅商量先後开春前日遶一千回花来春又来  
冰可断玉堪裁寒空无暖埃为君翻动腊前醅酒醒香满怀

前调【余干留别】 赵彦端

三年何许竞芳辰君家千树春如今欲去复逡巡好花留住人  
红蕊乱绿陰匀彩云新又新只因小阁记情亲动君梁上尘

前调【西湖】 马庄父

清明寒食不多时香红渐渐稀番腾妆阁闹苏堤留春春怎知  
花褪雨絮沾泥凌波寸寸移三三两两叫船儿人归春也归

前调 王 炎

落花时节近清明南园芳草青东风料峭雨难晴那堪中宿醒  
回首处自销凝谁知太瘦生倚阑无语不禁情杜鹃啼数声

前调 严 仁

拍堤春水蘸垂杨水流花片香弄花嚼柳小鸳鸯一双随一双  
帘半卷露新妆春衫是柳黄荷阑看处背斜阳风流暗断肠

前调 徐 照

绿杨庭户静沈沈杨花吹满襟晚来闲向水边寻惊飞双浴禽  
分别後重登临暮寒天气陰妾心移得在君心方知人恨深

前调 史达祖

龙香吹袖向藤鞭帽檐冲柳烟一春几度画桥边东风听管弦  
花活计酒因缘从人嘲少年真须吟就绿杨篇湾头寄小怜

前调 史达祖

旧时明月旧时身旧时梅萼新旧时月底似梅人梅春人不春  
香入梦粉成尘情多多断魂芙蓉孔雀夜温温愁痕即泪痕

前调 翁孟寅

日高楼外柳花明单衣怯露零小桥灯影落残星寒烟蘸水萍  
歌袖窄舞鬟轻梨花梦满城落红啼鸟两无情春愁添晓醒

前调【邵武试灯夕】 洪 璚

东风吹破藻池冰清光开五云绿情红意两逢迎扶春来远林  
花艳艳玉英英罗衣金缕明闹蛾儿簇小蜻蜓相呼看试灯

前调 方千里

良宵相对一灯青相思写研绡去时情泪滴红冰西风吹涕零愁宛转意飞腾晴牕穿纸蝇梦知关塞不堪行忆君犹问程

前调 方千里

鸳鸯浓睡碧溪沙荷花深处家快风收电掣金蛇深波流素华  
吴国艳楚宫娃红潮连翠霞坐来忽忽烛光斜城头闻乱鸦

前调 黄昇

粉香吹透单衣金泥双凤飞闲来花下立多时春风酒醒迟  
桃叶曲柳枝词芳心空自知湘皋月冷佩声微鴈归人不归

前调【赠卢长笛】 吴文英

沙河塘上旧游嬉卢郎年少时一声长笛月中吹和云和鴈飞  
惊物换叹星移相看两鬓丝断肠吴苑草萋萋倚楼人未归

前调【芙蓉】 吴文英

青春花柳不同时凄凉生较迟艳妆临水最相宜风来吹绣漪  
惊旧事问长眉月明仙梦回凭阑人但觉秋肥花愁人不知

前调【会饮丰乐楼】 吴文英

翠陰浓合晓莺堤春如日坠西画图新展远山齐花深十二梯  
风絮晚醉魂迷隔城闻马嘶落红微沁绣鸳泥秋千教放低

前调【荷塘小隐赋烛影】 吴文英

金丸一树带霜华银台摇艳霞烛陰树影两交加秋纱机上花  
飞醉笔驻吟车香浮小隐家明朝客梦付啼鸦歌阑月未斜

前调【元日】 吴文英

五更枥马静无声邻鸡犹怕惊日华平晓弄春明暮寒愁翳生  
新岁梦去年情残宵半酒醒春风无定落梅轻断鸿长短亭

前调 蒋捷

雪飞灯背鴈声低寒生红被池小屏风畔立多时闲看番马儿  
新搵泪旧题诗一般罗带垂琼箫夜夜挟愁吹梅花知不知

前调【题小扇】李 演

双鸳初放步云轻香帘蒸午晴杏熔暗泪结红冰留春蝴蝶情  
寒薄薄日陰陰锦鸠花底鸣春怀一似草无凭东风吹又生

前调【有怀北游】张 炎

钿车骏马锦相连香尘逐管弦瞥然飞过水秋千清明寒食天  
花贴贴柳悬悬莺房几醉眠醉中不信有啼鹃江南二十年

前调 翁元龙

千丝风雨万丝晴年年长短亭嫩黄看到绿成陰春由他送迎  
莺思重燕愁轻如人离别情遶湖烟冷罩波明画船移玉笙

前调 赵君举

马蹄蹋月响空山梅生烟壑寒水仙去後泪痕乾天风吹佩兰  
纫香久怕花残与君聊据鞍一枝欲寄北人看如今行路难

前调 王同祖

一帘疎雨细於尘春寒愁煞人桐花庭院近清明新烟浮旧城  
寻蝶梦怯莺声柳丝如妾情丙丁帖子画教成妆台求晚晴

前调【宋媛】魏 氏

夕阳楼外落花飞晴空碧四垂去帆回首已天涯孤烟卷翠微  
楼上客鬓成丝归期未有期断魂不忍下楼梯桐陰月影移

前调 詹 正

斜河一道界相思好秋都上眉弯賸象管写心啼搦愁题做诗  
添别恨卜欢期灯花红几时看看月上小牕儿夜香今夜迟

前调 王从叔

风中柳絮水中萍聚散两无情斜阳路上短长亭今朝第几程  
何限事可怜生能消几度春别时言语总伤心何曾一字真

前调 张 埜

青山重叠水萦纡扁舟隔岸呼依稀绿暗辋川图又疑陶令居  
红树晚白云孤乾坤别一壶草堂潇洒草窗虚个中容我无

前调 刘 基

晓寒杨柳绿如濡园林新雨余紫苔成晕上阶除日高庭院虚  
官况嬾世情疎断肠芳岁徂暮云不见北飞鱼路遥谁寄书

前调 刘 基

寥寥庭馆暮寒时四檐鸣雨垂博山沉水吐游丝玉缸花烬微  
蟾影浅漏声迟愁多成梦稀客行虽好不如归有怀当语谁

前调【晓雾】 吴子孝

一江寒雾碧笼沙冥迷十万家沙头风急飐芦花城头噪曙鸦  
帘乍卷鼓频挝日光生海涯长空晴豁水天賒青山五色霞

前调 吴子孝

池塘风静玉波闲莺啼花又残竹梢经雨叶团圞翠光流素阑  
开绣幙对家山云来湿鬓鬟树枝横碧拥漓岏分明图画间

前调【题倦绣士女图】 吴 寛

日高碧树午陰圆绣床人未眠回文锦字彩丝纒停鍼还怅然  
飞絮底落花边青春将暮天玉人一去不知还难将幽恨传

前调【前题步韵】 张大烈

花陰正午日光圆手慵神欲眠鸳鸯绣就翅难纒寻思独惘然  
桃障底柳丝边艳阳惹恨天锦文寄去信无还全凭午梦传

前调【春归】 张大烈



红英乱点别风枝绿杨黄鸟飞鸳鸯戏水水涟漪倚楼日坠西  
凝眼望忆郎归远山锁黛眉江滨几片暮帆移迷烟遶浦迟

前调【立夏】 张大烈

绿阴铺野换新光薰风初昼长小荷贴水点横塘蝶衣晒粉忙  
茶鼎熟酒卮扬醉来诗兴狂燕雏似惜落花香双衔归画梁

前调 汤显祖

不经人事意相关牡丹亭梦残断肠春色在眉弯倩谁临远山  
排恨叠怯衣单花枝红泪弹蜀妆晴雨画来难高唐云影间

前调【题画】 陈子龙

朱阑清影下帘时泠泠修竹低满园空翠拂人衣流莺无限啼  
莲叶小荇花齐雨余双燕归红泉一带过桥西香消午梦微

前调【又一明媛体】 端淑卿

园林春到清明节花柳愁攀折人生何事轻离别水远山重叠  
杜宇啼残更月银缸照明灭庄周有梦惊飞蝶关心犹未说

画堂春

【又一体双调四十七字】

画堂春 秦 观

落红铺径水平池弄晴小雨霏霏杏园憔悴杜鹃啼无奈春归  
柳外画楼独上凭阑手捻花枝放花无语对斜晖此恨谁知

前调 秦 观

东风吹柳日初长雨余芳草斜阳杏花零乱燕泥香睡损红妆  
宝篆烟销龙凤画屏云锁潇湘夜寒微透薄罗裳无限思量

前调【梅】 赵师侠

西真仙子宴瑶池素裳琼艳冰肌瑞笼香雾扑铢衣凤翥鸾飞  
玉骨解凌风露铅华不涴凝脂戍楼羌管正孤吹月淡烟低

前调【长新亭】 赵长卿

小亭烟柳水溶溶野花白白红红恼人池上晚来风吹损春容  
又是清明天气当年小院相逢凭阑幽思几千重残杏香中

前调【赏海棠】 赵长卿

夜来暖趁海棠时脸边匀透臙脂乱红娇影困垂垂睡损杨妃  
多少玉温香润朱唇绿鬓相偎晚风何苦过台西断送春归

前调【春日】 赵鼎

空笼帘影隔垂杨梦回芳草池塘杏花枝上蝶双双春昼初长  
强理云鬟临照暗弹粉泪沾裳自怜容艳惜流光无限思量

前调 赵彦端

满城风雨近重阳夹衫清润生香好辞赓尽楚天长唤得花黄  
客胜不知门陋酒新如趁春狂故人相见莫相忘一语千觞

前调 郑域

东风吹雨破花悭客毡晓梦生寒有人斜倚小屏山蹙损眉弯  
合是一钗双燕却成两镜孤鸾暮云修竹泪留残翠袖凝斑

前调【思远道人院赏花】 吴子孝

春风寒入蹋青天芒屨碧草苍烟秋千风飏彩旗翻芳树争妍  
禅榻远离尘境几人能醉花前歌声鸟语两清圆再进金船

前调【衡山在座年八十九】 吴子孝

高年座上有仙翁文章豪气如虹分明南极画图中笑语融融  
宾客风流儒雅儿孙孝谨雍容桐陰满院绿帘风檀板金钟

前调 莫是龙

浹旬风雨卧江城不胜萧瑟离情梦回罗箔报春生昨夜寒轻  
金鼎细煎香雪玉瓯新泛兰英欲将幽事与谁评着意芳卿

前调 【明媛】 陆卿子

晴空烟袅柳丝微乱红风绽犹飞杏花零落燕空归门外鸦啼  
慵病不禁宽带讳愁无那尖眉香消斜倚画屏时此恨谁知

喜迁莺

【又一体双调四十七字或加令字一名燕归梁梁或作来一名早梅芳近一名鹤冲天一名春光好】

喜迁莺 南唐李煜

晓月坠宿烟微无语枕频敲梦回芳草思依依天远鴈声稀  
啼莺散余花乱寂寞画堂深院片红休埽尽从伊留待舞人归

前调 和凝

晓月坠宿云披银烛锦屏帷建章钟动玉绳低宫漏出花迟  
春态浅来双燕红日渐长一线严妆欲罢啜黄鹂飞上万年枝

前调 晏几道

莲叶雨蓼花风秋恨几枝红远烟收尽水溶溶飞鴈碧云中  
衷肠事鱼笺字情绪年年相似凭高双袖晓寒浓人在月桥东

前调 夏竦

霞散绮月垂钩帘卷未央楼夜凉银汉截天流宫阙锁清秋  
瑶台树金茎露凤髓香盘烟雾三千珠翠拥宸游水殿按凉州

前调 【又一体】 薛昭蕴

残蟾落晓钟鸣羽化觉身轻乍无春睡有余醒杏苑雪初晴  
紫陌长襟袖冷不是人间风景回看尘土是前生休羨谷中莺

前调 薛昭蕴

金门晓玉京春骏马骤轻尘桦烟深处白衫新认得化龙身  
九陌喧千户启满桂香风细杏园欢宴曲江滨自此占芳辰

前调 薛昭蕴

清明节雨晴天得意正当年马骄泥软锦连钱香半笼鞭  
花色融人竞赏尽是绣鞍朱鞅日斜无计更留连归路草和烟

前调 许棐

鸠雨细燕风斜春悄谢娘家一重帘外即天涯何必暮云遮  
钿金寒钗玉冷薄醉欲成还醒一春梳洗不簪花孤负几韶华

前调【又一体】 韦庄

人汹汹鼓冬冬襟袖五更风大罗天上月朦胧骑马上虚空  
香满衣云满路鸾凤遶身飞舞霓旌绛节一羣羣引见玉华君

前调 韦庄

街鼓动禁城开天上探人回凤衔金榜出门来平地一声雷  
莺已迁龙已化一夜满城车马家家楼上簇神仙争看鹤冲天

前调 周邦彦

梅雨霁暑风和高柳乱蝉多小园台榭远池波鱼戏动新荷  
薄纱轻羽扇枕冷簟凉深院此时情绪此时天无事小神仙

前调 周邦彦

白角簟碧纱梅雨乍晴初谢家池畔正清虚香散嫩芙蕖  
日流金风解愠一弄素琴歌韵慢摇纨扇诉花笺吟待晚凉天

前调【初夏】 夏言

临水阁倚风轩细雨熟梅天一池新水碧荷圆榴花红欲燃  
薄罗裳轻纨扇睡起绿阴满院曲阑斜转正闲凭何处玉箫声

前调【又一体】 晏殊

风转蕙露催莲莺语尚絺蚩尧莫随月欲团圆真驭降荷兰  
褰油幕调清乐四海一家同乐千官心在御炉香圣壽祝天长

前调 晏殊

歌敛黛舞萦风迟日象筵中分行珠翠簇繁红云髻袅珑璁  
金炉煖龙香远共祝尧龄万万曲终休解画罗衣留伴彩云飞

前调【又一体】 冯延巳

宿莺啼乡梦断春树晓朦胧残灯和烬闭朱栊人语隔屏风  
香已寒灯已絕忽忆去年离别石城花雨倚江楼波上木兰舟

前调 冯延巳

雾蒙蒙风淅淅杨柳带疎烟飘飘轻絮满南园墙下草芊絺  
燕初飞莺已老拂面春风长好相逢携酒且高歌人生得几何

前调 晏殊

烛飘花香掩烬中夜酒初醒画楼残照两三声窗外月朧明  
晓帘垂惊鹊去好梦不知何处南园春色已归来庭树有寒梅

前调 晏殊

曙河低斜月淡帘外早凉天玉楼清唱倚朱弦余韵入疎烟  
脸霞轻眉翠重欲舞钗钿摇动人人如意祝炉香万壽百千长

前调【又一体】 毛文锡

芳春景暖晴烟乔木见莺迁传枝偎叶语关关飞过绮丛间  
锦翼鲜金毳软百啭千娇相唤碧纱牕晓怕闻声惊破鸳鸯暖

前调【又一体残夜】 刘基

画角断篆香清斜月淡疎棂露寒霜冷鹊频惊归梦不曾成  
湖上数声沙鸟河汉渐低木杪起看北斗待天明云白日华生

前调 吴子孝

堤柳碧晓川长箫鼓荡春光画船十丈胜兰堂朱幕静焚香  
虎阜频游休厌携客徐登绀殿云边好鸟唤斜阳遶座远山苍

前调 吴子孝

山欲暝暮生寒游客尽知还高歌裊裊隔花坛犹自恋余欢  
惆怅真娘不见蔓草野花争艳谁家临水倚阑干笑我爱东山

前调 吴子孝

香雨霁梦云残携醉上春山山花应笑客长闲花好恰春阑  
山下溪流曲曲随意草痕新绿清歌相劝酒须乾山色遶朱栏

御选历代诗余卷十六

# 卷十七

<集部,词曲类,词选之属,御选历代诗余

钦定四库全书

御选历代诗余卷十七目錄【起四十七字至四十八字】

珠帘卷

欧阳修

望仙楼

晏几道

一落索【又一体】

贺铸

吕渭老

相思儿令

晏殊

忆少年【又一体】

曹组

万俟雅言

孙道绚

玉连环【又一体】

张先

向子諲

王世懋

圣无忧

欧阳修

贺圣朝

无名氏

前调【又一体】

黄庭坚

前调【又一体】

杜安世

前调【又一体】

杜安世

甘草子【又一体】

寇準

柳永【二首】

杨无咎

朝中措

欧阳修【二首】

周紫芝【三首】

葛郯



李祁

向子諲

蔡伸【二首】

赵师侠【五首】

赵长卿【三首】

张抡【六首】

朱敦儒

曾觌【六首】

杨无咎

侯寘【七首】

辛弃疾【五首】

范成大【三首】

陈三聘【二首】

黄公度【二首】

程垓【三首】

陆游【三首】

赵彦端

管监

闾邱次杲

马庄父

王炎【二首】

卢炳

沈端节

吴文英【三首】

张炎

完顏璫

高士谈

段成已

元好问【二首】

张雨

吴子孝【四首】

前调【又一体】

赵长卿

韩淲【七首】

吴洪【二首】

秋蕊香

晏殊【二首】

晏几道【二首】

张耒

周邦彦

方千里

杨泽民

赵希

吴文英【二首】

陈允平

黄铸

王从叔

御选历代诗余卷十七目錄

钦定四库全书

御选历代诗余卷十七【起四十七字至四十八字】

司经局洗马掌局事兼翰林院修撰加二级【臣】王奕清奉旨校刊

珠帘卷

【以欧阳修词起句为调名本双调四十七字或去起句云字今依六一词正之】

珠帘卷 欧阳修

珠帘卷暮云愁垂烟暗锁青楼烟雨蒙蒙如画轻风吹旋收  
香断锦屏新别人间玉簫初秋多少旧欢新恨书杳杳梦悠悠

望仙楼

【一名胡捣练双调四十七字】

望仙楼 晏几道

小春花信日边来未上江梅先拆今岁东君消息还自南枝得  
素衣染尽天香玉酒添成国色一自故溪疎隔肠断长相忆

一落索

【又一体双调四十七字】

一落索 贺铸

初见碧纱牕下绣寸波频溜错将黄晕压檀花翠袖掩纤纤手  
金缕一双红豆情通色授不应舞爱学垂杨甚长为春风瘦

前调 吕渭老

蝉带残声移别树晚凉房户秋风有意染黄花下几点凄凉雨  
渺渺双鸿飞去乱云深处一山红叶为谁愁供不尽相思句

相思儿令

【双调四十七字与相思引无涉】

相思儿令 晏殊

昨日探春消息湖上绿波平无奈绕堤芳草还向旧处生  
有酒且醉瑶觥更何妨檀板新声谁教杨柳千丝就中牵系人情

忆少年

【又一体双调四十七字与十二时之别名相辨者在後段之长短平仄也】

忆少年 曹组

年时酒伴年时去处年时春色清明又近也却天涯为客  
念过眼光阴难再得想前欢尽成陈迹登临恨无语把阑干暗拍

前调【陇首山】 万俟雅言

陇云溶曳陇山峻秀陇泉呜咽行行暂驻马已不胜愁絶  
上陇首凝眸天四阔更一声寒鴈凄切征书待寄远有知心明月

前调【送葛氏 宋媛侄女】 孙道绚

雨晴云敛烟花淡荡遥山凝碧驱车问征路赏春风南陌  
正雨後梨花幽艳白悔匆匆过了寒食归家渐春暮探酴醾消息

玉连环

【又一体双调四十七字前四十五字者即一落索之一体此比一落索前段多二字平仄亦异】

玉连环 张先

南园已恨归来晚芳菲满眼春工偏上好花多疑不向空枝暖  
惜恐红云易散丛丛看徧当时犹有蕊如梅向几日东风绽

前调 向子諲

春风断送前山雨行云归去朝来须信本无心回首了无寻处  
欲问个中去路阿谁能语澄江霁月却深知把此意都分付

前调 王世懋

青青无数金堤柳弄丝抛絮夕阳疎影那人家前岁紫骝曾驻  
惆怅白花飞处要留难住任他流水作浮萍花未去春先去

圣无忧

【一名乌夜啼四十七字观李煜乌夜啼词与欧阳修圣无忧词略无分别实一调而异名另立一调者非】

圣无忧 欧阳修

世路风波险十年一别须臾人生聚散长如此相见且欢娱  
好酒能消光景春风不染髭须为公一醉花前倒红袖莫来扶

贺圣朝

【本唐教坊乐名後以名词双调四十七字】

贺圣朝 无名氏

白露点晓星明灭秋风落叶故址颓垣冷烟衰草前朝宫阙  
长安道上行客依旧利深名切改变容颜消磨今古陇头残月

前调【又一体】 黄庭坚

脱霜披茜初登第名高得意樱桃荣宴玉池游领羣仙行缀  
佳人何事轻相戏道得之何济君家声誉古无双且均平为二

前调【又一体】 杜安世

牡丹盛拆春将暮羣芳羞妒几时流落在人间半闲仙露  
馨香艳冶吟看醉赏叹谁能留住莫辞持烛夜深深怨等闲风雨

前调【又一体】 杜安世

东君造物无凝滞芳容相替杏花桃萼一时开就中明媚  
绿丛金朵枝长叶细称花王相待万般堪爱暂时见了断肠无计

甘草子

【双调四十七字】

甘草子 寇準

春早柳丝无力低拂青门道暖日笼啼鸟初拆桃花小遥望碧天净如埽曳一缕轻寒缥缈堪  
惜流年对芳

草任玉壶倾倒

前调 柳 永

秋暮乱洒衰荷颗颗真珠雨雨过月华生冷彻鸳鸯浦池上凭阑愁无侣奈此个单栖情绪却  
傍金笼共鸂

鹉念粉郎言语

前调 柳 永

秋尽叶翦红绡砌菊遗金粉鴈字一行来还有边庭信飘散露华清风紧动翠幕晓寒犹嫩中

酒残妆慵整

顿聚两眉离恨

前调 杨无咎

秋暮永夜西楼冷月明牕户梦破橹声中忆在松江路敲枕试寻曾游处记历历风光堪数谁与浮家五湖

去尽醉眠秋雨

朝中措

【此调始於欧阳修平山堂一词後因李祁词有初见照江梅之句又一名照江梅双调四十八字】

朝中措 欧阳修

平山阑槛倚晴空山色有无中手种堂前杨柳别来几度春风  
文章太守挥毫万字一饮千钟行乐直须年少尊前看取衰翁

前调 欧阳修

暮山环翠绕层阑时节岁将残远鴈不传家信空能嘹唳云间  
客程无尽归心易感谁与忘年早晚临流凝望几帆催却风竿

前调【二妙堂落成招庐山】 周紫芝

大江流处是庐峰苍玉照晴空何事浅鬟浓黛却成烟雨溟蒙  
如今纵有云涛万顷翠巘千重传语云间五老一尊须要君同

前调 周紫芝

雨余庭院冷萧萧帘幕度微飈鸟语唤回残梦春寒勒住花梢  
无憀睡起新愁黯黯归路迢迢又是夕阳时候一炉沉水烟消

前调 周紫芝

黄昏楼阁乱栖鸦天末淡余霞风里一池杨柳月边满树梨花

阳台路远鱼沉尺素人在天涯想得小窗遥夜哀弦拨断琵琶

前调【送蔡定夫】 葛 邲

双鞬锦领出山西戎幕护旌旗横槊春风百咏临淮夜月千卮  
风流尊俎璚花破艳红药横枝赏尽竹西歌吹珠帘十里香迷

前调 李 祁

郎官湖上探春回初见照江梅过尽竹溪流水无人知道花开  
佳人何处江南梦远殊未归来唤取小丛教看隔江烟雨楼台

前调【王景源生日】 向子諲

满城腊雪净无埃触处是花开天上琼林珠树谁知夜半移来  
黄堂荐寿请君着意和气潜回化作一江春酒都将注入尊罍

前调 蔡 伸

章台杨柳月依依飞絮送春归院宇日长人静园林绿暗红稀  
庭花谢了行云散後物是人非惟有一襟清泪凭阑洒徧残枝

前调 蔡 伸

雨余清镜湛秋容屏展九华峰万里闲云散尽半规凉月当空  
楼高夜永凭阑笑语此际谁同端有妙人携手翛然归路凌风

前调【中秋麦湖舟中】 赵师侠

西风着意送归船家近总欣然去日梅开烂漫归时秋满山川  
京华倦客难堪羁思历尽愁边寄语姮娥休笑月圆人亦团圆

前调【山矾】 赵师侠

乱山春过雪成堆七里递香回蕊簇玲珑金粟花装碎屑玫瑰  
兰衰梅谢桃粗李俗谁与追随清绝殿春仙侣清风吹破荼蘼

前调【月季】 赵师侠



开随律琯度芳辰  
鲜艳见天真  
不比浮花浪蕊  
天教月月常新  
蔷薇颜色  
玫瑰态度  
宝相精神  
休数岁时月季  
仙家栏槛长春

前调【赠王宜之】 赵师侠

眉间黄色喜何如  
花县拜恩初  
五品荣颁命服  
十行祇奉天书  
萱堂绣阁均封  
大邑盛事同居  
此日银章朱绂  
行看玉带金鱼

前调【莆中共乐台】 赵师侠

斜阳留照有余红  
烟霭淡冥蒙  
麦陇青摇一望  
前山翠失双峰  
高台徙倚松飘逸  
韵梅减水容俯  
视尘寰如掌翮  
然我欲乘风

前调 赵长卿

乱山叠叠水泠泠  
南北短长亭  
客路如天杳杳  
归心特地宁宁  
春光荏苒花朝  
冷落酒伴飘零  
鬓影黄边渐绿  
烧?黑处重青

前调【讌曾端行南山楼】 赵长卿

柳林冪冪暮烟斜  
秋水浅平沙  
楼外碧天无际  
紫山断处横霞  
星稀渐觉东檐  
隐月凉到牕纱  
多少伤怀往事  
隔溪灯火人家

前调 赵长卿

征帆一缕转弯斜  
惊鹭起汀沙  
点点随风逆上  
满江飞破残霞  
楼前光景楼心  
红粉蝉翼轻纱  
却忆钱塘江上  
曲阑横槛他家

前调 张抡

吴淞江影漾清辉  
山远翠?微  
杨柳风轻日永  
桃花浪暖鱼肥  
东来西往随情  
任性本自无机  
何事沙边鸥鹭  
一声欸乃惊飞

前调 张抡

沙明波净小汀洲  
枫落洞庭秋  
红蓼白苹深处  
晚风吹转船头  
鲈鱼钓得银丝  
旋?白酒新篘  
一笑月寒烟暝  
人间万事都休

前调 张抡

鸣榔惊起鹭鸶飞山远水弥弥米贱茆柴酒美霜清螃蟹肥  
人生所贵逍遥快意此外皆非却笑东山太傅几曾梦见蓑衣

前调 张抡

红尘光景事如何扰扰利名多若问依家活计扁舟小笠轻蓑  
一尊美酒一轮皓月一弄山歌险甚掀天白浪未如人世风波

前调【雪景】 张抡

萧萧芦叶暮寒生雪压冻云平密洒一篷烟火惊鸿飞起沙汀  
收纶罢钓空江有浪短櫂无声便是天然图画何须妙手丹青

前调 张抡

灯花挑尽夜将阑斜掩小屏山一点凉蟾窥幔钏敲玉臂生寒  
起来无绪炉熏烬冷桐叶声乾都把沉思幽恨明朝分付眉端

前调 朱敦儒

当年挟弹五陵间行处万人看雪猎星飞羽箭春游花簇雕鞍  
飘零到此天涯倦客海上苍颜多谢江南苏小樽前怪我青衫

前调【赵知合生日】 曾觌

画堂帘卷兽香浓花上雪玲珑平地十洲三岛蟠桃已试春红  
清时旧德仙姿难老主眷方隆烂醉笙歌丛里年年先占春风

前调 曾觌

金沙架上日璁珑浓绿衬轻红花下两行红袖直疑春在壶中  
如今尚觉惜花爱酒依旧情浓无限少年心绪从教醉倒东风

前调 曾觌

休论社燕与秋鸿时节太匆匆海上一番微雨朱门浓绿阴中  
主人情厚金杯满泛且共从容莫问莺花俱老今朝犹是春风

前调 曾觌

西湖南北旧游空谁料一尊同回首四年间事浑如飞絮蒙蒙  
林花谢了明年春到依旧芳容惟有朱颜绿鬓暗随流水常东

前调【赠南剑瞿守】 曾 觌

双溪楼上凭阑时潏灩泛金卮醉倒闹花深处歌声遏住云飞  
风流太守鸾台家世玉监丰姿行奉紫泥褒诏要看击浪天池

前调【维扬感怀】 曾 觌

雕车南陌碾香尘一梦尚如新回首旧游何在柳烟花雾迷春  
如今霜鬓愁停短棹嬾傍清尊二十四桥风月寻思只有消魂

前调【茶词】 杨无咎

杯盘狼藉烛参差欲去未容辞春雪看飞金碾香云旋涌花鬘  
雍容四座矜夸一品重听新词归路清风两腋不妨轻捻银髭

前调【双头芍药】 侯 寘

翻阶红药竞芬芳着意巧成双须识扬州国艳旧时曾在昭阳  
盈盈背立同心对绾联萼飞香牢贮深沉金屋任教蝶困蜂忙

前调【建康大雪】 侯 寘

漏云初见六花开惊巧妒江梅飘洒元戎小队玉妆旌旆归来  
恩同化手春回陇亩懽倒尊罍记取明朝登览绿漪惟有秦淮

前调【谢郭道深惠菊有二小鬟】 侯 寘

露英云萼一般清揉雪更雕琼预喜重阳登览大家插帽浮觥  
分香减翠殷勤远寄珍重多情不似绮牕双艳向人解语倾城

前调 侯 寘

依微春绿徧江干烟水小屏寒惆悵鴈行南北新词不忍拈看  
从今寄取临风把酒役梦忘餐飞絮落花时候扁舟也到孤山

前调 侯 寘

风帘交翠篆香飘却暑卷轻绡最好佳辰相近寿觞对饮连宵  
仙翁未老云中跨凤台上吹箫看取他年荣事鱼轩入侍涂椒

前调【元夕上刘共甫】 侯寘

年来玉帐罢兵筹灯市小迟留花外香随金勒酒边人倚红楼  
沙堤此去传柑侍宴天上风流还记月华小队春风十里潭州

前调【为云庵寿】 侯寘

年年重午近佳辰符艾一番新满酌九霞奇醕寿君两鬓长春  
闺中秀美何如赋得林下精神早办荆钗布衲共为云水闲人

前调【醉归佑之第】 辛弃疾

篮舆嫋嫋破重冈玉笛两红妆这里都愁酒尽那边正和诗忙  
为谁醉倒为谁归去都莫思量白水东边离落斜阳欲下牛羊

前调 辛弃疾

夜深残月过山房睡觉北牕凉起遶中庭独步一天星斗文章  
朝来客话山林钟鼎那处难忘君向沙头细问白鸥知我行藏

前调【为人寿二首】 辛弃疾

年年黄菊艳秋风更有拒霜红黄似旧时宫额红如此日芳容  
青青未老尊前要看儿辈平戎试酿西江为寿西江緑水无穷

前调 辛弃疾

年年金蕊艳西风人与菊花同霜鬓经春重緑仙姿不饮长红  
焚香度日从容笑语尽调儿童一岁一杯为寿从今更数千鍾

前调【九日送杨世长赴南宫】 辛弃疾

年年团扇怨秋风愁絶玉杯空山下卧龙丰度台前戏马英雄  
而今休也花残一似人老花同莫怪东篱韵减只今丹桂香浓

前调 范成大

身闲身健是生涯何况好年华看了十分秋月重阳更插黄花  
消磨景物瓦盆社酿石鼎山茶饱吃红莲香饭依家便是仙家

前调 范成大

系船沽酒碧帘坊酒满胜鹅黄醉後西园入梦东风柳色花香  
水浮天处夕阳如锦恰似鲈乡中有忆人双泪几时流到横塘

前调 范成大

草堂春过一分余幽事酒醒初琴调细鸣焦木矢声不断铜壶  
关心药裹忘年蓑笠自着潜夫雨後长鑱东麓月明短艇西湖

前调 陈三聘

求田何处是生涯双鬓已先华随分夏凉冬暖赏心秋月春花  
吾年如此愁来问酒困後呼茶结社竹林诗老卜邻江上渔家

前调 陈三聘

去年曾醉杏花坊柳色间轻黄重觅旧时行迹春风满路梅香  
平沙岸草夫差故国知是吾乡梦断数声柔橹只应已过横塘

前调 黄公度

幽香冷艳缀疎枝横影卧霜溪清楚浑如南郭孤高絶似东篱  
岁寒风味黄花尽处密雪飞时不比三春桃李芳菲急在人知

前调 黄公度

屑瑶飞絮满层空人在广寒宫已觉楼台改观渐看桃李春融  
一城和气宾筵不夜舞态回风正是为霖手段南来先做年丰

前调【茶词二首】 程垓

华筵饮散撤芳尊人影乱纷纷且约玉骢留住细将团凤平分  
一瓯看取招回酒兴爽彻诗魂歌罢清风两腋归来明月千门

前调 程垓

龙团分罢觉芳滋歌彻碧云词翠袖且留纤玉沉香载捧冰盞  
一声清唱半瓯轻啜愁绪如丝记取临分余味图教归後相思

前调 程垓

片花飞後水东流无计挽春留香小谁栽杜若梦回依旧扬州  
破瓜年在娇花艳冶舞柳纤柔莫道刘郎霜鬓才情未放春休

前调 陆游

怕歌愁舞嬾逢迎妆晚托春醒總是向人深处当时枉道无情  
关心近日啼红密诉翦緑深盟杏馆花阴恨浅画堂银烛嫌明

前调 陆游

冬冬雉鼓饯流年烛焰动金船彩燕难寻前梦醉花空点春妍  
文园谢病兰成久旅回首凄然明月梅花笛夜和风禹庙莺天

前调 陆游

幽姿不入少年場无语只凄凉一个飘零身世十分冷淡心肠  
江头月底新诗旧梦孤恨清香任是春风不管也曾先识东皇

前调 赵彦端

山矾风味更梨花清白竞春华试问西园春夜何如山崦人家  
楚东千嶂吴江一棹云路非賒惟有相思南地可怜淡月朝霞

前调【立夏日观茶蘼作】 管 监

一年春事到茶蘼何处更花开莫趁垂杨飞絮且随红药翻阶  
倦游老矣肯因名宦孤负衔杯寄语故园桃李明年留待归来

前调【浮云堂】 闾丘次皋

横江一抹是平沙沙上几千家到得人家尽处依然水接天涯  
危栏送目翩翩去鷁点点归鸦渔唱不知何处都应只在芦花

前调【竹】 马庄父

龙孙脱颖破苔纹英气欲凌云深处未须留客春风自掩柴门  
蒲团宴坐轻敲茶臼细扑炉熏弹到琴心三叠鹧鸪啼傍黄昏

前调【九月末水仙开】 王 炎

蔷薇露染玉香肌欲试缕金衣一种出尘丰度偏宜月伴风随  
初疑邂逅湘妃洛女似是还非只恐乘云轻举翩然飞度瑶池

前调 王 炎

杜鹃声断日曈曨过雨湿残红老色菱花影里客愁蕉叶声中  
柳梢飞絮桃梢结子断送春风莫恨春无觅处明年还醉芳丛

前调 卢 炳

晚来天气十分凉时候近重阳村落人家潇洒篱边黄菊芬芳  
年来渐觉诗肠愈窄酒量偏狂好景不须放过何妨一醉千觞

前调【平山】 沈端节

天遥野阔鴈书空山远暮云中目断江南烟雨闲来敲枕春风  
功名富贵何须计较烟际疎钟解道浅妆浓抹从来惟有坡翁

前调【赠赵梅壑】 吴文英

吴山相对越山青湘水一春平粉字情深题叶红波香染浮萍  
朝云暮雨玉壶尘世金屋瑶京晚雨西陵潮汛沙鸥不似身轻

前调【题阌室道女扇】 吴文英

林皋相遇笑盈盈江碧远山青露重寒香有恨月明秋佩无声  
银灯炙了金炉烬暖真色罗屏病起十分清瘦梦阑一寸春情

前调【闻桂香】 吴文英

海东明月锁云阴花在月中心天外幽香清漏人间仙影难寻  
并刀翦叶一枝晓露绿鬓曾簪惟有别时难忘冷烟疎雨秋深

前调 张 炎

清明时节雨声譁潮拥渡头沙翻破梨花冷看人生苦恋天涯  
燕帘莺户云窗雾阁酒醒啼鸦折得一枝杨柳归来插向谁家

前调 完顏璫

襄阳古道灞陵桥诗兴与秋高千古风流人物一时多少英豪  
霜清玉塞云飞陇首风落江皋梦到凤凰台上山围故国周遭

前调 高士谈

琅琊山色最清雄心赏待衰翁路转峰回如画新亭半湿青红  
风流宾从清闲岁月且共从容莫笑尊前老大犹堪管领春风

前调【偶出见墙头杏花】 段成已

无言脉脉怨春迟一种可怜枝最是难忘情处墙头微露些儿  
十分细看风流却在一半开时正要东风擡举莫教吹破胭脂

前调【瑞香】 元好问

御香生拆紫囊封苒苒绿云丛开晚只嗔寒勒妆成又怕晴烘  
化工也为花中第一熏染偏浓谁有石家红锦重重围住春风

前调 元好问

春闺寂寂掩苍苔风雨卷春回拟写碧云心事笔头无句安排  
灯昏酒冷愁牵梦引直似秋怀料得醺醺知我枕边时有香来

前调 张雨

草堂移住古城隈堂後水平阶要结柴桑邻里不须鸥鹭惊猜  
行?竹里园官菜把野老山杯说与定巢新燕杏花开了重来

前调【月中与客游虎丘】 吴子孝

月华化作水晶宫万顷素光融却羡虎丘楼阁参差矗起天中  
试登絶顶星低近户夜永无风沙浦一声归鴈石坛几树疎桐

前调 吴子孝



壶山近在月明中鞭鹤上层空鹤背独携玉笛夜深吹向霜风  
鸾坡旧侣玉堂新梦茂苑相逢归去紫皇宫阙飘然同跨飞虹

前调【雨後泊虎丘无月】 吴子孝

断云残月夕阳天菱碧小溪边画鼓惊飞浴鹭兰桡划破轻烟  
停杯试听歌传白雪箏语朱弦桥畔绿杨叶暗船头红藕花鲜

前调 吴子孝

山空花落不逢僧台殿陟层层鹤涧云华犹冪劒池水气如蒸  
桂蟾不见管弦相逐高兴难胜夜半上方闻呗千枝宝塔然灯

前调【又一体】 赵长卿

别来无事不思量霜日最凄凉凝想倚阑干处攒眉应为萧郎  
梅花岂管人消瘦只恁自芬芳寄语行人知否梅花得似人香

前调 韩 淲

池塘春草燕飞飞人醉牡丹时多少姚黄魏紫搦成腻粉臙脂  
谪仙醉把平章看晴影度帘迟花外一声鶗鴂柳边几个黄鹂

前调【和吴子似】 韩 淲

春浓人静倦游嬉烟雨战棠梨翠径乱红无数频听啼上黄鹂  
小园流水溅溅处绿徧谢家池怨月恨花滋味泪?犹染罗衣

前调 韩 淲

扁舟撑月转江湖烟水湛金铺篷底晓凉歌罢肌肤冰雪初扶  
诗人自是风尘表佳处句能摹属玉一双飞去荷花香动菰蒲

前调 韩 淲

谁翻新曲玉溪滨何日得为邻醉里行歌相答步随泉石松云  
如今又是梅时候只有眼中人魂断幽香孤影花间闲整衣巾

前调 韩 淲

水南何事兴偏浓  
花草小园中山气静分余霭  
泉声幽转流淙  
午桥坐上英豪客  
今昔为谁容  
不是倚楼人在登临  
无地携筇

前调 韩 澆

霓裳霞佩淡丰容  
云冷露华浓  
唤起石丁归去  
冥冥仙仗崆峒  
人间秋老花饶笑  
清映小帘栊  
记取五城深处  
玉箫吹下天风

前调【九日席上】 韩 澆

年年羞插菊花游  
华发不禁秋  
此日遨头寻胜  
消除万斛清愁  
湿云凉雨南台上  
歌动玉溪流  
俯仰人间今古  
多情破帽飕飕

前调【壽王济之】 吴 洪

五湖烟水百花洲  
风月漾扁舟  
共羨山中宰相  
清时啸傲林丘  
名园綠水春无价  
怡老足觥筹  
眉寿年年今日  
冰壶玉监横秋

前调【题五同会图】 吴 洪

苍顏綠鬢并吴侬  
五老一尊同  
要识岁寒心事  
疎梅瘦竹长松  
鴈行鹭序肩随  
好谈笑漫从容  
但愿人生长久  
年年得似图中

秋蕊香

【双调四十八字与秋蕊香引以六十字为调者不相涉】

秋蕊香 晏 殊

梅蕊雪残香瘦  
罗幙轻寒微透  
多情只似春杨柳  
占断可怜时候  
萧娘劝我杯中酒  
翻红袖金乌玉兔长飞走  
争得朱顏依旧

前调 晏 殊

向晓雪花呈瑞  
飞徧玉城瑶砌  
何人翦碎天边桂  
散作瑶田琼蕊  
萧娘敛尽双蛾翠  
回香袂今朝有酒今朝醉  
遮莫更长无睡

前调 晏几道

池苑清阴欲就还傍送春时候眼前人去欢难偶谁共一杯芳酒  
朱阑碧砌皆如旧记携手有情不管别离久情在相逢终有

前调 晏几道

歌彻郎君秋草别恨远山眉小无情莫把多情恼第一归来须早  
红尘自古长安道故人少相思不比相逢好此别朱颜应老

前调 张耒

帘幙疎疎风透一綫香飘金兽朱阑倚徧黄昏後廊上月华如昼  
别离滋味浓如酒着人瘦此情不及墙东柳春色年年依旧

前调 周邦彦

乳鸭池塘水暖风紧柳花迎面午妆粉指印腮眼曲里长眉翠浅  
闻知社日停针线探新燕宝钗落枕梦魂远帘影参差满院

前调【和清真韵】 方千里

一枕盘莺锦暖初起嬾匀妆面緑云袅娜映娇眼酒入桃腮晕浅  
翠帘半卷香篆线碍飞燕画屏浅立意闲远春锁緑沉小院

前调【和清真韵】 杨泽民

向晓银屏香暖宿蕊犹残娇面红尘一缕透腮眼恨入春山黛浅  
短书封了凭金线系双燕良人贪逐利名远不忆幽花静院

前调 赵希

髻稳冠宜翡翠压鬟彩丝金蕊远山碧浅蘸秋水香暖榴裙衬地  
亭亭二八余年纪恼春意玉云凝重步尘细独立花阴宝砌

前调【落桂】 吴文英

宝月惊尘堕晓愁锁空枝残照古苔几点露萤小销减秋光旋少  
佩丸尚忆春酥裹故人老断香忍和泪?埽魂返东篱梦杳

前调【七夕】 吴文英

嬾浴新凉睡早雪压酒红侵笑倚楼起把绣针小月冷秋波梦觉  
怕闻井叶西风到恨多少粉河不语堕秋晓行雨人间未了

前调【和清真韵】 陈允平

晚酌宜城酒暖玉软嫩红娇面醉中窈窕度娇眼不识愁深愁浅  
绣牕一缕香绒线系双燕海棠满地夕阳远明月笙歌别院

前调 黄铸

花外数声风定烟际一痕月净水晶屏小敲翠枕院静鸣蝉相应  
香销斜掩青铜镜背灯影空砧夜半和鸿阵秋在刘郎绿鬓

前调【和清真韵】 王从叔

薄薄罗衣乍暖红入酒痕潮面絮花舞倦带娇眼昨夜平堤水浅故人信断风筝线误归燕梦  
魂不怕山路远无奈棋声隔院

御选历代诗余卷十七

# 卷十八

钦定四库全书

御选历代诗余卷十八目录【四十八字】

锦堂春

赵令畤

卢祖皋【三首】

陆游【七首】

李肩吾

刘迎【四首】

人月圆

王诜

赵鼎

吴激

赵孟頫

刘因

倪瓚【二首】

前调【又一体】

杨无咎

前调【又一体】

杨无咎

武陵春【又一体】

晏几道【二首】

毛滂【四首】

谢逸

赵师侠

赵长卿【二首】

辛弃疾

卢炳

魏氏

赵秋官妻

葛一龙

南唐浣溪纱

南唐李璟【二首】

和凝【二首】

毛文锡

贺铸【三首】

毛滂【二首】

周紫芝【二首】

陈克

辛弃疾【七首】

楼钥

黄机

高观国

许棐

石孝友

李清照

杨慎【三首】

张大烈

唐世瀚

陈继儒【二首】

冯鼎臣

眼儿媚

贺铸

王雱

吕渭老

宋齐愈

赵长卿【六首】

张元干

曾觌【二首】

左誉

侯寘

范成大

黄公度

赵彦端【二首】

陆游

陈亮

黄机【二首】

洪咨夔

高观国

史达祖

韩淲【三首】

方岳

尹焕

周密

石孝友

薛梦桂

曾揆

汪元量

朱淑真



无名氏【三首】

许古

张大烈

前调【又一体】

程垓

葛立方

无名氏

御选历代诗余卷十八目录

钦定四库全书

御选历代诗余卷十八【四十八字】

司经局洗马掌局事兼翰林院修撰加二级臣王奕清奉旨校刊

锦堂春

【一名上西楼一名秋夜月一名忆真妃一名乌夜啼双调四十八字又有以本调与乌夜啼分作二调按之实无分别则与相见欢圣无忧之别名无异非另有乌夜啼也】

锦堂春 赵令畤

楼上萦帘弱絮墙头碍月低花年年春事关心事肠断欲栖鸦  
舞镜鸾衾翠减啼珠凤蜡红斜重门不锁相思梦随意绕天涯

前调 卢祖皋

柳色津头泣绿桃花渡口啼红一春又负西湖醉离恨雨声中  
客袂迢迢西塞余寒翦翦东风谁家拂水飞来燕惆怅小楼空

前调 卢祖皋

漾暖纹波颭颭吹晴丝雨蒙蒙轻衫短帽西湖路花气扑春骢  
鬬草褰衣湿翠秋千瞥眼飞红日长不放春醪困立尽海棠风

前调 卢祖皋

段段寒沙浅水萧萧暮雨孤篷香罗不共征衫远砧杵客愁中  
别恨慵看杨柳归期暗数芙蓉碧梧声到纱牕晓昨日几秋风

前调 陆游

园馆青林翠樾衣巾细葛轻纨好风吹散霏微雨沙路喜新乾  
小燕双飞水际流莺百啭林端投壶声断弹棋罢闲展道书看

前调 陆游

金鸭余香尚暖绿牕斜日偏明兰膏香染云鬟腻钗滑坠无声  
冷落秋千侣伴阑珊打马心情绣屏惊断潇湘梦花外一声莺

前调 陆游

素意幽栖物外尘缘浪走天涯归来犹幸身强健随分作山家  
已趁余寒泥酒还乘小雨移花柴门尽日无人到一径傍谿斜

前调 陆游

檐角楠阴转日楼前荔子吹花鹧鸪声里霜天晚叠鼓已催衙  
乡梦时来枕上京书不到天涯邦人讼少文移省闲院自煎茶

前调 陆游

我校丹台玉字君书蕊殿云篇锦官城里重相遇心事两依然  
携酒何妨处处寻梅共约年年细思上界多官府且作地行仙

前调 陆游

从宦元知漫浪还家更觉清真兰亭道上多修竹随处岸纶巾  
泉冽偏宜雪茗杭香雅称丝尊翛然一饱西牕下天地有闲人

前调 陆游

纨扇婵娟素月纱巾缥缈轻烟高槐叶长陰初合清润雨余天  
弄笔斜行小草鈎帘浅醉闲眠更无一点尘埃到枕上听新蝉

前调 李肩吾

径蘚痕沿碧甃檐花影压红阑今年春事浑无几游冶嬾情慳  
旧梦莺莺沁水新愁燕燕长干重门十二帘休卷三月尚春寒

前调 刘迎

离恨远萦杨柳梦魂长绕梨花青山记得章台月归路玉鞭斜  
翠镜啼痕印袖红墙醉墨笼纱相逢不尽平生事春思入琵琶

前调 刘迎

菱镜玉笼秋月蕙炉银叶朝云宿醒人困屏山梦烟树小江村  
翠甲未消兰恨粉香不断梅魂离愁分付残春雨花外泣黄昏

前调【西湖】 刘迎

水漫汀洲新綠云开崦嶂微青残红不见成陰後鷓鴣寂无声  
笑傲坡公一梦风流杜牧三生西湖依旧人中意来去竟难凭

前调 刘迎

墙角含霜树静楼头作雪云垂鈎帘鹊噪空庭晚坐看月来时  
异域书迷鴈足幽闺镜掩虫丝一宵两地肠千转惟有梦魂知

人月圆

【本王诂词内句爲调名一名青衫湿取吴激词中语也双调四十八字】

人月圆 王诂

小桃枝上春来早初试薄罗衣年年此夜华灯竞处人月圆时  
禁街箫鼓寒轻夜永纤手同携夜阑人静千门笑语声在帘帟

前调 赵鼎

连环宝瑟深深愿结尽一生愁人间天上佳期胜赏今夜中秋  
雅歌妍态嫦娥见了应美风流芳尊美酒年年岁岁月满高楼

前调【宴张侍御家有感】 吴 激

南朝千古伤心地还唱後庭花旧时王谢堂前燕子飞入人家  
恍然一梦仙肌胜雪宫鬓堆鸦江州司马青衫泪湿同是天涯

前调 赵孟頫

一枝仙桂香生玉消得唤卿卿缓歌金缕轻敲象板倾国倾城  
几时不见红裙翠袖多少闲情想应如旧春山淡淡秋水盈盈

前调 刘 因

自从谢病修花史天意不容闲今年新授平章风月捡按云山  
门前报道麴生来谒子墨相看先生正尔天张翠盖山拥云鬟

前调 倪 瓚

伤心莫问前朝事重上越王台鹧鸪啼处东风草绿残照花开  
怅然孤啸青山故国乔木苍苔当时明月依依素影何处飞来

前调 倪 瓚

惊回一枕当年梦渔唱起南津画屏云嶂池塘春草无限消魂  
旧家应在梧桐覆井杨柳藏门闲身空老孤篷听雨灯火江村

前调【又一体】 杨无咎

风和日暖余烟嫩侧侧透鲛绡相逢且喜人圆玳席月满丹霄  
烂游胜赏高低灯火鼎沸笙箫一年三百六十日愿长似今宵

前调【又一体】 杨无咎

月华灯影光相射还是元宵也绮罗如画笙歌递响无限风雅  
闹蛾斜插轻衫乍试闲趁游冶百年三万六千夜愿长似今夜

武陵春

【双调四十八字】

武陵春 晏几道

綠蕙红兰芳信歇金蕊正风流应为诗人多怨秋花意与销愁  
梁王苑路香英密长记旧嬉游曾看飞琼戴满头浮动舞凉州

前调 晏几道

烟柳长堤知几曲一曲一魂消秋水无情天共遥愁送木兰桡  
熏香绣被心情嬾期信转迢迢记得来时倚画桥红泪满蛟绡

前调 毛滂

维岳分公英特气方丈拂长虹丙魏萧曹總下风千载友夔龙  
宝熏裊翠昏帘绣嘉颂佩绅同不用黄精埽鬓中元是黑头翁

前调 毛滂

迎得春来闻好语贺燕立帘鉤转蕙光风柳弄柔喜气与春游  
万钱珍鼎期公饭天自寿留侯文物昇平速置邮江左属风流

前调 毛滂

银浦流云初度月空碧挂团团照夜珠胎贝阙寒光彩满长安  
春风爲拂新沙路珂马欵天关篆印金窠红屈盘嵬 押千官

前调 毛滂

风过冰檐环佩响宿雾在华茵賸落 花衬月明嫌怕有纤尘  
凤口衔灯金炫转人醉觉寒轻但得清光解照人不负五更春

前调【茶】 谢逸

画烛笼纱红影乱门外紫骝嘶分破云团月影亏雪浪皱清漪  
捧盃纤纤春笋瘦乳雾泛冰甃两腋清风拂?飞归去酒醒时

前调【和王叔度桃花】 赵师侠

一阵晓风花信早先到小桃枝冉冉红云映翠微开宴忆瑶池  
零乱分飞贪结子芳径自成蹊消得刘郎去路迷肠断武陵溪

前调 赵长卿

又是新逢三五夜瑞气霭氤氲万点灯和月色新桃李倍添春  
花县主人情思好行乐逐良辰满引千锺酒又醇歌韵动梁尘

前调 赵长卿

落了丹枫残了菊秋色苦无多谁唤西风泣泪罗吹恨入星河  
碧玉钗头金粟闇曾插翠云窝重揉檀英忆月娥无奈冷香何

前调【春兴】 辛弃疾

桃李风前多妩媚杨柳更温柔唤取笙歌烂漫游且莫管闲愁  
好趁晴时连夜赏雨便一春休草草杯盘不要收才晚又扶头

前调【江梅盛开为风雨所妒】 卢炳

常记江南春欲到消息付南枝疎影横斜照水时月淡暗香迟  
可惜江头千树玉雨暗更风欺传语东君管领伊憔悴有谁知

前调【别情 宋媛】 魏氏

小院无人帘半卷独自倚阑时宽尽春来金缕衣憔悴有谁知  
玉人近日音书少应是怨来迟梦里长安早晚归和泪立斜晖

前调【岐阳邮亭】 赵秋官妻

人道有情还有梦无梦岂无情夜夜思量直到明有梦怎教成  
昨夜偶然来梦里隣笛又还惊笛韵凄凄不忍听总是断肠声

前调【独夜】 葛一龙

深锁楼台何处是烟暗雨冥冥花动风枝犬吠声疑是有人行  
今夕不知何夕也添却许多更倍觉秋天不肯明愁从酒畔生

南唐浣溪纱

【双调四十八字一名山花子又名摊破浣溪纱以摊破名者就浣溪纱结句破七字爲十字也称南唐者以李璟词细雨小楼二句脍炙人口得名也】

南唐浣溪纱 南唐李璟

菡萏香消翠叶残西风愁起緑波间还与韶光共憔悴不堪看  
细雨梦回鷄塞远小楼吹彻玉笙寒多少泪珠何限恨倚阑干

前调 南唐李璟

手卷真珠上玉鈎依前春恨锁重楼风里落花谁是主思悠悠  
青鸟不传云外信丁香空结雨中愁回首緑波三峡暮接天流

前调 和 凝

莺锦蝉纱馥麝脐轻裾花草晓烟迷鸂鶒战金红掌坠翠云低  
星靨笑偎霞脸畔蹙金开?衬银泥春思半和芳草嫩碧萋萋

前调 和 凝

银字笙寒调正长水纹簟冷画屏凉玉腕重重金扼臂淡梳妆  
几度试香纤手暖一回尝酒绦唇光佯弄红丝绳拂子打檀郎

前调 毛文锡

春水轻波浸緑苔枇杷洲上紫檀开晴日眠沙鸂鶒稳?相偎  
罗幃生尘游女过有人逢着弄珠回兰麝飘香初解佩忘归来

前调 贺 铸

锦荐朱丝瑟瑟徽玉纤新拟凤双飞缥缈烛烟花冪暗就更衣  
约略整环钗影动迟回顾步佩声微宛是春风蝴蝶舞带香归

前调 贺 铸

节物侵寻迴暮迟可胜摇落长年悲回首五湖乘兴地负心期  
惊鴈失行风翦翦冷云成阵雪垂垂不?尊前泥样醉个能痴

前调 贺 铸

双凤箫声隔彩霞朱门深闭七香车何处探春寻旧约谢娘家  
旖旎细风飘水麝玲珑浅雪漾山茶饮罢西厢帘影外玉蟾斜

前调 毛滂

日转堂阴一綫添使君和气作春妍祇有北山轻带雪见丰年  
残月夜来收不尽行云早起更留连急翦垂杨迎秀色到牕前

前调 毛滂

雨色留香绕坐中映阶疎竹一丛丛不奈晚来萧瑟意子猷风  
潋灩满倾金凿落淋漓从湿绣芙蓉吸尽百川天上去看长虹

前调 周紫芝

苍壁新敲小凤团赤泥开印煮清泉醉捧纤纤双玉笋鹧鸪斑  
雪浪溅翻金缕?松风吹醒玉酡颜更待微甘回齿颊且留连

前调 周紫芝

门外青骢月下嘶映阶笼烛画帘垂一曲阳关声欲尽不多时  
凤饼未残云脚乳水沉催注玉花甃忍看捧瓯春笋露翠鬟低

前调 陈克

松漫梳头浅画眉乱莺残梦起多时不道小庭花露湿翦酴醾  
帘额好风低燕子牕油晴日打蜂儿翠袖粉牋闲弄笔写新诗

前调 辛弃疾

酒面低迷翠被重黄昏院落月朦胧堕髻啼妆孙寿醉泥秦宫  
试问花留春几日略无人管雨和风瞥向绿珠楼下见坠残红

前调【简傅岩叟】 辛弃疾

总托平生入醉乡大都三万六千场今古悠悠多少事莫思量  
微有些寒春雨好更无寻处野花香年去年来还又笑燕飞忙

前调【谢饗名花鲜葦次前韵】 辛弃疾



杨柳温柔是故乡纷纷蜂蝶去年场大率一春风雨事最难量  
满把携来红粉面堆盘更觉紫芝香幸是麴生闲去了又教忙

前调【病起独坐】 辛弃疾

强欲加餐竟未佳只宜长伴病僧斋心似风吹香篆过也无灰  
山下朝来云出岫随风一去未曾回次第前村行雨了合归来

前调【酬春】 辛弃疾

?杏夭桃两行排莫携歌舞去相催次第未堪供醉眼去年栽  
春意才从梅里过人情都向柳边来咫尺东家还又有海棠开

前调【谢惠瑞香次前韵】 辛弃疾

句里明珠字字排多情应也被春催怪得名花和泪送雨中栽  
赤脚未安芳斛稳蛾眉早把橘枝来报道锦熏笼底下麝脐开

前调 辛弃疾

日日闲看燕子飞旧巢新垒画帘低玉历今朝推戊巳却衔泥  
先自春光留不住那堪更着子规啼一阵香风吹不断落花溪

前调【双桧堂】 楼 钥

夏半阳乌景最长小池不断藕花香电影雷声催急雨十分凉  
芡剥明珠随意嚼瓜分琼玉趁时尝双桧堂深新釀好且传觞

前调 黄 机

流转春光又一年春愁尽日两眉尖草草幽欢能几许已天边  
会得音书生羽翼免教魂梦役关山帘卷落花千万点雨如烟

前调【七夕】 高观国

嫋嫋天风响佩环鹊桥有女夜乘鸾也恨别多相见少似人间  
银浦无声云路渺金风有信玉机闲生怕河梁分袂处晓光寒

前调 许 棐

按柳揉花旋染衣  
丝丝红翠扑春晖  
罗绮丛中无此艳  
小西施腰细最便围  
舞屣袖寒时复罩  
香奁误点一痕残  
粉泪怕人知

前调 石孝友

落日秋风岭上村  
全稀过鴈少行人  
正是悲伤愁絶处  
更黄昏漠漠野烟生  
碧树漫漫衰草际  
黄云借使昔人行  
到此也销魂

前调 【宋媛】 李清照

病起萧萧两鬓华  
卧看残月上牕纱  
豆蔻连梢煎热水  
莫分茶枕上诗篇闲  
处好门前风景雨来  
佳终日向人多蘊藉  
木樨花

前调 【春日】 杨 慎

灩灩波光緑似醅  
茸茸草色嫩如苔  
只有轻寒浑不定  
晚还来落梅村里昏  
鸦远摆柳风前候鴈  
回明日新晴堪眺望  
上春台

前调 【咏红边分心小山茶】 杨 慎

瑞雪晴林暮霭消  
锦云香坞彩霞飘  
絶代佳人空谷里  
路迢迢鹤顶研砂添  
赤髓猩唇殢酒晕  
红潮小朵分心堪采  
掇当琼瑶

前调 【咏同心山茶】 杨 慎

嫋嫋同心巧笑分  
粉霞红绶藕丝裊  
软翠柔蓝擎不定  
晓妆匀醉露屏前  
双朵朵舞风庭下一  
羣羣不肯嫣然回  
一顾爲思君

前调 【弹箏】 张大烈

金徽提拨锦生辉  
鸾凤和鸣韵欲飞  
激发凄清冰月冷  
振帘衣指箏离弦  
花影动步莲按节  
蹋香微疑是游蜂  
酿阵後散声希

前调 唐世瀚

寂寂闲庭雨乍晴  
緑陰如幄午风轻  
几转柳塘迷断岸  
野桥平满架蔷薇  
花欲谢趁风燕子  
掠浮萍慵卧小牕  
惊唤醒被流莺

前调 【花下】 陈继儒

晏起还嗔中酒时玉牌分得牡丹枝花下自调新乐府写乌丝  
付与紫衣传别院夜来翻入管弦吹吹得老夫重醉也有情痴

前调【初夏夜饮归】 陈继儒

桐树花香月半明櫂歌归去蟋蟀鸣曲曲柳湾茅屋矮挂鱼罾  
笑指吾庐何处是一池荷叶小桥横灯火纸牕修竹里读书声

前调【郊行】 冯鼎位

迟日青鞵缓轡行轻寒轻暖弄春晴细草平沙花夹道有啼莺  
嫩绿翻风烟样软小溪过雨镜般明归近黄昏新月起晚霞生

眼儿媚

【一名秋波媚一名小阑干双调四十八字宋人起句平仄稍有异同然通篇自是一定与朝  
中措迥别混入者非】

眼儿媚 贺铸

萧萧江上荻花秋做弄许多愁半竿落日两行新鴈一叶扁舟  
惜分此去应难遇直待醉时休今宵眼底明朝心上後日眉头

前调 王雱

丝丝杨柳弄轻柔烟缕织成愁海棠未雨梨花先雪一半春休  
而今往事难重省归梦绕秦楼相思只在丁香枝上豆蔻梢头

前调 吕渭老

琅玕循环粉沾衣一片子规啼蓬壶梦短蜀衾香远愁损腰肢  
石城堂上双双燕应傍莫愁飞春江艇子雪中梅下知与谁期

前调【梅词应制】 宋齐愈

霏霏疎影转征鸿人语暗香中小桥斜渡曲屏深院水月蒙蒙  
人间不是藏春处玉笛晓霜空江南处处黄垂密雨绿涨薰风

前调 赵长卿

一鈎新月照西楼清夜思悠悠那堪更被征鸿嘹唳拌惹离愁  
倚阑不语情如醉都寄两眉头从前只爲惜他伶俐举措风流

前调 赵长卿

槐陰密处转黄鹂午日正长时一番过雨綠荷池面冷浸琉璃  
红尘不到华堂里纤楚对蛾眉笑偎人道新词觅个美底腔儿

前调 赵长卿

东沧危观暮江前几醉使君筵少年俊气曾将吟笔买断江天  
重来细把朋游数回首一辛酸兰成已老文园多病负此江山

前调 赵长卿

当年策马过钱塘曲径入幽篁繁红酺白娇莺姹燕争唤何郎  
而今又客东风里浑不似寻常只愁别後月房云洞啼损红妆

前调 赵长卿

先来客路足伤悲那更话分离玉驄也解知人欲去骧首频嘶  
马蹄动是三千里後会莫相违切须更把丁香珍重待我归期

前调 赵长卿

南枝消息杳然间寂寞倚雕阑紫腰艳艳青腰裊裊风月俱闲  
佳人环佩玉阑珊作恶探花还玉纤捻粟櫻唇呵粉愁点眉弯

前调 张元干

萧萧疎雨滴梧桐人在绮牕中离愁徧绕天涯不尽却在眉峯  
娇波暗落相思泪流破脸边红可怜瘦似一枝春柳不禁东风

前调 曾覲

清明花近晚风寒锦幄兽香残醺醺醉里匆匆相见重听哀弹  
春情入指莺声碎危柱不胜弦十分得意一場轻梦淡月阑干

前调 曾覲

离觞重劝泪相看寂寞上征鞍临行欲话风流心事万绪千端  
春光漫漫人千里归梦遶长安不堪向晚孤城吹角回首关山

前调 左 誉

黄昏楼上杏花寒斜月小阑干一双燕子两行征鴈画角声残  
绮牕人在东风里洒泪对春闲也应似旧盈盈秋水淡淡春山

前调 侯 寘

花信风高雨又收风雨互迟留无端燕子怯寒归晚闲损帘钩  
弹棋打马心都嬾撙掇上春愁推书就枕鳬烟淡淡蜨梦悠悠

前调【萍乡道中】 范成大

酣酣日脚紫烟浮妍暖破轻裘困人天气醉人花气午梦扶头  
春慵恰似春塘水一片縠纹愁溶溶曳曳东风无力欲皱还休

前调【调梅和傅参议韵】 黄公度

一枝雪里冷光浮空自许清流如今憔悴蛮烟瘴雨谁肯寻搜  
昔年曾共孤芳醉争插玉钗头天涯幸有惜花人在杯酒相酬

前调【梅】 赵彦端

黄昏小宴使君家梅粉试春华暗香素蕊横枝疎影月淡风斜  
更烧红烛枝头挂粉蜡鬪香賒元宵近也小园先试火树银花

前调【建安作】 赵彦端

依家风物似山家梅老鬓丝华几回记得攀翻琪树醉帽敲斜  
冷香不断春千里归路本非賒有人却道使君犹健看徧余花

前调 陆 游

天花曾散蕊珠宫一念堕尘中铅华洗尽珠玑不御道骨仙风  
东游我醉骑鲸去君驾素鸾从垂虹看月天台采药更与谁同

前调 陈 亮

试灯天气又春来难说是情怀寂寥聊似扬州何逊不爲江梅  
扶头酒醒炉香地心绪未全灰愁人最是黄昏前後烟雨池台

前调 黄机

粉墙朱阁映垂杨晴緑小池塘东风扬暖单衣初试昼日偏长  
鬢松两鬓飞云影钿合未梳妆阑干侧畔闲抛荔子惊散鸳鸯

前调 黄机

东风轻雨苦无端侧侧送轻寒那堪更向湘湾六六浅处留船  
诗?酒戏成孤负春事已阑珊离愁多在落花枝上杜宇声边

前调 洪咨夔

平沙芳草渡头村緑徧去年痕游丝上下流莺来往无限消魂  
绮牕深静人归晚金鸭水沉温海棠影下子规声里立尽黄昏

前调 高观国

轻云终被断云留不肯放春愁翠楼旧倚粉墙重见歌酒风流  
今朝毕竟吟情淡芳意未全酬东风向晚莺花有意吹转船头

前调 史達祖

几家七十二鸳鸯珠佩锁瑶箱期花等月秦楼吹笛贾?传香  
十年白玉堂前见直是翦柔肠将愁去也不成今世终误王昌

前调 韩 淲

东风拂檻露犹寒花重湿阑干淡云殢日晨光微透帘幕香残  
陰晴不定瑶阶润新恨觉心阑凭高望断緑杨南陌无限关山

前调【社日】 韩 淲

风回香雪到梨花山影是谁家小牕未晚重檐初霁玉倚蒹葭  
社寒不管人如此依旧是天涯碧云暮合芳心撩乱醉眼横斜

前调 韩 淲

西溪回合小青苍梅雨弄残阳意行陇亩景分庭院乳燕春长  
酒深不用人歌啸鉏耰试商量细移菜甲旋寻蔬笋一梦黄粱

前调【泊松洲】方岳

霜天鴈带几多愁和月落沧洲桂花如许菊花如许怎不悲秋  
湖山例合闲人管也白几人头去年曾此今年曾此烟雨孤舟

前调尹焕

垂杨袅袅蘸晴漪明绿染春丝市桥系马旗亭沽酒无限相思  
云梳雨洗风前舞一好百般宜不知爲甚落花时节都是颦眉

前调周密

飞丝半湿乍归云愁里又莺新淡月秋千落花庭院几处黄昏  
十年一梦扬州路空有少年心不分不晓厌厌脉脉一段伤春

前调石孝友

愁云澹澹雨萧萧暮暮复朝朝别来应是眉峰翠减腕玉香消  
小轩独坐相思处情绪好无聊一丛萱草数竿修竹几叶芭蕉

前调【绿牋】薛梦桂

碧筒新展绿蕉芽黄露洒榴花蘸烟染就和云卷起秋水人家  
只因一朵芙蓉月生怕玳帘遮燕衔不去鴈飞不到愁满天涯

前调曾揆

芙蓉帐冷翠衾单魂梦几曾闲怎禁未许茫茫烟水叠叠云山  
去时频把归期约远不过春残而今已是荷花开了犹倚阑干

前调汪元量

年时记得赏茶蘼蝴蝶满园飞一双宝马两行箫管月下扶归  
而今寂寞人何处脉脉泪沾衣空房独守风穿帘子雨隔牕儿

前调【宋媛】朱淑真

迟迟风日弄轻柔花径暗香流清明过了不堪回首云锁朱楼  
午牕睡起莺声巧何处唤春愁綠杨影里海棠枝畔红杏梢头

前调 无名氏

惨云愁雾罩江天呵手卷帘看蒙茸柳絮万千蝴蝶飞过危阑  
後庭一树瑶华缀零乱暗香残今番桂影也应寒重不放新弯

前调 无名氏

忆从溪上得相逢尊酒两心同梅臧香雪竹摇寒月柳探春风  
而今总是销魂处冷落半牀空梦迷狂蝶喜占乾鹊愁望飞鸿

前调 无名氏

平生几度怨长亭不似这番深霜收水瘦风流帆饱怎忍轻分  
阑干倚徧慵归去独自个黄昏荷横钗股柳垂裊带总是销魂

前调 许古

浊醪萐得玉为浆风韵带橙香持杯笑道鹅黄似酒酒似鵝黄  
世缘老矣不思量沉醉又何妨临风对月山歌野调尽我疎狂

前调【春景】 张大烈

珠帘初卷?生寒无语倚阑干呢喃燕语历乱莺声红褪花残  
香焚愁逐炉烟袅春光独自闲神情好似隔溪流水寫远孤山

前调【又一体】 程垓

一枝烟雨瘦东墙真个断人肠不为天寒日暮谁怜水远山长  
相思月底相思竹外犹自禁当只恐玉楼贪梦输他一夜清香

前调 葛立方

暂持英蕩出燕然冰柱冻层檐时节马蹄归路杨花乱扑征鞚  
如今归去银铛宜见七宝床边待得退朝花底家人争卷珠帘

前调 无名氏



山城水隘小桥傍竹里早梅芳纵有丹青图画难描幽韵清香  
妖娆天赋偏宜素淡杨氏宫妆雅态何须艳丽孤标不在春光

御选历代诗余卷十八

# 卷十九

<集部,词曲类,词选之属,御选历代诗余

钦定四库全书

御选历代诗余卷十九目录【起四十八字至四十九字】

庆春时

晏几道【二首】

春光好【又一体】

葛立方

海棠春【又一体】

秦观

马洪

张綖

吴鼎芳

双头莲令

赵师侠

双鸂鶒

朱敦儒

鬲溪梅令

姜夔

一落索【又一体】

秦观

前调【又一体】

严仁

洞天春

欧阳修

胡捣练

晏殊

喜团圆

晏几道

柳梢青

张孝祥

前调【又一体】

杨慎

西地锦【又一体】

石孝友

添字采桑子

李清照

阮郎归【又一体】

吴子孝

三字令

欧阳炯

沈宜修

叶纨纨

醉桃源

赵鼎

画堂春【又一体】

赵长卿

烛影摇红

贺铸

毛滂【二首】

王仲

张炎

吴子孝

撼庭秋

晏殊

惜分飞

辛弃疾

碧玉箫

无名氏

伊州三台

赵师侠

谪仙怨

刘长卿

镜中人

无名氏

山外云

张雨

桃源忆故人

欧阳修【二首】

苏轼

黄庭坚

秦观【二首】

王庭珪

赵长卿

张孝祥

朱敦儒

管监

陆游【二首】

郑域

史达祖

汪莘

吴文英【二首】

周密

赵君举

元好问

吴子孝

陈子龙

太常引

辛弃疾【二首】

元好问

杨果

许有壬【二首】

马熙

许桢

张埜

倪瓚【二首】

张雨

刘燕哥

应天长【又一体】

南唐李煜

顾夐

冯延巳

张大烈

酒泉子【又一体】

潘阆【二首】

画堂春

张先

黄庭坚

前调【又一体】

赵长卿

极相思

吕渭老【二首】

蔡伸

陆游

吴文英

燕归梁

张孝祥

前调【又一体】

杜安世

贺圣朝【又一体】

叶清臣

赵鼎

马庄父

阳台梦

後唐庄宗

武陵春【又一体】

赵师侠

李清照

归去来

柳永

沙塞子【又一体】

葛立方

前调【又一体】

赵彦端

越江吟

苏易简

惜春郎

柳永

醉乡春



秦观

凤孤飞

晏几道

洛阳春【又一体】

欧阳修

月宫春

毛文锡

双韵子

张先

河渚神

温庭筠【三首】

孙光宪【二首】

辛弃疾

前调【又一体】

张泌

月中行

韩偓

前调【又一体】

陈允平

玉连环【又一体】

陈凤仪

少年游

周密

更漏子【又一体】

欧阳炯

御选历代诗余卷十九目录

钦定四库全书

御选历代诗余卷十九【起四十八字至四十九字】

司经局洗马掌局事兼翰林院修撰加二级【臣】王奕清奉旨校刊

庆春时

【双调四十八字】

庆春时 晏几道

倚天楼殿昇平风月彩仗春移鸾丝凤竹长生调里迎得翠舆归  
雕鞍游罢何处还有心期浓熏翠被深停画烛人约月西时

前调 晏几道

梅梢已有春来音信风意犹寒南楼暮雪无人共赏闲却玉阑干  
殷勤今夜凉月还似眉弯尊前爲把桃根丽曲重倚四弦看

春光好

【又一体双调四十八字】

春光好 葛立方

禁烟却酿春愁正系马清淮渡头後日清明催叠鼓应在扬州

归时元已临流要绮陌芳郊恣游三月羁怀当一洗莫放觥筹

海棠春

【又一体双调四十八字】

海棠春 秦 观

流莺牕外啼声巧睡未足把人惊觉翠被晓寒轻宝篆沉烟袅  
宿醒未解宫娥报道别院笙歌会早试问海棠花昨夜开多少

前调 马 洪

越罗衣薄轻寒透正画阁凤帘飘绣无语小莺慵有恨垂杨瘦  
桃花人面应依旧忆那日擎浆时候添得暮愁牵只爲秋波溜

前调 张 縯

探春东郭春犹早道此际春光更好残雪陇头梅微雨溪边草  
东风十里楼台晓又领取一番花鸟欲抱锦琴弹谁信知音少

前调 吴鼎芳

紫骝门外嘶声去千万叠销魂烟树不忍看伊行无计留伊住  
东风似解离人意做一阵廉纤花雨含笑进门时又恐明朝霁

双头莲令

【赵师侠词咏本意盖以事名调也双调四十八字】

双头莲令【信丰双莲】 赵师侠

太平和气兆嘉祥草木总成双红苞翠盖出横塘两两鬬芬芳  
干摇碧玉并青房仙髻拥新妆连枝不解引鸾皇留取映鸳鸯

双鸂?

【朱敦儒词咏本意双调四十八字】

双鸂鶒 朱敦儒

拂破秋江烟碧一对双飞鸂鶒应是远来无力稍下相偎沙磧  
小艇谁吹横笛惊起不知消息悔不当时描得如今何处寻觅

鬲溪梅令

【姜夔自度腔双调四十八字】

鬲溪梅令【无锡归寓意】 姜 夔

好花不与殢香人浪粼粼又恐东风归去绿成阴玉钿何处寻  
木兰双桨梦中云水横陈漫向孤山山下觅盈盈翠禽啼一春

一落索

【又一体双调四十八字】

一落索 秦 观

杨花终日飞舞奈久长难驻海潮虽是暂时来却有个堪凭处  
紫府碧云爲路好相将归去肯如薄幸五更风不解与花爲主

前调【又一体】 严 仁

清晓啼莺红树又一双飞去日高花气扑人来独自个伤春无绪  
别後暗宽金缕倩谁传语一春不忍上高楼爲怕见分携处

洞天春

【双调四十八字以欧阳修一首平仄爲正】

洞天春 欧阳修

莺啼绿树声早檻外残红未埽露点真珠徧芳草正帘帏清晓  
秋千宅院悄悄又是清明过了燕蝶轻狂柳丝撩乱春心多少

胡捣练

【双调四十八字与望仙楼分别惟换头第一句七字】

胡捣练 晏殊

小桃花与早梅花尽是芳妍品格未上东风先拆分付春消息  
佳人钗上玉尊前朵朵浓香堪惜谁把彩毫描得免恁轻抛掷

喜团圆

【双调四十八字後段字句与人月圆同】

喜团圆 晏几道

危楼静鎖牕中遥岫门外垂杨珠帘不禁春风度解偷送余香  
眠思梦想不如双燕得到兰房别来只是凭高泪眼感旧离肠

柳梢青

【双调四十八字】

柳梢青 张孝祥

碧云风月无多莫被名缰利锁白玉爲车黄金作印不恋休呵  
争如对酒当歌人是人非恁麼年少甘罗老成吕望毕竟如何

前调【又一体】 杨慎

暈雪融霞若烟若雾何处人家宗玉墙东文君垆下占断韶华  
梅花已罢横斜柳条犹未藏鸦锦树烘春琼枝裊月留醉仙娃

西地锦

【又一体双调四十八字】

西地锦 石孝友

回望玉楼金阙正水遮山隔风儿又起雨儿又急好愁人天色  
两岸荻花枫叶争舞红吹白中秋过也重阳近也作天涯孤客

添字采桑子

【双调四十八字】

添字采桑子【芭蕉 宋媛】李清照

牕前谁种芭蕉树陰满中庭陰满中庭叶叶心心舒卷有余情  
伤心枕上三更雨点滴凄清点滴凄清愁损离人不惯起来听

阮郎归

【又一体双调四十八字】

阮郎归【夜登丛桂楼】 吴子孝

一年月色最宜秋银河映玉流半轮寒魄未曾周清光处处浮  
金尊瑶管共绸缪毫端风景收名山相望倚危楼知音千古求

三字令

【此调始於後蜀欧阳炯皆三字句前後皆八句双调四十八字】

三字令 欧阳炯

春欲尽日迟迟牡丹时罗幌卷翠帘垂彩牋书红粉泪两心知  
人不在燕空归负佳期香烬落枕函欹月分明花澹薄惹相思

前调【明媛】沈宜修

花落尽柳陰低雨丝霏香雾湿彩云迷带愁飞飞去也武陵西  
新梦短漏依依剩相思残月冷晓烟凄蝶香浓莺语碎断肠时

前调【香扑 明媛】叶纨纨

疑是镜又如蟾最婵娟红袖里綠牕前殢人怜羞锦带妒花钿  
兰浴罢衬春纤扑还拈添粉艳玉肌妍麝氤氲香馥郁透绡缣

醉桃源

【双调四十八字】

醉桃源【春晓】 赵鼎

青春不与花爲主花正开时春暮花下醉眠休诉看取春归去  
莺愁蝶怨春知否欲问春归何处只有一尊芳醕留得青春住

画堂春

【又一体双调四十八字】

画堂春【游西湖有感】 赵长卿

湖光乘雨碧连天绕堤映草芊芊舞风杨柳欲嘶絲依依起翠烟  
还是春风客路对花空负婵娟暮寒楼阁碧云间罗袖成斑

烛影摇红

【宋徽宗命大晟府改王诜忆故人词因词有烛影摇红句遂以名调但诜词本五十字此则双调四十八字以起二句分别另立调名不得以忆故人名此调也】

烛影摇红 贺铸

波影翻帘泪痕凝烛青山馆离魂十里念佳期襟佩如相款  
惆怅更长梦短但衾枕余芳賸暖半牕斜月照人肠断啼鸟不管

前调【松牕午梦初觉】 毛滂

一亩清陰半天潇洒松牕午牀头秋色小屏山碧长垂烟缕  
枕畔风摇緑户唤人醒不教梦去可怜恰到瘦石寒泉冷云出处

前调 毛滂

緑鬟飘萧漫郎已是青云晚古槐陰外小阑干不负看山眼  
此意悠悠无限有云山知人醉嬾他年寻我水边月底一蓑烟短

前调 王仲

烟雨江城望中緑暗花枝少惜春长待醉东风却恨春归早

纵有幽欢会巧奈如今风情渐杳秦楼何处画阑愁倚天涯芳草

前调【答邵素心】 张炎

隔水呼舟采香何处追游好一年春事二分花犹有花多少  
容易繁华过了趁园林飞红未埽旧醒新醉几日不来绿阴芳草

前调 吴子孝

万绿堂前谁栽丛桂添秋色森森翠叶拥金葩尘世逢香国  
露冷风清月白闭重门无人怜惜莫停歌板好泛霞觞赏心难得

撼庭秋

【双调四十八字与撼庭竹无涉】

撼庭秋 晏殊

别来音信千里恨此情难寄碧纱秋月梧桐夜雨几回无寐  
楼高目断天遥云黯只堪憔悴念兰堂红烛心长焰短向人垂泪

惜分飞

【双调四十八字】

惜分飞 辛弃疾

翡翠楼前芳草路宝马堕鞭暂驻最是周郎顾几度歌声误  
望断碧云空日暮流水桃源何处古道春归去更无人管飘红雨

碧玉箫

【双调四十八字】

碧玉箫 无名氏

轻暖吹香薰风涨绿北牕添得琅玕玉新粉微含翠浪明如沐  
珠泪偷弹纤腰减束天涯劳我危楼目燕子无情斜语阑干曲



## 伊州三台

【州或作洲双调四十八字调笑令亦名三台令与此迥别】

## 伊州三台 赵师侠

桂花移自云岩更被灵砂染丹清露湿酡颜醉乘风下临世间  
素娥襟韵萧闲不与羣芳并看簌簌绦绡单觉身轻梦回广寒

## 谪仙怨

【调本唐时乐府中新声後用以填词盖即回波而衍之爲八句也双调四十八字】

## 谪仙怨 刘长卿

晴川落日初低惆怅孤舟解携鸟向平芜远近人随流水东西  
白云千里万里明月前溪後溪独恨长沙谪去江潭春草萋萋

## 镜中人

【双调四十八字】

## 镜中人 无名氏

柳烟浓梅雨润芳草萋萋离恨花坞风来几阵罗袖沾香粉  
独上小楼迷远近不见浣溪人信何处笛声飘隐隐吹断相思引

## 山外云

【张雨作此词赠句曲道友即名茅山逢故人双调四十八字】

## 山外云 张雨

山下寒林平楚山外云帆烟渚不饮如何吾生如梦鬓毛如许  
能消几度相逢遮莫而今归去壮士黄金昔人黄鹤美人黄土

## 桃源忆故人

【或作桃园者误一名虞美人影双调四十八字】

### 桃源忆故人 欧阳修

梅梢弄粉香犹嫩欲寄江南春信别後寸肠萦损说与伊争稳  
小炉独守寒灰烬忍泪低头划尽眉上万重新恨竟日无人问

### 前调 欧阳修

莺愁燕苦春归去寂寂花飘红雨碧草綠杨岐路况是长亭暮  
少年行客情难诉泣对东风无语目断两三烟树翠隔江淹浦

### 前调 苏轼

华胥梦断人何处听得莺啼红树几点蔷薇香雨寂寞闲庭户  
暖风不解留花住片片着人无数楼上望春归去芳草迷归路

### 前调 黄庭坚

碧天露洗春容净淡月晓收残晕花上密烟飘尽花底莺声嫩  
云归楚峡厌厌困两点远山新恨和泪暗弹红粉生怕人来问

### 前调 秦观

秦楼深锁薄情种清夜悠悠谁共羞见枕衾鸳凤闷即和衣拥  
无端画角严城动惊破一番新梦牕外月华霜重听彻梅花弄

### 前调 秦观

碧纱影弄东风晓一夜海棠开了枝上数声啼鸟妆点知多少  
妒云恨雨腰肢袅眉黛不堪重埽薄幸不来春老羞带宜男草

### 前调【辰州送客】 王庭珪

催花一霎清明雨留得春风且住两岸柳汀烟隄未放行人去  
人如双鹄云间举明月扁舟何处只向武陵南渡便是长安路

### 前调【初春】 赵长卿

夜来一阵东风暖春到桃腮柳眼对景可堪肠断强把眉愁展  
花朝惹起归期念前事从头忖徧凝想水遥山远空结相思怨

前调【冬饮】 张孝祥

朔风弄月吹银霰帘幙低垂三面酒入玉肌香软压得寒威敛  
檀槽乍拨么丝慢弹得相思一半不道有人肠断犹作声声颤

前调 朱敦儒

雨斜风横香成阵春去空留春恨欢少愁多因甚燕子浑难问  
碧尖蹙损眉慵晕泪湿胭脂红沁可惜海棠吹尽又是黄昏近

前调 管 监

小园十日狂风雨几阵桃花红去惟有绿牕朱户春色常如许  
歌声屡唤飞云驻销得行人且住倒尽玉壶春露醉到无愁处

前调 陆 游

阑干几曲高斋路正在重云深处丹碧未乾人去高栋空留句  
离离芳草长亭暮无奈征车不住惟有断鸿烟渚知我频回顾

前调 陆 游

城南载酒行歌路冶叶倡条无数一朵鞦红凝露最是伤心处  
莺声无赖催春去那更兼旬风雨试问岁华何许芳草连天暮

前调 郑 域

东风料峭寒吹面低下绣帘休卷憔悴怕他春见一任莺花怨  
新愁不许诗排遣尘满玉毫金砚若问此愁深浅天濶浮云远

前调【赋桃花】 史达祖

明霞烘透春机杼春在明霞多处我是有诗渔父一梦秦天古  
柳枝巷陌深朱户墙外东风一树十五年来凝伫弹尽胭脂雨

前调 汪 莘

人间只解留春住不管秋光归去一阵西牕风雨秋也归何处  
柴扉半掩闲庭户黄叶青苔无数犹把小春分付梅蕊前村路

前调 吴文英

越山青断西陵浦一岸密陰疎雨潮带旧愁生暮曾折垂杨处  
桃根桃叶当时渡呜咽风前柔櫓燕子不留春住空寄离檣语

前调【咏香橙】 吴文英

黄苞先着风霜劲独占一年佳景点点吴盐雪凝玉脰和羹冷  
洋园谁识黄金径一棹洞庭秋兴香荐兰皋汤鼎残酒西牕醒

前调 周密

流苏静掩罗屏小春梦苦无分晓一缕旧情谁表暗逐余香裊  
相思嬾寄流红杏人瘦花枝多少郎马未归春老空怨王孙草

前调 赵君举

芳菲已有枝头露寒着轻罗未去午夜鸾车鹤驭散入千莲步  
粉香度曲嬉游女草草相逢无据肠断泪零无数酒作花梢雨

前调【代赠良佐所亲】 元好问

楚云不似阳台旧只是无心出岫竹外天寒翠袖寂寞啼妆瘦  
弦声宛转春风手殢得行人病酒明日西城回首肠断江南柳

前调 吴子孝

碧堂窈窕春初到风起晚来寒隋金字屏围香燎酒美歌声妙  
赏心佳景人年少尘世难逢欢笑揽袖劝停归棹月向梅花照

前调 陈子龙

小楼极望连平楚帘卷一帆南浦试问晚风吹去狼藉春何处  
相思此路无重数毕竟天涯几许莫听娇莺私语怨尽梨花雨

太常引

【一名太清引双调四十九字】

太常引【建康中秋夜】 辛弃疾

一轮秋影转金波飞镜又重磨把酒问姮娥被白髮欺人奈何  
乘风好去长空万里直下看山河斫去桂婆娑人道是清光更多

前调 辛弃疾

仙机似欲织纤罗髣髴度金梭无奈玉纤何却弹作清商恨多  
珠帘影里如花半面絶胜隔帘歌世路苦风波且痛饮公无渡河

前调 元好问

十年流水共行云相见重情亲沧海内扬尘便疑是前身後身  
风台月榭舞裊歌扇乐事几回新莫话洛阳春更谁似銮坡故人

前调 杨 果

一杯聊为送征鞍落叶满长安谁料一儒冠直推上淮陰将坛  
西风旌旆斜阳草树鴈影入高寒且放酒肠寛道蜀道而今更难

前调【池荷】 许有壬

幽人早起赴池亭初日照娉婷风盖露珠倾又胜似前时雨声  
水沉香里锦云深处双桧插天青一叶钓舟轻似野渡无人自横

前调 许有壬

四堤杨柳接松筠香破水芝新罗韞不生尘笑画里凌波未真  
红衣缥缈清风萧瑟半醉岸乌巾不是葛天民也做得江湖散人

前调【用许可用池荷韵】 马 熙

园中风雨水中亭消得两娉婷浊酒卷荷倾早洗尽箏声笛声  
四堤晴柳一天花气付与晚山青飞絮挟云轻任膝上瑶琴自横

前调 许 桢

池亭荷净纳凉时四面柳依稀棹得酒船回看风里纱巾半欹  
残霞照水夕阳明树天付画中诗应不负归期更谁看桃花面皮

前调【高右丞自上都回】 张 埜

巍然勲业历台司一柱尽能支报国与忧时怎瞒得星星鬓丝  
龙门山色滦河云影添入介眉诗沉醉莫推辞趁秋满天香桂枝

前调 倪 瓚

门前杨柳密藏鸦春事到桐花敲火试新茶想月佩云衣故家  
苔生雨馆尘凝锦瑟寂寞听鸣蛙芳草际天涯蝶栩栩春晖梦华

前调【寿彝斋】 倪 瓚

柳陰濯足水侵矶香度野蔷薇芳草綠萋萋问何事王孙未归  
一壶浊酒一声清唱帘幕燕双飞风暖试轻衣介眉寿遥瞻翠微

前调【题画舫】 张 雨

莫将西子比西湖千古一陶朱生怕在楼居也用着风帆短蒲  
银瓶索酒并刀斫鱸船背锦模糊提上早传呼是那个烟波钓徒

前调【饯别 元妓】 刘燕哥

故人别我出阳关无计锁雕鞍今古别离难兀谁画蛾眉远山  
一尊别酒一声杜宇寂寞又春残明月小楼间第一夜相思泪弹

应天长

【又一体双调四十九字】

应天长 南唐李煜

一钩初月临妆镜蝉鬓凤钗慵不整重帘静层楼迴惆怅落花风不定  
柳堤芳草径梦断辘轳金井昨夜更阑酒醒春愁过却病

前调 顾 夔

瑟瑟罗裙金綫缕轻透鶯黄香画袴垂交带盘鸂鶒袅袅翠翘移玉步  
背人匀檀注慢转横波偷覩敛黛春情暗许倚屏慵不语

前调 冯延巳

石城花落红楼雨云隔长洲兰芷暮芳草岸和烟雾谁在绿杨深处住  
旧游还似故岁远离人何处杳杳兰舟西去魂归巫峡路

前调【晓起次韵】 张大烈

千条弱柳萦青镜悔教夫婿鬓慵整香闺静青峦迥暗卜金钱期未定  
魂遶阳台径怨锁碧梧深井酒病有时苏醒难醒怀人病

酒泉子

【又一体双调四十九字】

酒泉子 潘 阆

长忆孤山山在湖心如黛簇僧房四面向湖开轻棹去还来  
菱荷香细连云阁阁上清声檐下铎别来尘土污人衣空役梦魂飞

前调 潘 阆

长忆西湖灵隐寺前天竺后冷泉亭上几曾游三伏似清秋  
白猿时见攀高树长啸一声何处去别来几向画图看终是欠峯峦

画堂春

【又一体双调四十九字】

画堂春 张 先

外湖莲子长参差霁山青处鸥飞水天溶漾画船迟人影监中移  
桃叶浅声双唱杏红深色轻衣小荷障面避斜晖分得翠阴归

前调 黄庭坚

摩围小隐枕蛮江蛛丝闲锁晴牕水风山影上修廊不到晚来凉  
相伴蝶穿花径独飞鸥舞溪光不因送客下绳牀添火炷炉香

前调【又一体】 赵长卿

当时巧笑记相逢玉梅枝上玲珑酒杯流处已愁依寒鴈横空  
去程无计更从容到归来好事匆匆一时分付不言中此恨难穷

极相思

【双调四十九字】

极相思 吕渭老

拂墙花影飘红微月辨帘栊香风满袖金莲印步狭径相逢  
笑靥乍开还敛翠正花时却恁西东别房初睡斜门未锁且更从容

前调 吕渭老

西园鬪草归迟隔叶啭黄鹂阑干醉倚秋千背立数徧佳期  
寒食清明都过了趁如今芍药蔷薇衩衣吟露归舟月方解开眉

前调 蔡伸

碧檐鸣玉玎璫金锁小兰房楼高夜永飞霜满院璧月沉缸  
云雨不成巫峡梦望仙乡烟水茫茫风前月底登高念远无限凄凉

前调 陆游

江头疎雨轻烟寒食落花天翻红坠素浅霞暗锦一段凄然  
惆怅东君堪恨处也不念冷落尊前那堪更看漫空相趁柳絮榆钱

前调【题水月梅扇】 吴文英

玉纤风透疎痕凉与素怀分乘鸾归後生绡净翦一片冰云  
心事孤山春梦在到思量犹断诗魂水清月冷香销瘦影人立黄昏

燕归梁

【双调四十九字与喜?莺之别名燕归梁者不同】

燕归梁 张孝祥

风柳摇丝花纒枝满月韶辉离鸿过尽百劳飞都不似燕来归



旧时王谢堂前地情分独依依画梁雕栱后朱扉看双舞羽人衣

前调【又一体】 杜安世

风摆红绦卷画帘宝监慵拈日高梳洗几时忺金盆水弄纤纤  
髻云松鞞衣斜褪和娇嬾瘦岩岩离愁更宿醒兼空赢得病恹恹

贺圣朝

【又一体双调四十九字又名双调贺圣朝】

贺圣朝 叶清臣

满斟绿醕留君住莫匆匆归去三分春色二分愁更一分风雨  
花开花谢都来几许且高歌休诉不知来岁牡丹时再相逢何处

前调 赵鼎

断霞收尽黄昏雨滴梧桐疎树帘栊不卷夜沉沉锁一庭风露  
天涯人远心期梦悄苦长宵难度知他牕外促织儿有许多言语

前调 马庄父

游人拾翠不知远被子规呼转红楼倒影背斜阳坠几声弦管  
荼蘼香透海棠红浅恰平分春半花前一笑不须慳待花飞休怨

阳台梦

【以词中结语爲调名双调四十九字】

阳台梦 後唐庄宗

薄罗衫子金泥缝困纤腰怯铢衣重笑迎移步小兰丛鞞金翘玉凤  
娇多情脉脉羞把同心捻弄楚天云雨却相和又入阳台梦

武陵春

【又一体双调四十九字】

武陵春 赵师侠

乍雨笼晴云不定芳草绿纤柔燕语莺啼小院幽春色二分休  
试凭危阑凝远目山与水光浮滚滚闲愁逐水流流不尽许多愁

前调 【宋媛】 李清照

风住尘香花已尽日晚倦梳头物是人非事事休欲语泪先流  
闻说双溪春尚好也拟泛轻舟只恐双溪舴艋舟载不动许多愁

归去来

【双调四十九字】

归去来 柳 永

初过元宵三五慵困春情绪灯月阑珊嬉游处游人尽厌欢聚  
凭仗如花女持杯谢酒朋诗侣余醒更不禁香醕歌筵舞且归去

沙塞子

【又一体双调四十九字】

沙塞子 【梅】 葛立方

天生玉骨冰肌瘦损也知他爲谁寒牕底傲霜凌雪不教春知  
高楼横笛试轻吹要一片花飞酒卮 沉醉帽檐斜插折取南枝

前调 【又一体】 赵彦端

春水绿波南浦渐理棹行人欲去黯消魂柳际轻烟花梢微雨  
长亭放醺无计住但芳草迷人去路忽回头断云残日长安何处

越江吟

【双调四十九字】

越江吟 苏易简

非烟非雾瑶池宴片片碧桃冷落黄金殿  
鰕须半卷天香散  
奏云和孤竹清婉入霄汉  
红颜醉态烂漫金舆转  
霓旌影断箫声远

惜春郎

【双调四十九字】

惜春郎 柳 永

玉肌琼艳新妆饰好壮观歌席  
潘妃宝钏阿娇金屋应也消得  
属和新词多俊格敢共我勅敌恨  
少年枉费疎狂不早与伊相识

醉乡春

【以秦观词名调双调四十九字】

醉乡春 秦 观

唤起一声人悄衾冷梦寒  
晓瘴雨过海棠开春色又添多少  
社瓮酿成微笑半缺椰瓢共舀  
觉倾倒急投牀醉乡广大人间小

凤孤飞

【双调四十九字】

凤孤飞 晏几道

一曲画楼钟动宛转歌声缓  
绮席飞尘座满更小待金蕉  
细雨轻寒今夜短依前是粉墙  
别馆端的懽期应未晚奈归云难管

洛阳春

【又一体双调四十九字一名一落索】

洛阳春 欧阳修

红纱未晓黄鹂语蕙炉销兰炷  
锦屏罗幕护春寒昨夜三更雨  
绣帘闲倚吹轻絮敛眉山无绪  
看花拭泪向归鸿问来处逢郎否

## 月宫春

【唐毛文锡词咏月宫事遂以名调双调四十九字】

### 月宫春 毛文锡

水晶宫里桂花开神仙探几回红芳金蕊绣重台低倾玛瑙杯  
玉兔银蟾争守护姮娥姹女戏相偎遥听钧天九奏玉皇亲看来

## 双韵子

【双调四十九字】

### 双韵子 张先

鸣鞘电过晓闾静敛龙旗风定凤楼远出霏烟闻笑语中天迴  
清光近欢声竞鸳鸯集仙花鬪影更闻度曲瑶山升瑞日春宫永

## 河渚神

【双调四十九字前後段分平仄韵此调词家多填爲祠庙之作亦九歌迎神送神意也】

### 河渚神 温庭筠

河上望丛祠庙前风雨来时楚山无限鸟飞迟兰棹空伤别离  
何处杜鹃啼不歇艳红开尽如血蝉鬓美人愁絶百花芳草佳节

### 前调 温庭筠

孤庙对寒潮西陵风雨潇潇谢娘惆怅倚兰桡泪流玉筍千条  
暮天愁听思归乐早梅香满山郭回首两情萧索离魂何处飘泊

### 前调 温庭筠

铜鼓赛神来满庭幡盖徘徊水村江浦过风雷楚山如画烟开  
离别棹声空萧索玉容惆怅妆薄青麦燕飞落落卷帘愁对珠阁

### 前调 孙光宪

汾水碧依依黄云落叶初飞翠娥一去不言归  
庙门空掩斜晖  
四壁陰森排古画依旧琼轮羽驾小殿沉沉清夜银灯飘落香燭

前调 孙光宪

江上草芊芊春晚湘妃庙前一方卵色楚南天数行斜鴈联翩  
独倚朱阑情不极魂断终朝相忆两桨不知消息远汀时起鸂鶒

前调【女城祠效花间体】 辛弃疾

芳草绿萋萋断肠絕浦相思山头人望翠云旗蕙肴桂酒君归  
惆悵画檐双燕舞东风吹散灵雨香火冷残箫鼓斜阳门外今古

前调【又一体】 张泌

古树噪寒鸦满庭枫叶芦花昼灯当午隔轻纱画阁珠帘影斜  
门外往来祈赛客翩翩帆落天涯回首隔江烟火渡头三两人家

月中行

【双调四十九字】

月中行 韩 滉

柳娇花妒燕莺喧断肠空眼穿一春风雨夜厌厌不闻钟鼓传  
香冷曲屏罗帐掩园林谁与上秋千忆得年时凤枕日高犹醉眠

前调【又一体】 陈允平

鬓云斜插映山红春重淡香融自携纨扇出帘栊花下扑飞虫  
蔷薇架底偏宜酒纤纤自引金鍾倦歌佯醉倚东风愁在落红中

玉连环

【又一体双调四十九字】

玉连环 【蜀妓】 陈凤仪

蜀江春色浓如雾拥双旌归去海棠也似别君难一点点啼红雨

此去马蹄何处向沙堤新路禁林赐宴赏花时还忆着西楼否

少年游

【双调四十九字】

少年游 周 密

松风兰露滴崖陰瑶草入帘青玉凤惊飞翠蛟时舞喷薄溅春云  
冰壶不受人间暑幽碧弄珍禽花外琴台竹边棋墅处处闲情

前调 周 密

帘销宝篆卷宫罗蜂蝶扑飞梭一樣春风燕梁莺户那处得春多  
晓妆日日随春辇多在牡丹坡花深深处柳陰陰处一片笙歌

更漏子

【又一体双调四十九字】

更漏子 欧阳炯

三十六宫秋夜永露华点滴高梧丁丁玉漏咽铜壶明月上金铺  
红线毯博山炉香风暗触流苏羊车一去长青芜镜尘彩鸾孤

御选历代诗余卷十九

## 卷二十

<集部,词曲类,词选之属,御选历代诗余

钦定四库全书

御选历代诗余卷二十目录【起四十九字至五十字】

柳梢青【又一体】

秦观

周邦彦

赵师侠【八首】

赵长卿【五首】

张抡

曾觌【四首】

杨无咎【十首】

辛弃疾【二首】

张孝祥

赵汝愚

曹冠

袁去华【二首】

陆游

刘镇

戴复古

郭应祥

韩淲【三首】

卢炳【三首】

吴文英【二首】

蒋捷【二首】

周密【五首】

张炎

罗椅

黄兰

张林

姚勉

葛长庚【二首】

朱淑真【二首】

王学文

柯九思

张雨

朱灏

张綖【二首】

陈子龙



释涵初

前调【又一体】

吕渭老

蔡伸【三首】

谢逸

葛郯【二首】

赵师侠【二首】

张元干

朱敦儒

杨无咎【四首】

侯寘【二首】

张孝祥

赵彦端

高观国

柯九思【二首】

吴正志【二首】

前调【又一体】

吴正志【二首】

惜分飞【又一体】

晁补之

贺铸

毛滂【三首】

袁去华【二首】

沈端节

汪元量

吴鼎芳

李伊玉

荷叶杯【又一体】

韦庄

许棐

滴滴金

李遵勗

赵彦端

前调【又一体】

晏殊

前调【又一体】

杨无咎

御选历代诗余卷二十目录

钦定四库全书

御选历代诗余卷二十【起四十九字至五十字】

司经局洗马掌局事兼翰林院修撰加二级【臣】王奕清奉旨校刊

柳梢青

【又一体一名早春怨一名云淡秋空双调四十九字有以起句不用韵别爲早春怨者通首实无异也】

柳梢青 秦观

岸草平沙吴王故苑柳袅烟斜雨後寒轻风前香细春在梨花  
行人一棹天涯酒醒处残阳乱鸦门外秋千墙头红粉深院谁家

前调 周邦彦

有个人人海棠标韵飞燕轻盈酒晕潮红羞蛾凝绿一笑生春  
爲伊无限伤心更说甚巫山楚云斗帐香销纱牕月冷着意温存

前调【立春】 赵师侠

节物推移青阳景变玉琯灰飞彩仗泥牛星球雪柳争报春回  
丝金缕玉幡儿更斜袅东风应时宜入新春人随春好春与人宜

前调【荼蘼屏】 赵师侠

红紫雕零化工特地翦玉裁琼碧萼丛芳檀心点素香雪团英  
柔风唤起娉婷似无力斜敲翠屏细细吹香盈盈浥露花里倾城

前调【和赵显祖】 赵师侠

漠漠轻陰养花天气乍晴还明曲迳风微蜂迷红片蝶趁游人  
平芜极目青青漫怅望谁招断魂柳外愁闻莺雏唤友鸠妇呼晴

前调【黄桤林送李粹伯】 赵师侠

料峭余寒元宵欲徧灯火阑珊宿酒难醒新愁未解摇兀吟鞍  
林深百舌关关更雨洗桃红未乾野烧痕青荒陂水满春事何堪

前调【邵武熙春台席上】 赵师侠

矫首遐观崇台徙倚心目俱宽一水萦蓝羣峰耸翠天接高寒  
平生江北江南总未识阌中好山雨暗前汀云生衣袂身倦跻攀

前调【富阳江亭】 赵师侠

烟敛云收夕阳斜照暮色迟留天接波光水涵山影都在扁舟  
虚名白尽人头问来往何时是休潮落潮生吴山越岭依旧临流

前调【和张伯寿紫笑词】 赵师侠

浓碧转枝柔黄衬紫独殿春风菡萏轻盈甘瓜馥郁叶萼相重  
人生一笑难同更余韵都藏笑中日助清芬酒添风味须共从容

前调【监止月下赏莲】 赵师侠

水满芳塘菰蒲深处戏浴鸳鸯灿锦舒霞红幢绿盖时递幽香  
天弓遥挂孤光映烟树云间渺茫散发披襟都忘身世真在仙乡

前调【遇何郎石见早梅】 赵长卿

云暗天低枫林雕翠寒鴈声悲茅店儿前竹篱笆後初见横枝  
盈盈粉面香肌记月榭当年见伊有恨难传无肠可断立马多时

前调【东园醉作梅词】 赵长卿

千林落叶声声凄惨江皋鴈飞难似玉肌总惊花貌压倒芳菲  
香心吐尽因伊料调鼎工夫易期休唱阳关莫歌白雪雨泪沾衣

前调 赵长卿

潇洒仙源夭桃穠李曾对华筵歌媚惊尘舞弯低月满劝金船  
监湖烟水连天正归棹红妆鬪妍花雾香中人间居士切莫多传

前调 赵长卿

晴雪楼台试灯帘幕适是元宵罗绮娇春帝城风景今夜应饶  
争知我系如匏便蹋月良天任教早闭柴门从他箫鼓细打轻敲

前调 赵长卿

桃杏舒红迟迟暖日媚景芳浓紫燕穿帘香泥着地未乳巢空  
千山万水重重烟雨里王维画中芳草斜阳无人江渡蓑笠渔翁

前调【侍宴】 张抡

柳色初匀轻寒似水纤雨如尘一阵春风縠纹微皱碧沼鳞鳞  
仙娥花月精神奏凤管鸾丝鬪新万岁声中九霞杯里长醉芳春

前调【侍宴禁中和张知合韵】 曾觌

梅粉轻匀和风布暖芳径无尘凤阁凌虚龙池澄碧芳意鳞鳞  
清时酒圣花神对内苑风光又新一部仙韶九重鸾仗天上长春

前调【临安春会泛湖】 曾觌

花柳争春湖山竞秀恰近清明绮席从容兰舟摇曳稳泛波平  
君恩许宴簪缨密座促仍多故情一部清音两行红粉醉入严城

前调【咏海棠】 曾觌

雨过风微温泉浴倦妃子妆迟翠袖牵云朱唇得酒脸晕胭脂  
年年海燕新归怎奈向黄昏恁时倚徧琼阑烧残银烛花又争知

前调 曾觌

小宴清秋霎时见了雨散云收柳絮轻柔梅花闲澹宫院风流  
空教梦遶青楼待说个相思又休无奈情何不来眼底常在心头

前调 杨无咎

傲雪凌霜平欺寒力搀借春光步遶西湖兴余东阁可奈诗肠  
娟娟月转回廊悄无处安排暗香一夜相思几枝疎影落在寒牕

前调 杨无咎

江月轩中拍堤新涨遶院薰风深注瑶觴低歌金缕声在晴空  
新词尽索无穷断酩酊衰顔爲红愿得年年繁枝子满緑叶陰浓

前调【寿词】 杨无咎

灼灼红榴垂垂绿柳庭户清和罗绮香中十分春酒几叠高歌  
遐龄欲问如何记平日阴功数多千载今朝笑看池面龟戏青荷

前调 杨无咎

暴雨生凉做成好梦飞到伊行几叶芭蕉数竿修竹人在南牕  
傍人笑我恹惶算除是铁心石肠一自别来百般宜处都入思量

前调 杨无咎

目断南枝几回吟遶长怨开迟雨浥风欺雪侵霜妒却恨离披  
欲调商鼎如期可奈向骚人自悲赖有毫端幻成水彩长似芳时

前调 杨无咎

雪艳烟轻又要春色来到芳尊却忆年时月移清影人立黄昏  
一番幽思谁论但永夜空迷梦魂遶徧江南繚墙深院水郭山村

前调 杨无咎

月堕霜飞隔牕疎瘦微见横枝不道寒香解随羌笛吹到屏帷  
个中风味谁知睡乍起乌云任敲嚼蕊按英浅颦轻笑酒半醒时

前调 杨无咎

日转墙东几枝寒影一点香风清不成眠醉凭诗兴起遶珍丛  
平生只个情锺渐老矣无愁可供最是难忘倚楼人在横笛声中

前调 杨无咎

水曲溪傍寒梢冷蕊隐映修篁细细吹香疎疎沉影恼乱回肠  
爲伊驻马横塘漫立尽烟村夕阳空袅吟鞭几多诗句不入思量

前调 杨无咎

瑞鸭烟浓晓来弦管声在霜空却退寒威借回春色满苑香风  
几时人下瑶宫记千载今朝庆逢满捧琼觞芝兰丛里锦绣光中

前调【范先之席上赋牡丹】 辛弃疾

姚魏名流年年搅断雨恨风愁解释春光剩须破费酒令诗筹  
玉肌红粉温柔更染尽天香未休今夜簪花他年第一玉殿东头

前调【三山归途代白鸥见嘲】 辛弃疾

白鸟相迎相怜相笑满面尘埃华发苍颜去时会劝须早归来  
而今岂是高怀爲千里蓴羹计哉好把移文从今日日读取千回

前调 张孝祥

草底蛩吟烟横水际月澹松陰荷动香浓竹深凉早销尽烦襟  
发稀浑不胜簪更客里吴霜暗侵富贵功名本来无意何况如今

前调【题丰乐楼】 赵汝愚

水月光中烟霞影里涌出楼台空外笙箫人间笑语身在蓬莱  
天香暗逐风回正十里荷花尽开买个轻舟山南游遍山北归来

前调【游湖】 曹冠

湖岸千峰嵌岩隐映綠竹青松古寺东西楼台上下烟雾冥蒙  
波光万顷溶溶人面与荷花共红拨棹归欵一天明月十里香风

前调【长桥】 袁去华

天接沧浪晴虹垂饮千步修梁万顷玻璃洞庭之外纯浸斜阳  
西风劝我持觴况高栋层轩自凉饮罢不知此身归处独咏苍茫

前调【钓台】 袁去华

一水萦回参天古木夹岸苍崖三十三年客星堂上几度曾来  
眼看变化云雷分白首烟波放怀细细平章钓台毕竟高似云台

前调【蜀燕宫】 陆游

锦里繁华环宫故邸叠萼奇花俊客妖姬争飞金勒齐驻香车  
何须幕障帟遮宝杯浸红云瑞霞银烛光中清歌声里休恨天涯

前调【七夕】 刘镇

乾鹊收声湿萤度影庭院秋香步月移陰梳云约翠人在回廊  
醺醺宿酒残妆待付与温柔醉乡却扇藏娇牵衣索笑今夜差凉

前调 戴复古

袖劒飞吟洞庭青草秋水深深万顷波光岳阳楼上一快披襟  
不须携酒登临问有酒何人共斟变尽人间君山一点自古如今

前调【惜花】 郭应祥

春事匆匆花慵柳困雨横风狂寄语诗人须烧银烛与照红妆  
休言桃李河阳但过眼难寻色香只有今宵更无明日且缓持觞

前调【元宵】 韩 淲

雨洗元宵楼台烟锁隐隐笙箫且插梅花自烧银烛沉水香飘  
软红尘里星桥想霁色皇都绦霄屏掩潇湘醉和衣倒春梦迢迢

前调 韩 淲

玉水明沙峰回路转城倚桥斜老我登临同谁酩酊一望还矦  
飞鸿杳霭天涯但?取心情酒家紫菊枝枝红茱颗颗休问年华

前调 韩 淲

云淡秋空一江流水烟雨蒙蒙岸转溪回野平山远几点征鸿  
行人独倚孤篷算此景如图画中莫问功名且寻诗酒一棹西风

前调 卢 炳

兰蕙心情海棠韵度杨柳腰肢步稳金莲手纤春笋肤似凝脂  
歌声舞态都宜?着个坚心共伊无奈相思带围宽尽说与教知

前调【蜡梅】 卢 炳

雅淡精神铅黄未洗犹带残妆春艳一枝鵲儿顔色染就纤裳  
月移影转南窗特地儿送些暗香宿酒初醒这般滋味梦断池塘

前调【冬月海棠】 卢 炳



笑菊欺梅嫌蜂却蝶压尽寒茱月下精神醉时风韵红透香腮  
天工造化难猜甚怪我愁眉未开故遣名花凌霜带露先送春来

前调【题四时图画亭】 吴文英

翠嶂围屏留连迅景花外油亭淡色烟昏浓光清晓一幅闲情  
辋川落日鱼罾写不尽人间四并亭上秋声莺能春语难入丹青

前调 吴文英

梦断游轮孤山路杳越树阴新流水凝酥征衫沾泪都是离痕  
玉屏风冷愁人醉烂漫梅花翠云傍夜船回惜春门掩一镜香尘

前调 蒋捷

小饮微吟残灯断雨静户幽牕几度花开几番花谢又到昏黄  
潘娘不是潘郎料应也霜黏鬓傍鸚鵡阑空鸳鸯壶破烟渺云茫

前调 蒋捷

学唱新腔秋千架上钗股敲双柳雨花风翠松裙摺红膩鞦韆  
归来门掩银缸淡月里疎钟渐撞娇欲人扶醉嫌人问斜倚楼牕

前调【梅四首】 周密

约略春痕吹香新句照影清尊洗尽时妆效顰西子不负黄昏  
金沙旧事休论尽消得东风返魂一段真情风前孤驿雪後前村

前调 周密

万雪千霜禁持不过玉雪生光水部多情杜郎老矣易恼愁肠  
天寒野屿空廊静倚竹无人自香一笑相逢江南江北竹屋山牕

前调 周密

映水穿篱新霜微月小蕊疎枝几许风流一声龙竹半幅鹅溪  
江头怅望多时欲待折相思寄伊真色真香丹青难写今古无诗

前调 周密

夜鹤惊飞香浮翠罽玉点霜枝古意高风幽人空谷静女深帙  
芳心自有天知任醉舞花边帽敲最爱孤山雪初晴後月未残时

前调【杨花】 周 密

似雾中花似风前雪似雨余云本自无情点萍成绿却又多情  
西湖南陌东城甚管定年年送春薄幸东风薄情游子薄命佳人

前调【清明夜雪】 张 炎

一夜凝寒忽成琼树换却繁华因甚春深片红不到绿水人家  
眼惊白昼天涯空望断尘香钿车独立东风曲阑惆怅莫是梨花

前调 罗 椅

萼绿华身小桃花扇安石榴裙子夜闻歌周郎顾曲曾恼夫君  
悠悠羁旅愁人似零落青天断云何处销魂初三夜月第四桥春

前调 黄 兰

病酒心情唤愁无限可奈流莺又是一年花惊寒食柳认清明  
天涯翠巘层层是多少长亭短亭倦倚东风只凭好梦飞到银屏

前调【灯花】 张 林

白玉枝头忽看蓓蕾金粟珠垂半颗安榴一枝浓杏五色蔷薇  
何须叠鼓声催银缸里春工四时却笑灯蛾学他蜂蝶照影频飞

前调【忆西湖】 姚 勉

长记西湖水光山色浓澹相宜丰乐楼前涌金门外买个船儿  
而今又是春时清梦只孤山赋诗绿盖芙蓉青丝杨柳好在苏堤

前调【海棠】 葛长庚

一夜清寒千红晓灿春不曾知细看何如醉时西子睡底杨妃  
尽皆蜀种垂丝晴日暖熏成锦围说与东风也须爱惜且莫吹飞

前调【寄鹤林】 葛长庚

鹤使南翔词珍翰绮谊暖情香如在琼台梦回初饮月液云浆  
风吹芦叶冥茫夕照外山高水长遥想东楼琪花玉树梅影昏黄

前调【梅二 宋媛首】朱淑真

玉骨冰肌为谁偏好特地相宜一味风流广平休赋和靖无诗  
倚牕睡起春迟困无力菱花笑窥嚼蕊吹香眉心点处鬓畔簪时

前调 朱淑真

冻合疎篱半飘残雪斜卧低枝可使相宜烟藏修竹月印寒池  
亭亭竚立移时?瘦损无妨爲伊谁赋才情画成幽思写入新词

前调【友人至】王学文

客里凄凉桐花满地杜宇深山幸自君来谁教君去翦翦轻寒  
愁怀无语相看谩写入徽弦自弹小院黄昏前村风雨莫倚阑干

前调 柯九思

姑射论量渐消冰雪重试梳妆欲吐芳心还羞素脸犹吝清香  
此情到底难藏悄脉脉相思寸肠月转更深凌寒等待更倚西廊

前调 张雨

盼得春来春寒春困陡顿无聊半刻残釭片时春梦过了元宵  
空山暮暮朝朝到此际无魂可消却倚东风水如衣带草似裙腰

前调 朱灏

花坠萝攀苔痕雨洗雀睡红间雌蜺吞溪残阳倚阁黛染峰鬟  
帘疎月似人间春事杳鹧歌漫删柳发曦风莲妆凝晚犬吠云还

前调 张綖

垂柳烟浓莺儿哺子杏萼飘红寒食初过秋千未拆寂寞春风  
云波芳信谁通空倩问残鳞断鸿无限相思夕阳牕外新月墙东

前调 张綖

远远湖滨一丛烟树村舍新成篱落横遮溪流环抱尽有余清  
野人烂煮蓴羹正细雨茅檐晚晴啼鸟树边眠鸥沙际一片闲情

前调 陈子龙

绣岭平川汉家故垒一抹苍烟陌上香尘楼前红烛依旧金钿  
十年梦断婵娟回首处离愁万千细柳新蒲昏鸦暮鴈芳草连天

前调【咏萤】 释涵初

碧焰疎篁斜飞秋水轻点莲香忽影风檐半明苔壁又入绳床  
夜深露冷清光度残月乱点苍茫罗幌眠云松牕幽磬心地空凉

前调【又一体】 吕渭老

远帘笼月谁见南陌子规啼血更糝菊英整冠落帽一时虚设  
五湖自有深期曾指定灯花细说燕子巢空秋鸿程远音书中絶

前调 蔡伸

数声啼鴂可怜又是春归时节满院东风海棠铺绣梨花飘雪  
丁香露泣残枝算未比愁肠寸结自是休文多情多感不干风月

前调 蔡伸

子规啼月幽衾梦断销魂时节枕上斑斑枝头点点染成清血  
凄凉断雨残云算此恨文君更切老去情怀春来况味那禁离别

前调 蔡伸

聯璧寻春蹋青尚忆年时携手此际重来可怜还是年时时候  
陰陰柳下人家人面似桃花依旧但愿年年春风有信人心长久

前调 谢逸

香肩轻拍尊前忍听一声将息昨夜浓欢今朝别酒明日行客  
後回来则须来便去也如何去得无限离情无穷江水无边山色

前调 葛郯

谢家池阁翠桁香浓琐牕纱薄夜雨灯前秋风花下与谁同乐  
主人许我清狂奈酒量从来最弱颠倒冠巾淋漓衣袂醒时方觉

前调 葛 郯

空中雨阁一段轻陰翠铺林薄橘内仙翁棋边公子共成清乐  
主人有井投车看席上云轻柳弱斗转檐头鸡鸣牕外无人知觉

前调【聚八仙花】 赵师侠

人间春足一番红紫水流风逐戏蝶初闲轻摇粉翅高低飞扑  
雨昏烟暝增明似积雪枝间映绿后土琼芳蓬莱仙伴蕊纷香粟

前调【王子莆阳壶山阁】 赵师侠

暑怀烦郁危栏徙倚凝情独立榕叶连陰横冈接秀壶峰凝碧  
海山云树微茫更无数归帆暮集却忆潇湘孤村烟渚晚风斜日

前调 张元干

海山浮碧细雨丝风新愁如织慵试春衫不禁宿酒天涯寒食  
归期莫数芳辰误几度回廊夜色入户飞花隔帘双燕有谁知得

前调 朱敦儒

狂踪怪迹谁料半老天涯爲客帆展霜风船随江月山寒波碧  
如今着意添愁怎忍见参西雁北洛浦莺花伊川云水如何归得

前调【李莹】 杨无咎

小阁深沉酒醺香暖容易眠熟梦入桃源桃红似火李莹如玉  
觉来几许悲凉记永夜传杯换烛绣被熏香宝钗落枕同论心曲

前调【秋社怀故山】 杨无咎

送鴈迎鸿未寒时节已凉天气鍼线倦拈帘帟低卷别般风味  
敲眠梦到山中共老幼扶携笑喜桑柘影深鸡豚香美家人醉

前调【咏梅二首】 杨无咎

粉墙斜搭被伊勾引不妄时霎一夜幽香恼人无寐可堪开市  
晓来起看芳丛只怕裹危梢欲压折向胆瓶携归云阁休熏金鸭

前调 杨无咎

爲爱冰姿画看不足吟看不足已恨春催可堪风里飞英相逐  
只应自惜高标似羞伴妖红媚绿藏白收香放他桃李漫山粗俗

前调【赠张丞】 侯寘

小院轻寒酒浓香软深沉帘幙我辈相逢欢然一笑春在盃酌  
家山辜负猿鹤轩冕意秋云似薄我自西风扁舟归去看君寥廓

前调【送吕子绍守峡】 侯寘

楚天清绝苇岸兰汀素秋时节帘卷湘纹香飞云篆耐看轻别  
明朝底处关山算总是愁花恨月白马江寒黄牛峡静小梅初彻

前调 张孝祥

满城风雨重阳时节更催行色陇树寒轻海山秋老清愁如织  
一杯莫惜留连我亦是天涯倦客後夜相思水长山远东西南北

前调 赵彦端

酴醾过也酴醾過後无花堪折只有垂杨垂杨却作絮惊行色  
海棠半在如无又争倩蔷薇恋得除是东风随君归问玉堂消息

前调【柳】 高观国

翠拂晴波烟垂古岸灞桥春色斜带鸦啼乱紫萼梦愁丝如织  
爲怜张绪风流正瘦损宫腰褪碧绽绾同心留连不住天涯行客

前调【咏梅次杨补之韵】 柯九思

翠苔轻搭南枝逗暖乍收微霰乱播繁花快张华宴遶花千市  
玉堂无限风流但只欠些儿雪压任选一枝折归相伴绣屏花鸭

前调【梅】 柯九思

懊恨春初飘零月下轻离轻隔重醞梨云乍舒柳眼羞人曾识  
已堪索笑巡檐早准备怜怜惜惜莫是溪桥揜先开却试驰金勒

前调【未开梅次柯敬仲韵】 吴正志

小春先试特地寻芳音容犹隔霜苞?尽愁断情人悔轻相识  
欲折一枝归去满腔生意还堪惜惆怅吟诗擎衣缓步不须金勒

前调【盛开梅次杨补之韵】 吴正志

糝枝交搭白徧山村只一时霎粉蝶忙忙翠禽唧唧飞鸣三市  
欲招高士评夸又恐怕夜来雪压花神自喜顾影嬉游忽惊睡鸭

前调【又一体欲开梅】 吴正志

消息难量雨肥红绽乍展轻妆南枝三两漏泄春光何处生香  
容他幽阁深藏到时来自回铁肠月色朦胧寒星几点掩映长廊

前调【开残梅】 吴正志

正好芳菲笛声吹落徙倚眠迟玉鳞片片飘泊东西疎影离披  
山家风雨无期把瑶林暗凋可悲明年春暖还从落处再覩开时

惜分飞

【又一体双调五十字一名惜双双】

惜分飞【别吴作】 晁补之

山水光中原无暑是我消魂别处只有多情雨会人深意留人住  
不见梅花来已暮未见荷花又去图画他年覩断肠千古苕溪路

前调 贺铸

皎镜平湖三十里碧玉山围四际莲荡香风里彩鸳鸯觉双飞起  
明月多情随舵尾偏照空床翠被回首笙歌地醉更衣处长相记

前调【赠别璚芳】 毛滂

泪湿阑干花着露愁到眉峰碧聚此恨平分取更无言语空相觑  
短雨断云无意绪寂寞朝朝暮暮今夜山深处断魂分付潮回去

前调【富阳水寺望秋月】 毛滂

山转沙回江声小望尽冷烟衰草梦断瑶台晓楚云何处英英好  
古寺黄昏人悄悄帘卷寒堂月到不会思量了素光看尽桐阴少

前调 毛滂

花影低徊帘幕卷惯了双来燕燕惊散雕阑晚雨昏烟重垂杨院  
云断月斜红烛短望断真成望断情寄梅花点趁风吹过楼南畔

前调【九日】 袁去华

平日悲秋今已老细看秋光自好风紧寒生早漫将短鬓还吹帽  
寂寞东篱人不到只有渊明醉倒一笑留残照世间万事蝇头小

前调 袁去华

雨过残阳明远树树底鸣蝉无数临水人家住靠西便入江南路  
曲迳通幽深几许翠竹短牕无暑小立凭肩语个中曾是孤眠处

前调 沈端节

喜入眉心黄点莹珠佩玲珑透影风露萧萧冷梦回月窟香成阵  
秋後襟怀君莫问?了因他瘦损不似寻常韵细看没处安排闷

前调【歌楼别客】 汪元量

燕子留君君欲去征马频嘶不住握手空相觑泪珠成缕眉峰聚  
恨入金徽孤凤语愁得文君更苦今夜西牕雨断肠能赋江南句

前调【闺情】 吴鼎芳

红界枕痕微褪玉唤起自禁幽独好鸟啼春足归期不准花须卜  
尽日眉峰双凝绿十二绣帘低轴人在阑干曲杨花却羡无拘束

前调【握扇美人图】 李伊玉



花雨缤纷迷小院莲步蹋残香片粉汗摇纨扇轻纱微露黄金钏  
夕照山横天一线水影光分上面锦带随风纏钗斜爲逐双飞燕

荷叶杯

【又一体双调五十字】

荷叶杯 韦庄

絶代佳人难得倾国花下见无期一双愁黛远山眉不忍更思维  
闲掩翠屏金凤残梦罗幕画堂空碧天无路信难通惆怅旧房枕

前调 许棐

鹊蹋画檐双噪书到和笑拆封看归程能隔几重山远约数峰间  
准备绣轮雕辔游戏说与百花知莫教枝上一红飞留伴玉东西

滴滴金

【木菊花名也取以名调双调五十字】

滴滴金 李遵勗

帝城五夜宴游歇残灯外看残月都来犹在醉乡中听更漏初彻  
行乐已成闲话说如春梦觉时节大家同约探春行问甚花先发

前调【送路彦捷赴仪真】 赵彦端

澄溪暝度轻渐白对平湖澹烟隔我与征鸿共行人更张灯留客  
东园半是余花迹料仙帆到时发若倚江楼望清淮爲殷勤乡国

前调【又一体】 晏殊

梅花漏泄春消息柳丝长草芽碧不觉星霜鬓边白念时光堪惜  
兰堂把酒留嘉客对离筵驻行色千里音尘便疎隔合有人相忆

前调【又一体】 杨无咎

相逢未尽论心素早容易背人去忆得歌翻肠断句更惺惺言语

萋萋芳草迷南浦正风吹打船雨静听愁声夜无眠到水村何处

御选历代诗余卷二十

## 卷二十一

<集部,词曲类,词选之属,御选历代诗余

钦定四库全书

御选历代诗余卷二十一目録【五十字】

西江月

欧阳炯

司马光

晏几道【二首】

柳永

苏轼【五首】

黄庭坚【三首】

晁补之

陈师道【二首】

李之仪

毛滂【三首】

葛胜仲【四首】

周紫芝【二首】

谢逸【七首】

向子諲【四首】

蔡伸

赵师侠

赵长卿【二首】

赵鼎

张抡

朱敦儒

曾觌【三首】

杨无咎

侯寘【二首】

辛弃疾【十三首】

范成大

陈三聘

葛立方

张孝祥【九首】

朱熹

王千秋【二首】

黄机【二首】

卢祖皋

高观国

史達祖【三首】

韩淲【二首】

汪莘

李昉英

张榘

卢炳

沈端节

吴文英【三首】

周密【三首】

王沂孙

张炎【三首】

石孝友

张景臣

曾 揆

何梦桂

陈逢辰【二首】

无名氏

曹希蘊

韩玉

段克己

白朴

蒲道源

刘因

刘诜

王行

刘基

张大烈

程爵

吴桢

端淑卿

前调【又一体】

黄庭坚

吴文英

前调【又一体】

程垓

御选历代诗余卷二十一目錄

钦定四库全书

御选历代诗余卷二十一【五十字】

司经局洗马掌局事兼翰林院修撰加二级【臣】王奕清奉旨校刊

西江月

【一名步虚词双调五十字前後平仄叶一韵】

西江月 欧阳炯

水上鸳鸯比翼巧将绣作罗衣镜中重画远山眉春睡起来无力  
钿雀稳簪云髻含羞时想佳期脸边红艳对花枝犹占凤楼春色

前调 司马光

宝髻松松绾就铅华淡淡妆成红云翠雾罩轻盈飞絮游丝无定  
相见争如不见有情还似无情笙歌散後酒微醒深院月明人静

前调 晏几道

愁黛颦成月浅啼妆印得花残只消惊枕夜来闲晓镜

心情更嬾醉?檐头风细征衫袖口香寒绿江春水寄书难携手佳期又晚

前调 晏几道

南苑垂鞭路冷西楼把袂人稀庭花犹有鬓边枝且插残红自醉  
画幕凉催燕去香屏晓放云归依前青枕梦回时试问闲愁有几

前调 柳 永

凤额绣帘高卷兽鐙朱户频摇两竿红日上花梢春睡厌厌难觉  
好梦狂随风絮闲愁浓胜香醪不成雨暮与云朝又是韶光过了

前调【次韵赏瑞香】 苏轼

小院朱阑几曲重城画鼓三通更看凝月转光风归去香云入梦  
翠袖争浮大白皁罗半插斜红灯花零落酒香浓妙语一时飞动

前调【重九】 苏轼

点点楼头细雨重重江外平湖当年戏马会东徐今日凄凉南浦  
莫恨黄花未吐且教红粉相扶酒阑不必看茱萸俯仰人间今古

前调【梅】 苏轼

玉骨那愁瘴雾冰肌自有仙风海仙时遣探芳丛倒挂绿毛么凤

素面翻嫌粉浣洗妆不褪唇红高情已逐晓云空不与梨花同梦

前调【月夜蘄水桥上】 苏轼

照夜弥弥浅浪横空暖暖微霄障泥未解玉骢骄我欲醉眠芳草  
可惜一溪明月莫教踏碎琼瑶解鞍敲枕绿杨桥杜宇数声春晓

前调【得代】 苏轼

昨日扁舟京口今朝马首长安旧官何物与新官只有湖山公案  
此景百年几变个中下语千难使君才气卷波澜与把新诗判断

前调【酬惠洪上人】 黄庭坚

月侧金盆堕水鴈回醉墨书空君诗秀色雨园葱想见衲衣寒拥  
蚁穴梦魂人世杨花踪迹风中莫将社燕等秋鸿处处春山翠重

前调【茶】 黄庭坚

龙焙头纲春早谷帘第一泉香已醺浮蚁嫩鹅黄想见翻匙雪浪  
兔褐金丝宝盃松风蟹眼新汤无因更发次公狂甘露来从仙掌

前调 黄庭坚

宋玉短墙东畔桃源落日西斜浓妆下着绣帘遮鼓笛相催清夜  
转盼惊翻长袖低徊细踏红靴舞余犹颤满头花娇学男儿拜谢

前调 晁补之

似有如无好事多离少会幽怀流莺过了又蝉催肠断碧云天外  
不寄书还可恨全无梦也堪猜秋风吹泪上楼台只恐朱颜便改

前调【咏酴醿菊】 陈师道

点点轻黄减白垂垂重露生鲜肌香骨秀月中仙雪满瑶台曳练  
绰约却宜长见清真不假余妍殷勤与插小婵娟要试尊前玉面

前调【咏榴花】 陈师道



叶叶枝枝绿暗重重密密红滋芳心应恨赏春迟不会春工着意  
晚照酒生娇面新妆睡污胭脂凭将双叶寄相思与看钗头何似

前调 李之仪

醉透香浓斗帐灯深月浅回廊当时背面两依依何况临风怀想  
舞柳经春底瘦游丝到地能长鸳鸯半调已无肠忍把么弦再上

前调 毛滂

花下春藏五马松间风落双鳧兵厨玉帐卷酈湖人醉碧云欲暮  
归去聊登文石翱翔便是天衢雅歌谁解继投壶桃李无言满路

前调【县圃小酌】 毛滂

烟雨半藏杨柳风光初到桃花玉人细细酌流霞醉里将春留下  
柳畔鸳鸯作伴花边蝴蝶为家醉翁醉里也随他月在柳桥花榭

前调【秋夜】 毛滂

雨後袂衣初冷霜前细菊浑斑觚棱清月绣团圞万里长安秋晚  
槽下内家玉滴盘中江国金丸春容着面作微殷烛影红摇醉眼

前调 葛胜仲

山镇红桃阡陌烟迷绿水人家尘容误到只惊嗟骨冷玉堂今夜  
莫对佳人锦瑟休辞洞府流霞峰回路转乱云遮归去空传图画

前调 葛胜仲

鞦韆斜红带柳琉璃涨绿平桥人间风月正新妖不数江南苏小  
恨寄飞花簌簌情随流水迢迢鲤鱼风起木兰桡回棹荒鸡报晓

前调 葛胜仲

清樾已生昼寂孤花尚表春余象牀云簟燕堂虚初过晚凉微雨  
珪璧新来北苑鲈鱼未减东吴捧觞红袖透香肤不涸翔龙烟缕

前调【送弟赴定远簿】 葛胜仲

万卷旧推鸿博一官且慰蹉跎昇平楼下赐巍科曾对顒印黼座  
燕颌从来骨贵鸾栖尚屈才多今宵且共入无何定远功名么麽

前调 周紫芝

罗袖云轻雾薄醉肌玉软花柔相逢不道有春愁只道春来微瘦  
一点人间深意数声柳下轻讴带将离恨上归舟肠断月斜时候

前调【拒霜花】 周紫芝

天意未教秋老花容剗地宜霜酒肌红软玉肌香不与梨花同样  
来伴孙郎小宴临风为舞霓裳更深緑水照红妆便是采莲船上

前调 谢逸

落莫寒香满院扶疎清影侵门雪消平墅晚烟昏睡起嬾匀檀粉  
皎皎风前玉树盈盈月下冰魂南枝春信夜来温便觉肌肤瘦损

前调 谢逸

窄袖浅笼温玉修眉淡扫遥岑行时云雾绕衣襟步步莲生宫锦  
菊与秋烟共晚酒随人意俱深尊前有客动琴心醉後清狂不禁

前调【筝】 谢逸

宝柱横云鴈影朱弦隔叶莺声风生玉指晚寒清宫样轻黄袖冷  
饮罢尚留余意曲终自有深情归来江上数峰青梅小横斜夜永

前调 谢逸

青锦纏枝佩劒紫丝络轡飞骢入关意气喜生风年少胸吞云梦  
金阙日高露泫东华尘软香红争看荀氏第三龙春暖桃花浪涌

前调【木芙蓉二首】 谢逸

晓艳最便清露晚红偏怯斜阳移根栽近菊花傍蜀锦翻成新样  
坐客联挥玉麈歌词细琢琼章从今故事记溪堂岁岁携壶共赏

前调 谢逸

木末谁攀新萼雪消自种前庭莫嫌开过尚盈盈似待诗人醉咏  
霜後最添妍丽风中更觉娉婷影摇溪水一湾清妆罢晓临鸾镜

前调【梅】 谢逸

密雪未知肤白夜寒已觉香清振芳堂下月盈盈踏碎横斜疎影  
且醉杯中緑蚁休辞笛里清声东君催促子青青滋味要调金鼎

前调【寄友】 向子諲

得意穿林度水及时斫玉分金兹游了却未来心怪我归迟一任  
居士何如学士翰林休笑芟林个中真味少知音不是清狂太甚

前调 向子諲

五柳坊中烟緑百花洲上云红萧萧白髮两山翁不与时人同梦  
抛却麟符虎节徜徉月下林风世间万事转头空个里如如不动

前调【酴醾】 向子諲

红褪小园桃杏緑生芳草池塘谁教芍药殿春光兀似酴醾官样  
翠盖更蒙珠幙熏炉賸熨沉香娟娟风露满衣裳独步瑶台月上

前调【壽妇】 向子諲

几见芙蓉并蒂忽生三秀灵芝千年老树出孙枝岩桂秋来满地  
白鹤云间翔舞緑龟叶上游嬉齐眉偕老更何疑个里自非尘世

前调 蔡伸

翡翠蒙金衫子镂尘如意冠儿持杯轻按遏云词别是出尘风味  
莫羨双星旧约愿谐明月佳期凭肩密语两心知一棹五湖烟水

前调【同友巡城饮於南楚楼】 赵师侠

淼淼澄清波面依依紫翠山光危栏徙倚对斜阳山影波流荡漾  
世事一翻醒醉人生几度炎凉高情收拾付觥觴何啻羲皇人上

前调【邀蔡坚老忠孝堂观书】 赵长卿

水满平塘过雨洗妆红褪芙蓉绿荷弄影荫龟鱼无限闲中景趣  
潇洒高堂邃馆那堪左右图书凌云赋得似相如多少风流态度

前调【夏日有感】 赵长卿

稳唱巧翻新曲灵犀密意潜通荷花香染晚来风相对恍然如梦  
有恨眉尖皱碧多情酒晕生红此愁不是等闲浓应为仙源倾动

前调【福唐别故人】 赵鼎

世态浮云易变时光飞箭难留五年重见海东头只有交情似旧  
未尽别来深意难堪老去离愁青山迢递水悠悠明日扁舟病酒

前调【瑞香】 张抡

翦就碧云闹叶刻成紫玉芳心浅香不怕峭寒侵暖彻熏笼瑞锦  
花里清芬独步尊前胜韵难禁飞香直到玉杯深消得厌厌痛饮

前调 朱敦儒

日日深杯酒满朝朝小圃花开自歌自舞自开怀且喜无拘无碍  
青史几番春梦红尘多少奇才不须计较与安排领取而今现在

前调【元宵醉中走笔】 曾觌

灿烂莲灯高下参差梅影横斜凭阑一目尽天涯雪月交辉清夜  
莫惜柔荑劝酒从教醉脸生霞烂银宫阙对仙家一段风光如画

前调 曾觌

桂苑旋生凉思银河左界秋高纤尘不动湛清霄皓月照人偏好  
诗为情多却减酒因愁里难消一声羌管梦魂劳可惜风光虚了

前调 曾觌

醉伴三千珠履如登十二琼楼壶天澄爽露华秋灩灩金波酹酒  
罗扇不随恩在佳时须要人酬麒麟画阁为谁留只见浮生白首

前调 杨无咎

态度雪香花瘦情怀雨润云温故将淡墨写精神记得洗妆余晕  
只恐妖娆未似谁云彼此难分别来顚顚不堪论相对无言有恨

前调 侯寘

金鼎香销沉麝碧梧影转阑干半庭明月绮牕闲帘幙低垂不卷  
一自高唐人去秋风几许摧残拂檐修竹韵珊珊梦断山长水远

前调 侯寘

豆蔻梢头年纪芙蓉水上精神幻云娇玉两眉春京洛当时风韵  
金缕深深劝客雕梁簌簌飞尘主人从得董双成应忘瑶池宴饮

前调【采石矶戏作渔父词】 辛弃疾

千丈悬崖削翠一川落日熔金白鸥来往本无心选甚风波一任  
别浦鱼肥堪鱠前村酒美重斟千年往事已沉沉闲管兴衰则甚

前调【壽范南伯知县】 辛弃疾

秀骨青松不老新词玉佩相磨灵槎准拟泛银河剩摘天星几个  
奠枕楼前风月驻春亭上笙歌留君一醉意如何金印明年斗大

前调【和杨民瞻赋丹桂韵】 辛弃疾

宫粉厌涂娇额浓妆偏压秋花西真人醉忆仙家飞佩丹霞羽化  
十里芬芳未足一亭风露先加杏颔桃脸费铅华终惯秋蟾影下

前调【和陈安行舍人韵】 辛弃疾

风月亭危致爽管弦声脆休催主人只是旧情怀锦瑟傍边须醉  
玉殿何曾依去沙堤正要公来看看红药又翻堦趁取西湖春会

前调【三山作】 辛弃疾

贪数明朝重九不知过了中秋人生有得许多愁只有黄花如旧  
万象亭中殢酒九仙阁上扶头城鸦唤我醉归休细雨斜风时候

前调【夜行黄沙道中】 辛弃疾

明月别枝惊鹊清风半夜鸣蝉稻花香里说丰年听取蛙声一片  
七八个星天外两三点雨山前旧时茆店社林边路转溪桥忽见

前调 辛弃疾

剩欲读书已嬾只今多病长闲听风听雨小窗眠过了春光大半  
往事数寻去鸟消愁难解连环流莺不肯入西园唤起画梁飞燕

前调【木樨】 辛弃疾

金粟如来出世蕊宫仙子乘风清香一袖意无穷洗尽尘缘千种  
长为西风作主更居明月光中十分秋意与玲珑 却今宵无梦

前调 辛弃疾

醉里且贪欢笑要愁那得工夫近来始觉古人书信着全无是处  
昨夜松边醉倒问松我醉何如只疑松动要来扶以手推松曰去

前调【秋水瀑泉】 辛弃疾

八万四千偈後更谈妙语披襟纫兰结佩有同心唤取诗翁来饮  
镂玉裁冰着句高山流水知音胸中不受一尘侵却怕灵均独醒

前调【悠然阁】 辛弃疾

一柱中擎远碧两峰傍耸高寒横陈削尽短长山莫把一分增减  
我望云烟目断人言风景天慳被公诗笔尽追还重上层梯一览

前调【示儿曹】 辛弃疾

万事烟云忽过百年蒲柳先衰而今何事最相宜宜醉宜游宜睡  
早趁催科了纳更量出入收支乃翁依旧管些儿管竹管山管水

前调 辛弃疾

粉面多成醉梦霜髯能几春秋来时送我伴牢愁一见尊前似旧  
诗在阴何侧畔字居罗赵前头锦囊来往几时休已遣蛾眉等候

前调 范成大

北客开眉乐岁东君着意华年遮风藏雨晚云天应怕杏梢红浅  
不惜灯前放夜从教雪後留寒水晶帘箔万花钿听彻南楼晓箭

前调 陈三聘

春事已浓多日游人偏胜今年梨花寒食雨余天鸭绿含风浪浅  
翠袖半黏飞粉罗衣尚怯轻寒不辞归路委香钿门外东风如箭

前调【开炉】 葛立方

风送丹枫卷地霜乾枯苇鸣溪兽炉重展向深闺红入麒麟方炽  
翠幌低垂银蒜罗帏小钉金泥笙歌送我玉东西谁管瑶花舞砌

前调【黄陵庙】 张孝祥

满载一船明月平铺千里秋江波神留我看斜阳唤起粼粼细浪  
明日风回更好今朝露宿何妨水晶宫里奏霓裳准拟岳阳楼上

前调【洞庭】 张孝祥

问讯湖边春色重来又是三年东风吹我过湖船杨柳丝丝拂面  
世路如今已惯此心到处悠然寒光亭下水连天飞起沙鸥一片

前调【同僚饮钱宜斋】 张孝祥

牖户青红尚湿主人已作归期坐中宾客尽邹枚盛事他年谁继  
别酒深深频劝离歌缓缓休催扁舟明日转清溪好月相望千里

前调 张孝祥

不识平原太守向来水北山人世间功业漫亏成华发萧萧满镜  
幸有田园故里聊分风月江城西陂西畔晚波平袖手时来照影

前调 张孝祥

冉冉寒生碧树盈盈露湿黄花故人玉节有光华高会仍逢戏马  
世事只今如梦此身到处为家与君相遇更天涯?了茱萸醉把

前调【庾楼醉後和韵】 张孝祥

楼外疎星映水楼头画烛烘帘凭高举酒思厌厌征路虚无指点  
酒兴因君开阔山容向我增添一鉤新月弄纤纤浓露花房半敛

前调 张孝祥

十里轻红自笑两山浓翠相呼意行着脚到精庐借我绳牀小住  
解饮不妨文字无心更狎鸥鱼一声长啸暮烟孤袖手西湖归去

前调 张孝祥

风尽滩声未已雨来篷底先知岸边杨柳最怜伊忆得扁舟曾系  
朝雾平吞白塔茆檐似有青旗三杯村酒醉如泥天色寒呵且睡

前调【饮百花亭】 张孝祥

落日熔金万顷晴岚洗劒双峰紫枢元是黑头公佳处因公愈重  
分得湖光一曲唤回庐岳千峰一尊今夜偶然同早晚商岩有梦

前调 朱熹

睡处林风瑟瑟觉来山月团团身心无累久轻安况有清凉池馆  
句稳翻嫌白俗情高却笑郊寒兰膏元自少陵残好处金章不换

前调 王千秋

四俊乡台荐鹗一夔漕府登贤明年春晚柳如烟看取胪传金殿  
册府牙签昼阅词坛紫诰宵传青梅置酒定无缘且放金杯潋灩

前调 王千秋

璀璨雕龙洒笔联翩荐鹗飞书翻堦红药试妆梳管取不寒温树  
容我一杯为壽看君九万鹏图髻鬟人小串玊珠岁岁緑牕朱户

前调【泛洞庭】 黄机

漠漠波浮云影遥遥天接山痕一声渔唱起苹汀名利缘渠唤醒  
短棹拟携西子长吟时吊湘灵白鸥容我作同盟占取两湖清影

前调 黄机



捻翠低垂嫩萼匀红倒簇繁英穠纤消得比娉婷酒入香肌成晕  
帘幙阴阴牕牖阑干曲曲池亭枝头不起梦春醒莫遣流莺唤醒

前调 卢祖皋

燕掠晴丝裊裊鱼吹水叶粼粼禁街微雨洒芳尘寒食清明相近  
漫着宫罗试暖闲呼社酒酬春晚风帘幙悄无人二十四番花信

前调 高观国

小舫半帘山色断桥两岸秋阴芙蓉消息已愁深红染云机翠锦  
几度烟波共酌半生风月关心飞来鸥鹭是知音一笑歌边醉醒

前调 史達祖

西月淡窥楼角东风暗落檐牙一灯初见影牕纱又是重帘不下  
幽思屡随芳草闲愁多似杨花杨花芳草徧天涯绣被春寒夜夜

前调 史達祖

一片秋香世界几层凉雨阑干青天不惜烂银盘借与先生为劝  
酒唤诗来酒外人言身在人间如何得似碧云闲且共姮娥相伴

前调 史達祖

裙褶緑罗芳草冠梁白玉芙蓉次公筵上见山公红绶欲衔双凤  
已向冰匳约月更来玉界乘风凌波鬣冷一尊同莫负彩舟凉梦

前调 韩 淲

闻道晚春时候暖风是处花飘游人争渡水南桥多少池塘春草  
跃马谁聯玉勒钓鱼应泛兰 韶光何限不逍遥输与溪鸥野鸟

前调 韩 淲

脉脉蜂黄蝶粉盈盈水秀山明卖花声里听吹觴佳丽芳华韵胜  
下上休看舞燕惺惚一任啼莺枕痕屏曲梦关情酒醒春宵漏静

前调【赋红白梅】 汪 莘

红白虽分两色清香总是梅花蚤春风日野人家相对伯夷柳下  
爱影拈将灯取惜香放下帘遮长安如此只堪夸乐此应须贤者

前调 李昉英

小鷁载池心月长虹跨水中天主人情重客留连便欲乘风寒殿  
霜竹且传秋信镜奁不作春妍夜凉正好倒金船朔饮而今重见

前调 张 榘

春事三分之二落花庭院轻寒翠屏围梦宝熏残牕外流莺声乱  
睡起犹支雪腕觉来慵整云鬟闲拈乐府倚阑干宿酒才醒一半

前调 卢 炳

残雪犹余远岭晚烟半隐寒林溶溶春涨绿波深时有渔人钓艇  
倚岸野梅坠粉蘸溪官柳摇金凭阑凝伫酒初醒料得谁知此景

前调 沈端节

一枕香消瑞脑十年漂泊江湖空余清梦绕原庐记得林间风度  
锦绣谷中旧客襟怀未肯全疎从今不要别人扶醉拥紫云归去

前调【蓬莱阁看桂】 吴文英

清梦重游天上古香吹下云头箫声三十六宫愁高处花惊风骤  
客路羁情不断阑干晚色初收千山浓绿未成秋谁见月中人瘦

前调 吴文英

江上桃花流水天涯芳草青山楼台春锁碧云湾都入行人望眼  
一镜平波鸥去千林落日鸦还天风袅袅送轻帆暮过星槎银汉

前调【丙午冬至】 吴文英

添线绣牀人倦翻香罗幙烟斜五更箫鼓贵人家门外晓寒嘶马  
?压半檐朝雪镜开千靥春霞小帘沽酒醉梅花梦到林逋山下

前调【春晴】 周 密

波影暖浮玉螯柳阴深锁金铺绀桃花褪燕调雏又是一番春暮  
碧柱情深凤怨云屏梦浅莺呼绣牕人倦冷熏炉帘影摇摇亭午

前调【酴醾阁】周密

花气半侵云阁柳阴近隔春城画阑明月按瑶箏醉倚满身花影  
翠格素虬晴雪锦笼紫凤香云东风吹玉满闲庭二十四帘春静

前调【拟花翁】周密

情缕红丝冉冉啼花碧袖荧荧迷香双蝶下庭心一桁愔愔帘影  
北里红红短梦东风雁雁前尘称销不过牡丹情中半伤春酒病

前调【为赵元父赋雪梅图】王沂孙

褪粉轻盈琼靥护香重叠冰绡数枝谁带玉痕描夜夜东风不扫  
溪上横斜影淡梦中落莫魂消峭寒未肯放春娇素被独眠清晓

前调张炎

花气烘人尚暖珠光出海犹寒如今贺老见应难解道江南肠断  
漫击铜壶浩叹空存锦瑟谁弹庄生蝴蝶梦春还帘外一声莺唤

前调【题墨水仙二首】张炎

缥缈波明洛浦依稀玉立湘皋独将兰蕙入离骚不识山中瑶草  
月照英翘楚楚江空醉魄陶陶犹疑颜色尚清高一笑出门春老

前调张炎

落落奇葩未吐离离瑶草偏幽蓬山元自不知秋却笑人间春瘦  
潇洒寒冰麈尾玲珑润玉搔头半牕晴日水痕收不怕杜鹃啼後

前调石孝友

脉脉无端心事厌厌不奈春醒越罗衫薄峭寒轻试问几番花信  
万点风头柳絮数声柳外啼莺斜阳还傍小牕明门掩黄昏人静

前调张景臣

四壁空围恨玉十香浅捻啼绡殷云度雨井桐凋雁雁无书又到  
别後钗分燕尾病余镜减鸾腰蛮江豆?影连梢不道参横易晓

前调 曾揆

櫺雨轻敲夜夜墙云低度朝朝日长天气已无聊何况洞房人悄  
眉共新荷不展心随垂柳频摇午眠仿佛见金翘惊觉数声啼鸟

前调 何梦桂

犹记春风庭院柳阴深锁帘帷东君去後雨丝丝空认紫骝嘶处  
梦断箫台无据十年往事休追忽然拈起旧来书依旧长亭双泪

前调 陈逢辰

杨柳雪融滞雨酴醾玉软欺风飞英簌簌扣雕栊残蝶归来粉重  
罨画扇题尘掩绣花纱带寒笼送春先自费啼红更结疎云秋梦

前调【延祥观拒霜拟稼轩】 陈逢辰

綠綺紫丝步障红鸾彩凤仙城谁将三十六陂春换得两堤秋锦  
眼纔醉迷朱碧笔花俊赏丹青斜阳展尽赵昌屏羞煞舞鸾妆镜

前调 无名氏

记得洛阳话别十年社燕秋鸿今朝相遇暮云东坐对旗亭说梦  
破帽手遮斜日练衣袖卷寒风芦花江上两山翁消得几番相送

前调【灯花 宋媛】 曹希蘊

零落不因春雨吹嘘何假东风纱牕一点自然红费尽工夫怎种  
有艳难寻膩粉无香不惹游蜂更阑人静画堂中相伴玉人春梦

前调 韩玉

扞拨声传酒綠蔷薇面衬宫黄娇波斜入鬓云长眉与春山一样  
潇洒不禁疎瘦低回犹似思量桃花梨叶晚阴凉说与三年梦想

前调【秋霁登高】 段克己

人与寒林共瘦山和老眼俱青  
琤然一叶不须惊叶本无心入听  
气爽云天改色潦收烟水无声  
夕阳洲外片禽鸣涵泳一江秋影

前调【九江送刘牧之】 白朴

我自纫兰为佩君方剖竹分符  
才情风调有谁如彷彿三生小杜  
置酒昔登岷首题诗今对匡庐青衫  
恨不到西湖共湿黄梅细雨

前调 蒲道源

堤柳风前影瘦池荷雨後香残  
高秋物色已阑珊落日孤烟微暗  
平野大家徐步此身赢得长闲路逢  
俗子笑相看道我为欢冷淡

前调【山亭留饮】 刘因

看竹何须问主寻村遥认松萝  
小车到处是行窝门外云山属我  
张叟腊醅藏久王家红药开多  
相留一醉意如何老子掀髯曰可

前调 刘诩

偏是一春憔悴被人闲赋  
阳台扇遮微雨傍墙回花信余寒  
柳外绣果未成双荔打鸦摘尽新  
梅暗沾蝴蝶却飞来睡起斜阳犹在

前调 王行

向暖渐生慵思寻春似减秋  
恹酒怀诗兴总恹恹只有看山不  
厌薄晚正须凭檻新晴镇日鈎帘  
几多浓翠晓来添说与白云休占

前调 刘基

红叶无风自落黄花过雨犹香  
牀头尘瓮耻空觞添了愁城万丈  
閱世身如萍梗怀人梦绕潇湘应  
知此恨不寻常岂在眉间目上

前调【赠别】 张大烈

柳折河桥赠别朝朝眼望飞鸿  
行云流水各西东镜欲圆时如梦  
孤影嬾烘红日寒衾怯骤金风怎  
如梢姬伴舟翁免得往来迎送

前调【秋兴】 程爵

尽日荷锄治圃有时捉杖寻泉山翁招我坐桥边笑指菊花开偏  
隔岸重重竹树近溪点点潭烟滩头流下小鱼船转过芦花不见

前调【秋泛】 吴 桢

极目烟波渺渺停舟新林家家橹声咿轧战风鸦寂寞寒潮西下  
呼我扫愁红友看残篱畔黄花人生适意不须他竹屋蓬牖聊且

前调【明媛】 端淑卿

帘外纷纷风絮金钩双控频敲银缸明灭麝烟消罗帐梦魂缥缈  
梅竹一枝相寄长途驿使虚劳寂寥更漏夜迢迢辗转不知天晓

前调【又一体】 黄庭坚

断送一生惟有破除万事无过远山横黛蘸秋波不饮傍人笑我  
花病等闲瘦损春愁没处遮拦杯行到手莫留残不道月斜人散

前调【青梅枝上晚花】 吴文英

枝袅一痕雪在叶藏几豆春浓玉奴最晚嫁东风来结梨花幽梦  
香力添熏罗被瘦肌犹怯冰绡绿阴青子老溪桥羞见东邻娇小

前调【又一体】 程 垓

墙外雨肥梅子堦前水绕荷花阴阴庭户薰风满冰纹簟怯菱芽  
春尽难凭燕语日长惟有蜂衙沉香火冷珠帘暮个人在碧牕纱

御选历代诗余卷二十一

## 卷二十二

＜集部,词曲类,词选之属,御选历代诗余

钦定四库全书

御选历代诗余卷二十二目錄【五十字】

应天长【又一体】

韦庄【二首】

牛峤

毛幵

前调【又一体】

牛峤

毛文锡

留春令

晏几道【三首】

高观国【三首】

史达祖

前调【又一体】

李之仪

燕归梁【又一体】

柳永

前调【又一体】

吴文英

太常引【又一体】

辛弃疾【二首】

高观国

韩淲

沈瑞节

韩玉【二首】

惜春令

杜安世

前调【又一体】

杜安世

眼儿媚【又一体】

林少瞻

赵君举

月中行【又一体】

周邦彦

吴文英

杨慎

满宫花



许棐

杨宛

上行杯【又一体】

冯延巳

张先【三首】

望汉月

晏殊

前调【又一体】

欧阳修

前调【又一体】

柳永

盐角儿

晁补之

冯鼎位

沙塞子【又一体】

周紫芝

凤来朝

周邦彦

胡捣练【又一体】

杜安世

忆故人

王诜

怨三三

李之仪

归田乐

晁补之

前调【又一体】

蔡伸

凉州令

晏几道

庆金枝

张先

南歌子【又一体】

张大烈

极相思【又一体】

吴子孝

醉花间【又一体】

冯延巳【三首】

城头月

无名氏

一落索【又一体】

黄庭坚

四犯令

侯寘

李处全

珍珠令

张炎

桂华明

关注

醉太平

明宣宗

促拍采桑子

朱敦儒

孤馆深沈

权无染

渔歌子【又一体】

顾夔

魏承班

李珣【四首】

前调【又一体】

孙光宪【二首】

少年游【又一体】

晏殊【二首】

欧阳修

张先【三首】

柳永【二首】

晁补之

毛滂

周邦彦【三首】

晁端礼

赵师侠【二首】

方千里【二首】

蒋捷【二首】

陈允平【三首】

赵孟頫

吴元可

萨都拉

杨慎

吴子孝

张大烈

前调【又一体】

张耒

向子諲

御选历代诗余卷二十二目錄

钦定四库全书

御选历代诗余卷二十二【五十字】

司经局洗马掌局事兼翰林院修撰加二级【臣】王奕清奉旨校刊

应天长

【又一体双调五十字】

应天长 韦庄

綠槐陰里黄莺语深院无人春昼午画帘垂金凤舞寂寞绣屏香一缕  
碧天云无定处空有梦魂来去夜夜綠窓风雨断肠君信否

前调 韦庄

别来半岁音书絕一寸离肠千万结难相见易相别又是玉楼花似雪  
暗相思无处说惆怅夜来烟月想得此时情切泪沾红袖斂

前调 牛峤

双眉淡薄藏心事清夜背灯娇又醉玉钗横山枕膩宝

帐鸳鸯春睡美别经时有限意虚道相思憔悴莫信彩牋书里赚人肠断字

前调 毛幵

曲阑十二闲亭沼履迹双沈人悄悄被池寒香烬小梦短女墙莺唤晓  
柳枝风轻嫋嫋门外落花多少日日离愁萦绕不知春过了

前调【又一体】 牛 峤

玉楼春望晴烟灭舞衫斜卷金条脱黄鹂娇啖声初歇杏花飘尽龙山雪  
凤钗低赴节筵上王孙愁絶鸳鸯对衔罗结两情深夜月

前调 毛文锡

平江波暖鸳鸯语两两钓船归极浦芦洲一夜风和雨飞起浅沙翘雪鹭  
渔灯明远渚兰棹今宵何处罗袂从风轻举愁煞采莲女

留春令

【双调五十字】

留春令 晏几道

画屏天畔梦回依约十洲云水手捻红笺寄人书写无限伤春事  
别浦高楼曾漫倚对江南千里楼下分流水声中有当日凭高泪

前调 晏几道

采莲舟上夜来?觉十分秋意懊恼寒花暂时香与情浅人相似  
玉蕊歌清招晚醉恋小桥风细水湿红裙酒初消又记得南溪事

前调 晏几道

海棠风横醉中吹落香红强半小粉多情怨杨花仔细把残春看  
一抹浓檀秋水畔缕金衣新换鸂鶒杯深艳歌迟更莫放人肠断

前调【淮南道中】 高观国

断霞低映小桥流水一川平远柳影人家起炊烟髣髴似江南岸  
马上东风吹醉面问此情谁管花里清歌酒边情又何日重相见

前调 高观国

粉绡轻试绿裙微褪吴姬娇小一点清香着芳魂便添起春怀抱  
玉脸窥人舒浅笑寄此情天杪酒醒罗浮角声寒正月挂南枝晓

前调 高观国

玉消冰瘦洗妆初见春风头面等得黄昏月溪寒爱顾影临清浅  
历尽冰霜空嗟怨怨粉香消减江北江南旧情多奈笛里关山远

前调 史达祖

故人溪上挂愁无奈烟梢月树一涓春水点黄昏便没顿相思处  
曾把芳心深相许故梦劳诗苦闻说东风亦多情被竹外留香住

前调【又一体】 李之仪

梦断难寻酒醒犹困那堪春暮香阁深沈红牕翠暗莫羨颠狂絮  
绿满当时携手路嬾见同欢处何时却得珠帘画阁尽诉情千缕

燕归梁

【又一体双调五十字】

燕归梁 柳 永

织锦裁篇写意深字值千金一回披翫一愁吟肠成结泪盈襟  
幽欢已散前期远无聊赖是而今密凭归燕寄芳音恐冷落旧时心

前调【又一体】 吴文英

一片游丝拂镜湾素影护梅残行人无语看春山背东风雨苍顔  
梦飞不到梨花外孤馆闭更寒谁怜消渴老文园听溪声泻冰泉

太常引

【又一体双调五十字】

太常引【壽赵晋臣敷文】 辛弃疾

论公耆德旧宗英吴季子百余龄奉使老於行更看无听歌最精  
须同卫武九十入相藁竹自青青富贵出长生记门外清溪姓彭

前调【壽韩南涧尚书】 辛弃疾

君王着意履声间便合押紫宸班今代又尊韩道吏部文章泰山  
一杯千岁问公何事早伴赤松间功业後来看似江左风流谢安

前调【碧桃】 高观国

玉肌轻衬碧霞衣似争驾翠鸾飞羞问武陵溪笑女伴东风醉时  
不飘红雨不贪青子冷淡却相宜春晚涌金池问一片将愁寄谁

前调 韩 澂

小春时候腊前梅还知道为谁开应遶百千回夜色转参横斗魁  
十分孤静替伊愁絶片月共徘徊一阵暗香来便觉得诗稍有涯

前调 沈端节

三三五五短长亭都只解送人行天远树冥冥怅好梦才成又惊  
夜堂歌罢小楼钟断归路已闻莺应是困瞢腾问心绪而今怎生

前调 韩 玉

荒山连水水连天忆曾上桂江船风雨过吴川又却在潇湘岸边  
不堪追念浪萍踪迹虚度夜如年风外晓钟传尚独对残灯未眠

前调 韩 玉

东城归路水云间几曾放梦魂闲何日整归鞍又人对西风凭阑  
温柔情性系怀伤感欲诉诉应难愁聚两眉端又疊起千山万山

惜春令

【双调五十字】

惜春令 杜安世

春梦无凭犹嬾起银烛尽画帘低垂小庭杨柳黄金翠桃脸两三枝  
妆阁慵梳洗闷无绪玉箫抛掷絮飘纷纷人疎远空对日迟迟

前调【又一体】 杜安世



此夕重阳秋意深篱边散嫩菊黄金万里霜天林叶坠萧索动离心  
臂上茱萸新似旧年堪赏光陰百盞香醪且酬身牛山会难寻

眼儿媚

【又一体双调五十字】

眼儿媚【晓行】 林少瞻

霁霞散晓月犹明疎木挂残星山径人稀翠萝深处啼鸟两三声  
霜华重逼云裘冷心共马蹄轻千里青山一溪流水都做许多情

前调 赵君举

晓山日薄半春陰烟暖柳拖金满眼新晴歌声楼影悠荡碧波心  
闲亭客散人归去疎雨透罗襟帘阁蒙蒙断虹明处千里暮云深

月中行

【又一体双调五十字】

月中行 周邦彦

蜀丝趁日染乾红微?口脂融博山细篆霭房枕静看打牕虫  
愁多胆怯疑虚幙声不断暮景疎钟团围四壁小屏风泪尽梦啼中

前调【和黄复庵】 吴文英

疎桐翠竹蚤惊秋叶叶雨声愁灯前倦客老貂裘燕去柳边楼  
吴宫寂寞空烟水浑不认旧采菱洲秋花旋结小盘虬蝶怨夜香留

前调 杨慎

月华静夜思悠哉夜静灭焚埃窥人不待画堂开圆影隙中来  
小轩朱缀香尘满重门掩露滴金苔洞房未晓且徘徊清漏不须催

满宫花

【一名瑞宫春双调五十字】

满宫花 许 棐

嬾转香闲弄粉犹带清醒微困金鞍何处掠新欢偷倩燕寻莺问  
柳供愁花献恨袞袞猎红成阵碧楼能有几番春又是一番春尽

前调【暑夜与诸女明妓郎外家宴】杨 宛

树陰陰凉早早共盼月来天杪不知花里几多花只觉幽香重遶  
露犹轻人已悄各各深情情巧尽从花里捉流萤一半醉眠芳草

上行杯

【又一体双调五十字即偷声木兰花也】

上行杯 冯延巳

落梅着雨消残粉云重烟深寒食近罗幕遮香柳外秋千出画墙  
青山颠倒钗头凤飞絮入帘春睡重梦里佳期祇许庭花与月知

前调 张 先

曾居别乘康吴俗民到於今歌不足骊驹征鞭一去东风十二年  
重来却拥诸侯骑宝带垂鱼金照地和气融人清雪千家日日春

前调 张 先

雪笼琼苑梅花瘦外苑重扉联宝兽海月新生上得高楼无限情  
帘波不动银缸小今夜夜长争得晓欲梦高唐恐觉来时添断肠

前调 张 先

画桥浅映横塘路流水滔滔春共去目送斜晖燕子双高蝶对飞  
风花将尽持杯送往事只成清夜梦莫更登楼坐想行思已自愁

望汉月

【双调五十字】

望汉月 晏 殊

千缕万条堪结占断好风良月谢娘春晚已多愁更撩乱絮如雪  
短亭相送处长忆得醉中攀折年年岁岁好时节怎奈有人离别

前调【又一体】 欧阳修

红艳几枝轻袅新被东风开了倚烟啼露为谁娇故惹蝶怜蜂恼  
多情游赏处留恋向绿丛千绕酒阑歌罢不成归肠断月斜春老

前调【又一体】 柳永

明月明月明月何事乍圆还缺恰如年少洞房人欢会依前离别  
小楼凭槛处正是去年时节千里清光又依旧奈夜永厌厌人绝

盐角儿

【双调五十字前段似柳梢春後段全异】

盐角儿【毫社观梅】 晁补之

开时似雪谢时似雪花中奇绝香非在蕊香非在萼骨中香彻  
占溪风留溪月堪羞损山桃如血直饶更疎疎淡淡终有一般情别

前调【春半】 冯鼎臣

春分过也小楼昨夜棠梨花谢章台折柳西园拾翠暗香随马  
午风轻莺声乍盈盈侣秋千初罢再相约黄昏踏月牕下绿蛾重画

沙塞子

【又一体双调五十字】

沙塞子【中秋无月】 周紫芝

秋云微淡月微羞云黯黯月彩难留只应是嫦娥心里也似人愁  
几时回步玉移钩人共月同上南楼却重听画阑西角月下轻讴

凤来朝

【双调五十字】

凤来朝 周邦彦

逗晓看娇面小牕凉弄明未辨爱残妆宿粉云鬟乱最好是帐中见  
说梦双蛾微敛锦衾温兽香未断待起难舍 任日炙画楼暖

胡捣练

【又一体双调五十字】

胡捣练 杜安世

数枝半敛半开时洞阁晓妆新注宝香格艳姿天赋甘被羣芳妒  
狂风横雨且相饶又恐有采云迎去牵破少年心绪无计长为主

忆故人

【一名烛影摇红双调五十字王诜因忆故人自度此词因以名其调宋徽宗又以其词中首句为名】

忆故人 王 诜

烛影摇红向夜阑乍酒醒心情嬾尊前谁为唱阳关离恨天涯远  
无奈云沉雨散凭阑干东风泪眼海棠开后燕子来时黄昏庭院

怨三三

【古词有狂唤醉里三三句遂以名调双调五十字】

怨三三【寄旧游】 李之仪

清溪一派泻柔蓝岸草 记得黄鹂语画檐唤狂里醉重三  
春风不动垂帘似三五初圆素蟾镇泪眼廉纤何时歌舞再和池南

归田乐

【双调五十字】

归田乐 晁补之

春又去似别佳人幽恨积闲庭院翠陰满添昼寂一枝梅最好至今忆  
正梦断炉烟袅参差疎帘隔为何事年年春恨问花应会得

前调【又一体】 蔡 伸

风生苹末莲香细新浴晚凉天气犹自倚朱阑波面双双彩鸳戏  
鸾钗委坠云堆髻谁会此时情意冰簟玉琴横还是月明人千里

凉州令

【凉或作梁双调五十字唐伊凉甘石渭氐六州皆有歌曲总名曰六州歌头此调端以凉州名也】

凉州令 晏几道

莫唱阳关曲泪湿当年金缕离歌自古最消魂於今更在消魂处  
南桥杨柳多情绪不系行人住人情却似飞絮悠扬便逐春风去

庆金枝

【双调五十字】

庆金枝 张 先

青螺添远山两娇靥笑时圆抱云勾雪近灯看筭何处不堪怜  
今生但愿无离别花月下绣屏前双蚕成茧共纏绵更重後生缘

南歌子

【又一体双调五十字】

南歌子 张大烈

蛾眉羞自画鸾台嬾对匀罗衣不任带寬裙孤擎玉盏酒病厌沾唇  
心去随流水花开独掩门阳台何日驾飞云凄凄衾冷月初昏

极相思

【又一体双调五十字】

极相思 吴子孝

邯郸一梦归来无意画云台钓鳌沧海骑鲸碧落甚矣吾衰  
十年彩袖判长隐苹供北涧兰采南陔三间茅屋一双白鹤万仞丹崖

醉花间

【又一体双调五十字】

醉花间 冯延巳

林雀归栖撩乱语阶前还日暮屏掩画堂深帘卷潇潇雨  
玉人何处去鹊喜浑无据双眉愁几许漏声看却夜将阑点寒灯扃绣户

前调 冯延巳

独立堦前星又月帘栊偏皎洁霜树尽空枝肠断丁香结  
夜深寒不寐疑恨何曾歇凭阑干欲折两条玉筍为君垂此宵情谁共说

前调 冯延巳

月落霜繁深院闭洞房人正睡桐树倚雕檐金井临瑶砌  
晓风寒不啻独立成憔悴闲愁浑未已离人心绪自无端莫思量休退悔

城头月

【双调五十字与少年游无异但系仄韵向来另有调名以马天骥词中有城头月色明如画句也】

城头月 无名氏

子规啼破黄昏冷澹月笼花影清露无声残霞敛尽天外三星迥  
轻红衫子鸳鸯领绣阁妆重整半启葳蕤西厢密约侍立垂帘等

一落索

【又一体双调五十字】

一落索 黄庭坚

谁道秋来烟景素任游人不顾一番时态一番新到得意皆欢慕  
紫萸黄菊繁华处对月庭风露愁来即便去?芳更作甚悲秋赋

## 四犯令

【一名四和香双调五十字】

## 四犯令 侯寘

月破轻云天淡注夜悄花无语莫听阳关牵离绪 酩酊花深处  
明日江郊芳草路春逐行人去不似酴醾开独步能着意留春住

## 前调 李处全

香雪渐苞偏胜韵领袖催花信华节良辰人有分看士女幡垂鬓  
莫向春风寻旧恨乐事随方寸眉寿固应天不吝浮大白吾无闷

## 珍珠令

【双调五十字】

## 珍珠令 张炎

桃花扇底歌声杳愁多少便觉道花阴闲了因甚不归来甚归来不早  
满院花飞休要扫待留与薄情知道怕一似飞花和春都老

## 桂华明

【关注因梦遇填词名桂花明双调五十字】

## 桂华明 关注

缥缈神仙开洞府遇广寒宫女问我双鬟梁汉舞还记得当时否  
碧玉词章教仙侣为按歌宫羽皓月满牕人何处声永断瑶台路

## 醉太平

【双调五十字】

醉太平【赐学士沈度】明宣宗

浓云散雨收花苑内鸣鸠晓来喜见日光浮暖融融永昼  
麦苗润泽怀清秀榴花湿映红光溜田家歌舞尽歌讴是处庆丰年醉酒

促拍采桑子

【此就采桑子添促拍二字以按歌得名也双调五十字】

促拍采桑子 朱敦儒

清露湿幽香想瑶台无语凄凉飘然欲去依然似梦云度银潢  
又是天风吹淡月佩丁东携手西厢泠泠玉磬沈沈素瑟舞徧霓裳

孤馆深沈

【双调五十字】

孤馆深沈【梅】权无染

琼英雪艳岭梅芳天付与清香向腊後春前解压万花先占青阳  
拟待折一枝相赠奈水远山长对妆面忍听羌笛又还空断人肠

渔歌子

【又一体双调五十字】

渔歌子 顾 夙

晚风清幽沼绿倚阑凝望珍禽浴画帘垂翠屏曲满袖荷香馥郁  
好攄怀堪寓目身闲心静平生足酒杯深光影促名利无心较逐

前调 魏承班

柳如眉云似髮皎绡雾縠笼香雪梦魂惊钟漏歇牕外晓莺残月  
几多情无处说落花飞絮清明节少年郎容易别一去音书断绝

前调 李 珣



楚山青湘水绿春风澹荡看不足草芊芊花簇簇渔艇棹歌相续  
信浮沈无管束钓回乘月归湾曲酒盈樽云满屋不见人间荣辱

前调 李珣

荻花秋潇湘夜橘州佳景如屏画碧烟中明月下小艇垂纶初罢  
水为乡蓬作舍鱼羹稻饭常餐也酒盈杯书满架名利不将心挂

前调 李珣

柳垂丝花满树莺啼楚岸春天暮棹轻舟出深浦缓唱渔歌归去  
罢垂纶还酌醕孤村遥指云遮处下长汀临浅渡惊起一行沙鹭

前调 李珣

九疑山三湘水芦花时节秋风起水云间山月里棹月穿云游戏  
鼓清琴倾绿蚁扁舟自得逍遥志任东西无定止不议人间醒醉

前调【又一体】 孙光宪

草芊芊波漾漾湖边草色连波涨沿蓼岸泊枫汀天际玉轮初上  
扣舷歌聊极望桨声伊轧知何向黄鹄叫白鸥眠谁似依家疎旷

前调 孙光宪

泛流萤明又灭夜凉水冷东湾濶风浩浩笛寥寥万顷金波重疊  
杜若洲香郁烈一声宿雁霜时节经雪水过松江尽属依家日月

少年游

【又一体双调五十字】

少年游 晏殊

芙蓉花发去年枝双燕欲归飞兰堂风软金炉香煖新曲动帘帷  
佳人拜上千春壽深意满琼卮绿鬓朱顏道家装束长似少年时

前调 晏殊

谢家庭槛晓无尘芳宴祝良辰风流妙舞樱桃清唱依约驻行云  
榴花一盏浓香满为寿百千春岁岁年年共欢同乐嘉庆与时新

前调 欧阳修

玉壶冰莹兽炉灰人起绣帘开春丛一夜六花开尽不待剪刀催  
洛阳城阙中天起高下徧楼台絮乱风轻拂鞍沾袖归路似章街

前调 张先

碎霞浮动晓朦胧春意与花通银瓶素绠玉泉金甃真色浸潮红  
花枝人面难常见青子小丛丛韶华长在明年依旧相与笑春风

前调 张先

帽檐风细马蹄尘常记探花人露英千样粉香无尽秦地酒初醇  
探花人渐花前老花上旧时春行歌声里靓妆丛里须贵少年身

前调【渝川席上和韵】 张先

听歌持酒且休行云树几程程眼看檐牙手搓花蕊未必两无情  
拓夫滩上闻新鴈离袖掩盈盈此恨无穷远如江水东去几时平

前调 柳永

长安古道马迟迟高柳乱蝉嘶夕阳岛外秋风原上目断四天垂  
归云一去无踪迹何处是前期狎兴生疎酒徒萧索不似少年时

前调【秋思】 柳永

参差烟树灞陵桥风物尽前朝衰杨古柳几经攀折憔悴故宫腰  
夕阳闪澹秋光净离思满蘅皋一曲阳关断肠声里独上木兰桡

前调 晁补之

庐山谣草四时春烟锁上宫门记得南游偶?飞涧一洗庾公尘  
香炉高咏君家事文采近前人他日骑?尚怜迷路与问衆仙真

前调 毛滂

遥山雪气入疎帘罗幕晓寒添暖日腾波朝霞入户一线过冰檐  
緑尊香嫩葡萄?满酌破冬严庭下早梅已含芳意春近瘦枝南

前调 周邦彦

檐牙缥缈小倡楼凉月挂银钩聒席笙歌透帘灯火风景似扬州  
当时面色欺春雪曾伴美人游今日重来更无人问独自倚阑愁

前调【荊州作】 周邦彦

南都石黛埽晴山衣薄奈朝寒一夕东风海棠花谢楼上卷帘看  
今朝丽日明如洗南陌?雕鞍旧赏园林喜无风雨春鸟报平安

前调【雨後】 周邦彦

朝云漠漠散轻丝楼阁澹春姿柳泣花啼九街泥重门外燕飞迟  
而今丽日明金屋春色在桃枝不似当时小楼冲雨幽恨两人知

前调 晁端礼

建溪灵草已先尝欢意尚难忘未放笙歌暂留簪佩犹有紫芝汤  
醉中纤手殷懃捧欲去断人肠绛蜡迎归绣鞍扶下笑语尽闻香

前调【梅】 赵师侠

玉壶冰结暮天寒朔吹绕阑干雪破梢头香传花外春信入江南  
巡檐索笑情何限一点已微酸待得黄垂冥冥烟雨緑树裛金丸

前调 赵师侠

冰霜凝冻腊残时暖律渐推移彩胜罗幡土牛春仗和气与春回  
花心柳眼知时节凝露向阳枝喜入新春称心百事如意想都宜

前调 方千里

丹青间展小屏山香烬一丝寒织锦回文生绡红泪不语自羞看  
相思念远关河隔终日望征鞍不识单栖忍教良夜魂梦觉长安

前调 方千里

东风无力扬轻丝芳草雨余姿浅绿还池轻黄归柳老去愿春迟  
阑干凭?慵回首闲把小花枝怯酒情怀恼人天气清瘦有谁知

前调 蒋捷

梨花风紧雪难晴千点照溪明吹絮帘低睡茸牕小人隔翠阴行  
而今白鸟横飞处烟树渺乡城两袖春寒一襟春恨斜日澹无情

前调 蒋捷

枫林红透晚烟青客思满鸥汀二十年来无家种竹犹借竹为名  
春风未了秋风到老去万缘轻只把平生闲吟闲咏谱作樵歌声

前调 陈允平

斜阳冉冉柳边楼珠箔水晶钩拍点红牙箫吹紫玉低按小梁州  
双鸾已悞青楼约谁伴月中游倦蝶残花寒蛩落叶长是替人愁

前调 陈允平

画楼深映小屏山帘幙护轻寒比翼香囊合欢罗帕都做薄情看  
如今已过梨花雨何处殢归鞍待约青鸾采云同去飞梦到长安

前调 陈允平

翠罗裙解缕金丝罗扇掩芳姿柳色凝寒花情殢雨生怕踏青迟  
碧纱牕外莺声嫩春在海棠枝别後相思许多憔悴惟有落红知

前调 赵孟頫

弄晴微雨细丝丝山色澹无姿柳絮飞残荼蘼开罢青杏已团枝  
阑干倚徧人何处愁听语黄鹂宝瑟尘生翠绡香减天远鴈书迟

前调【戏友】 吴可元

石榴花下薄罗衣睡起却?棋未省高低被伊春笋拈了白琉璃  
钿脱钗斜浑不省意重子声迟对面痴心只愁收局肠断欲输时

前调 萨都拉

去年人在凤凰池银烛夜弹丝沈水香消梨云梦暖深院绣帘垂  
今年冷落江南夜心事有谁知杨柳风柔海棠月澹独自倚阑时

前调【春暮】 杨慎

红稠绿暗徧天涯春色在谁家花谢蝶稀柳浓莺嬾烟景属蜂衙  
日长睡起无情思帘外夕阳斜带眼频移琴心慵理多病负年华

前调【约衡山不至】 吴子孝

苑中日日见花开花下独徘徊帽沾红雨衣承香雪春色似蓬莱  
怅望高轩终不到寂寞小池台柳条尽绿莺声渐老夜雨长新苔

前调【秋思】 张大烈

萧瑟秋风古渡桥江风壮晚潮夕阳衰柳何堪轻折瘦损小蛮腰  
碧云澹远澄波静惨怨散林皋山海情深石尤风急留住远征桡

前调【又一体】 张耒

含羞倚醉不成歌纤手掩香罗偎花映烛偷传深意酒思入横波  
看朱成碧心迷乱脉脉敛双蛾相见时稀隔别多又春尽奈愁何

前调 向子諲

去年同醉酴醾下尽笔赋新词今年君去酴醾欲破谁与醉为期  
旧曲重歌倾别酒风露泣花枝章水能长湘水远流不尽两相思

御选历代诗余卷二十二

## 卷二十三

<集部,词曲类,词选之属,御选历代诗余

钦定四库全书

御选历代诗余卷二十三目錄【起五十一字至五十二字】

谢新恩

南唐李煜

瑶池燕

贺铸

无名氏

前调【又一体】

沈宜修

滴滴金【又一体】

孙道绚

河传

张泌

前调【又一体】

张泌

探春令

宋徽宗

前调【又一体】

蒋捷

少年游【又一体】

欧阳修【二首】

柳永【四首】

前调【又一体】

晏殊【二首】

晏几道【二首】

前调【又一体】

周邦彦

姜夔

方千里

杨泽民

前调【又一体】

欧阳修

前调【又一体】

苏轼

前调【又一体】

柳永

思越人【又一体】

鹿?晨

孙光宪【二首】

张泌

前调【又一体】

赵长卿

燕归梁【又一体】

晏殊【二首】

张先

周邦彦

前调【又一体】

吕渭老

史达祖

赵才卿

前调【又一体】

吴文英

秋夜雨

蒋捷【四首】

迎春乐

秦观

前调【又一体】



贺铸【三首】

满宫花【又一体】

张泌

雨中花

晏殊

思远人【又一体】

晏几道

凉州令【又一体】

晁补之

凤来朝【又一体】

史達祖

陈允平

南歌子【又一体】

张大烈

迎春乐【又一体】

周邦彦

方千里

杨泽民

陈允平【三首】

探春令【又一体】

晏几道

前调【又一体】

杨无咎

前调【又一体】

杨元咎

少年游【又一体】

晏几道【三首】

高观国

雨中花【又一体】

欧阳修

毛滂【二首】

杨慎

青门引

张先

刘基

醉红妆

张先

引驾行

晁补之

庆同天

张先

捣练子【又一体】

无名氏

凉州令【又一体】

欧阳修

前调【又一体】

刘基

恨来迟

无名氏

惜双双令

刘崧

锯解令

杨无咎

杏花天【又一体】

高濂

梦仙郎

张先

入塞

程垓

燕归梁【又一体】

蒋捷

留春令

沈端节

玉团儿

袁去华

倾杯令

吕渭老

望江东

黄庭坚

菊花新

张先

归去来【又一体】

柳永

木兰花

毛熙震

酒泉子【又一体】

潘阆

醉花陰

毛滂【二首】

舒亶【二首】

赵长卿

杨无咎【三首】

辛弃疾

张元干

李清照

刘基【三首】

吴子孝【二首】

王肯堂

朱 灏

陈子龙

沈士铎

端淑卿

御选历代诗余卷二十三目錄

钦定四库全书

御选历代诗余卷二十三【起五十一字至五十二字】

司经局洗马掌局事兼翰林院修撰加二级【臣】王奕清奉旨校刊

谢新恩

【单调五十一字止李煜一首不分前後段存以备体】

谢新恩 南唐李煜

冉冉秋光留不住满墙红叶暮又是过重阳台榭登临处茱萸香坠紫菊气飘庭户晚烟笼细

雨離離新鴈咽寒声愁恨年年长相侶

瑶池燕

【本琴曲名燕有作讌作宴者双调五十一字】

瑶池燕 贺铸

琼钩褰幔秋风观漫漫白云联度河汉长宵半参旗烂烂何时旦  
命闺人金徽重按商歌怨依稀广陵清散低眉叹危弦未断肠先断

前调 无名氏

飞花成阵春心困寸寸别肠多少愁闷无人问偷期自搵残妆粉  
抱瑶琴寻出新韵玉纤趁南风未解幽愠低云鬓眉峰斂晕娇和恨

前调【又一体和明媛君晦弟韵】沈宜修

轻寒阵阵欺花困半嫋垂杨乍笼余恨藏微晕罗巾愁湿妆前认  
傍帘栊花影堆闷香消损东风几负春信凭谁讯平波正远怜双鬓

滴滴金

【又一体双调五十一字】

滴滴金 【宋媛】孙道绚

月光飞入林前屋风策策度庭竹夜半江城击柝声动寒梢栖宿  
等闲老去年华促祇有江梅伴幽独梦绕夷门旧家山恨惊回难续

河传

【双调五十一字此词体制最多用韵各异皆按字数分别其体隋制曲有名水调河传盖水调者古乐府一部之名所统曲颇多河传其一也後人因以名词调】

河传 张泌

渺莽云水惆怅暮帆去程迢递夕阳芳草千里万里鴈声无限起  
梦魂悄断烟波里心如醉相见何处是锦屏香冷无睡被头多少泪

前调【又一体】 张泌

红杏交枝相映密密蒙蒙一庭浓艳倚东风香融透帘枕  
斜阳似共春光语蝶争舞更引流莺妒魂销千片玉尊前神仙瑶池醉暮天

探春令

【双调五十一字此调与留春令相似然末句不同中间平仄亦异宋人原分二调不可浑一】

探春令 宋徽宗

帘旌微动悄寒天气龙池冰泮杏花笑吐香犹浅又还是春将半  
清歌妙舞从头按等芳时开宴记去年对着东风曾许不负莺花愿

前调【又一体】 蒋捷

玉牖蝇字记春寒满茸丝红处画翠鸳双展金蛱翅未抵我愁红腻  
芳心一点天涯去絮蒙蒙遮住对花弹阮纤琼指为粉靥空弹泪

少年游

【又一体双调五十一字】

少年游 欧阳修

去年秋晚此园中携手翫芳丛拈花嗅蕊恼烟撩雾 醉倚西风  
今年重对芳丛处追往事又成空敲徧阑干向人无语惆怅满枝红

前调 欧阳修

肉红圆样浅心黄枝上巧如装雨轻烟重无憀天气啼破晓来妆  
寒轻贴体风头冷忍抛弃向秋光不会深心为谁惆怅回面恨斜阳

前调 柳永

日高花榭嬾梳头无语倚妆楼修眉斂黛遥山横翠相对结春愁  
王孙走马长楸陌贪迷恋少年游似恁疎狂费人拘管争似不风流

前调 柳永

铃斋无讼宴游频罗绮簇簪绅施朱传粉丰肌清骨容态尽天真  
歌咽舞扇花光里翻回雪驻行云绮席阑珊凤灯明灭谁是意中人

前调 柳永

帘垂深院冷萧萧花外漏声遥青灯未灭红牕间卧远梦去迢迢  
薄情漫有归消息鸳鸯被半香销试问伊家阿谁心绪禁得恁无聊

前调 柳永

佳人巧笑值千金当日偶情深几回饮散灯残香暖好事尽鸳衾  
如今万水千山隔魂杳杳信沉沉孤棹烟波小楼风月两处一般心

前调【又一体】 晏殊

重阳过后西风渐紧庭树叶纷纷朱阑向晓芙蓉妖艳特地鬪芳新  
霜前月下斜红澹蕊明媚欲回春莫将琼萼等闲分留赠意中人

前调 晏殊

霜华满树兰雕蕙惨秋艳入芙蓉臙脂嫩脸金黄轻蕊犹自怨西风  
前欢往事当歌对酒无限到心中更凭朱槛忆芳容肠断一枝红

前调 晏几道

西楼别後风高露冷无奈月分明飞鸿影里捣衣砧外总是玉关情  
王孙此际山重水远何处赋西征金闺魂梦枉叮咛寻尽短长亭

前调 晏几道

雕梁燕去裁诗寄远庭院旧风流黄花醉了碧梧题罢闲卧对高秋  
繁云破後分明素月凉影挂金钩有人凝澹倚西楼新样两眉愁

前调【又一体】 周邦彦

并刀如水吴盐胜雪纤指破新橙锦幄初温兽香不断相对坐吹笙  
低声问向谁行宿城上已三更马滑霜浓不如休去直是少人行



前调【戏张斗甫】 姜夔

双螺未合双蛾先敛家在碧云西别母情怀随郎滋味桃叶渡江时  
扁舟载了匆匆去今夜泊前溪杨柳津头梨花墙外心事两人知

前调 方千里

人如穠李香蒙翠缕芳酒嫩於橙宝烛烘香珠帘闲夜银字理鸾笙  
归时醉面春风醒花雾隔疎更低辗雕轮轻拢骄马相待月中行

前调 杨泽民

鸾胎麟角金盘玉筋芳果荐香橙洛浦佳人缑山仙子高会共吹笙  
挥毫便埽千章曲一字不须更绹阙瑶台星桥云帐全胜少年行

前调【又一体】 欧阳修

阑干十二独凭春晴碧远连云千里万里二月三月行色苦愁人  
谢家池上江淹浦畔吟魄与离魂那堪疎雨滴黄昏更特地忆王孙

前调【又一体】 苏轼

去年相送余杭门外飞雪似杨花今年春尽杨花似雪犹不见还家  
对酒卷帘邀明月风露透牕纱却似嫦娥怜双燕分明照画梁斜

前调【又一体】 柳永

一生赢得凄凉追前事暗心伤好天凉夜深屏香阁争忍便相忘  
王孙动是经年别贪迷恋有何常万种千般托伊情分顛倒尽猜量

思越人

【又一体双调五十一字】

思越人 鹿?辰

翠屏欹银烛背漏残清夜迢迢双带绣窠盘锦荐泪侵花暗香销  
珊瑚枕膩鸦鬟乱玉纤慵整云散苦是适来新梦见离肠争不千断

前调 孙光宪

古台平芳草远馆娃宫外春深翠黛空留千载恨教人何处相寻  
绮罗无复当时事露花点滴香泪惆怅遥天横绿水鸳鸯对对飞起

前调 孙光宪

渚莲枯宫树老长洲废苑萧条想像玉人空处所月明独上溪桥  
经春初败秋风起红兰绿蕙愁死一片风流伤心地魂消目断西子

前调 张泌

燕双飞莺百啭越波堤下长桥鬬钿花筐金匝匝舞衣罗薄纤腰  
东风澹荡慵无力黛眉愁聚春碧满地落花无消息月明肠断空忆

前调【又一体】 赵长卿

情难托离愁重悄然没处安着那堪更一叶知秋天色儿渐冷落  
马上征衫频裊泪一半斑斑污却别来为忆叮咛话空赢得瘦如削

燕归梁

【又一体双调五十一字】

燕归梁 晏殊

双燕归飞绕画堂似留恋虹梁清风明月好时光更何況綺筵张  
云衫侍女频倾寿酒加意动笙簧人人心在玉炉香庆佳会祝筵长

前调 晏殊

金鸭香炉起瑞烟呈妙舞开筵阳春一曲动朱弦斟美酒泛觥船  
中秋五日风清露爽犹是早凉天蟠桃花发一千年祝长寿比神仙

前调 张先

去岁中秋玩桂轮河汉净无云今年江上共瑶尊都不是去年人  
水精宫殿琉璃台阁红翠两行分点唇微破秀眉颦清影外见歌尘

前调 周邦彦

帘底新霜一夜浓短烛散飞虫曾经洛浦见惊鸿关山隔梦魂通  
明星晃晃津回路转榆影步花骢欲攀云驾倩西风吹清角寄玲珑

前调【又一体】 吕渭老

楼外东风杜宇声双枕细眉颦女郎番马小山屏金笼冷梦魂惊  
起来重绾双罗髻无个事泪盈盈杨花蝴蝶乱分身飞不定暮云晴

前调 史达祖

独卧秋牕桂未香怕雨点飘凉玉人只在楚云傍也着泪过昏黄  
西风今夜梧桐冷断无梦到鸳鸯秋砧二十五声长请各自耐思量

前调【即席 宋妓送别】 赵才卿

细柳营中有亚夫华宴簇名姝雅歌长许佐投壶无一日不欢娱  
汉王拓境思名将捧飞诏欲登途从前密约尽成虚空赢得泪如珠

前调【又一体】 吴文英

白玉搔头坠髻松怯冷翠裙重当时离佩解丁东澹云低暮江空  
青丝结带鸳鸯浅岁华晚又相逢绿尘湘水避春风步归来月宫中

秋夜雨

【双调五十一字】

秋夜雨【春】 蒋捷

金衣露湿莺喉咽春情不解分雪宝箏弦断尽但万缕闲愁难撚  
长红小白谁亭馆过禁烟弹指芳歇今夜休要别且醉宿细桃花月

前调【夏】 蒋捷

髻车转急风吹咽冰丝松藕新雪有人凉满怕汗湿红绡犹撚  
三更梦断敲荷雨细听来疎点还歇茉莉标致别占断了纱幮香月

前调【秋】 蒋捷

黄云水驿秋笳咽吹人双鬓如雪愁多无奈处漫碎把寒花轻捻  
红云转入香心里夜渐深人语初歇此际愁更别鴈落影西窗残月

前调【冬】 蒋捷

红麟不?饼笊咽炉灰一片晴雪醉无香嗅醒但手把新橙闲捻  
更深冻损梅花也听画堂箫鼓方歇想是天气别豫借与春风三月

迎春乐

【双调五十一字】

迎春乐 秦观

菖蒲叶叶知多少惟有个蜂儿妙雨晴红粉齐开了露一点娇黄小  
早是被晓风力暴更春共斜阳俱老怎得花香深处作个蜂儿抱

前调【又一体】 贺铸

琼琤絶艺真无价指尖纤态闲暇几多方寸关情话都付与弦声写  
三月十三寒食夜映花月絮风台榭明月待欢来久背面秋千下

前调 贺铸

逢迎一笑金难买小樱唇浅蛾黛玉环风调依然在想花下攀鞍态  
竚倚碧云如有待望新月为谁双拜细语人不闻微风动罗裙带

前调 贺铸

云纤日嫩东风软雪初融水清浅粉容舞按迎春偏似飞动钗头燕  
深折梅花曾寄远问谁为倚楼凄怨身伴未归鸿犹顾恋江南暖

满宫花

【又一体双调五十一字】

满宫花 张泌

花正芳楼似绮寂寞上阳宫里钿笼金鎖睡鸳鸯帘冷露华珠翠  
娇艳轻盈香雪膩细雨黄莺双起东风惆悵欲清明公子桥边沉醉

### 雨中花

【一名夜行船双调五十一字】

### 雨中花 晏殊

剪翠妆红欲就折得清香满袖一对鸳鸯眠未足叶下长相守  
莫傍细条寻嫩藕怕綠刺冒衣伤手可惜许月明风露好恰在人归後

### 思远人

【又一体双调五十一字】

### 思远人 晏几道

红叶黄花秋意晚千里念行客飞云过尽归鸿无信何处寄书得  
泪弹不尽临牕滴就砚旋研墨渐写到别来此情深处红笺为无色

### 凉州令

【又一体双调五十一字】

### 凉州令 晁补之

二月春犹浅去年櫻桃开徧今年春色怪迟迟红梅尚早未露臙脂面  
东君遣春来缓似会人深愿蟠桃新鏤双盞相期似此春长远

### 凤来朝

【又一体双调五十一字】

### 凤来朝 史達祖

晕粉就妆镜掩金闺彩丝未整趁无人学翫鸳鸯颈恨谁踏蘚花径  
一梦蒲香葵冷墮银瓶臙绳挂井扇底并团圆影只此是沈郎病

前调 陈允平

百媚春风面凤箫吹六么舞徧玉鸾钗半溜乌云乱悄疑是梦中见  
曲歇弓弯袖斂绣芙蓉香尘未断买一笑千金 共醉倚画屏暖

南歌子

【又一体双调五十一字】

南歌子 张大烈

艾符云鬓飏蒲黄酒舡浮美人齐上望湖楼龙舟竞渡环绕百花洲  
鸾笙鸣象板凤管和清讴微歌纤舞锦纒头香风吹韵去遏云留

迎春乐

【又一体双调五十二字】

迎春乐 周邦彦

清池小圃开云屋结春伴往来熟忆年时纵酒杯行速看月上归禽宿  
墙里修篁森似束记名字曾刊新绿见说别来长冷翠藓封寒玉

前调 方千里

红深绿暗春无迹芳心荡冶游客记摇鞭跋马铜驼陌凝睇认珠帘侧  
絮满愁城风卷白递多少相思消息何处约欢期芳草外高楼北

前调 杨泽民

沉吟暗想狂踪迹亲曾作燕台客赏春风共醉垂杨陌云鬓鞦金钗侧  
对酒何曾辞大白十年後音尘俱息今日走江西空怅望荆湖北

前调 陈允平

垂杨影下黄金屋东风渐粉香熟恨当年有约骖鸾速误一枕红云宿  
带眼宽移腰似束怪何事褪红销绿背面立秋千羞人问连环玉

前调 陈允平

江湖十载疎狂迹红尘里倦游客驻雕鞍问柳东风陌花底帽任欹侧  
斗酒百篇呼太白傲人世醉中一息何日赋归来水之南云之北

前调 陈允平

依依一树多情柳都未识行人手对青青共结同心就更共饮旗亭酒  
樽上芙蓉铺软绣香不散彩云春透今岁又相逢是燕子归来後

探春令

【又一体双调五十二字】

探春令 晏几道

綠杨枝上晓莺啼报融和天气被数声吹入纱牕里又惊起娇娥睡  
綠云斜亸金钗坠惹芳心如醉为少年湿了鮫鮓帔上都是相思泪

前调【又一体】 杨无咎

东风初到小梅枝上又惊春近料天台不比人间日月桃萼红英晕  
刘郎浪迹凭谁问莫因诗瘦损怕桑田变海仙源重返老大无人认

前调【又一体】 杨无咎

梅英粉澹柳梢金软兰芽依旧见万家灯火明如昼正人月圆时候  
挨香傍玉偷携手尽轻衫寒透听一声画角催残漏惜归去频回首

少年游

【又一体双调五十二字】

少年游 晏几道

綠勾阑畔黄昏淡月携手对残红纱牕影里朦胧春睡繁杏小屏风  
须愁别後天高海阔何处更相逢幸有花前一杯芳酒归计莫匆匆

前调 晏几道

西溪丹杏波前媚脸珠露与深匀南桥翠柳烟中愁黛丝雨恼娇颦

当年此处闻歌殢酒曾对可怜人今夜相思山长水远闲卧送残春

前调 晏几道

离多最是东西流水终解两相逢浅情长似行云无定犹到梦魂中  
可怜人意薄於云水佳会更难重细想从来断肠多处不与这番同

前调【草】 高观国

春风吹碧春云映绿梦晓入芳茵软衬飞花远连流水一望隔香尘  
萋萋多少江南旧恨翻忆翠罗裙冷落闲门凄迷古道烟雨正愁人

雨中花

【又一体双调五十二字亦名夜行船】

雨中花 欧阳修

千古都门行路能使离歌声苦送尽行人花残春晓又别东君去  
醉藉落花吹暖絮多少曲堤芳树且携手流连良辰美景留作相思处

前调【月夜下汴】 毛滂

寒浸东倾不定更奈橹声催紧堤树胧明孤村月上澹澹移船影  
旧事十年愁未醒渐老可堪离恨今夜有谁知风中露里目断云空尽

前调【武康池上秋雨】 毛滂

池上水寒欲雾竹暗小牕低户数点秋声来侵短梦檐下芭蕉雨  
白酒浮蛆鸡啄黍陶令几时归去只溪月岭云苹汀蓼岸总是思量处

前调 杨慎

一搦纤腰清瘦六幅轻纱红绡粉熟香生浓妆浅正是愁时候  
萧萧风雨黄昏後云湿仙衣寒透正帘悄牕闲灯昏酒冷听尽莲花漏

青门引

【青门长安城东门也见三辅黄图青或作清非双调五十二字】



## 青门引 张先

乍暖还轻冷风雨晚来方定庭轩寂寞近清明残花中酒又是去年病  
楼头画角风吹醒入夜重门静那堪更被明月隔墙送过秋千影

## 前调 刘基

采采黄金蕊遥见晚山横翠重门深掩一庭风沾来澹酒能得几回醉  
草堂云白鸿千里落日寒烟起相怜自有明月照人肺腑清如水

## 醉红妆

【一名醉红楼一名双燕儿双调五十二字】

## 醉红妆 张先

琼林玉树不相饶薄云衣细柳腰一般妆样百般娇媚眼秀总如描  
东风摇草杂花飘恨无计上青条更送双歌郎且饮郎未醉有金貂

## 引驾行

【双调五十二字】

## 引驾行 晁补之

梅梢琼绽东君次第开桃李怨年年好风景无事对花垂泪  
园里旧赏处幽葩柔条一一动芳意恨心事春来间阻忆年时把罗袂雅戏

## 庆同天

【双调五十二字格调与河传怨王孙相近但向立调名仍之】

## 庆同天 张先

海宇称庆诞生元圣风入南薰拜恩瑶阙衣上晓色犹春望尧云  
游钧广乐人疑梦仙声共日转旗光动无疆圣算何待祝华封与天同

## 捣练子

【又一体双调五十二字】

捣练子 无名氏

云染幕绿堆烟霏霏细雨湿花钿一片芳菲吹不起闲愁损更啼鹃  
人去後景依然画堂谁复听哀弦鸚鵡不知情意嬾频催我下犀帘

凉州令

【又一体双调五十二字】

凉州令 欧阳修

翠树芳条飏灼灼裙腰初染佳人携手弄芳菲绿阴红影共展双纹簟  
插花照影窥鸾监只恐芳容减不堪零落春晚青苔雨後深红点

前调【又一体】 刘基

雨过羣山翠杨柳含烟如醉画檐双燕引雏飞风动榴花点点猩红碎  
对花莫把阑干倚心乱难为理夕阳江上满眼清波总是愁人泪

恨来迟

【一名恨欢迟双调五十二字】

恨来迟 无名氏

柳暗汀洲最春深处小宴初开似泛宅浮家水平风软咫尺蓬莱  
更劝君吸尽紫霞杯醉看鸾凤徘徊正洞里桃花盈盈一笑依旧怜才

惜双双令

【双调五十二字与惜分飞令又一体同以前後段次句各多一字遂别立调名】

惜双双令 刘翥

风外橘花香暗度飞絮绾残春归去醞造黄梅雨冷烟晓占横塘路  
翠屏人在天低处惊梦断行云无据此恨凭谁诉恁时却倩危弦语

锯解令

【双调五十二字】

锯解令 杨无咎

送人归後酒醒时睡不稳衾翻翠缕应将别泪洒西风尽化作断肠夜雨  
卸帆浦溆一种凄惶两处寻思却是我无情便不解寄将梦去

杏花天

【又一体双调五十二字】

杏花天【杏花】 高 濂

抹红匀粉墙头面轻烟混垂杨金线半落半开春眷恋掩映春旗村店  
透韶光初番娇颤看上苑酒酣芳宴不禁风翦翦雨带花飞一片

梦仙郎

【双调五十二字】

梦仙郎 张 先

江东南小天斜窈窕都不胜彩鸾娇妙春艳上新妆风过着人香  
佳树陰陰池院华灯绣幔花月好岂能长见离聚此生缘何计问高天

入塞

【双调五十二字】

入塞 程 垓

好思量正秋风半夜长奈银釭一点耿耿背西牕衾又凉枕又凉  
露华凄凄月半床照得人真个断肠牕前谁浸木犀黄花也香梦也香

燕归梁

【又一体双调五十二字】

燕归梁【风莲】 蒋捷

我梦唐宫春昼迟正舞到曳裙时翠云队仗绛霞衣慢腾腾手双垂  
忽然急鼓催将起似彩凤乱惊飞梦回不见万琼妃见荷花被风吹

留春令

【又一体双调五十二字】

留春令 沈端节

旧家元夜追随风月连宵欢宴被闲遯引得寸心里一似蛾儿转  
而今百事心情嬾灯下几曾忺看筭静中惟有牕前梅影合是幽人伴

玉团儿

【双调五十二字】

玉团儿 袁去华

吴江渺渺疑天接独着我扁舟一叶步屧凌波芙蓉仙子绿盖红颊  
登临正要诗弹压叹此去都忘句法剧饮狂歌清风明月相应相答

倾杯令

【双调五十二字】

倾杯令 吕渭老

隔座藏钩分曹射覆烛艳渐催三鼓箏按教坊新谱楼外月上春浦  
徘徊争忍忙归去怕明朝无情风雨珍花美酒团坐且作尊前笑语

望江东

【双调五十二字此调若叶平韵与醉红妆句法短长无异但中间用字平仄不同未可混为一也】

望江东 黄庭坚

江水西头隔烟树望不见江东路思量只有梦来去更不怕江拦住  
灯前写了书无数算没个人传与直饶寻得鴈分付又还是秋将暮

菊花新

【以宋仙韶院中菊部头得名双调五十二字】

菊花新 张 先

堕髻慵妆来日暮家在柳桥堤下住衣缓绦绡垂琼树袅一枝红雾  
院深池静花相妒粉墙低乐声时度长恐舞筵空轻化作彩云飞去

归去来

【又一体双调五十二字】

归去来 柳 永

一夜狂风雨花英坠碎红无数垂杨漫结黄金缕尽春残萦不住  
蝶稀蜂散知何处殢尊酒转添愁绪多情不惯相思苦休惆怅好归去

木兰花

【双调五十二字】

木兰花 毛熙震

掩朱扉鉤翠箔满院莺声春寂寞匀粉泪恨檀郎一去不归花又落  
对斜晖临小阁前事岂堪重想着金带冷画屏幽宝帐慵熏兰麝薄

酒泉子

【又一体双调五十二字一名忆余杭此调始四十字止於此体按字分调各自有别】

酒泉子 潘 阆

长忆西湖湖水上尽日凭阑楼上望三三两两钓鱼舟岛屿正清秋  
笛声依约芦花里白鸟成行忽惊起别来闲想整纶竿思入水云寒

醉花陰

【双调五十二字】

醉花陰 毛滂

檀板一声莺起速山影穿疎木人在翠阴中欲觅残春春在屏风曲  
劝君对客杯须覆灯照瀛洲緑西去玉堂深魄冷魂清独引金莲烛

前调 毛滂

金鸭犹温香未歇尘定歌初彻透薄罗衣一霎清风人映团团月  
持杯试听留春阁此个情肠别分付与莺儿助取东君停待芳菲节

前调【梅】 舒亶

月幌风帘香一阵正千山云尽冷对酒尊傍无语含情别是江南信  
寿阳妆罢人微困更玉钗斜衬拟插一枝归只恐风流羞上潘郎鬓

前调【送陆宣德】 舒亶

粉轻一捻和香聚教露华休妒今日在尊前只为情多脉脉都无语  
西湖雪过难留住指广寒归去去後又明年人在江南梦到花深处

前调【建康重九】 赵长卿

老去悲秋人转瘦更异乡重九人意自凄凉祇有茱萸岁岁香依旧  
登高无奈空搔首落照归鸦後六代旧江山满眼兴衰一洗黄花酒

前调 杨无咎

满城风雨无端恶孤负登高约佳节若为酬 与歌呼胜却秋萧索  
菊花旋摘揉青萼满满浮杯酌老鬓未侵霜醉里乌纱不怕风吹落

前调 杨无咎

楚乡易得天时恶风雨长如约不道有幽人衣带秋深犹是悬鹑索  
招呼朋侣如花萼有酒须同酌世态任凋疎却爱黄花不似羣花落

前调 杨无咎

淋漓尽日黄梅雨断送春光暮目断向高楼持酒停歌无计留春住  
扑人飞絮浑无数总是添愁绪回首问春风争得春愁也解随春去

前调 辛弃疾

黄花漫说年年好也趁秋光老绿鬓不惊秋若鬪尊前人好花堪笑  
蟠桃结子知多少家住三山岛何日跨飞鸾沧海飞尘人世因缘了

前调【咏木犀】 张元干

红萸紫菊开还早独占秋光老醞造一般清比着芝兰犹自争多少  
霜刀翦叶呈纤巧手捻迎人笑云鬓一枝斜小阁幽窗是处都香了

前调【宋媛】 李清照

薄雾浓雾愁永昼瑞脑销金兽佳节又重阳玉枕纱幮半夜凉初透  
东篱把酒黄昏後有暗香盈袖莫道不销魂帘卷西风人似黄花瘦

前调 刘基

溽暑炊人肌骨软梦绕南柯远惊起却依然碧树连天风雨溪山晚  
人间已自成疎懒事往谁能挽去去紫芝翁白石清泉日夜青苔满

前调 刘基

红缀繁枝莺语巧弱柳和烟袅玉勒漫寻芳踏徧东皋满眼青青草  
远岫重重霞气表无数山花绕古寺梵音深曲径疎篱才信郊居好

前调 刘基

楼外斜阳低半树虽好难留住树里有鸣蝉似诉中情哽咽风前语  
碧云不见蓬莱路青鸟今何处莫更倚阑干愁上心头无计推他去

前调【次刘伯温韵】 吴子孝

碧水萦回堤畔树风急云难住日日倚孤舟枝上双双愁听黄鹂语  
玉京借问无多路回首家何处记得别时言莫忘深情爱向蓝桥去

前调 吴子孝

夜深虚馆吹霜竹鼉鼓喧相逐仰看月华明未满冰轮万顷铺寒玉  
筵前莫怪杯深属酒映玻璃绿新恨别离难遥睇天涯徙倚阑干曲

前调 王肯堂

柳花飞去分鸾恨一晌无音信马识旧游踪行过门前伫立浑忘进  
金笼鹦鹉呼声近名姓犹相认侍女乍传言剡鞵相迎不得撩双鬓

前调 朱灏

枫色燃亭空漫醉淑复鸥能记云叶下重崖风不鸣条欲稳衰红睡  
惊秋络纬声无次萤学残灯始凉夜水争天一段琉璃乍托银蟾出

前调 陈子龙

绣幕屏山红影对两点愁眉黛消息又黄昏立徧苍苔赚得心儿悔  
一缕博山庭院内人在秋千背夜久落春星几阵东风残月梨花碎

前调 沈士铎

老尽芙蓉霜叶吼顿使人消瘦曳杖踏郊吟竹里青帘高凭疎堤柳  
远眺秋山怀故友泪落停杯酒况惨惨凄凄风雨三更独自支僂僂

前调 【明媛】 端淑卿

春到人间能几月愁近清明节花柳正争妍妒雨纷纷杜宇声啼血  
茫茫山水经年别感事归心切无计可留春一片花飞两鬓堆霜雪

御选历代诗余卷二十三



## 卷二十四

<集部,词曲类,词选之属,御选历代诗余

钦定四库全书

御选历代诗余卷二十四目錄【五十二字】

南歌子【又一体】

毛熙震

孙光宪

欧阳修

苏轼【十一首】

黄庭坚【二首】

秦观【四首】

晁补之【二首】

陈师道【二首】

贺铸【三首】

毛滂【三首】

周紫芝【三首】

谢逸

周邦彦

田不伐【二首】

李祁

吕渭老【三首】

杨适

向子諲【六首】

蔡伸【三首】

叶梦得

徐俯

赵师侠

陈与义

赵长卿【五首】

张元干【三首】

吕本中

邓肃

曾觌【二首】

杨无咎【二首】

侯寘

辛弃疾【三首】

范成大【三首】

陈三聘【二首】

张孝祥【三首】

程垓【八首】

袁去华

王千秋

王炎【二首】

陆游

严仁

史达祖

吴潜

徐照

洪璚

沈端节

黄昇【二首】

张枢

张炎

石孝友【四首】

赵君举

僧挥

李清照

刘仲尹

赵攄

王从叔

刘基【二首】

吴子孝

王锡爵

杨慎

张大烈

陈子龙

沈宗堦

叶小鸾【二首】

前调【又一体】

石孝友

御选历代诗余卷二十四目錄

钦定四库全书

御选历代诗余卷二十四【五十二字】

司经局洗马掌局事兼翰林院修撰加二级【臣】王奕清奉旨校刊

南歌子

【又一体一名风蝶令一名望秦川歌亦作柯双调五十二字】

南歌子 毛熙震

远山愁黛碧横波慢脸明  
膩香红玉茜罗轻深院晚堂人静理银箏  
鬓动行云影裙遮点屐声娇羞爱问曲中名  
杨柳杏花时节几多情

前调 孙光宪

艳冶青楼女风流似楚真骊珠美玉未为珍窈窕一枝芳柳入腰身  
舞袖频回雪歌声几动尘慢凝秋水顾情人祇为倾城着处觉生春

前调 欧阳修

凤髻金泥带龙纹玉掌梳去来牕下笑相扶爱道画眉

深浅入时无 弄笔偎人久描花试手初等闲妨了绣工夫笑问双鸳鸯字怎生书

前调 苏轼

山与歌眉敛波同醉眼流游人都上十三楼不羨竹西歌吹古扬州  
菰黍连昌歊琼彝倒玉舟谁家水调唱歌头声绕碧山飞去晚云留

前调 苏轼

雨暗初疑夜风回忽报晴澹云斜照着山明细草软沙溪路马蹄轻  
卯酒醒还困仙材梦不成蓝桥何处觅云英只有多情流水伴人行

前调 苏轼

日薄花房绽风和麦浪轻夜来微雨洗郊垌正是一年春好近清明  
已改煎茶火犹调入粥饧使君高会有余清此乐无声无味最难名

前调【观潮】 苏轼

海上乘槎侣仙人萼绿华飞昇元不用丹砂住在潮头来处渺天涯  
雷辊夫差国云翻海若家座中安得弄琴牙写取余声归向水仙夸

前调 苏轼

师唱谁家曲宗风嗣阿谁借君拍板与门槌我也逢场作戏莫相疑  
溪女方偷眼山僧莫贬眉却愁弥勒下生迟不见老婆三五少年时

前调 苏轼

欲执河梁手还升月旦堂酒阑人散月侵廊北客明朝归去鴈南翔

窈窕高唐玉风流郑季庄一时分散水云乡惟有落花芳草断人肠

前调【湖州】 苏轼

山雨潇潇过溪桥浏浏清小园幽榭枕苹汀门外月华如水彩舟横  
苔岸霜花尽江湖雪阵平两山遥指海门青回首水云何处觅孤城

前调【腊八饮怀民小阁】 苏轼

卫霍元勋後韦平外族贤吹笙只合在缑山闲驾彩鸾归去趁新年  
烘暖烧香阁轻寒浴佛天他时一醉画堂前莫忘故人憔悴老江边

前调 苏轼

笑怕蔷薇罥行忧宝瑟僵美人依约在西厢只恐暗中迷路认余香  
午夜风翻幔三更月到牀簾纹如水玉肌凉何物与侬归去有残妆

前调 苏轼

云鬓裁新绿霞衣曳晓红待歌凝立翠筵中一朵彩云何事下巫峰  
趁拍鸾飞镜回身燕扬空莫翻红袖过帘栊怕被杨花勾引嫁东风

前调 苏轼

见说东园好能消北客愁虽非吾土且登楼行尽江南南岸此淹留  
短日明枫缣清霜暗菊球流年回首付东流凭仗挽回潘鬓莫教秋

前调 黄庭坚

槐绿低窗暗榴红照眼明王人邀我少留行无奈一帆烟雨画船轻  
柳叶随歌皱梨花与泪倾别时不似见时情今夜月明江上酒初醒

前调 黄庭坚

诗有渊明语歌无子夜声论文思见老弥明坐想罗浮山下羽衣轻  
何处黔中郡遥知隔晚晴雨余风急断虹横应梦池塘春草若为情

前调【赠陶心儿】 秦观

玉漏迢迢尽银潢澹澹横梦回宿酒未全醒已被邻鸡催起怕天明  
臂上妆犹在襟间泪尚盈水边灯火渐人行天外一钩残月带三星

前调 秦观

愁鬓香云坠娇眸冰雪裁月屏风幌为谁开天外不知音耗百般猜  
玉露沾庭砌金风动瑄灰相看有似梦初回只恐又抛人去几时来

前调 秦观

香墨弯弯画脂粉澹澹匀揉蓝衫子杏黄裙独倚玉阑无语点檀唇  
人去空流水花飞半掩门乱山何处觅行云又是一钩新月照黄昏

前调 秦观

楼迥迷云日溪深涨晓沙年来憔悴费铅华楼上一天春思浩无涯  
罗带宽腰素真珠溜脸霞海棠开尽柳飞花薄幸只知游荡不思家

前调【谯园作】 晁补之

霜细犹欺柳风柔已弄梅东园槌鼓赏新醅唤取舞裙歌扇探春回  
妙舞堪千盏长歌可百杯笑人将恨上春台劝我十分一举两眉开

前调 晁补之

睡起临牕坐妆成傍砌闲春来莫卷绣帘看嫌怕东风吹恨在眉间  
鹦鹉花前弄琵琶月下弹蓦然收袖倚阑干一晌思量何事点云鬟

前调【贺友堂成】 陈师道

故国山河在新堂冰雪生万家和气贺初成人在笙歌声里暗生春  
今代无双士当年第一人杯行到手莫辞频明日凤池归路隔清尘

前调【同王立之督茶】 陈师道

天上云为瑞人间睡作魔疎帘清簟汗成河酒醒梦回眊眼费摩挲  
但有寒暄问都无凤鸟过尘生铜碾网生罗一诺十年犹未意如何

前调 贺铸

疎雨池塘见微风襟袖知阴阴夏木啖黄鹂何处飞来白鹭立移时  
易醉扶头酒难逢敌手碁日长偏与睡相宜睡起芭蕉叶上自题诗

前调 贺铸

境跨三千里楼侵尺五天碧鸳鸯瓦昼生烟未信西山台观压当年  
野色分禾黍秋声入管弦闲挥谈麈髣吟牋三十万家风月共留连

前调【别思】 贺铸

斗酒才供泪扁舟只载愁画桥青柳小朱楼犹记出城车马为迟留  
有恨花空委无情水自流河阳新鬓尽禁秋萧散楚云巫雨此生休

前调【定空寺赏梅】 毛滂

暮霰寒依树娇云冷傍人江南谁寄一枝春何似珑 十里更无尘  
雨萼臙脂澹香须蝶子轻碧山归路小桥横谁见暗香今夜月胧明

前调【东堂赋新月】 毛滂

庭下新生月凭君把酒看不须直待素团团恰似那人眉样秀弯环  
冷射鸳鸯瓦清欺翡翠帘数枝烟竹小桥寒渐见风吹疎影过阑干

前调【和李师文】 毛滂

緑暗藏城市香清扑酒尊淡烟疎雨冷黄昏零落酴醾花片损春痕  
润入笙箫膩春余笑语温更深不鎖醉乡门先教歌声留住欲归云

前调【方钱唐侍儿】 周紫芝

蝉薄轻梳鬟螺香浅画眉西湖人道似西施人似西施浓澹更相宜  
画烛催歌板飞花上舞衣殷勤犹劝玉东西不道使君肠断已多时

前调 周紫芝

雾帐兰衾暖熏炉宝篆浓眼波犹带睡朦胧卧听晓来双燕语春风  
螺浅欢余黛霞消枕处红断云飞雨怕匆匆欲去且留情绪两忡忡

前调 周紫芝



白羽传觞急金鞍跃马迟云间彩凤看双飞飞去碧梧枝上稳双栖  
林下风流女堂东坦腹儿此郎标韵世间稀好为伯鸾举案又齐眉

前调【春夜】 谢逸

雨洗溪光净风掀柳带斜画楼朱户玉人家帘外一眉新月浸梨花  
金鸭香凝袖铜荷烛映纱凤盘宫锦小屏遮夜静寒生春笋理琵琶

前调 周邦彦

宝盒分时果金盘弄赐冰晚来堦下按新声恰有一方明月可中庭  
露下天如水风来夜气清娇羞不肯傍人行扬下扇儿拍手引流萤

前调 田不伐

梦怕愁时断春从醉里回凄凉怀抱向谁开些子清明时候被莺催  
柳外都成絮阑边半是苔多情帘燕独徘徊依旧满身花雨又归来

前调 田不伐

团玉梅梢重香罗菱扇低帘风不动蝶交飞一样绿阴庭院锁斜晖  
对月怀歌扇因风念舞衣何须惆怅惜芳菲 得一年憔悴待春归

前调 李祁

嫋嫋秋风起萧萧败叶声岳阳楼上听哀筝楼下凄凉江月为谁明  
雾雨沉云梦烟波渺洞庭可怜无处问湘灵只有无情江水绕孤城

前调 吕渭老

策杖穿荒圃登临啸晚风无穷秋色蔽晴空遥见夕阳江上卷飞篷  
鴈过菰蒲远山遥梦寐通一林枫叶堕愁红归去暮烟深处听疎钟

前调 吕渭老

远色连朱阁寒鸦噪夕阳小炉温手酌鹑黄卷乱一枝清影在寒牕  
念远歌声小嗔归泪眼长纤腰今属冶游郎朝暮楚宫云雨恨茫茫

前调 吕渭老

片片云藏雨重重雾隐山可怜新月似眉弯今夜断肠凝望小楼寒  
梦断云房远书长蜡炬残夜妆应罢短屏间都把一春心事付梅酸

前调 杨 适

怨草迷南浦愁花傍短亭有情歌酒莫催行看取无情花草也关情  
旧日临岐曲而今忍泪听淮山何在暮云平待倩春风吹梦过江城

前调 向子諲

柳眼风前动梅心雪後寒年光浑似雾中看报荅风光无处可为欢  
一曲聊收泪三杯强自宽新愁不耐上眉端怕见长安归路嬾凭阑

前调 向子諲

江左称岩桂吴中说木犀水沉为骨郁金衣却恨疎梅恼我得青迟  
叶借山光润花蒙水色奇年年勾引赋新诗应笑芎林冷澹独心知

前调 向子諲

碧落飞明镜晴烟羃远山扁舟夜下广陵滩照我白苹红蓼一杯残  
初望同盟饮如何两处看遥知香雾湿云鬟凭暖琼楼十二玉阑干

前调【郭小娘道装】 向子諲

缥缈云间质轻盈波上身瑶林玉树出风尘不是野花凡草等闲春  
翠羽双垂珥乌纱巧制巾经珠不动两眉颦须信铅华销尽见天真

前调 向子諲

梁苑千花乱隋堤一水长眼前风物总悲凉何况眉头心上不相忘  
因梦聊携手凭书续断肠已惊蝴蝶过东墙更被风吹鸿鴈不成行

前调 向子諲

雨过林峦静风回池阁凉窥人双燕语雕梁笑看小荷翻处戏鸳鸯  
共饮菖蒲细同分彩线长今朝真不负风光絶胜几年飞梦绕高唐

前调 蔡 伸

萧寺疎钟断虚堂夜气清凉蟾偏向水窓明露井碧梧寒叶颤秋声  
幽恨人谁问孤衾泪独横此时风月此时情拟倩蓝桥归梦见云英

前调 蔡 伸

远水澄明緑孤云黯淡愁白苹红蓼满汀洲肠断圆蟾空照木兰舟  
节物伤羁旅归程叹滞留佳期已误小红楼赖得今年犹有闰中秋

前调 蔡 伸

恨入眉峰翠寒生酒晕红临岐凝泪洒西风须信人间无物似情浓  
玉鐙敲霜月金钲伴晓钟凄凉古驿乱山重今夜拥衾无寐与君同

前调 叶梦得

雨惜山容敛云矜棹影开忽看雾色射林隈为问空亭清月为谁来  
尽洗归时路重倾醉後杯未应霜雪遽相催留得佳期犹在共徘徊

前调【山矾】 徐 俯

细蕊黄金嫩繁花白雪香共谁连壁向河阳自是不须汤饼试何郎  
婀娜 松髻轻盈淡薄妆莫令韩壽在伊傍便逐游蜂惊蝶过东墙

前调 赵师侠

木落千山瘦风微一水澄清霜暖日快归程唤渡沙头款款话离情  
傍岸渔舟集横空鴈字轻凭阑凝望眼增明一片潇湘真个画难成

前调 陈与义

矫矫千年鹤茫茫万里风阑干三面看秋空背插浮屠千尺冷烟中  
林坞村村暗溪流处处通此间何似玉霄峰遥望蓬莱依约晓云东

前调【早春】 赵长卿

春色烘衣暖宫梅破鼻香尽驱和气入兰堂又是轻云微雨下巫阳  
酒带欢情重醺醺气味长晚来拂拭略梳妆笑指一钩新月上回廊

前调【道中直重九】 赵长卿

此日知何日他乡忆故乡乱山深处过重阳走马吹花无复少年狂  
黄菊擎枝重红茱湿露香扁舟随鴈过潇湘遥想莱庭应恨不同觴

前调【夜坐】 赵长卿

霜结凝寒夜星辉识晓晴兰膏重剔且教明为照梢头香缕一丝轻  
坐久看看困新词缀未成梅花熏得酒初醒更向耳边低道月三更

前调 赵长卿

春思浓如酒离心乱似绵一川芳草緑生烟客里因循重过艳阳天  
屈指归期近愁眉泪洒然无端还被此情牵为问桃源还有再逢缘

前调【暮春值雨】 赵长卿

黯靄阴云覆滂沱急雨飞洗妆枝上乱红稀恰是褪花天气困人时  
向晓春醒重偎人起较迟薄罗初见试轻衣笑拭新妆须要翦酴醾

前调 张元干

远树留残雪寒江照晚晴分明江上数峰青倚檻旧愁新恨一时生  
春意来无际归舟去有程道人元自没心情楚梦只因沉醉等闲成

前调 张元干

玉露漙寒菊秋风入败荷繚墙南畔曲池涡天迴遥岑倒影落层波  
月转檐牙短更传漏箭多醉来归去意如何只为地偏心远惯弦歌

前调 张元干

凉月今宵满晴空万里寛素娥应念老夫闲特地中秋着意照人间  
香雾云鬟湿清辉玉臂寒休教凝伫向更阑飘下桂花开早大家看

前调 吕本中

驿路侵斜月溪桥度晓霜短篱残菊一枝黄正是乱山深处过重阳  
旅枕原无梦寒更每自长只言江左好风光不道中原归思转凄凉

前调 邓肃

云绕风前鬓春开镜里妆凤屏清昼袅龙香浅画蛾眉新样远山长  
比翼曾同梦双鱼隔异乡玉楼依旧暗垂杨楼下落花流水自斜阳

前调【元夜书事】 曾 覲

璧月窥红粉金莲映彩山东风丝管满长安移下十洲三岛在人间  
两两人初散厌厌夜向阑倦妆残醉怯轻寒手捻玉梅无绪倚阑干

前调 曾 覲

粉黛娉婷艳芝兰笑语香延平春色鬪芬芳不管清宵更漏听霓裳  
烛暗人方醉杯传意更长可堪羁客九回肠萧瑟一檐风雨过横塘

前调 杨无咎

笛喷风前曲歌翻意外声年来老子厌风情可是於君一见眼双明  
枕臂听残漏停杯对短檠直教笔底有文星欲状此时情味若为成

前调 杨无咎

彩缕牵肠断明珠暗滴圆从头颗颗手亲穿寄与仙卿同结此生缘  
和串拢瑜臂连云坠雪肩循环密数对沉烟似我真情不断永相联

前调【壽吕圣俞】 侯 寘

菊润初经雨橙香独占秋碧琳仙酿试新篘内集熙熙共遣蚁浮瓯  
家世传黄阁功名起黑头双鳧聊傍故人舟咫尺青云岐路看英游

前调 辛弃疾

世事从头减秋怀彻底清夜深犹送枕边声试问清溪底事未能平  
月到愁边白鸡先远处鸣是中无有利和名因甚山前未晓有人行

前调【新开池】 辛弃疾

散发披襟处浮瓜沉李时涓涓流水细侵堦凿个池儿唤个月儿来  
画栋频摇动红蕖尽倒开鬪匀红粉照香颦有个人儿把个镜儿猜

前调 辛弃疾

妙入参同契禅依不二门细看斜日隙中尘始觉人间何处不纷纷  
病笑春先到闲知嬾是真百般啼鸟苦撩人除却提壶此外不堪闻

前调 范成大

槁项诗余瘦愁肠酒後柔晚凉团扇欲知秋卧看明河银影界天流  
鹤警人初静虫吟夜更幽佳辰祗合簪花筹除了一天风月更何求

前调 范成大

怅望梅花驿凝情杜若洲香云低处有高楼可惜高楼不近木兰舟  
緘素双鱼远题红片叶秋欲凭江水寄离愁江已东流那肯更西流

前调【七夕】 范成大

银渚盈盈渡金风缓缓吹晚香浮动五云飞月姊妒人顰画一弯眉  
短夜难留处斜河欲淡时半愁半喜是佳期一度相逢添得两相思

前调 陈三聘

别後惊人远归心怯橹柔晚天凉思冷於秋冷浸一溪明月水弥流  
醉里狂仍在吟余趣极幽夜深何用数更筹别有好风吹酒不须求

前调【七夕】 陈三聘

月傍云头吐风将雨脚吹夜深乌鹊向南飞应是星娥顰恨入双眉  
旧怨垂千古新欢只片时一年屈指数佳期到得佳期别了又相思

前调 张孝祥

人物羲皇上诗名沈谢间漫郎元是漫为官醉眼瞢腾只拟看湘山  
小隐真成趣邻翁独往还野堂梅柳尚春寒且趁华灯频泛酒船寬

前调 张孝祥

曾到蕲州否人人说使君使君才具合经纶小试边城早晚上星辰  
佳节重阳近清歌午夜新举杯相属莫辞频後日相思我已是行人

前调【过严关】 张孝祥

路尽湘江水人行瘴雾间昏昏西日度严关天外一簪初见岭南山  
北鴈连书断秋霜点鬓斑此行休问几时还准拟桂林佳处过春残

前调 程垓

雨燕翻新幙风鸦绕旧枝画堂春尽日迟迟又是一番平绿涨西池  
病起尊难尽腰宽带易垂不堪村落子规啼问道行人一去几时归

前调 程垓

淡霭笼青琐轻寒薄翠绡有人憔悴带宽腰又见东风不忍见柔条  
闷酒尊难尽闲香篆易销夜来溪雪已平桥溪上梅魂凭仗一相招

前调【早春】 程垓

梅隄飞香定兰牕翠色齐水边沙际又春归领略东风能几人知  
爱月眠须晚寻花去未迟谁家庭院更芳菲费尽才情休负一春诗

前调 程垓

荷盖倾新绿榴巾蹙旧红水亭烟榭晚凉中又是一钩新月静房栊  
丝藕清如雪?纱薄似空好怀今夜与谁同唤取玉人来共一帘风

前调 程垓

野水寻溪路青山踏晚春偶来相值却钟情一树琼瑶洗尽客衣襟  
曲沼通诗梦幽牕净俗尘何时散发伴襜裙後夜相思生怕月愁人

前调【早春感怀】 程垓

弱柳眠初醒残梅舞尚痴春阴将冷傍帘帏又是东风和恨向人归  
乐事灯前记愁肠酒後知老来无计遣芳时只有闲情随分品花枝

前调 程垓

竹粉翻新箨荷花拭靓妆断云侵晚度横塘小扇斜钗依约傍牙牀  
蘸蜜分红荔倾筒泻碧香醉时风雨醒时凉明月多情依旧过西厢

前调 程垓

翠黛随妆浅鉢衣称体香好风偏与十分凉却扇含情独自绕池塘  
碧藕丝丝嫩红榴叶叶双牵丝摘叶为谁忙情到厌厌 醉又何妨

前调 袁去华

秋晚霜初肃江寒雾未收西风吹老白苹洲长笛一声谁在水边楼  
带绿橙新破真醇酒旋簪簪花莫怪老人羞直是黄花羞上老人头

前调 王千秋

鹊起惊红雨潮生涨碧澜水晶城馆月方圆谁唤骑鲸仙伯下三山  
笔势翔鸾媚词锋射斗寒向来文价重贤关便令批风支月紫薇间

前调 王 炎

天末家何许津头客未归柳梢绿暗早莺啼蝴蝶不知春去绕园飞  
选胜多游冶当垆有丽姝青翰载酒漾晴晖不忍十分寥落负春时

前调 王 炎

山暝云阴重天寒雨意浓数枝幽艳湿啼红莫为惜花惆怅对东风  
蓑笠朝朝出沟塍处处通人间辛苦是三农要得一犁雨足望年丰

前调 陆 游

异县相逢晚中年作别难暮秋风雨客衣寒又向朝天门外语悲欢  
瘦马行霜栈轻舟下雪滩乌奴山下一林丹为说三年常寄梦魂间

前调【忆旧】 严 仁

柳陌连云径琼梳启翠楼桃花纸薄渍冰油记得年时诗句为君留  
晓绿千层出春红一半休门前溪水泛花流流到西州犹是故家愁

前调 史達祖

采绿随双桨看山藉一筇关南桃树几番红昨夜诗情频在雨声中  
花径无云隔苔垣只梦通旧欢一晌可过从试觅鸳鸯新杏简春风

前调 吴 潜



池水凝新碧栏杆花驻老红有人独倚画桥东手把一枝杨柳系春风  
蝶绊游丝坠蜂黏落蕊空秋千庭院小帘栊多少闲情闲绪雨声中

前调 徐照

帘影筛金线炉烟袅翠丝菰芽新出满盆池唤取玉瓶添水买鱼儿  
意取金钗碧慵梳髻翅垂相思无处说相思笑把画罗小扇觅春词

前调【新月】 洪璚

柳浪摇晴沼荷风度晚檐碧天如水印新蟾一罇清光斜露玉纤纤  
宝镜微开匣金钩半押帘西楼今夜有人忺应傍妆台低照画眉尖

前调 沈端节

远树昏鸦闹衰芦睡鸭双雪篷烟棹炯寒光疑是枫林纤月到船牕  
时序惊心破江山引梦长思量也待不思量泪湿罗巾犹带旧时香

前调【清明】 黄昇

天上传新火人间试袂衣定巢新燕觅香泥不为绣帘朱户说相思  
侧帽吹飞絮凭阑送落晖粉痕销淡锦书稀怕见山南山北子规啼

前调【重九】 黄昇

兰佩秋风冷茱囊晓露新多情多感怯芳辰强折黄花来照碧粼粼  
落帽参军醉空尊靖节贫世间那复有斯人目送归鸿西去一伤神

前调 张枢

柳户朝云湿花牕午篆清东风未放十分晴留恋海棠颜色过清明  
垒润栖新燕笼深锁旧莺琵琶可是不堪听无奈愁人把做断肠声

前调【燕喜亭】 张炎

牕密春声聚花多水影重只留一路过东风围得生香不断锦熏笼  
月地连金屋云楼瞰翠蓬惺忪笑语隔帘栊知是谁调鹦鹉柳阴中

前调 石孝友

蚁酒浮明月鲸波泛落星春花秋叶几飘零只有庐山君眼向人青  
明日非今日长亭更短亭不辞一饮尽双瓶争奈秋风江口酒初醒

前调 石孝友

草色裙腰展冰容水镜开又还春事破寒来一夜东风吹绽後园梅  
糯瓮筠香酿熏炉续麝煤休惊节物暗相催赢取大家沉醉探春杯

前调 石孝友

畴昔飞鸾侣而今断鴈行西风岭外下斜阳无赖一钩新月挂人肠  
双泪沾襟袖孤灯对客牀枕余衾剩只残香别得娇痴不睡也思量

前调 石孝友

乱絮飘晴雪残花绣地衣西园歌舞骤然稀只有多情蝴蝶作团飞  
旧事深琴怨新愁减带围倚楼凝望更依依怕见一天风雨卷春归

前调 赵君举

天末疑无路波翻欲御风此身忽在玉壶中醉倒不知南北与西东  
猎猎遥鸣草飏飏静打篷与君回棹碧云浓不是思归只为酒船空

前调 僧挥

十里青山远潮平路带沙数声啼鸟怨年华又是凄凉时候在天涯  
白露收残月清风散晓霞绿杨堤畔闹荷花记得年时沽酒那人家

前调 【宋媛】李清照

天上星河转人间翠幕垂凉生枕簟泪痕滋起解罗衣聊问夜何其  
翠贴莲蓬小金销藕叶稀旧时天气旧时衣只有情怀不似旧家时

前调 刘仲尹

榴破猩肌血萱开凤尾黄旧闲风簟雪肤凉一枕浓香魂梦到巫阳  
云紵描瑶草莲颔洗玉浆碧梧深院小藤牀此意一江春水正难量

前调 赵攄

涧草萋萋绿林莺恰恰啼沙汀过雨便无泥换得芒屨随意到前溪  
浦溆浑堪画云烟总是题江湖老伴一蓑衣真个斜风细雨不须归

前调【苦雨】 王从叔

碧树留云湿青山似笠低鹧鸪啼罢竹鸡啼不晓天天何意要梅肥  
昨日穿青葛今朝御衲衣思家怀抱政难为只恐归来憔悴却羞归

前调【咏蓼花】 刘基

汀苕青丝尽红莲白羽空翠蕤丹粟炫芳丛总把秋光管领属西风  
艳敌秦川锦鲜欺楚?枫鲤鱼却下水仙宫肯放斜阳更向若华东

前调【送别】 刘基

送别沧江永伤心落日曛宝箏弦断鴈离羣最苦愁浓酒淡不成醺  
黄叶凄凉月丹枫索漠云重来此地却思君但觉骊歌犹在耳中闻

前调 吴子孝

月色明如水空山分外明一分尚缺不须盈已遣游人翘望不胜情  
吴下云岩好秋深玉宇清云中如有步虚声应念谪仙憔悴鬓星星

前调【游仙词】 王锡爵

月色依微照云光浅淡流卷帘同上最高楼试看海天万里好清秋  
酌酒金螺小调笙玉指柔更深鹤背冷飕飕劝我今宵且住莫归休

前调【羁怀】 杨慎

黄鹤蓬莱岛青鳬杜若洲愁人寂夜梦仙游不信一身流落向南州  
万里家山路三更海月楼离怀脉脉思悠悠何日锦江春水一扁舟

前调【夏景】 张大烈

樱缀珊瑚赤梅悬金弹黄一帘槐影送微凉菡萏香生风撼落斜阳  
玉液龙泉色琼浆雀舌香枕看新月映纱牕忽听数声渔笛起沧浪

前调 陈子龙

淡淡花梢去融融翠影流碧天无际迴含愁留得一庭春露上帘鈎  
风软飞红静烟深嫩绿收为谁相送海西头应有玉箫吹断凤凰楼

前调【中秋】 沈宗堦

云与山同洁溪将烟共澄婵娟尽力称人情欲照一天美满到微明  
桂子开梁苑桐阴点楚萍谁家玉笛弄秋声一夜相思清影梦难成

前调【秋夜明媛】 叶小鸾

门掩瑶琴静牕消画卷闲半庭香雾绕阑干一带澹烟红树隔楼看  
云散青天瘦风来翠袖寒嫦娥眉又小檀弯照得满堦花影只难攀

前调 叶小鸾

庭际花枝嫋帘前汉渚横断肠何必问吹笙但见海棠叶上露星星  
墙月深深照炉香细细零谁家闺妇又砧声搅得梦魂无赖不堪情

前调【又一体】 石孝友

春浅梅红小山寒岚翠薄斜风吹雨入帘幙梦觉南楼呜咽数声角  
歌酒工夫嬾别离情绪恶舞衫宽尽不堪着若比那回相见更消削

御选历代诗余卷二十四

## 卷二十五

<集部,词曲类,词选之属,御选历代诗余

钦定四库全书

御选历代诗余卷二十五目錄【起五十三字至五十四字】

望远行

李珣【二首】

红窗听

晏殊【二首】

东坡引

赵师侠【二首】

袁去华

河传【又一体】

韦庄【二首】

前调【又一体】

阎选

前调【又一体】

顾夐

前调【又一体】

辛弃疾

怨王孙

韦庄

张先

张元干【二首】

李清照【二首】

刘基【二首】

迎春乐【又一体】

晏殊

菊花新【又一体】

杜安世

上林春令【又一体】

毛滂

红罗袄

周邦彦

折桂令

倪瓚

恋绣衾

蒋捷

夜行船

赵长卿

天下乐

杨无咎

鬓边华

无名氏

茶瓶儿

梁意娘

恨懽迟

无名氏

浪淘沙【又一体】

柳永

前调【又一体】

李之仪

望江南

吕岩

王琪【十首】

韩琦

欧阳修

张先

苏轼【二首】

谢逸【二首】

周邦彦【二首】

王安中【四首】

向子諲

赵长卿

李纲【六首】

杨无咎

张孝祥

程垓

方千里

杨泽民

吴文英【三首】

陈允平【二首】

赵汝茆

汪元量

无名氏

僧挥

刘基

吴子孝

张大烈

河传【又一体】



顾夔

前调【又一体】

顾夔

前调【又一体】

孙光宪

江月晃重山

元好问

杨慎【四首】

张大烈

南乡子【又一体】

欧阳修【二首】

褚附凤

卓人月

张大烈

前调【又一体】

张大烈

恋绣衾【又一体】

陆游

史達祖

吴文英

陈允平【二首】

张翥

月照梨花【又一体】

陆游【二首】

摘红英

无名氏

张翥

李鄂

端正好

杜安世【四首】

赵长卿

朱敦儒

杨无咎【二首】

辛弃疾【三首】

赵彦端

吴礼之

高观国【四首】

史達祖【二首】

汪莘【二首】

吴文英【二首】

周密【三首】

张炎

石孝友

江开

李莱老

杨宛

御选历代诗余卷二十五目錄

钦定四库全书

御选历代诗余卷二十五【起五十三字至五十四字】

司经局洗马掌局事兼翰林院修撰加二级【臣】王奕清奉旨校刊

望远行

【双调五十三字】

望远行 李 珣

春日迟迟思寂寥行客关山路遥琼牖时听语莺娇柳丝牵恨一条条  
休晕绣罢吹箫貌逐残花暗凋同心犹结旧帮腰忍辜风月度良宵

前调 李 珣

露滴幽庭落叶时愁聚萧娘柳眉玉郎一去负佳期水云迢递鴈书迟  
屏半掩枕斜欹蜡泪无言对垂吟蛩断续漏频移入牖明月鉴空帷

红牖听

【听或作睡双调五十三字起七字句叶仄韵或多一字者误】

红牖听 晏 殊

澹薄梳妆轻结束天付与脸红眉绿断环书素传情久许双飞同宿  
一晌无端分比目谁知道风前月底相看未足此心终拟觅鸾弦重续

前调 晏殊

记得香闺临别语彼此有万重心诉澹云轻霭知多少隔桃源无处  
梦觉相思天欲曙依前是银屏画烛宵长岁暮此时何计托鸳鸯飞去

东坡引

【双调五十三字结必以叠句为正格也】

东坡引【别周成可】 赵师侠

相看情未足离觞已催促停歌欲语眉先蹙何期归太速  
如今去也无计追逐怎忍听阳关曲扁舟後夜滩头宿愁随烟树簇愁随烟树簇

前调【癸巳豫章】 赵师侠

飞花红不聚都因夜来雨枝头冷落情如许东风谁是主  
看看满地堆却香絮但目断章台路残英剩蕊留春住春归何处去春归何处去

前调 袁去华

陇头梅半吐江南岁将暮闲窗尽日将愁度黄昏愁更苦  
归期望断双鱼尺素念嘶骑到何处残灯背壁三更鼓斜风吹细雨斜风吹细雨

河传

【又一体双调五十三字】

河传 韦庄

春晚风?锦城花满狂煞游人玉鞭金勒寻胜驰骤轻尘惜良辰  
翠娥争劝临邛酒纤纤手拂面垂丝柳归时烟里钟鼓正是黄昏暗销魂

前调 韦庄

锦浦春女绣衣金缕雾薄云轻花深柳暗时节正是清明雨初晴

玉鞭魂断烟霞路莺莺语一望巫山雨香尘隐映遥望翠槛红楼黛眉愁

前调【又一体】 阎选

秋雨秋雨无昼无夜滴滴霏霏暗灯凉簟怨分离妖姬不胜悲  
西风稍急喧牕竹停又续腻脸悬双玉几回邀约鴈来时违期鴈归人不归

前调【又一体】 顾夔

曲槛春晚碧流纹细绿杨丝软露华鲜杏枝繁莺啭野芜平似翦  
直是人间到天上堪游赏醉眼疑屏障对池塘惜韶光断肠为花须尽狂

前调【又一体】 辛弃疾

春水千里孤舟浪起梦携西子觉来村巷夕阳斜几家短墙红杏花  
晚云做造些儿雨折花去岸上谁家女太狂颠那边柳线被风吹上天

怨王孙

【亦名月照梨花双调五十三字与河传格调颇合向来另立一调仍分之】

怨王孙 韦庄

锦里蚕市满街珠翠千万红妆玉蝉金雀宝髻花簇鸣璫绣衣长  
日斜归去人难见青楼远队队行云散不知今夜何处深锁兰房隔仙乡

前调 张先

花暮春去都门东路嘶马将行江南江北十里五里邮亭几程程  
高城渐远重凝睇烟容细晚碧空无际不知今夜何处冷落衾帟欲眠时

前调 张元干

霁雨天迴平林烟暝灯闪沙汀水生钓艇楼外柳暗谁家乱昏鸦  
相思怪得今番甚寒食近小研鱼笺信屏山半掩微醉独倚阑干恨春寒

前调 张元干

小院春昼晴牕霞透着雨胭脂倚风翠袖芳意恼乱人多暖金荷

多情不分羣葩後伤春瘦浅黛眉尖秀红潮醉脸半掩花底重门怨黄昏

前调 【宋媛】李清照

梦断漏悄愁浓酒恼宝枕生寒翠屏向晓门外谁埽残红夜来风  
玉箫声断人何处春又去忍把归期负此情此恨此际拟托行云问东君

前调 李清照

帝里春晚重门深院草绿堦前暮天鴈断楼上远信谁传恨脉脉  
多情自是多沾惹难舍又是寒食也秋千巷陌人静皎月初斜浸梨花

前调 刘基

翠被夜冷碧梧风劲蛩语将阑鸦栖不定开户月在枝头恰如钩  
烟波缥缈瑶台路人何处黄叶连天雨梦魂此际绕尽越水吴山白云间

前调 刘基

漏悄人静星稀云澹烟柳成眠露华半额何处月色飞来满楼台  
微风入袂还吹领愁都醒好个清凉境红尘自迴河汉应有仙槎待还家

迎春乐

【又一体双调五十三字】

迎春乐 晏殊

长安紫陌春归早鞦垂杨染芳草被啼莺语燕催清晓正好梦频惊觉  
当此际青楼临大道幽会处两情多少莫惜明珠百琲占取年长少

菊花新

【又一体双调五十三字】

菊花新 杜安世

怎奈花残又莺老槛里青梅数枝小新荷长池沼当晴昼燕子声闹  
亭阑花绽颜色好风雨催催等闲开了酒醒暗思量无个事恁生烦恼

上林春令

【又一体双调五十三字】

上林春令 毛滂

蝴蝶初翻帘绣万玉女齐回舞袖落花飞絮蒙蒙长忆着灞桥别後  
浓香斗帐自永漏任满地月深云厚夜寒不近流苏祇怜他後庭梅瘦

红罗袄

【双调五十三字作者无多以周邦彦一调为正格换头乖字上或添怀字者误】

红罗袄 周邦彦

画烛寻欢去羸马载愁归念取酒东垆罇垒虽近采花南圃蜂蝶须知  
自分袂天阔鸿稀空乖梦约心期楚客忆江篱筩宋玉未必为秋悲

折桂令

【郤诜对策东堂白云桂林一枝後遂以登科为折桂唐人诗中多用之调名本此双调五十三字】

折桂令 倪瓚

片帆轻水远山长鸿鴈将来菊蕊初黄碧海鲸鲵兰苕翡翠风露鸳鸯  
问音信何人谿当想情怀旧日风光杨柳池塘随处凋零无限思量

恋绣衾

【双调五十三字起七字句必用拗体其中间字句长短皆歌声顿挫处不可游移然宋人已有不尽遵者论调格则不可不知也】

恋绣衾 蒋捷

藕金小袖花下行过桥亭倚树听莺被柳线低萦鬓绀云垂钗凤半横  
红薇影转晴牕画漾兰心未到绣屏奈一点春恨在青蛾弯处又生

夜行船

【双调五十三字与雨中花之别名者迥别此本调之正格也】

夜行船 赵长卿

龟甲炉烟轻袅帘栊静乳莺啼晓拂掠新妆时宜头面绣草冠儿小  
衫子揉蓝初着了身材称就中恰好手捻双纨菱花重照带朵宜男草

天下乐

【双调五十三字他无作者】

天下乐 杨无咎

雪後雨儿雨後雪镇日价长不歇今番为寒忒太切和天地也来厮别  
睡不着身心自暗擷况味凭谁说枕衾冷得浑似铁祇心头些个热

鬓边华

【双调五十三字】

鬓边华 无名氏

小梅香细艳浅过楚岸尊前偶见爱闲澹天与精神青鬓开人醉眼  
如今抛掷经春恨不见芳枝寄远向心上谁解相思赖长对妆楼粉面

茶瓶儿

【双调五十三字】

茶瓶儿 【宋媛】梁意娘

满地落花铺绣丽色着人如酒晓莺窗外啼杨柳愁不奈两眉频皱  
关山杳音信悄那堪是当年时候盟言辜负知多少对好景顿成消瘦

恨懽迟

【双调五十三字较恨春迟既多一字句法又别合为一体者误也】

恨懽迟 无名氏



澹薄情怀浅缀胭脂独占江梅最好是严凝苦寒天气却是开时  
也不许桃杏鬪妍媸也不许霜雪相欺又只恐谁家一声长笛落尽南枝

### 浪淘沙

【又一体或加令字双调五十三字】

### 浪淘沙 柳永

有一个人人飞燕精神急锵环佩上华裯促拍尽随红袖举风柳腰身  
簌簌轻裙妙尽尖新曲终独立敛香尘应是四肢娇困也眉黛双颦

前调【又一体琴】李之仪

霞卷云舒月澹星疎摩徽转轸不曾虚弹到当时留意处谁是相如  
魂断酒家垆路隔云衢舞鸾镜里早妆初拟学画眉张内史略借工夫

### 望江南

【双调五十四字即从单调加一疊也或合李煜二词上下分韵遂谓有又一体者非】

### 望江南 吕岩

瑶池上瑞雾霭羣仙素练金童锵凤板青衣玉女啸鸾弦身在大罗天  
沉醉处缥缈玉京山唱彻步虚清燕罢不知今夕是何年海水又桑田

前调 王琪

江南柳烟穗拂人轻愁黛空长描不似舞腰虽瘦学难成天意与风情  
攀折处离恨几时平已纵柔条萦客棹更飞狂絮扑旗亭三月乱莺声

前调 王琪

江南雨风送满长川碧瓦烟昏沉柳岸红绡香润入梅天飘洒正潇然  
朝与暮长在楚峰前寒夜愁歌金带枕暮江深闭木兰船烟浪远相连

前调 王琪

江南岸云树半晴阴帆去帆来天亦老潮生潮落日还沉南北别离心

兴废事千古一沾襟山下孤烟渔市晓柳边疎雨酒家深行客莫登临

前调 王琪

江南竹清润絶纤埃深径欲留双凤宿後庭偏映小桃开风月影徘徊  
寒玉瘦霜霰信相催粉泪空留妆点在羊车曾傍翠枝来龙笛莫轻裁

前调 王琪

江南草如种复如描深映落花莺舌乱緑迷南浦客魂消日日鬪青袍  
风欲转柔态不胜娇远翠天涯经夜雨冷沙上带昏潮谁梦与兰苕

前调 王琪

江南水江路转平沙雨霁高烟收素练风晴细浪吐寒花迢递送星槎  
名利客飘泊未还家西塞山前渔唱远洞庭波上鴈行斜征棹宿天涯

前调 王琪

江南月清夜满西楼云叶开时冰吐檻浪花深处玉沉钩圆缺几时休  
星汉迴风露入新秋丹桂不知摇落恨素娥应信别离愁天上共悠悠

前调 王琪

江南酒何处味偏浓醉卧春风深巷里晓寻香旆小桥东竹叶满金钟  
檀板奏人面粉生红青杏黄梅朱阁上鲋鱼苦笋玉盘中酩酊任愁攻

前调 王琪

江南雪轻素翦云端琼树忽惊春意早梅花偏觉晓香寒飞盞递清欢  
蟾玉迴清夜好重看谢女联诗吟翠幙子猷乘兴泛平澜空惜舞英残

前调 王琪

江南燕轻扬绣帘风二月池塘新社过六朝宫殿旧巢空颯颯恣西东  
王谢宅曾入绮堂中烟径落花飞远远晓牕惊梦语匆匆偏占杏园红

前调 韩琦

安阳好形势魏西州曼衍山川环故国昇平歌吹沸南楼和气镇飞浮  
笼画陌乔木几春秋花外轩窗排远岫竹间门巷带长流风物更清幽

前调 欧阳修

江南蝶斜日一双双身似何郎曾傅粉心如韩寿爱偷香天赋与轻狂  
微雨後薄翅膩烟光才伴游蜂来小院又随飞絮过东墙长是为花忙

前调【与龙靓】 张先

青楼宴靓女荐瑶杯一曲白云江月满际天拖练夜潮来人物悞瑶台  
醺醺酒轻拂上双腮媚脸已非朱淡粉香红全胜雪笼梅标格外风埃

前调 苏轼

春未老风细柳斜斜试上超然台上看半壕春水一城花烟雨暗千家  
寒食後酒醒却咨嗟休对故人思故国且将新火试新茶诗酒趁年华

前调 苏轼

春已老春服几时成曲水浪低蕉叶稳舞雩风软苧罗轻酣咏乐昇平  
微雨过何处不催耕百舌无言桃李尽柘枝深处鹁鸪鸣春色属芜青

前调 谢逸

临川好柳岸转平沙门外澄江丞相宅坛边乔木列仙家春到满城花  
行乐处舞袖卷轻纱漫摘青梅尝煮酒旋煎白雪试新茶明月上檐牙

前调 谢逸

临川好山影碧波摇鱼跃冰池飞玉尺云横石岭拂蛟绡高树竹萧萧  
寒食近湖水绿平桥繁杏梢头张锦旆垂杨阴里系兰桡邀客解金貂

前调 周邦彦

歌席上无赖是横波宝髻玲珑欹玉燕绣巾柔膩掩香罗人好自宜多  
无个事因甚歛双蛾浅澹梳妆疑见画惺忪言语胜闻歌何况会婆娑

前调 周邦彦

游妓散独自绕回堤芳草怀烟迷水曲密云衔雨暗城西九陌未沾泥  
桃李下春晚自成蹊墙外见花寻路转柳陰行马过莺啼无处不凄凄

前调 王安中

安阳好物外占天平叠叠按蓝烟岫色淙淙鸣玉晓溪声仙路驭风行  
松径转丹碧照飞甍金界花开常烂漫云根石秀小峥嵘幽事不胜清

前调 王安中

安阳好负郭相君园緑野移春花自老平泉醒酒石空存月馆对风轩  
人选胜幽径破苔?拥砌翠筠侵坐冷穿亭玉溜落池喧归意黯重门

前调 王安中

安阳好曲水似山阴咽咽清泉岩溜细弯弯碧甃篆?深永昼坐披襟  
红袖小歌扇画泥金鸭緑波随双叶转鹅黄酒到十分斟重听绕梁音

前调 王安中

安阳好耆旧迹依然醉白垂杨低掠水延松高桂老参天曾映两貂蝉  
王谢族兰玉秀当年画隼朱轮人继踵丹台碧落世多贤簪绂看家传

前调 向子諲

微雨过庭院静无尘天上秋期明日是人间月影十分清真不负佳辰  
称寿处香雾绕花身玉兔已成千岁药桂花更与一枝新喜气满重闌

前调【霜天有感】 赵长卿

山又水云岫插峰峦断鴈飞时霜月冷乱鸦啼处日衔山疑在画图间  
金乌转游子损朱颜别泪盈襟双袖湿春心不放画眉闲此去几时还

前调【池阳道中】 李纲

归去好迂骑过江乡茅店鸡声寒逗月板桥人迹晓凝霜一望楚天长  
春信早山路野梅香映水酒帘斜扬日隔林渔艇静鸣榔杳杳下残阳

前调 李纲

新阁就向日借清光广厦生风非吾志小牕容膝正相当聊此傲羲皇  
猿尾拂高挂木绳牀老病维摩谁问疾散花天女为焚香恰好细商量

前调【去沙阳过分水岭】 李纲

征骑远千里别沙阳泛碧斋傍凝翠阁栖云寺里印心堂回首意茫茫  
分水岭烟雨正凄凉南望瓯闽连海峤北归吴越过江乡极目暮云长

前调 李纲

云棹远南浦绿波春日暖风和初解冻饵香竿袅好垂纶一钓得金鳞  
风乍起吹皱碧渊沦红鲙斫来鲜更美白醪酤得旨兼醇一醉武陵人

前调 李纲

清昼永幽致夏来多远岸参差风扬柳平湖清浅露翻荷移棹钓烟波  
凉一霎飞雨洒轻蓑满眼生涯千顷浪放怀乐事一声歌不醉欲如何

前调 李纲

江上雪独立钓鱼翁箬笠但闻冰散响蓑衣时振玉花空图画若为工  
云水暮归去远烟中茅舍竹篱依小屿缩鳊圆鲫入轻笼欢笑有儿童

前调【张节使生辰】 杨无咎

鍾陵好嘉节庆元正瑞色潜将春共到台星遥映月初升贤帅为时生  
人意乐天宇亦清明淡薄梅腮娇倚暖依微柳眼喜窥晴和气满江城

前调 张孝祥

朝元去深殿扣瑶钟天近月明黄道静参回斗转碧霄空身在九光中  
风露下环佩响丁东玉案烧香紫翠凤松坛移影动苍龙归路海霞红

前调 程垓

篷上雨篷底有人愁身在汉江东畔去不知家在锦江头烟水两悠悠  
吾老矣心事几时休沉水熨香年似日薄云垂帐夏如秋安得小书舟

前调 方千里

春色暮短艇橫长堤飞絮空随花上下啼莺占断水东西来往燕争泥  
桑柘綠归去觅前蹊夜瓮酒香从蚁鬪晓牕眠足任鸡啼犹胜旅情凄

前调 杨泽民

寻胜去驱马上南堤信脚不知人远近醉眠犹劝玉东西归帽任冲泥  
春雨过农事在 蹊野卉无名随路满山禽着意傍人啼鼓角已悲凄

前调【赋画临照女】 吴文英

衣白苧雪面堕愁鬟不识朝云行雨处空随春梦到人间留向画图看  
慵临镜流水洗花顏自织苍烟湘泪冷谁捞明月海波寒天澹雾漫漫

前调【茶】 吴文英

松风远莺燕静幽芳妆褪官梅人倦绣梦回春草日初长瓷盃试新汤  
笙歌断情与絮悠扬石乳飞时离凤怨玉纤分处露花香人去月侵廊

前调 吴文英

三月暮花落更情浓人去秋千闲挂月马停杨柳倦嘶风堤畔画船空  
厌厌醉长日小帘枕宿燕夜归银烛外啼莺声在綠陰中无处觅残红

前调 陈允平

娇灼灼聪隽在秋波六幅香帟拖细縠一鉤尘鞵翦轻罗春意动人多  
临宝监石黛拂修蛾燕子楼头蝴蝶梦桃花扇底竹枝歌杨柳月婆娑

前调 陈允平

烟漠漠湖外綠杨堤满地落花春雨後一帘飞絮夕阳西梁燕落香泥  
流水恨和泪入桃蹊鸚鵡洲边鸚鵡恨杜?枝上杜?啼归思越凄凄

前调 赵汝茆

帘不卷细雨熟櫻桃数点霁霞天又晓一痕凉月酒初消风紧絮花高  
萧闲处磨尽少年豪昨梦醉来骑白鹿满湖春水段家桥濯发听吹箫

前调 汪元量

官舍悄坐到月西斜永夜角声悲自语客心愁破更思家南北各天涯  
肠断裂搔首一长嗟绮席象床寒玉枕美人何处醉黄花和泪捻琵琶

前调 无名氏

梅花好依约透春光记得佳人初睡起巧临鸾监试新妆粉面鬬琼芳  
江亭上遶树嗅清香拟把一枝传信去不知何处是兰房独自暗凄凉

前调 僧挥

成都好蚕市趁遨游夜放笙歌喧紫陌春邀灯火上红楼车马隘瀛洲  
人散後茧馆喜绸缪柳叶已饶灯黛细桑条何似玉纤柔立马看风流

前调 刘基

黄昏雨滴沥四檐声陡为衾裯添宿润都来肺腑作愁城惟觉寐难成  
单栖鸟几度绕枝鸣金兽有烟飞不起玉虫无焰翳还明谁识此时情

前调【送王虞卿之京师】 吴子孝

春欲暮把酒送君行云里鵷鸾新振羽江南烟树远含情花外忽啼莺  
年正少清望与才名共道文章终有用玉堂金马待登瀛相忆凤凰城

前调【夜泊汉江口】 张大烈

吟眺处江雨正霏霏九疊云华苍巘秀一川烟浪白鸥飞此景十分奇  
吟眺罢客思正依依拄杖寻诗双屐履扁舟垂钓一蓑衣此趣几人知

河传

【又一体双调五十四字】

河传 顾夔

燕扬晴景小牕屏暖鸳鸯交颈菱花掩却翠鬟敲慵整海棠帘外影  
绣帏香断金鸂?无消息心事空相忆倚东风春正浓愁红泪?衣上重

前调【又一体】 顾夔

棹举舟去波光渺渺不知何处岸花汀草共依依雨微鷓鴣相逐飞  
天涯离恨江声咽啼猿切此意向谁说倚兰桡独无憀魂消小炉香欲焦

前调【又一体】 孙光宪

花落烟薄谢家池阁寂寞春深翠蛾轻敛意沉吟沾襟无人知此心  
玉炉香断霜灰冷帘铺影梁燕归红杏晚来天空悄然孤眠枕檀云髻偏

江月晃重山

【此用西江月小重山两调句法串合因以名调凡调之以犯名者即此义双调五十四字】

江月晃重山【初到嵩山作】 元好问

塞上秋风鼓角城头落日旌旗少年鞍马适相宜从军乐莫问所从谁  
候骑才通冀北先声已动辽西归期犹及柳依依春闺月红袖不须啼

前调【立春四首】 杨 慎

腊尾金杯灩灩春头彩胜翩翩裁红晕碧动嫣然风日好偷眼艳阳天  
一曲玉箫明月几弦锦瑟华年故乡迢递水云连归未得思发在花前

前调 杨 慎

金马九重恩谴碧鸡二十春风江花江草每年同君不见憔悴已成翁  
白发戴花休笑紫髯说劒犹雄欲笺心事向天公賒美酒长醉玉壶中

前调 杨 慎

屏翳烘云鞞鞫羲和敲日玻璃韶风丽景画桥西春色早南国思黄鹂  
潇洒蕙楼茵阁繁华杏坞桃溪多情杨柳露新萸堪一醉骑马欲鸡栖

前调 杨 慎

龙马山前草长螳螂川上花开霜天晓角报春回传菜手先进荡寒杯  
金线丝丝染柳玉英片片熏梅流光容易把人催吾老矣何日赋归来

前调【立春】 张大烈



新翦钗头彩胜开先爆竹轰雷土牛鞭动报春回椒花宴祝颂紫霞杯  
百舌调歌上柳羣蜂吸气寻梅韶华淑景序中催知春早芽茁衬鲜苔

南乡子

【又一体一名减字南乡子双调五十四字】

南乡子 欧阳修

翠密红繁水国凉生未是寒雨打荷花珠不定轻翻冷泼鸳鸯锦翅斑  
尽日凭阑弄蕊拈花仔细看偷得褰蹄新铸样无端藏在红房艳粉间

前调 欧阳修

雨後斜阳细细风来细细香风定波平花映水休藏照出轻盈半面妆  
路隔秋江莲子深深隐翠房意在莲心无问处难忘泪裊红腮不记行

前调【秋怀寄友】 褚附凤

忽地秋催又见黄花满径开箕踞科头无个事三杯林下清风亦壮哉  
何必徘徊收拾天涯宦迹回艺圃自存经济意归来赢得先生五柳栽

前调【美人晓妆】 卓人月

花影分明闯入纱牕上翠屏笼内鹦哥春梦醒低声却向牀头唤玉人  
俏髻盘成缥缈虚无云气清旭日熏人如卯酒微醒重倚瑶琴眼倦撑

前调【荷花】 张大烈

水殿风凉一阵飘飊一阵香翠衣绿盖拥霞光中藏沼底鲜浮百媚妆  
露滴轻黄透湿莲心润秀房蒂欲并头根未藕难忘锦袖啼红泪几行

前调【又一体】 张大烈

小立露台宽扇扑流萤兴未阑隔墙歌韵振琼珊撩拨离情闷倚阑  
月圆人影单摆动花枝魂欲残遥忆双星何日渡贪观隔断银河不忍看

恋绣衾

【又一体双调五十四字】

恋绣衾 陆 游

不惜貂裘换钓篷。嗟时人、谁识放翁。归棹借风轻稳，数声闻林外暮钟。幽栖莫笑蜗庐小，有云山、烟水万重。半世向丹青看喜，如今身在画中。

前调 史達祖

吴梅初试润谷春夜幽幽。江鴈叫云人正在孤牕底。被浓愁、醺破醉魂。雨牕只剩残灯影，伴罗衣、无限泪。瘦骨怕红絺冷。说年时、斗帐夜分。

前调 吴文英

频摩书眼怯细文。小牕陰天气似昏。兽炉慵添困带茶烟微润。宝熏少年骄马西风冷。旧春衫犹浣酒痕。梦不到、梨花路断长桥无限暮云。

前调 陈允平

绀桃红浅柳褪黄。燕初来、宫漏渐长。任日转花梢也，倚兰屏犹未试妆。秦鸾旧曲无心理。忆年时、相傍采桑。听緑树娇莺，一声声都是断肠。

前调 陈允平

多情无语斂黛眉。寄相思、偏仗柳枝。待折向尊前，唱奈东风吹作絮飞。归来醉抱琵琶睡。正酒醒、香尽漏移。无赖是梨花梦，被月明偏照翠帷。

前调 张 翥

醉乡残梦莺唤醒。见柳梢日影弄晴。又误了寻芳伴，减东风庭院笑声。玉儿扶起仍娇困。索樱桃花露解醒。纵病也心情好比别离，滋味较轻。

月照梨花

【又一体双调五十四字】

月照梨花 陆 游

霁景风软烟江春涨。小阁无人。绣帘半上。花外姊妹相呼。约携蒲

修蛾忘了章台样细思一晌感事添惆怅胸酥臂玉消减拟觅双鱼倩传书

前调 陆游

闷已萦损那堪多病几曲屏山伴人书静梁燕催起犹慵换熏笼  
新愁旧恨何时尽渐凋绿鬓小雨知花信芳笺寄与何处绣阁珠枕柳阴中

摘红英

【又名撷芳词双调五十四字】

摘红英 无名氏

风摇荡雨蒙茸翠条柔弱花头重春衫窄香肌湿记得年时共伊曾摘  
都如梦何曾共可怜孤似钗头凤关山隔晚云碧燕儿来也又无消息

前调【惜花】 张翥

莺声寂鸠声急柳阴一片梨花湿惊人困教人恨待到平明海棠应尽  
青无力红无迹残香剩粉那禁得天难准晴难稳晚风又起倚阑怎忍

前调【早春】 李鄂

潮头白峰头碧落梅香暗渔翁笠西风透东风骤待得晴明莺花时候  
莺声涩花枝寂春来已蜡看山屐山如旧春如绣层楼望处苍寒红瘦

端正好

【一名於中好即杏花天之又一体亦名杏花风双调五十四字】

端正好 杜安世

槛菊愁烟沾秋露天微冷双燕辞去月明空照别离苦透素光穿朱户  
夜来西风雕寒树凭阑望迢迢长路花笺写就此情绪待寄与知何处

前调 杜安世

每遇春来长如病玉容瘦薄妆相称双欢未久成孤冷奈厚约全无定  
衆禽啾唧声愁听相思事多少春恨孤眠帐外银缸耿透一点炉烟暝

前调 杜安世

露落风高桐叶坠小庭院秋凉佳气兰堂聚饮华筵启罢令曲呈珠缀  
晚天行雨凝香袂新声内分明心意玉炉初喷檀烟起敛愁在双蛾翠

前调 杜安世

野禽林栖啾唧语闲庭院残阳将暮兰堂静悄珠帘窣想玉人归何处  
喜鹊几回空无据愁都在双眉头聚凄凉方感孤鸳侣对夜永成愁绪

前调 赵长卿

乍凉淅淅风生幕人独在朱阑翠阁吹箫信杳炉香薄眉上新愁又觉  
从前事拟将 却梦不断花梢柳萼一杯睡起谁同酌斜日阴阴转角

前调 朱敦儒

浅青庭院东风晓细雨打鸳鸯寒峭花光望见秋千了无路踏青鬪草  
人别後碧云信杳对佳景愁多欢少等他燕子传音耗红杏开时未到

前调 杨无咎

墙头艳杏花初试遶珍丛细按红蕊欲知占尽春明媚悄无意看桃李  
持杯准拟花前醉早一叶两叶飞坠晚来旋旋深无地更听得东风起

前调 杨无咎

溅溅不住泪流素忆曾记碧桃红露别来寂寞朝还暮恨遮断当时路  
仙家岂解空相误嗟尘世自难知处而今重与春为主尽浪蕊浮花妒

前调【清明】 辛弃疾

软波拖碧蒲芽短画楼外花晴柳暖今年自是清明晚便觉芳情较嬾  
春衫瘦东风翦翦过花坞香吹醉面归来立马斜阳岸隔岸歌声一片

前调 辛弃疾

病来自是於春嬾但别院笙歌一片蛛丝网徧玻璃盏更问舞裙歌扇  
有多少莺愁蝶怨任梦里春归不管杨花也笑人情浅故故沾衣扑面

前调 辛弃疾

牡丹昨夜方开徧毕竟是今年春晚荼蘼付与薰风管燕子忙时莺嬾  
多病起日长人倦不待到酒阑歌散甫能得见茶瓯面却早安排肠断

前调 赵彦端

风韶雨润催花候叹无限年年常有桃蹊杏陌相期久一为东君试手  
匆匆去那人信否襟泪渍粉香依旧单衣煮酒重来後好与看承人瘦

前调 吴礼之

闷来凭得阑干暖自手引朱帘高卷桃花半露胭脂面芳草如茵乍展  
烟光散湖光潋灩映绿柳黄鹂巧啭遥山好似宫眉浅人比遥山更远

前调 高观国

霁烟消处寒犹嫩乍门巷愔愔昼永池塘梦草魂初醒秀句吟春未稳  
仙源阻春风瘦损又燕子来无芳信小桃也自知人恨满面羞红难问

前调 高观国

远山学得修眉翠看眉展春愁无际雨痕半湿东风外不管梨花有泪  
西园路青鞵暗记怕行入秋千径里一春多少相思意说与新来燕子

前调【题杏花春禽扇面挂轴】 高观国

花凝露湿胭脂透是彩笔丹青染就粉绡帕入班姬手舒卷清寒时候  
春禽静来窥晴昼闲冷落芳心知否不愁院宇东风骤日日娇红如旧

前调【杏花】 高观国

玉坛消息春寒浅露红玉娇生靚艳小怜鬟湿胭脂染只隔粉墙相见  
花阴外故家梦远想未识莺莺燕燕飘零翠径红千点桃李春风已晚

前调【清明】 史達祖

细风微月垂杨院记年少春愁一点栖莺未觉花梢颤踏损残红几片  
长安共日边近远况老少芳情渐减屏山几夜春寒浅却怕因而梦见

前调 史達祖

古城官道花如霰便恰限花间再见双眉最现愁深浅隔雨春山两点  
回头但垂杨带苑想今夜铜駝梦远行人去了莺声怨此度关心未免

前调 汪 莘

残雪林塘春意浅倚碧玉阑干日晚霞天五色明如翦上有新蟾占断  
从别後水遥山远倩说与天台刘阮方壶只有梅花伴不似桃花庭院

前调 汪 莘

美人家在东南住每惆怅江南日暮白苹洲畔花无数还忆潇湘风度  
幸自是断肠无处怎强作莺声燕语东风占断秦筝柱也逐落花归去

前调【咏汤】 吴文英

蛮姜豈?相思味筭却在春风舌底江清爱与消残醉憔悴文园病起  
停嘶骑歌眉送意记晓色东城梦里紫檀晕浅香波细肠断垂杨小市

前调 吴文英

鬓棱初翦玉纤弱早春入屏山四角少年买困成欢谑人在浓香绣幄  
霜丝换梅残梦觉夜寒重长安紫陌东风入户先情薄吹老灯花半萼

前调【莫愁】 周 密

瑞云盘翠侵宫额眉柳嫩不禁愁积返魂谁染东风笔写出郢中春色  
人去後垂杨自碧歌舞梦欲寻无迹愁随两桨江南北日暮石城风急

前调【昭君】 周 密

汉宫乍出慵梳掠关月冷玉沙飞幕龙香绕指春风弱一曲哀弦漫托  
君恩重空怜命薄青塚远几番花落丹青自是难描摸不是当年画错

前调 周 密

金池琼苑曾经醉是多少红情緑意东风一枕游仙去换却莺花人世  
渐暮色鸦声四起正愁满香沟流水一色柳烟三十里为问春归那里

前调【赋疎杏】张炎

湘罗几翦黏新巧似过雨臙脂全少不教枝上春痕闹都被海棠分了  
带柳色愁眉暗恼漫遥指孤村路杳深巷明朝休起早空等卖花人到

前调 石孝友

把杯莫唱阳关曲行客去居人恨局屏山似展江如簇不见樽前醉玉  
鹃啼处怨声裂竹问後夜兰舟那宿帛书难系征鸿足肠断弦孤怎续

前调 江开

谢娘庭院通芳径四无人花梢转影几番心事无凭准等得青春过尽  
秋千下佳期又近算毕竟沉吟未稳不成又是教人恨待倩杨花去问

前调 李莱老

年时中酒风流病正雨暗蘼芜深径人家寒食烟初禁狼藉梨花雪影  
西湖梦红沉翠冷记舞板歌裙厮趁斜阳苦与黄昏近生怕画船归尽

前调【半砚明妓】杨宛

光凝斐几秋牕晓正墨影香浮缭绕天留一半心多少只恐文章懊恼  
休回首玉楼信杳灵鬼笑顽仙怎了从今检点中书考辜负铜台人老

御选历代诗余卷二十五

## 卷二十六

<集部,词曲类,词选之属,御选历代诗余

钦定四库全书

御选历代诗余卷二十六目錄【五十四字】

临江仙

和凝

留春令【又一体】

黄庭坚

木兰花【又一体】

魏承班

玉阑干

杜安世

惜双双

张先

忆王孙【又一体】

周紫芝

茶瓶儿【又一体】

赵彦端

三字令【又一体】



向子諲

红毵睡【又一体】

无名氏

南乡一翦梅

虞集

鹦鹉曲

冯子振【三首】

金错刀

冯延巳

金凤钩

晁补之

雨中花【又一体】

刘一止

赵长卿

程垓【二首】

前调【又一体】

吴子孝

南歌子【又一体】

周邦彦

杨元咎【二首】

青门引【又一体】

吴子孝

浪淘沙【又一体】

南唐李煜【二首】

欧阳修【三首】

王安石

晏几道【四首】

张先

贺铸

毛滂

葛胜仲【二首】

周紫芝【二首】

谢逸

吕渭老

赵师侠【三首】

赵长卿

朱敦儒

康与之【二首】

曾觌

侯寘

辛弃疾【二首】

范成大

陈三聘

葛立方

程垓

吴玕

陆游

谢懋

李洪

王炎

毛幵

高观国

史达祖【二首】

张榘【四首】

洪璚

黄昇【二首】

吴文英【二首】

蒋捷

周密【二首】

张炎【六首】

韩偓【二首】

赵旭

邓剡

李振祖

李莱老【二首】

李彭老

尚希尹

僧德洪

李清照【二首】

郑氏

金淑柔

幼卿

玉英

段成己

元好问【二首】

白朴

萧汉杰

张翥

刘基【三首】

吴子孝【四首】

杨慎【二首】

顾同应

李攀龙

钱继章【二首】

张大烈

陈子龙

王泰际

沈宗堦

刘氏

叶小鸾

端淑卿

杨宛

御选历代诗余卷二十六目錄

钦定四库全书

御选历代诗余卷二十六【五十四字】

司经局洗马掌局事兼翰林院修撰加二级【臣】王奕清奉旨校刊

临江仙

【双调五十四字】

临江仙 和 凝

海棠香老春江晚小楼雾縠空蒙翠鬟初出绣帘中麝烟鸾佩惹苹风

碾玉钗摇鬋?颤雪肌云鬓将融含情遥指碧波东越王台殿蓼花红

留春令

【又一体双调五十四字】

留春令 黄庭坚

江南一鴈横秋水叹咫尺断行千里回文机上字纵横欲寄远凭谁是  
谢客池塘春都未微微动短墙桃李半阴才?却清寒是瘦损人天气

木兰花

【又一体双调五十四字】

木兰花 魏承班

小芙蓉香旖旎碧玉堂深清似水闭宝匣掩金铺倚屏拖袖愁如醉  
迟迟好景烟花媚曲渚鸳鸯眠锦翅凝然愁望静相思一双笑靥嚙香蕊

玉阑干

【双调五十四字】

玉阑干 杜安世

珠帘卷春残景小雨牡丹零尽庭轩悄悄燕高飞风飘絮绿苔暗浸  
欲将幽恨传愁信想後期今无凭定几回独睡不思量还悠悠梦里寻趁

惜双双

【双调五十四字与惜分飞又一体之别名不同】

惜双双 张先

城上层楼天边路残照里平芜绿树伤远更惜春暮有人还在高高处  
断梦归云经日去无计使哀弦寄语相望恨不相遇倚桥临水谁家住

忆王孙

【又一体亦名怨王孙双调五十四字】

忆王孙 周紫芝

梅子青时春酒老红满地落花谁埽旧年池馆不归来又绿尽今年草  
思量千里乡关道山共水几时得到杜鹃只解怨残春也不管人烦恼

茶瓶儿

【又一体双调五十四字】

茶瓶儿 赵彦端

淡月华灯春夜送东风柳烟梅麝宝钗宫髻连骄马似记得帝城游冶  
悦亲戚之情话况溪山坐中如画凌波微步人归也看酒醒凤鸾谁跨

三字令

【又一体双调五十四字】

三字令 向子諲

春尽日雨余时红簌簌绿漪漪花满地水平池烟光里云影上画船移  
文鸳并白鹭飞歌韵响酒行迟将我意入新诗春欲去留且住莫教归

红窗睡

【又一体双调五十四字】

红窗睡 无名氏

帘日烘花花影乱人未起恋凤衾红软惊回香梦兰情倦怪金衣频啖  
玉笋芽按双媚眼寻钗股敲鬟浅拢重桂正暖翡翠低揭漏篝烟一半

南乡一翦梅

【双调五十四字亦是合二调为一调也】

南乡一翦梅 虞集

南阜小亭台薄有山花取次开寄语多情熊少府晴也须来雨也须来  
随意且衔杯莫惜春衣坐绿苔若待明朝风雨过人在天涯春在天涯

### 鸂鶒曲

【双调五十四字或以冯子振後二首另名黑漆弩分二体今观三词止小有异同且皆和韵  
则知为一调无疑也】

### 鸂鶒曲【和白无咎韵】 冯子振

巍巍峰顶移家住旦暮见上下樵父烂柯时树老无花叶叶枝枝风雨  
故人曾唤我归来却道不如休去指门前万叠青山是不费青蚨买处

### 前调【钱塘初夏】 冯子振

钱塘江上亲曾住司马槱不是村父缕金衣唱彻流年几阵纱窗梅雨  
梦回时不见犀梳燕子又衔春去便人间月缺花残是小小香魂断处

### 前调 冯子振

长绳难系虚名住倾浊酒好劝邻父草庭前矮树当门画出轻烟疎雨  
看燕南陌上红尘马耳北风吹去一年年月夜花朝自占取溪山好处

### 金错刀

【一名醉瑶瑟亦名步虚词双调五十四字】

### 金错刀 冯延巳

日融融草芊芊黄莺求友啼林前柳条袅袅拖金线花蕊茸茸簇锦毵  
鸠逐妇燕穿帘狂蜂浪蝶相翩翩春光堪赏还堪玩恼煞东风恨少年

### 金凤钩

【双调五十四字】

### 金凤钩 晁补之

雪晴闲步花畔试屈指早春将半樱桃枝上最先到却恨小梅芳浅



忽惊拂水双来燕暗自忆故人犹远一分风雨占春愁一来又对花肠断

### 雨中花

【又一体或多令字双调五十四字与五十四字夜行船句法无殊平仄小别故亦名夜行船之又一体也】

### 雨中花 刘一止

十顷疎梅开半就折芳条嫩香满袖今度何郎尊前疑怪花共人俱瘦  
侧侧轻寒吹散酒高城近怕听更漏可惜溪桥月明风露长是人归後

### 前调 赵长卿

短棹轻舟排办了歌声断晚霞残照红蓼陂头绿杨堤外离恨知多少  
别後莫教音信杳叹光阴自来堪笑画角谯门槐溪归路正是楚天晓

### 前调 程垓

闻说海棠开尽了怎生得夜来一笑顰绿枝头落红点里问有愁多少  
小院闭门春悄悄禁不得瘦腰如嫋豆蔻浓时醺醺开处试把菱花照

### 前调 程垓

旧日爱花心未了紧消得花时一笑几日春寒连宵雨闷不道幽欢少  
记得去年深院悄梁畔一枝香嫋嫋说与西楼後來明月莫把梨花照

### 前调【又一体】 吴子孝

池上轻雷遥动埽炎暑天边云重兰堂夜宴酒初斟雨把新凉相送  
檀板朱弦聊一弄声窈窕尘飞高栋须臾雨散风敲竹看玉盃蔗浆寒冻

### 南歌子

【又一体双调五十四字】

### 南歌子 周邦彦

膩颈凝酥白轻衫淡粉红碧油凉气透帘栊指点庭花低影云母屏风

恨逐瑶琴写书劳玉指封等闲赢得瘦仪容何事不教云雨略下巫峰

前调 杨无咎

小雨疎疎过长江滚滚流落霞残照晚明楼又是一番重午身寄南州  
罗绮纷香陌鱼龙漾彩舟不堪回首凤池头谁道於今霜鬓犹自淹留

前调 杨无咎

波静明如染山光翠欲流晚来乘兴上妆楼楼外谁歌新唱知有黄州  
拟泛银河浪聊乘藕叶舟蓬山应是隐鳌头借问谪仙何在今为谁留

青门引

【又一体双调五十四字】

青门引 吴子孝

花发如花信不奈雨狂风横一枝红色正鲜妍春容可爱爱极翻成困  
飘零容易添新恨对酒闲评论不如松菊傲霜凌雪年年无恙留三径

浪淘沙

【又一体一名卖花声一名过龙门一名曲入冥双调五十四字】

浪淘沙 南唐李煜

帘外雨潺潺春意阑珊罗衾不耐五更寒梦里不知身是客一晌贪欢  
独自莫凭阑无限江山别时容易见时难流水落花春去也天上人间

前调 南唐李煜

往事只堪哀对景难排秋风庭院藓侵阶一桁珠帘闲不卷终日谁来  
金劒已沉埋壮气蒿莱晚凉天净月华开想得玉楼瑶殿影空照秦淮

前调 欧阳修

把酒祝东风且共从容垂杨紫陌洛城东总是当时携手处游徧芳丛  
聚散苦匆匆此恨无穷今年花胜去年红料得明年花更好知与谁同

前调 欧阳修

花外倒金翘饮散无憀柔桑蔽日柳迷条此地年时会一醉还是春朝  
今日举轻桡帆影飘飘长亭回首短亭遥过尽长亭人更远特地魂消

前调 欧阳修

万恨共緜緜旧约前欢桃花溪畔柳阴间几度日高春睡重绣户深关  
楼外夕阳闲独自凭阑一重水隔一重山水阔山高人不見有泪无言

前调 王安石

伊吕两衰翁历徧穷通一为钓叟一耕农假使当时俱不遇老了英雄  
汤武一相逢风虎云龙兴王只在笑谈中及至而今千载下谁与争功

前调 晏几道

高阁对横塘新燕年光柳花残梦隔潇湘绿浦归帆看不见还是斜阳  
一笑解愁肠人会蛾妆藕丝衫袖郁金香曳雪牵云留客醉且伴春狂

前调 晏几道

小绿间长红露蕊烟丛花开花落昔年同惟恨花前携手处往事成空  
山远水重重一笑难逢已长在别离中霜鬓知他从此去几度春风

前调 晏几道

丽曲醉思仙十二哀弦糝蛾叠柳脸红莲多少雨条烟叶恨红泪离筵  
行子惜流年鵲鳩枝边吴堤春水橈兰船南去北来今渐老难负尊前

前调 晏几道

翠幕绮筵张淑景难忘阳关声巧遶雕梁美酒十分谁与共玉指持觞  
晓枕梦高唐略话衷肠小山池院竹风凉明夜月圆帘四卷今夜思量

前调 张先

肠断送韶华为惜杨花雪球摇曳逐风斜容易着人容易去飞过谁家  
聚散苦咨嗟无计留他行人洒泪滴流霞今日画堂歌舞地明日天涯

前调 贺铸

一叶忽惊秋分付东流殷勤为过白苹洲洲上小楼帘半卷应认归舟  
回首恋朋游迹去心留歌尘萧散楚云收惟有尊前曾见月相伴人愁

前调 毛滂

深院绣帘垂前日春归画桥杨柳弄烟霏池面东风先解冻龟上涟漪  
酒潋玉东西香暖狻猊远山郁秀入双眉待看碧桃花烂漫春日迟迟

前调 葛胜仲

步履对东风细探春工百花堂下牡丹丛莫恨使君来便去不见鞦红  
雾眼一衰翁无意芳穠年来结习已成空寄语国香雕槛里好为人容

前调【赏菊】 葛胜仲

我爱菊花枝浥露偏宜旋移佳种一年期照眼黄金三径烂可但东篱  
秋老摘花吹散恨开迟只愁一夜便香衰待插满头年大也且泛芳卮

前调【除夜】 周紫芝

江上送年归还似年时屠苏休恨到君迟觅得醉乡无事处莫放愁知  
红炷一灯垂应笑人衰鹤长凫短怨他谁明日江楼春到也且醉南枝

前调 周紫芝

落日在阑干风满晴川坐来高浪拥银山白鹭欲栖飞不下却入苍烟  
千里水云寒正绕烟鬟拍浮须要酒杯宽天与吾曹供一醉不是人间

前调 谢逸

料峭小桃风凝淡春容宝灯山列半天中丽服靓妆携手处笑语匆匆  
酒滴小槽红一饮千锺铜壶擎烛绛纱笼归去笙歌喧院落月照帘栊

前调 吕渭老

纤指捧琉璃莫惜重持自离闾苑失回期门掩东风桃着子帘影迟迟  
楼上正横篴荷气沾衣谁将名玉碾花枝不比寻常红与紫取次芳菲

前调【杏花】 赵师侠

绦萼衬轻红缀簇玲珑夭桃繁李一时同独向枝头春意闹娇倚东风  
飞片入帘枕粉淡香浓凤箫声断月明中只恐明朝风雨恶燕嘴泥融

前调【桃花】 赵师侠

桃萼正芳菲初占春时蒸霞灿锦望中迷斜出繁枝临曲沼鸾镜妆迟  
蜂蝶正相依天气融怡空教追忆武陵溪片片漫随流水去风暖烟霏

前调【柳】 赵师侠

摇曳万丝风轻染烟浓鹅黄初褪绿茸茸雨洗云娇春向晚雪絮空蒙  
车马灞桥中别绪匆匆只知攀折怨西东不道晓风残月岸离恨无穷

前调 赵长卿

绿树啁鸣禽已是春深杨花庭院日阴阴帘外飞来双语燕不寄归音  
旧事懒追寻空惹芳心天涯消息远沉沉记得年时中酒後直至而今

前调 朱敦儒

风约雨横江秋满篷窗个中物色尽凄凉更是行人行未得犹系归艖  
拥被换残香黄卷堆牀开愁展恨翦思量伊是浮云依是梦休问家乡

前调 康与之

蹙损远山眉幽怨谁知罗衾滴尽泪胭脂夜过春寒愁未起门外鸦啼  
惆怅阻佳期人在天涯东风频动小桃枝正是销魂时候也撩乱花飞

前调 康与之

愁捻断钗金远信沉沉秦筝调怨不成音郎马不知何处也楼外春深  
好梦已难寻夜夜余衾目穷千里正伤心记得当年郎去路绿树阴阴

前调【观潮】 曾觌

一线海门来雪喷云开崑山移玉下瑶台卷地西风吹不断直到蓬莱  
羯鼓噪春雷鼉舞蛟回歌楼鼓吹夕阳催今古清愁流不尽都入罇罍

前调 侯寘

晓日掠轻云霜瓦鳞鳞六朝山色俨如新家在洞庭南畔住身在江滨  
华发照乌巾无意寻春空将两袖拂飞尘可惜梅花开近路恼尽行人

前调【山寺夜半闻钟】 辛弃疾

身世酒杯中万事皆空古来三五个英雄雨打风吹何处是汉殿秦宫  
梦入少年丛歌舞匆匆老僧夜半误鸣钟惊起西窗眠不得卷地西风

前调【赋虞美人】 辛弃疾

不肯过江东玉帐匆匆只今草木忆英雄唱着虞兮当日曲便舞春风  
儿女此情同往事朦胧湘娥竹上泪痕浓舜目重瞳堪痛恨羽又重瞳

前调 范成大

黯淡养花天小雨能慳烟轻云薄有无间官柳丝丝都绿偏犹有春寒  
空翠湿征鞍马首千山多情若是肯俱还别有玉杯承露冷留共君看

前调 陈三聘

风雨晚春天芳兴慵慳浅红稠绿满园间独有梨花三四朵留住春寒  
年少跃金鞍咫尺关山倦飞如我已知还洒向东风千点泪衣上重看

前调【新第落成即席】 葛立方

休看辋川图未是幽居何如云水绕储胥新湿青红开栋宇雾拱风疎  
小圃秀郊墟花破平芜五峰列影水平铺只欠五城楼十二便是蓬壶

前调 程垓

山尽两溪头水合天浮行人莫赋大江愁且是芙蓉城下水还送归舟  
鱼鴈两悠悠烟断云收谁教此水却西流载我相思千点泪还与青楼

前调 吴玠

岸柳可藏鸦路转溪斜忘机鸥鹭立汀沙咫尺鍾山迷望眼一半云遮  
临水整乌纱两鬓苍华故乡心事在天涯几日不来春便了开尽桃花

前调【丹阳浮玉亭】 陆 游

綠树暗长亭几把离尊  
阳关常恨不堪闻  
何况今朝秋色里身是行人  
清泪浥罗巾各自销魂  
一江离恨恰平分  
安得千寻横铁锁截断烟津

前调 谢 懋

黄道雨初乾  
霁空蟠东风杨柳碧毵毵  
燕子不归花有恨  
小院春寒  
倦客亦何堪  
尘满征衫  
明朝野水几重山  
归梦已随芳草綠先到江南

前调【樱桃】 李 洪

上苑又春残  
櫻颗如丹  
明光宫里水晶盘  
想得退朝花底散  
宣赐千官  
往事记金銮  
荔子难攀  
多情更有酪浆寒  
蜀客筠笼相赠处  
愁忆长安

前调 王 炎

秋色满东篱  
露滴风吹凭谁折取  
泛芳卮  
长是年年重九日  
苦恨开迟  
因记得当时共捻纤枝  
而今寂寞凤孤飞  
不似旧时心绪好  
惟有花知

前调 毛 幵

帘幙燕双飞  
春共人归  
东风侧侧雨霏霏  
水隔西池花满地  
追惜芳菲  
回首昔游非别梦依稀  
一成春瘦不胜衣  
无限楼前伤远意  
芳草斜晖

前调【杜?花】 高观国

啼魄忆天涯  
怨入芳华  
可怜零血染烟霞  
记得西风秋露冷  
曾浼司花  
明月满窓纱  
倦客思家  
故宫春事与愁赊  
冉冉断魂招不得  
翠冷红斜

前调 史达祖

醉月小红楼  
锦瑟笙篴夜来风雨  
晓来收几点落花  
饶柳絮同为春愁  
寄信问晴鸥  
谁在芳洲  
綠波迎处有兰舟  
独对旧时携手地  
情思悠悠

前调 史达祖

一带古苔墙  
多听寒蛩  
篴中鍼线早销香  
燕尾宝刀窓下梦  
谁翦秋裳  
更漏莫添长空费思量  
鸳鸯难得再成双  
昨夜楚山花簾里  
波影先凉

前调【和上元叙别二首】 张 榘

风色转东南翠拥层峦杏花疎雨逗清寒  
鍾阜石城何处是烟霭漫漫  
行旆已西关一霎时间芳尊聊复挽余欢  
明日断魂分付与万疊云山

前调 张 榘

雨过暮天南高下青峦小楼燕子话春寒  
多少夕阳芳草地雾掩烟漫  
别恨正相关心上眉间离歌一曲间悲欢  
後夜月明何处梦鍾阜云山

前调【次韵雨中海棠】 张 榘

春梦草茸茸愁雨愁风对花须 酒频中  
莫遣枝头银烛暗辜负嫣红  
推起簿书丛何苦匆匆怪吟却说少陵公  
天定为花开一笑日上篱东

前调【订出郊】 张 榘

烟缕暗蒙茸杨柳轻风雨声多在夜牕中  
春水渐生春事去流尽残红  
新笋緑丛丛莺语匆匆一尊同酌定林公  
十里长松青未了山北山东

前调【别意】 洪 璚

花雾涨冥冥欲雨还晴薄罗衫子正宜春  
无奈今宵鸳帐里身是行人  
别酒不须斟难洗离情緑鞵如电紫骝鸣  
肠断画桥芳草路月晓风清

前调 黄 昇

莺蝶太匆匆恼煞山翁牡丹开尽状元红  
俯仰之间增感慨花事成空  
垂柳緑阴中粉絮蒙蒙多情多病转疎慵  
不是东风辜负我我负东风

前调【忆旧】 黄 昇

秋色满层霄翦翦寒飈一襟残照两无聊  
数尽归鸦人不见落木萧萧  
往事欲魂消梦想风标春江緑涨水平桥  
侧?停鞭沽酒处柳软莺娇

前调【越中杨梅】 吴文英

緑树越溪湾雨过云殷西陵人去暮潮还  
铅泪结成红粟颗封寄长安  
别味带生酸愁忆眉山小楼灯外楝花寒  
衫袖醉痕花唾在犹染微丹



前调【九日】 吴文英

山远翠眉长高处凄凉菊花清瘦杜秋娘净洗绿杯牵露井聊荐幽香  
乌帽压吴霜风力偏狂一年佳节过西厢秋色鴈声愁几许都在斜阳

前调【重九】 蒋捷

白露浴疎桐秋满帘栊揜琴无语意忡忡掐破东窗窥皓月早上芙蓉  
前事渺茫中烟水孤鸿一尊重九又成空不解吹愁吹帽落恨煞西风

前调 周密

芳草碧茸茸染恨无穷一春心事雨声中窄素宫罗寒尚峭闲倚熏笼  
犹记粉墙东同醉香丛金鞍何处骤花骢袅袅绿窗残梦断红杏东风

前调 周密

柳色淡如秋蝶嬾莺羞十分春事九分休开尽楝花寒尚在怕上帘钩  
京洛少年游谁念淹留东风吹雨过西楼残梦宿醒相合就一段新愁

前调【秋江】 张炎

万里一飞蓬吟老丹枫潮生潮落海门东三两点鸥沙外月闲意谁同  
一色与天通绝去尘红渔歌忽断荻花风烟水自流心不竞长笛霜空

前调【题许由掷瓢手卷】 张炎

拂袖入山阿深隐松萝掬流洗耳厌尘多石上一般清意味不羡渔蓑  
日月静中过俗虑消磨风瓢分付与清波却笑唐求因底事不奈诗何

前调 张炎

寒食不多时燕燕才归杏花零落水痕肥浅碧分山初过雨一霎晴晖  
闲折小桃枝蝶也相随晚妆不合整蛾眉蓦忽思量张敞画又被愁知

前调【墨水仙】 张炎

回雪欲婆娑淡埽修蛾盈盈不语奈情何应恨梅兄矾弟远云隔山阿  
弱水夜寒多带月曾过羽衣飞过染余波白鹤难招归未得天阔星河

前调 张炎

玉立水云乡尔我相忘披离寒雨庇风霜不趁白鸥游海上静看鱼忙  
应笑我凄凉客路何长犹将孤影侣斜阳花底鴈行无认处却对秋塘

前调【作墨水仙寄张伯雨】 张炎

香雾湿云鬟蕊佩珊珊酒醒微步晚波寒金鼎尚存丹已化雪冷虚坛  
游冶未知还鹤怨空山潇湘无梦绕丛兰碧海茫茫归不去却在人间

前调 韩 轍

莫上玉楼看花雨斑斑四垂罗幙护朝寒燕子不知春去也飞认阑干  
回首几关山後会应难相逢祇有梦魂间可奈梦随春漏短不到江南

前调【丰乐楼】 韩 轍

裙色草初青鸭绿波轻试花霏雨湿春晴三十六梯人不到独唤瑶筝  
艇子忆逢迎依旧多情朱门只合锁娉婷却逐彩鸾归去路香陌春城

前调 赵 旭

握管泪盈眸欲写还休人间情是阿谁留千丈游丝不落地风外悠悠  
烟雨晚山稠人在西楼几行候鴈下汀洲一个思乡寒夜客万种离愁

前调 邓 剡

疎雨洗天清枕簟凉生井梧一叶做秋声谁念客身轻似叶千里飘零  
梦断古台城月淡潮平便须携酒访新亭不见当时王谢宅烟草青青

前调 李振祖

春在画桥西画舫轻移粉香何处度涟漪认得一船杨柳外帘影垂垂  
谁倚碧阑低酒晕双眉鸳鸯并浴燕交飞一片闲情春水隔斜日人归

前调 李莱老

榆火换新烟翠柳朱檐东风吹得落花顛帘影翠梭悬绣带人傍秋千  
犹忆十年前西子湖边斜阳催入画楼船归醉夜堂歌舞月 却春眠

前调 李莱老

宝押绣帘斜莺燕谁家银箏初试合琵琶柳色春罗裁袖小双戴桃花  
芳草满天涯流水韶华晚风杨柳绿交加闲倚阑干无藉在数尽归鸦

前调 李彭老

泼火雨初晴草色青青傍檐垂柳卖春饧画舫载花花解语馆燕吟莺  
箫鼓入西泠一片烟轻钿车罗盖竞归城别有水窗人唤酒弦月初生

前调 尚希尹

结客去登楼谁系兰舟半篙清涨雨初收把酒留春春不住柳暗江头  
老去怕闲愁莫莫休休晚来风恶下帘钩试问落花随水去还解西流

前调【怀归】 僧德洪

城里久偷闲尘浣云衫此身已是再眠蚕隔岸有山归去好万壑千岩  
霜晓更凭阑灭尽晴岚微云生处是茅庵试问此身谁作伴弥勒同龕

前调【宋媛】 李清照

素约小腰身不耐伤春疎梅影下晚妆新袅袅婷婷何様似一缕轻云  
歌巧动朱唇字字娇嗔桃花深径一通津怅望瑶台清夜月还照归轮

前调 李清照

帘外五更风吹梦无踪画楼重上与谁同记得玉钗斜拨火宝篆成空  
回首紫金峰雨润云浓一江春浪醉醒中留得罗襟前日泪弹与征鸿

前调【宋媛】 郑氏

尽日倚危阑触目凄然乘高望处是居延忍听楼头吹画角雪满长川  
荏苒又经年暗想梁园与民同乐五门前僧院仍存宣政字不见鳌山

前调【宋媛】 金淑柔

雨溜和风铃滴滴丁丁做成一枕别离情可是当年陶学士辜负邮亭  
过鴈带边声音信无凭花须偷数卜归程料得到家秋正好菊满寒城

前调 【宋媛】 幼卿

极目楚天空云雨无踪漫留遗恨锁眉峰自是荷花开较晚辜负东风  
客馆类飘蓬聚散匆匆扬鞭那忍骤花骢望断斜阳人不见满袖啼红

前调 【女仙】 玉英

塞上早春时煖律犹微柳拖金线水回堤料得江乡应更好开尽梅蹊  
昼漏渐迟迟愁损香肌几回无语敛双眉凭徧阑干十二曲月下楼西

前调 【惜花】 段成己

好个杏花时只怕寒欺东君无意惜芳蕤雨横风狂都不管尽得禁持  
瘦损一分肌着甚医治一天春恨没寻思怎得丁宁双燕子说与春知

前调 元好问

春瘦怯春衣春思低迷雨声偏与睡相宜懊恼离愁寻殢酒已被愁知  
烟树望中低水绕山围丁宁双燕话心期昨夜狂风花在否明日郎归

前调 元好问

金翠画屏山万髻千鬟桃源楼阁五云间恨煞芙蓉城下客不借青鸾  
风雨杏花残芳意都阑一灯孤影小牕间绣被熏来香欲尽只是春寒

前调 白朴

青锁几窥容带结心同临鸾谁与画眉峰自恨寻芳来较晚辜负春红  
无物比情浓无计相从殷勤心事若为通留得青衫前日泪弹满西风

前调 【春雨】 萧汉杰

湿逗晚香残春浅春寒洒牕填户着幽兰惨惨凄凄仍滴滴做出多般  
和霰撒珠盘枕上更阑芭蕉怨曲带愁弹绿徧堦前苔一片晓起谁看

前调 【临川文昌楼望月】 张翥

醉眼望秋寒星斗阑干小牕人影月明间客里不知归是梦只在吴山  
行路自来难长铗休弹黄尘到底浣儒冠一片白鸥湖上水闲了渔竿

前调【秋感】 刘基

江上晚来风烟霭蒙蒙白苹吹尽到丹枫流水落霞衰草外离恨无穷  
极目楚云东愁见归鸿拒霜相倚夕阳中露重月寒芳意歇知为谁红

前调 刘基

门外绿杨堤有个莺啼声声传恨入香闺闺里佳人惊睡起泪湿眉低  
莫把此情提天也悲凄沧江东下夕阳西芳草不知人别苦随意萋萋

前调 刘基

楼上倚阑干月在云端轻烟飞尽碧绡寒肠断夕阳芳草外山海漫漫  
柳嫩不胜攀欲寄应难盘龙尘匣怨孤鸾可惜婵娟今夜月好共谁看

前调【秋夜坐漱云台】 吴子孝

山暝素烟凝新月初生珠帘倒影碧波明何处晚风凉满树莲动鱼惊  
络纬奏秋声花障闲庭金壶酿酒玉台平绕徧阑干还独倚无限离情

前调 吴子孝

窗外鸟声娇嘲哢春朝每思郊野骋鸣镳小暖作风风作雨兴味无聊  
午枕困新醪梦醒香消江南风景到春饶十里西山芳草路目断心摇

前调 吴子孝

夜漏已三更露湿空庭名花烂漫异香生罗袖拂花花拂面有恨无情  
灯下认娉婷不住歌声琵琶袞急酒频倾百岁光阴春有几风雨刚晴

前调 吴子孝

春去苦难留花落溪头年年三月替花愁想到天涯青草徧望断吟眸  
燕子已啁啾日暖风柔画帘垂下雨初收纵是明年春到也犹隔今秋

前调【别友】 杨慎

骤雨打新河绿涨清波风蒲猎猎映金荷池上玉尊移晚兴共倚林柯  
莫惜醉颜酡听我离歌长亭回首碧云多千里怀人思命驾何日重过

前调【春情】 杨慎

春梦似杨花绕遍天涯黄莺啼过绿窗纱惊散香云飞不去篆缕烟斜  
油壁小香车水渺云踪青楼珠箔那人家旧日罗巾今日泪湿尽韶华

前调 顾同应

生小学诗篇娇攀瑶牋春来独自在花前谢女帘栊飞柳絮有句难传  
香梦逗春烟一晌留连吟情多半为花牵还忆从郎徵险韵谱入冰弦

前调【汨罗夜泊】 李攀龙

风雨夜来多暗渡湘罗冷烟凝露蘸清波隔浦残灯明半灭满地渔蓑  
三载几回过壮志消磨芦花深处楚人歌大半离骚经里意音韵阿那

前调【闻春榜】 钱继章

往事不堪谈休更凭阑年华冉冉入吟髯且喜长安人下第身在江南  
何处较青蓝梦里邯郸曲桥花影覆澄潭一领烟蓑三尺钓满眼春山

前调 钱继章

云意压山尖故故相黏绕篱败叶夜重添不见黄花开一点孤负陶潜  
闷坐了无欢旧恨新拈西风一霎卷茅檐欲买秋光无计可笑拾榆钱

前调 张大烈

颀颀嬾妆眉对镜方知愁肠难解腻如脂送过春华新景换枝上莺啼  
人远信难期梦绕天涯蝶魂常自恋花枝正是困人天气也鸂鶒双飞

前调 陈子龙

阁外晓云生烟草初醒一番风雨一番晴几度销魂还未了又到清明  
偏是对娉婷特地飘零落花春梦两无凭满眼离愁留不住悔我多情

前调 王泰际

高阁掩春残香冷衾单满城桃李尽朱颜自分与花同福命长是心关  
作客信郎难书杳平安多因身在翠微间归看双鸾妆镜里亦有青山

前调 沈宗堦

倦绣到如今睡思沉沉推琴罢阮怯繁音香梦不知何处去帘月偏深  
好会已难寻夜夜孤衾瑶阶清影倍伤心忆着初春伊未去月也殷勤

前调【新秋明媛】刘氏

昨夜雨绵绵寒涩灯烟薄衾萧索不成眠晓起牀头看历日换了秋天  
绿叶尚新鲜犹想争妍教他知道也凄然眼底韶光容易过树且堪怜

前调【明媛】叶小鸾

薄暮峭寒分罗簟香焚粉墙留影弄微曛一缕茶烟和梦煮却又黄昏  
曲曲画湘纹静掩巫云花开花落负东君赚取花开花又落都是东君

前调【忆外明媛】端淑卿

洒泪卜金钱爻象移迁荷筒折断藕丝连梦里还家愁里语总是虚占  
时事苦迍邰一别经年北堂萱草望悬悬云树参差山水远鱼鴈难传

前调【茉莉明妓】杨宛

尽日若含愁别样娇羞晚凉香散上帘钩带露摘来斜插鬓一夜风流  
忒煞恁轻柔怎耐深秋相携闲对小妆楼不忍凄凉伊似我我似伊不

御选历代诗余卷二十六

## 卷二十七

钦定四库全书

御选历代诗余卷二十七目錄【五十五字】

鷓鴣天【上】

宋祁

范纯仁

晏几道【十八首】

苏轼【三首】

黄庭坚【三首】

秦观

晁补之【二首】

李之仪【四首】

贺铸【三首】

李元膺

赵令畤【二首】

苏庠【二首】

葛胜仲【五首】

周紫芝【十三首】

谢逸【三首】



葛郯【二首】

晁端礼

曹组

吕渭老【四首】

王安中

向子諲【九首】

叶梦得【六首】

赵师侠【五首】

赵长乡【十二首】

朱敦儒

曾觌

侯寘【三首】

御选历代诗余卷二十七目錄

钦定四库全书

御选历代诗余卷二十七【五十五字】

司经局洗马掌局事兼翰林院修撰加二级【臣】王奕清奉旨校刊

鷓鴣天【上】

【一名思佳客双调五十五字】

鷓鴣天 宋 祁

画毂雕鞍狭路逢一春肠断绣帘中身无彩凤双飞翼心有灵犀一点通

金作屋玉为栳车如流水马游龙刘郎已恨蓬山远更隔蓬山几万重

前调 范纯仁

腊後春前暖律催日和风暖欲开梅公方结客寻佳景我亦忘形趁酒杯  
添管龠续尊罍更阑秉烛未能回清歌莫待相期约乘兴来时便可来

前调 晏几道

碧藕花开水殿凉万年枝外转红阳昇平歌管随天仗

祥瑞封章满御牀金掌露玉炉香岁华方共圣恩长皇州又奏圜扉静十样宫眉捧寿觞

前调 晏几道

彩袖殷勤捧玉钟当年?却醉颜红舞低杨叶楼心月歌尽桃花扇影风  
从别後忆相逢几回魂梦与君同今宵剩把银釭照犹恐相逢是梦中

前调 晏几道

一醉醒来春又残野棠梨雨泪阑干玉笙声里莺空怨罗幙香中燕未还  
终易散且长闲莫教离恨损朱颜谁堪共展鸳鸯锦同过西楼此夜寒

前调 晏几道

梅蕊新妆桂叶眉小莲风韵出瑶池云随绿水歌声转雪绕红绡舞袖垂  
伤别易恨欢迟惜无红锦为裁诗行人莫便销魂去汉渚星桥尚可期

前调 晏几道

守得莲开结伴游约开萍叶上兰舟来时浦口云随棹采罢江边月满楼  
花不语水空流年年判得为花愁明朝万一西风劲争上朱颜不奈秋

前调【七夕】 晏几道

当日佳期鹊误传至今犹作断肠仙桥成汉渚星波外人在鸾歌凤舞前  
欢尽夜别经年别多欢少奈何天情知此会无长计咫尺凉蟾亦未圆

前调 晏几道

题破香笺小研红诗多远寄旧相逢西楼酒面垂垂雪南苑春山细细风  
花不尽柳无穷别来欢事少人同凭谁问取归云信今在巫山第几峰

前调 晏几道

清颍尊前酒满衣十年风月旧相知凭谁细话当时事肠断山长水远诗  
金凤阙玉龙墀看君来换锦袍时姮娥已有殷勤约留着蟾宫第一枝

前调 晏几道

醉拍春衫惜旧香天将离恨恼疎狂年年陌上生秋草日日楼中到夕阳  
云渺渺水茫茫征人归路许多长相思本是无凭语莫向花笺费泪行

前调 晏几道

楚女腰肢越女颔粉圆双蕊髻中开朱弦曲怨愁春尽绿酒杯寒记夜来  
新掷果旧分钗冶游音信隔章台花间锦字空频寄月底金鞍竟未回

前调 晏几道

十里楼台倚翠微百花深处杜鹃啼殷勤自与行人语不似流莺取次飞  
惊梦觉弄晴时声声只道不如归天涯岂是无归意争奈归期未可期

前调 晏几道

陌上蒙蒙残絮飞杜鹃花里杜鹃啼年年底事不归去怨月愁烟长为谁  
梅雨细晓风微倚楼人听欲沾衣故园三度羣花谢曼倩天涯犹未归

前调 晏几道

晓日迎长岁岁同太平箫鼓间歌钟云高未有前村雪梅小初开昨夜风  
罗幕翠锦筵红钗头罗胜写宜冬从今屈指春期近莫使金尊对月空

前调 晏几道

小玉楼中月上时夜来惟许月华知重帘有意藏私语双烛无端恼暗期  
伤别易恨欢迟归来何处验相思沈郎春雪愁销臂谢女香膏嬾画眉

前调 晏几道

手捻香笺忆小莲欲将遗恨倩谁传归来独卧逍遥夜梦里相逢酩酊天  
花易落月难圆只应花月似欢缘秦筝若有心情在试写离声入旧弦

前调 晏几道

九日悲秋不到心凤城歌管有新音风雕碧柳愁眉淡露染黄花笑靥深  
初见鴈已闻砧绮罗丛里胜登临须教月户纤纤玉细捧霞觞灩灩金

前调 晏几道

绿橘梢头几点春似留香蕊送行人明朝紫凤朝天路十二重城五碧云  
歌渐咽酒初醺尽将红泪湿湘裙赣江西畔从今日明月清风忆使君

前调 晏几道

小令尊前见玉箫银灯一曲太妖娆歌中醉倒谁能恨唱罢归来酒未消  
春悄悄夜迢迢碧云天共楚宫腰梦魂惯得无拘检又踏杨花过谢桥

前调 苏轼

罗带双垂画不成殢人娇态最轻盈酥胸斜抱天边月玉手轻弹水面冰  
无限事许多情四弦丝竹苦丁宁饶君拨尽相思调待听梧桐叶落声

前调 苏轼

林断山明竹隐墙乱蝉衰草小池塘翻空白鸟时时见照水红蕖细细香  
村舍外古城傍杖藜徐步转斜阳殷勤昨夜三更雨又得浮生一日凉

前调 苏轼

笑捻红牙蹙翠翘扬州十里最妖娆夜来绮席亲曾见撮得精神滴滴娇  
尊後眼舞时腰刘郎几度欲魂消明朝酒醒知何处肠断人间紫玉箫

前调 黄庭坚

西塞山边白鸟飞桃花流水鳊鱼肥朝廷尚觅元真子何处如今更有诗  
青箬笠绿蓑衣斜风细雨不须归人间底事风波险一日风波十二时

前调 黄庭坚

塞鴈初来秋影寒霜林风过叶声乾  
龙山落帽千年事我对西风犹整冠  
兰委佩菊堪餐人情时事半悲欢  
但将酩酊酬佳节更把茱萸仔细看

前调 黄庭坚

黄菊枝头生晚寒人生莫放酒杯乾  
风中横笛斜吹雨醉里簪花倒着冠  
身健在且加餐舞裙歌板尽情欢  
黄花白发相牵挽付与傍人冷眼看

前调 秦观

枕上流莺和泪闻新啼痕间旧啼痕  
一春鱼鸟无消息千里关山劳梦魂  
无一语对芳尊安排肠断到黄昏  
甫能炙得灯儿了雨打梨花深闭门

前调 晁补之

欲上南湖彩舫嬉还思北渚与岚漪  
圆荷盖水垂杨岸瀾?鸳鸯总下时  
持此意遣谁知清波还照鬓间丝  
西楼重唱池塘好应是红妆敛翠眉

前调 晁补之

绣幕低低拂地垂春风何事入罗帏  
胡麻好种无人种正是归时底未归  
临晚景忆当时愁心一动乱如丝  
夕阳芳草本无恨才子佳人空自悲

前调 李之仪

节是重阳却斗寒可堪风雨累寻欢  
虽辜早菊同高柳聊挹残蕉共小阑  
浮蚁嫩炷烟盘恨无莺唱舞催鸾  
空惊絶韵天边落不许韶颜梦里看

前调 李之仪

浓丽妖妍不是妆十分风艳夺韶光  
牡丹开就应难比繁富犹疑过海棠  
须仔细更端相烂霞流晕带朝阳  
千金未足酬真赏一度相看一断肠

前调 李之仪

避暑佳人不着妆水晶冠子薄罗裳  
摩挲扑粉飞琼屑滤蜜调冰结绦霜  
随定我小兰堂金盆盛水小牙牀  
时时浸手心头熨受尽无人知处凉

前调 李之仪

收尽微风不见江分明天水共灯光由来好处输闲地堪叹人生有底忙  
心既远味偏长须知麤布胜无裳从今认得归田乐何必桃源是故乡

前调 贺铸

豆蔻梢头莫谩夸春风十里旧繁华金楼玉蕊皆殊艳别有倾城第一花  
青雀舫紫云车暗期归路指烟霞无端却似堂前燕飞入寻常百姓家

前调 贺铸

怊怅离亭断彩襟碧云明月两关心几行书尾情何限一尺裙腰瘦不禁  
遥夜半曲房深有时昵语话如今侵牕冷雨灯生晕泪湿罗牋楚调吟

前调 贺铸

紫府东风放夜时步莲穠李伴人归五更钟动笙歌散十里月明灯火稀  
香冉冉梦依依天涯寒尽减春衣凤凰城阙知何处寥落星河一鴈飞

前调 李元膺

寂寞秋千两绣旗日长花影转堦迟燕惊午梦周遮语蝶困春游落拓飞  
思往事入顰眉柳梢阴重又当时薄情风絮难拘束飞过东墙不肯归

前调 赵令畤

素玉朝来有好怀一枝梅粉照人开晴云欲向杯中起春色先从脸上来  
深院落小楼台玉盘香篆看徘徊须知月色撩人恨数夜春寒不下堦

前调 赵令畤

可是相逢意便深为郎巧笑不须金门前一尺春风髻牕内三更夜雨衾  
情渺渺信沉沉青鸾无路寄芳音山城钟鼓愁难听不解襄王梦里寻

前调 苏庠

枫落河梁野水秋淡烟衰草接郊丘醉眠小坞黄茅店梦倚高城赤叶楼  
天杳杳路悠悠钿箏歌扇等闲休灞桥杨柳年年恨鸳浦芙蓉叶叶愁

前调 苏庠

秋入蒹葭小鴈行参差飞堕水云乡直须银甲供春笋且滴糟牀覆羽觞  
风压幕月侵廊江南江北夜茫茫悬知马上啼?梦一夜惊飞宝鸭香

前调【宴集夏氏林亭】 葛胜仲

小榭幽园翠箔垂云轻日薄淡秋晖菊英露浥渊明径藕叶风吹叔宝池  
酬素景泥芳卮老人痴钝强伸眉謹譁莫遣笙歌散归路从教灯影稀

前调 葛胜仲

婆律香浓气味佳玻璃仙盃进流霞凝膏清滌高阳醉灵液甘和正焙芽  
香染指浪浮花加笏礼尽客还家买珠声断红囊散踏影人归素月斜

前调 葛胜仲

玉琯还飞换岁灰定山新棹酒船回年时梁燕双双在肯为人愁便不来  
衰意绪病情怀玉山今夜为谁颓年时梅蕊垂垂破肯为人愁便不开

前调【赏菊】 葛胜仲

黄菊鲜鲜带露浓小园开徧度香风自翦玉醞酬朝色旋洗霜须对晚丛  
香在手莫匆匆寻芳今夜有人同黄金委地新收得莫道山翁到底穷

前调 葛胜仲

采采黄花鹄彩浓吹开一夜为霜风已邀骚客陶元亮不用歌姬盛小丛  
秋易老莫匆匆齐山高兴古今同欲知此地花多少满眼金英望不穷

前调 周紫芝

荷气吹凉到枕边薄纱如雾亦如烟清泉浴後花垂雨白酒倾时玉满船  
钗欲溜髻微偏却寻霜粉扑香絺冰肌近着浑无暑小扇频摇最可怜

前调【七夕】 周紫芝

乌鹊桥边河汉流洗车微雨湿清秋红莲不似常相忆一度相逢一度愁  
云却静月垂钩金鍼穿得喜回头只因人倚阑干处便似天孙梳洗楼

前调【李彦侠生日】 周紫芝

尊酒年年乐事多古铜犹得几摩挲他时人物君须记玉笋班中李泰和  
烦翠袖把金荷功名余事且高歌新来学得长生诀写就黄庭不换鹅

前调【沈彦述生日】 周紫芝

名在休文季孟间一时风味更萧然琼林不逐春风老安用丹砂巧驻颜  
春入户酒吹澜小桃枝上锦斓斑明年欲与君为寿无路相从入道山

前调【有赠】 周紫芝

袅袅云梳晓髻堆娟娟秋净眼波回旧家十二峰前住偶为襄王下楚台  
闲院静小桃开刘郎前度几回来东风易得行云散花里传觞莫漫催

前调【菊】 周紫芝

晴日烘帘暖似春菊回霜晕浅仍深谁知此地栽花手便是当时麝蕊人  
秋渺渺夜沉沉一声清唱袅残音娇痴应挽香罗比六幅双裙染郁金

前调 周紫芝

一点残红欲尽时乍凉秋气满屏帟梧桐叶上三更雨叶叶声声是别离  
调宝瑟拨金猊那时同唱鹧鸪词如今风雨西楼夜不听清歌也泪垂

前调 周紫芝

年少登高意气多黄花压帽醉嵯峨如今满眼看华髮强捻茱萸奈若何  
千疊岫万重波一时分付与秦娥明年身健君休问且对秋风卷翠螺

前调 周紫芝

终日看山不厌山寻思百计不如闲何时得到重阳日醉把茱萸仔细看  
敲皐帽倚雕栏偶然携酒却成欢篱边黄菊关心事触忤愁人到酒边

前调 周紫芝

读尽牙签玉轴书不知门外有园蔬借令未解鸾坡去也合髻书在石渠  
微雨後小寒初满斟长寿碧琳腴不须更问荊州路便上追锋御府车

前调 周紫芝



楼外绀桃一萼红别来开谢几东风武陵春尽无人处犹是刘郎去後踪  
香阁小翠帘重今宵何事偶相逢行云又被风吹散见了依前是梦中

前调 周紫芝

彩鷁双飞雪浪翻楚歌声转绿杨湾一川红旆初衔日两岸朱楼不下帘  
闲倚处玉垂纤白团扇底藕丝衫未成密约回秋水看得羞时隔画檐

前调 周紫芝

花褪残红绿满枝嫩寒犹透薄罗衣池塘雨细双鸳睡杨柳风轻小燕飞  
人别後酒醒时午牕残梦子规啼尊前心事人谁问花底闲愁春又归

前调 谢逸

桐叶成阴拂画檐清风凉处卷疎帘红绡舞袖萦腰柳碧玉眉峰媚脸莲  
秋满眼水连天香牋小字倩谁传梅黄楚岸垂垂雨草碧吴江淡淡烟

前调 谢逸

金节平分院落凉黄昏帘幙卷西厢冰轮碾破粼粼碧玉斧修成练练光  
低照户巧侵牀锦袍起舞谪仙狂鹊飞影里觥筹乱桂子风前笑语香

前调 谢逸

水阔天低鴈字横小春时节晚寒清梅梢月上纷纷白竹坞风来冉冉轻  
人似玉酒如渑入关意气喜风生坐中有客联镳去谁唱阳关第四声

前调【野梅二首】 葛 郯

千树家园锁旧津谁移数点在孤村海山探蕊禽留影楚客穿花蝶舞魂  
桥断巷水横门残霞零落晚烟昏只因留住三更月暗里香来别是春

前调 葛 郯

万木家园雾暗津不须踏影下前村须知苔雪水云窟自有罗浮冰雪魂  
横水馆倚山门参旗有约共黄昏此中得句无人见谁在尊前领略春

前调【昇平词】 晁端礼

霜压天街不动尘千官环佩贺成禋三竿闾阖楼边日五色蓬莱顶上云  
随步辇卷香裯六宫红粉倍添春乐章近与中声合一片仙韶特地新

前调 曹组

辇路薰风起绿槐都人凝望满天街云韶杳杳鸣鞘肃芝盖亭亭障扇开  
微雨过绝尘埃内家车子走晴雷千门不敢垂帘看总上银钩等驾来

前调 吕渭老

江上何人一笛横倚楼吹得月华生寒风堕指倾三弄小市收灯欲二更  
持蟹股破霜橙玉人水调品秦筝细看桃李春时面共尽玻璃酒一觥

前调 吕渭老

微点胭脂晕泪痕更衣整髻立黄昏春风搅树花如雨夕霭迷空燕趁门  
题往事锦回文春心无定似行云深屏绣幌空愁独明月梨花殢一尊

前调 吕渭老

曾醉扬州十里楼竹西歌吹至今愁燕衔柳絮春山远思入晴江水自流  
情渺渺梦悠悠重寻罗带认银钩挂帆欲伴渔人去只恐桃花误客舟

前调 吕渭老

薄薄云山欲湿花双双燕子入帘斜西楼尚记垂垂露酌雪犹残片片霞  
人已远鬓成华小楼疎竹定谁家试凭去鴈通消息仙子常乘八月槎

前调 王安中

蒨雾红云捧建章鸣珂星使渡银潢亲将圣主如丝语传与陪都振鹭行  
香裊裊佩锵锵昇平歌管趁飞觞明时玉帐恩相续清夜钧天梦更长

前调【豫章郡王席上】 向子諲

两个鸳鸯波上来一舸杨柳掌中回已愁共雪因风去更着繁弦急管催  
含浅笑劝深杯桃花气暖眼边开司空长见风流惯输与山翁醉玉颓

前调【赏桂】 向子諲

露下风前处处幽  
官黄如染翠如流  
谁将天上蟾宫树  
散作人间水国秋  
香郁郁思悠悠  
几年魂梦绕江头  
今朝得到芰林醉  
白发相看万事休

前调【卜筑杨遵道故居】 向子諲

莫问清阳与洛阳  
山林总是一般香  
两家地占西南胜  
可是前人例姓杨  
石作枕醉为乡  
藕花菱角满池塘  
虽无中岛霓裳奏  
独鹤随人意自长

前调 向子諲

只有梅花似玉容  
云牕月户几尊同  
见来怨眼明秋水  
欲去愁眉淡远峰  
山万叠水千重  
一双蝴蝶梦能通  
都将泪作梅黄雨  
尽把情为柳絮风

前调【咏红梅】 向子諲

江北江南雪未雕  
此花独步百花饶  
青枝可爱难为杏  
绿叶初无不是桃  
多态度足风标  
蕊珠仙子醉红潮  
绝怜墅外横斜处  
似与芰林慰寂寥

前调【中秋前数夕待月新桥】 向子諲

驾月新成碧玉梁  
青天万里泻银潢  
广寒宫里无双树  
无热池边不尽香  
承露液酿秋光  
直须一举累千觞  
不知世路风波恶  
何似芰林气味长

前调【闰中秋】 向子諲

明月光中与客期  
一年秋半两圆时  
姮娥得意为长计  
织女欢盟可恨迟  
瞻玉兔倒琼彝  
追怀往事记新词  
浩歌且入沧浪去  
醉里归来冷不知

前调【赠曹端伯移守荆南】 向子諲

赣上人人说故侯  
从来文采更风流  
题诗漫道三千号  
别酒须?一百筹  
乘画鷁衣轻裘  
又将春色过荆州  
合江绕岸垂杨柳  
总学歌眉叶叶愁

前调 向子諲

几处秋千嬾不收  
花梢柳外出纤柔  
霞衣轻举疑奔月  
宝髻倾欹若坠楼  
争缥缈鬪风流  
蜂儿蛱蝶共嬉游  
朝朝暮暮春风里  
惊落梨花未肯休

前调【梅】 叶梦得

不怕微霜点玉肌恨无流水照冰姿与君着意从头看初见今年第一枝  
人醉後雪消时江南春色寄来迟使君尽是花前客莫怪殷勤为赋诗

前调【元夕】 叶梦得

夹路行歌尽落梅篆烟香细袅寒灰云移碧海三山近月破中天九陌开  
追乐事惜多才车声遥听走随雷十年梦断钧天奏犹记流霞醉後杯

前调【雨後湖上看落花】 叶梦得

小雨初收报夕阳归云欲渡转横塘空回羽盖翻新影不见琼肌洗暗香  
追落景弄微凉尚余残泪浥空牀祇应自有东风恨长遣啼痕破晚妆

前调【次韵观太湖】 叶梦得

兰?空悲楚客秋旌旗谁见使君游凌云不隔三山路破浪聊凭万里舟  
公欲去尚能留杯行到手未宜休新诗无物堪伦比愿探珊瑚出宝钩

前调【晚雨泛舟】 叶梦得

天末残霞卷暮红波间时见没鳧翁斜风细雨家何在老矣生涯尽个中  
惟此意与公同未须持酒祝牛宫傍人不解青蓑意犹说黄金宝带重

前调 叶梦得

一曲青山映小池緑荷阴尽雨离披何人解识秋堪美莫为悲秋浪赋诗  
携浊酒绕东篱菊残犹有傲霜枝一年好景君须记正是橙黄橘緑时

前调【豫章大閱】 赵师侠

玉带红鞵供奉班裹头新样总宜男闹装鞍轡青骢马贴体衣裳紫窄衫  
云鬓重黛眉弯内家妆束冠江南轻裘缓带风流帅锦绣丛中拥骑还

前调【揖翠晚望】 赵师侠

榕叶阴阴未着霜浅寒犹试夹衣裳雾浓烟重遥山暗云淡天低去水长  
风淅沥景凄凉乱鸦声里又斜阳孤帆落处惊鸥鹭飞映书空鴈字行

前调【七夕】 赵师侠

一叶惊秋风露清砌虫初听傍牕声人逢役鹊飞乌夜桥渡牵牛织女星  
银汉淡暮云轻新蟾斜挂一钩明人间天上佳期处凉意还从过雨生

前调【湘江舟中】 赵师侠

风定江流似镜平斜阳天外挂微明云归远岫千山暝雾映疎林一抹横  
渔火细钓丝轻黄尘扑扑谩争荣何时了却人间事泛宅浮家过此生

前调【丁巳除夕】 赵师侠

爆竹声中岁又除顿回和气满寰区春风解绿江南树不与人间染白须  
残蜡烛旧桃符宁辞未後饮屠苏归欤幸有园林胜次第花开可自娱

前调【咏茶蘼三首】 赵长卿

弱质纤姿丽素妆水沉山麝郁幽香直疑姑射来天上要恼人间傅粉郎  
筒酿酒枕为囊更将风味胜糖霜肯如红紫空妖冶谩惹游蜂戏蝶忙

前调 赵长卿

洗尽铅华不着妆一般真色自生香飘飘何处凌波女故故相迎马上郎  
寻谱牒发诗囊絶胜梅萼嫁冰霜故山寒食依然在勾引东坡旅兴忙

前调 赵长卿

镂玉裁琼学靓妆不须沉水自然香好随梅蕊妆宫额肯似桃花误阮郎  
羞傅粉薄香囊何劳傲雪与凌霜新来勾引无情眼?为东风一晌忙

前调【送春】 赵长卿

只惯娇痴不惯愁离情浑不挂眉头可怜恼尽尊前客却趁东风上小舟  
真个去不权留落花流水一春休自怜不及春江水随到滕王阁下流

前调 赵长卿

新晴水暖藕花红烘人暑气晚来浓共携纤手桥东路杨柳青青一径风  
深翠里艳香中双鸾初下蕊珠宫月笼粉面三更露凉透萧萧一梦中

前调【初夏试生衣书婉乡扇上】 赵长卿

牙领番腾一线红花儿新样喜相逢薄罗衫子轻笼雪削玉身材瘦怯风  
人易老恨难穷翠屏罗幌两心同既无闲事萦怀抱莫把双蛾皱碧峰

前调【荼蘼】 赵长卿

镂玉裁琼莫比香娉婷枝上殢春光风流别有千般韵割舍昏沉入醉乡  
蜂共蝶尽乾忙檀心知未肯寻常从来诗苦人消瘦乞与幽窗富锦囊

前调【春暮】 赵长卿

蜂蜜酿成花已飞海棠次第雨胭脂园林检点春归也只有萦风柳带垂  
情默默恨依依可人天气日长时东风恰好寻芳去何事驰驱作别离

前调【对镜有感】 赵长卿

睡觉扶头听晓钟隔帘花雾湿香红翠摇钿砌梧桐影暖透罗襦芍药风  
闲对影记曾逢画眉临镜霎时同相思已有无穷恨忍见孤鸾宿镜中

前调 赵长卿

绿水澄江得胜游浪平风软称轻舟尊前我易伤前事柳外人谁独倚楼  
空感慨惜风流风流赢得谩多愁愁多着甚销磨得莫怪安仁鬓早秋

前调 赵长卿

一曲清歌金缕衣巧传心事有谁知自从别後难相见空解题红寄好诗  
忆携手过堦墀月笼花影半明时玉钗头上轻轻颤摇落钗头豆蔻枝

前调 赵长卿

宝篆龙煤烧欲残细听铜漏已更阑纱窗斜月移梅影特地笼灯仔细看  
幽梦断旧盟寒那时屈曲小屏山风光得似而今否肯把花枝作等闲

前调 朱敦儒

检尽历头冬又残爱他风雪耐他寒拖条竹杖家家酒上个篮舆处处山  
添老大转痴顽谢天教我老来闲道人还了鸳鸯债纸帐梅花醉梦间

前调 曾覿

桃李飘零春已深可怜轻负惜花心尊前赖有红千疊  
牕外休惊綠满林  
灯灼灼醉沉沉笙歌丛里酒频斟留欢且莫匆匆去  
怅望春归何处寻

前调 侯寘

万点臙脂落日烘坐间酒满散微红谁教艳质撩潘鬓  
生怕朝云逐楚风  
寻画烛照芳容夜深两行锦灯笼朱唇翠袖休凝竚  
几许春情睡思中

前调 侯寘

蜀锦吴绫翦染成东皇花令一番新风帘不碍寻巢燕  
雨叶偏禁鬪草人  
非病酒不关春恨如芳草思连云西楼角畔双桃树  
几许浓苞等露匀

前调【赏芍药】 侯寘

梦想当年姚魏家尊前重见旧时花双檠分焰交红影  
四座春回粲晚霞  
杯潄灩帽敲斜夜深絶艳愈清佳天明肯逐行云去  
更着重重翠幕遮

御选历代诗余卷二十七

## 卷二十八

<集部,词曲类,词选之属,御选历代诗余

钦定四库全书

御选历代诗余卷二十八目錄【五十五字】

鷓鴣天【下】

辛弃疾【三十首】

范成大【三首】

陈三聘【三首】

张孝祥【七首】

程垓

朱熹【二首】

张震

赵彦端【四首】

姜夔【二首】

陆游【二首】

陈亮

许棐

严仁【三首】

卢祖皋【二首】



高观国【二首】

史達祖

洪璚

卢炳【二首】

黄昇【二首】

吴文英【二首】

陈允平

周密【二首】

张炎

石孝友【七首】

李肩吾

赵君举

汪元量

葛长庚

无名氏【二首】

李清照

朱淑真

刘鼎臣妻

聂胜琼

朱秋娘

蔡松年【二首】

刘仲尹【三首】

赵可【二首】

韩玉

党怀英

刘着

李宴

段克己【二首】

段成己【二首】

元好问【十首】

李冶

冯子振

张翥

无名氏

吴子孝

沈周【二首】

文徵明【五首】

杨慎【二首】

袁黄

俞彦

张綖【二首】

杨宛

御选历代诗余卷二十八目錄

钦定四库全书

御选历代诗余卷二十八【五十五字】

司经局洗马掌局事兼翰林院修撰加二级【臣】王奕清奉旨校刊

鷓鴣天【下】

鷓鴣天【别司马汉章大监】辛弃疾

聚散匆匆不偶然三年历徧楚山川  
但将痛饮酬风月莫放离歌入管弦  
萦緑带点青钱东湖春水碧连天  
明朝放我东归去後夜相思月满船

前调 辛弃疾

晚日寒鸦一片愁柳塘新緑却温柔  
若教眼底无离恨不信人间有白头  
肠已断泪难收相思重上小红楼  
情知已被云遮断频倚阑干不自由

前调 辛弃疾

陌上柔桑破嫩芽东邻蚕种已生些  
平冈细草鸣黄犊斜日寒林点暮鸦  
山远近路横斜青旗沽酒有人家

城中桃李愁风雨春在溪头荠菜花

前调 辛弃疾

扑面征尘去路遥香篝渐觉水沉销  
山无重数周遭碧花不知名分外娇  
人历历马萧萧旌旗又过小红桥  
愁边剩有相思句摇断吟鞭碧玉梢

前调 辛弃疾

唱彻阳关泪未乾功名余事且加餐  
浮天水送无穷树带雨云埋一半山

今古恨几千般只今离合是悲欢江头未是风波恶别有人间行路难

前调【鹅湖道中】 辛弃疾

一榻清风殿影凉涓涓流水响回廊千章云木鉤輶叫十里溪风?榿香  
冲急雨趁斜阳山园细路转微茫倦途却被行人笑只为林泉有底忙

前调【鹅湖归病起作】 辛弃疾

枕簟溪堂冷欲秋断云依水晚来收红莲相倚浑如醉白鸟无言定自愁  
书咄咄且休休一丘一壑也风流不知筋力衰多少但觉新来嬾上楼

前调 辛弃疾

指点芳尊特地开风帆莫引酒船回方惊共折津头柳却喜重寻岭上梅  
催月上唤风来莫愁瓶罄耻金罍只愁画角楼头起急管哀弦次第催

前调 辛弃疾

翠木千寻上碧萝东湖经雨又增波只因买得青山好却恨归来白髮多  
明画烛洗金荷主人起舞客高歌醉中只恨欢娱少无奈明朝酒醒何

前调【有所赠】 辛弃疾

趁得西风汗漫游见他歌後怎生愁事如芳草春长在人似浮云影不留  
眉黛敛眼波流十年薄幸说扬州明朝短棹轻衫梦只在溪南罨画楼

前调【和赵文鼎赋雪】 辛弃疾

莫上扁舟访剡溪浅斟低唱正相宜从教犬吠千家白且与梅成一段奇  
香暖处酒醒时画檐玉筍已偷垂笑君解释春风恨倩拂蛮牋只费诗

前调【重九席上】 辛弃疾

戏马台前秋鴈飞管弦歌舞更旌旗要知黄菊清高处不入当年二谢诗  
倾白酒遶东篱只於陶令有心期明朝九日浑潇洒莫使尊前欠一枝

前调【送欧阳国瑞入吴】 辛弃疾

莫避春阴上马迟春来未有不阴时人情辗转闲中看客路崎岖倦後知  
梅似雪柳如丝试听别语慰相思短篷炊饭鲈鱼熟除却松江枉费诗

前调【石门道中】 辛弃疾

山上飞泉万斛珠悬崖千丈落毵毵已通樵径行还碍似有人声听却无  
闲略约远浮屠溪南修竹有茅庐莫嫌杖履频来往此地偏宜着老夫

前调【黄沙道中】 辛弃疾

句里春风正翦裁溪山一片画图开轻鸥自趁虚船去荒犬还迎野妇回  
松共竹翠成堆要擎残雪鬪疎梅乱鸦毕竟无才思时把琼瑶蹴下来

前调【元溪不见梅】 辛弃疾

千丈冰溪百步雷柴门都向水边开乱云剩带炊烟去野水闲将日影来  
穿窈窕过崔嵬东林试问几时栽动摇意态虽多竹点缀风流却欠梅

前调【春日即事题毛村酒垆】 辛弃疾

春日平原蒿菜花新耕雨後落羣鸦多情白发春无奈晚日青帘酒易赊  
闲意态细生涯牛栏西畔有桑麻青裙缟袂谁家女去趁蚕生看外家

前调 辛弃疾

石壁虚云积渐高溪声绕屋几周遭自从一雨花零落却爱微风草动摇  
呼玉友荐溪毛殷勤野老着相邀杖藜忽避行人去认是翁来却过桥

前调【席上和韵】 辛弃疾

翰墨诸公久擅场胸中书传许多香都无丝竹衔杯乐却有龙蛇落笔忙  
闲意思老风光酒徒今有几高阳黄花不怯西风冷只怕诗人两鬓霜

前调【梅】 辛弃疾

桃李漫山过眼空也宜恼损杜陵翁若将玉骨冰姿比李蔡为人在下中  
寻驿使寄芳容陇头休放马蹄松吾家篱落黄昏後剩有西湖处士风

前调【读陶诗】 辛弃疾

晚岁躬耕不怨贫只鸡斗酒聚比邻都无晋宋之间事自是羲皇以上人  
千岁後百篇存更无一字不清真若教王谢诸郎在未抵柴桑陌上尘

前调【博山寺作】 辛弃疾

不向长安路上行却教山寺厌逢迎味无味处求吾乐材不村间过此生  
寧作我岂其卿人间走徧却归耕一松一竹真朋友山鸟山花好弟兄

前调【祝良显家牡丹二首】 辛弃疾

占断雕栏只一株春风费尽几工夫天香夜染衣犹湿国色朝酣醉未苏  
娇欲语巧相扶不妨老干自扶疎恰如翠幙高堂上来看红衫百子图

前调 辛弃疾

浓紫深黄一画图中间更有玉盘盂先裁翡翠装成盖更点胭脂染透酥  
香潋灩锦模糊主人长得醉工夫莫携弄玉阑边去羞得花枝一朵无

前调【送范先之秋试】 辛弃疾

白苧新袍入嫩凉春蚕食叶响回廊禹门已准桃花浪月殿先收桂子香  
鹏北海凤朝阳又携书劒路茫茫明年此日青云上笑看人间举子忙

前调 辛弃疾

去岁花枝把酒杯雪中曾见牡丹开而今纨扇薰风里又见疎枝月下梅  
欢几许醉方回明朝归路有谁催低声待向他家道带得歌声满耳来

前调 辛弃疾

是处移花是处开古今兴废几池台背人翠羽偷鱼去抱蕊黄须趁蝶来  
掀老瓮拨新醅客来且尽两三杯日高盘饌供何晚市远鱼鲑买未回

前调【山行】 辛弃疾

谁共春光管日华朱朱粉粉野蒿花闲愁投老无多子酒病而今较减些  
山远近路横斜正无那处管弦譁去年醉後犹能记细数溪边第几家

前调【吴子似过秋水】 辛弃疾

秋水长廊水石间有谁来共听潺潺羡君人物东西晋分我诗名大小山  
穷自乐晚方闲人间路窄酒杯宽看君不了痴儿事又似风流靖长官

前调 辛弃疾

万事纷纷一笑中渊明把菊对秋风细看爽气今犹在惟有南山一似翁  
情味好语言工三贤高致古今同谁知止酒停云老独立斜阳数过鸿

前调 范成大

荡漾西湖采绿苹扬鞭南埭滚红尘桃花暖日浓浓笑杨柳光风浅浅颦  
章贡水郁孤云多情争似桂江春崔徽卷袖瑶姬梦纵自相逢不是真

前调 范成大

嫩绿重重看渐成曲阑幽槛小红英酴醾架上蜂儿闹杨柳行间燕子轻  
春婉婉客飘零残花浅酒片时清一杯且买明朝事送了斜阳月又生

前调【雪梅】 范成大

压蕊拈须粉作团疎香辛苦颤朝寒须知风月寻常见不似层层带雪看  
春髻重晓眉弯一枝斜并缕金幡酒红不解东风冻惊怪钗头玉燕乾

前调 陈三聘

酒晕从教上脸丹春愁何事点眉山都将别後深深意且向尊前细细看  
多少恨说应难粉巾空染泪斓斑熏狔笋鴈长闲却明月楼心夜正寒

前调【雪梅次韵】 陈三聘

翦碎霜绡巧作团玉纤特地破朝寒疎花好向钗横见瘦影难敲月堕看  
将旧恨入眉弯不须多样缕金幡当时千点东风泪怪见妆成粉未乾

前调 陈三聘

昨夜东风怨不成晓来犹自埽残英半酸梅子连枝重无力杨花到地轻  
情易感泪先零玉虬香冷更凄清事如芳草萋萋远恨比浮云冉冉生

前调 张孝祥

可意黄花人不知黄花标格世间稀园葵浥露迎朝日檻菊经霜媚夕霏  
芍药好是金丝绿藤红刺引蔷薇姚家别有神仙品似着天香染御衣

前调 张孝祥

又向荆州住半年西风催放五湖船来时露菊团金颗去日池荷翦绿钱  
斟别酒扣离舷一时宾从最多贤今宵 醉花迷坐後夜相思月满川

前调 张孝祥

月地云堦欢意阑仙姿不合住人间骖鸾已恨车尘远泣凤空余烛影残  
情脉脉泪珊珊梅花音信隔关山只因楚雨清留梦不耐吴霜绿易斑

前调【咏桃菊花】 张孝祥

桃换肌肤菊换妆只疑春色到重阳解将天上千年艳翻作人间九日黄  
新艳冶旧风光东篱却似武陵乡尊前醉眼偷相顾错认陶潜是阮郎

前调【上元啓醮】 张孝祥

咏彻琼章向夜阑天移星斗下人间九光倒影腾香简一气回春达绛檀  
瞻北阙祝南山遥知仙仗簇清班何人曾侍传柑讌翡翠帘开识圣颜

前调【春情】 张孝祥

日日春楼醉梦中不知楼外已春浓杏花未遇疎疎雨杨柳初摇短短风  
扶画鷁跃花骢涌金门外小桥东行行又入笙歌里人在珠帘第几重

前调【饯刘共甫】 张孝祥

忆昔追游翰墨场武夷仙伯较文章琅函奏号银台省瓊笔书名御苑墙  
经十载过三湘横眉丽锦照传觞醉余吐出胸中墨只欠彭宣到後堂

前调【寄少城】 程垓

泪湿芙蓉城上花片飞何事苦参差锁深不奈莺无语巢稳争如燕有家  
情未老鬓先华可怜各自淡生涯杨花不解知人意犹自沾泥也学他

前调【江檻词】 朱熹



暮雨朝云不自怜，放教春涨绿浮天。祗今画阁临无地，宿昔新诗满系船。  
青鸟外，白鸥前。几生香火旧因缘。酒阑山月移雕槛，歌罢江风拂玳筵。

前调 朱熹

已分江湖寄此生，长蓑短笠任阴晴。鸣桡细雨沧洲远，系舸斜阳画阁明。  
奇绝处，未忘情。几时还得去寻盟。江妃空许捐双佩，渔父何劳笑独醒。

前调 张震

横索桥边景最佳，绿波清浅见琼沙。衔泥燕子迎风絮，得食鱼儿趁浪花。  
春已暮，日初斜。画船箫鼓是谁家。兰桡欲去空留恋，醉倚阑干看晚霞。

前调【白鹭亭作】 赵彦端

天外秋云四散飞，波间风艇一时归。他年淮水东边月，犹为登临替落晖。  
夸客胜，数星稀。晚寒飒飒动青衣。酒行不尽清光意，输与渔舟睡钓矶。

前调 赵彦端

忆醉君家倚翠屏，年年相喜鬓毛青。谁知缓步从天下，犹许清弹此地听。  
挥羽扇，写鹅经。使星何似老人星。几时一试薰风手，今日桐阴又满庭。

前调【杨兰】 赵彦端

两两青螺绾额傍，彩云齐会下巫阳。俱飞蛱蝶元相逐，并蒂芙蓉本自双。  
翻彩袖，舞霓裳。点风飞絮恣轻狂。花神只恐难留住，早晚承恩入未央。

前调 赵彦端

寂寂深帏起暗尘，清歌缓响自回春。月和灯市云间坠，人对梅花雪後新。  
仙掌露，舞衣云。酒慵微觉醉鬟轻。洞房不爇阳台雨，乞与游人弄晚晴。

前调 姜夔

忆昨天街预赏时，柳悭梅小未教知。而今正是欢游夕，却怕春寒自掩扉。  
帘寂寂，月低低。旧情惟有绛都词。芙蓉影暗三更後，卧听邻娃笑语归。

前调【苕溪记所见】 姜夔

京洛风流絶代人因何风絮落溪津  
笼鞦浅出鸦头鞦知是凌波缥缈身  
红乍笑绿长颦与谁同度可怜春  
鸳鸯独宿何曾惯化作西楼一缕云

前调 陆游

梳发金盘剩一窝画眉鸾镜晕双蛾  
人间何处无春到只有伊家独占多  
微步处奈娇何春衫初换麝尘罗  
东邻鬪草归来晚忘却新传子夜歌

前调【薛公肃席上作】 陆游

南浦声中两玉人谁知重见楚江滨  
凭教後苑红牙板引上西川绿锦茵  
才浅笑却轻颦淡黄杨柳又催春  
情知言语难传恨不似琵琶道得真

前调 陈亮

花拂阑干柳拂空花枝绰约柳鬟松  
蝶翻淡碧低边影莺啭浓香杪处风  
深院落小帘栊寻芳犹忆旧相逢  
桥边携手归来路踏皱残花几片红

前调 许棐

翠凤金鸾绣欲成沉香亭下款新晴  
绿随杨柳阴边去红踏桃花片上行  
莺意绪蝶心情一时分付小银筝  
归来欲醉花柔困月滤纱牕约半更

前调 严仁

行尽春山春事空别愁离恨满江东  
三更鼓润官楼雨五夜灯残客舍风  
寒淡淡晓胧胧黄鸡催断丑时钟  
紫骝嚼勒金衔响冲破飞花一道红

前调 严仁

一曲危弦断客肠津桥捩柁转牙樯  
江心云带蒲帆重楼上风吹粉泪香  
瑶草碧柳芽黄载将离恨过潇湘  
请君看取东流水方识人间别意长

前调 严仁

多病春来事事慵偶因扑蝶到庭中  
落红万叠花经雨斜碧千条柳困风  
深院宇小帘栊几年离别惜相逢  
擎觞未饮心先醉为有春愁似酒浓

前调 卢祖皋

纤指轻拈小砑红自调宫羽按歌重寒余芍药栏边雨香落荼蘼架底风  
闲意态小房枕丁宁须满玉西东一春醉得莺花老不似年时怨玉容

前调 卢祖皋

庭绿初圆结?浓香沟收拾树梢红池塘少歇鸣蛙雨帘幙轻回舞燕风  
春又老笑谁同淡烟斜日小楼东相思一曲临风笛吹过云山第几重

前调 高观国

有约湖山却解襟书眠占得一庭深树边风色寒滋味愁里年华鴈信音  
惊楚梦听瑶琴黄花尚可伴孤斟断云万一成疎雨却向湖边看晚阴

前调 高观国

翦翠衫儿稳四停最怜一曲凤箫吟同心罗帕轻藏素合字香囊半影金  
春思悄画牕深谁能拘束少年心莺来惊碎风流胆踏动樱桃叶底铃

前调【卫县道中有怀】 史达祖

鴈足无书古塞幽一程烟草一程愁帽檐尘重风吹野帐角香销月满楼  
情思乱梦魂浮绡裙多忆敝貂裘官河水静阑干暖徙倚斜阳怨晚秋

前调 洪璚

意态婵娟画不如莹然初日照芙蕖笑捐琼佩遗交甫肯把文梭掷幼舆  
花上蝶水中鳬芳心密意两相於情知不作庭前柳到得秋来日日疎

前调 卢炳

秋月明眸两鬓浓衫儿贴体绉轻红清声宛转歌金缕纤手殷勤捧玉锺  
娇娅姹语惺忪酒香微度透羞容刘郎莫恨相逢晚且喜桃源路已通

前调【题广文舍竹外梅花】 卢炳

阁雨浮云寒尚轻商量雪意未全成莫嫌竹外萧然处忽有幽香透鼻清  
诗兴逸酒魂醒主人留客更多情不辞满引成痴客且为梅花醉一觥

前调【暮春】 黄昇

沉水香消梦半醒斜阳恰照竹间亭戏临小草书团扇自拣残花插净瓶  
莺宛转燕丁宁晴波不动晚山青玉人只怨春归去不道槐云绿满庭

前调【张园】 黄昇

雨过芙蕖叶叶凉摩挲短发照横塘一行归鹭拖秋色几树鸣蝉饯夕阳  
花影畔柳阴傍微云淡月又昏黄风流不在谈锋胜袖手无言味最长

前调【化度寺】 吴文英

池上红衣伴倚阑栖鸦常带夕阳还微云度雨疎桐落明月生凉宝扇闲  
卿梦窄水天宽小窗愁黛淡秋山吴鸿好为传归信杨柳阊门屋数间

前调【闰中秋】 吴文英

丹桂花开第二番东篱展却宴期宽人间宝镜离仍合海上仙槎去复还  
分不尽半凉天可怜闲剩此婵娟素娥未隔三秋梦赢得今宵又倚阑

前调 陈允平

锦幄沉沉宝篆残惜春无语倚阑干庭前芳草空惆怅帘外飞花自往还  
金屋静玉箫闲一尊芳酒驻红颜东风落尽酴醾雪满地清香夜不寒

前调【清明二首】 周密

燕子时时度翠帘柳眠犹未褪香尘落花门巷家家雨新火楼台处处烟  
情脉脉恨厌厌东风吹动画秋千刺桐开尽莺声老无奈春风祇醉眠

前调 周密

相傍清明情更愜闭门空自惜花残海棠半坼难禁雨燕子初归不奈寒  
金鸭冷锦鸳闲银缸空照小屏山翠罗袖薄东风峭独倚西楼第几阑

前调 张炎

楼上谁将玉笛吹山前水阔暝云低劳劳燕子人千里落落梨花雨一枝  
修禊节卖饧时故乡惟有梦相随夜来折得江头柳不是苏堤也皱眉

前调 石孝友

别後应怜信息疎西风几度到庭梧夜来纵有鸳鸯梦春去空余蛱蝶图  
烟树远塞鸿孤垂垂天影带平芜凭谁写取相思曲寄与冯川郑小奴

前调 石孝友

玉烛调元黍律均迎长嘉节属芳辰云如惜雨鈎牵雪梅不禁风漏泄春  
天意好物华新偷闲赢取酒边身太平朝野都无事且与莺花作主人

前调 石孝友

一别音尘两杳然不堪虚度菊花天惊秋远鴈横斜字噪晚哀蝉断续弦  
好消息恶姻緑凉宵如水复如年梦魂不怕风波险飞过江西阿那边

前调 石孝友

收拾眉尖眼尾情夜来真个梦倾城鸳鸯有底情难尽蝴蝶无端梦易惊  
愁一掬月三更緑帟应好睡轻盈知他莫有相怜分辗转寻思直到明

前调 石孝友

花漏声乾月隐墙琯灰迎晓透新阳物情渐逐云容好欢意偏随日脚长  
山作鼎玉为浆寿杯丛处艳梅妆醉乡路接华胥国应梦朝天侍赭黄

前调 石孝友

一夜冰澌满玉壶五更喜气动洪炉门前桃李如鳞集庭下芝兰看鲤趋  
泉脉动草心苏日长添得绣工夫试探补袞弥缝手真个曾增一线无

前调【中秋夜】 石孝友

霜叶披残露颗传明星着地月流天不辞独赏穷今夜应为相逢忆去年  
辜窈窕负婵娟谁知两处照孤眠姮娥不怕离人怨有甚心情独自圆

前调 李肩吾

緑色吴牋覆古苔濡毫重拟赋幽怀杏花帘外莺将老杨柳楼前燕不来  
倚玉枕坠瑶钗午牕轻梦遶秦淮玉鞭何处贪游冶寻偏春风十二街

前调 赵君举

约略应飞白玉盘明楼渐放满轮寒天垂万丈清光外人在三秋爽气间  
闻叶吹想风鬟浮空仿佛女乘鸾此时不合人间有尽入嵩山静夜看

前调 汪元量

潋灩湖光绿正肥苏堤十里柳丝飞轻便燕子低低舞小巧莺儿恰恰啼  
花似锦酒成池对花对酒两相宜水边莫话长安事梦断兰亭修禊时

前调 葛长庚

雨过山花向晚香烟丝空翠柳微茫旧家丹竈何人葛今日帘泉阿老黄  
犀角枕象牙牀椰心织簟昼生凉杯行无算何曾醉不觉罗浮日月长

前调 无名氏

拟上高楼欲散愁奈愁随我上高楼经行眼底青山徧检点簪边白髮稠  
归去去去休休刘伶应是醉乡侯苍烟起处孤云白人若如云尽自由

前调【佳人】 无名氏

全似丹青搵染成更将何物比轻盈雪因舞态羞频下云为歌声不忍行  
螺髻小凤鞦轻天边斗柄又斜横水晶庭柱琉璃帐客去谁同看月明

前调【宋媛】 李清照

尽日萧萧上琐牕梧桐应恨夜来霜酒阑更喜团茶苦梦断偏宜瑞脑香  
秋已尽日犹长仲宣怀远更凄凉不如随分尊前醉莫负东篱菊蕊黄

前调【宋媛】 朱淑真

独倚阑干昼日长纷纷蜂蝶鬬轻狂一天飞絮东风恶满路桃花春雨香  
当此际意偏伤萋萋芳草傍池塘千锺尚欲偕春醉幸有荼蘼与海棠

前调 刘鼎臣妻

金屋无人夜翦缯宝钗翻过齿痕轻临风执手殷勤赠衬与萧郎两鬓青  
听嘱付好看承千金不抵一时情明年宴罢琼林晚酒面微红相映明

前调【寄别 宋妓李生】 聂胜琼

玉惨花愁出凤城莲花楼下柳青青清尊一曲阳关後别个人人第五程  
寻好梦梦难成有谁知我此时情枕边泪共阶前雨隔个窗儿滴到明

前调 【宋妓】 朱秋娘

梅妒疎香雪妒轻远山长共画眉青尊前无复歌金缕梦觉惟余月半明  
鱼与鴈两浮沉浅颦低笑总关心相思恰似江南柳一夜东风一夜深

前调 蔡松年

解语宫花出画檐酒尊风味为花甜谁怜梦好春如水可奈香余月入帘  
春漫漫酒厌厌曲终新恨到眉尖此生愿化双琼柱得近春风暖玉纤

前调 蔡松年

秀樾横塘十里香水花晓色静年芳臙脂雪瘦熏沉水翡翠盘高走夜光  
山黛远月波长暮云秋影蘸潇湘醉魂应逐凌波梦分付西风此夜凉

前调 刘仲尹

骑鹤峰前第一人不应着意怨王孙当年艳态题诗处好在香痕与泪痕  
调鴈柱引蛾颦绿窗弦索合秦筝砌台歌舞阳春後明日朱扉几断魂

前调 刘仲尹

楼宇沉沉翠几重辘轳亭下落梧桐川光带晚虹垂雨树影涵秋鹄唤风  
人不见思何穷断肠今古夕阳中碧云犹作山头恨一片西飞一片东

前调 刘仲尹

璧月池南翦木樨六朝宫袖窄中宜新声蹙巧蛾颦黛纤指移筝鴈着丝  
朱户小画帘低细香轻梦隔涪溪西风只道悲秋瘦却是西风未得知

前调 赵可

金络闲穿御路杨青旗遥认醉中乡可人自有迎门笑下马何妨索酒尝  
春正好日初长一尊容我驻风光归来想像行云处薄雨霏霏洒面凉

前调 【集句】 赵可

十顷平波溢岸青草香沙暖水云晴轻衫短帽垂杨里楚闰相看别有情  
挥彩笔倒银瓶花枝照眼句还成老来渐减金钗兴回施春光与後生

前调 韩玉

披拂芝兰便断金顿成南北岂胜任三年尊酒半生话千里云山一寸心  
休怅望莫登临梦魂何处不相寻愁肠欲问愁多少未比湘江烟水深

前调【七夕】 党怀英

云步凌波小凤钩年年星汉踏清秋只缘巧极稀相见底用人间乞巧楼  
天外事两悠悠不应也作可怜愁开帘放入窥牖月且尽新凉睡未休

前调 刘着

雪照山城玉指寒一声羌管怨楼间江南几度梅花发人在天涯鬓已斑  
星点点月团团倒流河汉入杯盘翰林风月三千首寄与吴姬忍泪看

前调 李宴

苒苒萋萋雨後村芳尘不到五侯门曾随晓泪撩诗思又向春风入烧痕  
春去後忆王孙啼红南浦记芳温夕阳楼外连天远乞与骚人怨楚魂

前调【九日寄友兼简二弟】 段克己

点检笙歌上小楼西风帘幙卷清秋绿醕轻泛红萸好黄菊羞簪白发稠  
今古恨去悠悠无情汾水自西流澹烟衰草斜阳外并作登临一段愁

前调 段克己

飏飏轻舟送上溪何时柳树已成围贪看归鸟投林急不觉残花入座飞  
兰橈举麴尘霏新荷挽断有余丝酒酣却对青山笑面目苍然不入时

前调 段成己

行彻南溪到北溪山回万马合长围花如有旧迎人笑云自无心出岫飞  
挥醉墨带烟霏婆娑醉舞拂青丝昔时心赏今犹在但恐风流异昔时

前调 段成己



瀑布岩前水满溪青阳庙下四山围歌残白雪云犹伫舞落乌纱鸟忽飞  
迷晚色锁晴霏野花如绮柳如丝一尊不惜颓然醉明日重来已後时

前调【隆德故宫】 元好问

临锦堂前春水波兰皋亭下落梅多三山宫阙空银海万里风埃暗绮罗  
云子酒雪儿歌留连风月共婆娑人间更有伤心处奈得刘伶醉後何

前调【莲】 元好问

瘦绿愁红倚暮烟露华凉冷洗婵娟含情脉脉知谁怨顾影依依意自怜  
风送雨水连天凌波无梦夜如年何时北渚亭边月狼藉秋香拂画船

前调【与钦叔京甫夜饮】 元好问

楼上歌呼倒接?楼前分手却相携雨前雨後花枝减州北州南酒价低  
怜木鴈笑醯鸡鹤长鳬短几时齐醉来门外三竿日卧听春泥过马蹄

前调【中秋饮莲花白】 元好问

月窟秋清桂叶丹仙家酿熟水芝残香来宝地三千界露入金茎十二盘  
天澹澹夜漫漫五湖豪客酒肠宽醉来独跨苍鸾去太华峰前玉井寒

前调 元好问

候馆灯昏雨送凉小楼人静月侵牀多情却被无情恼今夜还如昨夜长  
金屋暖玉炉香春风都属富家郎西园何限相思树辛苦梅花候海棠

前调 元好问

翡翠鸳鸯不自由镜中鸾舞只堪愁庭前花是同心树山际泉分两下流  
金络马木犀舟谁家红袖水西楼春风殢笑官桥柳吹尽香鞦不放休

前调 元好问

小字繚绫写欲成印来眉黛绿分明水流刻漏何曾住玉作弹碁尽未平  
愁易积梦频惊闲衾敲枕觉霜清月明不放寒林稳夜夜乌啼彻五更

前调 元好问

天上腰肢说馆娃眼中金翠有芳华行云着意留歌扇远柳无情隔钿车  
周昉画洛阳花一枝浓艳落谁家春风恨煞如年夜庭树阴阴欲暮鸦

前调【读李崖州诗有感】 元好问

姚宋明光到此家争教老作贾长沙碧山也要崖州住百匝千遭遶郡衙  
南苑月曲江花青云轩盖满京华新生黄雀君休笑占了春光却被他

前调 元好问

百啭流莺出画笼一双蝴蝶殢芳丛葱茏花透纤纤月暗淡香摇细细风  
情不尽梦还空欢缘心事泪痕中长安西望堪肠断雾阁云窗又几重

前调【饮莲花白】 李冶

太乙沧波下酒星露 秘诀出仙局情知天上莲花白压尽人间竹叶青  
迷晓色散秋馨兵?晓溜玉泠泠楚江云锦三千顷笑煞灵均语独醒

前调【赠妓珠帘秀】 冯子振

十二阑干映远眸醉乡空断楚天秋鰕须影薄微微见龟背纹轻细细浮  
香雾敛翠云收海霞为带月为钩夜来卷尽西山雨不着人间半点愁

前调 张翥

乍学琵琶已断肠锦绦银甲玉悬璫春风琼树声逾稳秋水芙蓉字亦香  
微敛笑浅匀妆何须重觅杜韦娘休教月底清歌去怕趁行云上凤凰

前调【听杨玉娥唱故人撰曲】 无名氏

烟柳风花锦簇筵霜芽露叶玉装船谁知皓齿纤腰会只在轻衫短帽边  
啼粉靥咽冰弦旧游一去更无传词人彩笔佳人口再唤春风到眼前

前调 吴子孝

客馆蹉跎岁已残拥炉还觉敝裘寒茅斋霜濯松千尺渔浦波环竹万竿  
嗟暮景守微官时时归梦到吴关石湖烂漫梅花发雪後何人载酒看

前调 沈周

头发鬢鬢积渐雕诗逋画欠未勾消大都教我生劳碌一半因他解寂寥  
山淡淡水迢迢门前秋色自天描清风尽许奚囊括明月还凭拄杖挑

前调【春柳】 沈周

媚在轻柔婀娜中几枝斜映驿亭红微烟啁雀金犹嫩细雨藏鸦绿未浓  
攀傍岸折随风管人离别有何功开花更是无聊赖一朵西飞一朵东

前调【秋鴈】 文徵明

万里南来道路长更将秋色到衡阳江湖满地皆矰缴何处西风有稻粱  
随落日渡清湘晚鸦冲突不成行相呼莫向南楼过应有佳人恼夜凉

前调【秋风】 文徵明

拂草扬波复振条白云千里鴈行高时飘坠叶惊寒雨还入长松卷夜涛  
情漠漠意萧萧缣帷纨扇总无聊潘郎愁鬓添清雪满镜萧疎怕见搔

前调【秋月】 文徵明

灊灊溶溶缺又盈秋清寒重转分明玉关羁鴈年年度桂殿寒潮夜夜生  
积玉气溢金精照人离别更多情长风不断吹秋至何处江楼有笛声

前调【芙蓉】 文徵明

抹雨凝脂洗玉翘幽芳偏向曲池坳锦城月落春常在仙掌风微露未消  
扬桂楫倚兰桡涉江无那美人遥自家闲澹甘迟暮不逐东风一样飘

前调【秋蝉】 文徵明

抱叶清吟玉宇凉微风吹起暮声长九秋服食空寒露万木阴森自夕阳  
藏密荫引圆吭不知身後有螳螂蜕来却是清虚体相伴文貂沐宠光

前调【元宵後独酌】 杨慎

千点寒梅晓角中一番春信画楼东收灯庭院迟迟月落索秋千翦翦风  
鱼鴈杳水云重异乡节序恨匆匆当歌幸有金陵子翠尊清尊莫放空

前调【西庄】 杨慎

秋水澄清胜酒醕野烟笼树似楼台弹声林鸟山和尚写字寒虫水秀才  
乘兴去兴阑回夕阳影里记徘徊正思修禊明年约无奈鸣驺得得催

前调【题村叟屋壁】袁黄

袖手春林散翠鬟莫嫌此地少青山酒逢社日添酬应花到开时费往还  
松老大竹平安柴荆虽设不长关旁人方讶茅斋窄鸽户蜂房去半间

前调【瓶梅】俞彦

浅渚明沙聚碧流依然春信锁枝头金徽昨夜初赓曲羌笛何人更倚楼  
朝露重晚烟浮几回花外月如钩而今贮向纱窗里点点寒香入梦愁

前调张綖

山路崎岖照苇丛朱光随地散金虫沾衣暗湿霏霏雾卷幔凉生细细风  
登虎豹度蒙茸泉声几处响玲珑却思睡熟松窗月敲枕听残远寺钟

前调张綖

雨过鸣蝉断续闻石梁秋水涨溪痕秋风银鹿无来信落日金牛销旅魂  
登小阁倒孤尊故山回首暮烟昏令人苦忆湖边舍绿蔓黄花正绕门

前调【七夕後一明妓日咏织女】杨宛

迢递佳期又早休鹊桥无计为迟留临风吹散鸳鸯侣对月空思鸾凤俦  
从别後两悠悠封题锦字倩谁投金梭慵整添愁绪泪逐银河不断流

御选历代诗余卷二十八

## 卷二十九

<集部,词曲类,词选之属,御选历代诗余

钦定四库全书

御选历代诗余卷二十九目錄【起五十五字至五十六字】

河传【又一体】

温庭筠

前调【又一体】

温庭筠【二首】

前调【又一体】

李珣

前调【又一体】

李珣

前调【又一体】

孙光宪

前调【又一体】

刘基

徧地花

毛滂

品令【又一体】

周邦彦

方千里

杨泽民

陈允平

睿恩新

晏殊【二首】

亭前柳

朱雍【二首】

雨中花【又一体】

刘基

张大烈

夜行船【又一体】

谢绛

欧阳修

毛滂【二首】

前调【又一体】

孙浩然

醉落魄

戴复古

芳草渡

冯延巳

望远行【又一体】

南唐李煜

金凤钩【又一体】

晁补之

木兰花【又一体】

韦庄

步蟾宫

汪存

杏花天【又一体】

侯寘

玉楼人

晏殊

金莲绕风楼

宋徽宗

徵招调中腔

王安中

鼓笛令

黄庭坚

浪淘沙【又一体】

杜安世

前调【又一体】

杜安世

凉州令【又一体】

柳永

思归乐

柳永

忆人人

晏殊【二首】

怨王孙【又一体】

李清照

一七令

魏扶

杨慎【二首】

月照梨花【又一体】

黄昇

鹊桥仙

欧阳修

张先

苏轼【二首】



黄庭坚

秦观

李之仪

毛滂【二首】

杜安世

舒亶

葛胜仲【二首】

谢逸

周邦彦

李祁

吕渭老

向子諲【二首】

赵长卿

辛弃疾【三首】

范成大

张孝祥【二首】

赵彦端【四首】

管监

张鎰

陆游【三首】

杨炎【二首】

张辑

谢懋

黄机【二首】

刘光祖

史达祖

吴潜

赵以夫

卢炳

沈端节

潘昉

苏氏

严蕊

元好问

刘因

曹伯启

张埜

滕宾

周用【二首】

董斯张

沈士鑛

项兰贞

王微

御选历代诗余卷二十九目錄

钦定四库全书

御选历代诗余卷二十九【起五十五字至五十六字】

司经局洗马掌局事兼翰林院修撰加二级【臣】王奕清奉旨校刊

河传

【又一体双调五十五字】

河传 温庭筠

湖上闲望雨萧萧烟浦花桥路遥谢娘翠蛾愁不销终朝梦魂迷晚潮  
荡子天涯归棹远春已晚莺语空肠断若耶溪溪水西柳堤不闻郎马嘶

前调【又一体】 温庭筠

江畔相唤晓妆鲜仙景个女采莲请君莫向那岸边少年好花新满船  
红袖摇曳逐风?垂玉腕肠向柳丝断浦南归浦北归莫知晚来人已稀

前调 温庭筠

同伴相唤杏花稀梦里每愁依违仙客一去燕已飞不

归泪痕空满衣 天际云鸟引情远春已晚烟霭度南苑雪梅香柳带长小娘转令人意伤

前调【又一体】 李 珣

去去何处迢迢巴楚山水相连朝云暮雨依旧十二峰前猿声到客船  
愁肠岂异丁香结因离别故国音书絶想佳人花下对明月春风恨应同

前调【又一体】 李 珣

春暮微雨送君南浦愁敛双蛾落花深处啼鸟似逐离歌粉檀珠泪和  
临流更把同心结情哽咽後会何时节不堪回首相望已隔汀洲橹声幽

前调【又一体】 孙光宪

风飏波敛团荷闪闪珠倾露点木兰舟上何处吴娃越艳藕花红照脸  
大堤狂煞襄阳客烟波隔渺渺湖光白身已归心不归斜晖远汀鹢鷁飞

前调【又一体】 刘 基

江风吹过水生纹烟里斜阳半曛雨声不堪客耳闻纷纷梦魂迷断云  
梦断天涯归路杳天欲晓残月窥牕小木兰舟芦苇秋汀洲岸花相伴愁

徧地花

【双调五十五字】

徧地花 毛 滂

白玉阑边自凝伫满枝头彩云雕雾甚芳菲绣得成团砌合出韶华好处  
暖风一笑盈盈吐檀心向谁分付莫与他西子精神不枉了东君雨露

品令

【又一体双调五十五字】

品令【梅】 周邦彦

夜阑人静月痕寄梅梢疎影帘外曲角阑干近旧携手处花雾寒成阵  
应是不禁愁与恨纵相逢难问黛眉曾把春衫印後期无定肠断香消尽

前调 方千里

露曦烟静寂寥转梧桐寒影天际历历征鸿近被风吹散声断无行阵  
秋思客怀多少恨漫厌厌谁问晕残兰炷香销印梦魂长定愁伴更筹尽

前调【咏棊】 杨泽民

日长风静浓香在珠帘花影茶具对着明牕近未排角势鸦鹭先分阵  
双疊远山非有恨正藏机休问便如喝采争堂印局翻无定有幸君须尽

前调 陈允平

玉壶尘静蟾光透一帘疎影偏爱水月楼台近画帘独倚风度寒香阵  
犹记曲江烟水恨叹凄凉谁问夜深沙觜霜痕印嚼花 醉枝上春无尽

睿恩新

【双调五十五字】

睿恩新 晏殊

芙蓉一朵霜秋色迎晓露依依先拆似佳人独立倾城傍朱檻暗传消息  
静对西风脉脉金蕊绽粉红如滴向兰堂莫厌重新免清夜微寒渐逼

前调 晏殊

红丝一曲傍堦砌珠露下独呈纤丽翦蛟绡碎作香英分彩线簇成娇蕊  
向晚羣花新醉放朵朵似延秋意待佳人插向钗头更袅袅低临凤髻

亭前柳

【双调五十五字】

亭前柳【梅二首】 朱雍

拜月南楼上面婵娟恰对新妆谁凭阑干处笛声长追往事徧凄凉  
看素质临风消瘦尽粉痕轻依旧真香潇洒春尘境过横塘度清影在回廊

前调 朱雍

竚立东风里放纤手净试梅妆眉晕轻轻画远山长添新恨更凄凉  
尝忆得驿亭人别後寻春去尽是幽香归路临清浅在寒塘同水月照虚廊

雨中花

【又一体双调五十五字】

雨中花【旅怀】 刘基

月入疎松光的皪淡烟锁江城夜寂问何处无愁人间今古莫作他乡客  
月里青鸾空有翼杳不见嫦娥消息北斗纵横银河清浅重露成涓滴

前调【夏景】 张大烈

春光流去新光续景推迁嫩槐新竹看雨涨溪流高悬瀑布千尺寒飞玉  
试对青山迎翠色见万嶂树阴浓绿画舫迎风红妆调管娇奏云和曲

夜行船

【又一体双调五十五字中间平仄小异】

夜行船 谢 绛

昨夜佳期初共鬓云低翠翘金凤尊前和笑不成歌意偷传眼波微送  
草草不容成楚梦渐寒深翠帘霜重相看送到断肠时月西斜画楼钟动

前调 欧阳修

满眼东风飞絮催行色短亭春暮落花流水草连云看看是断肠南浦  
檀板未终人去去扁舟在绿杨深处手把金尊难为别更那听乱莺疎雨

前调【雨夜泊吴江】 毛滂

寒满一衾谁共夜沉沉醉魂朦松雨呼烟唤付凄凉又不成那些好梦  
忽明日烟江暝矇扁舟系一行蛩蛩季鹰生事水弥漫过鲈船再三日送

前调【余英溪泛舟】 毛滂

弄水余英溪畔绮罗香日迟风慢桃花春浸一篙深画桥东柳低烟远  
涨绿流红空满眼倚兰桡旧愁无限莫把鸳鸯惊飞去要歌时少低檀板

前调【又一体】 孙浩然

何处采菱归暮隔宵烟菱歌轻举白苹风浸月华寒影朦胧半和梅雨  
脉脉相逢心似许扶兰棹黯然凝竚遥指前村隐隐烟树含情背人归去

醉落魄

【双调五十五字】

醉落魄【九日黄鹤山登高】 戴复古

龙山行乐何如今日登黄鹤风光正要人酬酢欲赋归来莫问渊明错  
江山登览长如昨飞鸿影里秋光薄祇有黄花觉牢裹乌纱一任西风作

芳草渡

【双调五十五字】

芳草渡 冯延巳

梧桐落蓼花秋烟初冷雨才收萧条风物正堪愁人去後多少恨在心头  
燕鸿远羌笛怨渺渺澄波一片山如黛月如鉤笙歌散梦魂断倚高楼

望远行

【又一体双调五十五字】

望远行 南唐李煜

碧砌花光照眼明朱扉长日鎖长局余寒欲去梦难成炉香烟冷自亭亭  
辽阳月秣陵砧不传消息但传情黄金台下忽然惊征人归日二毛生

金凤鉤

【又一体双调五十五字】

金凤鉤【送春】 晁补之

春辞我向何处怪草草夜来风雨一簪华发少欢饶恨无计殢春且住  
春回常恨寻无路试向我小园徐步一阑红药倚风含露春自未曾归去

木兰花

【又一体双调五十五字】

木兰花 韦庄

独上小楼春欲暮愁望玉关芳草路消息断不逢人却敛细眉归绣户  
坐看落花空叹息罗袂湿斑红泪滴千山万水不曾行魂梦欲教何处觅

步蟾宫

【一名折月桂双调五十五字】

步蟾宫 汪存

玉京此去春犹浅正雪絮马头零乱姮娥翦就绿云裳待来步蟾宫与换  
明年二月桃花岸双桨浪平烟暖扬州十里小红楼尽卷上珠帘一半

杏花天

【又一体双调五十五字】

杏花天【豫章重午】 侯寘

宝钗整鬓双鸾鬪睡初醒薰风襟袖彩丝皓腕宜清昼更艾虎衫儿新就  
玉杯共饮菖蒲酒愿耐夏宜春厮守榴花故意添红皱映得人来越瘦

玉楼人

【双调五十五字】

玉楼人 晏殊

去年寻处曾持酒又还是向南枝见後宜霜宜雪精神没些儿风味减旧  
先春似与羣芳鬪度暗香不待频嗅有人笑折归来玉纤长尽露罗袖

金莲绕凤楼

【双调五十五字】

金莲绕凤楼 宋徽宗

绛烛朱笼相随映驰绣毂尘清香衬万金光射龙轩莹绕端门瑞雷轻振



元宵为开胜景严黼座观灯锡庆帝家华燕乘春兴褰珠帘望尧瞻舜

徵招调中腔

【双调五十五字】

徵招调中腔【天寧节】 王安中

红云蒨雾笼金阙圣运叶星虹佳节紫禁晓风馥天香奏九韶帝心悦  
瑶阶万岁蟠桃结睿筭永壶天风月日观几时六龙来金缕玉牒告功业

鼓笛令

【双调五十五字】

鼓笛令 黄庭坚

宝犀未解心先透恼煞人远山微皱意淡言疎情最厚枉教作着行官柳  
小雨勒花时候抱琵琶为谁清瘦翡翠金笼思珍偶忽 与山鸡傴僂

浪淘沙

【又一体双调五十五字】

浪淘沙 杜安世

又是春暮落花飞絮子规啼尽断肠声秋千庭院红旗彩索淡烟疎雨  
念念相思苦黛眉长聚碧池惊散睡鸳鸯当初容易分飞去恨孤负欢侣

前调【又一体】 杜安世

帘外微风云雨回踪银釭烬冷锦帟中旧日深盟当年心事?顿成空  
岭外白头翁更没由逢一牀鸳被疊香红明月满庭花似绣闷不见虫虫

凉州令

【又一体双调五十五字】

凉州令 柳 永

梦觉纱窗晓残灯闇然空照因思人事苦萦牵离愁别恨无限何时了  
怜深定是心肠小往往成烦恼一生惆怅情多感月不长圆春色易为老

思归乐

【双调五十五字】

思归乐 柳 永

天幕清和堪宴聚相对尽高阳俦侣皓齿善歌长袖舞渐引入醉乡深处  
晚岁光阴能几许这薄宦不须多取共君把酒听杜宇再三劝人归去

忆人人

【双调五十五字】

忆人人【梅二首】 晏 殊

密传春信微装晓艳淡泞香苞欲绽临风虽未吐芳心奈暗露盈盈粉面  
何人月下一声长笛即是飞英乱凭阑莫惜赏芳姿更莫待倾筐已满

前调 晏 殊

前村满雪难寻幽艳无奈清香漏绽烟梢霜萼出墙时似暗妒寿阳妆面  
幽香浮动无缘攀赏但只心魂乱不辞他日醉琼姿又只恐阴成子满

怨王孙

【又一体双调五十五字】

怨王孙【赏荷 宋媛】 李清照

湖上风来波浩渺秋已暮红稀香少水光山色与人亲说不尽无穷好  
莲子已成荷叶老清露洗苹花汀草眼沙鸥鹭不回头应也恨人归早

一七令

【从一字至七字成调一字则单句二字至七字皆双句即以起一字为本意而咏之单调五十五字】

一七令 魏扶

愁迴野深秋生枕上起眉头闺阁危坐风尘远游巴猿啼不住谷水咽还流送客泊舟入浦思乡望月登楼烟波早晚长羁旅弦管终年乐五侯

前调 杨慎

花摘锦铺霞邀蝶队聚蜂衙金瓔汉女宝髻吴娃风前香掩冉月下影交加曲水名园几簇宜春下苑千家谢传金屏成坐笑陈朝琼树不须夸

前调 杨慎

风偃草飘蓬过竹院拂兰丛柳堤摇緑花径飞红青釭残焰灭碧幌嫩凉通庄叟篇中竽籁兰台赋里雌雄无影迴随仙客驭有情还与故人同

月照梨花

【又一体双调五十五字】

月照梨花 黄昇

昼景方永重帘花影好梦犹酣莺声唤醒门外风絮交飞送春归  
修蛾画了无人问几多别恨泪洗残妆粉不知郎马何处嘶烟草凄迷鷓鴣啼

鹊桥仙

【或加令字词咏本意居多双调五十六字又名广寒秋取张辑词中语也起句换头亦有用韵者向不分体】

鹊桥仙 欧阳修

月波清霁烟容明淡灵汉旧期还至鹊迎桥路接天津映夹岸星榆点缀  
云屏未卷仙鸡催晓肠断去年情味多应天意不教长恁恐把欢娱容易

前调 张先

星桥火树长安一夜开偏红莲万蕊绮罗能借日中春风露细天清似水  
重城闭月青楼夸乐人在银潢影里画屏期约近收灯归步急双鸳欲起

前调 苏轼

缢山仙子高情云渺不学痴牛驂女凤箫声断月明中举手谢时人欲去  
客星曾犯银河微浪尚带天风海雨相逢一醉是前缘风雨散飘然何处

前调 苏轼

乘槎归去成都何在万里江沱汉漾与君各赋一篇诗留织女鸳鸯机上  
还将旧曲重赓新韵须信吾侪天放人生何处不儿嬉看乞巧朱楼彩舫

前调 黄庭坚

朱楼彩舫浮瓜沉李报答春风几许一年尊酒暂时同别泪作人间晓雨  
鸳鸯机综能令依巧也侍乘槎仙去若逢海上白头翁共一访痴牛驂女

前调 秦观

纤云弄巧飞星传恨银汉迢迢暗度金风玉露一相逢便胜却人间无数  
柔情似水佳期如梦忍顾鹊桥归路两情若是久长时又岂在朝朝暮暮

前调 李之仪

宿云收尽纤尘不警万里银河低挂青冥风露不胜寒无计学双鸾并驾  
玉徽声断宝钗香远空赋红绡小砑庾郎知有几多愁怎奈向月明今夜

前调 毛滂

红摧绿挫莺愁蝶怨满院落花风紧醉乡好梦却懵腾又冷落一时吹醒  
柔红不奈暗香犹好覩着翻成不忍春心减尽眼常闲更肯被游丝牵引

前调 毛滂

水精帘下沉香阁畔新下红油画幕百花何处避芳尘便独自将春占却  
月华淡淡夜寒森森犹把红灯照着醉时从醉不归家紧守定不教冷落

前调 杜安世

日长天气深深庭院又是春愁滋味池边昨夜雨兼风战红杏余香乱坠  
陰陰亭榭?烟轻柳万缕黄金翠地一双新燕却重来但暗抱罗巾掩泪

前调【钱会】舒亶

教来歌舞接成桃李尽是使君指顾如今装就满城春忍便拥双旌归去  
莺声巧啭花心争吐无计可留君住两堤芳草一江云早晚是西楼望处

前调 葛胜仲

鹊桥仙偶天津轻渡却笑嫦娥孤皎平时五夜似经年问何事今宵便晓  
云车将驾神夫留恋更吐心期多少支机休浪与闲人莫倚赖芳心素巧

前调 葛胜仲

凉飈破暑清歌萦座缺月稀星庭户瓜华草草具杯盘喜共浥初筵清露  
天孙东处牵牛西望劝汝一杯清醕精灵何必待秋通为一洗朦胧今古

前调 谢逸

蝶飞烟草莺啼云树满院垂杨陰緑轻风飘散杏梢红更吹皱池波如縠  
珠帘日晚银屏人散楼上醉横霜竹一春若道不相思缘底事红绡褪玉

前调 周邦彦

浮花浪蕊人间无数开偏朱朱白白瑶池一朵玉芙蓉秋露洗丹砂真色  
晚凉拜月六铢衣动应被姮娥认得翩然欲上广寒宫横玉度一声天碧

前调 李祁

春陰淡淡春波渺渺帘卷花梢香雾小舟谁在落梅村正梦绕清溪烟雨  
碧山学士云房娇小须要五湖同去桃花流水鳊鱼肥却趁得江天佳处

前调 吕渭老

西风木落薄衾孤枕记起花时些个宿愁新恨两关心说道理分疏不可  
别愁如絮佳期何在古屋萧萧灯火打窗风雨又何消梦未就依前惊破

前调 向子諲

澄江如练远山横翠一段风烟如画层楼杰阁倚晴空疑便是支机石下  
宝奩琼监淡匀轻埽纤手弄妆初罢拟将心事问天公与牛女平分今夜

前调 向子諲

飞云多态凉飏微度都到酒边歌处冰肌玉骨照人寒更做弄一帘风雨  
同盘风味合欢情思不管星娥猜妒桃花溪水接银河与占断鹊桥归路

前调【寒梅】 赵长卿

溪清水浅霜明月淡玉破梅梢未徧寒枝纤瘦乃如无但空里飞花数片  
乘风欲去凌波难驻惟见红愁粉怨夜深青女湿霓裳暗香在广寒宫殿

前调 辛弃疾

小牕风雨从今便忆中夜笑谈清软啼鸦衰柳自无聊更管得离人肠断  
诗书事业青毡犹在头上貂蝉会见莫贪风月卧江湖道日近长安路远

前调【山行书所见】 辛弃疾

松冈避暑茅檐避雨闲去闲来几度醉扶怪石看飞泉又却是前回醒处  
东家娶妇西家归女灯火门前笑语酿成千顷稻花香夜夜费一天风露

前调【赠鹭鸶】 辛弃疾

溪边白鹭来吾告汝溪里鱼儿堪数主怜汝汝又怜鱼要物我欣然一处  
白沙远浦青泥别渚剩有鰕跳鳅舞听君飞去饱时来看头上风吹一缕

前调 范成大

双星良夜耕慵织嬾应被羣仙相妒娟娟月姊满眉颦更无奈风姨吹雨  
相逢草草争如休见重搅别离心绪新欢不抵旧愁多倒添了新愁归去

前调 张孝祥

黄陵庙下送君归去水上船儿一只离歌声断酒杯空容易里东西南北  
重湖风月九秋天气冉冉新愁如织我家住在楚江滨为频寄双鱼素尺

前调【梅】 张孝祥

吹香成阵飞花如雪不那朝来风雨可怜无处避春寒但玉立仙衣数缕  
清愁万斛柔肠千结醉里一时分付劝君不用叹飘零待结子成阴归去

前调 赵彦端

来时夹道红罗步障已换青丝翠羽春愁元自逐春来却不肯随春归去  
千觴美酒十分幽事归到只愁风雨凭谁传语牡丹花为做取东君些主

前调【秀野堂作】 赵彦端

江梅仙去蜡梅风化只有细梅呈秀不知春在阿谁边试与问青青杨柳  
小园幽事中都风味鬪草分香如旧东风莫漫送扁舟为管取轻寒罗袖

前调【送路勉道赴长乐】 赵彦端

留花翠幕添香红袖常恨情长春浅南风吹酒玉缸翻便忍听离弦声断  
乘鸾宝扇凌波微步好在清池凉馆直饶书与荔枝来问纤手谁传冰盃

前调【红白莲】 赵彦端

藕花塘上无尘无暑灩灩一池秋净绿罗宝盖碧琼竿翠浪里亭亭月影  
一家姊妹两般梳洗浓淡施朱傅粉夜深风露逼人寒问谁在牙牀酒醒

前调 管 监

中秋过了重阳将近正是一年佳处橙黄橘绿总寻常看丹桂余香再吐  
胸中星斗笔端风雨定约蟾宫高步赐袍赐带玉炉熏共岁岁斑衣戏舞

前调【菱】 张 鎡

连汀接渚紫蒲带藻万镜香浮光满湿烟吹霁木兰轻照波底红娇翠婉  
玉纤采罢银笼携去一曲山长水远彩鸳双惯贴人飞恨南浦离多梦短

前调 陆 游

华灯纵博雕鞍驰射谁记当年豪举酒徒一半取封侯独去作江边渔父  
轻舟八尺低篷三扇占断苹洲烟雨镜湖元自属闲人又何必官家赐与

前调 陆 游

一竿风月一蓑烟雨家在钓台西住卖鱼生怕近城门况肯到红尘深处  
潮生理櫂潮平系?潮落浩歌归去时人错把比严光我自是无名渔父

前调【夜闻杜?】 陆 游

茅檐人静蓬窗灯暗春晚连江风雨林莺巢燕总无声但月夜常啼杜宇  
催成清泪惊残孤梦又拣深枝飞去故山犹自不堪听况半世飘然羁旅

前调 杨 炎

思归时节乍寒天气总是离人愁绪夜来无奈被西风更吹做一帘秋雨  
征衫拂泪阑干倚醉羞对黄花无语寄书除是鴈来时又只恐书成鴈去

前调【寿稼轩】 杨 炎

筑成台榭种成花柳更又教成歌舞不知谁为带湖仙收拾尽壶天风露  
闲中得味酒中得趣只恐天还也妒青山纵买万千重遮不断诏书来路

前调 张 辑

杯行将半月来犹未潇洒水亭无暑清宵数客一栏秋对冰雪荷花似语  
雄边台上文游台上咫尺红云容与天风吹送广寒秋正画舸湖光佳处

前调 谢 懋

钩帘借月染云为幌花面玉枝交映凉生河汉一天秋问此会今宵孰胜  
铜壶尚滴烛龙已驾泪浥西风不尽明朝乌鹊到人间试说向青楼薄幸

前调【湖上次韵】 黄 机

黄花似钿芙蓉如面秋事凄然向晚风流从古记登高又处处悲丝急管  
有愁万斛有才八斗慷慨时惊俗眼明年一笑复谁同料天远争如人远

前调 黄 机

一番雨过江头绿涨催唤扁舟解去重来言语纵堪凭怎得似而今且住  
阳关声断同心未绾簌簌泪珠无数秋鸿春燕往还时莫忘了锦牋分付

前调【留别】 刘光祖

相逢一笑又成相背南鴈归时霜透明朝人在短亭西看舞袖双双行酒  
歌声此处秋声何处几度乱愁搔首如何不寄一行书有万绪千端别後



前调【七夕舟中】 史达祖

河深鹊冷云高鸾远水佩风裳缥缈却推离恨下人间第一个黄昏过了  
舟行有限愁来无限去去长安渐杳应将巧思入相思觉泪比银湾较少

前调 吴潜

扁舟乍泊危亭孤啸目断闲云千里前山急雨过溪来尽洗却人间暑气  
暮鸦木末落鳬天际都是一番秋意痴儿騃女贺新凉也不道西风又起

前调 赵以夫

翠钿心事红楼欢宴深夜沉沉无暑竹边荷外再相逢又还逐浮云飞去  
锦笺尚湿珠香未歇空惹闲愁千缕寻思不似鹊桥人犹自得一年一度

前调 卢炳

余霞散绮明河翻雪隐隐鹊桥初结牛郎织女乍逢迎却胜似人间欢悦  
一宵相会经年离别此语真成浪说细思怎得似嫦娥常独宿广寒宫阙

前调 沈端节

怀人意思悲秋情绪长是文园病後蛛丝轻袅玉钗风想花貌参差依旧  
无穷往事一襟新恨老泪淋漓卮酒天涯相对话平生怅南北还如箕斗

前调 潘牣

青林雨歇珠帘风细人在绿阴庭院夜来能有几多寒已瘦了梨花一半  
宝钗无据玉琴难托合造一襟幽怨云牕雾阁事茫茫试与问杏梁双燕

前调【寄妹 宋媛】 苏氏

星移斗转玉蟾西下渐觉东郊向晓马嘶人语发霜林望千里长安古道  
珠宫姊妹相逢方信别後十分瘦了上林归去正花时争奈向花前又老

前调【郡斋席 宋妓上赋】 严 蘩

碧梧初坠桂香才吐池上水花微谢穿针人在合欢楼正月露玉盘高泻  
蛛忙鹊嬾耕佣织倦空作古今佳话人间刚道隔年期怕天上方才隔夜

前调 元好问

梨花春暮垂杨秋晚归袖无人重挽浮云流水十年间算只有青山在眼  
风台月榭朱唇檀板多病全疎酒盏刘郎争得似当年比前度心情更减

前调【喜雨】 刘因

纔干生处几时飞去欲去被天留住野人得饱更无求满意看一犁春雨  
田家作苦浊醪酿黍准备岁时歌舞不妨分我一豚蹄更试听今秋社鼓

前调 曹伯啓

杜宇声诉鹧鸪声助催上黔阳归路轻舟短棹泛沧浪沾两袖夜郎烟雾  
云山如暮滩流如怒石齿崭然无数天涯愁绪不堪论这光景能消几度

前调【咏梅赠人】 张埜

琼枝纤弱瑶英娇小占得江南春早前村雪里欲开时料未必东风知道  
芳心一点幽香多少几度被花相恼陇头人去早归来莫直待春残莺老

前调 滕宾

斜阳一抹青山数点万里澄江如练萧风吹落橹声遥又唤起寒云片片  
残鸦古渡瘦驴村店渐觉楼头人远桃花流水小桥东是那个柴门半掩

前调 周用

清淮击楫海潮传信天末长风初起中宵戍鼓听鸣鼉问候吏邮籤报水  
计程南北天涯归梦枕上迢迢千里青绫坐拥奈风寒消不得鬓丝千缕

前调 周用

闻香妙语心清无限更惹御炉香暖登登宝殿许瞻天来供奉玉皇香案  
细滴铜壶响传银箭一夜五更将半云屏起揽薄罗衣秋影转鹊桥星汉

前调【感悟】 董斯张

轻暖轻寒不晴不雨辜负韶光九十落花飞絮两无情仗千尺游丝作合  
涂抹东西飘零南北从此扁舟一叶梦回始觉未归休恨一点窥人明月

前调【渔父】 沈士鑛

澄潭集网寒江垂线雪白鲈鱼成串西风吹送酒花香促步向垆头索换  
竹篙枕月蓑衣遮面一曲沧浪天半乾坤水上最清闲也自分烟波占断

前调【明媛】 项兰贞

秋叶辞桐虚庭受月漫道双星践约人间离合总难凭空对景静占灵鹊  
遥想停梭此时相晤可把别愁诉却瑶堦独立且微吟覩瘦影薄罗轻綽

前调【明妓】 王 微

菡萏开霞輜輶蔽月曾赴书生密约人间较得合欢频又何事凌波盼鹊  
一只鸣机千年旧样也合从新换却织成绡素不裁襦爱邻近霓裳袖綽

御选历代诗余卷二十九

## 卷三十

<集部,词曲类,词选之属,御选历代诗余

钦定四库全书

御选历代诗余卷三十目录【五十六字】

虞美人

南唐李煜【二首】

冯延巳【二首】

晏几道【八首】

张先【二首】

苏轼【六首】

黄庭坚【二首】

秦观【三首】

晁补之【三首】

陈师道

李豸

毛滂【三首】

舒亶【三首】

赵令畤

苏庠

葛胜仲

周紫芝【三首】

谢逸【三首】

周邦彦【六首】

陈克【二首】

何?

王安中【二首】

向子諲【四首】

蔡伸【二首】

叶梦得【二首】

徐俯

陈与义

赵长卿

吕本中

曾觌

范成大【二首】

陈三聘【四首】

程垓

洪适

吴儆【三首】

赵彦端【三首】

王千秋【三首】

陈亮

张榘【三首】

方千里【二首】

杨泽民【二首】

沈端节【三首】

蒋捷【二首】

吴文英

张炎【二首】

石孝友

赵君举

王文甫

林正大

葛长庚

赵攄

李宴

元好问

赵孟頫【二首】

萧允之

刘天迪

张翥

王行【二首】

刘基

吴子孝

周用

王锡爵

王世贞

吴鼎芳

陈子龙

沈鍾鹤

沈宜修

叶小鸾

御选历代诗余卷三十目錄

钦定四库全书

御选历代诗余卷三十【五十六字】

司经局洗马掌局事兼翰林院修撰加二级【臣】王奕清奉旨校刊

虞美人

【双调五十六字与桃源忆故人之别名虞美人影者无涉】

虞美人 南唐李煜

风回小院庭芜绿柳眼春相续凭阑半日独无言依旧竹声新月似当年  
笙歌未散尊罍在池面冰初解烛明香暗画楼深满鬓清霜残雪思难任

前调 南唐李煜

春花秋月何时了往事知多少小楼昨夜又东风故国不堪回首月明中  
雕阑玉砌应犹在只是朱颜改问君能有几多愁恰似一江春水向东流

前调 冯延巳

玉钩鸾柱调鹦鹉宛转留春语云屏冷落画堂空薄晚

春寒无奈落花风 褰帘燕子低飞去拂镜尘鸾舞不知今夜月眉弯谁佩同心双结倚阑干

前调 冯延巳

春山淡淡横秋水掩映遥相对祇知长作碧牕期谁信东风吹散彩云飞  
银屏梦与飞鸾远祇有珠帘卷杨花零落月溶溶尘掩玉筝弦柱画堂空

前调 晏几道

闲敲玉铎随堤路一笑开朱户素云凝淡月婵娟门外鸭头春水木兰船  
吹花拾蕊嬉游惯天与相逢晚一声长笛倚楼时应恨不题红叶寄相思

前调 晏几道

飞花自有牵情地不向枝边坠随风飘荡已堪愁更伴东溪流水过秦楼  
楼中翠黛含春怨闲倚阑干徧自弹双泪惜香红暗恨玉颜光景与花同

前调 晏几道

曲阑干外天如水昨夜还曾倚初将明月比佳期长向月圆时候望人归  
罗衣着破前香在旧意谁教改一春离恨嬾调弦犹有两行闲泪宝箏前

前调 晏几道

疎梅月下歌金缕忆共文君语更谁情浅似春风一夜满枝新绿替残红  
苹香已有莲开信两桨佳期近采莲时节定来无醉後满身花影倩人扶



前调 晏几道

玉箫吹徧烟花路小谢经年去更教谁画远山眉又似陌头风细恼人时  
时光不解年年好叶上秋声早可怜蝴蝶易分飞只有杏梁双燕每来归

前调 晏几道

秋风不似春风好一夜金英老更谁来凭曲阑干惟有鴈边斜月照关山  
双星旧约年年在笑尽人情改有期无定是无期说与小云新恨也低眉

前调 晏几道

湿红笺纸回文字多少柔肠事去年双燕欲归时还是碧云千里锦书迟  
南楼风月长依旧别恨无端有倩谁横笛倚危阑今夜落梅声里怨关山

前调 晏几道

一弦弹尽仙韶乐曾破千金学玉楼银烛夜深深愁见曲中双泪落千金  
从来不奈离声怨几度朱弦断未知谁解赏新音长是好风明月暗知心

前调【述古移南郡】 张先

恩如明月家家到无处无清照一帆秋色共云遥眼力不知人远上江桥  
愿君书札来双鲤古汴东流水宋王台畔楚宫西正是节趋归路近沙堤

前调 张先

荅花落尽汀风定荅水天摇影画船罗绮满溪春一曲石城清响入高云  
壶觞昔岁同歌笑今日无年少南园花少故人稀月照玉楼依旧似当时

前调【琵琶】 苏轼

定场贺老今何在几度新声改新声坐使旧声阑俗耳只知繁手不须弹  
断弦试问谁能晓七岁文姬小试教弹作辊雷声应有开元遗老泪纵横

前调【陈述古将代席上】 苏轼

湖山信是东南美一望须千里使君能得几回来便使尊前醉倒且徘徊  
沙河塘里灯初上水调谁家唱夜阑风静欲归时惟有一江明月碧琉璃

前调【扬州别少游】 苏轼

波声拍枕长淮晓隙月窥人小无情汴水自东流只载一船离恨向西州  
竹溪花浦曾同醉酒味多於泪谁教风监在尘埃醞造一场烦恼向人来

前调 苏轼

落花已作风前舞又送黄昏雨晓来庭院半残红惟有游丝千丈裊晴空  
殷勤花下重携手更尽杯中酒美人不用敛歌眉我亦多情无奈酒阑时

前调 苏轼

深深庭院清明过桃李初红破柳丝搭在玉阑干帘外潇潇微雨做轻寒  
晚晴台榭增明媚已判花前醉更阑人静月侵廊独自行来行去好思量

前调 苏轼

持杯遥劝天边月愿月圆无缺持杯更复劝花枝且愿花枝长在莫离披  
持杯月下花前醉休问荣枯事此欢能有几人知对月逢花不饮待何时

前调【至当涂呈郭功甫】 黄庭坚

平生本爱江湖住鸥鹭无人处江南江北水云连莫笑醺鸡歌舞瓮中天  
当涂棹菰葭外赖有宾朋在此身无路入修门惭愧诗翁清些与招魂

前调【宜州见梅作】 黄庭坚

天涯也有江南信梅破知春近夜阑风细得香迟不道晓来开偏向南枝  
玉台弄粉花应妒飘到眉心住平生个里愿杯深去国十年老尽少年心

前调 秦观

高城望断尘如雾不见联骖处夕阳村外小湾头只有柳花无数送归舟  
琼枝玉树频相见只恨离人远欲将幽恨寄青楼争奈无情江水不西流

前调 秦观

碧桃天上栽和露不是凡花数乱山深处水萦洄可惜一枝如画为谁开  
轻寒细雨情何限不道春难管为君沉醉又何妨祇怕酒醒时候断人肠

前调 秦观

行行信马横塘畔烟水秋平岸綠荷多少夕阳中知为阿谁凝恨背西风  
红妆艇子来何处荡桨偷相顾鸳鸯惊起不无愁柳外一双飞去却回头

前调【广陵留别】 晁补之

江南载酒平生事游宦如萍寄蓬山归路傍银台还是扬州一梦却惊回  
年年后土春来早不负金尊倒明年朱履赏春时应寄琼花一朵慰相思

前调【荅秦令】 晁补之

荒城又见重阳到狂醉还吹帽人生开口笑难逢何况良辰一半别离中  
平台朱履登高处犹自怀人否且簪黄菊满头归惟有此花风韵似年时

前调【代内】 晁补之

梅花时候君轻去曾寄红牋与胡麻好种少人知正是归时何处悞芳期  
谁教又作狂游远归路杨花满当年不负琐窗春老向长楸走马更愁人

前调 陈师道

城南观阁连云起形像丹青里使君笳鼓渡江来尽带江南春色放春回  
青春欲住风催去流水花无数尊前独自一番新只有玉楼明月记游人

前调 李 彖

玉阑干外清江浦渺渺天涯雨好风如扇雨如帘时见岸花汀草涨痕添  
青林枕上关山路卧想乘鸾处碧芜千里思悠悠惟有霎时春梦到南州

前调【东园赏花】 毛滂

游人莫笑东园小莫问花多少一枝半朵恼人肠无限娉娉媚媚倚斜阳  
二分春去知何处赖是无风雨更将绣幕密遮花任是东风急性不由他

前调 毛滂

百花赶定东君去知与花何处阳春但更买花栽留住蜂儿蝶子等君来  
翠轻綠嫩庭陰好醉便眠芳草春波如酒不曾空谁见东堂日日自春风

前调 毛滂

柳枝却学腰肢袅好似江东小春风吹绿上眉峰秀色欲流不断眼波融  
檐前月上灯花堕风递余香过小欢云散已难收到处冷烟寒雨为伊愁

前调【寄公度】 舒亶

芙蓉落尽天涵水日暮沧波起背飞双燕贴云寒独向小楼东畔倚阑看  
浮生只合尊前老雪满长安道故人早晚上高台赠我江南春色一枝梅

前调【欲雪】 舒亶

酒边陡觉罗衣暖独倚黄昏看寒鸦两两下楼东着处暗云垂地一重重  
红炉欢坐谁能醉多少看花意谢娘也拟殢春风便送无端柳絮逼帘栊

前调【蒋园醉归】 舒亶

重帘小阁香云暖黛拂梳妆浅玉箫一曲杜韦娘谁是苏州刺史断人肠  
醉归旋拨红炉火却倚屏山坐银缸明灭月横斜还是画楼角送小梅花

前调 赵令畤

画船稳泛春波渺夕雨寒声小紫烟深处数峰横惊起一滩鸥鹭照川明  
西楼今夜归期悞恨入阑干暮可堪春事满春怀不似珠帘新燕早归来

前调【次俞仲登韵】 苏庠

军书未息梅仍破穿市溪流过闲来无处不关情一夜鸣榔急雨杂滩声  
飘零无复还山梦云屋春寒重山连积水水连空溪上青蒲短短柳重重

前调【酬卫卿】 葛胜仲

三年曾不窥园树辛苦萤牕暮怪来文誉满清时柿叶书残犹自日临池  
春秋新学卑繁露黄卷聊堪语家人不用寄龟诗行看昇平楼外化龙归

前调【西池见梅作】 周紫芝

短墙梅粉香初透削约寒枝瘦恼人知为阿谁开还伴冷烟疎雨做愁媒  
飘零苦恨春情薄不管花开落小池疎影弄寒沙何似玉楼鸾镜对横斜

前调【食瓜】 周紫芝

西园摘处香和露洗尽南轩暑莫嫌座上适来蝇只恐怕寒难近玉壶冰  
井花浮翠金盆小午梦初回了诗翁自是不归来不是青门无地可移栽

前调 周紫芝

痴云压地风尘卷雪共春寒浅山城寒夜不烧灯时见竹篱茅舍两三星  
九衢风里香尘拥十载鳌山梦如今独自倚冰檐落尽短檠红地不成眠

前调 谢逸

碧梧翠竹交加影角簾纱冷疎云淡月媚横塘一阵荷花风起隔帘香  
鴈横天末无消息水濶吴山碧刺桐花上蝶翩翩惟有夜深清梦到郎边

前调 谢逸

角声吹散梅梢雪疎影黄昏月落英点点拂阑干风送清香满院作轻寒  
花甃羯鼓催行酒红袖掺掺手曲声未彻宝杯空饮罢香熏翠被锦屏中

前调 谢逸

风前玉树锵金韵碧落佳期近疎云影里鹊桥低檐外一弯新月印修眉  
星河渐晓铜壶咽又是经年别此情曾与玉人知引起旧家离恨泪珠垂

前调 周邦彦

灯前影去仍留恋肠断朱扉远不须红雨洗香颿待得蔷薇花谢便归来  
舞腰歌板闲时按一任傍人看金炉应见旧残煤曾遣恩情容易似寒灰

前调 周邦彦

廉纤小雨池塘徧细点开萍面一双燕子守朱门比似寻常时候易黄昏  
宜城酒泛浮春絮细作更阑语相看羈思乱如云又是一窗灯影两愁人

前调 周邦彦

疎篱曲径田家小云树开秋晓天寒山色有无中野外一声钟起送孤篷  
添衣策马寻亭堠愁抱惟宜酒菰蒲睡鸭占陂塘纵被行人惊散又成双

前调 周邦彦

淡云笼月松溪路长记分携处梦魂连夜遶松溪此夜相逢恰似梦中时  
海山陡觉风光好莫惜金尊倒柳花吹雪燕飞忙生怕扁舟归去断人肠

前调 周邦彦

玉觞才掩朱弦悄弹指壶天晓回头犹认倚墙花只向小桥南畔便天涯  
银蟾依旧当牕满顾影魂先断凄风休飈半残灯拟倩今宵归梦到云屏

前调 周邦彦

金闺平帖春云?昼漏花前短玉颜酒解艳红消一晌捧心啼困不成娇  
别来新翠迷行径牕锁玲珑影研绫小字夜来封斜倚曲阑凝睇数归鸿

前调 陈克

小山戢戢盆池浅芳树陰陰转红阑干上刺蔷薇蝴蝶飞来飞去两三枝  
绣裙斜立腰肢困翠黛紫新恨风流踪迹使人猜过了鬪鸡时节合归来

前调 陈克

綠陰满院帘垂地落絮萦香砌池光不定药栏低闲并一双鸂鶒没人时  
旧欢黯黯成香梦帐冷金泥重日虹斜处暗尘飞脉脉小牕孤枕镜花移

前调 何?

分香幌子揉蓝腻欲去殷勤惠重来约在牡丹时只恐花枝相妒故开迟  
别来看尽闲桃李日日阑干倚催花无计问东风梦作一双蝴蝶绕芳丛

前调【赠李士美】 王安中

清商初入昭华琯宫叶秋声满草麻初罢月婵娟想见明朝喜色动天颜  
持杯满劝龙头客荣遇时方得词源三峡泻瞿塘便是醉中宣去也无妨

前调【送权朝美】 王安中

文昌郎自文无比风露行千里试寻天上使星看却见锦衣白昼过乡关  
边城落照孤鸿外聯璧人相对应吟红叶送清秋向我旧题诗处更重游

前调【梅花】 向子諲

江头苦被梅花恼一夜霜须老谁将冰玉比精神除是凌波却月见天真情高意远仍多思只有人相似满城桃李不能春独向雪花深处露花身

前调 向子諲

蒙蒙烟树无重数不碍相思路晚云分外欲增愁更那堪听疎雨送归舟雨来还被风吹去陨泪多如雨拟题双叶问离忧怎得水随人意肯西流

前调 向子諲

去年不到琼花底蝶梦空相倚今年特地趁花来因甚不教同醉过花开花知此恨年年有闲伴人春瘦一枝和泪寄春风应把旧愁新怨入眉峰

前调 向子諲

去年雪满长安树坐断扬州路今年看雪在扬州人在蓬莱深处若为愁而今不恨伊相悞自恨来何暮平山堂下旧嬉游只有舞春杨柳似风流

前调 蔡伸

瑶琴一弄清商怨楼外桐陰转月华澄淡露华浓寂寞小池烟水冷芙蓉攀花撷翠当时事緑叶同心字有人还解忆人无过尽寒沙新鴈甚无书

前调 蔡伸

飞梁石径关山路惨淡秋容暮一行新鴈破寒空肠断碧云千里水溶溶鸾衾欲展谁堪共帘幙霜华重鸭炉香尽锦屏中幽梦今宵何许与君同

前调【上巳】 叶梦得

一声鶗鴂催春晚芳草连空远年年余恨怨残红可是无情容易爱随风茂林修竹山陰道千载谁重到半湖流水夕阳前犹有一觴一咏似当年

前调 叶梦得

数声微雨风惊晓烛影敲斜照客愁不奈五更寒明日梨花开尽有谁看追寻犹记清明近为向花前问东风正使解欺侬不道花应有恨也匆匆

前调 徐俯

梅花元自江南得还醉江南客云中雨里为谁香闻道数枝清笑出东墙  
多情宋玉还知否梁苑无寻处臙脂为萼玉为肌却恨恼人桃杏不同时

前调 陈与义

张帆欲去仍搔首更醉君家酒吟诗日日待春风及至桃花开后却匆匆  
歌声频为行人咽记着尊前雪明朝酒醒大江流满载一船离恨向衡州

前调【江乡】 赵长卿

雨声破晓催行桨拍拍溪流长绿杨遶岸水痕斜恰似画桥西畔那人家  
人家楼阁临江渚应是停歌舞珠帘整日不闲钩目断征帆犹未识归舟

前调 吕本中

梅花自是於春嬾不是春来晚看伊开在衆花前便道与春无分结因缘  
风前月下频相就笑我如伊瘦几回冲雨过疎篱已见一番青子缀残枝

前调 曾覲

芙蓉池畔都开遍又是西风晚霁天碧净暝云收渐看一轮冰魄冷悬秋  
闽山层叠迷归路把酒宽愁绪旧欢新恨几凄凉暗想瀛洲何处梦悠扬

前调 范成大

玉箫惊报同云重仍怪金瓶冻清明将近雪花翻不道海棠消瘦柳丝寒  
王孙沉醉犹凭幕谁怕罗衣薄烛灯香雾两厌厌彷彿有人愁损两眉尖

前调【红木犀】 范成大

谁将击碎珊瑚玉装上交枝粟恰如娇小万琼妃涂罢额黄嫌怕污臙脂  
日深未觉清香絶风露溶溶月满身花影弄凄凉无限月和风露一齐香

前调 陈三聘

融融睡觉东风息行到溪亭侧一枝梅玉似人人索笑依然消瘦不禁春  
相逢试问情多少应怪山翁老翠萝高护结花邻一任余芳争学捧心颦



前调 陈三聘

天公意向人情满灯月人同看中秋虽是十分明不比今宵处处有华灯  
艳桃穠李歌阑後更醉青楼酒不妨饮尽玉东西横笛声中春色要君知

前调 陈三聘

飞琼晓压梅枝重酒面羊羔冻谁将缟带逐车翻明月秦楼昨夜不胜寒  
何须卷起重帘幕愁怕春罗薄玉杯持劝醉厌厌无奈有人笼袖出香尖

前调【红木犀】 陈三聘

乱红翦碎烦纤玉相并黄金粟汉宫素面说明妃马上秋风应解着臙脂  
黄昏小树堪愁絶不比梅花月满天风露透肌凉插取双枝归去是谁香

前调 程垓

轻红短白东城路忆得分襟处柳丝无赖舞春柔不系离人只解系离愁  
如今花谢春将老柳下无人到月明门外子规啼唤得人愁争似唤人归

前调 洪适

芭蕉滴滴牕前雨望断江南路乱云重叠几多山不似倦飞鸥鸟便知还  
角声更听谯门弄夜夜思归梦鄱江楼下水含漪孤负钓滩烟艇绿蓑衣

前调【送兄益章赴试】 吴儆

银屏一夜金风细便作中秋意碧天如水月如眉已有征鸿摩月向南飞  
金尊满酌蟾宫客莫促阳关拍须知丹桂擅秋天千里婵娟指日十分圆

前调【七夕】 吴儆

飞桥驾鹊天津濶云驭看看发相思惟恨不相逢及至相逢还是去匆匆  
垂丝插竹真堪笑欲乞天孙巧天孙多巧漫多愁巧得千般争解劝郎留

前调 吴儆

双眸翦水团香雪云际看新月生绡笼粉倚牕纱全似瑶池疎影浸梅花  
金翘翠靥双蛾浅敛袂低歌扇羞红腻脸语声低想见流苏帐掩烛明时

前调【九月饮乘风亭】 赵彦端

烟空磴尽长松语佳处遗基古道入乘月又乘风未用秋衣沉水换熏笼  
两峰千涧依稀是想像诗翁醉莫惊青蕊後时开笑倒江南陶令未归来

前调【置酒舟中作】 赵彦端

兰畦梅径香云绕长恨相从少相从虽少却情亲不道频相从後是行人  
行人来去犹清瘦想见相分後书来梅子定尝新记取江东日暮雨还云

前调【壽刘帅】 赵彦端

疎梅淡月年年好春意今年早迎长时节近佳辰看取袞衣黄髮画麒麟  
酒中倒卧南山緑起舞人如玉风流椿树可怜生长与柳枝桃叶共青青

前调【寄李公定】 王千秋

流苏斗帐泥金额我亦花前客谪仙标韵胜琼枝一咏一觴常是得追随  
自从风借云帆便冷落青楼宴石桥风月也应猜过尽中秋不见晚归来

前调 王千秋

琵琶弦畔春风面曾向尊前见彩云初散燕空楼萧寺相逢各认两眉愁  
旧时曲谱曾翻否好在曹刚手老来心绪怯么弦出塞移船莫遣到愁边

前调【和姚伯和】 王千秋

风花南北知何据常是将春负海棠开尽野棠开疋马崎岖还入乱山来  
尊前人物胜前度谁记桃花句老来情事不禁浓玉佩行云切莫易丁东

前调 陈亮

东风荡扬轻云缕时送萧萧雨水边台榭燕新归一口香泥湿带落花飞  
海棠糝径铺香绣依旧成春瘦黄昏庭院柳啼鸦记得那人和月折梨花

前调【和催梅韵三首】 张榘

金炉鋳就裙纹摺香烬低云月玉钿黏唾上眉心不似寿阳檐下六花清  
翠禽飞起南枝动惊破西湖梦仗谁为作水龙声吹绽寒葩诗眼为君青

前调 张 榘

小蛮才把鸳衾摺妆就梳横月探梅不似旧年心却爱牕前纸帐十分清  
朔风吹起寒云动午寝都无梦黄昏更被竹枝声唤起惺惺相对一灯青

前调 张 榘

龙香浅渍罗屏摺睡思低眉月闲愁闲闷不关心心似牕前梅影一般清  
绣帟交掩流苏动一觉曹腾梦枕山轻夏宝钗声粉褪香颿零乱鬓鸦青

前调 方千里

花台响彻歌声?白日林中短春心摇荡客魂消搓粉揉香排比一团娇  
重来犹自寻芳径吹鬓东风影步金莲处绿苔封不见彩云双袖舞惊鸿

前调 方千里

高楼远阁花飞徧急雨捎池面恹恹杨柳不知门多少乱莺啼处暮烟昏  
银钩小字题芳絮宛转回文语可怜单枕梦行云肠断江南千里未归人

前调 杨泽民

层层楼阁薰风?花里香苞短清芬不逐火云消看了一重姿媚一重娇  
几回池上寻芳径惊见波中影似将千叶再包封肠断昭阳一笑付飞鸿

前调【红莲】 杨泽民

小池芳蕊初开徧恰似新妆面扁舟一叶过吴门只向花间高卧度朝昏  
浮萍点缀因风絮更共鸳鸯语花间有女恰如云不惜一生常作采花人

前调 沈端节

去年寒食初相见花上双飞燕今年寒食又花开垂下重帘不许燕归来  
隔帘听燕呢喃语似说相思苦东君都不管闲愁一任落花飞絮两悠悠

前调 沈端节

卧红堆碧纷无数春事知何许斑斑小雨裊梨花又是清明时候不归家  
伤春减尽东阳带人道多情态青春留下许多愁分付与君今夜一停休

前调 沈端节

暮云衰草连天远不记离人怨可怜无处不关情梦断孤鸿哀怨两声  
恨君醉眼何时见夜夜相思徧梧桐叶落候蛩秋惟有一江烟雨替人愁

前调 蒋捷

丝丝杨柳丝丝雨春在冥蒙处楼儿忒小不藏愁几度和云飞去覓归舟  
天怜客子乡关远借与花消遣海棠红近绿阑干才卷珠帘却又晚风寒

前调【听雨】 蒋捷

少年听雨歌楼上红烛昏罗帐壮年听雨客舟中江濶云低断鴈叫西风  
而今听雨僧庐下鬓已星星也悲欢离合总无情一任阶前点滴到天明

前调 吴文英

背庭缘恐花羞坠心事遥山里小帘愁卷月笼明一寸秋怀禁得几蛩声  
井梧不放西风起供与离人睡梦和新月未圆时起看檐蛛结网又寻思

前调【忆柳】 张炎

修眉刷翠春痕聚难翦愁来处断丝无力挽韶华也学落红流水到天涯  
那回错认章台下却是阳关也待将新恨趁杨花不识相思一点在谁家

前调【题陈公明藏册】 张炎

黄金谁解教歌舞留得当时谱断情残意落人间汉上行云迷却旧巫山  
妆楼何处寻樊素空悞周郎顾一帘秋雨翦灯看无限羁愁分付玉笙寒

前调 石孝友

醉寻芳草城头路底事频凝竚丽谯直下小层楼鸳瓦重重匀砌几重愁  
睡红颦翠春风面咫尺无由见从教笑语落檐楹图得香闺依约认郎声

前调 赵君举

飞云流水来无信花发年年恨小桃如脸柳如眉记得那人模样旧家时  
楼高映步拖金缕香湿黄昏雨如今不见欲凭书门外水平波暖一双鱼

前调【回文】 王文甫

黄金嫩柳摇丝软永日堂空掩卷帘飞燕未归来客去醉眠敲枕殢残杯  
眉山浅拂青螺黛整整垂双带水沉香熨窄衫轻莹玉碧溪春溜眼波横

前调【括刘禹锡武昌说笛歌】 林正大

武昌七十龔眉叟学笛从年少萧萧笛竹楚山秋当日买材曾典黑貂裘  
一声占尽秋江月天外行云絶如今老去兴犹迟尚想时时一曲梦中吹

前调 葛长庚

苹花零乱秋亭暮篱落江村路櫂歌摇曳钓船归搅碎清风千顷翠琉璃  
山衔初月明疎柳平野垂星斗莫辞沉醉伴孤吟他日江南江北两关心

前调【同孟利器寻春】 赵 撝

春来日日风成阵桃李飘零尽树头树底觅残红只有郭西梨雪照晴空  
酬春须得如川酒酒债寻常有葛巾敲侧倩人扶大似浣纱溪上醉骑驴

前调 李 宴

佳人酒晕潮生颊黯黯霞千叠雨余红泪湿黄昏误认当年人面倚朱门  
飘零又送青春暮怅望刘郎去教人不恨五更风只恨马蹄无处避残红

前调 元好问

槐陰别院宜清昼入坐春风透美人图子阿谁留都是宣和名笔内家收  
莺莺燕燕分飞後粉淡梨花瘦只除苏小不风流斜插一枝萱草凤钗头

前调【浙江舟中作】 赵孟頫

潮生潮落何时了断送行人老消沉万古意无穷尽在长空淡淡鸟飞中  
海门几点青山小望极烟波渺何当驾我以长风便欲乘桴浮到日华东

前调 赵孟頫

池塘处处生春草芳思纷缭绕醉中时作短歌行无奈夕阳偏傍小  
故园荒径迷行迹只有山仍碧及今作乐送春归莫待春归去後始知非

前调 萧允之

朱楼曾记回娇盼满座春风转红潮生面酒微醺一曲清歌留住半牕云  
大都咫尺无消息望断青鸾翼夜长香短烛花红多少思量只在雨声中

前调 刘天迪

子规解劝春归去春亦无心住江南风景正堪怜到得而今不去待何年  
无端往事萦心曲两鬓先惊绿蔷薇花发望春归谢了蔷薇又见栋花飞

前调 张翥

千林白雪花间谱价重黄金缕尊前自听断肠词正是江南风景落花时  
红楼翠舫西湖路好写新声去为凭宫羽教歌儿不道居然才子鬓如丝

前调【顾氏隐居】 王行

黄花翠竹临溪处正是幽人住不嫌拄杖破苍苔便道有时阴雨也须来  
隔帘尘土纷纷起久厌襄阳市若能招我作西隣从此一溪春水两家分

前调【邹氏隐居】 王行

白云红树秋山下一片江南画门前流水带晴沙更是绕篱寒菊正开花  
如何眼底逢佳处偏许幽人住也须来此结茅茨莫待有人相寄草堂资

前调 刘基

秋来日日烟含雨不肯收残暑小桃错认是春回尽把枝头红绿向人开  
白云流水青山远门掩苍苔晚草间蜂蝶未须忙後夜云英和月结成霜

前调【秋月下作】 吴子孝

轻云不掩清秋月冷浸冰壶彻明辉相对且婆娑无奈漏深人醉兴还多  
风吹庭竹飘香露露湿寒蛩语十分桂影渐团圆莫怪高歌狂舞不成眠

前调 周用

先生何事先归去独卧云深处纵然谈笑有鸿儒敢忘野人芹曝効区区  
不来旧雨来今雨由我还由汝逢人莫问九迁官惟有衰颜欲付紫金丹

前调 王锡爵

四山染徧青青黛一水中间界撑篙直入上流头未到桃花尽处莫回舟  
鹤声鹿迹沿溪满深树开楼馆洞门何事静无人但有石牀残奕子纵横

前调 王世贞

浮萍只待杨花去况更廉纤雨鸭头虚染最长条醞造离亭清泪几时消  
珊瑚翠色新丰酒解醉愁人否薄寒撻送汝南鸡偏向碧纱?畔醒时啼

前调 吴鼎芳

海棠不碍牕纱影鬟髻鸳鸯领绣棚吹落唾花红但见余香一点裊晴风  
柳眠无力轻烟惹春色撩人也舞衫闲搭画阑边日暖融融好个洗头天

前调【桃杏】 陈子龙

夭桃红杏春初半总被薰风换王孙芳草路微茫只有青山依旧对斜阳  
绮罗如在无人到明月空相照梦中楼阁水潺潺撇下一天星露在江南

前调【春雨】 沈鍾鶴

春光九十谁分取断送晨昏雨桃花和泪湿胭脂检点残红一半未开时  
长竿拟把愁云埽天梦浑难晓柔肠不断却回环咫尺相思人隔万重山

前调【瓶中 明媛腊梅】 沈宜修

生香素面檀融晕嬾傅何郎粉胆瓶折取贮仙葩试看渐将春色逗些些  
纤枝不鬪东风巧耐雪冲寒早镜前新写汉宫妆却把玉颜淡淡拂轻黄

前调【看花 明媛】 叶小鸾

阑干曲护闲庭小犹恐春寒悄隔墙影送一枝红却是杏花消瘦旧东风  
海棠睡去梨花褪欲语浑难问只知婀娜共争妍不道有人为你惜流年

御选历代诗余卷三十

# 卷三十一

<集部,词曲类,词选之属,御选历代诗余

钦定四库全书

御选历代诗余卷三十一目錄【五十六字】

玉楼春【上】

南唐李煜

韦庄

欧阳炯

顾夔【二首】

魏承班【二首】

冯延巳

庾传素

徐昌图

钱惟演【二首】

晏殊【九首】

贾昌朝

宋祁

欧阳修【二十三首】

晏几道【十九首】



张先【八首】

柳永【五首】

苏轼【六首】

黄庭坚【五首】

秦观

陈师道【三首】

贺铸【五首】

毛滂【八首】

杜安世【五首】

御选历代诗余卷三十一目录

钦定四库全书

御选历代诗余卷三十一【五十六字】

司经局洗马掌局事兼翰林院修撰加二级【臣】王奕清奉旨校刊

玉楼春【上】

【双调五十六字即木兰花之又一体唐词无此名五代始有之别名春晓曲与二十七字者不同又名惜春容亦有以别名另立调者止中间平仄略异故皆入之又一体内也】

玉楼春 南唐李煜

晚妆初了明肌雪春殿嫔娥鱼贯列笙箫吹断水云闲重按霓裳歌徧彻  
临春谁更飘香屑醉拍阑干情味切归时休放烛花红待蹋马蹄清夜月

前调 韦庄

日照玉楼花似锦楼上醉和春色寝绿杨风送小莺声残梦不成离玉枕

堪爱晚来韶景甚宝柱秦筝方再品青娥红脸笑来迎又向海棠花下饮

前调 欧阳炯

春早玉楼烟雨夜帘外櫻桃花半谢锦屏香冷绣衾寒怱怱忆君无计舍  
侵晓鹄声来砌下鸾镜残妆红粉罢黛眉双点不能描留待玉郎归日画

前调 顾 夘

拂水双飞来去燕曲檻小屏山六扇春愁凝思结眉心綠绮嬾调红锦荐  
话别情多声欲颤玉筍痕留红粉面镇长独立到黄昏却怕良宵频梦见

前调 顾 夘

月皎露华窗影细风送菊香黏绣袂博山炉冷水沉微惆悵金闺终日闭  
嬾展罗衾垂玉筍羞对菱花簪宝髻良宵好事枉教休无计奈他狂耍堦

前调 魏承班

寂寂画堂梁上燕高卷翠帘横数扇一庭春色恼人来满地落花红几片  
愁倚锦屏低雪面泪滴绣罗金缕线好天凉月尽伤心为是玉郎长不见

前调 魏承班

轻敛翠蛾呈皓齿莺啭一枝花影里声声清迥遏行云寂寂画梁尘暗起  
玉笋满斟情未已促坐王孙公子醉春风筵上贯珠匀?色韶顏娇旖旎

前调 冯延巳

雪云乍变春云簇慙觉年华堪纵目北枝梅蕊犯寒开南浦波纹如酒綠  
芳菲次第长相续自是情多无处足尊前百计得春归莫为伤春眉黛蹙

前调 庾传素

木兰红?多情态不似凡花人不爱移来孔雀檻边栽折向凤凰钗上戴  
是何芍药争风彩自共牡丹长作对若教为女嫁东风除却黄莺难匹配

前调 徐昌图

沉檀烟起盘红雾一箭霜风吹绣户汉宫花面学梅妆谢女雪诗裁柳絮  
长垂夹幕孤鸾舞旋炙银笙双凤语红牕酒病嚼寒冰冰损相思无梦处

前调 钱惟演

城上风光莺语乱城下烟波春拍岸绿杨芳草几时休泪眼愁肠先已断  
情怀渐变成衰晚鸾镜朱颜惊暗换昔年多病厌芳尊今日芳尊惟恐浅

前调【筩】 钱惟演

锦箴参差朱檻曲露濯文犀和粉绿未容浓翠伴桃红已许纤枝留凤宿  
嫩似春荑明似玉一寸芳心谁管束劝君速吃莫踟蹰看被南风吹作竹

前调 晏殊

东风昨夜回梁苑日脚依稀添一线旋开杨柳绿蛾眉暗拆海棠红粉面  
无情一去云中鴈有意归来梁上燕无情有意且休论莫向酒杯容易散

前调 晏殊

绿杨芳草长亭路年少抛人容易去楼头残梦五更钟花外离愁三月雨  
无情不似多情苦一寸还成千万缕天涯地角有穷时只有相思无尽处

前调 晏殊

帘旌浪卷金泥凤宿醉醒来长萼松海棠开后晓寒轻柳絮飞时春睡重  
美酒一杯谁与共往事旧欢时节动不如怜取眼前人免使劳魂兼役梦

前调 晏殊

池塘水绿风微?记得玉真初见面重头歌韵响铮鏦入破舞腰红乱旋  
玉钩阑下香阶畔醉后不知斜日晚当时共我赏花人点检如今无一半

前调 晏殊

玉楼朱阁黄金锁寒食清明春欲破牕间斜月两眉愁帘外落花双泪堕  
朝云聚散真无那百岁相看能几个别来将谓不牵情万转千回思想过

前调 晏殊

朱帘半下香销印二月东风催柳信琵琶旁畔且寻思鸂鶒前头休借问  
惊鸿去後生离恨红日长时添酒困未知心在阿谁边满眼泪珠言不尽

前调 晏殊

紫薇朱槿繁开後枕簟微凉生玉漏玳筵初启日穿帘檀板欲开香满袖  
红衫侍女频倾酒龟鹤仙人来献寿欢声喜气逐时新青鬓玉颜长似旧

前调 晏殊

春葱指甲轻拢捻五彩縵垂双袖卷雪香浓透紫檀槽梵语急随红玉腕  
当头一曲情无限入破铮鏦金凤战百分芳酒祝长春再拜敛容擗粉面

前调 晏殊

红縵约束琼肌稳拍碎香檀催急滚陇头呜咽水声繁叶下间关莺语近  
美人才子传芳信明月清风伤别恨未知何处有知音长为此情言不尽

前调 贾昌朝

都城水绿嬉游处仙棹往来人笑语红随远浪泛桃花雪散平堤飞柳絮  
东君欲共春归去一阵狂风和骤雨碧油红旆锦障泥斜日画桥芳草路

前调 宋祁

东城渐觉风光好縠皱波纹迎客棹绿杨烟外晓寒轻红杏枝头春意闹  
浮生常恨欢娱少肯爱千金轻一笑为君持酒劝斜阳且向花间留晚照

前调 欧阳修

风迟日媚烟光好绿树依依芳意早年华容易即凋零春色只宜长恨少  
池塘隐隐惊雷晓柳眼未开梅萼小尊前贪爱物华新不道物新人渐老

前调 欧阳修

西亭饮散清歌阙花外迟迟宫漏发涂金烛引紫骝嘶柳曲西头归路别  
佳辰只恐幽期濶密赠殷勤衣上结翠屏魂梦莫相寻禁断六街清夜月

前调 欧阳修

春山敛黛低歌扇暂解吴钩登祖宴画楼钟动已魂销何况马嘶芳草岸  
青门柳色随人远望欲断时肠已断洛阳春色待君来莫到落花飞似霰

前调 欧阳修

尊前拟把归期说未语春容先惨咽人生自是有情痴此恨不关风与月  
离歌且莫翻新阕一曲能教肠寸结直须看尽洛城花始共春风容易别

前调 欧阳修

洛阳正值芳菲节穠?清香相间发游丝有意苦相萦垂柳无端争赠别  
杏花红处青山缺山畔行人山下歇今宵谁肯远相随惟有寂寥孤馆月

前调 欧阳修

残春一夜狂风雨断送红飞花落树人心花意待留春春色无情容易去  
高楼把酒愁无语欲问春归何处所暮云空濶不知音惟有绿杨芳草路

前调 欧阳修

常忆洛阳风景媚烟?风和添酒味莺啼宴席似留人花出墙头如有意  
别来已隔千山翠望断危楼斜日坠关心只为牡丹红一片春愁来梦里

前调 欧阳修

别後不知君远近触目凄凉多少闷渐行渐远渐无情水濶鱼沉何处问  
夜深风竹敲秋韵万叶千声皆是恨故敲单枕梦中寻梦又不成灯又烬

前调 欧阳修

西湖南北烟波濶风里丝簧声韵咽舞余裙带绿双垂酒入香腮红一抹  
杯深不觉琉璃滑贪看六么花十八明朝车马各东西惆怅画桥风与月

前调 欧阳修

燕鸿过后春归去细算浮生千万绪来如春梦几多时去似朝云无觅处  
闻琴解佩神仙侣挽断罗衣留不住劝君莫作独醒人烂醉花间应有数

前调 欧阳修

蝶飞芳草花飞路把酒已嗟春色暮当时枝上落残花今日水流何处去  
楼前独遶鸣蝉树忆把芳条吹?絮红莲绿芰亦芳菲不奈金风兼玉露

前调 欧阳修

檀槽碎响金丝拨露湿浔阳江上月不知商妇为谁愁一曲行人留夜发  
画堂花月新声别红蕊调长弹未彻暗将深意祝胶弦惟愿弦弦无断绝

前调 欧阳修

金花盏面红烟透舞急香茵随步皱青春才子有新词红粉佳人重劝酒  
也知自为伤春瘦归骑休交银烛候拟将沉醉为清欢无奈醒来还感旧

前调【柳】 欧阳修

黄金弄色轻於粉濯濯春条如水嫩为缘力薄未禁风不奈多娇长似困  
腰柔乍怯人相近眉小未知春有恨劝君着意惜芳菲莫待行人攀折尽

前调 欧阳修

沉沉庭院莺吟弄日?烟和春气重绿杨娇眼为谁回芳草深心空自动  
倚阑无语伤离凤一片风情无处用寻思还有旧家心蝴蝶时时来役梦

前调 欧阳修

去时梅萼初凝粉不觉小桃风力损梨花最晚又凋零何事归期无定准  
阑干倚徧重来凭泪粉偷将红袖印蜘蛛喜鹊误人多似此无凭安足信

前调 欧阳修

酒美春浓花世界得意人人千万态莫教辜负?阳天过了堆金何处买  
已去少年无计奈且愿芳心长恁在闲愁一点上心来算得东风吹不解

前调 欧阳修

湖边柳外楼高处望断云山多少路阑干倚徧使人愁又是天涯初日暮  
轻无管系狂无数水畔花飞风里絮算伊浑是薄情郎去便不来来便去

前调 欧阳修

南园粉蝶能无数度翠穿红来复去倡条冶叶恣留连飘荡轻於花上絮  
朱阑夜夜风兼露宿粉栖香无定所多情翻却似无情赢得百花无限妒

前调【子规】 欧阳修

江南三月春光老月落禽啼天未晓露和啼血染花红恨过千家烟树杪  
云垂玉枕屏山小梦欲成时惊觉了人心应不似伊心若解思归归合早

前调 欧阳修

东风本是开花信及至花时风更紧吹开吹谢苦匆匆春意到头无处问  
把酒临风千万恨欲埽残红犹未忍夜来风雨转离披满眼凄凉愁不尽

前调 欧阳修

陰陰树色笼晴昼清澹园林春过後杏腮轻粉日催红池面綠罗风卷皱  
佳人向晚新妆就圆膩歌?珠欲溜当筵莫放酒杯迟乐事良辰难入手

前调 欧阳修

芙蓉鬪晕胭脂浅留着晚花开小宴画船红日水风清柳色溪光晴照?  
美人争劝梨花盏舞困玉腰裙缕慢莫教银烛促归期已祝斜阳休便晚

前调 晏几道

秋千院落重帘暮彩笔闲来题绣户墙头丹杏雨余花门外綠杨风後絮  
朝云信断知何处应作襄王春梦去紫骝认得旧游踪嘶过画桥东畔路

前调 晏几道

小顰若解愁春暮一笑留春春也住晚红初减谢池花新翠已遮琼苑路  
湔裙曲水曾相遇挽断罗巾容易去啼珠弹尽又成行毕竟心情无会处

前调 晏几道

小莲未解论心素狂似钿筝弦底柱脸边霞散酒初醒眉上月残人欲去  
旧时家近章台住尽日东风吹柳絮生憎繁杏綠陰时正碍粉墙偷眼覷

前调 晏几道

风帘向晓寒成阵未报东风消息近试从梅蒂紫边寻更遶柳枝柔处问  
来迟不是春无信开晚却疑花有恨又应添得几分愁二十五弦弹未尽

前调 晏几道

念奴初唱离亭宴会作离声勾别怨当时垂泪忆西楼湿尽罗衫歌未偏  
难逢最是身强健无定莫如人聚散已 归袖醉相扶更恼香檀珍重劝

前调 晏几道

玉真能唱朱帘静忆上双莲池上听百分蕉叶醉如泥却向断肠声里醒  
夜凉水月铺明镜更有娇花闲弄影曲终人意似流波休问心期何处定

前调 晏几道

阿茸十五腰肢好天与怀春风味早画眉匀脸不知愁殢酒熏香偏称小  
东城杨柳西城草会合难期如意少思量心事薄轻云绿镜台前还自笑

前调 晏几道

琼酥酒面风吹醒一缕斜红临晚镜小颦微笑尽妖娆浅注轻匀长澹净  
手按梅蕊寻香径正是佳期期未定春来还为个般愁瘦损宫腰罗带剩

前调 晏几道

青娥学得秦娥似金屋瑶台知姓氏可怜春恨一生心长带粉痕双袖泪  
从来嬾话低眉事今日新声谁会意坐中应有赏音人试问回肠曾断未

前调 晏几道

旗亭西畔朝云住沉水香烟长满路柳阴分到画眉边花片飞来垂手处  
妆成尽任秋娘妒裊裊盈盈当绣户临风一曲醉腾腾陌上行人凝恨去

前调 晏几道

离鸾照罢尘生镜几点吴霜侵绿鬓琵琶弦上语无凭荳蔻头春有信  
相思 损朱颜尽天若多情终欲问雪牕休记夜来寒桂酒已销人去恨

前调 晏几道



初心已恨花期晚别後相思长在眼兰衾犹有旧时香每到梦回珠泪满  
多应不信人肠断几夜夜寒谁共暖欲将恩爱结来生只恐来生缘又短

前调 晏几道

东风又作无情计?粉娇红吹满地碧楼帘影不遮愁还似去年今日意  
谁知错管春残事到处登临曾费泪此时金盏直须深看尽落花能几醉

前调 晏几道

雕鞍好为莺花住占取东城南陌路尽教春思乱如云莫管世情轻似絮  
古来多被虚名误宁负虚名身莫负劝君频入醉乡来此是无愁无恨处

前调 晏几道

斑骓路与阳台近前度无题初借问?风鞭袖尽闲垂微月帘栊曾暗认  
梅花未足凭芳信弦语岂堪传素恨翠眉饶似远山长寄与此愁颦不尽

前调 晏几道

当年信道情无价桃叶尊前论别夜脸红心绪学梅妆眉翠工夫如月画  
来时醉倒旗亭下知是阿谁扶上马忆曾挑尽五更灯不记临分多少话

前调 晏几道

采莲时候慵歌舞永日间从花里度暗随苹末晓风来直待柳梢斜月去  
停桡共说江头路临水楼台苏小住细思巫峡梦回时不减秦源肠断处

前调 晏几道

轻风拂柳冰初绽细雨销尘云未散红牕青镜待妆梅绿陌高楼催送鴈  
画罗歌扇金蕉醺记得寻芳心绪惯凤城寒尽又飞花岁岁春光常有限

前调 晏几道

红绡学舞腰肢软巧织舞衣宫样染织成云外鴈行斜染作江南春水浅  
露桃宫里随歌管一曲霓裳红日晚归来双袖酒成痕小字香牋无意展

前调 张先

人意共怜花月满花好月圆人又散欢情去逐远云空往事过如幽梦断  
草树争春红影乱一唱鸡声千万怨任教迟日更添长能得几时擡眼看

前调 张先

相离徒有相逢梦门外马蹄尘已动怨歌留待醉时听远目不堪空际送  
今宵风月知谁共声咽琵琶槽上凤人生无物比多情江水不深山不重

前调【邠州作】 张先

青铜贴水萍无数临晓西湖春涨雨泥新轻燕面前飞风慢落花衣上住  
红裙空解烟蛾聚云月却能随马去明朝何处上高台回认玉峰山下路

前调 张先

西湖杨柳风流絶满缕青春看赠别墙头簌簌暗飞花山外陰陰初落月  
秦姬穠丽云梳髮持酒听歌留晚发骊驹应亦解人情欲出重城嘶不歇

前调【送张中行】 张先

插花劝酒盐桥馆召节促行龙阙远吴船渐近晚潮生蛮榼未空寒日短  
庆门奕世隆宸睠归到月陂梅已绽有情愿寄向南枝图得洛阳春色看

前调 张先

去年春日芳菲国青蕊如梅终忍摘阑边纵欲说相思緑蜡密缄朱粉饰  
归来故苑重寻觅花满旧枝心更惜鸳鸯从小自相双若不多情头不白

前调【乙卯吴兴寒食】 张先

龙头舴艋吴儿竞笋柱秋千游女并芳洲拾翠暮忘归秀野踏青来不定  
行云去後遥山暝已放笙歌池院静中庭月色上清明无数杨花过无影

前调【赠周邵二生】 张先

轻牙低掌随声听合调破宫云自凝珠娘翠黛有人描琼女分鬟待谁并  
弄妆俱学闲心性故向鸾台同照影双头莲子一时花天碧秋池水如镜

前调 柳永

皇都今夕知何夕特地风光盈绮陌金丝玉管咽春空蜡炬兰灯烧夜色  
凤楼十二神仙宅珠履三千鹄鹭客金吾不禁六街游狂煞云踪并雨迹

前调 柳 永

虫娘举措皆淹润每到婆娑偏逞俊香檀敲缓玉纖迟画鼓声喧莲步紧  
贪为顾盼夸风韵往往曲终情未尽坐中年少暗销魂争问青鸾家远近

前调【杏花】 柳 永

翦裁用尽春工意浅蘸朝霞千万蕊天然澹泞好精神洗尽严妆方见媚  
风亭月榭闲相倚紫玉枝梢红蜡蒂假饶花落未销愁煮酒杯盘催结子

前调【海棠】 柳 永

东风催露千娇面欲绽红深开处浅日高梳洗甚时忺点滴胭脂匀未徧  
霏微雨罢残阳院洗出都城新锦段美人纖手摘芳枝插在钗头和凤颤

前调【柳】 柳 永

黄金万缕风牵细寒食初头春有味殢烟尤雨索春饶一日三眠夸得意  
章街隋岸欢游地高拂楼台低映水楚王空待学风流饿损宫腰终不似

前调 苏轼

知君仙骨无寒暑千载相逢犹旦暮故将别语恼佳人要看梨花枝上雨  
落花已逐回风去花本无心莺自诉明朝归路下塘西不见莺啼花落处

前调 苏轼

元宵似是欢游好何况公庭民讼少百家游赏上春台千里神仙迷海岛  
平原不似高阳傲促席雍容陪语笑座中有客最多情不惜玉山 醉倒

前调【夜雨寄弟】 苏轼

梧桐叶上三更雨惊破梦魂无覓处夜凉枕簟已知秋更听寒蛩促机杼  
梦中历历来时路犹在江亭醉歌舞尊前必有问君人为道别来心与绪

前调 苏轼

经旬未识东君信一夕薰风来解愠红绡衣薄麦秋寒绿绮韵低梅雨润  
瓜头绿染山光嫩弄色金桃新傅粉日高慵卷水晶帘犹带春醪红玉困

前调【秋晚次欧公韵】 苏轼

霜余已失长淮濶空听潺潺清潁咽佳人犹唱醉翁词四十三年如电抹  
草头秋露流珠滑三五盈盈还二八与余同是识翁人惟有西湖波底月

前调 苏轼

高平四面开雄垒三月风光初觉媚园中桃李使君家城上亭台游客醉  
歌翻杨柳金尊沸饮散凭阑无限意云深不见玉关遥草细山重残照里

前调 黄庭坚

翰林本是神仙谪落帽风流倾坐席座中还有赏音人能岸乌纱浮大白  
江山依旧云横碧昨日主人今日客谁分宾主强惺惺问取矶头新妇石

前调 黄庭坚

风开冰面鱼纹皱暖入芳心犀点透乍看晴日弄柔条忆得章台人姓柳  
心情老大痴成就不复淋漓沾翠袖早梅献笑尚窥隣小蜜窃香如遗寿

前调 黄庭坚

东君未试雷霆手洒雪开春春锁透帝台应点万年枝穷巷偏欺三径柳  
峰排羣玉森相就中有摩围为领袖凝香牕下与谁看一曲琵琶千万寿

前调 黄庭坚

新年何许春光漏小苑闲门风日透酥花入座颇欺梅雪絮因风全是柳  
使君落笔春词就应唤歌檀催舞袖得开眉处且开眉人世可能金石寿

前调 黄庭坚

黔中士女游晴昼花信轻寒罗绮透争寻穿石道宜男更买江鱼双贯柳  
竹枝歌好移船就依倚风光垂翠袖满倾芦酒指摩围相守与郎如许寿

前调 秦观

秋容老尽芙蓉院  
草上霜花匀似翦  
西楼促坐酒杯深  
风压绣帘香不卷  
玉纖慵整银筝鴈  
红袖时笼金鸭?岁华一任委  
西风独有春红留醉脸

前调 陈师道

陰陰云日江城晚  
小院回廊春已满  
谁家言语似黄鹂  
深闭玉笼千万啮  
蓬莱易到人难见  
香火无凭空有怨  
不辞歌里断人肠  
只怕有肠无处断

前调【汝陰湖上同东坡】 陈师道

湖平木落摇空濶  
叶底流泉鸣复咽  
酒边清漏往时同  
花里朱弦纖手抹  
风光过手春冰滑  
十事违人常七八  
不将白髮并黄花  
拟下清流揽明月

前调 陈师道

荣光休气天为瑞  
道祖当天传宝裔  
千年昌运此时逢  
四海欢声今日沸  
蒙蒙香雾沾衣膩  
漠漠轻寒梅柳细  
封人长有祝尧心  
从此年年并岁岁

前调 贺铸

秦丝络络呈纖手  
宝鴈斜飞三十九  
徵招新谱日边来  
倾耳吴娃惊未有  
文园老大难堪酒  
蜜炬垂花知夜久  
更须妩媚做腰肢  
细学永丰坊畔柳

前调 贺铸

张灯结绮笼驰道  
六六洞天连夜到  
昭华吹断紫云回  
怅望人间新梦觉  
倾城犹记东隣妙  
尊酒相逢留一笑  
卢郎任老尽多才  
不数五陵狂侠少

前调 贺铸

清琴再鼓求凰弄  
紫陌屡盘骄马鞚  
远山眉样认心期  
流水车音牵目送  
归来翠被和衣拥  
醉解寒生钟鼓动  
此情只许梦相亲  
每向梦中还说梦

前调 贺铸

佩环声认腰肢软  
风里麝薰知近远  
此生常羨玉妆台  
得见晓来梳画面  
回廊几步通深院  
一行绣衣帘不卷  
酒阑歌罢欲黄昏  
肠断归巢双燕燕

前调 贺铸

银簧鴈柱香檀拨镂板三声催细抹舞腰轻怯绦裙长羞按筑球花十八  
东城柳岸匆匆发画舫一篙烟水阔可怜单枕欲眠时还见尊前前夜月

前调【戊寅重阳不饮】毛滂

西风吹冷沉香篆门掩小牕红叶院卧看黄菊送重阳露重烟寒花未偏  
山翁病怯琉璃簾日日愁侵霜鬓短一杯菊叶小云团满眼萧萧松竹晚

前调【庚辰重九客东都】毛滂

泥银四壁蜗盘篆明月一庭秋满院不知陶菊總开无但见杜苔新雨偏  
去年醉倒云为簾未尽百壶惊日短小云今夜伴牢愁好在凤城春未晚

前调【元日】毛滂

一年滴尽莲花漏碧井屠苏沉冻酒晓寒料峭尚欺人春态苗条先到柳  
佳人重劝千长壽栢叶椒花芬翠袖醉乡深处少相知祇与东君偏故旧

前调【赏梅】毛滂

蕊珠宫里三千女滴粉为春尘不住月华冷处欲迎人七里香风生满路  
一枝谁寄长安去想得韶光能几许醉翁满眼玉玲珑直到烟空云尽处

前调【立春日】毛滂

小园半夜东风转吹皱冰池云母面晓披闾阖见朝阳知向碧堦添几线  
嫩烟弄柳晴先暖残雪禁梅香尚浅殷勤洗拂旧东君多少韶华聊借看

前调【至盱眙】毛滂

长安回首空云雾春梦觉来无觅处冷烟寒雨又黄昏数尽一堤杨柳树  
楚山照眼青无数淮口潮生催晓渡西风吹面立苍茫欲寄此情无鴈去

前调【春雨夜】毛滂

一春花事今宵了点检落红都已少阿谁追路问东君只有青青河畔草  
尊前不信韶华老酒意韶光相借好檐前暮雨亦多情未做朝云容易晓

前调毛滂

压玉为浆麟作?珠树琼葩长不谢翠帘绣?燕归来宝鸭花香蜂上下  
沙堤佩马催公驾月白风清天不夜重来赫赫照岩廊不动堂堂凝太华

前调 杜安世

玉烛光明正旦好斗柄东回春太早岭寒犹鏢去年梅江?新催今岁草  
蜀国熙熙冬令杪更喜寿阳新梦觉玉杯齐举乐音谐遥想金阶天仗晓

前调 杜安世

晴景融融春色浅落尽梅花千万片小池冰解水纹生消息未闻梁上燕  
楼倚轻寒风力软目断孤云天自远又还依旧去年时寂寞瘦容人怪见

前调 杜安世

纶命忽从天上至便绾兵符辞漕计汉庭起草旧郎官蜀部坐筹新将帅  
红旆碧幢春色里骄马嘶风花片坠送行今日短亭中恼杀故人须尽醉

前调 杜安世

春景抛人无处问多谢石榴花又喷茜罗揉出碎英繁红蜡镂成香萼润  
血色新裙羞莫近密叶柔条相间衬雨余寂寞假山傍乡国尚遥西海信

前调 杜安世

三月初三春渐老徧地残花风暗埽命俦啸侣拥笙歌临水泛觴游宴好  
浮利浮名何足道丽景芳时须笑傲今年不似去年懽云海路长天杳杳

御选历代诗余卷三十一

## 卷三十二

<集部,词曲类,词选之属,御选历代诗余

钦定四库全书

御选历代诗余卷三十二目錄【五十六字】

玉楼春【下】

舒 亶【三首】

王 诜

王 观

苏 庠

葛胜仲

周紫芝

谢 逸【四首】

周邦彦【五首】

王 采

王安中【二首】

向子諲

蔡 伸

叶梦得

陈与义



赵长卿

康与之

侯寘【二首】

辛弃疾【七首】

程垓【二首】

刘克庄

李石

陆游

刘圻父

刘镇

严仁

毛幵

郭应祥

高观国【四首】

史达祖【二首】

汪莘

方千里【二首】

杨泽民

吴文英

陈允平【五首】

石孝友【四首】

周端臣

王武子

莫仑

楼采

无名氏

僧挥

李清照

盼盼

冯延登

刘因【四首】

刘景翔

刘基

骆文盛

吴子孝【二首】

杨慎

王锡爵

沈自炳

郭?

前调【又一体】

孟?

前调【又一体】

温庭筠

顾 夔【二首】

前调【又一体】

牛 峤

瑞鹧鸪

冯延巳

欧阳修

苏 轼

贺 铸

杜安世

葛胜仲

赵师侠

张元干【二首】

侯 寘

辛弃疾

程 垓【二首】

尤 袤

卢 炳

郭从范

陈彭年

詹正【二首】

京师妓

杨慎

卓人月

御选历代诗余卷三十二目录

钦定四库全书

御选历代诗余卷三十二【五十六字】

司经局洗马掌局事兼翰林院修撰加二级【臣】王奕清奉旨校刊

玉楼春【下】

玉楼春 舒亶

金丝络马青钱路笑指玉皇香案去点衣柳陌度残红拂面风桥吹细雨  
晓钗压鬓头慵举恨里歌声兼别苦西湖一顷白菱花惆怅行云无觅处

前调【赠歌者】 舒亶

十二阑干褰画箔取次穿花成小酌彩鸾舞罢凤孤飞回首东风空院落  
杳杳桃源仙路邈晴日晓牕红薄薄伤春还是嬾梳妆想见绿云垂鬓脚

前调【蒋园】 舒亶

琉璃一片春湖面画舫游人帘外见水边风嬾柳低眠花底雨乾莺细啖  
秋千寂寂垂杨?芳草绿随人渐

远一番乐事又春深金盞莫辞红?劝

前调 王 诜

锦城春色花无数排比笙歌留客住轻寒轻暖袷衣天乍雨乍晴寒食路  
花虽不语莺能语莫放韶光容易去海棠开后月明前纵有千金无买处

前调 王 观

铜驼陌上新正後第一风流除是柳勾牵春事不如梅断送离人强似酒  
东君有意偏撋就惯得腰肢真个瘦阿谁道你不思量因甚眉头长恁皱

前调 苏 庠

江云叠叠遮鸳浦江水无情流薄暮归帆初张苇边风客梦不禁篷背雨  
渚花不解留人住只作深愁无尽处白沙烟树有无中鴈荡沧州何处所

前调【泛溪】 葛胜仲

木阑干外池光阔午夜乔林迷?樾掠船凉吹起青苹紫水歌声欺白雪  
檀槽响趁红牙节私语嘈嘈还切切人生何乐似同襟莫待骊驹声惨咽

前调 周紫芝

江头雨後山如髻催送新凉风有意月来杨柳绿陰中秋在梧桐疎影里  
小牕纹簟凉如水岁岁年年同此味眼前不忍对西风梦後更堪追往事

前调【寒食】 谢 逸

弄晴数点梨花雨门外画桥寒食路杜鹃飞破草间烟蛺蝶惹残花底雾  
东君着意怜樊素一段韶华天付与妆成不管露桃嗔舞罢从教风柳妒

前调 谢 逸

横塘浅晕琉璃莹绿叶阴浓庭院静樱桃熟後麦秋凉芍药开时槐夏永  
蓬莱阁下红尘境青羽扇低摇凤影庭前玉树一枝春香雾和烟新月冷

前调 谢 逸

个中怀抱谁排遣侧侧轻寒风翦翦细看梅蕊晚香浓争似柳梢春色浅  
娇譌道字歌声软醉後微涡回笑靥更无卓氏白头吟只有卢郎年少感

前调 谢逸

青钱点水圆荷绿解箨新篁森嫩玉轻风冉冉楝花香小雨丝丝梅子熟  
华堂烛烬零金粟人在洞天三十六昭华吹彻琤声寒声入寿觞红浪蹙

前调 周邦彦

当时携手城东道月堕檐牙人睡了酒边谁使客愁轻帐底不教春梦到  
别来人事如秋草应有吴霜侵翠葆夕阳深锁绿杨门一任卢郎愁里老

前调 周邦彦

大堤花艷惊郎目秀色穠光看不足休将宝瑟写幽怀座上有人能顾曲  
平波落照涵颿玉画舸亭亭浮澹绿临分何以祝深情只有别愁三万斛

前调 周邦彦

玉匳收起新妆了鬓畔斜枝红袅袅浅颿轻笑百般宜试着春衫应更好  
裁金簇翠天机巧不称野人簪破帽满头聊作片时狂顿减十年尘土貌

前调 周邦彦

桃溪不作从容住秋藕绝来无续处当时相候赤栏桥今日独寻黄叶路  
烟中列岫青无数鴈背斜阳红欲暮人如风後入江云情似雨余黏地絮

前调 周邦彦

郊原雨过金英秀风埽霜威寒入裋感君一曲断肠歌送我十分和泪酒  
古道尘清榆柳瘦系马邮亭人散後今宵灯尽酒醒时可惜朱颜成皓首

前调 王采

秋闺思入江南远帘幙低垂闲不卷玉珂声断晓屏空好梦惊回还起嬾  
风轻只觉香烟短阴重不知天地晚隔牕人语退朝归旋整宿妆匀睡脸

前调 王安中

秋鸿只向秦筝住终寄青楼书不去手因春梦有携时眼到花开无着处  
泥金小字蛮牋句翠袖红裙今在否欲寻巫峡旧时云问取阳关西去路

前调 王安中

尧天雨露承新诏珂马风生趋急召玉符曾将虎牙军金殿还陞龙尾道  
征西鎮北功成早仗钺登坛今未老尊前休更说燕然且听阳关三叠了

前调【见梅对雪】 向子諲

记得江城春意动两行疎梅龙脑冻佳人不用辟寒犀踏雪穿花云鬓重  
真珠旋滴留人共更熬沉香煖金凤只今梅雪可怜时都是绿窗前日梦

前调 蔡伸

星河风露经年别月照离亭花似雪宝钗鸾镜会重逢花里同眠今夜月  
月华依旧当时节细把离肠和泪说人生只合镇长圆休似月圆圆又缺

前调【晚雨集客湖上】 叶梦得

花残却似春留恋几日余香吹酒面湿烟不隔柳条青小雨池塘初有燕  
波光纵使明如练可奈落红纷似霰解将心事诉东风只有啼莺千万啮

前调【青墩僧舍】 陈与义

山人本合居岩岭聊问支郎分半境残年藜杖与纶巾八尺庭中时弄影  
呼儿汲水添茶鼎甘胜吴山山下井一甌清露一炉云偏觉平生今日永

前调【春半】 赵长卿

江邨百六春强半拍拍池塘春水满风团柳絮舞如狂雨压橘花香不散  
陰陰巷陌闲庭院小立危栏羞燕燕不知何事未还乡除却青春谁作伴

前调 康与之

青牋後约无凭据误我碧桃花下语谁将消息问刘郎怅望玉溪溪上路  
春来无限伤情绪拟欲题红都寄与东风吹落一庭花手把新愁无写处

前调 侯寘

市桥灯火春星碎街鼓催归人未醉半嗔还笑眼回波欲去更留眉敛翠  
归来短烛余红泪月澹天高梅影细北风休遣鴈南来断送不成今夜睡

前调【中秋閏月】 侯寘

今秋仲月逢余闰月姊重来风露静未劳玉斧整蟾宫又见冰轮浮桂影  
寻常经岁睽佳景阅月那知还赏咏庾楼江阔碧天高遥想飞觴清夜永

前调 辛弃疾

人间反覆成陰雨鳬鴈江湖来又去十千一斗饮中仙一百八盘天上路  
旧时枫落吴江句今日锦囊无着处看封关外水云侯剩按山中诗酒部

前调【戏赋云山】 辛弃疾

何人半夜推山去四面浮云猜是汝当时相对两三峰走徧溪头无觅处  
西风瞥起云横度忽见东南天一柱老僧拍手笑相夸且喜青山依旧住

前调 辛弃疾

瘦筇倦作登高去却把黄花相尔汝岭头拭目望龙山更在云烟遮断处  
思量落帽人风度休说当年功纪柱谢公直是爱东山毕竟东山留不住

前调 辛弃疾

风前欲劝春光住春在城南芳草路未随流落水边花且作飘零泥上絮  
镜中已有星星误人不负春春自负梦回人远许多愁只在梨花风雨处

前调【隐湖戏作】 辛弃疾

客来底事逢迎晚竹里鸣禽寻未见日高犹苦圣贤心门外谁酣蜜触战  
多方为渴泉寻徧何日成陰松种满不辞长向水云来只怕频频鱼鸟倦

前调【奉祠西归将至仙人矶】 辛弃疾

江头一带斜阳树總是六朝人住处悠悠兴废不关心惟有沙洲双白鹭  
仙人矶下多风雨好卸征帆留不住直须抖擞尽尘埃却趁新凉秋水去

前调 辛弃疾

狂歌击碎邨醪醅欲舞还怜衫袖短心如溪上钓矶闲身似道旁官堠嬾  
山中有酒提壶劝好语怜君堪鮓饭至今有句落人间渭水秋风黄叶满



前调 程垓

疎枝半作窺牕老又是一年春意早  
风低小院得香迟月傍女墙和影好  
去年苦被离情恼今日逢花休草草  
後时花落尽从他且趁先春?醉倒

前调【得书】 程垓

别时已有重来愿谁料情多天不管  
分明咫尺是青楼抵死浓云遮得半  
寄声只倚西风鴈鴈荅书回空是怨  
领愁归去有谁知水又茫茫山又断

前调 刘克庄

年年跃马长安市客里似家家似寄  
青钱换酒日无何红烛呼卢宵不寐  
易挑锦妇机中字难得玉人心下事  
男儿西北有神州莫滴水西桥畔泪

前调 李石

辘轳轳轳门前井不道隔牕人睡醒  
柔丝无力玉琴寒残麝彻心金鸭冷  
一莺啼破帘栊静红日渐高花转影  
起来情绪寄游丝飞绊翠翹风不定

前调【立春日作】 陆游

三年流落巴山道破尽青衫尘满帽  
身如西瀼渡头云愁抵瞿塘关上草  
春盘春酒年年好试戴银旂判醉倒  
今朝一岁大家添不是人间偏我老

前调 刘圻父

今来古往长安道岁岁荣枯原上草  
行人几度到江滨不觉身随枫树老  
蒲花易晚芦花早客里光阴如过鸟  
一般垂柳短长亭去路不如归路好

前调【东山探梅】 刘 鎮

泠泠水向桥东去漠漠云归溪上住  
疎风澹月有来时流水行云无觅处  
佳人独立相思苦薄袖欺寒修竹暮  
白头空负雪边春着意问春春不语

前调 严仁

春风只在西园畔荠菜花繁蝴蝶乱  
冰池晴绿照还空香径落红吹已断  
意长翻恨游丝短尽日相思罗带缓  
宝匳如月不欺人明日归来君试看

前调 毛幵

日长澹澹光风转小尾黄蜂随早燕行寻香迳不逢人惟有落红千万片  
酒成憔悴花成怨闲煞羽觞难会面可堪春事已无多新笋遮墙苔满院

前调 郭应祥

匆匆相遇匆匆去恰似当初元未遇生憎黄土岭头尘强学章台街里絮  
雨荒三径云迷路总是离人堪恨处从今对酒与当歌空惹离情千万绪

前调 高观国

几双海燕来金屋香满离宫三十六春风翦草碧纤纤春雨浥花红扑扑  
卫姬郑女腰如束齐唱阳春新制曲曲终移宴起笙歌花下晚寒生翠縠

前调【题画海棠花】 高观国

胭脂染出春风锦生怕黄昏人有恨雨难揩泪玉环娇烟不遮愁红袖冷  
醉魂吹断香魂静拂拂翠眉羞带粉最怜新燕识风流只为春寒消瘦损

前调 高观国

多时不踏章台路依旧东风芳草渡莺声唤起水边情日影炙开花上雾  
谢娘不信佳期悞认得马嘶迎绣户今宵翠被不春寒只恐香浓春又去

前调 高观国

春烟澹澹生春水曾记芳洲兰棹横?花香到舞衣边汀草色分歌扇底  
棹沉云出情千里愁压双鸳飞不起十年春事十年心怕说湔裙当日意

前调【社前一日】 史达祖

游人等得春晴也处处旗亭咸系马雨前穠杏尚娉婷风里残梅无顾藉  
忌拈鍼指还逢社鬪草羸多裙欲卸明朝新燕定归来叮嘱重帘休放下

前调【梨花】 史达祖

玉容寂寞谁为主寒食心情愁几许前身清淡似梅妆遥夜依微留月住  
香迷蝴蝶飞时路雪在秋千来往处黄昏着了素衣裳深闭重门听夜雨

前调 汪莘

一片江南春色晚牡丹花谢莺声嬾问君离恨几多长芳草连天犹觉短  
昨夜溪头新溜满尊前自起喷龙管明朝飞棹下钱塘心共白苹香不断

前调 方千里

华堂银烛堆红泪解说离人多少意恨从别後更无穷愁到穷时惟一味  
江南渭北三千里憔悴相思何日已马蹄清晓草黏天庭院黄昏花满地

前调 方千里

溶溶水映娟娟秀浅约宫妆笼翠袖舞余杨柳乍萦风睡起海棠犹带酒  
憔悴萧郎缘底瘦那日花前相见後西牕疑是故人来费得罗笺诗几首

前调 杨泽民

奇容压尽羣芳秀枕臂浓香犹在袖自从草草为传杯但觉厌厌常病酒  
堤上路长官柳瘦愁在月明霜落後须知斗帐夜寒多早趁西风回鷁首

前调 吴文英

茸茸狸帽遮梅额金蝉罗翦胡衫窄垂肩争看小腰身倦态强随闲鼓笛  
问称家住城东陌欲买千金应不惜归来困顿殢春眠犹梦婆娑斜趁拍

前调 陈允平

东风跃马长安道一树櫻桃花谢了别来千里梦频归醉里五更愁不到  
江南两?无名草雨过莓苔生嫩葆玉楼人远六么闲帘幙深沉双燕老

前调 陈允平

粉销香减红兰泪總是文君初别意春风织就闷情怀夜月砌成愁况味  
迢迢归梦频东里堪恨洛阳花渐已斜阳日日自相思三十六陂芳草地

前调 陈允平

西园鬪结秋千了日漾游丝烟外袅小桥杨柳色初浓别院海棠花正好  
粉墙低度莺声巧薄薄轻衫宜短帽便?日日醉芳菲未必春风留玉貌

前调 陈允平

柳丝挽得秋光住肠断驿亭离别处斜阳一片水边楼红叶满天江上路  
来鸿去鴈知何数欲问归期朝复暮晚风亭院倚阑干两?芦花飞雪絮

前调 陈允平

长江浩渺山明秀宛转西风惊客袖相逢才系柳边舟相别又倾花下酒  
怪得新来诗骨瘦都在秋娘相识後一天明月照相思芦荻汀洲霜满首

前调 石孝友

小桃破尽风前萼草草年华闲过却十分清瘦有谁知一点相思无处着  
书凭鴈字应难托花与泪珠相对落万红千翠尽春光若比此情犹自薄

前调 石孝友

扁舟破浪鸣双橹岁晚客心纷万绪香红漠漠落梅邨愁翠萋萋芳草渡  
汉皋佩失诚相误楚峡云归无觅处一天明月缺还圆千里伴人来又去

前调【送别】 石孝友

阳关声里催行色马惜离羣人惜别入怀风月记衔杯迎步溪山供散策  
阴飈断渡江吹白晴壑吞云天放碧悬知诗兴满归途三四野梅开的皪

前调 石孝友

寻春误入桃源洞草草幽欢聊与共牢笼风月此时情做造溪山今夜梦  
柳溪未放金丝弄梅径已经香雪冻春愁离恨重於山不信马儿驼不动

前调 周端臣

华堂帘幙飘香雾一搦楚腰轻束素翩跹舞态燕还惊绰约妆容花尽妒  
尊前谩咏高唐赋巫峡云深留不住重来花畔倚阑干愁满阑干无倚处

前调【闻笛】 王武子

红楼十二春寒侧楼角何人吹玉笛天津桥上旧曾听三十六宫秋草碧  
昭华人去无消息江上青山空晚色一声落尽短亭花无数行人归未得

前调 莫 仑

綠杨芳径莺声小帘幙烘香桃杏晓余寒犹峭雨疎疎好梦自惊人悄悄  
凭君莫问愁多少门外江流罗带绕直饶明日便相逢已是一春闲过了

前调 楼 采

东风破晓寒成阵曲锁沉香簪语嫩凤钗敲枕玉声圆罗袖拂屏金缕褪  
云头鴈影占来信歌底眉尖紫浅晕澹烟疎柳一帘春细雨遥山千叠恨

前调【题铅山驿壁】 无名氏

东风杨柳门前路毕竟雕鞍留不住柔情胜似岭头云别泪多於花上雨  
青楼画幕无重数听得楼边车马去若将眉黛染情深直到丹青难画处

前调【芭蕉】 僧 挥

飞香漠漠帘帏暖一线水沉烟未断红楼西畔小阑干尽日倚阑人已远  
黄梅雨过芭蕉晚凤尾翠摇双叶短旧年顔色旧年心留到如今春不管

前调【红梅 宋媛】 李清照

红酥肯放琼瑶碎探着南枝开徧未不知蘊藉几多时但见包藏无限意  
道人憔悴春牕底闲拍阑干愁不倚要来小看便来休未必明朝风不起

前调【侑涪 宋妓翁】 盼 盼

少年看花双鬓绿走马章台弦管逐而今老更惜花深终日看花看不足  
坐中美女顔如玉为我同歌金缕曲归时压得帽檐敲头上春风红簌簌

前调【宴河中瑞雪亭】 冯延登

长原迤迤孤麋卧野色微茫河界破草萦绳屨绿云深花触飞丸红雨妥  
高亭初试煎茶火醉玉渐譁春满座行杯莫厌转筹频佳节等闲飞鸟过

前调 刘 因

未开常探花开未又恐才开风雨至花开风雨不相妨为甚不来花下醉  
今年休作明年计明日已非今日事春风欲劝座中人一片落红当眼坠

前调 刘因

柳梢绿小梅如印乍暖还寒犹未定惜花长是为花愁  
酒却嫌添酒病  
蝇头蜗角都休竞  
万古豪华同一尽  
东君晓夜促归期  
三十六番花递信

前调 刘因

西山不似龐公傲城府有楼山便到欲将华髮染晴嵐  
千里青青浓可埽  
人言华髮因愁早  
劝我消愁惟酒好  
夜来一饮尽千鍾  
今日醒来依旧老

前调 刘因

锦云十里川妃共一棹晚凉风款送只愁无处着清香  
满载月明船已重  
冰壶水监元空洞  
天意似嫌红翠拥  
教风露入银尊  
不惜秋光浑减动

前调 刘景翔

可怜又误江南景雨膩风喧愁入暝依稀碧玉水边魂  
憔悴绿珠楼外影  
点点随人飞远近  
薄幸相逢情怎忍  
年年三月化香尘  
天上人间看梦醒

前调 刘基

江城雨熟黄梅後楼阁青高虚永昼阶前玉露宝珠呈  
叶底夜蟬金石奏  
苍苔不觉残红覆  
匝径沿墙欺组绶  
老来於物總忘情  
漫为青山开北牖

前调 骆文盛

风雨夜来惊枕上春寒晓入梅花帐下牀日午未梳头  
坐看南溪新水涨  
一尊谁与移新酿  
匆匆慰我花间望  
清歌时对碧山倾  
谷口闲云恁无恙

前调【秋夜闻吹箫次韵】 吴子孝

芳筵初奉千金寿妙舞高歌都未有飞仙却送玉箫声  
如君宜坐相如右  
银蟾光映松杉秀  
万顷玻瓈云不厚  
名山佳客两相遭  
知音况遇调元手

前调【阳山题壁】 吴子孝

怜春常恐春归去刚到清明花似雾青山处处可寻春  
况对山光湖影聚  
几宵雨细泥沾絮  
十里月明鸦满树  
美人倾盖即知心  
银烛金杯休记数

前调 杨慎

小寒倦倚相思枕  
丝雨织愁愁欲稔  
绿杨桥畔见谁家  
油壁香车迎阿沈  
莫教错送回文锦  
密地重将青鸟审  
流莺庭户嫩凉天  
月许再圆花再品

前调【燕来】 王锡爵

檐铃忽报新宾拜  
千里乌衣知己惫  
画帘低掠语声轻  
一种风流还自卖  
依旧香巢无敢坏  
花底迎迟君莫怪  
清明时节雨风多  
珍重梁间休出外

前调 沈自炳

盼定玉郎离别处  
空剩紫骝芳草路  
年年同嫁与东风  
只有小楼红杏树  
愁病恹恹魂欲去  
一霎芭蕉寒响聚  
空嗟薄命玉容人  
值得数声秋夜雨

前调【晚春中 明媛桥看月】 郭?

花飞锦带春波簇  
残月流辉明水榭  
万珠的皪照新妆  
故向嫦娥纤手掬  
柳线牵烟轻重绿  
渔灯高下鸳鸯宿  
无情花柳送春归  
不管离人肠断续

前调【又一体夜起避暑】 孟?

冰肌玉骨清无汗  
水殿风来暗香满  
绣帘一点月窥人  
敲枕钗横云鬓乱  
起来琼户悄无声  
时见疎星渡河汉  
屈指西风几时来  
只恐流年暗中换

前调【又一体】 温庭筠

家临长信往来道  
乳燕双双掠烟草  
油壁车轻金犊肥  
流苏帐晓春鸡早  
笼中娇鸟暖犹睡  
帘外落花闲不埽  
衰桃一树近前池  
似惜红颜镜中老

前调 顾复

月照玉楼春漏促  
飒飒风摇庭砌竹  
梦惊鸳被觉来时  
何处管弦声断续  
惆怅少年游冶去  
枕上两蛾攒细绿  
晓莺帘外语花枝  
背帐犹残红蜡烛

前调 顾复

柳映玉楼春日晚  
雨细风轻烟草软  
画堂鹦鹉语雕笼  
金粉小屏犹半掩  
香灭绣帏人寂寂  
倚槛无言愁思远  
恨郎何处纵疎狂  
长使含啼眉不展

前调【又一体】 牛 峤

春入横塘摇浅浪  
花落小园空惆怅  
此情谁信为狂夫  
恨翠愁红流枕上  
小玉牕前  
嗔燕语红泪滴穿金线缕  
鴈归不见报郎归  
织成锦字封过与

瑞鹧鸪

【双调五十六字一名舞春风一名鹧鸪词通首皆平韵与七言近体诗无异若用仄韵即系玉楼春木兰花调也】

瑞鹧鸪 冯延巳

严妆才罢怨春风  
粉墙画壁宋家东  
蕙兰有恨枝犹绿  
桃李无言花自红  
燕燕巢时罗幕卷  
莺莺啼处凤台空  
少年薄幸知何处  
每夜归来春梦中

前调 欧阳修

楚王台上一神仙  
眼色相看意不传  
见了又休还似梦  
坐来虽近远如天  
陇禽有恨犹能说  
江月无情也解圆  
更被春风送惆怅  
落花飞絮两翩翩

前调【观潮】 苏 轼

碧山影里小红旗  
依是江南踏浪儿  
拍手欲嘲山简醉  
齐声争唱浪婆词  
西兴渡口帆初落  
渔浦山头日未敲  
依欲送潮歌底曲  
尊前还唱使君诗

前调 贺 铸

月痕依约到西厢  
曾羡花枝拂短墙  
初未识愁那得泪  
每浑疑梦奈余香  
歌逢嫋处眉先妩  
酒半酣时眼更狂  
闲倚绣帘吹柳絮  
问人何似冶游郎

前调 杜安世

夜来风雨损余芳  
数片衰红落槛傍  
媚景背人容易去  
半轩飞絮日空长  
从来不信相思切  
及至如今信感伤  
独立黄昏绣帘外  
可堪新月露圆光

前调【送别】 葛胜仲

两年人住岂无情  
别乘辞华似水清  
何事千锺勤饮饯  
故知一别未能轻  
解龟虽幸樊笼出  
挂席还愁海汐平  
江草江花都是泪  
骊驹休作断肠声



前调 赵师侠

榴花五月眼边明  
角簾流冰午梦清  
江上扁舟停画桨  
云间一笑濯尘缨  
主人杯酒流连意  
倦客关河去住情  
都付邮亭今日水  
伴人东去到江城

前调 张元干

雏莺初啜鬪尖新  
双蕊花娇掌上身  
總解满斟偏劝客  
多生俱是绮罗人  
回波偷顾轻招拍  
方响低敲更合 岂  
?梢头春欲透  
情知巫峡待为云

前调 张元干

香佩潜分紫绣囊  
野塘波急拆鸳鸯  
春风灞?空回首  
落日西陵更断肠  
雪下哦诗怜谢女  
花间为令胜潘郎  
从今千里同明月  
再约圆时拜夜香

前调 侯寘

遥天拍水共空明  
玉镜开奩特地晴  
极目秋容无限好  
举头醉眼暂须醒  
白眉公子催行急  
碧落仙人着句清  
後夜萧萧葭苇?一  
尊独酌见离情

前调【京口怀山中故人】 辛弃疾

暮年不赋短长词  
和得渊明数首诗  
君自不归归甚易  
今犹未足足何时  
偷闲定向山中老  
此意须教鹤辈知  
闻道只今秋水上  
故人曾榜北山移

前调【瑞香】 程垓

东风冷落旧梅台  
犹喜山花拂面开  
绀色染衣春意净  
水沉熏骨晚风来  
柔条不学丁香结  
矮树仍参茉莉栽  
安得方盆栽幽植  
道人随处作香材

前调 程垓

门前杨柳绿成阴  
翠坞笼香径自深  
迟日煖熏芳草眼  
好风轻撼落花心  
无多春恨莺难语  
最晚朝眠蝶易寻  
惟有狂醒不相贷  
酿成憔悴到如今

前调【咏落梅】 尤袤

清溪西畔小桥东  
落月纷纷水映空  
五夜客愁花片里  
一年春事雨声中  
歌残玉树人何在  
舞破山香曲未终  
却忆孤山醉归路  
马蹄香雪衬东风

前调【逆旅除夜大雨】 卢 炳

客里惊嗟又岁除萧萧寒雨滴茆庐山深溪转泉声碎夜永风摇烛影孤  
冷甚只多烧木叶诗成无处写桃符强酬节物聊清酌今岁屠苏自取疎

前调 郭从范

倾城一笑得人留舞罢娇娥敛黛愁明月宝鞦金络背翠琼花珥碧搔头  
晴云片雪腰肢嫋晚吹微波眼色秋清露亭皋芳草绿轻绡软挂玉帘鉤

前调【歌妓入空门】 陈彭年

尽出花钿三宝津云鬟初翦向残春因惊风烛难留世遂作池莲不染身  
贝叶乍翻疑锦轴梵声才学误梁尘从兹艷质归空後湘浦应无解佩人

前调 詹 正

背人西去一莺啼拍手还惊百舌飞浅雨微寒春有思宿妆残酒欲恹诗  
鵙鶯浪起蒲茸暖翡翠风来柳絮低故遣苍头寻杏子凭肩小语只心知

前调 詹 正

东洲游伴寄兰荅人日晴时不用招微雨来看杨柳色故人相遇浴龙桥  
愁如春水年年长老共东风日日消几欲作牋无可寄双鱼犹自等归潮

前调 京师妓

昔时曾侍汉梁王濯锦江边醉几场拂石坐来衫袖冷踏花归去马蹄香  
当初酒醖寧辞醉今日愁怀不易当暗想旧游浑似梦芙蓉城下水茫茫

前调 杨 慎

垂杨垂柳管芳年飞絮飞花媚远天金蚕抱春寒食後玉蛾翻雪暖风前  
别离河上还江上抛掷桥边共路边游子魂消青塞月美人肠断碧楼烟

前调【湖上上元】 卓人月

城中火树落金钱城外湖波起碧烟夜夜夜深歌子夜年年年节度丁年  
琉璃一段湖称圣琥珀千鍾酒号贤自分嬾追儿女队玉梅花下拾花钿

御选历代诗余卷三十二

## 卷三十三

<集部,词曲类,词选之属,御选历代诗余

钦定四库全书

御选历代诗余卷三十三目录【五十六字】

南乡子【又一体】

冯延巳

前调【又一体】

冯延巳

晏几道【四首】

张先【三首】

苏轼【十一首】

黄庭坚【三首】

秦观

陈师道【四首】

李之仪【四首】

葛胜仲【三首】

谢逸

周邦彦【五首】

吕渭老【二首】

向子諲

蔡伸

叶梦得【二首】

赵师侠

吴亿

曾覲

程垓

辛弃疾【四首】

朱熹

赵彦端【三首】

陆游【二首】

陈亮

黄机

王炎

洪咨夔

汪莘

方千里

杨泽民

黄昇【二首】

潘昉

蒋捷【二首】

张炎【四首】

孙惟信

葛长庚【二首】

郑文妻

张弘范

赵孟頫

刘因

曹伯启

张翥【二首】

倪瓒

张埜

刘基

杨基

骆文盛

吴子孝【六首】

文徵明

沈周

黄正色

王衡

顾士林

张 草

冯鼎位

御选历代诗余卷三十三目录

钦定四库全书

御选历代诗余卷三十三【五十六字】

司经局洗马掌局事兼翰林院修撰加二级【臣】王奕清奉旨校刊

南乡子

【又一体双调五十六字】

南乡子 冯延巳

细雨泣被风金凤花残满地红闲蹙黛眉慵不语情绪寂寞相思知几许  
玉枕拥孤衾挹恨还闻岁月深帘卷曲房谁共醉顚顚惆怅秦楼弹粉泪

前调【又一体】 冯延巳

细雨湿流光芳草年年与恨长烟锁凤楼无限事茫茫鸾镜鸳衾两断肠  
魂梦任悠扬睡起杨花满绣牀薄幸不来门半掩斜阳负你残春泪几行

前调 晏几道

渌水带春潮水上朱阑小渡桥桥上女儿双笑靥妖娆

倚着阑干弄柳条月夜落花朝减字偷声按玉箫柳外行人回首处迢迢若比银河路更遥

前调 晏几道

小蕊爱春风日日宫花花树中恰向柳絲撩乱处相逢笑靥旁边心事浓  
归路草茸茸家在秦楼更近东醒去醉来无限事谁同说着西池满面红

前调 晏几道

花落未须悲红蕊明年又满枝惟有花间人别後无期水阔山长鴈字迟  
今日最相思记得攀条话别离共说春来春去事多时一点愁心入翠眉

前调 晏几道

新月又如眉长笛谁教月下吹楼倚暮云初见鴈南飞谩道行人鴈後归  
意欲梦佳期梦里关山路不知却待短书来破恨应迟还是凉生玉枕时

前调【南徐中秋】 张先

湖上水清浑棹影轻於水底云去意徘徊无奈泪衣巾犹有当时粉黛痕  
海近古城昏暮角寒沙鴈队分今夜相思应看月无人露冷依前独倚门

前调 张先

何处可魂销京口终朝两信潮不管离心千叠恨滔滔催促行人动去桡  
记得旧江皋绿杨轻絮几条条春水一篙残照阔遥遥有个多情立画桥

前调 张先

相并细腰身时样宫妆一样新曲项胡琴鱼尾拨离人入塞弦声水上闻  
天碧染衣巾血色轻罗碎摺裙百卉已随霜女妒东君暗折双花惜小春

前调 苏轼

晚景落琼杯照眼云山翠作堆认得岷峨春雪浪初来万顷蒲萄涨绿醅  
暮雨暗阳台乱洒高楼湿粉腮一阵东风来卷地吹回落照江天一半开

前调【梅】 苏轼

寒雀满疎篱争抱寒柯看玉蕤忽见客来花下坐惊飞踏散芳英落酒卮  
痛饮又能诗坐客无毡醉不知花尽酒阑春到也离离一点微酸已着枝

前调【劝李公择酒】 苏轼

不到谢公台明月清风好在哉旧日髯孙何处去重来短李风流更上才  
秋色渐摧颓满院黄英映酒杯看取桃花春二月争开尽是刘郎去後栽



前调【重九?辉楼】 苏轼

霜降水痕收浅碧鳞鳞露远洲酒力渐消风力软飐飐破帽多情却恋头  
佳节若为酬但把清尊断送秋万事到头都是梦休休明日黄花蝶也愁

前调 苏轼

回首乱山横不见居人只见城谁似临平山上塔亭亭迎客西来送客行  
临路晚风清一枕初寒梦不成今夜残灯斜照处荧荧秋雨晴时泪不晴

前调 苏轼

冰雪透香肌姑射仙人不似伊濯锦江头新样锦非宜故着寻常澹薄衣  
暖日下重帏春睡香凝索起迟曼倩风流缘底事当时爱被西真唤作儿

前调 苏轼

旌旆满江湖诏发楼船万舳舻投笔将军应笑我痴愚靶首腰刀是丈夫  
粉泪怨离居喜子垂窗报捷书试问伏波三万语何如一斛明珠换绿珠

前调 苏轼

未倦长卿游漫舞天歌烂不收不是使君能矫世谁留教有琼梳脱麝油  
香粉缕金球花艳红笺笔欲流从此丹唇并皓齿清柔唱徧山东一百州

前调【赠田叔通家舞鬟】 苏轼

绣鞅玉鐙游灯晃疎帘笑却收久立香车催欲上还留更且檀唇点杏油  
花徧六么球面旋回风带雪流春入腰肢金缕细轻柔种柳应须柳柳州

前调【集句二首】 苏轼

怅望送春杯渐老逢春能几回花满楚城愁远别伤怀何况清丝急管催  
吟断望郷台万里归心独上来景物登临闲始见徘徊一寸相思一寸灰

前调 苏轼

何处倚阑干弦管高楼月正圆蝴蝶梦中家万里依然老去愁来强自宽  
明镜借红颜须着人间比梦间蜡烛半笼金翡翠更阑绣被焚香独自眠

前调【九日寄彭道微】 黄庭坚

卧稻雨余收处处游人簇远洲白髮又挨红袖醉戎州乱摘黄花插满头  
青眼想风流画出当时一?秋却忆去年欢意舞梁州塞鴈西来特地愁

前调【九日宜州城楼】 黄庭坚

诸将说封侯短笛长歌独倚楼万事尽随风雨去休休戏马台南金络头  
催酒莫迟留酒味今秋似去秋花向老人头上笑羞羞白髮簪花不解愁

前调【集句】 黄庭坚

黄菊满东篱与客携壶上翠微已是有花兼有酒良期不用登临怨落晖  
满酌不须辞莫待无花空折枝寂寞酒醒人散後堪悲节去蜂愁蝶未知

前调 秦观

妙手写徽真水翳双眸点绛唇疑是昔年窥宋玉东邻只露墙头一半身  
往事已酸辛谁记当时翠黛颦尽道有些堪恨处无情任是无情也动人

前调【九日次东坡韵】 陈师道

晴野下田收照影寒江落鴈洲禅榻茶炉深闭阁飕飕横雨旁风不到头  
登览却轻酬回鴈峰南未得秋唤取佳人听旧曲休休瘴雨蛮花孰与愁

前调 陈师道

风絮落东邻点缀繁枝旋化尘关锁玉楼巢燕子冥冥桃李摧残不见春  
流转到如今翡翠生儿翠作衿花样腰身宫样立婷婷困倚阑干一欠伸

前调【咏棣棠菊】 陈师道

乱蕊压枝繁堆积金钱闹作团晓起涂黄仍带酒看看衣赭腰肢故着单  
薄瘦却禁寒牵引人心不放阑拟折一枝遮老眼难难蝶横蜂争只倚栏

前调 陈师道

急雨打寒牕雨气侵灯暗壁釭窗下有人挑锦字行行泪湿红绡减旧香  
往事最难忘更着秋声说断肠曲渚圆沙风叶底藏藏谁使鸳鸯故作双

前调 李之仪

春後雨余天  
娅姹黄鹂胜管弦  
榴叶千灯初报暑  
阶前祇有茶瓯味最便  
身世几蹉跎  
自觉年来更可怜  
欲问此情何所似  
延缘看取牕间坠柳絲

前调 李之仪

绿水满池塘  
点水蜻蜓避燕忙  
杏子压枝黄半熟  
邻墙风送荷花几阵香  
角簟衬牙牀  
汗透鲛绡昼影长  
点滴芭蕉疎雨过  
微凉画角悠悠送夕阳

前调 李之仪

睡起绕回塘  
不见衔泥燕子忙  
前圃花梢都绿徧  
西墙犹有轻风递暗香  
步嬾恰寻牀  
卧看游丝到地长  
自恨无聊常病酒  
凄凉岂有才情似沈阳

前调【端午】 李之仪

小雨湿黄昏  
重午佳辰独掩门  
巢燕引雏浑去尽  
销魂空向梁间觅宿痕  
客舍宛如邨  
好事无人载一尊  
唯有莺声知此恨  
殷勤恰似当时枕上闻

前调【与文中诸公泛南溪】 葛胜仲

柳?正飞絲  
选胜齎轻漾  
碧涟笑语忘怀机事尽  
鸥边万顷溪光上下天  
菰苇久延缘  
不觉遥峰霭暮烟  
对酒莫嫌红粉陋  
婣娟自有孤高月里仙

前调【九日次东坡韵】 葛胜仲

晴日乱云收  
人在苹香柳恹洲  
溪上清风楼上醉  
飕飕共折黄花插满头  
佳客献还酬  
不负山城九日秋  
苕碧卞青供酩酊  
休休楚客当年浪自愁

前调 葛胜仲

拂檻晓云鲜  
销暑楼危竦半天  
曾是携宾当荐九  
开筵度水縈山奏管弦  
黄菊映华顛  
千骑重来已六年  
楼下东流当日水  
依然更对周旋旧七贤

前调 谢逸

浅色染春衣  
衣上双双小燕飞  
袖卷藕丝寒玉瘦  
弹棊赢得尊前酒  
一卮冰雪拂胭脂  
绛蜡香融落日西  
唱彻阳关人欲去  
依依醉眼横波翠黛低

前调 周邦彦

晨色动妆楼短蜡荧荧悄未收自在开帘风不定飏飏池面冰渐趁水流  
早起怯梳头欲绾云鬟又却休不会沉吟思底事凝眸两点春山满镜愁

前调 周邦彦

秋气遶城闉暮角寒鸦未掩门记得佳人冲雨别吟兮别绪多於雨後云  
小棹碧溪津恰是江南第一春应是采莲闲伴侣相寻收到莲心与旧人

前调 周邦彦

寒夜梦初醒行尽江南万里程早是愁来无会处时听败叶相传细雨声  
书信也无凭万事由他别後情谁信归来须及早长亭短帽轻衫走马迎

前调 周邦彦

户外井桐飘澹月疎星共寂寥恐怕霜寒初索被中宵已觉秋声引鴈高  
罗带束纤腰自翦灯花试彩毫收起一封江北信明朝为问江头早晚潮

前调 周邦彦

夜阔梦难收宋玉多情我结俦千点漏声万点泪悠悠霜月鸡声几段愁  
难展皱眉头怨句哀吟送客秋蟋蟀牀头调夜曲啾啾又听惊人鴈过楼

前调 吕渭老

小雨阻行舟人在烟林古渡头欲挈一尊相就醉无由惟见横波入鬓流  
百计不迟留明月他时独上楼水尽又山山又水夷犹占断江南万斛愁

前调 吕渭老

燕子唤春归梦逐杨花满院飞吹过西家人不见依依萍点荷钱又满池  
屈指数佳期何日凭肩对展眉倾尽十分应不醉迟迟可惜樱桃杏子时

前调【大雪】 向子諲

梅与雪争姝试问春风管得无除却个人多样态谁如细把冰姿比玉肤  
一面倒金壶既醉仍烦翠袖扶同向凌风台上看何如且与蓼林作画图

前调 蔡伸

木落鴈南翔锦鲤殷勤为渡江泪墨银钩相忆字成行滴损云笺小凤凰  
陈事费思量回首烟波卷夕阳尽道凭书聊破恨难忘及至书来更断肠

前调【池亭新成晚步】 叶梦得

浅碧蘸鳞鳞照眼全无一点尘百草千花都过了初新翠竹高槐不占春  
歌笑堕纶巾午睡醒来尚欠伸待得月明归去也香苹更有凉风解送人

前调【自後圃晚步湖上】 叶梦得

小院雨新晴初听黄鹂第一声满地绿阴人不到盈盈一点孤花尚有情  
却傍水边行叶底跳鱼浪自惊日暮小舟何处去斜横冲破波痕久未平

前调 赵师侠

月转水晶盘楼上初闻一鼓残又是去年天气好栏干风动梅梢玉鬪寒  
无奈壮情阑对酒如何欲强欢谁道破愁须仗酒君看酒到愁多破亦难

前调 吴亿

江上雪初消暖日晴烟弄柳条认得裙腰芳草绿魂消曾折梅花过断桥  
蝉鬓为谁凋长恨含娇那处娇遥想晚妆呵手罢无聊更傍朱唇暖玉箫

前调【席上】 曾觌

霜月晓云收萧瑟西风满院秋雅会难期嗟易散迟留把酒听歌且劝酬  
万事悠悠只有情亲意未休後夜扁舟烟浪里回头叶叶丹枫總是愁

前调 程垓

几日诉离尊歌尽阳关不忍分此度天涯真个去销魂相送黄花落叶邨  
斜日又黄昏萧寺无人半掩门今夜粉香明月泪休论只要罗巾记旧痕

前调 辛弃疾

隔户语春莺才挂帘儿歛袂行渐见凌波罗襪步盈盈随笑随颦百媚生  
着意听新声尽是司空自教成今夜酒肠难道窄多情莫放纱笼蜡炬明

前调【舟中记梦】 辛弃疾

敲枕橹声边贪听呶哑聒醉眠梦里笙歌花底去依然翠袖盈盈在眼前  
别後两眉尖欲说还休梦已阑只怪无情前夜月相看不管人愁独自圆

前调【送友赴高安户曹】 辛弃疾

日日老莱衣更解风流蜡凤嬉膝上放教文度去须知要使人看玉树枝  
剩记乃翁诗绿水红莲觅旧题归骑春山花满路相期来岁流觴曲水时

前调【登京口北固亭有怀】 辛弃疾

何处望神州满眼风光北固楼千古兴亡多少事悠悠不尽长江滚滚流  
年少万兜鍪坐断东南战未休天下英雄谁敌手曹刘生子当如孙仲谋

前调【次张安国韵】 朱熹

落日照楼船稳过澄江一片天珍重使君留客意依然风月从今别一川  
离绪悄危弦永夜清霜透幕幰明日回头江树远怀贤目断晴空鴈字连

前调【同韩子东饮汪德召新楼】 赵彦端

风露晚珊珊洛下湘中接佩环急把一杯相劳苦云端只恐冰肌亦自寒  
二客共阑干潋潋鲸波吸未乾待得月华移十丈乘懽更上层楼极处看

前调 赵彦端

浓绿暗芳洲春事都随芍药休风雨只愁梅子熟飐飐却送行人一夜秋  
新月幸如鉤三五还催玉监浮一段离愁溪样远悠悠只是溪流浅似愁

前调【集句】 赵彦端

牕户映朝光花气浑如百和香即遣花飞深造次茫茫曲渚飘成锦一张  
相忆莫相忘并蒂芙蓉本自双草色连云人去住堪伤海上尖峰似劒鉞

前调 陆游

归梦寄吴檣水驿江程去路长想见芳洲初系缆斜阳烟树参差认武昌  
愁鬓点新霜曾是朝衣染御香重到故乡交旧少凄凉却恐他乡胜故乡

前调 陆游

早岁入皇州尊酒相逢尽胜流三十年来真一梦堪愁客路萧萧两鬓秋  
蓬峤偶重游不待人嘲我自羞看镜倚楼俱已矣扁舟月笛烟蓑万事休

前调【谢永嘉诸友相饯】 陈亮

人物满东瓯别我江心识俊游北尽平芜南似画中流谁系龙骧万斛舟  
去去几时休犹是潮来更上头醉墨淋漓人感旧离愁一夜西风似夏不

前调 黄机

帘幙閤深沉灯暗香销夜正深花落画檐鸣细雨涔涔滴破相思万里心  
晓色未平分翠被寒生不自禁待得梦成翻恶况堪顰飞鴈新来也误人

前调 王炎

云澹日曛明久雨潺潺乍得晴社近东皋农务急催耕又见菖蒲出水青  
池面縠纹平掠水迎风燕羽轻试出访寻春色看相迎巧笑花枝似有情

前调【德清舟中和韵】 洪咨夔

霜月冷婷婷夹?芦花雪点成短艇水晶宫里系闲情谁道芙蓉更有城  
阿鹊数归程人倚低窗小画屏莫恨年华飞上鬓堪凭一度春风一度莺

前调 汪莘

茅舍起疎烟家在寒谿阿那边修竹当篱梅当户萧然问是尧天是葛天  
风雨入新年惟恐春陰咽管弦绿酒一尊歌一曲人传不属天仙属散仙

前调 方千里

西北有高楼澹霭残烟渐渐收几阵凉风生客袖飏飏心逐年华袞袞流  
花卉满前头疎嬾心情百事休闲倚阑干无一语回眸鼓角声中唤起愁

前调 杨泽民

乘月上高楼一片清光浩莫收帘卷西风知客意飏飏山自纵横水自流  
却遶古城头尘事匆匆得少休遥送征鸿千里外明眸消尽人间万种愁

前调 黄昇

多病带围宽未到衰年已鲜欢梦破小楼风马响珊珊缺月无情转画栏  
凉入苧衾单起剔灯花夜欲阑书册满牀空伴睡慵观拈得渔樵笛谱看

前调【冬夜】 黄昇

万籁寂无声衾铁棱棱近五更香断灯昏吟未稳凄清只有霜华伴月明  
应是夜寒凝恼得梅花睡不成我念梅花花念我关情起看清冰满玉瓶

前调 潘牂

生怕倚阑干阁下水声阁外山空有旧时山共水依然暮雨朝云去不还  
想见蹑飞鸾月下时时认佩环月又渐低霜又下更阑折得梅花独自看

前调 蒋捷

泊鴈下汀洲冷澹湔裙水漫流裙上唾花无觅处重游隔柳惟存月半鉤  
准拟架层楼望得伊家见始休还怕粉云天未起悠悠化作相思一片愁

前调【元夕】 蒋捷

翠幰夜游车不到山边与水涯随分纸灯三四盏邻家便做元宵好景夸  
谁解倚梅花思想灯球坠绦纱旧说梦华犹未了堪嗟才百余年又梦华

前调【忆春】 张炎

歌扇锦连枝问着东风已不知怪底楼前多种柳相思那叶浑如旧样眉  
醉里眼都迷遮莫东墙带笑窥行到寻常游冶处慵归只道看花似向时

前调 张炎

风月似孤山千树斜横水一环天与清香心独领怡颜冰雪中间屋数间  
庭户隔尘寰自有云封底用关却笑桃源深处隐跻攀引得渔翁见不难

前调【杜陵醉归手卷】 张炎

晴野事春游老去寻诗苦未休一似浣花溪上路清幽烟草纤纤水自流  
何处偶迟留犹未忘情是酒筹童子策驴人已醉知不醉里眉横万叠愁



前调【竹居】 张炎

爱此碧相依卜筑西园隐逸时三径成阴门可款幽栖苍雪纷纷冷不飞  
青眼旧心知瘦节终堪岁晚期人在清风来往处吟诗更好梅花看一枝

前调 孙惟信

璧月小红楼听得吹箫忆旧游霜冷阑干天似水扬州薄幸声名總是愁  
尘暗鷓鴣裘裁翦曾劳玉指柔一梦觉来三十载风流空对梅花白了头

前调【爱阁赋别】 葛长庚

夜月照千峰影满荷池静裊风明日今宵还感慨梧桐叶叶随风扬碧空  
聚散与谁同野鹤孤云有底踪别後要知相忆处无穷總在青山夕照中

前调 葛长庚

前度几相逢日日从游乐不同竹阁荷亭欢聚处雍容如在蓬莱第一宫  
夜半月朦朧秉烛东园风露中明日匆匆还入淞冲冲却把音书寄远鸿

前调 郑文妻

晓日压重檐斗帐春寒起未忺天气困人梳洗嬾眉尖淡画春山不喜添  
闲把绣丝撚认得金鍼又倒拈陌上游人归也未厌厌满院杨花不卷帘

前调 张弘范

烟草入重城马首关山接去程几度留君留不住伤情一片秋蝉雨後声  
无语泪纵横别酒和愁且强倾後会有期须记取叮咛莫负中秋夜月明

前调【歌妓】 赵孟頫

云拥髻鬟愁好在张家燕子楼稀翠疎红春欲透温柔多少闲情不自由  
歌罢锦纏头山下清波左右流曲里吴音娇未改障羞一朵芙蓉两扇秋

前调【张彦通寿】 刘因

窗下络车声牕畔儿童课六经自种墙东新菜荚青青随分杯盘老幼情  
千古董生行鸡犬昇平画不成应笑东家刘孝子无能纵饮狂歌不治生

前调【四川道中作】 曹伯啓

蜀道古来难数日驰驱兴已阑石栈天梯三百尺危栏应被旁人画里看  
两握不曾乾俯瞰飞流过石滩到晚才知身是我平安孤馆青灯夜更寒

前调【驿夫夜唱孤鴈】 张翥

野唱自凄凉一曲孤鸿欲断肠恰似竹枝哀怨处潇湘月冷云昏觅断行  
离思楚天长风闪青灯雨打牕惊起小红楼上梦悠扬只在佳人锦瑟傍

前调【赏木芙蓉】 张翥

秋色照波明夹?芙蓉似锦城罨画楼台红粉面轻盈未许黄徐写得成  
一舸载杨琼共醉花前玉笛声记得青鸾和月跨三生我是仙家石曼卿

前调 倪瓚

篷上雨潺潺篷底离人梦故山礀户林扉元不闭萧闲只有飞云可往还  
波冷玉珊珊一壑松风引佩环咏得池塘青草句更阑行尽千峰一霎间

前调【赠歌者怡云】 张埜

霭霭度南空花影长如月影中曾为清歌还少驻匆匆变作尊前喜气浓  
一笑为谁容只许幽人出处同却恐等闲为雨後东风吹过巫山第几峰

前调【八咏楼作】 刘基

鸣雨过庭除病骨峻嶒不自扶强倚阑干成小立萧疎立困依然作宰予  
惊觉失华胥楼外青山落照余谁似庄周能化蝶蘧蘧心上闲愁一点无

前调【咏鸥】 杨基

春水绿迢迢长与鳬鹭点翠苗一向逐波浮不定飘飘又逐东风下晚潮  
闲倚木阑桡相近相亲不用招今夜月明何处觅遥遥两?芦花雪未消

前调【夏日游竹隐寺】 骆文盛

雨洗碧山头蔼蔼岫光翠欲流归骑不妨苔径滑飕飕竹下凉生暗入秋  
缓步出林丘何日重来续胜游佳思却凭清梦远悠悠骑鹤还寻海上洲

前调【同友泛北溪】 吴子孝

画舫却如梭城下秋光染翠波齐女门前衰柳暮烟和万井人家笑语多  
隔水奏笙歌来往帆樯载绮罗最是江南丰乐地如何一夜西风老芰荷

前调 吴子孝

金颗一林黄橘实累累未着霜纤手试开秋色里琼浆小进罗衣满袖香  
楼角盼斜阳帘卷横溪怯晚凉新月如眉溪水上弯长闲客闲情欲断肠

前调【效冯延巳作四首】 吴子孝

细雨湿轻烟烟外鸠声欲暮天望断天涯人不见緜緜泪尽残釭只自眠  
芳草碧凄然憔悴心情减去年欲遣闲愁那可得花前忍见长空片月圆

前调 吴子孝

细雨湿山岚强对菱花思不堪幽院寂寥莺语急江南轻煖轻寒未易谖  
新酒最难酣独坐寻思理翠簪鴈素不来门半掩髣髴杨柳如丝覆碧潭

前调 吴子孝

细雨湿斜阳花压阑干尽试芳画梦寻君游冶处茫茫水远山遥梦已忘  
翠枕倚笼香雨歇杨花又满塘春色归来人不到愁肠一日千回绕越乡

前调 吴子孝

细雨湿东风後苑花开又满丛纤手弄花愁不语匆匆妾貌如花得久红  
搵泪祝天公愿得长年托化工花不飘零人不老相同花美人欢百岁中

前调 文徵明

雨过绿阴稠燕子飞来特地游日暮重重帘幙闭悠悠残梦关心嬾下楼  
芳草弄春柔欲下晴丝不自由青粉墙西人独自休休花自纷纷水自流

前调 沈周

天地一痴仙写画题诗不换钱画债诗逋忙到老堪怜白作人情白结缘  
无兴最今年浪拍茅堂水浸田笔砚只宜收拾起休言但说移家上钓船

前调【辽阳作】 黄正色

清世愧无能窃得微阶正不胜天地包容投远塞相应投杼慈亲本爱曾  
静坐读伽楞百念几同二月冰朔漠清寒虽特甚休憎古训从来只自惩

前调【墙外春】 王衡

午日晕红椒流白天丝任意飘酒幕香车东去了聊萧燕子衔花坐浅巢  
茂苑更春饶柳叶芦芽月满桥席底人人应念道樱桃剩得莺残雨又敲

前调 顾士林

风雨上孤舟满目帆樯带急流酒界诗怀无冷煖优游一任凉飈发素秋  
何事愧金裘痛读离骚伴客游逆数归期归未得淹留千顷烟波天际头

前调 张 草

芳草翠烟浓蕉叶零零夜雨中无数浮萍风皱转情同残梦天涯断远钟  
独立在帘栊双燕新扶柳岸风鷁鷁冲寒花事晚繁红滴湿胭脂落几丛

前调 冯鼎位

银蒜押轻帘满眼寒光耀玉蟾偏是垂杨摇曳处纤纤眉黛春深冻不拈  
飞絮满雕檐半入江潮锦浪添携伴卷帘新酿好厌厌莫管东风分外尖

御选历代诗余卷三十三

## 卷三十四

钦定四库全书

御选历代诗余卷三十四目錄【起五十六字至五十七字】

步蟾宫【又一体】

鍾过

蒋捷【三首】

无名氏

夜行船【又一体】

赵长卿

杨无咎【二首】

黄机

许棐

高观国

史达祖

吴文英【三首】

周密【二首】

前调【又一体】

欧阳修

前调【又一体】

杨无咎

送将归

王观

凤衔杯

晏殊

前调【又一体】

晏殊【二首】

卓牌儿

杨无咎

恋绣衾

赵汝茆

楼上曲

张元干【二首】

临江仙【又一体】

赵长卿

西江月【又一体】

赵与仁

锦帐春

戴复古

厅前柳

无名氏

柳摇金

无名氏

茶瓶儿【又一体】

李元膺

清江曲

苏庠

翻香令

苏轼

市桥柳

蜀中妓

河传【又一体】

叶小鸾

梅花引

王特起【二首】

赵秉文

高宪

前调【又一体】

万俟雅言

一斛珠

南唐李煜

晏几道【四首】

张先【二首】

苏轼【三首】

黄庭坚

晁补之

周紫芝【二首】

谢逸

周邦彦

赵长卿

张元干

张抡【二首】

侯寘【二首】

范成大

程垓【二首】

周必大

管监

王千秋

陆游

黄机



刘光祖

毛幵

高观国

史达祖

张榘

沈端节

吴文英

周密【三首】

王沂孙

张炎【二首】

石孝友【三首】

薛梦桂

王坊

陈继儒

陈子龙

夜游宫

秦观

贺铸

毛滂

周邦彦【三首】

吕渭老

张孝祥

方千里

杨泽民

吴文英【二首】

御选历代诗余卷三十四目录

钦定四库全书

御选历代诗余卷三十四【起五十六字至五十七字】

司经局洗马掌局事兼翰林院修撰加二级【臣】王奕清奉旨校刊

步蟾宫

【又一体双调五十六字】

步蟾宫 鍾 过

东风又送酴醾信早吹得愁成潘鬓  
花开犹似十年前人不似十年前俊  
水边珠翠香成阵也消得燕窥莺认  
归来沉醉月朦胧觉花气满襟犹润

前调【中秋】 蒋 捷

去年云掩冰轮皎喜今岁微云俱埽  
乾坤一片玉琉璃怎算得清光多少  
无歌无酒痴顽老对愁影翻嫌分晓  
天公原不负中秋我自把中秋负了

前调【木樨】 蒋 捷

緑华翦碎娇云瘦  
賸妆点菊前蓉後  
娟娟月也染成香

又何况纖罗襟袖  
秋窗一夜西风骤  
翠匳鎖琼珠花  
鏤人间富贵总腥羶  
且和露攀花三嗅

前调 蒋 捷

玉牕掣鎖香云漲喚綠袖低敲方响流蘇拂處字微譌但斜倚紅梅一晌  
蒙蒙月在帘衣上做池館春陰模樣春陰模樣不如晴這催雪曲兒休唱

前調 無名氏

東風捏就腰肢細系六幅裙兒不起從來只慣掌中行怎忍在燭花影里  
酒紅應是鉛華退暗蹙損眉峰雙翠夜深着繡小鞦兒靠那個屏風立地

夜行船

【又一体一名雨中花令一名明月棹孤舟雙調五十六字】

夜行船 趙長卿

綠鎖牕紗梧葉底麥秋時曉寒慵起宿酒厭厭殘香冉冉渾是那時天氣  
別日不堪頻屈指回頭早一年不啻搔首無言闌干十二倚了又還重倚

前調 楊無咎

翠袖輕籠檀板轉听声声曉鶯初啖花落江南柳青客舍多少舊愁新怨  
我也尋常听见慣渾不似這番撩亂調少情多語嬌聲咽曲与寸腸俱斷

前調 楊無咎

怪被東風相錯誤落輕帆暫停烟渚桐樹陰森茆檐瀟灑元是那回來處  
相与狂朋沽綠醕听仙姬隔牕言語我既痴迷卿還留戀明月慢移船去

前調【京口南園】 黃 機

紅濺羅裙三月二露桃開柳絲又起百尺游絲罨鶯留燕判与南園一醉  
歷歷斜陽明野水倚危欄暮云千里說与游人直須燒燭早晚綠陰青子

前調 許 棐

一簪東風留不住離歌斷日斜春暮多事啼鶯妬情飛燕一路送人歸去  
文君自被琴心誤却惆悵落花飛絮錦字機寒玉爐烟冷門外亂山無數

前調 高觀國

翦水天风吹醉醒高楼外冻云愁凝袖口香寒歌喉春暖不管鴈边寒紧  
琼屑瑶花飞碎影应须待玉田千顷小约梅英教吟柳絮春在绣红鸳锦

前调【闻卖杏花有感】 史达祖

不翦春衫愁意态过收灯有些寒在小雨空帘无人深巷早已杏花先卖  
白髮潘郎宽沈带怕看山忆他眉黛草色拖裙烟光惹鬓常记故园挑菜

前调【赠赵梅壑】 吴文英

碧甃清漪方镜小绮疏净半尘不到古鬲香深宫壶花换留取四时春好  
楼上眉山云窈窕香衾梦镇疎清晓并蒂莲开合欢屏暖玉漏又催朝早

前调【寓化度寺】 吴文英

鸦带斜阳归远树无人听数声钟暮日与愁长心灰香断月冷竹房扃户  
画扇青山吴苑路傍怀袖梦飞不去忆别西池红绡感泪肠断粉莲啼露

前调 吴文英

逗晓阑干沾露水归期杳画檐鹊喜粉汗余香伤秋中酒月落桂花影里  
几曲屏山和梦倚行云重梦飞不起红叶中庭绿尘斜桂应是宝箏慵理

前调 周密

蛩老无声深夜静新霜灿一帘灯影妒梦鸿高借愁月浅紫乱恨丝难整  
笙谱字娇譌谁靚香襟冷懒看妆印绣阁藏春海棠偷暖还似去年风景

前调 周密

寒菊凄风栖小叶帘栊静半规凉月梦不分明恨无凭据肠断锦笺盈篋  
哀角吹霜寒正怯倚瑶箏暗愁难说宝兽频添玉虫暗翦长记旧家时节

前调【又一体】 欧阳修

忆昔西都欢纵自别後有谁能共伊川山水洛川花细寻思旧游如梦  
记今日相逢情愈重愁闻唱画楼钟动白髮天涯逢此景倒金尊殢谁相送

前调【又一体】 杨无咎

夹?绮罗欢聚看喧喧彩舟来去晴放湖光雨添山色谁识总相宜处  
输与骚人却知胜趣醉临流戏评坡句若把西湖比西子这东湖似东邻女

送将归

【即雨中花之又一体双调五十六字】

送将归 王 观

百尺清泉声陆续映潇湘碧梧翠竹面千步回廊重重帘幕小枕欹寒玉  
试展鲛绡看画轴见一派潇湘凝绿待玉漏穿花银河垂地月上阑干曲

凤衔杯

【双调五十六字】

凤衔杯 晏 殊

青苹昨夜秋风起无限个露莲相倚独凭朱阑愁放晴天际空目断遥山翠  
彩笺长锦书细谁信道两情难寄可惜良辰好景欢娱地只恁空顚悴

前调【又一体】 晏 殊

留花不住怨花飞向南园情绪依依可惜欹红斜白一枝枝经宿雨又离披  
凭朱槛把金卮对芳丛惆怅多时何况旧欢新恨阻心期满眼是相思

前调 晏 殊

柳条花类恼青春更那堪飞绿纷纷一曲细丝青脆倚朱唇斟绿酒掩红巾  
追往事惜芳辰暂时间留住行云端的自家心下眼中人到处觉尖新

卓牌儿

【儿或作子亦名卓牌儿慢双调五十六字】

卓牌儿 杨无咎

西楼天将晚流素月寒光正满楼上笑揖姮娥似看罗襪尘生鬓云风乱  
珠帘终夕卷判不寐阑干凭爇好在影落清尊冷侵香幄欢余未教人散

恋绣衾

【双调五十六字】

恋绣衾 赵汝茿

柳丝空有万千条系不住溪头画桡想今宵也对新月过轻寒何处小桥  
玉箫台榭春多少溜啼痕盈脸未消怪别来臙脂慵傅被东风偷在杏梢

楼上曲

【双调五十六字】

楼上曲 张元干

楼外夕阳明远水楼中人倚东风里何事有情怨别离低鬟背立君应知  
东望云山君去路羊肠迢递尽愁处明朝不忍见云山从今休傍曲阑干

前调 张元干

清夜灯前花报喜心随社燕凉风起云路修成宝月时东楼怅望君先期  
沆瀣秋香生玉井画檐深转梧桐影看君西去侍明光杯中丹桂一枝芳

临江仙

【又一体双调五十六字】

临江仙 赵长卿

夜久笙箫吹彻更深星斗还稀醉拈裙带写新诗琐?风露烛灺月明时  
水调悠扬声美幽情彼此心知古香烟断彩云归满倾雀叶高唱转花枝

西江月

【又一体双调五十六字】

西江月 赵与仁

夜半河痕依约雨余天气冥蒙起行微月徧池东水影浮花花影动帘栊

量减难追醉白恨长莫尽啼红鴈声能到画楼中也要玉人知道有秋风

锦帐春

【双调五十六字】

锦帐春【赠陈提举奉母出京】 戴复古

处处逢花家家插柳正寒食清明时候奉板舆行乐使星随後人间稀有  
出郭寻仙绣衣春昼马上列两行红袖对韶华一笑劝夫人酒百千长壽

厅前柳

【双调五十六字】

厅前柳 无名氏

景清佳正倦客凝秋思浩无涯迤千里香芬馥桂初华向碧叶露芳葩  
为粟粒鹅儿情澹薄倩西风染就丹砂不比黄金雨灿余霞送幽梦到仙家

柳摇金

【双调五十六字亦名思归乐】

柳摇金 无名氏

相将初下蕊珠殿似醉粉生香未徧爱惜娇心春不管被东风赚开一半  
中黄宫里赐仙衣鬪浅深妆成笑面放出娇娆难系管笑东君自家肠断

茶瓶儿

【又一体双调五十六字】

茶瓶儿 李元膺

去岁相逢深院宇海棠下曾歌金缕歌罢花如雨翠罗衫上点点红无数  
今岁重寻携手处空物是人非春暮回首青门路乱英飞絮相逐东风去

清江曲

【双调五十六字】

清江曲 苏庠

属玉双飞水满塘菰蒲深处浴鸳鸯白苹满棹归来晚秋着芦花一?霜  
扁舟系?依林樾萧萧两鬓吹华髮万事不理醉复醒长占烟波弄明月

翻香令

【双调五十六字以苏轼词名】

翻香令 苏轼

金炉犹暖麝煤残惜香更把宝钗翻重闻处余熏在这一般气味胜从前  
背人偷盖小蓬山更将沉水与同燃且图得氤氲久为情深嫌怕断头烟

市桥柳

【本蜀妓送行词因以词内句名调双调五十六字】

市桥柳 蜀中妓

欲寄意浑无所有折尽市桥官柳看君着上春衫又相将放船楚江口  
後会不知何日又是男儿休要镇长相守苟富贵无相忘若相忘有如此酒

河传

【又一体双调五十六字】

河传【七夕明媛】叶小鸾

桥畔鸾扇星钿霞钏暂撇残机步移思量少年今夕时凄其末期先惨离  
借得姮娥初月镜窥瘦影拂拭翠眉整驾云軿河汉西凄迷只愁鸡暗啼

梅花引

【本笛曲也亦名小梅花双调五十七字】

梅花引 王特起



山之麓河之曲一湾秀色盘虚谷水溶溶雨蒙蒙有人行李萧萧落叶中  
人家篱落炊烟湿天外云峰迷澹碧野云昏失前村溪桥路滑平沙没旧痕

前调 王特起

丹枫下潇湘夜横披省见王维画画无声惨经营何如幻我清寒此道行  
马头风急催行色疑是山灵嫌俗客钓鱼矶绿蓑衣有人坐弄沧浪独未归

前调【过天门关作】 赵秉文

山如峡天如席石颠树老冰崖坼雪霏霏水洄洄先生此道胡为乎来哉  
石头路滑马啼蹶昂头贪看山奇绝短童随皱双眉休说清寒形容想更饥

前调 高宪

城下路凄风露今人犁田昔人墓?头沙带蒹葭漫漫昔时流水今人家  
黄埃赤日长安道倦客无浆马无草开函关闭函关千古如何不见一人闲

前调【又一体】 万俟雅言

晓风酸晓霜乾一鴈南飞人渡关客衣单客衣单千里断魂空歌行路难  
寒梅惊破前村雪寒鸡啼破西楼月酒肠宽酒肠宽家在客边不堪频倚阑

一斛珠

【本唐乐府新声後遂以名调人名醉落魄双调五十七字】

一斛珠【咏美人口】 南唐李煜

晚妆初过沉檀轻注些几个向人微露丁香颗一曲清歌暂引樱桃破  
罗袖裊残殷色可杯深旋被香醪浥绣牀斜凭娇无那烂嚼红茸笑向檀郎唾

前调 晏几道

满街斜月垂鞭自唱阳关彻断尽柔肠归思切都为人人不许多时别  
南桥昨夜风吹雪短长亭下征尘歇归时定有梅堪折欲把离愁细捻花枝说

前调 晏几道

鸾孤月缺两春惆怅音尘絶如今若负当时节信道欢缘枉向衣襟结  
若问相思何处歇相逢便是相思彻尽饶别後留心别也待相逢细把相思说

前调 晏几道

天教命薄青楼占得声名恶对酒当歌寻思着月户星牕多少旧期约  
相逢细语初心错两行红泪尊前落霞觞且共深深酌恼乱春宵翠被都闲却

前调 晏几道

休休莫莫离多还是因缘恶有情无奈思量着月夜佳期近写香笺约  
心心口口长恨昨分飞容易当时错後期休似前欢薄买断青楼莫放春闲却

前调【美人吹笛】 张先

云轻柳弱内家髻子新梳掠生香真色人难学横管孤吹月澹天垂幕  
朱唇浅破桃花萼倚楼谁在阑干角夜寒水冷春衣薄声入霜林簌簌惊梅落

前调【吴兴莘老席上】 张先

山围画障风溪弄月清溶漾玉楼苔馆人相望下若醺醺竞欲金钗当  
使君劝醉青娥唱分明仙曲云中响南园百卉千家赏和气兼来不独花枝上

前调 苏轼

洛城春晚垂杨乱掩红楼半小池轻浪纹如篆烛下花前曾醉离歌宴  
自惜风流云雨散关山有限情无限待君重见寻芳伴为说相思目断西楼燕

前调【阊门留别】 苏轼

苍顔华髮故山归计何时决旧交新贵音书絶惟有佳人犹作殷勤别  
离亭欲去歌声咽潇潇细雨凉生颊泪珠不用罗巾裹弹在罗衣图得见时说

前调【离京口作】 苏轼

轻云微月三更酒醒船初发孤城回望苍烟合公子佳人不记归时节  
巾偏扇坠藤牀滑觉来幽梦无人说此生飘荡何时歇家在西南长作东南别

前调 黄庭坚

红牙板歇韶声断六么初彻小槽酒滴真珠竭紫玉瓿圆浅浪浮春雪  
香芽嫩蕊清心骨醉中襟量与天濶夜阑似觉归仙阙走马章台踏碎满街月

前调【泊山口】晁补之

高鸿远鹜溪山一带人烟簇知君船近渔矶宿轻素横溪天澹垂寒玉  
谁家红袖阑干曲南陵风软波平绿幽吟无伴芳尊独清瘦休文一夜伤单穀

前调 周紫芝

柳边池阁晚来卷尽东风恶人生不解频行乐昨夜花开今日风吹落  
杨花却似人飘泊春云更似人情薄如今始信从前错为个蝇头轻负青山约

前调 周紫芝

薰风池阁小红桥下荷花薄沙平水浅山如削水上鸳鸯何处风吹落  
今朝端午新梳掠锦丝围腕花柔弱人生只有尊前乐前度刘郎莫负重来约

前调 谢逸

霜砧声急潇潇疎雨梧桐湿无言独倚阑干立帘卷黄昏一阵西风入  
年时画阁佳宾集玉人檀板当筵执银瓶已断丝绳汲莫话前欢忍对屏山泣

前调 周邦彦

茸金细弱秋风嫩桂花初着蕊珠宫里人难学花染娇黄羞映翠云幄  
清香不与兰荪约一枝云鬓巧梳掠夜深轻撼蔷薇萼香满衣襟月在凤凰阁

前调【重午】赵长卿

澹妆浓抹西湖人面两奇絶菖蒲角黍家家节水戏鱼龙十里画帘揭  
凌波无限生尘袜冰肌莹彻香罗雪游船且莫催归楫遮莫黄昏天外有新月

前调 张元干

绿枝红萼江南芳信年年约竹輦路转溪桥角晴日烘香的皪疎篱落  
玉台粉面铅华薄画堂长记深罗幕惜花老去情犹着客里惊春生怕东风恶

前调【中秋月】张抡

光辉皎洁古今但赏中秋月寻思岂是月华别都为人间天上气清彻  
广寒想望琼阙琤琤玉杵声奇绝何时赐我长生诀飞入蟾宫折桂饵丹雪

前调【芙蓉】张抡

湖光湛碧亭亭照水芙蓉坼绿罗盖底争红白恍若凌波仙子步罗襪  
如今霜落枯荷折清香无处重寻觅浮生似此初无别及取身强一笑对风月

前调 侯寘

梅花似雪雪花却似梅清绝小牕低映梅梢月常记良宵吹酒共攀折  
如今客里都休说潇潇洒洒情怀别夜阑火冷孤灯灭雪意梅情分付漆园蝶

前调 侯寘

玉钩珠箔夜凉庭院天垂幕好风吹动纶巾角羽扇休挥已怯絺衣薄  
扁舟明日清溪泊归来依旧情怀恶为君唤月骖鸾鹤天近多寒满饮金凿落

前调 范成大

栖鸟飞绝绦河绿雾星明灭烧香曳簟眠清樾花影吹帘满地澹黄月  
好风碎竹声如雪韶华三弄临风咽鬓丝撩乱纶巾折凉满北牕休共软红说

前调【赋石榴花】程垓

夏园初结绿深深处红千叠杜?过尽芳菲歇只道无春满意春犹愜  
折来一点如猩血透明冠子轻盈帖芳心蹙破情尤切不管花残犹自拣双叶

前调 程垓

晚凉时节翠梧风定蝉声歇有人睡起香浮颊倚着阑干笑拣青荷叶  
如今往事愁难说曲池依旧闲风月田田翠盖香罗叠留得露痕都是泪珠结

前调【次江西帅吴明可韵】周必大

才高句杰飞黄却应鸾和节新词聊卷波澜阔泉玉淙淙犹不比清切  
相逢未稳愁相别南园烟草南楼月阳关西出重吹彻垂柳新栽宁忍便攀折

前调【赏海棠】管监

春阴漠漠海棠花底东风恶人情不似春情薄守定花枝不放花零落  
绿春细细供春酌酒醒无奈愁如昨殷勤待与东风约莫苦吹花何似吹愁却

前调 王千秋

惊鸥扑簌萧萧卧听鸣幽屋牕明怪得鸡鸣速墙角斓斑一半露松绿  
歌楼丝管谁翻曲丹唇水面喷余馥遗珠满地无人掬归着红鞦踏碎闲街玉

前调 陆游

江湖醉客投杯起舞遗乌帻三更冷翠沾衣湿嫋嫋菱歌吹落半川月  
空花昨梦休寻觅云台麟阁俱陈迹元来只有闲难得青史功名天却无心惜

前调 黄机

藕花初发薰风庭院凉成霎碧纱金缕笼香雪记得年时心事凭阑说  
如今陡顿音书絶夜牕羞见团团月锦囊尘暗黄金玦留取多情归趁好时节

前调 刘光祖

春风开者一时还共春风谢柳条送我今槐夏不饮香醪孤负人生也  
曲塘泉细幽琴写交牀滑簟应无价日迟睡起疎帘挂何不归欵花竹秀而野

前调【梅】 毛幵

暮寒凄冽春风探绕南枝发更无人处增清絶冷蕊孤香竹外朦胧月  
西洲昨梦凭谁说折残剩忆经年别新愁怅望催华髮雀啁江头一树垂垂雪

前调 高观国

鈎帘翠湿寒江上雨晴风急乱峰低处明残日鴈字成行界破暮天碧  
故人天外长为客倚阑一望情何极新来得个归消息去棹回舟数过几千只

前调 史达祖

鸳鸯意惬空分付有情眉?齐家莲子黄金叶争比秋苔鞦凤几番蹶  
墙阴月白花重叠匆匆软语屡惊怯宫香锦字将盈篋雨长新寒今夜梦魂接

前调 张榘

瑶姬妙格冰姿微带露痕拆一般恼杀多情客风弄横枝残月半窗白  
孤山仙种曾移得结根久傍王猷宅欲賸心事呼云翮为报年芳萍梗正南北

前调 沈端节

红娇翠弱春寒睡起慵匀掠些儿心事谁能学深院无人时有燕穿幕  
漏声滴尽莲花萼静看月转西阑角世情一任浮云薄花与东君却解慰流落

前调 吴文英

春云红玉纖衣学翦娇鸦绿夜香烧短银屏烛偷掷金钱重把寸心卜  
翠深不碍鸳鸯宿采菱谁记当时曲青山南畔红云北一叶波心明灭澹妆束

前调【送洪仲鲁之江西】 周密

寒侵径叶鴈飞击碎珊瑚屑砚凉闲试霜晴帖颂菊骚兰秋事正奇絶  
故人又作江西别画楼虚度中秋节碧阑倚徧谁人说愁是新愁月是旧时月

前调【拟参晦】 周密

忆忆忆忆官罗摺摺销红色吹花有尽情无极泪滴空帘香润柳枝湿  
春愁浩荡湘波窄红兰梦绕江南北燕莺都是东风客移尽庭阴春老杏花白

前调【拟二隐】 周密

余寒正怯金钗影卸东风揭舞衣绿损愁千摺一缕杨丝犹是去年折  
临牕拥髻愁难说花庭一寸臙脂雪春花似旧心情别待摘玫瑰飞下粉黄蝶

前调 王沂孙

小牕银烛轻鬟半拥钗横玉数声春调清真曲低拂朱帘残影乱红扑  
垂杨学画蛾眉绿年年芳草迷金谷如今休把佳期卜一掬春情斜月杏花屋

前调 张炎

柳侵阑角画帘风软红香落引人蝴蝶翻轻薄已自关情和梦近来恶  
眉梢轻把闲愁着如今愁重眉梢弱双眉不画愁消却不道愁痕来傍眼边觉

前调 张炎

镂花镌叶满枝风露和香擷引将芳思归吟篋梦与魂消闲了弄香蝶  
小楼帘卷歌声歇幽篴独处泉呜咽锦笺空往愁难说画角寒梅吹碎半江月

前调 石孝友

友莺梦蝶寻花问柳深相结教春去後寻芳歇零落朋游辜负好时节  
眼边愁绪多於髮迢迢一水通吴越旧欢新恨都休说坐暖残红沉醉碧天阔

前调 石孝友

空庭草积吹花风去春无迹鎖鸾深处应相忆红染罗巾顰损眉山碧  
曲屏尘暗双?醉衾不暖炉烟湿一帘暝色人孤寂梦里灯残心上雨声滴

前调 石孝友

红娇翠弱怨人珠泪频偷落归期莫负香牋约雨断云消總是初情薄  
夜深秋气生帘幙半衾依旧空闲却故人何处孤舟泊两?秋声一夜风涛恶

前调 薛梦桂

单衣乍着殢寒更傍东风作珠帘压定银鈎索雨弄新晴轻旋玉尘落  
花唇巧借妆红约娇羞暂放三分尊尊前不用多评泊春浅春深都向杏梢觉

前调【落花】 王 坊

翻空红雨多随春信纷纷去万千绿叶无情绪连夜生新占尽花开处  
一霎辞根无定所伤心今古成黄土怜香只有莺啼树似劝东风略做些儿主

前调【葛实甫见访】 陈继儒

笋儿初出闭门愁见游人入是谁剥啄柴门急带水拖泥花瓣埋双屐  
草堂幽静桐阴碧定巢燕子曾相识酒槽红串珍珠滴不饮何为空笑髯如戟

前调 陈子龙

青楼绣句韶华一半无人见海棠梦断前春怨几处垂杨不耐东风卷  
飞花狼藉深深院满帘风雨炉烟篆黄昏相对残灯面听彻三更玉枕歌将徧

夜游宫

【双调五十七字】

夜游宫 秦观

何事东君又去满空院落花飞絮巧燕呢喃向人语何曾解说伊家些子苦  
况是伤心绪念个人久成睽阻一觉相思梦回处连宵雨更那堪闻杜宇

前调 贺铸

湖上兰舟暮发扬州梦断灯明灭想见琼花开似雪帽檐香玉纖纖曾为折  
溪管吹还咽问何意煎人愁絕江北江南新念别掩芳尊与谁同今夜月

前调【阳春亭成因友寄鹤】 毛滂

长记劳君送远柳烟重桃花波暖花外溪城望不见古槐边故人稀秋鬓晚  
我有凌霄伴在何处山寒云乱何不随君弄清浅见伊时话阳春山数点

前调 周邦彦

客去车尘未敛空堦暗雨苔千点月皎风清在处见奈今宵照初弦吹一箭  
池曲河声转念归计眼迷魂乱明日前邨更荒远且开尊任红鳞生酒面

前调 周邦彦

叶下斜阳照水卷轻浪沉沉千里桥上酸风射眸子立多时看黄昏灯火市  
古屋寒窗底听几片井桐飞坠不恋单衾再三起有谁知为萧娘书一纸

前调 周邦彦

一阵斜风横雨薄衣润新添金缕不谢铅华更清素倚筠牕弄么弦娇欲语  
小阁横香雾正年少小娥愁绪莫是栽花被花妒甚春来病恹恹无会处

前调 吕渭老

半吐寒梅未拆双鱼沉水渐初结户外明帘风任揭拥红炉洒牕间惟积雪  
比去年时节这心事有人忺说斗帐薰薰鸳被叠酒微醺管灯花今夜别

前调【句景亭】 张孝祥



听话危亭句景芳郊迥草长川永不待崇冈与峻岭倚阑干望无穷心已领  
万事浮云影最旷阔鹭闲鸥静好是炎天烟雨醒柳阴浓菱荷香风日冷

前调 方千里

城上昏烟四敛画楼外陡听更点千里相思梦中见恨年华逐东流随急箭  
帘影参差转夜初过水沉烟乱牋枕余衾故人远忆闲窗鞦云鬟低粉面

前调 杨泽民

一叶翻然下水船头转已行千里冷落杯盘荐梅子又经过岭边村江上市  
那更轻帆底一路上翠飘红坠深夜方眠五更起说相思试挥毫还满纸

前调 吴文英

春语莺迷翠柳烟隔断晴波远岫寒压重帘幔拖绣袖炉香倩东风与吹透  
花信催时候旧相思偏供闲昼春澹情浓半中酒玉痕消似梅花更清瘦

前调 吴文英

人去西楼鴈杳叙别梦扬州一觉云澹星疎楚山晓听啼乌立河桥话未了  
雨外蛩声早细织就霜丝多少说与萧娘未知道向长安对秋灯令人老

御选历代诗余卷三十四

## 卷三十五

<集部,词曲类,词选之属,御选历代诗余

钦定四库全书

御选历代诗余卷三十五目錄【起五十七字至五十八字】

谢新恩

南唐李煜

阳台梦【又一体】

解昉

鹊桥仙【又一体】

黄庭坚

倚西楼

无名氏

荷叶铺水面

康与之

家山好

无名氏

河传【又一体】

柳永

前调【又一体】

柳永

小重山

刘景翔

杨基

周用

芳草渡【又一体】

张先【二首】

宜男草

陈三聘

小重山【又一体】

和凝【二首】

薛昭蕴【二首】

贺铸【三首】

毛滂【四首】

吕渭老【二首】

沈会宗【三首】

蔡伸

汪藻

赵师侠

赵长卿【二首】

岳飞

辛弃疾【二首】

姜夔

黄机

许棐

章颖

韩淲【二首】

汪莘

卢炳

蒋捷

陈允平

张炎【二首】

何梦桂

李莱老

僧祖可

李清照

吴淑姬

元好问

刘秉忠【二首】

刘基

吴子孝【二首】

裘昌今

前调【又一体】

黄子行

临江仙【又一体】

毛文锡

牛希济【六首】

阎选【二首】

李珣【二首】

前调【又一体】

南唐李煜

顾夔

鹿?晨

尹鹗

毛熙震

孙光宪【二首】

张泌

欧阳修【二首】

许庭【四首】

谢逸

蔡伸【二首】

赵彦端

刘光祖

吴子孝【三首】

前调【又一体】

南唐李煜

冯延巳

前调【又一体】

徐昌图

晏几道【七首】

陈师道

赵长卿【二首】

陆游

高观国

史达祖

赵溍

詹正

钱光绣

鹊桥仙【又一体】

韩淲

惜分钗

吕渭老【二首】

七娘子

蔡伸

夜行船【又一体】

赵长卿

前调【又一体】

王嵎

河传【又一体】

徐昌图

恨春迟

张先

花上月令

吴文英

玉碾萼

无名氏

御选历代诗余卷三十五目录

钦定四库全书

御选历代诗余卷三十五【起五十七字至五十八字】

司经局洗马掌局事兼翰林院修撰加二级【臣】王奕清奉旨校刊

谢新恩

【双调五十七字】

谢新恩 南唐李煜

秦楼不见吹箫女空余上苑风光粉英金蕊自低昂东风恼我才发一衿香  
琼窗梦留残日当年得恨何长碧阑干外映垂杨暂时相见如梦嬾思量

阳台梦

【又一体双调五十七字】

阳台梦 解昉

仙姿本寓十二峰前住千里行云行雨偶因鹤驭过巫阳邂逅他楚襄王  
无端宋玉夸才赋诬诞人心素至今狂客到阳台也有痴心望妾入梦中来

鹊桥仙

【又一体双调五十七字】

鹊桥仙【次东坡七夕韵】 黄庭坚

八年不见清都绦阙望银汉溶溶漾漾年年牛女恨风波算此事人间天上  
野麋丰草江鸥远水老大惟便疎放百钱端往问君平早晚具归田小舫

倚西楼

【双调五十七字】

倚西楼 无名氏

禁鼓初传时下打虚过清风明月夜眼如鱼目几时乾心似酒旗终日挂  
银汉低垂星斗斜院宇空寥烛卸西楼潇洒有谁知教我独自上来独自下

荷叶铺水面

【双调五十七字】



荷叶铺水面 康与之

春光艳冶游人踏绿苔千红万紫竞香开  
烟风拂鼻簌萼地暗香透满怀  
荼蘼似锦裁娇红间嫩白只怕迅速春回  
误落在尘埃折向鬓云边金凤钗

家山好

【双调五十七字】

家山好 无名氏

挂冠归去旧烟萝闲身健养天和功名富贵  
非由我莫贪他者岐路足风波  
水晶宫里家山好物外胜游多晴谿短棹  
时时醉唱捱梭罗天公奈我何

河传

【又一体双调五十七字】

河传 柳永

翠深红浅愁蛾黛蹙娇波刀翦奇容妙技  
互逞舞裊歌扇妆光生粉面  
坐中醉客风流惯尊前见特地惊狂眼  
不似少年时节千金争选相逢何太晚

前调【又一体】 柳永

淮岸向晚团荷向背芙蓉深浅仙娥画舸  
露影红芳交乱难分花与面  
采多渐觉轻船满呼归伴急桨烟波远  
隐隐棹歌渐被蒹葭遮断曲终人不见

小重山

【重或作冲一名枕屏风双调五十七字】

小重山 刘景翔

山翠晴岚曲曲隈红香浮玉醉容颦不烦人  
筑避风台潇湘路随意自徘徊  
春倦怕频催琵琶私语近问谁来春风那隔  
锦云堆梦中蝶飞去又飞回

前调【初阳道中闻蛙】 杨基

累累湘云带晚霞东风吹絮落晴沙梦魂今夜绕天涯春暮也芳草乱鸣蛙  
独自莫咨嗟青烟飞扬处有人家且分新火试新茶新竹里无数木兰花

前调 周用

江上双峰拥翠鬟新词合赋小重山芳泉斜逗玉龙湾清镜里和影弄潺湲  
踪迹落人间眼中知己少且偷闲忧来?觉带围宽分付我高卧且加餐

芳草渡

【又一体双调五十七字】

芳草渡 张先

双门晓锁响朱扉千骑拥万人随风乌弄影画船移歌时泪和别怨作秋悲  
寒潮小渡淮迟吴越路渐天涯宋王台上为相思江云下日西尽鴈南飞

前调 张先

主人宴客玉楼西风飘忽雪雰霏唐昌花蕊渐平枝浮光里寒声聚队禽栖  
惊晓日喜春迟野桥时伴梅飞山明日远霁云披溪上月堂下水并春晖

宜男草

【双调五十七字】

宜男草 陈三聘

绿水黏天净无浪转东风縠纹微涨个中趣莫遣人知容日日扁舟独往  
平生书癖已无恙解名缰更逃羁网春近也梅柳频看上玉蕊金丝暗长

小重山

【又一体双调五十八字】

小重山 和凝

春入神京万木芳禁林鶯语滑蝶飞狂晓花擎露妒啼妆红日永风和百花香  
烟锁柳丝长御沟澄碧水转池塘时时微雨洗风光天衢远到处引笙簧

前调 和 凝

正是神京烂漫时羣仙初折得郤诜枝乌犀白紵最相宜精神出御陌袖鞭垂  
柳色展愁眉管弦分响亮探花期光陰占断曲江池新榜上名姓彻丹墀

前调 薛昭蕴

春到长门春草青紫堦华露滴月胧明东风吹断玉箫声宫漏促帘外晓啼鶯  
愁起梦难成红妆流宿泪不胜情手按裙带遶花行思君切罗幌暗尘生

前调 薛昭蕴

秋到长门秋草黄画梁双燕去出宫墙玉箫无复理霓裳金蝉坠鸾镜掩休妆  
忆昔在昭阳舞衣红绶带绣鸳鸯至今犹惹御炉香魂梦断愁听漏更长

前调 贺 铸

梦草池南璧月堂緑陰深蔽日转鹂黄澹蛾轻鬓似宜妆歌扇小烟雨画潇湘  
薄晚具兰汤雪肌英粉膩更生香簟纹如水竟檀牀雕文枕并得两鸳鸯

前调 贺 铸

花院深疑无路通碧纱牕影下玉芙蓉当时偏恨五更钟分携处斜月小帘栊  
楚梦冷沉踪一双金缕枕半牀空画楼临水凤城东楼前柳憔悴几秋风

前调 贺 铸

飘径梅英雪未融芳菲消息到杏梢红隔年欢事水西东凝思久不语坐书空  
回想夹城中彩山箫鼓沸绮罗丛钿车珠网玉花驄香陌上谁与鬪春风

前调【宴张守】 毛 滂

碧瓦朱甍紫翠明玻璃屏幃里锦为城子胥英爽海涛横玉堂客於此劝春耕  
五月政当成岩廊将去路肯留行江山形胜为公倾公惜醉风月若为情

前调【立春日欲雪】 毛 滂

谁劝东风腊里来不知天待雪恼江梅东郊寒色尚徘徊双彩燕飞傍鬓云堆  
玉冷晓妆台宜春金缕字拂香腮红罗先绣踏青鞵春犹浅花信更须催

前调 毛滂

门外东风糝玉尘。曲房花气霭博山。春小槽珠滴。桂椒芬腊。梅蕊谁共醉中闻。睡起静无人。曲屏横远翠。锦为鳞。十年旧事梦如新。红蕤枕犹楚峰云。

前调 毛滂

鹤舞青青雪里松。冰开龟在藻。绿蒙茸。一成不记蕊珠宫。蟠桃熟。应待几东风。玉酒紫金钟。非烟罗幕。宝熏浓。赠君春色腊寒中。君留取。长伴脸边红。

前调 吕渭老

半夜灯残鼠上檠。小牖风动竹。月微明。梦魂偏记水西亭。琅玕碧。花影弄蜻蜓。千里暮云平。南楼催上烛。晚来晴。酒阑人散斗西倾。天如水。团扇扑流萤。

前调 吕渭老

云护柔条雪压枝。斜风吹绛蜡。点胭脂。蔷薇揉水麝分脐。园林晚。脉脉带斜晖。深阁绣帘低。宝奁匀泪粉。晚妆迟。一枝屏外对依依。清宵永。谁伴破寒卮。

前调 沈会宗

花过园林清。浓琅玕新脱笋。绿成丛。雨声只在小楼东。闲欹枕。敌面芰荷风。长日蔽帘栊。轻尘飞不到。画堂空。一尊今夜与谁同。人如玉。相对月明中。

前调 沈会宗

椽烛垂珠清漏长。酒黏衫袖湿。有余香。红牙双捧旋排行。将歌处。相向更匀妆。明月映东墙。海棠花迳密。迸流光。迟留春笋缓催觴。兰堂静。人已候虚廊。

前调 沈会宗

碧藕花风入袖香。涓涓清露浥玉肌。凉折花无语。傍横塘。随折处。一寸万丝长。还更擘莲房。莲心真个苦。似离肠。凌波新恨尽难忘。分携也。触事着思量。

前调 蔡伸

楼上风高翠袖寒。碧云笼澹日照阑干。绿杨芳草恨。緜緜长亭路。何处认征鞍。晓镜嬾重看。鬓云堆凤髻。任阑珊。鸾衾鸳枕小屏山。人如玉。忍负一春闲。

前调 汪藻

月下潮生红蓼汀浅霞都斂尽四山青柳梢风急堕流萤随波去点点乱寒星  
别语寄叮咛如今能间隔几长亭夜来秋气入银屏梧桐雨还恨不同听

前调 赵师侠

乐岁农家喜夜春朝来收宿雾快新晴云移日转午风轻香罗薄暄暖困游人  
积水满春塍緑波翻郁郁露秧鍼幸无离绪苦牵情烟林外时听杜鹃声

前调 赵长卿

緑树陰陰春已休羣花飘尽也不胜愁游丝飞絮两悠悠迷芳草日暖雨初收  
深院小迟留好香烧一炷细烟浮更听羯鼓打梁州恼人处宿酒尚扶头

前调【杨花】 赵长卿

枝上杨花糝玉尘晚风扶起处雪轻盈扑人点点细无声谁能惜撩乱满江城  
忍泪未须倾十年追往事叹流莺晓来雨过转伤情铺池緑遗恨寄浮萍

前调 岳飞

昨夜寒蛩不住鸣惊回千里梦已三更起来独自遶阶行人悄悄帘外月胧明  
白首为功名旧山松竹老阻归程欲将心事付瑶琴知音少弦断有谁听

前调 辛弃疾

旋制离歌唱未成阳关先画出柳边亭中年怀抱管弦声难忘处风月此时情  
夜雨共谁听尽教清梦去两三程商量诗价重连城相如老汉殿旧知名

前调【三山与客泛西湖】 辛弃疾

緑涨连云翠拂空十分风月处着山翁垂杨影断岸西东君恩重教且种芙蓉  
十里水晶宫有时骑马去笑儿童殷勤却谢打头风船儿住且醉浪花中

前调【潭州红梅】 姜夔

人绕湘皋月坠时斜横花树小浸愁漪一春幽事有谁知东风冷香远茜裙归  
鸥去昔游非遥怜花可可梦依依九疑云杳断魂啼相思血都沁緑筠枝

### 前调 黄机

梧竹因依山尽头萧萧疎雨後几分秋轻凉无数入西楼凭阑久满眼动离愁  
飞鹭下汀洲怕知鸿雁到带书不诗?酒戏一时休人如削身在水边洲

### 前调 许棐

正是拈芳采艳时连朝风雨里掩朱扉强排春恨剪新词词未就莺唱缕金衣  
云薄弄晴晖试穿花径去拣双枝紫香红腻鬓边宜簪不尽瓶里顿将归

### 前调 章穎

柳暗花明春事深小阑红芍药已抽簪雨余风软碎鸣琴迟迟日犹带一分陰  
把酒莫沈吟身闲无个事且登临旧游何处不堪寻无寻处惟有少年心

### 前调 韩淲

云影收晴雨外明碧溪春灏灏落花平莺声催我过桥行人何在诗酒澹心情  
闲里兴还生锦鳞题尺素有谁能草边芳径柳边城归来也清梦绕山屏

### 前调 韩淲

点染烟浓柳色新小桃红映水日初匀露收芳迳草铺茵凝情久风澹起轻尘  
梁燕已争春折花闲伴酒试濡唇流莺何处语声频阑干曲蜂蝶更随人

### 前调 汪莘

居士情怀爱小春恰如重会面旧时人东君轻笑又轻颦知道我春去却伤心  
青鸟下红巾瑶池春信早莫因循柳丝黄日牡丹辰相随逐春浅到春深

### 前调 卢炳

一见情怀便雅投尊前成密约意绸缪已成行计里归舟空相忆无计为伊留  
执别话离愁萦牵滋味恶在心头而今无奈阻欢游些子事此恨两悠悠

### 前调 蒋捷

晴浦溶溶明断霞楼台摇影处是谁家银红裙襴皱宫纱风前坐闲鬪郁金芽  
人散树啼鸦粉团黏不住旧繁华双龙尾上月?斜而今照冷澹向菱花

前调 陈允平

岸柳黄深绿渐饶林塘初雨过涨蒲萄秋千亭榭彩旗交莺声里春在杏花梢  
慵整翠云翘眉尖愁两点倩谁描斜阳芳草暗魂消东风远犹凭赤阑桥

前调【题晓竹图】 张炎

澹色分山晓气浮疎林犹剩叶不多秋林深髣髴昔曾游频唤酒渔屋西头  
不碍此凝眸朦胧清影里过扁舟行行应到白苹洲烟水冷传语旧沙鸥

前调【题烟竹图】 张炎

陰过云根冷不移古林疎又密色依依何须喷饭笑当时簔笠谷盈尺小鹅溪  
展翫似堪疑楚山从此去望中迷不知何处倚湘妃空江晚长笛一声吹

前调 何梦桂

吹断笙箫春梦寒倚楼思往事泪偷弹别时容易见时难相看处惟有玉连环  
人在万重山近来应不似旧时顔重门深院柳陰闲曾携手休去凭危栏

前调 李莱老

画檐簷柳碧如城一帘风雨里过清明吹箫门巷冷无声梨花月今夜负中庭  
远岫歛修颦春愁吟入谱付莺莺红尘没马翠埋轮西泠曲欢梦絮飘零

前调 僧祖可

谁向江头遣恨浓碧波流不断楚山重柳烟和雨隔疎钟黄昏後罗幙更朦胧  
桃李小园空阿谁犹笑语拾残红珠帘卷尽夜来风人不见春在绿芜中

前调【宋媛】 李清照

春到长门春草青江梅些子破未开匀碧云笼碾玉成尘留晚梦惊破一瓿云  
花影压重门疎帘铺淡月好黄昏二年三度负东君归来也着意过今春

前调【宋媛】 吴淑姬

谢了荼蘼春事休无多花片子缀枝头庭槐影碎被风揉莺虽老声尚带娇羞  
独自倚妆楼一川烟草浪衬云浮不如归去下帘钩心儿小难着许多愁

前调 元好问

酒冷灯青夜不眠寸肠千万缕两相牵鸳鸯秋雨半池莲分飞苦红泪晓风前  
天远鴈翩翩鴈来人去也远如天安排心事待明年无情月看待几时圆

前调 刘秉忠

诗酒休惊误一生黄尘南北路几功名枝头乌鹊梦频惊西州月夜夜照人明  
枕上数寒更西风残漏滴两声客中新感故园情音书断天晓鴈孤鸣

前调 刘秉忠

一片残阳树上明百禽争啁噪雨初晴西风鸿鴈落沙汀扁舟远渔笛两三声  
烟草逐人行前山青未了後山横山川人物鬪峥嵘黄尘路鞍马笑平生

前调【咏月】 刘基

始映西轩似玉钩想应容不得一些愁娟娟斜倚凤凰楼窥朱户应自半含羞  
今夜正悠悠玉池金?侧是瀛洲人间天上一般秋银潢水何事独西流

前调【与客游西山雨作登虎邱】 吴子孝

江上垂杨绿似烟杏桃初破萼鬪红鲜轻风徐引木兰船罗袂薄春水碧浮天  
寒重雨丝悬西山看咫尺去无缘回桡刚听暮钟传云惨淡兰叶满春田

前调 吴子孝

池面新荷散绿鲜燕仍归画栋两翩翩阑干闲倚小山前薰风细度处响冰弦  
垂手弄清泉荷珠元不定碎还圆轻云尽敛月初悬帘栊静金鼎试沈烟

前调【湖上春游】 裘昌今

山遶平湖寺遶山堤边千树柳绿丝繁杏花娇倚玉阑干秦楼畔小鸟语絺蛮  
红粉试轻纨笙歌吹画舫漾飞鸾酒旗撩乱系雕鞍春色暖芳草弄晴湾

前调【又一体】 黄子行

一点斜阳红欲滴白鸥飞不尽楚天碧渔歌声断晚风急揽芦花飞雪满林湿  
孤馆百忧集家山千里远梦难觅江湖风月好收拾故溪云深处着蓑笠



## 临江仙

【又一体双调五十八字】

## 临江仙 毛文锡

暮蝉声尽落斜阳银蟾影挂潇湘黄陵庙侧水茫茫楚山红树烟雨隔高唐  
泊渔灯风飐碎白苹远散浓香灵娥鼓瑟韵清商朱弦凄切云散碧天长

## 前调 牛希济

谢家仙观寄云岑岩萝拂地成阴洞房不闭白云深当时丹竈一粒化黄金  
石壁霞衣犹半挂松风长似鸣琴时闻鹤唳起前林十洲高会何处许相寻

## 前调 牛希济

渭阙宫城秦树凋玉楼独上无憀含情不语自吹箫调清和恨天路逐风飘  
何事乘龙人忽降似知深意相招三清携手路非遥世间屏障彩笔画娇娆

## 前调 牛希济

素洛春光潋灩平千重媚脸初生凌波罗襪试轻轻烟笼日照珠翠半分明  
风引宝衣疑欲舞鸾回凤翥堪惊也知心许恐无成陈王辞赋千载有声名

## 前调 牛希济

柳带摇风汉水滨平芜两岸争匀鸳鸯对浴浪痕新弄珠游女微笑自含春  
轻步暗移蝉鬓动罗裙风惹轻尘水精宫殿岂无因空劳纤手解佩赠情人

## 前调 牛希济

洞庭波浪飐晴天君山一点凝烟此中真境属神仙玉楼珠殿相映月轮边  
万里平湖秋色冷星辰垂影森然橘林霜重更红鲜罗浮山下有路暗相连

## 前调 牛希济

峭碧参差十二峰冷烟寒树重重瑶姬宫殿是仙踪金炉珠帐香霭昼偏浓  
一自楚王惊梦断人间无路相逢至今云雨带愁容月斜江上征棹动晨钟

前调 阎选

雨停荷芰逗浓香?边蝉噪垂杨物华空有旧池塘不逢仙子何处梦襄王  
珍簪对敲鸳枕冷此来尘暗凄凉欲凭危槛恨偏长藕花珠缀犹似汗凝妆

前调 阎选

十二高峰天外寒竹梢轻拂仙坛宝衣行雨在云端昼帘深殿香雾冷风残  
欲问楚王何处去翠屏犹掩金銮猿啼明月照空滩孤舟行客惊梦亦艰难

前调 李珣

帘卷池心小阁虚暂凉闲步徐徐芰荷经雨半凋疎拂堤垂柳蝉噪夕阳余  
不语低鬟幽思远玉钗斜坠双鱼几回偷看寄来书离情别恨相隔欲何如

前调 李珣

鸂鶒报帘前暖日红玉炉残麝犹浓起来闺思尚疎慵别愁春梦谁解此情惊  
强整娇姿临宝镜小池一朵芙蓉旧欢无处再寻踪更堪回顾屏画九疑峰

前调【又一体】 南唐李煜

樱桃落尽春归去蜨翻轻粉双飞子规啼月小楼西玉鈎罗幕惆怅暮烟垂  
别巷寂寥人散後望残烟草低迷炉香闲裊凤凰儿空持罗带回首恨依依

前调 顾夔

幽闺小槛春光晚柳浓花淡鸂鶒稀旧歡思想尚依依翠顰红敛终日损芳菲  
何事狂夫音信断不如梁燕犹归画堂深处麝烟微屏虚枕冷风细雨霏霏

前调 鹿?辰

无赖晓莺惊梦断起来残酒初醒映牕綠柳裊烟青翠帘慵卷约砌杏花零  
一自玉郎游冶去莲凋月惨仪形暮天微雨洒闲庭手按裙带无语倚云屏

前调 尹鹖

深秋寒夜银河静月明小院中庭西牕幽梦等闲成逡巡觉後特地恨难平  
红烛半条残焰短依稀暗背银屏枕前何事最伤情梧桐叶上点点露珠零

前调 毛熙震

幽闺欲曙闻莺啭红窗月影微明好风频谢落花声隔帟残烛犹照绮屏筝  
绣被锦茵眠玉暖炷香斜袅烟轻澹蛾羞敛不胜情暗思闲梦何处逐云行

前调 孙光宪

霜拍井梧乾叶堕翠帷雕槛初寒薄铅浅黛称花冠含情无语延伫倚阑干  
杳杳征轮何处去离愁别恨千般不堪心绪正多端镜奁长掩无意对孤鸾

前调 孙光宪

暮雨凄凄深院闭灯前凝坐初更玉钗低压鬓云横半垂罗幙相映烛光明  
终是有人投汉佩低头但理秦筝燕双鸾耦不胜情只愁明发将逐楚云行

前调 张泌

烟收湘渚秋江静蕉花露泣愁红五云双鹤去无踪几回魂断凝望向长空  
翠竹暗留珠泪怨闲调宝瑟波中花鬢月鬢綠云重古祠深殿香冷雨和风

前调 欧阳修

记得金銮同唱第春风上国繁华如今薄宦老天涯十年岐路空负曲江花  
闻说阆山通阆苑楼高不见君家孤城寒日等闲斜离愁难尽红树远连霞

前调 欧阳修

柳外轻雷池上雨雨声滴碎荷声小楼西角断虹明阑干倚处待得月华生  
燕子飞来窥画栋玉钩垂下帘旌凉波不动簟纹平水精双枕傍有堕钗横

前调【咏柳四首】 许庭

不见灞陵原上柳往来过尽蹄轮朝离南楚暮西秦不成名利赢得鬢毛新  
莫怪枝条憔悴损一生惟苦征尘两三烟树倚孤村夕阳影里愁絶宦游人

前调 许庭

不见昭阳宫内柳黄金齐捻轻柔东君昨夜到皇州玉阶金井无处不风流  
怅望翠华春欲暮六宫都锁春愁暖风吹动绣帘钩飞花委地时转玉香球

前调 许庭

不见陶家门外柳柴扉一径遥通闲门终日掩清风感君高节緑?向人浓  
篱落萧疎鸡犬静日长飞絮蒙蒙先生一醉万缘空时经高卧不到翠陰中

前调 许庭

不见都门亭畔柳春来緑尽长条柳边行色马萧萧一枝折赠相见又何朝  
酒尽曲终人去也风前亦自无聊只应於我恨偏饶东君特地付与沈郎腰

前调【重九】 谢逸

木落江寒秋色晚飍飍吹帽风清丹枫楼外捣衣声望高怀远山影雁边横  
露染宫黄庭菊浅茱萸烟拂红轻尊前谁整醉冠倾酒香熏脸落日断霞明

前调 蔡伸

繁杏枝头蜂蝶乱香风阖坐微闻靓妆浓艶任东君无情风雨春事已平分  
珍重主人留客意夜阑秉烛开尊何须歌韵遏行云羽觞交劝挥麈细论文

前调【木樨】 蔡伸

仙品不同桃李艶移来月窟云乡幽姿绰约道家妆緑云堆髻娇额半涂黄  
可但乍凉风月下饶伊独占秋光雨中别有恼人香错教萧史腸断忆巫阳

前调 赵彦端

十载长安桃李梦年来镜净尘空忽传彩笔小牋红满怀秋思倾倒为芙蓉  
莫恨霜浓开较晚尊前元有春风酣娇肯为别人容试携银烛斜照緑波中

前调 刘光祖

小院回廊春寂寂晚来独自闲行画帘东畔碧云生也知无雨空滴枕边声  
一簇小桃开又落低头拾取红英东风相送忘相迎梨花寒食到得锦官城

前调 吴子孝

岭上桂花开万斛轻风吹散天香枝枝金粟映鹅黄神清兴逸起舞劝霞觞  
恍入广寒宫殿里花陰如奏霓裳姮娥不见倚新妆緑云步幃容我醉吴刚

前调 吴子孝

乍暖小园开晚宴单衣初试轻罗蝶慵蜂嬾落花多珠帘半卷微月映清波  
云澹烟浓池岛静梧桐影薄高柯共瞻霖雨洒松萝望穷霄汉谁为挽银河

前调 吴子孝

芳草满庭浑似鬪鹊来竞报欢声垂杨雨後绿尤明湘帘试卷风细晚凉生  
深巷地幽人不到门前空植双旌小池鱼静玉波平朱阑闲凭天外夏云横

前调【又一体】 南唐李煜

庭空客散人归後画堂半掩珠帘林风淅淅夜厌厌小楼新月回首自纖纖  
春光镇在人空老新愁往恨何穷金牕力困起还慵一声羌笛惊起醉怡容

前调 冯延巳

冷红飘起桃花片春意绪阑珊高楼帘幕卷轻寒酒余人散独自倚阑干  
夕阳千里连芳草风光愁煞王孙徘徊飞尽碧天云凤城何处明月照黄昏

前调【又一体】 徐昌图

饮散离亭西去浮生常恨飘蓬回头烟柳渐重重澹云孤鴈远寒日暮天红  
今夜画船何处潮平淮月朦胧酒醒人静奈愁浓残灯孤枕梦轻浪五更风

前调 晏几道

鬪草堦前初见穿鍼楼上曾逢罗裙香露玉钗风靓妆眉沁绿羞艳粉生红  
流水便随春远行云终与谁同酒醒常恨锦屏空相寻梦里路飞雨落花中

前调 晏几道

身外闲愁空满眼中欢事常稀明年应赋送君诗细从今夜数相会几多时  
浅酒欲邀谁劝深情惟有君知东溪春近好同归柳垂江上影梅谢雪中枝

前调 晏几道

淡水三年欢意危弦几夜离情晓霜红叶舞归程客情今古道秋梦短长亭  
绿酒尊前清泪阳关叠里离声少陵诗思旧才名云鸿相约处烟雾九重城

前调 晏几道

浅浅余寒春半雪销蕙草初长烟迷柳岸旧池塘风吹梅蕊闭雨细杏花香  
月坠枝头懽意从前虚梦高唐觉来何处放思量如今不是梦真个到伊行

前调 晏几道

长爱碧阑干影芙蓉秋水开时脸红凝露学娇啼霞觞熏冷艳云髻袅纖枝  
烟雨依前时候霜丛如旧芳菲与谁同醉采香归去年花下客今似蝶分飞

前调 晏几道

旖旎仙花解语轻盈春柳能眠玉楼深处绮牕前梦回芳草夜歌罢落梅天  
沈水浓薰绣被流霞浅酌金船綠娇红小正堪怜莫如云易散须似月频圆

前调 晏几道

梦後楼台高锁酒醒帘幕低垂去年春恨却来时落花人独立微雨燕双飞  
记得小苹初见两重心字罗衣琵琶弦上说相思当时明月在曾照彩云归

前调 陈师道

曲巷斜街信马小桥流水谁家浅妆深态倚门斜只缘些子意消得百般夸  
粉面初生明月酒容欲退朝霞春风还解染霜华肯持鸳绮被来伴杜陵花

前调 赵长卿

春事犹余十日吴蚕早已三眠多情忍对落花前荼蘼飘暖雪荷叶媚晴天  
香淡无心浸酒綠浮可意邀船时光堪恨也堪怜单衣三月暮歌扇一番圆

前调 赵长卿

远岫螺头湿翠流霞赭尾疎明断虹斜界雨新晴烟村灯火晚江浦画难成  
我向其间泛叶终朝露渚风汀近来心事最关情不堪三弄笛吹作断肠声

前调 陆游

鸠雨催成新綠燕泥收尽残红春光还与美人同论心空眷眷分袂却匆匆  
只道真情易写那知怨句难工水流云散各西东半廊花院月一帽柳桥风

前调 高观国

风月生来人世梦魂飞堕仙津青春日日醉芳尘一鞭花陌晓双桨柳桥春  
前度诗留醉袖昨宵香浥罗巾小姬飞燕是前身歌随流水咽眉学远山颦

前调 史达祖

草脚青回细腻柳梢绿转条苗旧游重到合魂销棹横春水渡人凭赤阑桥  
归梦有时曾见新愁未肯相饶酒香红被夜迢迢莫教无用月来照可怜宵

前调 史达祖

倦客如今老矣旧时不奈春何几曾湖上不经过看花南陌醉驻马翠楼歌  
远眼愁随芳草湘裙忆着春罗枉教装得旧时多向来箫鼓地犹见柳婆娑

前调 赵 溍

堤曲朱墙近远山明碧瓦高低好风二十四归期驄穿柳去文鷁挟春飞  
箫鼓晴雷殷殷笑歌香雾霏霏闲情不受酒禁持断桥无立处斜日欲归时

前调 詹 正

自结牀头麈尾角巾坐枕孤松片云承日过山东起听荷叶雨行受芷花风  
无客同羹蓴菜有人为剥莲蓬东墙年少未从容何因知我意吹笛月明中

前调 钱光绣

酒谷颓然便醉砚田荒矣慵耕不堪落叶两三声病从秋後减愁向雨中生  
拊劒还歌白石焚香复展黄庭徘徊山寺又钟鸣鸦啼归晓树蛩语伴疎灯

鹊桥仙

【又一体双调五十八字】

鹊桥仙 韩 淲

雨意生凉云容催暮画楼人倚阑干处柳边新月已微明银潢隐隐疎星渡  
今古佳期漫传牛女一杯试与寻新句幽怀冷眼是青山旧懽往恨浑无据

惜分钗

【双调五十八字】

惜分钗 吕渭老

春将半莺声乱柳丝拂马花迎面小堂风暮楼钟草色连云暝色连空重重  
秋千畔何人见宝钗斜照春妆浅酒霞红与谁同试问别来近日情惊忪忪

前调 吕渭老

重檐挂微灯下背阑同说春风话月盈楼泪盈眸觑着红茵无计迟留休休  
莺花谢春残也等闲泣损香罗帕见无由恨难收梦短屏深清夜浓愁悠悠

七娘子

【双调五十八字】

七娘子 蔡伸

天涯极目伤离绪登临况值秋光暮手捻黄花凭谁分付鹺鹺鴈落蒹葭浦  
凭高目断桃溪路屏山楼外青无数绿水红桥琐窗朱户如今總是销魂处

夜行船

【又一体双调五十八字】

夜行船 赵长卿

綠盖红幢笼碧水鱼眺处浪痕匀碎惜别殷懃留连无计歌声与泪和柔脆  
一叶扁舟烟浪里曲滩头此情无际窈窕眉山暮霞红处雨云想翠峰十二

前调【又一体】 王 岷

曲水湔褰三月二马如龙钿车如水风扬游丝日烘晴昼人共海棠俱醉  
客里光陰难可意埽芳尘旧游谁记午梦醒来不觉小牕人静春在卖花声里

河传



【又一体双调五十八字】

河传 徐昌图

秋光满目风清露白莲红水绿何处梦回弄珠拾翠盖盈倚兰桡眉黛蹙  
采莲调稳吴侣声相续倚棹吴江曲惊起暮天几双交颈鸳鸯入芦花深处宿

恨春迟

【双调五十八字】

恨春迟 张先

好梦才成成又断晚起云朵疏鬟秀脸拂新红滴入娇眉眼薄衣减春寒  
短柱溪桥波平岸画阁外落日西山不忍闲花并蒂秋藕同根何时重得双莲

花上月令

【双调五十八字】

花上月令 吴文英

文园消渴爱江清酒觞怯怕深觥玉舟曾洗芙蓉水浮清冰秋梦浅醉云轻  
庭竹不收帘影去人睡起自空明瓦瓶汲井和秋叶荐吟醒夜深重怨遥更

玉碾萼

【双调五十八字】

玉碾萼 无名氏

酥点萼玉碾萼点时碾时香雪薄才折得春力弱半掩朱扉垂绣幕怕吹落  
捻一晌嗅一晌捻时嗅时宿酒恶春笋上不忍放待对菱花斜插向宝钗上

御选历代诗余卷三十五

## 卷三十六

＜集部,词曲类,词选之属,御选历代诗余

钦定四库全书

御选历代诗余卷三十六目錄【五十八字】

踏莎行

寇准

晏殊【五首】

陈尧佐

欧阳修

晏几道【四首】

张先

苏轼

黄庭坚【二首】

秦观

陈师道

李之仪【二首】

贺铸【五首】

毛滂【八首】

杜安世【四首】

周紫芝【四首】

谢逸

向子諲

蔡伸

赵师侠

赵长卿

张元干

侯寘【二首】

辛弃疾【二首】

姚宽

洪迈

袁去华

刘克庄

姜夔

黄机

刘光祖

李浙

高观国【二首】

杨伯岩

洪璚

卢炳【二首】

吴文英

周密【二首】

王沂孙

张炎【四首】

石孝友【二首】

毛珣

何梦桂

李彭老

无名氏

苏氏

紫竹

无名氏【四首】

张翥

沈禧

倪瓚

王行

王德璉【四首】

无名氏

刘基【二首】

杨基【二首】

边贡

吴子孝

王衡

董斯张

沈龙

卓人月

钱棨

陈子龙

梁云构

沈宜修

叶小鸾【三首】

御选历代诗余卷三十六目录

钦定四库全书

御选历代诗余卷三十六【五十八字】

司经局洗马掌局事兼翰林院修撰加二级【臣】王奕清奉旨校刊

踏莎行

【一名柳长春双调五十八字】

踏莎行 寇 准

春色将阑莺声渐老红英落尽青梅小画堂人静雨蒙蒙屏山半掩余香裊

密约沈沈离情杳杳菱花尘满慵将照倚楼无语欲销魂长空黯澹连芳草

前调 晏殊

细草愁烟幽花怯露凭阑总是销魂处日高深院静无人时时海燕双飞去  
带缓罗衣香残蕙炷天长不禁迢迢路垂杨只解惹春风何曾繫得行人住

前调 晏殊

祖席离歌长亭别宴香尘已隔犹回面居人匹马映林

嘶行人去棹依波转

画阁魂消高楼目断斜阳只送平波远无穷无尽是离愁天涯地角寻思徧

前调 晏殊

碧海无波瑶台有路思量便合双飞去当时轻别意中人山长水远知何处  
绮席凝尘香闺掩雾红笺小字凭谁附高楼目尽欲黄昏梧桐叶上萧萧雨

前调 晏殊

绿树归莺雕梁别燕春光一去如流电当歌对酒莫沉吟人生有限情无限  
弱袂萦春修蛾写怨秦筝宝柱频移鴈尊中绿醕意中人花朝月下长相见

前调 晏殊

小径红稀芳郊绿徧高台树色阴阴见春风不解禁杨花蒙蒙乱扑行人面  
翠叶藏鶯朱帘隔燕炉香静逐游丝转一场愁梦酒醒时斜阳却照深深院

前调 陈尧佐

二社良辰千家庭院翩翩又覩双飞燕凤凰巢稳许为邻潇湘烟暝来何晚  
乱入红楼低飞绿岸画梁轻拂歌尘转为谁归去为谁来主人恩重珠帘卷

前调 欧阳修

候馆梅残溪桥柳细草薰风暖摇征辔离愁渐远渐无穷迢迢不断如春水  
寸寸柔肠盈盈粉泪楼高莫近危阑倚平芜尽处是春山行人更在春山外

前调 晏几道

柳上烟归池南雪尽东风渐有繁华信  
花开花谢蝶应知春来春去鷺能问  
梦意犹疑心期欲近云笺字字萦方寸  
宿妆曾比杏颦红忆人细把香英认

前调 晏几道

宿雨收尘朝霞破暝风光暗许花期定  
玉人呵手试妆时粉香帘幙阴阴静  
斜鴈朱弦孤鸾緑镜伤春误了寻芳信  
去年今日杏墙西啼鷺唤得闲愁醒

前调 晏几道

緑径穿花红楼压水寻芳误到蓬莱地  
玉顔人是蕊珠仙相逢展尽双蛾翠  
梦草闲眠流觴浅醉一春总见瀛洲事  
别来双燕又西飞无端不寄相思字

前调 晏几道

雪尽寒轻月斜烟重清欢犹计前时共  
迎风朱户背灯开拂檐花影侵帘动  
绣枕双鸳香苞翠凤从来往事都如梦  
伤心最是醉归时眼前少个人人送

前调 张先

衾凤犹温笼鹦尚睡宿妆稀澹眉成字  
映花避月上回廊珠裙摺摺轻垂地  
翠幙成波新荷贴水纷纷烟絮低还起  
重墙遶院更重门春风无路通深意

前调 苏轼

山秀芙蓉溪明罨画真游洞穴沧波下  
临风慨想斩蛟人长桥千载犹横跨  
解佩投簪求田问舍黄鸡白酒渔樵社  
元龙非复少时豪耳边洗尽功名话

前调【茶】 黄庭坚

画鼓催春蛩歌走饷火前一倍争春长  
低株摘尽到高株高株别是闽溪様  
碾破春风香凝午帐银瓶雪滚翻池浪  
今宵无睡酒醒时摩围影在秋江上

前调 黄庭坚

临水夭桃倚墙繁李长杨风掉青骢尾  
尊中有酒且酬春更寻何处无愁地  
明日重来落花如绮芭蕉潯展山公啓  
欲笺心事寄天公教人长壽花前醉

前调 秦观

雾失楼台月迷津渡桃源望断无寻处可堪孤馆闭春寒杜宇声里斜阳暮  
驿寄梅花鱼传尺素砌成此恨无重数郴江幸自绕郴山为谁流下潇湘去

前调 陈师道

红上花梢风传梅信青春欲动羣芳竞林声鸟语带余寒江光野色闲游径  
乍雨还晴暄寒不定重门深院帘帷静又还日日唤愁生阿谁准拟风流病

前调 李之仪

绿徧东山寒归西渡分明认得香风处风轻雨细更愁人高唐何在空朝暮  
离恨相寻酒狂无素柳条又折年时数一番情味有谁知断魂还送征帆去

前调 李之仪

还是归来依前问渡好风引到经行处几声啼鸟又催耕草长柳暗春将暮  
潦倒无成疎慵有素且陪野老酬天数多情惟有面前山不随流水来还去

前调 贺铸

急雨收春斜风约水浮红涨绿鱼纹起年年游子惜余春春归不解招游子  
留恨城隅关情纸尾阑干长对西风倚鸳鸯俱是白头时江南渭北三千里

前调 贺铸

浅黛宜颦明波欲溜逢迎宛似生平旧低鬟促坐认弦声霞觞灩灩持为寿  
浓染吟毫偷题翠袖寸心百意分携後不胜风月两恹恹年来一样伤春瘦

前调 贺铸

杨柳回塘鸳鸯别浦绿萍涨断莲舟路断无蜂蝶慕幽香红衣脱尽芳心苦  
返照迎潮行云带雨依依似与骚人语当年不肯嫁东风无端却被西风误

前调 贺铸

凉叶翻风流云卷雨寥寥夜色沉钟鼓谁调清管度新声有人高卧平阳坞  
草暖沧洲潮平别浦双鳬乘鴈方容与深藏华屋锁雕笼此生乍可输鸚鵡



前调 贺铸

镜晕山眉囊熏冰麝凝然风度长闲暇归来定解鸂鶒裘换时应倍骅骝价  
殢酒伤春添香惜夜依稀待月西厢下梨花庭院雪 珑微吟独倚秋千架

前调【陈兴宋夜集】 毛滂

天质婵娟妆光荡漾御酥做出花模样夭桃繁杏本妖妍文鸳彩凤能偎傍  
艾绿浓香鹅黄新酿缘云清切歌声上夜寒不近绣芙蓉醉中祇觉春相向

前调【会宝园初见梅】 毛滂

映竹幽妍临池娟靓芳苞先暖香初娠南枝微弄雪精神东君早寄春音信  
奔月仙標乘烟远韵玉台粉点和酥凝从来清瘦可禁寒为谁早把霞衣褪

前调【蜡梅】 毛滂

栗玉 珑雍酥浮动芳姿染得胭脂重风前兰麝作香寒枝头烟雪和春冻  
蜂翅初开蜜房香弄佳人寒睡愁如梦鹅黄衫子茜罗裙风流不与江梅共

前调【定空寺观梅】 毛滂

景泮冰檐晴回瑶草刚能守得春来到管曾独自索春怜而今觑着东风笑  
粉凝酥寒云房睡觉胭脂也不添些小天真要与此花争是伊占得春多少

前调【元宵】 毛滂

拨雪寻春烧灯续昼暗香院落梅开后无端夜色欲遮春天教月上官桥柳  
花市无尘朱门如绣娇云瑞雾笼星斗沉香火冷小妆残半衾轻梦浓於酒

前调【早春】 毛滂

堦影红迟柳苞黄徧纖云弄日阴晴半重帘不卷篆香横小花初破春丛浅  
凤绣犹重鸭炉常暖屏山翠入江南远醉轻梦短枕闲欹绿牕窈窕风光转

前调【追往事】 毛滂

芳气霏微薄寒料峭何人正倚桃花笑流红不出武陵溪这回空与春风到  
樽俎全稀风情终较安仁老也谁知道碧云无信失秦楼旧时明月犹相照

前调【中秋】 毛滂

碧树阴圆绿堦露满金波潋灩堆瑶盞行云会事不飞来长空一片琉璃浅  
玉燕钗寒藕丝短只应未倚朱阑偏随人全不似婵娟桂花影里年年见

前调 杜安世

雨霁风光春分天气千花百草争明媚画梁新燕一双双玉笼鹦鹉嫌孤睡  
薜荔依墙莓苔满地青楼几处歌声丽蓦然旧事上心头无言敛皱眉山翠

前调 杜安世

夜雨朝晴东风微冷雕梁燕子闲相并後园次第数芳菲千香百艳年年定  
步险楼高人賒途迴烟芜冉冉斜阳暝红牋写尽寄无因想伊不信人成病

前调 杜安世

嫩柳成阴残花双舞尘销院落新经雨洞房深掩日长天珠帘时有沈烟度  
夜梦凄凉晨妆薄注香肌瘦尽宽金缕到头终是恶因缘当初只被多情悞

前调 杜安世

闲院秋千又还拆了绿苔偏地青春老画楼日晚燕归巢红稀翠密梅初小  
窈窕身轻怎禁烦恼罗衣渐减愁风峭韶华好景想多才恹恹只为音书少

前调【赋双鱼花】 周紫芝

风翠轻翻雾红深注鸳鸯池畔双鱼树合欢凤子也多情飞来连理枝头住  
欲付浓愁深凭尺素戏鱼波上无寻处教谁试与问花看如何寄得香牋去

前调 周紫芝

燕子归来梅花又落绡桃雨後臙脂薄眼前先自许多愁斜阳更在春池阁  
梦里新欢年时旧约日长院静空帘幙几回猛待不思量头又是思量着

前调【谢人寄梅花】 周紫芝

鹊报寒枝鱼传尺素晴香暗与风微度故人还寄陇头春凭谁为作梅花赋  
柳外朱桥竹边深坞何时却向君家去便须倩月与徘徊无人留得花常住

前调 周紫芝

情似游丝人如飞絮泪珠阁定空相觑一溪烟柳万丝垂无因繫得兰舟住  
鴈过斜阳草迷烟渚如今已是愁无数明朝且做莫思量如何过得今宵去

前调 谢逸

柳絮风轻梨花雨细春阴院落帘垂地碧溪影里小桥横青帘市上孤烟起  
镜约关情琴心破睡轻寒漠漠侵鸳被酒醒霞散脸边红梦回山蹙眉间翠

前调【九江道中】 向子諲

霭霭朝云飘春态度楚中梦断寻无路欲将尊酒遣新愁谁知引到愁深处  
不尽江山无边细雨只疑都把愁来做西山总不解遮阑随春直过东湖去

前调【题团扇】 蔡伸

落日归云寒空断鴈吴波浅澹山平远丹青写出在霜缣佳人特地裁团扇  
渔艇孤烟酒旗幽院些儿景趣君休羨五湖归去共扁舟何如早早酬深愿

前调 赵师侠

白雪开残红云吹尽园林新绿迷芳径榆钱不解买青春随风乱点苍苔晕  
紫燕飞忙黄鹂声嫩日长烟暖游蜂困凭高念远思无穷那堪宿酒恹恹病

前调【夜凉】 赵长卿

树影将圆林梢不动汗珠裊透纱衣重薄风忽送雨飞来晚凉习习生幽梦  
珠箔高钩瑶琴闲弄移尊邀取婵娟共今宵?着醉眠呵夜香闻早添金凤

前调 张元干

芳草平沙斜阳远树无情桃叶江头渡醉来扶上木兰舟将愁不去将人去  
薄劣东风天斜飞絮明朝重覓吹笙路碧云香雨小楼空春光已到销魂处

前调【元宵】 侯寘

元夕风光中兴时候东风着意催梅柳谁家银字小笙簧倚阑度曲黄昏後  
拨雪张灯解衣贯酒觚棱金碧闻依旧明年何处看昇平景龙门下灯如昼

前调【约友看梅】 侯寘

雪意初浓云情已厚黄昏散尽扶头酒不知墙外夜来梅忍寒添得疎花否  
休更熏香且同携手从教侧侧轻寒透亭儿直下玉生烟暗香归去沾襟袖

前调 辛弃疾

夜月楼台秋香院宇笑吟吟地人来去是谁秋到便凄凉当年宋玉悲如许  
随分杯盘等闲歌舞问他有甚堪悲处思量却也有悲时重阳节近多风雨

前调【木犀】 辛弃疾

弄影阑干吹香岩谷枝枝点点黄金粟未堪收拾付熏炉牕前且把离骚读  
奴仆葵花儿曹金菊一枝风露清凉足傍边只是欠姮娥分明身在蟾宫宿

前调 姚宽

苹叶烟深荷花露湿碧芦红蓼秋风急采菱渡口日将沉飞鸿楼上人空立  
彩凤难双红绡暗泣回纹未翦吴刀涩梦云归处不留踪厌厌一夜凉蟾入

前调 洪迈

院落深沉池塘寂静帘钩卷上梨花影宝箏拈得鴈难寻篆香消尽山空冷  
钗凤斜欹鬓蝉不整残红立褪慵看镜杜?啼月一声声无端又是三更尽

前调 袁去华

醉捻黄花笑持白羽秋江绿涨迷平楚燕鸿曾寄去年书汉皋不记来时路  
天际归舟云中烟树兰成憔悴愁难赋香囊钿合忍重看风裳水佩寻无处

前调【重九牛山】 刘克庄

日月跳丸光阴脱兔登临不用深怀古向来吹?插花人尽随残照西风去  
老矣征衫飘然客路炊烟三两人家住欲携斗酒荅秋光山深无觅黄花处

前调【金陵感梦】 姜夔

燕燕轻盈莺莺娇软分明又向华胥见夜长争得薄情知春初早被相思染  
别後书词别时鍼线离魂暗逐郎行远淮南皓月冷千山冥冥归去无人管

前调 黄机

云树参差烟茭平远沙头只欠飞来鴈西风方做一分秋凄凉已觉难消遣  
牕底灯寒帐前香暖回肠偏学车轮转剩衾闲枕自无眠谯门更着梅花怨

前调 刘光祖

埽径花零闭门春晚恨长无奈东风短起来消息探荼蘼雪条玉蕊都开徧  
晚月魂清夕阳香远故山别後谁拘管多情於此更情多一枝鶯罢还重捻

前调【送新城交代李達善】 李浙

红药香残綠筠粉嫩春归何处寻春信绣鞍初上马蹄轻举头便觉长安近  
别酒无情啼妆有恨山城向晚斜阳褪清江极目带寒烟锦鳞去後凭谁问

前调 高观国

花染烟香柳摇风翠春工写出清明意碧湾还向画船开粉墙到处骄驄繫  
歌换红裙酒招青旂吟情又许东风醉何妨日日烂芳游今宵先向西城睡

前调【九日西山】 高观国

水減堤痕秋生屐齿瘦筇换起登高意翠微烟冷梦凄凉黄花香晚人憔悴  
怀古风流悲秋情味紫萸劝入旗亭醉玉人相见说新愁可怜又湿西风泪

前调【雪中借阁帖】 杨伯岩

梅观初花蕙庭残叶当时惯听山阴雪东风吹梦到清都今年雪比前年别  
重酿宫醪双鉤官帖伴翁一笑成三絶夜深何用对青藜牕前一片蓬莱月

前调【别意】 洪璚

满满金杯重重玉筯离歌不放行人去醉中扶上木兰船醒来忘却桃源路  
带綰同心钗分一股断魂空草高唐赋秋山万叠水云深茫茫无着相思处

前调 卢炳

秋色人家夕阳洲渚西风催过黄花渡江烟引素忽飞来水禽破暝双双去  
奔走红尘栖迟羁旅断肠犹忆江南句白云低处鴈回峰明朝便踏潇湘路

前调 卢炳

猎猎霜风蒙蒙晓雾归来喜踏江南路千林翠幄半红黄试看青女工夫做  
茅舍疎篱竹边低户谁家酒滴真珠露旋沽一盏破清寒趁晴同过黄花渡

前调 吴文英

润玉笼绡檀樱倚扇绣圈犹带脂香浅榴心空叠舞裙红艾枝应压愁鬟乱  
午梦千山牕阴一箭香瘢新褪红丝腕隔江人在雨声中晚风菰叶生秋怨

前调【题中仙词卷】 周密

结客千金醉春双玉旧游宫柳藏仙屋白头吟老茂陵西清平梦绕沉香北  
玉簫天津锦囊昌谷春红转眼成秋绿重翻花外侍儿歌休听酒边供奉曲

前调【与莫两山谈?城旧事】 周密

远草情鍾孤花韵胜一楼耸翠生秋暝十年二十四桥春转头明月箫声冷  
赋药才高题坛语俊蒸香压酒芙蓉顶景留人去怕思量桂牕风露秋眠醒

前调【题草牕词卷】 王沂孙

白石飞仙紫霞凄调新歌旧恨知音少沉沉幽梦小池荒依依芳草闲庭悄  
风月交游山川怀抱凭谁说与春知道空留遗恨满江南相思一夜苹花老

前调 张炎

柳未三眠风才一信催人步履吹笙径可曾中酒似当时如今都是看花病  
老愿春迟愁嫌昼静秋千院落寒犹剩卷帘休问海棠开相传燕子归来近

前调【题卢仝啜茶手卷】 张炎

清气厓深斜阳木末松风泉水声相答光浮椀面啜先春何须美酒吴姬压  
头上乌巾鬓边白髮数间破屋从芜没山中有此玉川人相思一夜梅花发

前调【咏汤】 张炎

瑶草收香琪花采汞冰轮碾处芳尘动竹炉汤暖火初红玉?调罢歌声送  
麾去茶经袭藏酒颂一杯清味佳宾共从来采药得长生蓝桥休被琼浆弄

前调 张炎

花引春来手擎春住芳心一点谁分付微歌微笑蓦思量瞥然抛与东流去  
带润偷拈和香密护归时自有流连处不随烟水不随风不教轻把刘郎悞

前调 石孝友

钗凤摇金髻螺分翠铢衣稳束宫腰细绿柔红小不禁风海棠无力贪春睡  
翦水精神怯春情意霓裳一曲当时事五陵年少本多情为何特地添顚顚

前调 石孝友

沉水销红屏山掩素琐窗醉枕惊眠处芰荷香里散秋风芭蕉叶上鸣秋雨  
飞阁愁登倚阑凝竚孤鸿影没江天暮行云嬾寄好音来断霞暗逐斜阳去

前调【题草窗词卷】 毛珣

顾曲多情寻芳未老一庭风日知音少梦随蝶去恨墙高醉听鹦语嫌笼小  
红烛呼卢黄金买笑弹丝跼蹐长安道彩笺拈起锦囊花绿窗留得罗裙草

前调 何梦桂

夜月楼台夕阳庭院都将心事思量徧当初识面待寻常争知後情如线  
只怕梅梢参横斗转催人归去天涯远断肠多在别离时未曾说着肠先断

前调【题草窗十拟後】 李彭老

紫曲迷香绿窗梦月芳心如对春风说鸾笺象管写新声几番曾试琼壶缺  
庾信书愁江淹赋别桃花红雨梨花雪周郎先自足风流何须更拟秦笙咽

前调 无名氏

碧藓回廊绿杨深院花期夜入帘犹卷照人无奈月华明潜身却恨花陰浅  
密约难凭幽欢未展看看滴尽铜壶箭阑干敲徧不应人分明烛下闻刀翦

前调【宋媛】 苏氏

孤馆深沉晓寒天气解鞍独自阑干倚暗香浮动月黄昏落梅风送沾衣袂  
待写红笺凭谁与寄先教觅取嬉游地到家正是晚春时小桃花下?沉醉

前调【宋媛】紫竹

醉柳迷莺嬾风熨草约郎暂会闲门道粉墙陰下待郎来藓痕印得鞦痕小花月移陰帘香失裊望郎不到心如搗避人愁入倚屏山断魂还向墙阴遶

前调【闺情 宋媛四首】无名氏

玉臂寬环纱衫缓钮绣窓鍼线无心久豹头枕冷麝兰轻虾须帘静尘埃厚紫燕风头黄梅雨後柳条乱拂长江口但言暮?柳如烟谁知摇曳愁如柳

前调 无名氏

红叶空传朱绳未绾天涯可见人难见绿窓病起落梅繁玉箫梦断行云短波眼将穿柳腰似剗寂寥偏与东风管水仙愁絶翠围寒春云空谷兰香远

前调 无名氏

香罢宵熏花孤昼赏粉墙一丈愁千丈多情春梦苦抛人寻郎夜夜离罗幌好句刊心佳期束想甫愁春到还愁往销魂细柳一时垂断肠芳草连天长

前调 无名氏

佳约易乖韶光难驻柳丝飞尽江头树朝来为甚不鈎帘残花正满帘前路春赏未阑春归何遽问春归向何方去有情燕子不同归呢喃独伴春愁住

前调【题三友图】张翥

两涧天寒孤山雪後美人空谷谁为友香林有路玉烟深瀛洲无梦朝云瘦照影冰壶含情翠袖写生合在徐黄手仙家花月镇长春与君岁晚同三壽

前调 沈禧

杂组香绒错综纹理倚牀脉脉如春醉沉吟暗想玉京人雕鞍何处鸣珂里无限离愁谁知就里滔滔比似西江水无情日夜向东流一緘好寄相思泪

前调 倪瓚

春渚芹蒲秋郊梨枣东风沃野收红稻担前炙背媚晴阳天涯转瞬萋芳草鲁望渔邨陶朱烟岛高风峻节如今少黄鸡啄黍浊醪香开门迎笑东隣老



前调 王行

尘路风花暖空晴絮游丝賸有萦牵处客怀幸自不萦愁啼?又恁催归去  
细草春沙垂杨古渡忘机可得如鸥鹭平湖却也慰人心片帆不碍烟中树

前调【啼痕】 王德珪

粉结红冰香销獭髓镜鸾影里人憔悴梨花带雨不禁愁玉纖弹破真珠泪  
恨锁春山娇横秋水脸桃零落胭脂碎故将罗帕搵啼痕寄情欲比相思字

前调【眉】 王德珪

澹埽春痕轻笼芳靥捧心不效吴宫怨楚梅酸蹙翠尖纤湘烟碧聚愁萋萋  
绀羽寒凝月鈎金灺莺吭咽处微偷敛新翻舞态太娇娆镜中蛾绿如香点

前调【尘迹】 王德珪

金谷游情消磨不尽软红香里双鸳印兰皋步滑翠生痕金莲脱落凌波影  
蝶径遗踪鴈沙凝润为谁留下东风恨玉儿飞化梦中云青苹流水空仙咏

前调【秋梦】 王德珪

烟冷瑶棂神游贝阙芙蓉城里花如雪仙郎同蹑凤凰翎千门万户皆明月  
地老天荒山青海碧满身风露飘环玦高楼帘角苦无情一声吹散双飞蝶

前调 无名氏

花径争穿珠帘屡认正逢梅雨芹泥润画梁何处可安巢玉纖为把花枝衬  
社日才来端阳已近寻巢为甚偏迟钝筭来一似凤鸾期蹉跎渐觉无真信

前调【咏游丝】 刘基

弱不胜烟娇难着雨如何绾得春光住甫能振迅入云霄又还旖旎随风去  
高拂楼台低黏花絮如狂似醉无归处黄蜂粉蝶漫轻盈也应未敢窥芳树

前调 刘基

雨过山明烟生川媚佳人初把罗衫试玉驄嘶入柳阴中蒙蒙澹日蒸花气  
帘幙低垂阑干独倚一池春浪鱼鳞起暮云寂寞掩重门怕人问道归期末

前调 杨基

浅碧凝?轻红染瓣东风着意催初绽不须抵死恨开迟迟开却得迟迟看  
醉眼微醒羈魂欲断斜阳流水东西?只知人有万千愁花枝更有愁千万

前调 杨基

白皱沾苔红轻惹絮落花堆积无层数当时开拆赖东风飘零还是东风妒  
宿雨初晴低烟欲暮绵绵芳草迢迢路绿烟深处聽啼莺莺声更在深深处

前调 边贡

露湿春莎草生芳甸渔舟迤邐依山转斜光明灭照邨虚绿槐深护幽人院  
小栅鸣鸡古梁巢燕柴门不锁蓬蒿徧问渠莫是武陵源一溪流水桃花乱

前调【三月十四夜作】 吴子孝

天上浮云山前骤雨月明只在云深处试凭雕檻待须與清光果向金尊住  
玉蕊都飞朱弦解语月将圆也春将去风流人伴可怜宵千金一刻休虚度

前调 王衡

公子闲居花奴告老?鬒沙雨和风掃青天酒幔石榴红大堤纨扇蒲葵小  
待可重来向谁寻讨阑干尽日归黄鸟儿童郑重数榆钱一回不见春光好

前调 董斯张

游歇甜乡簟纹冰皱摩挲眼角呼泉漱蕉牕一带碧空青如逢故客湘川旧  
瓦铤鸣秋密龙烹就清凉福聚闲人受溪边小步鬪风斜柳丝碧罩渔汀瘦

前调【施公闇邨居九日】 沈 龙

水满江天一痕钓艇空邨客远风烟冷丹枫消翠草堂开天晴衬出重阳景  
竹埽篆烟鹤窥茶鼎芙蓉照面潮红醒天西澹月正蛾眉松台人散乌纱影

前调 卓人月

雨宿高峰烟拖远沚山川一似相思矣情怀萧索怕闻秋梧桐故遣秋风起  
闷送飞鸿闲猜双鲤想来只恨长江耳徐吹玉笛破寒云唤将月色来窗里

前调【园居】 钱 棻

万卷徒空一邱尽足寒园但种千竿竹苍陰深处掩高斋黄鹂叫过山头屋  
壁挂嵇琴邨疑阮曲白云邀我同歌宿幽花遶砌不知名柴门秋水添新绿

前调 陈子龙

墙柳黄深庭兰红吐东风着意催寒去回廊寂寂绣帘垂残梅落尽青苔路  
绮阁焚香闲阶微步罗衣料峭莺啼暮几番冰雪待春来春来又是愁人处

前调 梁云构

烟锁朱楼云铺白屋墙边透出东篱菊荷池尚见泻残红芳郊犹喜堆余绿  
天外鸿孤灯前影独月明常把金钱卜蛩吟错认报佳音芙蓉笑倚阑干曲

前调【明媛】 沈宜修

芳草青归梨花白润春风又入昭阳鬓绣牕日静绮罗闲金钿二八人如薜  
碧字题眉红香写晕青鸾玉线袞榴衬若教阿母不须疑妆台试向飞琼问

前调【过芳雪轩忆昭齐姊】 叶小鸾

芳草雨乾垂杨烟结?声又过清明节空梁燕子不归来梨花零落如残雪  
春事阑珊春愁重叠篆烟一缕销金鸭凭栏寂寂对东风十年离恨和天说

前调 叶小鸾

萱草缘堦桐花垂户阴阴绿映清凉宇轻风摇曳绣帘斜画屏难掩愁来路  
世事浮云人情飞絮恹恹愁绪丝千缕无聊常自锁牕纱娇莺百啭知何处

前调 叶小鸾

憔悴零愁清香入绣小山丛桂涂黄就画楼日影上帘鉤松风一枕消清昼  
片雨凉生小风波皱疎疎碎玉琅玕逗断云飞尽碧天长数枝烟柳斜阳瘦

御选历代诗余卷三十六

## 卷三十七

<集部,词曲类,词选之属,御选历代诗余

钦定四库全书

御选历代诗余卷三十七目录【起五十八字至六十字】

虞美人【又一体】

毛文锡【二首】

顾夔【四首】

鹿?宸

阎选【二首】

孙光宪【二首】

冯延巳【二首】

李珣

无名氏

欧阳修

吴邦桢

前调【又一体】

晁补之

杜安世

前调【又一体】

顾夐

前调【又一体】

顾夐

临江仙【又一体】

冯延巳

王观

前调【又一体】

张孝祥

吴子孝【二首】

望江南【又一体】

冯延巳【二首】

接贤宾

毛文锡

东坡引【又一体】

辛弃疾

前调【又一体】

辛弃疾

锦堂春【又一体】

程秘

朝玉阶

杜安世

惜琼花

张先

冉冉云

卢炳

韩淲

一剪梅

李清照

唐多令

刘过【二首】

尹焕

陈允平【二首】

蒋捷

周密【五首】

张炎【七首】

张林

汪元量

邓剡

张翥

杨慎

一剪梅【又 体】

周紫芝

周邦彦

辛弃疾

黄公度

刘儗

周文璞

史達祖【二首】

韩淲【二首】

方岳

卢炳

吴文英【三首】

蒋捷【二首】

欧良

石孝友

汪元量

王莹卿

韩玉

吴山

周用

吴易

荷华媚

苏轼

七娘子【又一体】

贺铸

毛滂【二首】

谢逸

向子諲

感皇恩

张先【二首】

钗头凤【又一体】

程垓

陆游

史達祖

无名氏

朝玉阶【又一体】

杜安世

望远行【又一体】

韦庄

遐方怨【又一体】



顾夔

孙光宪

拨棹子

尹鹖

鞞红

毛文锡

定风波

李泳

前调【又一体】

陈允平

吴洪

散天花

舒亶

秋蕊香引

柳永

锦帐春【又一体】

无名氏

後庭宴

无名氏

壽山曲

冯延巳

寻梅

沈会宗

御选历代诗余卷三十七目录

钦定四库全书

御选历代诗余卷三十七【起五十八字至六十字】

司经局洗马掌局事兼翰林院修撰加二级【臣】王奕清奉旨校刊

虞美人

【又一体双调五十八字】

虞美人 毛文錫

鸳鸯对浴银塘暖水面蒲梢短垂杨低拂麴尘波蛛丝结网露珠多滴圆荷  
遥思桃叶吴江碧便是天河隔锦鳞红鬣影沉沉相思空有梦相寻意难任

前调 毛文錫

宝檀金缕鸳鸯枕绶带盘宫锦夕阳低映小牕明南园绿树语鶯鶯梦难成  
玉鑪香暖频添炷满地飘轻絮珠帘不卷度沉烟庭前闲立昼秋千艳阳天

前调 顾 夔

晓莺啼破相思梦帘卷金泥凤宿妆犹在酒初醒翠翘

慵整倚云屏转娉婷

香檀细画侵桃脸罗袂轻轻歛佳期堪恨再难寻绿芜满院柳成阴负春心

前调 顾 夔

碧梧桐映纱窗晚花谢莺声懒小屏屈曲掩青山翠帏香粉玉炉寒两蛾攒  
颠狂年少轻离别辜负春时节画罗红袂有啼痕魂销无语倚闺门欲黄昏

### 前调 顾 夙

深闺春色劳思想恨共春芜长黄鹂娇啖泥芳妍杏枝如画倚轻烟琐窗前  
凭阑愁立双蛾细柳影斜摇砌玉郎还是不还家教人魂梦逐杨花绕天涯

### 前调 顾 夙

翠屏闲掩垂珠箔丝雨笼池阁露黏红藕咽清香谢娘娇极不成狂罢朝妆  
小金鸂?沉烟细腻枕堆云髻浅眉微敛注檀轻旧欢时有梦魂惊悔多情

### 前调 鹿?晨

卷荷香澹浮烟渚绿嫩擎新雨璫?透晓风清象牀珍簟冷光轻水纹平  
九疑黛色屏斜掩枕上眉心敛不堪相望病将成钿昏檀粉泪纵横不胜情

### 前调 阎 选

粉融红腻莲房绽脸动双波慢小鱼衔玉鬟钗横石榴裙染象纱轻转娉婷  
偷期锦浪荷深处一梦云兼雨臂留檀印齿痕香深秋不寐漏初长尽思量

### 前调 阎 选

楚腰蛱领团香玉鬟叠深深绿月蛾星眼笑微颦柳天桃艳不胜春晚妆匀  
水纹簟映青纱帐雾罩秋波上一枝娇卧醉芙蓉良宵不得与君同恨忡忡

### 前调 孙光宪

好风微揭帘旌起金翼鸾相倚翠檐愁听乳禽声此时春态暗关情独难平  
画堂流水空相翳一穗香摇曳教人无处寄相思落花芳草过前期没人知

### 前调 孙光宪

红?寂寂无人语暗澹梨花雨绣罗纹地粉新描博山香炷旋抽条睡魂销  
天涯一去无消息终日长相忆教人相忆几时休不堪振触别离愁泪还流

### 前调 冯延巳

碧波帘幙垂朱户帘下莺莺语薄罗依旧泣青春野花芳草逐年新事难论  
凤笙何处高楼月幽怨凭谁说须臾残照上梧桐一时弹泪与东风恨重重

前调 冯延巳

画堂新霁情萧索  
深夜垂珠箔  
洞房人睡月婵娟  
梧桐双影上朱轩  
立阶前  
高楼何处连宵宴  
塞管吹幽怨  
一声已断别离心  
旧欢抛弃杳难寻  
恨沉沉

前调 李珣

金笼莺报天将曙  
惊起分飞处  
夜来潜与玉郎期  
多情不觉酒醒迟  
失归期  
映花避月遥相送  
腻髻偏垂凤  
郤回娇步入香闺  
倚屏无语捻云篴  
翠眉低

前调 无名氏

帐中草草军情变  
月下旌旗乱  
褰衣推枕怆离情  
远风吹下楚歌声  
正三更  
抚雅欲下重相顾  
艳态花无主  
手中莲锏凛秋霜  
九泉归去是仙乡  
恨茫茫

前调 欧阳修

炉香昼永龙烟白  
风动金鸾额  
画屏寒掩小山川  
睡容初起枕痕圆  
坠花钿  
楼高不及烟霄半  
望尽相思眼  
艳阳刚爱挫愁人  
故生芳草碧连云  
怨王孙

前调【忆梅】 吴邦桢

西溪十里渔村路  
犹记看梅处  
暗香疎影最关情  
更怜雪外一枝横  
雨初晴  
而今别去梅花久  
梅好应如旧  
风霜愧我渐苍颜  
长教老鹤怨空山  
几时还

前调【又一体钱别】 晁补之

原桑飞尽霜空杳  
霜夜愁难晓  
油灯野店怯黄昏  
穷途不减酒杯深  
故人心  
羊山故道行人少  
也送行人老  
一般别语重千金  
明年过我小园林  
话如今

前调 杜安世

江亭春晚芳菲尽  
行色青天近  
画桥杨柳也多情  
暗抛飞絮惹前行  
路尘清  
彤庭早晚瞻虞舜  
遥听恩迁峻  
二年歌宴绮罗人  
片云疎雨忍漂沦  
泪沾巾

前调【又一体】 顾夔

触帘风送景阳钟  
鸳被绣花重  
晓帟初卷冷烟浓  
翠匀粉黛好仪容  
思娇慵  
起来无语理朝妆  
宝匣镜凝光  
绿荷相倚满池塘  
露清枕簟藕花香  
恨悠扬

前调【又一体】 顾 夙

少年艳质胜琼英早晚别三清莲冠稳簪钿篋横飘飘罗袖碧云轻画难成  
迟迟少转腰身袅翠靥眉心小醺坛风急杏枝香此时恨不驾鸾凰访刘郎

临江仙

【又一体双调五十九字】

临江仙 冯延巳

秣陵江上多离别雨晴芳草烟深路遥人去马嘶沉青帘斜挂里新柳万枝金  
隔江何处吹横笛沙头惊起双禽徘徊一晌几般心天长烟远凝恨独沾襟

前调 王 观

别浦相逢何草草扁舟两岸垂杨绣屏珠箔绮空囊酒深歌拍缓愁入翠眉长  
燕子归来人去也此时无奈昏黄桃花应似我心肠不禁微雨流泪湿红妆

前调【又一体】 张孝祥

罨画楼前初立马隔帘笑语相亲铅华洗尽见天真衫儿轻罩雾髻子直梳云  
翠叶银丝茉莉樱桃淡注香唇见人不语解留人数杯愁里酒两眼醉时春

前调【次韵答杨远林见贺归养】 吴子孝

喜奉一封丹凤诏扁舟东下如飞泪潜终日果成归炉烟违画省宫锦试春衣  
堂上老人无恙承欢爱日长辉传家清白胜珠玑从今山共水杖屨肯相违

前调 吴子孝

玉阜金陵非远别梦魂两地常飞故园猿鹤待来归柔弦酣倚曲稚子笑牵衣  
处处良朋为伴竹林莲社增辉挥毫对客散珠玑愿君长好在慰我久睽违

望江南

【又一体双调五十九字亦名忆江南】

望江南 冯延巳

去岁迎春楼上月正是西窗夜凉时节玉人贪睡坠钗云粉消妆薄见天真  
人非风月长休旧破镜尘箒一梦经年瘦今宵帘幙扬花陰空余枕泪独伤心

前调

今日相逢花未发正是去年别离时节东风次第有花开恁时须约却重来  
重来不怕花堪折祇怕明年花发人离别别离若向百花时东风弹泪有谁知

接贤宾

【双调五十九字唐词也宋词百十六字者号集贤宾接集音相近有互用者义亦同也】

接贤宾 毛文锡

香鞦褭五色驄值春景初融流珠喷沫蹀躞汗血流红少年公子能乘驭金鑣玉辔珑璁为  
惜珊瑚鞭不下骄生百步千踪信穿花从拂柳向九陌追风

东坡引

【又一体双调五十九字】

东坡引 辛弃疾

玉纖弹旧怨还敲绣屏面清歌自送西风鴈鴈行吹字断鴈行吹字断  
夜深拜半月琐窓西畔但桂影空堦满翠帷自掩无人见罗衣寬一半罗衣寬一半

前调【又一体】 辛弃疾

花梢红未足条破惊新绿重帘下徧阑干曲有人春睡熟有人春睡熟  
鸣禽破梦云偏目蹙起来香颧褪红玉花时爱与愁相续罗裙过半幅罗裙过半幅

锦堂春

【又一体双调五十九字】

锦堂春【留春】 程秘

最是春来苦多风雨只恁匆匆归去看游丝都不恨恨秦淮新涨向人东注  
醉里仙人惜春曾赋却不解留春且住问何人留得住怕小山更有碧芜春句

朝玉阶

【双调五十九字】

朝玉阶 杜安世

春色欺人拂眼青柳条绿丝软雪花轻黄金才鎖掩银屏陰沈深院静语娇莺  
美人春困宝钗横惜花芳态泪盈盈风流何处最多情千金一笑须信倾城

惜琼花

【双调五十九字】

惜琼花 张先

汀苹白荇水碧每逢花驻乐随处欢席别时携手看春色萤火而今飞破秋夕  
河流如带窄任轻舟似叶何计归得断云孤鹜青山极楼上徘徊无限相忆

冉冉云

【双调五十九字一名弄花雨】

冉冉云 卢炳

雨洗千红又春晚留牡丹倚阑初绽娇娅姹偏赋精神君看筭费尽工夫点染  
带露天香最清远太真妃晓妆体段?对花满把流霞频劝怕逐东风零乱

前调 韩淲

倚徧阑干弄花雨卷朱帘草迷芳树山崦里几许云烟来去画不就人家院宇  
社寒梁燕呢喃舞小桃红海棠初吐谁信道午醉醒时情绪闲整春衫自语

一翦梅

【双调五十九字以李清照词为格人以月满楼句添一西字入六十字内今按本集正之】

一翦梅 【宋媛】李清照

红藕香残玉簟秋轻解罗裳独上兰舟云中谁寄锦书来鴈字回时月满楼

花自飘零水自流一种相思两处闲愁此情无计可消除才下眉头却上心头

唐多令

【唐或作糖一名南楼令双调六十字】

唐多令【重过武昌】 刘 过

芦叶满汀洲寒沙带浅流二十年重到南楼柳下系舟犹未稳能几日又中秋  
黄鹤断矶头故人今在不旧江山总是新愁欲买桂花重载酒终不似少年游

前调【梅】 刘 过

解?蓼花湾好风吹去帆二十年重过新滩洛浦凌波人去後空梦绕翠屏间  
飞雾湿征衫苍苍烟树寒望星河低处长安绮陌红楼应笑我为花事过江南

前调【吴兴席上】 尹 焕

苹末转清商溪声供夕凉缓传杯催唤红妆斜挽乌云新浴罢裙拂地水沉香  
歌短旧情长重来惊鬓霜怅绿陰青子成双说着前欢佯不睬扬莲子打鸳鸯

前调【吴江道上寄郑可大】 陈允平

何处是秋风月明霜露中筭凄凉未到梧桐曾向垂虹桥上看有几树水边枫  
客路怕相逢酒浓愁更浓数归期犹是初冬欲寄相思无好句聊折赠鴈来红

前调 陈允平

休去采芙蓉秋江烟水空带斜阳一片征鸿欲顿闲愁无顿处都着在两眉峰  
心事寄题红画桥流水东断肠人无奈秋浓回首层楼归去嬾早新月挂梧桐

前调【壽东轩】 蒋 捷

秋碧泻晴湾楼台云影间记仙家元在蓬山飞到鴈峰尘更少三万顷玉无边  
金觥倒垂莲歌摇香雾鬟任芙蓉月转朱阑天气已凉犹未冷重九後小春前

前调 周 密

丝雨织莺梭浮钱点翠荷燕风庭宇正清和苔面唾茸堆绣迳春去也奈春何



宫柳老青蛾题红隔翠波扇鸾尘暗合欢罗门外绿陰深似海应未比旧愁多

前调 周密

桂影满空庭秋宵宵五更一声声都是消凝新鴈旧蛩相应和禁不过冷清清  
酒与梦皆醒病因愁做成展红绡犹有余馨暗想芙蓉城下路花可可雾冥冥

前调 周密

敲枕听西风蛩阶月正中弄秋声金井梧桐闲忆十年吴下路船几度繫江风  
辇路又迎逢秋如归兴浓叹淹留还见新冬湖外霜林秋似锦一片片认题红

前调 周密

开了木芙蓉一年秋已空送新愁千里孤鸿摇落江篱多少恨吟不尽楚云峰  
往事夕阳红故人江水东翠衾寒几夜霜浓梦断屏山飞不去随夜鹊遶疎桐

前调 周密

好梦不分明楚云千万层带围宽愁损兰成玉杵玄霜无咫尺青羽信更沉沉  
水调夜凄清清宵谁共听砑红空赋倾城几度欲吟吟不得可煞是没心情

前调【送韩竹涧归杭】 张炎

一见又天涯人生可叹嗟想难忘江上琵琶诗酒一瓢风雨外都莫问是谁家  
怜我鬓先华何愁归路赊向西湖重隐烟霞说与山童休放鹤最零落是梅花

前调 张炎

云冷未全开檐冰雨沍苔入花根暖意先回一夜绿房迎晓白空忆徧岭头梅  
如幻旧情怀寻春上吹台正泥深十二香街且问谢家池畔草春必定几时来

前调【怀西湖】 张炎

湖上景消磨飘零有梦过问堤边春事如何可是而今张绪老见说道柳无多  
客里醉时过寻思安乐窝买扁舟重缉渔蓑欲趁桃花流水去又却怕有风波

前调【送杭友】 张炎

聚首不多时烟波又别离有黄金应铸相思折得梅花先寄我山正在里湖西  
风雪脆荷衣休教鸥鹭知惜丝丝犹混尘泥何日束书归旧隐还只怕种瓜迟

前调【题聚仙图】 张 炎

曾记宴蓬壶寻思认得无醉归来事已模糊忽对画图如梦寐又因甚下清都  
拍手笑相呼应书缩地符想人间天上同途隔水一声何处笛正月满洞庭湖

前调【壽月溪】 张 炎

天净雨初晴秋清人更清满吟牕柳思周情一片香来松桂下长听得读书声  
闲处卷黄庭年年两鬓青佩芳兰嬾系尘缨傍取溪边端正月对玉兔话长生

前调 张 炎

风雨客殊乡梧桐傍小牕甚秋声今夜偏长忆着旧时歌舞地谁得似牧之狂  
茉莉拥钗梁云窝一枕香醉瞢腾多少思量明月半牀人睡觉听说道夜深凉

前调 张 林

金勒控花驄故山云雾中翠苹洲先有西风可惜嫩凉时枕簟都付与旧山翁  
双翠合眉峰泪华分脸红向尊前何太匆匆才是别离情便苦都莫问澹和浓

前调【吴江中秋】 汪元量

莎草被长洲吴江拍岸流忆故家西北高楼十载客牕憔悴损搔短鬓独悲秋  
人在塞边头断鸿书寄不记当年一片闲愁舞罢羽衣尘满面谁伴我广寒游

前调 邓 刊

雨过水明霞潮回岸带沙叶声寒飞透牕纱懊恨西风催世换更随我落天涯  
寂寞古豪华乌衣日又斜问堂前燕入谁家只有南来无数鴈和明月宿芦花

前调 张 翥

花下钿箜篌尊前白雪讴记怀中朱李曾投镜约钗盟心已许诗写在小红楼  
忍泪上云兜断魂随彩舟等闲间惹得离愁欲寄长河鱼信去流不到白苹洲

前调【中秋与二客泛舟】 杨 慎

飞镜露云头金波水面浮水晶宫今夜中秋唤取官奴吹玉笛香雾湿锦云留  
二客亦风流蛾川泛小舟问何如赤壁黄州坡老有灵应鼓掌天地里寄蜉蝣一翦梅

【又一体双调六十字】

一翦梅【送杨师醇】 周紫芝

无限江山无限愁两岸斜阳人上扁舟阑干吹浪不多时酒在离尊情满沧洲  
早是霜华两鬓秋日送飞鸿那更难留问君尺素几时来莫道长江不解西流

前调 周邦彦

一翦梅花万样娇斜插疎枝略点眉梢轻盈微笑舞低徊何事尊前拍手相招  
夜渐寒深酒渐消袖里时闻玉钏轻敲城头谁恁促残更银漏何如且慢明朝

前调 黄公度

冷艳幽香冰玉姿占断孤高压尽芳菲东君先暖向南枝要使天涯管领春归  
不受人间莺蝶知长是年年雪约霜期嫣然一笑百花迟调鼎行看结子黄时

前调 刘儗

唱到阳关第四声香带轻分罗带轻分杏花时节雨纷纷山遶孤邨水遶孤邨  
更没心情共酒尊春山香满空有啼痕一般离思两消魂马上黄昏楼上黄昏

前调 周文璞

风韵萧疎玉一团更着梅花轻裊云鬟这回不是恋江南只为温柔天上人间  
赋罢闲情共倚阑江月庭芜總是销魂流苏斜掩烛花寒一样眉尖两处关山

前调 史达祖

谁写梅溪字字香沙边幽梦常恁芬芳不如花酒伴昏黄只怕东风吹断人肠  
小阁无灯月浸牕香吹罗袖酒映宫妆如今竹外怕思量谷里佳人一片冰霜

前调 史达祖

秦客当楼泣凤箫宫衣香断不见纖腰隔年心事又今宵折尽冰弦何用鸾胶  
些子轻魂几度销兰骚蕙些无计重招东牕一梦月华娇也带春愁飞上梅梢

前调 韩 滂

缥缈神仙云雾牕说与苏州未断人肠带湖烟月堕苍茫唤醒嫦娥春笋纤长  
马上琵琶半额妆拨尽相思十二巫阳疎帘清簟入潇湘佩玉鸣鸾吹下天香

前调 韩 滂

一朵梅花为和香浅色春风别样宫妆西湖佳处更难忘雪意江天浑断人肠  
清夜横斜竹影牕赢得相思魂梦悠扬玉溪山外水云乡茅舍疎篱不换金章

前调【客中新雪】 方 岳

谁翦轻琼做物华春遶天涯水遶天涯园林晓树恁横斜道是梅花不是梅花  
宿鹭联拳倚断槎昨夜寒些今夜寒些孤舟箸笠钓烟沙待不思家怎不思家

前调【元宵】 卢 炳

灯火楼台万斛莲千门喜笑素月婵娟几多急管与繁弦巷陌骈阗毕献芳筵  
乐与民偕五马贤绮罗丛里一簇神仙传柑雅宴约明年尽夕留连满泛金船

前调【赠友】 吴文英

远目伤心楼上山愁里长眉别後蛾鬟暮云低压小阑干教问孤鸿因甚先还  
瘦倚溪桥梅夜寒雪欲消时泪不禁弹翦成钗胜待归看春在西牕灯火更阑

前调 吴文英

老色频生玉镜尘雪澹春姿越看精神溪桥人去几黄昏流水泠泠都是啼痕  
细雨轻寒暮掩门萼绿灯前酒带香温风情谁道不因春春到一分花瘦一分

前调 吴文英

闷蕊惊寒减艳痕蜂也消魂蜨也消魂醉归无月傍黄昏知是花邨知是前邨  
留得闲枝叶半存好似桃根不是桃根小楼昨夜雨声浑春到三分秋到三分

前调 蒋 捷

小巧楼台眼界宽朝卷帘看暮卷帘看故乡一望一心酸云又迷漫水又迷漫  
天不教人客梦安昨夜春寒今夜春寒梨花月底两眉攒倚徧阑干拍徧阑干

前调【舟过吴江】 蒋捷

一片春愁待酒浇江上舟摇楼上帘招秋娘渡与泰娘桥风又飘飘雨又萧萧  
何日归家洗客袍银字笙调心字香烧流光容易把人抛红了樱桃绿了芭蕉

前调 欧良

漠漠春阴酒半酣风透春衫雨透春衫人家蚕事欲眠三桑满筐篮柘满筐篮  
先自离怀百不堪樯燕呢喃梁燕呢喃篝灯强把锦书看人在江南心在江南

前调【送晁驹父】 石孝友

萍水相逢无定居同在他乡又问征途离歌声里客心孤花尽园林水满江湖  
烟树微茫带?蒲何处长沙何处洪都要知安稳到家无千里征鸿一纸来书

前调 汪元量

十年旧事漫咨嗟今日思家明日思家一轮燕月照牕纱楼上征笳塞上征笳  
玉人劝我酌流霞急捻琵琶缓捻琵琶一从别後各天涯欲寄梅花莫寄梅花

前调【宋媛】 王莹卿

荳蔻梢头春意阑风满前山雨满前山杜?啼血五更残花不禁寒人不禁寒  
离合悲懽事几般离有悲懽合有悲懽别时容易见时难怕唱阳关莫唱阳关

前调 韩玉

镜里新妆镜外情小眉幽恨浅绿低横只疑闲纵绣鞍尘不道天涯萦绊归程  
梦里兰闺相见惊玉香花瘦春艳盈盈觉来欹枕转愁人门外潇潇风月三更

前调【出巡驻赣州】 吴山

玉帐牙旗控上游粤峽烟收闽桥烟收球门铙吹转山陬昨日汀州今日?州  
郁孤台上试凝眸章水分流贡水分流沧江如练鴈横秋欲办归舟难办归舟

前调【中秋】 周用

画船铙吹下扬州十里回头千里回头燕山迢递百花洲一度中秋几度中秋  
遥天今夜片云收风也无愁雨也无愁凭高不减少年游酒满南楼月满南楼

前调 吴 易

红染青枫白露霏江上鸿栖城上乌栖扁舟野客倒金卮霜下花稀月下星稀  
旧事纷纷总奕棋颦也西施笑也西施英?心事總成痴煞鵙夷恼煞鵙夷荷华媚

【双调六十字】

荷华媚 苏 轼

霞苞露荷碧天然地别是风流标格重重青盖下千娇照水好红红白白  
每怅望明月清风夜甚低迷不语天邪无力终须放船儿去清香深处住看伊颜色七娘子

【又一体双调六十字】

七娘子 贺 铸

京江抵海边吴楚铁瓮城形胜无今古北固凌高西津横渡几人携手分襟处  
凄凉渌水桥南路奈玉壶难叩鸳鸯语行雨行云非花非雾为谁来为谁还去

前调【舟中早秋】 毛 滂

山屏雾帐玲珑碧更绮牕临水新凉入雨短烟长柳桥萧瑟这番一日凉一日  
离多绿鬓多时白这离情不似而今惜云外长安斜晖脉脉西风吹梦来无迹

前调【和方回登月波楼】 毛 滂

月光波影寒相向借团团与做长壕样此老南楼风流可想殷勤冰彩随人上  
欲同次道倾家釀有兵厨玉盞金波涨云外归鸿烟中飞桨五湖秋兴心先往

前调 谢 逸

风翦冰花飞零乱映梅花素影摇清浅绣幄寒轻兰熏烟暖艳歌催得金荷卷  
游梁已觉相如倦忆去年舟渡淮南?别後销魂冷猿寒鴈角声只送黄昏怨

前调 向子諲

山围水绕高唐路恨密云不下阳台雨雾阁云牕风亭月户分明携手同行处  
而今不见生尘步但长江无语东流去满地落花漫天飞絮谁知總是离愁做感皇恩

【双调六十字】

感皇恩 张先

廊庙当时共代工睢陵千里约远相从欲知宾主与谁同宗支内黄阁旧有三公  
广乐起云中湖山看画轴两仙翁武陵佳话几时穷元丰际德星聚照江东

前调 张先

延寿芸香七世孙华轩承大对见经纶溟鱼一息化天津袍如草三百骑从清尘  
玉树莹风神同时棠棣萼一家春十年身是凤池人蓬莱阙黄阁主迟谈宾钗头凤

【又一体双调六十字一名玉珑璁亦名折红英】

钗头凤 程垓

桃花暖杨花乱可怜朱户春强半长记忆探芳日笑凭郎肩殢红偎碧惜惜惜  
春宵短离肠断泪痕长向东风满凭青翼问消息花谢春归几时来得忆忆忆

前调 陆游

红酥手黄滕酒满城春色宫墙柳东风恶欢情薄一怀愁绪几年离索错错错  
春如旧人空瘦泪痕红湿鲛绡透桃花落闲池阁山盟虽在锦书难托莫莫莫

前调【寒食饮绿亭】 史达祖

春愁远春梦乱风钗一股轻尘满江烟白江波碧柳户清明燕帘寒食忆忆忆  
莺声暖箫声短落花不许春拘管新相识休相失翠陌吹衣画楼横笛得得得

前调 无名氏

城南路桥南树玉钩帘卷香横雾新相识旧相识浅颦低笑嫩红轻碧惜惜惜  
刘郎去阮郎住为云为雨朝还暮心相忆空相忆露荷心性柳花踪迹得得得朝玉阶

【又一体双调六十字】

朝玉阶 杜安世

帘卷春寒小雨天牡丹花落尽悄庭轩高空双燕舞翩翩无风轻絮坠暗苔钱

拟将幽怨写香笺中心多少事语难传思量真个恶因缘那堪长梦见在伊边望远行

【又一体双调六十字】

望远行 韦庄

欲别无言倚画屏含恨暗伤情谢家庭树锦鸡鸣残月落边城人欲别马频嘶绿槐千里长堤  
出门芳草路萋萋云雨别来易东西不忍别君後却入旧香闺遐方怨

【又一体双调六十字孙光宪一首第五句向遗一字】

遐方怨 顾夐

帘影细簾纹平象纱笼玉指镂金罗扇轻嫩红双脸似花明两条眉黛远山横  
凤箫歇镜尘生辽塞音书絶梦魂长暗惊玉郎经岁负娉婷教人怎不恨无情

前调 孙光宪

红绶带锦香囊为表花前意殷勤赠玉郎此时更觉役心肠转添秋夜梦魂狂  
思艳质想娇妆愿早传金盞同欢卧醉乡任人猜妒恶猜防到头须使似鸳鸯拨棹子

【双调六十字】

拨棹子 尹鹗

风切切深秋月千朵芙蓉繁艳歇小槛细腰无力空赢得目断魂飞何处说  
寸心恰似丁香结看看瘦尽胸前雪偏挂恨少年抛掷羞覩见绣被堆红闲不撒鞦红

【双调六十字】

鞦红 毛文锡

粉香尤嫩霜寒可惯怎奈向春心已转玉容别是一般闲婉悄不管桃红杏浅  
月影帘栊金堤波面渐细细香风满院一枝折寄故人虽远莫辄使江南信断定风波

【本唐教坊乐名为词调亦名定风波双调六十字】

定风波 李泳



点点行人趁落晖摇摇烟艇出渔矶一路水香流不断零乱春潮绿浸野蔷薇  
南去北来愁几许登临怀古欲沾衣试问越王歌舞地佳丽只今惟有鷓鴣啼

前调【又一体】 陈允平

慵拂妆台懒画眉此情惟有落花知流水悠悠春脉脉闲倚绣屏独自立多时  
有约莫教莺解语多愁却妒燕于飞一笑蔷薇辜旧约载酒寻欢因甚懒支持

前调【寄史明古】 吴洪

抖擞初衣未化缁此心只有故人知却悔溪堂分袂易悞我软红尘里去多时  
八测塘前沽酒店三高祠下钓鱼矶便与先生寻旧社北郭西邨有约莫迟疑散天花

【双调六十字此调絶似朝玉阶亦与小重山相近第以换头结尾稍异另立调名也】

散天花 舒亶

云断长空叶落秋寒江烟浪尽日随舟西风偏解送离愁声声南去鴈下汀洲  
无奈多情去复留骊歌齐唱罢泪争流悠悠别恨几时休不堪残酒醒凭危楼秋蕊香引

【双调六十字】

秋蕊香引 柳永

留不得光阴催促奈芳兰歇好花谢惟顷刻彩云易散琉璃脆验前事端的  
风月夜几处前踪旧迹忍思忆这回望断永作天涯隔向仙岛归宴两路无消息锦帐春

【又一体双调六十字】

锦帐春 无名氏

春色难留酒怀常浅更旧恨新愁相间五更风千里梦看飞红几片这般庭院  
几许风流几般娇懒问相见如何不见燕飞忙莺语乱恨重帘不卷翠屏天远後庭宴

【双调六十字宋宣和间掘地得石刻载唐人词本无调名後人以後庭宴名之与後庭花无涉】

後庭宴 无名氏

千里故乡十年华屋乱云飞过屏山簇眼重眉褪不胜春菱花知我消香玉  
双双燕子归来应解笑人幽独断歌零舞遗恨清江曲万树绿低迷一庭红扑簌寿山曲

【六言十句不分前後段作单调六十字】

寿山曲 冯延巳

铜壶滴漏初尽高阁鸡鸣半空催啓五门金锁犹垂三殿帘栊阶前御柳摇绿仗下宫花散红  
鸳瓦数行晓日鸾旗百尺春风侍臣舞蹈重拜圣寿南山永同寻梅

【双调六十字】

寻梅 沈会宗

幽香浅浅湿未透认雪底思来始有翦裁尚觉琼瑶皱苦寒中越恁骨清肌瘦  
东风气象园林旧又去年而今时候急宜小摘当尊酒选一枝且付玉人纤手

御选历代诗余卷三十七

## 卷三十八

<集部,词曲类,词选之属,御选历代诗余

钦定四库全书

御选历代诗余卷三十八目錄【六十字】

临江仙【又一体】

苏轼【十二首】

秦观

晁补之【十一首】

陈师道

李之仪【二首】

贺铸

毛滂【三首】

杜安世

舒亶

赵令畤

晁冲之【二首】

滕宗谅

苏庠【二首】

葛胜仲【六首】

周紫芝【二首】

谢逸

廖行之

曹组

叶梦得【五首】

陈与义

赵长卿【四首】

张元干

张抡【二首】

辛弃疾【三首】

吕胜已

刘克庄【三首】

李石

王千秋

黄机

刘鎮

马庄父

王炎

高观国

史達祖

韩淲【三首】

张炎

石孝友【三首】

李清照【二首】

刘鼎臣妻【二首】

苏氏

完顏璫

韩玉

段成已

元好问【三首】

张弘范

刘因

詹正

蒲道源

张翥【三首】

张埜

无名氏

刘基

吴子孝

杨慎

吴洪

张綎

陈子龙

王凤嫺

叶小鸾

前调【又一体】

顾夔

御选历代诗余卷三十八目錄

钦定四库全书

御选历代诗余卷三十八【六十字】

司经局洗马掌局事兼翰林院修撰加二级【臣】王奕清奉旨校刊

临江仙

【又一体双调六十字】

临江仙【黄冈赠龙丘子】 苏轼

细马远驮双侍女青巾玉带红鞵溪山好处便为家谁知巴峡路却见洛阳花  
面旋落英飞玉蕊人间春日初斜十年不见紫云车龙丘新洞府铅鼎养丹砂

前调 苏轼

诗句端来磨我钝钝锥不解生鋋欢颜为我解冰霜酒阑清梦觉春草满池塘  
应念雪堂坡下老昔年共采芸香功名成遂早还乡回车来过我乔木拥千章

前调【离杭至润别张秉道】 苏轼

我劝髯张归去好从来已自忘情尘心消尽道心平江

南与塞北何处不堪行  
俎豆庚桑真过矣凭君说与南荣愿闻吴越报丰登君王如有问结袜赖王生

前调【送王缄】 苏轼

忘却成都来十载因君未免思量凭将清泪洒江阳故山知好在孤客自悲凉  
座上别愁君未见归来欲断无肠殷勤且更尽离觞此身如传舍何处是吾乡

前调【夜到扬州】 苏轼

尊酒何人怀李白草堂遥指江东珠帘十里卷香风花开花又谢离恨几千重  
轻舸渡江连夜到一时惊笑衰容语音犹自带吴依夜阑相对处依旧梦魂中

前调 苏轼

九十日春都过了贪忙何处追游三分春色一分愁雨翻榆荚阵风转柳花球  
阆苑先生须自责蟠桃动是千秋不知人世苦厌求东皇不拘束肯为使君留

前调【风水洞作】 苏轼

四大从来都徧满此间风水何疑故应为我发新诗幽化香涧谷寒藻舞沦漪  
借与玉川生两液天仙未必相思还凭流水送人归层巅余落日草露已沾衣

前调 苏轼

一别都门三改火天涯踏尽红尘依然一笑作春温无波真古井有节是秋筠  
惆怅孤帆连夜发送行澹月微云尊前不用翠眉颦人生如逆旅我亦是行人

前调【登望湖楼】 苏轼

多病休文都瘦损不堪金带垂腰望湖楼上暗香飘和风春弄笛明月夜闻箫  
酒醒梦回清漏永殷牀无限更潮佳人不见董娇饶徘徊花上月空度可怜宵

前调 苏轼

夜饮东坡醒复醉归来髣髴三更家僮鼻息已雷鸣敲门都不应倚杖听江声  
长恨此身非我有何曾忘却营营夜阑风静縠纹平小舟从此逝江海寄余生

前调【赠王友道】 苏轼

谁道东阳都瘦损凝然点漆精神瑶林终自隔风尘试看披鹤氅仍是谪仙人  
省可清言挥玉麈直须保器全真风流何似道家纯不应同蜀客惟爱卓文君

前调 苏轼

冬夜夜寒冰合井画堂明月侵帟青釭明灭照悲啼灯花挑欲尽粉泪浥还垂  
未尽一尊先掩泪歌声半带清悲情声两尽莫相违欲知肠断处梁上暗尘飞

前调 秦观

千里潇湘接蓝浦兰桡昔日曾经月高风定露华清微波澄不动冷浸一天星  
独倚危楼情悄悄遥闻妃瑟泠泠新声含尽古今情曲终人不见江上数峰青

前调 晁补之

绿暗汀洲三月暮落花风静帆收垂杨低映木兰舟半篙春水滑一段夕阳愁  
灞水桥东回首处美人亲上帘钩青鸾无计入红楼行云归楚峡飞梦到扬州

前调 晁补之

尽说彭门新半刺昆吾割玉如泥功名余事不须为才情诗里见风味酒边知  
好在阿咸同老也青云往岁心期千锺百首兴来时伯伦从妇劝元亮信儿痴

前调 晁补之

十岁儿曹同砚席华居织翠如葱一生心事醉吟中相逢俱白首无语对西风  
莫道尊前情调减衰颜得酒能红可怜此会意无穷夜阑人静睡独遶菊花丛

前调【南都留别】 晁补之

曾唱牡丹留客饮明年何处相逢忽惊鹄起落梧桐绿荷多少恨回首背西风  
莫叹今宵身是客一尊未晓犹同此身应似去来鸿江湖春水阔归梦故园中

前调 晁补之

常记河阳花县里恰如饭颗山逢春城何处满丝桐纶巾并羽扇君有古人风  
重向梁王台畔见黄花绿酒谁同新诗别後寄南鸿回头思照碧人在白云中

前调【信州作】 晁补之



谪宦江城无屋买，残僧野寺相依松间药，白竹间衣水穷行到处云起坐看时，  
一个幽禽缘底事苦来醉，耳边啼月斜西院，愈声悲青山无限好，犹道不如归。

前调 晁补之

身外闲愁空满眼，就中欢事常稀，明年应赋送春诗，试从今夜数相会，几多时，  
浅酒欲邀谁共劝，深情惟有君知，东溪春近好同归，柳垂江上影，梅谢雪中枝。

前调 晁补之

自古齐山重九胜，登临梦想依依，偶来恰值菊花时，难逢开口笑，须插满头归，  
昨夜一江风色好，平明秋浦帆飞，可怜如赴使君期，且当酬令节，不用叹斜晖。

前调 晁补之

马上匆匆听鹊喜，朦朧月淡黄昏，碧罗双扇晓光分，铅华先辨脸，朱色怎分唇，  
暂别宝奁蛛网徧，春风泪污榴裙，香笺小字寄行云，纖腰非学楚，寬带为思君。

前调 晁补之

离别寻常今白首，更须竹雨萧萧，不应都占世间豪，清风居士手，杨柳洛城腰，  
文字功名真自误，从今好月良宵，只须怜取董娇饶，修门君自到，不用我词招。

前调 晁补之

君似苍嵯千仞竹，一枝孤映蒿萧，簟瓢不减万鍾豪，闲情搔短髮，佳句咏纖腰，  
罢酒兰舟回楚舵，相思何处今宵，淮南幽桂水云饶，他年春草恨，应有小山招。

前调【送叠罗菊与赵使君】 陈师道

宫样初黄过九日，鲜妍时更宜寒，挽回人意不成阑，香罗堆叶密，芳意着心单，  
过与後房歌舞手，轻盈喜色生顔，堕钗拥髻与垂鬟，欲知谁称面，偏插一枝看。

前调 李之仪

知有阆风花解语，从来祇许传闻，光明休咏汉宫新，拥身疑有月，衬步恨无云，  
莫把金尊容易劝，坐来几度销魂，不知仙骨在何人，好将千岁日，占断四时春。

前调 李之仪

九十日春都过了寻常偶到江皋水容山态两相饶草平天一色风暖燕双高  
酒病厌厌何计那飞红更送无聊莺声犹似耳边娇难回巫峡梦空恨武陵桃

前调【立春】贺铸

巧翦合欢罗胜子钗头春意翩翩艳歌浅笑拜嫣然愿郎宜此酒行乐驻华年  
未老文园多病客幽襟凄断堪怜旧游梦挂碧云边人归落鴈後思发在花前

前调毛滂

古寺长廊清夜美风松烟桧萧然石阑干外上疎帘遏云闲窈窕斜月静婵娟  
独自徘徊无个事瑶琴试奏流泉曲终谁见枕琴眠香笺虬尾细灯烬玉虫偏

前调毛滂

莫恨那回容易别不妨久远情肠为人留下旧风光花枝常自好馥馥十年香  
便是旧时帘外月却来小槛低牕朦胧影里淡梳妆相看如梦寐回首怎思量

前调【都城元夕】毛滂

闻道长安灯夜好雕轮宝马如云蓬莱清浅对觚棱玉皇开碧落银界失黄昏  
谁见江南顚顚客端忧嬾步芳尘小屏风畔冷香凝酒浓春入梦牕破月寻人

前调杜安世

徧地残花庭院静流莺对对相过万条风柳间婆娑樱桃初弄色萱草自成窠  
早是芳菲时节晚追游期会无多眉山斂翠近秋波日长初睡起愁与病相和

前调【送李易初】舒亶

折柳门前鸂鶒绿河梁小驻归船不堪华髮对离筵孤邨啼鴂日深院落花天  
文采弟兄真叠玉赤霄去路谁先明朝便恐各风烟江山如有恨桃李自无言

前调赵令畤

枝上粉香吹欲尽依前庭院春风更谁同遶摘芳丛漏残金兽冷信断锦屏空  
看结灯花愁不睡酒阑无梦相逢凄凉长判一生中不如云外月永夜在房栊

前调晁冲之

忆昔西池池上饮年年多少欢娱别来不寄一行书寻常相见了犹道不如初  
安稳锦屏今夜梦月明好渡江湖相思休问定何如情知春去後管得落花无

前调 晁冲之

双舸亭亭横晚渚城中飞观嵯峨画桥灯火照清波玉钩平浸水金锁半沉河  
试问无情堤上柳也应厌听骊歌人生无奈别离何夜长嫌梦短泪少恨愁多

前调【巴陵】 滕宗谅

湖水连天天连水秋来分外澄清君山自是小蓬瀛气蒸云梦泽波撼岳阳城  
帝子有灵能鼓瑟凄然依旧伤情微闻兰芷动芳馨曲终人不见江上数峰青

前调【荷花】 苏庠

猎猎风蒲初暑过萧然庭户秋清野航渡口带烟横晚山千万点别鹤两三声  
秋水芙蓉聊荡桨一尊同破愁城蓼花滩上白鸥明暮云连极浦急雨暗长汀

前调【赠张建康】 苏庠

本是白苹洲畔客虎符卧镇江城归来犹得趁鸥盟柳丝摇晓市杜若徧芳汀  
莫惜飞觴仍堕帻柳边依约莺声水秋鲈熟正关情只愁宣室召未许钓船轻

前调【姜尉托疾】 葛胜仲

郊外黄埃端可厌归来移病香闺象牀珍簟共委蛇耆婆寻草尽天女散花迟  
小雨作寒秋意晚檐声与梦相宜冷侵罗幌篆烟微试评书五朵何似画双眉

前调【上巳九曲池流杯】 葛胜仲

小样洪河分九曲飞泉环绕粼粼青莲往事已成尘羽觞浮碧甃宝剑捧金人  
绿绮且依流水调逢逢挝鼓催巡玉堂词客是嘉宾茂林修竹地大胜永和春

前调【上巳海昌王氏园】 葛胜仲

倦客身同舟不系轻帆来访儒仙春风上巳艳阳天天桃方散锦高柳欲飞緜  
千古海昌佳絶地双鳧暂此留连通宵娱客破芳筵兰亭修禊事梓泽醉名园

前调【章圃赏瑞香】 葛胜仲

二月风光浓似酒小楼新湿青红碧琉璃色映羣峰更携金凿落来赏锦熏笼  
词客旧留花月旦此葩清软纖穠未饶兰蕙转光风赤阑呈雅艳翠幙护芳丛

前调 葛胜仲

雪壁歌词题尚湿春风又见轻红一枝斜插映眉峰不辞连夜赏银烛透纱笼  
白髮欺人今老矣尊前羞见繁穠清香犹嫪虎溪风海棠须避席佳种漫蚕丛

前调【锦熏阁赏花】 葛胜仲

檻外奇葩江外种娇春未减鞦红画楼晴日敛云峰佛香来海?蜀锦荐灯笼  
今夜那忧煞风景酒花来鬪妖穠江梅冷澹避春风明朝来纵赏应醉绮罗丛

前调 周紫芝

水远山长何处去欲行人似孤云十分瘦损沈休文忍将秋水镜容易与君分  
试问梨花枝上雨为谁弹满清尊一江风月黯离魂平波催短棹小立送黄昏

前调【送曾光州】 周紫芝

记得武陵相见日六年往事堪惊回头双鬓已星星谁知江上酒还与故人倾  
铁马红旗寒日暮使君犹寄边城只愁飞诏下青冥不应霜塞晚横槊看诗成

前调 谢逸

玉树临风宾欲散黄昏铁马嘶庭幽欢未尽有余清琼糜方一啜银烛已双檠  
坐久香津生齿颊何须五斗消醒艳歌声里醉魂醒明年思此会旌旆想登瀛

前调【元宵】 廖行之

春意忙忙春色里又还几度花期澹晴时候尽融怡梅顚翻白後柳眼弄青时  
正是江城天气好楼台灯火星移相逢无处不相宜轻狂行乐去明月夜深归

前调 曹组

青琐窓深红兽暖灯前共倒金尊数枝梅浸玉壶春雪明浑似晓香意欲成云  
户外马嘶催客起席间欢意留人从他微霰落纷纷不妨吹酒面归去醒余醺

前调 叶梦得

不见跳鱼翻曲港湖边特地经过萧萧疎雨乱风荷微云吹尽散明月堕平波  
白酒一杯还径醉归来散髮婆娑无人能唱采菱歌小轩敲枕簟檐影挂星河

前调 叶梦得

自笑天涯无定准飘然到处迟留兴阑却上五湖舟鲈蓴新有味碧树已惊秋  
台上微凉初过雨一尊聊记同游寄声时为到沧洲遥知敲枕处万壑看交流

前调【南山台成与客看月】 叶梦得

絶顶参差千嶂外不知空水相浮下临湖海见三洲落霞横暮景为客小迟留  
卷尽微云天更阔此行不负清秋忽惊河汉近人流青霄元有路一笑倚琼楼

前调 叶梦得

碧瓦新霜侵晓梦黄花已过清秋风帆何处挂扁舟故人归欲尽斜日更回头  
乐圃桥边烦借问有人高卧江楼寄声聊为诉离忧桂丛应已老何事久淹留

前调【席上梅花】 叶梦得

不与羣芳争艳艳化工自许寒梅一枝临晚照歌台眼明浑未见弦管莫惊催  
记取刘郎归去路千年应话天台酒阑不惜更重陪夜寒衣袂薄犹有暗香回

前调【夜登小阁忆洛中旧游】 陈与义

忆昔午桥桥上饮坐中多是豪英长沟流月去无声杏花疎影里吹笛到天明  
二十余年如一梦此身虽在堪惊闲登小阁看新晴古今多少事渔唱起三更

前调 赵长卿

天外浓云云外雨雨声初上檐牙红蕖应褪洗妆花晚凉如有意习习到山家  
为唤山童多索酒金鍾细酌流霞晕生玉颊酒潮斜闲中无宠辱醉里是生涯

前调 赵长卿

过尽征鸿来尽燕故园消息茫然一春憔悴有人怜怀家寒食夜中酒落花天  
见说江头春浪渺殷勤欲送归船别来此处最萦牵短篷南浦雨疎柳断桥烟

前调 赵长卿

日欲低时江景好暮山紫翠重重钓筒收尽碧潭空一船霜夜月两?荻花风  
遥忆暖春新向火黄昏下了帘栊水邨渔浦橈孤篷单衾愁梦断无梦转愁浓

前调 赵长卿

人在梦云楼上别残灯影里迟留依稀绿惨更红羞露痕双脸湿山样两眉愁  
几幅片帆天际去云涛烟浪悠悠今宵独立古江头水腥鱼菜市风碎荻花洲

前调【荼蘼】 张元干

莺唤屏山惊睡起娇多须要郎扶荼蘼斗帐罢熏炉翠穿珠落索香泛玉流苏  
长记枕痕销醉色日高犹倦妆梳一枝春瘦想如初梦迷芳草路望断素鳞书

前调 张抡

闻道彤庭森宝仗霜风逐雨驱云六龙扶辇下青冥香随鸾扇远日射赭袍明  
帘卷天街人隘路满城喜望清尘欢声催起岭梅春欲知天意好昨夜月华新

前调【禁中丹桂】 张抡

玉宇凉生清禁晓丹葩色照晴空珊瑚敲碎小玲珑人间无此种来自广寒宫  
雕玉阑干深院静嫣然凝笑西风曲屏须占一枝红且图欹醉枕香到梦魂中

前调【探梅】 辛弃疾

老去惜花心已嬾爱梅犹遶江邨一枝先破玉溪春更无花态度全是雪精神  
賸向青山餐秀色为渠着句清新竹根流水带溪云醉中浑不觉归路月黄昏

前调 辛弃疾

风雨催春寒食近平原一片丹青溪头唤渡柳边行花飞蝴蝶乱桑嫩野蚕生  
绿野先生闲袖手却寻诗酒功名未知明日定陰晴今宵成独醉却笑衆人醒

前调【簪花屡堕戏作】 辛弃疾

鼓子花开春烂漫荒园无限思量今朝拄杖过西乡急呼桃叶渡为看牡丹忙  
不管昨宵风雨横依然红紫成行白头陪奉少年场一枝簪不住推道帽檐长

前调 吕胜已

忽忆裴公台上去远空秋气棱棱万山一水秀还明此时三楚客何意续骚经  
爱竹子猷参杖履能诗侯喜同登賸酬不尽古今情清风生白麈侧月照疎星

前调【种海棠作】 刘克庄

落魄长官江海客少年万里寻春而今憔悴向溪滨断无觴咏兴惟有簿书尘  
手插海棠三百本等闲妆点芳辰他年绛雪映红云叮咛风与月记取种花人

前调【潮惠道中】 刘克庄

不见仙湖能几日尘沙变尽形容夜来月冷露华浓都忘茆屋下但记画船中  
两?绿陰犹未合更须补竹添松最怜几树木芙蓉手栽才数尺别後为谁红

前调【已酉和实之灯夕】 刘克庄

玉笋钿车当日事东涂西抹都曾等闲曲子压和凝纵游非草草已醉强惺惺  
今向三家邨送老身如罢讲吴僧高楼百尺不须登半炉烧叶火一盏勘书灯

前调 李石

烟柳疎疎人悄悄画楼风外吹笙倚阑闻唤小红声熏香临欲睡玉漏已三更  
坐待不来来又去一方明月中庭粉墙东畔小桥横起来花影下扇子扑流萤

前调 王千秋

柳巷莺啼春未晓画堂环佩珊珊熏炉烘暖鹧鸪斑寿杯须斗酌舞袖正弓弯  
未说珥貂横玉事勲名且勒燕然归来方卜五湖闲年年花月夜沉醉绮罗间

前调 黄机

上巳清明都过了客愁惟有心知子规昨夜忽催归驿程那复记魂梦已先飞  
回首故园花与柳枝枝叶叶相思归来 得典春衣绿陰幽邃处不管尽情啼

前调 刘 鎮

荡紫飘红芳信断都无人问穠纤吟鞭倚醉问凉蟾香消金缕篆尘压宝妆匳  
梦峡朝云飞不到一春离绪厌厌却疑归燕碍重帘心期花底误眉眼柳边添

前调 马庄父

人意舒闲春事到徐徐弄日微云翠鬟飞绕闹蛾羣烟横沽酒市风转落梅邨  
岁事一新人半旧相逢际晚醺醺花间亭馆柳间门尅除风雨外排日醉红裙

前调 王 炎

鷓鴣一声春事了不知苦劝谁归花梢香露染蔷薇小梅酸着齿酒榼正堪携  
鸭绿一篙新雨过远山半出修眉仙翁理棹欲来时遶檐乌鹊喜报与主人知

前调 高观国

俱是洛阳年少客才华迴出天真青衫惯拂软红尘酒狂因月舞诗俊为梅新  
寄语长安风月道鶯花缓作青春披风沐露问前津客中春不当归去倍还人

前调 史達祖

愁与西风应有约年年同赴清秋旧游帘幙记扬州一灯人着梦双鴈月当楼  
罗带鸳鸯尘暗澹更须整顿风流天涯万一见温柔瘦应因此瘦羞亦为郎羞

前调 韩 淲

脆管繁弦无觅处小楼空掩遥山柳丝直下曲阑干海棠红欲褪玉钏怯春衫  
殢酒不成芳信断社寒新燕呢喃雕盘慵整宝香残绮疏明薄暮帘外雨潺潺

前调 韩 淲

罗帐画屏新梦悄绿牕慵起香残重帘生怕倚阑干春风吹玉水春雪满灵山  
梁燕未来归鴈动海棠才带红酣酒愁花恨霎时间烟云催薄暮丝雨湿轻寒

前调 韩 淲

竹树陰陰流涧水黄鹂飞去飞还蓬门篱落小桥湾更无尘迹到我自爱其间  
雨又随风催薄暮轻雷时动云班归来凉意一牕闲病余真倦矣睡熟簟纹宽

前调【墨水仙】 张 炎

翦翦春冰出万壑和春带出芳丛谁分弱水洗尘红低回金凿落约略玉玲珑  
昨夜洞庭云一片朗吟飞过天风戏将瑶草散虚空灵根何处觅只在此山中

前调 石孝友



醉袖吟鞭竹色里帽檐低处风斜晚山一半被云遮残阳明远水古木集栖鸦  
暮去朝来缘底事不如早早还家曲屏深幌小牕纱翠沾眉上柳红搵脸边花

前调 石孝友

买笑当歌何处好小楼四面江山玉梅枝上卸余寒雨随春到急风向晚来颠  
任自腰围都瘦损肯教懽意阑珊引杯相属莫留残花和人竞好人与月争圆

前调 石孝友

枕上莺声初破睡悄寒轻透帘帏起来惆怅有谁知雨狂风转急揉损好花枝  
薄幸别来春又老等闲误却佳期斜阳影里立多时远山何事翠相对蹙修眉

前调 【宋媛】李清照

庭院深深深几许云牕雾阁春迟为谁憔悴瘦芳姿夜来清梦好应是发南枝  
玉瘦檀轻无限恨南楼羌管休吹浓香开尽有谁知暖风迟日也别到杏花时

前调 李清照

庭院深深深几许云牕雾阁常扃柳梢梅萼渐分明春归秣陵树人客建安城  
感月吟风多少事如今老去无成谁怜憔悴更凋零灯花空结蕊离别共伤情

前调 刘鼎臣妻

何处甘泉来席上嫩黄初泻银瓶月团尝罢有余清惠山名品好歌舞暂留停  
欲赏霍源新气味不应兼进豨苓此中端有澹交情相如方病酒一饮骨毛轻

前调 刘鼎臣妻

记得高堂同饮散一杯汤罢分携绦纱笼影簇行旗更残银漏急天澹玉绳低  
只恐曲终人不见歌声且为迟迟如今车马各东西画堂携手处疑梦又疑非

前调 【立春寄 宋媛季顺妹】苏氏

一夜东风穿绣户融融暖应佳时春来何处最相知平明堤上柳染徧郁金枝  
姊妹嬉游时节近今朝应怨来迟凭谁说与到家期玉钗头上胜留待远人归

前调 完顏璫

倦客更遭尘事冗故寻闲地婆娑一尊芳草一声歌卢郎心未老潘令鬓先皤  
醉向繁台台上问满川细柳新荷薰风楼阁夕阳多倚阑凝思久渔笛起烟波

前调【梅花】 韩玉

月是银缸溪是镜云霓与作衣裳夜寒独立竹篱傍妆成那待粉笑罢自生香  
自古佳人多薄命枉教傲雪凌霜从来林下异闺房何须三弄笛方断九回肠

前调 段成已

走遍人间无一事十年归梦悠悠行藏休更倚危楼乱山明月晓沧海冷云秋  
诗酒功名殊不恶个中未减风流西风吹散两眉愁一声长啸罢烟雨暗汀洲

前调 元好问

昨夜半山亭下醉注尊今日留题放船直到浙江西玉壶天上下云锦树高低  
世上红尘争白日山中太古熙熙外人初到故应迷桃花三百里浑是武陵溪

前调 元好问

自笑此身无定在北州又复南州买田何日遂归休向来元落落此去亦悠悠  
赤日黄尘三百里嵩丘几度登楼故人多在玉溪头清泉明月晓高树乱蝉秋

前调 元好问

夏馆秋林山水窟家家林影湖光三年闲为一官忙簿书愁里过笋蕨梦中香  
父老书来招我隐临流已盖茅堂白头兄弟共论量山田寻二顷他日作桐乡

前调 张弘范

千古武陵溪上路桃源流水潺潺可怜仙侣剩浓欢黄鹂惊梦破青鸟唤春还  
回首旧游浑不见苍烟一片荒山玉人何处倚阑干紫箫明月底翠袖暮云寒

前调 刘因

行色匆匆缘底事山阳梅信相催梅花香底有新醅南州今乐土得意且衔杯  
君见太行凭寄语云间苍壁崔嵬平生遮眼厌黄埃高楼吾有兴无惜送青来

前调 詹正

白髮壯心还未減春风夢遶揚州青山隱隱水悠悠征帆从蕩漾行李亦風流  
向日侍郎今右相元龍豪氣橫秋月明千里鎮淮樓依然青眼旧应不负依刘

前调【咏梅】 蒲道源

闻說東庵梅最好何須遠訪西湖金衣相映玉肌膚幽香俱可愛顏色不妨殊  
花主惜春仍好事賞花清似林逋冰蕤雪萼正敷腴只愁无客至那怕酒頻沽

前调【賦柳】 張翥

搖蕩春光湖上路多情偏識倡条画船系在赤欄桥花飛人別处綠暗雨休朝  
惱乱东风扶不起空怜燕婉莺娇舞衣香冷董娇娆相思无限恨犹似旧宫腰

前调 張翥

羨杀漁家生处乐隔湾数点青灯蓑衣忘在石矶层蓼花秋酿酒枫叶晚垂罽  
时向瓦甌篷底醉往来鹭侶鸥朋老翁倚棹坐蓐蓐有魚吾欲买揺手不能应

前调 張翥

羨杀漁邨无畔?茫茫杨柳蒹葭雨余水漲没汀沙惊鴻投別浦浴鳥坐沉槎  
殘日篙头闲晒网垂髻来买魚虾得錢沽酒徑归家一声横笛外烟火隔芦花

前调 張埜

蓮幕酒闌人散後滿庭松竹蕭森搗殘秋思是邻砧翠屏惊旧夢白髮入新吟  
盖世勲名将底用悠悠往古来今一灯孤恨夜牕深箏闲纤箏玉杯冷軟橙金

前调 无名氏

昨夜惊眠梅雨大枕前牕上頻敲天明翻覺夢魂遥起来看女伴熏袖已香消  
云鎖房栊烟鎖竹卷帘水湿蛟绡菱花低照拂眉梢玉梳云髮潤不喜上兰膏

前调 刘基

街鼓无声更漏咽不知殘夜如何玉繩历乱耿银河鵲惊穿暗樹露坠滴寒莎  
夢里相逢还共說五湖烟水漁蓑鏡中綠髮漸无多泪如霜後叶撼撼下庭柯

前调【題画荷花】 吳子孝

寂寞小池凉雨後美人团扇知秋玉容红沁见时羞倚风如解佩映水怕擡头  
隔浦天香如袅袅多情欲去还留月明波冷不胜愁采芳何处唱试听木兰舟

前调【江陵别内】 杨 慎

楚塞巴山横渡口行人莫上江楼征骖去棹两悠悠相看临远水独自上孤舟  
却羡多情沙上鸟双飞双宿河洲今宵明月为谁留团团清影好偏照别离愁

前调【虎丘同济之作】 吴 洪

爱此云岩林壑美櫜鞬藤杖追游生公台下鹤泉浮与君成二老谭笑亦风流  
台阁功名归去好便应醉枕糟丘不须含笑看吴鉤苔花还绣壁波冷蛰龙湫

前调 张 縯

十里红楼依绿水当年多少风流高城重上使人愁远山将落日依旧上帘钩  
一曲琵琶思往事青衫泪满江州访邻休问杜家秋寒烟沙外鸟残雪渡傍舟

前调【小春】 陈子龙

西风料峭黄花暮斜阳一角红楼罗衣添得又还休银蟾寒约指宝鸭暖藏钩  
忽忆软金杯自捧重携残烛淹留於今玉漏更悠悠不知千里梦无奈五更愁

前调【明媛】 王凤?

珠帘不卷银蟾透夜凉独自凭阑瑶琴欲整指生寒鹤归松露冷人静井梧残  
天际一声新度鴈翱翔似觅回滩浮生几见几悲欢三秋今已半枫叶醉林丹

前调【端午 明媛】 叶小鸾

团扇新裁明月影珠帘半上琼钩榴花红到玉钗头彩丝宜续命绿砌绕忘忧  
酒泛菖蒲香玉碎嫩红双压横秋画船尽日闹芳洲萧萧烟雨外还锁楚江愁

前调【又一体】 顾 夔

碧染长空池似镜倚楼闲望凝情满衣红藕细香清象牀珍簟山幃掩玉琴横  
暗想昔时欢笑事如今赢得愁生博山炉暖澹烟轻蝉吟人静残日傍小牕明

御选历代诗余卷三十八

## 卷三十九

<集部,词曲类,词选之属,御选历代诗余

钦定四库全书

御选历代诗余卷三十九目录【六十字】

蝶恋花【上】

南唐李煜

冯延巳【十二首】

丁谓【二首】

晏殊【六首】

宋祁

欧阳修【十四首】

晏几道【十三首】

张先【二首】

柳永【二首】

苏轼【十三首】

秦观

陈师道

李之仪【三首】

贺铸【四首】

毛滂【八首】

杜安世【四首】

王诜

舒亶【二首】

赵令畤

秦觏

葛胜仲【三首】

周紫芝

谢逸

周邦彦【十首】

曹组

御选历代诗余卷三十九目录

钦定四库全书

御选历代诗余卷三十九【六十字】

司经局洗马掌局事兼翰林院修撰加二级【臣】王奕清奉旨校刊

蝶恋花【上】

【双调六十字一名黄金缕一名凤栖梧一名鹊踏枝一名一箩金一名鱼水同欢一名卷珠帘一名明月生南浦】

蝶恋花 南唐李煜

遥夜亭皋闲信步才过清明渐觉伤春暮数点雨声风约住朦胧澹月云来去  
桃李依依香暗度谁在秋千笑里轻轻语一片芳心千万绪人间没个安排处

前调 冯延巳

梅落繁枝千万片犹自多情学雪随风转昨夜笙歌容易散酒醒添得愁无限  
楼上春寒山四面过尽征鸿暮景烟深浅一晌凭阑人不见红绡掩泪思量遍

前调 冯延巳

秋入蛮蕉风半裂狼藉池塘雨打疎荷折遶砌蛩声芳草歇愁肠学尽丁香结  
回首西南看晚月孤鴈来时塞管声呜咽历历前欢无处说关山何日休离别

前调 冯延巳

牕外寒鸡天欲曙香印成灰起坐浑无绪檐际高梧凝宿雾卷帘双鹊惊飞去  
屏上罗衣闲绣缕一晌关情忆徧江南路夜夜梦魂休谩语已知前事无寻处

前调 冯延巳

萧索清秋珠泪坠枕簟微凉展转浑无寐残酒欲醒中夜起月明如练天如水  
阶下寒声啼络纬庭树金风悄悄重门闭可惜旧欢携手地思量一夕成憔悴

前调 冯延巳

烦恼韶光能几许肠断魂销看却春还去只喜墙头灵鹊语不知青鸟全相误  
心若垂杨千万缕水阔花飞梦断巫山路开眼新愁无问处珠帘锦帐相思否

前调 冯延巳

霜落小园瑶草短瘦叶和风惆怅芳时换旧恨年年愁不管朦胧如梦空肠断  
独立荒池斜日岸墙外遥山隐隐连天汉忽忆当年歌舞伴晚来双脸啼痕满

前调 冯延巳

芳草满园花满目帘外微微细雨笼庭竹杨柳千条珠碧池波皱鸳鸯浴  
窈窕人家顔似玉弦管泠泠齐奏云和曲公子欢筵犹未足斜阳不用相催促

前调 冯延巳

几度凤楼同饮宴此夕相逢却胜当时见低语前欢频转面双眉敛恨春山远  
蜡烛泪流羌笛怨偷整罗衣欲唱情犹嬾醉里不辞金盏满阳关一曲肠千断

前调 冯延巳

几日行云何处去忘了归来不道春将暮百草千花寒食路香车繫在谁家树  
泪眼倚楼频独语双燕飞来陌上相逢否撩乱春愁如柳絮悠悠梦里无寻处

前调 冯延巳

粉映墙头寒欲尽宫漏长时酒醒人犹困一点春心无限恨罗衣印满啼妆粉  
柳暗花飞寒食近陌上行人杳不传芳信楼上重檐山隐隐东风尽日吹蝉鬓

前调 冯延巳

六曲阑干偎碧树杨柳风轻展尽黄金缕谁把钿筝移玉柱穿帘海燕双飞去  
满眼游丝兼落絮红杏开时一霎清明雨浓睡觉来莺乱语惊残好梦无寻处

前调 冯延巳

谁道闲情抛弃久每到春来惆怅还依旧日日花前常病酒不辞镜里朱颜瘦  
河畔青芜堤上柳为问新愁何事年年有独立小桥风满袖平林新月人归後

前调 丁谓

十二层楼春色早三殿笙歌九陌风光好堤柳岸花连复道玉梯相对开蓬岛  
莺啭乔林鱼在藻太液微波绿鬪王孙草南阙万人瞻羽葆後天祝圣天难老

前调 丁谓

朱阙玉城通阆苑月桂星榆春色无深浅箫瑟篴笙仙客宴蟠桃花满蓬莱殿  
九色明霞裁羽扇云雾为车鸾鹤骖雕辇路指瑶池归去晚壶中日月如天远

前调 晏殊

一霎秋风惊画扇艳粉娇红尚拆荷花面草际露垂虫响徧珠帘不下留归燕  
埽掠亭台开小院四座清欢莫放金杯浅龟鹤命长松壽远阳春一曲情千万

前调 晏殊

紫菊初生朱槿坠月好风清渐有中秋意更漏乍长天似水银屏展尽遥山翠  
绣幕卷波香引穗急管繁弦共爱人间瑞满酌玉杯紫舞袂长春祝壽千千岁



前调 晏殊

南鴈依稀回侧阵雪霁墙阴偏觉兰芽嫩中夜梦余消酒困炉香卷穗灯生晕  
急景流年都一瞬往事前欢未免萦方寸腊後花期知渐近寒梅已作东风信

前调 晏殊

槛菊愁烟兰泣露罗幙轻寒燕子双飞去明月不谙离恨苦斜光到晓穿朱户  
昨夜西风凋碧树独上高楼望尽天涯路欲寄彩鸾无尺素山长水濶知何处

前调 晏殊

帘幕风轻双语燕午睡醒来柳絮飞撩乱心事一春犹未见余花落尽青苔院  
百尺朱楼闲倚徧薄雨浓云底事遮人面消息未知归早晚斜阳只送平波远

前调 晏殊

紫府羣仙名籍秘五色斑龙暫降人间媚海变桑田都不记蟠桃一熟三千岁  
露滴彩旌云遶袂谁信壶中别有笙歌地门外落花随水逝相看莫惜尊前醉

前调 宋祁

绣幕茫茫罗帐卷春睡腾腾困入娇波慢慢枕痕留玉脸腻云斜溜钗头燕  
远梦无端欢又散泪落臙脂界破蜂黄浅整了翠鬟匀了面芳心一寸情何限

前调 欧阳修

帘幕东风寒料峭雪里梅香先报春来早红蜡枝头双燕小金刀翦彩呈纖巧  
旋暖金炉熏蕙藻酒入横波困不禁烦恼绣被五更春睡好罗帏不觉纱牕晓

前调 欧阳修

庭院深深深几许杨柳堆烟帘幕无量数玉勒雕鞍游冶处楼高不见章台路  
雨横风狂三月暮门掩黄昏无计留春住泪眼问花花不语乱红飞过秋千去

前调 欧阳修

腊雪初消梅蕊绽梅雪相和喜鹊穿花啜睡起夕阳迷醉眼新愁长向东风乱  
瘦觉玉肌罗带缓红杏梢头二月春犹浅望极不来芳信断音书纵有争如见

前调 欧阳修

海燕双来归画栋帘影无风花影频移动半醉腾腾春睡重绿鬟堆枕香云拥  
翠被双盘金缕凤忆得前春有个人人共花里黄莺时一啉日斜惊起相思梦

前调 欧阳修

面旋落花风荡漾柳重烟深雪絮飞来往雨後轻寒犹未放春愁酒病成惆怅  
枕畔屏山围碧浪翠被华灯夜夜空相向寂寞起来褰绣幌月明正在梨花上

前调 欧阳修

永日环堤乘彩舫烟草萧疎恰似晴江上水浸碧天风皱浪菱花荇蔓随双桨  
红粉佳人翻丽唱惊起鸳鸯两两飞相向且把金尊倾美酿休思往事成惆怅

前调 欧阳修

越女采莲秋水畔窄袖轻罗暗露双金钏照影摘花花似面芳心只共丝争乱  
鸂鶒滩头风浪晚雾重烟轻不见来时伴隐隐歌声归棹远离愁引着江南岸

前调 欧阳修

水浸秋天风皱浪缥缈仙舟只似秋天上和露采莲愁一晌看花却是啼妆样  
折得莲茎丝未放莲断丝牵特地成惆怅归棹莫愁花荡漾江头有个人相望

前调 欧阳修

梨叶初红蝉韵歇银汉风高玉管声凄切枕簟乍凉铜漏彻谁教社燕轻离别  
草际虫吟秋露结宿酒醒来不记归时节多少衷肠犹未说珠帘夜夜朦胧月

前调 欧阳修

翠苑红芳晴满目绮席流莺上下长相逐紫陌闲随金轳辘马蹄踏徧春郊绿  
一觉年华春梦促往事悠悠百种寻思足烟雨满楼山断续人间倚徧阑干曲

前调 欧阳修

小院深深门掩亚寂寞珠帘画阁重重下欲近禁烟微雨罢绿杨深处秋千挂  
傅粉狂游犹未舍不念芳时眉黛无人画薄幸未归春去也杏花零落香红谢

前调 欧阳修

欲过清明烟雨细小槛临牕点点残花坠梁燕语多惊晓睡银屏一半堆香被  
新岁风光如旧岁所恨征轮渐渐程迢递纵有远情难写寄何妨解有相思泪

前调 欧阳修

画阁归来春又晚燕子双飞柳软桃花浅细雨满天风满院愁眉敛尽无人见  
独倚阑干心绪乱芳草芊緜尚忆江南岸风月无情人暗换旧游如梦空肠断

前调 欧阳修

尝爱西湖春色早腊雪方销已见桃开小顷刻光阴都过了如今绿暗红英少  
且趁余花谋一笑况有笙歌艳态相萦绕老去风情应不到凭君剩把芳尊倒

前调 晏几道

卷絮风头寒欲尽坠粉飘红日日香成阵新酒又添残酒困今春不减前春恨  
蝶去莺飞无处问隔水高楼望断双鱼信恼乱横波秋一寸斜阳只与黄昏近

前调 晏几道

初捻霜纨生怅望隔叶莺声似学秦娥唱午睡醒来慵一晌双纹翠簟铺寒浪  
雨罢苹风吹碧涨脉脉荷花泪脸红相向斜贴绿云新月上弯环正是愁眉样

前调 晏几道

庭院碧苔红叶徧金菊开时已近登高宴日日露荷凋绿扇粉塘烟水澄如练  
试倚凉风醒酒面鴈字来时恰向层楼见几点护霜云影转谁家芦管吹秋怨

前调 晏几道

喜鹊桥成催凤驾天为欢迟乞与初凉夜乞巧双蛾如意画玉钩斜傍西南挂  
分钿擘钗凉叶下香袖凭肩谁记当时话路隔银河犹可借世间离恨何年罢

前调 晏几道

碧草池塘春又晚小叶风娇尚学娥妆浅双燕来时还念远珠帘绣户杨花满  
绿柱频移弦易断细看秦筝正似人情短一曲啼乌心绪乱红颜暗与流年换

前调 晏几道

梦入江南烟水路行尽江南不与离人遇睡里销魂无说处觉来惆怅佳期误  
欲尽此情书尺素浮鴈沉鱼终了无凭据却倚鵾弦歌别绪断肠移破秦筝柱

前调 晏几道

醉别西楼醒不记春梦秋云聚散真容易斜月半牕还少睡画屏闲展吴山翠  
衣上酒痕诗里字点点行行总是凄凉意红烛自怜无好计夜寒空替人垂泪

前调 晏几道

千叶早梅夸百媚笑面凌寒内样妆先试月脸冰肌香细腻风流新称东君意  
一稔年光春有味江北江南更有谁相比横玉声中吹满地好枝长恨无人寄

前调 晏几道

金翦刀头芳意动彩蕊开时不怕朝寒重晴雪半消花？晓妆呵尽香酥冻  
十二楼中双翠凤缈缈歌声记得江南弄醉舞春风谁可共秦云已有鸳屏梦

前调 晏几道

笑艳秋莲生绿浦红脸青腰旧识凌波女照影弄妆娇欲语西风岂是繁华主  
可恨良辰天不与才过斜阳又值黄昏雨朝落暮开空自许竟无人解知心苦

前调 晏几道

碧落秋风吹玉树翠节红旗晚过银河路休笑星机停弄杼凤帟已在云深处  
楼上金鍼穿绣缕谁管天边隔岁分飞苦试等夜阑寻别绪泪痕千点罗衣露

前调 晏几道

碧玉高楼临水住红杏开时花底曾相遇一曲阳春春已暮晓莺声断朝云去  
远水来从楼下路过尽流波未得鱼中素月细风尖垂柳渡梦魂长在分襟处

前调 晏几道

黄菊开时伤聚散曾记花前共说深深愿重见金英人未见相思一夜天涯远  
罗袖同心闲结徧带易成双人恨成双晚欲写彩笺书别怨泪痕早已先书满

前调 张先

移得绿杨栽後院学舞宫腰二月青犹短不比灞陵多送远残丝乱絮东西岸  
几叶小眉寒不展莫唱阳关真个无肠断分付与春春细看条条尽是离人怨

前调 张先

密宴未休池馆暮天汉沉沉借得春光住红翠鬪为长袖舞香檀拍过惊鸿翥  
明日不知花在否今夜圆蟾後夜忧风雨可惜歌云容易去东城杨柳来时路

前调 柳永

帘下清歌帘外宴虽爱新声不见如花面牙板数敲珠一串梁尘暗落琉璃盏  
桐树流声孤凤怨渐遏遥天不放行云散座上少年听未惯玉山将倒肠先断

前调 柳永

独倚危楼风细细望极离愁黯黯生天际草色山光残照里无人会得凭栏意  
也拟疎狂图一醉对酒当歌强乐还无味衣带渐宽终不悔为伊消得人憔悴

前调 苏轼

花褪残红青杏小燕子飞时绿水人家遶枝上柳絲吹又少天涯何处无芳草  
墙里秋千墙外道墙外行人墙里佳人笑笑渐不闻声渐悄多情却被无情恼

前调 苏轼

一颗樱桃樊素口不爱黄金只爱人长久学画鸦儿犹未就眉尖已作伤春皱  
扑蝶西园随伴走花落花开渐解相思瘦破镜重圆人在否章台折尽青青柳

前调 苏轼

雨过春容清更丽只有离人幽恨终难洗北固山前三面水碧琼梳拥青螺髻  
一纸乡书来万里问我何年真个成归计白首送春 一醉东风吹破千行泪

前调【暮春别李公择】 苏轼

簌簌无风花自妥寂寞园林柳老樱桃过落日多情还照座山青一点横云破  
路尽河回千转柁系缆渔邨月暗孤灯火凭仗飞魂招楚些我思君处君思我

前调【密州上元】 苏轼

灯火钱塘三五夜明月如霜照见人如画  
帐底吹笙香吐麝此般风味应无价  
寂寞山城人老也击鼓吹箫乍入农桑社  
火冷灯稀霜露下昏昏雪意云垂野

前调【密州文安国席上】 苏轼

帘外东风交雨霰帘里佳人笑语如莺燕  
深惜今年正月暖灯光酒色摇金盏  
掺鼓渔阳挝未徧舞褪琼钗汗湿香罗软  
今夜何人吟古怨清诗未就冰生研

前调【过涟水赠赵晦之】 苏轼

自古涟漪佳绝地遶郭荷花欲把吴兴比  
倦客尘埃何处洗真君堂下寒泉水  
左海门前酤酒市夜半潮来月下孤舟起  
倾盖相逢 一醉双鳧飞去人千里

前调 苏轼

春事阑珊芳草歇客里风光又过清明节  
小院黄昏人忆别落红处处闻啼鵲  
咫尺江山分楚越目断魂消应是音尘绝  
梦破五更心欲折角声吹落梅花月

前调 苏轼

记得画堂初会遇好梦惊回望断高唐路  
燕子双飞来又去纱牕几度春光暮  
那日绣帘相见处低眼佯行笑整香云缕  
敛尽春山羞不语人前深意难轻诉

前调 苏轼

昨夜秋风来万里月上屏帏冷透人衣袂  
有客抱衾愁不寐那堪玉漏长如岁  
羁舍留连归计未梦断魂消一枕相思泪  
衣带渐宽无别意新书报我添憔悴

前调 苏轼

玉枕冰寒消暑气碧簟纱?向午朦胧睡  
莺舌惺忪如会意无端画扇惊飞起  
雨後初凉生水际人面桃花的的遥相似  
眼看红芳犹抱蕊丛中已结新莲子

前调 苏轼

雨霰疎疎经泼火巷陌秋千犹未清明过  
杏子梢头香蕾破澹红褪白臙脂浣  
苦被多情相折挫病绪厌厌浑似年时个  
遶徧回廊还独坐月笼云暗重门锁

前调 苏轼

蝶嬾莺慵春过半  
花落狂风小院残  
红满午醉未醒  
红日晚黄昏帘幙无人卷  
云鬓鬢?眉黛浅  
总是愁媒欲诉谁消遣  
未信此情难系  
绊杨花犹有东风管

前调 秦观

晓日窥轩双燕语  
似与佳人共惜春  
将暮屈指艳阳都几许  
可无时霎间风雨  
流水落花无问处  
只有飞云冉冉来还去  
持酒劝云云且住  
凭君碍断春归路

前调【送彭舍人罢徐州】 陈师道

九里山前千里路  
流水无情只送行人去  
路转河回寒日暮  
连峯不许重回顾  
水解随人花却住  
衾冷香销但有残妆污  
泪入长江空几许  
双鸿一抹无寻处

前调 李之仪

天澹云闲晴昼永  
庭户深沉满地梧桐影  
骨冷魂清如梦醒  
梦回犹是前时景  
取次杯盘催酩酊  
醉帽频欹又被风吹正  
踏月归来人已静  
恍疑身在蓬莱顶

前调 李之仪

玉骨冰肌天所赋  
似与神仙来作烟霞侣  
枕畔拈来亲手付书牕  
终日常相顾  
几度离披留不住  
依旧清香只欠能言语  
再送神仙须爱护  
他时却待亲来取

前调 李之仪

为爱梅花如粉面  
天与工夫不似人间见  
几度拈来亲比看工夫  
却是花枝浅  
见得归来临几砚  
尽日相看默默情无限  
更不覈时须百遍  
分明销得人肠断

前调 贺铸

桃叶园林风日好  
曲迳珍丛处处闻啼鸟  
翠珥金丸委芳草  
韞罗尘动香裙  
埽片帆乘兴来须早  
每话长安引领犹西笑  
离索年多故人少  
江南有鴈无书到

前调 贺铸

排办张灯春事早  
十二都门物色宜新晓  
金犢车轻玉驄小  
拂头杨柳穿驰道  
蓴羹鲈膾非吾好  
去国讴吟半落江南调  
满眼青山恨西照  
长安不见令人老

前调 贺铸

睡鸭炉寒熏麝煎寂寂歌梁无计留归燕十二曲栏闲倚徧一杯长待何人劝  
不识当年桃叶面吟咏佳词想像犹曾见两桨往东风与便潮平月上江如练

前调 贺铸

小院朱扉开一扇内样新妆镜里分明见眉晕半深唇注浅朶云冠子偏宜面  
被掩芙蓉熏麝煎帘影沉沉只有双飞燕心事向人犹腼腆强来牕下寻红綫

前调【听周生鼓琵琶】 毛滂

闻说君家传窈窕秀色天真更夺丹青妙细意端相都总好春愁春媚生顰笑  
璫玉风前金凤小那事殷勤总托琵琶道十二峰云遮醉倒华灯翠帐花相照

前调【秋晚东归留吴甚久】 毛滂

江接寒溪家已近想见秋来松菊荒三径自送吴山秋色尽星星却入双蓬鬓  
鳬短鹤长真个定勋业来迟不用频看镜嬾出问人人不问绿尊倒尽横书枕

前调【寒秀亭梅】 毛滂

相见江南情不少尔许多时怪得无消耗澹日暖云勾引到阑干寂寞怜春小  
宫面可吹匀画了粉瘦酥寒一段天真好唤起玉儿娇睡觉半山残月南枝晓

前调【寒食】 毛滂

红杏梢头寒食雨燕子泥新不住飞来去行傍柳阴闻好语莺儿穿过黄金缕  
桑落酒寒杯嬾举总被多情做的无情绪春过二分能几许银台新火重帘暮

前调【东堂手栽牡丹见花】 毛滂

三叠阑干铺碧甃小雨新晴才过清明後初见花王披袞绣娇云瑞日明春昼  
彩女朝真天质秀宝髻微偏风卷霞衣皱莫道东君情最厚韶光半在东堂手

前调【春夜不寐】 毛滂

红影斑斑吹锦片露叶烟梢寒月娟娟满更起遶庭行百徧无人只有栖莺见  
觅个薄情心对换愁绪偏长不信春宵短正是碧云音信断半衾犹赖香熏暖



前调【和孙使君】 毛滂

城上春云低阁雨渐觉春随一片花飞去素颈圆吭莺燕语不妨缓缓歌金缕  
堕纪颓纲公已举但见清风萧瑟随谈麈借寇假饶天不许未须忙遣韶华暮

前调【敲枕】 毛滂

不雨不晴秋气味酒病秋怀不做惺忪地初换夹衣围翠被蔷薇水润衙香腻  
旋折秋英餐露蕊金缕虬团更试帘泉水幽梦不来寻小睡无言划尽屏山翠

前调 杜安世

整顿云鬟初睡起庭院无风尽日帘垂地书阁巢新燕声喜杨花狂散无拘系  
近来早是添憔悴金缕衣宽赛过宫腰细冉冉光阴似流水春残莺老人千里

前调 杜安世

池上新秋帘幙卷菡萏娇红镜里西施面衰柳摇风尚柔软眠沙鸂鶒临清浅  
新翻归翅云间燕满地槐花尽日蝉声乱独倚阑干暮山远一场寂寞无人见

前调 杜安世

篱落繁枝千万片犹自多情似雪随风转昨夜笙歌容易散酒醒添得愁无限  
楼上春云山四面过尽征鸿暮景烟深浅一晌凭阑人未见红绡掩泪思量偏

前调 杜安世

惆怅留春留不住欲到清和背我堂堂去飞絮落花和细雨凄凉庭院流莺度  
更被闲愁相赚误梦断高唐回首桃源路一晌沈吟无意绪分明往事今何处

前调 王诜

钟送黄昏鸡报晓昏晓相催世事何时了万苦千愁人自老春来依旧生芳草  
忙处人多闲处少闲处光阴几个人知道独上高楼云杳杳天涯一点青山小

前调【赋梅别公度】 舒亶

雪後江城红日晚暖入香梢渐觉 珑满髻髯临风妆半面水晶斜卷谁庭院  
折向尊前君细看便是江南寄我人还远手把北枝多少怨小楼横笛吹肠断

前调 舒亶

深炷熏炉局小院手捻黄花尚觉金犹浅回首画堂双语燕无情渐渐看人远  
相见争如初不见短鬓潘郎陡觉年华换最是西风吹不断心头往事歌中怨

前调 赵令畤

欲减罗衣寒未去不卷珠帘人在深深处残杏枝头花几许啼红止恨清明雨  
尽日水沉香一缕宿酒醒迟恼破春情绪飞燕又将归信误小屏风上西江路

前调【足司马才仲梦中词】 秦 觀

妾本钱塘江上住花落花开不管流年度燕子衔将春色去纱牕几阵黄梅雨  
斜插犀梳云半吐檀板轻敲唱彻黄金缕梦断彩云无觅处夜凉明月生南浦

前调【和王廉访】 葛胜仲

风过涟漪纹縠细十指香檀惊破交禽睡野蔌溪毛真易致风流未减兰亭会  
击汰千艘供洛禊映水垂杨万缕拖浓翠小海一声波上戏殷勤留客千金意

前调【照花】 葛胜仲

二月春游须烂漫秉烛看花只为晨曦短高举蜡薪通夕看红光万丈腾天半  
寄语平时游冶伴不负分陰胜事输今段灯火休催归小院殷勤更照桃花面

前调 葛胜仲

已过春分春欲去千炬花间作意留春住一曲清歌无误顾绕梁余韵归何处  
尽日劝春春不语红气蒸霞且看桃千树才子霏谭更五鼓剩看走笔挥风雨

前调 周紫芝

天意才晴风又雨催得风前日日吹轻絮燕子不飞莺不语满庭芳草空无数  
春去可堪人也去枝上残红不忍擡头覩假使留春春肯住唤谁相伴春同处

前调 谢 逸

豆蔻梢头春色浅新试纱衣拂袖东风软红日三竿帘幙卷画楼影里双飞燕  
拢鬓步摇青玉碾缺样花枝叶叶蜂儿颤独倚阑干凝望远一川烟草平如翦

前调【柳五首】 周邦彦

爱日轻明新雪後柳眼星星渐欲穿牕牖不待长亭倾别酒一枝已入骚人手  
浅浅柔黄轻蜡透过尽冰霜便与春争秀强对青铜簪白首老来风味难依旧

前调 周邦彦

桃萼新香梅落後叶暗藏鸦冉冉垂亭牖舞困低迷如着酒乱丝偏近游人手  
雨过朦胧斜日透客舍青青特地添明秀莫话扬鞭回别首渭城荒远无交旧

前调 周邦彦

小阁阴阴人寂後翠幙寒风烛影摇疎牖夜半霜寒初索酒金刀正在柔荑手  
粉薄丝轻光欲透小叶尖新未放双眉秀记得长条垂鹄首别离情味还依旧

前调 周邦彦

蠢蠢黄金初脱後暖日飞絲取次黏牕牖不见长条低拂酒赠行应已输先手  
莺掷金梭飞不透小榭危楼处处添奇秀何日隋堤紫马首路长人倦空思旧

前调 周邦彦

晚步芳塘新霁後春意潜来迤邐通牕牖午睡渐多浓似酒韶华已入东君手  
嫩绿轻黄成染透烛下工夫漏泄章台秀拟插芳条须满首管教风味还胜旧

前调【早行】 周邦彦

月皎惊乌栖不定更漏将阑轆轤牵金井唤起两眸清炯炯泪花落枕红絲冷  
执手霜风吹鬓影去意徘徊别语愁难听楼上阑干横斗柄露寒人远鸡相应

前调 周邦彦

鱼尾霞生明远树翠壁黏天玉叶迎风举一笑相逢蓬海路人间风月如尘土  
翦水双眸云半吐醉倒天瓢笑语生青雾此会未阑须记取桃花几度吹红雨

前调 周邦彦

美盼低迷情宛转爱雨怜云渐觉宽金钏桃李香苞秋不展深心黯黯谁能见  
宋玉墙头才一覩絮乱丝繁苦隔春风面歌板未终风色便梦为蝴蝶留芳甸

前调 周邦彦

叶底寻花春欲暮折徧柔枝满手珍珠露  
不见旧人空旧处对花惹起愁无数  
却倚阑干吹柳絮粉蝶多情飞上钗头住  
若遣郎身如蝶羽芳时争肯抛人去

前调 周邦彦

酒熟微红生眼尾半额龙香冉冉飘衣袂  
云压宝钗撩不起黄金心字双垂耳  
愁入眉痕添秀美无限柔情分付西流水  
忽被惊风吹别泪只应天也知人意

前调 曹组

帘卷真珠深院静满地槐阴镂日如云影  
午枕花前情思凝象牀冰簟光相映  
过面风清知酒醒沉水饼寒带绶来金井  
涤尽烦襟无睡兴阑干六曲还重凭

御选历代诗余卷三十九

# 卷四十

<集部,词曲类,词选之属,御选历代诗余

钦定四库全书

御选历代诗余卷四十目錄【六十字】

蝶恋花【下】

王采

王安中【三首】

向子諲

王庭珪

赵师侠【二首】

赵鼎

曾觌

杨无咎

侯寘

辛弃疾【三首】

张孝祥

程垓【二首】

真德秀

袁去华

张震

赵彦端

刘儗

陆游【三首】

杨炎【三首】

黄机

刘镇

吴礼之

王炎

严仁【二首】

毛幵

高观国【三首】

史达祖

韩淲【二首】

方岳【三首】

赵崇璠

方千里【四首】

杨泽民【四首】

汪晫

冯取洽

卢炳【二首】

刘翰

黄昇

吴文英【四首】

蒋捷

陈允平【五首】

周密

张炎【五首】

石孝友【二首】

何梦桂

于真人

葛长庚

卢氏

李清照【三首】

朱淑真

王庭筠

赵可

景覃

段克己

元好问【二首】

卢挚

赵孟頫

汪宗臣

姚云文

詹正【二首】

吴元可

萧允之

刘天迪

周孚先

张翥

张埜

倪瓒

汪斌

凌云翰

张雨

明仁宗

杨基【二首】

莫璠【十首】

吴子孝【七首】

薛廷宠



吴鼎芳

陈子龙

孙茂芝

朱盛藻【三首】

张倩倩

沈静专【二首】

御选历代诗余卷四十目录

钦定四库全书

御选历代诗余卷四十【六十字】

司经局洗马掌局事兼翰林院修撰加二级【臣】王奕清奉旨校刊

蝶恋花【下】

蝶恋花【梨花】 王 采

镂雪成花檀作蕊爱伴秋千摇曳东风里翠袖年年寒食泪为伊牵惹愁无际  
幽艳偏宜春雨细红粉阑干有个人相似钿合金钗谁与寄丹青传得凄凉意

前调【长春花】 王安中

曲径深丛枝裊裊晕粉柔絲破蕊烘清晓十二番开寒最好此花不惜春归早  
青女飞来红翠少特地芳菲絕艳惊衰草只滞东风终甚了久长欲伴姮娥老

前调【山茶花】 王安中

巧翦明霞成片片欲笑还颦金蕊依稀见拾翠人寒妆易浅浓香别注唇膏点  
竹雀喧喧烟岫远晚色溟蒙

六出花飞徧此际一枝红綠眩画工谁写银屏面

前调【红梅花】 王安中

青玉一枝红颗吐粉颊愁寒浓与臙脂傅辨杏猜桃君莫悞天姿不到风尘处  
云破月来花下住要伴佳人弄影参差舞只有暗香穿绣户昭华一曲惊吹去

前调 向子諲

洲上百花如锦绣水满池塘更作溅溅溜断送风光惟有酒苦吟不怕因诗瘦  
寻壑经丘长是久晚晚归来稚子柴门候万事付之醒梦後眉头不为闲愁皱

前调 王庭珪

琼海无边银浪卷画戟朱楼缥缈云间见当日使君曾拥传海霞光里时开讌  
翠耸红鳞吹酒面莫谓今朝人在天涯远彩凤衔书应不晚愿公难老身长健

前调 赵师侠

柳眼窥春春渐吐又是东风摇曳黄金树宜入新春闻好语一犁处处催耕雨  
未有花须金缕缕醉梦悠扬似蝶翩跹舞一枕仙游何处去觉来依旧江南住

前调【临安道中赋梅】 赵师侠

翦水凌虚飞雪片认得清香雪树深深见傅粉凝酥明玉艳含章檐下春风面  
照影溪桥情不浅羌管声中叠恨传幽怨陇首人归芳信断万重云水江南远

前调 赵鼎

尽日东风吹绿树向晚轻寒数点催花雨年少凄凉天付与更堪春思萦离绪  
临水高楼携酒处曾倚哀弦歌断黄金缕楼下水流何处去凭阑目送苍烟暮

前调 曾觌

御柳风柔春正暖紫殿朱楼赫奕祥光远十二玉龙迎风辇香腾锦绣闻弦管  
扇却双鸾开宝宴绿遶红围宣劝金卮满万岁千秋流宠眷此身欲备昭阳燕

前调 杨无咎

万里无云秋色净上下天光共水交辉映坐对水轮心目莹此身不在尘寰境  
扑漉文禽飞不定勾引离人分外添归兴来往悠悠重记省夜阑人散花移影

前调【寻梅】 侯寘

雪压小桥溪路断独立无言雾鬓风鬟乱拂拭冰霜君试看一枝堪寄天涯远  
拟向南邻寻酒伴折得花归醉着歌声缓姑射梦回星斗转依然月下重相见

前调 辛弃疾

燕语莺啼人乍远却恨西园依旧莺和燕笑语十分愁一半翠围特地春光暖  
只道书来无过雁不道柔肠近日无肠断玉莫摇湘泪点怕君唤作秋风扇

前调【元日立春】 辛弃疾

谁向椒盘簪彩胜整整韶华争上春风鬓往日不堪重记省为花常把新春恨  
春未来时先借问晚恨开迟早又飘零近今岁花期消息定只愁风雨无凭準

前调 辛弃疾

九畹芳菲兰佩好空谷无人自怨蛾眉巧宝瑟泠泠千古调朱丝弦断知音少  
冉冉年华吾自老水满汀洲何处寻芳草唤起湘累歌未了石龙舞罢松风晓

前调 张孝祥

漠漠飞来双属玉一片秋光染就潇湘绿雪转寒芦花簌簌晚风细起波纹縠  
落日孤云归意促小倚篷窗写作思归曲过尽碧湾三十六扁舟只在滩头宿

前调 程垓

小院秋光浓欲滴独自钩帘细数归鸿翼鸿断天高无处觅矮牕催暝蛩催织  
凉月去人才数尺短发萧骚醉傍西风立愁眼望天收不得露华衣上三更湿

前调【新柳】 程垓

寒意勒花春未足只有东风不管春拘束杨柳满城吹又绿可人青眼还相属  
小叶星星眠未熟看尽行人唱彻阳关曲心事一春何计续芳条未展眉先蹙

前调【红梅】 真德秀

两岸月桥花半吐红透肌香暗把游人误尽道武陵溪上路不知迷入江南去  
先自冰霜真态度何事枝头点点胭脂污莫是东君嫌澹素问花花又娇无语

前调 袁去华

细雨斜风催日暮一梦华胥记得惊人句雾阁云窗歌舞处翠峰青嶂无重数  
解佩江头元有路流水茫茫尽日无人度一点相思愁万缕几时却跨青鸾去

前调 张震

梅子初青春已暮芳草连云绿徧西池路小院绣帘才半举衔泥紫燕双飞去  
人在赤栏桥畔住不解伤心还解相思否清梦欲寻犹间阻纱窗一夜潇潇雨

前调【赠别赵邦才席上作】 赵彦端

堂外溪桥杨柳畔满树东风更若流莺唤时节清明寒暖半秦筝欲妒歌珠贯  
一寸离肠无可断旧管新收尽把双帷卷赖得今年春较晚送人犹有余红乱

前调 刘儼

小立东风谁共语碧尽行云依约兰皋暮谁问离怀知几许一溪流水和烟雨  
飘荡杨花无着处才伴春来忙底随春去只恐游蜂黏得住斜阳芳草江头路

前调 陆游

陌上箫声寒食近雨过园林花气浮芳润千里斜阳钟欲暝凭高望断南楼信  
海角天涯行略尽三十年间无处无遗恨天若有情终欲问忍教霜点相思鬓

前调 陆游

水漾萍根风卷絮倩笑娇颦忍记逢迎处只有梦魂能再遇堪嗟梦不由人做  
梦若由人何处去短帽轻衫夜夜眉州路不怕银缸深绣户只愁风断青衣渡

前调 陆游

禹庙兰亭今古路一夜清霜染尽湖边树鸚鵡杯深君莫诉他时相遇知何处  
冉冉年华留不住镜里朱颜毕竟消磨去一句叮咛君记取神仙须是闲人做

前调【别范南伯】 杨炎

离恨做成春夜雨添得春江剗地东流去弱柳系船都不住为君愁绝听鸣橹  
君到南徐芳草渡想得寻春依旧当年路後夜独怜回首处乱山遮隔无重数

前调【稼轩坐间作】 杨炎

点检笙歌多酿酒不放东风独自迷杨柳院院翠阴停永昼曲栏随处堪垂手  
昨日解醒今夕又消得情怀长被春僂僂门外马嘶人去後乱红不管花消瘦

前调 杨炎

万点飞花愁似雨峭杀春寒不会留春住满地乱红风埽聚只教燕子衔将去  
独倚阑干闲自覷深院无人行到无情处帘外丝丝杨柳舞又还装点人情绪

前调 黄机

碧树凉飈惊画扇牕户齐开秋意参差满先自离愁裁不断蛩蟹更作声声怨  
山遶千重溪百转隔了溪山梦也无由见归计凭谁占近远银缸昨夜如花糝

前调【七夕】 刘镇

谁送凉蟾消夜暑河汉迢迢牛女何曾渡乞得巧来无用处世间枉费闲鍼缕  
人在江南烟水路头白鸳鸯不道分飞苦信远翻嗔乌鹊误屏山暗锁巫阳雨

前调 吴礼之

满地落红初过雨绿树成阴紫燕风前舞烟草低迷紫小路昼长人静扃朱户  
沈水香销新翦兰欹枕朦胧花底闻莺语春梦又还随柳絮等闲飞过东墙去

前调【崇阳县圃夜饮】 王炎

纤手行杯红玉润满眼花枝雨过胭脂嫩新月一眉生浅晕酒阑无奈添春困  
唤起醉魂君莫问憔悴容颜羞与花相近人自无情花自韵风光易老何须恨

前调【快阁】 严仁

杰阁青红天半倚万里归舟更近阑干欹木落山寒鳬雁起一声渔笛沧洲尾  
千古文章黄太史扞蝨高风长照冰壶里何以荐君秋玉蕊瘦瓢为酌西江水

前调 严仁

院静日长花气暖一簇娇红得见春深浅风送生香来近远笑声只在秋千畔  
目力未穷肠已断一寸芳心更逐游丝乱朱户对开帘卷半日斜江上春风晚

前调 毛幵

罗幘匆匆曾一过乌鹊归来怨感流年度别袖空看啼粉污相思待倩谁分付  
残雪江邨回马路嫋嫋春寒帘幕空凝伫人在梅花深处住梅花落尽愁无数

前调 高观国

云唤陰来鸠唤雨谢了红梅可踏江头路 却一番花信阻不成日日春寒去  
见说东风桃叶渡隔?青山依旧修眉妩归燕不如笋上柱一行常见相思苦

前调【题岩室】 高观国

岩室归来非待聘渺渺千嵎漠漠江千顷明月清风休弄影只愁踏破苍苔径  
摘取香芝医鹤病正要臞仙相伴清闲性朝市不闻心耳静一声长啸烟霞冷

前调【湖头即席】 高观国

西子湖边眉翠妩魂冷孤山谁是风烟主相唤吟诗天欲雨嫩凉不隔鸥飞处  
移下天孙云锦渚翠盖牵风绰约凌波女清约已成君记取月明夜半鱼龙舞

前调 史达祖

二月东风吹客袂苏小门前杨柳如腰细蝴蝶识人游冶地旧曾来处花开未  
几夜湖山生梦寐评泊寻芳只怕春寒里今岁清明逢上巳相思先到前裙水

前调 韩淲

尽道今年梅较早梅与人情觉得梅偏好一树南籬香未老春风已自生芳草  
来自城中犹带晓行到君家细雨吹池沼怅望沙坑须会到玉溪此意年时少

前调 韩淲

道上疎梅花一树人去人来不管流年度闲过南籬同散步东风为我吹香去  
试问青春今几许明日新正溪影横山暮遮莫攀翻君且住心儿却在题诗处

前调 方岳

山抹修眉横緑净浦溱生寒立尽梧桐影香炷未销帘幙静醉红如洗风吹醒  
一夜秋声连玉井梦落孤篷已尽山陰兴戍角凄凉清漏永江南烟雨何堪省

前调 方岳

秋水涵空如镜净满镜清寒倒碧摇山影药户谁扃圆玉静碧纱人怯黄昏醒  
丛桂小山寒井井唤起江南一叶蓴鲈兴先自新愁愁夜永不堪宋玉重提省

前调【秋怀】 方岳

鴈落寒沙秋恻恻明月黄花共是江南客骑鹤楼高边羽急柔情不尽淮山碧  
世路只催双鬓白菰米蓴羹正是令人忆归梦不知江水隔烟帆飞过平如席

前调 赵崇璠

一翦微寒禁翠袂花下重开旧燕添新垒风旋落红香匝地海棠枝上莺飞起  
薄雾笼春天欲醉碧草澄波的情如水料想红楼挑锦字轻云澹月人憔悴

前调【柳四首次周美成韵】 方千里

漏泄东风消息後短叶长条着意遮牕牖嫩比鹅黄初熟酒染匀却费春风手  
万缕筛金新月透入夜柔情还胜朝来秀彩笔雕章知几首可人襟韵无新旧

前调 方千里

一搦腰支初见後恰似娉婷十五藏朱牕春色恼人浓抵酒风前脉脉如招手  
黛染修眉蛾绿透态婉仪闲自是芳闺秀堪惜年华同转首女郎台畔春依旧

前调 方千里

碎玉飞花寒食後薄影行风终日穿疎牕有客思归还把酒闲吹倦絮轻黏手  
雪满愁城寒欲透飘尽残英翠幄成穠秀张绪风流今白首少年襟度难如旧

前调 方千里

翠浪蓝光新雨後整整斜斜高下笼牕牖万斛深倾重碧酒量愁知落何人手  
拢雾梳烟晴色透照影回风一段嫣然秀白下门东空引首藏鸦枝叶长怀旧

前调【柳四首次周美成韵】 杨泽民

腊尽江南梅发後万点黄金娇眼初穿牕曾见渭城人劝酒嫩条轻拂传杯手  
料峭东风寒欲透暗点轻烟便觉添疎秀莫道故人今白首人虽有故心无旧

前调 杨泽民

初过元宵三五後曲檻依依终日摇金牖瘦损舞腰非为酒长条聊赠垂鞭手  
几叶小梅春已透信是风流占尽人间秀走马章台还举首可人标韵强如旧

前调 杨泽民

寂寞春残花谢後花絮轻盈点点穿风牖穠綠陰中人卖酒凉生午扇都停手  
叶密啼莺飞不透要咏清姿除是凭才秀往日周郎为唱首今将高韵重翻旧

前调 杨泽民

百卉千花都绽後浥露依风翠影笼芳牖杏脸桃腮匀着酒青红相映如携手  
一段帘丝风约透高下亭台表里俱清秀几度长堤频矫首青青顏色新於旧

前调【秋夜简赵尉】 汪 晫

午夜凉生风小住银汉无声云约疎星度佳客欲眠知未去对牀只欠潇潇雨  
素月四更山外吐酒醒衾寒消尽沈烟缕料想玉楼人倚处归帆目伫烟中浦

前调 冯取洽

秋到双溪溪上树叶叶凉声未省来何许尽拓溪楼牕与户倚阑清夜窥河鼓  
那得吟朋同此住独对秋芳欲寄花无处杖屨相从曾有语未来先自愁君去

前调 卢 炳

满架冰蕤开偏了试问花神留得春多少清胜荀香娇韵好谢庭风月应难到  
酒酿新醕名不老醉倒花前真个无烦恼满座清欢供一笑春醒 却明牕晓

前调【和人探梅】 卢 炳

罗幙护寒遮晓雾爱日烘晴又是年华暮潇洒江梅争欲吐暗香泄漏春来处  
何日寻芳溪畔路挈榼携筇写景论心素千里相逢真会遇羡君解道江南句

前调 刘 翰

团扇题诗春又晚小梦惊残碧草池塘满一曲银鈎帘半卷綠牕睡足莺声软  
瘦损衣围罗带减前度风流陡觉心情嬾谁品新腔拈翠管画楼吹彻江南怨



前调 黄昇

百计留春春不住褪粉吹香日日催教去心事欲凭莺语诉流莺剗地无凭据  
綠玉阑干围綺户一点柔红应在深深处想倚翠帘吹柳絮浅顰惆悵芳期悞

前调 吴文英

明月枝头香满路几日西风落尽花如雨倒照秦眉天镜古秋明白鹭双飞舞  
自摘霜葱宜荐俎可惜重阳不把黄花与帽堕笑凭纤手取清歌莫送秋声去

前调【题华山道女扇】 吴文英

北斗秋横云髻影莺羽衣轻腰减青丝剩一曲游仙闻玉磬月华深院人初定  
十二阑干和笑凭风露生寒人在莲花顶睡重不知残酒醒觉来几度啼鸦暝

前调【七夕】 吴文英

开过南枝花满院新月西楼相约同鍼线高树数声蝉送晚归家梦向斜阳断  
夜色银河清一片轻帐偷欢银烛罗屏怨陈迹晓风吹雾散帘鉤空带蛛丝卷

前调【化度寺晚莲有感】 吴文英

湘水烟中相见早罗盖低笼红拂犹娇小妝镜明星争晚照西风日送凌波杳  
惆悵来迟羞窈窕一霎留连相伴阑干悄今夜西池明月到余香翠被空秋晓

前调风莲 蔣捷

我爱荷花花最软锦撈云挨朵朵娇如颤一阵微风来自远红低欲蘸凉波浅  
莫是羊家张静婉抱月飘烟舞得腰肢倦偷把翠罗香被展无眠却又频翻转

前调【柳四首次周美成韵】 陈允平

谢了梨花寒食後翦翦轻寒晓色侵书牖寂寞情怀如中酒攀条恨结东风手  
浅黛娇黄春色透薄雾轻烟远映苏堤秀目断章台愁举首故人应似青青旧

前调 陈允平

墙外秋千花影後环兽金悬暗綠笼朱牖为怯轻寒犹殢酒同心共结怀纤手  
粉袖盈盈香泪透蹙损双眉嬾画遥山秀柔弱风条低拂首渭城歌舞春如旧

前调 陈允平

寂寞长亭人别後一把垂丝乱拂闲轩牖三月春光浓似酒传杯莫放纤纤手  
金缕依依红日透舞彻春风不减蛮腰秀扑鬓杨花如白首少年张绪心如旧

前调 陈允平

落尽樱桃春去後舞絮飞絲扑簌穿帘牖惜别情怀愁对酒翠条折赠劳纤手  
绣幕深沈寒尚透雨雨晴晴装点西湖秀怅望章台愁转首画阑十二东风旧

前调【次周美成韵】 陈允平

楼上钟残人渐定庭户沈沈月落梧桐井闷倚琐窗灯炯炯兽香闲伴银屏冷  
淅沥西风吹鴈影一曲秋笳别後谁堪听誓海盟山虚话柄凭书问着无言应

前调【生香亭】 周密

竹窈花深连别墅曲曲回廊小小闲庭宇忽地香来无覓处杖藜闲趁游蜂去  
老桂凝秋森玉树涧底孤芳冉冉吹诗句一掬幽情知几许鉤帘半亩藤花雨

前调【赠杨柔卿】 张炎

颇爱杨琼妆澹注犹理螺鬟扰扰云聚雨翦秋痕流不去佯羞却把周郎顾  
欲诉闲愁无说处几过莺帘听得间关语昨夜月明香暗度相思忽到梅花树

前调【饮杏花下】 张炎

仙子锄云亲手种春闹枝头消得微霜冻可是东风吹不动金铃悬网珊瑚重  
社燕盟鸥诗酒共未足游情刚把斜阳送今夜定应归去梦青苹流水箫声弄

前调【赋艾花】 张炎

巧结八刀枝黏翠艾翦翦香痕细把泥金界小簇葵榴芳锦隘红妆人见应须爱  
午镜将拈开凤盖倚醉凝娇欲戴还慵戴约臂犹余朱索在梢头添挂朱符袋

前调【山茶】 张炎

花占枝头恹日焙金汞初抽火鼎铅华退还似癡痕涂嫩髓蘸脂澹抹微酣醉  
数朵折来春檻外欲染清香只许梅相对不是临风珠蓓蕾山童隔竹休敲碎

前调【秋莺】张炎

求友林泉深密处弄舌调簧如问春何许燕子先将雏燕去凄凉可是歌来暮  
乔木萧萧梧叶雨不似寻芳翻落花心露认取门前杨柳树数声须入新年语

前调 石孝友

寒卸园林春已透红着溪梅绿染前堤柳见个人人今感旧引杯相属蒲塘酒  
金缕歌中眉黛皱多少闲愁惜与伤春瘦明日马蹄浮野秀柳颦梅惨空回首

前调 石孝友

薄幸人人留不住杨柳花时还是成虚度一枕梦回春又去海棠吹落胭脂雨  
金鸭未消香篆吐断尽柔肠看取沈烟缕独上危楼凝望处西山暝色连南浦

前调 何梦桂

风信花残吹柳絮柳外池塘乳燕时飞度漠漠轻云山约住半邨烟树鸠呼雨  
竹院深深深几许深处人闲谁识闲中趣弹彻瑶琴移玉柱苍苔满地花阴午

前调 于真人

绿暗红稀春已暮燕子衔泥飞入垂杨处柳絮欲停风不住杜鹃声里山无数  
竹杖芒屨无定据穿过溪南独木横桥路樵子渔师来又去一川风月谁为主

前调【题爱阁】葛长庚

冷雨疎风凉漠漠云去云来万里秋阴薄笑倚玉阑呼白鹤烟笼素月青天角  
竹影松声浑似昨醉胆如天谁道词源涸满地苍苔霜叶落今宵不饮何时乐

前调【宋媛】卢氏

蜀道青天烟雾翳帝里繁华迢递何时至回望锦川挥粉泪凤钗斜亸乌云腻  
绶带双垂金缕细玉佩珠璫露滴寒如水从此鸾妆添远意画眉学得遥山翠

前调【宋媛】李清照

泪搵征衣脂粉暖四叠阳关听了千千遍人到山长水又断萧萧微雨闻孤馆  
惜别伤离方寸乱忘了临行酒盏深和浅若有音书凭过鴈东莱不似蓬莱远

前调 李清照

永夜厌厌欢意少空梦长安认取长安道为报今年春色好花光月影宜相照  
随意杯盘虽草草酒美梅酸恰称人怀抱醉莫插花莫笑可怜春似人将老

前调 李清照

暖雨和风初破冻柳眼梅腮已觉春心动酒意诗情谁与共泪融残粉花钿重  
乍试夹衣金缕缝山枕欹斜枕损钗头凤独抱浓愁无好梦夜阑犹翦灯花弄

前调【送春 宋媛】朱淑真

楼外垂梅千万缕欲系青春少住春还去犹自风前飘柳絮随春且看归何处  
满目山川闻杜宇便做无情莫也愁人意把酒送春春不语黄昏却下潇潇雨

前调 王庭筠

衰柳踈踈苔满地十二阑干故国三千里南去北来人老矣短亭依旧残阳里  
紫蟹黄柑真解事似倩西风劝我归欵未王粲登临寥落际雁飞不断天连水

前调 赵可

霜树重重青嶂小高栋飞云正在霜林杪九日黄花才过了一尊聊慰秋容老  
翠色有无眉澹埽身在西山却爱东山好流水极天横晚照酒阑望断西河道

前调 景覃

倦客情惊纷似缕深院无人卧听秋虫语归意已搀新鴈去晚凉更作潇潇雨  
架上秋衣蝇点素冷菊残妆尚被春花妒别有溪山容杖履等闲不许人知处

前调【闻莺有感】段克己

鶗鴂一声春已晓蝴蝶双飞暖日明花草花底笙歌犹未了流莺又复催春老  
早是残红枝上少飞絮无情更把人相恼老桧独含冰雪操春来悄莫人知道

前调【戊辰岁长安作】元好问

一片花飞春意减雨雨风风常恨寻芳晚若个花枝偏入眼尊前细向春风拣  
醉里看花云锦烂只记莺声不记红牙板留住佳人鹦鹉盏明朝剩把长条挽

前调【白鹿原新斋作】 元好问

负郭桑麻秋果重十角吴牛分得山田种乡社鸡豚人与共春风渐入浮蛆瓮  
遶屋清溪醒午梦一榻翛然坐受云山供四海虚名将底用一声啼鸟巖花动

前调 卢 挚

越水涵秋光似镜泛我扁舟照我纶巾影野鹤闲云知此兴无人说与沙鸥省  
回首天涯江路永远树孤村数点青山暝梦过煮茶岩下听石泉呜咽松风冷

前调 赵孟頫

依是江南游冶子乌帽青鞵行乐东风里落尽杨花春满地萋萋芳草愁千里  
扶上兰舟人欲醉日暮青山相映双蛾翠万顷湖光歌扇底一声吹下相思泪

前调【清明前两日闻燕】 汪宗臣

年去年来来去早怪底不来庭院春光老知向谁家翻别调家家望断飞踪杳  
千里潇湘烟渺渺不记雕梁旧日恩多少逼近清明才一到故巢犹在朱檐晓

前调 姚云文

春到海棠花几信候馆余寒欲雨征衣润燕认杏梁栖未稳牡丹忽报清明近  
恨入青山连晓镜香雪柔酥应被春消尽绣阁深深人半醒烛花贴在金钗影

前调 詹 正

微雨烧香余润气新绿愔愔乳燕相依睡无复卷帘知客意杨花更欲因风起  
旧梦苍茫云海际强作欢娱不觉当年似曾笑浮花并浪蕊如今更惜棠梨子

前调 詹 正

日晚游人酥粉浣四雨亭前面面看花坐扇拂游蜂青杏堕新红一路秋千过  
帘外清歌帘底和自理琵琶不用笙簧佐八摺香罗余碧唾露花点笔轻题破

前调 吴元可

人自怜春春未去萱草石榴也解留春住只到送春无送处山花落得红成路  
高处莺啼低蝶舞何况日长燕子能言语付与光阴相客主晴云又卷西边雨

前调【舟行怀旧】 萧允之

十幅归帆风力满记得来时买酒朱桥畔远树平芜空目断乱山惟见斜阳半  
谁把新声翻玉管吹过沧浪多少伤春怨已是客怀如絮乱画楼人更回头看

前调 刘天迪

一翦清波娇欲溜绿怨红愁长为春风瘦舞罢金杯眉黛皱背人倦倚晴牕绣  
脸晕潮生微带酒催唱新词不应频摇手闲把琵琶调未就羞郎还又垂红袖

前调 周孚先

舟檣津亭何处树晓起珑 回首迷烟树江上离人来又去飘零只似风前絮  
倦倚篷牕谁共语野草闲花一一伤离绪明日重来须记取绿杨门巷深深处

前调 张翥

陌上垂杨吹絮罢愁杀行人又是春归也点点飞来珠泪洒多情解逐章台马  
瘦尽柔丝无一把细叶青苹闲却当时画惆怅此时何处写黄昏澹月疎帘下

前调 张埜

狼藉春衫愁万点半是征尘半是啼痕染别久流光空冉冉料应病颊成双靥  
罗带同心香未斂甚日兰舟重把归妆检极目画楼云树掩凭谁翦却吴江险

前调 倪瓚

夜永愁人偏起早容鬓萧萧镜里看枯槁雨叶铺庭风为埽闲门寂寞生秋草  
行路难行悲远道说着征途着处皆烦恼久客还家贫亦好无家漫自伤怀抱

前调【送春】 汪 斌

芳草天涯犹未歇暗绿稀红柳絮才飘雪有意送春还惜别杜鹃争奈催归切  
绣阁无人帘半揭苦忆边城十载音书绝惟有东风无异说年年来趁梅花月

前调 凌云翰

过雨春波浮鸭绿草阁三间人住清溪曲旧种小桃多映竹乱红遮断松边屋  
有客抱琴穿翠麓隔水呼舟应是怜幽独历历武陵如在目几时同借仙源宿

前调【新柳】 张雨

谁道鶯儿黄似酒对酒新鶯得似垂丝柳铅粉泥金初染就年年春雪消时候  
一缕柔情能断否雨重烟轻无力紫牕牖试看溪南陰十亩落花都聚红云帚

前调【题九月海棠】 明仁宗

烟抹霜林秋欲困吹破臙脂便觉西风润翠袖怯寒愁一寸谁家庭院黄昏信  
明月修容生远恨旋摘余娇簪满佳人鬟醉倚小阑花影近不应先有春风分

前调【闺情】 杨基

净洗臙脂轻扫黛鬪草庭边自拗梨花戴一段心情空自爱风流那得时常在  
屈指春光归已快不卷珠帘又恐东风怪花影低将新月碍小阑干外深深拜

前调【卜居】 杨基

人间何处宜闲住除却桃源便向潇湘去杨柳桃花千万树不须更覓深深处  
白鹭轻鸥为伴侣女嫁渔郎男娶渔翁女已办绿簑眠细雨料应天意还相许

前调【苏堤春晓】 莫璠

十里楼台花雾绕宜雨宜晴山色笼春晓杨柳梢头残月小海棠枝上犹眠鸟  
兰帐玉人初睡觉试问楼前画舫开多少报道寻芳人起早紫骝嘶过香尘道

前调【平湖秋月】 莫璠

璧月沈辉湖渌靛一色琉璃倒湛山河影贝阙琳宫明愈莹人间无此清凉境  
笑撷芙蓉垂舴艋醉掬文漪摇动金千顷欲唤坡仙同赋咏桂花露湿衣襟冷

前调【柳浪闻莺】 莫璠

西子湖头春过半万树垂杨涵似波纹乱黄褪绿匀谁暗换骏游来系花骢惯  
红喙娇莺啼缓缓韵叶笙簧几被风吹断恼乱佳人停凤管背花偷把春纤按

前调【花港观鱼】 莫璠

杜若浮香春霁雨浪暖桃花锦涨鸳鸯渚碧藻丛深菱叶底纤鳞吹沫摇頰尾  
戏把金钩垂绿水却忆雕阑翠袖人同倚肠断萧娘无一纸相思欲报凭双鲤

前调【南屏晓钟】 莫璠

翠巘深深深几许佛阁华钟鲸吼西风里回首南庄行乐地暝烟隔断青莲宇  
宴饮芳园人散去金钥严城次第催将闭一望长桥灯火起绦纱影里联归骑

前调【断桥残雪】 莫璠

快雪时晴寒尚冱玉屑银沙纷满湖南路一道垂虹如约素裙腰草色非前度  
断袂遗环愁日暮想像凌波罗襪应难步欲探梅花何处所山童指点逋仙墓

前调【雷峰夕照】 莫璠

古塔斜阳红欲暝西崦人家半在桑榆影水映残霞如濯锦烟花佛国非凡境  
十里画船归欲尽渔唱菱歌别是湖中景待月有人楼上等珠帘半卷阑重凭

前调【麴院荷风】 莫璠

五月凉风来麴院绿水芙蓉红白都开徧风递荷香清不断采莲舟过歌声缓  
醉折碧筒供笑翫翠盖红绡高下翻零乱向晚新凉生酒面六铢衣薄停纨扇

前调【两峰插云】 莫璠

南北双峰云气绕玉削芙蓉迥出青天表金碧浮图瞻缥缈朱甍绣槛临黄道  
下界红尘飞不到东望彤庭日出扶桑晓愿借谪仙希有鸟瑶笙吹上蓬莱岛

前调【三潭印月】 莫璠

秋静寒潭澄见底玉色蟾蜍飞入清冷水睡熟骊龙呼不起颌珠光照冰壶里  
讌赏此时能有几遥忆同欢今夜人千里试问龙渊深几许骑鲸欲共姮娥语

前调【对月独酌二首】 吴子孝

云细晚来翻作雨皎月初升谁埽云飞去寒露渐零虫夜语珠帘卷却香消缕  
独坐独吟杯独举寂寞茅堂无限秋情绪丘壑风流吾自许举杯邀月天应与

前调 吴子孝

云妒中天离海月巧掩横遮云里还如雪无客向云天上说广寒常在云须灭  
桂子飘香香未歇万里清辉共仰琉璃阙画鼓春雷秋後发玲珑石畔歌清絕



前调 吴子孝

绣幕玲珑花影碎好鸟花间报道春光媚红锦地衣拖舞袂画堂日日笙歌沸  
年少潘郎长得意罗绮生香坐拥神仙丽万紫千红花富贵肯教容易春归去

前调 吴子孝

菡萏花香来别馆华屋巢成高下飞银翦冰李金盘传玉腕潇湘烟遶屏山远  
牕下榴花红照眼闲并瑶笙坐对双蛾浅小院雨余明月满良宵不觉更筹短

前调 吴子孝

庭下碧梧飘一叶潇洒新秋琼砌鸣蛩切残暑渐抛团扇月西风卷尽云千叠  
鴈字楼前明又灭满院天香是处飞丹雪小苑晓来风景别溪山相映冰壶彻

前调 吴子孝

天气初寒梅萼小画阁春多金兽添沈脑锦帐浅斟低唱好红颜依旧人难老  
雪意方浓风料峭百尺瑶台双鹤来蓬岛一点阳和传蕙草玉山爱向金尊倒

前调 吴子孝

画阁黄昏闻燕语池上风来凉度芭蕉树可惜闲心无伴侣美人门外来双屐  
血色生绡笼蜡炬酒泻新荷便当琼杯举满口清寒流玉缕绿茎香胜金茎露

前调 薛廷宠

绿杨枝上黄鹂小长路关情花鸟三春了云水迢迢乡梦杳夭桃穠李空开笑  
江笛一声天正晓雨色愁人征骑忙多少紫葍风牵罗带绕晚来顿觉轻寒峭

前调 吴鼎芳

帘外游丝飞去了打叠闲愁断送啼莺晓一曲画阑银月小玳床人倦残香杳  
生怕金铃催宿鸟叫过三更月与花都少斜倚博山幽恨悄双眉做就堆烦恼

前调【春日】 陈子龙

雨外黄昏花外晓催得流年有恨何时了燕子又来春渐老乱红相对愁眉埽  
午梦阑珊归路杳醒後思量踏徧闲庭草几度东风人意恼深深院落芳心小

前调【二月晦游东郊松林】 孙茂芝

落尽棠梨春已暮芳草多情才过蒙?雨柳絮颠狂飞不住秋千正在浓陰处  
庙口神弦初罢舞画扇轻衫随意城东步笑逐钿车归去路酒香一行青松树

前调【桂影 明媛】 朱盛藻

宝魄初临青玉树万叠浓陰一点窥人处笑印参差眉黛谱晕灰学画檀深注  
庭转金波疑渐曙鸾尾偏栖乍怯霓裳露待到深秋金粟吐轻裾又袭幽芬暮

前调【柳影】 朱盛藻

永日三眠顰较妩困态初舒莫遣红妆妒自有明珠生远浦舞低恍向楼心覩  
拂地长条谁是主露下芙蓉只恐难留住好趁烟光凝地护交枝漫锁长门路

前调【薇影】 朱盛藻

亚朵蒙茸闻暮雨池水空明倒写如红雾百日芳菲香渐布三番屈指看三五  
禁院仙郎传伴侣瞥覩如花省识难凭据绮阁轻陰须记取玉纤指处筛金缕

前调【明媛】 张倩倩

漠漠轻陰笼竹院细雨无情泪湿霜花面落叶西风吹不断长沟流尽残红片  
千偏相思才夜半又听楼前叫过伤心鴈不恨天涯人去远三生缘薄吹箫伴

前调【咏蝶 明媛】 沈静专

舞向低檐依嫩綠翠冷天涯影断吹愁续幻就云衣飞态足粉烟浥露枝头浴  
风动犹疑翻紫玉引得佳人悞入花陰扑静斂香须还自宿蜂媒覓伴仍相促

前调 沈静专

远树披烟翻翠缕绣粉生香寒月梨花露柳荡云轻春半暮残阳流影低花坞  
枝上娇莺犹解翹草綠帘陰生啓愁归路转就芳华天可悞悲歌又把年光度

御选历代诗余卷四十

# 卷四十一

<集部,词曲类,词选之属,御选历代诗余

钦定四库全书

御选历代诗余卷四十一目录【起六十一字至六十二字】

贺圣朝【又一体】

欧阳炯

前调【又一体】

欧阳炯

玉堂春

晏殊【三首】

南楼令【又一体】

吴文英

系裙腰【又一体】

张先

拨棹子【又一体】

黄庭坚

前调【又一体】

黄庭坚

河传【又一体】

黄庭坚

好女儿【又一体】

杨慎

定风波【又一体】

欧阳炯

阎选

李珣【五首】

欧阳修【六首】

张先【五首】

苏轼【八首】

黄庭坚【五首】

葛胜仲

叶梦得【四首】

陈与义

曾觌

辛弃疾【二首】

张孝祥

陆游

赵君举

吴子孝

前调【又一体】

苏轼

十拍子

晏殊【五首】

晏几道

苏轼

辛弃疾

程垓

陆游

赵善扛

吴子孝

苏幕遮

范仲淹

梅尧臣

张先

苏轼

王观

周紫芝【二首】

周邦彦【三首】

方千里

杨泽民

刘基

明月逐人来

李持正

张元干

临江仙【又一体】

晏几道

赞成功

毛文锡

摊破南乡子

程垓

赵长卿

赵秉文

刘基

金蕉叶【又一体】

柳永

好女儿【又一体】

晏几道【二首】

贺铸【三首】

落灯风

杨慎

御选历代诗余卷四十一目录

钦定四库全书

御选历代诗余卷四十一【起六十一字至六十二字】

司经局洗马掌局事兼翰林院修撰加二级【臣】王奕清奉旨校刊

贺圣朝

【又一体双调六十一字】

贺圣朝 欧阳炯

忆昔花间初识面红袖半遮妆脸轻转石榴裙带故将纖纖玉指偷捻双凤金线  
碧梧桐鎖深深院谁料得两情何日教缱绻美春来双燕飞到玉楼朝暮相见

前调【又一体】 欧阳炯

忆昔花间相见後只凭纖手暗抛红豆人前不解巧传心事别来依旧辜负春昼  
碧罗衣上蹙金绣靚对对鸳鸯空裊泪痕透想韶颜非久终是为伊只恁偷瘦玉堂春

【双调六十一字】

玉堂春 晏殊

帝城春暖御柳暗遮空苑海燕双双拂扬帘枕女伴相携共绕林间路折得櫻桃插髻红  
昨夜临明微雨新英徧旧丛宝马香车欲傍西池看触处杨花满袖风

前调 晏殊

後园春早残雪尚蒙烟草数树寒梅欲绽香英小妹无端折尽钗头朶满把金尊细细倾  
忆得往年同伴沉吟无限情恼乱东风莫便吹零落惜取芳菲眼下明

前调 晏殊

斗城池馆二月风和烟暖绣户珠帘日影初长玉辔金鞍繚绕沙堤路几处行人映绿杨  
小檻朱栏回倚千花浓露香腮管清弦欲奏新翻曲依约林间坐夕阳南楼令

【又一体即唐多令双调六十一字】

南楼令 吴文英

何处合成愁离人心上秋纵芭蕉不雨也飕飕却道晚凉天气好有明月怕登楼  
年事梦中休花空烟水流燕辞归客尚淹留垂柳不萦裙带住漫长是系行舟系裙腰

【又一体双调六十一字】

系裙腰 张先

清霜蟾照夜云天朦胧影画勾栏人情纵似长情月算一年年又能得几番圆  
欲寄西江题叶字流不到五亭前东池始有荷新绿尚小如钱问何日藕几时莲拨棹子

【又一体双调六十一字】

拨棹子 黄庭坚

归去来归去来携手旧山归去来有人共对月尊罍横一琴甚处逍遥不自在  
闲世界无利害何必向世间甘幻爱与君钓晚烟寒簌蒸白鱼稻饭溪童供笋菜

前调【又一体】 黄庭坚

烟姿媚水容薄芳蕖嫩隐映新萍池阁撷英人去後清香微绽透真珠帘幕  
似无语含情垂彩佩戏芳阴游许纖鳞相托西风直须爱惜看看浓艷伴秋光零落河传

【又一体双调六十一字自五十一字始体各参差不同唐五代词为多此则始於宋人也】

河传【戏易少游作】 黄庭坚

心情老嬾对歌对舞犹是当时眼巧笑靥妆近我衰容华鬓似扶着卖卜算  
思量好个当年见催酒催更只怕归期短饮散灯稀背锁落花深院好煞人天不管好女儿

【又一体双调六十一字与别名绣带儿者迥别】

好女儿 杨慎

柳似腰肢月似蛾眉看千娇百媚堪怜处有红拂当筵金莲衬步玉笋弹碁  
心事一春谁问同心结断肠词叹双鱼不见征鸿远蕉心绿展樱唇红满梅子黄时定风波



【又一体双调六十二字】

定风波 欧阳炯

暖日闲窗映碧纱小池春水浸晴霞数树海棠红欲尽争忍玉闺深掩过年华  
独凭绣牀方寸乱肠断泪珠穿破脸边花邻舍女郎相借问音信教人羞道未还家

前调 阎选

江水沉沉帆影过游鱼到晚透寒波渡口双双飞白鸟烟袅芦花深处隐渔歌  
扁舟短棹归兰浦人去萧萧竹径透青莎深夜无风新雨歇凉月露凝珠颗入圆荷

前调 李珣

志在烟霞慕隐沦功成归看五湖春一叶舟中吟复醉云水此时方认自由身  
花岛为邻鸥作侣深处经年不见市朝人已得希夷微妙旨潜喜荷衣蕙带绝纤尘

前调 李珣

十载逍遥物外居白云流水似相於乘兴有时携短棹江岛谁知求道不求鱼  
到处等闲邀鹤伴春岸野花香气扑琴书更饮一杯红霞酒回首半钩新月贴清虚

前调 李珣

又见辞巢燕子归阮郎何事绝音徽帘外西风黄叶落池阁隐莎蛩叫雨霏霏  
愁坐算程千万里频歧等闲经岁两心违听鹊凭龟无定意不至泪痕流在画罗衣

前调 李珣

帘外烟和月满庭此时闲坐若为情小阁拥衾残酒醒愁听寒风落叶一声声  
惟恨玉人芳信阻云雨屏帷寂寞梦难成斗转更阑心杳杳将晓银缸斜照绮琴横

前调 李珣

鴈过秋空夜未央隔窗烟月锁莲塘往事岂堪容易想惆怅故人迢递在潇湘  
纵有回文重叠意谁寄解鬟临镜泣残妆沉水香消金鸭冷愁永候虫声接杵声长

前调 欧阳修

把酒花前欲问他对花何恹醉颜 春到几人能烂赏何况无情风雨等闲多  
艷树香丛都几许朝暮惜红愁粉奈情何好是金船浮玉浪相向十分深送一声歌

前调 欧阳修

把酒花前欲问伊忍嫌金盞负春时红艷不能旬日看宜算须知开谢只相随  
蝶去蝶来犹解恋难见回头还是度年期莫候饮阑花已尽方信无人堪与补残枝

前调 欧阳修

把酒花前欲问公对花何事诉金鍾为甚去年春盛处虚度莺声撩乱一场空  
今岁春来须爱惜难得须知花面不长红待得酒醒君不见千片不随流水即随风

前调 欧阳修

把酒花前欲问君世间何计可留春纵使青春留得住虚语无情花对有情人  
任是好花须落去自古红颜能得几时新暗想浮生何事好惟有清歌一曲倒金尊

前调 欧阳修

过尽韶华不可添小楼红日下层檐春睡觉来情绪恶寂寞杨花撩乱拂珠帘  
早是闲愁依旧在无奈那堪更被宿醒兼把酒送春惆怅甚长恁年年三月病恹恹

前调 欧阳修

对酒追欢莫负春春光归去可饶人昨日红芳今绿树已暮残花飞絮两纷纷  
粉面丽姝歌窈窕清妙尊前一任醉醺醺不是狂心贪燕乐自觉年来白髮满头新

前调 张先

素藕抽条未放莲晚蚕将茧不成眠若比相思如乱绪何异两心俱被暗丝牵  
暂见欲归皆是恨莫问有情谁信道无缘正是中秋云外月皎洁不团圆待几时圆

前调 张先

碧玉篸扶坠髻云杏黄衫子褪红裙妆樣巧将花草竞相并要教人意胜於春  
酒眼茸茸香拂面乍见丹青宁是镜中真自是有情偏小小向道江东谁信更无人

前调【赠杨内翰元素】 张先

浴殿词臣亦议兵禁中颇牧党羌平诏卷促归难自缓溪馆彩花千数酒泉清  
春草未青秋叶暮客去一家行色万家情可恨黄莺相识晚望断湖边亭上不闻声

前调【送子瞻】张先

谈辨才踈堂上兵画船齐岸暗潮平万乘鞬袍曾好问须信文章传口齿牙清  
三百寺应游未徧还算湖山风物岂无情不独渠丘歌叔度行路吴谣终日有余声

前调【霅溪席上】张先

西阁名臣奉诏行南牀吏部锦衣荣中有瀛仙宾与主相遇平津选首更神清  
溪上玉楼同宴喜欢醉对堤杯叶惜秋英尽道贤人聚吴分试问也应傍有老人星

前调苏轼

两两轻红半晕腮依依独为使君回若道使君无此意何为双花不向别人开  
但看低昂烟雨里不已劝君休诉十分杯更问尊前狂副使来岁花开时节与谁来

前调【沙湖道中遇雨】苏轼

莫听穿林打叶声何妨吟啸且徐行竹杖芒屨轻胜马谁怕一蓑烟雨任平生  
料峭春风吹酒醒微冷山头斜照却相迎回首向来潇洒处归去也无风雨也无晴

前调【括杜牧诗】苏轼

与客携壶上翠微江涵秋影鴈初飞尘世难逢开口笑年少菊花须插满头归  
酩酊但酬佳节了云峤登临不用怨斜晖古往今来谁不老多少牛山何必泪沾衣

前调苏轼

莫怪鸳鸯绣带长腰轻不胜舞衣裳薄幸只贪游冶去何处垂杨系马恣轻狂  
花谢絮飞春又尽堪恨断弦尘管伴啼妆不信归来但自看怕见为郎憔悴却羞郎

前调【送元素】苏轼

千古风流阮步兵平生游宦爱东平千里远来还不住归去空留风月照人清  
红粉尊前深懊恼知道怎生留得许多情记得明年花絮乱须看泛西湖是断肠声

前调【墨竹】苏轼

雨洗娟娟嫩叶光风吹细细绿筠香秀色乱侵书幌晚帘卷清阴微过酒尊凉  
人画竹身肥拥肿何用先生落笔胜萧郎记得小轩岑寂夜廊下月和踈影上东墙

前调【後六客词】 苏轼

月满苕溪照夜堂五星一老鬪光芒十五年间真梦里何事长庚对月独凄凉  
绿鬓苍颜同一醉还是六人吟啸水云乡宾主谈锋谁得似看取曹刘今对两苏张

前调【王定国歌儿】 苏轼

常美人间琢玉郎天教分付点酥娘自作清歌传皓齿风起雪飞炎海变清凉  
万里归来颜愈少微笑时时犹带岭梅香试问岭南应不好却道此心安处是吾乡

前调【次高左藏韵】 黄庭坚

万里黔中一漏天屋居终日似乘船及至重阳天也霁催醉鬼门关近蜀江前  
莫笑老翁犹气岸君看几人白髮上华颠戏马台前追两谢驰射风情犹拍古人肩

前调 黄庭坚

把酒花前欲问溪问溪何事晚声悲名利往来人尽老谁道溪声千古有休时  
且共玉人斟玉醕休诉笙歌一曲黛眉低情似长溪长不断君看水声东去月轮西

前调 黄庭坚

小院难图暮雨期清欢浑待赏花时到得春来君却去相误不须言语泪双垂  
密约尊前难嘱付偷顾手搓金橘斂双眉庭榭清风明月媚须记归时莫待杏花飞

前调 黄庭坚

歌舞阑珊褪晚妆主人情重更留汤冠帽欹斜辞醉去还住玉人纖手自磨香  
又得尊前聊笑语如许短歌宜舞小红裳宝马促归朱户闭人睡夜来应恨月侵牀

前调 黄庭坚

墙上天桃簌簌红巧随轻絮入帘栊自是芳心贪结子翻使惜花人恨五更风  
露萼鲜浓妆脸靓相映隔年情事此门中粉面不知何处在无奈武陵流水卷春空

前调 葛胜仲

共喜新凉大火流一声水调听歌头况有修蛾兼粉领佳景谢公兴不碍清游  
平昔短檠真浪漫气岸老来都向酒杯收云水光中修禊事犹记转头不觉已三秋

前调【始见青梅】 叶梦得

破萼初惊一点红又看青子映帘栊冰雪肌肤谁复见清浅尚余踈影照晴空  
惆怅年年桃李伴肠断祗应芳信负东风待得微黄春亦暮烟雨半和飞絮作蒙蒙

前调 叶梦得

渺渺空波下夕阳睡痕初破水风凉过雨归云留不住何处远村烟树半微茫  
莫笑经年人老矣归计得迟留处也何妨老子兴来殊不浅帘卷更邀明月坐空牀

前调 叶梦得

千步长虹跨碧流两山浮影转螭头付与诗人都總领风景更逢仙客下瀛洲  
嫋嫋凉风吹汗漫平岸遥空新卷绦河收却怪嫦娥真好事须记探支明月作中秋

前调 叶梦得

斜汉初看素月流坐惊金饼出云头华髮萧然吹素领光景何妨分付属沧洲  
莫待霜花飘烂漫苹岸更凭佳句尽拘收解与破除消万事犹记一尊同得二年秋

前调【重阳】 陈与义

九日登高有故常随晴随雨一传觴多病题诗无好句孤负黄花今日十分黄  
记得眉山文翰老曾道四时佳节是重阳江海满前怀古意谁会阑干三抚独凄凉

前调【赏牡丹席上走笔】 曾 覲

上苑穠芳初雨晴香风嫋嫋泛轩楹犹记洛阳开小宴娇面粉光依约认倾城  
流落江南重此会相对金蕉蘸甲十分倾怕见人间春更好向道如今老此尚多情

前调【暮春漫兴】 辛弃疾

少日春怀似酒浓插花走马醉千鍾老去逢春如病酒惟有茶瓯香篆小帘栊  
卷尽残花风未定休恨花开原自要春风试问春归谁得见飞燕来时相遇夕阳中

前调【赋杜鹃花】 辛弃疾

百紫千红过了春杜鹃声苦不堪闻却解啼教春小住风雨空山招得海棠魂  
恰似蜀宫当日女无数猩猩血染赭罗巾毕竟花开谁作主记取大都花属惜花人

前调 张孝祥

铃索收声夜未央起寻花影步回廊莫道岭南春更暖君看梅花如雪月如霜  
见说墙西歌吹好窈窕玉人遶座劝飞觞老子婆娑成独冷谁省自挑寒燄自添香

前调【进贤道上见梅赠王伯壽】 陆 游

欹帽垂鞭送客回小桥流水一枝梅忙里逢春都不记谁谓幽香却解逐人来  
安得身闲频置酒携手与君看到十分开少壮相从今雪鬓因甚流年羈恨两相催

前调 赵君举

不是无心惜落花落花无意恋春华昨日盈盈枝上笑谁道今朝吹去落谁家  
把酒临风千种恨难问梦回云散见无涯妙舞清歌谁是主回顾高城不见夕阳斜

前调 吴子孝

阵阵东风变物华小园春色烂无涯二月已深才有杏相映一枝红艷插乌纱  
花遇开时堪宴乐满酌只因花好早还家世上浮云皆是累何事平章长负一栏花

前调【又一体】 苏 轼

好睡慵开莫厌迟自怜冰脸不宜时偶作小红桃杏色闲雅尚余孤瘦雪霜姿  
休把闲心随物态何事酒生微晕隐瑶肌诗老不知梅骨在吟咏更看緑叶与青枝十拍子

【一名破阵子本唐教坊乐以此词一唱十拍因以名调双调六十二字】

十拍子 晏 殊

燕子来时新社梨花落後清明池上碧苔三四点叶底黄鹂一两声日长飞絮轻  
巧笑东邻女伴采桑径里逢迎疑怪昨宵春梦好元是今朝鬪草羸笑从双脸生

前调 晏 殊

海上蟠桃易熟人间好月长圆惟有擘钗分钿侣离别长多会面难此情须问天  
蜡烛到明垂泪熏炉尽日生烟一点凄凉愁絶意谩道秦箏有賸弦何曾为细传

前调 晏殊

燕子欲归时节高楼昨夜西风求得人间成小会试把金尊傍菊丛歌长粉面红  
斜日更穿帘幕微凉渐入梧桐多少襟怀言不尽写向蛮笺曲调中此情千万重

前调 晏殊

忆得去年今日黄花已满东篱曾与玉人临小槛共折香英泛酒卮长条插鬓垂  
人貌不应迁换珍丛又覩芳菲重把一尊寻旧径所惜光阴去似飞风飘露冷时

前调 晏殊

湖上西风斜日荷花落尽红英金菊满丛珠颗细海燕辞巢翅羽轻年年岁岁情  
美酒一杯新熟高歌数阕堪听不向尊前同一醉可奈光阴似水声迢迢去未停

前调 晏几道

柳下笙歌庭院花间姊妹秋千记得青楼当日事写向红牋夜月前凭谁寄小莲  
绡蜡等闲陪泪吴蚕到了纏绵绿鬓能供多少恨未肯无情比断弦今年老去年

前调 苏轼

白酒新开九酝黄花已过重阳身外傥来都似梦醉里无何即是乡东坡日月长  
玉粉旋烹茶乳金虀新捣橙香强染霜髭扶翠袖莫道狂夫不解狂狂夫老更狂

前调 辛弃疾

宿麦畦中雉雊柔桑陌上蚕生骑火须防花月暗玉兔长携彩笔行隔墙人笑声  
莫说弓刀事业依然诗酒功名千载图中今古事万石溪头长短亭小塘风浪平

前调 程垓

小小红泥院宇深深翠色屏帟簇定熏炉酥酒软门外东风寒不知恰疑三月时  
钗影半欹绿子歌声轻度红儿醉里不愁更漏断更要梅花看几枝起来霜月低

前调 陆游

看破空花尘世放教昨梦浮名蜡屐登山真率饮筇杖穿林自在行身闲心太平  
料峭余寒犹力廉纖细雨初晴苔纸闲题溪上句菱唱遥闻烟外声与君同醉醒

前调 赵善扛

柳絮飞时绿暗荼蘼开后春酣花外青帘迷酒思陌上晴光收翠岚佳辰三月三  
解佩人逢游女踏青草鬪宜男醉倚画栏栏槛北梦遶清江江水南飞鸾与共骖

前调 吴子孝

莎径都无尘土槐池小学蓬瀛画阁帘垂修竹映翠岫云迷曲涧紫香烧闻玉笙  
雨霁云翻花影月明鹤和泉声水隔尘凡千尺碧天付清闲两鬓青钓台人不争苏幕遮

【一名鬓云松双调六十二字苏幕遮本西域妇人饰唐吕元济言浑脱骏马胡服名曰苏幕遮张说有苏幕遮诗云是海西歌舞盖本其国舞人之饰後隶教坊因以名词调也】

苏幕遮 范仲淹

碧云天红叶地秋色连波波上寒烟翠山映夕阳天接水芳草无情更在斜阳外  
黯乡魂追旅思夜夜除非好梦留人睡明月楼高休独倚酒入愁肠化作相思泪

前调 梅尧臣

露堤平烟墅杳乱碧萋萋雨後江天晓独有庾郎年最少窈窕春袍嫩色宜相照  
接长亭迷远道堪怨王孙不记归期早落尽梨花春又了满地残阳翠色和烟老

前调 张先

柳飞絮花萼少镂板音清浅发江南调斜日两竿留碧草马足重重又近青门道  
去尘浓人散了回首旗亭渐渐红裳小莫讶安仁头白早天若有情天也终须老

前调【咏选仙图】 苏轼

暑笼晴风解愠雨後余清暗袭衣裾润一局选仙逃暑困笑指尊前谁向清霄近  
整金杯轮玉笋凤驾鸾车谁敢争先进重五休言陞最紧纵有碧油到了输堂印

前调 王观

尽思量还耐耐为甚当时故故相招买早是幽欢多障碍更遣分飞脉脉如天外  
有心怜无计奈两处厌厌一点虚恩爱独上小楼临暮霭凭暖朱阑此意无人会

前调 周紫芝



水傍边山尽处唤取云来共我山头住分得一江风共雨满院芙蓉更听红妆舞  
趁霜晴闲独步那里烟邨有个梅花树小径斜穿来又去醉後知他有甚青云路

前调 周紫芝

老相邀山作伴千里西来始识庐山面爱酒扬雄浑不管天与邻翁来慰穷愁眼  
似惊鸿吹又散画舸横江望断江南岸地角天涯无近远一阕清歌且放梨花满

前调 周邦彦

陇云沉新月小杨柳梢头能有春多少试着罗裳寒尚峭帘卷青楼占得东风早  
翠屏深香篆袅流水落花不管刘郎到三叠阳关声渐杳断雨残云只怕巫山晓

前调 周邦彦

鬓云松眉叶聚一阕离歌不为行人驻檀板停时君看取数尺鲛绡半是梨花雨  
鹭飞遥天尺五凤阁鸾坡看即飞腾去今夜长亭临别处断梗飞云尽是伤情绪

前调 周邦彦

燎沉香销溽暑鸟雀呼晴侵晓窥檐语叶上初阳乾宿雨水面青圆一一风荷举  
故乡遥何日去家住吴门久作长安旅五月渔郎相忆否小楫轻舟梦入芙蓉浦

前调 方千里

扇留风水却暑夏木阴阴相对黄鹂语薄晚轻阴还阁雨远岸烟深彷彿菱歌举  
燕归来花落去几度逢迎几度伤羁旅油壁西陵人识否好约追凉小舫兼葭浦

前调 杨泽民

日烘晴风却暑帘幕中间紫燕呢喃语嫩竹新荷初沐雨曲檻幽轩四面明牕举  
夏初临春又去不愿封侯只怕为羁旅溪上故人无恙否欲唱菱歌发棹归南浦

前调 刘基

雨萧萧风嫋嫋柔梦相牵不觉春牕晓鴈到衡阳回去了镜里离鸾独对琴台老  
楚天长秦树杳山蹙愁眉江学回肠绕满地苍烟连碧草弱水三千里隔蓬莱岛明月逐人来

【双调六十二字】

明月逐人来 李持正

星河明澹春来深浅红莲正满城开徧禁街行乐暗尘香拂面皓月随人近远  
天半鳌山光动凤楼西观东风静珠帘不卷玉辇待归云外闻弦管认得宫花影转

前调 张元干

花迷珠翠香飘罗绮帘旌外月华如水暖红影里谁会王孙意最乐昇平景致  
长记宫中五夜春风鼓吹游仙梦轻寒半醉凤帏未暖归去浓熏被更问阴晴天气临江仙

【又一体双调六十二字】

临江仙 晏几道

东野亡来无丽句于君去後少交亲近思往事好沾巾白头王建在犹见咏诗人  
学道深山空自老留名千载不干身酒筵歌席莫辞频争如南陌上占取一年春赞成功

【双调六十二字】

赞成功 毛文锡

海棠未拆万点深红香包绡结一重重似含羞态邀勒春风蜂来蝶去任遶芳丛  
昨夜微雨飘洒庭中忽闻声滴井边桐美人惊起坐听晨钟快教折取戴玉珑璁摊破南乡子

【双调六十二字一名青杏儿一名似娘儿亦名促拍山花子】

摊破南乡子 程垓

休赋惜春诗留春住说与人知一年已负东风瘦说愁说恨数时数刻只望归期  
莫怪杜鹃啼真个也唤得人归归来休恨花开了梁间燕子且教知道人也双飞

前调 赵长卿

橘绿与橙黄近小春已过重阳晚来一霎霏微雨单衣渐觉西风冷也无限情伤  
孤馆最凄凉天色儿不耐恹惶离愁一枕灯残後睡来不是行行坐坐月在回廊

前调 赵秉文

风雨替花愁风雨罢花也应休劝伊莫惜花前醉今年花谢明年花谢白了人头

乘兴两山瓠括溪山好处追游但教有酒身无事有花也好无花也好选甚春秋

前调 刘基

独自倚阑干西风起玉宇清寒夜深月转长河曲踈萤度竹吟蛩依草凉露溥溥  
闲把素琴弹冰弦上商冷宫残万牛不挽东流水悠悠碧落茫茫云海叠叠忧端金蕉叶

【又一体双调六十二字】

金蕉叶 柳永

厌厌夜饮平阳第添银烛旋呼佳丽巧笑难禁艳歌无间声相继準拟幕天席地  
金蕉叶泛金波霁未更阑已尽狂醉就中有个风流暗向灯光底恼偏两行珠翠好女儿

【又一体双调六十二字】

好女儿 晏几道

绿徧西池梅子青时尽无端尽日东风恶更霏微细雨恼人离恨满路春泥  
应是行云归路有闲泪洒相思想旗亭望断黄昏月又依前误了红笺香信翠袖欢期

前调 晏几道

酌酒殷勤尽更留春忍无情便赋余花落待花前细把一春心事问个人人  
莫似花开还谢愿芳意且常新倚娇红待得欢期定向水沉烟底金莲影下睡过佳辰

前调 贺铸

车马匆匆会国门东信人间自古销魂处指红尘此道碧波南浦黄叶西风  
候馆娟娟新月从今夜与谁同想深闺独守空牀思但凭占镜鹄梅分钗燕长望书鸿

前调 贺铸

才色相怜难偶当年屡逢迎几许纏绵意记秋千架底擣菹局上祓禊池边  
收贮一春幽恨细书徧砑绡算蓬山未抵屏山远奈碧云易合彩霞深闭明月光圆

前调 贺铸

绮绣张筵粉黛争妍记六朝旧数闺房秀有长圆璧月永新琼树随步金莲

不减丽华标韵更能唱想夫怜认情通色授纏绵处似灵犀一点吴蚕八茧汉柳三眠落灯风

【调始於杨慎以词中首句名之也双调六十二字】

落灯风 杨 慎

柳外落灯风乍起杏靛梅钿纷堕蕊彩架阁秋千红绳紧香尘满地春一分休矣  
银塘初暖湔裙水催莫愁兰舟遥棹沽酒趁梨花听双歌温柔乡里且住为佳耳

御选历代诗余卷四十一

## 卷四十二

＜集部,词曲类,词选之属,御选历代诗余

钦定四库全书

御选历代诗余卷四十二目錄【六十二字】

渔家傲

晏殊【十三首】

范仲淹

欧阳修【二十七首】

王安石【二首】

张先

苏轼【五首】

苏辙

陈师道

李之仪

毛滂【三首】

朱服

晁冲之

葛胜仲【二首】

周紫芝【五首】

谢逸

周邦彦【二首】

曹组

吕渭老

陈与义

张元干【三首】

张鎰

程垓

李石

王千秋

陆游

危稹

黄铢

毛幵【二首】

卢祖皋

李昉英

方千里【二首】

陈允平

张炎【二首】

石孝友【二首】

陈袭善

丁羲叟

李清照【二首】

段克己【四首】

欧阳元功【十二首】

杨慎

吴子孝【三首】

张綖

周用

王锡爵

张大烈

吴易

徐媛

前调【又一体】

杜安世

御选历代诗余卷四十二目錄

钦定四库全书

御选历代诗余卷四十二【六十二字】

司经局洗马掌局事兼翰林院修撰加二级【臣】王奕清奉旨校刊

渔家傲

【一名綠萼令双调六十二字】

渔家傲 晏殊

画角声中昏又晓时光只解催人老求得浅欢风日好齐揭调神仙一曲渔家傲  
綠水悠悠天杳杳浮生岂得长年少莫惜醉来开口笑须信道人间万事何时了

前调【荷花词十二首】 晏殊

荷叶荷花相间鬪红娇绿掩新妆就昨日小池疎雨後铺锦绣行人过去频回首  
倚徧朱阑凝望久鸳鸯浴处波纹皱谁唤谢娘斟美酒紫舞袖当筵劝我千长寿

前调 晏殊

荷叶初开犹半卷荷花欲折须微绽此叶此花真可羨

秋水畔青凉繖映红妆面

美酒一杯留客宴拈花摘叶情无限争奈世人多聚散频祝愿如花似叶长相见

前调 晏殊

杨柳风前香百步盘心碎点真珠露疑是水仙开洞府妆景趣红幢绿盖朝天路  
小鸭飞来稠闊处三三两两能言语饮散短亭人欲去留不住黄昏更下萧萧雨

前调 晏殊

叶下鵝鵲眠未稳风翻露颭香成阵仙女出游知远近羞借问饶将綠扇遮红粉  
一掬蕊黄沾雨润天人乞与金英嫩试折乱条醒酒困应有恨芳心易尽情无尽

前调 晏殊

罨画溪边停彩舫仙娥绣被呈新樣飒飒风声来一晌愁四望残红片片随波浪  
琼脸丽人青步障风牵一袖低相向应有锦鳞闲倚傍秋水上时时綠柄轻摇扬

前调 晏殊

宿蕊鬪攢金粉闇青房暗结蜂儿小敛面似啼还似笑天与貌人间不是铅华少  
叶软香清无限好风头日脚乾催老待得玉京仙子到刚向道红颜只合长年少



前调 晏殊

脸傅朝霞衣翦翠重重占断秋江水一曲采莲风细细人未醉鸳鸯不合惊飞起  
欲摘嫩条嫌绿刺闲敲画扇偷金蕊半夜月明珠露坠多少意红腮点点相思泪

前调 晏殊

越女采莲江北岸轻桡短櫂随风便人貌与花相鬪艳流水慢时时照影看妆面  
莲叶层层张绿繖莲房个个垂金盏一把藕丝牵不断红日晚回头欲去心撩乱

前调 晏殊

粉面啼红腰束素当年拾翠曾相遇密意深情谁与诉空怨慕西池夜夜风兼露  
池上夕阳笼碧树池中短櫂惊微雨水泛落英何处去人不悟东流到了无停住

前调 晏殊

幽鹭慢来窥品格双鱼岂解传消息绿柄嫩香频采摘心似织条条不断谁牵役  
粉泪暗和清露滴罗衣染就秋江色对面不言情脉脉烟水隔无人说似长相忆

前调 晏殊

楚国细腰元自瘦文君赋脸谁描就日夜鼓声催箭漏昏复昼红颜岂得长依旧  
醉折嫩房和蕊簌天丝不断清香透却傍小阑凝望久风满袖西池月上人归後

前调 晏殊

嫩绿堪裁红欲绽蜻蜓点水鱼游畔一霎雨声香四散风飏乱高低掩映千千万  
总是雕零终有限能无眼下生留恋何似折来妆粉面勤看翫胜如落尽秋江岸

前调 范仲淹

塞下秋来风景异衡阳鴈去无留意四面边声连角起千嶂里长烟落日孤城闭  
浊酒一杯家万里燕然未勒归无计羌管悠悠霜满地人不寐将军白发征夫泪

前调 欧阳修

一派潺湲流碧涨新亭四面山相向翠竹岭头明月上迷俯仰月轮正在泉中漾  
更待高秋天气爽菊花香里开新酿酒美宾嘉真胜赏红粉唱山深分外歌声响

前调 欧阳修

四纪才名天下重三朝构厦为梁栋定策功成身退勇辞荣宠归来白首笙歌拥  
顾我薄才无可与君恩近许归田壠今日一觴难得共聊对捧官奴为我高歌送

前调 欧阳修

红粉墙头花几树落花片片和惊絮墙外有楼花有主寻花去隔墙遥见秋千侣  
綠索红旗双彩柱行人只得偷回顾肠断楼南金鎖户天欲暮流莺飞到秋千处

前调【采莲词五首】 欧阳修

妾本钱塘苏小妹芙蓉花共门相对昨日为逢青伞盖慵不采今朝斗觉雕零煞  
愁倚画楼无计奈乱红飘过秋塘外料得明年秋色在香可爱其如镜里花顏改

前调 欧阳修

花底忽闻敲两桨逡巡女伴来寻访酒盏旋将荷叶当莲舟荡时时盏里生红浪  
花气酒香清厮酿花顚酒面红相向醉倚綠陰眠一晌惊起望船头阁在沙滩上

前调 欧阳修

叶有清风花有露叶笼花罩鸳鸯侣白锦顶丝红锦羽莲女妒惊飞不许长相聚  
日脚沉红天色暮青凉繖上微微雨早是水寒无宿处须回步枉教雨里分飞去

前调 欧阳修

荷叶田田青照水孤舟挽在花陰底昨夜萧萧疎雨坠愁不寐朝来又觉西风起  
雨摆风摇金蕊碎合欢枝上香房翠莲子与人长厮类无好意年年苦在中心里

前调 欧阳修

粉蕊丹青描不得金鍼线线功难敌谁傍暗香轻采摘风淅淅船头触散双鸂鶒  
夜雨染成天水碧朝阳借出胭脂色欲落又开人共惜秋气逼盘中已见新荷药

前调【七夕三首】 欧阳修

喜鹊填河仙浪浅云輶早在星桥畔街鼓黄昏霞尾暗炎光敛金鈎侧倒天西面  
一别经年今始见新欢往恨知何限天上佳期贪眷恋良宵短人间不合催银箭

前调 欧阳修

乞巧楼头云幔卷浮花催洗严妆面花上蛛丝寻得徧顰笑浅双眸望月牵红线  
奕奕天河光不断有人正在长生殿暗付金钗清夜半千秋愿年年此会长相见

前调 欧阳修

别恨长长欢计短疎钟促漏真堪怨此会此情都未半星初转鸾琴凤管匆匆卷  
河鼓无言西北眇香蛾有恨东南远脉脉横波珠泪满归心乱离肠便逐星桥断

前调【菊花四首】 欧阳修

九日欢游何处好黄花万蕊雕阑遶通体清香无俗调天气好烟滋露结功多少  
日脚清寒高下照宝钉密缀圆斜小落叶西园风嫋嫋催秋老丛边莫厌金尊倒

前调 欧阳修

青女霜前催得绽金钿乱散枝头徧落帽台高开雅宴芳尊满按花吹在流霞面  
桃李三春虽可羨莺来蝶去芳心乱争似仙潭秋水岸香不断年年自作茱萸伴

前调 欧阳修

露裊娇黄风摆翠人间晚秀非无意仙格淡妆天与丽谁可比女真装束真相似  
筵上佳人牵翠袂纤纤玉手按新蕊美酒一杯花影膩邀客醉红琼共作熏熏媚

前调 欧阳修

对酒当歌劳客劝惜花只惜年华晚寒艳冷香秋不管情眷眷凭阑尽日愁无限  
思抱芳期随塞鴈悔无深意传双燕怅望一枝难寄远人不见楼头望断相思眼

前调 欧阳修

正月斗杓初转势金刀翦彩功夫异称庆高堂欢幼穉看柳意徧从东面春风至  
十四新蟾圆尚未楼前乍看红灯试冰散绿池泉细细鱼欲戏园林已是花天气

前调 欧阳修

二月春耕昌杏密百花次第争先出惟有海棠梨第一深浅拂天生红粉真无匹  
画栋归来巢未失双双款语怜飞乙留客醉花迎晓日金盞溢却忧风雨飘零疾

前调 欧阳修

三月清明天婉婉晴川祓禊归来晚况是踏青来处远犹不倦秋千别闭深庭院  
更值牡丹开欲徧酴醾压架清香散花底一尊谁解劝增眷恋东风向晚无情绊

前调 欧阳修

四月园林春去後深深密幄陰初茂折得花枝犹在手香满?叶间梅子青如豆  
风雨时时添气候成行新笋霜筠厚题就送春诗几首聊对酒樱桃色照银盘溜

前调 欧阳修

五月榴花妖艳烘緑杨带雨垂垂重五色新丝纏角糗金盘送生绡画扇蟠双凤  
正是浴兰时节动菖蒲酒美清尊共叶里黄鹂时一啉犹?等闲惊破纱窓梦

前调 欧阳修

六月炎天时霎雨行云涌出奇峰露沼上嫩莲腰束素风兼露梁王宫阙无烦暑  
畏日亭亭残蕙炷傍帘乳燕双飞去碧盃敲水倾玉处朝与暮故人风快凉轻度

前调 欧阳修

七月新秋风露早渚莲尚拆庭梧老是处瓜华时节好金尊倒人间彩缕争祈巧  
万叶敲声凉乍到百虫啼晚烟如埽箭漏初长天杳杳人语悄那堪夜雨催清晓

前调 欧阳修

八月秋高风历乱衰兰败芷红莲岸皓月十分光正满清光畔年年常愿琼筵看  
社近愁看归去燕江天空阔云容漫宋玉当时情不浅成幽怨乡关千里危肠断

前调 欧阳修

九月霜秋秋已尽烘林败叶红相映惟有东篱黄菊盛遗金粉人家帘幕重阳近  
晓日陰阴晴未定授衣时节轻寒嫩新鴈一声风又劲云欲凝鴈来应有吾乡信

前调 欧阳修

十月小春梅蕊绽红楼画阁新妆徧鸳帟美人贪睡暖羞起嬾玉壶一夜水渐满  
楼上四垂帘不卷天寒山色偏宜远风急鴈行吹字断红日晚江天雪意云撩乱

前调 欧阳修

子月新阳排寿宴黄钟应管添宫线猎猎寒威云不卷风头转时看雪霰吹人面  
南至迎长知漏箭书云纪候水生研腊近探春春尚远闲亭院梅花落尽千千片

前调 欧阳修

腊月严凝天地闭莫嫌台榭无花卉惟有酒能欺雪意增豪气直教耳热笙歌沸  
陇上雕鞍惟数骑猎围半合新霜里霜重鼓寒声不起千人指马前一鴈寒空坠

前调 王安石

平岸小桥千嶂抱柔蓝一水萦花草茅屋数间牕窈窕尘不到时时自有清风埽  
午枕觉来闻语鸟敲眠似听朝鸡早忽忆故人今總老贪梦好茫茫忘了邯鄲道

前调 王安石

灯火已收正月半山南山北花撩乱闻说游亭新水漫骑款段穿云入坞寻幽伴  
却拂僧牀褰素幔千岩万壑春风满一弄松声悲急管惊梦断西牕看日犹嫌短

前调 张先

巴子城头青草暮巴山重叠相逢处燕子占巢花脱树杯且举瞿塘水阔舟难渡  
天外吴门清霅路君家正在吴门住赠我柳枝情几许春满缕为君将入江南去

前调【赏心亭送客】 苏轼

千古龙蟠并虎踞从公一吊兴亡处渺渺斜风吹细雨芳草渡江南父老留公住  
公驾飞车凌彩雾红鸾骖乘青鸾驭却讶此洲名白鹭非吾侣翻然欲下还飞去

前调【送台守】 苏轼

送客归来灯火尽西楼淡月凉生晕明日潮来无定准风未稳舟横渡口重城近  
江水似知孤客恨南风为解佳人愠莫学时流轻久困频寄问钱塘江上须忠信

前调 苏轼

皎皎牵牛河汉女盈盈流水无由语望断碧云空日暮无寻处梦回芳草生春浦  
鸟散余花纷似雨汀洲苹老香风度明月多情来照户但揽取清光长送人归去

前调【张元唐省亲秦州】 苏轼

一曲阳关情几许知君欲向秦川去白马皂貂留不住回首处孤城不见天霖雾  
到日长安花似雨故关杨柳初飞絮渐见鞞刀迎夹路谁得似风流膝上王文度

前调 苏轼

临水纵横回晚鞞归来转觉情怀动梅笛烟中闻几弄秋阴重西山雪淡云凝冻  
美酒一杯谁与共尊前舞雪狂歌送腰跨金鱼旌旆拥将何用祇堪妆点浮生梦

前调 苏轼

七十余年真一梦朝来寿筵儿孙奉忧患已空无复痛心不动此间自有千钧重  
早岁文章供世用中年禅味疑天纵石塔成时无一缝谁与共人间天上随他送

前调【从叔父乞湿红牋】 陈师道

一舸姑苏风雨疾吴牋满载红犹湿色鬪朝花光触日人未识街南小阮应先得  
青入柳条初着色溪梅已露春消息拟作新词酬帝力轻落笔秦黄去後无强敌

前调 李之仪

洗尽秋容天似莹星稀月淡人初静策杖萦纡寻远径披昏暝堤边犊母闲相并  
遥想去舟魂欲凝一番佳思从谁咏顚顚归来如独醒知何境沉沉但觉烟村迥

前调 毛滂

年少莫寻潜玉老无才无艺烦君笑暖过茅檐霜日晓休起早竹间尽日无人到  
别径小峰孤碧峭曲沟浅满寒清绕此老相看情不少浑忘了浑然忘了长安道

前调 毛滂

恰则小庵贪睡着不知风撼梅花落一点儿春吹去却香约略黄蜂犹抱红酥萼  
遶徧寒枝添索莫却穿竹径寻孤鹤守定微官真个错从今莫从今莫负云山约

前调 毛滂

鬓底青春留不住功名薄似风前絮何似瓮头春没数都占取只消一纸长门赋  
寒日半窗桑柘暮倚阑目送繁云去却欲载书寻旧路烟深处杏花菖叶耕春雨

前调【东阳郡斋作】 朱服

小雨纤纤风细细  
万家杨柳青烟里  
恋树湿花飞不起  
愁无际  
和春付与东流水  
九十光阴能有几  
金龟解尽留无计  
寄语东阳沽酒市  
一醉而今乐事他年泪

前调 晁冲之

浦口潮来沙尾涨  
危樯半落帆游漾  
水调不知何处唱  
风澹荡  
鳜鱼吹起桃花浪  
雪尽小桥梅总放  
层楼一任愁人上  
万里长安回首望  
山四向澄江日色如春酿

前调【初创南溪真意亭】 葛胜仲

岩壑萦回云水深  
路断迷烟客茆屋数椽  
携杖舄人寂寂  
傍檐万个琅玕碧  
倦客羁怀清似涤  
更无一点飞埃迹  
溪涨漫流过几席  
寒湜湜鳬鹭点破琉璃色

前调 葛胜仲

叠叠云山供四顾  
簿书忙里偷闲去  
心远地偏陶令趣  
登览处  
清幽疑是斜川路  
野蔌溪毛供饮其  
此身甘被烟霞痼  
兴尽碧云催日暮  
招晚渡遥遥一叶随鸥鹭

前调 周紫芝

遇坎乘流随分了  
鸡虫得失能多少  
儿辈雌黄堪一笑  
堪一笑  
鹤长鳬短从他道  
几度秋风吹梦到  
花姑溪上人空老  
唤取扁舟归去好  
归去好孤篷一枕秋江晓

前调【阻风长芦】 周紫芝

月黑波翻江浩渺  
扁舟系缆垂杨杪  
渔网横江灯火闹  
红影照分明  
赤壁回惊櫂  
风静云收天似埽  
梦疑身在三山岛  
浮世功名何日了  
从醉倒柁楼红日千岩晓

前调【送李彦恢宰旌德】 周紫芝

休惜骑鲸人已远  
风流都被云孙占  
腰下锦绦缠宝劔  
光焰闪人间  
莫作牛刀看见说  
河阳花满县  
相邀更约疎狂伴  
幸有小蛮开小讌  
须少款玉堂此去知非晚

前调【游真如广孝二寺】 周紫芝

路入云岩山窈窕  
岩花滴露花头小  
香共西风吹得到  
秋欲杪  
天还未放秋容老  
谁道水南花不好  
犹胜金蕊浑如埽  
留取光阴重一笑  
须是早黄花更惜重阳帽

前调【夜饮木芙蓉下】 周紫芝

月黑天寒花欲睡移灯影落清尊里唤醒妖红明晚翠如有意嫣然一笑知谁会  
露湿桑柯红压地羞容似替人垂泪着意西风吹不起空遶砌明年花共谁同醉

前调【渔父】 谢逸

秋水无痕清见底蓼花汀上西风起一叶小舟烟雾里兰櫂横柳条带雨穿双鲤  
自叹直钩无处使笛声吹彻云山翠鱗落霜刀红缕细新酒美醉来独枕蓑衣睡

前调 周邦彦

灰暖香融消永昼蒲萄上架春藤秀曲角阑干羣雀鬪清明後风梳万缕亭前柳  
日照钗梁光欲溜循堦竹粉沾衣袖灑灑面红新着酒沉吟久昨宵正是来时候

前调 周邦彦

几日轻陰寒恻恻东风急处花成积醉踏阳春怀故国归未得黄鹂久住如相识  
赖有蛾眉能煥客长歌屡劝金杯仄歌罢月痕来照席贪欢适帘前重露成涓滴

前调 曹组

水上落红时片片江头雪絮飞撩乱渺渺碧波天样远平沙?花风一阵苹香满  
晚来醉着无人唤残阳已在青山半睡觉只惊花改岸擡头看元来弱缆风吹断

前调 吕渭老

落月杜鹃啼未了粥鱼忽报千山晓笠子盖头衣鉢少穿林表回头高刹空中小  
官路旧多林木遶露浓花蕊皆顛倒渡水登山排草草庐山好香炉峰下湖波渺

前调【福建道中】 陈与义

今日山头云欲举青蛟素凤移时舞行到石桥闻细雨听还住风吹却过溪西去  
我欲寻诗寛久旅桃花落尽春无数渺渺篮舆穿翠楚悠然处高林忽送黄鹂语

前调【题画】 张元干

钓笠披云青障绕緑蓑雨细春江渺白鸟飞来风满櫂收纶了渔童拍手樵青笑  
明月太虚同一照浮家泛宅忘昏晓醉眼冷看城市鬧烟波老谁能惹得闲烦恼



前调 张元干

寒食西郊湖畔路天低野阔山无数路转冈斜花满树丝吹雨南枝占得春光住  
藉草携壶花底去花飞酒面香浮处老子调羹当独步须记取坐中都是芳菲侣

前调 张元干

楼外天寒山欲暮溪边雪後藏云树小艇风斜沙觜露流年度春光已向梅梢住  
短梦今宵还到否苇村四望知何处客里从来无意绪催归去故园正要莺花主

前调 张 鎡

拂拂春风生草际新晴万景供游戏鸥鹭飞来斜照里金和翠分明画出真山水  
遮个渔翁无愠喜乾坤都在孤篷底一曲高歌千古意闲来睡从教月到花汀外

前调 程 垓

独木小桥烟雨湿燕儿乱点春江碧江上青山随意觅人寂寂落花芳草催寒食  
昨夜青楼今日客吹愁不得东风力细拾残红书怨泣流水急不知那个传消息

前调【赠鼎湖官妓】 李 石

西去征鸿东去水几重别恨千山梦绕绿牕书半纸何处是桃花溪畔人千里  
瘦玉倚香愁黛翠劝人须要人先醉问道明朝行也未犹自记灯前背立偷弹泪

前调 王千秋

黄栗留鸣春已暮西园无着清阴处昨日骤寒风又雨花良苦信缘吹落谁家去  
病起日长无意绪等闲还与春相负魏紫姚黄无恙否栽培取开时我欲听金缕

前调【寄友】 陆 游

东望山阴何处是往来一万三千里写得家书空满纸流清泪书回已是明年事  
寄语红桥桥下水扁舟何日寻兄弟行徧天涯真老矣愁无寐鬓丝几缕茶烟里

前调 危 稹

老去诸余情味浅诗情不上闲钗钏宝幌有人红两靥帘间见紫云元在深深院  
十四条弦音调远柳丝不隔芙蓉面秋入西牕风露晚归去嬾酒酣一任乌巾岸

前调【朱晦翁示欧阳鼓子词】 黄 铢

永日离忧千万绪雪舟远泛清漳浦珍重故人寒夜语挥玉麈沉沉画阁凝香雾  
风砌落花留不住红蜂翠蝶闲飞舞明日柳阴江上路云起处苍山万叠人归去

前调 毛 幵

极目丹枫迎霁晓山明水净新霜早燕去鸿归无事了天渺渺风吹平野低寒草  
渐过初冬时节好寻梅踏雪城南道追忆旧游人已老懽更少孤怀拟共谁倾倒

前调【次丹阳忆故人】 毛 幵

扬子津头风色暮孤舟渺渺江南去忆得佳人临别处愁返顾青山几点斜阳树  
可忍归期无定据天涯已听边鸿度昨夜乡心留不住无驿数梦中行了来时路

前调【寿白石】 卢祖皋

白石山中风景异先生日日怀归计何事黄冈飞雪地偏着意画堂却为东坡起  
人说前身坡老是文章气节浑相似只待鼎彝勲业遂梅花外归来长向山中醉

前调 李昉英

重着夹罗犹怯冷隔帘拜祝团圆镜取片龙涎安古鼎香合静横牕写出梅花影  
寒鹊颤枝飞不定回纹刺就更筹永小玉恹眠呼不醒霜气紧丽谯吹动梅花引

前调 方千里

烛彩花光明似昼罗帏夜出倾城秀红锦纹茵双凤鬪看舞後腰支宛胜章台柳  
眼尾春娇波态溜金尊笑捧纤纤袖一阵粉香吹散酒更漏久消魂独自归时候

前调 方千里

冷叶啼螭寒恻恻银牀晓起清霜积魂断江南烟水国书难得相思此意无人识  
绿鬓金钗年少客愁来嬾傍菱花仄雾阁云牕闲枕席情何适杯盈珠泪还偷滴

前调 陈允平

日转花梢春已昼双蛾曲理遥山秀百草偏输羞不鬪随人後无情自折金丝柳  
秋水盈盈娇欲溜六么倦舞弓弯袖偷摘青梅推病酒徘徊久一双燕子归时候

前调 张炎

门掩新陰孤馆静杨花却解来相趁几日方知因酒病无憀甚脱巾挂壁将书枕  
见说落红堆满径不知何处游人盛自笑扁舟犹未定清和近寻诗已约兰陵令

前调 张炎

辛苦移家聊处静埽除花径歌声趁也学维摩闲示病迂疎甚松风两耳和衣枕  
颇倦扶筇寻捷径东墙蔼蔼红香盛少待摇人波自定蓬壶近且呼白鹤招韩令

前调【送友赴试南宫】 石孝友

射虎将军搴绣帽西园公子南山豹共跨龙媒衔凤诏风色好宫花御柳迎人笑  
劒履森森天日表集英殿下春来早双鹦盘空擎百鸟归来了蓝袍锦水光相照

前调【潮】 石孝友

夜半潮声来枕上击残梦破惊魂荡见说钱塘雄气象披衣望碧波堆里排银浪  
月影徘徊天滉漾金戈铁马森相向洗尽尘根捐翳障增豪放从公笔力诗词壮

前调【有忆】 陈袭善

鹜岭峰前阑独倚愁眉蹙损愁腸碎红粉佳人伤别袂情何已登山临水年年是  
长记同来今独至孤舟晚漾湖光里?草斜阳无限意谁与寄西湖水是相思泪

前调 丁羲叟

十里寒塘初过雨采莲舟上谁家女秋水接云迷远树天光暮船头忘了回来路  
却系兰舟深处住歌声惊散鸳鸯侣波上清风花上露无计去月明腸断双栖羽

前调【宋媛】 李清照

天接云涛连晓雾星河欲曙千帆舞髣髴梦魂归帝所闻天语殷勤问我归何处  
我报路长嗟日暮学诗复有惊人句九万里风鹏正举风休住篷舟吹取三山去

前调 李清照

雪里已知春信至寒梅点缀琼枝膩香脸半开娇旖旎当庭际玉人浴出新妆洗  
造化可能偏有意故教明月玲珑地共赏金尊沉绿蚁莫辞醉此花不与羣花比

前调【送春四首】 段克己

诗句一春浑漫与纷纷红紫俱尘土楼外垂杨千万缕风落絮阑干倚偏空无语  
毕竟春归何处所树头树底无寻处惟有闲愁将不去依旧住伴人直到黄昏雨

前调 段克己

不是花开常殢酒只愁花尽春将暮把酒酬春无好句春且住尊前听我歌金缕  
醉眼看花如隔雾明朝酒醒那堪覩早是闲愁无着处云不去黄昏更下廉纤雨

前调 段克己

龙尾沟边飞柳絮虎头山下花无数花底醉眠留杖屨花上露随风散漫飘香雾  
老去逢春能几度不妨且作风光主明日不知风共雨回首处夕阳又下西山去

前调 段克己

一片飞花春已暮那堪万点飘红雨白发送春情最苦愁几许满川烟草和风絮  
常记解鞍沽酒处而今绿暗旗亭路怪底春归留不住莺作驭朝来引过西园去

前调 欧阳元功

正月都城寒料峭除非上苑春光到元日班行相见了朝回早阙前褰帔懽相抱  
汉女姝娥金搭脑国人姬侍金貂帽绣鞞雕鞍来往闹闲驰骤拜年直过烧灯後

前调 欧阳元功

二月都城春动野引龙灰向银牀画士女城西争买架看驰马官家迎佛官兰若  
水暖天鵲纷欲下鹰房奏猎催车驾却道海青逢燕怕才过社柳林飞放相归罢

前调 欧阳元功

三月都城游赏竞宫墙官柳青相映十一门头车马并清明近豪家寒具金盘飣  
餠祭留连芳草径归来风送梨花信向晚轻寒添酒病春烟暝深深院落千秋迴

前调 欧阳元功

四月都城冰盃冻含桃初荐瑛盘贡南寺新开罗汉洞伊蒲供杨花满院莺声哢  
岁幸上京车驾动近臣准备銮輿从健德门前飞玉鞚争持送蒲萄马乳归银瓮

前调 欧阳元功

五月都城犹衣袂端阳蒲酒新开腊月傍西山青一招荷花夹西湖近岁过苕霅  
血色金罗轻汗掬宫中画扇传油法雪腕彩丝红玉甲添香鸭凉飶时候秋生榻

前调 欧阳元功

六月都城偏昼永辘轳声断浮瓜井海上红楼欹扇影河朔饮碧莲花肺槐芽湔  
绿鬓亲王初守省乘輿出後严巡警太液池心波万顷闲芳景埽宫人户捞鱼艇

前调 欧阳元功

七月都城争乞巧荷衣旖旎新棚筑龙袖娇民儿女狡偏相搅穿鍼月下浓妆佼  
碧玉莲房和柄拗晡时饮酒醒时卯淋罢麻稽秋雨饱新凉稍夜灯叫买鸡头炒

前调 欧阳元功

八月都城新过鴈西风偏解惊游宦十载辞家衣线绽清宵半家家捣练砧声乱  
等待中秋明月翫客中只作家中看秋草墙头萤火烂疎钟断中心台畔流河汉

前调 欧阳元功

九月都城秋日亢马头白露迎朝爽曾上西山观苍莽川原广千林红叶同春赏  
一本黄花金十镞富家菊谱签银榜龙虎台前鼙鼓响擎仙掌千官瓜果迎銮仗

前调 欧阳元功

十月都城家百蓄霜菰雪韭冰芦菰煖炕煤炉香豆熟燔獐鹿高昌家赛羊头福  
貂袖豹祛银鼠褭美人来往轳车续花户油牕通晓旭回寒燠梅花一夜开金屋

前调 欧阳元功

子月都人居煖阁吴中雪纸明如罽锦帐豪家深夜酌金鸡喔东家撤宴西家噉  
纤指柔长宫线弱阳回九九宫冰凿尽道今冬冰不薄都人乐官家喜受新年朔

前调 欧阳元功

腊月都人供暖箠宫中障面霜风猎甲第藏钩环侍妾红袖压笑歌声送金焦叶  
倦客玉堂寒正怯晓洮金井水生鬣冻合竈觚觞一櫟吴霜镊换年嬾写宜春帖

前调【秋雨】 杨慎

云掩遥山山掩翠雨声急战荷声碎绿锦离披红锦坠花叶背波间惊起鸳鸯睡  
潋灩芳尊人共对碧筒凉沁初消醉湿烟香雾笼归袂摇玉辔南风马上闻蛙吹

前调【冬雪】 吴子孝

日暖雪花飞片片幻成六出如铺练庭下早梅香自献寒灩潋仙姿欲鬪琼瑶萼  
薄酒一卮聊独劝貂裘坐拥红炉艳城里人家都十万风满院祇愁破屋饥寒偏

前调 吴子孝

江上雪花如落絮山前钓艇还归去林鸟不啼村市暮人蹢躅板桥路滑驴难度  
诗兴满怀谁共赋吟肩瘦耸寻梅隄拥袖捻须成妙句寒不语水渐声遶沙堤树

前调【寿顔惟清母八十】 吴子孝

箫鼓门阑人竞美高堂耆母身偏健家圃潘舆游不厌斑衣绚老莱得侍春风面  
五十几年乌鬓艳儿啼母笑欢无限桂实荪枝香满院分甘偏年年共醉长安宴

前调【秋日泊汉江口】 张綎

江上凉飈清绪燠片云消尽明团玉水色山光相与绿烟树簇移舟旋傍渔灯宿  
风外何人吹紫竹梦中听是飞鸾曲叶落枫林声簌簌幽兴触明朝相约骑黄鹄

前调 周用

冷薄衣罗官署晓丝丝雨脚青梅小黑发镜中知渐少渔家傲江湖白浪迷鸥鸟  
借问天公何太巧暗将岁月催人老底事放衙今日早人传道家乡三月书来了

前调 王锡爵

芦荻萧萧秋正晚小舟移处沙汀浅藕嫩鱼肥蓴更软新酒煖妻儿列坐周船板  
明月满江风似翦夜寒添着蓑衣短漫酌缓斟知几盃星斗转一声横笛青山远

前调【渔父】 张大烈

碧峰耸翠清江绕一缕垂丝天际渺觅得鲈鱼随返櫂归来了穉子收竿开口笑  
擎杯明月来相照水光映彻黄昏晓醉眠忽听飞鸿嘹清梦窈明朝依旧沧浪钓

前调 吴 易

鸂鶒洲前天似水凤凰池上山横翠短艇轻纶随处横秋似洗玉醅金蕊银丝鱸  
泽畔三闾醒与醉芦漪伍子歌和泪苦恨英雄成底事烟月里笛声吹彻鰲鱼睡

前调 【明媛】 徐 媛

板扉小隐青溪曲夜月罗浮花覆屋木笼戛戛摇生谷庄田熟桔槔悬向茅檐宿  
青山一片芙蓉簇林皋逸韵飘横竹远浦轻帆低几幅浓睡足笑看小妇琼鬟绿

前调 【又一体】 杜安世

疎雨才收淡净天微云绽处月婵娟寒鴈一声人正远添幽怨那堪往事思量偏  
谁道绸缪两意坚水萍风絮不相缘舞监鸾肠虚寸断芳容变好将憔悴教伊见

御选历代诗余卷四十二

## 卷四十三

＜集部,词曲类,词选之属,御选历代诗余

钦定四库全书

御选历代诗余卷四十三目录【起六十三字至六十六字】

凤衔杯【又一体】

柳永【二首】

别怨

赵长卿

怜薄命

戴复古妻

定风波【又一体】

孙光宪

甘州徧

毛文锡

青玉案

李孝光

风中柳

刘因

陈继儒



钱继章

行香子

许古

侍香金童

蔡伸

赵长卿

前调【又一体】

梁寅

钿带长中腔

万俟雅言

辊绣球

赵长卿

黄鍾乐

魏承班

瑞鹧鸪【又一体】

晏殊【二首】

柳永【二首】

握金钗

吕渭老【二首】

品令【又一体】

周紫芝

吕渭老

献衷心

欧阳炯

醉春风

赵鼎

赵与仁

王微

缙山月

梁寅

殢人娇

毛滂【二首】

向子諲

李清照

麦秀两岐

和凝

感皇恩【又一体】

赵长卿

解佩令

蒋捷

淡黄柳

姜夔

张炎

酷相思

程垓

转调踏莎行

曾觌

喝火令

黄庭坚

青玉案【又一体】

黄知命

毛滂【二首】

吕渭老

黄公度

王炎

史达祖

沈端节

张炎

顾德辉

吴宽

文徵明

陈子龙

前调【又一体】

赵长卿【二首】

张大烈

卖花声

陆游

孙氏

黄裳

朱灝

王微

感皇恩【又一体】

汪莘

党怀英

解佩令【又一体】

王庭珪

史达祖

玉梅令

姜夔

锦纆道

宋祁

庆春泽

张先【二首】

厌金杯

贺铸

品令【又一体】

黄庭坚

垂丝钓

周邦彦

杨无咎【二首】

赵彦端【二首】

陈亮

方千里

吴文英

声声令

无名氏

看花回

柳永

御选历代诗余卷四十三目录

钦定四库全书

御选历代诗余卷四十三【起六十三字至六十六字】

司经局洗马掌局事兼翰林院修撰加二级【臣】王奕清奉旨校刊

凤衔杯

【又一体双调六十三字】

凤衔杯 柳 永

有美瑶卿能染翰千里寄小诗长简想初襞苔牋旋挥翠管红窗畔渐玉箸银钩满  
锦囊收犀轴卷常珍重小斋吟翫更宝若珠玑置之怀袖时时看似频见千娇面

前调 柳 永

追悔当初辜深愿经年价两成幽怨任越水吴山似屏如幃堪游翫奈独自慵擡眼  
赏烟花听弦管图欢笑转加肠断纵时展丹青强拈书信频频看又争似亲相见

别怨

【双调六十三字各本止传赵长卿一首但咏本意或系词题而非词调然无可考证】

别怨 赵长卿

骄马频嘶晓霜浓寒色侵衣凤帷私语处翻成离怨不胜悲更与丁宁嘱後期  
素约谐心事重来了比看相思如何见得明年春事浓时稳乘金腰褭来烂醉玉东西

怜薄命

【双调六十三字止戴复古妻一首以第二句为调名也】

怜薄命 戴复古妻

惜多才怜薄命无计可留汝揉碎花笺忍写断肠句道傍杨柳依依千丝万缕抵不住一分愁  
绪指月盟言不是梦中语後回君若重来不相忘处把杯酒浇奴坟土

定风波

【又一体双调六十三字】

## 定风波 孙光宪

帘拂疎香断碧丝泪衫还滴绣黄鹂上国献书人不在凝黛晚庭又是落红时  
春日自长心自促翻覆年来年去负前期应是秦云兼楚雨留住向花枝夸说月中枝

## 甘州徧

【亦是六州歌头之一双调六十三字】

## 甘州徧 毛文锡

春光好公子爱闲游足风流金鞍白马雕弓宝剑红缨锦鞞出长秋花蔽膝玉衔头寻芳逐胜  
欢宴丝竹不曾休美人唱揭调是甘州醉红楼尧年舜日乐圣永无忧

## 青玉案

【本张衡四愁诗语一名一年春双调六十三字】

## 青玉案 李孝光

儿童齐唱民安作问底事来何暮酷似当年廉叔度春风千里绿到棠阴处  
玉壶清贮金茎露翻向人间作霖雨今日东瓯成乐土清都虎豹借恂无计袞职须君补

## 风中柳

【双调六十四字】

## 风中柳【饮仙亭留宿】 刘因

我本渔樵不是白驹空谷对西山悠然自足北窗疎竹南窗丛菊爱邨居数间茅屋  
风烟草屨满意一川平绿问前溪今朝酒熟幽禽歌曲清泉琴筑欲归来故人留宿

## 前调 陈继儒

燕燕于飞补葺旧巢堪宿草庵寛何须华屋水儿一曲山儿一幅翠微中须眉皆绿  
挂杖敲门有客来看修竹但家常园蔬谿菊菊花酒足松花饭熟日三竿图些清福

## 前调 钱继章

一点遥钟渐觉霜披岩谷松尖影染成山足茶烟依竹篆烟依菊纸糊窗半间茅屋  
散发披襟有客来观谿绿恰痛饮读骚初熟清讴非曲短吟非筑爱羣公寤言歌宿

行香子

【双调六十四字】

行香子 许 古

秋入鸣皋爽气飘萧挂衣冠初脱尘劳窗间岩岫看尽昏朝夜山低晴山近晓山高  
细数闲来几处邨醪醉模糊信手挥毫等闲陶写问甚风骚乐因循能潦倒也逍遥

侍香金童

【双调六十四字】

侍香金童 蔡 伸

宝马行春缓辔随油壁念一瞬韶光堪重惜还是去年同醉日客里情怀倍添凄惻  
记南城锦迳名园曾徧历更柳下人家似织此际凭栏愁脉脉满目江山暮云空碧

前调 赵长卿

一种春光占断东君惜算穠李韶华争并得粉腻酥融娇欲滴端的尊前旧曾相识  
向夜阑酒醒霜浓寒又力但与冰姿添夜色绣幕银屏人寂寂只许刘郎暗传消息

前调 【又一体】 梁 寅

宝台蒙绣瑞兽高三尺玉殿无风烟自直迤逦传杯盈绮席苒苒菲菲断处凝碧  
是龙涎凤髓恼人情意极想韩寿风流应暗识去似彩云无处觅惟有多情袖中留得

钿带长中腔

【双调六十四字】

钿带长中腔 万俟雅言

簇真香似风前拆麝囊嫩紫轻红间鬪异芳风流富贵自觉兰蕙荒独占蘂珠春光  
绣结流苏密致魂梦悠扬气融液散满洞房朝寒料峭殢娇不易当着意要得韩郎



辊绣球

【双调六十四字】

辊绣球 赵长卿

流水奏鸣琴风月净天无星斗翠岚堆里苍岩深处满林霜腻暗香冻了那禁频嗅  
马上再三回首因记省去年时候十分全似那人风韵柔腰弄影冰腮退做成清瘦

黄鍾乐

【双调六十四字】

黄鍾乐 魏承班

池塘烟暖草萋萋惆怅闲宵含恨愁坐思堪迷遥想玉人情事远音容浑似隔桃溪  
偏记同欢秋月低帘外论心花畔和醉暗相携何事春来人不见梦魂长在锦江西

瑞鷓鴣

【又一体双调六十四字与前体之同七言律诗者迴别】

瑞鷓鴣【红梅】 晏殊

越娥红泪泣朝云越梅从此学妖颦腊月初头庾岭繁开后特染妍华赠世人  
前溪昨夜深深雪朱颜不掩天真何时驿使西归寄与相思客一枝新报道江南别样春

前调 晏殊

江南残腊欲归时有梅红亚雪中枝一夜前邨间破瑶英拆端的千花冷未知  
丹青改样匀朱粉雕梁欲画犹疑何妨与向冬深密种秦人路夹仙溪不待夭桃客自迷

前调 柳永

天将奇艷与寒梅乍惊繁杏腊前开暗想花神巧作江南信鲜染臙脂细翦裁  
寿阳妆罢无端饮凌晨酒入香腮恨听烟坞深中谁恁吹羌笛逐风来绛雪纷纷落翠苔

前调 柳永

三吴嘉景古风流渭南往岁忆来游西子方来越相功成去千里沧波一叶舟  
至今无限盈盈者尽来拾翠芳洲最好簇簇寒林遥认南朝画晚烟收三两人家古渡头

握金钗

【双调六十四字】

握金钗 吕渭老

风日困花枝晴蜂自相趁晚来红浅香尽整顿腰肢晕残粉弦上语梦中人天外信  
青杏已成双新尊荐樱笋为谁一和销损数着佳期又不稳春去也怎当他清昼永

前调 吕渭老

向晚小妆匀明窗倦裁翦见花清泪遮眼开尽繁花又春晚心下事比年时都较嬾  
蝴蝶入帘飞莺声似簧啭见来无计拘管心似芭蕉乍舒展归去也夕阳斜红满院

品令

【又一体双调六十四字】

品令【九日寓居】 周紫芝

霜蓬零乱笑绿鬓光阴晚紫萸时节小楼长醉一川平远休说龙山佳会此情不浅  
黄花香满记白苧吴歌软如今却向乱山丛里一枝重看对着西风搔首为谁肠断

前调 吕渭老

绣衣未整傍窗格临清镜新霜薄雾这下几日陰晴不定欲插黄花心事又还记省  
去年香径共粉蝶闲相趁宝香玉佩暗解付与多情荀令何日西楼重见暮帆烟艇

献衷心

【双调六十四字】

献衷心 欧阳炯

见好花颜色争笑东风双脸上晚妆同闭小楼深合春景重重三五夜偏有恨月明中  
情未已信曾通满衣犹自染檀红恨不如双燕飞舞帘栊春欲暮残絮尽柳条空

醉春风

【双调六十四字】

醉春风 赵鼎

宝监凌花莹孤鸾慵照影鱼书蝶梦两消沉恨恨恨结尽丁香瘦如杨柳雨疎云冷  
宿醉恹恹病罗巾空泪粉欲将远意托湘弦闷闷闷香絮悠悠画帘悄悄日长春困

前调 赵与仁

陌上清明近行人难借问风流何处不归来闷闷闷回鴈峰前戏鱼波上试寻芳信  
夜永兰膏烬春睡何曾稳枕边珠泪几曾乾恨恨恨惟有窗前过来明月照人方寸

前调 【明妓】 王微

谁劝郎先醉窗冷灯儿背抱琴倩婢倚香帏睡睡睡忘却温柔一心只恋醉乡滋味  
惭愧鞦儿谜担阁鸳鸯被问郎曾否脱罗衣未未未想是高唐巫云惜别不容分袂

缢山月

【双调六十四字】

缢山月 梁寅

急雨响岩阿陰云暗薜萝山中春去更寒多纵柴门不闭花满径苍苔润少人过  
兰舟曾记兰汀宿牵恨是烟波而今林下和樵歌看风风雨雨从造物时时变總心和

殢人娇

【双调六十四字】

殢人娇 毛滂

雪做屏风花为行幃屏幃里见春模样小晴未了轻阴一晌酒到处恰如把春黏上  
官柳黄轻河堤緑涨花多处少停兰桨雪边花际平芜叠嶂这一段凄凉为谁怅望

前调 毛滂

短棹犹停寸心先往说归期唤做的当夕阳下地重城远样风露冷高楼误伊等望  
今夜孤邨月明怎向依还是梦回绣幌还山想像秋波荡漾明夜里与伊画着眉上

前调【赠轻轻】 向子諲

白似梨花柔於柳絮蝴蝶儿镇长一处春风骀荡蓦然吹去争得倩游丝半空惹住  
波上精神掌中态度分明是采云团做当年飞燕从今不数只恐是高唐梦中神女

前调【宋媛】 李清照

玉瘦香浓檀深雪散今年恨探梅又晚江楼楚馆云闲水远清昼永凭栏翠帘低卷  
坐上客来尊中酒满歌声共水流云断南枝可插更须频翦莫直待西楼数声羌管

麦秀两岐

【双调六十四字】

麦秀两岐 和 凝

凉簟铺斑竹鸳枕并红玉脸莲红眉柳绿曾雪宜新浴淡黄衫子裁春縠异香芬馥  
羞道交回烛未惯双双宿树连枝鱼比目掌上腰如束娇娆不争人拳局黛眉微蹙

感皇恩

【又一体双调六十五字】

感皇恩 赵长卿

碧水浸芙蓉秋风楚岸三岁光阴转头换且留都骑未许匆匆分散更持杯酒殷勤劝  
休作等闲离别人看且对笙歌醉须 如君才调掌得玉堂词翰定应不久劳州县

解佩令

【双调六十五字】

解佩令 蒋捷

春晴也好春阴也好着些春雨也好春雨如丝绣出花枝红裊怎禁他孟婆合皂  
梅花风小杏花风小海棠风蓦地寒峭岁岁春光被二十四番风吹老楝花风尔且慢到

淡黄柳

【双调六十五字】

淡黄柳【合肥】 姜夔

空城晓角吹入垂杨陌马上单衣寒恻恻看尽鹂黄嫩绿都是江南旧相识  
正岑寂明朝又寒食强携酒小桥宅怕梨花落尽成秋色燕燕飞来问春何在唯有池塘自碧

前调【有赠】 张炎

楚腰一捻羞翦青丝结力未胜春娇怯怯暗托莺声细说愁蹙眉心鬬双叶  
正情切柔条未堪折应不解管离别奈如今已入东风睫望断章台马蹄何处闲了黄昏淡月

酷相思

【双调六十五字与极相思无涉】

酷相思【惜别】 程垓

月挂霜林寒欲坠正门外催人起奈离别如今真个是欲住也留无计欲去也来无计  
马上离情衣上泪各自空憔悴问江路梅花开也未春到也须频寄人到也须频寄

转调踏莎行

【双调六十五字】

转调踏莎行 曾觌

翠幄成阴谁家帘幕绮罗香拥处觥筹错清和将近春寒更薄高歌看簌簌梁尘落  
好景良辰人生行乐金杯无奈是苦相虐残红飞尽袅垂杨轻弱来岁断不负莺花约

喝火令

【双调六十五字】

喝火令 黄庭坚

见晚情如旧交疎分已深舞时歌处动人心烟水数年魂梦无处可追寻昨夜灯前见重题汉

上襟便愁云雨又难寻晓也星稀晓也月西沉晓也鴈行低度不会寄芳音

青玉案

【又一体双调六十六字】

青玉案【送兄山谷谪宜州】 黄知命

千峰百嶂宜州路天黯淡知人去晓别吾家黄叔度弟兄华发远山修水异日同归处  
长亭饮散尊罍暮写别语不成句已断离肠能几许水邨山郭夜阑无寐听尽空阶雨

前调 毛滂

芙蓉花上蒙蒙雨又冷落池塘暮何处风来摇碧户卷帘凝望淡烟疎柳翡翠穿花去  
玉京人去无由住恁独坐凭阑处试问绿窗秋到否可人今夜新凉一枕无计相分付

前调【竹间戏作】 毛滂

玉婴初有排云分向晚色娟娟静秋入风枝清不尽月和粉露徘徊孤映独夜扶疎影  
子猷风调全相称是彼此无凡韵玉勒前头花柳近水边石上冷依烟雨时有幽人问

前调 吕渭老

一尊聊对西风醉况九日明朝是曾与茱萸论子细江天虚旷暮林横远人隔银河水  
碧云渐展天无际吹不断黄昏泪若作欢期须早计如何得似鬓边新菊双结黄金蕊

前调 黄公度

邻鸡不管离怀苦又还是催人去回首高城音信阻霜桥月馆水邨烟市總是思君处  
裊残别袖燕支雨漫留得愁千缕欲倩归鸿分付与鸿飞不住倚栏无语独立长天暮

前调 王炎

深红数点吹花絮又燕子飞来语远水平芜春欲暮年年长是清明时候故遣人憔悴  
竹鸡啼罢山邨雨正寥落无情绪猛省从前多少事绿杨堤上楼台如画此境今何处

前调 史达祖

蕙花老尽离骚句绿染徧江头树日午酒消听骤雨青榆钱小碧苔钱古难买东君住

官河不碍遗鞭路被芳草将愁去多定红楼帘影暮兰灯初上夜香初炷犹是听鸂鶒

前调 沈端节

使君标韵如徐庾更名节高千古卧治姑溪才小驻闲云无定阳春有脚又作南昌去  
兴来亭上清歌度尽能唱公诗句记取诸生临别语从容瞻对天颜有喜千万留王所

前调 张炎

万红梅里幽深处甚杖履来何暮草带湘香穿水树尘留不住云留却住壶内藏今古  
独清嬾入终南去有忙事修花谱骑省不须重作赋园中成趣琴中得趣酒醒听风雨

前调 顾德辉

春寒恻恻轻阴薄整半月春萧索晴日朝来升屋角树头幽鸟对调新语语罢双飞却  
红入花腮青入萼尽不爽花期约可恨狂风空自恶晓来一阵晚来一阵难道都吹落

前调 吴宽

西山於我如无分要游时春常尽住向京华凡六闰出城偏近山僧笑我此事无人信  
故人书札劳相问可惜情怀不顺冒暑同游游也闷湖堤须待杏花疎雨吹湿双吟鬓

前调 文徵明

老去无营心境净白发不羞明镜世事从渠心不定小馆停云山房玉磬自与幽人称  
春色恼人浑欲病把菊无由驰赠吴楚江山云月复清真逸少风流安石想见人清莹

前调 陈子龙

青楼恼乱杨花起能几日东风里回首三春浑欲悔落红如梦芳郊似海只有情无底  
年华冉冉随流水留不住人千里此际离怀谁可比芳筵吹散小窗惜别泪眼阑干倚

前调【又一体】 赵长卿

结堂雄占云烟表万象争呈巧老木参天溪四遶乱山横秀一湖澄照天付阴晴好  
夜空唤客清尊倒明月飞来上林杪凉满九霄风露浩酒慵起舞一声清啸平压波声小

前调 赵长卿

恍如辽鹤归华表阅尽人间巧天乞一堂山对遶微波不动岸巾时照照见星星好  
舞风荷盖从欹倒碧树生凉自天杪谁识元龙曾次浩骑鲸欲去引杯独啸醉眼青天小

前调 张大烈

踏青芳伴来无数遶寻红紫路小桥流水画船度妒花怕雨媚花喜霁惟恐斜阳暮  
香尘踏徧青鞵污俏眼频窥宫扇护秋波引出金莲步闪归小院转过回廊怅入桃源去

卖花声

【双调六十六字一名谢池春一名风中柳一名玉莲花与浪淘沙之别名不相涉也】

卖花声 陆 游

贺监湖边初系放翁归棹小园林时时醉倒春眠惊起听啼莺催晓叹功名误人堪笑  
朱桥翠径不许京尘飞到挂朝衣东归欠早连宵风雨卷残红如埽恨尊前送春人老

前调 【宋媛】 孙 氏

销减芳容端的为郎烦恼鬓慵梳宫妆草草别离情绪待归来都告怕伤郎又还休道  
利锁名缰几阻当年欢笑更那堪鳞鸿信杳蟾枝高折愿从今须早莫辜负凤帏人老

前调 【本意】 黄 裳

人过天街晓色担头红紫满筠筐浮花浪蕊画楼睡醒正眼横秋水听新腔一声催起  
吟红叫白报道蜂儿知未隔东西余音软美迎门争买早斜簪云髻助春娇粉香帘底

前调 朱 灏

雾递烟邨初放青螺当户小池中鸣蛙两部花巢风埽有松涛堪晤伴伊尼夕阳闲步  
嫩凉翳叶柳馆黄鹂常寓欸光阴全凭酒瓠一眉新月在峰尖偷露恨痴云又如虫蠹

前调 【明妓】 王 微

憔悴芳容祇被那人担阁为愁忙何曾寂寞残膏垂泪亦自伤离索翦频频不知花落  
欲寄封题又怕鴈儿难托恨春光莺花送却画梁归燕更双穿帘幕这心情好生难着

感皇恩



【又一体双调六十六字】

感皇恩 汪莘

年少寻芳早春时节飞去飞来似蝴蝶如今老大嬾趁五陵豪侠梦中时听得秦箫咽  
割断人间柳枝桃叶海上书来恨离别旧游还在空锁云霞万叠举杯相忆处青天月

前调【赋叠罗花】 党怀英

碧玉捻条蓝袍裁叶明艷黄深软金叠道装仙子谪堕蕊珠仙阙为春闲管领花时节  
汉额妆浓楚腰舞怯襞积裙余旧宫褶东风着意留伴小庭风月任教鶗鴂唤羣芳歇

解佩令

【又一体双调六十六字】

解佩令【本意】 王庭珪

湘江停瑟洛川回雪是耶非相逢飘瞥云鬓风裳照心事娟娟山月翦烟花带萝同结  
留环盟?贻珠情彻解携时玉声愁絶罗韞尘生早波面春痕欲灭送人行水声凄咽

前调 史达祖

人行花坞衣沾香雾有新词逢春分付屡欲传情奈燕子不曾飞去倚珠帘咏郎秀句  
相思一度穠愁一度最难忘遮灯私语淡月梨花借梦来花边廊庑指春衫泪曾溅处

玉梅令

【双调六十六字】

玉梅令【石湖畏寒不出戏之】 姜夔

疎疎雪片散入南溪苑春寒锁旧家亭馆有玉梅几树背立怨东风高花未吐暗香已远  
公来领客梅花能劝花长好愿公更健便揉春为酒翦雪作新诗?一日绕花千转

锦纒道

【双调六十六字】

锦纏道 宋 祁

燕子呢喃景色乍长春昼  
覩园林万花如绣  
海棠经雨胭脂透  
柳展宫眉翠拂行人首  
向郊原踏青恣歌携手  
醉醺醺尚寻芳酒  
问牧童遥指孤邨道  
杏花深处那里人家有

庆春泽

【双调六十六字】

庆春泽 张 先

飞阁危桥相倚人独立  
东风满衣轻絮  
还记忆江南如今天气正  
白苹花遶堤涨流水  
寒梅落尽谁寄方春意无穷  
青空千里愁草树依依  
关城初闭对月黄昏角声傍  
烟起

前调【与善歌者】 张 先

艷色不须妆樣风韵好天真  
画毫难上花影灑金尊  
酒泉生浪鎮欲留春  
傍花为春唱  
银塘玉宇空旷水齿映轻唇  
藥红新放声宛转疑随烟香悠扬  
对暮林静寥寥振清响

厌金杯

【双调六十六字】

厌金杯 贺 铸

风软香迟花深漏短  
可怜宵画堂春半  
碧纱窗影卷帐蜡灯红  
鸳枕畔密写乌丝一段  
采苹溪晚拾翠沙空  
尽愁倚梦云飞观木兰艇子  
几日渡江来心目断  
桃叶青山隔岸

品令

【又一体双调六十六字】

品令【茶】 黄庭坚

凤舞团团饼恨分破教孤另  
金渠体净只轮慢碾玉尘光莹  
汤响松风早减了二分酒病  
味浓香永醉乡路成佳境  
恰如灯下故人万里归来对影  
口不能言心下快活自省

垂丝钓

【双调六十六字】

垂丝钓 周邦彦

缕金翠羽妆成才见眉妩倦倚玉窗看舞风絮愁几许寄凤丝鴈柱春将暮向层城宛路  
钿车如水时时花径相遇旧游伴侣还到曾来处门掩风和雨梁燕语问那人在否

前调 杨无咎

燕将旧侣呢喃终日相语似惜别离情知几许谁与度为向人代诉空朝暮谩千言百句  
怎生会得争如作个青羽又闻院宇不在当时住飞去无寻处肠万缕寄暴风横雨

前调 杨无咎

玉纤半露香檀低应鼙鼓逸调响穿空云不度情几许看两眉碧聚为谁诉听敲冰戛玉  
恨云怨雨声声总在愁处放杯未举倾坐惊相顾应也肠千缕人欲去更画檐细雨

前调【别富南叔】 赵彦端

短篷醉艤江南秋意如水露草星明风柳丝委危檻倚为故人宴喜欢无几念青鞵紫绮  
论诗载酒犹胜心忆双鲤倦游晚矣云路非吾事湖海从君意沙鴈起记夜阑隐几

前调 赵彦端

暮云有信全胜春梦无准篆缕欲销衣粉堪认残梦醒枕夜凉满鬓想香迳正垂垂美?  
晚花在否朱阑谁与同凭断云怨冷青鸟无凭问红叶翻成恨三五近试预占破镜

前调 陈亮

菊花细雨萧萧红蓼汀渚景物渐幽风致如许秋未暮又值吾初度看天宇正澄清欲注  
登高未也红尘当面飞舞几人吊古乌帽牢收取短发还羞覩眉寿身近五云深处

前调【次周美成韵】 方千里

锦鳞绣羽难传愁态颦妩岸草际天云影垂絮人何许漫并栏倚柱烟光暮怅榆钱满路  
送春殢酒欢期幽会希遇彩箫凤侣回首分携处双脸吹愁雨无限语再见时记否

前调 吴文英

听风听雨春残花落门掩乍倚玉阑旋翦天艳携醉靛放溯溪游?波光闪映烛花黯淡  
碎霞澄水吴宫初试菱监旧情顿减孤负深杯艷衣露天香染通夜饮问漏移几点

声声令

【双调六十六字】

声声令 无名氏

帘移碎影香褪衣襟旧家庭院嫩苔侵东风过尽暮云锁绿窗深怕对人闲枕剩衾  
楼底轻阴春信断怯登临断肠魂梦雨沉沉花飞水远便从今莫追寻又怎禁蓦地上心

看花回

【取刘禹锡诗句名词双调六十六字】

看花回 柳 永

玉城金阶舞舜干朝野多欢九衢三市风光丽万家急管繁弦凤楼临绮陌佳气非烟  
雅俗熙熙物态妍忍负芳年笑筵歌席连昏昼旗亭斗酒十千赏心何处好唯有尊前

御选历代诗余卷四十三

# 卷四十四

<集部,词曲类,词选之属,御选历代诗余

钦定四库全书

御选历代诗余卷四十四目錄【起六十六字至六十七字】

行香子【又一体】

晏几道

苏轼【三首】

晁补之【三首】

葛胜仲

赵师侠

辛弃疾【四首】

汪莘【二首】

洪璚

沈端节

黄昇

蒋捷

于真人

李清照

韩玉

赵元

张翥【四首】

高啓

马洪

于未

沈懋德

前调【又一体】

欧阳修

青玉案【又一体】

苏轼

黄庭坚【二首】

李之仪

贺铸

毛滂

周紫芝【一首】

谢逸

廖行之

陈瓘

蔡伸

刘一止

赵长卿【二首】

张元干【三首】

曾觌

杨无咎

侯寘

姚进道

程垓

曹冠

赵彦端

管监

王千秋

赵善扛

陆游

高观国

韩淲

吴潜

吴文英

陈允平

石孝友

黄公绍

李萊老

僧惠洪

李清照

完顏璫

党怀英

元好问【二首】

张弘范

王恽

杨基【七首】

马洪

文徵明

王世贞

李伊玉

陈子龙

周世臣

御选历代诗余卷四十四目錄

钦定四库全书

御选历代诗余卷四十四【起六十六字至六十七字】

司经局洗马掌局事兼翰林院修撰加二级【臣】王奕清奉旨校刊

行香子



【又一体双调六十六字】

行香子 晏几道

晚绿寒江芳意匆匆惜年华今与谁同碧云零落数字征鸿看渚莲凋宫扇旧怨秋风  
流波坠叶佳期何在想天教离恨无穷试将前事闲倚梧桐有销魂处明月夜锦屏空

前调【茶】 苏轼

绮席才终欢意犹浓酒阑时高兴无穷共夸君赐初拆臣封看分香饼黄金缕密云龙  
鬬羸一水功敌千锤觉凉生两腋清风暂留红袖少却纱笼放笙歌散庭馆静略从容

前调【过七里滩】 苏轼

一叶舟轻双桨鸿惊水天清影湛波平鱼翻藻监鹭点烟汀过沙溪急霜溪冷月溪明  
重重似画曲曲如屏算当年空老严陵客星一梦今古虚名但远山长云山乱晓山青

前调【与泗守南山晚归】 苏轼

北望平川野水荒湾共寻春飞步孱颜和风弄袖香雾萦鬟正酒酣适人语笑白云间  
飞鸿落照相将归去澹涓涓玉宇清闲何人无事晏坐空山望长桥上灯火乱使君还

前调 晁补之

归鸟翩翩楼上黄昏黯天气残照余痕曲阑干里有个愁人向不言中千载事一年春  
春来似客春去如云付楼前行路双轮倾江变酒举斛为尊断浮生外愁千丈不关身

前调 晁补之

前岁栽桃今岁成蹊更黄鹂久住相知微行清露细履斜晖对林中侣闲中我醉中谁  
何妨到老常闲常醉任功名生事俱非朱颜难强拙语多迟但酒同行月同坐影同归

前调【梅】 晁补之

雪里清香月下疎枝更无花比并琼姿一年一见千绕千回向未开时愁花放恐花飞  
芳尊移就幽葩折取似玉人携手同归扬州应记东阁逢时恨刘郎误题诗句怨桃蹊

前调 葛胜仲

风物飕飕木落沧洲渐老人不奈悲秋羈怀都在鬓上眉头似休文瘦文通恨子山愁  
庭梧影薄篱菊香浮强招寻聊命朋俦穷通皆梦今古如流且渊明径子猷舫仲宣楼

前调 赵师侠

春日迟迟春景熙熙渐郊原芳草萋萋夭桃灼灼杨柳依依见燕喃喃蜂簇簇蝶飞飞  
闲庭寂寂曲沼漪漪更秋千红索垂垂游人队队乐意嬉嬉尽醉醺醺歌缓缓语低低

前调【三山作】 辛弃疾

好雨当春要趁归耕况而今已是清明小牕坐地侧听檐声恨夜来风夜来月夜来云  
花絮飘零鶯燕丁宁怕妨依湖上闲行天心肯後费甚心情放霎时阴霎时雨霎时晴

前调【山居客至】 辛弃疾

白露园蔬碧水溪鱼笑先生钓罢还锄小牕高卧风展残书看北山移盘谷序辋川图  
白饭青刍赤脚长须客来时酒尽重沽听风听雨吾爱吾庐叹苦无心刚自瘦此君疎

前调 辛弃疾

少日长闻富不如贫贵不如贱者长存由来至乐總属闲人且饮瓢泉弄秋水看停云  
岁晚情亲老语弥真记前时劝我殷懃都休殢酒也莫论文把相牛经种鱼法教儿孙

前调【云严道中】 辛弃疾

云岫如簪野涨挹蓝向春阑绿醒红酣青裙缟袂两两三三把麴生禅玉版局一时参  
拄杖弯环过眼嵌岩岸轻乌白发髣髴他年来种万树千杉听小縣蛮新格磔旧呢喃

前调【腊八日与客溪行夜雪】 汪莘

野店残冬绿酒春浓念如今此意谁同溪光不尽山翠无穷有几枝梅几竿竹几株松  
篮舆乘兴薄暮疎钟望孤村斜日匆匆夜牕雪阵晓枕云峰便拥渔蓑顶渔笠作渔翁

前调【雪後】 汪莘

策杖溪边倚杖峰前坐琼林玉树森然谁家残雪何处孤烟向一溪桥一茅店一渔船  
别般天地新样山川唤家童访鹤寻猿山深寺远云冷钟残喜竹间灯梅间屋石间泉

前调 洪璚

楚楚精神杨柳腰身是风流天上飞琼凌波微步罗襪生尘有许多娇许多韵许多情  
十年心事两眉?问何时真个行云秋衾半冷?月窥人想为人愁为人瘦为人颦

前调 沈端节

烟澹回塘月浸疎篁一枝春压尽羣芳翛然风度玉质金章有许多情许多韵许多香  
中酒情怀琢句心肠倚屏山子细端相冰芽初试桐子新尝更绮牕前冰壶畔看匀妆

前调【梅】 黄昇

寒意方浓暖信才通是晴阳暗拆花封冰霜作骨玉雪为容看体清癯香淡?影?胧  
孤城小驿断角残钟又无边散与春风芳心一点幽恨千重任雪霏霏云澹澹月溶溶

前调【舟泊蘭湾】 蒋捷

红了樱桃綠了芭蕉送春归客尚蓬飘昨宵谷水今夜兰皋奈云溶溶风澹澹雨潇潇  
银字笙调心字香烧料芳踪乍整还凋待将春憾都付春潮过窈娘堤秋娘渡泰娘桥

前调 于真人

阆苑瀛洲金谷重楼總不如茅舍清幽野花铺地算也风流却也宜春也宜夏也宜秋  
酒熟堪筇客至须留更无荣无辱无忧退闲一步着甚来由但倦时眠渴时饮醉时讴

前调【七夕 宋媛】 李清照

草际鸣蛩惊落梧桐正人间天上愁浓云阶月地关锁千重纵浮槎来浮槎去不相逢  
星桥鹊驾经年才见想离情别恨难穷牵牛织女莫是离中甚霎儿晴霎儿雨霎儿风

前调 韩玉

一翦梅花一见销魂况溪桥雪里前村香传细蕊春透灵根更水清冷云黯淡月黄昏  
幽过溪兰清胜山矾对东风独立无言霜寒塞垒风静谯门听角声悲笛声怨恨难论

前调 赵元

山拥垣墙水满溪塘几人家篱落斜阳又还夏也一霎人忙正稻分畦蚕卸簇麦登场  
老子徜徉闲日偏长鬓蓬?只管寻凉綠阴何处旋旋移牀有道边槐门外柳舍南桑

前调 张翥

佛寺云边茅舍山前树阴中酒旆低悬峰峦空翠溪水清涟只欠梅花欠沙鸟欠渔船  
无限风烟景趣天然最宜他隐者盘旋何人村墅若个林泉恰似鼓湖似枋口似斜川

前调【止酒】 张翥

谢董糟丘罢醉乡侯更开除从事青州长铗尽卧大白休浮本欲成欢翻引病不销愁  
今日空喉明日扶头甚寥中瓮下堪羞客应嗔断归不须谋指水为言山作誓有盟鸥

前调 张翥

水远天低雪意垂垂火炉头煨芋燃萁蒲团稳坐纸帐低围且放些慵补些拙学些痴  
休惹羣儿唱起铜鞮笑山翁醉倒如泥谁分螺赢莫近鸱夷把独醒人沉醉者两忘机

前调 张翥

扰扰闲浮清浊同流费精神补喜填忧岁云暮矣卿可归休有板支颐书遮眼被蒙头  
轩冕浮沤华屋山丘待他时老去优游筑间茅屋买个黄牛种芋成区瓜作圃稻盈畴

前调【芙蓉】 高启

如此红妆不见春光向菊前莲後才芳雁来时节寒沁罗裳正一番风一番雨一番霜  
兰舟不采寂寞横塘强相依暮柳同行湘江路远吴苑池荒奈月朦朦人杳杳水茫茫

前调 马洪

红徧樱桃绿暗芭蕉琐窗深春思无聊双飞燕嬾百啭莺娇正漏声迟帘影静篆香飘  
惜月前宵病酒今朝有谁知臂玉微销封题锦字寄与兰翘恨树重重云渺渺水迢迢

前调 于未

扬子之居吾爱吾庐竹槛中翠色人扶睥睨今古野性云孤枕一行山一溪水一牀书  
衫履如如容止徐徐偿不清文僨诗逋销沉日月天地间吾且梅为妻鹤为子酒为徒

前调【夜雨】 沈懋德

密雨深秋乱落梧楸已相惊袖薄衫飏那堪独听邻梦初浮记那时言那时泪那时愁  
甚没来由雁叫云头顿收归万里清秋付还河汉独把离忧向小窗中深帘里最淹留

前调【又一体】 欧阳修

舞雪歌云闲淡妆匀蓝溪水染轻裙酒香醺脸粉色生春更雅谈话好情性美精神  
空江不断凌波何处向越桥边青柳朱门断钟残角又送黄昏奈眼中泪心中事意中人

青玉案

【又一体双调六十七字】

青玉案【送伯固归吴中】 苏轼

三年枕上吴中路遣黄耳随君去若到松江呼小渡莫惊鸥鹭四桥尽是老子经行处  
辋川图上看春暮常记高人右丞句作个归期天已许春衫犹是小蛮钗?曾是西湖雨

前调【至宜州酬元明】 黄庭坚

烟中一线来时路极目送归鸿去第四阳关云不度山胡新啭子规言语正在愁人处  
忧能损性休朝暮忆我当年醉时句渡水穿云心已许暮年光景小轩南浦同卷西山雨

前调 黄庭坚

行人欲上来时路破晓雾轻寒去隔叶子规声暗度十分酒满舞裯歌袖明夜无寻处  
故人近送旌旗暮但听阳关第三句欲断离肠余几许满天星月看人憔悴烛泪垂如雨

前调【有所祷用方回韵】 李之仪

小篷又泛曾行路这身世如何去去了还来知几度多情山色有情江水笑我归无处  
夕阳杳杳还催暮练净空吟谢郎句试祷波神应见许帆开风转事谐心遂直到明年雨

前调【题横塘路】 贺铸

凌波不过横塘路但目送芳尘去锦瑟年华谁与度月桥花榭琐窗朱户只有春知处  
碧云冉冉蘅皋暮彩笔新题断肠句试问闲愁添几许一川烟草满城风絮梅子黄时雨

前调 毛滂

玉人为我殷懃醉向醉里添姿媚偏着冠儿钗欲坠桃花气暖露浓烟重不自禁春意  
绿榆阴下东行水又渐渐近凄凉地明月侵牀愁不睡眉儿吃皱为谁无语阁住阳关泪

前调【浚猷台怀李端叔】 周紫芝

青鞵忍踏江沙路恨人已骑鲸去笔底骅骝谁与度西州重到可怜不见华屋生存处  
秋江渺渺高台暮满壁栖鸦醉时句飞上金鸾人漫许清歌低唱小蛮犹在空湿梨花雨

前调 周紫芝

梅花落尽人谁管暗凄断伤春眼雪後平芜春尚浅一簪华发满襟离恨羞做东风伴  
鬪花小斛兰芽短犹是当年旧庭院拟把新愁凭酒遣春衫重着酒痕犹在忍放金杯满

前调 谢逸

芦花飘雪迷洲渚送秋水连天去一叶小舟横别浦数声鸿鴈两行鸥鹭天淡潇湘暮  
篷牕醉梦惊箫鼓回首青楼在何处柳岸风轻吹残暑菊开青蕊叶飞红树江上潇潇雨

前调【九日忆罗舜举】 廖行之

家山此去无多路久没个音书去一别而今佳节度黄花开未白衣到否篱落荒凉处  
峥嵘岁月还秋暮空腹便便无好句菊意愆期开未许那堪惹恨年来此日长是潇潇雨

前调【咏雪】 陈瓘

碧空黯淡同云绕渐枕上风声峭明透纱牕天欲晓珠帘才卷美人惊报一夜青山老  
使君命客金尊倒千里琼瑶未经埽敲压江梅春信早十分农事满城和气管取来年好

前调 蔡伸

参差弱柳长堤路弱柳外征帆去皓齿明眸娇态度回头一梦断肠千里不到相逢处  
来时约略春将暮幽恨空余锦中句小院重门深几许桃花依旧出墙临水乱落如红雨

前调 刘一止

小山遮断蓝桥路恨短梦难飞去长记修眉萦曲度约花开槛映风招袖总是怜渠处  
追欢我已伤迟暮犹有多情旧时句极目高楼千尺许竹枝三唱为君凄断东日西边雨

前调【社日客居】 赵长卿

去年社日东风里向三径开桃李脆管危弦随意起绿阴红影暖香繁蕊伴我醺醺醉  
今年社日空泪垂客舍看花甚情意江上危楼愁独倚欲将心事巧凭来燕说与人憔悴

前调 赵长卿

天涯目断江南路见芳草迷风絮绿暗花梢春几许小桃寂寞海棠零乱飞尽胭脂雨  
子规声里山城暮月挂西南梦回处满抱离愁推不去双眉百皱寸肠千缕无计凭鳞羽

前调 张元干

王孙陌上春风轻蕊珠宴云軿从归去笙歌常醉拥蜡残花炬月侵水簟惯作凉堂梦  
玉人劝客钗斜凤条脱擎杯腕嫌重燕子入帘飞画栋雨余深苑漏催清夜更轧秦筝送

前调 张元干

平生百绕垂虹路看万顷翻云去山澹夕晖帆影度菱歌风断鞦罗尘散总是关情处  
少年陈迹今迟暮走笔犹能醉诗句花底目成心暗许旧家春事觉来客恨分付疎篷雨

前调 张元干

华裾玉辔青丝鞵记年少金吾从花底朝回珠翠拥晓钟初断宿醒犹带绿琐窗中梦  
天涯相遇鞭鸾凤老去堂成更情重月转檐牙云绕栋凉吹香雾酒迷歌扇春笋传杯送

前调 曾觌

乘鸾影里冰轮度秋空净南楼暮嫋嫋天风吹玉兔今宵只在旧时圆处往事难重数  
天涯几见新霜露怎得朱颜旧如故对酒临风慵作赋蓝桥烟浪故人千里梦也无由做

前调 杨无咎

奇葩珍树丛丛绕望仙隐蓬莱小前枕湖光秋色晓荷花今岁也如人意不逐西风老  
霞觞献寿频频倒瑞霭浮空凝不埽定自日边飞诏早芝庭呈秀桂宫得意更看明年好

前调 侯寘

东风一夜吹晴雨小院里春如许桃李无言情难诉阳关车马灞桥风月移入江天句  
双旌明日留难住今夕清觞且频举咫尺清明三月暮寻芳宾客对花杯勺回首西江路

前调 姚进道

东风夜放花千树更吹落星如雨宝马雕车香满路凤箫声动玉壶光转一夜鱼龙舞  
蛾儿雪柳黄金缕笑语盈盈暗香去众里寻他千百度蓦然回首那人却在灯火阑珊处

前调 程垓

宝林岩畔凌云路记藉草寻梅去咏绿书红知几度行云归後碧云遮断寂寞人何处  
一声长笛江天暮别後谁吟倚楼句匀面照溪心已许欲凭锦字写人愁去生怕梨花雨

前调 曹冠

烟村茂树湾溪畔似远景摹轻练细草平沙骑款段渔翁欸乃却惊鸥鹭飞起澄波面  
班荆对饮垂杨岸枝上莺歌如解劝山映夕阳霞绮散醉吟乘兴锦囊诗满爱月归来晚

前调【赠勉道琵琶人】 赵彦端

当年万里龙沙路载多少离愁去冷压层帘云不度芙蓉双带垂杨娇髻弦索初调处  
花凝玉立东风暮曾记江边丽人句异县相逢能几许多情谁料琵琶洲畔同醉清明雨

前调【永州宴张叔信席上】 管 监

相逢何处梅花好深院宇笙歌绕春入侯门长不老罗帏绣幕护香藏粉却许行人到  
遏云清唱倾城笑玉貌花光互相照银烛频更尊屡倒明年应是对花相忆君已班清要

前调【送黄冈令】 王千秋

雪堂不远临皋路怅仙伯骑鲸去燕麦桃花更几度横桥虽在种松无有谁是关心处  
解鞍君到冬虽暮传语无忘晒蓑句起手栽花花定许艺香披翠灌红疏绿趁取清明雨

前调 赵善扛

一年陌上寻芳意想人在东风里褪粉销红春有几青翰飞去紫云凝伫往事如流水  
烟横极浦山无际暗解明璫问谁寄乡在温柔何处是轮囷香雾静深庭院帘影参差翠

前调【与朱景参会北岭】 陆 游

西风挟雨声翻浪恰洗尽黄茅瘴老惯人间齐得丧千岩高卧五湖归櫂替却浚烟像  
故人小驻平戎帐白羽腰间气何壮我老渔樵君将相小槽红酒晚香丹荔记取蛮江上

前调 高观国

平生似欠西湖债每?了金貂解妩媚烟云多变态雕鞍来处画船归去花柳春风隘  
玉京相接蓬壶界入画遥山翠分黛苏小不来时节改一堤风月六桥烟水鹭约鸥盟在

前调 韩 淲



苏公堤上西湖路柳外跃青驄去多少韶华惊暗度南山游徧北山归後總是题诗处  
如今老矣伤春暮泽畔行吟漫寻句落拓情怀空自许小园芳草短篱修竹点点飞花雨

前调 吴潜

十年三过苏台路还又是匆匆去迅景流光容易度鹭洲鸥渚苇汀芦岸總是销魂处  
苍烟欲合斜阳暮付与愁人砌愁句为问新愁愁几许酒边成醉醉边成梦梦断前山雨

前调 吴文英

东风客雁溪边道带春去随春到认得踏青香径小伤高怀远乱云深处目断湖山杳  
梅花似惜行人老不忍轻飞送残照一曲秦娥春态少幽香谁采旧寒犹在归梦啼莺晓

前调【采莲女】 陈允平

凉庭背倚斜阳树过几阵菰蒲雨自櫂轻舟穿柳去綠裙红袂与花相似撑入花深处  
妾家住在鸳鸯浦妾貌如花被花妒折得花归娇厮覷花心多怨妾心多恨胜似莲心苦

前调 石孝友

征鸿过尽秋客谢卷离恨还东下翦翦霜风落平野溪山掩映水烟摇曳几簇渔樵舍  
芙蓉城里人如画春伴春游夜转夜别後知他如何也心随云乱眼随天断泪逐长江泻

前调 黄公绍

年年社日停鍼线争忍见双飞燕今日江城春已半一身犹在乱山深处寂寞溪桥畔  
征衫着破谁鍼线点点行行泪痕满落日解鞍芳草岸花无人戴酒无人劝醉也无人管

前调 李莱老

吟情老尽江南句几千万垂丝缕花冷絮飞寒食路渔烟鸥雨燕昏莺晚總是入韶华谱  
红衣妆靚凉生渚环碧斜阳旧时树枯叶分题觴咏处荀香犹在庾愁何许云冷西湖赋

前调 僧惠洪

綠槐烟柳长亭路恨取次分离去日永如年愁难度高城回首暮云遮尽目断知何处  
解鞍旅舍天将暮暗忆丁宁千万句一寸柔腸情几许薄衾孤枕梦回人静彻晓萧萧雨

前调【宋媛】 李清照

征鞍不见邯鄲路莫便匆匆归去秋正萧条何以度明牕小酌暗灯清话最好留连处  
相逢各自伤迟暮独把新词诵奇句盐絮家风人所许如今憔悴但余双泪一似黄梅雨

前调【雪】 完顏璫

冻云封却驼冈路有谁访溪梅去梦里疎香风暗度觉来惟有一牕凉月瘦影无寻处  
明朝画笔江天暮定向渔蓑得奇句试问帘前深几许儿童笑道黄昏时候犹是廉纤雨

前调【茶】 党怀英

红莎绿翦春风饼趁梅驿来云岭紫桂岩空琼窰冷佳人却恨等闲分破缥缈双鸾影  
一瓿月露心魂醒更送清歌助清兴痛饮休辞今夕永与君洗尽满襟烦暑别作高寒境

前调【代赠】 元好问

苧萝坊里青驄驻爱鸚鵡垂帘语一捻娇春能几许寒梅欲动小桃初放恰是关心处  
西城流水东城雨綠叶成阴惯相误只恐韶华容易去一声金缕一卮芳酒且为花枝住

前调 元好问

落红吹满沙头路似總为春将去落花开春几度多情惟有画梁双燕知道春归处  
镜中冉冉韶华暮欲写幽怀恨无句九十花期能几许一卮芳酒一襟清泪寂寞西牕雨

前调 张弘范

西风天际征鸿去问曾过燕山路叶落虚庭空綠树一川秋意满怀愁绪楼外潇潇雨  
天涯望断行云暮好着蛮牋寄情句底是相思断肠处吟风赋月论文说劔无个知音侣

前调 王恽

綠阴暗尽西城树人總道春归去袅袅柔条高几许彩灯闪烁翠云縈护自有留春处  
金尊未厌倾芳醕醉墨题诗要香露蝴蝶飞来何栩栩向人有意绕阑翻舞似约花间住

前调 杨基

晓牕啼鸟惊春睡似报道春光至侧侧余寒侵綉被梅花飞也杏花开也燕子归来未  
水光山色如人意长恨春阴杳无际今日新晴俱可喜山光明媚水光溶漾只有人憔悴

前调 杨基

莺声留我看山久临去也重回首虽是春山随处有暖风轻雾澹烟疎雨都在江边柳  
自知不是经纶手无意封侯印如斗行乐何须金谷友只消寻个典衣伴侣同醉金陵酒

前调 杨基

晓来一阵轻寒过水面薄冰吹破竹外锦鸠啼一个添黄入柳点红归杏都是东风做  
鬓丝游扬乌巾堕醉里渔歌自赓和但得潮头风不大数羣鸥鸟半篙烟雨着我船中卧

前调 杨基

雪消天气东风猛帘半卷犹嫌冷怪问春来长不醒一春都是酒徒花伴醉了重相请  
而令白发羞垂领静里时将旧游省记得孤山堤上景一湾流水半痕新月画出梅花影

前调 杨基

五更风雨花如霰问春在谁庭院报道春光浮水面一双鸂鶒数茎芹藻无数桃花片  
武陵溪上东风怨空趁渔郎再寻便抛弃已同秋後燕那知别後飘飘荡荡这里重相见

前调【春雨】 杨基

平湖过雨清如监柳下卖花船缆雌蝶雄蜂飞绕槛杏花终是轻红嫩白不比梨花淡  
一春能几花前探天气无凭故相赚晴不多时阴亦暂一回风雨一回烟雾何处堪登览

前调 杨基

王孙芳草生无数渐绿徧长干路春色匆匆愁里度几番风雨几番晴霁又早遥天暮  
青鞵不怕春泥污红叶重教曲阑护细数落花成独步自缘山野不堪廊庙不是文章误

前调 马洪

平川渺渺花无数明镜里孤舟度花下美人和笑顾问郎莫是乞浆崔护别久来何暮  
盈盈罗襪凌波步眉月连娟鬓如雾人世光阴花上露这回休去再来须误个是桃源路

前调 文徵明

庭下石榴花乱吐满地绿阴亭午午睡觉来时自语悠扬魂梦黯然情绪蝴蝶过墙去  
𩚑𩚑娇眼开仍𩚑悄无人至还凝伫团扇不摇风自举盈盈翠竹纤纤白苧不受些儿暑

前调 王世贞

鸭头波染浓于酎风起处春初皱乳燕双双帘幕透梨花未雪绿杨犹絮蚕饱桑阴瘦  
无端酿出清明候忽忆城南乍分手十二雕阑寒更陡踏青人远鬪茶时近滋味如中酒

前调【山林积雪】 李伊玉

梵宫百尺同云护渐白满苍苔路破腊梅花香蚤露银涛无际玉山万里寒罩江南树  
鸦啼影乱天将暮海月纤痕映烟雾修竹低垂孤鹤步杨花风弄鹑毛天翦總是诗人误

前调 陈子龙

海棠枝上流莺啖试小立东风面细草凌波红一线碧云凝照绿杨零乱重锁深深院  
甘蕉滴翠当心卷写徧相思空自遣归去枕函曾梦见一天星月满庭风露吹落梨花片

前调 周世臣

绿阴闳结纱牕暖院院新莺初啖春去却如人去远楼空无伴阑干倚徧离绪从教满  
忆清明画船轻泛细草丽词闲弄板愁字半将欢字换更无拘管春风人面底事匆匆散

御选历代诗余卷四十四

## 卷四十五

<集部,词曲类,词选之属,御选历代诗余

钦定四库全书

御选历代诗余卷四十五目錄【起六十七字至七十字】

感皇恩【又一体】

晁补之【二首】

贺铸

毛滂【二首】

晁冲之【二首】

周紫芝【三首】

葛郯【二首】

周邦彦【二首】

赵企

蔡伸

王庭珪

康与之

曾觌

辛弃疾【二首】

陆游【二首】

韩淲【二首】

黄昇

韩玉

党怀英

李俊民

王恽

吴子孝

冯盛世

解佩令【又一体】

晏几道

看花回【又一体】

柳永

梦行云

吴文英

凤凰阁

赵师侠

卖花声【又一体】

莫是龙

垂丝钓【又一体】

袁去华

三奠子

元好问

王恽

天仙子

张先【五首】

赵令畤

周紫芝

吕渭老

张元干

程垓

杨慎

吴子孝

夏复

王微

青玉案【又一体】

欧阳修

晁补之

曹组

张榘【二首】

吴子孝

前调【又一体】

张榘

周用

张大烈【二首】

前调【又一体】

裘昌今

两同心

晏几道

黄庭坚

前调【又一体】

柳永

杨无咎

行香子【又一体】

杜安世

拾翠羽

张孝祥

殢人娇【又一体】

晏殊【三首】

苏轼

归田乐【又一体】



晏几道

献衷心【又一体】

顾夔

佳人醉

柳永

数花风

张炎

月上海棠

陆游【二首】

前调【又一体】

段克己

段成己【二首】

小桃红

晏殊【二首】

程垓

余桂英

惜黄花

史达祖

雨中花令【又一体】

周紫芝

御选历代诗余卷四十五目錄

钦定四库全书

御选历代诗余卷四十五【起六十七字至七十字】

司经局洗马掌局事兼翰林院修撰加二级【臣】王奕清奉旨校刊

感皇恩

【又一体双调六十七字第三句或於第五字逗且有叶韵者然无分体也】

感皇恩【海棠】晁补之

常岁海棠开偷闲须到多病寻芳嬾春老偶来恰值半谢妖娆犹好便呼诗酒伴同倾倒  
繁枝高荫疎枝低绕花底杯盘花影照多情一片恨我归来不早断肠铺碎锦门前道

前调 晁补之

终岁忆春回西园行尽欢喜梅梢上春信去年携手暗约芳时还近燕来莺又到人无准  
凭谁句道流光一瞬佳景闲过舞衣褪春归何处又对飞花难问旧欢都未遇成新恨

前调 贺铸

兰芷满汀洲游丝横路罗韞尘生步迎顾整鬟顰黛脉脉多情难语细风吹柳絮人南渡  
回首旧游山无重数花底深朱户何处半黄梅子向晚一帘疎雨断魂分付与春归去

前调【镇江待闸】毛滂

绿水小湖亭朱阑碧甃江月娟娟上高柳画楼缥缈尽挂牕纱帘绣月明知我意来相就  
银字吹笙金貂取酒小小微风弄襟袖宝熏浓炷人共博山烟瘦露凉钗燕冷更深後

前调【晚酌】毛滂

多病酒尊疎饮少辄醉年少衔杯可追记无多酌我醉倒阿谁扶起满怀明月冷炉烟细  
云幙虽高风波无际何似归来醉乡里玻璃缸上满载春光花气蒲萄仙浪软迷红翠

前调【寒食】晁冲之

寒食不多时牡丹初卖小院重帘燕飞碍昨宵风雨尚有一分春在今朝犹自得阴晴快  
熟睡起来宿醒微带不惜罗襟搵眉黛日长梳洗看着花阴移改笑拈双杏子连枝戴

前调 晁冲之

蝴蝶满西园啼莺无数水阁桥南路凝伫两行烟柳吹落一池风絮秋千斜挂起人何处  
把酒劝君闲愁莫诉留取笙歌住休去几多春色怎禁许多风雨海棠花谢也君知否

前调【除夜】 周紫芝

玉筯点椒花年华又杪绦蜡烧残暗催晓小窗醒处梦断月斜江悄故山春欲动归程杳  
天意不放人生常少富贵应须致身早此宵长愿赢取一尊娱老假饶真百岁能多少

前调【送晁别驾】 周紫芝

江上一山横偶来同住山北山南共来去今朝何事目送征鸿轻举可堪吹不断梨花雨  
千里莫厌重霄云路飞下彤庭伴鸂鶒紫骝乌?看尽章台风絮故人应问我今何处

前调【送侯彦嘉归彭泽】 周紫芝

何处是云庵本来无住云共谁来共谁去菊篱杯酒聊为渊明频举幅巾应漉湿斜川雨  
此去常恨相从无路记取孤飞水边鹭重来一笑又是柳飘残絮梦魂知不到君闲处

前调 葛 郯

风雨半摧残一园花老绿徧池塘夜来草看花何处莫被此花相恼世间多少事邯郸道  
凭水下临暗尘飞绕数点烟中水村小斜阳且住为我花间留照从教红满地何须埽

前调 葛 郯

花似镜中人不堪衰老空羡青青岸边草多情消瘦更被无情相恼近来无限事凭谁道  
蝴蝶满园丛边空绕睡起流莺语声小琐窗危坐更被玉蟾孤照夜阑梅影瘦凭谁埽

前调 周邦彦

露柳好风标娇莺能语独占春光最多处浅颦轻笑未肯等闲分付为谁心子里长长苦  
洞房见说云深无路凭仗青鸾道情慙酒空歌断又被涛江催度怎禁言不尽愁无数

前调 周邦彦

小阁倚晴空数声钟定斗柄垂寒暮天静朝来残酒又被春风吹醒眼前犹认得当时景  
往事旧欢不堪重省自叹多愁更多病绮牕依旧敲徧阑干谁应断肠明月下梅摇影

前调 赵 企

骑马踏红尘长安重到人面依然似花好旧欢才展又被新愁分了未成云雨梦巫山晓  
千里断肠关山古道回首高城似天杳满怀离恨付与落花啼鸟故人何处也青春老

前调 蔡 伸

酒晕衬横波玉肌香透轻裊腰肢妒垂柳臂宽金钏且不是干春瘦捻金双合字无心绣  
鬢云半堕玉钗欲溜罗袂残香忍重顛渡江桃叶肠断为谁招手倚阑凝望久眉空鬪

前调 王庭珪

一叶下西风寒生南浦椎鼓鸣桡送君去长亭把酒却倩阿谁留住尊前人似玉能留否  
醉中暂听离歌几许听不能终泪如雨无情江水断送扁舟何处归时烟浪卷珠帘暮

前调 康与之

一雨一番凉江南秋兴门掩苍苔锁寒径红尘不到尽日鸟啼人静绿荷风已过摇香柄  
澹阴未解园林清润一片飞花堕红影残书读尽袖手高吟清咏任从车马客劳方寸

前调【重到临安】 曾 覲

依旧惜春心花枝常好只恐尊前被花笑少年青鬓耐得几番重到旧欢重记省如天杳  
绮陌青门斜阳芳草今古销沉送人老帝城春事又是等闲来了乱红随过雨莺声悄

前调 辛弃疾

春事到清明十分花柳唤得笙歌劝君酒酒如春好春色年年依旧青春元不老君知否  
席上看君竹清松瘦待与青春鬪长久三山归路明日天香襟袖更持金盞起为君寿

前调【读庄子伤朱晦庵】 辛弃疾

案上数编书非庄即老会说忘言始知道万言千句不自能忘堪笑今朝梅雨霁青天好  
一壑一丘轻衫短帽白发多时故人少子云何在应有玄经遗草江河流日夜何时了

前调【伯礼立春生日】 陆 游

春色到人间彩幡初戴正好春盘细生菜一般日月只有仙家偏耐雪霜从点鬓朱颜在  
温诏鼎来延英催对凤阁鸾台看除拜对衣裁稳恰称球纹新带个时方旋了功名债

前调 陆游

小阁倚秋空下临江渚漠漠孤云未成雨数声新鴈回首杜陵何处壮心空万里人谁许  
黄阁紫枢筑坛开府莫怕功名欠人做如今熟计只有故乡归路石帆山脚下菱三亩

前调 韩 淲

急管度青枝醉眠芳草云断巫阳梦能到乍醒余困晴影暗移纱?旧时闲意思都忘了  
今岁春迟去年春早点点繁红又多少惜春归去酒病翻成花恼数声啼鸟唤人春晓

前调 韩 淲

诗社酒徒间村花村柳月榭风亭更霞牖临春结绮又是那回时候不禁中夜雨相偃僂  
弄蕊攀条为寻芳酒一斗谁能问千首江南云梦空说气吞八九持杯人共我能吟否

前调【送饶溪台游浙】 黄 昇

骑鹤上扬州腰纏十万拈起诗人旧公案看山看水此去胜游须徧烦君收拾取归吟卷  
少日风流暮年萧散佳处何妨小留款沙河塘上落日绣帘争卷也须拂拭起看花眼

前调【广东与康伯可】 韩 玉

远柳绿含烟土膏才透云海微茫露晴岫故乡何在梦寐草堂溪友旧时游赏处谁携手  
尘世利名於身何有老去生涯殢尊酒小桥流水一树雪香寒瘦故人今夜月相思否

前调 党怀英

一叶下梧桐新凉风露喜鹊桥成渺云步旧家机杼巧织紫绡如雾新愁还织就无重数  
天上何年人间朝暮回首星津又空渡盈盈别泪散作半空疎雨离魂都付与秋将去

前调【出京门有感】 李俊民

忍泪出门来杨花如雪惆怅天涯又离别碧云西畔举目乱山重叠据鞍归去也情凄切  
一日三秋寸肠千结敢向青天问明月算应无恨安用暂圆还缺愿人长似月圆时节

前调 王 恽

叠嶂际清江枫林辉映潮落波平镜光静六朝兴废都付渔郎烟艇蓴鲈香正美秋风冷  
笳鼓归来风云增胜梦里无烦想幽景风流公子写出五湖高兴画中须领取江山影

前调 吴子孝

海上有仙山苦淹城阙岁岁中秋隔明月季秋既望携手依然同陟清光千万里山如雪  
玉魄才圆金尊未歇丘壑风流两奇絶广寒缥缈便欲驭风飞越归来慎勿向忙人说

前调【咏镜】 冯盛世

有福共婵娟相依白首看拂双蛾似垂柳此中何处有个人儿争瘦笑效顰难效肠回九  
春尘飞处有时昏黝洗面还同美人鬪芙蓉映入疑是潇湘清浏怪东风起处吹难皱

解佩令

【又一体双调六十七字】

解佩令 晏几道

玉阶秋感年华暗去掩深宫团扇无情绪记得当时自翦下机中轻素点丹青画成秦女  
凉襟犹在朱颜未改忍霜纨飘零何处自古悲凉是情事轻如云雨倚么弦恨长难诉

看花回

【又一体双调六十七字】

看花回 柳 永

屈指劳生百岁期荣瘁相随利牵名惹逡巡过奈两轮玉走金飞红颜成白首极品何为  
尘事常多雅会稀忍不开眉画堂歌管深深处难忘酒盏花枝醉乡风景好携手同归

梦行云

【一名六么花十八双调六十七字】

梦行云 吴文英

簟波皱纤縠朝炊熟眠未足青奴细腻未 真珠斛素莲幽怨风前影搔头斜坠玉  
画阑枕水垂杨梳雨青丝乱如乍沐娇笙微韵晚蝉乱秋曲翠阴明月胜花夜那愁春去速

## 凤凰阁

【双调六十七字】

凤凰阁【已酉归舟衡阳作】 赵师侠

正薰风初扇梅黄暑溽并摇双桨去程速那更黄流浩淼白浪如屋动归思离愁万斛  
平生奇观颇快江山寓目日斜云定晚风熟白鹭飞来点破一川明绿展十幅潇湘画轴

## 卖花声

【又一体双调六十七字】

卖花声 莫是龙

乘兴王猷独放剡溪孤櫂向名园尽情倾倒长夜深尊莫问东林晓对知音划然欢笑  
绣户珠帘何处闲情堪到晃银屏灯花结早隔院风来过空庭如埽醉归时共村翁野老

## 垂丝钓

【又一体双调六十七字】

垂丝钓 袁去华

江枫秋老晓来红叶如埽暮雨生寒正北风低草宾鸿早乱半川残照伤怀抱 记西园饮处微  
云弄月梅花人面争好路长信杳度日房栊悄还是黄昏到归梦少纵梦归易觉

## 三奠子

【双调六十七字唐宋无此调见於元好问锦机集中传是奠酒奠殽奠壁因以名词崔令钦  
教坊记亦有奠璧子也】

三奠子【离南阳後作】 元好问

怅韶华流转无计留连行乐地一凄然笙歌寒食後桃李恶风前连环玉回文锦两纏緜  
芳尘未远幽意谁传千古恨再生缘闲衾香易冷孤枕梦难圆西窗雨南楼月夜如年

前调【七夕】 王恽

怅神光奕奕天上良宵花露湿翠钗翘风回鸾扇影愁满紫云韶恨相望虽一水隔三桥  
朱弦寂寂心思迢迢人未老鬓先雕翻腾惊世故机巧到鲛绡凉夜永箫声咽篆烟飘

天仙子

【双调六十八字】

天仙子 张先

水调数声持酒听午醉醒来愁未醒送春春去几时回临晚镜伤流景往事后期空记省  
沙上并禽池上暝云破月来花弄影重重帘幕密遮灯风不定人初静明日落红应满径

前调 张先

醉笑相逢能几度为报江头春且住主人今日是行人红袖舞清歌女凭仗东风交点取  
三月柳枝柔似缕落絮倦飞还恋树有情宁不忆西园莺解语花无数应讶使君何处去

前调【观舞】 张先

十岁手如芽子笋因爱弄妆偷傅粉金蕉并为舞时空红脸嫩轻衣褪春重日浓花觉困  
斜鴈轧弦随步趁小凤累珠光绕鬓密教持履恐仙飞催拍紧惊鸿奔风袂飘飏无定准

前调【郑设夫移青社】 张先

持节来时初有鴈十万人家春已满龙标名第凤池身堂阜远江桥晚一嶂湖山看未徧  
障扇欲收歌泪溅亭下花空罗绮散檣竿渐向望中疎旗影转鼙声断惆怅不如船尾燕

前调 张先

坐治吴州成乐土诏卷风飞来圣语亲舆乞得便藩归瑶席主杯休数清夜为君歌白苧  
花接旧枝新蕊吐造化不知人有助看花岁岁比甘棠嘉月暮东门路只恐带将春色去

前调 赵令畤

宿雨洗空台榭莹下尽珠帘寒未定花开花落几番晴春欲竟愁未醒池面杏花红透影  
一纸短书言不尽明月清风还记省玉楼香断又添香闲展兴临好景心似乱萍何处整

前调 周紫芝



雪似杨花飞不定枝上冻禽昏欲暝寒牕相对话分飞箫鼓静灯炯炯一曲阳关和泪听  
酒入离肠愁欲凝往事不堪重记省劝君莫上玉楼梯风力劲山色暝忍看去时楼下径

前调 吕渭老

楼下辘轳横露井楼上婵娟开晓镜下楼难忘上楼时风未定帆不正簌簌珍珠挥麈柄  
眉上新愁吹不醒别酒未斟歌未忍雪中梅下定重来烟暝暝肠寸寸莫放笛声吹落尽

前调【杏花留饮】 张元干

楼外轻阴春澹泞数点杏梢寒食雨少年油壁记寻芳梁苑路今何处千树红云空梦去  
惊见此花须折取明日满城传侍女情知醉里惜花深留春住听莺语一段风流天付与

前调 程垓

惨惨霜林冬欲尽又是梅溪寒弄影矮牕曲屋夜香烧人已静灯垂烬点滴芭蕉和雨听  
约个归期犹未定一夜梦魂终不稳知他勾得许多情真个闷无人问说与画楼应不信

前调 杨慎

莲叶为舟丝作索渡口梅风歌扇薄一声留得满城春金凿落银凿落醉里不知愁绪恶  
别後那回华表鹤一点芳心无住着云中谁寄锦书来春寂寞人寂寞绿徧汀洲生杜若

前调 吴子孝

四面山光如泼黛麦陇连村千万态海东红日上层霄烟霏隳丛林外山北高人应我待  
竹绕茅堂长好在白石清泉仙境界入门双鹤便相迎穿薜艾寻松桧阴阴空谷鸣清籁

前调 夏复

紫玉辘轳春锦索金井梧桐寒寂寞霜鞦马上冶游郎花下约花前诺人在画楼牵翠幙  
无奈愁人春梦恶泪点罗衫春袖薄一江烟草乱相思当初错而今莫鴈又不来花又落

前调【明妓】 王微

烟水芦花愁一片个中消息难分辨举杯邀月不成三君可见依可见伊人独与寒灯面  
叠尽云牋情有限除非做本相思传几回掷笔费沉吟君也念依也念霜鞦晓路鸡声店

青玉案

【又一体双调六十八字】

青玉案 欧阳修

一年春事都来几早过了三之二綠暗红嫣浑可事垂杨庭院暖风帘幕有个人憔悴  
买花载酒长安市又争似家山见桃李不住东风吹客泪相思难表梦魂无据惟有归来是

前调 晁补之

十年不向东门道信匹马羞重到玉府骖鸾犹年少宫花头上御炉烟底常日朝回早  
霞觴翻手羣仙笑恨尘土人间易春老白发愁占彤庭杳红墙天阻碧濠烟锁细雨迷芳草

前调【旅情】 曹组

田园有计归须早在家纵贫亦好南去北来何日了光阴送尽可怜青鬓暗逐流年老  
寂寥孤馆残灯照正乡思惊时梦初觉落月苍苍关河晓一声鸡唱马嘶人起又上长安道

前调 张 榘

少时贪看琼林绕任马上寒威峭昨暮六花飞逗晓拥衾慵起鬓丝笼帽顿觉年来老  
朱阑翠竹枝枝倒把玉甃棱层趁风埽楼上一尊须放早同云收尽红轮初上对面狼山好

前调 张 榘

龙香薰被罗屏绕任窓外风儿峭鸳枕梦回鸡唱晓丫鬟惊笑琼枝低亚错认梅花老  
红炉兽炭装还倒强梳洗忙将黛眉埽贪趁清歌争怕早弓鞞微湿玉纤频袖塑出狮儿好

前调 吴子孝

当年苦欲归南国爱处处寻春色山寺江楼杨柳陌花开蜂闹草香鸟啁箫管人如织  
四时惟有春堪惜况常遇江头诗酒客风雨连朝烟幂幂朱楼频倚画船长檣花落将寒食

前调【又一体】 张 榘

西风乱叶溪桥树秋在黄花羞涩处满袖尘埃推不去马蹄浓露鸡声澹月寂历荒村路  
身名多被儒冠误十载重来慢如许且尽清尊公莫舞六朝旧事一江流水万感天涯暮

前调【送杨中丞】 周用

太微昨夜辉南纪望望楼船渡湘水公作长城真足倚新秋离思五云回首百粤风謡美  
双龙宛宛裁黄纸霖雨横施几千里入奏天顔应有喜蓬莱殿里凤凰池上早听尚书履

前调【社日】 张大烈

千条弱柳拖青线应期刚到呢喃燕緑徧川原红减半酬神赛会花阴人集深处芳洲畔  
金罍 醪频频劝沉入醉乡斟尚满解衣欲卧芳草岸花铺锦衲松罗翠幕鸟奏无心管

前调 张大烈

春归难覓驰归路止眼见芳华飞去落红香褪风中度燕老莺雏花阶柳户尽换韶光处  
緑暗汀洲烟坞暮流水无情枉题句蜂蝶闲忙已如许梅豆酸心杨花紫意惹闷廉纤雨

前调【又一体】 裘昌今

数竿疎竹野人家夜来雪打偏斜无端低弄又还遮数枝横影道人睡起疑是月笼纱  
一围雪色掩篱笆纵秋水难比这银沙呼童快煮建溪茶个个堪描枝枝若画留着伴梅花

两同心

【双调六十八字唐教坊取古乐府制曲填词因以名词亦名仙源拾翠】

两同心 晏几道

楚乡春晚似入仙源拾翠处闲随流水踏青路暗惹香尘心心在柳外青帘花下朱门  
对景且醉芳尊莫话销魂好意思曾同明月愁滋味最是黄昏相思处一纸红牋无限啼痕

前调 黄庭坚

巧笑顰眉行步精神隐隐似朝云行雨弓弓樣罗襪生尘尊前见玉檻雕笼堪爱堪亲  
自言家住天津生小从人恐舞罢随风飞去顾阿母教拈珠翳从今去惟愿银缸莫照离尊

前调【又一体】 柳 永

伫立东风断魂南国花光媚春醉琼楼蟾彩迴夜游香陌忆当时酒恋花迷役损词客  
别有眼长腰搦痛怜深惜鸳鸯阻夕雨凄凄锦书断暮云凝碧想别来好景良时也应相忆

前调 杨无咎

行看不足坐看不足柳条软斜倚春风海棠睡醉敲红玉清堪掬桃李漫山真成麤俗  
遥夜几番相属暗魂飞逐深斟酒低唱新声密传意解回娇目知谁福得似风流可伊心曲

行香子

【又一体双调六十八字】

行香子【柳】 杜安世

黄金叶细碧玉枝纤初暖日当乍晴天向武昌溪畔於彭泽门前陶潜影张绪态两相牵  
数株堤面几树桥边嫩垂条絮荡轻丝系长江舴艋拂深院秋千寒食下半和雨半和烟

拾翠羽

【双调六十八字】

拾翠羽 张孝祥

春入园林花信总随迟速听鸣禽稍迁乔木夭桃弄色海棠芬馥风雨霁芳径草心频绿  
禊事才过相次禁烟追逐想千载楚人遗俗青旗沽酒各家炊熟良夜游明月胜烧花烛

殢人娇

【又一体双调六十八字】

殢人娇 晏殊

二月春风正是杨花满路那堪更别离情绪罗巾掩泪任粉痕沾污争奈向千留万留不住  
玉酒频倾翠眉愁聚空肠断宝箏弦柱人间后会又不知何处魂梦里也须时时飞去

前调 晏殊

玉树微凉渐觉银河影转林叶静疎红欲徧朱帘细雨尚迟留归燕嘉庆日多少世人良愿  
楚竹惊鸾秦箏起鴈紫舞袖急翻罗荐云回一曲更轻拢檀板香炷远同祝寿期无限

前调 晏殊

一叶秋高向夕红兰露坠风月好乍凉天气长生此日见人中喜瑞斟寿酒重唱妙声珠缀  
风篴移宫钿衫回袂帘影动鹊炉香细南真宝籙赐玉京千岁良会永莫惜流霞同醉

前调【王都尉侍人】 苏轼

满院桃花尽是刘郎未见於中更一枝纤软仙家日月笑人间春晚浓睡起惊飞乱红千片  
密意难窥羞容易见平白地为伊肠断问君终日怎安排心眼须信道司空自来见惯

归田乐

【又一体双调六十八字】

归田乐 晏几道

试把花期数便早有感春情绪看即梅花吐愿花更不谢春且长住只恐去 春去花开还不语  
此意年年春会否绛唇青鬓渐少花前语对花又记得旧曾游处门外垂杨未飘絮

献衷心

【又一体双调六十九字】

献衷心 顾 夔

绣鸳鸯帐暖画孔雀屏欹人悄悄月明时想昔年欢笑恨今日分离银缸背铜漏永阻佳期  
小炉烟细虚阁帘垂几多心事暗地思惟被娇娥牵役魂梦如痴金闺里山枕上始应知

佳人醉

【双调六十九字】

佳人醉 柳 永

暮景萧萧雨霁云澹天高风细正月华如水金波银汉潋灩无际冷浸书帷梦断却披衣重起  
临轩砌 素光遥指因念翠眉音尘何处相望同千里尽凝睇厌厌无寐渐晓雕阑独倚

数花风

【亦名凤凰阁双调六十九字】

数花风【别义兴诸友】 张 炎

好游人老秋鬓芦花共色征衣犹恋去年客古道依然黄叶谁家萧瑟自笑我如何是得

酒楼仍在流落天涯醉白孤城寒树美人隔烟水此去程应远须寻梅驿又渐数花风第一  
月上海棠

【双调七十字】

月上海棠【成都蜀苑古梅】 陆 游

斜阳废苑朱门闭吊兴亡遗恨泪痕里淡淡宫梅也依然点酥翦水凝愁处似忆宣华旧事  
行人别有凄凉意折幽香谁与寄千里伫立江皋杳难逢陇头归骑音尘远楚天危楼独倚

前调 陆 游

兰房绣户厌厌病叹春醒和闷甚时醒燕子空归几曾传玉关边信伤心处独展团窠瑞锦  
熏笼消歇沉烟冷泪痕深展转看花影漫拥余香怎禁他峭寒孤枕西窗晓几声银饼玉井

前调【又一体】 段克已

住山活计宜闻早身世沧溟一沤小日月两跳丸迭送人间昏晓朱颜换风雪俄惊岁杪  
弊衣旋补荷盈沼算骑鹤扬州古今少休苦似吴蚕却枉把此身缠绕君知否我自无心可了

前调 段成已

酒杯何似浮名好一入枯肠泰山小唤醒梦中身鷓鴣数声春晓昂头处几点青山屋杪  
人生得计鱼游沼视过眼花阴向来少须卜一枝安笑月底惊乌三绕无穷事毕竟何时是了

前调 段成已

光阴输与闲人手屈指穷冬又初九风雪拥柴关竹外一枝梅秀醅瓮熟似笑渊明止酒  
溪山旧约吾无负便结与无情岁寒友世味尽醇醲漫掩鼻向伊慵齎蓬茅底有手何妨且袖

小桃红

【一名红娘子一名灼灼花一名连理枝双调七十字】

小桃红 晏殊

玉宇秋风至帘幕生凉气朱槿犹开红莲尚拆芙蓉含蕊送旧巢归燕拂高帘见梧桐叶坠  
嘉宴凌晨启金鸭飘香细凤竹鸾丝清歌妙舞画堂游艺愿百千遐寿比神仙有年年岁岁

### 前调 晏殊

綠树莺声老金井生秋早不寒不暖裁衣按曲天时正好况兰堂逢着寿筵开见炉香缥缈  
组绣呈纤巧歌舞夸妍妙玉酒频倾朱弦翠管移宫易调献金杯重叠祝长生永逍遥奉道

### 前调 程垓

不恨残花殢不恨残春破只恨流光一年一度义催新火纵青天白日系长绳也留春得麼  
花院从教锁春事从教过烧笋园林尝梅台榭有何不可已安排珍簟小胡牀待日长闲坐

### 前调 余桂英

芳草连天暮斜日明汀渚懊恨东风恍如春梦匆匆又去早知人酒病更诗愁鎮轻随飞絮  
宝镜空相覩箏鴈浑无据门外当时薄情流水如今何处正相思望断碧山云又莺啼晚雨

### 惜黄花

【双调七十字】

### 惜黄花 史达祖

涵秋寒渚染霜丹树尚依稀是来时梦中行路时节正思家远道仍怀古更对着满城风雨  
黄花无数碧云欲暮美人?美人?未知何处独自卷帘枕谁为开尊俎有若个御风归去

### 雨中花令

【又一体双调七十字】

### 雨中花令 周紫芝

山雨细泉生幽谷水满平田雪茧红蚕熟後黄云陇麦秋间武陵烟暖数声鸡犬别是山川  
嗟老去倦游踪迹长恨华顛行尽吴头楚尾空慚万壑千岩不如休也一庵归去依旧云山

### 御选历代诗余卷四十五

## 卷四十六

<集部,词曲类,词选之属,御选历代诗余

钦定四库全书

御选历代诗余卷四十六目錄【七十字】

江城子【又一体】

苏轼【十一首】

黄庭坚

秦观【三首】

晁补之【三首】

李之仪【三首】

贺铸

葛胜仲【二首】

周紫芝【二首】

谢逸【二首】

葛郯【二首】

吕渭老【二首】

王安中

叶梦得【五首】

赵长卿【三首】



张元干

康与之

辛弃疾【八首】

曹冠

吕胜己【二首】

张鎡

刘儗

刘光祖

黄铢

毛幵【二首】

卢祖皋

韩淲【二首】

汪莘

方岳【二首】

吴文英【六首】

陈允平

周密【二首】

张炎【二首】

石孝友【二首】

林正大

曹良史

谭宣子

朱淑真

蔡松年

蔡珪

段克己

段成己

元好问【三首】

赵孟頫

张埜

倪瓚【二首】

刘基【二首】

高启

施绍莘

沈泓

沈麐【二首】

御选历代诗余卷四十六目錄

钦定四库全书

御选历代诗余卷四十六【七十字】

司经局洗马掌局事兼翰林院修撰加二级【臣】王奕清奉旨校刊

## 江城子

【又一体双调七十字】

## 江城子 苏轼

梦中了了醉中醒只渊明是前生走徧人间依旧却躬耕昨夜东坡春雨足乌鹊喜报新晴  
雪堂西畔暗泉鸣北山倾小溪横南望亭丘孤秀耸层城都是斜川当日境吾老矣寄余龄

## 前调 苏轼

翠蛾羞黛怯人看掩霜纨泪偷弹且尽一尊收泪唱阳关漫道帝城天样远天易见见伊难  
画堂新构近孤山曲阑干为谁安飞絮落花春色属明年欲棹小舟寻旧事无处问水连天

## 前调 苏轼

凤凰山下雨初晴水风清晚霞明一朵芙蓉开过尚盈盈何处飞来双白鹭如有意慕娉婷  
忽闻江上弄哀筝苦含情遣谁听烟敛云收依约是湘灵欲待曲终寻问取人不见数峰青

## 前调 苏轼

天涯流落思无穷既相逢却匆匆携手佳人和泪折残红为问东风余几许春纵在与谁同  
隋堤三月水溶溶背归鸿去吴中回望彭城清泗与淮通寄我相思千点泪流不到楚江东

## 前调 苏轼

相逢不觉又初寒对尊前惜流年风紧离亭水结泪珠圆雪意留君君且住从此去少清欢  
转头山下转头看路漫漫玉花翻银海光宽何处是超然知道故人相念否携翠袖倚朱阑

## 前调【猎】 苏轼

老夫聊发少年狂左牵黄右擎苍锦帽貂裘千骑卷平冈为报倾城随太守亲射虎看孙郎  
酒酣胸胆尚开张鬓微霜又何妨持节云中何日遣冯唐会挽雕弓如满月西北望射天狼

## 前调【大雪怀朱康叔】 苏轼

黄昏犹是雨纖纖晓开帘欲平檐江阔天低无处认青帘孤坐冻吟谁伴我揩病目捻衰髯  
使君留客醉恹恹水晶盐为谁甜手把梅花东望忆陶潜雪似故人人似雪虽可爱有人嫌

前调【陈直方妾】 苏轼

玉人家在凤凰山水云间掩门闲门外行人立马看弓弯十里春风谁指似斜日映绣帘斑多情好事与君还恼新顰拭余泪明月空江香雾着云鬟陌上花开看尽也闻旧曲破朱颜

前调 苏轼

银涛无际卷蓬瀛落霞明暮云平曾见青鸾紫凤下层城二十五弦弹不尽空感慨惜离情苍梧烟水断归程卷霓旌为谁迎空有千行流泪寄幽贞舞罢鱼龙云海晚千古恨入江声

前调 苏轼

前瞻马耳九仙山碧连天晚云间城上高台真个是超然莫使匆匆云雨散今夜里月婵娟小溪鸥鹭静联拳去翩翩点轻烟人事凄凉回首便他年莫忘使君歌笑处垂柳下矮槐前

前调 苏轼

墨云拖雨过西楼水东流晚烟收柳外残阳回照动帘钩今夜巫山真个好花未落酒新篘美人微笑转星眸月华羞捧金瓯歌扇紫风吹散一春愁试问江南诸伴侣谁似我醉扬州

前调【忆别】 黄庭坚

画堂高会酒阑珊倚阑干霎时间千里关山常恨见伊难及至而今相见了依旧是隔关山倩人传语问平安省愁烦泪休弹哭损眼儿不似旧时单寻得石榴双叶子凭寄与插云鬟

前调 秦观

西城杨柳弄春柔动离忧泪难收犹记多情曾为系归舟碧野朱桥当日事人不见水空流韶华不为少年留恨悠悠几时休飞絮落花时候一登楼便做春江都是泪流不尽许多愁

前调 秦观

南来飞燕北归鸿偶相逢惨愁容绿鬓朱颜重见两衰翁别後悠悠君莫问无限事不言中小槽春酒滴珠红莫匆匆满金钟饮散落花流水各西东後会不知何处是烟浪远暮云重

前调 秦观

枣花金钏约柔荑昔曾携手难期咫尺玉颜和泪锁金闺恰似小园桃与李虽同处不同枝玉笙初度颤鸾篦落花飞为谁吹月冷风高此恨只天知任是行人无定处重相见是何时

前调【亳社观梅】晁补之

去年初见早梅芳一春忙短红墙马上不禁花恼只颠狂苏晋长斋犹好事时唤我举离觞  
今年春事更茫茫浅宫粧断人肠一点多情天赐骨中香顿有飞鳬贤令尹同我过小横塘

前调【广陵送王左丞】晁补之

旧山铅槩倦栖迟叩宸闈向淮圻五马行春初喜後车随太守风流容客醉花堕帽酒淋衣  
隋宫烟外草萋萋菊花时动旌旗起舞留公且住慰相思王粲诗成何处寄人北去雁南飞

前调【赠娉娉】晁补之

娉娉闻道似轻盈好佳名也堪称楚观云归重见小樊惊豆蔻梢头春尚浅娇未顾已倾城  
章台休咏旧青青惹离情恨难平无事飞花撩乱扑旗亭不似刘郎春草小能步步伴人行

前调 李之仪

恼人天气雪消时落梅飞日初迟小阁幽牕时节听黄鹂新洗头来娇困甚才试着夹罗衣  
棠梨花拂淡臙脂翠云欹敛双眉月浅星深天淡玉钩低不道有人肠断也浑不语醉如痴

前调 李之仪

今宵莫惜醉颜红十分中且从容须信欢情回首似旋风流落天涯头白也难得是再相逢  
十年南北感征鸿恨应同苦重重休把愁怀容易倒书空只有琴尊堪寄老除此外尽蒿蓬

前调 李之仪

阑干拍遍等新红酒频中恨匆匆投得花开还报夜来风惆怅春光留不住又何似莫相逢  
月牕何处想归鸿与谁同意千重婉思柔情一旦总成空彷彿么弦犹在耳应为我首如蓬

前调 贺铸

麝熏微度绣芙蓉翠衾重画堂空前夜偷期相见却匆匆心事两知何处问依旧是梦中逢  
坐疑行听竹牕风出檐枕杳无踪已过黄昏才动寺楼钟暮雨不来春又去花满地月朦胧

前调 葛胜仲

昏昏雪意惨云容猎霜风岁将穷流落天涯憔悴一山翁清夜小窗围兽火倾酒绿借颜红  
官梅踈艳小壶中暗香浓玉玲珑对景忽惊身在大江东上国故人谁念我晴嶂远暮云重

前调【呈刘无言】 葛胜仲

浮家重过水晶宫五年中事何穷无恙山溪鬓影落青铜欲向旧游寻旧事云散彩水流东  
苔花向我似情锺舞霜风雪蒙蒙应怪使君颜鬓便成翁赖是寻芳无素约端不恨绿阴重

前调 周紫芝

夕阳低画柳如烟淡平川断肠天今夜十分霜月更娟娟怎得人如天上月虽暂缺有时圆  
断云飞雨又经年思凄然泪涓涓且做如今要见也无缘因甚江头来去雁飞不到小楼边

前调 周紫芝

碧梧和露滴清秋小庭幽翠烟流羞带一襟明月上高楼苦恨秋江风与月偏管断这些愁  
此情空道两绸缪信悠悠几时休到得如今剗地见无由拟待不能思想得无限事在心头

前调 谢逸

一江秋水碧湾湾绕青山玉连环帘幙低垂人在画图间闲抱琵琶寻旧曲弹未了意阑珊  
飞鸿数点拂云端倚阑看楚天寒拟倩东风吹梦到长安恰似梨花春带雨愁满眼泪阑干

前调 谢逸

杏花村馆酒旗风水溶溶扬残红野渡舟横杨柳绿阴浓望断江南山色远人不见草连空  
夕阳楼外晚烟笼粉香融淡眉峰记得年时相见画屏中只有关山今夜月千里外素光同

前调 葛 郊

亭亭鹤羽戏芝田看羣仙起清涟绿盖红幢千乘去朝天留得瑶姬清夜舞人与月鬪婵娟  
凭阑有恨不堪言倩谁传曲声圆写尽清愁香弄晚风妍不羡山头窥玉井花十丈藕如船

前调【用前韵】 葛 郊

粼粼白水护青田想真仙弄清涟十里香风吹下碧云天月在草堂人未寝松竹暗水娟娟  
夜阑何事悄无言怨空传事难圆欲借寒光谁与伴清妍待得凌波人肯住呼玉笛劝金船

前调 吕渭老

晓参垂户宿醒醒坐南亭对疎星点点萤光偏向竹梢明望断长空何处是云叶乱彩霞横  
西楼依旧抱重城小银屏此时情鸦阵翻丛枯柳两三声欹枕欲寻初夜梦鸡唱远晓蟾倾

前调 吕渭老

闻君见影已堪怜短因缘偶同筵相见无言分散倍依然做梦杨花随去也粧阁下绣牀前  
觉来离绪意昏昏写蛮牋倩谁传鱼雁悠悠门外水如天欲上西楼还不忍难着眼望秋千

前调 王安中

荷花遮水水涵溪柳低垂乱蝉嘶舍簪何妨临水照征衣一扇香风摇不尽人念远意凄迷  
骑鲸仙子已相知数归期赋新诗更想翟公门外雀罗稀陶令此襟尘几许聊欲向北窗披

前调 叶梦得

碧潭浮影蘸红旗日初迟漾晴漪我欲寻芳先遣报春知尽放百花连夜发休更待晓风吹  
满携尊酒弄繁枝与佳期伴羣嬉犹有邦人争唱醉翁词应笑今年狂太守能痛饮似当时

前调【大雪与客登极目亭】 叶梦得

蹁跹飞舞半空来晓风催巧絮回野旷天遥回望兴悠哉欲问玉京知远近试携手上高台  
云涛无际卷崔嵬敛浮埃照琼瑰点缀林花真个是多才说与化工留妙手休尽放一时开

前调 叶梦得

芙蓉开过雨初晴曲池平画桥横耿耿银河遥下蘸空明一舸吴淞归未得聊共住小蓬瀛  
问君何事引前旌趣归程背高城鱼鸟三年谁道总无情试遣他年歌此曲应尚记别时声

前调【登小吴台小饮】 叶梦得

生涯何有但青山小溪湾转潺湲投老归来终寄此山间茆舍半欹风雨横荒径晚乱榛菅  
强扶衰病上巉颠水云间伴跻攀湖海苍茫千里在吴关漫有一杯聊自醉休更问鬓毛斑

前调【上元】 叶梦得

甘泉祠殿汉离宫五云中渺难穷永漏通宵壶矢转金铜曾从钧天知帝所孤鹤老寄辽东  
强扶衰病步龙鍾雪花蒙打牕风一点青灯惆怅伴南宫惟有使君同此恨丹凤口水云重

前调 赵长卿

小溪清浅照孤芳蕊珠娘暗传香春染粉容清丽傅宫粧金缕翠蝉曾记得花密密过雕墙  
而今冷落水云乡念平康转情伤梦断巫云空恨楚襄王冰雪肌肤消瘦损愁满地对斜阳

前调【梅】 赵长卿

年年长见傲寒林压羣英有余清曾被芳心红日恼诗情玉质暗香无限意偏婉婉尽轻盈  
今年潇洒照岐亭更芳馨也峥嵘无奈多情终是惜飘零谁与东君收拾取恰风雨挫瑶琼

前调【夜凉对景】 赵长卿

彩云飞尽楚天空碧溶溶一帘风吹起荷花香雾喷人浓明月凄凉多少恨恨难许我情鍾  
相思魂梦几时穷洞房中忆从容须信别来应也敛眉峰好景良宵添怅望无计与一尊同

前调 张元干

梦中北去又南来饱风埃鬓华衰浮水飞蓬踪迹为谁催自笑自悲还自语一杯酒鼻如雷  
晓輿行处觉春回屑琼瑰糝莓苔病眼冲寒欲闭又还开水近人家篱落畔遥认得一枝梅

前调 康与之

南溪二月雨初晴四郊明暖风轻一雨一风铺地落红英枝上流莺啼劝我春欲去且留春  
登临行乐慰闲情过长亭暮潮平四面青芜中是越王城信马行吟归路晚山簇簇柳陰陰

前调 辛弃疾

賸云残日弄陰晴晚山明小溪横枝上绵蛮休作断肠声但是青山山下路青到处总堪行  
当年彩笔赋芜城忆平生若为情试把灵槎归路问君平花底夜深寒较甚须 却玉山倾

前调【用前韵】 辛弃疾

梨花着雨晚来晴月胧明泪纵横绣阁香浓深锁凤箫声未必人知春意思还独自遶花行  
酒兵昨夜压愁城太狂生转关情写尽胸中磊未全平却与平章珠玉价看醉里锦囊倾

前调 辛弃疾

玉箫声远忆骖鸾几悲欢带罗寬且对花前痛饮莫留残归去小窗明月在云一缕玉千竿  
吴霜应点髻云斑綺牀闲梦连环说与东风归兴有无间芳草姑苏台下路和泪看小屏山

前调 辛弃疾

梅梅柳柳鬬纖穠乱山中为谁容试着春衫依旧怯东风何处踏青人未去呼女伴认骄骢  
几家门户几重重记相逢画楼东明日重来风雨暗残红可惜行云春不管裙带褪鬓云?



前调【博山道中书王氏壁】 辛弃疾

一川松竹任横斜有人家被云遮雪後疎梅时见两三花比着桃源溪上路风景好不争些  
旗亭有酒径须賒晚寒咱怎禁他醉里匆匆归骑自随车白髮苍头吾老矣只此地是生涯

前调【闻蝉蛙戏作】 辛弃疾

簟铺湘竹帐笼纱醉眠些梦天涯一枕惊回水?沸鸣蛙借问喧天成鼓吹良自苦为官耶  
心空喧静不争多病维摩意云何埽地焚香且看散天花斜日緑陰枝上噪还又问是蝉麼

前调【送元济之归豫章】 辛弃疾

乱云扰扰水潺潺笑溪山几时闲更觉桃源人去隔仙凡万壑千岩楼外雪琼作树玉为阑  
倦游回首且加餐短篷寒画图间见说娇颦拥髻待君看二月东湖湖上路官柳嫩野梅残

前调【赋梅寄余叔良】 辛弃疾

暗香横路雪垂垂晚风吹晓风吹花意争春先出岁寒枝毕竟一年春事了缘太早却成迟  
未应全是雪霜姿欲开时未开时粉面朱唇一半点臙脂醉里谤花花莫恨浑冷淡有谁知

前调 曹冠

雨余乾鹊报新晴晓风清听莺声飞盖南园游赏赋闲情麦陇黄云堆万顷收刈处有人耕  
淙琤漱玉涧泉鸣翠峰横碧云凝罨画园林缣素写难成卢橘杨梅时正熟随处赏饮班荆

前调【盆梅】 吕胜已

年年腊後见冰姑玉肌肤点琼酥不老花容经岁转敷腴向背稀稠如画里明月下影踈踈  
江南有客问征途寄音书定来无且傍盆池巧石倚浮图静对北山林处士装点就小西湖

前调 吕胜已

一钩新月下庭西绣帘低漏声迟小宴幽欢依约似当时娇盼注人都不语眉黛蹙髻云欹  
绿槐陰下玉骢嘶苦相催醉中归可惜明朝秋色满东篱祇恐又成轻别也情脉脉恨凄凄

前调【夏夜观月】 张鎰

飞来冰雪冷无声可中亭骨毛清卧看东南和露两三星蓦地神游天上去呼彩凤驾云軿  
望舒宫殿玉峥嵘桂千层宝香凝捣药仙童邀我论长生一笑归来人未睡花影送上窗棂

前调 刘 儗

东风吹梦落巫山整云鬟却霜纨雪貌冰肤曾共控双鸾吹罢玉箫香雾湿残月堕乱峰寒  
解璫回首忆前欢见无缘恨无端憔悴萧郎赢得带围宽红叶不传天上信空流水到人间

前调 刘光祖

十分雪意却成霜暮云黄月微茫只有梅花依旧吐幽芳还喜无边春信漏疎影下觅浮香  
才清端是紫薇郎别鹄行忆宫墙夜半胡为人与月交相君合召归吾老矣月随去照西廊

前调【晚泊分水】 黄 铢

秋风嫋嫋夕阳红晚烟浓暮云重万疊青山山外叫归鸿独上高楼三百尺凭玉楯睇层空  
人间日日去匆匆碧梧桐又西风北去南来消尽几英雄掷下玉尊天外去多少事不言中

前调【灯夕】 毛 幵

神仙楼观梵王宫月当中望难穷坐听三通谯鼓报铜龙还忆当年京辇旧车马会五门东  
华堂歌舞间星钟夕香蒙度花风翠袖传杯争劝紫髯翁归去不堪春梦断烟雨晓乱山重

前调 毛 幵

倚墙高树落惊禽小牕深夜沈沈酒醒灯昏人静更愁霖惆悵行云留不住携手处却分襟  
悠悠风月两关心拥孤衾恨难禁何况一春憔悴到如今最苦清宵无寐极想梦见也难寻

前调 卢祖皋

画楼帘幙卷新晴掩银屏晓寒轻坠粉飘香日日唤愁生暗数十年湖上路能几度着娉婷  
年华空自感飘零拥春醒对谁醒天阔云闲无处覓箫声载酒买花年少事浑不似旧心情

前调 韩 淲

天孙应为织云裳试宫粧问刘郎湖上波寒依旧远山苍自是老来心事嬾空落拓少年场  
挥毫闲与试端相记严杨陋苏张兴到一杯微醉亦成章回首片帆西去也何日更共清狂

前调 韩 淲

雪消霜入小溪舟试浮游上山头薄薄寒烟依旧未全收问到梅花开也未吟不尽一春愁  
襟怀如此老还休懒凝眸转深幽诗罢一眉新月又如鉤腊後春前村意远回棹稳水西流

前调 汪莘

鹧鸪声里别江东绿阴中夕阳红一点离愁相对景重重目断大罗天上客朝玉帝把芙蓉  
紫阳山下偶相逢醉金钟跨苍龙归去故山犹带白云封洞口桃花如恨我飘满地任春风

前调 方岳

髻绾深隐护芳尘翠眉颦越精神几雨几晴做得这些春切莫近前轻着语题品错怕渠嗔  
碧壶谁贮玉粼粼醉香茵晚风频吹得酒痕如洗一番新只恨谪仙浑懒却辜负那倚阑人

前调【发金陵】 方岳

梅花吹梦过溪桥路迢迢雪初消似恁天寒诗瘦想无聊听得草堂人有语能几日是生朝  
乱云深处洗山瓢鬓萧萧酒红潮回首六朝南北黯魂消纵使锺山青眼在不似我侣渔樵

前调 吴文英

翠纱笼袖映红霏冷香飞洗凝脂睡足娇多还是夜深宜翻怕回廊花有影移烛暗放帘垂  
尊前不按驻云词料花枝妬蛾眉丁嘱东风莫送片红飞春重锦堂人尽醉和晓月带花归

前调【送桂花吴宪时将赴阙】 吴文英

天街如水翠尘空建章宫月明中人未归来玉树起秋风宝粟万钉花露重催赐带过垂虹  
夜凉沉水绣帘栊酒香浓雾蒙蒙钗列吴娃腰袅带金虫三十六宫蟾观冷留不住佩丁东

前调【荷塘小隐赏桂】 吴文英

西风来晚桂开迟月宫移到东篱簌簌惊尘吹下半冰规拟唤阿娇来小隐金屋底乱香飞  
重阳还是隔年期蝶相思客情知吴水吴烟愁里更多诗一夜看承应未别秋好处雁来时

前调【送翁五峯自审江还都】 吴文英

西风一叶送行舟浅迟留櫂汀洲新浴红衣绿水带香流应是离宫城外晚人竚立小帘钩  
新归重省别来愁黛眉头半痕秋天上人间斜月绣鍼楼湘浪莫迷花蝶梦江上约负轻鸥

前调【洛北碧沼小庵】 吴文英

长安门外小林丘碧湖秋浴轻鸥不放啼红流水透宫沟时有晴空云过影华镜里翳鱼游  
绮罗尘满九街头晚香楼夕阳收波面琴高仙子驾黄虬清磬数声人定了池上月照虚舟

前调【春雨上麓翁】 吴文英

一声玉磬下星坛步虚阑露华寒平晓阿香油壁碾青鸾应是老鳞眠不得云炮落海潮翻身闲犹耿寸心丹炷炉烟暗祈年随处蛙声鼓吹稻花田秋水一池莲叶晚吟喜雨拍阑干

前调 陈允平

东风吹恨上眉弯燕初还杏花残帘里春风帘外雨声寒拾翠芳期辜负却空脉脉倚阑干流苏香重玉连环绕屏山宝箏闲泪薄蛟绡零露湿红兰瘦却舞腰浑可事银蹀躞半阑珊

前调 周密

玉肌多病怯残春瘦棱棱睡腾腾清楚衣裳不受一尘侵香冷翠屏春意静明月淡晓风清楼中燕子梦中云似多情似无情酒醒歌阑谁为唤真真尽日琐窗人不到莺意懒蝶情深

前调 周密

罗窗晓色透花明把瑶笙理瑶箏几信东风能有几分春二十四阑凭玉暖杨柳日海棠阴依依愁翠沁双颦爱莺声怕鹃声人自多情春去自无情把酒问花花不语花外梦梦中云

前调 张炎

奇峰相对接珠庭乍微晴又微阴舍北江东如盖自亭亭翻笑天台连雁荡隔一片不逢君此中幽趣许谁邻境双清人独清采药难寻童子语山深绝似醉翁游乐意林壑静听泉声

前调【题横空楼】 张炎

下临无地手扪天上云烟俯山川栖止危巢不隔道林禅坐处清高风雨隔全万境一壶悬我来直欲挟飞仙海为田是何年如此江山啸咏白鸥前老树无根云懵懂凭寄语米家船

前调 石孝友

青青杨柳水边桥水迢迢柳摇摇缓引离觞频驻木兰桡我是行人君是客俱有恨总无聊冰渐波浪煖琼瑶舞晴飏拂春潮一片别魂销尽遣谁招不似严阳山上雪魂易尽雪难销

前调 石孝友

相逢执手野踟蹰立斯须话区区借问来时曾见那人无忍泪啼痕香不减虽少别忍轻辜霜风摇落岁将徂景雕疎恨萦纆过尽行云我在与谁居一掬归心飞不去层浪叠片蟾孤

前调【题杜子美浣花醉图】 林正大

拾遗流落锦官城故人情眼为青时向百花潭水濯冠纓韦曲杜陵行乐地尘土暗叹漂零  
园翁溪友总比邻酒盈尊肯相亲落日蹇驴扶醉两眉顰磊落平生忠义胆诗与酒醉还醒

前调 曹良史

夜香烧了夜寒生掩银屏理银箏一曲春风都是断肠声杜宇欲啼杨柳外愁似海思如云  
背灯暗卸乳鹅裙酒初醒梦初醒兰炷香篝谁为暖罗衾二十四帘人悄悄花影碎月痕深

前调【咏柳】 谭宣子

嫩黄初染绿初描倚春娇索春饶燕外莺边想见万丝摇便作无情终软美天赋与眼眉腰  
短长亭外短长桥驻金镳系兰桡可爱风流年纪可怜宵办得重来攀折後烟雨暗不辞遥

前调【宋媛】 朱淑真

斜风细雨作春寒对尊前忆前欢曾把梨花寂寞泪阑干芳草断烟南浦路和别泪看青山  
昨宵结得梦因缘水云间悄无言争奈醒来愁恨又依然展转衾裯空懊恼天易见见伊难

前调 蔡松年

半年无梦到春温可怜人几黄昏想见玉徽风度更清新翠射娉婷云八尺谁为写五湖真  
好风归路软红尘暖冰魂缕金裙唤起一天星月入金尊留取木樨花上露挥醉墨洒行云

前调【王温季自北都归】 蔡珪

鹊声迎客到庭除问谁欵故人车千里归来尘色半征裾珍重主人留客意奴白饭马青刍  
东城入眼杏千株雪模糊俯平湖与子花间随分倒金壶归报东垣诗社友曾念我醉狂无

前调【牡丹】 段克己

百花飞尽彩云空牡丹丛始潜红培养经年造化夺天功脉脉向人娇不语晨露重洗芳容  
却疑身在列仙宫翠帷重瑞光融烁烁红灯间错绿蟠龙醉里天香吹欲尽应有恨夜来风

前调【东园牡丹】 段成己

水南名品几时栽映池台待谁开应为诗人着意巧安排调护正须宫样锦遮丽日障轻埃  
晓风吹绽瑞云堆怨春回要诗催醉墨淋漓随手洒琼瑰归去不妨簪一朵人也道看花来

前调【赋芍药扬州红】 元好问

司花着意压春魁綠云堆拥香来冉冉红鸾十步一徘徊花到扬州佳丽种金作屋玉为阶  
门前腰鼓揭春雷倚粧台尽人催莺语丁寧空绕百千回不道惜花人欲去看直待几时开

前调【内乡县廨茶蘼】 元好问

纖条裊雪雪茏葱翠陰重暖香融想是东皇满意与薰醲百畹种兰千亩蕙都办作一帘风  
花间人似玉芙蓉月明中下瑶宫只恐行云归去卷花空剩着琼杯斟晓露留少住莫匆匆

前调 元好问

旗亭谁唱渭城诗酒盈卮两相思万古垂杨都是折残枝旧见青山青似染缘底事淡无姿  
情缘不到木肠儿鬢成丝更须辞只恨芙蓉秋露冷臙脂为问世间离别泪何日是滴休时

前调【水仙】 赵孟頫

柔肌绰约态天然淡无言带蹁跹遮莫人间凡卉避清妍承露玉杯餐沆瀣真合唤水中仙  
幽香冉冉暮江边佩空捐恨谁传遥夜清霜翠袖怯春寒罗襪凌波归去晚风嫋嫋月娟娟

前调【梅花】 张 埜

雪梅幽径月迷津水南村竹间门惟有天寒翠袖伴朝昏仙圃移根来万里空怨煞楚江云  
玉堂深处护仙真怕京尘染芳魂一种清香占断百花春只恐东君偏爱惜桃与李却生嗔

前调 倪瓚

窓前翠影湿芭蕉雨潇潇思无聊梦入故园山水碧迢迢依旧当年行乐地香径杏綠苔饶  
沉香火底坐吹箫忆妖娆想风标同步芙蓉花畔赤阑桥渔唱一声惊梦觉无觅处不堪招

前调 倪瓚

满城风雨近重阳湿秋光暗横塘萧瑟汀蒲岸柳送凄凉亲旧登高前日梦松菊径也应荒  
堪将何物比愁长綠泱泱遶秋江流到天涯盘屈九回肠烟外青苹飞白鸟归路阻思微茫

前调 刘 基

春晴杨柳郁金丝有黄鹂在高枝正是佳人无语倚阑时不理云鬢寻断梦消瘦损雪肌肤  
海棠飘玉燕交飞草芳菲水沦漪怕见轻蜂小尾扑香归满镜容顏凭酒染还惨淡对斜晖

前调 刘基

西风吹树簟凉初露如珠月如梳鸿雁无情不带半行书漫倚阑干成小立人老矣倩谁扶  
中庭梧叶待霜疎有栖乌夜相呼门外一池寒水落芙蕖为问闲愁还几许多似草不胜锄

前调【舟妇】 高启

芙蓉裙衩最宜秋柳边头自撑舟一道眼波斜共晚波流暮地逢人回首笑不识恨却知羞  
夕阳犹在水西楼漫归休欸相留教唱湾湾月子照湖州不怕鸳鸯惊起了怕江上有人愁

前调【渔父】 施绍莘

白苹水蘸蓼花风暮烟中一渔翁一领青蓑衬一树丹枫收网棹歌归去晚风恰顺好扬篷  
不将鱼送费迎逢饌亲供尽从容稚子山妻醉面各微红明日生涯浑未定看风色任西东

前调【村居】 沈泓

长堤细柳隐虹桥弄萧萧伴渔樵醉倚枫林仰面挂诗瓢释卷正逢秋水涨临古渡放轻舠  
夕阳西下暗牕绡雁声高笛声遥碧簟凉生细雨燕归巢隔岸篝灯人就泊沽浊酒短扉敲

前调 沈麇

浮萍漾曲小桥边似荷钱似花钿秋艇宜人一路棹添烟三径高情来访菊无事尔此身前  
新生野水碧涓涓跃鱼渊钓丝牵疎柳依依坡岸弄轻妍日落残霞分夜影钟断处墉铃传

前调 沈麇

青山千叠绕城西夕云低暮霞齐几抹寒烟乌鹊向林栖沽得市醪渔艇集鲜鲫美细烹肥  
持杯招月玉浮谿望中迷意中题吊赏前贤东野性孤奇游徧江南山水地罨画好梦魂携

御选历代诗余卷四十六

## 卷四十七

<集部,词曲类,词选之属,御选历代诗余

钦定四库全书

御选历代诗余卷四十七目錄【起七十一字至七十四字】

千秋岁

苏轼

黄庭坚

秦观

晁补之

李之仪

孔平仲

周紫芝【三首】

谢逸

叶梦得

辛弃疾

黄公度

赵彦端

石孝友

赵闻礼



顾孔昭

卓牌子近【又一体】

袁去华

粉蝶儿

蒋捷

惜奴娇

晁补之

西施

柳永

千秋岁【又一体】

欧阳修

李之仪【四首】

吕渭老

叶梦得

张元干

粉蝶儿【又一体】

毛滂

辛弃疾

曹冠

离亭燕

张昇

晁补之

胡偕行

于飞乐

晏几道

史达祖

月上海棠【又一体】

党怀英

段克己【二首】

风入松

吴洪

陆楫

高濂

忆帝京

黄庭坚

撼庭竹

王诜

两同心【又一体】

杜安世

小镇西犯

柳永

惜奴娇【又一体】

史达祖

隔浦莲

周邦彦

曾觌

杨无咎

陆游【二首】

高观国

史达祖【二首】

方千里

吴文英

陈允平

赵闻礼

刘基

荔支香近

周邦彦

杨泽民

方千里

陈允平

风入松【又一体】

康与之

吴子孝

张璠

沈宜修

郭郎儿

柳永

师师令

张先

隔帘听

柳永

河满子【又一体】

尹鹖

于飞乐【又一体】

张先

传言玉女

晁冲之

曾觌

杨无咎

黄机

赵善扛

石孝友

汪元量

刘基

风入松【又一体】

晏几道【二首】

周紫芝

赵师侠

曹冠

陆游

谢懋

高观国【二首】

史达祖

韩淲

李肩吾

赵闻礼

前调【又一体】

王廷相

御选历代诗余卷四十七目錄

钦定四库全书

御选历代诗余卷四十七【起七十一字至七十四字】

司经局洗马掌局事兼翰林院修撰加二级【臣】王奕清奉旨校刊

千秋岁

【双调七十一字加引字者长调也与此别】

千秋岁 苏轼

浅霜侵绿髮少仍新沐冠直缝巾横幅美人怜我老玉手簪黄菊秋露重珍珠落袖沾余馥  
坐上人如玉花映花奴肉蜂蝶乱飞相逐明年人纵健此会应难复须细看晚来月上和银烛

前调【追和少游】 黄庭坚

苑边花外记得同朝退飞骑轧鸣珂碎齐歌云绕扇赵舞风回带严鼓断杯盘狼藉犹相对  
洒落谁能会醉卧藤阴盖人已去词空在兔园高宴罢虎观英游改重感慨波涛万顷珠沉海

前调【?州作】 秦观

柳边沙外城郭春寒退花影乱莺声碎飘零疎酒盏离别宽衣带人不见碧云暮合空相对  
忆昔西池会鹄鹭同飞盖携手处今谁在日边清梦断镜里朱颜改春去也落红万点愁如海

前调 晁补之

叶舟容易行尽江南地南雁断无书至怜伊羁旅处见我飘蓬际如梦寐当年阆苑曾相对  
休说深心事但付狂歌醉那更话孤帆起水精溪绕户云母山相砌君莫去只堪伴我溪山里

前调 李之仪

深秋庭外残暑全消退天幕迴云容碎地偏人罕到风惨寒微带初睡起翩翩戏蝶飞成对  
叹息谁能会犹记逢倾盖情暂遣心常在沉沉音信断冉冉光阴改红日晚仙山路隔空云海

前调 孔平仲

春风湖外红杏花初退孤馆静愁肠碎泪余痕在枕别久香消带新睡起小园戏蝶飞成对  
惆怅人谁会随处聊倾盖情暂遣心何在锦书消息断玉漏花阴改迟日暮仙山杳杳空云海

前调【叶审言生日】 周紫芝

当年文焰蜀锦词华烂年正少声初远手攀天上桂书奏蓬莱殿人尽道洛阳盛事今重见  
千尺青苍干直节凌霄汉天未识应嗟晚饮残长壽醖归奉春皇燕金叶满擘麟且受麻姑劝

前调【留春】周紫芝

送春归去说与愁无数春去後归何处人应空懊恼春亦无言语寒日暮腾腾醉梦随风絮  
尽日闲庭雨红湿秋千柱人恨切莺声苦拟倾浇闷酒留取残红树春去也不成不为愁人住

前调周紫芝

小春时候晴日吴山秀霜尚浅梅先透波翻醺醖醖雾满芙蓉绣持壽酒仙娥特地回双袖  
试问春多少恩入芝兰厚松不老山长久星占南极远家是椒房旧君一笑金盞看取人归後

前调谢逸

棟花飘砌簌簌清香细梅雨过苹风起情随湘水远梦遶吴峯翠琴书倦鷓鴣唤起南牕睡  
密意无人寄幽恨凭谁洗修竹畔疎帘里歌余尘拂扇舞罢风掀袂人散後一鉤淡月天如水

前调【小雨不寐怀松江旧游】叶梦得

雨声萧瑟初到梧桐响人不寐秋声爽低檐灯暗淡画幕风来往谁共赏依稀记得船篷上  
拍岸浮轻浪水阔菰蒲长向别浦收横网綠蓑冲暝色艇子摇双桨君莫忘此情犹是当时唱

前调辛弃疾

塞垣秋草又报平安好尊俎上英雄表金汤生气象珠玉霏谭笑春近也春花得似人难老  
莫惜金尊倒凤诏看看到留不住江东小从容帷幄里整顿乾坤了千百岁从今尽是中书考

前调黄公度

郁葱佳气天降麒麟瑞回首处江城外一麾遗爱在万口欢声沸人乍远危楼目断天无际  
五马徘徊地春色随归旆壽水綠壶山翠风轻香篆直日暖歌喉脆椒觴举人人尽说千秋岁

前调赵彦端

杏花风下独立春寒夜微雨度疎星挂晖晖浓艳出嫋嫋繁枝亚朱檻倚轻罗醉里添还卸  
寂寞情犹乍怅望骖鸾驾衣褪玉香欺麝一花 一醉杯重凭谁把春去也重帘翠幕人如画

前调石孝友

春工领略点破羣花萼对流景伤沦落蹋青心绪懒病酒情怀恶无奈处东风故故吹帘幕  
腕玉寬金约一去音容邈鱼与雁应难托从前多少事不忍思量着心撩乱斜阳影在阑干角

前调 赵闻礼

莺啼晴昼南国春如绣飞絮眼凭阑袖日长花片落睡起眉山鬬无个事沉烟一缕腾金兽  
千里空回首两地厌厌瘦春去也归来否五更楼外月双燕门前柳人不见秋千院落清明後

前调【避客西庄】 顾孔昭

浮瓜雪藕正值凉生後江浩荡山明秀蝉鸣高树燕蹴晴波皱书画舫鼓琴垂钓娱清昼  
门巷渊明柳老稚欢相候酒酿熟鱼烹就醉怜风入户唵爱云生岫新月吐嫦娥又为先生壽

卓牌子近

【又一体双调七十一字】

卓牌子近 袁去华

曲沼朱阑缭墙翠竹晴昼金万缕摇摇风柳还是燕子归时花信来後看淡净洗妆态梅樣瘦  
春初透 尽日明牕相守闲共我焚香伴伊刺绣睡眼瞢腾今朝早是病酒那堪更困人时候

粉蝶儿

【双调七十一字】

粉蝶儿 蒋捷

啼鴂声中春光酿成春梦问东风仗谁持送燕怜晴莺爱暖一牕芳蕤奈匆匆催他柳絲狂纵  
轻罗小扇桐花又飞么凤记寒吟沁梅霜冻古今人易老莫闲双鞦尚堪游茶蘼粉云香洞

惜奴娇

【双调七十一字】

惜奴娇 晁补之

歌阙琼筵暗失金貂侣说衷肠丁寧嘱付櫂举帆开黯行色秋将暮欲去待却回高城已暮  
渔火烟村但触目伤离绪此情向阿谁分诉那里思量争知我思量苦最苦眠不稳西风夜雨



西施

【双调七十一字】

西施 柳 永

柳街灯市好花多  
尽让美孺娥  
万娇千媚的的在层波  
取次妆梳自有天然态  
爱浅画双蛾  
断肠最是金闺客  
空怜爱奈伊何  
洞房咫尺无计枉朝珂  
有意怜才每遇行云处  
幸时恁相过

千秋岁

【又一体双调七十二字】

千秋岁 欧阳修

数声鶗鴂又报芳菲歇  
惜春更把残红折  
雨轻风色暴梅子青时节  
永丰柳无人尽日花飞雪  
莫把么弦拨  
怨极弦能说  
天不老情难绝  
心似双丝网中有千千结  
夜过也东窗未白残灯灭

前调 李之仪

深帘静昼绰约闺房秀  
鲜衣楚制非文绣  
凝脂肤理腻削玉腰围瘦  
闲舞袖回身昵语凭肩久  
眉压横波皱  
歌断青青柳  
钗遽擘壶频叩  
鬓栖清镜雪泪涨芳尊  
酒难再偶沉沉梦峡云归後

前调 李之仪

柔肠寸折袂留清血  
蓝桥动是经年别  
掩门春絮乱敲枕秋蛩咽  
檀篆灭鸳衾半拥空牀月  
妆镜分来缺  
尘浣菱花洁  
嘶骑远鸣机歇  
密封书锦字巧绾香囊结  
芳信绝东风半落梅梢雪

前调 李之仪

万红暄昼占尽人间秀  
怎生图画如何绣  
宜推萧史伴消得东阳瘦  
垂窄袖花前镇忆相携久  
泪裊回文皱  
好在章台柳  
洞户隔凭谁叩  
寄声虽有鴈会面难同酒  
无计偶萧萧暮雨黄昏後

前调 李之仪

休嗟磨折看取罗巾血  
殷勤且话经年别  
庭花翻怅望檐雨同呜咽  
明半灭灯情夜夜多如月  
无复伤离缺  
共保冰霜洁  
不断梦从今歇  
收回书上絮解尽眉头结  
犹未绝金徽泛处应能雪

前调 吕渭老

宝香盈袖约腕金条瘦裙儿细褶如眉皱笑多簪髻侧语小丝簧奏洞房晚千金未直横波溜  
缘短欢难又人去春如旧枝上月谁携手宿云迷远梦泪枕中残酒怎奈向繁陰乱叶梅如豆

前调【千叶黄梅】 叶梦得

晓烟溪畔曾记东风面化工更与重裁翦额黄明艳粉不共妖红软凝露脸多情正是当时见  
谁向沧波岸特地移闲馆情一缕愁千点烦君搜妙语为我催清燕须细看纷纷乱蕊空凡艳

前调 张元干

相门出相和气浓春酿传家冠佩云台上顰眉扶壽杖綠髮披仙擎星两两泰阶已应昇平象  
玉砌兰芽长定向东风赏添彩袖褰罗幌丝簧俱妙手珠翠争宫樣江海量年年醉里翻新唱

粉蝶儿

【又一体双调七十二字】

粉蝶儿 毛滂

雪徧梅花素光都共奇絕到牕前认君时节下重帏香篆冷兰膏明灭梦悠扬空绕断云残月  
沈郎带寬同心放开重结褪罗衣楚腰一捻正春风新着摸花花叶叶粉蝶儿这回共花同活

前调【赋落梅】 辛弃疾

昨日春如十三女儿学绣一枝枝不教花瘦甚无情便下得雨僝风僽向园林铺作地衣红绉  
而今春似轻薄荡子难久记前时送春归後把春波都酿作一江醇酒约清愁杨柳岸边相候

前调 曹冠

绕舍清陰还是暮春天气徧苍苔乱红堆砌问留春不住春怎知人意最关情云杪杜鹃声碎  
休怨春归四时有花堪醉渐红莲艳妆依水次芙蓉岩桂与菊英梅蕊称开尊日日殢香偎翠

离亭燕

【双调七十二字】

离亭燕 张昇

一带江山如画风物向秋潇洒水浸碧天何处断霁色冷光相射蓼屿荻花洲掩映竹篱茅舍

云际客帆高挂烟外酒旗低亚多少六朝兴废事尽入渔樵闲话怅望倚层楼寒日无言西下

前调【忆吴兴】晁补之

忆向吴兴假守双溪四垂高柳仪凤桥边兰舟过映水雕甍华牖烛下小红妆争看使君归後  
携手松亭难又题诗水轩依旧多少綠荷相倚恨背立西风回首怅望采莲人烟水万重吴岫

前调【白下怀叶实师】胡偕行

归雁行行啼暝唤破一宵秋梦梦醒封题忙寄与又不会将书送怅望碧山头遥嘱几声珍重  
踏徧长安何用满目烟云寒冻檐外铮铮风弄咽急战雨声还恐多少客金陵今夜离愁谁共

于飞乐

【双调七十二字】

于飞乐 晏几道

晓日当帘睡痕犹占香腮轻盈笑倚鸾台晕残红匀宿翠满镜花开娇蝉鬓畔插一枝淡蕊疎  
梅每到春深多愁饶恨妆成懒下香阶意中人从别後萦系情怀良辰好景相思字唤不归来

前调 史达祖

绮翼鹎鹎问谁常借春陂生愁近渚风微紫山深金殿暖日暮同归白头相守情虽定事却难  
期带恨飞来烟埋秦草年年枉梦红衣旧沙闲香颈冷合是单栖将终怨魄何年化连理芳枝

月上海棠

【又一体双调七十二字】

月上海棠 党怀英

傲霜枝袅团珠蕾冷香霏烟雨晚秋意萧散绕东篱尚髣髴见山清气西风外梦到斜川栗里  
断霞鱼尾明秋水带三两飞鸿点烟际疎树飒秋声似知人倦游无味家何处落日西山紫翠

前调 段克己

小楼舞彻双垂手便倩雁将书寄元九举首望南山独峨眉数峰明秀人未老且任高歌对酒  
莫将此乐轻孤负唤明月清风做三友纖手折黄花步东篱为伊三勦英雄泪醉搵应须翠袖

## 前调 段克己

时平无用经纶手且闲把文章和欧九天气湛清秋便无限山明水秀留客饮但愿尊中有酒  
鸱夷到处须亲负寻山鸟山花好朋友尘世自薰莸把瑶英与君同飏西风外归去长拖布袖

## 风入松

【双调七十二字古乐府有风入松琴调僧皎然有风入松歌行此则别为词调也】

## 风入松 吴洪

秋江处处是丹枫掩映芙蓉年年梦绕鲈乡路今朝才见秋容钓雪滩头拨櫂垂虹亭角拖筇  
生绡一幅翦吴淞烟景空蒙绿蓑青笠横江去数声长笛临风好语眠沙鸥鹭可容添个渔翁

## 前调【题画】 陆楫

白云红叶楚天秋兰桂香浮青山万叠无人到那堪落日凝眸一曲瑶琴声彻千竿翠竹初收  
夕阳衰柳野溪头数点轻鸥清夜独眠金露冷最怜新月如钩多少井梧飘谢不禁凉籁悠悠

## 前调 高濂

浓烟稠白望中深雪色云阴梅花剩有西泠约携尊不负追寻荡日冰渐万顷摇风玉瘦千林  
寒空倚阁费孤吟坐有知音一鸟不飞天影黑微茫山树俱沉歌出阳春白雪情怜远水遥岑

## 忆帝京

【双调七十二字】

## 忆帝京 黄庭坚

鸣鸠乳燕春闲暇化作绿阴槐夏寿筵舞红裳睡鸭飘香麝醉此洛阳人佐郡深儒雅况座上  
玉麟金马更莫问莺老花谢万里相依千金为寿未厌玉烛传清夜不醉欲言归笑煞高阳社

## 撼庭竹

【双调七十二字与撼庭秋无涉】

## 撼庭竹 王诜

绰略青梅弄春色真艳态堪惜经年费尽东君力有情先到探春客无语泣寒香时暗度瑶席  
月下风前空怅望思携手同摘画阑倚偏无消息佳辰乐事再难得还是夕阳天空暮云凝碧

两同心

【又一体双调七十二字】

两同心 杜安世

巍巍劒外寒霜覆林枝望衰柳尚色依依暮天静雁阵高飞入碧云际江山秋色遣客心悲蜀  
道巉巖行迟瞻京都迢递听巴峡数声猿啼惟独个未有归计漫空怅望每每无言独对斜晖

小镇西犯

【双调七十二字】

小镇西犯 柳永

水乡初禁火青春未老芳菲满柳汀烟岛波际红帏缥缈尽杯盘小歌祓禊声声谐楚调路  
绕野桥新市里花穠妓好引游人竞来懽笑酩酊谁家年少信玉山倾倒家何处落日眠芳草

惜奴娇

【又一体双调七十二字】

惜奴娇【梅】 史达祖

香剥酥痕自昨夜春愁醒高情寄冰桥雪岭试约黄昏便不误黄昏信人静倩娇娥留连秀影  
吟鬓簪香已断了多情病年年待将春管领镂月描云不枉了闲心性漫听谁敢把红颜比并

隔浦莲

【浦或作渚或加近字或加近拍二字按之无别双调七十三字周美成令溧水时作此调後  
属和者平仄稍异然无异体也】

隔浦莲 周邦彦

新篁摇动翠葆曲径通深窈夏果收新脆金丸惊落飞鸟浓霭迷岸草蛙声闹骤雨鸣池沼水  
亭小

浮萍破处帘花檐影颠倒纶巾羽扇困卧北牕清晓屏里吴山梦自到惊觉依然身在江表

前调【咏白莲】 曾 覲

凉秋湖上过雨作意回商素暗緑翻轻盖萧然姑射俦侣妆脸宜淡泞红衣妒步韞凌波去异香度

天教占断风汀月浦烟渚纖尘不到梦绕玉壶清处多少芳心待怨诉无语飞来一片鸥鹭

前调 杨无咎

墙头低?翠幄格磔鸣乌鹊好梦惊回处余醒推枕犹觉新晴人意乐云容薄丽日明池阁卷帘幙披衣散策闲庭吟绕红药残英几许尚可一供春酌天气今宵怕又恶凭托东风且慢吹落

前调 陆 游

飞花如趁燕子直度帘栊里帐掩香云暖金笼鹦鹉惊起凝恨慵梳洗妆台畔蘸粉纖纖指宝钗坠

才醒又困恹恹中酒滋味墙头柳暗过尽一年春事罨画高楼怕独倚千里孤舟何处烟水

前调 陆 游

骑鲸云路倒景醉面风吹醒笑把浮丘袂寥然非复尘境震泽秋万顷烟霏散水面飞金镜露光冷

湘妃睡起鬟倾钗坠慵整临江舞处零落塞鸿清影河汉横斜夜漏永人静吹箫同过缙岭

前调【七夕】 高观国

银湾初霁暮雨鹊赴秋期去浅月窥清夜凉生一天风露纖巧云暗度河桥路缥缈乘鸾女正容与

西厢旧约玉娇谁见私语柔情不尽好似水销云缕回首天涯又怨阻无语西风魂断机杼

前调 史达祖

红尘飞不到处此地知无暑乱竹分幽径虚堂中自回互陰壑生暗雾飞泉注气入闲尊俎快风度

齐宫楚榭如今空锁烟树何人伴我梦赋雪车冰柱惟有蝉声助冷语惊寤飞云来献凉雨

前调【荷花】 史达祖

洛神一醉未醒俯鉴窥红影万绿森相卫西风静不放冷侵晓鸥梦稳非尘境耀月香千顷锦机靚

亭亭不语多应嗔赋玉井西湖游子惯识雨愁烟恨只恐吴娃暗折赠耿耿柔丝容易萦损

前调【次周美成韵】 方千里

垂杨烟湿嫩葆别屿环清窈绀影浮新涨夷犹终日鱼鸟花妥庭下草鸣蝉闇暗绿藏台沼野轩小

敲眠断梦闲书风叶颠倒诗怀酒思悔费十年昏晓投老红尘倦再到愁觉悠然心寄天表

前调【泊长桥过重午】 吴文英

榴花依旧照眼愁褪红丝腕梦绕烟江路汀菰绿薰风晚年少惊送远吴蠹老恨绪萦抽茧旅情懒

扁舟系处青帘浊酒须换一番重午旋买香蒲浮醖新月湖光荡素练人散红衣香在两岸

前调【次周美成韵】 陈允平

铅霜初褪凤葆碧旒侵云窈万绿伤春远林幽乐多禽鸟斜阳堤畔草游鱼闇暗水流萍沼翠钿小

凉亭醉倚接?巾任敲倒月明庭树夜半鹊飞惊晓隔岸苹乡梦渐到吹觉一襟风露尘表

前调 赵闻礼

愁红飞眩醉眼日淡芭蕉卷帐掩屏香润杨花扑春云暖啼鸟惊梦远芳心乱照影收匳晚画眉懒

微醒带困离情中酒相半裙腰粉瘦怕按六么歌板帘卷层楼探旧燕肠断花枝和闷重捻

前调 刘基

珠帘不卷昼雨弱柳丝千缕事与孤鸿去空相忆同谁语云水迷翠羽人何许玉佩沉湘浦悄凝竚

春风到处白苹香满洲渚泪篁自老目尽野田平楚未用天涯怅间阻回顾斜阳犹在高树

荔支香近

【双调七十三字】

荔支香近 周邦彦

夜来寒侵酒席露微泫。舄履初会香泽方熏。无端暗雨催人。但怪灯偏帘卷。回顾始觉惊鸿去远。

大都世间最苦。惟聚散到得春残。看即是开离宴。细思别後。柳眼花须。更谁翦。此怀何处消遣。

前调 杨泽民

脸霞香消粉薄。泪偷泫。鬢金兽沉水微熏。入帘绿树春陰。糝径红英风卷。芳草怨碧。王孙渐远。

锦屏梦回恍觉。云雨散。玉瑟慵调更嬾醉。琼花宴。宝钗翠滑。一缕青丝为君翦。别情谁更排遣。

前调 方千里

小园花梢雨歇。泪羞泫。碧瓦光霁罗幙香浮。莺啼燕语交加。是处帘栊高卷。风外认得笙歌近远。

醉魂半萦夜酒。吹未散。暗忆年时正日。赴西池宴。笑携艳质。郢曲新声妙如翦。有愁容易排遣。

前调 陈允平

未论离亭话别。涕先泫。旋淅瑶觴深挹芳醪。凝愁满眼。歌残俚人大白。须卷三劝。记得当时送远。

素蟾屡明晦。彩云易散。後约难知又却似。阳关宴。乌丝写恨。靶子分香。为郎翦。愿郎安信频遣。

风入松

【又一体双调七十三字】

风入松 康与之

一宵风雨送春归。绿暗红稀。画楼镇日无人到。与谁同捻花枝。门外蔷薇开也。枝头梅子酸时。玉人应是数归期。翠敛愁眉。塞鸿不到双鱼远。叹楼前流水难西。新恨欲题红叶。东风满院花飞。

前调【次顺庵韵】 吴子孝

日斜池上客忘归。莺语都稀。殷勤把酒休辞醉。残红犹恋花枝。新水雨过添绿。阴春去浓时。美人邂逅本无期。山浅如眉。年光恰似东流水。苦留连欲挽难西。在藻共知鱼乐。归林闲数鸦飞。

前调【题画】 张璠



万山深锁白云中烟雾迷空苍苍古树连青岱枫林时见残红茅屋数椽潇洒江流几派清渺  
石桥斜渡小溪东一径遥通科头不整冠和履对松萝倚杖吟风何处负囊人至疑童疑友疑翁

前调 【明媛】 沈宜修

柳丝笼碧碧云低淑景迟迟问春几许枝头也野花处处芳菲梦绕池塘春草愁听枝上黄鹂  
小庭疎雨又蔷薇瘦损红衣欲凭远信青鸾杳望天边江树依依往事不堪重忆云山极目魂迷

郭郎儿

【或加近拍二字双调七十三字】

郭郎儿 柳 永

帝里闲居小曲深坊庭院沉沉朱户闭新霁畏景天气薰风帘幙无人永昼厌厌如度岁愁瘁  
枕簟微凉睡久辗转慵起砚席尘生新诗小阁等闲都尽废这些儿寂寞情怀何事新来常恁地

师师令

【师师角妓名也张先赠词即名师师令双调七十三字】

师师令 张 先

香钿宝珥拂菱花如水学妆皆道称时宜粉色有天然春意蜀锦衣长胜未起纵乱霞垂地 都  
城池苑夸桃李问东风何似不须回扇障清歌唇一点小於朱蕊正值残英和月坠寄此情千里

隔帘听

【双调七十三字】

隔帘听 柳 永

咫尺凤衾鸳帐欲去无因到鰕须翠地重门悄认绣履频移洞房杳杳强语笑逞如簧再三轻  
巧梳妆早  
琵琶闲抱爱品相思调声声似把芳心告隔帘赢得断肠多少恁烦恼除非共伊知道

河满子

【又一体双调七十三字】

河满子 尹 鹗

云雨常陪胜会笙歌惯逐闲游锦里风光应占玉鞭金勒骅骝戴月潜穿深曲和香醉脱轻裘  
方喜正同鸳帐又言将往皇州每忆良宵公子伴梦魂常挂红楼欲表伤离情味丁香结在心头

于飞乐

【又一体双调七十三字】

于飞乐 张 先

宝匳开菱监净一掬清蟾新妆脸旋学花添蜀红衫双绣蝶裙缕鹣鹣寻思前事小屏风仍画江南  
怎空教草解宜男柔桑暗又过春蚕正陰晴天气更暝色相兼幽期消息曲房西碎月筛帘

传言玉女

【双调七十四字】

传言玉女【上元】 晁冲之

一夜东风吹散柳梢残雪御楼烟煖对鳌山彩结箫鼓向晚风辇初回宫阙千门灯火九衢风月  
绣阁人人乍嬉游困又歇艳妆初试把珠帘半揭娇波溜人手捻玉梅低说相逢长是上元时节

前调 曾 覿

凤阙龙楼清夜月华初照万点星球护花梢寒峭华胥梦里老去欢情终少花愁醉闷總消除了  
紫陌嬉游不似少年怀抱珠帘十里听笙箫声杳幽期密约暗想浅颦轻笑良时莫负玉山频倒

前调 杨无咎

料峭寒生知是那番花信算来都为惜花人做恨看犹未足早觉枝头吹尽曲阑幽榭乱红成

阵 酺酒花前试停杯与为问褪香销粉问东风怎忍韶华过半赢得几场春困厌厌空似为花愁损

前调【次岳總干韵】 黄 机

日薄风柔池面欲平还皱纹楸玉子磔磔敲春昼衾绣半卷花气浓熏香兽小团初试辘轳银  
螯 梦断阳台甚情怀似病酒凤匳羞对比年时更瘦双燕乍归寄与綠牋红豆那堪又是牡丹  
时候

前调【上元】 赵善扛

璧月珠星辉映小桃穠李化工容易与人间富贵东风巷陌春在煖红温翠人来人去笑歌声  
里 油壁青驄第一番共燕喜举头天上有月如人意歌传乐府犹是昇平风味明朝须判醉眠  
花底

前调 石孝友

雪压梅梢金袅柳丝轻展锦官春早乍风和日煖华茵翠辂九陌绮罗香满连空灯火满城箫  
管  
月射西楼更交光照夜宴万人拥路指鳌山共看花旗翠?到处朱帘高卷归时常是漏残银箭

前调【钱塘元夕】 汪元量

一片风流今夕与谁同乐月台花馆慨尘埃漠漠豪华荡尽只有青山如洛钱唐依旧潮生潮  
落 万点灯光羞照舞钿歌箔玉梅消瘦恨东皇命薄昭君泪流手捻琵琶弦索离愁聊寄画楼  
哀角

前调【蝶】 刘 基

为问韩凭何事化为蝴蝶妒风羞雨一身轻似叶园林昼永丽日晴烟相接舞回柳眼拍翻花  
頬 殢粉迷香困酣犹自未悵鉏云深处更愁浓露浥何况素秋枝上晓霜披鬣祗应无奈翠消  
红歇

风入松

【又一体双调七十四字】

风入松 晏几道

柳陰庭院杏梢墙依旧巫阳凤箫已远青楼在水沉难复暖前香临镜舞鸾离照倚箏飞雁辞行坠鞭人意自凄凉泪眼回肠断云残雨当年事到如今几处难忘两袖晓风花陌一帘夜月兰堂

前调 晏几道

心心念念忆相逢别恨谁浓就中懊恼难 处是擘钗分钿匆匆却似桃源路失落花空记前踪彩牋书尽浣溪红深意难通强欢殢酒图消遣到醒来愁闷还重若是初心未改多应此意须同

前调 周紫芝

禁烟過後落花天无奈轻寒东风不管春归去共残红飞上秋千看尽天涯芳草春愁堆在阑干楚江横断夕阳边无限青烟旧时云去今何处山无数柳涨平川与问风前回雁甚时吹过江南

前调【舟泛潇湘】 赵师侠

溪山佳处是湘中今古言同平林远岫浑如画更渔村返照斜红两岸荻风策策一江秋水溶溶苍崖石壁景尤雄人自西东利名汨没黄尘里又那知清胜无穷何日轻舸蓑笠持竿独钓西风

前调 曹冠

瑶烟敛散媚晴空云淡奇峰澄江金斗平波面扁舟载蓑笠渔翁髣髴辋川图上依稀苕霅溪中春鉏掠水浪花重飞傍芦丛绮霞斜映征鸿影供吟毫佳景无穷顿起骑鲸游兴冷然独御清风

前调 陆游

十年裘马锦江滨酒隐红尘万金选胜莺花海倚踈狂驱使青春吹笛鱼龙尽出题诗风月俱新自怜华髮满纱巾犹是官身凤栖常记当年语问浮名何似身亲欲寄吴牋说与这回真个闲人

前调 谢懋

老来常忆少年狂宿粉栖香自怜独得东君意有三年窥宋东墙笑舞落花红影醉眠芳草斜阳事随春梦去悠扬休教思量近来眼底无姚魏有谁更管领年芳换得河阳衰鬓一帘烟雨梅黄

前调 高观国

卷帘日日恨春陰寒食新晴马蹄只向南山去长桥爱花柳多情红外风娇日暖翠边水秀山明杜郎歌酒过平生到处蓬瀛醉魂不入重城晚穠欢寄桃叶桃根绣被嫩寒清晓莺声唤醒春醒

前调【闻邻女吹笛】 高观国

粉娇曾隔翠帘看横玉声寒夜深不管柔荑冷樱朱度香喷云鬟霜月摇摇吹落梅花簌簌惊残萧郎且放凤箫闲何处骖鸾静听三弄霓裳罢魂飞断愁里关山三十六宫天近念奴却在人间

前调【茉莉花】 史达祖

素馨跗萼太寒生多翦春冰夜深綠雾侵凉月照晶晶花叶分明人卧碧纱净香吹雪练衣轻频伽衔得堕南薰不受纖尘若随荔子华清去定空埋身外芳名借重玉炉沈炷起予石鼎汤声

前调 韩 滉

小楼春映远山横綠徧高城望中一片斜阳静更萋萋芳草还生霏雨冷烟寒食落花飞絮清明数声弦管忍重听犹带微醒问春何事春将老春不语春恨难平莫把风流时节都归闲淡心情

前调【冬至】 李肩吾

霜风连夜做冬晴晓日千门香葭暖透黄钟管正玉台彩笔书云竹外南枝意早数花开对清尊香闺女伴笑轻盈倦绣停鍼花甌一线添红影看从今迢迢新春寒食相逢何处百单五个黄昏

前调 赵闻礼

麴尘风雨乱春晴花重寒轻珠帘卷上还重下怕东风吹散歌声棋倦杯倾昼永粉香花艳清明十分无处着闲情来觅娉婷蔷薇误冒寻春袖倩柔荑为补香痕苦恨啼鹃惊梦何时翦烛重盟

前调【又一体】 王廷相

秋风瑟瑟送年华摇落總堪嗟登高不尽茱萸盞分明孤负黄花休恨山长水阔不妨梦里还

家 江湖日日老蒹葭雁满平沙浮云遮断来时路路迷离难问仙槎空采蘅香满袖凭谁寄向天涯

御选历代诗余卷四十七

# 卷四十八

<集部,词曲类,词选之属,御选历代诗余

钦定四库全书

御选历代诗余卷四十八目錄【起七十四字至七十六字】

河满子【又一体】

毛熙震【二首】

晏几道【二首】

张先

苏轼

杜安世【二首】

孙洙

张草

沈士铎

前调【又一体】

毛滂

临江仙【又一体】

柳永【二首】

剔银灯

杜安世

金钱子

刘基

碧牡丹

晏几道

解蹀躞

周邦彦

杨无咎

方千里

吴文英

陈允平

诉衷情近

柳永【二首】

前调【又一体】

沈宗堦

前调【又一体】

晁补之

碧牡丹【又一体】

张先

晁补之【二首】

风入松【又一体】



吴文英

戈止

长生乐

晏殊

下水船

黄庭坚

贺铸

前调【又一体】

晁补之

蕊珠闲【又一体】

赵彦端

越溪春

吴子孝

番枪子

韩玉

李献能

剔银灯【又一体】

毛滂

御街行

晏几道【二首】

张先

柳永

晁补之【二首】

王安中

辛弃疾

婆罗门引

曹组

蔡伸

辛弃疾【三首】

吴文英

李宴

元好问

李俊民

张翥

荔支香【又一体】

柳永

周邦彦

方千里

杨泽民

吴文英【二首】

陈允平

于飞乐【又一体】

毛滂【三首】

离亭宴【又一体】

张先

越溪春【又一体】

欧阳修

下水船【又一体】

晁补之

风入松【又一体】

侯寘【二首】

于国宝

吴文英【三首】

蒋捷

周密

张炎【十二首】

御选历代诗余卷四十八目錄

钦定四库全书

御选历代诗余卷四十八【起七十四字至七十六字】

司经局洗马掌局事兼翰林院修撰加二级【臣】王奕清奉旨校刊

## 河满子

【又一体双调七十四字】

### 河满子 毛熙震

寂寞芳菲暗度岁华如箭堪惊  
缅想旧欢多少事转添春思难平  
曲槛丝垂金柳小牕弦断银箏  
深院空闻燕语满园闲落花轻  
一片相思休不得忍教长日愁生  
谁见夕阳孤梦觉来无限伤情

### 前调 毛熙震

无语残粧淡薄含羞鞦韆轻盈  
几度香闺眠过晓绮牕疎日微明  
云母帐中偷惜水晶枕上初惊  
笑靥嫩疑花坼愁眉翠敛山横  
相望只教添怅恨整鬟时见纖琼  
独倚朱扉闲立谁知别有深情

### 前调 晏几道

对镜偷匀玉筯背人学写银钩  
红豆系谁罗带角心情正着春游  
那日杨花陌上多时杏子墙头  
眼底关山无奈梦中云雨空休  
问看几许怜才意两蛾藏尽离愁  
难此回肠断终须锁定红楼

### 前调 晏几道

緑綺琴中心事齐纨扇上时光  
五陵年少浑薄幸轻如曲水飘香  
夜夜魂销梦峡年年泪尽啼湘  
归雁行边远字惊鸾舞处离肠蕙  
楼多少铅华在从来错倚红妆可  
羨邻姬十五金钗早嫁王昌

### 前调【泛湖夜归】 张先

溪女送花随处沙鸥避乐分行游舸  
已如图障里小屏犹画潇湘人面  
新生酒艳日痕更欲春长衣上交  
枝鬪色钗头比翼相双片段落霞  
明水底风纹时动妆光宾从夜归  
无月千灯万火湖塘

### 前调【湖州作】 苏轼

见说岷峨凄怆旋闻江汉澄清  
但觉秋来归梦好西南自有长城  
东府三人最少西山八国初平  
莫负花溪纵赏何妨药市微行  
试问当垆人在否空教是处闻名  
唱着子渊新曲应须分外含情

前调 杜安世

细雨裊开红杏新妆粉面鲜明东君何事教来早更无綠叶同荣独倚青楼吟赏目前无限轻盈  
薄命不依阑檻高情或占郊垌清香繁艳真堪重枉教寂寞雕零相次牡丹芍药王孙谁道多情

前调 杜安世

柳嫩不禁摇动梅残尽任飘零雨余天气来深院向阳纖草重青寂寞小桃初绽两三枝上红英  
又见云中归雁啁啾断续和鸣年年依旧无情绪镇常冷落银屏不语闲寻往事微风频动帘旌

前调 孙洙

怅望浮生急景凄凉宝瑟余音楚客多情偏怨别碧山远水登临目送连天衰草夜阑几处踈砧  
黄叶无风自落秋云不雨长陰天若有情天亦老摇摇幽恨难禁惆怅旧欢如梦觉来无处追寻

前调【中秋】 张 草

月破秋寒洒背霜沾露影侵牀铁笛几声今夜起记来曲子霓裳孤杵响听画角吹笳人梦潇  
湘铅水漱如青泪江枫倩似红粧啼雁半行芦荻老晶晶波下横塘往事思量一夜朝来直却回肠

前调 沈士铎

断雨残云意绪时时飞绕天涯纖指思将幽恨写背人搗碎琵琶忆昔楼中燕子十年坐掷风  
华暗水通流曲径秋千影弄平沙半榻桐花香换夕梦魂知落谁家炙得一牕新碧日光重上溪纱

前调【又一体】 毛 滂

急雨初收珠点云峰巉絶天半辘轳金井卷甘冽帘外翠陰遮徧波翻水精重帘秋在琉璃双  
簾漏永流光缓缓未放崦嵫晚晚红荷綠芰暮天好小宴水亭风馆云乱香喷宝鸭月冷钗横玉燕

临江仙

【又一体双调七十四字】

## 临江仙 柳 永

渡口向晚乘瘦马陟崇冈西郊又送秋光对暮山横翠衬残叶飘黄凭高念远素景楚天无处不凄凉

香闺别来无信息云愁雨恨难忘指凤城归路但烟水茫茫凝情望断泪眼尽日独立斜阳

## 前调 柳 永

上国去客停飞盖促离筵长安古道緜緜见岸花啼露对堤柳愁烟物情人意向此触目无处不凄然

醉拥征骖犹竚立盈盈泪眼相看况绣帟人静更山馆春寒今宵怎向漏永顿成两处孤眠

## 剔银灯

【双调七十四字宋毛滂自制此调赋侑歌者以词中频剔灯语名之但毛词多一字此则後人所损也】

## 剔银灯 杜安世

昨夜一场风雨催促牡丹归去孙武宫中石崇楼下多情怎生为主真疑洛浦云水算杳无重数独倚阑干凝伫香片乱沾尘土争似当初不曾相见免恁恼人肠肚緑丛无语空留得宝刀翦处

## 金钱子

【双调七十四字】

## 金钱子【午日】 刘 基

云淡风微江雨欲来还去倚阑干鬓霜千缕白水青芜是征鸿归处望尽天涯夕阳犹在深深树艾叶榴花又上阿谁门户悄空梁燕雏自语王谢亭台杳不知何许独立苍茫乱鸦啼满城钟鼓

## 碧牡丹

【双调七十四字】

## 碧牡丹 晏几道

翠袖踈纨扇凉叶催归雁一夜西风几处伤高怀远细菊枝头开嫩香还徧月痕依旧庭院事何限怅望秋意晚离人鬓华将换静忆天涯路比此情还短试约鸾牋传素期良愿南云应有新雁

解蹀躞

【本商调曲名後以名词双调七十五字】

解蹀躞 周邦彦

候馆丹枫吹尽回旋随风舞夜寒霜月飞来伴孤旅还是独拥秋衾梦余酒困都醒满怀离苦甚情绪深念凌波微步幽房暗相遇泪珠都作秋宵枕前雨此恨音驿难通待凭征雁归时带将愁去

前调 杨无咎

迢迢韶华将半桃杏匀於染又还撩拨春心倍凄黯准拟酩酊狂吟可怜无复当年酒肠文胆倦游览顚顚羞窥鸾监眉端为谁敛可堪风雨无情暗亭槛触目千点飞红问春争得春愁也随春减

前调【次周美成韵】 方千里

院宇无人晴昼静看帘波舞自怜春晚漂流尚羈旅那况泪湿征衣恨添客鬓终日子规声苦动离绪漫整徘徊愁步何时再相遇旧欢如昨匆匆楚台雨别後南北天涯梦魂犹记关山屡随书去

前调【别情】 吴文英

醉云又兼醒雨楚梦时来往倦蜂刚着梨花惹游荡还做一段相思冷波叶舞愁见送人双桨暗凝想情共天涯秋黯朱桥锁深巷会稀投得轻分顿惆怅此去幽曲谁来可怜残照西风半粧楼上

前调【次周美成韵】 陈允平

岸柳飘残黄叶尚学纖腰舞谢他终日亭前伴羈旅无奈历历寒蝉为谁唤老西风伴人吟苦闷无绪记得芙蓉江上萧娘旧相遇如今憔悴黄花惯风雨把酒东望家山醉来一枕闲窗梦随秋去

诉衷情近

【双调七十五字】

诉衷情近 柳 永

雨晴气爽伫立江楼望处澄明远水生光重叠暮山耸翠遥想断桥幽径隐隐渔村向晚孤烟起残阳里脉脉朱阑静倚黯然情绪未饮先如醉愁无际暮云过了秋风老尽故人千里竟日空凝睇

前调 柳 永

幽闺昼永渐入清和气候榆钱飘满闲阶莲叶嫩生翠沼遥望水边幽径山掩孤村是处园林好闲情悄绮陌游人渐少少年风韵自觉随春老前游杳凤城信阻天涯目断暮云芳草伫立空残照

前调【又一体江行有感】 沈宗堦

霞淡霜浓说是严冬正早迷离一望丹枫渐落江皋深草伴我秋容寂寂野服踈踈漫道风光好孤颿悄数尽长安春老而今细想争似春年少金尊倒劒光萧冷雄心濩落断篙撑尽风带孤云绕

前调【又一体】 晁补之

小园过午便觉凉生翠柏戎葵间出墙红萱草静依径绿还是去年浮瓜沉李追凉故遶池边竹小筵促忽忆杨梅正熟下山南畔画舸笙歌逐愁凝目使君彩笔佳人锦字断弦怎续尽日阑干曲

碧牡丹

【又一体双调七十五字】

碧牡丹 张 先

步障摇红绮晓月堕沉烟砌缓板香檀唱彻伊家新制怨入眉头敛黛峰横翠芭蕉寒雨声碎镜华翳闲照孤鸾戏思量去时容易钿合瑶钗至今冷落轻弃望极蓝桥但暮云千里几重山几重水

前调【王晋卿宅观舞】 晁补之

院宇帘垂地银筝雁低春水送出灯前婀娜腰肢柳细步蹙香裊红浪随鸳履梁州紧凤翘坠



竦轻体绣带因风起霓裳恐非人世调促香檀困入流波生媚上客休辞眼乱尊中翠玉阶霜透罗袂

前调 晁补之

睡起情无着晓雨尽春寒弱酒盏飘零几日顿踈行乐试数花枝问此情何若为谁开为谁落正愁却不是花情薄花元笑人萧索旧观千红至今冷梦难托燕麦春风更几人惊觉对花羞为花恶

风入松

【又一体双调七十五字】

风入松【云麓园堂燕客】 吴文英

一番踈雨洗芙蓉玉冷丁东辘轳听带秋声转早凉生傍井踈桐欢宴良宵好月佳人修竹清风临池飞阁乍青红移酒小垂虹贞元供奉梨园曲称十香深蘸璫锤醉梦孤云晓色笙歌一派秋空

前调【漫兴】 戈止

生涯应作浣花翁事事踈慵结庐恰喜尘嚣外栽花地雨碧霜红家在乱云深处人来流水声中年年相识旧东风排我小帘栊榆钱落尽萍钱绿奚囊在不畏诗穷夜泛试移短櫂晓眠常过高舂

长生乐

【双调七十五字】

长生乐 晏殊

玉露金风月正圆台榭早凉天画堂嘉会组绣列芳筵洞府星辰龟鹤来添福壽欢声喜色同入金炉泛浓烟清歌妙舞急管繁弦榴花满酌觥船人尽祝富贵又

长年莫教红日西晚留着醉神仙

下水船

【双调七十五字】

## 下水船 黄庭坚

總领神仙侶齐到青云岐路丹禁风微咫尺帝闻天语尽荣遇看即如龙变化一掷灵梭风雨  
真游处上苑寻春去芳草芊芊迎步几曲笙歌樱桃宴里欢聚瑶觴举回祝尧龄万万端的君  
恩难负

## 前调 贺铸

芳草青门路还拂京尘东去回想当年离声送君南浦愁几许尊酒留连薄暮帘卷津楼烟雨  
凭阑语草草蘅皋赋分首惊鸿不驻灯火虹桥难寻弄波微步漫凝伫莫怨无情流水明日扁  
舟何处

## 前调【又一体琼花】 晁补之

百紫千红翠惟有琼花特异便是当年唐昌观中玉蕊尚记得月里仙人来赏明日喧传都市  
甚时又分与扬州本一朶冰姿难比曾向无双亭边半酣独倚似梦觉晓出瑶台十里犹忆飞  
琼标致

## 蕊珠闲

### 【又一体双调七十五字】

## 蕊珠闲 赵彦端

浦云融梅风断碧水无情轻度有娇莺上林悄向春欲舞綠烟迷昼浅寒欺暮不胜小楼凝伫  
倦游处故人相见易阻花事从今堪数片帆无恙好在一篙新雨醉袍宫锦画罗金缕莫教恨  
传幽句

## 越溪春

### 【双调七十五字始於欧阳修词中语但欧词七十六字此亦後人所损也】

## 越溪春【探梅】 吴子孝

碧宇云寒风又峭闲探曲溪边乍逢姑射神仙点雪偏清片玉孤妍罗襪无尘冰肌不粟临水  
嫣然万花谁敢争先独占小春天暗闻香气霏霏遥度中宵澹月笼烟试问青青成子後调鼎  
是何年

## 番枪子

【双调七十五字一名春草碧本韩玉词中语得名或分二调以平仄稍异然实无别也】

番抢子 韩玉

莫把团扇双鸾隔要看玉溪头春风客妙处风骨潇闲翠罗金缕瘦宜窄转面两眉攢青山色  
到此月想精神花似秀质待与不清狂如何得奈何难驻朝云易成春梦恨又积送上七香车  
春草碧

前调 李献能

紫箫吹破黄州月簌簌小梅花飘香雪寂寞花底风鬟颜色如花命如叶千里浣兵尘凌波韞  
心事监影鸾孤筝弦雁绝旧时雪堂人今华髮断肠金缕新声杯深不觉琉璃滑醉梦遶南云  
花上蝶

剔银灯

【又一体双调七十五字调名始於此词】

剔银灯【赋侑歌者】 毛滂

帘下风光自足春忽到席间屏曲瑶瓮酥融羽觞蚁鬪花映鄮湖寒绿汨罗愁独又何似红围  
翠簇聚散悲欢箭速不易一杯相属频剔银灯别听牙板尚有龙膏堪续罗熏绣馥锦瑟畔低  
迷醉玉

御街行

【双调七十六字】

御街行 晏几道

年光正似花梢露弹指春还暮翠眉仙子望归来倚徧玉城珠树岂知别後好风凉月往事无  
寻处狂情错向红尘住忘了瑶台路碧桃花蕊已应开欲伴彩云飞去回思十载朱弦青鬓枉  
被浮名误

前调 晏几道

街南绿树春饶絮雪满游春路树头花艳杂娇云树底人家朱户北楼闲上踈帘高卷直见街  
南树阑干倚尽犹慵去几度黄昏雨晚春盘马踏青苔曾傍绿阴深驻落花犹在香屏空掩人  
面知何处

### 前调 张先

画船横倚烟溪半春入吴山徧主人凭客且迟留程入花溪远远数声芦叶两行霓袖几处成离宴 纷纷归骑亭皋晚风顺橹乌转古今惟别最销魂因别有情须怨高台独上不堪凝望目与飞云断

### 前调 柳永

燔柴烟断星河曙宝辇回天步端门羽卫簇雕栏六乐舜韶先举鹤书飞下鸡竿高耸恩泽均寰? 赤霜袍烂飘香雾喜色成春煦九仪三事仰天颜八彩旋生眉宇椿龄无尽萝图有庆常作乾坤主

### 前调 晁补之

年年不放春闲了今岁衔杯少来时柳上浅金黄归路玉骝吹帽惜春长似五陵狂俊不道朱颜老 斜烟薄雨青林杳犹有莺声到西园红艳绿盘龙辜负一年春好锦城乐事不关愁眼何似还家早

### 前调 晁补之

天街月照珠帘粉鞞曾相近繁华乐事老来慵对酒尚怜佳景王孙年少风流应更无奈春愁闷 幽期莫悞香闺恨罗带今朝褪月圆花好一般春触处总堪乘兴有人惆怅何如归好相见凭君问

### 前调【赐衣袄子】 王安中

清霜飞入蓬莱殿别进云裘软却回宸虑念多寒诏语日边亲遣水蚕繅厚金鹵锦好永夜缝宫线 红旗绛旆迎星传喜气欢声远庙堂黜旧使台贤领袖坐中争绚天香馥郁君恩岁岁一醉春生面

### 前调 辛弃疾

山城甲子冥冥雨门外青泥路杜鹃只是等闲啼莫被他催归去垂杨不语行人去後也会风前絮 情知梦里寻鸂鶒玉殿追班处怕君不饮太愁生不是苦留君住白头笑我年年送客自叹春江渡

### 婆罗门引

【双调七十六字婆罗门外国名唐杨敬述进婆罗门曲後改为霓裳羽衣唐乐志载婆罗门

国舞宋队舞亦有此名遂以名词调以曹组词为望月而作又有加望月二字者本调名止四字也】

婆罗门引【望月】 曹组

涨云暮卷漏声不到小帘栊银河淡埽澄空皓月当轩高挂秋入广寒宫正金波不动桂影朦朧佳人未逢叹此夕与谁同望远伤怀对影霜满秋红南楼何处想人在长笛一声中凝泪眼立尽西风

前调【再游仙漳薛氏园亭】 蔡伸

素秋向晚岁华分付木芙蓉萧萧红蓼西风记得当时撷翠拥手遶芳丛念吹箫人去明月楼空遥山万重望寸碧想眉峰翠钿琼璫谩好谁适为容凄凉怀抱算此际唯我与君同凝泪际目送征鸿

前调【别杜叔高】 辛弃疾

落花时节杜鹃声里送君归未消文字湘累只怕蛟龙云雨後会渺难期更何人念我老大伤悲已而已而算此意只君知记取岐亭买酒云洞题诗争如不见才相见便有别离时千里月两地相思

前调【用韵别郭逢道】 辛弃疾

緑陰啼鸟阳关未彻早催归歌珠凄断累累回首海山何处千里共襟期叹高山流水弦断堪悲中心怅而似风雨落花知更拟停云君去细和陶诗见君何日待琼林宴罢醉归时人争看宝马来思

前调【赵晋臣敷文张灯索赋】 辛弃疾

落星万点一天宝焰下层霄人间叠作仙鳌最爱金莲侧畔红粉裛花梢更鸣鼙击鼓喷玉吹箫曲江画桥记花月可怜宵相见闲愁未了宿酒才消东风摇荡似杨柳十五女儿腰人共柳那个无聊

前调 吴文英

香霏泛酒瘴花初洗玉壶冰西风乍入吴城吹彻玉笙何处曾说董双成奈司空经惯未畅高情瑶台几层但梦遶曲栏行空忆双蝉叠翠寂寂秋声堂空露冷倩谁唤行云来洞庭团扇月只隔烟屏

前调【保德西楼作】 李 宴

汗融畏日岂知高处有风清倚阑襟袖凉生坐看归云脱坏不碍乱峯青待目穷千里却怕伤情  
河汾古城听裂岸怒涛惊好是烽沉幽障鼓卧边亭西楼老子更无用胸中十万兵酒到处  
莫放杯停

前调【望月】 元好问

素蟾散彩九秋风露发清妍嫦娥尽有情缘留着盈盈三五永夜照凭肩看晚妆临镜若个婵娟  
寻常月圆恨都向旧时偏几度邮亭枕上茅店尊前珠明玉秀算一日相看一日仙人共月  
长似今年

前调【东湖赏菊】 李俊民

浮云霁色江涵秋影雁初飞相逢共绕东篱点检尊前见在人似晓星稀对满山红树叶叶堪  
题 大家露顶任短髮被风吹只恐黄花人貌不似年时杯添野水更何用频频望白衣沉醉後  
携手方归

前调【七月望西湖观水灯】 张 翥

暮天映碧玻瓈千顷蕊珠宫金波拥出芙蓉谁唤川妃微步一色夜妆红看光摇星汉起舞鱼  
龙 月华正中画船漾藕花风声度鸾箫缥缈雁柱玲珑酒阑兴极更移上琼楼十二重残醉醒  
烟水连空

荔支香

【又一体双调七十六字】

荔支香 柳 永

甚处寻芳赏翠归来晚缓步罗韞生尘来遶琼筵看金缕霞衣轻褪似觉春游倦遥认衆里盈  
盈好身段  
拟回首又伫立帘帳畔素脸红眉时揭盖头微见笑整金翘一点芳心在娇眼王孙空恁肠断

前调 周邦彦

照水残红零乱风唤去尽日侧侧轻寒帘底吹香雾黄昏客枕无憀细响当牕雨闲看两两相  
依燕新乳  
楼下水渐绿偏行舟浦暮往朝来心逐片帆轻举何日迎门小槛朱笼报鸚鵡共翦西牕蜜炬

前调【次周美成韵】 方千里

胜日登临幽趣乘兴去翠壁古木千章林影生寒雾空蒙冷湿人衣山路原无雨深涧斗泻飞泉溜甘乳  
渔唱晚看小櫂归前浦笑指官桥风飏酒旗斜举还脱宫袍一醉芳杯倒鸚鵡幸有雕龙蜡炬

前调【次周美成韵】 杨泽民

瞰水素多佳趣春未去绣桷?起凌空隐隐笼轻雾已飞画栋朝云又卷西山雨相与共煮新茶取花乳  
开宴处倚北榭临南浦迤迤扁舟双桨櫂歌齐举座上嘉宾妙句无非赋鸚鵡莫惜高烧蜡炬

前调【送人游南徐】 吴文英

锦带吴钩征思横淮水夜吟敲落霜红船傍枫桥系相思不管年华唤酒吴娃市因语驻车新堤步秋绮  
淮楚尾暮云送人千里细雨南楼香密锦温曾醉花谷依然秀靥偷春小桃李为语梦牕惟悴

前调【七夕】 吴文英

睡起时闻晚鹊噪庭树又说今日天津西畔重欢遇蛛丝暗锁红楼燕子穿帘处天上未比人间更情苦  
秋鬓改妒月姊长眉妩过雨西风数叶井梧愁舞梦入蓝桥几点疎星映朱户泪湿河边凝伫

前调【次周美成韵】 陈允平

杜宇声声频唤春渐去暗碧柳色依依湖上迷青雾残香净洗红兰昨夜朱铅雨金泥帐底双虬自沉乳  
天际渐迤迤片帆南浦一笑蔷薇别後酒杯慵举江上琵琶莫遣东风误鸚鵡泪拥通宵蜡炬

于飞乐

【又一体双调七十六字】

于飞乐【和曹子方】 毛滂

水边山云畔水新出烟林送秋来双桧寒陰桧堂寒香雾碧帘箔清深放衙隐几谁知共云水无心望西园飞盖夜月到清尊为诗翁露冷风清褪红裙去碧袖花草争春劝翁须饮莫辜负风月留人

## 前调 毛滂

记瞢腾浓睡里一片行云未多时梦破云惊听辘轳声断也井底银瓶不如罗带等闲时结得同心系画船杨柳岸晓月亭亭记阳关断韵残声被西风吹玉枕酒魄还清有些言语独自个说与谁应

## 前调 毛滂

并梅兄双蝶子烟缕衫轻凤凰钗缭绕香云淡淡梳妆得恁雪腻酥匀揉春捻就更是他花与精神黛尖低桃萼破微笑轻颦早做成役梦劳魂好风外佳月下莫忘行人扁舟去也没个事多様离情

## 离亭宴

【又一体双调七十六字】

离亭宴【公择别吴兴】 张先

捧黄封诏卷随处是离亭别宴红翠成轮歌未徧已恨野桥风便此去济南非久惟有凤池鸾殿三月花飞几片又减却芳菲过半千里恩深云海浅民爱比春流不断更上玉楼西归雁与征帆共远

## 越溪春

【又一体双调七十六字调名始於此词】

越溪春 欧阳修

三月十三寒食日春色徧天涯越溪阆苑繁华地傍禁垣珠翠烟霞红粉墙头秋千影里临水人家归来晚驻香车银箭透牕纱有时三点两点雨霁朱门柳细风斜沈麝不烧金鸭冷玲珑月照梨花

## 下水船

【又一体双调七十六字】

下水船【廖明略妓田氏】 晁补之

上客骊驹系惊唤银瓶睡起困倚妆台盈盈正解螺髻凤钗坠缭绕金盘玉指巫山一段云委



半窥镜向我横秋水斜颔花枝交镜里淡拂铅华匆匆自整罗绮敛眉翠虽有悵悵密意空作江边解佩

风入松

【又一体双调七十六字】

风入松【西湖】 侯寘

少年心醉杜韦娘曾格外踈狂锦笺预约西湖上共幽深竹院松牕愁夜黛眉颦翠惜归罗帕分香重来一觉梦黄粱空烟水微茫如今眼底无姚魏记旧游凝伫凄凉入扇柳风残酒点衣花雨斜阳

前调 侯寘

东楼烟重暗山光春意堕微茫小红嫩绿匀如翦黯无言云渡澄江没处与人消遣倚阑情寄斜阳共君今夜举清觞投老各殊方算来官事何时了恨花时潘鬓先霜唤取客帆聊住将予同下潇湘

前调【题酒肆】 于国宝

一春长费买花钱日日醉湖边玉骢惯识西湖路骄嘶过沽酒楼前红杏香中歌舞绿杨影里秋千暖风十里丽人天花压鬓云偏画船载得春归去余情付湖水湖烟明日重扶残醉来寻陌上花钿

前调【春晚感怀】 吴文英

听风听雨过清明愁草蹙花铭楼前绿暗分携路一丝柳一寸柔情料峭春寒中酒交加晓梦啼莺西园日日埽林亭依旧赏新晴黄蜂频扑秋千索有当时纤手香凝惆怅双鸳不到幽堦一夜苔生

前调 吴文英

兰舟高荡涨波凉愁被矮桥妨暮烟疎雨西园路悞秋娘浅约宫黄还泊邮亭唤酒旧曾送客斜阳蝉声空曳别枝长似曲不成商御罗屏底翻歌扇忆西湖临水开牕和醉重寻幽梦残衾已断熏香

前调【邻舟妙香】 吴文英

画船帘密不藏香飞作楚云狂傍怀半卷金炉烬怕煖消春日朝阳清馥晴熏残醉断烟无限  
思量凭阑心事隔垂杨楼燕锁幽妆梅花偏恼多情月慰溪桥流水昏黄哀曲霜鸿凄断梦魂  
寒蝶悠扬

#### 前调 蒋捷

东风方到旧桃枝仙梦已云迷画阑红子嚮蒲处依然是春昼帘垂恨杀河东狮子惊回海底  
鸥儿羣芳小步莫嫌迟此去却慵移断肠不在分襟後元来在襟未分时柳岸犹携素手兰房  
早掩朱扉

#### 前调【立春】周密

柳梢烟暖已珑娇眼试东风晴丝又逐青丝乱剩寒轻犹恋芳枕笋玉新裁蚤燕杏钿时引  
晴蜂当时兰柱系花骢人在小楼东娇莺戏索迎春句爱露牋新染香红未信闲情更懒探花  
醉琼钟

#### 前调【赋稼村】张炎

老来学圃乐年华茅屋短篱遮儿孙戏逐田翁去小桥横路转三义细雨一犁春意西风万宝  
生涯携筇犹说渡晴沙流水带寒鸦门前少得宽闲地遶平畴尽是桑麻却笑牧童遥指杏花  
深处人家

#### 前调【岫云】张炎

卷舒无意入虚玄丘壑伴云烟石根青气千年润覆孤松深护啼猿霭霭静随仙隐隐悠悠闲对  
僧眠傍花嬾向小溪边空谷覆流泉浮踪自感今如此已无心万里行天记得看人归去御风  
飞过斜川

#### 前调【酒边偶赋】张炎

小牕晴碧飏帘波昼影舞飞梭惜春休问花多少柳成阴春已无多金字初寻小扇铢衣早试  
轻罗园林未肯受清和人醉牡丹坡啸歌且尽平生事问东风毕竟如何燕子寻常巷陌酒边  
莫唱西河

#### 前调 张炎

一春不是不寻春终是不炊人好怀渐向终年减对歌钟浑没风情短帽怕黏飞絮轻衫厌扑  
游尘煖香十里软莺声小舫绿杨阴梦随蝴蝶飘零後尚依依花月关心惆怅一株梨雪明年  
甚处清明

前调【题澄江仙刻海山图】 张 炎

危楼古镜影犹寒倒影忽相看桃花不识东西晋想如今也梦邯郸缥缈神仙海上飘零图画人间宝光丹气共回环水弱小舟闲秋风难老三株树尚依依管清弹说与霓裳莫舞银桥不到深山

前调【听琴中弹樵歌】 张 炎

松风掩昼隐深流水自泠泠一从柯烂归来後爱弦声不爱枰声颇笑山中散木翻怜下劳薪透云远响正丁丁孤凤划然鸣疑行岭上千秋雪语高寒相应何人回首更无寻处一江风雨潮生

前调【为山村赋】 张 炎

晴岚暖翠护烟霞乔木晋人家幽居只恐归图画唤樵青多种桑麻门掩推敲古意泉分冷淡生涯无边风月乐年华留客可茶瓜任他车马虽嫌僻笑喧喧流水寒鸦小隐正宜深静休栽湖上梅花

前调【题蒋氏溪山堂】 张 炎

门前山可久长看留住白云难溪虚却与云相傍对白云何必深山爽气潜生树石晓光竟入阑干旧家三径竹千竿苍雪拂衣寒绿蓑青笠元真子钓风波不是真闲得似壶中日月依然只在人间

前调【闰元宵】 张 炎

向人圆月转分明箫鼓又逢迎风吹不老蛾儿闹绕玉梅犹恋香心报道依然放夜何妨款曲行春锦灯重见丽繁星水影动梨云今朝準拟花前醉奈今宵别是光阴帘底听人笑语莫教迟了梅青

前调【与王彦常游会仙亭】 张 炎

爱闲能有几人来松下独徘徊清虚冷淡神仙事笑名场多少尘埃漱齿石边危坐洗心亭里舒怀划然长啸白云堆更待月明陪一瓢春水山中饮喜无人踏破苍苔开了桃花半树此游不是天台

前调【酌惠山泉】 张 炎

一瓢饮水曲肱眠此乐不知年今朝忽上龙峰顶却元来有此甘泉洗却平生尘土慵游万里

山川 照人如镜止如渊古窦暗涓涓当时桑苎今何在想松风吹断茶烟着我白云堆里安知不是神仙

前调【溪山堂竹】 张 炎

新篁依约佩初摇老石润山腰逸人未必犹酣酒正溪头风雨萧萧砺齿犹随市隐虚心肯受春招从教三径入渔樵对此觉尘消娟枝冷叶无多子伴明牕书卷诗瓢清过炎天梅蕊淡欺雪里芭蕉

御选历代诗余卷四十八

## 卷四十九

<集部,词曲类,词选之属,御选历代诗余

钦定四库全书

御选历代诗余卷四十九目錄【起七十六字至七十八字】

风入松【又一体】

利登

虞集

张翥【二首】

吴子孝

文徵明【五首】

陆深

沈麇

祝英台近【又一体】

苏轼

吕渭老

赵长卿

辛弃疾

程垓

赵彦端

岳珂

刘过【二首】

张辑【二首】

黄机

高观国【二首】

史达祖【三首】

韩淲【二首】

张榘

吴文英【四首】

蒋捷

周密【二首】

张炎【六首】

汤恢【二首】

李彭老

无名氏【三首】

吴淑姬

邵亨贞

侧犯

周邦彦

袁去华

姜夔

方千里

杨泽民

陈允平

四园竹

周邦彦

方千里

杨泽民

御街行【又一体】

张先

刘基

扑蝴蝶近【又一体】

吕渭老

无名氏

快活年近拍

万俟雅言

一丛花

欧阳修

苏轼

秦观

晁补之【二首】

赵长卿【二首】

程垓

袁去华

陆游

韩淲

吴子孝

凤楼春

欧阳炯

阳关引

寇準

晁补之

金人捧露盘

辛弃疾【二首】

甘州令

柳永

红窗灯影

王锡爵

御街行【又一体】

范仲淹



杨无咎

辛弃疾

程垓

李清照

御选历代诗余卷四十九目錄

钦定四库全书

御选历代诗余卷四十九【起七十六字至七十八字】

司经局洗马掌局事兼翰林院修撰加二级【臣】王奕清奉旨校刊

风入松

【又一体双调七十六字】

风入松 利 登

断芜幽树际烟平山外更山青天南海北知何极年年是匹马孤征看尽好花结子暗惊新笋  
成林 岁华情事苦相寻弱雪鬓毛侵十千斗酒悠悠醉斜河界白月云心孤鹤尽边天濶清猿  
啼处山深

前调 虞 集

画堂红袖倚清酣华髮不胜簪几回晚直金銮殿东风软花里停骖书诏许传宫烛轻罗初试  
朝衫 御沟冰泮水按蓝飞燕语呢喃重重帘幙寒犹在凭谁寄银字泥缄报道先生归也杏花  
春雨江南

前调 张 翥

东风巷陌暮寒骄灯火闹河桥胜游偏忆钱塘夜青鸾远信断难招蕙草情随雪尽梨花梦与  
云销 客怀先自痛无聊绿酒负金蕉下帟独拥香篝睡春城外玉漏声遥可惜满街明月更无  
人为吹箫

前调【清明日海子上即事】 张 翥

寻春春在凤城东罗帊玉花骢美人半鞦垂鞭袖游尘远目断云空浅碧湖波雪涨淡黄官柳  
烟蒙相如多病赋难工宿酒更频中归来自按新声谱凭谁解唱与东风一夜小牕疎雨杏花  
明日应红

前调【春日直省次虞伯生韵】 吴子孝

漏声惊梦不成酣和月整朝簪万年枝上流莺啖青霄近笙度鸾骖仙掌香承晓露宫花红映  
春衫龙池柳色碧於蓝金屋燕呢喃绮牕无事东风静芭蕉绿有恨谁緘翻忆少年今日银鞍  
芳草城南

前调【赏莲】 文徵明

虚堂残暑已无多急雨战秋荷雨晴瞥见芙蓉秀新妆靓锦鞦凌波出水天然婀娜含风更自  
婆娑花前有客鼓云和倚笛更长歌酒醒忽动江湖兴陶然处如在烟萝一片潇湘晚景相看  
玉女银河

前调【秋葵】 文徵明

秋来幽艳试宫妆蚤染薄罗裳翠翘斜映鹅儿淡比鹅儿却自芬芳旧恨檀心晕紫新娇粉额  
涂黄湘袍新翦菊英长露浥冷天香晚凉自是无聊赖低垂首默默倾阳刚被西风敛却含情  
自倚东墙

前调【夏夜露坐】 文徵明

空庭人散语音稀独坐漏迟迟风撩团扇无聊赖桐阴乱露下沾衣斗转银河东浮月斜乌鹊  
南飞无端心事集双眉睡思转迷离墙西突兀高楼静流萤度疑是星移何处一声长笛等闲  
唤起相思

前调【简汤子重】 文徵明

西斋睡起雨蒙蒙双燕语帘栊平生行乐都成梦难忘处碧凤坊中酒散风生棋局诗成月在  
梧桐近来多病不相逢高兴若为同清尊白苧交新夏应孤负绿树阴浓凭仗柴门莫掩兴来  
拟扣墙东

前调【寄友】 文徵明

日长无事掩精庐绕屋树扶疎南牕雨过湘帘卷烟霏帐冰簟平铺午困全消茗椀宿醒自倒  
冰壶虚堂风定一尘无香裊博山鑪何时去觅山公笑花间醉树底樗蒲见说香生丹桂莫教  
秋近庭梧

前调【送友次虞伯生韵】 陆 深

离筵高兴付余酣暂得解朝簪路出齐封三宿昼何须便快着征骖两岸山横画障一川水腻罗衫 终朝不采满筐蓝话别语喃喃一把相思无处着欲凭寄雁足双缄自是烟霄有待怕飞不到江南

前调【秋夜籁阁听雨感怀】 沈 麐

紫崖奔处断云行竹筱战风鸣北郊黄叶埋荒径苔痕滑鹤唳凄清细听虚飘天籁诗肠潇洒羣生 踈踈滴滴数残更做弄许多声倦依孤枕愁常掩灯花约湿梦分明此夜寒江泪落醉边心事伤情

祝英台近

【又一体双调七十七字】

祝英台近 苏 轼

挂轻帆飞急桨还过钓台路酒病无聊敲枕听鸣榔断肠簇簇云山重重烟树回首望孤城何处 间离阻谁念萦损襄王何曾梦云雨旧恨前欢心事两无据要知欲见无由痴心犹自倩人道一声传语

前调 吕渭老

宝蟾明朱阁静新燕近帘语还记元宵灯火小桥路逢迎春笋柔微凌波纖稳悄不顾斗斜三鼓 甚无据谁信一霎春愁莺声留不住柳色苔痕风雨暗花圃细看罗带银钩绡巾香泪算不枉那时分付

前调 赵长卿

记临岐销黯处离恨惨歌舞恰是江梅开徧小春暮断肠一曲金衣两行玉筯酒阑後欲行难去 恶情绪因念锦幄香奁别来负情素冷落深闺知解怨人否料应宝瑟慵弹露华嬾傅对鸾镜终朝凝竚

前调 辛弃疾

宝钗分桃叶渡烟柳暗南浦怕上层楼十日九风雨断肠点点飞红都无人管更谁劝流莺声住 鬓边覩试把花卜归期才簪又重数罗帐灯昏哽咽梦中语是他春带愁来春归何处却不解带将愁去

### 前调 程垓

坠红轻浓绿润深院又春晚睡起厌厌无语小妆嬾可堪三月风光五更魂梦又都被杜鹃催  
僂 怎消遣人道愁与春归春归愁未断闲倚银屏羞怕泪痕满断肠沉水重熏瑶琴闲理奈依  
旧夜寒人远

### 前调 赵彦端

兽金寒帘玉润梅雪印苔絮春意如人易散苦难聚几多丝竹深情池塘幽梦犹倚赖与春同  
住旧游处谁唤别浦仙帆风前问征路烟雨连江吹恨正无数莫教紫燕归来彩云开后空怅  
望主人轻去

### 前调【北固亭】 岳珂

淡烟横层雾敛胜槩分雄占月下鸣榔风急怒涛飏关河无限清愁不堪临监正双鬓秋风尘  
染 谩登览极目万里沙场事业频看剑古往今来南北限天堑倚楼休弄新声重城门掩历历  
数西州更点

### 前调【同妓游帅司东园】 刘过

窄轻衫联宝辔花里控金勒有底风光都在画阑侧日迟春暖融融杏红深处为花醉一鞭春  
色 对娇质为我歌捧瑶觞欢声动阡陌何似多情飞上鬓云碧晚来约住青骢踏花归去乱红  
碎一庭风月

### 前调 刘过

笑天涯还倦客欲起病无力风雨春归一日近一日看人结束春衫前呵骑马腰剑上陇西平  
策 鬓粉白只可归去家山无田种瓜得空抱遗书顚顚小楼侧杜鹃不管人愁月明枝上直啼  
到枕边相觅

### 前调 张辑

竹间基池上字风日共清美谁道春深湘绿涨沙嘴更添杨柳无情恨烟颦雨却不把扁舟偷  
系 去千里明日知几重山后期几重水对酒相思争似且留醉奈何琴剑匆匆而今心事在月  
夜杜鹃声里

### 前调【朱使君钱塘舟中】 张辑

客西湖听夜雨更向别离处小小船窗香雪照尊俎断肠一曲秋风行云不语总写入征鸿无

数认眉妩唤醒岩壑风流丹砂有奇趣羞杀秦郎淮海谩千古要看自作新词双鸾飞舞趁月底重修箫谱

前调 黄机

试单衣扶短策沙路净如洗乍雨还晴花柳自多丽争知话别南楼片帆天际便孤了同心连理镇萦系谩有罗带香囊殷红鬬轻翠一纸浓愁无处倩双鲤可堪飞梦悠悠春风无赖时吹过乱莺声里

前调【荷花】 高观国

拥红妆翻翠盖花影暗南浦波面激霞兰艇采香去有人水溅红裙相招晚醉正月上凉生风露两凝竚别後歌断云闲娇姿黯无语魂梦西风端的此心苦遥想芳脸轻颦凌波微步镇输与沙边鸥鹭

前调 高观国

一牕闲孤烬冷独自个春睡绣被熏香不似旧风味静听滴滴檐声惊愁搅梦更不管庾郎心碎念芳意一并十日春寒梅花煞憔悴嬾做新词春在可怜里几时挑菜踏青云沉雨断尽分付楚天之外

前调 史达祖

柳枝愁桃叶恨前事怕重记红药开时新梦又溱洧此情老去须休春风多事便老去越难回避阻幽会应念偷翦酴醾柔条暗萦系节物移人春草更憔悴可堪竹院题诗薜堦听雨寸心外安愁无地

前调【蔷薇】 史达祖

绾流苏垂锦绶烟外红尘逗莫倚莓墙花气酺如酒便愁醺醉青虬蠕蠕无力戏穿碎一屏新绣漫怀旧如今姚魏俱无风标较消瘦露点瑶香前度翦花手见郎和笑拖裙匆匆欲去蓦忽地畱芳袖

前调 史达祖

落花深芳草暗春到断肠处金勒骄风欲过大堤去翠楼葛岭西边恰如曾约画阑映一枝琼树正凝竚芳意欺月矜春浑欲便偷许多莺声不敢寄愁与谢郎日日西湖如今归後几时见倚帘吹絮

前调 韩 滂

海棠开春已半桃李又如许一朶梨花院落阑干雨不禁中酒情怀爱闲懊恼都忘却旧题诗处燕莺语溪岸点点飞絮杨柳无重数带得愁来只恁空休去断肠芳草天涯行云荏苒和好梦有谁分付

前调【寒食】 韩 滂

馆娃宫采香径范蠡五湖侧子夜吴歌声缓不须拍崇桃积李花间芳洲绿徧更冉冉柳丝无力试思忆老去一片身心辜负好春色古往今来时序恼行客去年今日山中如何知得却又在他乡寒食

前调【赋牡丹】 张 榘

柳絮稀桃锦淡春事在何许一种穠华天香渍冰露嫩苞叠湘罗红娇紫妒翠葆护西真仙侣试听取更饶十日看承霞腴污尘土池馆轻寒次第少风雨好趁油幕清闲重开芳醕莫辜负莺歌蝶舞

前调【上元】 吴文英

晚云开朝雪霁时节又灯市夜约遗香南陌少年事笙箫一片红云飞来海上绣帘卷绀桃春起旧游地素娥城阙年年新妆趁罗绮玉练冰轮无尘浣流水晓霞红处啼鸦良宵一梦画堂正日长人睡

前调【除夜立春】 吴文英

翦红情裁绿意花信上钗股残日东风不放岁华去有人添烛西窗不眠侵晓笑声转新年莺语旧尊俎玉纤曾擘黄柑柔香系幽素归梦湖边还迷镜中语可怜千点吴霜寒销不尽又相对落梅如雨

前调【饯陈少逸被檄行部】 吴文英

问流花寻梦草云暖翠微路锦雁峰前浅约昼行处不教嘶马飞春一匳越镜那销尽红吟绿赋送人去长丝初染柔黄晴和晓烟舞心事偷占莺漏汉宫语趁得罗盖天香归来时候共留取玉阑春住

前调【春日游龟溪废圃】 吴文英

采幽香寻古苑竹冷翠微路鬪草溪根沙印小莲步自怜两鬓清霜一年寒食又身在云山深

处尽闲度因甚天也怪春轻陰便成雨綠暗长亭归梦趁风絮有情花影阑干莺声门径解留我霎时凝竚

前调 蒋捷

柳边楼花下馆低卷绣帘半帘外天丝扰扰似情乱知他蛾綠纖眉鹅黄小袖在何处闲游闲玩最堪叹笋面一寸尘深玉柱网斜雁谱字红鸾翦烛记同看几回传语东风将愁吹去怎奈向东风不管

前调【揽秀园】周密

步玲珑寻窈窕瑶草四时碧小小蓬莱花气透帘隙几回翠水荷初苍厓梅小绮寮掩玉壶春色柳屏窄芳檻日日东风几阵吹吟笔曲折花房莺燕似曾识最怜灯影才收歌尘初静画楼外一声横笛

前调【後溪】周密

殢余醒寻旧雨愁与病相半綠意陰陰丝竹静深院絕怜事逐春移泪随花落似翦断蛟房珠串书重见为谁倦酒慵诗篋屏掩双扇白髮潘郎羞见看花伴可堪好梦残时新愁生处烟月冷子规声断

前调【与友话旧】张炎

水痕深花信足寂寞汉南树转首清陰芳事顿如许不知多少销魂夜来风雨犹梦到断红流处最无据长年息影空山愁入庾郎句玉老田荒心事已迟暮几回听得啼鹃不如归去终不似旧时鸚鵡

前调【耕云】张炎

占寬闲鉏浩渺船檣水村悄非雾非烟生气覆瑶草蒙茸数亩春陰梦魂落寞知踏碎梨花多少听孤啸山浅种玉人归缥缈度晴峭鹤下芝田五色散微照笑他隔浦谁家半江疎雨空吟断一犁清晓

前调【重过西湖书所见】张炎

水西船山北酒多为买春去事与云消飞过旧时雨漫留一掬相思待题红叶奈红叶更无题处正延竚乱花浑不知名娇小未成语短櫂轻装逢迎断桥路那知杨柳风流树犹如此更休道少年张绪

前调 张 炎

及春游卜夜饮人醉万花醒转眼年华白髮半垂领与鸥同一清波风苹月树又何似浮踪不定静中省便须门掩柴桑黄卷作孤隐一粟生涯乐事在瓢饮爱闲休说山深有梅花处更添个暗香疎影

前调【寄陈直卿】 张 炎

路重寻门半掩苔老旧时树采药云深童子更无语怪我流水迢迢湖天日暮想只在芦花多处漫延竚姓名题上芭蕉凉夜未风雨赋了秋声还赋断肠句几回独立长桥扁舟欲唤待招取白鸥归去

前调【题陆壺天水墨兰石】 张 炎

带飘飘衣楚楚空谷饮甘露一转花风萧艾遽如许细看息影云根淡然诗思曾否被生香轻误此中趣能消几笔幽奇羞掩衆芳谱薜老苔荒山鬼竟无语梦游忘了江南故人何处听一片潇湘夜雨

前调 汤 恢

宿醒苏春梦醒沉水冷金鸭落尽桃花无人埽红雪渐催煮酒园林单衣庭院春又到断肠时节恨离别长忆人立荼蘼珠帘卷幽月几度黄昏琼枝为谁折都将千里芳心十年幽梦分付与一声啼鴂

前调 汤 恢

月如冰天似水冷浸画阑湿桂树风前浓香半狼籍此翁对此良宵别无可恨恨只恨故人头白洞庭窄谁道临水楼台清光最先得万里乾坤元无片云隔不妨彩笔云牋翠尊冰醞自管领一庭秋色

前调【後溪次周草窗韵】 李彭老

杏花初梅花过时节又春半帘影飞梭轻陰小庭院旧时月底秋千吟香醉玉曾细听歌珠一串忍重见描金小字题情生绡合欢扇老了刘郎天远玉箫伴几番莺外斜阳阑干倚徧恨杨花遮愁不断

前调 无名氏

倚危阑斜日暮萼萼甚情绪穉柳娇黄全未禁风雨春江万里云涛扁舟飞渡那更听塞鸿无



数叹离阻有恨流落天涯谁念泣孤旅满目风尘冉冉如飞雾是何人惹愁来那人何处怎知道愁来不去

前调【忆别】无名氏

海棠开花影下忆得旧游戏恰似骖鸾同在彩云里梦回雨散云收匆匆归去一枕乍惊残春睡甚情味人去花也飘零余香半憔悴点点飞红都是去时泪可堪冷落黄昏潇潇微雨断魂处朱阑独倚

前调 无名氏

翦酴醾移芍药深院教鹦鹉消遣宿醒敲枕熏沉炷自从载酒西湖探梅南浦久不见雪儿歌舞恨无据因甚不展眉头凝愁过百五双燕无情难寄断肠句可怜泪湿青绡怨题红叶落花乱一帘风雨

前调【宋媛】吴淑姬

粉痕消芳信断好梦总无据病酒无聊欹枕听残雨断肠曲曲屏山温温沉水都是旧看承人处久离阻应念一点芳心闲愁知几许偷照菱花清瘦自羞觑可堪梅子酸时杨花飞絮乱莺又催将春去

前调 邵亨贞

普天云深夜雨幽兴到何许风拍疎帘灯影逗牕户自从暝宿河桥露听江笛久不记旧游湘楚正无绪可奈满目青山萧萧五陵树斜掩屏山肠断庾郎赋几回思绕苹花梦寻兰棹怕惊起故溪鸥鹭

侧犯

【双调七十七字犯字是按歌时假借别调作腔词原入歌谱故宣政词家有侧犯尾犯花犯玲珑四犯等名也】

侧犯 周邦彦

暮霞霁雨小莲出水红妆靓风定看步辇江妃照明镜飞萤度暗草秉烛游花径人静携艳质追凉就槐影金环皓腕雪藕清泉莹谁念省满身香犹是旧荀令见说吴姬酒垆深迥烟锁漠漠藻池苔井

前调 袁去华

篆销余馥烛堆残蜡房枕晓寒峭看杏脸羞红尚娇小游蜂静院落绿水摇池沼闲遶翠树底  
搯颐听啼鸟愁风怕雨弹指春光了音信杳最堪恨归雁过多少困倚孤眠昼长人悄睡起依  
然半牕残照

前调【咏芍药】 姜夔

恨春易去甚春却向扬州住微雨正茧栗梢头弄诗句红桥二十四总是行云处无语渐半脱  
宫衣笑相顾金壶细叶千朵围歌舞谁念我鬓成丝来此共尊俎後日西园緑陰无数寂寞刘  
郎自修花谱

前调【次周美成韵】 方千里

四山翠合一溪碧绕秋容靚波定见鹭立鱼跳动平镜修竹散步屨古木通幽径风静烟雾直  
池塘倒晴影流年旧事老矣尘心莹还暗省点吴霜顚顚愧潘令梦忆江南小园路迴愁听叶  
落辘轳金井

前调【次周美成韵】 杨泽民

九衢艳质看来怎比他闲靚清韵似照水横斜暮临镜林间锁画阁花底藏芳径幽静将绛烛  
高烧照双影琼瑶皓素未及肌肤莹伊试省我从今还肯再孤令记取兰房夜深人迴牕外月  
照一方天井

前调【次周美成韵】 陈允平

晚凉倦浴素妆薄试铅华靚凝定似一朵芙蓉泛清镜轻纨笑自捻扑蝶鸳鸯径闲静金凤鞦  
斜敲翠蝉影冰肌玉骨衬体红绡莹还暗省记青青双鬓旧潘令梦想鸾箏後堂深迴何日西  
风碧梧金井

四园竹

【四或作西本曲名也双调七十七字】

四园竹 周邦彦

浮云护月未放满朱扉鼠摇暗壁萤度破牕偷入书帏秋意浓闲竚立庭柯影里好风襟袖先  
知夜何其江南路绕重山心知漫与前期奈向灯前堕泪肠断萧娘旧日书辞犹在纸雁信絶  
清宵梦又稀

前调【次周美成韵】 方千里

花驄纵策制泪掩斜扉玉鑪细袅鸳被半闲萧瑟罗帏银漏声那更杂踈踈雨里此时怀抱谁知恨凄其西牕自翦寒花沉吟暗数归期最爱深情密意无限当年往复书辞千万纸甚近日人来字渐稀

前调【次周美成韵】 杨泽民

残霞殿雨皞气入牕扉井梧堕叶寒砌叫蛩秋满屏帏罗袖匆匆叙别凄凉客里异乡谁更相知念伊其当时芍药同心谁知又爽佳期直到金风到後秋叶红时细写情辞何用纸又却恐秋凉叶渐稀

御街行

【又一体双调七十七字】

御街行 张先

天非花艳轻非雾来夜半天明去来如春梦不多时去似朝云何处远鸡栖燕落星沉月統統城头鼓参差渐辨西池树珠阁斜开户緑苔深径少人行苔上屐痕无数余香遗粉剩衾闲枕天把多情付

前调 刘基

梧桐滴露鸣金井夜耿耿如年永月明栖鸟数移柯有似佳期不定华年迅速碧霄迢递别恨空心领青鸾怕见单栖影任掩盘龙镜盈盈一水隔双星肠断羽迷鳞暝消愁凭酒祗应无奈酒与愁同醒

扑蝴蝶近

【又一体双调七十七字】

扑蝴蝶近 吕渭老

分钗绾髻洞府难分手离觞短阕啼痕冰舞袖马嘶霜滑桥回路转人依古柳晓色渐分星斗怎分割心儿一似倾入离愁万千斗垂鞭竚立伤心还病酒十年梦里婵娟二月花中豆蔻春风为谁依旧

前调 无名氏

烟条雨叶緑徧江南岸思归倦客寻芳来较晚岫遥红日初斜陌上花飞正满凄凉数声羌管

怨春短玉人应在明月楼中画眉嬾  
蛮笺锦字多时鱼鴈断恨随去水东流  
事与行云共远罗衾旧香犹暖

快活年近拍

【双调七十七字】

快活年近拍 万俟雅言

千秋万岁君五帝三王世观风重令节  
与民乐盛际蕊宫长春洞天不老花艳蟾辉  
十里照春珠翠闹罗绮遥望太极一簇通明  
里钧台奏壽蓬山呈妙戏六宫人来五云楼迴  
风送歌声依约睿思新制

一丛花

【双调七十八字】

一丛花 欧阳修

伤春怀远几时穷无物似情浓离愁正恁  
牵丝乱更南陌飞絮蒙蒙归骑渐遥征尘不断  
何处认郎踪双鸳池沼水溶溶南北小桥通  
梯横画阁黄昏後又还是新月帘栊沈恨细思  
不如桃李还解嫁春风

前调 苏轼

今年春浅腊侵年冰雪破春妍东风有信  
无人见露微意柳际花边寒夜纵长孤衾易暖  
钟鼓渐清圆朝来初日半含山楼阁淡疎烟  
游人便作寻芳计小桃杏应已争先酒病少情  
疎慵自放惟爱日高眠

前调 秦观

年时今夜见师师双颊酒红滋疎帘半卷  
微灯外露华上烟裊凉颼簪髻乱抛偎人不起  
弹泪唱新词佳期谁料久参差愁绪暗萦丝  
想应妙舞清歌罢又还对秋色嗟咨惟有画楼  
当时明月两处照相思

前调【宗室令郯送酒】晁补之

王孙眉宇凤凰雏天与世情疎扬州座上  
琼花底佩锦囊曾忆奚奴金盞醉挥满身花影  
红袖竞来扶十年一梦访林居离袂重踟蹰  
应怜肺病临邛客寄洞庭春色双壶天气未佳  
梅花正

好曾醉燕堂无

前调【生日答十二叔】晁补之

碧山无意解银鱼花底且携壶华颠又喜熊羆旦笑骐驎老反为驹文史渐抛功名更嬾随处见真如高情敢并汉庭疏长揖去田庐囊无上赐金堪散也未妨山猎溪渔廉颇纵强莫随年少白马向黄榆

前调【暮春送别】赵长卿

阶前春草乱抽芽尘暗绿窗纱钗盟镜约知何限最断肠湓浦琵琶南渚送船西城折柳遗恨在天涯夜来魂梦到侬家一笑脸如霞莺啼燕恨西窗下问何事潘鬓先华钟动五更魂归千里残角怨梅花

前调【杏花】赵长卿

柳莺啼晓梦初惊香雾入帘清胭脂淡注宫妆雅似文君犹带春醒芳心婉婉媚容绰约桃李总消声相如春思正营营无奈惜花情曲阑小槛幽深处与殷勤遮护娉婷姚黄魏紫十分颜色终不似轻盈

前调程垓

伤心时候一凭阑何况别离难东风只解催人去也不道莺老花残青牋未约红绡忍泪无计锁征鞍宝钗瑶钿一时闲此恨苦天慳如今直恁抛人去也不念人瘦衣宽归来忍见重楼淡月依旧五更寒

前调袁去华

东风吹恨着眉心金约瘦难任西窗翦烛浑如梦最愁处南陌分襟香歇绣囊尘生罗襪憔悴到如今小花幽院夜沉沉凉月转槐阴拂墙树动开朱户又赢得愁与更深青翼不来征鸿难倩流怨入瑶琴

前调陆游

尊前凝竚漫凄迷犹恨负幽期从来不惯伤春泪为伊後滴满罗衣那堪更是吹箫池馆青子绿阴时回廊帘影尽参差偏共睡相宜朝云梦断知何处倩双燕说与相思从今判了十分憔悴图要个人知

前调韩淲

翻空雪浪送飞花春晓媚霜华风回点点迷人处峭寒轻诗思殊佳双燕未来断鸿何在微雨  
又天涯 绮窗明暗是谁家雕槛馥兰芽画檐帘卷黄昏後试倾杯笑语喧譁聚散人生吾侪老  
矣醉墨任横斜

前调【夏夜宿小蓬莱对月不寐】 吴子孝

玻瓈牕影薄於冰月色满空庭夜阑别馆无人到吹绣幙杨柳风清幽兴难穷徘徊竹径草上  
露华凝 闲挥玉麈练衫轻坐久觉凉生只疑潇洒非尘境洞门外雪坠盈盈捣药宫前游仙枕  
上寒逼梦难成

凤楼春

【双调七十八字】

凤楼春 欧阳炯

凤髻緑云丛深掩房枕锦书通梦中相见觉来慵匀面泪脸珠融因想玉郎何处去对淑景谁  
同 小楼中春思无穷倚阑凝望暗牵愁绪柳花飞趁东风斜日照珠帘罗幌香冷粉屏空海棠  
零落莺语残红

阳关引

【一名古阳关与阳关曲同义双调七十八字】

阳关引 寇準

塞草烟光阔渭水波声咽春朝雨霁轻尘敛征鞍发指青青杨柳又是轻攀折动黯然知有後  
会甚时节 更尽一杯酒歌一阕叹人生里难欢聚易离别且莫辞沉醉听取阳关彻念故人千  
里自此共明月

前调【寄八弟】 晁补之

草草蛩吟噎暗柳萤飞灭空庭雨过西风紧飘黄叶卷书帷寂静对此伤离别重感叹中秋数  
日又圆月 沙觜檣竿上淮水阔有飞鳬客词珠玉气冰雪且莫教皓月照影惊华髮问几时清  
尊夜景共佳节

金人捧露盘

【金一作铜一名上西平一名西平曲一名上南平双调七十八字】

金人捧露盘【会稽秋风亭观雪】 辛弃疾

九衢中杯逐马带随车问谁解爱惜琼华何如竹外静听窣窣蠹行沙自怜是海山头种玉人家  
纷如鬬娇如舞才整整又斜斜要图画还我渔蓑冻吟应笑羔儿无分谩煎茶起来极目向  
弥茫数尽归鸦

前调【送杜叔高】 辛弃疾

恨如新新恨了又重新看天上多少浮云江南好景落花时节又逢君夜来风雨春归似欲留  
人尊如海人如玉诗如锦笔如神更能几字尽殷勤江天日暮何时重与细论文緑杨陰里听  
阳关门掩黄昏

甘州令

【亦是六州歌头之一双调七十八字】

甘州令 柳 永

冻云深淑气浅寒欺緑野轻雪伴早梅飘谢艳阳天正明媚却成潇洒玉人歌画楼酒对此早  
骤增高价 卖花巷陌放灯台榭好时代怎生轻舍赖和风荡霁靄廓清良夜玉尘铺桂茎满素  
光里更堪游冶

红牕灯影

【双调七十八字王锡爵一词和友人自度曲也】

红牕灯影 王锡爵

高倚危楼垂垂四面皆空翠离天近矣除了凡心未叹浊质少清缘奇异一段斜阳团簇个闲  
愁送至 试问斯愁端倪还向何边起黄村緑墅总是伤人意笑遗恨特登楼一味相对长吁看  
又是寒云拥蔽

御街行

【又一体双调七十八字一名孤鴈儿】

御街行 范仲淹

纷纷坠叶飘香砌夜寂静寒声碎真珠帘卷玉楼空天澹银河垂地年年今夜月华如练长是

人千里 愁肠已断无由醉酒未到先成泪残灯明灭枕头敲谖尽孤眠滋味都来此事眉间心上无计相回避

前调 杨无咎

平生厌见花时节惟只爱梅花发破寒迎腊吐幽姿占断一番清絶照溪印月带烟和雨傍竹仍藏雪 松煤染出宜孤洁最嫌把铅华拭暗香销尽欲飘零须得笛声呜咽这些风味自家领取莫与傍人说

前调 辛弃疾

阑干四面山无数供望眼朝与暮好风吹雨过山来吹尽一帘烦暑纱幮如雾簟纹如水别有生凉处 冰肌不受铅华污更旖旎真香聚临风一曲最妖娆唱得行云且住藕花都放木樨开后待与乘鸾去

前调 程垓

住家不觉穷冬好向客里方知道故园梅子正开时记得清尊频倒高烧红烛暖熏罗幌一任花枝恼 如今客里伤怀抱忍双鬓随花老小窗独自对黄昏只有月华飞到假饶真个雁书频寄何似归来早

前调 【宋媛】李清照

藤牀纸帐朝眠起说不尽无佳思沉香烟断玉鑪寒伴我情怀如水笛声三弄梅心惊破多少春情意 小风疎雨潇潇地又催下千行泪吹箫人去玉楼空肠断与谁同倚一枝折得人间天上没个人堪寄

御选历代诗余卷四十九



# 卷五十

<集部,词曲类,词选之属,御选历代诗余

钦定四库全书

御选历代诗余卷五十目錄【起七十九字至八十二字】

红林擒近

周邦彦【二首】

袁去华

方千里【二首】

杨泽民【二首】

陈允平【二首】

金人捧露盘【又一体】

张元干

程垓

高观国【三首】

刘基

周用

山亭柳

杜安世

望云涯引

李景元

忆黄梅

王观

过涧歇

柳永

晁补之

鬪百花

晁补之

前调【又一体】

晁补之

安公子

柳永

最高楼

刘基

款残红

杨慎

瑶阶草

程垓

最高楼【又一体】

辛弃疾【三首】

程垓

刘克庄

蒋捷

元好问

司马昂父

御街行【又一体】

高观国【二首】

鬬百花【又一体】

柳永

皂罗特髻

苏轼

金人捧露盘【又一体】

贺铸

倒垂柳

杨无咎

柳初新

柳永

新荷叶

赵抃

侯寘

辛弃疾【四首】

赵彦端【二首】

前调【又一体】

赵长卿

赵彦端

郑斗焕

早梅芳【又一体】

周邦彦【二首】

陈允平【二首】

吴洪

拂霓裳

晏殊【二首】

柳腰轻

柳永

千秋岁引

王安石

吴子孝

徐有贞

夏允彝

洞仙歌

吴文英

八六子

王沂孙

最高楼【又一体】

毛滂

梦玉人引

吕渭老

南州春色

汪莘

御选历代诗余卷五十目录

钦定四库全书

御选历代诗余卷五十【起七十九字至八十二字】

司经局洗马掌局事兼翰林院修撰加二级【臣】王奕清奉旨校刊

红林擒近

【红林擒果名即红奈也唐教坊有此曲因以名词双调七十九字或无近字】

红林擒近【雪二首】周邦彦

高柳春才软冻枝寒更香暮雪照清峭玉尘散林塘那堪飘风递冷故遣度幕穿牖似欲料理  
新妆呵手弄丝簧  
冷落词赋客萧索水云乡援毫授简风流犹忆东梁望虚檐徐转迴廊未埽夜长莫惜空酒觞

前调周邦彦

风雪惊初霁水乡增暮寒树杪堕毛羽檐牙挂琅玕才喜门堆巷积可惜迤逦销残渐看低竹

翩翩清池涨微澜

步履晴正好宴席晚方欢梅花耐冷亭亭来入冰盘对前山横素愁云变色放杯同觅高处看

前调 袁去华

森木蝉初噪淡烟梅半黄睡起傍檐隙墙梢挂斜阳鱼跃浮萍破处碎影颠倒垂杨晚庭谁与  
追凉清风散荷香

望极霞散绮坐待月侵廊调冰荐饮全胜河朔飞觴渐参横斗转怀人未寝别来偏觉今夜长

前调【雪次周美成韵二首】 方千里

花幙高烧烛兽烟深炷香寒色上楼阁春威徧池塘多情天孙织罢故与玉女穿牕素脸浅约  
宫妆风韵胜笙簧

游冶寻旧侣尊酒老吾乡清歌度曲何妨尘落雕梁任瑶阶平尺珠帘人报牘?酩酊飞羽觴

前调 方千里

晓起山光惨晚来花意寒映月衣纤缟因风佩琅玕三弄江梅听彻几点岸柳飘残宛然舞曲  
初翻帘影卷波澜

把酒同唤醉促膝小留欢清狂痛饮能消多少杯盘况人生如寄相逢年老岁华休作容易看

前调【雪次周美成韵二首】 杨泽民

轻有鹅毛体白无龙脑香琼笋缀飞桷冰壶监方塘浑如瑶台阆苑更无茅舍蓬牕画阁自有  
梅妆贪耍罢弹簧

鼓舞沽酒市蓑笠钓鱼乡遐观自乐吾心何必濠梁待乔木都冻千山尽老更烦玉指劝羽觴

前调 杨泽民

梅信初回暖风棱犹壮寒禾稼响圭璧帘旌隐琅玕门前羣山尚满牕外数片余残冻底潜有  
鱼翻东风渐生澜

杖策扶半醉燕寝有余欢儿童自捧皛皛调蜜盈盘兆丰穰和气来呈美瑞莫同轻薄飞絮看

前调【雪次周美成韵二首】 陈允平

飞絮迷芳意落梅销暗香皓鹤唳空碧白鸥避寒塘妨他踏青闋草便放晓日东牕先自嬾弄  
晨妆谁耐听笙簧

望帘寻酒市看钓认渔乡控持紫燕芹泥未上雕梁想梁园谢馆寻花较晚但陪玉树频举觴

前调 陈允平

三万六千顷玉壶天地寒庾岭封的皪淇园折琅玕漠漠梨花烂漫纷纷柳絮飞残直疑潢潦惊翻斜风泝狂澜

对此频胜赏一醉饱清欢呼童翦韭和冰先荐春盘怕东风吹散留尊待月倚阑莫惜今夜看

金人捧露盘

【又一体双调七十九字】

金人捧露盘 张元干

卧扁舟闻寒雨数佳期又还是轻误仙姿小楼梦冷觉未应恨我归迟鬓云?处沈檀斜露泣花枝名与利空萦系添憔悴谩孤恹得见了说与教知偎香倚暖夜鑪围定酒温时任他飞雪洒江天莫下层梯

前调【惜春】 程垓

爱春归忧春去为春忙旋点检雨障云妨遮红护绿翠帏罗幙任高张海棠明月杏花天更惜浓芳 唤莺吟招蝶拍迎柳舞倩桃妆尽呼起万籁笙簧一觴一咏尽教陶写绣心肠笑他人世漫嬉游拥翠偎香

前调【水仙花】 高观国

梦湘云吟湘月吊湘灵有谁见罗幙尘生凌波步弱背人羞整六铢轻娉娉袅袅晕娇黄玉色轻明 香心静波心冷琴心怨客心惊怕佩解却返瑶京杯擎清露醉春兰友与梅兄苍烟万顷断肠是雪冷江清

前调【梅花】 高观国

念瑶姬翻瑶佩下瑶池冷香梦吹上南枝罗浮梦杳忆曾清晓见仙姿天寒翠袖可怜是倚竹依依 溪痕浅雪痕冻月痕淡粉痕微江楼怨一笛休吹芳音待寄玉堂烟驿两栖迟新愁万斛为春瘦却怕春知

前调 高观国

楚宫闲金成屋玉为阑断云梦容易惊残骊歌几叠至今愁思怯阳关清音恨阻抱哀箏知为谁弹 年华晚月华冷霜华重鬓华斑也须念闲损雕鞍斜緘小字锦江三十六鳞寒此情天阔正梅信笛里关山

## 前调 刘基

水如蓝山如黛草如丝正去年双燕来时衡门昼掩日长惟有睡相宜午风吹破北牕梦檐影参差李花开梅花谢榴花放杏花稀枉教人两鬓双垂凭阑竚立空将愁眼盼斜晖断云迢递趁征鴈直到天涯

## 前调【五月十二日喜雨】周用

仰皇天驱雨伯驾飞廉记农师旧有灵占自来大旱不过五月十之三山河大地从滂沛西北东南挽长河千里润尝旧井十分甘奈微涓自喜沾沾云雷大造天功那许世人贪凤凰池上恩波阔新绿遥添

## 山亭柳

【双调七十九字】

## 山亭柳 杜安世

晓来风雨万花飘落叹韶光虚过却芳草萋萋映楼台淡烟漠漠纷纷絮飞院宇燕子过朱阁玉容淡妆添寂寞檀郎辜愿太情薄数归期絶信约暗添春宵恨平康恣迷欢乐时时闷饮绿醕甚转转思量着

## 望云涯引

【双调七十九字】

## 望云涯引 李景元

秋容江上岸花老苹洲白露湿蒹葭浦屿渐增寒色闲渔唱晚鹭雁惊飞处映远碛数点轻帆送天际归客凤台人散漫回首沈消息素鲤无凭楼上暮云凝碧时向西风下认远笛宋玉悲怀未信金尊消得

## 忆黄梅

【双调七十九字】

## 忆黄梅 王观

枝上叶儿未展已有坠红千片春意怎生防怎不怨被我安排矮牙牀斗帐和娇艳移在花丛



里面 请君看惹清香偎媚暖爱香爱暖金杯满问春怎管大家?便做东风总吹教零乱犹兀  
自输我鸳鸯一半

过涧歌

【双调八十字】

过涧歌 柳 永

淮楚旷望极千里火云烧空尽日西郊无雨厌行旅数幅轻帆渐落橈棹蒹葭浦避畏景两两  
舟人夜深语此际争可便恁奔名竞利去九衢尘里衣冠冒炎暑回首江乡月观风亭水边石  
上幸有散发披襟处

前调 晁补之

归去奈故人尚作青眼相期未许明时归去放怀处买得东皋数亩静爱园林趣任过客剥啄  
相呼昼扃户堪笑儿童事业华颠向谁语草堂人悄圆荷过微雨都付邯郸一枕清风好梦初  
觉砌下槐影方亭午

鬪百花

【唐时鬪花以奇者为胜调名取此一名夏州与鬪百草无涉双调八十字】

鬪百花 晁补之

小小盈盈珠翠忆得眉长眼细曾共映花低语已解伤春情意重向溪堂临风看舞梁州依旧  
照人秋水转更添姿媚  
与问阶上簸钱时节记微笑但把纤腰向人娇倚不见还休谁教见了厌厌还是向来情味

前调【又一体】 晁补之

斜日东风深院绣幙低迷归燕潇洒小屏娇面髻鬟灯前初见与选筵中银杯半折姚黄插向  
凤凰钗畔微笑遮纨扇  
教展香衾看罢霓裳促徧红飏翠翻惊鸿乍拂秋岸柳困花慵盈盈自整罗巾须劝倒金盏

安公子

【双调八十字】

安公子 柳 永

长川波潋灩楚乡淮岸迢迢一霎烟汀雨过芳草青如染驱马携书剑当此好天好景自觉多愁多病行役心情厌

望处旷野沈沈暮云黯黯行侵夜色又是急桨投村店认去程将近舟子相呼遥指渔灯一点

最高楼

【双调八十字】

最高楼 刘 基

今宵月还照别离愁愁上最高楼九霄无路青冥阔玉京风露冷於秋宝刀裁不断水东流谁知道黄粱炊未熟早过了洞天三十六尘土事几时休广寒桂树清香好圆光恰满又成鉤笑阶前萱草浪语忘忧

款残红

【双调八十字此杨慎自名调乃八韵五言古诗合生查子二调为一调换头用宋李之仪谢池春慢语以其独立一调存之】

款残红 杨 慎

花径款残红风沼紫新皱有意惜余春无计消长昼香醪泻玉洼瑞脑喷金兽谁与共温存寂寞黄昏後频移带眼宽只恁恹恹瘦不见又思量见了还依旧为问频相见何似长相守天生竝头莲好结同心藕

瑶阶草

【双调八十字】

瑶阶草 程 垓

空山子规叫月破黄昏冷帘幙风轻绿暗红又尽自从别後粉销香腻一春成病那堪昼闲日永恨难整起来无语绿萍破处池光净闷理残妆照花独自怜瘦影睡来又怕饮来越醉醒来却闷看谁似我孤另

最高楼

【又一体双调八十一字】

最高楼 辛弃疾

长安道投老倦游归七十古来稀藕花雨湿前湖夜桂枝风澹小山时怎消除须殢酒更吟诗  
也莫向竹边辜负雪也莫向柳边辜负月闲过了总成痴种花事业无人问惜花情绪只天知  
笑山中云出早鸟归迟

前调【用前韵赋牡丹】 辛弃疾

西园买谁载万金归多病胜游稀风斜画烛天香夜凉生翠盖酒酣时待重寻居士谱谪仙诗  
看黄底御袍元自贵看红底状元新得意如斗大笑花痴汉妃翠被娇无奈吴姬粉阵恨谁知  
但纷纷蜂蝶乱笑春迟

前调【赋梅】 辛弃疾

花知否花一似何郎又似沈东阳瘦棱棱地天然白冷清清地许多香笑东君还又向北枝忙  
着一阵霎时间底雪更一个缺些儿底月山下路水边墙风流怕有人知处影儿守定竹旁厢  
且饶他桃李趁少年场

前调 程垓

旧心事说着两眉羞记得凭肩游湘裙罗襪桃花岸薄衫轻扇杏花楼几番行几番醉几番留  
也谁料春风吹已断又谁料朝云飞亦散天易老恨难酬蜂儿不解知人苦燕儿不解说人愁  
旧情怀消不尽几时休

前调【再题周登乐府】 刘克庄

周郎後直数到清真君莫是前身八音相应谐韶乐一声未了落梁尘笑而今轻郢客重巴人  
只少个绿珠横玉笛更少个雪儿弹锦瑟欺贺晏压黄秦可怜樵唱并菱曲不逢御手与龙巾  
且酣眠篷底月瓮间春

前调 蒋捷

新春景明媚在何时宜早不宜迟软尘巷陌青油幙重帘深院画罗衣要些儿晴日照暖风吹  
一片片雪儿休要下一点点雨儿休要洒才恁地越愆期悠悠不趁梅花到匆匆枉带柳花飞  
倩黄莺将我话报春归

前调 元好问

商於路山远客来稀鸡犬静柴扉东家欢饮姜芽脆西家留宿芋魁肥觉重来猿与鹤总忘机  
问华屋高贤谁不恋问美食大官谁不美风浪里竟安归云山既不求吾是林泉又不责吾非  
任年年藜藿饭芰荷衣

前调【暮春】 司马昂父

花信紧二十四番愁风雨五更头侵堦苔藓宜罗襪逗衣梅润试香篝绿牕闲人梦觉鸟声幽  
按秦箏学弄相思调写幽情恨杀知音少向何处说风流一丝杨柳千丝恨三分春色二分休  
落花中流水里两悠悠御街行

【又一体双调八十一字】

御街行【赋帘】 高观国

香波半窄深深院正日上花陰浅青丝不动玉钩闲看翠额轻笼葱蒨莺声似隔篆烟微度爱  
横影参差满那回低挂朱阑畔念闷损无人卷窥春偷倚不胜情彷彿见如花娇面纖柔缓揭  
瞥然飞去不似春风燕

前调【赋轿】 高观国

藤筠巧织花纹细称稳步如流水踏青陌上雨初晴嫌怕湿文鸳双履要人送上逢花须住才  
过处香风起裙儿挂在帘儿里更不把牕儿闭红红白白簇花枝恰称得寻春芳意归来时晚  
纱笼引道扶下人微醉鬪百花

【又一体双调八十一字】

鬪百花 柳 永

煦色韶光明媚轻霭低笼芳树池塘浅蘸烟芜帘幙闲垂飞絮春困厌厌抛掷鬪草工夫冷落  
踏春心绪终日扃朱户远恨緜緜淑景迟迟难度年少傅粉依前醉眠何处深院无人黄昏乍  
拆秋千空鏤满庭花雨皂罗特髻

【双调八十一字一名采菱拾翠以苏轼词起句得名也】

皂罗特髻 苏轼

采菱拾翠算似此佳名阿谁消得采菱拾翠称使君知客千金买采菱拾翠更罗裙满把真珠  
结采菱拾翠正髻鬟初合真个采菱拾翠但深怜轻拍一双手采菱拾翠绣衾下抱着俱香滑  
采菱拾翠待到京寻觅金人捧露盘

【又一体双调八十一字】

金人捧露盘 贺铸

控沧江排青嶂燕台凉驻彩仗乐未渠央岩花磴蔓妒千门珠翠倚新妆舞筵歌悄恨风流不管余香 繁华梦惊俄顷佳丽地指苍茫寄一笑何与兴亡量船载酒赖使君相对两交牀缓调清管更为侬三弄斜阳倒垂柳

【双调八十一字】

倒垂柳【九日】 杨无咎

晓来烟露重为重阳增胜致记一年好处无似此天气东篱白衣至南陌芳筵启风流曾未远登临都在眼底人生如寄谩把茱萸看子细击节听高歌痛饮莫辞

醉乌帽任教颠倒风里坠黄花明日纵好无情味柳初新

【双调八十一字】

柳初新 柳永

东郊向晓星杓亚报帝里春来也柳擡烟眼花匀露脸渐觉绿娇红妩妆点层台芳榭运神功丹青无价别有尧塔试罢新郎君成行如画杏园风细桃花浪暖竞喜羽迁鳞化徧九陌相将游冶骤香尘宝鞍骄马新荷叶

【双调八十二字一名折新荷引】

新荷叶 赵抃

雨过回廊圆荷嫩绿新抽越女轻盈画桡稳泛兰舟芳容艳粉红香透脉脉娇羞菱歌隐隐渐遥依约回眸堤上郎心波间妆影迟留不觉归时淡天碧衬蟾钩风蝉噪晚余霞际几点沙鸥渔笛不道有人独倚危楼

前调 侯寘

柳幄飞丝风池烟泛新萍燕垒泥香玉麟堂外春深晴云丽日花浓处蜂蝶纷纷偿春一醉管弦声里欢声况是清时锦衣重到台城故国江山向人依旧多情趁闲行乐休辜负冶叶繁英彤庭归覲恁时难驻前旌

前调 辛弃疾

人已归来杜鹃欲劝谁归綠树如云等闲付与莺飞兔葵燕麦问刘郎几度沾衣翠屏幽梦觉  
来水邊山围有酒重携小园随意芳菲往日繁华而今物是人非春风半面记当年初识崔徽  
南云鴈少锦书无个因依

前调【用前韵】 辛弃疾

春色如愁行云带雨才归春意长闲游丝尽日低飞闲愁几许更晓风特地吹衣小牕人静  
某声似解重围光景难攜任他鷓鴣芳菲细数前愆不应诗酒皆非知音弦断笑渊明空抚余徽  
停杯对影待邀明月相依

前调【题悠然阁】 辛弃疾

种豆南山零落一顷为萁岁晚渊明也吟草盛苗稀风流剡地向尊前采菊题诗悠然忽见此  
山正遶东篱千载襟期高情想像当时小阁横空朝来翠扑人衣是中真趣问骋怀游目谁知  
无心出岫白云一片孤飞

前调 辛弃疾

曲水流觞赏心乐事良辰兰蕙光风转头天气还新明眸皓齿看江头有女如云折花归去绮  
罗陌上芳尘能几多春试听啼鸟殷勤对景兴怀向来忧乐纷纷且题醉墨似兰亭别叙时人  
後之览者又将有感斯文

前调【次辛稼轩韵】 赵彦端

欲暑还凉如春有意重归春若归来任他莺老花飞轻雷澹雨似晚风欺得单衣檐声惊醉起  
来新綠成围回首分攜光风冉冉菲菲曾几何时故山疑梦还非鸣琴再抚将清恨都入金徽  
永怀桥下系船溪柳依依

前调【次前韵】 赵彦端

雨细梅黄去年双燕还归多少繁红尽随蝶舞蜂飞陰浓綠暗正麦秋犹衣罗衣香凝沈水雅  
宜帘幙重围绣扇仍携花枝尘染芳菲遥想当时故交往往人非天涯再见悦情话景仰清徽  
可人怀抱晚期莲社相依

前调【又一体】 赵长卿

冷彻蓬壶翠幢鼎鼎生香十顷琉璃望中无限清凉遮风掩日高低衬密护红妆陰陰湖里美

他双浴鸳鸯猛忆西湖当年一梦难忘折得曾将盖雨归思如狂水云千里不堪更回首思量  
而今把酒为伊沈醉何妨

前调【秀州作】 赵彦端

玉井冰壶人间有此清秋笑语雍容令从庭户初修迎风待月香凝处四卷帘钩月波奇观未  
饶当日南楼闻说三吴江湖从古风流况有双幡旧谱黄阁清油金瓯屡启应难解久为人留  
天池波灩可怜苹满汀洲

前调【荷叶】 郑斗焕

乳鸭池塘晴波漾绿粼粼宿藕根香夏来生意还新钿花贴翠蛱蝶钱小相间萍星一番雨过一  
番暗展圆青鱼戏龟游看来犹未胜情因忆年时垂钩曾钓轻盈玉人何处关情是半卷芳心  
帘风一掉鸳鸯催起歌声早梅芳

【又一体双调八十二字】

早梅芳 周邦彦

花竹深房枕好夜閤无人到隔牕寒雨向壁孤灯弄余照泪多罗袖重意密莺声小正魂惊梦  
怯门外已知晓去难留话未了早促登长道风披宿雾露洗初阳射

林表乱愁迷远览苦语萦怀抱谩回头更堪归路杳

前调 周邦彦

缭墙深丛竹绕宴席临清沼渐呈纤履故隐烘帘自嬉笑粉香妆晕薄带紧腰围小看鸿惊凤  
翥满座叹轻妙酒醒时会散了回首城南道河阴高转露脚斜飞夜

将晓异乡淹岁月醉眼迷登眺路迢迢恨满千里草

前调【次周美成韵】 陈允平

柳初妍花渐好可恨行期到落梅香雪淡月朦胧影渐照风帘银烛暗露幙金泥小纵离歌缓  
唱残角又霜晓琐牕前秦吉了促上长安道扬鞭西去几点稀星尚

云表去程疑是梦宿酒昏情抱凤楼空琼箫声渐杳

前调【次周美成韵】 陈允平

凤钗横鸾带绕独步鸳鸯沼阑干斜倚自扑精神对花笑贴衣琼佩冷衬鞦金莲小卷香茵缥缈舞袖称纤妙梦初成欢未了明日青门道离云别雨脉脉无情画

堂晓柳边骄马去翠阁空凝眺渐春风绿愁江上草

前调 吴洪

柳将眠桃欲笑又是清明到玉河冰泮无数金鱼弄池藻联车油壁软竝马丝鞭袅喜凤城丽景游览趁春晓望瀛洲纷翠葆花满琼华岛玉螭西去金碧觚棱耸

云表散衙常过午下直须归早更相期提壶同籍草拂霓裳

【双调八十二字霓裳羽衣为唐时道调法曲之最大者宋舞曲名亦有拂霓裳词调本此】

拂霓裳 晏殊

喜秋成千门万户乐昇平金风细玉池波浪縠文生宿露沾罗幙微凉入画屏张绮宴傍熏鑪蕙炷和新声神仙雅会会此日象蓬瀛管弦清旋翻红袖学飞琼光阴无暂住欢醉有闲情祝辰星愿百年为寿献瑶觥

前调 晏殊

笑秋天晚荷花缀露珠圆风日好数行新鴈贴寒烟银簧调脆管琼柱拨清弦捧觥船一声声齐唱太平年人生百岁离别易会逢难无事日剩呼宾友启芳筵星霜催绿鬓风露损朱颜惜清懽又何妨沈醉玉尊前柳腰轻

【双调八十二字】

柳腰轻 柳永

英英妙舞腰肢软章台柳昭阳燕锦衣冠盖绮堂筵宴是处千金争选顾香砌丝簧初调倚轻风佩环微颤乍入霓裳促徧逞盈盈渐催檀板慢垂霞袖急趋莲步进退奇容千变笑何止倾国倾城暂回眸万人肠断千秋岁引

【双调八十二字】

千秋岁引 王安石

别馆寒砧孤城画角一派秋声入寥廓东归燕从海上去南来鴈向沙头落楚台风庾楼月宛



如昨 无奈被些名利缚 无奈被他情担阁 可惜风流总闲却 当初谩留华表语 而今误我秦楼约 梦阑时 酒醒後 思量着

前调 吴子孝

朱夏初临 薰风渐扇 永日画堂 消香篆 闲身长狎水中鸥 芳辰恰覩梁间燕 举玉卮 歌金缕 春无限 六十年 华人正健 绀鬓红颜 犹未变 兰玉盈庭 间里美 裊裊红生 檻上云垂垂 柳散风中 线太平 时清和 节长生 宴

前调 徐有贞

风搅柳丝 雨柔花纈 蚤过了清明时节 新来燕子 语何多 老去莺花 飞未歇 秋千院 蹴鞠场 人踪絶 踏青拾翠 都休说是 谁马走章台 雪是谁箫弄秦楼 月从前 已是无情绪 可奈而今 更离别 一回头 人千里 肠百结

前调 夏允彝

泽国微茫 海滨寥廓 万堞孤城 逼天角 云外龙车 碧树悬霜 前鴈字 当牕落 苕城花 秦山月 都萧索 刺史风流 携琴鹤 刺史风流 倚轩阁 酹酒新亭 几忘却 三泖沙明 遶郡楼 九峰岚翠 扶城郭 铜壶响晓 更催宛如 昨洞仙歌

【双调八十二字此调体制不同皆以字数分入各卷此则第一体也】

洞仙歌【赋黄木香赠辛稼轩】 吴文英

花中惯识 压架珑璁 雪不见湘英 间琅叶恨 春风将了 染额人归 留得个 裊裊垂香 带月 鹅儿真似酒 我爱幽芳 还比荼蘼 又娇絶 自种古松根 待黄龙乱飞 上苍髯 五鬣更老仙 添与笔端 春敢唤起 桃花问谁 优劣八六子

【双调八十二字】

八六子 王沂孙

埽芳林 几番风雨 匆匆老尽春禽 渐薄润侵衣 不断嫩凉 随扇初生 晚牕自吟 沉沉幽径 芳寻 晦霭苔香 帘净 萧疎竹影 庭深漫忘却 宝钗虫折 绡屏鸾破 当时暗水和云 泛酒空山 留月听琴 料如今 门前数重翠阴 最高楼

【又一体双调八十二字】

## 最高楼 毛滂

微雨过深院芰荷中香冉冉绣重重玉人共倚阑干角月华犹在小池东入人怀吹鬓影可怜  
风分散去轻如云与雪留下了许多风与月侵枕簟冷帘栊刚能小睡还惊觉略成轻醉早惺  
忪仗行云将此恨到眉峰梦玉人引

【双调八十二字】

## 梦玉人引 吕渭老

上危梯望画阁迴昼帘垂曲水飘香小园莺唤春归舞袖弓弯正满城烟草凄迷结伴踏青趁  
蝴蝶双飞赏心欢计从别後无意到西池自检罗囊要寻红叶留诗嬾约无凭据莺花都不知  
怕人问强开怀细酌醪醑南州春色

【双调八十二字】

## 南州春色 汪莘

清溪曲一株梅无人修采独立古墙隈莫恨东风吹不到着意挽春回一任天寒地冻南枝香  
动花傍一阳开更待明年首夏酸心结子天自栽培金鼎调羹仁心

犹在还种处无限根荑管取南州春色多自此中来

御选历代诗余卷五十

# 卷五十一

钦定四库全书

御选历代诗余卷五十一目錄【八十二字】

蓦山溪

欧阳修

黄庭坚【四首】

晁补之【四首】

李之仪【四首】

贺铸

毛滂【四首】

李元膺

葛胜仲【二首】

张表臣

周紫芝

谢逸

周邦彦【三首】

晁端礼

曹组【二首】

沈会宗

蔡伸

叶梦得

赵长卿

张元干

刘子翬

曾觌【二首】

杨无咎【二首】

侯寘

辛弃疾

张孝祥

程垓

吴儆【二首】

袁去华

张震【二首】

杜旃

王千秋

姜夔

陆游【二首】

谢懋

易祓

汪莘

洪璚

方千里

杨泽民

卢炳

陈允平

石孝友【三首】

何梦桂【二首】

蔡松年

赵可

张埜

刘基【三首】

陈子龙

御选历代诗余卷五十一目錄

钦定四库全书

御选历代诗余卷五十一【八十二字】

司经局洗马掌局事兼翰林院修撰加二级【臣】王奕清奉旨校刊

蓦山溪

【一名阳春一名上阳春双调八十二字中间平仄稍有异处句法悉同无分体也】

蓦山溪 欧阳修

新正初破三五银蟾满纤手染香罗翦红莲满城开徧楼台上下歌管咽春风驾香轮停宝马只待金乌晚帝城今夜罗绮谁为伴应卜紫姑神问归期相思望断天涯情绪对酒且开颜春宵短春寒浅莫待金杯煖

前调 黄庭坚

山围江暮天镜开晴絮斜影过梨花照文星老人星聚清尊一笑欢甚却成愁别时襟余点点疑是高唐雨无人知处梦里云归路回鴈晓风清鴈不来啼鸦无数心情老嬾尤物解移人春尽也有南风好便回帆去

前调【衡阳妓陈湘】 黄庭坚

鸳鸯翡翠小小思珍偶眉黛歛秋波尽湖南山明水秀婷婷嫋嫋恰近十三余春未透花枝瘦正是愁时候寻芳载酒肯落谁人後只恐晚归来绿成阴青梅如豆心期得处每不自由人长亭柳君知否千里犹回首

前调【至宜州寄陈湘】 黄庭坚

稠花乱蕊到处撩人醉林下有孤芳不匆匆成蹊桃李今年风雨莫送断肠红斜枝倚风尘里不带风尘气微嗔又喜约略知春味江上一帆愁梦犹寻歌梁舞地如今对酒不似那回时书漫写梦空来只有相思是

前调 黄庭坚

山明水秀尽属诗人道应是五陵儿见山翁孤吟絶倒一觴一咏潇洒寄高闲松月下竹风间试想开襟抱玉关遥指万里天衢杳笔阵埽秋风泻珠玑琅琅皎皎卧龙智略三诏佐昇平烟塞事玉堂心频把菱花照

前调【谯园饮酒】 晁补之

谯园幽古烟锁前朝桧摇落枣红时满园空几株苍翠使君才誉金殿握兰人将风调改荒凉便是嬉游地刘郎莫问去後桃花事司马更堪怜掩金觴琵琶催泪愁来不醉不醉奈愁何汝南周东阳沈劝我如何醉

前调 晁补之

金尊玉酒佳味名仙桧恐是九龙泉堪一饮霜毛却翠何须说此只饮但陶陶灯光底百花春自是仙家地星郎早贵惯见风流事留我不须归倒尊空烛堆红泪飞鳧令尹才调更翩翩休吊古枉伤神有兴来同醉

前调【亳社寄文潜】晁补之

兰台僊史好在多情否不寄一行书过西风飞鸿去後功名心事千载与君同只狂饮只狂吟  
緑鬢殊非旧山歌村馆愁醉浔阳叟且借两州春看一曲尊前舞袖古来毕竟何处是功名不  
同饮不同吟也劝时开口

前调【和王定国忆广陵】晁补之

扬州全盛往事今何处帆锦两明珠冑蔷薇月中嬉语朱衣白面公子似神仙登云屿临烟渚  
狂醉成怀古兰舟归後谁与春为主吟嘯我重来倚琼花东风日暮吴霜点鬢流落共天涯竹  
西路高阳侶魂梦应相遇

前调【次鲁直长沙韵】李之仪

青楼薄幸已分终难偶寻徧綺罗间悄无个眼中翹秀江南春晓花发乱莺飞情渐透休辞瘦  
果有人相候醉乡路稳常是身偏後谁谓正欢时把相思翻成红豆千言万语毕竟总成虚章  
台柳青青否魂梦空搔首

前调【北观避暑】李之仪

金柔火老欲避几无地谁借一檐风锁幽香悒悒清邃瑶阶珠砌如膜遇金鑊流水外落花前  
岂是人能致擘麟泛玉笑语皆真类惆悵月边人驾云輶何方适意么弦咽处空感旧时声薰  
易歇恨偏长魂断成何事

前调【采石值雪】李之仪

蛾眉亭上今日交冬至已报一阳生更佳雪因时呈瑞匀飞密舞都是散天花山不见水如山  
浑在冰壶里平生选胜到此非容易弄月与燃犀漫劳神徒能惊世争如此际天意巧相符须  
痛饮庆难逢莫诉厌厌醉

前调 李之仪

晚来寒甚密雪穿庭户如在广寒宫惊两目瑶林琼树佳人乘兴应是得欢多泛新声催金盞  
别有留心处争知这里没个人言语拨尽火边灰搅愁肠飞花舞絮凭谁子细说与此时情欢  
暂歇酒微醺还解相思否

前调 贺铸

楚乡新岁不放残寒退月晓桂娥闲弄珠英因风委坠清淮铺练十二玉峯前上帘栊招佳丽

置酒成高会江南芳信目断何人寄应占镜边春想晨妆膏浓压翠此时乘兴半道忍回桡五云溪门深闭璧月常相对

前调【东堂】 毛滂

东堂先晓帘挂扶桑暖画舫寄江湖倚小楼心随望远水边竹畔石瘦薜花寒秀陰遮潜王梦鹤下渔矶晚藏花小坞蝶径深深见彩笔赋阳春看藻思飘飘云半烟拖山翠和月冷西牕玻璃钱葡萄醅旋落酴醾片

前调【上元】 毛滂

婵娟不老依旧东风面华烛下珠玑盛寒里春光一片不教暮景也似每常来水精宫银色界今夜分明见碧街如水人影花凌乱谁在柳陰中小妆寒落梅数点诗翁独倚十二王阑干露蒙蒙云冉冉千嶂琉璃浅

前调 毛滂

梅花初谢雪後寒微峭谁送一城春绮罗香风光窈窕插花走马天近宝鞭寒金波上玉轮边不是红尘道玻璃山畔夜色无由到深下水晶帘拥严妆铅华相照珠楼渺渺人月两婵娟尊前月月中人相见年年好

前调【杨花】 毛滂

雪空香径扑扑怜飞絮柔弱不胜春任东风吹来吹去墙陰花外一片落谁家叶依依烟郁郁依旧如张绪那人拈得吹向钗头住不定却飞扬满眼前搅人情恹蜂儿蝶子教得越轻狂隔斜阳点芳草断送青春暮

前调【送蔡元长】 李元膺

溪堂欢燕惯捧玻璃盏今日祖西城更忍把一杯重劝别离情味自古不堪秋催泪雨湿西风肠共危弦断夕阳去路五马旌旗乱便是古都春应醉恋曲江池馆须知别後疊翠倚阑情青嶂晚碧云深日近长安远

前调【天穿节】 葛胜仲

望云门外油壁如流水空巷逐朱旛步春风香河七里冶容袿服摸石道宜男穿翠靄度飞桥影在清漪里秦头楚尾千古风流地试问汉江边有解佩行云旧事主人领客一笑强颁春烧灯後赏花前遥忆年年醉



前调 葛胜仲

出门西笑千里长安道不用引离声便登庸十洲三岛画船珠箔萃末水风凉隋岸柳楚台人  
景与人俱好应嗟见晚玉殿生清晓正是妙年时步承明谋身须早轺车远使新逐凯歌回恩  
綵重彩衣轻嘉庆知多少

前调【游甘露寺】 张表臣

楼横北固尽日厌厌雨欵乃数声歌但渺漠江山烟树寂寥风物三五过元宵寻柳眼觅花鬟  
春色知何处落梅呜咽吹彻江城暮脉脉数飞鸿杳归期东风凝竚长安不见烟起夕阳间魂  
欲断酒初醒独下危梯去

前调 周紫芝

月眉星眼阆苑真仙侣娇小正笄年每当筵愁歌怕舞水亭烟树春去已无踪桃源路知何处  
往事如风絮如今闻道悞翦香云缕闲系小乌纱更无心浅匀深注三山路杳终不是人间知  
谁与吹箫女共驾青鸾去

前调【月夜】 谢逸

霜清木落深院帘栊静池面卷烟波莹香冰一奩明镜修筠拂槛疎节晚婵娟山雾歛水云收  
野阔江天迥红销醉王酒面风前醒罗幙护轻寒锦屏空金鑪烬冷星横参昴梅径月黄昏清  
梦觉浅眉颦牕外横斜影

前调 周邦彦

湖平春水荇藻萦船尾空翠扑衣襟拊轻榔游鱼惊避晚来潮上迤迤没沙痕山四倚云渐起  
鸟度屏风里周郎逸兴黄帽侵云水落日媚沧洲泛一棹夷犹未已玉箫金管不共美人游因  
甚个烟霞底偏爱蓴羹美

前调 周邦彦

楼前疎柳柳外无穷路翠色四天垂数峯青高城阔处江湖病眼偏向此山明愁无语空凝竚  
两两昏鸦去平康巷陌往事如花雨十载却归来倦追寻酒旗戏鼓今宵幸有人似月婵娟霞  
袖举杯深注一曲黄金缕

前调 周邦彦

江天雪意夜色寒成阵翠袖捧金蕉酒红潮香凝粉晕帘波不动新月澹胧明香破豆烛频花

减字歌声稳恨眉羞敛往事休重问人去小庭空有梅梢一枝春信檀心未展谁为探芳丛消瘦尽洗妆匀应更添风韵

#### 前调 晁端礼

风流心胆直把春偿酒选得一枝花绮罗中算来未有名园翠苑风月最佳时夜迢迢车款款是处曾携手重来一梦池馆皆依旧幽恨写新诗托何人章台问柳渔舟归後雪锁武陵溪水潺潺花片片棹空回首

#### 前调 曹组

草薰风暖楼阁笼轻雾墙短出花梢映谁家绿杨朱户寻芳拾翠绮陌自青春江南远踏青时谁念方羁旅昔游如梦空忆横塘路罗裳舞台风想桃花依然旧树一怀离恨满眼欲归心山连水水连云怅望人何处

#### 前调【梅】 曹组

洗妆真态不在铅华御竹外一枝斜想佳人天寒日暮黄昏院落无处着清香风细细雪垂垂何况江头路月边疎影梦到销魂处结子欲黄时又须作廉纤细雨孤芳一世供断有情愁销瘦损东阳也试问花知否

#### 前调 沈会宗

想伊不住船在蓝桥路别语未甘听更忍问而今是去门前杨柳几日转西风将行色欲留心忽忽城头鼓一番幽会只觉添愁绪邂逅却相逢又还有此时欢否临岐把酒莫惜十分斟尊前月月中人明夜知何处

#### 前调 蔡伸

孤城暮角落月边声静醉袖拂危阑对天末孤云愁凝吴津楚望表里抱江山山隐隐水迢迢满目江南景羁怀易感往事伤重省罗袂褰殊香鬓星星忍窥青镜琼英好在应念玉关遥凝泪眼下层楼回首平林暝

#### 前调【百花洲席上】 叶梦得

一年春事常恨风和雨趁取未残时醉花前春应相许山翁倒载日暮习池回问东风春知否莫道空归去满城歌吹也似春和豫争笑使君狂占风光不教飞絮明朝酒醒满地落残红唱新词追好景犹有君收取

前调【闻琵琶有感】 赵长卿

壶天冰雪消尽虚堂暑多谢故人情送飞花香传小树香风初过一曲断肠声如怨诉诉闲愁  
落落琵琶语江边马上弹指成千古泪眼与啼妆叹风流只今何处芳心役损触事起悲酸招  
玉素拨檀槽整理金衣缕

前调 张元干

一番小雨陡觉添秋色桐叶下银牀又送个凄凉消息故乡何处搔首对西风衣线断带围宽  
衰鬓添新白钱塘江上冠盖如云集骏马傍朱门谁肯念尘埃倦客佳人信杳日暮碧云深楼  
独倚镜频看此意无人识

前调【九日】 刘子翬

浮烟冷雨此日还重九秋去又秋来但黄花年年依旧平台戏马无处问英雄茅舍小竹篱疏  
兀坐空搔首客来何有草草三杯酒一醉万缘空休贪他金印如斗山翁倦矣谁共赋归与芟  
陇麦网溪鱼未落他人後

前调【坤宁殿应制赋照水梅花】 曾觌

催花小雨轻把香尘洒帘卷水亭风梅影转夕阳初下靓妆窥槛鸳鸯湛清漪浮暗麝翦芳琼  
消得连城价玉楼十二寒怯铢衣挂曾是绿华仙眷余情新词如画花随人圣须信世无双腾  
凤吹驻鸾舆堪与瑶池亚

前调【暮秋赏梨花】 曾觌

凋红减翠正是清秋杪深院嫋香风看梨花一枝开早珑 映面依约认娇颦天澹澹月溶溶  
春意知多少清明池馆芳信年年好更向五侯家把江梅风光占了休教寂寞辜负向人心檀  
板响宝杯倾潘鬓从他老

前调【酴醾】 杨无咎

天姿雅素不管羣芳妒微笑倚春风似窥宋墙头凝竚一春花草陡觉更无香悬绣帐结罗巾  
谁更熏沈炷可堪开晚未放韶光去生怕糝庭阶直不忍苍苔散步会须开宴满摘蘸瑶觞何  
况有绮牕人娇鬓相宜处

前调【木樨】 杨无咎

蟾宫仙种几日飘鸳鸯密叶绣团圞似翦出佳人翠褰叶间金粟簌簌糝枝头黄菊嫩碧莲披

独对秋容瘦浓香馥郁庭户宜熏透十里远随风又何必凭阑细嗅明犀一点暗里为谁通秋夜永月华寒无寐听残漏

前调【建康郡园赏芍药】 侯寘

玉麟春晚绿偏棠?可是惜花深旋移得翻堦红影朱帘卷起如在古扬州宝缨络玉盘盃娇艳交相映蓬莱殿里几样春风鬓生怕逐朝云更罗幕重重遮定多情绦蜡常见醉时容紫舞袖簌歌尘莫负良宵永

前调【停云竹迳初成】 辛弃疾

小桥流水欲下前溪去唤起故人来伴先生风烟杖履行穿窈窕时历小崎岖斜带水半遮山翠竹栽成路一尊遐想剩有渊明趣山上有停云看山下蒙蒙细雨野花啼鸟不肯入诗来还一似笑翁诗自没安排处

前调 张孝祥

雄风豪雨时节清明近帘幙起轻寒燠红炉笑翻灰烬陰藏迟日欲验几多长绣工慵围棊倦香篆频销印茂林芳径绿变红添润桃杏意酣酣占前头一番花信华堂尊酒但作艳阳歌禽声喜流云尽明日春游俊

前调 程垓

老来风味是事都无可只爱小书舟艚围着琅玕几个呼风约月随分乐生涯不羡富不忧贫不怕乌蟾堕三杯径醉转觉乾坤大醉後百篇诗尽从他龙吟鹤和升沈万事还与本来天青云上白云闲一任安排我

前调【效樵歌体】 吴儆

清晨早起小阁遥山翠頰面整冠巾问寝罢安排菽水随家丰俭不羡五侯鲭輒煮肉熟炊杭适意为甘旨中庭散步一棊云涛细迤 竹洲中坐息与行歌随意逡巡酒熟呼唤社中人花下石水边亭醉便颓然睡

前调 吴儆

园林何有修竹摇苍翠春到小桃蹊看绿满一池春水花开日暖儿侄竞追随挑野?网溪鱼有酒多且旨去来聚散无必亦无意说地或谈天更休问语言粗细谁强谁弱谁是又谁非过去事未来事一枕腾腾睡

前调【梅花用曹元宠韵】 袁去华

蕊珠宫阙西帝陈嫔御语笑梦中香叹罗浮几番春暮江南岁晚垂地冻云黄修竹外一枝斜  
流水桥边路小桃半吐羞得无藏处不怕雪霜欺最难禁豪风横雨当年诗兴犹自记扬州今  
老矣客天涯还认何郎否

前调【初春】 张震

春光如许春到江南路柳眼弄晴晖笑梅花落英无数峭寒庭院罗幙护牕纱金鸭暖锦屏深  
曾记看承处云边尺素何计传心缕无处说相思空惆怅朝云暮雨曲阑干外小立近黄昏心  
下事眼边愁借问春知否

前调【春半】 张震

青梅如豆断送春归去小绿间长红看几处云歌柳舞偎花识面对月共论心携素手采香游  
踏徧西池路水边朱户曾记销魂处小立背秋千空怅望娉婷韵度杨花扑面香糝一帘风情  
脉脉酒厌厌回首斜阳暮

前调 杜旗

春风如客可是繁华主红紫未全开早绿徧江南千树一番新火多少倦游人纤腰柳不知愁  
犹作风前舞小阑干外两两幽禽语问我不归家有佳人天寒日暮老来心事惟只有春知江  
头路带春来更带春归去

前调【海棠】 王千秋

清明池馆侧卧帘初卷还是海棠开睡未足余醒满面低头不语浑似怨东风心始吐又惊飞  
交现垂杨眼少陵情浅花草题评徧赋得恶因缘没一字聊通缱绻黄昏时候凝竚怯春寒笼  
翠袖减丰肌脉脉情何限

前调【题钱氏溪月】 姜夔

与鸥为客绿野留吟屐两行柳阴垂是当年仙翁手植一亭寂寞烟外带愁横荷冉冉展凉云  
横卧虹千尺才因老尽秀句君休觅万绿正迷人更愁入山阳夜笛百年心事惟有玉阑知吟  
未了放船回月下空相忆

前调【送伯礼】 陆游

元戎十乘出次高唐馆归去旧鹄行更何人齐飞霄汉瞿塘水落惟是泪波深催叠鼓起牙樯

难锁长江断春深鳌禁红日宫甑?何处望音尘黯消魂层城飞观人情见惯不敢恨相忘梅驿  
外蓼滩边只待除书看

#### 前调【游三荣龙洞】 陆 游

穷山孤垒腊尽春初破寂寞掩空斋好一个无聊底我啸台龙岫随分有云山临浅瀨?长松闲  
据交牀坐三杯径醉不觉纱巾堕画角唤人归落梅村篮輿夜过城门渐近几点妓衣红官驿  
外酒垆前也有闲灯火

#### 前调 谢 懋

厌厌睡起无限春情绪柳色借轻烟尚瘦怯东风倦舞海棠红皱不奈晚来寒帘半卷日西沈  
寂寞闲庭户飞云无据化作溟蒙雨愁里见春来又只恐愁催春去惜花人老芳草梦凄迷题  
欲徧琐窗纱总是伤春句

#### 前调 易 祓

海棠枝上留得娇莺语双燕几时来竝飞入东风院宇梦回芳草绿徧旧池塘梨花雪桃花雨  
毕竟春谁主东郊拾翠襟袖沾飞絮宝马趁雕轮乱红中香尘满路十千斗酒相与买春闲吴  
姬唱秦娥舞 醉青楼暮

#### 前调 汪 莘

金风玉露洗出乾坤体乘兴到前村见一片清溪无底竹篱茅舍鸡犬两三家寻渔父问湘灵  
拄杖斜阳里青春悞我白髮今如此幸自识方壶有个人神通游戏涧边野鹤岩上忽孤云倾  
浊酒对黄花又似东篱子

#### 前调 洪 璚

潮平风稳行色催津鼓回首望重城但满眼红云紫雾分香解佩空记小楼东银烛暗绣帘垂  
昵昵凭肩语关山千里垂柳河桥路燕子又归来但惹得满身花雨彩笺不寄兰梦更无凭灯  
影下月明中魂断金钗股

#### 前调 方千里

园林晴昼花上黄蜂尾莺语怯游人又还傍绿杨深避曲池斜径草色碧於蓝栏倦倚帘半起  
魂断斜阳里江南春尽渺渺平桥水身在一天涯问此恨何时是已飞帆轻桨催送莫愁来歌  
舞地尊酒底不美东邻美

前调 杨泽民

当年苏小家住苕溪尾一棹采莲归悄羞得鸳鸯飞避苹洲蓼岸花脸两难分崖平倚风乍起  
荡漾烟花里平生强项未肯轻鱼水溪上偶相逢这一段风情怎已纫兰解佩不负有情人金  
尊侧罗帐底占尽人间美

前调 卢炳

淡妆西子怎比西湖好南北两长堤有罨画楼台多少翠光千顷一片净琉璃泛兰舟摇画桨  
尽日金尊倒名园精舍总被游人到年少与佳人共携手嬉游歌笑夕阳西下沉醉尽归来鞭  
宝马闹竿随簇着花藤轿

前调【花港观鱼】 陈允平

春波浮绿小隐桃溪路烟雨正林塘翠不碍锦鳞来去芹香藻膩偏爱鲤鱼肥檐影下柳阴中  
逐浪吹萍絮铜沟泉滑怕有题牋句钓饵已忘机都付与人间儿女濠梁兴在鸥鹭笑人痴三  
湘梦五湖心云水苍茫处

前调 石孝友

鶯鶯燕燕摇荡春光嬾时节近清明雨初晴娇云弄暖醉红湿翠春意酿成愁花似染草如翦  
已是春强半小鬟微盼分付多情管痴騃不知愁想怕晚贪春未惯主人好事应许玳筵开歌  
眉敛舞腰软怎便轻分散

前调 石孝友

小花静院有个人人现缥缈更娉婷算不数歌朋舞伴鸣珂曲里常记偶相逢无语恨有情愁  
绿嫩红妆浅别来谁念人面关山远凝睇倚危楼眼波长眉峰不展一年心事到此向谁论书  
鴈杳梦云深寂寞江天晚

前调 石孝友

醉魂初醒强记寻芳径一似楚云归悄没了鳞书羽信踈狂踪迹虚度可怜春阴还闷愁还困  
赢得无端病菱花宝镜拆破双鸳影别袖忍频看生怕见啼红醉粉而今顚顚瘦立对东风红  
成阵绿成阴况是春将尽

前调【雪二首】 何梦桂

春工未觉何处琼英早夜半翦银河到人间楼台初晓霏霏脉脉不是不多情金帐暖玉堂深

却怪香尘杳天公谪下暂落红尘道颜色自还怜怕轻狂随风颠倒冰心谁诉但吹入梅花明月地白云阶相照天寒好

前调 何梦桂

飞僊欲下水殿严妆早娇涩怕春知跨白虬天门未晓霓裳零乱肌骨自清妍梅檐月柳桥风世上红尘杳重门深闭忘却山陰道呼酒嚼琼花任醉来玉山倾倒无言相对这岁暮心期茆舍外玉堂前处处风流好

前调 蔡松年

清明綠野玉色明春酒燕地雪如沙为唤起斗南温秀鬢丝禅榻梦觉古扬州瑶台路返魂香好在啼妆瘦春前入眼似是章台柳欲典鸂鶒裘悞金车香迎马首綠陰青子後日便东风秋千散暮寒生月到西厢後

前调【赋崇福荷花】 赵可

云房西下天共沧波远走马记狂游正芙蓉平铺镜面浮空栏檻招我到芳尊看花醉把花归扶路清香满水枫旧曲应逐歌尘散时节又新凉料开徧横湖清浅冰姿好在莫道总无情残月下晓风前有恨何人见

前调【饷柑】 张埜

洞庭珍味唤起愁千里万颗晓霜余记当时玉纤分翠小园秋晚半醉对黄花惊昨梦渺前欢岁月如弹指天涯牢落无计论心事冉冉驿尘红尚依然袭人芳气罽罗轻护不忍破金苞香簌簌露霏霏总是相思泪

前调 刘基

檐铃风过昵昵闺中语月上海东峰冷光浸澄清玉宇幽人此际轻步遶回廊鼃鸣沼鸦翻树露滴松梢雨芦花初老也学杨花絮袞袞趁流尘半沾泥半飘陌路不须看覩且自买芳尊巴渝曲婆娑舞醉饮朝还暮

前调 刘基

清明过了帘幙余寒浅芳树不胜风任流水飘红去远烟昏雨暝天衬海云低莺意嬾蝶魂消花尽成秋苑游丝落絮特地相萦绊无计网春晖漫赢得遮人望眼登高凝睇欲寄一缄书鸿路阻豹关深日暮空肠断



## 前调 刘基

三更鸣雨湿透桃花脸珠箔未登钩早飘落猩红数点碧云如梦人去已无踪金泥凤玉蟠龙  
寂寞蛛丝检铅华柔软刚被秋霜染长夜拥寒衾耿青灯膏凝晕闪铜壶漏永应是接天河一  
声去一声来空把重门掩

## 前调【寒食】 陈子龙

碧云芳草极目平川绣翡翠点寒塘雨霏微淡黄杨柳玉轮声断罗韞印花阴桃花透梨花瘦  
偏试纤纤手去年此日小院重回首晕薄酒阑时掷春心暗垂红袖韶光一样好梦已天涯斜  
阳候黄昏又人落东风後

## 御选历代诗余卷五十一

## 卷五十二

<集部,词曲类,词选之属,御选历代诗余

钦定四库全书

御选历代诗余卷五十二目录【起八十三字至八十五字】

洞仙歌【又一体】

苏轼

晁补之

葛郯【二首】

王安中

刘一止

刘光祖

韩淲

沈端节【二首】

蒋捷

张炎【二首】

赵君举

汪元量

姚云文

周用

前调【又一体】

李元膺

清波引

张炎

满路花

秦观

周邦彦

方千里【二首】

陈允平【二首】

周用

前调【又一体】

吕渭老

黄鹤引

无名氏

凄凉犯

张炎

迷仙引

柳永

洞仙歌【又一体】

晏几道【二首】

李邴

辛弃疾

蒋捷

前调【又一体】

段弘章

前调【又一体】

阮阅

蕙兰芳引

周邦彦

方千里

杨泽民

陈允平

梦玉人引【又一体】

朱敦儒

千秋引

李冠

兀令

贺铸

少年游慢

张先

鹤冲天【又一体】

贺铸

祭天神

柳永

踏青游

王诜

中兴乐【又一体】

李珣

五福降中天

无名氏

清波引【又一体】

姜夔

倾杯近

袁去华

满路花【又一体】

吕胜已

八六子

李演

洞仙歌【又一体】

晁补之

葛郯【三首】

李元膺

京镗

卢祖皋

高观国

无名氏

元好问

李俊民

詹正

前调【又一体】

晁补之

前调【又一体】

管监

梦玉人引【又一体】

范成大【二首】

陈三聘【二首】

华胥引

周邦彦

祭天神【又一体】

柳永

御选历代诗余卷五十二目錄

钦定四库全书

御选历代诗余卷五十二【起八十三字至八十五字】

司经局洗马掌局事兼翰林院修撰加二级【臣】王奕清奉旨校刊

洞仙歌

【又一体双调八十三字】

洞仙歌 苏轼

冰肌玉骨自清凉无汗水殿风来暗香满绣帘开一点明月窥人人未寝敲枕钗横鬓乱起来携素手庭户无声时见疎星度河汉试问夜如何夜已三更金波澹玉绳低转但屈指西风几时来又不道流年暗中偷换

前调【菊】晁补之

今春闰好怪重阳菊早满槛煌煌看霜晓唤金钱翠羽不称标容潇洒意陶令诗中能道不应夸絶艳曾妒春华因甚东君意不到又似锁三千汉女偏教明妃怨西风边草也何必牛山苦沾衣算只好龙山醉狂吹帽

前调【纳凉】葛 邲

璫楼十二无限神仙侣紫绂丹麾彩鸾驭步虚声杳霭碧落天高微云淡点破瑶堦白露暗香来水阁冰簟纱一枕风轻自无暑更上水晶帘斗挂阑干银河浅天孙将渡终不如归去在苕川看千顷菰蒲乱鸣秋雨

前调【次夜再赏月】葛 邲

藐姑仙子天外谁为侣八极浮游气为驭看朝餐沆瀣暮饮醍醐瑶台冷吹落九天风露翠空云幙净宝监无尘碧树秋来暗消暑残夜水明楼影落寒溪行人起沙头唤渡任角声吹落小梅花梦不到渔翁一蓑烟雨

前调 王安中

深庭夜寂但凉蟾如昼鹊起高槐露华透听曲楼玉管吹彻伊州金钏响轧轧朱扉暗叩迎人

巧笑道好个今宵怎不相寻暂携手见澹净晚妆对月偏宜多情更越饶纖瘦怨早促分飞霎时休便恰似阳台梦云归後

前调【梅】 刘一止

细风轻雾锁山城清晓冷蕊疎枝为谁好对斜桥孤驿流水溅溅无限意清影徘徊自照 何郎空立马恼乱余香绮思凭花更娟妙肠断处天涯路远音稀行人怨角声吹老叹客里经春又三年向月地云堦负伊多少

前调【荷花】 刘光祖

晚风收暑小池塘荷净独倚胡牀酒初醒起徘徊时有香气吹来云藻乱叶底游鱼动影 空擎承露盖不见冰容惆怅明妆晓鸾镜後夜月凉时月淡花低幽梦觉欲凭谁省且应记临流凭阑干便遥想江南红酣千顷

前调【次韵斯远所赋清溪一曲】 韩 漉

溪山好处赢得题新曲待足人生甚时足问临流情味倚徧斜晖应似画小景生绡一幅 渔舟声欸乃岩上云飞杳杳归鸦去鸿逐任当日伊吕谈笑兴王争敌恁闲眠野宿待雪天月夜我还来醉潇洒清幽那些儿屋

前调【雪】 沈端节

夜来惊怪冷逼流苏帐梦破初闻竹牕响向晓开帘看凌乱寒光清兴发鹤氅谁同纵赏 江南春意动梅竹潜通醉帽冲风自来往慨念故人疎便理扁舟须信道吾曹清曠待石鼎煎茶洗余醺更依旧归来浅斟低唱

前调 沈端节

重阳近也渐秋光凄劲宿雨初收好风景正干戈耆定禾黍丰登人意乐歌舞贤侯美政 醉翁游历处胜槩依然木落淮南见山影有客共登临醉里疎狂敲乌帽从嘲雪鬓但目送孤鸿傍危阑笑问道黄花似谁风韵

前调【对雨思友】 蒋 捷

世间何处最难忘杯酒唯是停云想亲友此时无一盏千种离愁西风外长伴枯荷衰柳 去年深夜雨倾倒书牕短烛心悬小红豆记得到门时雨正潇潇嗟今雨此情非旧待与子相期采黄花又未卜重阳果然晴否



前调【观王环山花外词有感】 张 炎

野鹃啼月便角巾还第轻掷诗瓢付流水最无端小院寂历春空门自掩柳发离离如此 可惜  
欢娱地雨冷云昏不见当时谱银字旧曲怯重翻总是离愁泪痕洒一帘花碎梦沉沉知道不  
归来尚错问桃根醉魂醒未

前调【寄茅峰梁中砥】 张 炎

中峰壁立挂飞来孤劒苍雪纷纷堕晴藓自当年诗酒客里相逢春尚好鸥散烟波茂苑 只今  
谁最老种玉人间消得梅花共清浅问我入山期但恐山深松风把红尘吹断望蓬莱知隔几  
重云料只隔中间白云一片

前调 赵君举

荒山明月下有云来去深夜纖毫静可数问古今底事留此空光修月户犹是当年玉斧 思君  
持羽扇来伴微吟水佩风环饮松露待勾漏丹成约与轻飞人间世不知归处更长啸余声振  
林谿见乱红惊飞半崑花雨

前调 汪元量

西园春暮乱草迷行路风倦残花堕红雨念旧巢燕子飞傍谁家斜阳外长笛一声今古 繁华  
流水去舞歇歌沉忍见遗钿种香土渐橘树方生桑枝才长都付与沙门为主便关防不放贵  
游来又突兀梯空梵王宫宇

前调 姚云文

燕窠香湿误天涯芳信社近陰晴未前定听莺簧宛转似羽疑宫歌未断落落旧愁都醒 疎狂  
追少日杜曲樊楼 把黄金买春恨回首武陵溪花侍郎归洞云深未知春尽问杨柳梢头几  
枝青消不得朝来雨寒一阵

前调【重午】 周 用

客中今日恰江南端午数点弄晴梅子雨正清溪华屋长昼初筵呈画扇更有香芦角黍 冬冬  
催羯鼓燕燕莺莺当面盈盈试歌舞故事杳难寻天上佳期人传道牛郎织女待罗袖明朝酒  
消痕记玉臂凝香彩丝双缕

前调【又一体】 李元膺

廉纖细雨滌东风如困萦断千丝为谁恨向楚宫一梦多少悲凉无处问愁到而今未尽 分明

都是泪泣柳沾花常与骚人伴孤闷记当年得意处酒力方酣怯轻寒玉鑪香润又岂识情怀  
苦难禁点滴檐声夜寒灯晕清波引

### 【双调八十三字】

清波引【送别湖湘廉使】 张 炎

江涛如许更一夜听风听雨短篷容与盘礴那堪数弭节澄江树不为蓴鲈归去怕教冷落芦  
花谁招得旧鸥鹭寒汀古渚尽日无人唤渡此中清楚寄情在谭麈难觅真闲处肯被水云留  
住冷然棹入中流去天尺五满路花

【或加促拍二字双调八十三字有名归去难者按之与此无异盖即满路花之别名非另有一调也】

满路花 秦 观

露颗添花色月彩投牕隙春思如中酒恨无力洞房咫尺曾记青鸾翼云散无踪迹罗帐更残  
梦回无处寻觅轻红腻白步步薰兰泽约腕金环重宜装饰未知安

否一向无消息不是寻常忆忆後教人片时存济不得

前调 周邦彦

金花落烬灯银砾鸣牕雪庭深微漏断行人絶风扉不定竹圃琅玕折玉人新闻阔着这情怀  
更当恁地时节无言敲枕帐底流清血愁如春後絮来相接知他那

里争信人心切除共天公说不成也还似伊无个分别

前调 方千里

帘筛月影金风卷杨花雪天边鸿鴈少音尘絶春光欲暮客子归心折江湖波浪阔目断家山  
料应易过佳节柔情千点杜宇枝头血危肠知寸断谁能接眠思梦

忆不似今番切欲对何人说揽镜沉吟瘦来须有差别

前调 方千里

莺飞翠柳摇鱼跃浮萍破斑斑红杏子交榴火池台昼永缭绕花陰里山色遥供座枕簟清凉  
北牕时唤高卧翻思少年走马铜駝左归来敲鐙月留关锁年华老

大事逐浮云过今吾非故我那日尊前只今问有谁呵

前调 陈允平

离歌泣断云别舞愁飞雪凤皇台上望琼箫絕钗分玉燕寸寸回肠折碧空归鴈阔犹有疎梅  
岁寒独伴高节皎绡罗帔泪洒臙脂血悠悠江上水天连接朱楼徧

倚万里空情切此恨凭谁说天若有情料天须有区别

前调 陈允平

寒轻菊未残春小梅初破兽炉闲拨尽松明火青氍锦幄四壁新装里裊暖香薰座绣拥银屏  
彩鸾空伴云卧相思何处梦入蓝桥左归期还细数愁眉锁薄情孤

鴈不向楼西过故人应怪我怪我无书有书还倩谁呵

前调 周用

风前满地花雨後连天草今年三月里春归早低云薄雾犹自怜清晓金尊须更倒无奈离愁  
为他转伤怀抱绣帘斜卷昼静闻啼鸟韶华刚九十勾销了绿波无

赖点点青荷小寄语春知道桃李多情莫教惜春人老

前调【又一体】 吕渭老

西风晴日短小雨菊花寒断云低古木暗江天星娥尺五佳约误当年小语凭肩处犹记西园  
画桥斜月阑干鸟啼花落春信遣谁传尚容春夜梦小留连青楼何

处宝镜注婵娟应念红笺事微晕春山背牕愁枕孤眠黄鹤引

【双调八十三字】

黄鹤引 无名氏

生逢垂拱不识干戈免田陇士林书圃终年庸非天宠才粗闾茸老去支离何用浩然归算是  
黄鹤秋风相送尘事塞翁心浮世庄生梦漾舟遥指烟波羣山森动

神闲意耸回首利鞬名鞶此情谁共问几许淋浪春瓮凄凉犯

【犯或作调双调八十三字宋姜夔自度曲但姜词九十三字此少字者又後人所损也】

凄凉犯 张 炎

西风暗翦荷衣碎藕丝不解重缉荒烟断浦晴晖零乱半江摇碧悠悠望极忍独听秋声淅沥  
更怜他柳发萧疎相与动秋色 老态今如此犹自留连醉筇吟屐不堪瘦影渺天涯尽成行客  
因甚忘归漫吹裂山阳夜笛迷仙引

【与迷神引无涉双调八十三字】

迷仙引 柳 永

才过笄年初绾云鬟便学歌舞席上尊前王孙随分相许算等闲酬一笑但千金慵觑常只恐  
薜华容易偷换光阴虚度 已受深恩顾好与花为主万里丹霄何妨携手同去去永弃却烟花  
伴侣免教人得见朝云暮雨洞仙歌

【又一体双调八十四字】

洞仙歌 晏几道

春残雨过绿暗东池道玉艳藏羞媚顔笑记当时已恨飞镜欢疎那至此仍苦题花信少 连环  
情未已物是人非月下疎梅似伊好淡秀色黯寒香粲若春容何心顾闲花凡草但莫使情随  
岁华迁便香隔秦源也须能到

前调【柳】 晏几道

江南腊尽早梅花开後分付新春与垂柳细腰肢自有入格风流仍更是骨体清英雅秀 永丰  
坊那畔尽日无人惟见金丝弄晴昼断肠是飞絮时绿叶成阴无个事一成消瘦又莫是东风  
逐君来便吹散眉间一点春皱

前调【柳花】 李 邴

一团纖软是将春揉做撩乱随风到何处自长亭人去烟草凄迷归未定妆点离愁无数 飘扬  
无个事刚被紫牵长是黄昏怕微雨记那回深院静帘幙低垂花阴下霎时留住又只恐伊家  
忒疎狂便蓦地和春带将归去

前调【浮石山庄】 辛弃疾

松关桂岭望青葱无路费尽银鈎榜佳处怅空山岁晚窈窕谁来须着我醉卧石楼风雨 仙人

琼海上握手当年笑许君携半山去剗叠嶂卷飞泉洞府凄凉又却怕先生多取怕夜半罗浮  
有时还好长把云烟再三遮住

前调【柳】 蒋捷

枝枝叶叶受东风调弄便是莺穿也微动自鹅黄千缕数到飞絲闲无事谁管将春迎送 轻柔  
心性在教得游人酒舞花吟恣狂纵更谁家鸾镜里贪学織蛾移来傍妆楼新种总不道江头  
锁清愁正雨渺烟茫翠陰如梦

前调【又一体荼蘼】 段弘章

一庭晴雪了东风孤注睡起浓香占牕户对翠蛟盘雨白凤迎风知谁见愁与飞红流处 想飞  
琼弄玉共驾苍烟欲向人间挽春住清泪满檀心如此江山都付与斜阳杜宇是曾约梅花带  
春来却又自趁梨花送春归去

前调【又一体】 阮阅

赵家姊妹合在昭阳殿因甚人间有飞燕见伊底尽道独步江南便江北也何曾惯见 惜伊情  
性好不解嗔人长带桃花笑时脸向尊前酒底见了须归似恁地能得几回细看待不眨眼儿  
覷着伊将眨眼工夫看伊几徧

蕙兰芳引

【本仙吕曲也後以名词双调八十四字】

蕙兰芳引 周邦彦

寒莹晚空点青镜断霞孤鹜对客馆深局霜草未衰更绿倦游厌旅但梦绕阿娇金屋想故人  
别後尽日空疑风竹 塞北毳毼江南图幃是处温燠更花管云笺犹写寄情旧曲音尘迢递但  
劳远目今夜长争奈枕单人独

前调 方千里

庭院雨晴倚斜照睡余双鹜正学染修蛾官柳细匀黛绿绣帘半卷透笑语琐牕华屋带脆声  
咽韵远近时闻丝竹 乍着单衣才拈团扇气候暄燠趁骄马香车同按绣坊画曲人生如寄浪  
勤耳目归醉乡犹胜旅情愁独

前调【池亭画桥宴舞作】 杨泽民

命酌池亭帘初下散飞鳧鹭乍风约云开遥嶂几眉横绿画桥架月映四岸垂杨遮屋遶翠阑  
碧檻尽是新栽花竹 风送荷香凉生冰簟岂畏炎燠便催唤双成看舞相时丽曲及瓜虽近要  
娱我目教後人行乐亦非吾独

前调 陈允平

虹雨乍收楚天霁乱飞秋鹭渐秋色衰残墙外土花晴绿故山鹤怨流水自菊篱茅屋日暮诗  
吟就澹墨闲题修竹 更忆飘蓬霜终风葛几度凉燠叹归去来兮何日甬东一曲黄芦满望白  
云在目但月明长夜伴人清独

梦玉人引

【又一体双调八十四字】

梦玉人引 朱敦儒

浪萍风梗寄人间倦为客梦里瀛洲姓名误题仙籍敛翅归来爱小园脱箨簪篴碧新种幽花  
戒儿童休摘放怀随分各逍遥飞鷁等鹏翼舍此萧闲问君携杖安适诸彦羣英诗酒皆勍敌  
太平时向花前不醉如何休得

千秋引

【一名淡红绡双调八十四字】

千秋引 李冠

杏花好仔细君须辨比早梅深夭桃浅把蛟绡澹拂鲜红绽蜡融紫萼重重现烟外悄风中笑  
香满院 欲绽全开俱可羨粹美妖娆无处选除卿卿似寻常见倚天真艳冶轻朱粉分明洗出  
胭脂面追往事遶芳树千千徧

兀令

【双调八十四字】

兀令 贺铸

盘马楼前风日好雪消尘埽楼上宫妆早认帘箔微开一面嫣然笑携手别院重廊窈窕花房  
小任碧罗牕晓间阔时多书问少镜鸾空老身寄吴云杳想轘轳车音几度青门道占得春色  
年年随处随人到恨不如芳草

## 少年游慢

【双调八十四字】

### 少年游慢 张先

春城三二月禁柳飘飏未歇仙鬟生香轻云凝紫临层阙歌掌明珠滑酒脸红霞发华省名高  
少年得意时节昼刻三题彻梯汉同登蟾窟玉殿初宣银袍齐脱生

仙骨花探都门晓马跃芳衢阔宴罢东风鞭梢一行飞雪

## 鹤冲天

【又一体双调八十四字】

### 鹤冲天 贺铸

冬冬鼓动花外沉残漏华月万枝灯还清昼广陌衣香度飞盖影相先後个处频回首锦坊西  
去期约武陵溪口当时早恨欢难偶可堪流浪远分携久小畹兰英在轻付与何人手不似长  
亭柳舞风眠雨伴我一春消瘦

## 祭天神

【双调八十四字】

### 祭天神 柳永

叹笑筵歌席轻抛鞦背孤城几舍烟村停画舸更深钓?归来数点残灯火被连絺宿酒醺醺愁  
无那寂寞拥重衾卧又闻得行客扁舟过蓬牖近兰桡急好梦还惊破念平生单栖踪迹多感  
情怀到此厌厌向晓披衣坐

## 踏青游

【双调八十四字】

### 踏青游 王诜

金勒狝鞍西城嫩寒春晓路渐入垂杨芳草过平堤穿绿径几声啼鸟是处里谁家杏花临水  
依约靓妆斜照极目高原东风露桃烟岛望十里红围绿绕更相将

乘酒兴幽情多少待向晚从头记将归去说与凤楼人道

中兴乐

【又一体双调八十四字】

中兴乐 李 珣

後庭寂寂日初长翩翩蝶舞红芳绣帘垂地金鸭无香谁知春思如狂忆萧郎等闲一去程遥  
信断五岭三湘休开鸾镜学宫妆可能更理笙簧倚屏凝睇泪落成

行手寻裙带鸳鸯暗思量忍孤前约教人花貌虚老风光

五福降中天

【双调八十四字】

五福降中天 无名氏

喜元宵三五纵马御柳沟东斜日映珠帘瞥见芳容秋水娇娆俊眼腻雪轻铺素胸爱把菱花  
粉面露春葱徘徊步嬾奈一点灵犀未通怅望七香车去幔展春风云情雨态愿暂入阳台梦  
中路隔烟霞甚时还许到蓬宫

清波引

【又一体双调八十四字】

清波引 姜夔

冷云迷浦倩谁唤玉妃起舞岁华如许野梅弄眉妩屐齿印苍苔渐为寻花来去自随秋鴈南  
来望江国渺何处新诗漫与好风景长是暗度故人知否抱幽恨难语何时共渔艇莫负沧浪  
烟雨况有清夜啼猿怨人良苦

倾杯近

【双调八十四字】

倾杯近 袁去华



邃馆金铺半掩帘幙参差影睡起槐陰转午鸟啼人寂靜残妝褪粉松髻欹云慵不整尽无言  
手按裙带遶花迳酒醒时梦回处旧事何堪省共载寻春竝坐调箏何时更心情尽日一似杨  
花飞无定未黄昏又先愁夜永

### 满路花

【又一体双调八十四字】

### 满路花【瑞香】 吕胜已

名花无影迹寒风日凄凉人间千万树歇芬芳紫微宫女仙驭降霓裳名在仙班簿不属尘凡  
洞天密锁云牕遗璫连宝珥人世识天香凝寒承雨露傲冰霜凌波

仙子邂逅水云乡更约南枝友游徧江南共归三岛扶桑

### 八六子

【双调八十四字】

### 八六子 李 演

乍鸥边一番腴绿流红又怨苹花看晓吹约晴归路夕阳分落渔家轻寒半遮 萦情芳草无涯  
还报舞香一曲玉瓢几许春华正细柳青烟小桃朱户去年人面谁知此日重来系马东风澹  
墨敲鸦黯牕纱人归绿陰自斜

### 洞仙歌

【又一体双调八十五字】

### 洞仙歌【梅】 晁补之

年年青眼为江梅肠断一句新诗思无限向碧琼枝上白玉葩中春犹浅一点龙香清远 谁抛  
倾国艳昨夜前村都恐东皇未曾见正倚墙红杏芳意浓时惊千片何许飘零仙馆待冰雪丛  
中看奇姿乍一笑能回上林冬暖

### 前调 葛 郯

风摇丹髻叶翦西岩树岁律峥嵘又如许看千峰倒影浮动觥船纱牕外万幅蛟绡鬬舞 五弦  
弹不尽碧落天高隐隐孤鸿向云度送斜红敛尽催上蟾钩金风细点破瑶阶白露任笛声吹

残一帘秋看人倚朱阑暮云高处

前调 葛 郯

橹声伊轧影转云间树试问扁舟在何许正溪堂波动沙渚苹轻渔翁醉隔岸蓑衣对舞 归来  
无一事尊酒相逢莫把光阴更虚度看歌云杏靄重雾轻盈银河转笑浥芙蓉晓露纵西风黄  
叶满庭秋也不碍凝眸乱山多处

前调 葛 郯

丹青明灭霜着谁家树满眼风光向谁许送寒鸦万点流水孤村归来晚月影三人夜舞 金英  
秋已老蜡缀寒葩空里时闻暗香度任一枝瓶小数点钗寒佳人笑饮尽牀头玉露看纱牕红  
日上三竿把蝶影捎空在花深处

前调 李元膺

雪云散尽放晓晴庭院杨柳於人便青眼更风流多处一点梅心相映远约略嚬轻笑浅 一年  
春好处不在浓芳小艳疎香最娇软到清明时候百紫千红花正乱已失春风一半早占取韶  
光共追游但莫管春寒醉红自暖

前调【海棠】 京 鎰

东皇着意妙出妆春手点缀名花胜於绣向鱼鳧国里琴鹤堂前仍共赏蜀锦堆红炫昼 妖娆  
真艳丽尽是天然莫恨无香欠檀口幸今年风雨不苦摧残还肯为游人再三留否算魏紫姚  
黄号花王若定价收名未应居右

前调【茉莉】 卢祖皋

玉肌翠袖较似荼蘼瘦几度熏醒夜牕酒问炎州何事得许清凉尘不到一段冰壶翦就 晚来  
庭户悄暗数流光细拾芳英黯回首念日暮江东偏为魂销人易老幽韵清标似旧正簾纹如  
水帐如烟更奈向月明露浓时候

前调 高观国

轻痕浅晕偷染春风面恰似西施影儿现拟新妆临监一段天真闲态度长恁香娇玉软 从今  
怀袖里不暂相离似笑如顰在舒卷愿芳容不老只似如今娇不语无奈情深意远便雨隔云  
疎暂分携也时展丹青见伊一见

前调 无名氏

断云疎雨冷落空山道匹马駸駸又重到望孤村三两茅屋疎篱溪水畔一簇芦花晚照寻思行乐地事去无痕回首湘波与天杳叹人生几度能醉金钗青镜里赢得朱颜未老又一点枝头破黄昏问客路春风为谁开早

前调 元好问

黄尘鬓发六月长安道羞向清溪照枯槁似山中远志漫出山来成个甚只道人间小草昇平十二策丞相封侯说与高人应笑倒对清风明月展放眉头长恁地大醉高歌也好待都把功名付时流只求个天公放教空老

前调【谢杨成之寄梅】 李俊民

陇头潇洒辜负寻芳眼浪蕊浮花问名嬾纵看看驿使带得春来只恐怕緑叶成陰子满暗香无恙否月落参横惆怅罗浮梦魂短赖故人情重不减西湖花上月分我黄昏一半更选甚南枝与北枝是一种春风待争寒暖

前调【送张宗师捧香】 詹正

醉骑黄鹤飞下红云岛铁笛吹寒洞天晓被人间识破惹起虚名惊宇宙一笑天高月小仙槎人去後殿上班头除却洪崖总来少看天香袖里散作东风吹不断海北天南都到试容我从游五陵间便吹入苍寒一蓑烟钓

前调【又一体中秋】 晁补之

青烟幕处碧海飞金镜永夜闲阶卧桂影露凉时零乱多少寒蟾神京远唯有蓝桥路近水晶帘不下云母屏开冷浸佳人淡脂粉待都将许多明月付与金尊投晓共流霞倾尽更携取胡牀上南楼看玉做人间素秋千顷

前调【又一体牡丹】 管 监

化工妙手惯与花为主忍便催残任风雨翦姚黄移魏紫齐集梁园春艳艳何必尊前解语绣屏深照影帘密收香夜久寒生费调护宝盆翻银烛烂客醉忘归共惜此芳菲难遇看明年紫禁绕莺花漫相望春风五云深处

梦玉人引

【又一体双调八十五字】

梦玉人引 范成大

送行人去犹追路再相觅天末交情长是合堂同席从此尊前便顿然少个江南羁客不忍匆匆少驻船梅驿酒斟虽满尚少如别泪万千滴欲语吞声结心相对

呜咽灯火凄清笙歌无颜色纵别後尽相忘算也难忘今夕

前调 范成大

共登临处飘风袂倚空碧雨卷云飞长有桂娥看客箫鼓生春徧锦城如画雪山无色一梦才成恍天涯南北舞余歌罢料宣华回首尽陈迹万里秦吴有情应问

消息我欲归耕如何重来得故人若望江南且折梅花相忆

前调 陈三聘

别来何处酒醒後梦难觅晚日溪亭清晓便挂帆席满载离愁指去程还作江南行客目断层城数迢迢山驿素巾空染泪痕斑应是暗中滴记得轻分玉箫犹自

凄咽昨夜东风梅柳惊春色料伊也没心情过却好天良夕

前调 陈三聘

倚阑干久人不见暮云碧芳草池塘春梦暗惊诗客昨夜溪梅向空山雪里轻匀颜色好赠行人折枝南枝北雨巾风帽昔追游谁念旧踪迹料得疎篱暗香时度

风息澹月微云有何人消得便归去路溪桥慰我经年思忆

华胥引

【双调八十五字】

华胥引 周邦彦

川原澄映烟月冥蒙去舟似叶岸足沙平蒲根水冷留鴈唼别有孤角吟秋对晓风鸣轧红日三竿醉头扶起还怯离思相萦渐看看鬓丝堪镊舞衫歌扇何人轻怜细阅点检从前恩爱凤笺盈筐愁翦灯花夜来和泪双叠

祭天神

【又一体双调八十五字】

祭天神 柳 永

忆绣衾相向轻轻语屏山掩红蜡长明金兽盛熏兰炷何期到此酒态花情顿辜负愁肠断还是黄昏那更满庭风雨听空阶和漏碎声鬬滴愁眉聚算伊还共谁人争知此冤苦念千里烟波迢迢前约旧欢省一向无心绪

御选历代诗余卷五十二

## 卷五十三

<集部,词曲类,词选之属,御选历代诗余

钦定四库全书

御选历代诗余卷五十三目录【起八十六字至九十字】

洞仙歌【又一体】

蔡伸

前调【又一体】

赵长卿

前调【又一体】

吴文英

吕直夫

促拍满路花【又一体】

吕岩

赵师侠【二首】

华胥梦【又一体】

方千里

杨泽民

陈允平

张炎

奚？

江城梅花引

李献能

受恩深

柳永

鹤冲天【又一体】

杜安世

洞仙歌【又一体】

康与之

谢懋

惜红衣

吴文英

离别难

薛昭蕴

鹊桥仙【又一体】

柳永

芳草渡【又一体】

陈允平

江城梅花引【又一体】

王观

洪皓

前调【又一体】

吴文英

陈允平

周密【二首】

张翥

瑞鹧鸪【又一体】

柳永

八六子【又一体】

秦观

劝金船

苏轼

玉人歌

杨炎

羽仙歌【又一体】

潘耒

梅花引【又一体】

蒋捷

惜衣红【又一体】

姜夔



张炎

鹤冲天【又一体】

柳永

醉思仙

吕渭老

采桑子慢

蔡伸

醉思仙【又一体】

孙氏

雪狮儿

程垓

鱼游春水

无名氏

马庄父

卢祖皋

赵闻礼

探芳信【又一体】

张炎

李彭老

惜红衣【又一体】

李莱老

石湖仙

姜夔

孤鸾【又一体】

张翥

远朝归

赵耆孙

叠青钱

无名氏

八六子【又一体】

杨缵

卜算子【又一体】

鍾輶

柳永

芳草渡【又一体】

周邦彦

满江红

吕渭老【二首】

八六子【又一体】

杜牧

采桑子慢【又一体】

潘元质

吴文英【二首】

前调【又一体】

吴礼之

玉京秋

周密

法曲献仙音【又一体】

张大烈

谢池春慢

张先

李之仪

探芳信【又一体】

史达祖

吴文英【三首】

蒋捷

遥天奉翠华引

侯寘

一枝花

辛弃疾

鹊踏花翻

徐渭

御选历代诗余卷五十三目录

钦定四库全书

御选历代诗余卷五十三【起八十六字至九十字】

司经局洗马掌局事兼翰林院修撰加二级【臣】王奕清奉旨校刊

洞仙歌

【又一体双调八十六字】

洞仙歌 蔡 伸

莺莺燕燕本是于飞伴风月佳时阻幽愿但人心坚固後天也怜人相逢处依旧桃花人面 緑  
牕携手乍帘幙重重烛影摇红夜将半对尊前如梦欲语魂惊语未竟已觉衣襟泪满我只是  
相思特特来这度更休推後回相见

前调【又一体】 赵长卿

菱荷已老菊与芙蓉未一夜秋容上岩桂间繁芜嫩黄染就琼瑰开未足已早香传十里  
从前分付处明月清风不用斜晖照佳丽叹浮花徒解咤浅白深红争似

我潇洒堆金积翠看天阔秋高露华清见标致风流更无尘意

前调【又一体】 吴文英

芳辰良宴人日春朝竝细缕青丝裹银饼更玉犀金彩沾座分簪歌围暖梅靨桃唇鬪胜 露房  
花曲折莺入新年添个宜男小山枕待枝上饱东风结子成陰蓝桥去还觅琼浆一饮料别馆  
西湖最情浓烂画舫月明醉宫袍锦

前调 吕直夫

征鞍带月浓露沾襟袖马上轻衫峭寒透望翠峰深浅忆着眉儿腰肢嬾忍看风前细柳 别时  
频嘱付早寄书来能及清明到家否这言语便梦里也在心头重相见不知伊瘦依瘦纵百卉

千花已离披须趁得酴醾牡丹时候

促拍满路花

【又一体双调八十六字】

促拍满路花 吕 岩

秋风吹渭水落叶满长安茫茫尘世里独清闲自然鑪鼎虎绕与龙盘九转丹砂就一粒刀圭  
便成陆地神仙任万钉宝带貂蝉富贵欲熏天黄粱炊未熟梦惊残

是非海里直道作人难袖手江南去白苹红蓼又寻湓浦庐山

前调【跳珠亭】 赵师侠

栽花春烂漫叠石翠漓岏小亭相对倚数峰寒主人寻胜接竹引清泉凿破苍苔地一掬泓澄  
六花疑是深渊向闲中百虑翛然情事寄鸣弦炉香陪茗盃可忘言

喷珠溅雪历历听潺湲尘世知何计不老朱颜静看日月跳丸

前调【瑞?亭】 赵师侠

连枝蟠古木瑞?映晴空桃江江上景古今同忙中取静心地尽从容埽尽荆榛蔽结屋诛茆道  
人一段家风任鸟飞兔走匆匆世事亦何穷官闲民不扰更年丰

簞瓢云水时与话西东真乐谁能识兀坐忘言浩然天地之中

华胥引

【又一体双调八十六字】

华胥引 方千里

长亭无数羁客将归故园换叶乳鸭随波轻萍满渚时共唼接眼春色何穷更橹声伊轧思忆  
前欢未言心已愁怯 欺鬓吴霜恨星星又还羞镊锦纹鱼素那堪重翻再阅粉脂香痕依旧在  
绣裳鸳篋多少相思皱成眉上千叠

前调 杨泽民

征车将动愁不成歌对颦翠叶静掩兰房香铺卧鸭烟罢唼别後羞看霓裳更把箏休轧频数更筹乍寒孤枕偏怯常为霜髭弄纤纤向人轻镊旧词新句幽窗时时竝阅药饵衣衾愁顿放一番行篋早晚归家又烦春箏重叠

前调 陈允平

涵空斜照掠水轻岚满天红叶鴈泊平芜鳬依荒荻声唼唼寂寞金井梧桐渐辘轳伊轧明月纱窗夜寒孤枕应怯吟老西风笑衰髭顿已如镊锦笺郑重频剔兰灯自阅多谢征衫初寄尚宝香薰篋愁忆家山梦魂飞度千叠

前调【题画牡丹梨花】 张炎

温泉浴罢酣酒才苏洗妆犹湿薄暮云深瑶台月下逢太白素衣初染天香对东风倾国惆怅东阑炯然玉树独立只恐江空顿忘却锦袍清逸柳迷归院欲远花妖未得谁写一枝澹雅傍沉香亭北说与莺莺怕人错认秋色

前调 奚?

澄空无际一幅轻绡素秋弄色翦翦天风飞飞万里吹净碧遥想玉杵芒寒听佩环无迹圆缺何心有心偏向歌席多少情怀甚年年共怜今夕蕊宫珠殿还吟飘香秀笔隐约霓裳声度认紫霞楼笛独鹤归来更无清梦成觅

江城梅花引

【双调八十六字一名摊破江城子合江城子梅花引二调为一调也】

江城梅花引 李献能

汉宫娇额倦涂黄试新妆立昭阳萼绿仙姿高髻碧罗裳翠袖卷纱闲倚竹暝云合琼枝荐暮凉璧月浮香摇玉浪拂春帘莹绮窗冰肌夜冷滑无粟影转斜廊冉冉孤鸿烟水渺渺三湘青鸟不来天也老断魂?清霜静楚江

受恩深

【受或作爱双调八十六字】

受恩深 柳永

雅致装庭宇黄花开澹泞细香明艳尽天与助秀色堪餐向晓自有真珠露刚被金钱妒拟买

断秋天容易独步 粉蝶无情蜂已去要上金尊惟有诗人曾许待宴赏重阳恁时尽把芳心吐  
陶令轻回顾免憔悴东篱冷烟寒雨

鹤冲天

【又一体双调八十六字】

鹤冲天 杜安世

清明天气永日愁如醉台榭绿阴浓薰风细燕子巢方就盆池小新荷蔽恰是逍遥际单夹衣裳半笼软玉肌体石榴吐艳一撮红绡比牕外数修篁寒相倚有个关心处难相见空凝睇行  
坐深闺里嬾更妆梳自知新来憔悴

洞仙歌

【又一体双调八十七字】

洞仙歌 康与之

若耶溪路别岸花无数欲敛娇红向人语与绿荷相倚恨回首西风波淼淼三十六陂烟雨新  
妆明照水汀渚生香不嫁东风被谁误遣踟蹰骚客意千里县县仙浪远何处凌波凝步想南  
浦潮生画桡归正月晓风清断肠凝伫

前调【春雨】 谢懋

愁边雨细漠漠天如醉摇扬游丝晚风外酿轻寒和暝色花柳难胜春自老谁管啼红敛翠关  
情潜入夜斜湿帘栊几处挑灯耿无寐念阳台当日事好伴云来因个甚不入襄王梦里便添  
起寒潮卷长江又恐是离人断肠清泪

惜红衣

【双调八十七字宋姜夔自度曲以红衣半狼籍句名调也但姜词八十八字此则少一字】

惜红衣【游苕霅间志感】 吴文英

鹭老秋丝苹愁暮雪鬓那太白倒柳移栽如今暗溪碧乌衣细语伤伴惹茸红曾约南陌前度  
刘郎寻流花踪迹朱楼水侧雪面波光汀莲沁颜色当时醉近绣箔夜吟三十六矾重到清梦  
冷云南北买钓舟溪上应有烟蓑相识

## 离别难

【武后时有士人妻没入掖庭善吹觱篥乃撰此曲一名大郎神一名悲切子一名愁回鹘然唐人教坊乐府所传皆五言七言絶句至薛昭蕴始有离别难之词双调八十七字】

### 离别难 薛昭蕴

宝马晓鞦雕鞍罗帏乍别情难那堪春景媚送君千万里半妆珠翠落露华寒红蜡烛青丝曲偏能勾引泪阑干良夜促香尘绿魂欲迷檀眉半敛愁低未别心先咽欲语情难说出芳草路东西摇袖立春风急樱花杨柳雨凄凄

## 鹧桥仙

【又一体双调八十七字】

### 鹧桥仙 柳永

屈征途携书剑迢迢匹马东去惨离怀嗟少年易分难聚佳人方恁缱绻便忍分鸳侣当媚景算密意幽欢尽成轻负此际寸肠万绪惨愁颜断魂无语和泪眼片时几番回顾伤心脉脉谁诉但黯然凝竚暮烟寒雨望秦楼何处

## 芳草渡

【又一体双调八十七字】

### 芳草渡 陈允平

芳草渡渐迤逦分飞鸳俦凤侣洒一枝香泪梨花寂寞春雨惜别情思苦匆匆深盟诉翠浪远六幅蒲帆缥缈东去夕阳冉冉恨逐潮回南浦路漫空念归来燕子双栖旧庭户市桥细柳尚不减少年张绪渐瘦损嬾照镜鸾对舞

## 江城梅花引

【又一体双调八十七字】

### 江城梅花引 王观

年年江上见寒梅几枝开暗香来疑是月宫仙子下瑶台冷艳一枝春在手故人远相思切寄与谁怨极恨极颿玉蕊念此情家万里暮霞散绮楚天碧几片斜飞为我多情特地点征衣花



易飘零人易老正心碎那堪闻塞管吹

前调【次王通叟韵】 洪皓

天涯除馆忆江梅几枝开使南来还带余杭春信到燕台准拟寒英聊慰远隔山水应销落赴  
愬谁空恁遐想笑摘蕊断回肠思故里漫弹绿绮引三弄不觉魂飞更听青笳哀怨泪沾衣乱  
插繁花须异日待孤讽怕东风一夜吹

前调【又一体 赠倪梅村】 吴文英

江头何处带春归玉川迷路东西一鴈不飞雪压冻云低十里黄昏成晓色竹根篱分流水过  
翠微带书傍月自鉏畦苦吟诗生鬓丝半黄细雨翠禽语似说相思惆怅孤山花尽草离离半  
幅寒香家住远小帘垂玉人误听马嘶

前调【和白云赵宗簿自度曲】 陈允平

雨余芳草碧萧萧暗春潮荡双桡紫凤青鸾旧梦带文箫绰约佩环风不定云欲堕六铢香天  
外飘相思为谁兰恨销渺湘魂无处招素纨犹在真真意还倩谁描舞镜空悬羞对月明宵镜  
里伤心心里月君去矣旧东风新画桥

前调【次韵二首】 周密

舞红愁碧晚萧萧溯回潮竚仙桡风高露寒飞下紫霞箫一鴈远将千里信怀渺渺翦愁云风  
外飘酒醒未醒香旋销采江篱吟楚招情萦芳草梅魂冷月影空描锦瑟瑶尊空度可怜宵二  
十四桥愁倚徧空怅望短长亭短长桥

前调 周密

鴈霜苔雪冷飘飘断魂潮送轻桡翠袖朱楼清语梦琼箫江北江南云自碧人不见泪花寒向  
雨飘愁多病多腰素销倚清琴调大招江空年晚凄凉句远意难描月冷花阴心事负春宵几  
度问春春不语春又到旧西湖第几桥

前调 张翥

玉儿睡起钗蒙头更娇柔见郎羞绾袂仙人一笑艳明眸粉瘦红愁春梦断画阑畔对西风忆  
旧游忆卿恨卿思悠悠怕凄凉不耐秋艳绝韵绝香又绝特地风流宜与云鬓双插倚妆楼月  
又渐低霜又冷花似雪满苍苔总是愁

瑞鹧鸪

【又一体双调八十八字】

瑞鹧鸪 柳 永

宝髻瑶簪严妆巧天然绿媚红深绮罗丛里独逡巡吟一曲阳春定价何啻值千金倾听处王孙帝子鹤盖成阴凝态掩霞襟动象板声声怨思难任嘹唳处回压弦管低沉时恁回眸敛黛空役五陵心须信道缘情寄意别有知音

八六子

【又一体双调八十八字一名感黄鹂】

八六子 秦 观

倚危亭恨如芳草萋萋剗尽还生念柳外青骢别後水边红袂分时怆然暗惊无端天与娉婷夜月一帘幽梦春风十里柔情怎奈何欢娱渐随流水素弦声断翠绡香减那堪片片飞花弄晚蒙蒙残雨笼晴正销凝黄鹂又啼数声

劝金船

【双调八十八字】

劝金船 苏 轼

无情流水多情客劝我如曾识杯行到手休辞却这公道难得曲水池上小字更书年月如对茂林修竹似永和节纤纤素手如霜雪笑把秋花插尊前莫怪歌声咽又还是轻别此去翱翔徧赏玉堂金阙欲问再来何岁应有华发

玉人歌

【双调八十八字】

玉人歌 杨 炎

西风起又老尽篱花寒轻香细漫题红叶句里意谁会长天不恨江南远苦恨无书寄最相思盘橘千枚脍鲈十尾鸿鴈阻归计算愁满离肠十分岂止倦倚阑干顾影在天际凌烟图画青山约总是浮生事判从今買取朝醒夕醉

羽仙歌

【又一体双调八十八字】

羽仙歌 潘 昉

雕檐绮户倚晴空如画曾是吴王旧台榭自浣纱人去後落日平芜行云断几见花开花谢 凄  
凉阑槛外一簇青山多少图王共争霸莫闲愁金杯潋灩对酒当歌欢娱地梦中瞢腾休话渐  
倚徧西风晚潮生明月里鹭鸶背人飞下

梅花引

【又一体双调八十八字】

梅花引【荆溪阻雪】 蒋 捷

白鸥问我泊孤舟是身留是心留心若留时何事锁眉头风拍小帘灯晕舞对闲影冷清清忆  
旧游 忆旧游旧游今在否花外楼柳下舟梦也梦也梦不到寒水空流漠漠黄云湿透木棉裘  
都道无人愁似我今夜雪有梅花似我愁

惜红衣

【又一体双调八十八字】

惜红衣【吴兴荷花】 姜 夔

簟枕邀凉琴书换日睡余无力细洒冰泉并刀破甘碧墙头换酒谁问讯城南诗客岑寂高树  
晚蝉说西风消息 虹梁水陌鱼浪吹香红衣半狼籍维舟试望故国渺天北可惜渚边沙外不  
共美人游历问甚时同赋三十六陂秋色

前调【赠妓双波】 张 炎

两翦秋痕平分水影炯然冰洁未识新愁眉心倩人贴无端醉里通一笑柔花盈睫痴絶不解  
送情倚银屏斜瞥 长歌短舞换羽移宫飘飘步回雪扶娇倚扇欲把艳怀说为语杜郎重到只  
虑空江桃叶但数峰犹在如傍那家风月

鹤冲天

【又一体双调八十八字】

鹤冲天 柳 永

黄金榜上偶失龙头望明代暂遗贤如何向未遂风云便争不恣游狂荡何须论得丧才子词人自是白衣卿相烟花巷陌依约丹青屏障幸有意中人堪寻访且恁偎红倚翠风流事平生畅青春都一晌忍把浮名换了浅斟低唱

醉思仙

【双调八十八字】

醉思仙 吕渭老

断人肠正西楼独上愁倚斜阳趁鸳鸯鸂鶒两两池塘春又老人何处怎惯不思量到如今瘦损我又还无计禁当小院呼卢夜当时醉倒残缸被天风吹散凤翼难双南窗雨西窗月尚未散拂天香听莺声悄记得那时舞板歌梁

采桑子慢

【即丑奴慢双调八十九字】

采桑子慢 蔡伸

明眸秀色别是天真潇洒更鬢发堆云玉脸澹拂轻霞醉里精神衆中标格谁能画当时携手花笼澹月重门深亚巫峰梦回已成陈事岂堪重话谩赢得罗襟清泪鬢边霜华念伤怀凭阑烟水渺无涯秦源目断碧云暮合难认仙家

醉思仙

【又一体双调八十九字】

醉思仙 【宋媛】孙氏

霁霞红看山迷暮景烟暗孤松动翩翩风袂翻若惊鸿心似鉴鬢如云弄清影月明中谩悲凉岁冉冉薜华潜改衰容前事消凝久十年光景匆匆念云轩一梦回首春空彩凤远玉箫寒夜悄悄恨无穷叹黄尘久埋玉断肠洒泪东风

雪狮儿

【一名狮儿词双调八十九字】

雪狮儿 程垓

断云低晚轻烟带暝风惊罗幙数点梅花香倚雪牕摇落红炉对谯正酒面琼酥初削云屏暖  
不知门外月寒风恶 迢迢慵云半掠笑盈盈闲弄宝箏弦索?极生春已向横波先觉花娇柳  
弱渐倚醉要人扶着低告托早把被香熏却

### 鱼游春水

【双调八十九字唐词纪载防河卒於濬汴日得一石刻有词无调名遂摭词中四字名之即  
所传无名氏一词是也】

### 鱼游春水 无名氏

秦楼东风里燕子还来寻旧垒余寒犹峭红日薄侵罗绮嫩草方抽碧玉茵媚柳轻窣黄金縈  
莺转上林鱼游春水 几曲阑干徧倚又是一番新桃李佳人应怪归迟梅妆泪洗凤箫声絶沉  
孤鴈望断清波无双鲤云山万重寸心千里

### 前调 马庄父

池塘生春草数尽归鸿人未到天涯目断青鸟尚賒音耗晓月频窥白玉堂暮雨还湿青门道  
巢燕引雏乳莺空老 庭际香红倦埽乾鹊休来枝上噪前回准拟同它翻成病了欲题红叶凭  
谁寄独把孤桐无心操眉间翠攒鬓边霜早

### 前调 卢祖皋

离愁禁不去好梦别来无觅处风翻征袖触目年芳如许软红尘里鸣鞭镫拾翠丛中勾伴侣  
都负岁时暗关情绪 昨夜山陰杜宇似把归期惊倦旅遥知楼倚东风凝颦暗数宝香飘拂遗  
鸳锦心事悠悠寻燕语芳草暮寒乱花微雨

### 前调 赵闻礼

青楼临远水楼上东风飞燕子玉鈎珠箔密密锁红关翠翦胜裁幡春日戏簇柳簪花元夜醉  
闲忆旧欢漫撩新泪 罗帕啼痕未洗愁见同心双凤翅长安十日轻寒春衫未试过尽征鸿知  
几许不寄萧郎书一纸愁肠断也个人知未

### 探芳信

【又一体双调八十九字一名西湖春】

探芳信【西湖春感寄草牕】 张 炎

坐清昼正冶思萦花余醒倦酒甚采芳人老芳心尚如旧销魂忍说铜驼事不是因春瘦向西园竹埽颓垣蔓延荒甃风雨夜来骤叹孤冷莺帘恨凝蛾岫愁到今年多似去年否赋情嬾听山阳笛目极空搔首我何堪老却江潭深柳

前调【湖上春游次张叔夏韵】 李彭老

对芳昼甚怕冷添衣伤春疎酒正绯桃如火相看自依旧闲帘深掩梨花雨谁问东阳瘦几多时涨緑莺枝堕红鸳甃堤上宝鞍骤记草色熏晴波光摇岫苏小门前题字尚存否繁华短梦随流水空有诗千首更休言张绪风流似柳

惜红衣

【又一体双调八十九字】

惜红衣【寄弁阳翁】 李莱老

笛送西泠帆过杜曲昼陰芳緑门巷清风还寻故人出屋苍华发冷笑瘦影相看如竹幽谷烟树晓莺诉经年愁独残阳古木书画归船匆匆又南北蕢洲鸥鹭素熟旧盟续甚日浩歌招隐听雨弁阳同宿料重来时候香荡几湾红玉

石湖仙

【此姜夔自度曲也双调八十九字】

石湖仙【壽石湖居士】 姜 夔

松江烟浦是千古三高游衍佳处须信石湖仙侣鸱夷翩然引去浮云安在我自爱緑香红舞容与看世间几度今古卢沟旧曾驻马为黄花闲吟秀句见说吴儿也学纶巾敲雨玉友金蕉玉人金缕缓移箏柱闻好语明年定在槐府

孤鸾

【又一体双调八十九字】

孤鸾【题仙女梅下吹笛图】 张 翥

江皋空阔更半霎轻风些儿微雪倚竹仙姬翠袖暮寒应怯闲拈玉龙自品爱冰姿与花争洁一阕霓裳乍了又落梅初叠怕曲终人去彩云飞絶便梦断瑶台春思愁结那堪緑毛么凤向苔枝数声啼咽留得余香满袂已西山斜月

远朝归

【双调八十九字】

远朝归【梅】 赵耆孙

金谷先春见乍开江梅玉膩珠帘院落人静雨疎烟细横斜带月别是一般风味金尊里任遗英乱点残粉低坠 惆怅秦陇当年念水远天长故人难寄山城倦眼无绪更看桃李当时醉魄算依旧徘徊花底斜阳外漫回首画楼十二

疊青钱

【双调八十九字】

疊青钱 无名氏

夏日正长无奈如焚天气火云耸奇峰天外未雨先雷畏日流金六龙高驾火轮飞纹簟纱幮风车漫揽月扇空挥 金炉烟细午风轻转堪避炎威渐凉生池阁卷起帘幙珠玑娇娥美丽天然秀色冰肌曲阑深径荷香旖旎玉管声齐

八六子

【又一体双调八十九字】

八六子 杨 缵

怨残红夜来无赖雨催春去匆匆但暗水新流芳恨蝶凄蜂惨千林嫩绿迷空那知国色还逢柔弱华清扶倦轻盈洛浦临风 细认得凝妆点脂匀粉露蝉耸翠蕊金团玉成丛几许愁随笑解一声歌转春融眼朦胧凭阑干半醉醒中

卜算子

【又一体双调八十九字或加慢字】

卜算子 鍾 輶

桃花院落烟重露寒寂寞禁烟晴昼风拂珠帘还记去年时候惜春心不喜闲窗绣倚屏山和衣睡觉醺醺暗消残酒 独倚危阑久把玉笋偷弹黛蛾轻鬪一点相思万般自家甘受抽金钗欲买丹青手写别来容顏寄与使知人清瘦

## 前调 柳 永

江枫渐老汀蕙半凋满目败红衰翠楚客登临正是莫秋天气引疎砧断续残阳里对晚景伤  
怀念远新愁旧恨相继脉脉人千里念两处风情万里烟水雨歇天高望断翠峰十二尽无言  
谁会凭高意纵写得离肠万种奈归云难寄

## 芳草渡

【又一体双调八十九字】

## 芳草渡 周邦彦

昨夜里又再宿桃源醉邀仙侣听碧窓风快疎帘半卷愁雨多少离恨苦方留连啼诉凤帐晓  
又是匆匆独自归去愁顾满怀泪粉瘦马冲泥寻去路漫回首烟迷望眼依稀见朱户似痴似  
醉暗恼损凭栏情绪澹暮色看尽栖鸦乱舞

## 满江红

【双调八十九字唐冥音录载曲名上江虹後转易二字韵必平仄独用不可兼用若换韵互  
用韵者皆非】

## 满江红 吕渭老

晚浴新凉风蒲乱松梢见月庭陰尽暮蝉啼歇萤遶井阑帘入燕荷香兰气供摇箠赖晚来一  
雨洗浮尘无些热心下事峰重疊人甚处星明灭想行云应在凤凰城阙曾约佳期同菊蕊当  
时共指灯花说据眼前何日是西风凉吹叶

## 前调 吕渭老

笑语移时风影乱半帘寒日鲜明是晚来妆饰共说西园携手处小桥深竹连苔色到如今梧  
叶染清霜封行迹春未透梅先拆人纵健时难得想明年虚过上元寒食数着佳期愁入眼雨  
珠零乱梨花湿任翠鬟敲侧背斜阳鸣瑶瑟

## 八六子

【又一体双调九十字】

## 八六子 杜 牧



洞房深画屏灯照山色凝翠沉沉听夜雨冷滴芭蕉惊断红牕好梦龙烟细飘绣衾辞恩久归  
长信凤帐萧疎椒殿闲扁 辇路苔侵绣帘垂迟迟漏传丹禁薜华偷悴翠鬟羞整愁坐望处金  
舆渐远何时彩仗重临正消魂梧桐又移翠陰

采桑子慢

【又一体双调九十字】

采桑子慢 潘元质

愁春未醒还是清和天气对浓绿陰中庭院燕语莺啼数点新荷翠钿轻泛水平池一帘风絮  
才晴又雨梅子黄时 忍记那回玉人娇困初试单衣共携手红牕描绣画扇题诗怎有而今半  
牀明月两天涯章台何处多应为我蹙损双眉

前调【登飞翼楼观云】 吴文英

东风未起花上纤尘无影峭云湿凝酥深坞乍洗梅清鈎卷游丝冷浮虹气海波明若耶门闭  
扁舟去嬾客思鸥轻 几度问春唱红冶翠空媚陰晴看真色千岩一素天澹无情醒眼重开玉  
鈎帘外晓峰青相扶轻醉越山更上台最高层

前调【双清楼】 吴文英

空蒙乍歛波影帘花晴乱正西子梳妆楼上镜舞青鸾润逼风襟满湖山色入阑干天虚鸣籁  
云多易雨长带秋寒 远望翠凹隔江时见越女低鬟算堪羨烟沙白鹭暮往朝还歌管重城醉  
花春梦半香残乘风邀月特杯对影云海人间

前调【又一体秋别】 吴礼之

金风颤叶那更饯别江楼听凄切阳关声断楚馆云收去也难留万重烟水一扁舟锦屏罗幌  
多应换得蓼岸苹洲 凝想恁时欢笑伤今萍梗悠悠漫回首玉人何处眷恋无由先自悲秋眼  
前景物只供愁寂寥情绪也恨分浅也悔风流

玉京秋

【双调九十字】

玉京秋 周密

烟水濶高林弄残照晚蜩凄切碧砧度韵银牀飘叶衣湿桐陰露冷采凉花时赋秋雪难轻别

一襟幽事砌虫能说 客思吟商还怯怨歌长琼壶暗缺翠扇疎红衣香褪翻成销歇玉骨西风恨最恨闲却新凉时节楚箫咽谁倚西楼澹月

法曲献仙音

【又一体双调九十字】

法曲献仙音 张大烈

陰送槐柯香飘莲幕帘外棋声敲度手倦抛书困有松风竹籁轻穿绣户正梦到羲皇处芭蕉数声细雨 休思虑喜三径幽闲多趣少事緑蚁可共交欢理瑶琴惊池里鸳鸯飞翥香肌无暑御蜀纨不劳挥素待月上花梢载凉画船归去

谢池春慢

【双调九十字】

谢池春慢 张先

繚墙重院时间有啼莺到绣被掩余寒画幕明新晓朱檻连空阔飞絮无多少径沙平池水渺日长风静花影闲相照 尘香拂马逢谢女城南道秀艳过施粉多媚生轻笑鬪色鲜衣薄碾玉双蝉小欢难偶春过了琵琶流怨都入相思调

前调 李之仪

残寒消尽疎雨过清明後花迳款余红风沼紫新皱乳燕穿庭户飞絮沾襟袖正佳时仍晚昼着人滋味真个浓如酒 频移带眼空只恁恹恹瘦不见又思量见了还依旧为问频相见何似长相守天不老人未偶且将此恨分付庭前柳

探芳信

【又一体双调九十字】

探芳信 史達祖

谢池晓被酒殢春眠诗紫芳草正一堵梅粉都未有人埽细禽啼处东风软嫩约关心早未烧灯怕有残寒故园稀到 说道试妆了也为我相思占他怀抱静数牕棂最快听鹊声好半年白玉台边话屡见琼鈎小指芳期夜月花陰梦老

前调【贺云麓秘阁满月】 吴文英

探春到见彩花钗头玉燕来早正紫龙眠重明月弄清晓夜尘不沁银河水金盃供新澡镇帷  
犀护紧东风秀藏芝草 星斗灿怀抱问雾?蓝田玉长多少禁苑传香柳边语听莺报片云飞  
趁春潮去红鞦长安道试回头一点蓬莱翠小

前调 吴文英

为春瘦更瘦如梅花花应知否任枕函云坠离怀半中酒雨声楼阁春寒里寂寞收灯後甚年  
年鬪草心期探花时候 娇嬾强拈绣暗背里相思间供晴昼玉合罗囊兰膏渍透红豆舞衣疊  
损金泥凤妒折阑干柳几多愁两点天涯远岫

前调 吴文英

转芳径见雾卷晴漪鱼弄游影旋解纓濯翠临枰抚瑶轸修林竹色花香处意足多新咏试把  
龙唇供来时旧寒才定 门巷都深静但酒敌晓寒碁消日永旧曲猗兰待留向月中听藻萍密  
布官沟水任泛流红冷小阑干笑拍东风醉醒

前调【菊】 蒋捷

醉吟啸似有人黄裳孤竚尘表渐老侵芳岁识君恨不早料应陶令吟魂在凝此秋香妙傲霜  
姿尚想前身倚牕余傲 回首忆年少控骏马花边红鞦茸帽澹泊东篱有谁肯梦飞到正襟三  
诵悠然句聊遣花微笑酒休賒醒眼看花正好

遥天奉翠华引

【双调九十字】

遥天奉翠华引 侯寘

云消楼外山正秦淮翠蒨回澜香梢豆?红轻犹怕春寒晓光浮画戟卷绣帘风煖玉鉤闲紫府  
仙人花围羽帔星冠 蓬莱阆苑意倦游常戏人间佩麟江左旧都襦袴歌欢只恐催归覲宴清  
都休诉酒杯宽明岁应看君钧容舞袖歌鬟

一枝花

【双调九十字】

一枝花【醉中戏作】 辛弃疾

千丈擎天手万卷悬河口黄金腰下印大如斗更千骑弓刀挥霍遮前後百计千方久似鬪草  
儿童赢个他家偏有 算枉了双眉长皱白发空回首那时间说向山中友看丘垄牛羊更辨贤  
愚否且自栽花柳怕有人来但只道今朝病酒

鹄踏花翻

【双调九十字明徐渭自度曲也】

鹄踏花翻【美人解】 徐 渭

锣鼓声频街坊眼慢不知怎上高高骑生来少骨多筋软陡腾翻依稀略借鞍和辔作时鹄打  
雪风天伫犹燕掠桃花地 下地不动些儿珠翠堪描耐舞军装伎多少柳外妖娆楼中笑指颠  
倒金钗坠无端归路又逢谁斜阳系马陪他醉

御选历代诗余卷五十三

## 卷五十四

<集部,词曲类,词选之属,御选历代诗余

钦定四库全书

御选历代诗余卷五十四目錄【起九十一字至九十三字】

满江红【又一体】

吕渭老

吕本中

叶梦得【二首】

严羽

戴山隐

醉翁操【又一体】

苏轼

辛弃疾

八六子【又一体】

晁补之

采莲令

柳永

夏云峰

柳永

十二时慢

朱雍

凄凉犯【又一体】

吴文英

法曲献仙音【又一体】

柳永

尉迟杯

晁补之

意难忘

苏轼

周邦彦

陈允平

张炎

林正大【二首】

何梦桂

范曦文

宋远

塞翁吟

周邦彦

方千里

杨泽民

吴文英

陈允平

张炎

赵文

露华

张翥

法曲献仙音【又一体】

周邦彦

姜夔

方千里

杨泽民

吴文英

陈允平

王沂孙

张炎

李彭老

楼采

劝金船【又一体】

张先

汉宫春

陈允平

宣清

柳永

金盏倒垂莲

晁补之

辘轳金井

刘过

探芳新

吴文英

东风齐着力

张大烈

雪狮儿【又一体】

张雨

埽花游

王沂孙

薄媚摘遍

赵以夫

满江红【又一体】

吴文英【二首】



詹正

彭芳远

如鱼水

柳永

临江仙【又一体】

柳永

浣溪纱慢

周邦彦

潇湘夜雨

赵长卿

梅子黄时雨

张炎

惜秋华

吴文英【二首】

前调【又一体】

吴文英【二首】

露华忆

周密

探春

吴文英

凄凉犯【又一体】

姜夔

卜算子慢【又一体】

张先

满庭芳

黄公度

玉漏迟

蒋捷

洞仙歌【又一体】

僧宝月

辘轳金井【又一体】

刘过

御选历代诗余卷五十四目錄

钦定四库全书

御选历代诗余卷五十四【起九十一字至九十三字】

司经局洗马掌局事兼翰林院修撰加二级【臣】王奕清奉旨校刊

满江红

【又一体双调九十一字】

满江红 吕渭老

燕拂危樯斜日外数峰凝碧正暗潮生渚暮风飘席初过南村沽酒市连空十顷菱花白想故

人轻箴障游丝闻遥笛 鱼与鴈通消息心与梦空牵役到如今相见怎生休得斜把琵琶传密意一襟新月横空碧问甚时同作醉中仙烟霞客

前调 吕本中

东里先生家何在山陰溪曲对一川平野数间茆屋昨夜江头新雨过门前流水清如玉抱小桥回合柳参天摇新绿 疎篱下丛丛菊虚檐外萧萧竹叹古今得失

是非荣辱须信人生归去好世间万事何时足问此春春酿酒何如今朝熟

前调【重阳赏菊时余已除代】 叶梦得

一朵黄花先催报秋归消息满芳枝凝露为谁装饰便向尊前醉倒古今同是东篱侧问何须特地赋归来抛彭泽 回首去年时节开口笑真难得使君今那更自成行客霜鬓不辞重插满他年此会何人忆记多情曾伴小阑干亲攀摘

前调 叶梦得

雪後郊原烟林外梅花初拆春欲半犹自探春消息一眼平芜看不尽夜来小雨催新碧笑去年携酒折花人花应识 兰舟漾城南陌云影澹天容窄遶风漪十顷浮晴色恰是槎头收钓处坐中仍有江南客问如何两桨下苕溪吞云泽

前调【送廖叔仁赴阙】 严羽

日近觚棱秋渐满蓬莱双阙正钱塘江上潮头如雪把酒送君天上去琼琚玉佩鵷鸿列丈夫身富贵等浮云看名节 天上事吾能说今老矣空凝絶对西风慷慨唾壶歌缺不洒世间儿女泪难堪亲友中年别问相思他日镜中看萧萧髮

前调 戴山隐

醉倚红楼长空外行云遥驻甚凄凉孤吹引商刻羽薄夜冷侵沙浦鴈老龙吟彻寒潭雨暮凉飈一阵卷潮来惊飞去 重欲听知何处谁为我胡牀据漫寻寻觅觅凝情如许旧日山阳犹有恨杏花明月今谁赋恐凭阑人有爱梅心空愁竚

醉翁操

【又一体双调九十一字】

醉翁操 苏轼

琅然清圆谁弹响空山无言惟翁醉中和其天月明风露娟娟人未眠荷蓑过山前曰有心也哉此贤醉翁笑咏声和流泉醉翁去後空有朝吟暮怨山有时而童颠水有时而回川思翁无岁年翁今为飞仙此意在人间试听徽外三两弦

前调 辛弃疾

长松之风如公肯余从山中人心与吾兮谁同湛湛千里之江上有枫噫送子於东望君之门兮九重女无悦已谁适为容不龟手药或一朝兮取封昔与游兮皆童我独穷兮今翁一鱼兮一龙劳心兮忉忉噫命与时逢子之所食兮万鍾

八六子

【又一体双调九十一字】

八六子【重九呈祖禹叔】晁补之

喜秋晴澹云萦缕天高羣鴈南征正露冷初减兰红风紧潜雕柳翠愁人漏长梦惊重阳景物凄清渐老何时无事当歌好在多情暗自想朱颜竝游同醉宦名缰锁世路蓬萍难相见赖有黄花满把从教绿酒深倾醉休醒醒来旧愁旋生

采莲令

【双调九十一字】

采莲令 柳永

月华收云澹霜天曙西征客此时清苦翠娥执手送临岐轧轧开朱户千娇面盈盈竚立无言有泪断肠争忍回顾一叶兰舟便恁急桨凌波去贪行色岂知离绪万般方寸但饮恨脉脉同谁语更回首重城不见寒江天外隐隐两三烟树

夏云峰

【双调九十一字】

夏云峰 柳永

宴堂深轩楹雨轻压暑气低沉花洞彩舟泛舠坐绕清浚楚台风快湘簟冷永日披襟坐久觉疎弦脆管时换新音越娥蕙态兰心逞妖艳昵欢邀宠难禁筵上笑歌间发舄履交侵醉乡深处须尽兴满酌高吟向此免名缰利锁虚费光阴

## 十二时慢

【双调九十一字即十二时长调故加慢字也】

### 十二时慢【梅】 朱 雍

粉痕轻谢池泛玉波暖琉璃初展靚靚芳尘冥春浦水曲漪生遥?麝气柔云容影淡正日边寒  
浅闲院寂幽管声中万感并生心事曾陪琼宴  
春暗南枝依旧但得当初缱绻昼永乱英缤纷解佩映人轻盈面香暗酒醒处年年共副良愿

## 凄凉犯

【又一体双调九十一字亦名瑞鹤仙引引或作影与瑞鹤仙无涉姜夔自度实九十三字此亦後人所损也】

### 凄凉犯【赋重台水仙】 吴文英

空江浪阔清尘凝层层刻碎冰叶水边照影华裾曳翠露搔泪湿湘烟暮合尘鞿凌波半涉怕  
临风欺瘦骨护冷素衣疊 樊姊玉奴恨小钿疎唇洗妆轻怯殢人最苦粉痕深几重愁靨花溢  
香浓猛熏透霜绡细摺倚瑶台十二金钱晕半灭

## 法曲献仙音

【又一体双调九十一字】

### 法曲献仙音 柳 永

追想秦楼心事当年便约于飞比翼悔恨临岐处正携手翻成云雨离析念倚玉偎香前事惯  
轻掷惯怜惜饶心性正厌厌多病柳腰花态娇无力早是乍清减别後忍教愁寂记取盟言少  
愁煎剩好将息遇佳景临风对月事须时恁相忆

## 尉迟杯

【双调九十一字】

### 尉迟杯 晁补之

去年时正愁絶过却红杏飞沉吟杏子青时追悔负好花枝今年又春到傍小阑日日数花期  
花有信人却无凭故教芳意迟迟 及至待得融怡未攀条拈蕊又叹春归怎得春如天不老更

教花与月相随尽归路拍手拦街笑人沉醉如泥

意难忘

【仙吕曲也取以名调双调九十二字】

意难忘 苏轼

花拥鸳房记拖肩髻小约鬟眉长轻身翻燕舞低语啖莺簧相见处便难忘肯亲度瑶觞向夜  
阑歌翻郢曲带换韩香别来音信难将似云收楚峡雨散巫阳相逢情有在不语意难量些个  
事断人肠怎禁得恹惶待与伊移根换叶试又何妨

前调 周邦彦

衣染鸂黄爱停歌驻拍劝酒持觞低鬟蝉影动私语口脂香檐露滴竹风凉?剧饮淋漓夜渐深  
笼灯就月子细端相知音见说无双解移宫换羽未怕周郎长颦知有恨贪耍不成妆些个事  
恼人肠试说与何妨又恐伊寻消憩息瘦损容光

前调【次周美成韵】 陈允平

额粉宫黄衬桃花扇底歌送瑶觞裙拖金缕细衫睡碧花香琼佩冷玉肌凉罗襪步沧浪漫共  
伊心盟意约眼颦眉相连环未结双双似桃源误入初嫁刘郎珑璁仙子髻绰约道家妆千种  
恨九回肠云雨梦犹妨误少年红消翠减虚度风光

前调 张炎

风月吴娃柳阴中认得第二香车春深妆减艳波转影流花莺语滑透纹纱有低唱人夸怕误  
却周郎醉眼倚扇佯遮底须拍碎红牙听曲终奏雅可是堪嗟无人知此意明月又谁家尘滚  
滚老年华情付在琵琶更叹我黄芦苦竹万里天涯

前调【括李白蜀道难】 林正大

蜀道登天望峨眉横绝石栈相连西来当鸟道逆浪俯回川猿与鹤莫攀缘九折耸层峦算咫  
尺扪参历井回首惊叹西游何日当还听子规啼月愁减朱颜连峰天一握飞瀑壑争喧排劔  
阁越天关豺虎横朝昏问锦城虽云乐土何似家山

前调【括黄庭坚煎茶赋】 林正大

汹汹松风更浮云皓皓轻度春空精神新发越宾主少从容犀箸厌滌昏懵茗盃策奇功待试

与平章甲乙为问涪翁 建谿日铸争雄笑罗山梅岭不数严邛胡桃添味永甘菊助香浓投美剂与和同雪满兔瓿浴便一枕庄周蝶梦安乐窝中

前调 何梦桂

避暑林塘数元戎小队一簇红妆旌 云影动帘幙水沉香金缕彻玉肌凉慢拍舞轻扬更一般轻弦细管孤竹空桑 风姨昨夜痴狂向华峰吹落云锦天裳波神藏不得散作满池芳移彩鷁柳陰傍?一醉淋漓向晚来歌阑饮散月在纱櫺

前调 范曦文

清泪如铅叹咸阳送远露冷铜仙岩花纷堕雪津柳暗生烟寒食後暮江边草色更芊芊四十年留春意绪不似今年 山陰欲棹归船暂停杯雨外舞剑灯前重逢应未卜此别转堪怜凭急管倩繁弦思苦调难传望故乡都将往事付与啼鹃

前调【题樟镇华光阁志别】 宋 远

鸡犬云中笑种桃道士虚费春风山城看过鴈春水梦为龙云上下燕东西久别各相逢向夜深江声浦树灯影渔篷 旧游新闷重重便十分谈笑一樣飘蓬元经摧意气丹鼎赚英雄年易老世无穷春事苦匆匆更与谁题诗药市沽酒新丰

塞翁吟

【义取塞上翁事琴操也遂以名词双调九十二字】

塞翁吟 周邦彦

暗叶啼风雨牕外晓色胧 散水麝小池东乱一岸芙蓉蕲州簟展双纹浪轻帐翠缕如空梦远别泪痕重澹铅脸斜红 忡忡嗟顚顚新宽带结羞艳冶都消镜中有蜀纸堪凭寄恨等今夜洒血书词剪烛亲封菖蒲渐老早晚成花教见薰风

前调【次周美成韵】 方千里

暮色催更鼓庭户月影胧 记旧迹玉楼东看枕上芙蓉云屏几轴江南画香篆烬煖烟空睡起处绣衾重尚残酒微红 忡忡径分散歌稀宴少怀丽质浑如梦中苦寂寞离情万绪似秋後怯雨芭蕉不展愁封何时细语此夕相思曾对西风

前调【芙蓉次周美成韵】 杨泽民

院宇临池水桥边遶水胧 桥左右水西东水木两芙蓉低疑洛浦凌波步高如弄玉凌空叶  
百叠蕊千重更都染轻红 忡忡能消尽忧心似结看艳色浑如梦中为爱惜芳容未尽好移去  
满插家园特与培封年年对赏朝朝披翫丽质香风

前调【钱梅津除郎赴阙】 吴文英

有约西湖去移棹晓折芙蓉算终是称心红染不尽薰风千桃过眼春如梦还认锦叠云重弄  
晚色旧香中旋撑入深丛 从容情犹赋冰车健笔人未老南屏翠峰转河影浮槎信早素妃叫  
海目归来太液池东红衣卸了结子成莲天劲秋浓

前调【次周美成韵】 陈允平

睡起鸾钗亸金约鬟影胧 檐佩冷玉丁东镜里对芙蓉秦筝倦理梁尘暗惆怅燕子楼空山  
万叠水千重一叶漫题红 忡忡从别後残云断雨余香在蛟绡帐中更懊恨灯花无准写幽悰  
锦织回文小字斜封无人为托欲倩宾鸿立尽西风

前调【友云】 张炎

交到无心处出岫细话幽期看流水意俱迟且澹薄相依凌霄未肯为霖去物外共鹤忘机迷  
古洞掩晴晖翠微湿红衣 飞飞垂天翼飘然万里愁日暮佳人未归尚记得巴山夜雨耿无语  
共话生平都付陶诗休题五朵莫问阳台不赠相思

前调 赵文

坐对梅花笑还记初度年时名利事总成非谩老矣何为吴山夜月闽山雾回首鬓影如丝嬾  
更问斗牛箕强凭醉成诗 闲思嗟漂泊浮云飞絮曾跌荡春风柘枝便万里金台筑就已长分  
采药龐公誓墓羲之百年政尔一笑尊前儿女牵衣

露华

【双调九十二字】

露华 张翥

瀛洲种玉总付与花神月底深斲琢就瑶笄光映鬓云斜矗几度借取搔头别试汉宫妆束风  
露冷幽香半襟淡伫阑曲 亭亭雪艳愁独爱粉沁冰筒髮捻金粟石上那回磨断争忍轻触一  
自楚客归来珠履旧游谁续秋梦起残妆半簪坠绿

法曲献仙音



【又一体双调九十二字有以下半阙起韵属上者非是】

法曲献仙音 周邦彦

蝉咽凉柯燕飞尘幙漏阁签声时度倦脱纶巾困便湘竹桐陰半侵庭户向抱影凝情处时间打牕雨 耿无语叹文园近来多病情绪嬾尊酒易成间阻縹緲玉京人想依然京兆眉妩翠幙深中对徽容空在纨素待花前月下见了不教归去

前调【张彦功官舍】 姜夔

虚阁笼寒小帘通月暮色偏怜高处树隔离宫水平驰道湖山尽入樽俎奈楚客淹留久砧声带愁去 屡回顾过秋风未成归计谁念我重见冷枫红舞唤起淡妆人问逋仙今在何许象笔鸾牋甚而今不道秀句怕平生幽恨化作沙边烟雨

前调【次周美成韵】 方千里

庭叶飘寒砌虫催织夜色迢迢难度细剔灯花再添香兽凄凉洞房朱户见凤枕羞孤另相思洒红雨 有谁语道年来为郎憔悴音问隔回首後期尚阻寂寞两愁山锁闲情无限颦妩嫩雪消肌试罗衣宽尽腰素问何时梦里趁得好风飞去

前调【次周美成韵】 杨泽民

汀蓼收红井梧凋绿昴昴征鸿南度静听寒砧闷欹孤枕蟾光夜深窥户露暗滴芭蕉重萧萧本非雨 砌蛩语怎知人漏长无寐念游子惆怅路修道阻蛩起嬾晨妆自秋来眉黛谁妩净几明牕但无憀空对蛩素早知伊别後恁久悔教轻去

前调【和丁宏庵韵】 吴文英

落叶霞翻败牕风咽暮色凄凉深院瘦不关秋泪缘生别情锁鬓霜千点怅翠冷搔头燕那能语恩怨 紫箫远记桃枝向随春渡愁未洗铅水又将恨染粉缟涩离箱忍重拈灯夜裁翦望极蓝桥彩云飞罗扇歌断料鸂鶒笼玉锁梦里隔花时见

前调【次周美成韵】 陈允平

油幕收尘素纨招月一枕苹香微度枕玉牙牀浣冰金斛薰风夜凉牕户渐睡醒明河暗芭蕉几声雨 对谁语念徽容已成憔悴心期悞归计欲成又阻寂寞燕楼空想弓弯眉黛慵妩泪墨愁牋纵回文难写情素便山遥水邈几度梦魂飞去

前调【聚景亭梅次草牕韵】 王沂孙

层绿峩峩纤琼皎皎倒压波痕清浅过眼年华动人幽意相逢几番春换记唤酒寻芳处盈盈  
褪花晚已消黯况凄凉近来离思应忘却月明夜深归辇荏苒一枝春恨东风人似天远纵有  
残花洒征衣铅泪都满但殷勤折取自遣一襟幽怨

前调【席上听琵琶有感】张炎

云隐山暉树分溪影未放妆台帘卷篝密笼香镜圆窥粉花深自然寒浅正人在银屏底琵琶  
半遮面语声软且休弹玉关愁怨怕唤起西湖那时春感杨柳古湾头记小怜隔水曾见听到  
无声漫赢得情绪难翦把一襟心事散入落梅千点

前调【梅次周草窗韵】李彭老

云木槎枒水荇摇落瘦影半临清浅翠羽迷空粉容羞晓年华柱弦频换甚何逊风流在相逢  
共寒晚总依黯念当时看花游冶曾锦缆移舟宝箏随辇池苑锁荒凉嗟事逐鸿飞天远香径  
无人任苍蘚黄尘自满听鸦啼春寂暗雨潇潇吹怨

前调楼采

花匣么弦象匳双陆旧日留欢情意梦到银屏恨裁兰烛香篝夜阑鸳被料燕子重来地桐陰  
锁窗绮倦梳洗晕芳钿自羞鸾镜罗袖冷烟柳画阑半倚浅雨压荼蘼指东风芳事余几院落  
黄昏怕春莺惊笑憔悴倩柔红约定唤取玉箫同醉

劝金船

【又一体双调九十二字】

劝金船【流杯堂倡和】张先

流泉宛转双开窰带染轻纱皱何人暗得金船酒拥罗绮前後绿定见花影竝照与艳妆争秀  
行尽曲名休更再歌杨柳光生飞动摇琼甃隔障笙箫奏须知短景欢无足又还过清昼翰阁  
迟归来传骑恨留住难久异日凤凰池上为谁思旧

汉宫春

【双调九十二字】

汉宫春【芍药】陈允平

开尽荼蘼正桑云麦浪天气如秋南国露梢半坼金粟丝头温香傍酒尽多娇不识春愁莺院

悄轻陰弄晚何人堪伴清游 偏爱紫蕤黄袅想金壶胜赏依旧扬州花前夜阑醉後翻堦句好  
记元晖此日风流双鬓改一枝花底如今应为花羞

宣清

【双调九十二字】

宣清 柳 永

残月朦朧小宴阑珊归来轻寒森森背银釭孤馆乍眠拥重衾醉魄犹噤永漏频传前欢已去  
离愁一枕暗寻思旧追游神京风物如锦 念掷果朋侪絕纓宴会当时曾痛饮命舞燕翻翻凤  
楼鸳寝玉钗乱横信任散尽高阳这欢娛甚时重恁

金盞倒垂莲

【双调九十二字】

金盞倒垂莲【寄霸帅杨仲谋】 晁补之

休说将军解弯弓掠地崑崙河源彩笔题诗綠水暎红莲算總是风流余事会须行乐芳年只  
有一部随轩脆管繁弦 多情旧游尚忆寄秋风万里鸿鴈天边未学元龙豪气笑求田也莫为  
庭槐兴叹便伤摇落凄然後会一笑犹堪醉倒花前

辘轳金井

【一名四犯翦梅花一名锦园春一名月城春双调九十二字此调昞於刘过两用醉蓬莱复  
合雪狮儿解连环故曰四犯】

辘轳金井【席上赠马佖判舞姬】 刘 过

翠眉重拂後房深自唤小蛮娇小綉带罗垂报浓妆才了堂虚夜悄但夜约鼓箫声闹一曲梅  
花尊前舞彻梨园新调 高阳醉山未倒看鞦飞凤翼钗褪微溜秋满东湖更西风凉早桃源路  
杳记流水泛舟曾到桂子香浓梧桐影转月寒天晓

探芳新

【双调九十二字】

探芳新【吴中元日承天寺游人】 吴文英

九街头正软尘润酥雪消残溜裊赏只园花艳云陰笼昼层梯空麝散拥凌波紫翠袖叹年端  
连环转烂漫游人如绣肠断回廊竚久便写意溅波传愁蹙岫渐没飘鸿空惹闲情春瘦椒杯  
香乾醉醒怕西窗人散後暮寒深迟回处自攀庭柳

东风齐着力

【双调九十二字】

东风齐着力【除夕】 张大烈

爆竹惊寒疎梅送腊岁转韶华振天箫鼓喧闹在邻家处处桃符贴换簪方胜秀隐娇娃迎春  
早宝钗端整玉鬟排斜心事暗中夸惟愿取箕畴歛福频加金尊满祝初添海屋霞且饮今宵  
岁酒胆瓶开明日鲜花全收来隔帘春色澹柳抽芽

雪狮儿

【又一体双调九十二字】

雪狮儿 张 雨

含香弄粉便勾引游骑寻芳城南城北别有西村断港冰渐微绿孤山路熟伴老鹤晚先寻宿  
怕冻损三花两蕊寒泉幽谷几翻花影濯足记归来醉卧雪深平屋春梦无凭鬓底闹蛾争扑  
不如图画相对展官梅风竹烧黄独自听鉶笙调曲

埽花游

【双调九十二字】

埽花游【绿陰】 王沂孙

小庭?碧遇骤雨疎风剩红如埽翠交径小问攀条弄蕊有谁重到谩说青青比似花时更好怎  
知道一别汉南遗恨多少清昼人悄悄任密护帘寒暗迷窓晓旧盟悞了又新枝嫩子总随春  
老渐隔相思长亭路杳搅怀抱听蒙茸数声啼鸟

薄媚摘徧

【双调九十二字】

薄媚摘徧 赵以夫

桂香消梧影瘦黄菊迷深院倚西风看落日长江东去如练先生底事有赋飘然刚道为田园  
独醒何为持杯自劝未能免休把茱萸吟翫但管年年健千古事几凭阑吾生九十强半欢娱  
终日富贵何时一笑醉乡宽倒载归来回廊又月满

## 满江红

【又一体双调九十三字亦名上江红】

## 满江红【浣山湖】 吴文英

云气楼台分一派沧浪翠蓬开小景玉盆寒浸巧石盘松风送流花时过岸浪摇晴栋欲飞空  
算蛟宫祗隔一红尘无路通神女驾临晓风明月佩响丁东对两蛾犹锁怨绿烟中秋色未教  
飞尽鴈夕阳长是坠疎钟又一声欸乃过前岩移钓筒

## 前调【钱方蕙岩赴阙】 吴文英

竹下门敲又呼起蝴蝶梦清闲里看邻墙梅子几度仁生灯外江湖多夜雨月边河汉独晨星  
向草堂侵晓卷琴书猿鹤惊宫漏静朝马鸣西风起已关情料希音不在女瑟娲笙莲荡折香  
花未晚野舟横渡水初晴看高鸿飞上碧云中秋一声

## 前调【牡丹】 詹正

翠袖余寒早添得铢衣几重何须怪年华都谢更为谁容衔尽吴花成鹿苑人间不恨雨和风  
便一枝流落到人家清泪红山雾湿倚薰笼垂叶鬓酥融恨宫云一朵飞过空同白日长闲  
青鸟在杨家花落白苹中问故人忍更负东风尊酒空

## 前调【风前断笛】 彭芳远

愁满关山又吹得芦花雪深西楼外天低水涌龙挟秋吟回首人间无此曲数峰江上落余音  
似断云飞絮两悠悠何处寻江南路晴又阴声韵改泪盈襟自中郎去後羽泛商沉牛背夕阳  
添别恨鸾胶秋月续琴心待醉骑黄鹤度苍寒霜满林

## 如鱼水

【双调九十三字】

## 如鱼水 柳永

轻霭浮空乱峰倒影潏潏十里银塘遶岸垂杨红楼朱阁相望芰荷香双双戏鸂鶒鸳鸯乍雨

过兰芷汀洲望中依约似潇湘 风澹澹水茫茫动一片晴光画舫相将盈盈红粉清商紫薇郎  
修禊饮且乐仙乡便归去徧历鸾坡凤沼此景也难忘

### 临江仙

【又一体双调九十三字】

### 临江仙 柳 永

梦觉小庭院冷风淅淅疎雨潇潇绮牕外秋声败叶狂飘心摇奈寒漏永孤帟悄泪烛空烧无  
端处是绣衾鸳枕闲过清宵 萧条牵情系恨曾向年少偏饶觉新来憔悴旧日风标魂销念欢  
娱事烟波阻後约方遥还经岁问怎生禁得如许无聊

### 浣溪纱慢

【双调九十三字】

### 浣溪纱慢 周邦彦

水竹旧院落樱笋新蔬果嫩英翠幄红杏交榴火心事暗卜叶底寻双朶深夜归青琐灯尽酒  
醒时晓牕明钗横鬓髻 怎生那被间阻时多奈愁肠数叠幽恨万端好梦还惊破可怪近来传  
语也无个莫是嗔人呵真个若嗔人却因何逢人问我

### 潇湘夜雨

【双调九十三字与满庭芳迴不同不可以别名混入也】

### 潇湘夜雨【灯花】 赵长卿

斜点银釭高擎莲炬夜寒不禁微风重重帘幙卷堂中香渐远长烟袅毳光不定寒影摇红偏  
奇处当庭月暗吐焰如虹 红裳呈艳丽娥一见无奈狂踪试烦他纤手卷上纱笼开正好银花  
照夜堆不尽金粟凝空叮咛语频将好事报与主人公

### 梅子黄时雨

【双调九十三字】

### 梅子黄时雨【别罗江诸友】 张 炎

流水孤村爱尘事顿消来访深隐向醉里谁扶满身花影鸥鹭相看如瘦近来不是伤春病叹  
流景竹外野桥犹系烟艇谁引斜川归兴便啼鹃纵少无奈时听待棹击空明渔湖千顷弹到  
琵琶留不住最愁人是黄昏近江风紧一行柳阴吹暝

### 惜秋华

【双调九十三字】

### 惜秋华【重九】 吴文英

细响残蛩傍灯前似说深秋怀抱怕上翠微伤心乱烟残照西湖镜掩尘沙翳晓影秦鬟云扰  
新鸿唤凄凉渐入红萸乌帽江上故人老视东篱秀色依然娟好晚梦趁隣杵断乍将愁到秋  
娘泪湿黄昏又满城雨轻风小闲了看芙蓉画船多少

### 前调【七夕】 吴文英

露冒朱丝小楼阴堕月秋惊华鬓宫漏未央当时钿钗遗恨人间梦隔西风算天上年华一瞬  
相逢纵相疎胜却巫阳无准何处动凉讯听露井梧桐楚骚成韵彩云断翠羽散此情难问银  
河万古秋声但望中婺星清润轻俊度金鍼漫牵方寸

### 前调【又一体送人归盐官】 吴文英

数日西风打秋林枣熟还催人去瓜果夜深斜河拟看星度匆匆便倒离尊怅遇合云消萍聚  
留连有残蝉韵晚时歌金缕绿水暂如许奈南墙冷落竹烟槐雨此去杜曲已近紫霄尺五扁  
舟夜泊吴江正水佩霓裳无数眉妩问别来解相思否

### 前调【木芙蓉】 吴文英

路远仙城自玉郎去却芳卿憔悴锦段镜空重铺步幃新绮凡花瘦不禁秋幻膩玉腴红鲜丽  
相携试新妆乍毕交扶轻醉长记断桥外骤玉骢过处千娇凝睇昨梦顿醒依约旧时眉翠愁  
边暮合碧云倩唱入六么声里风起舞斜阳阑干十二

### 露华忆

【双调九十三字】

### 露华忆【和寄闻韶】 周密

晓消蕙雪渐水纹漾锦云澹波容岸香玉蕊新枝轻袅条风次第鴈归将近爱柳眉桃靥烟浓

鸳径小芳屏聚蝶翠渚飘鸿 六桥旧情如梦记扇底宫眉花下游騁选歌试舞连宵恋醉瑶丛  
怕春早莺啼醒睡箏钿谁点愁红心悄春娇又入翠峰

探春

【?加慢字双调九十三字】

探春 吴文英

苔径曲深深不见故人轻敲幽户细草春回目送流光一羽重云冷哀鴈断翠微空愁蝶舞逞  
鸣鞭游蓬小梦枕残惊寤 还识西湖醉路向柳下竝鞍银袍吹絮事影难追那负灯牀夜雨冰  
谿凭谁照影有明月乘兴去暗相思梅孤瘦共江亭暮

凄凉犯

【又一体双调九十三字亦名瑞鹤仙引】

凄凉犯【合肥秋夕】 姜夔

綠杨巷陌西风起边城一片离索马嘶渐远人归甚处戍楼吹角情怀正恶更衰草寒烟淡薄  
似当时将军部曲迤邐度沙漠 追念西湖上小舫携歌晚花行乐旧游在否想如今翠雕红落  
谩写羊裙等新鴈来时系着怕匆匆不肯寄与悞後约

卜算子慢

【又一体双调九十三字】

卜算子慢 张先

溪山别意烟树去程日落采苹春晚欲上征鞍更掩翠帘回面相盼惜弯弯浅黛长长眼奈画  
阁欢游也学狂花乱絮轻散 水影横池馆对静夜无人月高云远一晌凝思两眼泪痕还满难  
遣恨私书又逐东风断纵梦泽层楼万丈望湖城那见

满庭芳

【一名锁阳台一名潇湘夜雨双调九十三字】

满庭芳 黄公度



一径又分三亭鼎峙小园别是清幽曲阑低檻春色四时留怪石参差卧虎长松偃蹇虬携  
筇晚风来万里冷撼一天秋 优游消永昼琴尊左右宾主风流且偷闲不妨身在南州故国归  
帆隐隐西崑往事悠悠都休问金钗十二满酌听轻讴

玉漏迟

【双调九十三字】

玉漏迟【赠傅岩叟纳姬】 蒋捷

翠鸳双穗冷莺声唤转春风芳景花涌袖香此度徐妆偏称水月仙人院宇到处有西湖如镜  
烟岫暝纤葱悞指莲峰篁岭料想小阁初逢正浪拍红猊袖飞金饼楼倚斜晖賸把佳期重省  
万种惺忪笑语一点温柔情性钗倦整盈盈背灯娇影

洞仙歌

【又一体双调九十三字】

洞仙歌 僧宝月

广寒晓驾姑射寻仙侣偷被霜华送将去过越?栖息南枝匀妆面凝酥轻聚爱横管孤度陇  
头声尽?得幽香为君分付水亭山驿衰草斜阳无限行人断肠处尽为我留得多情何须待春  
风相顾任倒断深思向梨花也无奈寒食几番春雨

辘轳金井

【又一体双调九十三字】

辘轳金井 刘过

水殿风凉赐环归正是梦熊华旦疊雪罗轻称云章题扇西清侍宴望黄伞日华龙辇金券三  
王玉堂四世帝恩偏眷 临安记龙飞凤舞信神明有後竹梧陰满笑折花看橐荷香红润功名  
岁晚带河与砺山长远麟脯杯行猊鞶坐稳内家宣劝

御选历代诗余卷五十四

## 卷五十五

<集部,词曲类,词选之属,御选历代诗余

钦定四库全书

御选历代诗余卷五十五目录【九十三字】

满江红【上 又一体】

晏几道

张先

柳永【二首】

苏轼【三首】

晁补之【二首】

贺铸

程过

周紫芝

葛郯【三首】

周邦彦

蔡伸

赵师侠【三首】

张元干

侯寘【四首】

张孝祥【三首】

范成大【四首】

陈三聘【四首】

辛弃疾【二十首】

程垓【二首】

京镗

朱熹

曹冠

吕胜己

赵磻老【二首】

袁去华【三首】

刘克庄【四首】

赵彦端【三首】

管监

张鎰

御选历代诗余卷五十五目錄

钦定四库全书

御选历代诗余卷五十五【九十三字】

司经局洗马掌局事兼翰林院修撰加二级【臣】王奕清奉旨校刊

满江红【上】

【又一体双调九十三字】

满江红 晏几道

七十人稀曾记得少陵旧语谁知道五园庵主壽今如许书底青瞳如月样镜中黑鬓无霜处  
与人间世味不相投神仙侣 文汉史诗唐句字晋帖碑周鼓这千年勲业一年一部灼灼紫芝  
商隐皓猗猗綠竹淇瞻武问先生何处更高歌凭椿树

前调 张先

飘尽寒梅笑粉蝶游蜂未觉渐迤迤水明山秀暖生帘幙过雨小桃红未透舞烟新柳青犹弱  
记画桥深处水边亭曾偷约 多少恨今犹昨愁和闷都忘却?从前

烂醉被花迷着晴鸽试铃风力软雏莺弄舌春寒薄但只愁锦绣鬪妆时东风恶

前调 柳永

访雨寻云无非是奇容艳色就中有天真妖丽自然标格花发姿顏欢喜面细追想处皆堪惜  
自别来幽怨与闲愁成堆积 鳞鸿阻无消息魂梦断难寻覓尽思量休又怎生休得谁恁多情  
凭向道纵来相见还相忆便不成长遣似如今轻抛掷

前调【桐川】 柳永

暮雨初收长川静征帆夜落临岛屿蓼烟疎澹苇风萧索几许渔歌飞短艇尽将灯火归村落  
遣行人当此念回程伤漂泊 桐江好烟漠漠波似染山如削遶严陵滩畔鹭飞鱼跃游宦区区  
成底事平生况有云泉约归去来一曲仲宣楼从军乐

前调【怀子由作】 苏轼

清颍东流愁目断孤帆明灭游宦处青山白浪万重千疊辜负当年林下意对牀夜雨听萧瑟  
恨此生长向别离中添华髮 一尊酒黄河侧无限事从头说恍相看如昨许多年月衣上旧痕  
余苦泪眉间喜气添黄色便与君池上覓残春花如雪

前调【寄朱鄂州】 苏轼

江汉西来高楼下蒲萄深碧犹自带岷峨云浪锦江春色君是南山遗爱守我为剑外思归客  
对此间风物岂无情殷勤说 江表传君休读狂处士真堪惜对空洲鸚鵡苇花萧瑟独笑书生  
争底事曹公黄祖俱飘忽愿使君还赋谪仙诗追黄鹤

前调【送友】 苏轼

天岂无情天也解多情留客春向暖朝来底事尚飘轻雪君过春来纡组绶我应归去耽泉石  
恐异时杯酒忽相思云山隔 浮世事俱难必人纵健头应白更何辞一醉此欢难觅欲向佳人  
诉离恨泪珠先已凝双睫但莫遣新燕却来时音书绝

前调【谪玉山与诸父别】 晁补之

莫话南征船头转三千余里未叹此浮生飘荡但伤佳会满眼青山芳草外半篙碧水斜阳里  
问此中何处芰荷深渔人指 清时事羁游意尽付与狂歌醉有多才南阮自为知己不似朱公  
江海去未成陶令田园计便楚乡风景胜吾乡何人对

前调【寄内】 晁补之

月上西窗书帙静灯明又灭水漏涩铜壶香烬夜霜如雪睡眠不曾通夕闭梦魂争得连宵接  
念碧云川路古来长无由越 鸾钗重青丝滑罗带缓纈腰怯那更伊多感恨离伤别正是少年  
佳意气渐当故里春时节归去来莫放子规啼芳菲歇

前调 贺铸

山绕平湖寒飈扬六翼纷泊清镜晓倚岩琪树绕云珠阁窈窕纱牕褰翠幙尊前皓齿歌梅落  
信醉乡绝境待名流供行乐 时易久今犹昨欢莫再情何薄幸扁舟不系会寻佳约想见徘徊  
华表下个身似是辽东鹤访旧游人与物俱非空城郭

前调【梅】 程过

春欲来时长是与江梅有约还又向竹林疎处一枝开却对酒渐惊身老大看花因念人离索  
但十分沈醉祝东君长如昨 芳草渡孤舟泊山敛黛天垂幙黯销魂无奈暮云残角便好折来  
和雪戴莫教酒醒随风落待殷勤留此寄相思谁堪托

前调【催雪】 周紫芝

寂寂江天雪又满晚来风急空懊恨散盐飞絮未成轻集万里长空飞不到珠帘卷尽还羞入  
问向晚谁欲画渔蓑寒江立 天黯澹催残日波浩渺添寒力又何如聊遣舞衣红湿好与月娥  
临晚砌莫教先放梅花拆便准拟一醉广寒宫千山白

前调 葛郯

家住苕西小池映青山一曲翠深里猿呼鹤应短墙低屋麦影离离翻翠浪泉声??敲寒玉怪

夜米有蚁出糟牀簌新綠 和月种南阳菊饶云买淇园竹任蛮争触战世间荣辱两目未消凭  
远恨一筇费尽登山足便掉舟吹火荻花中鲈鱼熟

### 前调 葛 鄰

卷尽珠帘楚天迴阑干几曲最是好瑶台归路月翻银屋深院数杯风入座高楼一喷云横玉  
看橘林霜浅未全黄犹悬綠 悠然意渊明菊真如指国师竹这是非识破都无荣辱不管浮生  
如蝶梦从教万事添蛇足坐西崑一笑八千秋蟠桃熟

### 前调 葛 鄰

郢客高歌犹未覩阳春一曲多应是连城有价閤藏华屋但使章台无异意何妨一见邯鄲玉  
料锦囊随客泛东溪凌波綠 难独唱篱边菊谁伴咏堦前竹想秋光不久又成虚辱过鴈不知  
蛩有恨行夔应笑蚺无足愿为予落笔走盘珠争圆熟

### 前调 周邦彦

昼日移陰揽衣起春帷睡足临宝镜綠云撩乱未忺妆束蝶粉蜂黄都褪了枕痕一线红生肉  
背画阑脉脉悄无言寻碁局 重会面犹未卜无限事萦心曲想秦筝依旧尚鸣金屋芳草连天  
迷远望宝香薰被成孤宿最苦是蝴蝶满园飞无心扑

### 前调 蔡 伸

人倚金铺顰翠黛盈盈堕睫话别处留连无计语娇声咽十幅云帆风力满一川烟暝波光濶  
但回首极目望高城弹清血 竝兰舟停画楫曾共醉津亭月最销魂今夜月圆人缺楚岫云归  
空怅望汉皋佩解成轻别最苦是抑塞满愁怀无人说

### 前调 赵师侠

渺渺春江迷望眼蒲萄涨綠春过也萧疎庭户寂寥心目念远不禁啼鵙闹愁多易遣修蛾蹙  
向小牕时把彩牋看翻新曲 晴昼永便新浴相思泪不成哭空无言顚顚暗消肌玉目断碧云  
无信息试凭青翼飞南北听掀帘疑是故人来风敲竹

### 前调 赵师侠

烟浪连天寒尚峭空蒙细雨春去也红销芳径綠肥江树山色云笼迷远近滩声水急忘艰阻  
挂片帆掠岸晚风轻停烟渚 浮世事皆如许名利役惊时序叹清明寒食小舟为旅露宿风餐  
安所赋石泉槐火知何处动归心犹赖翠烟中无杜宇

前调【秋社桃花】 赵师侠

露冷天高秋气爽千林叶落惊初见小桃枝上盛开红萼浅澹胭脂经雨洗翦裁码碯如云薄  
问素商何事鬪春工施丹矐芙蓉苑顔如灼曾暗与花王约要乘秋名字竝传京雒回首瑶池  
高宴处桂花香里骖鸾鹤但莫教容易逐西风轻飘却

前调【旅思】 张元干

春水连天桃花浪几番风恶云乍起远山遮尽晚风还作緑过芳洲生杜若楚帆带雨烟中落  
认向来沙嘴共停桡伤飘泊寒犹在衾偏薄肠欲断愁难着倚篷窗无寐引杯孤酌寒食清明  
都过了可怜辜负年时约想小楼日日望归舟人如削

前调【中秋上刘?甫舍人】 侯寘

天阔江南秋未老空江澄碧江外月飞来千丈水天同色万屋覆银清不寐一城踏雪寒无迹  
况楚风连陌竞张灯如元夕山獠静棠陰寂秋稼盛香醪直听子城吹角青楼横笛不见苏仙  
翻醉墨一篇水调锵金石念良辰美景赏心时诚难得

前调 侯寘

困顿春眠无情思梦魂飘泊檐外雨霏霏冉冉乍晴还落山黛四围频入眼柳丝一缕低萦阁  
念沈郎多感更伤春腰如削风入户香穿箔花似旧人非昨任游蜂双燕经营拂掠海阔锦鱼  
传不到洞深紫凤期难约漫彩牋牙管倚西窗题红药

前调【和徐叔至】 侯寘

重到西湖春拆信露花酥滴倚危阑湖山佳处短屏着色拟泛一舟苍莽岸恐伤万里羁游客  
赖欵门修竹有高人留狂迹倾盖意真相得诗句里曾相识看戛然飞动笔端金石照眼光浮  
琼液满断肠翠拥宫韡窄问多情还肯借青鸾通消息

前调 侯寘

老矣何堪随处是春衫酒滴醉狂时一挥千字贝光玉色失意险为湘岸鬼浩歌又作长安客  
且乘流除却五侯门无车迹惊人句天外得匡国手尘中识问鼎槐何似卧云欹石梦里略无  
轩冕念眼前岂是江湖窄 蝇头蜗角去来休休姑息

前调 张孝祥

秋满漓源瘴云静晓山如簇动远思空江小艇高丘乔木策策西风双鬓底晖晖斜日朱阑曲

试侧身回首望京华迷南北 思归梦天边鹄游宦事蕉中鹿想一年好处砌红堆绿罗幌分柑  
霜落齿冰盘剥芡珠盈掬借春纖缕膾捣香薤新筠熟

前调【咏雨】 张孝祥

斗帐高眠寒牕静潇潇雨意南楼近更移三鼓漏传一水点点不离杨柳外声声只在芭蕉里  
也不管滴破故乡心愁人耳 无似有游丝细聚复散真珠碎天应分付与别离滋味破我一牀  
蝴蝶梦输他双枕鸳鸯睡向此际别有好思量人千里

前调【冬至】 范成大

寒谷春生薰叶气玉箫吹穀新阳後便占新岁吉云清穆休把心情关药裹但逢节序添诗轴  
笑强顏风物岂非痴终非俗 清昼永佳眠熟门外事何时足且团圞同社笑歌相属着意调停  
云露酿从头检举梅花曲纵不能将醉作生涯休拘束

前调【雨後游西湖荷花盛开】 范成大

柳外轻雷催几阵雨丝风急雷雨过半川荷气粉融香浥弄蕊攀条春一笑从教水溅罗衣湿  
打凉州箫鼓浪花中跳鱼立 山倒影云千疊横浩荡舟如叶有采菱清些桃根双楫忘却天涯  
漂泊地尊前不放闲愁入任碧笳十丈卷金波长鲸吸

前调 范成大

竹里行厨来问讯诸侯宾老春满座弹丝未徧挥毫先了云避仁风收雨脚日随和气熏林表  
向尊前来访白髯翁衰何早 志千里功名兆光万丈文章耀洗冰壶胸次月秋霜晓应念一堂  
尘网暗故将百和香云绕算赏心情话古来多如今少

前调 范成大

罨画溪山行欲徧风蒲还举天渐远水云初静掩楼人语月色波光看定玉虹横卧金鳞舞  
算五湖今夜只扁舟追千古 怀往事渔樵侣曾共醉松江渚只今年依旧一杯沧浦宇宙此身  
元是客不须怅望家何许但中秋时节好溪山皆吾土

前调【次石湖韵四首】 陈三聘

薄日轻云天气好相将祈谷民情喜颂声洋溢清风斯穆饮酒不多元有量吟诗无数添新轴  
对故人一笑我真愚君无俗 斜川路经行熟黄花在归心足问渊明去後有谁能属神武衣冠  
惊梦里江湖渔钓论心曲但从今散髮更披襟谁能束



前调 陈三聘

绀縠浮空山拥髻晚来风急吹骤雨藕花千柄艳妆新浥窥镜粉光犹有泪凌波罗襪何曾湿  
讶汉宫朝罢玉皇归凝情立尊前恨歌三叠身外事轻飞叶怅当年空击誓江孤楫云色远连  
平野尽夕阳偏傍疎林入看月明冷浸碧琉璃君须吸

前调 陈三聘

天岂无情天若道有情亦老功名事问天因甚蒙人不了好伴云烟耕谷口休将翰墨传江表  
算鬓边能得几春风惊秋早陶令尹张京兆怀舒啸贪荣耀尽南柯一梦漏残钟晓滕阁暮霞  
孤鹜举庾楼明月飞鸟绕念老来於此兴无穷知音少

前调 陈三聘

斜日熔金三万顷棹歌齐举风不动采苹双桨翠鬟相语月殿欲浮蟾兔魄海神不放鱼龙舞  
到今宵秋气十分清无今古君试唤扁舟侣来伴我潇湘渚共夷犹春浪笑歌秋浦霸越独高  
身退後尘缨未濯人谁许叹酒杯不到子陵台刘伶土

前调【中秋寄远】 辛弃疾

快上西楼怕天教浮云遮月但唤取玉纖横笛一声吹裂谁做冰壶凉世界最怜玉斧修时节  
问姮娥孤处有愁无应华髮云液满琼杯滑长袖舞清歌咽叹十常八九欲磨还缺但愿长圆  
如此夜人情未必看承别把从前离恨總包藏归时说

前调【中秋】 辛弃疾

美景良辰算只是可人风月况素节扬辉长是十分清彻着意登楼瞻玉兔何人张幙遮银阙  
倩飞廉特为吹开凭谁说弦与望从圆缺今与昨何区别羨夜来把手桂花堪折安得便登  
天柱上从容陪伴酬佳节更如今不听麈谈清愁如髮

前调 辛弃疾

可恨东君把春去春来无迹便过眼等闲输了三分之一昼永暖翻红杏雨风清扶起垂杨力  
更天涯芳草最关情烘残日湘浦岸南塘驿恨不尽愁如织算年年辜负对他寒食便恁归来  
能几许风流早已非畴昔凭画阑一线数飞鸿沈空碧

前调 辛弃疾

家住江南又过了清明寒食花径里一番风雨一番狼藉红粉暗随流水去园林渐觉清陰密

算年年落尽刺桐花寒无力 庭院静空相忆无说处闲愁极怕流莺乳燕得知消息尺素如今何处也绿云依旧无踪迹漫教人羞去上层楼平芜碧

前调【贺王师宣平湖南寇】 辛弃疾

笳鼓归来举鞭问何如诸葛人道是匆匆五月渡泸深入白羽风生貔虎噪青溪路断鼙鼓泣早红尘一骑落平冈捷书急 三万卷龙头客浑未得文章力把诗书马上笑驱锋镝金印明年如斗大貂蝉却自兜鍪出待刻公勋业到云霄浯溪石

前调 辛弃疾

汉水东流都洗尽髭须膏血人尽说君家飞将旧时英烈破敌金城雷过耳谈兵玉帐冰生颊想王郎结髮赋从戎传遗业 腰间劒聊弹铗尊中酒堪为别况故人新拥汉坛旌节马革裹尸当自誓蛾眉伐性休重说但?今记取楚台风庾楼月

前调【江行】 辛弃疾

过眼溪山怪都是旧时会识还记得梦中行徧江南江北佳处径须携杖去能消几两平生屐笑尘劳三十九年非长为客 吴楚地东西坼英雄事曹刘敌被西风吹尽了无尘迹楼观甫成人已去旌旗未卷头先白叹人生哀乐转相寻今犹昔

前调 辛弃疾

风卷庭梧黄叶坠新凉如洗一笑折秋英同赏弄香揆蕊天远难穷休久望楼高欲下还重倚一襟寂寞泪弹秋无人会 今古恨沈荒壘悲欢事随流水想登楼青鬓未堪憔悴极目烟横山数点孤舟月淡人千里对婵娟从此话离愁金尊里

前调【冷泉亭】 辛弃疾

直节堂堂看夹道冠纓拱立渐翠谷羣仙来下佩环声急谁信天锋飞堕地傍湖千尺开青壁是当年玉斧削方壶无人识 山水润琅玕湿秋露下琼珠滴向危亭横跨玉渊澄碧醉舞且摇鸾凤影浩歌莫遣鱼龙泣恨此中风物本吾家今为客

前调【再用前韵】 辛弃疾

照影溪梅怅絶代佳人独立便小驻雍容千骑羽觞飞急琴里新声风响佩笔端醉墨鸦栖壁是使君文雅旧知名今方识 高欲卧云还湿清可漱泉长滴快晚风吹帽满怀空碧宝马嘶归红旆动龙团试水铜瓶泣怕他年重到路应迷桃源客

前调【送李提刑入蜀】 辛弃疾

蜀道登天一盃送绣衣行客还自叹中年多病不堪离别东北看誉诸葛表西南更草相如檄  
把功名收拾付君侯如椽笔 儿女泪君休滴荆楚路吾能识要新诗准备庐山山色赤壁矶头  
千古浪铜鞮陌上三更月正梅花万里雪深时须相忆

前调【送佑之弟还侍浮梁】 辛弃疾

尘土西风便无限凄凉行色还记取明朝应恨今宵轻别珠泪争垂华烛暗鴈行欲断哀箏切  
看扁舟幸自涩清溪休催发 白石路长亭侧千树柳千丝结怕行人西去棹歌声阕黄卷莫教  
诗酒污玉阶不信仙凡隔但从今伴我又随君佳哉月

前调【游南岩和友】 辛弃疾

笑拍洪崖问千丈翠崖谁削依旧是西风白鸟北村南郭似整复斜僧屋乱欲吞还吐林烟薄  
觉人间万事到秋来都摇落 呼斗酒同君酌更小隐寻幽约且丁宁休负北山猿鹤有鹿从渠  
求鹿梦非鱼定未知鱼乐正仰看飞鸟却应人回头错

前调【雪霁】 辛弃疾

天上飞琼毕竟向人间情薄还又跨玉龙归去万花摇落云破林梢添远岫月明屋角分层阁  
记少年骏马走韩卢掀东郭 吟冻鴈嘲饥鹄人已老欢犹昨对瑶华满地与君酬酢最爱霏霏  
迷远近都收扰扰还空廓待羔儿饮罢又烹茶扬州鹤

前调【饯席】 辛弃疾

莫折荼蘼且留取一分春色还待得青梅如豆共伊同摘少日对花浑醉梦而今醒眼看风月  
恨牡丹笑我倚东风头如雪 榆荚钱菖蒲叶时节换?华歇算怎禁风雨怎禁鷓鴣老冉冉兮  
花共柳是栖栖者蜂和蝶也不因春去有闲愁因离别

前调 辛弃疾

紫陌飞尘望十里雕鞍绣毂春未老已惊台榭瘦红肥绿睡雨海棠犹倚醉舞风杨柳难成曲  
问流莺能说故园无曾相熟 岩泉上飞鳬浴巢林下栖禽宿恨荼蘼开晚漫翻红玉莲社岂堪  
谈昨梦兰亭何处寻遗墨但羁怀空自倚秋千无心蹴

前调【山居即事】 辛弃疾

几个轻鸥来点破一泓澄绿更何处一双鸂?故来争浴细读离骚还痛饮饱看修竹何妨肉有

飞泉日日供明珠三千斛 春雨满秧新谷闲日永眠黄犊看云连麦陇雪堆蚕簇若要足时今足矣以为未足何时足被野翁相挟入东园枇杷熟

前调【和傅岩叟香月韵】 辛弃疾

半山佳句最好是吹香隔屋又还怪冰霜侧畔蜂儿成簇更把香来薰了月却教影去斜侵竹似神清骨冷住西湖何由俗 根老大穿坤轴枝夭嫋龙蟠斛快酒兵长俊诗坛高筑一再人来风味恶两三杯後花缘熟记五更联句失弥明龙衔烛

前调【呈赵晋臣敷文】 辛弃疾

老子平生原自有金盘华屋还又要万间寒士眼前突兀一舸归来轻似叶两翁相对清如鹄到如今吾亦爱吾庐多松菊 人道是荒年谷还又似丰年玉甚等闲却为鲈鱼归速野鹤溪边留杖屨行人墙外听丝竹问近来风月几篇诗三千轴

前调【游清风峡】 辛弃疾

两峡崭岩问谁占清风旧筑满眼里云来鸟去涧红山绿世上无人供啸傲门前有客休迎肃怕凄凉无物伴君时多栽竹 风采妙凝冰玉诗句好余膏馥叹只今人物一夔应足人似秋鸿无定住事如飞弹须圆熟笑君侯陪酒又陪歌阳春曲

前调【忆别】 程垓

门掩垂杨宝香度翠帘重疊春寒在罗衣初试素肌犹怯薄霭笼花天欲暮小风送角声初咽但独褰幽幌悄无言伤离别 衣上雨眉间月滴不尽顰空切美栖梁归燕入帘双蝶愁绪多於花絮乱柔肠过似丁香结问甚时重理锦囊书?头说

前调 程垓

水远山明秋容淡不禁摇落况正是楼台高处晚凉犹薄月在衣裳风在袖冰生枕簟香生幙算四时佳处是清秋须行乐 东篱下西牕角寻旧菊催新酌笑广平何事对秋萧索摇叶声声深院宇折荷寸寸闲池阁待归来闲把木樨花重薰却

前调 京镗

乘兴西来问谁是平生相识算只有瑶台明月照人如昔万里凄凉银世界放教千丈冰轮出便招邀我辈上层楼横孤笛 陰晴事人难必欢乐处天常惜幸星稀河澹云收风息更着两贤陪胜赏此身如与尘寰隔笑谪仙对影足成三空孤寂

前调【刘知郡生朝】 朱 熹

秀野诗翁念故山十年乖隔聊命驾朱门旧隐綠槐新陌好雨初晴仍半暖金缸玉笋开瑶席  
更流传丽藻借江天留春色 过里社将儿侄谈往事悲陈迹喜尊前见在镜中如昔两鬓全欺  
烟树綠方瞳好映寒潭碧但一年一度一归来欢何极

前调 曹 冠

日暖烟轻竹梢映花陰凌乱微风皱池光弄碧綠杨垂岸艳杏墙头红粉媚幽兰砌下飘香暖  
称邀宾排日去寻芳频欢宴 光景速浑如箭醉梦里春强半且花前莫厌玉杯频劝一枕游仙  
方警悟浮名自笑犹萦绊醉挥毫付与雪儿歌娇莺啖

前调 吕胜己

小立危亭风惨澹斜阳满目望渺渺湘江一派楚山千簇芳草连云迷远树断霞散绮飞孤鹭  
感骚人赋客向来词愁如束 嗟远宦甘微粟惊世事伤浮俗且经营一醉未怀荣辱不见渊明  
归去後一觴自泛东篱菊仰高风寂寞奠生刍人如玉

前调 赵磻老

见说春时新波涨二川溶溢今底事沙痕犹褪石渠怪碧人意不须常作解兴来便向杯中觅  
纵茂林修竹记山陰千年一 薰吹动春工毕桥上景壶中日记梅肥笋嫩雨微鱼出只恐延英  
催入覲不教綠野长安逸任多情蝴蝶满园飞狂纵迹

前调 赵磻老

西郭园林湖光净暮寒清溢明月上近环山翠远摇天碧粉泽兰膏违俗尚岩花磴蔓从谁觅  
问近来铛脚许何人吾其一 欢乐事休教毕经後夜思前日想无心不竞水云流出物外烟霞  
供啸咏个中鱼鸟同休逸又何须浮海访三山寻仙迹

前调 袁去华

香雾空蒙檐牙外流萤自照夜向久明河东畔电飞云绕错落疎星垂屋角须臾万弩鸣林杪  
渐苍梧翠竹嫩凉生惊秋早 人语静籤声杳珍簟冷纱幮小想云牕依旧梦寻难到鴈足空来  
书断絶眉头顿着愁多少纵琴心细写有谁知朱弦悄

前调【滕王阁】 袁去华

画栋珠帘临无地沧波万顷云尽歛西山横翠半江沈影斜日明边回白鸟晚烟深处迷渔艇

听棹歌游女采莲归声相应 愁似织人谁省情纵在欢难更满衣香犹是旧时荀令宦海归来  
尘扑帽酒徒散尽霜侵鬓最愁处独立咏苍茫西风劲

前调【都下作】袁去华

杜雨初晴烟光暖吴山滴翠望绦阙祥云亏蔽粉垣千雉万柳低垂春似酒微风不动天如醉  
徧嬉嬉万井画图中欢声里 嗟倦客道傍李看人事槐根蚁立苍茫俯仰漫悲身世靖节依然  
求县令元龙老去空豪气便乘兴一叶泛沧浪吾归矣

前调【夜雨凉甚忽动从戎之兴】刘克庄

金甲琯戈记当日辕门初立磨盾鼻一挥千纸龙蛇犹湿铁马晓嘶营壁冷楼船夜渡风涛急  
有谁怜猿臂故将军无功级 平戎策从军什零落尽慵收拾把茶经香传时时温习生怕客谈  
榆塞事且教儿诵花间集叹臣之壮也不如人今何及

前调【夜饮海棠花下】刘克庄

老子年来颇自许心肠铁石尚一点消磨不尽爱花成癖懊恼每嫌寒勒住丁宁莫被晴烘拆  
奈暄风烈日太无情如何得 张画烛频频惜凭素手轻轻摘更一番雨过彩云无迹今夕不来  
花下饮明朝空向枝头觅对残红满院杜鹃啼添愁寂

前调【范尉梅谷】刘克庄

赤日黄埃梦不到清溪翠麓空健美君家别墅几株幽独骨冷肌清偏要月天寒日暮犹宜竹  
想主人杖屨遶千回山南北 宁委涧嫌金屋宁映水羞银烛叹出羣风韵背时装束竟爱东邻  
姪傅粉谁怜空谷人如玉笑林逋何逊谩为诗无人读

前调 刘克庄

落日登楼谁管领倦游狂客待唤起沧浪渔父隔江吹笛看水看山身尚健忧晴忧雨头先白  
对暮云不见美人来遥天碧 山中鹤应相忆沙上鹭浑相识想石田茅屋草深三尺空有鬓如  
潘骑省断无面见陶彭泽便尽倾海水浣衣尘难湔涤

前调【荼蘼】赵彦端

千种繁春春已去翩然无迹谁信道荼蘼枝上静中收得晓镜洗妆非粉白晚衣弄舞余衫碧  
粲宝钿珠珥不胜持浓陰夕 金翦度还堪惜霜蝶睡无从觅知几多清梦酿成冰骨天女散花  
无酒圣仙人种玉惭香德怅攀条记得鬓丝青东风客

前调【钱卢光祖赴鼎州幕】 赵彦端

津鼓冬冬三老醉知谁留得都不记琵琶洲畔草青江碧桃李春风吹不断烟霞秋兴清无极  
怅尊前桂子有余香曾相识 残雨昼初凉夕高烛烂新醅白听长歌欢意不知愁色父老能寻  
循吏传关河暂枉诸侯客待日边一纸诏黄飞胜相忆

前调 赵彦端

赐被薰鑪曾同见宫槐重绿时归看绮疏疊嶂楚腰翻曲君过蓬山轻岁月我怀庐阜分符竹  
道别离待得再归来人应俗 春欲动醅初熟追一笑森三玉且相对青眼共裁红烛小语人家  
闲意态浅寒都下新装束念平生和雨醉东风从今足

前调【钱别张子仪】 管 监

百罚深杯都不记归来时节彷彿听重城更鼓催成离阙江上愁心山敛翠津头夜色沙如雪  
渐中年怀抱更深交难为别 歌声缓行云歇尊酒散香尘灭想来宵何处乱山明月得意春风  
羣玉府第名早晚黄金阙但相思莫遣鴈来时音书絶

前调【赏梅呈洪内翰】 张 鎡

玉照梅开三百树香云同色光摇动一川银浪九霄珂月幸遇勲华时世好欢娱况是张灯夕  
更不邀名胜赏东风真堪惜 盘诰手春秋笔今内相斯文伯肯闲迎轩盖远过泉石奇事人生  
能几见清尊花畔须教侧到凤池却欲醉鸥边应难得

御选历代诗余卷五十五

# 卷五十六

<集部,词曲类,词选之属,御选历代诗余

钦定四库全书

御选历代诗余卷五十六目錄【九十三字】

满江红【下】

刘儗【二首】

岳珂

王千秋【二首】

刘圻父

陆游【二首】

刘过

杨炎【二首】

黄机【二首】

戴复古

毛幵【二首】

洪咨夔

郭应祥

卢祖皋

高观国



史达祖【二首】

韩淲

汪莘【二首】

吴潜【二首】

李昴英

方岳【二首】

卢炳

吴文英【二首】

蒋捷

陈允平

周密

张炎【二首】

石孝友

汤恢

陈策

林正大【三首】

汪元量

何梦桂【二首】

韩玉

段克己

元好问【三首】

李俊民【四首】

许衡

张弘范

萧允之

黄子行

萨都拉

张翥

张埜

张半湖

张雨

吴子孝

杨慎

文徵明

施绍莘

钱继章

俞彦

王彦泓

钱光绣

于玉班

叶纨纨

吴朏

御选历代诗余卷五十六目录

钦定四库全书

御选历代诗余卷五十六【九十三字】

司经局洗马掌局事兼翰林院修撰加二级【臣】王奕清奉旨校刊

满江红【下】

满江红【题快阁】 刘 儗

快阁东西鸥边问晚晴可喜鸥解语既盟之後两翁曾倚笛弄惯听黄鲁直履声深识徐渊子  
添我来相对两忘机真相似也不种闲桃李也不翫佳山水有新诗字字爱民而已一片心闲  
秋月外三年人在春风里涨一篙江水送归鸿明朝是

前调【春晓】 刘 儗

着意留春留不住春归难恋最苦是梅天烟雨麦秋庭院嫩竹浓陰莺出谷柔桑采尽蚕成茧  
奈沈腰宽尽有谁知难消遣  
幽阁恨双眉敛香牋寄飞鸿远向风帘羞见一双归燕翠被闲将情做梦青楼赚得恩成怨对

尊前莫惜唤琼姬持杯劝

前调 岳 珂

小院深深悄镇日陰晴无据春未足闺愁难寄琴心谁与曲径穿花寻蛱蝶虚阑傍日教鹦鹉  
笑十三杨柳女儿腰东风舞云外月风前絮情与恨长如许想绮牕今夜与谁凝竚洛浦梦回  
留佩客秦楼声断吹箫侣正黄昏时候杏花寒廉纖雨

前调 王千秋

楼压层城斜阳敛帆收南浦最好是长江澄练远山新雨半晌留连邀皓月一堂高敞祛隆暑  
问从来佳赏有谁同应难数舟横渡车填路催酒进麾灯去放姮娥照座不须帘阻已见天清  
无屏翳更须湖上喧阗鼓看波光撩乱上橈竿龙蛇舞

### 前调 王千秋

水满方塘三日雨晓来方足阑干外锦?初脱新篁森玉沃叶未乾鸠妇去余花时坠蜂儿逐认去年乳燕又双双飞华屋 红豆恨归谁促青鸾梦惊难续想多情犹记碧牋新曲白发欺人虽已老短襟搵黛存余馥且如今一笑总休论杯行速

### 前调【风泉峡观泉】 刘圻父

云壑飞泉蒲根下悬流陆续堪爱处石池湛湛一方寒玉暑际直当磐石坐渴来自引悬瓢掬听泠泠清响泻淙琤胜丝竹 寒照胆消炎燠清彻骨无尘俗笑幽人忻翫滞留空谷静坐时看松鼠饮醉眠不碍山禽浴唤仙人伴我酌琼瑶餐秋菊

### 前调 陆游

危堞朱阑登览处一江秋色人正似征鸿社燕几番轻别缱绻难忘当日语凄凉又作他乡客问鬓边都有几多丝真堪织 杨柳院秋千陌无限事成虚掷如今何处也梦魂难觅金鸭微温香缥缈锦茵初展情萧瑟料也应红泪伴秋霖灯前滴

### 前调【夔州催王侍御寻梅】 陆游

疎蕊幽香禁不过晚寒愁絶那更是巴东江上楚山千叠敲帽闲寻西瀼路鞦韆笑向南枝说恐使君归去上銮坡孤风月 清镜里悲华发山驿外溪桥侧凄然回首处凤凰城阙顚顚如今谁领略飘零已是无颜色问行厨何日唤宾僚犹堪折

### 前调【同襄阳帅游湖】 刘过

猎猎风蒲画船转碧波湾浦都不是柳汀桃岸橘洲梅渚指点山公骑马地经由羊祜登山处悄一如人在水晶宫消袞暑 薰风动帘帷举秦筝奏凌波舞?水壶沈醉晚凉归去侵岸一篙杨柳浪过云几点荷花雨倚楼人十里凭阑干神仙侣

### 前调 杨炎

笔染相思暗题尽朱门白壁动离思春生远岸烟消残日杨柳结成罗带恨海棠染就臙脂色想深情幽怨绣屏间双鸂? 春水绿春山碧花有恨酒无力对一匳秋思九分孤寂寸寸锦肠浑欲断盈盈玉泪应偷滴倩东风吹鴈过江南传消息

### 前调 杨炎

典尽春衣也应是京华倦客都不记麴尘香雾西湖南陌儿女别时和泪拜牵衣曾问归时节

到归来青子已成陰 空头白 功名事云霄隔 英雄伴东南拆 对鸡豚社酒依然乡国 三径不成  
陶令隐一区未有扬雄宅 问渔樵学作老生涯从今日

### 前调 黄机

逐鼓声中又妆点千红万绿 春试手银花影粲雪梅香馥 归梦不知家远近 飞帆正挂天南北  
记年时歌舞绮罗丛 凭谁续 烟水迴云山簇 劳怅望伤追琢 把蛛丝鹊喜意中 占卜月正圆时  
羞独照夜偏长处 怜孤宿 悔从前轻被利名牵 征尘扑

### 前调 黄机

云暗山昏西风撼一天悲雨 隐君问短墙修竹故园何处 九月江南无鴈到 素书封了谁传与  
待从头?却把心宽还如故 吴姬唱燕姬舞 持玉笋温琼醕 怅人生欢会一年几许 莫上小楼  
高处望楼前 诘曲来时路 便直须匹马两苍头东归去

### 前调【赤壁怀古】 戴复古

赤壁矶头一番过一番怀古 想当时周郎年少气吞区宇 万骑临江貔虎噪 千艘烈焰鱼龙怒  
卷长波一鼓困曹瞒 今如许 江上渡江北路形胜地 兴亡处 览遗踪胜读史书 言语几度东风  
吹世换千年往事随潮去 问道旁杨柳为谁春 摇金缕

### 前调【怀家山作】 毛幵

回首吾庐思归去 石谿樵谷临翫有门前流水乱松疎竹幽草春余荒井径鸣禽日在窥墙屋  
但等闲凭几看南山云相逐 家酿美招邻曲朝饭饱随畊牧 况东皋二顷岁时都足 麟阁功名  
身外事墙陰不驻流光促 更休论一枕梦中惊黄粱熟

### 前调 毛幵

泼火初收秋千外轻烟漠漠春渐远 绿杨芳草燕飞池阁已着单衣寒食後夜来还是东风恶  
对空山寂寂杜鹃啼梨花落 伤别恨闲情作十载事惊如昨 向花前月下共谁行乐 飞盖低迷  
南苑路湔裙怅望东城约 但老来憔悴惜春心年年觉

### 前调 洪咨夔

送雨迎晴花事过一庭芳草帘影动归来双燕似悲还笑笑我不知人意变悲人空为韶华老  
满天涯都是别离愁无人埽 海棠晚荼蘼早飞絮急青梅小把风流酝藉向谁倾倒 秋水盈盈  
魂梦远 春云漠漠音期悄 最关情 鹁鸪一声催晓

前调 郭应祥

节物匆匆又还见浓春入眼那更是晓风初扇宿云都卷蝶舞已便花蕊乱燕归仍愜香泥煖  
又何须女手学春工并刀翦 欢乐事郊垧徧游赏处轮蹄远听谁家弦管日开华宴有客摘毫  
多丽句慙予拆轡无长线问新来诗酒顿然疎怎消遣

前调【齐云月酌】 卢祖皋

楼倚晴空炎云净晚来风力沧海外等闲吹上满轮寒璧河汉低垂天欲近乾坤浩荡秋无极  
凭阑干衣袂拂青冥知何夕 登眺地追畴昔吴越事皆陈迹对清光祇有醉吟消得万古悠悠  
惟月在浮生滚滚空白头自骑鲸仙去有谁知遥相忆

前调 高观国

击碎空明沧浪晚棹歌飞入西山外紫霞吹断赤尘无迹涌上冰轮凉世界唤回天籁清肌骨  
看骊珠影堕冷光斜蛟龙窟 长啸外纶巾侧轻露下纖絺湿听洞箫声在卧虬陰北千万江妃  
留醉梦二三沙鸟惊吟魄任天河落尽玉杯空东方白

前调【中秋夜湖】 史達祖

万水归陰故潮信盈虚因月偏只到凉秋半破鬪成双絕有物揩磨金镜净何人拏攫银河决  
想子胥今夜见嫦娥洗冤雪 光直下蛟龙穴声直上蟾蜍窟对望中天地洞然如刷激气已能  
驱粉黛举杯便可吞吴越待明朝说与似儿曹心应折

前调【书怀】 史达祖

好领青衫全不向诗书中得还也费区区造物许多心力未暇买田清颍尾尚须索米长安陌  
有当时黄卷满前头多慙德 思往事嗟儿剧怜牛後怀鸡肋奈棱棱虎豹九重关隔三径就荒  
秋自好一钱不直贫相逼对黄花常待不吟诗诗成癖

前调【和赵公明】 韩 澆

五老峰前九江上曾生仙客相邂逅贵池亭下定交金石我辈风流宜啸咏官曹尘冗徒煎逼  
且簿书丛里举清觴偷闲日 同一笑当今夕梅正好香浮白便相忘尔汝醉巾沾湿已向琼林  
夸意态似闻金殿传消息想君今归去际风云应相忆

前调 汪莘

唐宋诸公谁道得梅花亲切到和靖先生诗出古人俱拙写照乍分清浅水传神初付黄昏月

尽後來作者鬪尖新仍重疊 离不得春和腊少不得烟和雪更茅檐低亚竹篱轻折何事西邻  
春得入还如东阁人伤别总输他树下作僧来离言说

前调【不敢赋梅赋感梅】 汪莘

洞府瑶池都是见桃红满地君试问江梅清絕因何抛弃仙境常如三二月此宵不受春风醉  
被贩儿俚妇折来看添憔悴 泛雪艇摇冰榭溪馆静村扉闭须祁寒彻骨清香透鼻孤竹赤松  
真我友姚黄魏紫非吾契笑方壶日日绕南枝犹多事

前调【滕王阁】 吴潜

万里西风吹我上滕王高阁正檻外楚山云涨楚江涛作何处征帆云杪去有时野鸟沙边落  
近帘鉤暮雨掩空来今犹昨 秋渐紧添离索天正远伤漂泊叹十年心事休休莫莫木叶无多  
秋渐老江湖满地愁难着向黄昏断送客魂消城头角

前调【金陵乌衣园】 吴潜

柳带榆钱又还过清明寒食天一笑满园罗绮满城箫笛花柳得晴红欲染远山过雨青如滴  
问江南池馆有谁来江南客 乌衣巷今犹昔乌衣事今难觅但年年燕子晚烟斜日抖擞一春  
尘土债悲凉万古繁华迹且芳尊随分趁芳时休虚掷

前调【和刘朔斋汉节亭韵】 李昴英

人似梅花峭玉立岁寒风节新圃辟种梅千树幻成南雪池碎瀑声荷捧雨径涵秋影篁筛月  
唤石君错落坐庭前红尘絕 嫌聒耳秦筝戛慵着眼俳优狎但一觴一咏放怀开阔涌地池亭  
工掩映擎天柱石觚施设待枝头金颗可调羹休轻折

前调【生朝】 方岳

说与梅花且莫道今年无雪君不见秋崖鬓底茎茎骚屑笔砚只催人老大湖山不了诗愁絕  
问笻筇何事下矶来抛云月 重省起西山笏终负却东山屐把草堂借与鹭眠鸥歇乌帽久闲  
苍蘚石青衫今作枯荷叶笑人间万事竟何如从吾拙

前调【和程学谕】 方岳

苍石横筇松风外自调龟息浑不记东皋秋事西湖春色底处未嫌吾辈在此心说与何人得  
向海棠烂醉过清明酬佳节 君莫道江鲈忆吾自爱山泉激尽月明夜半杜鹃声急人事略如  
春梦过年光不啻惊弦发怕醒来失口问诸公今何日

前调【送赵李行赴金坛】 卢 炳

积雨连宵添新涨一篙春碧寒犹在东风料峭柳丝无力系惹画船都不住从教兰棹双飞急  
泛大江东去欲何之瓜期逼 龙种裔神仙伯金闺彦文章客算河阳花县恁生留得制锦才高  
书最善鸣琴化洽人懽悻想未容坐暖诏归来君王侧

前调【刘朔齐赋菊和韵】 吴文英

露浥初英蚤遗恨参差九日还却笑萸随节改桂雕无色杯面寒香蜂共泛篱根秋信蚤催织  
爱玲珑筛月水屏风千枝结 芳井韵寒泉咽霜着处微红湿共评花索句看谁先得好漉乌巾  
连夜醉莫愁金钿无人拾算遗踪犹有枕囊留相思物

前调 吴文英

翠幙深庭露红晚闲花自发春不断亭台成趣翠陰蒙密紫燕雏飞帘额静金鳞影转池心阔  
有花香竹色赋闲情供吟笔 闲问字评风月时载酒调冰雪似初秋入夜浅凉欺葛人境不教  
车马近醉乡莫放笙歌歇倩双成一曲紫云回红莲折

前调 蒋 捷

秋本无愁奈客里秋偏岑寂身老大懽敲秦缶嬾携陶甓万悞曾因踈处起一闲且向贫中觅  
笑新来多事是征鸿声嘹唳 双户掩孤灯剔书束架琴悬壁算人间无此小牕幽阒浪远惟听  
葭叶响雨残细数梧梢滴正依稀梦到故人来谁横笛

前调 陈允平

目断江横相思字难凭鴈足从别後倦歌慵绣悄无拘束烟柳翠迷星眼恨露桃红沁霞腮肉  
傍琐牕终日对文枰翻碁局 频暗把归期卜芳草恨阑干曲谢多情海燕伴愁华屋明月自圆  
双蜨梦彩云空伴孤鸾宿任画帘不卷玉钩闲杨花扑

前调 周 密

秋水涓涓情渺渺美人何许还记得东峰松桂对牀风雨流水桃花西塞隐茂林修竹兰亭路  
二十年历历旧经行空怀古 评砚品临书谱笈画史修茶具喜一愚天稟一闲天付百战征求  
千里马十年餽釘三都赋问何如石鼎约弥明同聯句

前调【巳酉春日】 张 炎

老子今年多准备吟笈赋笔还自喜锦囊添富顿非畴昔书册琴碁清队仗云山水竹闲踪迹



任醉筇游屐过平生千年客 回首梦东隅失乘兴去桑榆得且怡然一笑探梅消息天下神仙  
何处有神仙只向人闲觅折梅花横挂酒壶归白鸥识

前调 张炎

江上相逢更秉烛浑疑梦里寂寞久琴弦尘断为君重理紫绶金章都莫问醉中聊送揶揄鬼  
看满头白雪恐难消春风起云一片身千里漂泊地东西水算十年不见我生能几慷慨悲歌  
惊泪落古人未必皆如此想今人愁似古人多如何是

前调 石孝友

鴈阵惊寒故唤起离愁万斛因追念镜鸾易破凤弦难续诗句已凭红叶去梦魂未断黄粱熟  
叹浪萍风梗又天涯成幽独归来引相思曲尘满把泪盈掬对长天远水落霞孤鹜立尽西风  
无好意遥山也学双眉蹙恨草根不逐鬓根摧秋还绿

前调 汤恢

小院无人正梅粉一阶狼籍疎雨过溶溶天气早如寒食啼鸟惊回芳草梦峭风吹浅桃花色  
漫玉鑪沈水熨春衫花痕碧绿縠水红香陌紫桂糝黄金勒怅前欢如梦後游何日酒醒香消  
人自瘦天空海濶春无极又一林新月照黄昏梨花白

前调【杨花】 陈策

倦绣人闲恨春去浅颦轻掠章台路雪粘飞燕带芹穿幙委地身如游子倦随风命似佳人薄  
叹此花飞後更无花情怀恶心下事谁堪托怜老大伤漂泊把前回离恨暗中描摸又趁扁舟  
低欲去可怜世事今非昨看等闲飞过女墙东千秋索

前调【括山谷听宋宗儒摘阮歌】 林正大

落魄高人?百万青铜一醉挥素手朱绳一抹四筵惊起催织寒虫秋弄月叫羣独鴈天浮水更  
黄鹂紫燕对春风争繁脆悲楚国霸臣意怜汉女逾千里似深闺恩怨共相汝尔我有江南丘  
壑趣此弦能道心中事要曲肱时听写松风云牕里

前调【括卢仝有所思】 林正大

为忆当时沈醉里青楼弄月闲想像绣帏珠箔魂飞心折羞向姮娥谈旧事几经三五盈还缺  
望翠眉蝉鬓一天涯伤离别寻昨梦巫云结流别泪湘江咽对花深两岸忽添悲切试与含愁  
弹绿绮知音不遇弦空絶忽牕前一夜寄相思梅花发

前调【括东坡海棠】 林正大

寂寞江城?只共梅花幽独揩病眼佳人何许嫣然空谷幻出天姿真富贵朱唇酩酒红生肉笑漫山繁李与夭桃俱麤俗 迟日丽春睡足明月照尤清淑算移根千里远从西蜀流落天涯应可念为渠剧饮仍歌曲怕明朝酒醒落纷纷那容触

前调【吴江秋夜】 汪元量

一个兰舟双桂桨顺流东去但满目银光万顷凄其风露渔火已归鸿鴈汊櫂歌更在鸳鸯浦渐夜深芦叶冷飕飕临平路 吹铁笛鸣金鼓丝玉鱸倾香醕且浩歌痛饮藕花深处秋水长天迷远望晓风残月空凝竚问人间今夕是何年清如许

前调 何梦桂

春色三分怎禁得几番风日又早见亭台綠水柳摇金色满眼春愁无着处知心惟有幽禽识望春山目断夕阳边孤云隔 琴酒我成三一湖外舫山头屐且莫教春去乱红堆积记得年时陪宴赏重门深处桃花碧待修书欲寄楚天遥无行客

前调【和王伟翁上巳】 何梦桂

睡起纱牕问春信几番风候待去做踏青鞦履嬾拈纤手座满翠微低?叶离愁推去来还又把菱花独对泪阑干羞蓬首 回鸾字空怀袖金缕曲无心奏记碧桃花下夜参横斗六幅罗裙香凝处痕痕都是尊前酒到如今肠断怕回头长门柳

前调【重九】 韩玉

正欲登临何处好登临眺望君约我今朝携酒古台同上风静秋郊浑似洗碧空澹覆玻璃盎夕照外渺渺万遥山开青嶂 龙山事空追想风流会今安往我劝君一醺为君高唱今日谋欢真雅胜休辞痛饮葡萄酿纵黄花明日未凋零非佳赏

前调【登河中鸛雀楼】 段克巳

古堞凭空烟霏外危楼高矗人道是宇文遗址至今相续梦断繁华无觅处朱甍碧甃空陈迹问长河都不管兴衰东流急 依本是乘槎客因一念仙凡隔向人间頽仰已成今昔条华横陈供望眼水天上下涵空碧对西风舞袖障飞鸿沧溟窄

前调 元好问

天上飞鸟问谁遣东生西没明镜里朝为青鬓暮为华发弱水蓬莱三万里梦魂不到金银阙

更几人能有谢家山飞仙骨 山鸟弄林花发玉杯冷秋云滑彭殇同一醉不争毫末鞭石何年  
沧海过三山只是尊中物暂放教老子据胡牀邀明月

前调 元好问

枕上吴山隐隐见宫眉修碧人好在断肠浑似画图相识罗襪尘香来有信玉箫声远寻无迹  
恨不将春色醉仙桃迷芳席 婵娟月韶华日梦已尽愁仍积共江花江草几时终极锦树吹残  
蝴蝶老冰绡翦破鸳鸯只判楚云湘雨一生休休相忆

前调 元好问

一枕余醒厌厌共相思无力人语定小牕风雨暮寒岑寂绣被留欢香未减锦书封泪红犹湿  
问寸肠能着几多愁朝还夕 春草远春江碧云黯淡花狼籍更柳絲闲扬柳丝难织入梦终疑  
神女赋写情除有文通笔恨伯劳东去燕西飞空相忆

前调【孟州长冯巨川诞日】 李俊民

解愠风来天气爽綠杨庭院多少话暂都分付画梁双燕明月欲随人意满十分未慳姮娥愿  
但一年一度壽觞时身长健 玲珑曲低低唱玻璃盞深深劝但春红吹上桃花人面簪屐尽居  
弹铗下烟岚休恨平嵩远待试看南极老人星今朝见

前调【和张文玘】 李俊民

宿酒才醒听唤起一声春晓无限恨满城风絮一川烟草年少抛人容易去万红千紫都开了  
试但教头上插花枝花应笑 狂言在人絕倒狂药尽愁难埽待叮咛嘱付再来青鸟团扇不堪  
题往事断弦惟恨知音少但时时频把镜来看人将老

前调【李孝先壽】 李俊民

小雨初晴风摇荡綠陰清昼见说道长庚复向人间鍾秀又对上番成竹笋能忘赠别垂条柳  
看将来三五月圆时人如旧 浮世事君知否春梦断空回首笑平生豪迈气冲牛斗幽鸟自歌  
无谱曲飞花故送长生酒待骑鲸海上再相逢为君壽

前调【咏雪】 李俊民

漠漠愁陰银界晓皓然一色谁翦水就中撩乱燕山如席天若有情天也老高山底事头先白  
甚教人错恨五更风花狼籍 寒欲退刘叉笔深欲没韦郎膝问何如江上孤舟蓑笠不见过门  
多恶客等闲踏破琼瑶迹便簾豪下马坐人牀寻欢伯

前调【别大名亲旧】 许衡

河上徘徊未分袂孤怀先怯中年後此般憔悴怎禁离别泪苦滴成襟畔湿愁多拥就心头结  
倚东风搔首谩无聊情难说 黄卷在消白日青镜里增华发念岁寒交友故山烟月虚负人生  
归去好谁知美事难双得计从今佳会几何时长相忆

前调 张弘范

奔驿南来拥貔貅直趋江右良自媿劣才微渺圣恩洪厚万里长江今我得百年坚壁非他守  
看虎牙飞上万山头诛羣丑 风雨梦乡关友南北事君知否寄一缄梅信小春时候夜静戟门  
严鼓角月明莲幕闲诗酒怕故人相忆问归期平蛮後

前调 萧允之

冷逼疎帘浑不似今春寂寞风雨横赏心欢事总如云薄柳眼花?空点缀莺情蝶思应萧索但  
遶庭流水碧潺潺车音邈 怀往事孤素约酒未饮愁先觉甚中年滋味共谁商略芳草易添闲  
客恨垂杨难系行人脚谩几回吟徧夕阳红阑干角

前调【归自湖南题富春馆】 黄子行

津鼓匆匆犹记得故人相送春江上鸟啼花影马嘶香鞶情逐阳关金缕断泪和杨柳春丝重  
算别来几度月明时相思梦 山万疊愁眉耸春一点归心动问风俦月侣有谁游从百里家山  
明日到一尊芳酒今宵共任楼头吹尽五更风梅花弄

前调 萨都拉

六代繁华春去也更无消息空怅望山川形胜已非畴昔王谢堂前双燕子乌衣巷口曾相识  
听夜深寂寞打空城春潮急 思往事愁如织怀故国空陈迹但荒烟衰草乱鸦斜日玉树歌残  
秋露冷臙脂井坏寒蛩泣到如今惟有蒋山青秦淮碧

前调【钱舜举桃花折枝】 张翥

前度刘郎重来到玄都燕麦回首地暗香销尽暮云低碧啼鸟犹知人怅望东风不管花狼籍  
又凄凄红雨夕阳中空相忆 繁华梦浑无迹丹青笔还留得恍一长见故园春色尘世事多  
吾欲避武陵路远谁能觅但有山可隐便须归栽桃客

前调 张埜

风雨潇潇便酿出新凉庭院人乍起一簪秋叶不堪裁翦翠幄渐雕槐影瘦红衣半老蕖香浅

到秋来何止沈休文难消遣 鸿鴈杳音尘断空极目烟波满想故人此际画阑凭徧别久几将情做梦归迟一向恩成怨对西风无语黯消魂行云远

前调 张半湖

新绿池塘一两点荷花微雨人正静桐阴竹影半侵庭户欹枕未圆蝴蝶梦隔牕时听幽禽语卷纱帏随意理琴丝黄金缕 蛟绡扇轻轻举龙涎饼微微炷向水晶宫里坐消袞暑剥啄微敲棋子响莺儿林里惊飞去最好是活水瀹新茶醒春醕

前调【玉簪花】 张雨

玉笋纤长顿化作云英香荚风弄影绿鬟撩乱搔头斜插璞小还思钗燕竝丛幽略比蕉心狭看柔须点缀半开时微烘蜡 冰筋瘦琼林滑芳径底谁偷掐怕夜凉消得锦围红匝鸞管不禁仙露重蜂脾胜借清香发待使君绝妙好词成须弹压

前调【寻梅未开】 吴子孝

日日轻寒都勒住江南春色无可奈风力颠狂雨丝霏霰淑气纵生冰底暖韶光未见枝头溢问水边何处有梅花浑无迹 山雾重村烟积日影淡莺声涩幽香和嫩蕊冻葩难拆身老不嫌妍景晚鬓衰已先琼葩白待晴和载酒赏芳菲穷南陌

前调【梨花】 杨慎

露重风香韶华浅玉林无叶谁翦碎徧地琼瑶满园蝴蝶娇泪一枝春带雨粉英千片光凝雪伴秋千影里月明中伤离别 花在手肠如结人对酒情难说忆故园游赏清明时节今日相逢滇海上惊看烂漫开正月更收灯庭院峭寒天啼鹃歇

前调 文徵明

漠漠轻阴正梅子弄黄时节最恼是欲晴还雨乍寒又热燕子梨花都过也小楼无奈伤春别傍阑干欲语更沈吟终难说 一点点杨花雪一片片榆钱荚渐西垣日隐晚凉清绝池面盈盈清浅水柳梢淡淡黄昏月是何人吹彻玉参差情凄切

前调 施绍莘

雨饭风衣已冬残犹是行客云水暗晚风刚顺晚潮尤逆树里渔家遮又出天南烟火斜还直看桥头水鸛立如人蒹葭白 穷乡路转荒僻几十里无人迹但乱鸦枯树惨吾行色恶浪几堆惊橹失前山一片当船黑叹年来南北与东西身如织

前调【七夕】 钱继章

一士萧凉陈筦簟小庭闲坐良宵静与排瓜果柳州余课儿讶银河无一带客占喜宿刚双个  
道年年此际订佳期空传播 霓佩怯罡轮簸云裳冷昏参度怕广寒孤枕有人相妒天上自无  
情债满人间不免风流过叹独携憔悴庾楼来谁酬和

前调【东河道中】 俞彦

荏苒征途马首外黄埃飞灭渐初夏麦含西陇草薰南陌平楚淡烟迷去鹭乱山落照闻啼鵙  
正玉骢飘泊未归来心慵怯 名与利多生劫劳和恨他生业怕镜中不似去家时节残月一鞭  
乡梦断暮云千里音书歇想故园莫道不曾愁愁今絶

前调 王彦泓

眼角眉端谁道是便成抛散怕向那定情帘下诉愁牕畔几度卸装垂手望无端梦觉低声唤  
猛思量此际正天涯啼珠溅 欲寄语加餐饭难嘱付凭鱼鴈隔云山牵挽寸心如线善病每逢  
春月卧长愁多向花前叹况如今憔悴已难堪何曾惯

前调【赠别画史】 钱光绣

几幅生绡都染出吴山楚水还记得巫霜万叠滇云千里小艇疾飞江左右芒屨踏遍天头尾  
想而今握管尚依然拈来是 酒到手杯如洗钱在握囊无寄算祇余白发数茎而已适兴浑忘  
交雅俗浩歌不解音商徵道黯然此别便销魂庸人耳

前调 于玉班

絶胜西园管领取四时春色消受了半榻云山一帘风月鸟弄清声倾耳细酒行红袖传杯急  
问高歌座上最谁多江南客 灯再翦壶频滴言欲尽情偏切怪天涯同调非琴非瑟兰室止缘  
兰谊暖青衫肯为青楼匹待话残今夜月西倾东方白

前调【明媛】 叶纨纨

秋色澄清烟光净碧天寥廓正此际荒凉满眼岁华摇落镜里流光私自惜瑶台无路愁难托  
奈新来秋鬓不胜愁浑萧索 问何处堪栖泊想蕙帐悲猿鹤更疎篱丛菊草堂风箨无那都成  
虚负了尘劳客梦何时却被西风消息暗惊心空思着

前调【夏景明媛】 吴朏

雨抹荷池添艳了闹红稠绿更带着牵鱼藻监浮波鳧玉榴火辞枝焚碧藓蝉声送远翻新曲

向幽轩一枕梦惊回风敲竹 丝雨霁轻凉足残照短纖红续渐云遮津口烟黏山麓凉月照人  
心似水此身拟向清虚蹴记广寒庭畔素衣中曾相熟

御选历代诗余卷五十六

## 卷五十七

<集部,词曲类,词选之属,御选历代诗余

钦定四库全书

御选历代诗余卷五十七目錄【起九十四字至九十五字】

六么令

晏几道【三首】

柳永

贺铸

周邦彦

辛弃疾【二首】

方千里

吴文英

周密【二首】

陈允平

李琳

玉漏迟

宋祁

程垓

吴文英【二首】



周密

张炎

何梦桂

元好问

刘因

张翥

白朴

张埜

刘基

无名氏

尾犯

秦观

赵以夫

吴文英

满江红【又一体】

杜衍

前调【又一体】

苏轼【二首】

李婴

前调【又一体】

辛弃疾

前调【又一体】

赵鼎

李昉英

应天长【又一体】

柳永

叶梦得

无名氏

汉宫春【又一体】

彭元逊

金浮图

尹鹖

倾杯乐

柳永

留客住

周邦彦

凄凉犯【又一体】

张炎【二首】

露华【又一体】

王沂孙

张炎

雪明鵙鹑夜

宋徽宗

天香

毛滂

步月

施岳

玉连环【又一体】

冯艾子

徵招

彭元逊

一枝春

周密【二首】

张炎

张翥

无名氏

江南好【又一体】

吴文英

雪梅香

柳永

惜秋华【又一体】

吴文英

芙蓉月

赵以夫

古香慢

吴文英

红情

柳永

埽花游【又一体】

周邦彦

杨无咎

方千里

杨泽民

吴文英【五首】

陈允平

王沂孙【三首】

张炎【二首】

张翥

邵亨贞

张半湖

## 御选历代诗余卷五十七目錄

### 钦定四库全书

#### 御选历代诗余卷五十七【起九十四字至九十五字】

司经局洗马掌局事兼翰林院修撰加二级【臣】王奕清奉旨校刊

### 六么令

【一名綠腰一名錄要一名乐世双调九十四字杨慎谓义取六博么即梟也按碧鸡漫志载六么名綠腰吐番传曰奏凉州六么杂曲琵琶錄曰綠腰本錄要也乐工进曲令錄其要者唐人诗琵琶先采六么头逡巡弹得六么彻六么水调家家唱宋人词亦云六么催拍盏频传贪看六么花十八皆於杨慎说无涉也】

#### 六么令 晏几道

綠陰春尽飞絮遶香阁晚来翠眉宫樣巧把远山学一寸狂心未说已向横波觉画帘遮匝新翻曲妙暗许闲人带偷掐 前度书多隐语意浅愁难荅昨夜诗有回文韵险还慵押都待笙歌散了记取留时霎不消红蜡闲云归後月在庭花旧阑角

#### 前调 晏几道

雪残风信悠扬春消息天涯倚楼新恨杨柳几丝碧还是南云鴈少锦字无端的宝钗瑶席彩弦声里?作尊前未归客 遥想疎梅此际月底香英拆别後谁遶前溪手拣繁枝摘莫道伤高恨远付与临风笛尽堪愁寂花时往事更有多情个人忆

#### 前调 晏几道

日高春睡唤起嬾妆束年年花落时候惯得春眠足学唱宫梅便好更?银笙逐黛蛾低綠堪教一恨却似江南旧时曲 常记东楼夜雪翠幙遮红烛还是芳酒杯中一醉光陰促曾笑阳台梦短无计怜香玉此欢难续乞求歌罢借取归云画堂宿

#### 前调 柳永

澹烟残照摇曳溪光碧溪边浅桃深杏迤邐探春色昨夜扁舟泊处枕簟当滩磧波声渔笛惊回好梦梦里欲归归不得 展转翻成无寐因此伤行役思念多媚多娇咫尺千山隔都为深情密爱不忍轻离拆好天良夕鸳帏寂静算得也应暗思忆

### 前调 贺铸

梦云萧散帘卷画堂晓残熏烬蜡隐映绮席金壶倒尘送行鞭裊裊醉指长安道波平天渺兰舟欲上回首离愁满芳草已恨归期不早枉负狂年少无奈风月多情此去应相笑心记新声缥缈翻足相思调明年春早宛溪杨柳依旧青青为谁好

### 前调【重阳】 周邦彦

快风收雨亭馆清残燠池光静横秋影岸柳如新沐闻道宜城酒美昨日新醅熟轻镳相逐冲泥策马来折东篱半开菊华堂花艷对列一一惊郎目歌韵巧共泉声间杂璫珎玉惆怅周郎已老莫唱当时曲幽欢难卜明年谁健更把茱萸再三嘱

### 前调【送陆德隆侍亲东归】 辛弃疾

酒羣花队攀得短辕折谁怜故山归梦千里蓴羹滑便整松江一棹检点能言鸭故人欲接醉怀霜橘堕地金圆醒时觉长喜刘郎马上肯听诗书说谁对叔子风流直把曹刘压更看君侯事业不负平生学离肠愁怯送君归後细写茶经煮香雪

### 前调【用前韵】 辛弃疾

倒冠一笑华发玉簪折阳关自来凄断却怪歌声滑放浪儿童归舍莫恼比邻鸭水连山接看君归兴如醉中醒梦中觉江上吴侬问我一一烦君说忍使尊酒频空賸欠珍珠压手把渔竿未稳长向沧浪学问愁谁怯可堪杨柳先作东风满城雪

### 前调 方千里

照人明艳肌雪消繁燠娇云慢垂柔领绀发浓於沐微晕红潮一线拂向桃腮熟羣芳难逐天香国艳恰比春兰共秋菊当时相见恨晚彼此紫心目别後空忆仙姿路隔吹箫玉何处阑干十二缥缈阳台曲佳期重卜都将离恨与尊前细留嘱

### 前调【七夕】 吴文英

露蛩初响机杼还催织婺星为情慵懒竚立明河侧不见津头艇子望絶南飞翼云梁千尺尘缘一点回首西风又陈迹那知天上计拙乞巧楼南北瓜果几度凄凉寂寞罗池客人自回廊缥缈谁见金钗擘今夕何夕杯残月堕但耿银河横天碧

### 前调【雪】 周密

痴云翦素檐滴夜深悄银城飞捷翠陇占瑞丰年报白战清吟未了寒鹊争枝晓鹤迷华表山

陰醉卧今日何人问安道 交映虚牕淨沼不许游尘到谁念絮帽茸裘叹幼安今老玉监修眉  
未埽白雪词新草冰蟾光皎梅心香动闲看春风上琼岛

前调【春雪】 周密

回风带雨冻蕊漏声悄小牕照影虚白几悞邻鸡报千树夭桃绽了鹄立通明晓眼空八表宫  
袍带月醉里应迷灞陵道 风静琼林翠沼片片随春到吟鞦十里新堤怪四山青老玉唾珠尘  
怕埽句冷池塘草白天寒皎飞琼何在梦觉梨云度仙岛

前调【重阳】 陈允平

授衣时节犹未定寒燠长空雨收云雾湛碧秋容沐还是鲈肥蟹美橡栗村村熟不堪追逐龙  
山梦远惆怅田园自黄菊 醉中还念倦旅触景伤心目羞破帽把茱萸更忆尊前玉愁立梧桐  
影下月转回廊曲归期将卜西风吹鴈嬾寄斜封但相嘱

前调【京中清明】 李琳

澹烟疎雨香径渺啼鵲新晴画帘闲卷燕外寒犹力依约天涯芳草染得春风碧人间陈迹斜  
阳今古几缕游丝趁飞蝶 却向尊前起舞又觉春如客翠袖折取娇红笑与簪华发回首青山  
一点檐外寒云叠梨花澹白柳花飞絮梦绕阑干一株雪

玉漏迟

【双调九十四字】

玉漏迟 宋 祁

杏香消散尽须知自昔都门春早燕子来时绣陌乱铺芳草蕙圃妖桃过雨弄笑脸红筛碧沼  
深院悄綠杨巷陌莺声争巧 早是赋得多情更遇酒临花镇辜欢笑数曲阑干故国谩劳凝眺  
汉外微云尽处乱峰锁一竿残照问琅玕东风泪零多少

前调 程垓

一春浑不见那堪又是花飞时节忍对危阑数曲暮云千疊门外星星柳眼看谁是当时风月  
愁万结凭谁为我殷勤低说 不是惯却春心奈新燕传情旧莺饶舌冷篆余香莫放等闲消歇  
纵使繁红褪尽犹自有酴醾堪折魂梦切不耐飞来蝴蝶

前调 吴文英

絮花寒食路晴丝罥日綠陰吹霧客帽欺風愁滿畫船烟浦彩挂秋千散後悵塵鎖燕帘鶯戶  
從間阻夢雲無准鬢霜如許夜久綉閣藏嬌記掩扇傳歌翦燈留語月約星期細把花頻數  
彈指一襟怨恨漫空倩啼鵲聲訴深院宇黃昏杏花微雨

前調【中秋】 吳文英

鴈邊風信小飛瓊望杳碧雲先晚露冷闌干定怯藕絲冰腕淨洗浮雲片玉勝花影春燈相亂  
秦鏡滿素娥未肯分秋一半每圓處即良宵甚此夕偏饒對歌臨怨萬里嬋娟幾許霧屏雲幔  
孤兔淒涼照水曉風起銀河西轉摩淚眼瑤台夢回人遠

前調【題吳夢隱霜花腴詞集】 周密

老來歡意少錦鯨騎去紫簫聲杳怕展金匳依舊故人懷抱猶想烏絲醉墨驚醉語香紅圍繞  
閑自笑與君共是承平年少雨隱夢短難凭是幾度宮商几番吟嘯淚眼東風回首四橋烟草  
載酒倦游何處已換却花間啼鳥春恨悄天涯暮雲殘照

前調 張炎

竹多塵自埽幽通徑曲禪房深窈空翠吹衣坐對閑雲舒嘯寒木猶懸故葉又過了一番殘照  
經院悄詩夢正迷獨憐衰草幽趣盡屬閑僧渾未識人間落花啼鳥呼酒凭高莫問四愁三笑  
可惜秦山晉水甚却向此時登眺清致少那更好游人老

前調【梅】 何夢桂

問春先開未江南野水得春初小獨殿羣芳却道花前開早長苦冰霜壓盡更說甚風標清窈  
些子好孤香冷艷有誰知道年年吹落還開听畫角樓頭送他昏曉何處玉堂滿地蒼苔不埽  
誰是肝腸鐵石與共說歲寒懷抱花未老無奈酒闌情好

前調 元好問

浙江歸路杳西南却羨投林高鳥升斗微官世累苦相縈繞不如麒麟畫里又不與巢由同調  
時自笑虛名負我平生吟嘯擾擾馬足車塵被歲月無情暗消年少鐘鼎山林一事几時曾了  
四壁秋蟲夜雨更一點殘燈斜照清鏡曉白髮又添多少

前調【泛舟東溪】 劉因

故園平似掌人生何必武陵溪上三尺蓑衣遮斷紅塵千丈不似東山高卧也不似鹿門長往  
君試望遠山顰處白雲無恙且唱一曲漁歌當無復當年缺壺悲壯老境羲皇換盡平生豪爽  
天設四時佳興要留待幽人清賞花又放滿意一篙春浪



前调【春日有怀】 张翥

病怀因酒恼依稀梦里吴娃娇小金缕歌残人去月斜云杳怕见栖香燕晚又怕听啼花莺晓  
庭院悄生衣欲试风寒犹峭 窈窕青粉墙低送影过秋千蓦然闲笑半朵棠梨微露凤钗红嫋  
近日琴心倦写更远信西沉青鸟虚负了花月一春多少

前调 白朴

碧梧深院悄清明过也秋千阑了杨柳阴中又是一番啼鸟人去瑶台路远辜负却花前欢笑  
音信杳西楼尽日凭阑凝眺 缥缈雾阁云窗恨梦断青鸾夜深寒峭檐玉敲残捱得五更风小  
麝炷金猊烬冷画烛短银屏空照芳径晓惆怅落红多少

前调 张埜

桂香浮绿酒持杯邀月何殊佳友欲写秋光钝笔近来如帚空对珠宫贝阙恍夜色明於晴昼  
休忆旧人情节意年年同否 浪走紫陌红尘笑底用腰间印金悬斗鹭约鸥盟江上怪余应久  
便有挈云手在向此夕何妨深袖沈醉後忘却镜中白首

前调【初夏】 刘基

海榴花似火看看又见麦秋时候枝上鸣蜩断续一庭金奏翠沼风漪未定看叶底明珠圆溜  
苔径黝鰕挂处有人消瘦 缅想那日欢娱是鸿鴈来初芙蓉开后蔓草青芜但觉暗愁依旧  
欲把相思寄与雾烟惨不堪回首凝望久寒鸦自啼疎柳

前调 无名氏

惊鸦翻暗叶桐花坠露曲房新晓蜡炬香笼准备惜花起早翠沼微晴水活呵素手衬妆初了  
香径小溶溶波暖正宜临眺 谁信造物无私偏付与容华称頌宜笑更况花朝日日霁多阴少  
不惜千金费尽但惜取数峰残照归骑杳纵醉可眠芳草

尾犯

【一名碧芙蓉双调九十四字】

尾犯【九日】 秦观

客里遇重阳孤馆一杯聊赏佳节日暖天晴喜秋光清绝霜乍降寒山凝紫雾初消澹潭皎洁  
阑干闲倚庭院无人颠倒飘黄叶 故园当此际遥想弟兄罗列携酒登高把茱萸簪彻叹笼鸟  
羈踪难去望征鸿归心漫切长吟抱膝就中深意凭谁说

前调【九日】 赵以夫

长啸蹑高寒回首万山空翠零乱缥缈清秋与斜阳天远引光禄清吟兴动忆龙山旧游梦断  
袂衣初试破帽多情自笑霜蓬短黄花长好在俛仰节物惊换紫蟹青橙觅东篱幽伴感今古  
风凄霜冷想关河烟昏月澹举杯相属殷勤更把茱萸看

前调【赠浪翁重客吴门】 吴文英

翠被落红妆流水腻香犹共吴越十载江枫冷霜波成缣灯院靓凉花乍翦桂园深幽香旋折  
醉云吹散晚树细蝉时替离歌咽长亭曾送客偷赋锦鴈留别泪接孤城渺平芜烟阔半菱镜  
青门重售采香堤秋兰共结故人憔悴远梦越来溪畔月

满江红

【又一体双调九十四字】

满江红【退寓南都】 杜衍

无名无利无荣无辱无烦无恼夜灯前独歌独酌独吟独笑又值羣山初雪满又兼明月交光  
好便假饶百岁拟如何从他老知富贵谁能保知功业何时了算簞瓢金玉所争多少一瞬光  
陰何足道但思行乐常须早待春来携酒殢东风眠芳草

前调【又一体】 苏轼

忧喜相寻风雨过一江春绿巫峡梦至今空有乱山屏簇何似伯鸾携德耀簞瓢未碍清欢足  
渐灿然光彩照阶庭生兰玉幽梦里传心曲肠断处凭他续文君壻知否笑君卑辱君不见周  
南歌汉广天教夫子休乔木便相将左手抱琴书云间宿

前调【东武会流杯亭】 苏轼

东武南城新堤固涟漪初溢隐隐徧长林高阜卧红堆碧枝上残花吹尽也与君更向江头觅  
问向前犹有几多春三之一官里事何时毕风雨外无多日相将泛曲水满城争出君不见兰  
亭修禊事当时座上皆豪逸到如今修竹满山陰空陈迹

前调【黄州上东坡】 李婴

荆楚风烟寂寞近中秋时候露下冷兰英将谢苇花初秀归燕殷勤辞巷陌鸣蛩凄楚来牕牖  
又谁念江边有神仙飘零久横琴膝携筇手旷望眼闲吟口抵纷纷万事到头何有君不见凌  
烟冠劔客何人气貌长依旧归去来一曲为君吟为君壽

前调【又一体】 辛弃疾

点火樱桃照一架荼蘼如雪春正好见龙孙穿破紫苔苍壁乳燕引雏飞力弱流莺唤友娇声怯问春归不肯带愁归肠千结层楼望春山疊家何在烟波隔把古今遗恨向他谁说蝴蝶不传千里梦子规叫断三更月听声声枕上劝人归归难得

前调【又一体】 赵鼎

惨结秋陰西风送丝丝雨湿凝望眼征鸿几字暮投沙磧欲向乡关何处是水云浩荡连南北但修眉一抹有无中遥山色天涯路江上客肠已断头应白空搔首兴叹暮年离隔欲待忘忧除是酒奈酒行有尽愁无极便挽将江水入尊罍浇胸臆

前调【江西持宪节登高作】 李昴英

薄冷催霜碧空豁飞鸿斜度恰九日御风絕顶下看尘宇滕阁芳筵賸笔妙龙山胜饯旌旗驻料山灵也要可人游成佳趣吹帽堕羞千古题糕字非吾侣却坐间着得煮茶桑苎万里寒云迷北斗望远峰夕照频西顾且满浮大白送黄花劒休舞

应天长

【又一体双调九十四字或多慢字】

应天长 柳永

残蝉声渐絕傍碧砌修梧败叶微脱风露凄清正是登高时节东篱霜乍结绽金蕊嫩香堪折聚宴处落帽风流未饶前哲把酒与君说恁好景良辰怎忍虚设休效牛山空对江天凝咽尘劳无暂歇遇良会剩偷懽悦歌未阕杯兴方浓莫便中辍

前调【自颖上县还】 叶梦得

松陵秋已老正柳岸田家酒醅初熟鲈膾蓴羹万里水天相续扁舟临浩渺寄一叶暮涛吞沃青簑笠西塞山前自翻新曲来往未应足便细雨斜风有谁拘束陶写中年何待更须丝竹鸱夷千古意算入手比来尤速最好是千点云峰半篙潋緑

前调 无名氏

雕鞍成谩驻望断也不归院深天暮倚徧旧日曾共凭肩门户踏青何处所想醉拍春衫歌舞征旆举一步红尘一步回顾行行愁独语想媚容今宵怨郎不住来为相思却又空将愁去人生无定据叹後会不知何处愁万缕凭仗东风和泪吹与

## 汉宫春

【又一体双调九十四字】

### 汉宫春【元夕】 彭元逊

十日春风又一番调弄怕暖愁陰夜来风雨摇得杨柳黄深熏篝未断梦旧寒浅醉同衾便是  
鬪灯见月看花对酒惊心 携手满身花影香霏冉冉露湿罗襟笙歌殢人归去回首沈沈人间  
此夜误春光一刻千金明日问红巾青鸟苍苔自拾遗簪

## 金浮图

【双调九十四字汉桓帝铸黄金浮图调名取此】

### 金浮图 尹 鹖

繁华地王孙富贵玳瑁筵开下朝无事压红?凤舞黄金翅玉立纤腰一片揭天歌吹满目绮罗  
珠翠和风淡荡偷散沈檀气 堪判醉韶光正媚折尽牡丹艳迷人意金张许史应难比贪恋欢  
娱不觉金乌坠还惜会难别易金船更劝勒住花驄辔

## 倾杯乐

【双调九十四字唐太宗内宴诏长孙无忌造倾杯曲明皇有马舞倾杯数十曲宣宗喜吹芦  
管自制倾杯乐皆唐乐府也调名始此】

### 倾杯乐 柳 永

楼锁轻烟水横斜照遥山半隐愁碧片帆岸远行客路杳簇一天寒色野梅映雪数枝艳报青  
春消息年华梦促音信断声远飞鸿南北 算伊别来无绪翠消红减双带长抛掷但泪眼沈迷  
看朱成碧惹闲愁堆积雨意云心酒情花态辜负高阳客

## 留客住

【双调九十四字】

### 留客住 周邦彦

嗟乌兔正茫茫相催无定只恁东生西没平均寒暑昨见花红柳绿处处林茂又覩霜前篱畔  
菊散余香看看又还秋暮 忍思虑念古往贤愚终归何处争似高堂日夜笙歌齐举选甚连宵

彻昼再三留住待拟沈醉扶上马怎生向主人未肯教去

凄凉犯

【又一体双调九十四字】

凄凉犯【北京道中寄怀】 张 炎

萧疎野柳嘶寒马芦花深还见游猎山势北来甚时曾到醉魂飞越酸风自咽拥吟鼻征衣暗裂正凄迷天涯羁旅不似灞桥雪 谁念而今老嬾赋长杨倦怀休说空怜断梗梦依依岁华轻别待击歌壶怕如意和冰冻折且行行平沙万里尽是月

前调 张 炎

西风暗翦荷衣碎有柔丝不解重缉荒烟断浦晴晖历乱半江摇碧悠悠望极忍独听秋声渐急更怜他柳发萧条相与动愁色 老态今如此犹自留连醉筇游屐不堪瘦影渺天涯尽成行客因甚忘归漫吹裂山阳夜笛梦三十六陂流水去未得

露华

【又一体双调九十四字】

露华【碧桃】 王沂孙

晚寒竚立记铅轻黛浅初认冰魂碧罗衬玉犹凝茸唾香痕净洗妒春颜色胜小红临水湔裙烟渡远应怜旧曲换叶移根 山中去年人别怪月悄风轻闲掩重门琼肌瘦损那堪燕子黄昏几片过溪浮玉似夜归深雪前村芳梦冷双禽悞宿粉云

前调【碧桃】 张 炎

乱红自雨正翠蹊误晓玉洞明春蛾眉淡埽背风不语盈盈莫恨小溪流水引刘郎不是飞琼罗扇底从教净冶远障歌尘 一掬莹然生意伴压架酴醾相恼芳吟玄都观里几回错认梨云花下可怜仙子醉东风犹自吹笙残照晚渔翁正迷武陵

雪明鵙鵲夜

【双调九十四字】

雪明鵙鵲夜 宋徽宗

望五云多处春深开阆苑别就蓬岛正梅雪韵清桂月光皎凤帐龙帘紫嫩风御座深翠金间  
绕半天中香泛千花灯挂百宝 圣时观风重腊有箫鼓沸空锦绣匝道竞呼卢气贯调欢笑袖  
里金钱掷下来侍宴歌太平睿藻愿年年此际迎春不老

天香

【双调九十四字】

天香【宴钱塘张守】 毛滂

进止详华文章尔雅金銮恩异羣彦尘断银台天低鳌禁最是玉皇香案燕公视草星斗动昭  
回云汉对罢宵分又金莲烛引归院 年来偃藩江畔赖湖山慰公心眼碧瓦千家借袴襦余?  
黄气珠庭渐满望红日长安殊不远缓辔端门青春未晚

步月

【双调九十四字】

步月【茉莉】 施岳

玉宇薰风宝塔明月翠丛万点晴雪炼霜不就散广寒飞屑采珠蓓绿萼露滋噀银艳小莲冰  
洁花魂在纤指嫩痕素英重结 枝头香未绝还是过中秋丹桂时节醉乡冷境怕翻成消歇翫  
芳味春焙旋熏贮穠韵水沈频爇堪怜处输与夜凉睡蝶

玉连环

【又一体双调九十四字】

玉连环【怀李谪仙】 冯艾子

谪仙往矣问当年饮中俦侣於今谁在叹沈香醉梦华清夜月流浪锦袍宫带高吟三峡动舞  
劒九州隘玉皇归覲半空遗下诗囊酒佩 云月仰挹清芬揽虬?尚友千载晋宋颓波羲皇春  
梦尊前一慨待相将共蹑龙肩鲸背海山何处五云鬣鬣

徵招

【双调九十四字】

徵招【和焕甫秋声道行路难意】 彭元逊

人间无欠秋风处偏到霜痕月杪细雨船篷日夜风波未了忽潮生海立又天濶江清欲晓孤  
迴幽深激扬悲壮浮沈浩渺行路古来难貂裘敝匹马关山人老锦字未成寒到君边书到梦  
倚门回首儿女灯前娱笑早斟酌万里封侯宝镜迟霜照

### 一枝春

【双调九十四字义取聊折一枝春也】

一枝春【酒边闻歌和寄闻韶】周密

淡碧春姿柳眠醒似怯朝来踈雨芳程乍数唤起探花情绪东风尚浅甚先有翠娇红妩应自  
把罗绮围春占得画屏春聚留连绣丛深处动歌云嫋嫋低随香缕琼牕夜暖试与细评新谱  
妆眉媚粉料无奈弄颦佯妒还怕是帘外笼鹦笑人醉语

前调【春晚又和韵】周密

帘影移陰杏萼寒乍湿西园丝雨芳期暗数又是去年心绪金花漫翦倩谁画旧时眉妩空自  
伤杨柳风流泪滴软绡红聚罗牕那回歌处叹庭花倦舞香消冰缕楼空燕冷碎锦嬾寻底谱  
么弦漫赋曾记是倚娇成妒深院悄门掩梨花倩莺寄语

前调【为陆浩斋赋梅】张炎

竹外横枝竝阑干试数风才一信么禽对话彷彿醉眠初醒遥知是雪甚都把暮寒消尽清更  
润明月飞来瘦却旧时踈影东阁漫撩诗兴料西湖树老难认和靖晴牕自好胜事每来独领  
融融向暖笑尘世万花犹冷须釀成一点春腴暗香在鼎

前调【鬧蛾】张翥

雾翅烟?向云牕鬪巧宫罗轻翦翩翩鬓影侧映宝钗双燕银丝蜡蒂弄春色一枝娇颤谁网得  
金玉飞钱结成翠羞红怨灯街上元又见鬧春风簇定冠儿争转偷香傅粉尚忆去年人面妆  
楼误约定何处为花留恋应化作晓梦寻郎采芳径远

前调【守岁】无名氏

竹爆惊春竞喧闾夜起千门箫鼓流苏帐暖翠鼎缓腾香雾停杯未举奈刚要送年新句应自  
赏歌字清圆未夸上林莺语从他岁穷日暮纵闲愁怎减刘郎风度屠苏办了迤邐柳欺梅妒  
宫壶未晓早娇马绣车盈路还又把月夕花朝自今细数

### 江南好

【又一体双调九十四字】

江南好 吴文英

行锦归来画眉添妩暗尘重拂雕笼稳瓶泉暖花隘鬪春容围密笼香暗霭烦纤手新点团龙  
温柔处垂杨鞦髻映立花红行藏多是客莺边话别橘下相逢算江湖幽梦频绕残钟好结矾  
兄梅弟莫轻似西燕南鸿偏宜醉寒欺酒力帘外冻云重

雪梅香

【双调九十四字】

雪梅香 柳 永

景萧索危楼独立面晴空动悲秋情绪当时宋玉应同渔市孤烟袅寒碧水村残叶舞愁红楚  
天濶浪浸斜阳千里溶溶临风想佳丽别後愁颜鎖歛眉峰可惜当年顿乖雨迹云踪雅态妍  
姿正欢洽落花流水忽西东无憀恨相思意尽分付征鸿

惜秋华

【又一体双调九十四字】

惜秋华【八月飞翼楼登高】 吴文英

思渺西风怅行踪浪逐南飞高鴈怯上翠微危楼更堪凭晚蓬莱对起幽云澹埜色山容乍卷  
清浅瞰沧波静衔秋痕一线十载寄吴苑惯东篱深处把露黄偷翦移暮景照越镜意消香断  
秋娥赋得闲情倚翠尊小眉初展深劝待明朝醉巾重岸

芙蓉月

【双调九十四字】

芙蓉月【本意】 赵以夫

黄叶舞空碧临水处照眼红葩齐吐柔情媚态竚立西风如诉遥想仙家城阙十万绿衣童女  
云缥缈玉娉婷隐隐彩鸾飞舞尊前更风度记天香国色曾占春暮依然好在还伴清霜凉露  
一曲阑干敲徧悄无语空相顾残月澹酒阑时满城钟鼓

古香慢



【双调九十四字】

古香慢【沧浪看桂】 吴文英

怨蛾坠柳离佩摇蒹霜讯南浦谩掩桥扉倚竹袖寒日暮还问月中游梦飞过金风翠羽把残  
云剩水万顷暗熏冷麝凄苦 渐浩渺凌山高处秋澹无光残照谁主露粟侵肌夜约羽林轻误  
翦碎惜秋心更肠断珠尘藓露怕重阳又催近满城风雨

红情

【双调九十四字姜夔作暗香疎影後人名为红情緑意柳永集则号此为红情与姜词亦不同也】

红情【荷花】 柳永

无边香色记涉江自采锦亭云密翦翦红衣学舞波心旧曾识一见依然自语流水远几回空  
忆看倒影窥妆玉润露痕湿 闲立翠屏侧爱向人弄芳背酣斜日料应太液三十六宫土花碧  
清兴临风更爽无数满汀如昔泛片叶烟浪里卧横紫笛

埽花游

【又一体双调九十五字】

埽花游 周邦彦

晓陰翳日正雾霭烟横远迷平楚暗黄万缕听鸣禽按曲小腰欲舞细遶回堤驻马河桥避雨  
信流去问一叶怨题今到何处 春事能几许任占地持杯埽花寻路泪珠溅俎叹将愁度日病  
伤幽素恨入金徽见说文君更苦黯凝竚掩重关徧城钟鼓

前调【次周美成韵】 杨无咎

乳莺啭午好梦正初醒小轩清楚水沈细缕趁游丝落絮缓随风舞冒起春心又是愁云怨雨  
玉人去徧徙倚旧时曾竝肩处 相望知几许纵远隔云山不遮愁路捧杯荐俎记低歌丽曲共  
论心素薄恨斜阳不道离情最苦正凝竚向谯楼又催笳鼓

前调【次周美成韵】 方千里

野亭话别恨露草芊緜晓风酸楚怨丝恨缕正杨花碎玉满城雪舞耿耿无言暗洒阑干泪雨  
片帆去纵百种避愁愁早知处 离思都几许但渐惯征尘斗迷归路乱山似俎更重江浪淼易

沉书素瞪目销魂自觉孤吟调苦小留竚隔前村数声箫鼓

前调【次周美成韵】 杨泽民

素秋渐老正叶落吴江鴈横南楚暮霞散缕聽寒蝉断续乱鸦飞舞客舍凄清那更西风送雨  
又东去过野店小桥都在元处 心事天未许似误出桃源再寻仙路去年燕俎记芳腮妒李细  
腰束素事没双全自古瓜甜蒂苦欲停竚奈江头早催行鼓

前调【春游遇雨】 吴文英

冷空澹碧带翳柳轻云护花深雾艳晨易午正笙箫竞波绮罗争路骤卷风埃半掩长蛾翠妩  
散丝缕渐红湿杏泥愁燕无语 乘盖争避处就佩解旗亭故人相遇恨春太妒溅仙裙更惜凤  
鈎尘污酹入梅根万点啼痕暗树峭寒暮更萧萧陇头人去

前调【春雪】 吴文英

水云共色渐断岸飞花雨声初峭步帷素裊想玉人误惜章台春老岫歛愁蛾半洗铅华未晓  
櫂轻棹似山陰夜晴乘兴初到 心事春缥缈记徧地梨花弄月斜照旧时鬪草恨凌波路狭小  
庭深窈冻蕊琼箫渐入东风郢调暖回早醉西园乱红休埽

前调【赠芸隐】 吴文英

草生梦碧正燕子帘帟影迟春午倦茶荐乳看风籤乱叶老沙昏雨古简蟬篇种得云根疗蠹  
最清楚带明月自锄花外幽圃 醒眼看醉舞到应事无心与闲同趣小山有语恨逋仙占却暗  
香吟赋暖逼书牀带草春摇翠露未归去正长安软红如雾

前调【送春】 吴文英

水园沁碧骤夜雨飘红竟空林岛艳春过了有尘香坠钿尚遗芳草步遶新陰渐觉交枝迳小  
醉深窈爱綠叶翠圆胜看花好 芳架雪未埽怪翠被佳人困迷清晓柳丝系棹问阊门自古送  
春多少倦蝶慵飞故扑簪花破帽酹残照掩重城暮钟不到

前调【赋瑶圃万象皆春堂】 吴文英

暖波映日倒秀影秦山晓鬟梳洗步帷艳绮正梁园未雪海棠犹睡藉綠盛红怕委天香到地  
画船系舞西湖暗黄虹卧新霁 天梦春枕被和风筑东风宴歌曲水海宫对起灿骊光乍湿杏  
梁云气夜色瑶台禁蜡初传翡翠唤春醉问人间几番桃李

前调【次周美成韵】 陈允平

蕙风扬暖渐草色分吴柳陰迷楚寸心似缕看窥帘燕妥妒花蝶舞翦翦愁红万点轻飘泪雨  
怕春去问杜宇唤春归去何处 後期重细许倩落絮飞烟障春归路长亭别俎对歌尘舞地暗  
伤蛮素算得相思比着伤春又苦正凭竚听残阳断桥箫鼓

前调【秋声】 王沂孙

商飈乍发渐淅淅初闻萧萧还住顿惊倦旅背青灯吊影起吟愁赋断续无凭试立荒庭听取  
在何许但落叶满阶惟有高树 迢迢归梦阻正老耳难禁病怀凄楚故山院宇想边鸿孤唳砌  
虫私语数点相和更着芭蕉细雨避无处这闲愁夜深尤苦

前调 王沂孙

卷帘翠湿过几阵残寒几番风雨问春住否但匆匆暗里换将花去乱碧迷人总是江南旧树  
漫凝竚念昔日采香人更何许 芳径携酒处又?得青青嫩苔无数故林晚步想参差渐满野  
塘山路倦枕闲牀正好微醺院宇送凄楚怕凉声又催秋暮

前调【綠陰】 王沂孙

满庭嫩碧渐密叶迷牕乱枝交路断红洒处但匆匆换得翠痕无数暗影沈沈静锁清和院宇  
试凝竚怕一点旧香犹在幽树 浓陰知几许且拂簟清眠引筇闲步杜郎老去算寻芳较晚倦  
怀难赋纵胜花时到了愁风怨雨短亭暮漫青青怎遮春去

前调【赋高疎寮东墅园】 张炎

烟霞万壑记曲径幽寻霁痕初晓綠牕窈窕看随花磴石就泉通沼几日不来一片苍云未埽  
自长啸怅乔木荒凉都是残照 碧天秋浩渺听虚籁泠泠飞下孤峭山空翠老步仙风怕有采  
芝人到野色闲门芳草不除更好境深悄比斜川又清多少

前调【台城春饮醉余偶赋】 张炎

嫩寒禁暖正草色侵衣野光如洗去城数里遶长堤是柳钓船深櫂小立斜阳试数花风第几  
问春意待留取断红心事难寄 芳信成捻指甚远客他乡老怀如此醉余梦里尚分明认得旧  
时罗绮可惜空帘悞却归来燕子胜游地想依然断桥流水

前调【落红】 张翥

洗春雨急碎万点胭脂荡空无影馆娃骨冷怅香销尘土泪殷玉井莫怨东风自古佳人薄命  
掩鸾镜纵补得茜瘢妆坏难整 芳事谁管领但蜜膩蜂房薜斑鸳径一帘昼永綠陰陰尚有絳  
霞痕凝彩笔招魂已是繁华梦醒竚芳景换西湖锦云千顷

前调 邵亨贞

柳花巷陌悄不见铜驼采香芳侣画楼在否几东风怨笛凭阑日暮一片闲情尚绕斜阳锦树  
黯无语记花外马嘶曾送人去 风景长暗度奈好梦微茫艳怀清苦後期已悞翦烛花未卜故  
人来处水驿相逢待说当年恨赋寄愁与凤城东旧时行旅

前调 张半湖

柳丝曳緑正豆雨初晴水天清夏石榴绽也看猩红万点倚亭敲榭琐闷深中料想酒阑歌罢  
日将下是那处藕花香胜沈麝 牕外竹声打似戛玉敲金送声潇洒共观古画唤石鼎烹茶细  
商幽话宝鸭香销天外新蟾低挂凉无价又丁东数声檐马

御选历代诗余卷五十七

# 卷五十八

<集部,词曲类,词选之属,御选历代诗余

钦定四库全书

御选历代诗余卷五十八目錄【九十五字】

水调歌头【上】

苏舜钦

苏轼【三首】

葛胜仲

周紫芝

蔡伸

叶梦得【五首】

赵师侠

赵长卿

李纲

曾觌

侯寘

辛弃疾【十三首】

张孝祥【四首】

韩元吉

朱熹【二首】

崔与之

刘克庄【二首】

王千秋

王炎

方岳【五首】

冯取洽

王以宁

吴文英

覃怀高

蔡松年

王庭筠

赵秉文

段克己【二首】

雷渊

元好问【三首】

赵孟頫

罗庆

唐桂芳

李孝光

前调【又一体】

苏轼

贺铸

毛滂【二首】

葛胜仲

葛郯【三首】

吕渭老

赵师侠

赵长卿

李纲【四首】

御选历代诗余卷五十八目錄

钦定四库全书

御选历代诗余卷五十八【九十五字】

司经局洗马掌局事兼翰林院修撰加二级【臣】王奕清奉旨校刊

水调歌头【上】

【水调隋唐时曲名水调歌者一曲之名如称河传曰水调河传蜀王衍泛舟阆中亦自制水调银汉曲是也歌头又曲之始音如六州歌头氏州第一之类姜夔填此词名为花犯念奴吴文英名为江南好皆此调也一名凯歌双调九十五字】

水调歌头【沧浪亭】 苏舜钦

潇洒太湖岸淡泞洞庭山鱼龙隐处烟雾深锁渺弥间方念陶朱张翰忽有扁舟急桨撇浪载鲈还落日暴风雨归路遶汀湾 丈夫志当景盛耻踈闲壮年何事憔悴华发改朱颜拟借寒潭垂钓又恐相猜鸥鸟不肯傍青纶刺棹穿芦荻无语看波澜

前调【和别子由】 苏轼

安石在东海从事鬓惊秋中年亲友难别丝竹缓离愁

一旦功成名遂準拟东还海道扶病入西州雅志因轩冕遗恨寄沧洲 岁云暮须早计要褐裘  
故乡归去千里佳处辄迟留我醉歌时君和醉倒君须扶我惟酒可忘忧一任刘玄德相对卧  
高楼

前调【遗章质夫家善琵琶者】 苏轼

昵昵儿女语灯火夜微明恩冤尔汝来去弹指泪和声忽变轩昂勇士一鼓填然作气千里不  
留行回首暮云远飞絮搅青冥 衆禽里真彩凤独不鸣跻攀寸步千险一落百寻轻烦子指间  
风雨置我肠中冰炭起坐不能平推手从归去无泪与君倾

前调【子由徐州中秋作】 苏轼

离别一何久七度过中秋去年东武今夕明月不胜愁岂忆彭城山下同泛清河古汴船上载  
凉州鼓吹助清赏鸿鴈起汀洲 坐中客翠羽帔紫绮裘素娥无赖西去曾不为人留今夜清尊  
对客明夜孤帆水驿依旧照离忧但恐同王粲相对永登楼

前调【泛舟】 葛胜仲

夜泛南溪月光影冷涵空棹飞穿碎金电翻动水精宫横管何妨三弄重醕仍须一斗知费几  
青铜坐久桂花落襟?觉香浓 庾公阁子猷舫兴应同从来好景良夜我辈最情鍾但恐仙娥  
以後嫌我尘容俗状清境不相容击汰同情赏赖有紫溪翁

前调【登白鹭亭】 周紫芝

岁晚念行役江阔渺风烟六朝文物何在回首更凄然倚尽危楼杰观暗想琼枝璧月罗韞步  
承莲桃叶山前鹭无语下寒滩 潮寂寞浸孤垒涨平川莫愁艇子何处烟树杳无边王谢堂前  
双燕空绕乌衣门巷斜日草连天只有台城月千古照婵娟

前调 蔡伸

相逢非草草分袂太匆匆征裘泪痕浥徧眸子怯酸风天际孤帆难驻柳外香鞦望断云雨各  
西东回首重城远楼观暮烟中 黯销魂思陈事已成空东郊胜赏归路骑马踏残红月下一尊  
芳酒凭檻清歌几曲别後少人同为问桃花面一笑为谁容

前调【湖光亭落成】 叶梦得



修眉埽遥碧清镜走回流堤外柳烟深浅碧瓦起朱楼分付平云千里包卷骚人遗思春色入帘钩桃李尽无语波影动兰舟念谢公平生志在沧洲登临漫怀风景佳处每难酬却叹从来贤士如我与公多矣名迹竟谁留惟有尊前醉何必问消忧

前调【中秋】 叶梦得

河汉下平野香雾卷西风倚空千嶂横起银阙正当中常恨年年此夜醉倒歌呼谁和何事与君同莫恨岁华晚容易感梧桐揽清影君试与问天公遥知玉斧初斲重到广寒宫付与孤光千里不遣微云点缀为我洗长空老去狂犹在应未笑衰翁

前调【九月望日与客习射西园】 叶梦得

霜降碧天静秋事促西风寒声隐地初听中夜入梧桐起瞰高城回望寥落关河千里一醉与君同叠鼓闹清晓飞骑引雕弓岁将晚客争笑问衰翁平生豪气安在走马为谁雄何似当筵虎士挥手弦声响处双鴈落遥空老矣真堪媿回首望云中

前调【濠州观鱼台作】 叶梦得

渺渺楚天阔秋水去无穷两涯不辨牛马轻浪舞回风犹倚高楼一笑围圉游鱼来往还戏此波中危檻对千里落日照晴空子非我安知我意真同鹏飞鵾化何有沧海漫冲融堪笑磻溪遗老白首直鉤溪畔岁晚忽衰翁功业竟安在徒自兆非熊

前调 叶梦得

江海渺千里飘荡叹流年等闲足马相过乘兴却翛然十载悲欢如梦抚掌惊呼相语往事尽飞烟此会真难偶此醉且留连酒方半谁轻便动离弦我歌未阕公去明日复山川空有高城危檻缥缈当筵清唱余响落尊前细雨黄花後飞鴈点遥天

前调【烟雨观】 赵师侠

江流清浅外山色有无中平田坡岸回曲一目望难穷波面轻鸥容与沙际野航横渡不信画图工路入神仙宅翠锁梵王宫俯晴郊增胜气横空云林城市层列知有几重重更上危亭高处徙倚阑干虚敞象纬逼璇穹要尽无边景烟雨看空蒙

前调【元日客宁都】 赵长卿

离愁晚如织托酒与消磨奈何酒薄愁重越醉越愁多忍对碧天好夜皓月流光无际光影转庭柯有恨空垂泪无语但悲歌因凝想从别後促双蛾春来底事辜负紫袖与红鞵速整雕鞍归去着意浅斟低唱细看小婆娑万蕊千花里一任玉颜酡

### 前调 李纲

物我本虚幻世事若俳谐功名富贵当得须是个般才幸有山林云水造物端如有意分付与  
吾侪寄语旧猿鹤不用苦相猜 醉中适一杯尽复一杯坐间有客超诣言笑可忘怀况是清风  
明月如会幽人高意千里自飞来共笑陶彭泽空对菊花开

### 前调【和南劔薛倅】 曾 覲

长乐富山水杖屨足追游故人千里西望双劔黯回眸多谢扁舟乘兴慰我天涯羈思何必羨  
封侯暮雨疎帘卷爽气飒如秋 送征鸿浮大白倚危楼参横月落耿耿河汉近人流堪叹人生  
离合後日征鞍西去别语却从头老矣江边路清兴漫悠悠

### 前调【上饶送程伯禹尚书】 侯 寘

凉吹送溪雨落日散汀鸥暮天空阔无际层巘緑蛾浮上印初辞藩寄拂袖欣还故里归骑及  
中秋倚杖饱山阁回首翠微楼 一区宅千里客旧从游甘棠空有余?谁解挽公留翰墨文章  
独步富贵功名余事当代仰风流暂蜡登山屐终作济川舟

### 前调 辛弃疾

我饮不须劝正怕酒尊空别离亦复何恨此别恨匆匆头上貂蝉贵客花外麒麟高塚人世竟  
谁雄一笑出门去千里落花风 孙刘辈能使我不为公余发种种如是此事付渠侬但得平生  
湖海除了醉吟风月此外百无功毫发皆帝力更乞监湖东

### 前调【盟鸥】 辛弃疾

带湖吾甚爱千丈翠匳开先生杖屨无事一日走千回凡我同盟鸥鹭今日既盟之後来往莫  
相猜白鹤在何处尝试与偕来 破青萍排翠藻立苍苔窥鱼笑汝痴计不解举吾杯废沼荒丘  
畴昔明月清风此夜人世几欢哀东岸緑陰少杨柳便须栽

### 前调【谢汤朝美司谏】 辛弃疾

白日射金阙虎豹九关开见君谏疏频上谈笑挽天回千古忠肝义胆万里蛮烟瘴雨往事莫  
惊猜政恐不免耳消息日边来 笑吾庐门掩草径封苔未应两手无用要把蟹螯杯说劔论诗  
余事醉舞狂歌欲倒老子颇堪哀白发宁有种一一醒时栽

### 前调【和王政之吴江观雪】 辛弃疾

造物故豪纵千里玉鸾飞等闲更把万斛琼粉盖玻璃好卷垂虹千丈只放冰壶一色云海路

应迷老子旧游处回首梦耶非 谪仙人鸥鸟伴两忘机掀髯把酒一笑诗在片帆西寄语烟波旧侣闻道蓴鲈正美休裂芰荷衣上界足官府汗漫与君期

前调【九日游云洞】 辛弃疾

今日复何日黄菊为谁开渊明漫爱重九胷次正崔嵬酒亦关人何事政自不能不尔谁遣白衣来醉把西风扇随处障尘埃 为公饮须一日三百杯此心高处东望云气见蓬莱翳凤骖鸾公去落佩倒冠吾事抱病且登台归路踏明月人影共徘徊

前调【题张晋英玉峰楼】 辛弃疾

木末翠楼出诗眼巧安排天公一夜削出四面玉崔嵬畴昔此山安在应为先生见晚万马一时来白鸟飞不尽却带夕阳回 劝君饮左手蟹右手杯人间万事变灭今古几池台君看庄生达者犹对山林皋壤哀乐未忘怀我老尚能赋风月试追陪

前调 辛弃疾

四坐且勿语听我醉中吟池塘春草未歇高树变鸣禽鸿鴈初飞江上蟋蟀还来牀下时序百年心谁要卿料理山水有清音 欢多少歌长短酒浅深而今已不如昔後定不如今闲处直须行乐良夜更教秉烛高会惜分陰白发短如许黄菊倩谁簪

前调【赋傅岩叟悠然阁】 辛弃疾

岁岁有黄菊千载一东篱悠然政须两字长笑退之诗自古此山元有何事当时才见此意有谁知君起更斟酒我醉不须辞 回首处云正出鸟倦飞重来楼上一句端的与君期都把轩窗写徧更使儿童诵得归去来兮辞万卷有时用植杖且耘耔

前调【三山被召陈端仁饮钱】 辛弃疾

长恨复长恨裁作短歌行何人为我楚舞听我楚狂声余既滋兰九畹又树蕙之百亩秋菊更餐英门外沧浪水可以濯吾缨 一杯酒问何似身後名人间万事毫发常重泰山轻悲莫悲生离别乐莫乐新相识儿女古今情富贵非吾事归与白鸥盟

前调 辛弃疾

折尽武昌柳挂席上潇湘二年鱼鸟江上笑我往来忙富贵何时休问离别中年堪恨憔悴鬓成霜丝竹陶写耳急羽且飞觴 序兰亭歌赤壁绣衣香使君千骑鼓吹风采汉侯王莫把离歌频唱可惜南楼佳处风月已凄凉在家贫亦好此语试平章

前调【送信守王桂发】 辛弃疾

酒罢且勿起重挽使君须一身都是和气别去意何如我辈情锺休问父老田头说伊泪落独  
怜渠秋水见毛发千尺定无鱼望青阙左黄阁右紫枢东风桃李陌上下马拜除书屈指吾生  
余几多病妨人痛饮此事正愁余江湖有归鴈能寄草堂无

前调【送郑厚卿赴衡州】 辛弃疾

寒食不少住千骑拥春衫衡阳石鼓城下记我旧停骖襟以潇湘桂岭带以洞庭青草紫盖屹  
西南文字起骚雅刀劒化新蚕看使君於此事定不凡奋髯抵几堂上尊俎自高谈莫信君门  
万里但使民歌五袴归诏凤凰衔君去我谁饮明月影成三

前调【舟次扬州】 辛弃疾

落日暗尘起边马猎清秋汉家组练十万列舰耸层楼谁道投鞭飞渡忆昔鸣镝血污风雨佛  
狸愁季子正年少匹马黑貂裘今老矣搔白首过扬州倦游欲去江上手种橘千头二客东南  
名胜万卷诗书事业尝试与君谋莫射南山虎直觅富民侯

前调【隐静寺观雨】 张孝祥

青嶂度云气幽壑舞回风江神助我雄观唤起碧霄龙电掣金蛇千丈雷震灵鼉万叠汹汹欲  
崩空尽泻银潢水散入宝莲宫坐中客凌积翠看犇洪人间应失匕筩惟我独从容净洗从来  
尘垢润及无边枯槁造物不言功天宇忽开霁日在五云东

前调【汪德邵无尽藏楼】 张孝祥

淮楚襟带地云梦泽南州沧江翠壁佳处突兀起红楼凭仗使君胸次为问仙翁何在长啸俯  
清秋试遣吹箫看骑鹤恐来游欲乘风凌万顷泛扁舟山高月小霜降凜凜不能留一吊周郎  
羽扇尚想曹公横槊兴废两悠悠此意无尽藏分付水东流

前调【桂林中秋】 张孝祥

今夕复何夕此地过中秋赏心亭上唤客追忆去年游千里江山如画万井笙歌不夜狭路看  
鳌头玉界涌银阙珠箔卷琼钩馭风去忽吹到岭南州去年明月依旧还照我登楼楼下水明  
沙净楼外参横斗转搔首思悠悠老子兴不浅聊复少淹留

前调【过潇湘寺】 张孝祥

濯足夜滩急曦发北风凉吴山楚泽行尽只欠到潇湘买得扁舟归去此事天公付我六月下

沧浪蝉蜕尘埃外蝶梦水云乡 制荷衣纫兰佩把萍房湘妃起舞一笑抚瑟奏清商唤起九歌  
忠愤拂拭三闾文字还与日争光莫遣儿辈觉此乐未渠央

前调【九日次辛稼轩韵】 韩元吉

今日俄重九莫负菊花开试寻高处携手蹑屐上崔嵬放目苍崖万仞云护晓霜成阵知我与  
君来古寺倚修竹飞槛絶尘埃 笑谈间风满座酒盈杯仙人跨海休问随处是蓬莱落日平园  
西望鼓角秋声悲壮戏马但荒台细把茱萸看一醉且徘徊

前韵【次袁机仲韵】 朱熹

长记与君别丹凤九重城归来故里愁思怅望渺难平今夕不知何夕得共寒潭烟艇一笑俯  
空明有酒径须醉无事莫关情 寻梅去疎竹外一枝横与君吟风弄月端不负平生何处车尘  
不到有个江天如许争肯换浮名只恐买山隐却要鍊丹成

前调 朱熹

江水浸云影鸿鴈欲南飞携壶结客何处空翠渺烟霏尘世难逢一笑况有紫萸黄菊堪插满  
头归风景今朝是身世昔人非 酬佳节须酩酊莫相违人生如寄何事辛苦怨斜晖无尽今来  
古往多少春花秋月那更有危机与问牛山客何必泪沾衣

前调 崔与之

万里云间戍立马劒门关乱山极目无际直北是长安莫苦当年涂炭渐靖远疆锋镝天道久  
应还手写留屯奏炯炯寸心丹 对青灯搔白发漏声残老来勲业未就妨却一身闲梅岭緑陰  
青子蒲涧清泉白石怪我旧盟寒烽火平安夜归梦到家山

前调【游蒲涧追和崔菊坡韵】 刘克庄

敕使竟空返公不出梅关当年玉座记忆侧席问平安羽扇尉佗城上野服仙游阁下辽鹤几  
时还赖有蜀耆旧健笔与书丹 青油士珠履客各雕残四方蹙蹙靡骋独此尚寛闲丞相祠堂  
何处太傅石碑堕泪木老瀑泉寒往者不可作置酒且登山

前调【和菊坡韵】 刘克庄

落日几呼渡佳夕每留关有时来照清浅鬓雪似潘安一曲亲蒙君赐两岸更无人迹惟见鹭  
飞还隙地欠栽接蕉荔杂黄丹 柳全疎松尚幼怕摧残旁人笑我痴计管钥费防闲翁意在乎  
林壑客亦知夫水月满腹贮清寒赋咏差有媿赤壁与滁山

前调【九日】 王千秋

壮日遇重九跃马恣欢游如今何事多感霜鬓不禁秋日断五陵台路无复登高千骑鼓吹簇  
轻裘霜露下南国淮汉遶神州 钓松鲈斟郢酒听吴讴壮心铄尽今夕重见紫茱羞月落笳鸣  
沙碛烽静人耕榆塞此志恐悠悠拟欲堕清泪生怕菊花愁

前调【夜泛湘江】 王 炎

江月冷如水江水碧於空晚来一霎过雨为我洗秋容悄悄四山人静凜凜三更露下天阔叫  
孤鸿唤醒篷牕梦身在水晶宫 揖湘妃招月姊御清风素琴韵远不觉醉眼杏花红禹穴骑鲸  
仙去东海钓鳌人远此意与谁同倚舵一长啸幽壑舞鱼龙

前调【九日醉中】 方 岳

左手紫螯蟹右手绿螺杯古今多少遗恨俯仰已尘埃不共青山一笑不与黄花一醉怀抱向  
谁开举酒属吾子此兴正崔嵬 夜何其秋老矣盍归来试问先生归否茅屋欲生苔穷则簞瓢  
陋巷达则鼎彝清庙吾意两悠哉寄语雪溪外鸥鹭莫惊猜

前调【平山堂用东坡韵】 方 岳

秋雨一何碧山色倚晴空江南江北愁思分付酒螺红芦叶篷舟千里菰菜蓴羹一梦无语寄  
归鸿醉眼渺河洛遗恨夕阳中 苹洲外山欲暝敛眉峰人间俯仰陈迹叹息两仙翁不见当时  
杨柳只是从前烟雨磨灭几英雄天地一孤啸匹马又西风

前调【九日多景楼】 方 岳

醉我一壶玉了此十分秋江涛还似当日击楫渡中流问讯重阳烟雨俯仰人间今古此意渺  
沧洲天地几今夕举白与君浮 旧黄花新白发笑重游满船明月犹在何日大刀头谁跨扬州  
鹤去已怨故山猿老借箸欲前筹莫倚阑干北天际是神州

前调【寿赵文昌】 方 岳

剡曲一篷月乘兴到人间蓬莱山在何处鹤骨不禁寒胸有云门禹穴笔有禊亭晋帖风露洗  
脾肝秋入紫宸殿磨玉写琅玕 问何如趋琐闥系狨鞍江涛今已如此可奈寸心丹我宋与天  
无极公等如春难老王气自龙蟠勲业付浯石留与世人看

前调【别庐山题龙湖阁】 方 岳

宇宙一杯酒暝色倚重湖青山杳杳何处烟水渺愁予别岸风涛喷薄半夜鱼龙悲啸能撼我

诗无李白醉不醒唤起问何如 是耶非天莽苍雪模糊苍颜白发如此空复笑今吾寄语鹭朋  
鸥侣好在风餐水宿底处不烟芜吾亦从此逝从我者谁欤

前调【社後三日邀登北山】 冯取洽

雪霁春已半露重午方暄一筇拄上高絕便觉眼前寬指点数家楼阁捡校一川花柳綠水接  
青烟岫岫竞围遶风日更清妍 鬧媒蜂纷使蝶菜花繁少年正尔行乐谁复顾华颠自有此丘  
此坂那得游人箫鼓暖响出中天归步不妨晚恰则月初弦

前调【裴公亭怀古】 王以宁

岁岁橘洲上老叶舞愁红西山光翠依旧影落酒杯中人在子亭高处下望长沙城郭猎猎酒  
帘风远水湛寒碧独钓綠蓑翁 怀往事追昨梦转头空孙郎前日豪健颐指五都雄起拥奇才  
劒客十万银戈赤幘歌鼓壮军容何似裴相国谈道老圭峰

前调【赋方泉望湖楼】 吴文英

屋下半流水屋上几青山赏心千里明镜入座玉光寒云起南峰未雨云歛北峰初霁健笔写  
青天俯瞰古城堞不碍小阑干 绣鞍马鞅红路乍回班层梯影转亭午信手展绡编残照游船  
收尽新月画帘才卷人在翠壶间天际笛声起尘世夜漫漫

前调【游武夷】 覃怀高

翠蕤插云表初意隔仙凡临风据案一见邂逅似开颜几欲挈舟九曲便拟扪参絕顶直下俯  
尘寰聊此税吾驾赢得片时闲 问仙人缘底事去不还长风浩浩何许清梦杳难攀只有苍烟  
古木好在清湍白石依旧画图间回首武夷路杳霭没云鬟

前调 蔡松年

云间贵公子玉骨秀横秋十年流落冰雪香霭紫貂裘灯火春城咫尺晓梦梅花消息璺纸写  
银鈎老矣黄尘眼如对白苹洲 世间物惟有酒可忘忧萧闲一段归计佳处着君侯翠竹江村  
月上但要纶巾鹤氅来往亦风流醉墨蔷薇露洒徧酒家楼

前调 王庭筠

秋风秃林叶却与鬓生华十年长短亭里落日冷边笳飞鴈白云千里况是登山临水无赖客  
思家独鹤归何晚已复满林鸦 望蓬山云海阔浩无涯安期玉舄何处袖有枣如瓜一笑那知  
许事且看尊前故态耳热眼生花肝肺出芒角漱墨作枯槎

前调 赵秉文

四明有狂客呼我谪仙人俗缘千劫不尽回首落红尘我欲骑鲸归去只恐神仙官府嫌我醉时嗔笑拍羣仙手几度梦中身倚长松聊拂石坐看云忽然黑霓落手醉舞紫毫春寄语沧浪流水曾识闲闲居士好为濯冠巾却返天台去华发散麒麟

前调 段克己

清秋好天气禾黍已登场羣心思答神祝吉日复辰良神既来兮庭宇飒飒西风吹雨仙仗俨长廊巫覡传神语出户舞佺僊割肥豸沥桂酒奠椒浆一年好处须记此乐最难忘风外渊渊箫鼓醉饱满城黎庶顛倒卧康庄夜久羣动息风散一帘香

前调 段克己

双龙隐扶輦千骑纵翱翔云旌翠蕤摩荡遥指白云乡风驭飘飘高举云驾攀留无处烟雾杳茫茫小立西风外似听佩锵锵暮天长秋水阔远山苍归途正踏明月醉语说丰穰但愿明年田野更比今年多稼神祝讵能忘君可多酺酒吾复有新章

前调【元好问李献能游玉华谷少姨祠於壁间得汉末田畴诗】 雷渊

云山有宫阙浩荡玉华秋何年鸾鹭同侣清梦入真游细看诗中元鼎似道区区东井冠带事崑丘坏壁浣风雨醉墨失蛟虬问诗仙缘底事媿幽州知音定在何许此语为谁留世外青天明月世上红尘白日我亦厌嚣湫一笑拂衣去崧顶坐垂钩

前调 元好问

山家酿初熟取醉不论钱清溪留饮三日鱼鸟亦欣然见说玉华诗老袖有忘忧萱草牛背稳於船铁笛久埋没雅曲竟谁传坐苍苔敲乱石耿无眠长松夜半悲啸笙鹤下遥天天上金堂玉室地下石城琼壁别有一山川把酒问明月今夕是何年

前调 元好问

滩声荡高壁秋气静云林回头洛阳城阙尘土一何深前日神光牛背今日春风马耳因见古人心一笑青山底未受二毛侵问龙门何所似似山陰平生梦想佳处留眼更登临我有一卮芳酒唤取山花山鸟伴我醉时吟何必丝与竹山水有清音

前调 元好问

空蒙玉华晚潇洒古淙秋嵩高大有佳处元在玉溪头翠壁丹霞千丈古木寒藤两岸村落带



林丘今日好风色可以放吾舟 百年来算惟有此翁游山川邂逅佳客猿鸟亦相留父老鸡豚乡社儿女篮舆竹几来往亦风流万事已华发吾道付沧洲

前调【和张大经盆荷】 赵孟頫

江湖渺何许归兴浩无边忽闻数声水调念我意悠然莫笑盆池咫尺移得风烟万顷来傍小牕前稀疎淡红翠特地向人妍 华峰头花十丈藕如船那知此中佳趣别是一壶天倒挽翠簫酹酒醉卧碧云深处云影自田田梦中呼一叶散发看书眠

前调 罗庆

雨晴山泼翠波浄水拖蓝闲来共陪杖屨邂逅已成三齿齿清泉白石步步碧桃翠竹是处辄幽探行到钓台下怪树?空潭 踏芳洲寻别馆履屨巉岩壶天日月长在云气满东南沽得一尊浊酒唤取山花谿鸟听我醉中谈异日再过此端为解征骖

前调 唐桂芳

武夷最佳处晴气碧於蓝远瞻崖壑溪曲六六与三三莫问尘生沧海休叹鹤归华表好景且容探铁笛破龙睡黑雨满深潭 笑神仙留蜕骨閱空岩几人蹭蹬不遇太史滞周南最好擅场老子笔底文章如许何必事清谈暂憩桃花下白马税飞骖

前调 李孝光

东湖浸南麓北荡带西山其中大有佳处元不减商颜上有鴈峰千叠下有龙滩百曲别是一人寰昨夜雨新过流水到花间 一张琴一壶酒伴渠闲诗成真宰应妒万象入嘲讪北海尊罍依旧东里杖藜无恙未放鬓毛斑吾亦秣吾马不怕路盘盘

前调【又一体快哉亭】 苏轼

落日绣帘卷亭下水连空知君为我新作牕户湿青红长记平山堂上敲枕江南烟雨杳杳没孤鸿认得醉翁语山色有无中 一千顷都镜浄倒碧峰忽然浪起掀舞一叶白头翁堪笑兰台公子未解庄生天籁刚道有雌雄一点浩然气千里快哉风

前调 贺铸

南国本潇洒六代寝豪奢台城游冶褻牋能赋属宫娃云观登临清夏璧月留连长夜吟醉送年华回首飞鸳瓦却羨井中蛙 访乌衣成白社不容车旧时王谢堂前双燕过谁家楼外河横斗挂淮上潮平霜下檣影落寒沙商女篷牕罅犹唱後庭花

前调【拟饶州法曹椽作】 毛滂

金马空故事方朔谩多端三千牍在玉殿何日赐清闲难恋长安钟漏谁借青云咳唾拂袖且东还笑杀长缨使复转去秦关 吾道在虽不遇面何惭雒阳年少高论难与绛侯谈富贵暂饶先手曦尽草头秋露掩鼻出东山且饱鲸鱼脍风月过江南

前调【衢州双石堂呈孙守】 毛滂

谢安涵雅量叔夜赋刚肠清宵假寐应笑长孺卧淮阳尽彻东平屏障不废南楼谈咏宴寝自凝香庭下一坏土须避赤帷裳 双石健含古色照新堂百年乔木阴下僵立两蛟苍目送千山爽气帘卷一城风月杖屨合徜徉他日峨眉秀相隔望明光

前调 葛胜仲

下濂惊船驶挥麈恐尊空谁吹尺八寥亮嚼徵更含宫坐爱金波潋灩影落蒲萄涨绿夜漏尽移铜回棹携红袖一水带香浓 座中客驰隼辨语无同青鞵黄帽此乐谁肯换千锺岩壑从来无主风月故应长在赏不待先容羽化寻烟客家有左仙翁

前调【送唯斋回舟松江】 葛 邲

年来惯行役楚尾又吴头餐霞吸露何事佳处辄迟留云听渔舟夜唱花落牧童横笛占尽五湖秋据牀兴不浅人在庾公楼 绣帘卷曲阑暝翠鬟愁森罗万象与渠诗里一时收天设四时风月地会三州山水邀我伴浮鸥明朝起归梦一枕过苹洲

前调【回舟乌戍值雨复晴】 葛 邲

帆腹饱天际树发渺云头翠光千顷为谁来去为谁留疑是吴宫西子淡埽修眉一抹妆罢玉匳秋中流送行客却立望层楼 风色变堤草乱浪花愁跳珠翻沫轰雷掣电几时收应是阳侯薄相催我胸中锦绣清唱和盟鸥残霞似相贷一缕媚汀洲

前调 葛 邲

青铜昏水面乌帽裹山头风涛如此天公作意巧相留常记垂虹晚渡卧看菰蒲烟雨屈指十三秋恍若华胥梦无语下西楼 翠翻空寒入座不禁愁五弦弹尽隐隐天末暮虹收欲伴溪翁钓艇欵乃一声江上寒碧点轻鸥无人阻归兴直欲迈长洲

前调 吕渭老

诗人翻水尽寂寞五侯烟醉魂何在应骑箕尾列青天记得平生谈笑夹岸手栽杨柳同泛夜

深船溪水还依旧深浅半青竿 小神仙殷七七许闲闲黄粱未熟经游都在梦魂间我厌嚣尘  
浊味几欲凌云羽化鸡犬不留残俗事丹砂冷且抱一枝安

前调【春野亭送别】 赵师侠

江亭送行客肠断木兰舟水高风快满目烟树织成愁咿轧数声柔橹拍塞一怀离恨指顾隔  
汀洲独立苍茫外欲去强迟留 海山长云水阔思难收小亭深院歌笑不忍记同游惟有当时  
明月千里有情还共後会尚悠悠此恨无重数和泪付东流

前调【中秋】 赵长卿

今夕知何夕秋色正平分姮娥此际底事越樣好精神已是天高气肃那更清风洒洒万里没  
纖云把酒临风饮酒面起红鳞 歌一曲舞一曲捧金尊从他妄想老免顛顚正纷纷我为桂花  
?醉明日扶头不起颠倒白纶巾天欲知人意夜雨莫倾盆

前调【同德久诸季小饮】 李纲

律吕自相召韶濩不难谐致君泽物古来何世不须才幸可山林高卧袖手何妨闲处醇酒醉  
朋侪千里故人驾不怕物情猜 秋夜永更秉烛且衔杯五年离索谁谓谈笑豁幽怀况我早衰  
多病屏迹云山深处俗客不曾来此日埽花径蓬户为君开

前调 李纲

如意始身退此事古难谐中年醉饮多病闲去正当才长爱兰亭公子弋钓溪山娱适甘旨及  
朋侪衰疾卧江海鸥鸟莫惊猜 酒初熟招我友共一杯碧天云卷高挂明月照人怀我醉欲眠  
君去醉醒君如有意依旧抱琴来尚有一壶酒当复为君开

前调 李纲

花径不曾埽蓬户为君开元戎小队清晓佳客与同来我为新来多瘦且恁浇花艺药随分葺  
池台多谢故人意迂访白云隈 暮春月修禊事会兰斋一觴一咏何媿当日畅幽怀况是茂林  
修竹映带清流激湍山色碧崔嵬勿复叹陈迹且为醉金杯

前调【和李似之横山对月】 李纲

秋杪暑方退清若玉壶冰高楼对月天上宫殿不曾扃散下凄然风露影照江山如昼浑觉俗  
缘轻弋者欲何慕鸿羽正冥冥 世间法惟此事最堪凭太虚心量聊假梨枣制颓龄但使心安  
身健静看草根泉际吟蚓与飞萤一坐小千劫无念契无生

御选历代诗余卷五十八

## 卷五十九

＜集部,词曲类,词选之属,御选历代诗余

钦定四库全书

御选历代诗余卷五十九目錄【九十五字】

水调歌头【下】

李纲

张元干【四首】

曾觌

侯寘

辛弃疾

范成大【二首】

陈三聘

张孝祥【二首】

仲并

袁去华

李处全

赵彦端

陆游

刘过

杨炎【二首】

刘光祖

李泳

毛幵

韩淲【五首】

汪莘【二首】

吴潜

李昉英【二首】

卢炳【二首】

石孝友

林正大【四首】

葛长庚

吴子孝

杨慎

前调【又一体】

苏轼

黄庭坚

吕渭老

向子諲

蔡伸

罗愿

八声甘州

汤恢

前调【又一体】

萧列

凤凰台上忆吹箫

李清照

赵文

张翥

马洪

天香【又一体】

王观

玉女迎春慢

彭元逊

倾杯乐【又一体】

柳永

梦扬州

秦观

尾犯【又一体】

柳永

白雪【又一体】

杨无咎

双瑞莲

赵以夫

庆清朝慢

文徵明

塞姑【又一体】

柳永

小圣乐

元好问

芭蕉雨

晏璧

玉梅香慢

无名氏

徵招【又体】

赵以夫

周密

张炎【二首】

声声慢

周密



珑四犯

刘基

御选历代诗余卷五十九目錄

钦定四库全书

御选历代诗余卷五十九【九十五字】

司经局洗马掌局事兼翰林院修撰加二级【臣】王奕清奉旨校刊

水调歌头【下】

水调歌头【李太白画像】 李 纲

太白乃吾祖逸气薄青云开元有道聊复乘兴一来宾天子呼来方醉洒面清泉微醒余吐湿  
龙巾词翰不加点歌阙满宫春 笔风雨心锦绣极清新大儿中令神契兼有坐忘人不识将军  
高贵醉里指污吾足乃敢尚呵噀千载已仙去图像耸风神

前调【虎丘中秋】 张元干

万里冰轮满千丈玉盘浮广寒宫殿西望湖海冷光流埽尽长空纤翳散乱疎林清影风露迫  
人愁徐步行歌去危坐不眠休  
问孤蓬缘底事苦淹留倦游回首向来云卧两星周此夜此生长好明月明年何处归兴在

南州老境一伧父异县四中秋

前调 张元干

今夕定何夕秋水满东瓯悲凉怀抱何事还倍去年愁万里碧空如洗寒浸十分明月帘卷玉  
波流非是经年别一岁两中秋 坐中庭风露下冷飕飕素娥无语相对尊酒且迟留琴罢不堪  
幽怨遥想三山影外人倚夜深楼矫首望霄汉云海路悠悠

前调【丁丑春登垂虹亭】 张元干

挂策松江上举酒酌三高此生飘荡往来身世两徒劳长羨五湖烟艇好是秋风鲈膾笠泽久  
蓬蒿想像英灵在千古傲云涛 俯沧波吞空旷恍神交解衣盘薄政须一笑属吾曹洗尽人间  
尘土埽去胸中冰炭痛饮读离骚纵有垂天翼何用钓连鳌

### 前调 张元干

放浪形骸外憔悴山泽癯倒冠落佩此心不待白髭须聊复脱身鸕鹭未暇先寻水竹矫首汉庭疏长夏瞰丹荔两纪傲闲居忽风飘连雨打向西湖藕花深处尚能同载麴生无听子谈天舌本浇我书空曾次醉卧踏冰壶毕竟凌烟像何似辋川图

### 前调 曾觌

溪山多胜事诗酒办清游主人为我增葺台榭足凝眸髣髴玉壶天地隐见瀛洲风月千首傲王侯谁与共登眺公子气横秋记当年曾共醉庾公楼一杯此际重话前事逐风流多谢兼金清唱更拟重阳佳节掇菊任扶头但愿身长健浮世悠悠

### 前调【题岳麓法华台】 侯寘

晓雾散晴渚秋色满湘山青鞵黄帽忻与名士共跻攀窈窕深林幽谷诘曲危亭飞观俛首视尘寰长啸望天末余响下云端白鹤去荒井在汲清寒醒然毛骨浮丘招我御风还拂拭苍崖苔蘚一写胸中豪气渺渺洞庭宽山鬼善呵护千载照层峦

### 前调 辛弃疾

万事到白发日月几西东羊肠九折岐路老我惯经从竹树前溪风月鸡酒东家父老一笑偶相逢此乐竟谁觉天外有冥鸿味平生公与我定无同玉堂金马自有佳处着诗翁好锁云烟牕户怕入丹青图画飞去了无踪此语更痴绝真有虎头风

### 前调 范成大

细数十年事十处过中秋今年新梦忽到黄鹤旧山头老子个中不浅此会天教重见今古一南楼星汉澹无色玉镜独空浮敛秦烟收楚雾熨江流关河离合南北依旧照清愁想见姮娥冷眼应笑归来霜鬓空敝黑貂裘酹酒问蟾兔肯去伴沧洲

### 前调【燕山九日作】 范成大

万里汉家使双节照清秋旧京行徧中夜呼啸济黄流寥落桑榆西北无限太行紫翠相伴过芦沟岁晚客多病风露冷貂裘对重九须烂醉莫牵愁黄花为我一笑不管鬓霜羞袖里天书咫尺眼底关河百二歌罢此生浮惟有平安信随鴈到南州

### 前调 陈三聘

玉监十分满清露一年秋漂流踪迹谁念楚尾与吴头此夜刮明尘眼望极好张诗胆何处有

高楼浩荡银潢冷缥缈白云浮 笑劳生难坎止亦乘流 阑干拍碎清夜起舞不胜愁 万里关河  
依旧一寸功名乌有清泪滴衣裘老去心空在归梦绕苹洲

前调【舟过金山寺】 张孝祥

江山自雄丽风露与高寒寄声月姊借我宝监此中看幽壑鱼龙悲啸倒影星辰摇动海气夜  
漫漫拥起白银阙危驻紫金山表独立飞玉佩整云冠漱冰濯雪眇视万里一毫端回首三山  
何处闻道羣仙笑我邀我欲俱还挥手从此去翳凤更骖鸾

前调 张孝祥

櫂舫太湖岸天与水相连垂虹亭上五年不到故依然洗我征尘三斗快挹商飈千里鸥鹭亦  
翩翩身在水晶阙真作驭风仙望中秋无五日月还圆倚阑清唱孤发惊起壑龙眼欲酌鸱夷  
西子未办当年功业空系五湖船不用知余事鲈膾正甘鲜

前调【浮远堂】 仲并

静练平千顷华栋俯中流凌晨画戟来看宿雨断虹收八九胷中云梦三千笔端风月无处快  
凝眸笑咏一堂上挥麈气横秋俯危阑红日下暮云收无穷伟观祇应天意为君谋容我时醒  
时醉独泛微烟微雨浩荡逐轻鸥不羡岳阳胜丹碧耸层楼

前调 袁去华

天下最奇处绿水照朱楼三高仙去白头千古想风流跨海晴虹垂饮极目沧波无际落日去  
渔舟苹末西风起橘柚洞庭秋记当年携长劒觅封侯而今憔悴长安客里叹淹留回首洪崖  
西畔随分生涯可老卒岁不知愁做个终焉计谁羡五湖游

前调【送景文】 李处全

上马趣携酒送客古朱方秋风斜日山际低草见牛羊酩酊不知更漏但见横江白露清映月  
如霜平睨广寒殿谁说路岐长醉还醒时起舞念吾乡江山尔尔回首千载几兴亡一笑书生  
事业谁道管城居士不换碧油幢好在中冷水击节奏伊凉

前调【秀州坐上作】 赵彦端

秋色忽如许风露皎如空平生青鬓余地老与故人同忆得鲈鱼来後杂以洞庭新橘月堕酒  
杯中宾客可人意歌舞转春风坐间玉花底月又从容从容更好无奈多病已衰翁赖有主人  
风味识我少年狂态乞与酒颜红一醉晓鸦起流水任西东

前调【多景楼】 陆游

江左占形胜最数古徐州连山如画佳处缥缈着危楼鼓角临风悲壮烽火连空明灭往事忆  
孙刘千里曜戈甲万竈宿貔貅 露沾草风落木岁方秋使君宏放谈笑洗尽古今愁不见襄阳  
登览磨灭游人无数遗恨黯难收叔子独千载名与汉江流

前调 刘过

春事能几许密叶着青梅日高花困海棠风急想都开不惜春衣典尽只怕春光归去片片点  
苍苔能得几时好追赏莫徘徊 雨飘红风换翠苦相催人生行乐且须痛饮莫辞杯坐则高谈  
风月醉则恣眠芳草醒後亦佳哉湖上新亭好何事不曾来

前调【呈赵总领】 杨炎

买得一航月醉卧出长安平堤千里过尽杨柳绿阴间依约晓莺啼处认得南徐风物客梦恍  
惊残重到旧游所如把画图看 英雄事千古意一凭阑惜今老矣无复健笔写江山天上人间  
知己赖有使星郎宿照映此尘寰準拟五湖去为乞钓鱼竿

前调 杨炎

把酒对斜日无语问西风胭脂何事都做颜色染芙蓉放眼暮江千顷中有离愁万斛无处落  
征鸿天在阑干角人倚醉醒中 千万里江南北淞西东吾生如寄尚想三径菊花丛谁是中州  
豪杰借我五湖舟楫去作钓鱼翁故国且回首此意莫匆匆

前调 刘光祖

客梦一回醒三度碧梧秋仰看今夕天上河汉又西流早晚凉风过鴈惊落空阶一叶急雨闹  
清沟归计休令暮宵露浥征裘 古来今生老病许多愁那堪更说无限功业镜中羞只有青山  
高致对此还论世事举白与君浮送我一杯酒谁起舞凉州

前调【题甘将军庙卷雪楼】 李泳

危楼云雨上其下水浮天羣山四合飞动寒翠落檐前尽是清秋阑檻一笑波翻涛怒雪阵卷  
苍烟炎暑去无迹清驶久翩翩 夜将阑人欲静月初圆素娥弄影光射空际渺婵娟不用濯缨  
垂钓唤取龙宫仙驾耕此万琼田横笛望中起吾意已超然

前调【次陆务观登多景楼韵】 毛幵

襟带大江左平望见三州凿空遗迹千古奇胜米公楼太守中朝耆旧别驾当今豪逸人物藐

应刘此地一尊酒歌笑拥貔貅 楚山晓淮月夜海天秋登临无尽须信诗眼不供愁恨我相望  
千里空想一时高唱零落几人收妙赏频回首谁复继风流

前调【对木樨小饮次韵】 韩 淲

明月到花影把酒对青红此情飘洒但觉清景满帘栊人被好花相恼花亦知人幽韵佳处本  
同风挥手谢尘网举袂步蟾宫 秋已半幽涧侧乱山中故人过我终夕乘兴可千钟赖有曲江  
才子坐上平章花月不管老英雄心事将何寄醉语别匆匆

前调【清明严濂】 韩 淲

今古钓台下行客系扁舟扁舟何似云山千叠亦东游我欲停桡一醉与写生平幽愤横管更  
清讴小上客星阁短鬓独搔头 风乍敛云未起雨初收一年花事数声鶗鴂欲春休吊古怀贤  
情味只有浮名如故谁复识羊裘赖得玄英隐相望此溪流

前调 韩 淲

一枕暑风外事事且随缘随缘何处琴劒闲泊此层颠日遶九天楼殿烟霏四山林薄尘土市  
声前老眼醉还醒犹得到诗边 桥南院双桂隐有名言江湖人物好在收拾付书帘回首吾庐  
无恙寄卧僧牕何事鸿鹄本高骞水调赋明月谁道更超然

前调 韩 淲

新月已如许我问带湖梅人问题句赢得浮湫酒盈杯拓落豪英满座烂漫风骚连纸天外凤  
凰来只恐轻孤负莫待巧安排 空翠滴寒爽矣晚佳哉为君絶倒拆尽千树玉蓓开渺渺章泉  
好在寂寂卢家仙去今古付尊罍拍手见花木放眼记莓苔

前调【次宋倅韵】 韩 淲

嘉节已吹帽谁复见南山南山佳处台上云绕一溪环犹记使君同醉化鹤千年何在今古自  
应慳胜事漫陈迹风物只高寒 都莫问归酒畔集毫端等闲吟笑而今赖有孔融尊伟矣广平  
心致赢得相遭淡泊感旧唱酬间且看小斋菊抵掌共凭阑

前调 汪 莘

寄语山阿子何日出幽篁兰衣蕙带为我独立万寻冈头上青天荡荡足下白云霭霭和气自  
悠扬一阵东风至灵雨过横塘 招山鬼吊河伯俟东皇朱宫紫阙何事宛在水中央长望龙輶  
雷驾凭仗箫钟交鼓宾日出扶桑我乃援北斗子亦射天狼

前调【筇酒得三十六壶酌黄山神】 汪莘

酿秫小春月取酒雪花晨满壶插破浮蚁涌起碧鳞鳞谁觉东风密至更带梅香潜入瓮里净  
无尘一见酒之面便得酒之心 这番酒未及饮未留宾黄山图就旧日境界喜重新三十六峰  
云嶂三十六溪烟水三十六壶春寄语黄山道我是境中人

前调【送吴叔永】 吴潜

才惜季方去又更别元方惊心天下双凤接翅下高冈万里瞿塘烟浪一片昭亭云月渺渺正  
相望夜雨连风壑此意独凄凉 杜?声犹不住搅离肠黄鸡白酒吾亦归兴动家乡人事纷纷  
难料世事悠悠难说搔首对穹苍肯落儿曹泪一笑付沧浪

前调【题舫斋】 李昴英

郭外足幽胜潮入涨溪流舫斋小小一叶老子日遨游管领白苹红蓼披戴绿蓑青箬直钓任  
沈浮玉缕饱鱼膾雪阵狎河鸥 个中眠个中坐个中讴个中收拾诗料觞客个中留休美乘槎  
博望且听洞箫赤壁乐处是瀛洲日月荡双桨天地一虚舟

前调【题登春台】 李昴英

野趣在城市崛起此台高谁移蓬岛冯夷夜半策灵鳌十万人家鳌碧四面峰峦拥翠远峙拍  
银涛插汉笔双堦簸两叶轻舸 我乘风时一到共嬉遨江山无复偃蹇弹压有诗豪宝劔孤横  
星动铁笛一声云裂寒月水宫袍沧海一杯酒世界渺鸿毛

前调【题蒲圻景星亭上慕容宰】 卢炳

华亭新伟观胜地得高雄凭阑徙倚杳渺万里景无穷好是江流萦绕那更云天舒阔叠嶂倚  
晴空眼界无尽藏怀抱有清风 主人贤开绮席泛金钟放怀一笑许我满酌醉颜红祇恐玺书  
即下促起飞鳧东去行作黑头公还记今朝客曾对一杯同

前调 卢炳

风驭过姑射云佩挹浮丘丁宁月姊为我澂霁一天秋尽展冰奩玉监要看瑶台银阙万里冷  
光浮分与世间景好在水边楼 想霓裳呈妙舞起清讴蓝桥何处试寻玉杵恣追游拟待铅霜  
捣就缓引琼浆沈醉谁信是良筹长啸跨鲸背不必愿封留

前调 石孝友

美人在何许相望正悠悠云牕雾阁遥想宛在海中洲空对残云冷雨何限重山叠水一梦到

无由遗怨写红叶薄幸记青楼 金乌掷玉蟾缺物华休凤梧鸳竹一夜风露各惊秋惟有远山  
无赖淡埽一眉晴绿特地向人愁歛袂且归去回首漫迟留

前调【括听真上人琴歌】 林正大

耿耿银潢净牕月莹如冰朱丝一扣万籁不起冷光凝千古遗音犹在一洗淫哇郑卫北里与  
南陵孰识声音事哀乐不同情咽流泉戛鸣玉击浮金老龙啼晓幼猿忽复暮山吟为我临风  
再奏仙鹄翩翩十二感物一何灵此曲谁当听四海有知音

前调【括岳阳楼记】 林正大

欲状巴陵胜千古岳之阳洞庭在目远衔山色俯长江浩浩浑无涯际爽气北通巫峡南去极  
潇湘骚人与迁客览物兴尤长锦鳞游汀兰郁水鸥翔波澜万顷碧色上下一天光皓月浮金  
千里把酒登楼对景喜极自洋洋忧乐有谁会宠辱两俱忘

前调【括黄州竹楼记】 林正大

听说竹楼好佳地占黄冈月波相接俯临江濑挹山光急雨檐喧瀑布密雪瓴敲碎玉幽阒兴  
尤长琴调更虚畅诗韵转清扬公退暇披鹤氅戴华阳手披周易消磨世虑坐焚香缥缈烟云  
竹树迎送夕阳素月胜槩总难量欲办骚人事瀹茗漱清觞

前调【括庐山高】 林正大

庐山几千仞屹立竝长江扬澜左蠡洪涛巨浪日舂撞风止云消水净相与泊舟登岸攀磴望  
空豁岩壑响松桂巨石激流淙事幽寻遗世俗绝纷庞幽花野草香满时有鹤飞双羨子买田  
筑室欲使浮岚暖翠坐卧对轩牕我欲为君说安得笔如扛

前调 葛长庚

江上春山远山下暮云长相留相送时见双燕语风檣满目飞花万点回首故人千里把酒沃  
愁腸回鴈峰前路烟树正苍苍漏声残灯焰短马蹄香浮云飞絮一身将影向潇湘多少风前  
月下迢迢天涯海角魂梦亦凄凉又是春将暮无语对斜阳

前调【咏百舌】 吴子孝

落日青芜岸移棹绿苹洲清和天气碧树陰合暮云稠忽听林间百舌巧作千般妙语呕哑更  
咿嚶侧耳行吟畔如听好歌喉车音细机韵杳橹鸣柔谁家儿女昵昵学语不能休乍止犹啼  
宛转吹徵呵宫迭奏百鸟枉啁啾翹首上林苑好共凤凰游

前调【赏牡丹】 杨慎

春宵微雨後香径牡丹时雕阑十二金刀谁翦两三枝六曲翠屏深掩一架银筝缓送且醉碧霞卮轻寒香雾重酒晕上来迟席上欢天涯恨雨中姿向人如诉欲将彩笔记相思九十春光堪惜万种心情难写粉泪半低垂晓看红湿处千里梦佳期

前调【又一体 中秋怀子由】 苏轼

明月几时有把酒问青天不知天上宫阙今夕是何年我欲乘风归去又恐琼楼玉宇高处不胜寒起舞弄清影何似在人间转朱阁低绮户照无眠不应有恨何事长向别时圆人有悲欢离合月有陰晴圆缺此事古难全但愿人长久千里共婵娟

前调 黄庭坚

瑶草一何碧春入武陵溪溪上落花无数枝上有黄鹂我欲穿花寻路直入白云深处浩气展虹霓祇恐花深里红露湿人衣坐白石敲玉枕拂金徽谪仙何处无人伴我白螺杯我为灵芝仙草不为绛唇丹脸长啸亦何为醉舞下山去明月逐人归

前调【题季修书室】 吕渭老

秋斋多梦渴舌本欲生烟独步一庭明月鴈字已横天作个生涯不遂松竹雨荒三径却忆五湖船小阮贫尤甚犊鼻挂长竿白鸥汀风共水一生闲横琴唳鹤要携妻子老云间灯火荧荧深夜高卧南牕折几杯到不留残莫遣江湖手遮日向长安

前调【赵伯山席上见梅】 向子諲

天公深藏巧云里放春回不到闲花凡草都付与疎梅独立水边林下潇洒冰容孤艳清瘦玉腰肢触拨暗香动风味欲愁谁姮娥携青女过夜阑时瑶冠琼佩粲然一笑亦何奇賸欲举觞对饮不怕月明霜重寒气着人衣只恐邻笛起化作玉尘飞

前调【别彭城】 蔡伸

醉击玉壶缺恨写绿琴哀悠悠往事谁问离思渺难裁绿野堂前桃李燕子楼中歌吹那忍首重回惟有旧时月远远逐人来小庭空清夜永独徘徊伴人幽怨一枝潇洒陇头梅心断云帆西去目送烟波东注千里接长淮为我将双泪好过楚王台

前调【中秋和施司谏】 罗愿

秋宇净如水月镜不安台郁孤高处张乐语笑脱尘埃檐外白毫千丈座上银河万斛心境两



佳哉俯仰共清絕底处着风雷 问天公邀月姊媿凡才婆娑人世羞见蓬鬓漾金罍来岁公归  
何处照耀彩衣簪橐禁直且休催一曲庾江上千古继韶陔

## 八声甘州

【一名甘州曲西域记载龟兹国工制伊州甘州凉州等曲皆翻入中国词调八声者歌时之  
节奏也双调九十五字】

## 八声甘州 汤恢

摘青梅荐酒甚残寒犹怯苧罗衣正柳腴花瘦綠云冉冉红雪霏霏隔屋秦箏依约谁品春词  
回首繁华梦流水斜晖 寄隐孤山山下但一瓢饮水深掩苔扉羨青山有思白鹤忘机怅年华  
不禁搔首又天涯弹泪送春归销魂远千山啼鴂十里荼蘼

## 前调【又一体】 萧 列

可怜生飘零到荼蘼依然旧销魂残春几许风风雨雨客里又黄昏无奈一江烟雾腥浪卷河  
豚身世忽如叶那自清浑 莫厌悲歌笑语奈天涯有梦白髮无根怕相思别後无字写回文更  
月明洲渚杜鹃声里立向临分三生石情缘千里风月柴门

## 凤凰台上忆吹箫

【取列仙传秦弄玉事双调九十五字】

## 凤凰台上忆吹箫 【宋媛】 李清照

香冷金猊被翻红浪起来慵自梳头任宝奁尘满日上帘钩生怕离怀别苦多少事欲说还休  
新来瘦非干酒病不是悲秋 休休这回去也千万徧阳关也则难留念武陵人远烟锁秦楼惟  
有楼前流水应念我终日凝眸凝眸处从今又添一段新愁

## 前调【转官球】 赵 文

白玉搓成香罗捻就为谁特地团团美司花神女有此清闲疑是弓鞬蹴鞠刚刚踢误挂花间  
方信道酴醾失色玉蘂无颜 凭阑几回澹月怪天上冰轮移下尘寰奈堪同玉手难插云鬟人  
道转官球也春去也欲转何官聊寄与诗人案头冰雪相看

## 前调【沈野云吹箫】 张 翥

琪树锵鸣春冰碎落玉盘珠泻还停渐一丝风嫋悠扬清冥疑把红牙趁节想有人记豆银屏

何须教琵琶汉女锦瑟湘灵 追思旧时胜赏醉几度西湖山馆池亭惯倚歌花月按舞娉婷岁  
晚相逢客里且一尊同慰漂零君休惜吴音朔调尽与吹听

前调【秋夜】 马洪

澹澹秋容澄澄夜影娟娟月挂梧桐爱箫声缥缈帘影玲珑彩凤衔书未至玉宇净香雾空蒙  
凉如水翠苔凝露琪树吟风 匆匆年华暗换嗟旧欢成梦仿佛飞蓬想清江泛鷁紫陌游骢应  
念佳期虚负瞻素彩感慨相同凝情久谁家捣练砧杵丁东

天香

【又一体双调九十五字】

天香 王 观

霜瓦鸳鸯风帘翡翠今年较是寒早矮钉明窗侧开朱户断莫乱教人到重阴未解云共雪商  
量未了青帐垂氍毹要密红罽围炭宜小 呵梅弄妆试巧绣罗衣瑞云芝草伴我语时同语笑时  
同笑已被金尊劝酒又唱新词故相恼尽道穷冬元来恁好

玉女迎春慢

【双调九十五字】

玉女迎春慢 彭元逊

才入新年逢人日拂拂澹烟无雨叶底妖禽自语小啄幽香还吐东风辛苦便怕有踏青人误  
清明寒食消得渡江黄翠千缕 看临小帖宜春填轻晕湿碧花生雾为说钗头袅袅系着轻盈  
不住问郎留否似昨夜教成鹦鹉走马章台忆得画眉归去

倾杯乐

【又一体双调九十五字】

倾杯乐 柳 永

离讌殷勤兰舟凝滞看看送行南浦情知道世人难使皓月长圆彩云镇聚算人生悲莫悲于  
轻别最苦正欢娱便分鸳侣 泪滴琼脸梨花一枝春带雨惨黛别临行犹自再三问道君须去  
频耳畔低语知多少他日深盟平生丹素从此尽把凭鳞羽

## 梦扬州

【双调九十五字】

### 梦扬州 秦观

晚云收正柳塘烟雨初休燕子未归侧侧轻寒如秋小栏外东风软透绣帏花密香稠江南远人何处鹧鸪啼破春愁长记曾陪燕游酬妙舞清歌丽锦缠头殢酒困花十载因谁淹留醉鞭拂面归来晚望翠楼帘卷金钩佳会阻离情正乱频梦扬州

## 尾犯

【又一体双调九十五字】

### 尾犯 柳永

夜雨滴空堦孤馆梦回情绪萧索一片闲愁想丹青难貌秋渐老蛩声正苦夜将阑灯花渐落最无端处忍把良宵只恁孤眠却佳人应怪我自别後寡信轻诺记得当时翦香云为约甚时向幽闺深处按新词流霞共酌再同欢笑肯把金玉珍珠博

## 白雪

【又一体双调九十五字】

### 白雪【雪】 杨无咎

檐收雨脚云乍斂依旧又满长空纹蜡焰低熏鑪烬冷寒衾拥尽重重隔帘枕听撩乱扑漉春虫晓来见玉楼珠殿恍若在蟾宫长爱越水泛舟蓝关立马画图中怅望几多诗意无句可形容谁与问已经三白忒是报年丰未应真个情多老却天公

## 双瑞莲

【双调九十五字与双头莲无涉】

### 双瑞莲【竝头莲】 赵以夫

千机云锦里看竝蒂新房骈头芳蕊清标艳态两两翠裳霞袂似是商量心事倚绿盖无言相对天蘸水彩舟过处鸳鸯惊起缥缈漾影摇香想刘阮风流双仙姝丽闲情未断犹恋人间欢会莫待西风吹老荐玉醴碧筒?醉清露底月照一襟归思

庆清朝慢

【双调九十五字】

庆清朝慢 文徵明

天朗气清惠风和畅胜游何似山陰春光自来堪恋一刻千金兰舟初泛画桥春水一篙深烟  
霏处离离浅草冉冉遥岑 且此傍花随柳柳陰系马花外啜幽禽扰扰蜂黏柳絮蝶绕花心为  
问朱衣车马何如我白发园林新月上竹枝风动环佩清音

塞姑

【又一体双调九十五字】

塞姑 柳 永

一声鸡又报残更歇秣马巾车催发草草主人灯下别山路险新霜滑瑶珂响起栖乌金鐙冷  
敲残月渐西风紧襟袖凄裂 遥指白玉京望断黄金阙远道何时行彻算得佳人凝恨切应念  
念归时节相见了执柔荑嘉会处沾香雪免鸳衾两恁虚设

小圣乐

【双调九十五字元好问制莲花曲以授歌者亦名骤雨打新荷】

小圣乐 元好问

綠叶陰浓徧池亭水阁徧趁凉多海榴初绽朵朵蹙红罗乳燕雏莺弄语对高柳鸣蝉相和骤  
雨过似琼珠乱撒打徧新荷 人生百年有几念良辰美景休放虚过富贫前定何用苦张罗命  
友邀宾宴赏饮芳醕浅斟低歌且酩酊从教二轮来往如梭

芭蕉雨

【双调九十五字】

芭蕉雨【梅】 晏 璧

角声高吹梦断月痕尚挂林梢万叶千花似埽綠避红逃让与寒梅独殿还状元宰相当消恁  
了却残年教人媿煞离骚 富贵等鸿毛纷纷伤春浓李夭桃自是冰魂欲解漫倩并刀只道乾  
坤清气怎知他雪虐风饕睡起望北斗阑干人间翠羽嘈嘈

## 玉梅香慢

【双调九十五字】

玉梅香慢【本意】 无名氏

寒色犹高春力尚怯微律先催梅拆晓日轻烘清风频触疑散数枝残雪嫩英妒粉嗟素艳有蜂蝶全似人人向我依然顿成离 徘徊寸肠万结又因知暗成凝咽捻蕊怜香不禁恨深难绝若是芳心解语应共把此情细细说泪满阑干无言强折

徵招

【又一体双调九十五字】

徵招【雪】 赵以夫

玉壶冻裂琅玕折駉駉逼人衣袂暖絮涨空飞失前山横翠欲低还又起似妆点满园春意记忆当时刻中情味一溪云水 天际绝人行高吟处依稀灞桥邻里更翦翦梅花落云阶月砌化工真解事强勾引老来诗思楚天暮驿使不来怅曲阑独倚

前调【九日有怀杨守斋】 周 密

江蓠摇落江枫冷霜空鴈程初到万景正悲秋奈曲终人杳登临嗟老矣问今古清愁多少一梦东园十年心事恍然惊觉 肠断紫霞深知音远寂寂怨琴凄调短发已无多怕西风吹帽黄花空自好问谁识对花怀抱楚山远九辨难招更晓烟残照

前调【听袁伯长琴】 张 炎

秋风吹碎江南树石牀自听流水别鹤不归来引悲风千里余音犹在耳有谁识醉翁深意去国情怀草枯沙远尚鸣山鬼 客里可消忧人间世寥寥几年无此杏老古坛荒把凄凉空指心尘聊更洗傍何处竹边松底共良夜白月纷纷领一天清气

前调【答仇山村寄】 张 炎

可怜张绪门前柳相看顿非年少三径已荒凉更如今怀抱薄游浑未减满烟水东风残照古调谁弹古音谁赏岁华空老 京洛染缁尘悠悠意独对南山一笑只在此山中甚相逢不早瘦吟心共苦知几度翦灯牕小何时更听雨巴山赋草池春晓

声声慢

【宋蒋捷赋秋声俱用声字收韵调名本此双调九十五字声作胜者误】

声声慢 周密

燕泥沾粉鱼浪吹香芳堤十里新晴静惹游丝花边袅袅扶春多怜漂泊记章台曾挽青青堪  
爱处是扑帘娇嫩随马轻盈长是河桥三月做一番晴雪恼乱诗魂带雨沾衣罗襟点点离痕  
休缀潘郎鬓影怕绿牕年少人惊卷春去翦东风千缕碎云

珑四犯

【双调九十五字】

珑四犯 刘基

白露点珠明河生浪秋光看一半翠衾知夜永梦冷孤馆南楼数声过鴈西池桂花零乱岁序  
如何江山若此赢得霜鬓满伤心慢回愁眼见蛩吟蔓草萤度荒曠泪随黄叶下事逐浮云散  
沧波滚滚东流去问谁是登楼王粲菊绽篱边赋归来恐晚

御选历代诗余卷五十九

## 卷六十

<集部,词曲类,词选之属,御选历代诗余

钦定四库全书

御选历代诗余卷六十目錄【九十五字】

满庭芳【上 又一体】

宋徽宗

晏几道

苏轼【六首】

黄庭坚【四首】

秦观【四首】

晁补之【五首】

陈师道

李之仪【二首】

毛滂【二首】

舒亶【三首】

赵令畤

米芾

葛胜仲

周紫芝【三首】

葛郯【四首】

周邦彦【四首】

晁端礼【四首】

沈会宗【二首】

陈瓘

向子諲【二首】

蔡伸【三首】

王庭珪

叶梦得【二首】

赵长卿

刘子翬

曾觌

辛弃疾【三首】

黄公度

葛立方【六首】

程垓

吴儆【二首】

袁去华

张鎰

黄机



毛幵

汪莘【二首】

吴潜

方岳

御选历代诗余卷六十目錄

钦定四库全书

御选历代诗余卷六十【九十五字】

司经局洗马掌局事兼翰林院修撰加二级【臣】王奕清奉旨校刊

满庭芳【上】

【又一体双调九十五字一名满庭霜一名锁阳台一名潇湘夜雨换头二字间有用韵然无分体也】

满庭芳 宋徽宗

寰宇清夷元宵游豫为开临御端门暖风摇曳香气霭轻氛十万勾陈灿烂钩台外罗绮缤纷  
欢声里烛龙衔耀黼藻太平春 灵鳌擎彩岫冰轮远驾初上祥云照万字嬉游一视同仁更起  
维垣大第通宵燕调变良臣从兹庆都俞赓载千载乐昌辰

前调 晏几道

南苑吹花西楼题叶故园欢事重重凭阑秋思闲记旧相逢几处歌云梦雨可怜流水各西东  
别来久浅情未有锦字系征鸿 年光还少味开残檻菊落尽溪桐漫

留得尊前淡月西风此恨谁堪共说消愁时緑酒杯中佳期在归时待把香袖看啼红

前调【自黄移汝留别】 苏轼

归去来兮吾归何处万里家在岷峨百年行乐来日几曾多坐见黄州载闰儿童尽楚语吴歌  
山中友鸡豚社饮相劝老东坡 云何当远去人生底事来往如梭待闲看秋风洛水清波好在  
堂前细柳应念我莫翦柔柯仍传语江南父老时与晒渔蓑

前调【蒙恩放归阳羨作】 苏轼

归去来兮清溪无底上有千仞嵯峨画桥西畔天远夕阳多老去君恩未报空回首弹铗悲歌  
船头转长风万里归马驻平坡 无何何处是银潢尽处天女停梭问人间何事久戏风波顾问  
同来穉子应烂汝腰下长柯青衫破羣仙笑我千缕挂烟蓑

前调【佳人】 苏轼

香鬢雕盘寒生冰筋画堂别是风光主人情重开宴出红妆腻玉圆搓素颈藕丝嫩新织仙裳  
双歌罢虚檐转月余韵尚悠扬 人间何处有司空见惯应谓寻常坐中有狂客恼乱愁肠报道  
金钗坠也十指露春笋纤长亲曾见全胜宋玉想像赋高唐

前调 苏轼

蜗角虚名蝇头微利算来着甚乾忙事皆前定谁弱又谁强且趁闲身未老尽放我些子疎狂  
百年里浑教是醉三万六千場 思量能几许忧愁风雨一半相妨又何须抵死说短论长幸对  
清风皓月苔茵展云幙高张江南好千鍾美酒一曲满庭芳

前调【为王长官赋】 苏轼

三十三年今谁存者算只君与长江凜然苍桧霜干苦难双闻道司州古县云溪上竹坞松窓  
江南岸不因送子宁肯过吾邦 枞枞疎雨过风林舞破烟盖云幢愿持此邀君一饮空缸居士  
先生老矣真梦里相对残缸歌舞断行人未起船鼓已逢逢

前调【与刘仲达游南山感旧】 苏轼

三十三年漂流江海万里烟浪云帆故人惊怪憔悴老青衫我自疎狂异趣君何事奔走尘凡  
流年尽穷途坐守船尾冻相衔 嶢嶢淮浦外层楼翠壁古寺空嵒步携手林间笑挽纤纤莫上  
孤峰尽处紫望眼云水相换家何在因君问我归步遶松杉

前调【茶】 黄庭坚

北苑龙团江南鹰爪万里名动京关碾轻罗细琼蕊?生烟一种风流气味如甘露不染尘凡纤  
纤捧冰甃莹玉金缕鹧鸪斑 相如方病酒银瓶蟹眼波怒涛翻为扶起尊前醉玉颓山饮罢风  
生两腋醒魂到明月轮边归来晚文君未寝相对小窓前

前调【雪中戏呈友人】 黄庭坚

风力驱寒云容呈瑞晓来到处花飞徧装琼树春意到南枝便是渔蓑旧画纶竿重横玉低垂

今宵里香闺邃馆幽赏事偏宜 风流金马客歌鬓醉拥乌帽斜敲问人间何处鹏运天池且共周郎按曲音微误首已先回同心事丹山路稳长伴彩鸾归

前调 黄庭坚

初绾云鬟才胜罗绮便嫌柳巷花街占春才子容易托行媒其奈风流债负烟花部不免差排刘郎恨桃花片片流水惹尘埃 风流贤太守能笼翠羽宜醉金钗且留取垂杨掩映厅堦直待朱幡去後从伊便窄鞦韆知恩否朝云暮雨还向梦中来

前调 黄庭坚

修水柔蓝新条淡绿翠光交映虚亭锦鸳鸯荷径拾幽苹香度阑干屈曲红妆映薄绮踈棂风清夜横塘月满水净见移星 堪听微雨过嬾嫋藻荇琐碎浮萍便移转交牀湘簟方屏练靄鳞云旋满声不断檐响风铃重开宴瑶池雪沁山露佛头青

前调 秦观

山抹微云天黏衰草画角声断谯门暂停征棹聊共引离尊多少蓬莱旧事空回首烟靄纷纷斜阳外寒鸦数点流水遶孤村 消魂当此际香囊暗解罗带轻分谩赢得青楼薄幸名存此去何时见也襟袖上空染啼痕伤情处高城望断灯火已黄昏

前调 秦观

红蓼花繁黄芦叶乱夜深玉露初零霁天空阔云淡楚江清独棹孤篷小艇悠悠过烟渚沙汀金钩细丝纶慢卷牵动一潭星 时时横短笛清风皓月相与忘形任人笑生涯泛梗飘萍饮罢不妨醉卧尘劳事有耳谁听江风静日高未起枕上酒微醒

前调 秦观

碧水惊秋黄云凝暮败叶零乱空堦洞房人静斜月照徘徊又是重阳近也听几处砧杵声催西牕下风摇翠竹疑是故人来 伤怀增怅望新欢易失往事难猜问篱边黄菊知为谁开谩道愁须殢酒酒未醒愁已先回凭阑久金波渐转白露点苍苔

前调 秦观

晚色云开春随人意骤雨方过还晴高堂芳树飞燕蹴红英舞困榆钱自落秋千外绿水桥平东风里朱门映柳低按小秦筝 多情行乐处珠钿翠盖玉辔红缨渐酒空金榼花困蓬瀛豆?梢头旧恨十年梦屈指堪惊凭阑久踈帘淡日寂寞下芜城

前调 晁补之

鸥起苹中鱼惊荷底画船天上来时翠湾红渚乱似武陵迷更晚青山更好孤云带远雨丝垂  
清歌里金尊未掩谁使动分携 竹林高晋阮阿咸萧散犹媿风期便弃官终隐钓叟苔矶纵是  
冥鸿云外应念我垂翼低飞新词好他年认取天际片帆归

前调【忆庐山】 晁补之

欲买庐山山前三亩小桥横过松间变名吴市谁认旧容颜最好栖贤峡外应自此都隔尘寰  
人稀到壶中化国光景更堪闲 无心求至道柴门闭了饱睡甘餐幸儿成孙长为埽家山若问  
他年归去蓦地也双桨来还愁难舍清风万壑高处正跻攀

前调【荅季良】 晁补之

闻说秋来乘槎心嬾梦回三岛波间便思黄帽同我老山颜上界仙人官府何似我萧散尘寰  
云无止流泉自急此意本来闲 寂寥松桂圃陪君好语亦可忘餐况琼枝玉蕊秀满春山若问  
幽栖何意莫道是飞鸟知还无言处孙登半岭高咏更难攀

前调【题自画莲社图次东坡韵】 晁补之

归去来兮名山何处梦中庐阜嵯峨二林深处幽士往来多看画远公莲社教儿诵李白长歌  
如重到丹岩翠户琼草秀金坡 生绡双幅上诸贤巾履文彩天梭社中客禅心古井无波我似  
渊明逃社怡颜眄百尺庭柯牛闲放奚童任嬾吾已废鞭蓑

前调 晁补之

乡物牵情家山回首浩然归兴难收报恩心事投老判悠悠却笑当年牛下空自许激烈寒讴  
成何事夷犹桂楫兰芷咏芳洲 人生萍梗迹谁非乐土何处吾州算不须临岐恹恹迟留要看  
香炉瀑布丹枫乱江色凝秋真堪与潇湘暮雨图上画扁舟

前调【茶】 陈师道

闽岭先春琅函联璧帝所分落人间绮牕纤手一缕破双团云里游龙舞凤香雾起飞月轮边  
华堂静松风竹雪金鼎沸潺湲 门阑车马动扶黄藉白小袖高鬟渐胷里轮囷肺腑生寒唤起  
谪仙醉倒翻湖海倾泻涛澜笙歌散风帘月幙禅榻鬓丝斑

前调【八月十六夜】 李之仪

一到江南三逢此夜举头羞见婵娟黯然怀抱特地遣谁宽分外清光泼眼迷滉漾无计拘拦

天如洗星河尽掩全胜异时看 佳人还忆否年时此际相见方难漫红绡偷寄孤被添寒何事  
佳期再覩翻怅望重叠关山归来呵休教独自肠断对团圆

前调【碾龙团为供者报之】 李之仪

花陌千条珠帘十里梦中还是扬州月斜河汉曾记醉歌楼谁赋红绡小砑因飞絮天与风流  
春常在仙源路隔空自泛渔舟 新秋初雨过龙团细碾雪乳浮瓯问殷勤何处特地相留应念  
长门赋罢消渴甚无物堪酬情无尽金屏玉榜何日许重游

前调 毛滂

烁石炎曦迷云急雨院落槐午陰清藕花开徧綠细一池萍槽下珍珠溜溜龙团破河朔余醒  
阑干外梧桐叶底金井辘轳声 盈盈开雾帐珊瑚连枕云母围屏对肌肤冰雪自有凉生翠袖  
风回画扇拂香篆虬尾斜横北牕晚娟娟静色竹影上帘旌

前调【西园月夜赏花】 毛滂

马络青丝障开红锦小晴初断香尘芳醪持烛别有个佳人飞盖西园午夜花梢冷云月朧明  
应还惜留花伴月占定可怜春 佳人争插帽已残芳树犹缀余英任红辞香散蜨恨蜂嗔醉也  
和春戴去深院落初馥鑪熏玉台畔从教卸了留映晚妆新

前调【重阳後次元直】 舒亶

寒日穿帘澄江凭槛练光浮动余霞蓼汀芦渚黄叶衬孤花天外征帆隐隐残云共流水无涯  
登临处琼枝潋灩风帽醉敲斜 丰年时节好玉香田舍酒满渔家算浮世劳生事事输他便恁  
从今酩酊休更问白雪笼纱还须仗神仙妙手传向画图夸

前调【後一日再次冯通直】 舒亶

红叶飘零寒烟疎淡楼台半在云间望中风景图画也应难又是重阳过了东篱下黄菊阑珊  
陶潜去风流载酒秋意与人间 霞冠敲到处瑶台唱罢如梦中还但醉里赢得满眼青山华发  
看看满也留不住当日朱颜平生事从头话了独自却凭阑

前调【送道宗】 舒亶

阊阖天门芙蓉春殿几年目断鸡翘短蓬秋鬓端幸倚琼瑶南圃花边小院西湖畔云底双桥  
归时节红香露冷月影上芭蕉 明朝那可望旗亭烟草柳渡寒潮但万户千门恨客歌樵戏彩  
光浮袞绣听鸣珂响逼云霄应回首绮裘醉客还是独吹箫

前调 赵令畤

玉枕生凉金釭传晓败叶飞破清秋雨余翻浪渺渺阻行舟暂系汀洲侧畔风夜起荻叶添愁  
银屏远龙香渐尽还似梦扬州更筹何太永当年情事今日堪酬最苦恨红楼笑我飘浮为寄  
相思细字教字字愁蹙眉头凄凉久渔人唱晓随月过横沟

前调【甘露寺试赐茶】 米芾

雅燕飞觞清谈挥麈使君高会羣贤密云双凤初破缕金团扇外鑪烟自动开餅试二品香泉  
轻涛起香生玉麈雪溅紫瓯圆娇鬟宜美盼双擎翠袖稳步红莲座中客翻愁酒醒歌阑点上  
纱笼画烛花骢弄月影当轩频相顾余欢未尽欲去且留连

前调【怀任昉】 葛胜仲

百不为多一不为少阿谁昔仕吾邦共推任笔鸿鼎力能扛不为桃花禄米讐书倦一苇横江  
招寻处徒行曳杖曾不拥麾幢山川真大好鱼矶无恙密岭难双听讼诉多就樵坞僧牕岁月  
音容远矣风流在遐想心降云烟路搜奇吊古时为酌空缸

前调 周紫芝

楼上寒深江边雪满楚台烟霭空蒙一天飞絮零乱点孤篷似我华颠雪鬓浑无定漂泊孤踪  
空凄黯江天又晚风袖倚蒙茸吾庐犹记得波横素练玉做寒峰更短坡烟竹声碎 玊拟问  
山陰旧路家何在水远山重渔蓑冷扁舟梦断灯暗小牕中

前调 周紫芝

晓色凝暎霜痕犹浅九天春意将回隔年花信先已到江梅沉水烟浓如雾金波满红袖双垂  
仙翁醉问春何在春在玉东西瑶台人不老还从东壁来步天墀且细看八瓢花影迟迟会见  
朱颜緑鬓家长近咫尺天威君知否天教雨露常满岁寒枝

前调【九日】 周紫芝

江遶淮城云昏楚观一枝烟笛谁横晓风吹帽霜日照人明暗恼潘郎旧恨应追念菊老残英  
秋空晚茱萸细捻 醪为谁倾 人间真梦境新愁未了緑鬓星星问明年此会谁寄幽情倚尽  
一楼残照何妨更月到帘旌凭阑久歌君妙曲谁是米嘉荣

前调【宴黄仲秉】 葛 邲

红叶飞时青山缺处鴈飞秋影斜阳凤凰旌节何事到吾乡要见大江东去寒光静水与天长

人争看恩袍焕锦新惹御鑪香 满城夸盛事两邦鼓吹几部笙簧看万红千翠簇拥云裳况是  
重阳近也萸露紫菊吐轻黄休辞醉明朝一枕歌韵尚悠扬

前调【述怀三首】 葛 邲

归去来兮苕波深处上有苍翠千峰月桥烟墅家在五湖东试觅桃花流水鸡犬静人迹才通  
沙汀晚一天云锦飞下水晶宫 两年官事少江梅雾暗多稼云丰把毗坛清梦尽入诗筒只欠  
芦花夜宿金溪上一苇秋风蓑衣在不辞重整来作钓鱼翁

前调 葛 邲

归去来兮家林不远梦魂飞绕烟峰洞房花木只在小池东谁道云深无路小桥外一径相通  
功名小从教羣蚁鏖战大槐宫 故人书夜到秫田百亩已兆年丰把乌程烂醉不数郛筒醉後  
村歌社舞团圞坐一笑春风洪崖伴定驱鸾鹤时一访仙翁

前调 葛 邲

归去来兮心空无物乱山不鬪眉峰夜禅久坐牕晓日生东已絕乘槎妄想沧溪迴不与河通  
维摩室从教花雨飞舞下天宫 何人开宴豆楚羹蓴嫩吴鱸盘丰看一声欸乃落日收筒应笑  
红尘陌上津亭暮十里斜风从今去青鞵黄帽分付紫髯翁

前调【溧水无想山作】 周邦彦

风老莺雏雨肥梅子午陰佳树清圆地卑山近衣润费鑪烟人静乌鸂自乐小桥外新綠濺濺  
凭阑久黄芦苦竹疑泛九江船 年年如社燕飘流瀚海来寄修椽且莫思身外长近尊前顚顚  
江南倦客不堪听急管繁弦歌筵畔先安簟枕容我醉时眠

前调【怀钱塘】 周邦彦

山崦笼春江城吹雨暮天烟淡云昏酒旗渔市冷落杏花村苏小当年秀骨紫蔓草空想罗裙  
潮声起高楼喷笛五两了无闻 凄凉怀故国朝钟暮鼓十载红尘但梦魂迢递长到吴门闻道  
花开陌上歌旧曲愁煞王孙何时见名娃唤酒同倒瓮头春

前调 周邦彦

花扑鞭梢风吹衫袖马蹄初趁轻装都城渐远芳树隐斜阳未惯羈游况味征鞍上满目凄凉  
今宵里三更皓月愁断九回肠 佳人何处去别时无计同引离觞但惟有相思两处难忘去即  
十分去也如何向千种思量凝眸处黄昏画角天远路岐长

前调 周邦彦

白玉楼高广寒宫阔暮云如障  
开银河一派流出碧天来  
无数星躔玉孛冰轮动  
光满楼台  
登临处全胜瀛海弱水浸蓬莱  
云鬟香雾湿月娥韵压云冻  
江梅况餐花饮露莫惜徘徊  
坐看人间如掌山河影  
倒入琼杯归来晚笛声吹彻九万里尘埃

前调 晁端礼

緑绕羣峰红摇千柄  
夜来暑雨初收  
共君乘兴轻舫信悠悠  
且尽一尊别酒  
荷香里满酌轻讴  
明朝去征帆夜落何处好汀洲  
风流吾小阮朝辞东观夕向南州  
况圣时争教贾傅淹留  
若过浔阳亭上琵琶泪  
莫洒清秋堤边柳从今爱惜留待系归舟

前调 晁端礼

天与疎慵人怜憔悴  
分甘抛弃簪纓  
有时乘兴波上叶舟轻  
十里横塘过雨  
荷香细苹末风清  
真如画残霞淡日偏向柳梢明  
凝情尘网外鲈鱼旋鱠芳酒深倾  
又算来何须身外浮名无限  
沧浪好景蓑笠下且遣余生长歌去  
机心尽矣鸥鹭莫相惊

前调 晁端礼

雪满貂裘风摇金辔  
笑看锦带吴钩  
照人青鬓年少定封侯  
此去马蹄何处  
山万叠济水南州  
君知否刘郎未老曾是恣狂游  
风流佳丽地十年屈指一梦回头  
最难忘西湖北渚澄秋  
玉砌雕阑好在桃共李  
曾忆人不衰翁也多情为我将恨寄红楼

前调 晁端礼

北渚澄澜南山凝翠  
望中浑似仙乡  
万家烟霭朱户锁垂杨  
好似飞泉漱玉  
回环徧小曲深坊  
西风里芙蓉带雨飘散满城香  
微凉湖上好桥横倒影月练飞光  
命玳簪促席云鬟分行谁似  
风流太守端解道春草池塘  
须留恋神京纵好此地也难忘

前调 沈会宗

柳与堤回桥随湖转  
望中如在蓬莱  
水禽高下烟雾歛还开  
认是仙翁住处  
都不见一点尘埃  
壶天晚清寒带雪光景自徘徊  
高才廊庙手当年平步直到尧垓  
况今朝调鼎尤待盐梅  
只恐身闲不久难留恋  
花月楼台看新岁春风且送五马过江来

前调 沈会宗

雪底寻梅冰痕观水  
晚来天气尤寒  
渐闻歌笑轻暖发春妍  
赏尽十洲新景  
依稀见三岛风烟



判深夜一年月色只是这番圆 熙然千里地何妨载酒频上湖船况坐中高客不日朝天须胜  
人间好处没个事赢得尊前东风近侵寻桃李别做醉夤缘

### 前调 陈 瓘

淮叶缤纷江烟浓淡别尊同倒寒晖未逢春信霜露惹征衣往事元无是处何须待回首知非  
春鹃语从来劝我长道不如归 家山何处近江楼帘栋夕卷朝飞问西江笋蕨何似鲈肥且置  
华胥旧梦忘言处千古同时君知我平生心事相契古来稀

### 前调【桂二首】 向子諲

月窟蟠根灵岩分种絶知不是尘凡瑠璃翦叶金粟缀花繁黄菊周旋避舍友兰蕙羞杀山矾  
清香远秋风十里鼻观已先参 酒阑听我语平生半是江北江南经行处无穷緑水青山常被  
此花相恼思共老结屋中间不因着芎林底事游戯到人寰

### 前调 向子諲

瑟瑟金风团团玉露岩花秀发秋光水边一笑十里得清香疑是蕊宫仙子新妆就娇额涂黄  
霜天晚妖红丽紫回首總堪伤 中央孕正色更留明月偏照何妨便高如兰菊也让芬芳输与  
芎林居士微吟罢闲据胡牀须知道天教尤物相伴老江乡

### 前调 蔡 伸

烟锁长堤云横孤屿断桥流水溶溶凭阑凝望远目送征鸿桃叶溪边旧事如春梦回首无踪  
难忘处紫薇花下清夜一尊同 东城携手地寻芳选胜赏徧珍丛念紫箫声阕燕子楼空好是  
卢郎未老佳期在端有相逢重重恨聊凭红叶和泪寄西风

### 前调 蔡 伸

风卷龙沙云垂平野晚来密雪交飞坐看阑檻琼蕊徧寒枝妆点兰房景致金铺掩帘幙低垂  
红炉畔浅斟低唱天色正相宜 更阑人半醉香肌玉暖宝髻云敝又何须高会梁苑瑶池堪笑  
子猷访戴清兴尽忍冻空回仍休羡渔人江上披得一蓑归

### 前调 蔡 伸

鸚鵡洲边芙蓉城下迥然水秀山明小舟双桨特地访云英惊破兰衾好梦开朱户一笑相迎  
良宵永南牕皓月依旧照娉婷 别来无限恨持杯欲语恍若魂惊怱霎时相见又惨离情还是  
匆匆去也重携手密语叮咛佳期在宝钗鸾镜端不负平生

前调【上元黄子余席上】 王庭珪

宿雨初收晚风微度万家帘卷青烟暗尘随马人物似神仙试问天公借月天须放明月教圆  
应移下广寒宫殿灯火接星躔卢川元古郡当时太守宾从俱贤到如今万井歌吹喧阗花下  
红妆卖酒时相遇曲水桥边谁知道山城父老重见中兴年

前调【雨後极目亭寄友】 叶梦得

麦陇如云清风吹破夜来疎雨才晴满川烟草残照落微明缥缈危阑曲檻遥天尽日脚初平  
青林外参差暝靄萦带远山横孤城春雨过緑陰是处时有莺声问落絮游丝毕竟何成信步  
苍苔遶徧真堪付闲客闲行微吟罢重回皓首江海渺遥情

前调 叶梦得

一曲离歌烟林人去马头微雪新晴隔年光景回首近清明断送残花又老春波静湖水初平  
谁重到雕阑尽日遥想画桥横高城凝望久何人为我重唱余声问桃李更有几处陰成老去  
从游似梦尊前事空有经行犹能记殷勤寄语多谢故人情

前调【七夕】 赵长卿

雨洗长空风清云路又还准备佳期夜凉如水一似去秋时渺渺银河浪静星桥外香霭馥馥  
霞帔举鸾骖鹄驭稳稳过飞梯经年成间阻相逢无语应喜应悲怕玉绳低处依旧睽离和我  
愁肠万缕嫦娥怨底事来迟广寒殿春风桂魄首与慰相思

前调【和胡明仲桂花词】 刘子翬

秋入微陰凉生平远小山愁絶天南似闻还断飞策徧千岩叶底轻黄纂纂恼人是微裂芳絨  
翛然胜清真冷淡无艳寄尘凡激潭敲两岸波光摇动碧影相参任西风十里吹度松杉我自  
寒灰槁木凝神处不觉醺酣归来晚飞花无迹明月满空函

前调【赏牡丹】 曾覲

冶态轻盈香风摇荡画阑淑景初长彩霞深处明艳夺昭阳试问沈香旧事应劝我莫负韶光  
多情是低徊顾影云幙淡微凉人间春更好一枝斜插犹记疎狂到如今潘鬓暗点吴霜乐事  
直须年少何妨?一醉千觴醺醺醉壶天向晚春思正悠扬

前调【和洪相景伯呈景卢内翰】 辛弃疾

急管哀弦长歌慢舞连娟十样宫眉不堪红紫风雨晓稀稀惟有杨花飞絮依旧是萍满芳池

酴醾在青虬快翦插徧古铜彝 谁将春色去鸾胶难觅弦断蛛丝恨牡丹多病也费医治梦里寻春不见空肠断怎得春知休惆怅一觴一咏须刻右军碑

#### 前调【游豫章东湖再用韵】 辛弃疾

柳外寻春花边得句怪公喜气轩眉阳春白雪清唱古今稀曾是金銮旧客记凤凰独遶天池挥毫罢天颜有喜催赐尚方彝 只今江山远钧天梦觉清泪如丝算除非痛把酒疗花治明日五湖佳兴扁舟去一笑谁知溪堂好且?一醉倚杖读韩碑

#### 前调 辛弃疾

西崦斜阳东江流水物华不为人留琤然一叶天下已知秋屈指人间得意问谁是骑鹤扬州君知我从来雅兴未老已沧洲 无穷身外事百年能几一醉都休恨儿曹抵死谓我心忧况有溪山杖履阮籍辈须我来游还堪笑机心早觉海上有惊鸥

#### 前调 黄公度

一径又分三亭鼎峙小园别是清幽曲阑低檻春色四时留怪石参差卧虎长松瘦偃蹇擎虬携筇晚风来万里冷撼一天秋 优游销永昼琴尊左右宾主风流且偷闲不妨身在南州故国归帆隐隐念西崑往事悠悠都休问金钗十二满酌听轻讴

#### 前调【和催梅】 葛立方

未许蜂知难教雀啁芳丛犹是寒丛东风解冻春仗做春工何事仙葩未放寒苞秘冰麝香浓应须是惊闻羯鼓谁敢喷髯龙 梅花君自看丁香已白桃脸将红结岁寒三友久迟筠松要看含章檐下闲妆靓春睡朦胧知音是冻云影底铁面葛仙翁

#### 前调【探梅】 葛立方

狂吹鸣篱祥霁翦水分明欺压寒梅冰威初敛曦影上池台应有一番和气南枝上恐有春来须勤探呼吾筇杖屐齿上苍苔 春风浑未到裴回香迳巡遶千回见琼英一点小占条枚且看先锋鬪艳看看便繁蕾齐开香浮动微熏诗梦须更着诗催

#### 前调【赏梅】 葛立方

腊雪方凝春曦俄漏画堂小秩芳筵玉壶仙蕊帘外冪瑶烟莫话青山万树聊须对一段孤妍杯行处香参鼻观百濯未为贤 吾庐何处好绣香竹畔偶桂溪边且为渠珍重满泛金船已?春醒一枕如今且醉倒花前花飞後欢呼一笑又是说明年

前调【簪梅】 葛立方

弄月黄昏封霜清晓数枝影堕溪滨化工仙手幻出一番新片片雕酥碾玉寒苞似已泄香尘  
聊相对畸人投分尊酒认荀陈 吾年今老矣佳人薄相笑插林巾媿苍颜白发回授乌云玉镜  
台边试看相宜是浅笑轻颦君知否壽阳额上不似发边春

前调【评梅】 葛立方

一阵清香不知来处元来梅已舒英出篱含笑芳意为人倾细看高标孤韵谁家有别得花人  
应须是魏徵妩媚夷甫太鲜明 北枝方半吐水边踈影绰约娉婷问横空皎月匝地寒霰何似  
此花清絕凭君为仔细推评幽奇处素娥青女着意为横陈

前调 葛立方

扉映琉璃牕摇云母水堂新甃云湾际天波面玉镜宝匳寬闌外青山几叠瑶烟歛影落千鬟  
寒汀晚芦花飞雪风定白鸥闲 尘寰何处有方壶圆峤弱水波翻问何如藜杖此地跻攀种竹  
今逾万个风枝静日报平安他年事苍云此处千亩看栖鸾

前调【临安晚秋登临】 程垓

南月惊乌西风破鴈又是秋满平湖采莲人尽寒色战菰蒲旧信江南好景一万里轻觅蓴鲈  
谁知道吴侬未识蜀客已情孤 凭高增怅望湘云尽处都是平芜问故乡何日重见吾庐纵有  
荷芰芰制终不似菊短篱疎归情远三更雨梦依旧遶庭梧

前调【寄叶蔚宗二首】 吴儆

宿雨滋兰轻风飏柳新来随处和融幽闌曲迳花气巧相通燕子才来又语带芹泥时点芳丛  
微中酒日长睡起心事在眉峰 年年春好处联鑣荡桨拾翠按红任金貂醉脱不放杯空谁信  
风流一别当时事已逐飞鸿云山晚闌干罢倚烟寺起疎钟

前调 吴儆

水满池塘莺啼杨柳燕忙知为泥融桃花流水竹外小桥通又是一春憔悴摘残英遶徧芳丛  
长安远平芜尽处叠叠但云峰 西湖行乐处牙樯漾鷁锦帟翻红想年时桃李应已成空欲写  
相思寄与云天阔难觅征鸿空凝想时时残梦依约上阳钟

前调 袁去华

麦陇黄轻桑畴綠暗野桥新碧泱泱怕春归去莺语燕飞忙风定闲花自落穿幽径拾蕊寻香

曾来处孤云翠壁依旧挂斜阳 客愁知几许唯思径醉谁与持觞料文君衣带为我偷长苦忆  
新晴昼永闲相伴刺绣明牕何时得西风夜永枕簟共新凉

前调【促织】 张 鎰

月洗高梧露溥幽草宝钗楼外秋深土花沿翠萤火坠墙陰静听寒声断续微韵转凄咽悲沈  
争求侣殷勤劝织促破晓机心 儿时曾记得呼灯灌穴敛步随音任满身花影犹自追寻携向  
画堂试鬪亭台小笼巧装金今休说从渠牀下凉夜听孤吟

前调【欲之官永兴】 黄 机

二十年间旧游踪迹梦飞岳麓湘湾征衫再理秋老菊花天为客问君何好爱水光山色争妍  
经行处旗亭沽酒曾记屋东偏 噫其吾甚矣不惭蹇拙欲鬪婣娟办轻舆短艇强载衰颜人道  
郴阳无鴈奈情鍾藕断丝联须相忆新诗赋就时复寄吴牋

前调【改倅东阳留别】 毛 幵

世事难穷人生无定偶然蓬转萍浮为谁教我徙宦到东州还似翩翩海燕乘春至归及凉秋  
回头笑浑家数口又泛五湖舟 悠悠当此去黄童白叟莫谩相留但谿山好处深负重游珍重  
诸公送我临岐泪欲语先流应须记从今风月相忆在南楼

前调【雨中赋牡丹】 汪 莘

云遶花屏天横练带画堂三月初三斜风细雨罗幕护轻寒无数天香国色枝枝带洛浦嵩山  
烧红烛吞星浴日光射九霞冠 仙宫深几许黄莺问道紫燕窥帘似太真姊妹半醒微酣须信  
生来富贵何曾在草舍茅庵皇州近扁舟载去春色冠江南

前调【壽金黄州】 汪 莘

云梦南来岷嶓东会楼前天水苍茫黄州太守万里作金汤淮上烟尘初敛仍安集耕陇渔乡  
须知道纶巾羽扇不独数周郎 生朝遥想处雪消赤壁春动黄冈有新翻杨柳细抹丝簧竹外  
一枝更好各回首清浅池塘看看也天边凤诏归侍赭袍光

前调 吴 潜

漠漠春陰疎疎春雨鹁鸪唤起春眼小园人静独自倚秋千又见飘红堕雪芳径里都是花钿  
年年事闲愁闲闷挂在綠杨边 寻思都徧了功名竹帛富贵貂蝉但身为利锁心被名牵争似  
依山傍水数椽外二顷良田无萦绊炊粳酿秫长是好花天

前调【擘蟹】 方岳

半殼含黃雙螯擘紫風流渾是蘆花江頭秋老誰了酒生涯玉質金相如許怎消受明月寒沙  
橙香也不閑左手除是付詩家草泥行郭索橫戈曾怒張翰浮誇笑鮭魚雖好風味爭些醉嚼  
霜前雪江湖夢不枉歸槎停杯問余其負腹是腹負余耶

御選歷代詩餘卷六十

# 卷六十一

<集部,词曲类,词选之属,御选历代诗余

钦定四库全书

御选历代诗余卷六十一目录【起九十五字至九十六字】

满庭芳【下】

沈端节

方千里

杨泽民

黄昇

陈允平

张炎

石孝友【三首】

刘褒

何梦桂

李清照

僧儿

吴激

段克己

刘诜【二首】

张埜

杨樵云

蒲道源

刘基【二首】

瞿佑

吴子孝【四首】

王慎中

商辂

周用【二首】

董其昌

陈继儒

吴宗达

周世臣

陈子龙

沈麇【二首】

韩智珩

钱氏

沈宜修

陈?

前调【又一体】



无名氏

烛影摇红【又一体】

周邦彦

廖世美

赵长卿

张抡

吴亿

张鎡

赵善扛

高观国

方岳

吴文英【六首】

张炎【二首】

孙惟信

无名氏

孙氏

湘江妓

袁易

天香【又一体】

贺铸

吴文英【二首】

周密

王沂孙

李彭老

王易简

冯应瑞

唐艺孙

吕同老

无名氏

前调【又一体】

景覃【二首】

御选历代诗余卷六十一目录

钦定四库全书

御选历代诗余卷六十一【九汁五字至九十六字】

司经局洗马掌局事兼翰林院修撰加二级【臣】王奕清奉旨校刊

满庭芳【下】

满庭芳 沈端节

雾薄陰轻林深烟煖海棠特地开迟风光絶艳独自殿芳时须信东君主意花神会别有看持  
羣英外嫣然一笑富贵出天姿日长春睡足粉香扑扑酒晕微微明皇当日称许最相宜妃子  
扶来半醉宫妆澹不埽蛾眉偏怜处流莺惊绕金弹拂丛飞

前调【次周美成韵】 方千里

山色澄秋水光融日浮萍飘碎还圆数行征鴈分破白鸥烟高下回塘暗谷写幽思终日溅溅  
闲凝望残霞暝霭何处一渔船  
江南思旧隐筠轩野迳茅舍疎椽惯携壶花下敲帽风前想像渊明旧节琴中趣何必疎弦

归欤计不将五斗输与北牕眠

前调【次周美成韵】 杨泽民

春过园林雨余池沼嫩荷点点青圆昼长人静芳树欲生烟一径幽通邃竹松风漱石齿溅溅  
平生志功名未就先覓五湖船 不如归去好良田二顷茅舍三椽任高歌月下痛饮花前果解  
忘情寄意又何在频抚无弦烟波友扁舟过我相伴白鸥眠

前调 黄昇

草木生春楼台不夜团团月上云霄太平官府民物共逍遥指点江梅一笑几番负两嫩风娇  
今年好花边把酒歌舞醉元宵 风流贤太守青云志气玉树丰标是神仙班里旧日王乔出奉  
板輿行乐金莲照十里笙箫收灯後看看丹诏催入圣明朝

前调【次周美成韵】 陈允平

槐影连云竹光团露小荷新绿浮圆簟纹如浪绡帐碧笼烟回合溪桥一曲初雨过流水溅溅  
阑干外沙鸥野鸟飞过钓鱼船 浮生同幻境眼空四海蹟寄三椽但随天休问我後谁前要识  
渊明琴趣真真意都在无弦薰风里纶巾羽扇一枕北牕眠

前调【小春】 张炎

晴皎霜花晓熔冰羽开帘觉道寒轻卧闻啼鸟生意又园林闲了凄凉赋笔便而今不听秋声  
消凝处一枝借煖终是未多情 阳和能几许寻红探粉也恁忺人笑邻娃痴小料理花铃却怕  
惊回睡蝶恐和他草梦都醒还知否能消几日风雪灞桥深

前调【次范倅忆洛阳梅】 石孝友

兰畹霜浓柳溪冰咽春光先到江梅瘦枝疎萼特地破寒开勾引天涯旧恨双眉鎖九曲肠回  
空销黯故园何在风月浸长淮 当年吟赏处醉仙颠倒飞屑成堆怎奈向而今雨误云乖万里  
难凭驿使那堪对别馆离杯谁知道洛阳诗老还有梦魂来

前调 石孝友

瘦颊凝酥残妆弄酒相逢一笑东风并肩携手差落可怜红疑是回心院里埋醉首吐作芳丛

无端处雄蜂雌蝶相美两情通 一从攀折後汉皋佩失铜雀春空想桃叶桃根此恨能同多谢  
金銮旧客收拾在芸阁签中还知否窃香傅粉输与蠹书虫

前调【寄别】 石孝友

修竹按蓝梅山耸翠小小佳处西安从来闻说今日远来看便好求田问舍耳溪涧目饱林峦  
争知道尘缘未了无计与盘桓 小蛮应念处弦孤么凤镜掩离鸾愁再见多情素日闲闲早晚  
扁舟两桨惊翠枕云巘风湍从前去殷勤细数细数万重滩

前调 刘 褒

柳裊金丝梨铺香雪一年春事方中烛前乍见花艳觉羞红枕臂香痕未落舟横?作计匆匆明  
朝去暮天平水双桨碧云东 隔篱歌一阕琵琶声断燕子楼空叹阳台梦杳行雨无踪後会芙  
蕖未老从今去日望归鸿愁如织断肠啼鴂多事诉春风

前调 何梦桂

燕子芹乾龙孙箨老绿陰深鎖林塘午风庭院人试薄罗裳数尽落红飞絮摘青梅煮酒初尝  
重门静一帘疎雨消尽水沉香 把当年团扇恩情犹在未是相忘笑山翁鬢髮早已苍苍说与  
乘鸾彩女看世间多少炎凉更休怨百年一梦且共醉霞觴

前调【残梅 宋媛】 李清照

小阁藏春闲牕鎖昼画堂无限深幽篆香烧尽日影下帘鉤手种江梅渐好又何必临水登楼  
无人到寂寥恰似何逊在扬州 从来知韵胜难禁雨藉不耐风揉更谁家横笛吹动浓愁莫恨  
香消玉减须信道埽迹情留难言处良宵澹月疎影尚风流

前调【宋妓】 僧 儿

团菊包金丛兰减翠画成秋暮风烟使君归去千里倍潜然两度朱旛鴈水全胜得陶侃当年  
如何见一时盛事都在送行篇 愁烦梳洗嬾寻思陪宴花月湖边有多少风流往事萦牵闻道  
霓旌羽驾看看是玉局神仙应相许冲云披雾一到洞中天

前调 吴 激

谁挽银河青冥都洗故教独步苍蟾露华仙掌清泪向人沾画栋秋风嫋嫋飘桂子时入疎帘  
冰壶里云衣雾鬢掬水弄春纤 厌厌成胜赏银盘拨汞宝监披匳待不放楸梧影转西檐坐上  
淋漓醉墨人人看老子掀髯明年会清光未减白发也休添

前调【山居偶成】 段克己

归去来兮吾家何在结茅水际林边自无人到门设不须关蛩触攻争蜗角荣枯事不到尊前  
应堪叹清溪流水东去几时还 此身何处着纵教容与鱼鴈之间算躬耕陇亩在我无难便把  
锄头为枕眠芳草醉梦长安烟波客新来有约要买钓鱼竿

前调【新萍二首】 刘 诜

碧唾成花翠玳浮雾水边裙影知谁半沟未合脂水过生肥小扇迎风试拂翩翩去还复差池  
凭阑处怕伊贪见见了却忘归 桥西青不住乳鸳行破一瞬沦漪看踈如有恨密似相依元是  
情根种得更千古欲尽何时重相约章台春腻还上最高枝

前调 刘 诜

宫鸟西飞杨花北去春风飘向伊谁盈盈小小轻薄不堪肥天付风流到骨消不尽流落清池  
谁知道踏歌朝暮痴绝待渠归 恹恹春似酒日痕生绀裙色明漪笑东家西沼到处依依同是  
东风种得独无据飘泊年时青梅落水光帘影小翠立横枝

前调【夏日饮王氏园亭】 张 埜

珠箔含风琐窗凝雾柳溪别是仙乡一枝绝艳嫋嫋动波光消尽人间烦暑冰纨腻玉骨生凉  
肠应断清商一曲余韵惹蕖香 幽情还解否冰莲心合碧藕丝长要满斟芳醕亲举荷香耳畔  
向人微道便为侬一醉何妨归来晚新愁几许山雨夜浪浪

前调【影】 杨樵云

只道空烟又疑流水依依却似行云了然相对又似梦纷纭半面春风图画黄金在难铸昭君  
溪桥断梅花晴雪端的白三分 真真难唤醒三年抽藕织得榴裙甚徘徊窥镜交翼鸾文一片  
飞花来去并刀快翦取晴纹无情处分明着眼强半满春醺

前调 蒲道源

长忆当年读书窗下岁寒留看孤芳巡檐索笑重到更旁徨梅隐先生何在清江外新构茅堂  
人应道攀枝顛蕊那得救饥肠 多情余习气芒屨竹杖未忍相忘但年年依旧踈影幽香好是  
春风近也犹记得吟遶昏黄开尊饮参横斗转同醉卧花傍

前调【壽石末公】 刘 基

岳气鍾嵩星精降昴五云光映麟书绿明红媚风暖日长初金翻斜开洞府羣仙拥翠佩琼裾

收拾尽乾坤清淑为瑞在扶舆 文韬兼武略南阳诸葛东海穰苴有貔虎龙蛇深护储胥制胜不妨谈笑莺声里旗影徐徐行看取非熊应兆沙路辗高车

前调【清明】 刘基

积雨沉春昏烟酣昼不知还又清明榆钱柳絮相逐鬬轻盈芳径莓苔渐满青苹与白芷俱生踈篱畔海棠间竹有个鹁鸪鸣 宽心应是酒酒冲愁阵强似奇兵爱星星白发知我平生底用登楼看镜误身世只是虚名空凝伫落花如雪云雾鎖高城

前调【西湖秋泛】 瞿佑

露苇催黄烟蒲驻绿水光山色相连红衣落尽辜负采莲船点检六桥杨柳但几个抱叶残蝉秋容晚云寒鴈背风冷鹭鸶肩 华筵容易散愁添酒量病减诗颠况情怀冷澹渐入中年埽退舞裙歌扇尽付与一枕高眠清闲好脱巾露发仰面看青天

前调【望月东楼】 吴子孝

午酒才醒寒蟾乍皎有情偏照高楼霜飞琼砌倚檻纵吟眸碧宇莹然玉映金波溢千里云收神潇洒桂孤兔冷相对旧貂裘 清虚新境界冰壶银海身在瀛洲夜渐深忽闻鹤唳林丘空自凝情远忆江湖上谁抱闲愁试翘首郁蓝宫阙拂袖驭风游

前调 吴子孝

綠沼波平朱阑雨歇清冰绕座无炎昼长人静香鸭烬频添金盃藕丝初雪人如玉素手纤纤怕花前流莺窥见垂下水晶帘 碧梧陰乍转黄庭写罢犀管休拈荷珠散薰风渐入危檐堪爱满堂凉甚无一事睡思方甜皎绡薄琉璃簟冷惊起看新蟾

前调【春日游支硎天池诸山】 吴子孝

宿雨平沙轻风野渡堪怜绿满汀洲支硎山畔碧柳映朱楼水上花枝如锦飞红碎散逐轻鸥晴云暖鼓箛弦管来往漾兰舟 一年春最好家家园圃处处歌讴向曲巘深谷鸟语清柔輿外青山窈窕天池净林石偏幽旁人笑谪仙老矣犹似旧风流

前调 吴子孝

松暗隆池花飞谢巘南峰十里逶迤溪流曲曲清莹映须眉陡暖单衣初试斜阳外细雨离离深林过又跻高岭云堕竹桥危 遨游终日醉一春好景山寺江湄喜青梅满坞紫笋盈篱扑面杨花不断刚复见燕子差池请君看麟袍纒玉何似老无羈

前调【小院芙蓉】 王慎中

啼鴂新声羣芳乍歇有谁独殿秋容娟娟靚好一种木芙蓉色濯瑶华发秀金风劲真态偏浓  
柴门闭萧闲寂寞幽意对芳丛 纷纷池馆地遮蹊倚径笑日披风醉心与睡眠触污仙丰幸是  
幽人传得托根喜在此庭中多情处酬将丽藻不在倒金钟

前调【花朝】 商 辂

鹤径寒烟燕巢华露小牕夜雨新晴竹栏苔砌寂寂点芳春屈指春光已半徒翘首千里关城  
云横处蛩笙戍角隐隐杂啼莺 放衙人乍散琴抛案牍酒载郊垌身世风前絮更欲何凭十载  
邯鄲古道枕中事暗里魂惊车茵软尽容酩酊杜宇任多情

前调 周用

嘉树含风疎帘映雨端阳景物依然故园何处云白五湖边记得旧年今日三江上万玉亭前  
人晏起翠蒲绿醕旗鼓竞龙船 今年逢此日孤篷四海翘首钧天正西郊卜雨东鲁移泉为问  
九农德业从吴楚直抵齐燕烦太史一篇周颂再纪屡丰年

前调【寿言之弟】 周用

日丽瑶京风和锦里平安两字频传别来明月三十六回圆恰是禁烟时候清溪上华萼堂前  
香雾醒绯桃翠柳妆点艳阳天 年年逢此日轻罗初试佳句新编有儿孙黄卷家世青毡待纪  
熙朝盛事耆英会满座名贤且相约百三十岁再数甲辰年

前调 董其昌

宿雨初收晓烟未泮散云都逐飞龙文君翠黛一霎变顰容多少风鬟雾鬓青螺髻飘堕空蒙  
频骋望征帆灭处远靄与俱穷 古今来画手谁如庄叟笔底描风有江南一派北苑南宫我亦  
烟霞骨相闲点染蒙懂难工但记取维摩诘语山色有无中

前调【邨庄】 陈继儒

五鹿山边晋文投块至今漳水依然使君住此花木已多年妆点亭台桥道长消受夜月秋烟  
庄前後赤城绿野塲圃又鈎连 斜阳新雨外苹青菱熟鹭醉鸥眠忽邨墟牧唱野外钟传一片  
风光似画界不定江北江南相随去笔牀茶竈同上钓鱼船

前调 吴宗达

蕉长青笺笋抽斑管闷怀欲写无多天公听啓可否竟如何小构数椽茆屋须傍取千顷澄波

扁舟系酒筒茶竈随意泊烟萝 心知三两客朝朝暮暮百遍相过且醉醒任量雅谑狂歌风雨不妨闭户凭栏处嫩蕊柔柯沉吟久才情标格千载忆东坡

前调【寒食】 周世臣

燕子衔泥子规啼血垂杨隔?烟晴晓风狂舞吹徧杏花零乍暖乍寒时节芳堤上踏草寻青秦楼内珠帘半卷鴈柱两三声 闭门看骤雨金鞭玉勒未过旗亭正篱屏织锦春水盈盈问道今朝寒食桐陰下无数飞英行人望天涯路杳何处是归程

前调【和少游送别】 陈子龙

紫燕翻风青梅带雨共寻芳草啼痕明知此会不得久殷勤约略别离时候绿杨外多少销魂才提起泪盈红袖未说两三分 纷纷从去後瘦消玉镜宽损罗裙念飘零何处烟水相闻欲梦故人憔悴依稀只隔楚山云无过是怨花伤柳一样怕黄昏

前调【岁暮过西村王叔远】 沈麇

岁暮偷闲残冬访道隔溪扶过危桥痴情嬾骨傲俗自逍遥邨北邨南景况完乡社邻父招邀真闲甚开门汲水浅灌美人蕉 客来山犬吠不通名姓直入书巢笑吟吟握手木榻相劳绿净幽光牕几知交者野牧渔樵无今古清谈一席尔我共萧骚

前调【落花】 沈麇

春老园林雨余庭院偏惹蝶骇莺猜 蔫红皱白狼藉满苍苔正是愁肠欲断珠箔外点点飘来分明似身轻飞燕扶下碧云台 当初珍重意金钱竞买玉砌新栽更翠屏遮护叠鼓催开谁道天机绣锦都化作紫陌尘埃纱牕里有人怜惜无语托香腮

前调【秋怀明媛】 韩智玕

劲苇传霜残荷貌雨白云随处安排文心兵气入梦總成灰玉翦翻风燕子还消得几徧徘徊空惆怅五陵狂客残病带秋来 风篁如碎铁山娇树绮池绚霞裁更北牕深处蕉影容堆丛桂愁关异代谁招隐花落花开孤吟罢一双藕履常遶碧阑回

前调【明媛】 钱氏

古树陰浓新篁翠浅乍陰过雨俄晴方塘对?留得小红英消受茶芽蕨笋髣几净云母轻明薰风至钓丝摇曳无处立蜻蜓 喜灌园君志辟纁吾职两意相并把当前小景直拟蓬瀛怎便芳尘尽谢长无事心境双清家园好藕花如锦波面想盈盈



前调【七夕明媛】沈宜修

玉树香浮金波彩泛细风轻送云行桥边乌鹊千古说多情何事欢娱易散空怅望玉镜银屏  
堪怜处年年芳草青黛鎖秋横盈盈增怅望更更漏点处处鸡声看疎星渐晓珠露飞英肠断  
蛟绡帔上休回首枉自魂惊还须问长河渺渺流向几时平

前调【明媛】陈?

湛碧池塘空青户院清霜又已深秋遶篱香韵黄菊伴人幽怪是重阳佳节凭阑处吹帽风稠  
思前古渊明此际淡漠几曾愁江山无异感悲深语涩志壮身柔惟图书经卷夙社新修忆昔  
云鬟藕服菱镜里未展眉头时暮矣数声哀鴈叶落满沙洲

前调【又一体】无名氏

风急霜浓天低云澹过来孤鴈声切鴈儿且住略听自家说你为离羣到此我共个人人才别  
松江?黄芦丛里天更待飞雪声声肠欲断和我也点点珠成血这一江流水流也呜咽告你  
高飞远举前程事永无磨折休烦恼飘零散聚终有见时节

烛影摇红

【又一体双调九十六字一名玉珥度金环】

烛影摇红 周邦彦

香脸轻匀黛眉巧画宫妆浅风流天付与精神全在娇波转早是萦心可惯更那堪频频顾盼  
几回得见见了还休争如不见 烛影摇红夜阑饮散春宵短当时谁解唱阳关离恨天涯远无  
奈云收雨散凭栏干东风泪眼海棠开后燕子来时黄昏庭院

前调【安陆浮云楼】廖世美

霭霭春空画楼森耸陵云渚紫薇登览最关情絶妙夸能赋惆怅相思迟暮记当日朱阑共语  
塞鸿难问?柳何穷别愁纷絮 催促年光旧来流水知何处断肠何必更残阳极目伤平楚晚  
霁波声带雨悄无人舟横野渡数峰江上芳草天涯参差烟树

前调【深春】赵长卿

梅雪飘香杏花开艳燃春昼铜驼烟澹晓风轻摇曳青青柳海燕归来未久向雕梁初成对偶  
日长人困緑水池塘清明时候 帘幙低垂麝煤烟喷黄金兽天涯人去杳无凭不念东阳瘦眉  
上新愁压旧要消遣除非殢酒酒醒人静月满南楼相思还又

前调【上元有怀】 张抡

双阙中天凤楼十二春寒浅去年元夜奉宸游曾侍瑶池宴玉殿珠帘昼卷拥羣仙蓬壶阆苑  
五云深处万烛光中揭天丝管 驰隙流年恍如一瞬星霜换今宵谁伴泣青衫回首长安远可  
是尘缘未断漫惆怅华胥梦短满怀幽恨数点寒灯几声归鴈

前调【元夕】 吴亿

楼雪初消丽谯吹罢芦笳晚使君千炬起班春歌吹香风暖十里珠帘尽卷人正在蓬壶阆苑  
卖薪买酒立马传觴昇平重见 谁识鳌头去年曾侍传柑宴至今衣袖带天香行处氤氲满已  
是春宵苦短更莫遣欢游意嬾细听归路璧月光中玉箫声远

前调【灯夕玉照堂梅花正开】 张鎡

宿雨初乾舞梢烟瘦金丝袅嫩云扶日做新晴旧碧寻芳草幽径兰芽尚小怪今年春归太早  
柳塘花院万朵红莲一宵开了 梅雪翻空忍教空对东风老粉团香障拥诗仙战退春寒峭现  
乐歌弹闹晓宴亲宾团栾同笑醉归时候月过珠楼参横蓬岛

前调【盱江有怀】 赵善扛

桃李墙头向人却似他年意舞丝千丈扬晴光骀荡春无际花气薰然自醉傍垂杨行行缓辔  
倦游无奈回首云山归期犹未 玉鎖楼空鸟啼花外东风起少年恩怨付波流临望朱阑倚冉  
冉尘生客袂对尊前高情暂寄洞天一笑仙驭乘空姑峰凝翠

前调 高观国

别浦潮平远邨帆落烟江冷征鸿相唤着行飞不耐霜风紧雪意垂垂未定正惨惨云横踈影  
酒醒情绪日晚登临凄凉谁问 行乐京华软红不断香尘喷试将心事卜归期终是无凭准寥  
落年华将尽误玉人高楼凝恨第一休负西子湖边江梅春信

前调【立春日東高内翰】 方岳

輦路融晴宫云逗晓青旗报梅边香沁彩仗寒初信花风到笑语谁家帘幙镂冰丝红纷绿闹  
髻横玉燕鬟颤琼幡不知能掉 看见春来麴尘微涨催兰櫂娇黄拂掠上柔条等得莺眠觉引  
出千花万草喜搀先椒盘竹爆问谁天上瑶帖初供玉堂归爆

前调【壽嗣荣王】 吴文英

天桂飞香御花簇座千秋宴笑从王母摘仙桃琼醴双金盞掌上龙珠照眼映罗图星晖海烂

浮槎远到水浅蓬莱秋明河汉 宝月将弦晚钩斜挂西帘卷未须十日便中秋争看清光满净  
洗红尘障面贺朝霖催班正殿喜回天上紫府开筵瑶池宣劝

前调【赋得清县圃古红梅】 吴文英

莓锁虹梁稽山祠下当时见横斜无分照溪光蛛网空凝徧姑射青春对面驾飞虬罗浮路远  
千年春在新月苔池黄昏山馆 花满河阳为君羞褪晨妆倩云根直下是银河客老秋槎变雨  
外红铅洗断又晴霞惊飞暮管倚阑只怕弄水鳞生乘东风便

前调【元宵微雨】 吴文英

碧澹山姿暮寒愁沁歌眉浅障泥南陌润轻酥灯火深深院入夜笙歌渐暖彩旗翻宜男舞徧  
恣游不怕素韞尘生行裙红溅 银烛笼纱翠屏不照残梅怨洗妆清靥湿春风宜带啼痕看楚  
梦留情未散素蛾愁天长信远晓牕移枕酒困香残春阴帘卷

前调【越上霖雨应祷】 吴文英

秋入灯花夜深檐影琵琶语越娥青镜洗红埃山鬪秦眉妩相间金茸翠亩认城阴春耕旧处  
晚春相应新稻炊香踈烟林莽 清磬风前海沉宿袅芙蓉炷阿香秋梦起娇啼玉女传幽素人  
驾海槎未渡试梧桐聊分宴俎采菱别调留取蓬莱霎时云住

前调 吴文英

飞盖西园晚秋恰胜春天气霜花开尽锦屏空红叶新装缀时放清杯泛水暗凄凉东风旧事  
夜吟不就松影阑干月笼寒翠 莫唱阳关但凭彩袖歌千岁秋星入梦隔明朝十载吴宫会一  
棹回潮渡苇正西牕灯花报喜柳蛮樱素试酒争怜不教不醉

前调【荷塘生日留京赋以寄意】 吴文英

西子西湖赋情会载鸱夷棹断桥直去是孤山应为梅花到几度吟昏醉晓背东风偷闲鬪草  
乱鸦啼後解佩归来春怀多少 千里婵娟茂陵今夜同清照樱脂茸唾听吟诗争似还家好昵  
昵西牕语笑风云深琼箫缥缈愿春如旧柳带同心花枝压帽

前调 张炎

舟横鸥波访邻寻里愁都散老来犹是柳风流先露看花眼闲把花枝细拣笑盈盈和香待翦  
也应回首紫曲门荒当年游惯 箫鼓黄昏动人心处情无限锦街不甚月明多早已骄尘满才  
过风柔夜暖渐迤逦芳程递?向西湖去那里人家依然莺燕

前调【隔窗闻歌】 张炎

园苑深沉趁香随粉都行偏隔窗花气暖扶春只许莺莺占烛焰晴烘醉脸想东邻偷窥笑眼  
欲寻无处暗拍新声银屏斜掩一片云闲那知顾曲周郎怨看花犹自未分明毕竟何时见已  
信仙缘较浅漫凝思风帘倒卷出门一笑月落江横数峰天远

前调【牡丹】 孙惟信

一朵鞦红宝釵压髻东风溜年时也是牡丹时相见花边酒初试夹纱半袖与花枝盈盈鬪秀  
对花临景为景牵情因花感旧题叶无凭曲沟流水空回首梦云不到小山屏真个欢难偶别  
後知他安否软红街清明还又絮飞春尽天远书沉日长人瘦

前调 无名氏

点点飞香见梅知道春心透怕寒不卷玉楼帘羞与花同瘦手捻青枝频顛悄冷落蔷薇金斗  
翻惊绿鬓不似芳姿年年依旧才破凝酥满园桃李看看又江南幽梦了无痕啼晕残襟袖鸳  
被有谁温绣怎敢更十分殢酒伴君独自几个黄昏月明时候

前调【宋媛】 孙氏

乳燕穿帘乱莺啼树清明近隔帘时度柳花飞犹觉寒成阵长记眉峰偷隐脸桃红犹藏酒晕  
背人微笑半鞦鸾钗轻笼蝉鬓别久啼多眼应不似当时俊满园珠翠逗春娇没个他风韵若  
见宾鸿试问待相将彩笺寄恨几时得见鬪草归来双鸳微润

前调【侑舒信道】 湘江妓

绿净湖光浅寒先到芙蓉岛谢池幽梦属才郎几度生春草尘世多情易老更那堪秋风嫋嫋  
晚来羞对香芷汀洲枯荷池沼恨鎖横波远山浅黛无心埽湘江人去叹无依此意从谁表喜  
趁良宵月皎况难逢人间两好莫辞沉醉醉入屏山吴歌天晓

前调 袁易

日日春陰瑞香亭畔寒成阵风鞦频误踏青期寂寞墙陰冷翠被堆牀未整睡初酣风篴唤醒  
几多心绪鵲语难凭灯花无准得酒浇愁旧愁不去添新病吴绫题满断肠词歌罢何人听宝  
篆香消昼永裊余烟萧萧鬓影出门长啸白露双飞清江千顷

天香

【又一体双调九十六字】

## 天香 贺铸

烟络横林山沉远照迢迢黄昏钟鼓烛映帘栊蛩催机杼共惹清秋风露不眠思妇齐应和几声砧杵惊动天涯倦客駸駸岁华行暮当年酒狂自负谓东君以春相付流浪征骖北道客槎南浦幽恨无人晤语赖明月曾知旧游处好伴云来还将梦去

## 前调 吴文英

蝉叶黏霜蝇苞缀冻生香远带风峭岭上寒多溪头月冷北枝瘦南枝小玉奴有姊先占立墙阴春早初试宫黄澹薄偷分寿阳纤巧银烛泪深未晓酒锺慳贮愁多少记得短亭归马暮衙蜂闹豆?钗梁恨袅但怅望天涯岁华老远信难封吴云鴈杳

## 前调【龙涎香】 吴文英

珠络玲珑罗囊闲鬪酥怀暖麝相倚百和花须十分风韵半袭凤箱重绮茜帷四角慵未结流苏春睡熏度红薇院落烟销画屏沉水温泉绦绡乍试露华侵透肌兰泚漫省浅溪月夜暗浮花气荀令如今老矣但未识韩郎旧风味远寄相思余熏梦里

## 前调【龙涎香】 周密

碧脑浮冰红薇染露骊宫玉唾谁捣麝月双心凤云百和宝钏佩环争巧浓熏浅炷疑醉度千花春晓金饼着衣余润银叶透帘微袅素被琼篝夜悄酒初醒翠屏深窈一缕旧情空趁断烟飞绕罗袖余馨渐少怅朱阁凄凉梦难到谁念韩郎清愁渐老

## 前调【龙涎香】 王沂孙

孤峤蟠烟层涛蜕月骊宫夜采铅水讯远槎风梦深薇露化作断魂心字红蕖候火还乍识冰环玉指一缕紫帘翠影依稀海天云气几回嬾娇半醉翦春灯夜寒花碎更好故溪飞雪小牕深闭荀令如今顚顚總忘却尊前旧风味漫惜余熏空篝素被

## 前调【龙涎香】 李彭老

捣麝成尘熏薇注露风酣百和花气品重云头叶翻蕉样共说内家新制波浮海沫谁唤觉鲛人春睡清润俱饶片脑芬馥半是沉水相逢酒边雨外火初温翠炉烟细不似宝珠金缕领巾红坠荀令如今顚顚消未尽当时爱香意烬煖灯寒秋声素被

## 前调【龙涎香】 王易简

烟峤收痕云沙拥沫孤槎万里春聚?杵冰尘水研花片带得海山风露纤痕透晓银镂小初浮

一缕重翦纱牕暗烛深垂绣帘微雨 余馨恼人最苦染罗衣少年情绪谩省佩珠曾解蕙羞兰妒好是芳钿翠妩恨素被浓熏梦无据待翦秋云殷勤寄与

前调【龙涎香】 冯应瑞

枯石流痕残沙拥沫骊宫夜蛰惊起海市收时鲛人分处误入衆芳丛里春霖未就都化作凄凉云气惟有清寒一点消磨小牕残醉 当年翠篝素被拂余熏倦怀如水漫惜舞红犹在为谁重试几片金昏字古向故篋聊将伴憔悴断续风流柔情缕缕

前调【龙涎香】 唐艺孙

螺甲磨星犀枝杵月蕤英嫩压拖水海蜃楼高仙娥钿小缥缈结成心字麝煤候暖载一朵轻云不起银叶初生薄晕金猊旋翻纤指 芳林恼人渐醉碾微馨凤团闲试满架舞红都换嬾收珠佩几片菱花镜里更摘索双环伴秋睡早是新凉重熏翠被

前调【龙涎香】 吕同老

冰片熔肌水沉换骨蜿蜒梦断瀛岛翦碎腥云杵匀枯沫妙手制成翻巧金篝候火无似有微熏初好帘影垂风不动屏深护春宜小 残梅舞红褪了佩珠寒满怀清峭几度酒余重省旧愁多少荀令风流未减怎奈向飘零赋情老待寄相思仙山路杳

前调【龙涎香】 无名氏

瀛峤浮烟沧波挂月潜虬睡起清晓万里槎程一番花信付与露薇冰脑纤云渐暖凝翠席氤氲不了银叶重调火活珠帘自垂风悄 螺屏酒醒梦好绣罗帏依旧痕少几度试拈心字暗惊芳抱隐约仙洲路杳谩佩影玲珑护娇小素手金篝春情未老

前调【又一体】 景覃

市远人稀林深犬吠山连水邨幽寂田里安闲东邻西舍准拟醉时欢适社祈雩祷有箫鼓喧天吹击宿雨新晴陇头闲看露桑风麦 无端晴亭暮驿恨连年此时行役何似临流萧散缓衣轻帻炊黍烹鸡自劳有脆绿甘红荐芳液梦里春泉糟牀夜滴

前调 景覃

百岁中分流年过半尘劳系人无尽桑柘周围营茅低架且喜水亲山近倦飞高鸟算也有闲枝栖稳纸帐紬衾日高睡起嬾梳蓬鬓 闲堦土花碧润缓芒屨恐伤蜗蚓倒掩衡门空解草玄谁信俗驾轻云易散赖独有蓬峰破孤闷世事悠悠从教莫问

御选历代诗余卷六十一

## 卷六十二

<集部,词曲类,词选之属,御选历代诗余

钦定四库全书

御选历代诗余卷六十二目錄【起九十六字至九十七字】

汉宫春【又一体】

张先

前调【又一体】

晁冲之

周紫芝【二首】

李邴

辛弃疾【六首】

京镗

陆游【二首】

刘镇

史达祖

方岳

吴文英【二首】

前调【又一体】

康与之



雨中花【又一体】

京镗

前调【又一体】

无名氏

声声慢【又一体】

元好问

早梅香

无名氏

望云间

赵可

醉蓬莱【又一体】

卢炳

前调【又一体】

王沂孙

双双燕

吴文英

凤凰台上忆吹箫【又一体】

晁补之

前调【又一体】

吴元可

前调【又一体】

沈懋德

劒气近

袁去华

步月【又一体】

史達祖

帝台春【又一体】

李甲

熙州慢

张先

黄莺儿

柳永

晁补之

王诜

粉蝶儿慢

周邦彦

采明珠

杜安世

倦寻芳

王雱

阳台路

柳永

水调歌头【又一体】

何梦桂

塞垣春

周邦彦

方千里

陈允平

八声甘州【又一体】

柳永

苏轼

晁补之【二首】

向子諲

叶梦得【二首】

朱雍

张鎰

辛弃疾【二首】

程垓

汪莘

赵希迈

吴文英【二首】

周密【二首】

张炎【六首】

赵文

张翥

张埜

陆绎麟

御选历代诗余卷六十二目錄

钦定四库全书

御选历代诗余卷六十二【起九十六字至九十七字】

司经局洗马掌局事兼翰林院修撰加二级【臣】王奕清奉旨校刊

汉宫春

【又一体双调九十六字一名庆千秋首句与换头叶韵与否无定格也】

汉宫春【蜡梅】 张先

红粉苔墙透新春消息梅蕊先芳奇葩异卉汉家宫额涂黄何人鬪巧运紫檀翦出蜂房应爲  
是中央正色东君别与清香 仙姿自称霓裳更孤标俊格霏雪凌霜黄昏院落爲谁密解罗囊  
银瓶注水浸数枝小阁幽牕春睡起纤条在手厌厌宿酒残妆

前调【又一体】 晁冲之

黯黯离怀向东门系马南浦移舟薰风乱飞燕子时下轻鸥无情渭水问谁教日日东流常是  
送行人去後烟波一晌离愁 回首旧游如梦记踏青殢饮拾翠狂游

无端彩云易散覆水难收风流未老?千金重入扬州应又似当年载酒依前名占青楼

前调 周紫芝

秋意还深渐银牀露冷梧叶风高婵娟也应爲我羞照霜毛流年老尽漫银蟾冷浸香醪须尽  
把平生怨感一时分付离骚 伤心故人千里问陰晴何处还记今宵楼高共谁同看玉桂烟梢  
南枝鹊绕叹此生飘转江皋须更约他年清照爲人常到寒霄

前调【题山谷反魂梅香】 周紫芝

香满箱簌看沈犀弄水浓麝含薰荀郎一时旧事尽属王孙残膏賸馥须倾囊乞与兰荪金兽  
暖云牕雾阁爲人洗尽余醺 依稀雪梅风味似孤山尽处马上烟邨从来甲煎浅俗那忍重闻  
苏台燕寝下重帏深闭孤云都占得横斜乱影伴他月下黄昏

前调 李邕

潇洒江梅向竹梢疎处横两三枝东风也不爱惜雪压霜欺无情燕子怕春寒轻失花期惟是  
有南来塞鴈年年长见开时 清浅小谿如练问玉堂何似茅舍疎篱伤心故人去後冷落新诗  
微云澹月对孤芳分付伊谁空自倚清香未减风流不在人知

前调【立春】 辛弃疾

春已归来看美人头上袅袅春幡无端风雨未肯收尽余寒年时燕子料今宵梦到西园浑未  
办黄柑荐酒更传青韭堆盘 却笑东风从此便熏梅染柳更没些闲闲时又来镜里转变朱颜  
清愁不断问何人会解连环生怕见花开花落朝来塞鴈先还

前调【即事】 辛弃疾

行李谿头有钓车茶具曲几团蒲儿童认得前度过者篮輿时时照影甚此身徧满江湖怅野  
老行歌不住定堪与语难呼 一自东篱摇落问渊明岁晚心赏何如梅花政自不恶曾有诗无  
知翁止酒待重教莲社人沽空怅望风流已矣江山特地愁余

前调【会稽蓬莱阁】 辛弃疾

秦望山头看乱云急雨倒立江湖不知云者爲雨雨者云乎长空万里被西风变灭须臾回首  
听月明天籁人间万窍号呼 谁向若邪溪上倩美人西去麋鹿姑苏至今故国人望一舸归欤  
岁云暮矣问何不鼓瑟吹竽君不见王亭谢馆冷烟寒树啼乌

前调【会稽秋风亭】 辛弃疾

亭上秋风记去年嫋嫋曾到吾庐山河举目虽异风景非殊功成者去觉团扇便与人疎吹不

断斜阳依旧茫茫禹迹都无 千古茂林犹在甚风流章句解拟相如只今木落江冷渺渺愁余  
故人书报莫因循忘却蓴鲈谁念我新凉灯火一编太史公书

前调【荅李兼善提举和章】 辛弃疾

心似孤僧更茂林修竹山上精庐维摩定自非病谁遣文殊白头自惜叹相逢语密情疎倾盖  
处论心一语只今还有公无 最喜阳春妙句被西风吹堕金玉铿如夜来归梦江上父老欢余  
荻花深处唤儿童吹火烹鲈归去也絶交何必更修山巨源书

前调【荅吴子似总干和章】 辛弃疾

达则青云便玉堂金马穷则茅庐逍遥小大自适鹏鷃何殊君如星斗灿中天密密疎疎荒草  
外自怜萤火清光暂有还无 千古季鹰犹在向松江道我问讯何如白头爱山不去翁定嗔余  
人生谩尔岂食鱼必脍之鲈还自笑君诗频觉胸中万卷藏书

前调【上元前一日立春】 京 镗

暖律初回又烧灯市井卖酒楼台谁将星移万点月满千街轻车细马隘通衢蹴起尘埃今岁  
好土牛作伴挽留春色同来 不是天公省事要一时壮观特地安排何妨彩楼鼓吹绮席尊罍  
良宵胜景语邦人莫惜徘徊休教我痴顽不去年年烂醉金钗

前调【张园赏海棠】 陆 游

浪迹人间喜闻猿楚峡学劒秦川虚舟泛然不系万里江天朱顔緑鬓作红尘无事神仙何妨  
在莺花酒里行歌闲送流年 休笑放慵狂眼看闲坊深院多少婣娟燕宫海棠夜宴花覆金船  
如椽画烛酒阑时百炬吹烟凭寄语京华旧侣幅巾莫换貂蝉

前调【自南郑来成都作】 陆 游

羽箭雕弓忆呼鹰古垒截虎平川吹笳暮归野帐雪压青毡淋漓醉墨看龙蛇飞落蛮牋人误  
许诗情将略一时才气超然 何事又作南来看重阳药市元夕灯山花时万人乐处敲帽垂鞭  
闻歌感旧尚时时流涕尊前君记取封侯事在功名不信由天

前调【郑贺守席上怀旧】 刘 镇

日软风柔望暖江连岛晴緑平川寻芳拾蕊胜伴陌上鲜妍玉驄归路记青门曾堕吟鞭人去  
後庭花弄影一帘香月娟娟 追念旧游何在叹佳期虚度锦瑟华年博山夜来烬冷谁换沉烟  
屏帟半掩奈梦云不到愁边春易老相思无据闲情分付鱼牋

前调【代友寄情】 史达祖

花隔东垣咏燕台秀句结带谋欢匆匆旧盟有限飞梦重关南塘夜月照湘琴别鹤孤鸾天便遣清愁易长春衣常恁香寒唐昌故宫何许顿翦霞裁雾摆落尘缘一声步虚婉婉云驻天坛凄凉故里想香车不到人间羞再见东阳带眼教人依旧思凡

前调【探梅】 方岳

问讯何郎怎春风未到却月横枝当年东阁诗兴天岂吾欺云寒岁晚便相逢已负深期须说与秋崖归也留香更待何时家住江南烟雨想疎花开徧野竹笆篱遥怜水边石上煞欠渠诗月台雪瓮肯相从舍我其谁应自叹生来孤峭此心却有天知

前调【牡丹】 吴文英

花姥来时带天香国艳羞掩名姝日长半娇半困宿酒微苏沉香槛北比人间风异烟殊春恨重盘云坠髻碧花翻唾琼盃洛苑旧移仙谱向吴娃深馆曾奉欢娱猩唇露红未洗客鬓霜铺兰池沁壁过西园重载双壶休漫道花扶人醉醉花却要人扶

前调【壽梅津】 吴文英

名压年芳倚竹根新影独照清漪千年禹梁薜碧重发南枝冰凝素质遣凡桃羞濯尘姿寒正峭东风似海香浮夜雪春霏练鹊锦袍仙使有青娥传梦月转参移逋山傍鷺系马玉翦新辞宫妆镜里笑人间花讯都迟春未了红盐荐鼎江南烟雨黄时

前调【又一体 慈寧殿元夕】 康与之

云海沉沉峭寒收建章雪残鵷鹊华灯照夜万井禁城行乐春随鬓影映参差柳丝梅萼丹禁杏鳌峰对耸三山上通寥廓春衫绣罗香薄步金莲影下三千绰约冰轮桂满皓色冷侵楼阁霓裳帝乐奏昇平天风吹落留凤辇通宵宴赏莫放漏声闲却

雨中花

【又一体双调九十六字或加慢字】

雨中花 京 鎰

玉局祠前铜壶阁畔锦城药市争奇正紫萸缀席黄菊浮卮巷陌连镳并轡楼台吹竹弹丝登高望远一年好景九日佳期自怜行客犹对佳宾留连岂是贪痴谁会得心驰北阙兴寄东篱惜别未催鷁首追欢且醉蛾眉明年此会他乡今日总是相思

前调【又一体】 无名氏

事往人翻还似暮峡归云壠上流泉奈向分圆镜已断么弦长记酒阑歌罢难忘月夕花前相携手处琼楼朱户触目依然 从来惯共绣帟罗帐镇效比翼文鸳谁念我而今清夜常是孤眠入户不知飞絮傍怀争及炉烟这回去也一生心事爲你萦牵

声声慢

【又一体双调九十六字】

声声慢 元好问

林间鷄犬江上邨墟扁舟处处经过袖里新诗买断古木沧波山中一花一草也留教老子婆娑任人笑风云气少儿女情多 不待求田问舍被朝吟暮醉惯得蹉跎百尺高楼更问平地如何朝来斜风细雨喜红尘不到渔蓑一尊酒唤元龙来听浩歌

早梅香

【双调九十六字】

早梅香【本意】 无名氏

北帝收威又探得早梅漏春消息粉蕊琼苞拟将臙脂轻染顔色素质盈盈终不许雪霜欺得奈化工偏宜赋与壽阳妆饰 独自逞冰姿比夭桃繁杏殊别爲报山翁逢此有花尊前且须攀折醉赏吟恋莫孤负好天风月恐笛声悲纷纷便似乱飞香雪

望云间

【一名望海潮双调九十六字】

望云间【代州南楼】 赵可

云朔南陲全赵宝符河山襟带名藩有朱楼缥缈千雉回旋云度飞狐絶险天围紫塞高寒吊兴亡遗迹咫尺西陵烟树苍然 时移事改极目春心不堪独倚危阑惟是年年飞鴈霜雪知还楼上四时长好人生一世谁闲故人有酒一尊高兴不减东山

醉蓬莱

【又一体双调九十六字】



醉蓬莱【上南安太守】 卢炳

正春回紫陌瑞霭飞浮暖风轻扇皓月初圆觉严城寒浅彩结鳌山纱笼银烛与花争艳午夜融和红莲万顷一齐开徧 讼简民熙使君行乐簇拥朱轮旌旗辉焕鼎沸笙歌遏行云不散咫尺泥封促朝天陛侍玉皇香案来岁元宵龙灯影里金杯宜劝

前调【又一体归故山】 王沂孙

埽西风门迳黄叶凋零白云萧散柳换枯阴赋归来何晚爽气霏霏翠蛾眉妩聊慰登临眼故国如尘故人如梦登高还嬾 数点寒英爲谁零落楚魄难招暮寒堪揽步履荒篱谁念幽芳远一室秋灯一庭秋雨一声秋鴈试引芳尊不知消得几多依黯

双双燕

【双调九十六字宋史达祖作咏燕词即名其调曰双双燕此词少二字又後人所损也】

双双燕【本意】 吴文英

小桃谢後双双燕飞来几家庭户轻烟晓暝湘水暮云遥度帘外余寒未卷共斜入红楼深处相将占得雕梁似约韶光留住 堪举翩翩翠羽杨柳泥香半和梅雨落花风软戏从乱红飞舞多少呢喃意绪尽日向流莺分诉还过短墙谁会千言万语

凤凰台上忆吹箫

【又一体双调九十六字】

凤凰台上忆吹箫【羊山迎次膺】 晁补之

千里相思况无百里何妨暮往朝还又正是梅初澹泞禽未繇蛮陌上相逢缓辔风细细云日斑斑新晴好得意未妨行尽青山 应携後房小妓来爲我盈盈对舞花间便了松醪翠满蜜炬红残谁信轻鞍射虎清世里曾共人闲都休说帘外久春寒

前调【又一体】 吴元可

更不成愁何曾是醉豆花雨後轻阴似此心情自可多了闲吟秋在西楼西畔秋较浅不似情深夜来月爲谁瘦小尘镜羞临 弹箏旧家伴侣记鴈啼秋水下指成音听未稳当时自误又况如今那是柔肠易断人间事独此难禁雕笼近数声别似春禽

前调【又一体 风雨重阳】 沈懋德

每遇重阳尝携佳客东郊逐队登高看碧空云静鴈阵萧萧着帽丹枫数点催好句试共推敲  
又何必双携红袖醉尽醇醪 飘飏今年风雨偏当落帽日阻却征貂聊自弄柔翰拟答人嘲幸  
有东篱黄菊独永我今夕今朝任从他茱萸红满雨里笑吾曹

劒气近

【双调九十六字】

劒气近 袁去华

夜来雨愿倩得东风吹住海棠正妖娆处且留取悄庭户试细听莺啼燕语分明共人愁绪怕  
春去 佳树翠陰初转午重帘未卷乍睡起寂寞看风絮偷弹清泪寄烟波见江头故人爲言憔悴  
如许彩牋无数去却寒暄到了浑无定据断肠落日千山暮

步月

【又一体双调九十六字】

步月【本意】 史达祖

翦柳章台问梅东阁醉中携手初归逗香帘下璀璨缕金衣正依约冰丝射眼更荏苒蟾玉西  
飞轻尘外双鸳细蹙谁赋洛滨妃 霏霏红雾绕步摇共鬟影吹入花围管弦将散人静烛龙稀  
泥私语香樱乍破怕夜寒罗襪先知归来也相偎未肯入重帏

帝台春

【又一体双调九十六字】

帝台春 李 甲

芳草碧色萋萋徧南陌暖絮乱红也知人春愁无力忆得盈盈拾翠侣共携赏凤城寒食到今  
来海角逢春天涯爲客 愁旋释还似织泪暗拭又偷滴漫倚徧危阑尽黄昏也只是暮云凝碧  
?则而今已?了忘则怎生便忘得又还问鳞鸿试重寻消息

熙州慢

【双调九十六字】

熙州慢【赠述古】 张 先

武林乡占第一湖山咏画争巧鹢石飞来倚翠楼烟霭清猿啼晓况值禁垣师帅惠政流入欢  
謡朝暮万景寒潮弄月乱峰回照 天使寻春不早并行乐免有花愁花笑持酒更听红儿肉声  
长调潇湘故人未归但目送游云孤鸟际天杪离情尽寄芳草

黄莺儿

【双调九十六字】

黄莺儿【本意】 柳 永

园林晴昼谁爲主暖律潜催幽谷暄和黄鹂翩翩乍迁芳树观露湿缕金衣叶映如簧语晓来  
枝上鶯蛮似把芳心深意低诉 无据乍出暖烟来又趁游蜂去恣狂踪迹两两相呼终朝雾吟  
风舞当上苑柳浓时别馆花深处此际海燕偏饶都把韶光与

前调 晁补之

南园佳致偏宜暑两两三三修竹新笋初齐猗猗过檐侵户听乱飈芰荷风细洒梧桐雨午余  
帘影参差远林蝉声幽梦残处 凝竚既往尽成空暂遇何曾住算人间事岂足追思依依梦  
中情绪观数点茗浮花一缕香盈炷怪来人道陶潜做得羲皇侣

前调 王 诜

多情春意花时节北圃人来传说江梅依稀芳姿数枝新发夸嫩脸着臙脂腻骨凝香雪问伊  
还记年时正好相看因甚轻别 情切往事散浮云旧恨成华发算伊空对绮槛雕阑孜孜望人  
攀折愁未见苦思量待见重端叠愿与永效高唐云雨芳菲月

粉蝶儿慢

【双调九十六字】

粉蝶儿慢 周邦彦

宿雾藏春余寒带雨占得羣芳开晚艳初弄秀倚东风娇嬾隔叶黄鹂传好音唤入深丛中探  
数枝新比昨朝又早红稀香浅 眷恋重来倚槛当韶华未可轻辜双眼赏心随分乐有清尊檀  
板每岁嬉游能几日莫使一声歌欠忍因循片花飞又成春减

采明珠

【双调九十六字】

采明珠 杜安世

雨乍收小院尘消云澹天高露冷坐看月华生射玉楼清莹蟋蟀鸣金井下帘帟悄悄空阶败  
叶坠风惹动闲愁千端万绪难整 秋夜永凉天迥可不念光景嗟薄命倏忽少年忍教孤另灯  
闪红窗影步回廊嬾入香闺暗落珠满面谁人知我爲伊成病

倦寻芳

【双调九十六字】

倦寻芳 王雱

露曦向晓帘幙风轻小院闲昼翠径莺来惊下乱红铺绣倚危楼登高榭海棠着雨胭脂透算  
韶华又因循过了清明时候 倦游讌风光满目好景良辰谁共携手恨被榆钱买断两眉长鬪  
忆得高阳人散後落花流水仍依旧这情怀对东风尽成消瘦

阳台路

【双调九十六字】

阳台路 柳永

楚天晚坠冷风败叶疎红零乱冒征尘匹马区区愁见水遥山远追念年时正恁风帟倚香偎  
煖嬉游惯又岂知前欢云雨分散 此际空劳回首望京洛难收泪眼暮烟衰草算暗锁路岐无  
限今宵又依前寄宿甚处苇邨山馆寒灯半夜厌厌凭何消遣

水调歌头

【又一体双调九十六字】

水调歌头 何梦桂

对千峰未晓听西风吹角下谯楼拥貔貅千骑旌 十里送客芳洲曾是灯棊月柝赞画坐青  
油折尽长亭柳莫系行舟 忆昔相逢何处看飞鸿雪迹休更回头百年心事长逐水东流愿君  
如游龙万里我如云终泊此林丘相思梦明年鴈到尚讯南州

塞垣春

【双调九十六字】

## 塞垣春 周邦彦

暮色平分野傍苇?征帆卸烟深极浦树藏孤馆秋景如画渐别离气味难禁也更物象供潇洒  
念多才浑衰减一怀幽恨难写 追念绮牕人天然自风韵闲雅竟夕起相思谩嗟怨遥夜又还  
将两袖珠泪沉吟向寂寥寒灯下玉骨爲多感瘦来无一把

## 前调【次周美成韵】 方千里

四远天垂野向晚景雕鞍卸吴蓝滴草塞繇飞柳风物堪书对雨收雾霁初晴也正陌上烟光  
洒听黄鹂啼红树短长音调如写 怀抱几多愁年时趁欢会幽雅尽日足相思奈春昼难夜念  
征尘堆满襟袖那堪更独游花陰下一别鬓毛减镜中霜满把

## 前调【次周美成韵】 陈允平

草碧铺横野带晚色吟鞍卸烟葭露苇满汀鸥鹭人在图画渐一声鴈过南楼也更细雨时飘  
洒念徽容都消瘦漫将纨素描写 临镜理残妆依然是京兆柔雅落叶感秋声啼蛩叹凉夜对  
黄花共说憔悴相思梦顿醒西牕下两腕玉跳脱素纤慳半把

## 八声甘州

### 【又一体双调九十七字】

## 八声甘州 柳 永

对萧萧暮雨洒江天一番洗清秋渐霜风凄紧关河冷落残照当楼是处红衰绿减苒苒物华  
休惟有长江水无语东流 不忍登高临远望故乡渺渺归思难收叹年来踪迹何事苦淹留想  
佳人妆楼长望误几回天际识归舟争知我倚阑干处正恁凝眸

## 前调 苏轼

有情风万里卷潮来无情送潮归问钱塘江上西兴浦口几度斜晖不用思量今古俯仰昔人  
非谁似东坡老白首忘机 记取西湖西畔正暮山好处空翠烟霏算诗人相得如我与君稀约  
他年东还海道愿谢公雅志莫相违西州路不应回首爲我沾衣

## 前调【扬州次东坡钱塘韵】 晁补之

谓东坡未老赋归来天未遣公归向西湖两处秋波一种飞霭澄晖又拥竹西歌吹僧老木兰  
非一笑千秋事浮世危机 应倚平山栏檻是醉翁饮处江雨霏霏送孤鸿相接今古眼中稀念  
平生相从江海任飘蓬不遣此心违登临事更何须惜吹帽淋衣

前调【历下立春】 晁补之

谓东风定是海东来海上最春先乍微阳破腊梅心已省柳意都还雪後南山耸翠平野欲生烟记得相逢日如上林边莫叹春光易老算今年春老还有明年叹人生难得常好是朱颜有随轩金钗十二爲醉娇一曲踏珠筵功名事算何如此花下尊前

前调【中秋前数夕久雨方晴】 向子諲

恨中秋多雨及晴时追赏且探先纵玉钩初上冰轮未正无恙婵娟饮客不来自酌对影亦清妍任笑芰林老雪鬓霜颜好在章江西畔有凌云玉笋空翠相连嬾崎岖林麓则窈窕溪边自断此生休问愿愿瓮中长有酒如泉人世间是谁得似月下尊前

前调 叶梦得

问浮家泛宅自元真去後有谁来漫烟波千顷云峰倒影空翠成堆可是溪山无主佳处且徘徊暮雨卷晴野落照天开老去余生江海伴远公香火犹有宗雷便何妨元亮携酒间相陪寄清谈芒屨筇杖更尽驱风月入尊罍江邨路我歌君和莫棹船回

前调【正月二日作】 叶梦得

又新正过了问东风消息几时来笑春工多思留连底事犹未轻回应爲瑶刀裁翦容易惜花开试向湖边望几处寒梅好是緑莎新径剩安排芳意特地重栽便从今追赏莫遣暂停杯有千株深红浅白倩缓歌急管特相催凭看取暖烟细霭先到高台

前调【梅】 朱雍

听琤琤漏永洗银林梅蕊半寒收正蟾辉舒粉云容缕色切近妆楼人在东风竚立悄悄独凝眸多少横斜影萦绕江流只有清香暗度堕髻簪珥玉曾赋清游认瑶车冰辙佳致肯延留指蓬山丹砂初转望沧溟羽佩一同舟仙娥许酒澆与我消尽春愁

前调【中秋】 张鎰

叹流光迅景百年间能醉几中秋正凄蛩响砌惊乌翻树烟澹苹洲谁唤金轮出海不带一云浮才上青林顶俄转朱楼人老欢情已减料素娥信我不爲闲愁念几番清梦常是故乡留倩风前数声横管叫玉鸾骑向碧空游谁能顾黍炊荣利蚁战仇讐

前调【壽建康帅胡长文给事】 辛弃疾

把江山好处付公来金陵帝王州想今年燕子依然认得王谢风流只用平时尊俎弹压万貔

貅依旧钧天梦玉殿东头 看取黄金横带是明年准拟丞相封侯有红梅新唱香阵卷温柔且  
画堂通宵一醉待从今更数八千秋公知否邦人香火夜半才收

前调【夜读李广传寄友】 辛弃疾

故将军饮罢夜归来长亭解雕鞍恨灞陵醉尉匆匆未识桃李无言射虎山横一骑裂石响惊  
弦落魄封侯事岁晚田园 谁向桑麻杜曲要短衣匹马移住南山看风流慷慨谈笑过残年汉  
开边功名万里甚当时健者也曾闲纱幮外斜风细雨一阵轻寒

前调 程垓

问东君既解遣花开不合放花飞念春风枝上一分花减一半春归忍见千红万紫容易涨桃  
溪花自随流水无计追随 不忍凭高南望记旧时行处芳意菲菲叹年来春减花与故人非纵  
使梁园赋犹在奈长卿老去亦何爲空搔首乱云堆里立尽斜晖

前调 汪莘

惜余春蛱蝶引春来杜鹃趣春归算何如桃李浑无言说开落忘机多谢黄鹂旧友相逐落花  
飞芳草连天远愁杀斜晖 谁向西湖南畔问亭台在否花木应非看孤山山下谁说隐君扉想  
钱塘春游依旧到梨花寒食隘舟矶寻常事不须惆怅暮雨沾衣

前调【竹西怀古】 赵希迈

寒云飞万里一番秋一番搅离怀向隋堤跃马前时柳色今度蒿莱锦?残香在否枉被白鸥猜  
千古扬州梦一觉庭槐 歌吹竹西难问?菊边醉着吟寄天涯指红楼踪迹茅屋染苍苔几伤  
心桥东片月趁夜潮流恨入秦淮潮回处引西风恨又渡江来

前调【游灵岩】 吴文英

渺空烟四远是何年青天坠长星幻苍崖云树名娃金屋残霸宫城箭泾酸风射眼腻水染花  
腥时鞞双鸳响廊叶秋声 宫里吴王沉醉倩五湖倦客独钓醒醒问苍天无语华发奈山青水  
涵空阑干高处送飞鸦斜日落渔汀连呼酒上琴台去秋与云平

前调【姑苏台和韵】 吴文英

步晴霞倒影洗闲愁深杯灩风漪望越来清浅吴歛杳霭江鴈初飞辇路凌空花?粉冷濯妆池  
歌舞烟霄顶落景沉晖 别是青红阑槛对女墙山色碧澹空眉问当时游鹿应笑古台非有谁  
招扁舟渔隐但寄情西子却题诗闲风月暗消磨尽浪打鸥矶

前调【灯夕寄二隐】周 密

渐萋萋芳草绿江南轻晖弄春容记少年游处箫声巷陌灯影帘栊月暖烘炉戏鼓十里步香红  
敲枕听新雨往事朦胧 还是春江梦晓怕等闲愁见鴈影西东喜故人好在水驿寄诗筒数  
芳程渐催花信送归帆知第几番风空吟想梅花千树人在其中

前调【题疎寮图】周 密

信山陰道上景多奇仙翁幻吟壶爱一丘一壑一花一草窈窕枝疎染就春云五色更种玉千  
株咳唾骚香在四壁骊珠 曲折冷红幽翠涉流花涧净步月堂虚羨风流鱼鸟来往贺家湖认  
秦鬟越妆窥镜倚斜阳人在会稽图图多赏池香洗砚山秀藏书

前调 张 炎

倚危楼一笛翠屏空万里见天心度野光清峭晴峰涌日冷石生云帘卷小亭虚院无地不花  
陰径曲知何处春水泠泠 啸傲柴桑影里且怡颜莫问谁古谁今任燕留鸥住聊复慰幽情爱  
吾庐点尘难到好林泉都付与闲人还知否元来卜隐不在山深

前调【寄李筠房】张 炎

望娟娟一水隐芙蓉几被暮云遮正凭高送目西风断鴈残月平沙未觉丹枫尽老摇落已堪  
嗟无避秋声处愁满天涯 一自盟鸥别後甚酒瓢诗锦轻误年华凉荷衣初暖不忍负烟霞记  
前度翦灯一笑再相逢知在那人家空山远白云休赠只赠梅花

前调 张 炎

记当年紫曲戏分花帘影最深深听惺惚语笑香寻古字谱掐新声散尽黄金歌舞那处着春  
情梦醒方知梦梦岂无凭 几点别余清泪尽化作妆楼断雨残云指梢头旧恨豆?结同心都  
休问北来南去但依依同是可怜人还飘泊何时尊酒却说如今

前调【陆起潜皆山楼】张 炎

俯长空不占洞庭波山拔地形高对扶疎古木浮图倒影势压雄涛门掩翠微僧院应有月明  
敲物换堂安在断碣闲抛 不识庐山真面是谁将此屋突兀林?上层台回首万境入诗豪响  
天心数声长啸任清风吹顶发萧骚凭阑久青琴何处独立琼瑶

前调 张 炎

听江湖夜雨十年灯孤影尚中洲对荒凉茂苑吟情渺渺心事悠悠见说寒梅犹在无处认西



楼招取楼边月回载扁舟 明日琴书何处正风前坠叶草外闲鸥甚消磨不尽惟有古今愁总  
休问西湖南浦渐春来烟水接天流清游好醉招黄鹤一啸高秋

前调【钱友】 张 炎

记玉关踏雪事清游寒气敝貂裘傍枯林古道长河饮马此事悠悠短梦依然江表老泪洒西  
州一字无题处落叶都愁 载取白云归去问谁留楚佩弄影中洲折芦花赠远零落一身秋向  
寻常野桥流水待招来不是旧沙鸥空怀感有斜阳处最怕登楼

前调 赵 文

是去年春草又萋萋尘生缕金衣帐朱颜爲土白杨堪柱燕子谁依谩说漫漫六合无地着相  
思辽鹤归来後城亦全非 更有延平一劒向风雷半夜何处寻伊怪天天何物堪作玉弹棋到  
年年无肠堪断向清明独自掩荆扉何况又禽声杜宇花事酴醾

前调 张 翥

向芙蓉湖上驻兰舟凄凉胜事稀但西泠桥外北山堤畔残柳依依追忆烟花旧梦回首冷烟  
霏惟有盟鸥好时傍人飞 听取红筵象板尽歌回彩扇舞换仙衣正白苹风急吹雨暗斜晖空  
惆怅离怀未展更酒边忍又送将归江南客此生心事只在渔矶

前调 张 埜

忆湖光醉别几春秋飘泊寓京师恨无穷烟水无情岁月无限相思万里风沙梦觉山色碧参  
差忙对玻璃镜照我尘姿 欲写从前离阔便安排画舸准备新诗见六桥遗构烟雨强撑支怨  
东风红消翠减比向来浑是老西施如何得刘郎双鬓长似当时

前调【晓发】 陆释麟

晓风清灩灩待潮生潮落始行舟正鸡声茅店孤城断角欹枕悠悠偶尔掀篷一笑起舞也风  
流问谁人领取此景清幽 极目长空杳霭但寒烟衰草江练明楼美双双白羽天水共沉浮待  
乘桴渐穷湖海莫思量锦?与鸣驲菰蒲里烟波钓叟与子爲俦

御选历代诗余卷六十二

# 卷六十三

钦定四库全书

御选历代诗余卷六十三目錄【九十七字】

迷神引

柳永【二首】

朱雍

帝台春

刘基

葛一龙

水调歌头【又一体】

何梦桂

声声慢【又一体】

宋徽宗【二首】

赵长卿【二首】

李弥逊

辛弃疾

吴潜

吴文英【四首】

蒋捷

周密【三首】

王沂孙【四首】

张炎【五首】

史可堂

尹济翁

张翥

前调【又一体】

贺铸

曹组

前调【又一体】

刘泾

高观国

李演

陈郁

蔡松年

张翥

前调【又一体】

李清照

醉蓬莱【又一体】

柳永

黄庭坚

葛胜仲

谢薖

万俟雅言

吕渭老

陈瓘

叶梦得

赵长卿【二首】

杨无咎

赵礞老

赵彦端

刘圻父

前调【又一体】

苏轼

暗香

姜夔

赵以夫

吴文英

陈允平

张炎【三首】

御选历代诗余卷六十三目錄

钦定四库全书

御选历代诗余卷六十三【九十七字】

司经局洗马掌局事兼翰林院修撰加二级【臣】王奕清奉旨校刊

迷神引

【双调九十七字】

迷神引 柳 永

一叶扁舟轻帆卷暂泊楚江南?孤城早角引金笳怨水茫茫平沙鴈旋惊散烟敛寒林簇画屏展天际遥山小黛眉浅旧赏轻抛到此成游宦觉客程劳年光晚异乡风物忍萧索当愁眼帝城赊秦楼阻旅魂乱芳草连空阔残照满佳人无消息断云远

前调 柳 永

红板桥头秋光暮澹日映烟方煦寒溪蘸遶碧垂杨路重分飞携纤手泪如雨波急隋堤远片帆举倏忽年华改尚期阻暗觉春残渐渐飘花絮好夕良天长辜负

洞房闲掩小屏空无心处指归云仙乡杳在何处遥夜香衾暖算难与知他深深约记得否

前调【梅】 朱 雍

白玉楼高云光绕望极新蟾同照前邨暮雪霁梅林道润风平波声渺喜登眺疎影寒枝袅叹春早临水凝清浅靓妆巧瘦体伤离向此萦怀抱觉璧华轻冰痕小倦听寒管转呜咽令人老素光回长亭静无尘到烟鎖横塘暖香径悄飞英难拘束任春晓

帝台春

【双调九十七字尧山堂外纪载後唐李璟赋春恨帝台春调名始此】

帝台春 刘 基

凉雨新沐秋花徧墙角门对远山山带斜阳葱茏相属明月今宵已自满又争奈素娥幽独向天涯望月兴怀愁多如簇年岁促欢去速意易足事难续镜掩嬾重开纵春风也不解染黄成

綠隄首孤云去无际草上露华白如玉且深下红帘倒金尊 醪

前调 葛一龙

秋气渐栗秋声砭人骨憔悴绮年添却无端风骚倩逸怕送扁舟还浦去不曾问紫尊芽茁又  
谁知尔尚迟留我先行役 歌钟急吟裊湿云树郁暮帆出正正练澄江月来时也领略一天萧  
瑟故苑池塘撇下了露冷芙蓉暗垂泣莫笑我疎狂把别离轻忽

水调歌头

【又一体双调九十七字】

水调歌头 何梦桂

倚阑干立尽看东风吹度柳絲飞怕杜鹃啼杀江南鴈杳游子何之梦断扬州芍药落尽簇红  
丝歌吹今何在一曲沾衣 往事不堪重省记柳边深巷花外幽墀把菱花独照脂粉总慵施怅  
春归留春未住奈春归不管玉顏衰伤心事都将分付榆砌苔矶

声声慢

【又一体双调九十七字】

声声慢 宋徽宗

宫梅粉澹柳金匀皇州乍庆春回凤阙端门鳌山彩締蓬萊沉沉洞天向晚宝輿还花满钧台  
轻烟里算谁将金莲陆地齐开 是处笙歌鼎沸雕鞍趁金轮隐隐轻雷万家罗幕千步锦绣相  
挨银蟾夜色如画共乘欢怎忍归来疎钟断听行歌犹在禁街

前调 宋徽宗

欺寒冲暖占早争先江梅又报南枝暗香浮动偏宜映月临池天然素肌莹骨笑等闲桃李芳  
菲劳梦想似玉人羞嬾弄粉妆迟 常恐行歌声断犹堪恨无情塞管轻吹寄远叮咛相贈隄首  
云飞前邨夜来雪里殢东君须索饶伊烂漫也算百花犹自未知

前调【草】 赵长卿

浓芳满地秀色连天和烟带雨萋萋几许芳心还解报得春晖当时谢郎梦里似殷懃传与新  
诗却爲甚动长门怨感南浦伤离 追想天涯行客应解拥车轮步步相随惆怅如丝正是欲断  
肠时凭高望中不见路悠悠南北东西春去也怨王孙犹自未归

前调【柳】 赵长卿

金垂烟重雪扬风轻东风惯得娇柔秀色依依偏应绿水朱楼腰肢先来太瘦更眉尖惹得闲愁牵情处是张郎年少一种风流别後长堤目断空记得当时马上墙头细雨轻烟何处夕系扁舟丁宁再须折赠劝狂风休挽长条春未老到成陰终待共游

前调【木樨】 李弥逊

龙涎烧就沈水熏成分明乱屑琼瑰一朵才开人家十里先知此花大即不大有许多潇洒清奇较量尽谓胜如茉莉趁得荼蘼更被秋光掇送微放些月照着阵风吹恼杀多情猛判沉醉酬伊朝朝暮暮守定尽忙时也不相离睡梦里胆瓶儿枕畔数枝

前调【旅次登楼作】 辛弃疾

征埃成阵行客相逢都道幻出层楼指点檐牙高处浪涌云浮今年太平万里罢长淮千骑临秋凭栏望有东南佳气西北神州千古怀嵩人去还笑我身在楚尾吴头看取弓刀陌上车马如流从今赏心乐事剩安排酒令诗筹华胥梦愿年年人似旧游

前调【和吴梦窗赋梅】 吴潜

挨晴拶暖载酒呼朋夷犹东圃西园绿萼枝头两三初破轻寒平生自甘寂寞占冷妆不爲人妍林逋去问影疎香暗谁赋其间空想故山奇事正烟横岭曲月浸溪湾杏错桃讹那时青子都圆惟晓梦窗知处对翠禽依约神仙休引角怕征人泪落塞边

前调【和沈时齐八日登高韵】 吴文英

凭高入梦摇落关情寒香吹尽空岩坠叶消红欲题秋信难緘重阳正隔残照趁西风不响云尖乘半暝看残山灌翠剩水开匳暗省长安年少几传杯吊甫把菊招潜身老江湖心随飞鴈天南乌纱倩谁重整映风林鈎玉纤纤漏声起乱星河影入画檐

前调【梅兰瑞香水仙】 吴文英

云深山坞烟冷江皋人生未易相逢一笑灯前钗行两两春容清芳夜争真态引香生撩乱东风探花手与安排金屋懊恼司空憔悴欹翘委佩恨玉奴消瘦飞趁轻鸿试问知心尊前谁最情浓连呼紫云伴醉小丁香才吐微红还解语待携归行雨梦中

前调【宏庵席上姬亲剥桐子】 吴文英

寒箫惊坠香豆初收银牀一夜露深乱写明珠金盘来荐清斟绿窗细剥檀皱料水晶微损春

簪风韵处惹手香酥润樱口脂侵 重省追凉前事正风吟莎井月碎苔陰颗颗相思无情漫搅  
秋心银台翦花杯散梦阿娇金屋沉沉甚时见露拾香钗燕坠金

前调【?重九饮郭园】 吴文英

檀栾金碧婀娜蓬莱游云不蘸芳洲露菊霜莲十分点缀残秋新弯画眉未稳似含羞低度墙  
头愁送远驻西台车马共惜临流 知道池亭多宴掩庭花长是惊落秦讴腻粉阑干犹闻凭袖  
香留输他翠涟拍甃瞰新妆终日凝眸帘半卷带黄花人在小楼

前调【秋声】 蒋捷

黄花深巷红叶低窗凄凉一片秋声豆雨声来中间夹带风声疎疎二十五点雨谯门不锁更  
声故人远问谁摇玉佩檐底铃声 彩角声吹月坠渐连营马动四起笳声闪烁邻灯灯前尚有  
砧声知他诉愁到晓碎啾啾多少蛩声诉未了把一半分与鴈声

前调【桂菊秋荷】 周密

妆额黄轻舞衣红浅西风又到人间小雨新霜萍池蓼径生寒输他汉宫姊妹粲星钿露佩珊  
珊凉意早正金盘露洁翠盖香残 三十六宫秋色好扶疎仙影伴月长闲宝络风流何如细蕊  
堪餐幽香未应便减傲清霜正自宜看吟思远负东篱还赋小山

前调 周密

橙香小院桂冷闲庭西风鴈影涵秋凤拨龙槽新声小按梁州莺吭夜深转巧碍凉云应爲歌  
留慵顾曲叹周郎老去鬓改花羞 何事登临感慨倩金蕉一洗千古清愁屡舞高歌作成陶谢  
风流人生最难一笑?尊前醉倒方休待醉也带黄花须插满头

前调【柳絮】 周密

燕泥沾粉鱼浪吹香芳堤十里新晴静惹游丝花边袅袅扶春多怜此时漂泊记章台曾挽青  
青堪爱处是扑帘娇软随马轻盈 长是河桥三月做一番晴雪恼乱诗魂带雨沾衣罗襟点点  
离?休缀潘郎鬓影怕绿窗年少人惊卷春去翦东风千缕碎云

前调 王沂孙

高寒户牖虚白尊罍千人尽入孤光玉影如空天葩暗落清香平生此兴不浅记当年独据胡  
牀怎知道是岁华换却处处堪伤 已是南楼曲断纵疎光淡月也只凄凉冷雨斜风何况独掩  
西窗天涯故人纵老漫相思永夜相望断梦远趁秋声一片渡江



前调 王沂孙

迎门高髻倚扇清吭娉婷未数西洲浅拂朱铅春风二月梢头相逢靓妆俊语有旧家京洛风流断腸句试重拈彩笔与赋闲愁 犹记凌波断去问明璫罗襪却爲谁留枉梦相思几回南浦行舟莫辞玉尊起舞怕重来燕子空楼漫惆怅抱琵琶闲过此秋

前调【催雪】 王沂孙

风声怱怱云意商量连朝滕六迟疑茸帽貂裘兔园准拟吟诗红炉旋添兽炭办金船羔酒溶脂问翦水恁工夫犹未还待何时 休被梅花争白好夸奇鬪巧早徧琼枝彩索金铃佳人等塑狮儿怕寒绣帷慵起梦梨云说与春知莫误了约王猷船过剡溪

前调 王沂孙

啼螯门静落叶堦深秋声又入吾庐一枕新凉西窗晚雨疎疎旧香旧色换却但满川残柳荒蒲茂陵远任岁华荏苒老尽相如 昨夜西风初起想尊边呼櫂橘後思书短景凄然残歌空扣铜壶当时送行共约鴈归时人赋归与鴈归也问人归如鴈也无

前调 张炎

平沙笼晓野水惊寒遥岑寸碧烟空万里冰霜一夜换却西风晴梢渐无坠叶撼秋声却是梧桐情正远奈吟湘赋楚近日偏慵 客里依然清事爱窗深帐暖戏拣香筒片霎归程无奈梦与心同空教故林怨雀掩闲门明月山中春又小甚梅花犹自未逢

前调 张炎

穿花省路傍竹寻邻如何故隐都荒问取堤边因甚减却垂杨消磨纵然未尽满烟波添了斜阳空叹息又翻成无限杜老凄凉 一舸清风何处把秦山晋水分贮诗囊髮已飘萧休问岁晚空江松陵试招旧隐怕白鸥犹识清狂渐邈远望并州却是故乡

前调【西湖】 张炎

晴光转柳晓气分岚何人野渡横舟断柳枯蟾凉意正满西州匆匆载花载酒便无情也自风流芳昼短奈不堪秋夜秉烛来游 谁识山中朝暮向白云一笑今古无愁散发吟商此兴万里悠悠清狂未应似我倚高寒隔水呼鸥须待月许多清都付与秋

前调 张炎

因风整帽借柳维舟休登故苑荒台去岁何年游处半入苍苔白鸥旧盟未冷但寒沙空与愁

堆漫叹息问西风洒泪不忍徘徊 眼底江山如在把冰弦弹断苦忆颜回一点归心分付布韞青鞵相寻已期到老那知人如此情怀怅望久海棠开依旧燕来

### 前调【寄友】 张炎

百花洲畔十里湖边沙鸥未许盟寒旧隐琴书犹记渭水长安苍云数千万叠却依然一笑人间似梦里对青尊白髮秉烛更阑 渺渺烟波无际唤扁舟欲去且与凭阑此别何如能消几度阳关江南又听夜雨怕梅花零落孤山归最好甚闲人犹自未闲

### 前调 史可堂

羞朱妒粉染雾裁云澹然苍佩仙裳半额风妆莫道梳洗家常碧罗乱紫小带翠虬寒一架春香清思苦倚晴娇无力如侍韩郎 密幄笼芳吟夜任露沾轻袖月转空梁弱骨柔姿偏解勾引诗狂遗钿碎金满地恨无情风送韶光闲昼永看青青垂幔过墙

### 前调【禁酿】 尹济翁

雕鞍芳径翠管长亭春醒不负年华几丈闲愁寄风吹落天涯深深小帘朱户是何人重整香车愁未醒记竹西歌吹柳下人家 眉锁何曾舒展看行人都是醉眼横斜寄语高阳从今休唤流霞残春又能几许但相从评水观茶清梦远怕东风犹在杏花

### 前调【扬州笋工以虞学士词求赋】 张翥

金銮学士天上归来兰舟小驻芜城供奉新词几度惯赋鸣箏相逢沈郎絶艺爲尊前细写余情问何似似秦关鴈度楚树蝉鸣 我亦从来多感但登山临水慷慨愁生一曲哀弹只遣髯变魂惊行期买花载酒趁秋高月朗风清须尽醉听江头肠断数声

### 前调【又一体】 贺铸

园林幕翠燕寝凝香华池缭绕飞廊坐按吴娃清丽楚调圆长歌阑横流美眄乍疑生绮席辉光文园属意玉觞交劝宝瑟高张 南薰难消幽恨金徽上殷勤彩凤求凰便诉卷收行雨不恋高唐东山胜游在眼待纫兰撷菊相将双栖安稳五云溪是故乡

### 前调 曹组

重檐飞峻丽彩横空繁华壮观都城云母屏开八面人在青冥凭栏瑞烟深处望皇居遥识蓬瀛回环阁道五花相鬬压尽旗亭 歌酒长春不夜金翠照罗绮笑语盈盈陆海人山辐辏万国欢声登临四时总好况花朝月白风清丰年乐岁熙熙且醉太平

前调【又一体】 刘 涇

梅黄金重雨细丝轻园林烟雾如织殿阁风微帘外燕喧莺寂池塘彩鸳戏水露荷翻千点珠  
滴闲昼永称潇湘竿叟烂柯仙客 日午槐陰低转茶瓯罢清风顿生双腋碾玉盘深朱李静沉  
寒碧朋侪闲歌白雪卸纱巾尊俎狼籍有皓月照黄昏眠又未得

前调 高观国

壶天不夜宝炬生香光风荡摇金碧月灩冰痕花外峭寒无力歌传翠帘尽卷误惊回瑶台仙  
迹禁漏促?千金一刻未酬佳夕 卷地香尘不断最得意输他五陵狂客楚柳吴梅无限眼边  
春色蛟绡暗中寄与待重寻行云消息乍醉醒怕南楼吹断晓笛

前调【问梅孤山】 李 演

轻轡绣谷柔屐烟堤六年遗赏新续小舫重来惟有寒沙鸥熟徘徊旧情易冷但溶溶翠波如  
縠愁望远甚云销月老暮山自緑 顰笑人生悲乐且听我尊前渔歌樵曲旧阁尘封长得树陰  
如屋凄凉五桥归路载寒秀一枝疎玉翠袖薄晚无言空倚修竹

前调【赏芙蓉木犀】 陈 郁

澄空初霁暑退银塘冰壶鴈程寂寞天阙清芬何事早飘岩壑花神更裁丽质涨江波一匳梳  
掠凉影里算素娥仙队似曾相约 闲把雨花商略开时候羞趁观桃阶药绿幙黄帘好顿胆瓶  
儿着年年粟金万斛拒严霜锦丝围幄秋富贵又何妨与民同乐

前调 蔡松年

青芜平野小雨千峰还成暮径寒色裁翦云窗忆得伴人良夕遥怜几重眉黛恨相逢少於行  
役梨花泪正宫衣春瘦晓红无力 应怪浮云夫壻不解趁新醅醉眼凉月怨入关河西去又传  
音息谁知倦游心事向来辛苦思泉石人未老约间峰多占秀碧

前调【九日赏菊值海棠盛开】 张 翥

西风坠緑唤起春娇嫣然困倚修竹落帽人来花艳乍惊郎目相思尚带旧恨甚凄凉未忺妆  
束吟鬓底俛寒香一朵并簪黄菊 却待金盘华屋园林静多情怎禁幽独蛺蝶应愁明日落红  
难触那堪鴈霜渐重怕黄昏欲睡未足翠袖冷且莫辞花下秉烛

前调【又一 宋媛体】 李清照

寻寻觅觅冷冷清清凄凄惨惨戚戚乍暖还寒时候最难将息三杯两盏澹酒怎敌他晚来风

急鴈过也正伤心却是旧时相识 满地黄花堆积憔悴损如今有谁堪摘守着窗儿独自怎生得黑梧桐更兼细雨到黄昏点点滴滴这次第怎一个愁字了得

醉蓬莱

【又一体双调九十七字】

醉蓬莱【庆老人星现】 柳 永

渐亭皋叶下陇首云飞素秋新霁华阙中天锁葱葱佳气嫩菊黄深拒霜红浅近宝阶香砌玉宇无尘金茎有露碧天如水正值昇平万几多暇夜色澄鲜漏声迢递南极星中有老人呈瑞此际宸游凤辇何处度管弦清脆太液波翻披香帘卷月明风细

前调 黄庭坚

对朝云鬢鬢暮雨霏微翠峰相倚巫峡高唐锁楚宫佳丽画戟移春靚妆迎马向一川都会万里投荒一身吊影成何欢意 尽道黔南去天尺五望极神州万重烟水尊酒公堂有中朝佳士荔颊红深麝脐香满醉舞裊歌袂杜宇催人声声到晚不如归是

前调【天寧节作】 葛胜仲

望葱葱佳气虹渚祥开斗枢光绕析木天津正灵晖腾照鹭缀分班象胥交贡奉御觞清晓玉殿寒轻金徒漏永瑞炉烟裊 万?均欢示慈颁燕壽祝南山庆均鳧藻缥缈红云望九重天表舞兽锵洋拚鳌欣戴度管弦声杳历草常新蟠桃永秀与天难老

前调【中秋怀无逸兄】 谢 薖

望晴峰染黛暮靄澄空碧天无汉圆镜高飞又一年秋半皓色谁同归心暗折听唳云孤鴈问月停杯锦袍何处一尊无伴 好在南邻诗盟酒社刻烛争成引觞愁缓今夕楼中继阿连清翫饮剧狂歌歌终起舞醉冷光零乱乐事难穷疎星易晓又成浩叹

前调 万俟雅言

正波翻银汉漏滴铜壶上元佳致绛烛银灯若繁星连缀明月逐人暗尘随马尽五陵豪贵鬢惹乌云帮拖湘水谁家姝丽 金阙南边彩山北面接地绮罗沸天歌吹六曲屏开拥三千珠翠帝乐庭深凤炉烟喷望舜顔瞻礼太平无事君臣宴乐黎民欢醉

前调 吕渭老

任落梅铺缀鴈齿斜桥裙腰芳草闲伴游丝过晓园庭沼厮近清明雨晴风软称少年寻讨碧  
缕墙头红云水面柳堤花岛 谁信而今怕愁憎酒对着花枝自疏歌笑莺语丁寧问甚时重到  
梦笔题诗把绫封泪向凤箫人道处处伤心年年远念惜春人老

前调 陈瓘

问东州何处境胜人幽两俱难得狼山相望有高堂千尺妙曲轰空彩云翻袖奏壶天长日笑  
我飘然蓬窗竹户只延山色 拟掉觥船径冲花浪直造瑯筵共醺仙液仍乞蟠桃向庐山亲植  
未举江帆早逢淮鴈问故人踪迹远老池边陶翁琴里此情何极

前调 叶梦得

问东风何事断送残红便?归去牢落征途笑行人羁旅一曲阳关断云残霭做渭城朝雨欲寄  
离愁绿阴千啭黄鹂空语 遥想湖边浪摇空翠弦管风高乱花飞絮曲水流觞有山翁行处翠  
袖朱栏故人应也弄画船烟浦会写相思尊前爲我重翻新句

前调【新荔枝】 赵长卿

正火山槐夏黛叶绀枝荔子新摘千里驰驱荐仙源佳席浪比龙睛未输嵯蜜灿烂然红滴满  
贮雕盘纤纤素手丹苞新擘 梨栗麤疎带酸橘柚凡品多般总羞标格何似浓香洗烦襟仙液  
爲爱真妃再三珍重价倾城倾国玉骨冰肌风流蕴藉直宜消得

前调【郡圃芍药】 赵长卿

是三春已暮浪蕊雕残牡丹零落独殿清和有佳名芍药浅浅芳丛绣幢鼎鼎更艳香绰约浑  
似扬州画楼卷起翠帘红幕 倚槛轻盈万娇千媚故整霞裾笑花寂寞太守风流拥笙歌围着  
坐上诗人二千里外念此身飘泊客眼看花归心对酒翻成萧索

前调【茶】 杨无咎

见禾山凝秀禾水澄清地灵境胜天与珍奇产凌霄峰顶嫩叶森枪轻尘飞雪冠中州双井絕  
品家藏武陵有客清奇相称 坐列羣贤手呈三昧云逐瓯圆乳随汤迸珍重殷勤念文园多病  
毛孔生香舌根回味助苦吟幽兴两腋风生从教飞到蓬莱仙境

前调【壽叶枢密】 赵礪老

听都人歌咏便起金瓯再登元老山色溪声与春风齐到补袞工夫望梅心绪见丹青重好鹄  
喜晴空灯迎诞夕槐堂欢笑 正是元宵满天和气璧月流光雪消寒峭今夜今年表千秋同照  
万象森罗一匳清莹影山河多少玉烛调新彩眉常喜寰瀛春晓

前调【梅】 赵彦端

向蓬莱云渺姑射山深有春长好香满枝南笑人间惊早试问寒柯镂冰裁玉费化工多少东阁诗成西湖梦觉几番清晓好是罗帏麝温屏暖却恨烟邨雨愁风恼一一清芬爲东君倾倒待得明年翠陰青子?凤凰池沼更把阳和从头付与繁花芳草

前调【郡城芍药】 刘圻父

访莺花陈迹姚魏遗风緑陰成幄尚有余香付宝阶红药淮海维扬物华天产未觉输京洛时出新妆施朱傅粉依然相若束素腰纤捻红唇小障袖娇羞倚阑柔弱玉佩琼琚劝王孙行乐况是韶华爲伊挽驻未放离情薄顾盼堦前留连醉里莫教零落

前调【又一体重九】 苏轼

笑劳生一梦羈旅三年又还重九华髮萧萧对荒园搔首赖有多情好饮无事似古人贤守岁岁登高年年落?物华依旧此会应须烂醉仍把紫菊茱萸细看重簪摇落霜风有手栽双柳来岁今朝爲我西顾酌羽觞江口会与州人饮公遗爱一江醇酎

暗香

【宋姜夔自度咏梅之作双调九十七字亦名红情】

暗香【石湖咏梅】 姜夔

旧时月色算几番照我梅边吹笛唤起玉人不管清寒与攀摘何逊而今渐老都忘却春风词笔但怪得竹外疎花香冷入瑶席江国正寂寂叹寄与路遥夜雪初积翠尊易泣红萼无言耿相忆长记曾携手处千树压西湖寒碧又片片吹尽也几时见得

前调【梅】 赵以夫

冰花炯炯记那回占断春风鳌顶独抱寒香得意西湖酒初醒爲问玉堂富贵争得似山中深靚向岁晚竹翠松苍闲伴一枝冷南溟水万顷想月湿断矶云弄疎影粉英落尽孤鹤长鸣夜方永将见青青如豆又迤迤傅黄风景听报道催去也再调玉鼎

前调 吴文英

县花谁葺记满庭燕麦朱扉斜阖妙手作新公馆青红晓云湿天际疎星趁马画帘隙冰弦三叠尽换却吴水吴烟桃李靚春靛风急送帆叶正鴈水夜清卧虹平帖輭红路接涂粉闹深早催入怀暖天香宴里花队簇轻轩银蜡便问讯湖上柳两堤翠匝

前调【次姜白石韵】 陈允平

霁天秋色正倚楼待月谁伴横笛涨绿浮空闲数河星手堪摘弥望澄光练净分付与元晖才  
笔烟溆阔云远波平归鸟趁风席 南国信音寂怅鴈渚渡闲鹭汀沙积藓碑露泣时拊遗踪暗  
嗟忆人事空随逝水今古但双流一碧待办取蓑共笠小舟泛得

前调【荷花】 张炎

无边香色记涉江自采锦机云密翦翦红衣学舞波心旧曾识一见依然似语流水远几回空  
忆看亭亭倒影窥妆玉润露痕湿 闲立翠屏侧爱向人弄芳背酣斜日料应太液三十六宫土  
花碧清兴後风更爽无数满汀洲如昔泛片叶烟浪里卧横紫笛

前调【送杜景斋归永嘉】 张炎

猗兰声歇抱孤琴思远几番弹彻洗耳无人寂寂行歌古时月一笑东风又急黯消魂恨听啼  
鵙想少陵还叹飘零遣兴在吟篋 愁絶更离别待款语迟留赋归心切故园梦接花暗闲门掩  
飞蝶重访山中旧隐有羁怀未须轻说莫相忘堤上柳此时共折

前调 张炎

羽音寂寞怪虚帘昼悄近来无鹄水叶吹寒极目凝思倚江阁不信相如便老犹未减当时行  
乐但趁他鬪草筹花终是带离索 忆昨更情恶漫认着梅花是君还错石牀冷落闲埽松陰与  
谁酌一自飘零去後轻悞了灯前深约从到此归未得几曾忘却

御选历代诗余卷六十三

## 卷六十四

<集部,词曲类,词选之属,御选历代诗余

钦定四库全书

御选历代诗余卷六十四目錄【起九十七字至九十八字】

雪月交光

刘一止

长亭怨慢

姜夔

周密

王沂孙

前调【又一体】

张炎【二首】

倦寻芳【又一体】

潘元质

卢祖皋

吴文英【三首】

汤恢

文徵明

被花恼



杨缵

秋蕊香【又一体】

赵以夫

凤凰台上忆吹箫【又一体】

侯寘【二首】

张炎

彭履道

庆清朝慢

王观

李清照

前调【又一体】

史达祖

王沂孙

张炎

雨中花慢

黄庭坚

前调【又一体】

辛弃疾

张孝祥

苏洵

前调【又一体】

葛立方【二首】

玉簫凉

史达祖

绿盖舞风轻

周密

月边娇

周密

玉京謠

吴文英

留客住

柳永

燕春台

张先

夏初临

刘涇

前调【又一体】

王沂孙

西子妆慢【又一体】

吴文英

张炎

梦芙蓉

吴文英

潇潇雨

张炎

卓牌儿【又一体】

方俟雅言

夜合花

晁补之

黄鹂遶碧树

周邦彦

月下笛

詹正

应天长【又一体】

周邦彦

康与之

方千里

吴文英

陈允平

张矩【十首】

扬州慢

姜夔

赵以夫

郑觉斋

李莱老

吴元可

雨中花慢【又一体】

苏轼

前调【又一体】

秦观

前调【又一体】

高观国

御选历代诗余卷六十四目錄

钦定四库全书

御选历代诗余卷六十四【起九十七字至九十八字】

司经局洗马掌局事兼翰林院修撰加二级【臣】王奕清奉旨校刊

雪月交光

【双调九十七字】

雪月交光 刘一止

正五云飞仗縞练纤裳乱空交舞拂石归来向玉堦微步欲唤冰娥暂凭风使爲埽氛驱雾渐

见停轮人间未识高空真侣 千里无尘地连天迴倦客西来路迷江树故国烟深想溪桥何处  
云鬟分行翠眉萦曲对夜寒尊俎清影徘徊端应座有风流能赋

长亭怨慢

【或无慢字双调九十七字】

长亭怨慢 姜夔

渐吹尽枝头香絮是处人家绿深门户远浦萦回暮帆

零乱向何处閒人多矣谁得似长亭树树若有情时不会得青青如许 日暮望高城不见只见  
乱山无数韦郎去也怎忘得玉环分付第一是早早归来怕红萼无人爲主算只有并刀难翦  
离愁千缕

前调 周密

记千竹万荷深处緑净池台翠凉亭宇醉墨题香闲箫横玉尽吟趣胜流星聚知几诵燕台句  
零落碧云空叹转眼岁华如许 凝竚望潇潇一水梦到隔花窗户十年旧事尽消得庾郎愁赋  
燕楼鹤表半漂零算惟有盟鸥堪语漫倚徧河桥一片凉云吹雨

前调【重过中庵故园】 王沂孙

泛孤艇东皋过徧尚记当日緑陰门掩屐齿莓阶酒痕罗袖事何限欲寻前迹空惆怅成秋苑  
自约赏花人别後总风流云散 水远怎知流水外却是乱山尤远天涯梦短想忘了绮疏雕檻  
望不尽冉冉斜阳抚乔木年华将晚但数点红英犹识西园凄惋

前调【又一体旧居有感】 张炎

望花外小桥流水门巷愔愔玉箫声絶鹤去台空佩环何处弄明月十年前事愁千折心情顿  
别露粉风香谁爲主都成消歇 凄咽小窗分袂处同把带鸳亲结江空岁晚便忘了尊前曾说  
恨西风不庇寒蝉便埽尽一林残叶谢杨柳多情还有緑陰时节

前调【怀吴菊泉】 张炎

记横笛玉关高处万里沙寒雪深无路破却貂裘远游归後与谁谱故人何许浑忘了江南旧  
雨不拟重逢应笑我飘零如羽 同去钓珊瑚海树底事又成行旅烟篷断浦更几点恋人飞絮  
如今又京洛寻春定应被薇花留住且莫把孤愁说与当时歌舞

倦寻芳

【又一体双调九十七字】

倦寻芳 潘元质

兽环半掩鸳鸯无尘庭院潇洒树色沈沈春尽燕娇莺姹梦草池塘青渐满海棠轩槛红相亚  
听箫声记秦楼夜约彩鸾齐跨 渐迤迤更催银箭何处贪欢犹系骢马旋翦灯花两点翠眉谁  
画香灭羞回空帐里月高犹在重帘下恨疎狂待归来碎揆花打

前调 卢祖皋

香泥垒燕密叶巢莺春晴寒浅花径风柔着地舞裊红软鬪草烟欺罗袂薄秋千影落春游倦  
醉归来记宝帐歌慵锦屏香煖 别来怅光陰容易还又荼蘼牡丹开偏妒恨疎狂那更柳花迎  
面鸿羽难凭芳信短长安犹近归期远倚危楼但镇日绣帘高卷

前调【吴妓李怜怜】 吴文英

坠餅恨井尘镜迷楼空闲孤燕寄别崔徽清瘦画图春面不约舟移杨柳系有缘人映桃花见  
叙分携悔香瘢漫爇緑鬟轻翦 听细语琵琶幽怨客鬓苍华衫袖湿徧渐老芙蓉犹自带霜堪  
看一缕情深朱户掩两痕愁起青山远被西风又惊吹梦云分散

前调【上元】 吴文英

海霞倒影空雾飞香天市催晚暮靨宫梅相对画楼帘卷罗幃轻尘花笑语宝钗争艳春心眼  
乱箫声正风柔柳弱舞肩交燕 念窈窕东邻深巷灯外歌沈月上花浅梦雨离云点点漏壶清  
怨珠络香销空念住纱窗人老羞相见渐铜壶闭春陰晓寒人倦

前调【钱周定夫】 吴文英

暮帆挂雨冰?飞梅春思零乱送客将归偏是故宫离苑醉酒曾同凉月舞寻芳还隔红尘面去  
难留怅芙蓉路窄緑杨天远 便系马莺边清晓烟草晴花沙润香软烂锦年华谁念故人游倦  
寒食相思堤上路行云应在孤山畔寄新吟莫空回五湖春鴈

前调 汤恢

觴箫吹暖蜡烛分烟春思无限风到楝花二十四番吹徧烟湿浓堆杨柳色昼长闲坠梨花片  
悄帘栊听幽禽对语分明如翦 记旧日西湖行乐载酒寻春十里尘软背後腰肢髣髴画图曾  
见宿粉残香随梦冷落花流水和天远但如今病恹恹海棠池馆

前调 文徵明

暄风泛午迟日酣春万锦新濯傅乐亭东记得向来曾约正是春明堪醉也等闲愁病刚蹉却  
漫多情忆阑干旧倚此时萧索空自有怜春思致赋玉才情无处堪着怎及东君时自对花吟  
酌檀板风流空在念锦堂佳丽还留诺待迟迟却又怕雨狂风恶

被花恼

【双调九十七字】

被花恼 杨 缵

疎疎宿雨酿寒轻帘幙静垂清晓宝鸭微温瑞烟少檐声不动春禽对语梦怯频惊觉敲珀枕  
倚银牀半窗花影明东照惆怅夜来风生怕娇香混瑶草披衣便起小径回廊处处多行到正  
千红万紫竞芳妍又还似年时被花恼蓦忽地省得而今双鬓老

秋蕊香

【又一体双调九十七字】

秋蕊香【木犀】 赵以夫

一夜金风吹成万粟枝头点点明黄扶疎月殿影雅澹道家装阿谁倩天女散浓香十分重透  
霓裳徘徊处玉绳低转人静天凉底事小山幽咏浑未识清妍空自情伤忆佳人执手难离相  
招蟾魄和酒吸清光碧云日暮何妨惆怅久瑶琴微弄一曲清商

凤凰台上忆吹箫

【又一体双调九十七字】

凤凰台上忆吹箫【咏梅】 侯 寘

浴雪精神倚风情态百端邀勒春还记旧隐溪桥日暮驿路泥乾曾伴先生蕙帐香细细粉瘦  
琼闲伤牢落一夜梦回腸断家山空教映溪带月供游客无情折满雕鞍便忘了明窗净几笔  
砚同欢莫向高楼喷笛花似我蓬鬓霜斑都休说今夜倍觉清寒

前调【蜡梅用前韵】 侯 寘

浅染霓裳轻匀汉额巫山行雨方还最好是肌香蜡莹萼嫩红乾曾见金钟在列钧天罢笋簴

都闲妖烧似晓镜乍开綠沁眉山 休夸瘦枝疎影湘裙窄一鈎龙麝随鞍便更做山人倦赏畏  
冷无欢争奈冰瓿彩笔题诗处珠琲斓斑清宵永相对莫放杯寒

前调【赵主簿号孤篷嘱予赋之】 张 炎

水国浮家渔邨古隐浪游惯占花深犹记得琵琶半面曾湿衫青不道江空岁晚桃叶渡还叹  
飘零因乘兴醉梦醒时却是山陰 投闲倦呼俦侣竟棹入芦花俗客难寻风渺渺云拖暮雪独  
钓寒清远溯流光万里浑错认片竹寰瀛元来是天上太乙真人

前调【秦淮夜月】 彭履道

劝客新楼鸣箏上酒夜凉人爱秋深何似过赏心佳处依约湖陰东望寒光缥缈烟水阔短笛  
消沈阑干近胜时种柳青到如今 凌波又成误约自环佩飞去暗想遗音重记省江城倦客醉  
拥秋衾谁家一掬红泪孤鴈远湿透罗襟石城晓数声又递寒砧

庆清朝慢

【双调九十七字】

庆清朝慢 王 观

调雨爲酥催冰做水东君分付春还何人便将轻暖点破残寒结伴蹋青去好平头鞦子小双  
鸾烟郊外望中秀色如有无间 晴则个陰则个餽釘得天气有许多般须教撩花拨柳争要先  
看不道吴绫绣韞香泥斜沁几行斑东风巧尽收翠綠吹上眉山

前调【宋媛】 李清照

禁幄低张雕阑巧护就中独占残春容华澹泞绰约俱见天真待得羣花过後一番风露晓妆  
新妖烧态妒风笑月长殢东君 东城边南陌上正日烘池馆竞走香轮绮筵散目谁人可继芳  
尘更好明光宫里几枝先向日边匀金尊倒?了画烛不管黄昏

前调【又一体】 史达祖

坠絮孳萍狂鞭孕竹偷移红紫池亭余花未落似供残蝶经营赋得送春诗了夏帷撙断綠陰  
成桑麻外乳鸠糴燕别样芳情 荀令旧香易冷叹俊游疎嬾枉自销凝尘侵谢屐幽径斑驳苔  
生便觉寸心尚老故人前度漫丁宁空相误祓兰曲水挑菜东城

前调 王沂孙



玉局歌残金陵句絕年年负却薰风西邻窈窕独怜入户飞红前度綠陰载酒枝头色比似裙  
同何须拟蜡珠作蒂綰彩成丛 谁在旧家殿阁自玉真仙去埽地春空朱旛护取如今应悞花  
工颠倒绛英满迳想无车马到山中西风後尚余数点还胜春浓

前调 张 炎

浅草犹霜融泥未燕晴梢润叶初乾闲扶短策邻家小聚清欢错认篱根是雪梅花过了一番  
寒风还峭较迟芳信恰似春残 此境此时此意待携琴独去不冷慵弹飘飘爽气飞鸟相与俱  
还醉里不知何处好诗尽在夕阳山山深杳更无人到流水花间

雨中花慢

【双调九十七字】

雨中花慢 黄庭坚

正乐中和夷夏燕喜官梅乍传消息待新年欢计断送春色桃李成陰甘棠少讼又移旌戟念  
画楼朱阁风流高会顿冷谈席 西川纵有舞裙歌板谁共茗邀碁敌归来未先沾离袖管弦催  
滴乐事赏心易散良辰美景难得会须醉倒玉山扶起更倾春碧

前调【又一体】 辛弃疾

马上三年醉?吟鞍锦囊诗卷长留怅溪山旧管风月新收明便关河杳杳去应日月悠悠笑千  
篇索价未抵蒲萄五斗凉州 停云老子有酒盈尊琴书端可消忧浑未解倾身一饱渐米矛头  
心似伤弓塞鴈身如喘月吴牛晓天凉夜月明谁伴吹笛南楼

前调【长沙】 张孝祥

一叶凌波十里御风烟鬟雨鬓萧萧认江皋玉佩水馆冰销秋净明霞乍吐曙凉宿霭初消恨  
微颦不语欲进还休凝竚迢遥 神交冉冉愁思盈盈断魂欲遣谁招还似待青鸾传信乌鹊成  
桥怅望胎仙琴叠羞看翡翠兰苕梦回人远红云一片天际笙箫

前调【怀刘改之】 苏 洵

十载尊前放歌起舞人间酒户诗流尽期君凌厉羽翮高秋世事几如人意儒冠还负身谋叹  
天生李广才气无双不得封侯 榆关万里一去飘然片云甚处神州应怅望家人父子重见无  
由陇水寂寥传恨淮山宛转供愁这回休也燕鸿南北长隔英游

前调【又一体】 葛立方

壮岁嬉游乐事几经青门紫陌芳春未见廉纤膏雨浥花尘濯锦宝丝增艳洗妆玉颊尤新向韶光浓处点染芳菲总是东君 苏州老子经过南园爲谁一埽花林谁信道佳声着处肌润香匀晓洗何郎汤饼暮留巫女行云寄言游子也须留盼小驻蹄轮

前调 葛立方

寄径睢阳陌上忽看夭桃穠李争春又见楚宫行雨洗芳尘红艳霞光夕照素华琼树朝新爲奇姿芳润拟倩游丝留住东君 拾遗杜老犹爱南塘寄情萝薜山林争似此花如姝丽獭髓轻匀不数江陵玉杖休夸花岛红云少须澄霁一番清影更待冰轮

玉簫凉

【双调九十七字】

玉簫凉 史达祖

秋是愁乡自锦瑟断弦有泪如江平生花里活奈旧梦难忘蓝桥云树正緑料抱月几夜眠香河汉阻但凤音传恨栏影敲凉 新妆莲娇试晓梅瘦破春因甚却扇临窗红巾衔翠翼早弱水茫茫柔指各自未翦问此去莫负王昌芳信准更教寻红杏西厢

緑盖舞风轻

【双调九十七字】

緑盖舞风轻【白莲】 周密

玉立照新妆翠盖亭亭凌波步秋漪真色生香明璫摇澹月舞袖斜倚耿耿芳心奈千缕晴丝萦系恨开迟不嫁东风顰怨娇蕊 花底漫卜幽期素手采珠房粉艳初洗雨湿铅颦碧云深暗聚软绡清泪访藕寻莲楚江远相思谁寄棹歌回衣露满身花气

月边娇

【双调九十七字】

月边娇【元夕】 周密

酥雨烘晴早柳盼娇顰兰芽愁醒九街月澹千山夜暖十里宝光花影尘凝步韞送艳笑争夸轻俊笙箫逼晓翠幙卷天香宫粉 少年韦曲疎狂絮花踪迹夜蛾心性戏丛围锦灯帘转玉撵却舞勾歌引前懽漫省又辇路东风吹鬓醺醺倚醉任夜深春冷

## 玉京謠

【双调九十七字】

玉京謠 吴文英

蝶梦迷清晓万里无家岁晚貂裘敝载取琴书长安闲看桃李烂锦绣人海花場任客燕飘零  
谁计春风里香泥九陌文梁孤垒 微吟怕有诗声翳镜慵看但小楼独倚金屋千娇从他鸳暖  
秋被蕙帐移烟雨孤山待对影落梅清泚终不似江上翠微流水

## 留客住

【双调九十七字】

留客住 柳 永

偶登眺凭小楼艳阳时节乍晴天气是处闲花野草遥山万叠云散涨海千里潮平波浩渺烟  
村院落是谁家绿树数声啼鸟 旅情悄远信沉沉离魂杳杳对景伤怀度日无言谁表惆怅旧  
欢何处後约难凭看看春又老盈盈泪眼望僊乡隐隐断霞残照

## 燕春台

【双调九十七字】

燕春台【东都春日李阁使席上】 张 先

丽日千门紫烟双阙琼林又报春回殿角风微当时去燕还来五侯池馆屏开探芳菲走马天  
街重帘人语辘轳车幰远近轻? 雕觴霞灩翠幕云飞楚腰舞柳宫面妆梅金猊夜暖罗衣暗  
裊香煤洞府人归笙歌灯火楼台下蓬莱犹有花上月清影徘徊

## 夏初临

【双调九十七字】

夏初临 刘 涇

泛水新荷舞风轻燕园林夏日初长庭树陰浓雏莺学弄新簧小桥飞入横塘跨青苹绿藻幽  
香朱阑斜倚霜纨未摇衣袂先凉 歌欢稀遇怨别多同路遥水远烟澹梅黄轻衫短帽相携洞  
府流觴况有红妆醉归来宝蜡成行拂牙牀纱?半开月在回廊

前调【又一体】 王沂孙

疎帘蝶粉幽径燕泥花间小雨初足又是楚城寒食轻舟泛晴渚寻芳地来去熟尚髣髴大堤  
南北望杨柳一片陰陰摇曳新绿 重访艳歌人听取春声犹是杜郎曲荡漾去年春色深深杏  
花屋东风曾共宿记小刻近窗新竹旧游远沈醉归来满院银烛

西子妆慢

【又一体双调九十七字】

西子妆慢 吴文英

流水麴尘艳阳酤酒画舸游情如雾笑拈芳草不知名乍凌波断桥西堍垂杨漫舞总不解将  
春系住燕归来问彩绳纤手如今何许 欢盟误一箭流光又趁寒食去不堪衰鬓着飞花傍绿  
陰冷烟深树玄都秀句记前度刘郎曾赋最伤心一片孤山烟雨

前调 张炎

白浪摇天青陰涨地一片野怀幽意杨花点点是春心替风前万花吹泪遥岑寸碧有谁识朝  
来青气自沈吟甚流光轻掷繁华如此 斜阳外隐约孤邨隔坞闲门闭渔舟何似莫归来想桃  
源路通人世危桥静倚千年事都消一醉漫依依愁落鹃声万里

梦芙蓉

【双调九十七字】

梦芙蓉【赵昌芙蓉图】 吴文英

西风摇步绮记长堤骤过紫骝十里断桥南?人去晚霞外锦温花共醉当时曾共秋被自别霓  
裳应红消翠冷霜枕正慵起 惨淡西湖柳底摇落秋魂夜月归环佩画图重展惊认旧梳洗去  
来双翡翠难传脸恨眉意梦断琼娘但云深路杳城影蘸流水

潇潇雨

【双调九十七字】

潇潇雨【泛江怀友】 张炎

空山弹古瑟掬长流洗耳复谁听倚阑干不语江潭树老风挟波鸣愁里不须啼鵙花落石牀

平岁月鸥前梦耿耿离情 记得相逢竹外看词源倒泻一雪尘纓笑匆匆呼酒飞雨夜舟行又天涯零落如此掩闲门得似晋人清相思恨趁杨花去错到长亭

卓牌儿

【又一体双调九十七字儿或作子或作慢】

卓牌儿 万俟雅言

东风绿杨天如画出清明院宇玉艳澹泊梨花带月胭脂零落海棠轻雨单衣怯黄昏人正在珠帘笑语相并戏蹴秋千共携手同倚阑干暗香时度翠窗绣户路缭绕全通幽处断魂凝竚嗟不似飞絮闲闷闲愁难消遣此日年年意绪无据奈酒醒春去

夜合花

【双调九十七字】

夜合花【牡丹】 晁补之

百紫千红占春多少共推絶世花王西都万家俱好不爲姚黄慢肠断巫阳对沉香亭北新妆记清平调词成进了一梦仙乡天葩秀出无双倚朝晖半如酣酒成狂无言自有檀心一点偷芳念往事情伤又新艳曾说滁阳纵归来晚君王殿後别是风光

黄鹂遶碧树

【双调九十七字】

黄鹂遶碧树 周邦彦

双阙笼佳气寒威日晚岁华将暮小院闲庭对寒梅照雪澹烟凝素忍当迅景动无限伤春情绪犹赖是上苑风光渐好芳容将煦草萼兰芽渐吐且寻芳更休思虑这浮世甚驱驰利禄奔竞尘土纵有魏珠照乘未买得流年住争如剩引榴花醉偎琼树

月下笛

【双调九十七字】

月下笛 詹正

江上行人竹间茅屋下临深窈春风嫋嫋翠鬟窥树犹小遥吟近倚归还顾分付横枝未了扁舟却去中流回首惊散飞鸟重蹋新亭屐齿看山抱孤城月来华表鸡声人语隔江相伴歌笑壮游历历同高李未拟诗成草草长桥外有醒人吹笛并在霜晓

应天长

【又一体双调九十八字】

应天长【寒食】周邦彦

条风布暖霏雾弄晴池台徧满春色正是夜堂无月沈沈暗寒食梁间燕社前客似笑我闭门愁寂乱花过隔院芸香满地狼藉长记那回时邂逅相逢郊外驻油壁又见汉宫传烛飞烟五侯宅青青草迷路陌强载酒细寻前迹市桥远柳下人家犹自相识

前调 康与之

管弦绣陌灯火画桥尘香旧时归路肠断萧娘旧日风帘映朱户莺能舞花解语念後约顿成轻负缓雕辔独自归来凭栏情绪楚岫在何处香梦悠悠花月更谁主惆怅後期空有鳞鸿寄纨素枕前泪窗外雨翠幙冷夜凉虚度未应信此度相思寸肠千缕

前调【次周美成韵】方千里

嫩黄上柳新绿涨池东风艳冶天色又见乍晴还雨年华傍寒食春依旧身是客对丽景易伤岑寂怅凝望一带平芜翦就茵藉前度少年塲醉记旗亭联句徧窗壁调笑映墙红粉参差水边宅芦鞭嬾过故陌恨未老渐成陈迹漫无语立尽斜阳怀抱谁识

前调【吴门元夕】吴文英

丽花鬪靨清麝溅尘春声徧漏芳陌竟路障空云幕冰壶浸霞色芙蓉词赋仙客竞绣笔醉嫌天窄素娥下小驻轻镵眼乱红碧前事顿非昔故苑年光浑与世相隔向暮巷空人絶残灯耿尘壁凌波恨帘户寂听怨写堕梅哀笛竚立久雨暗河桥谯漏疎滴

前调【次周美成韵】陈允平

流莺唤梦芳草带愁东风料峭寒色又见杏浆饧粥家家禁烟食江湖几年倦客曾惯识凄凉岑寂苦吟瘦萧索诗肠空媿郊籍春事正溪山柳雾花尘深映翠萝壁更谢多情双燕归来旧庭宅晴丝乱游巷陌怅容易万红陈迹酒旗在绿水桥边犹记曾识

前调【苏堤春晓】张矩

曙林带暝晴霭弄霏莺花未认游客草色旧迎雕辇蒙茸暗香陌秋千架闲晓索正露湿绣鸳痕窄费人省隔夜浓欢醒处先觉重过涌金楼画舫红旌催向断桥泊又怕晚天无准东风妒芳约垂杨?今胜昨水院近占春光酌恁时候不道归来香断灯落

前调【平湖秋月】张矩

候蛩探暝书鴈寄寒西风暗翦绡织报道凤城催钿笙歌散无迹冰轮驾天纬逼渐款引素娥游历夜妆靚独展菱花淡绚秋色人在涌金楼漏迴绳低光重袖香滴笑语又惊栖鹊南飞傍林间孤山影波共碧向此际隐逋如识梦仙游倚徧霓裳何处闻笛

前调【断桥残雪】张矩

螯浙涸晓篙水涨漪孤山渐卷云簇又见?容舒腊菱花照新沐横斜树香未北倩点缀数梢疎玉断肠处日影轻消休怨霜竹帘上涌金楼酒灩酥融金缕试春曲最好半残鷓鴣登临快心目瑶台梦春未足更看取酒窗填屋灞桥外柳下吟鞭归趁游烛

前调【雷峯夕照】张矩

磬圆树杪舟乱柳津斜阳又满东角可是暮情堪翦平分付烟郭西风影吹易落认满眼脆红先烁算惟有塔起半轮千载如昨谁信涌金楼此际凭阑人共楚天约准拟换尊陪月层空卷尘幙飞鸿倦低未泊闲倒指数来还错笑声里立尽黄昏刚道愁恶

前调【麴院风荷】张矩

换桥渡舫添柳护堤坡仙旧欠今续四面水窗如染香波酿春麴田田处成暗绿正万羽背风斜矗乱鸥去不信双鸳午睡犹熟还记涌金楼共抚雕阑低度浣纱曲自与故人轻别荣枯换凉燠亭亭影惊艳目忍到手又成轻触悄无语独捻花须心事曾卜

前调【花港观鱼】张矩

岸容浣锦波影堕红纤鳞巧避鳬唼禹浪未成头角吞舟胆犹怯湖山外江海匝怕自有暗泉流接楚天远尺素无期枉语停楫回望涌金楼带草蛩烟缥缈际城堞渐见暮榔敲月轻舫乱如叶濠梁兴归来恹记旧伴袖携留掐指鱼水总是心期休怨三叠

前调【南屏晚钟】张矩

翠屏对晚乌榜占堤钟声又敛春色几度半空敌月山南应山北欢娱地空浪迹漫记省五更闻得洞天晓夹柳桥疎稳纵香勒前度涌金楼啸傲东风鸥鹭半相识暗数院僧归尽长虹卧深碧花间恨犹记忆正素手暗裁轻拆夜深後不道人来灯细窗隙

前调【柳浪闻莺】 张 矩

翠迷倦舞红驻残妆流莺怕与春别过了禁烟寒食东风颤环铁游人恨柔带结更唤醒羽喉  
宫舌画船远不认縣蛮晚棹空歇 争似涌金楼燕燕归来鉤转暮帘揭对语画梁消息香泥砌  
花屑昆明事休更说费梦绕建章宫阙晓啼处稳系金钗双镫笼月

前调【三潭印月】 张 矩

桂轮逼彩菱沼漾金潜虬暗动蛟室水路乍疑霜雪明眸洗春色年时事还记忆对万顷葑根  
龟坼旧游处不认三潭此际曾识 今渡涌金楼素练萦窗频照庾公席自与影娥人约移舟弄  
空碧宵风悄籤漏滴早未许睡魔相觅有时恨月被云妨天也攲得

前调【两峯插云】 张 矩

暮屏翠冷秋树赭疎双峰对起南北好与霁天相接浮图现西极迢嶢处云共碧漫费尽少年  
游屐故乡远一望空遥水断烟隔 闲凭涌金楼潋灩波心如洗梦淹笔唤起睡龙苍角盘空壮  
商色西湖路成倦客待倩写素缣千尺便归去酒底花边犹自看得

扬州慢

【双调九十八字姜夔游扬州自制此调】

扬州慢【至日过扬州】 姜 夔

淮左名都竹西佳处解鞍少驻初程过春风十里尽荠麦青青自吴马窥江去後废池乔木犹  
厌言兵渐黄昏清角吹寒都在空城 杜郎俊赏算如今重到须惊纵荳蔻词工青楼梦好难赋  
深情二十四桥仍在波心荡冷月无声念桥边红药年年知爲谁生

前调【琼花】 赵以夫

十里春风二分明月蕊仙飞下琼楼看冰花翦水拥砌玉成球想长日云阶竚立太真肌骨飞  
燕风流敛羣芳清丽精神初付扬州 雨窗数朵梦惊回天外香浮似阆苑花神怜人冷落骑鹤  
来游爲问江淮风景长空澹烟水悠悠又黄昏羌笛孤城吹起新愁

前调【琼花次赵虚斋韵】 郑觉斋

弄玉轻盈飞琼淡泞躡尘步下迷楼试新妆才了炷沈水香球记晓翦春冰驰送金屏露湿缣  
绮新流甚天中月色被风吹梦南州 尊前相见似羞人踪迹萍浮问弄雪飘枝无双亭上何日  
重游我欲腰纏骑鹤烟霄远旧事悠悠但凭阑无语烟花三月春愁



前调【琼花】 李莱老

玉倚风轻粉凝冰薄土花池冷无人听吹箫月底传暮革金城笑红紫纷纷成雨遡空如蝶肯  
堕珠尘叹而今杜郎还见应赋悲春 佩环何许纵无情莺燕犹惊怅朱槛香销绿屏梦杳肠断  
瑶琼九曲迷楼依旧沉沉夜想觅行云但荒烟幽翠东风吹作秋声

前调【初秋】 吴元可

露叶犹青岩花初动幽幽未似秋陰似梅风带溽暑吹度长林记当日西廊共月小屏轻扇人  
语凉深对清觞醉笑醒颦何似如今 临风欲赋甚年来渐减狂心爲谁倚多才难凭易感早付  
销沉解事张郎风致鲈鱼好归听吴音又夜阑闻笛故人忽到幽襟

雨中花慢

【又一体双调九十八字】

雨中花慢【密州九月牡丹】 苏轼

今岁花时深院尽日东风荡漾茶烟但有绿苔芳草柳絮榆钱闻道城西长廊古寺甲第名园  
有国艳带酒天香染袂爲我留连 清明过了残红无处对此泪洒尊前秋向晚一枝何事向我  
依然高会聊追短景清商不暇余妍不如留取十分春态付与明年

前调【又一体】 秦观

指点虚无征路醉乘斑蚪远访西极见天风吹落满空寒白玉女明星迎笑何苦自淹尘域正  
火轮飞上雾卷烟开洞观金碧 重重观阁横枕鳌峰水面倒衔苍石随处有奇香幽火杳然难  
测好是蟠桃熟後阿环偷报消息在青天碧海一枝难遇占取春色

前调【又一体】 高观国

旆拂西风客应汉星行参玉节征鞍缓带轻裘争看盛世衣冠吟倦西湖风月去看北塞关山  
过离宫禾黍故垒烟尘有泪应弹 文章俊伟颖露囊锋名动万里呼韩知素有平戎手段小试  
何难情寄吴梅香冷梦随陇鴈霜寒立勋未晚归来依旧酒社诗坛

御选历代诗余卷六十四

## 卷六十五

<集部,词曲类,词选之属,御选历代诗余

钦定四库全书

御选历代诗余卷六十五目錄【起九卅八字至九十九字】

琐窗寒

杨无咎

前调【又一体】

程先

前调【又一体】

吴文英

孤鸾

朱敦儒

马庄父

张榘

林章

前调【又一体】

赵以夫

前调【又一体】

张榘

双头莲【又一体】

陆游

云仙引

冯艾子

玉蝴蝶【又一体】

李之仪

芰荷香【又一体】

万俟雅言

前调【又一体】

赵彦端

双双燕【又一体】

史达祖

张琨

塞垣春【又一体】

吴文英

珍珠帘

吴文英

绣停鍼

陆游

醉蓬莱【又一体】

杨慎

绦都春

陈允平

玲珑玉

姚云文

春草碧【又一体】

万俟雅言

尾犯【又一体】

柳永

月下笛

周邦彦

并蒂芙蓉

晁端礼

逍遥乐【又一体】

黄庭坚

黄河清慢

晁端礼

三部乐

苏轼

前调【又一体】

周邦彦

万年欢

王安礼

八节长欢

毛滂【二首】

二郎神

吕渭老

碧芙蓉

叶小鸾

玉蝴蝶【又一体】

柳永【五首】

王安中

晁补之

晁冲之

葛郯

李纲

辛弃疾【二首】

陆游

高观国

史达祖

尹济翁

张翥

杨慎

冯鼎位

陈子龙

叶纨纨【二首】

叶小鸾

前调【又一体】

张炎

三姝媚

史达祖

吴文英【二首】

王沂孙【二首】

张炎【二首】

薛梦桂

詹正

御选历代诗余卷六十五目錄

钦定四库全书

御选历代诗余卷六十五【起九十八字至九十九字】

司经局洗马掌局事兼翰林院修撰加二级【臣】王奕清奉旨校刊

琐窗寒

【双调九十八字】

琐窗寒 杨无咎

柳暗藏鸦花深见蝶物华如绣情多思远又是一番清瘦忆前回庭榭未春个人预约同携手  
恨迟留载酒期程孤负踏青时候搔首双眉暗鬬况无似今年一春晴昼风僝雨僽直得迤逗  
想闲窗鍼线倦拈寂寞细捻酴醾待还家定是冤人泪粉盈襟袖

前调【又一体】程先

雨洗红尘云迷翠麓小车难去凄凉感慨未有今年春暮想曲江水边丽人影沈香歇谁爲主  
但兔葵燕麦风前摇荡径花成土空被多情苦嘉会难逢少年几许

纷纷沸鼎负了青阳百五待何时重睹太平典衣贯酒相尔汝算兰亭有此欢娱又却悲今古

前调【又一体玉兰】吴文英

绀缕堆云清颔润玉记人初见蛮腥未洗梅谷一怀凄惋渺征槎去乘阆风占香上国幽心展  
遗芳揜色真姿凝澹返魂骚畹一盼千金换又笑伴鸱夷共归吴苑离烟恨水梦杳南天秋晚  
比来时瘦肌更消冷熏沁骨悲乡远最伤情送客咸阳佩结西风怨

孤鸾

【鸾或作𪛗双调九十八字】

孤鸾【早梅】朱敦儒

天然标格是小萼堆红芳姿凝白淡泞新妆浅点壽阳宫额东君想留厚意借年年与传消息  
昨日前邨雪里有一枝先坼念故人何处水云隔纵驿使相逢难寄春色试问丹青手是怎生  
描得晓来一番雨过更那堪数声羌笛归去和羹未晚劝行人休摘

前调 马庄父

沙堤香软正宿雨初收落梅飘满可奈东风暗逐马蹄轻卷湖波又还涨緑粉墙陰日融烟暖  
蓦地刺桐枝上有一声春唤任酒帘飞动画楼晚便指数烧灯时节非远陌上叫声好是卖花  
行院玉梅对妆雪柳鬪蛾儿象生娇颤归去争先戴取倚宝钗双燕

前调【次赵虚斋梅词韵】 张 榘

塞鸿来早正碧瓦霜轻玉鳞寒少昨夜南枝一点阳和先到黄昏半窗澹月照青青谢池春草  
此际虚斋心事与此花俱好 算巡檐索共梅花笑是千古风流少陵曾道争似油幢下对一枝  
春小江城惯听画角且休教玉关人老好试和羹手段向凤池春晓

前调 林 章

爲谁抛撇似海燕初分林莺乍别回首天涯满目云山愁絶东风不怜春色把一枝杨花吹折  
直恁黏烟带雨更盈盈似雪 奈梦儿相隔恨难说想昨夜孤衾今日双颊比这青衫上有几重  
啼血一声晚钟动了又送人断肠时节莫把琵琶乱拨正春江潮咽

前调【又一体梅】 赵以夫

江头春早问江上寒梅占春多少自照疎星冷祗许春风到幽香不知甚处但迢迢满河烟草  
回首谁家竹外有一枝斜好 记当年曾共花前笑念玉雪襟期有谁知道唤起罗浮梦正参横  
月小凄凉更吹塞管漫相思鬓毛惊老待觅西湖半曲待霜天清晓

前调【又一体 以梅花壽赵嬾窝】 张 榘

荆溪清晓问昨夜南枝几分春到一点幽芳不待陇头音耗亭亭水边月下胜人间等闲花草  
此际风流谁似有嬾窝诗老 且向虚檐淡然索笑任雪压霜欺精神越好最喜庭除下映紫兰  
娇小孤山好寻旧约况和羹用功宜早移傍玉堦深处趁天香缭绕

双头莲

【又一体双调九十八字】

双头莲 陆 游

风卷征尘堪叹处青骢正摇金辔客襟贮泪漫万点如血凭谁持寄伫想艳态幽情压江南佳  
丽春正媚怎忍长亭匆匆顿分连理 目断澹日平芜烟浓树远微茫如荠悲欢梦里奈倦客又  
是关河千里最苦唱彻骊歌迟留无计何限事待与丁宁行时已醉

云仙引

【双调九十八字】

云仙引 冯艾子



紫凤台高红鸾镜里翻翻几度秋馨黄金重绿云轻丹砂鬓边滴粟翠叶玲珑烟翳成含笑出帘月香满袖天雾萦身年时花下逢迎有游女翩翩如五云乱掷芳英爲簪斜朶事事关心长向金风一枝在手颿蕊悲歌双黛颿绕临溪树对初弦月露下更深

玉蝴蝶

【又一体双调九十八字】

玉蝴蝶 李之仪

坐久灯花开尽暗惊风叶初报霜寒冉冉年华催暮颜色非丹搅回肠蛩吟似织留恨意月彩如摊惨无欢篆烟萦素空转雕盘何难别来几日信沉鱼鸟情满关山耳边依约常记巧语繇蛩聚愁窠蜂房未密倾泪眼海水犹慳奄更阑渐移银汉低泛帘颜

芰荷香

【又一体双调九十八字】

芰荷香【本意】 万俟雅言

小潇湘正天影倒碧波面容光水仙朝罢间列绿盖红幢和风细雨荡十顷浥浥清香人在水精中央霜绡雾縠襟袂收凉款放轻舟闹红里有蜻蜓点水交颈鸳鸯翠阴密处曾觅相并青房晚霞散绮泛远净一叶鸣榔拟去尽促琯觴歌云未断月上飞梁

前调【又一体 送程德远罢金谿】 赵彦端

燕初归正春阴暗澹客意凄迷玉觴无味晚花雨退凝脂多情细柳对沈腰浑不胜衣垂别袖忍见离披江南陌上强半红飞乐事从今一梦纵锦囊空在金碗谁挥舞裙歌扇故应闲锁幽闺练江诗就算棹舟宁不相思肠断莫诉离杯青云路稳白首心期

双双燕

【又一体双调九十八字调名始此因有九十六字词故列爲又一体也】

双双燕【本意】 史达祖

过春社了度帘幕中间去年尘冷差池欲住试入旧巢相并还相雕梁藻井又软语商量不定飘然快拂花梢翠尾分开红影芳径芹泥雨润爱贴地争飞竞夸轻俊红楼归晚看足柳昏花暝应是栖香正稳便忘了天涯芳信愁损翠黛双蛾日日画阑独凭

## 前调 张琨

披蓬探隐到幽草溪头碧陰山曲竹韵松姿媚却吟眸诗腹是处翠峰成簇更秋新雨凉如沐  
深林宛转芳禽浅涧琤淙漱玉 孤独筒编娱目有纫佩芳兰供餐茂菊藤牀闲憩梦入华胥仙  
国应是月明帘轴恰一枕清酣睡足小小花童低报瓦鼎烹茶刚熟

## 塞垣春

【又一体双调九十八字】

## 塞垣春【岁旦】 吴文英

漏瑟侵琼筦润鼓借烘炉煖藏鈎怯冷画难临晓邻语莺啭殢綠窗细呪浮梅賸换蜜炬花心  
短梦惊回林鸦起曲屏春事天远 迎路柳丝裙看争拜东风盈灞桥?髻落宝钗寒恨花胜迟  
燕渐衔帘影转还似新年过邮亭一相见南陌又灯火绣囊尘香浅

## 珍珠帘

【珍或作真双调九十八字】

## 珍珠帘【隔墙闻箫鼓声疑是按舞】 吴文英

蜜沉炉煖余烟袅竚立行人官道麟带压愁香听舞箫云渺恨缕情丝春絮远怅梦隔银屏难  
到寒峭有东风垂柳学得腰小 还近綠水清明叹孤身如燕将花频遶细雨湿黄昏半醉归怀  
抱蠹损歌纨人去久漫泪沾香兰如笑书杳念客枕幽单看春渐老

## 绣停鍼

【双调九十八字】

## 绣停鍼 陆 游

叹半纪跨万里秦吴顿觉衰谢回首鵷行英俊并游咫尺玉堂金马气凌嵩华负壮略纵横王  
霸梦经洛浦梁园觉来泪流如泻 山林定去也却是恐说着少年时话静院焚香闲倚素屏今  
古总成虚假趁时婚嫁幸自有湖边茅舍燕归应笑客中又还过社

## 醉蓬菜

【又一体双调九十八字】

## 醉蓬莱 杨 慎

看金波遥映玉镜高飞昆明池沼近天上中秋人间蓬岛建节堂深筹边楼迥正雨晴风袅青  
鸟喉歌红鸾掌舞仙音缭绕 白鹤南来锦书爲报云动三山星飞五老汉节唐符拜重华天表  
玉麈谈诗金钗压鬓向琼林齐祷愿岁岁长春年年此日恩波难老

## 绛都春

【双调九十八字此调平仄互用韵】

## 绛都春 陈允平

秋千倦倚正海棠半坼不耐春寒殢雨弄晴飞梭庭院绣帘闲梅妆欲试芳情嬾翠颦愁入眉  
弯雾蝉香冷霜绡泪搵恨袭湘兰 悄悄池台步晚任红醺杏靥碧沁苔痕燕子未来东风无语  
又黄昏琴心不度春云远断肠难托啼鹃夜深犹倚垂杨二十四栏

## 玲珑玉

【双调九十八字】

## 玲珑玉【半闲堂赋春雪】 姚云文

开岁春迟早赢得一白潇潇风窗浙簌梦惊锦帐春娇是处貂裘透暖任尊前回舞红倦柔腰  
今朝亏陶家茶鼎寂寥 料得东皇戏剧怕蛾儿街柳先鬪元宵宇宙低迷倩谁分浅凸深凹休  
嗟空花无据便真个琼雕玉琢总是虚飘且沉醉趁楼头零片未消

## 春草碧

【又一体双调九十八字一名中管高】

## 春草碧【本意】 万俟雅言

又随芳渚坐看翠连霁空愁徧征路东风里谁望断西塞恨迷南浦天涯地角意不尽消沉万  
古曾是送别长亭下细绿暗烟雨 何处乱红铺绣裯有醉眠荡子拾翠游女王孙远柳外共残  
照断云无语池塘梦生谢公後还能继否独上画楼春山暝鴈飞去

## 尾犯

【又一体双调九十八字】

## 尾犯 柳永

晴烟幂幂渐东郊芳草染成轻碧野塘风暖游鱼动触冰渐微坼几行断鴈旋次第归霜磧咏新诗手捻江梅故人赠我春色似此光阴催逼念浮生不满百虽照人轩冕润屋金珠於身何益一种劳心力图利禄殆非长策除是恁点检笙歌访寻罗绮消得

## 月下笛

【双调九十八字】

## 月下笛 周邦彦

小雨收尘凉蟾莹彻水光浮碧谁知怨抑静倚官桥吹笛映宫墙风叶乱飞品高调侧人未识想开元旧谱柯亭遗韵尽传胸臆阑干四邊听折柳徘徊数声终拍寒灯陋馆最感平阳孤客夜沉沉鴈啼正哀片云尽卷清漏滴黯凝魂但觉龙吟万壑天籁息

## 并蒂芙蓉

【双调九十八字宋政和时大晟乐府成蔡京荐晁端礼徽宗诏乘传赴阙会禁中嘉莲生端礼属词以进名并蒂芙蓉即此调也】

## 并蒂芙蓉 晁端礼

太液波澄向监中照影芙蓉同蒂千柄绿荷深并丹脸争媚天心眷临圣日殿宇分明敞嘉瑞弄香麝蕊愿君王壽与南山齐比池边屡回翠辇拥羣仙醉赏凭阑凝思萼绿揽飞琼共波上游戏西风又看露下更结双双新莲子鬪装竞美问鸳鸯向谁留意

## 逍遥乐

【又一体双调九十八字】

## 逍遥乐 黄庭坚

春意渐归芳草故园佳人千里信沉音杳雨润烟光晚景澄明极目危栏斜照梦当年少对尊前上客邹枚小鬢燕赵共舞雪歌尘醉里谈笑花色枝枝争好鬢丝年年渐老如今遇风景空瘦损向谁道东君幸赐与天幕翠遮红邊休休醉乡岐路华胥蓬岛

## 黄河清慢

【双调九十八字】

黄河清慢【应制】 晁端礼

晴景初升风细细云收天淡如洗望外凤凰城阙葱葱佳气朝罢香烟满袖侍臣报天颜有喜  
夜来连得封章奏大河彻底清泚 君王寿与天齐馨香动上穹频降祥瑞大晟奏功六乐初调  
宫徵合殿薰风乍转万花覆千官尽醉内家传诏重开宴未央宫里

三部乐

【双调九十八字本商调曲名後遂以爲词调也】

三部乐 苏轼

美人如月乍见掩暮云更增妍絶算应无恨安用陰晴圆缺娇甚空只成愁待下牀又嬾未语  
先咽数日不来落尽一庭红叶 今朝置酒强起问爲谁减动一分香雪何事散花却病维摩无  
疾却低眉惨然不答唱金缕一声怨切堪折便折且惜取少年花发

前调【又一体梅雪】 周邦彦

浮玉飞璫向邃馆静轩倍增清絶夜窗垂练何用交光明月闻道官阁多梅趁暗香未远冻蕊  
初发倩谁折取持赠情人桃叶 回文近传锦字道爲君瘦损是人都说祇如染红着手胶梳黏  
发转思量镇长堕睫都只爲情深意切欲报信息无一句堪喻愁结

万年欢

【双调九十八字】

万年欢【梅】 王安礼

雅出羣芳占春前信息腊後风光野岸邮亭繁似万点轻霜清浅溪流倒影更黯澹月色笼香  
浑疑是姑射冰姿壽阳粉面初妆 多情对景易感况淮天庾岭迢递相望愁听龙吟凄絶画角  
悲凉念昔因谁醉赏向此际空恼危肠终须待结实恁时佳味堪尝

八节长欢

【双调九十八字】

八节长欢 毛滂

泽国秋深绣槛天近坐久魂清溪山遶尊酒云雾浥衣襟余霞孤鴈送乡愁寄寒闺一点离心  
杜老两峰秀处短发疎巾佳人爲折寒英罗袖湿真珠露冷钿金幽艳爲谁妍东篱下却教醉  
倒渊明君但饮莫覩他落日芜城从教夜龙山清月端的便解留人

前调【送孙守公素】毛滂

名满人间记黄金殿旧赐清闲才高鸚鵡赋风凜惠文冠涛波何处试蛟鰐到白头犹守溪山  
且做龚黄樣度留与人看桃溪柳曲陰圆离唱断旌旗却卷春还襦袴寄余温双石畔惟闻吏  
胆长寒诗翁去谁细遶屈曲阑干从今後南来幽梦应随月渡云湍

二郎神

【双调九十八字】

二郎神 吕渭老

西池旧约燕语柳梢桃萼向紫陌秋千影下同绾双双凤索过了莺花休则问风共月一时闲  
却知谁去唤秋陰满眼败红药飘泊江湖载酒十年行乐甚近日伤高念远不觉风前泪落橘  
熟橙黄堪一醉断未负晚凉池阁只愁被撩拨春心烦恼怎生安着

碧芙蓉

【双调九十八字】

碧芙蓉【秋思 明媛】叶小鸾

曲径遶苍苔秋意平铺萧散无数澹日移堦几度寻花悞西风怨露草寒蛩夜天凄霜林烟树  
隔桥杨柳翠减长条犹自依依故青山云去杳红楼日又催暮罗簾生寒漫引新桐句池塘映  
芙蓉一叶帘幙惊海棠疎雨阑干凭徧妆台渐冷黯黯无语空凝伫

玉蝴蝶

【又一体双调九十九字】

玉蝴蝶 柳永

望处雨收云断凭阑悄悄目送秋光晚景萧疎堪动宋玉悲凉水风轻苹花渐老月露冷梧叶  
飘黄遣情伤故人何在烟水茫茫难忘文期酒令几辜风月屡变星霜海阔山遥未知何处是  
潇湘念双燕难凭远信指暮天空识归艎黯相望断鸿声里立尽斜阳

前调 柳 永

淡荡素商行暮远空雨歇平野烟收满目江山堪助楚客冥搜素光动云涛涨晚紫翠冷霜巘  
横秋景清幽渚兰香谢汀树红愁良俦西风吹帽东篱携酒共结欢游浅酌低吟坐中俱是饮  
家流对残晖登临休叹赏令节酩酊方酬且相留眼前尤物举棹忘忧

前调 柳 永

是处小街斜巷烂游花馆连醉瑶卮选得芳容端丽冠絶吴姬绦唇轻笑歌尽雅莲步稳举措  
皆奇出屏帏倚风情态约素腰肢当时绮罗丛里知名虽久识面何迟见了千花万柳比并不  
如伊未同欢寸心暗许欲话别纤手重携结前期美人才子合是相知

前调 柳 永

误入平康小巷画檐深处朱箔微褰罗绮丛中偶认旧识婵娟翠眉开娇横远岫绿鬟髻浓染  
春烟忆情牵粉墙曾恁窥宋三年迂延珊瑚筵上亲持犀管旋叠香牋要索新词殢人含笑立  
尊前按新声珠喉渐稳想旧意波脸增妍苦留连凤衾鸾枕忍负良天

前调 柳 永

渐觉芳郊明媚夜来膏雨一洒尘埃满目浅桃深杏露染烟栽银塘静鱼鳞簟展烟岫翠龟甲  
屏开殷晴雷云中鼓吹游徧蓬莱徘徊隼旟前後三千珠履十二金钗雅俗熙熙下车成晏尽  
春台好雍容东山妓女堪笑傲北海尊罍且追陪凤池归去那更重来

前调【和梁才甫游园作】 王安中

御水縠文风皱画桥横处沙路晴时曲坞藏春朱户翠竹参差过墙花娇无限思笼槛柳低不  
胜垂海棠枝爲东君爱未敢离披迟迟日华融丽悠扬丝管掩冉旌旗喜入繁红坐来开尽不  
须吹听莺迁还思上苑约凤浴应展新池促归期燕飞蝶舞特地熙熙

前调 晁补之

暗忆少年豪气烂游南国蓬岛风光醉倚吴王宫殿不解悲凉舞犹慵小腰似柳歌尚怯娇语  
如簧好林塘玳筵留住彩舫携将清狂扬州一梦中山千日名利都忘细数从前眼中欢事尽  
成伤去船迷乱花流水遗佩悄寒草空江黯愁肠暮云吟断青鬓成霜

前调 晁冲之

目断江南千里灞桥一望烟水微茫帘锁重门人去暗惜流光雨轻轻梨花院落风澹澹杨柳

池塘恨偏长佩沉湘浦云散高唐 清狂重来一梦手搓梅子煮酒新尝寂寞经春小桥依旧燕  
飞忙玉钩阑凭多渐暖金缕枕别久犹香最难忘看花南陌待月西厢

前调【和晁侍郎寄强伯】 葛 郊

忆昨苕溪惯弄五亭月笛四水烟蓑何事毗檀门外马驻长坡野花中乱红杏霭小桥外叠翠  
嵯峨且颜酡但存长袖舞到婆娑 云何立盟惠政春行五马月皎千波赢得宾僚听隔墙无事  
高歌帐烟寒瑞麟影堕帘雾细宝鸭香多试蹉跎一棹落日又送樵柯

前调 李 纲

万古秣陵江国棹舟烟?千里云林故垒高楼凝望远水遥岑景阳钟那闻旧响玉树唱空有余  
音感春心六朝遗事萧索难寻森森甘泉法从弟兄芝玉顾我情深契阔相思岂知今日共登  
临对尊俎休辞痛饮增志节须且高吟柳摇金断霞轻霭残照西沈

前调【追别杜仲高】 辛弃疾

古道行人来去香满红树风雨残花望断青山高处都被云遮客重来风流觞咏春已去光景  
桑麻苦无多一条垂柳两个啼鸦 人家疎疎翠竹陰陰綠树浅浅寒沙醉兀篮輿夜来豪饮太  
狂些到如今都齐醒却只依旧无奈愁何试聽呵寒食近也且住爲佳

前调【杜仲高书来戒酒用其韵】 辛弃疾

贵贱偶然浑似随风帘幙篱落飞花空使儿曹马上羞面频遮向空江谁捐玉佩寄离恨应折  
疎麻暮云多佳人何处数尽归鸦 侬家生涯蜡屐功名破甑交友抔沙往日曾论渊明似胜卧  
龙些算来从人生行乐休便说日饮亡何快斟呵裁诗未稳得酒良佳

前调 陆 游

倦客平生行处坠鞭京洛解佩潇湘此夕何年来赋宋玉高唐绣帘开香尘乍起莲步稳银烛  
分行暗端相燕羞莺妒蝶扰蜂忙 难忘芳尊频劝峭寒新退玉漏初长几许幽情只愁歌罢月  
侵廊欲归时司空笑闷微近处丞相嗔狂断人肠假饶相送上马何妨

前调 高观国

唤起一襟凉思未成晚雨先做秋陰楚客悲残谁解此意登临古台荒断霞斜照新梦黯微月  
疎砧总难禁尽将幽恨分付孤斟 从今倦看青镜既迟勋业可负烟林断梗无凭岁华摇落又  
惊心想蓴汀水云愁凝闲蕙帐夜鹤悲吟信沉沉故园归计休更侵寻



前调 史达祖

晚雨未摧宫树可怜闲叶犹抱凉蝉短景归秋吟思又接愁边漏初长梦魂难禁人渐老风月俱寒想幽欢土花庭甃虫网阑干无端啼蛄搅夜恨随团扇苦近秋莲一曲当楼谢娘悬泪立风前故园晚强留诗酒新鴈远不致寒暄隔苍烟楚香罗袖谁伴婵娟

前调 尹济翁

几许暮春清思未知芍药先拟荼蘼老却东风春去不与人期似情多何曾荀倩便梦断不爲崔徽且衔杯暖风袈袈淡日晖晖怎知怀芳心在树花露泣竹叶烟啼满目残红新愁成阵怅成围画帘空龙媒独倚午陰静燕子双飞任春归寻人柳下梦过堂西

前调 张翥

屏里吴山深窈窕宿醒未解午枕初酣胆怯窗虚惊起误使人嫌是乳鸦声声綠树是语燕两两珠帘转愁添斜翹不整堕珥慵拈厌厌行云飞去潇湘江上巫峡峰尖不尽销凝海棠月上已窥檐蝶影寒羞熏翠被灯花瘦嬾叠香奩倚春织暗啼妆泪半袖红淹

前调【梁生园有兰名玉蝴蝶】 杨慎

蝴蝶不随春去玉英瑶蕊犹自娟娟潇洒水边林下洗净朱铅嫦娥来梁园月下青女降楚畹霜前更山陰婆娑一老觴咏羣贤当年紫茎綠叶纫华拥佩故事陈篇何似今宵长歌石磴浮红泉醉归去香携满袖似相逢解佩江仙散尘缘猗猗一曲琼軫冰弦

前调 冯鼎位

乌鹊不传消息三更时节因甚南飞试上高台一望风景凄其响疎砧渐翻河鼓浮玉镜斜转参旗画楼西雕阑碧瓦无限清辉差池年华荏苒难成彩梦聊说灵犀冷冷清霜等闲沾透谢郎衣绿杨枝曾来系马红杜叶漫共留题且相携翠萝深处重倒金卮

前调 陈子龙

才过十三春浅珠帘开也一段云轻愁絶膩香温玉弱不胜情淥波浮月华清晓红露滴花睡初醒理银箏纤芽半掩风送流莺娉婷小屏深处海棠微雨杨柳新晴自笑无端近来憔悴爲谁生假娇憨戏揉芳草暗伤感泪点春冰且消停萧郎归矣莫怨飘零

前调【明媛】 叶纨纨

惆怅别来岁换清秋风月几度悲伤极目蒹葭烟水一片微茫黯魂飞闲愁空断还怅望孤闷

偏长对池塘红销残碧綠怨初黄 凄凉蛩吟小院露寒金井月遶回廊诗酒萧疎旧愁新恨最  
难忘掩重门卧残清昼理瑶瑟烧尽炉香数流光秋灯闪淡无限旁徨

前调 叶纨纨

窗外晓莺初啭柳黄条上声过西楼好梦惊回深院帘卷鰕鉤雾蒙蒙杏花无语人寂寂芳草  
如羞恨绸缪谢娘慵舞斜倚箜篌熏篝新妆镜里东风无计吹破春愁粉褪香消长门花月半  
沉浮问年年恼人红绿看日日伴我帏幙锁眉头黄昏疎雨胜似悲秋

前调【春愁 明媛】叶小鸾

梦破晓风庭院粉墙花影睡起恹恹几日双蛾愁损镜里春尖看尽他莺梭柳线都织就雾锦  
云縑最难忺催花小雨依旧廉纤堪怜韶光淑景芊芊芳草寂寂鉤帘燕子归来花香都向绿  
琴添散闲愁流红泛去消酒困湿翠飞黏怯春衫香烘裊裊袖护掺掺

前调【又一体 赋玉绣球花】张炎

留得一团和气此花开後春已规圆虚白窗深恍讶碧落星悬扬芳丛低翻雪羽凝素艳争簇  
冰蟾向西园几回错认明月秋千欲觅生香何处盈盈一水空对婵娟待折归来倩谁偷解玉  
连环试结取鸳鸯余带好移傍鸂鶒珠帘晚阶前落梅无数因甚啼鹃

三姝媚

【双调九十九字古乐府有三妇艳因以名调亦名三姝媚曲】

三姝媚 史达祖

烟光摇缥瓦望晴檐多风柳花如洒锦瑟横牀想泪痕尘影凤弦长下倦出犀帷频梦见王孙  
骄马诤道相思偷理绡袞自惊腰衩惆怅南楼遥夜记翠箔张灯枕肩歌罢又入铜驼徧旧家  
门巷首询声价可惜东风将恨与闲花俱谢记取崔徽模样归来暗写

前调 吴文英

吹笙池上道爲王孙重来旋生芳草水石清寒过半春犹自燕沉莺悄穉柳阑干晴荡漾禁烟  
残照往事依然争忍重听怨红凄调曲榭方亭初埽印藓迹双鸳记穿林窈窕隔年华似梦回  
花上露曦平晓恨逐孤鸿客又去清明还到便鞦墙头归骑青梅已老

前调【过都城旧居有感】吴文英

湖山经醉惯渍春衫啼痕酒痕无限又客长安叹断衿零袂污尘谁浣紫曲门荒沿败井风摇青蔓对语东邻犹是曾巢谢堂双燕春梦人间须断但怪得当年梦缘能短绣屋秦筝傍海棠偏爱夜深开宴舞歇歌沉花未减红颜先变竚久河桥欲去斜阳泪满

前调【次周公谨送别韵】 王沂孙

兰缸花半绽正西窗凄凄断萤新鴈别久逢稀漫相看华发共成销黯总是飘零更休赋梨花秋苑何况如今离思难禁俊才都减今夜山高水浅又月落帆空酒醒人远彩袖乌丝解愁人惟有断歌幽婉一信东风再约看红腮青眼只恐扁舟西去苹花弄晚

前调【樱桃】 王沂孙

红缨悬翠葆渐金铃枝深瑶塔花少万颗臙支赠旧情争奈弄珠人老扇底清歌还记得樊姬娇小几度相思红豆都消碧丝空袅芳意荼蘼开早正夜色瑛盘素蟾低照荐笋同时叹故园春事已无多了贮满筠笼偏暗触天涯怀抱漫想青衣初见花阴梦好

前调【瓶中芙蓉杏】 张炎

芙蓉城畔侣乍卸却单衣茜罗重护傍水开时细看来浑似阮郎前度记得小楼听一夜江南春雨梦醒箫声流水青苹旧游何许谁翦层芳深贮便洗尽长安半面尘土绝似桃根带笑痕来伴柳枝娇舞莫是孤邨试与问酒家何处曾醉梢头双果园林未暑

前调【送舒亦山游越】 张炎

苍潭枯海树正雪窦高寒水声东去古意萧闲问结庐人远白云谁侣贺监犹狂还散迹千岩风露抱瑟空游都是凄凉此愁谁语莫趁江湖鸥鹭怕太乙炉荒暗销铅虎投老心情未归来何事共成羁旅布韞青鞵休悞入桃源深处待得重逢却说巴山夜雨

前调 薛梦桂

蔷薇花谢去更无情连夜送春风雨燕子呢喃似念人憔悴往来朱户涨绿烟深早零落点池萍絮暗忆年华罗帐分钗又惊春暮芳草凄迷征路待去也还将画轮留住纵使重来怕粉容销腻却羞郎觑细数盟言犹在帐青楼何处绾尽垂杨争似相思寸缕

前调【古卫舟子谓曾载钱塘宫人】 詹正

一篷儿别苦是谁家花天月地儿女紫曲藏娇惯锦窠金翠玉璫钟吕绮席传宣笑声里龙楼三鼓歌扇题诗舞袖笼香几曾尘土因甚留春不住怎知道人间匆匆今古金屋银屏被西风将换蓼汀苹渚如此江山应却悔西湖歌舞载取断云何处江南烟雨

御选历代诗余卷六十五

# 卷六十六

<集部,词曲类,词选之属,御选历代诗余

钦定四库全书

御选历代诗余卷六十六目录【九十九字】

燕山亭

宋徽宗

曾觌

毛幵

张雨

琐窗寒【又一体】

周邦彦

方千里

陈允平

王沂孙

张炎

无名氏

前调【又一体】

张炎

萧允之

月下笛【又一体】

张炎

陶宗仪

前调【又一体】

曾允元

夜合花【又一体】

吴文英

孙惟信

月华清【又一体】

马庄父

洪璚

朱淑真

蔡松年

垂杨

陈允平

前调【又一体】

白朴

珑四犯【又一体】

周邦彦

方千里

前调【又一体】

姜夔

前调【又一体】

吴文英

丁香结

周邦彦

方千里

陈允平

金菊对芙蓉

康与之

冯取洽

刘清夫

马洪

壶中天

欧良

前调【又一体】

杨慎

国香

周密

张炎【二首】

无闷

吴文英

王沂孙

三部乐【又一体】

杨泽民

吴文英

新鴈过妆楼

吴文英【二首】

陈允平

张炎【四首】

采绿吟

周密

声声慢【又一体】

晁补之

周密

宴清都

陈允平

凤池吟

吴文英

东风第一枝



吴文英

定风波【又一体】

张翥

芳草

韩缜

万年欢【又一体】

晁补之

迷神引【又一体】

晁补之

碧芙蓉【又一体】

晁补之

长相思慢

周邦彦

紫玉箫

晁补之

秋宵吟

姜夔

陌上花

张翥

十月桃

张元干

大有

潘希白

桂枝香【又一体】

王廷相

御选历代诗余卷六十六目录

钦定四库全书

御选历代诗余卷六十六【九十九字】

司经局洗马掌局事兼翰林院修撰加二级【臣】王奕清奉旨校刊

燕山亭

【双调九十九字燕或作宴然与山亭宴无涉也】

燕山亭【见杏花作】 宋徽宗

裁翦冰绡轻叠数重冷淡胭脂匀注新样靓妆艳溢香融羞杀蕊珠宫女易得凋零更多多少少无情风雨愁苦闲院落凄凉几番春暮凭寄离恨重重这双燕何曾会人言语天遥地远万水千山知他故宫何处怎不思量除梦里有时曾去无据和梦也新来不做

前调【中秋诸王席上作】 曾 覲

河汉风清庭户夜凉皓月澄秋时候冰监乍开跨海飞来光掩满天星斗四卷珠帘渐移影宝阶鸳鹭还又看岁岁婵娟向人依旧朱邸高宴簪缨正歌吹瑶台舞

翻宫袖银管竞酬棣萼相辉风流古来谁有玉笛横空更听彻霓裳三奏难偶醉倒参横晓漏

前调【勔侄求睡红亭赋】 毛 幵

暖霭辉迟雨过夜来帘外春风徐转霞散锦舒密映微窥亭亭万枝开偏一笑嫣然犹记有画图曾见无伴初睡起昭阳弄妆日晚长是相趁佳期有寻旧流莺贪新双燕惆怅共谁细绕花

陰空怀紫箫凄怨银烛光中且更待夜深重看留恋愁酒醒绯桃千片

前调【杨梅】 张 雨

鹤顶珠圆蜡肌粟聚宝叶揉蓝初洗亲翦翠柯远赠筠笼脉脉红泉流齿骨换丹砂笑尚带儒酸风味谁记曾问谱西泠绿阴青子 君家几度尊前摘天上繁星伴人同醉纤手素盘历乱殷红浮沉半壶脂水珍果同时惟醉写来禽青李争似为越女吴姬染指

琐窗寒

【又一体双调九十九字】

琐窗寒【寒食】 周邦彦

暗柳啼鸦单衫竚立小帘朱户桐阴半亩静鎖一庭愁雨洒空阶夜阑未休故人翦烛西窗语似楚江暝宿风灯零乱少年羈旅 迟暮嬉游处正店舍无烟禁城百五旗亭唤酒付与高阳俦侣想东园桃李自春小唇秀靨今在否到归时定有残英待客携尊俎

前调【次周美成韵】 方千里

燕子池塘黄鹂院落海棠庭户东风暗许借与轻风柔雨奈春光困人正浓画栏小立慵无语念冶游时节融怡天气异乡愁旅 朝暮凝情处叹聚散悲欢岁常十五连飞并羽未抵鸳朋凤侣算章台杨柳尚存楚娥鬟影依旧否再相逢?解雕鞍燕乐同杯俎

前调【次周美成韵】 陈允平

禁烛飞烟东风插柳万家千户梨花院落数点弄晴纤雨傍秋千红云半湿画帘燕子伤春语叹十年南北西湖倦客曲江行旅 日暮花深处对修竹弹棊戏枰格五携尊共约诗酒云朋月侣念旧游九陌香尘倡条冶叶还在否踏青归醉宿兰舟枕藉黄金俎

前调 王沂孙

出谷莺迟离沙雁少殢阴庭宇东风似水尚掩沉香双户看梅阶雪痕乍铺那回已趁飞梅去奈柳边占得一庭新暝又还留住 前度西园路记半袖争持鬪娇眉妩琼肌暗怯醉立千红深处问如今山馆水邨共谁翠幄熏蕙炷最难禁向晚凄凉化作梨花雨

前调【悼王碧山】 张 炎

断碧分山空帘剩月故人天外香留酒殢蝴蝶一生花里想如今醉魂未醒夜台梦语秋声碎

自中仙去後词笺赋笔便无清致 都是凄凉味怅玉笥埋云锦袍归水形容憔悴料应孤吟山鬼那知人弹折素弦黄金铸出相思泪但柳枝门掩枯陰候蛩愁啼苇

前调【咏帘】 无名氏

绣额云横银鈎月小绿杨庭院疎明满幅永昼未忺高卷爱空纹巧匀曲波弄晴日色花阴转任筛金影碎轻敲檐玉碍双飞燕 凝见牕留篆影六曲雕阑翠深绦浅香风暗度不隔娇?莺啭似无情重雾下垂嫩桃想像添笑面望瑶阶翠地双鸳注盼金莲远

前调【又一体】 张 炎

乱雨敲春深烟带晚水牕慵凭空帘慢卷数日更无花影怕依然旧时燕归定应未识江南冷最怜他树底嫣红不语背人吹尽 清润通幽径待移灯翦韭试香温鼎分明醉里过了几番风信想竹间高阁半闲小车未来犹自等傍新晴隔柳呼船待教涛信稳

前调 萧允之

细雨收尘轻陰弄日柳丝掠道桃边杏处犹记玉骢曾到对东风回首旧游香消艳歇无音耗怅佳人有约难来绿徧满庭芳草 愁抱沈吟久问翠珥金钿为何人好回文细字尘暗当年纤缡倚阑干斜阳又西欢期易失春易老待何时再觅珍丛共把清尊倒

月下笛

【又一体双调九十九字】

月下笛【寄仇山邨】 张 炎

千里行秋支筇背锦顿怀清友殊乡聚首爱吟犹自诗瘦山人不解思猿鹤笑问我萧娘在否记长堤画舫花柔春闹几番携手 别後都依旧但靖节门前近来无柳盟鸥尚有可怜西塞渔叟断肠不恨江南老恨落叶飘零最久倦游处减羈愁犹未消磨是酒

前调【落梅】 陶宗仪

东阁诗慳西湖梦浅好音难托香消玉削早孤标顿非昨阿谁底事频横笛不道是江南摇落向空堦闲砌天寒日暮病鹤轻啄 情薄东风恶试快觅飞琼共翔寥廓冰魂漠漠谁怜金谷离索有时巧缀双蛾绿天做就宫妆绰约待一点脆圆成须信和羹问却

前调【又一体】 曾允元

吹老杨花浮萍点点一溪春色闲寻旧迹认溪头浣沙碛柔条折尽成轻别向空外瑶簪一掷  
算无情更苦莺巢暗叶啼破幽寂凝立阑干侧记露饮东园联镳西陌容消鬓减相逢应自难  
识东风吹得愁如海谩点染空堦自碧独归晚解说心中事月下短笛

## 夜合花

【又一体双调九十九字】

## 夜合花 吴文英

柳暝河桥莺晴台苑短策频惹春香当时夜泊温柔便入深乡词韵窄酒杯长剪蜡花壶箭催  
忙共追游处凌波翠陌连棹横塘十年一梦凄凉似西湖燕去吴馆巢荒重来万感依前唤酒  
银缸溪雨急花狂趁残鸦飞过苍茫故人楼上凭谁指与芳草斜阳

## 前调 孙惟信

风叶敲窗露蛩吟蛩谢娘庭院秋宵凤屏半掩钗花映烛红摇润玉暖腻云娇染芳情香透蛟  
绡断魂留梦烟迷楚驿月冷蓝桥谁念卖药文箫望仙城路杳莺燕迢迢罗衫暗摺兰痕粉迹  
都销流水远乱花飘苦相思宽尽香腰几时重凭玉骢过处小袖轻招

## 月华清

【又一体双调九十九字】

## 月华清 马庄父

瑟瑟秋声萧萧天籁满庭摇落空翠数徧丹枫不见叶间题字人何处千里婵娟愁不断一江  
流水遥睇见征鸿几点碧天无际怅望月中仙桂问窃药佳人谁与同岁把镜当空照尽别离  
情意心里恨莫结丁香琴上曲休弹秋思怕里又悲来老却兰台公子

## 前调【春夜对月】 洪璚

花影摇春虫声吟暮九霄云幕初卷谁驾冰蟾拥出桂轮天半素魄映青琐窗前皓彩散画阑  
干畔凝盼见金波滟漾分辉鹊殿况是风柔夜煖正燕子新来海棠微绽不似秋光只照离人  
肠断恨无奈利锁名缰谁为唤舞裙歌扇吟翫怕铜壶催晓玉绳低转

## 前调【梨花 宋媛】 朱淑真

雪压亭春香浮花月揽衣还怯单薄欹枕徘徊又听一声乾鹊粉泪共宿雨阑干清梦与寒云

寂寞除却是江梅曾许诗人吟作 长恨晓风飘泊且莫遣香肌瘦减如削深杏夭桃端的为谁  
零落况天气妆点清明对美景不妨行乐?着向花时唤取一杯独酌

前调 蔡松年

楼倚明河山蟠乔木故国秋光如水常记别时月冷半山环佩到而今桂影寻人端好在竹西  
歌吹如醉望白苹风里关山无际 可惜琼瑶千里有年少玉人吟啸天外脂粉清辉冷射藕花  
冰蕊念老去镜里流年空解道人生适意谁会更微云疎雨空庭鹤唳

垂杨

【双调九十九字以咏本意得名】

垂杨【本意】 陈允平

银屏梦觉渐浅黄嫩绿一声莺小细雨轻尘建章初闭东风悄依然千树长安道翠云鎖玉牕  
深窈断桥人空倚斜阳带旧愁多少 还是清明过了任烟缕露条碧纤青嫋恨隔天涯几回惆  
怅苏堤晓飞花满地谁为埽甚薄幸随波缥缈啼鹃不唤春归人自老

前调【又一体】 白朴

关山杜宇甚年年唤得韶光归去怕上高城望远烟水迷南浦卖花声动天街晓總吹入东风  
庭户正纱牕浓睡觉来惊翠蛾愁聚 一夜狂风横雨恨西园媚景匆匆难驻试把芳菲点检鷺  
燕浑无语玉纤空折梨花捻对寒食厌厌心绪试问东君落花谁是主

珑四犯

【又一体双调九十九字】

珑四犯 周邦彦

穠李夭桃是旧日潘郎亲试春艳自别河阳长负露房烟脸顚顚鬟点吴霜细念想梦魂飞乱  
叹画栏玉砌都换才始有缘重见 夜深偷展香罗荐暗牕前醉眠葱蒨浮花浪蕊都相识谁更  
曾擡眼休问旧色旧香但认取芳心一点又片时一阵风雨恶吹分散

前调【次周美成韵】 方千里

倾国名姝似晕雪匀酥无限娇艳素质闲姿天赋澹蛾丰脸还是睡起慵妆顾鬓影翠云零乱  
怅平生把监惊换依旧琐牕逢见 绣帏凝想鸳鸯荐画屏烘兽烟葱蒨依红傍粉怜香玉聊慰

风流眼空叹倦客断肠奈听彻残更急点仗梦魂一到花月底休飘散

前调【又一体 越中岁暮】 姜夔

叠鼓夜寒垂灯春浅匆匆时事如许倦游欢意少俛仰悲今古江淹又吟恨赋记当时送君南浦万里乾坤百年身世惟有此情苦 扬州柳垂官路有轻盈换马端正窥户酒醒明月下梦逐潮声去文章信美知何用谩赢得天涯羁旅教说与春来要寻花伴侣

前调【又一体】 吴文英

波暖尘香正嫩日轻阴摇荡清昼几日新晴初展绮牕纹绣年少忍负才华尽占断艳歌芳酒奈翠帘蝶舞蜂喧催趁禁烟时候 杏腮红透梅钿皱燕归时海棠厮勾寻芳较晚东风约还约刘郎归後凭问柳陌情人比似垂杨谁瘦倚画栏无语春恨远频回首

丁香结

【古诗丁香结恨新遂以名词双调九十九字】

丁香结 周邦彦

苍蘚沿堦冷萤黏屋庭树望秋先陨渐风凄雨迅澹暮色倍觉园林清润汉姬纨扇在重吟翫弃掷未忍登山临水此恨自古消磨不尽 牵引记醉酒归时对月同看鴈阵宝幄香纓熏炉象尺夜寒灯晕谁念留滞故国旧事劳方寸惟丹青相伴那更尘昏蠹损

前调【次周美成韵】 方千里

烟湿高花雨藏低叶为谁翠消红陨叹水流波迅抚艳景尚有轻阴余润乳莺啼处路思归意泪眼暗忍青青榆荚满地纵买闲愁难尽 勾引正记着年时乍怯春寒阵阵小阁幽牕残妆粉黛眉曾晕迢递魂梦万里恨断柔肠寸知何时重见空为相思瘦损

前调【次周美成韵】 陈允平

尘拥妆台翠闲歌扇金井碧梧风陨听荳虫声小伴寂寞冷逼莓墙苍润料凄凉宋玉悲秋恨此际怎忍莲塘风露渐入粉艳红衣落尽 勾引记舞歇弓弯几度柳围花阵酒薄愁浓霞腮泪渍月眉香晕空对秦镜尚缺暗结回肠寸念纤腰柔弱都为相如瘦损

金菊对芙蓉

【双调九十九字】

## 金菊对芙蓉 康与之

梧叶飘黄万山空翠断霞流水争辉正金风西起海燕东归凭阑不见南来鴈望故人消息迟  
迟木犀开后不应恨我好景良时只念独守孤帏把枕前嘱付一旦分飞上秦楼游赏酒殢花  
迷谁知别后相思苦悄为伊瘦损香肌花前月下黄昏院落珠泪偷垂

## 前调【和刘篁?韵】 冯取洽

宝镜悬空玉簪点水荡摇千顷寒光正江妃月姊鬪理明妆扶栏一笑开诗眼少容我吟讽其  
旁一川风露满怀冰雪云海弥茫不妨倚醉乘狂问天公觅取几曲渔乡听小楼哀管偷弄初  
凉夜深欢极忘归去锦江酿透碧箫香对花无语花应笑我不似张郎

## 前调 刘清夫

浅拂春山慢横秋水玉纤闲理丝桐按清冷繁露淡泞悲风素弦瑶轸调新韵颤翠翘金簇芙  
蓉叠钩重锁轻挑慢摘特地情浓泛商刻羽无穷似和鸣鸾凤律应雌雄问高山流水此意谁  
同个中只许知音听有茂陵车马雍容画帘人静琴心三叠时倒金钟

## 前调【九日】 马洪

过鴈行低鸣蜩韵急纷纷叶下亭皋向霜庭看菊飈馆题糕依然宾主东南美胜龙山迢递登  
高绣屏孔雀金盘橘柚银瓮蒲桃痛饮鲸卷波涛笑百年春梦万事秋毫问台前戏马海上连  
鳌当时二子今安在乾坤大容我麤豪四弦裂帛双鬟舞雪左手持螯

## 壶中天

【双调九十九字本念奴娇别名以少一字故另为一调】

## 壶中天 欧良

日长晴昼厌厌地嬾向牕前綳绣困倚屏风无意绪把眉儿双皱似醉还醒才眠又起频捻花  
枝覷看他儿女闲寻百草来鬪相思能几何时料归期不到有恁时候生怕鸳鸯香被冷旋熬  
沉檀熏透欲把单衣鼎新裁翦又怕伊春瘦试看今夜孤灯还有花否

## 前调【又一体】 杨慎

十年奔走向红尘何处可寻蓬岛一枕青瓷惊梦起幻迹都如埽七返还丹千龄大药昧者难  
精讨餐霞伴侣飘然遥在天表长生须住仙邨诛茆架厦迴出层云杪翠水蓝岑浑不夜紫府  
丹丘常晓玉?金盐璫英珠液种种供难老乖龙莫嬾为我先耕瑶草



## 国香

【或加慢字取兰有国香意双调九十九字】

国香【本意】周密

玉润金明记曲屏小几翦叶移根经年个人重见瘦影娉婷雨带风襟零落步云冷鹅管吹春  
相逢旧京路素靥尘缁仙掌霜凝国香流落恨正冰消翠薄谁念遗簪水空天远应念矾弟梅  
兄渺渺鱼波望极五十弦愁满湘云凄凉耿无语梦入东风雪尽江清

前调【遇杭妓沈梅娇】张炎

莺柳烟堤记未吟青子曾比红儿嬾娇弄春微透鬟翠双垂不道留仙不住便无梦吹到南枝  
相看两流落掩面凝羞怕说当时凄凉歌楚调嫋余音不放一朵云飞丁香枝上几度款语深  
期拜了花梢澹月最难忘弄影牵衣无端动人处过了黄昏犹道休归

前调【本意】张炎

空谷幽人曳冰簪雾带古色生春结根未同萧艾独抱孤贞自分生涯澹薄隐蓬蒿甘老山林  
风烟伴憔悴冷落吴宫草暗花深霁痕消蕙雪向厓陰饮露应是知心所思何处愁满楚水湘  
云肯信遗芳千古尚依依泽畔行吟香痕已成梦短操谁弹月冷瑶琴

## 无闷

【双调九十九字或作闰怨无闷者按之大约以无闷调填闰怨题遂以传讹非别有一调也】

无闷【催雪】吴文英

霓节飞琼鸾驾弄玉杳隔平云弱水倩皓鹤传书卫姨呼起莫待粉河凝晓趁夜月瑶笙飞环  
佩蹇驴吟影茶烟竈冷酒亭门闭歌丽泛碧蚁放绣箔半鉤宝台临砌要须借东君灞陵春意  
晓梦先迷楚蝶早风戾重寒侵罗被还怕掩深院梨花又作故人清泪

前调【雪】王沂孙

阴积龙荒寒度鴈门西北高楼独倚怅短景无多乱山如此欲唤飞琼起舞怕搅碎纷纷银河  
水冻云一片藏花护玉未教轻坠清致悄无似有照水南枝已搀春意误几度凭阑莫愁凝睇  
应是梨花梦好未肯放东风来人世待翠管吹破苍茫看取玉壶天地

### 三部乐

【又一体双调九十九字】

### 三部乐【榴花】 杨泽民

浓绿丛中露半坼芳苞自然奇絶水亭风槛正是蕤宾之月固知道春色无多但绛英数点照眼先发为君的皤尽是重心千叶红巾又成半蹙寻双寄意向丽人低说但将一枝插着翠鬟丝发映秋波艳云近睫知厚意深情更切赏翫未已看叶下珍珠还结

### 前调【赋姜石帚渔隐】 吴文英

江鴈初飞荡万里素云际空如沐咏情吟思不在秦筝金屋夜潮上明月芦花傍钓蓑梦远句清敲玉翠罨汲晓欵乃一声秋曲片篷障雨乘风半竿渭水伴鹭汀幽宿那知煖袍挟锦低帘笼烛鼓春波载花万斛帆鬣转银河可掬风定浪息苍茫外天浸寒绿

### 新鴈过妆楼

【双调九十九字一名八宝妆一名瑶台聚八仙以其合八调句法为一词故名今按之止平仄小异大槩俱同合之为是】

### 新鴈过妆楼 吴文英

梦醒芙蓉风檐近浑疑佩玉丁东翠微流水都是惜别行踪宋玉秋花相比瘦赋情更苦似秋浓小黄昏绀云暮合不见征鸿宜城当时放客认燕泥旧迹返照楼空夜阑心事灯前败壁寒蛩江寒夜枫怨落怕流作题情肠断红行云远料淡蛾人在秋香月中

### 前调【中秋後一夕月庭延客】 吴文英

阆苑高寒金枢动冰宫桂树年年剪秋一半难破万户连环织锦相思楼影下钿钗暗约小帘间共无眠素娥惯得西坠阑干谁知壶中自乐正醉围夜玉浅鬪婵娟鴈风自劲云气不上凉天红牙润沾素手听一曲清歌双雾鬟徐郎老恨断肠声在离镜孤鸾

### 前调 陈允平

望远秋平初过雨微茫水满烟汀乱蒹疎柳犹带数点残萤待月重楼谁共倚信鸿断续两三声夜如何顿凉骤觉纨扇无情还思骖鸾素约念凤箫鴈瑟取次尘生旧日潘郎双鬓半已星星琴心锦意暗嬾又争奈西风吹恨醒屏山冷怕梦魂飞度蓝桥不成

## 前调 张 炎

楚竹闲挑千日酒乐意稍稍渔樵那回轻散飞梦便觉迢遥似隔芙蓉无路到如何共此可怜  
宵旧愁消故人念我来问寂寥 登临试开笑口看垂垂短髮破帽休飘款语微吟清气顿埽花  
妖明朝柳岸醉醒又知在烟波第几桥怀人处任满身风露踏月吹箫

## 前调【梅影】 张 炎

近水横斜先得月玉楼宛若笼纱散迹苔茵墨晕净洗铅华误入罗浮身外梦似花又却似非  
花探寒葩倩人醉里扶过溪沙 竹篱几番倦倚看乍无乍有如寄生涯更好一枝时到素壁檐  
牙香深与春暗却且休把江头千树夸东家女试酒妆颠倒难胜西家

## 前调 张 炎

屋上青山青未了凌虚试一凭阑乱峰叠嶂无限古色苍寒正喜云闲云又去片云未识我心  
闲对昏峦底须谢屐何用跻攀 三十六梯眺远任半空笑语飞落人间赋笔吟笺尘事竟不相  
关朝来自然爽气更好是秋屏宜晚看尘寰里有天开仙境图画应难

## 前调【菊】 张 炎

风雨不来深院悄清事正满东篱杖藜重到秋风冉冉吹衣瘦碧飘萧摇露梗膩黄秀野拂霜  
枝忆芳时翠微唤酒江鴈初飞 湘潭无人吊楚叹落莫自采谁寄相思淡泊生涯聊伴老圃斜  
晖寒香应徧故里想鹤怨山空人未归归何晚问径松不语只有花知

## 采绿吟

### 【双调九十九字】

## 采绿吟 周 密

采绿鸳鸯浦画舸水北云西槐薰入扇柳陰浮浆花露侵诗点尘飞不到冰壶里绀霞浅靛玻  
璃想明璫凌波远依依心事谁知 移棹横空明苹风度琼丝霜管清脆咫尺挹幽梦帐隔岸红  
衣对沧洲心与鸥闲吟情渺蓬菜共分题停杯久凉月渐生烟合翠微

## 声声慢

### 【又一体双调九十七字】

## 声声慢【杨花】 晁补之

朱门深掩摆荡春风无情镇欲轻飞断肠如雪撩乱去点人衣朝来半和细雨向谁家东馆西池算未肯似桃含红蕊留待郎归 还记章台往事别後纵青青似旧时垂灞岸行人多少竞折柔枝而今恨啼露叶镇香街抛掷因谁又争可妒郎夸春草步步相随

前调【送王圣与次韵】 周密

琼壶歌月白髮簪花十年一梦扬州恨入琵琶小怜重见湾头尊前漫题金缕奈芳情已逐东流还送远甚长安乱叶都是闲愁 次第重阳近也看黄花绿酒也合迟留脆柳无情不堪重系行舟百年止消几别对西风休赋登楼怎去得怕凄凉时节团扇悲秋

宴清都

【双调九十九字】

宴清都 陈允平

听彻南楼鼓玉壶永漏迟度重温锦幄低护青氍毹曲通朱户巡檐细嚼寒梅叹寂寞孤山伴侣更信有铁石心肠广平几度曾赋 寒深试拥羊裘松醪自酌谁伴吟苦摩挲醉眼阑干笑拍白鸥惊去梁园胜赏重约渐玉树琼花处处怕柳条未觉春风青青在否

凤池吟

【双调九十九字与凤箫吟无涉】

凤池吟【庆梅津除右司郎官】 吴文英

万丈巍台碧罽毼外袞袞野马游尘旧文书几阁昏朝醉暮覆雨翻云忽变清明紫垣敕使下星辰经年事静公门如水帝甸阳春 长年父老相语几百年见此独驾冰轮又凤鸣黄幕玉霄平遡鹄锦轻恩事省中书半红梅子荐盐新归来晚待庆吟殿阁南薰

东风第一枝

【双调九十九字】

东风第一枝 吴文英

倾国倾城非花非雾春风十里独步胜如西子妖娆更比太真淡泞铅华不御漫道有巫山洛浦似恁地标格无双镇锁画楼深处 曾被风容易送去曾被月等闲留住似花翻使花羞似柳任从柳妒不教歌舞恐化彩云轻举信下蔡阳城俱迷看取宋玉词赋

定风波

【又一体双调九十九字】

定风波【西江客舍闻梅香赋】 张翥

恨行云特地高寒牢笼好梦不定晚晚年华凄凉客况泥酒浑成病画阑深碧牕静一树琼花  
可怜影低映怕明月照见青禽相并 素衾正冷又春光枕上熏愁醒甚银牀霜冻山童未起谁  
汲墙陰井玉笙残锦书迴应是多情道薄幸争肯等闲孤负西湖春兴

芳草

【一名凤箫吟双调九十九字】

芳草 韩缜

锁离愁连絲无际来时陌上初薰绣帏人念远暗垂珠露泣送征轮长行长在眼更重重远水  
孤邨但望极楼高尽日目断王孙 消魂池塘别後曾行处绿妒轻裙恁时携素手乱花飞絮里  
缓步香茵朱颜空自改向年年芳意长新徧绿野嬉游醉眼莫负青春

万年欢

【又一体双调九十九字】

万年欢 晁补之

心忆春归似佳人未来香径无迹雪里江梅因甚早知消息百卉芳心正寂夜不寐幽姿脉脉  
图清晓先作宫妆似防人见偷得 真香媚情动魄算当时寿阳无此标格应寄扬州何郎旧曾  
相识花似何郎鬓白恐花笑逢花羞摘那堪羌笛惊心也随繁杏抛掷

迷神引

【又一体双调九十九字】

迷神引【贬玉溪对江山作】 晁补之

黯黯青山红日暮浩浩大江东注余霞散绮回向烟波路使人愁长安远在何处几点渔灯小  
迷近坞一片客帆低傍前浦 暗想平生自悔儒冠误觉阮途穷归心阻断魂萦目一千里伤平  
楚怪竹枝歌声声怨为谁苦猿鸟一时啼惊岛屿烛暗不成眠听津鼓

碧芙蓉

【又一体双调九十九字】

碧芙蓉【庐山】晁补之

庐山小隐渐年来疎嬾浸浓归兴彩桥飞过深溪池底奔雷余韵香炉照白望处与清霄近想羣仙呼我应还怪晓来鬢丝垂镜海上云车回轂少姑传金母信森翠裾琼佩落日初霞纷纭相映谁见湖中景花洞里杳然渔艇别是个潇洒乾坤世情尘土休问

长相思慢

【双调九十九字】

长相思慢 周邦彦

夜色澄明天街如水风力微冷帘旌幽期再偶坐久相看才喜欲叹还惊醉眼重醒映雕栏修竹共数流萤细语轻轻尽银台挂蜡潜听自初识伊来便惜妖娆艳质美盼柔情桃溪换世鸾驭凌空有愿须成游丝荡絮任轻狂相逐牵萦但连环不解难负深盟

紫玉箫

【双调九十九字】

紫玉箫【见轻盈所留题】晁补之

罗绮丛中笙歌队里眼狂初认轻盈无花解比似一钩新月云际初生算不虚得郎占与第一佳名卿归去那知有人别後牵情襄王自是春梦休漫说东墙事更难凭谁教慕宋要题诗曾倚宝柱低声似瑶台晓空暗想衆里飞琼余香冷犹在小牕一到魂惊

秋宵吟

【双调九十九字】

秋宵吟 姜夔

古帘空坠月皎坐久西牕人悄蛩吟苦渐漏永丁丁箭壶催晓引凉飈动翠葆露脚斜飞云表因嗟念似去国情怀暮帆烟草带眼消磨为近日愁多顿老卫娘何在宋玉归来两地暗萦绕摇落江枫早嫩约无凭幽梦又杳但盈盈泪洒单衣今夕何夕恨未了

陌上花

【双调九十九字】

陌上花【使归闽浙岁暮有怀】 张翥

关山梦里归来还又岁华催晚马影鷄声谳尽倦邮荒馆绿牋密记多情事一看一回肠断待  
殷勤寄与旧游莺燕水流云散满罗衫是酒香痕凝处唾碧啼红相半只恐梅花瘦倚夜寒谁  
暖不成便没相逢日重整钗鸾筝鴈但何郎纵有春风词笔病怀浑嬾

十月桃

【一名十月梅双调九十九字】

十月桃【梅花】 张元干

年华催晚听尊前偏唱冲煖欺寒乐府谁知分付点化金丹中原旧游何在频入梦老眼空濛  
撩人冷蕊浑似当时无语低鬟有多情多病文园向雪後寻春醉里凭阑独步羣芳此花风度  
天然罗浮淡妆素质呼翠凤飞舞斓斑参横月落留恨醒来满地香残

大有

【双调九十九字】

大有【九日】 潘希白

戏马台前采花篱下问岁华还是重九恰归来南山翠色依旧帘栊昨夜听风雨都不是登临  
时候一片宋玉情怀十分卫郎清瘦红萸佩空对酒砧杵动微寒暗欺罗袖秋色无多早是败  
荷衰柳强整帽檐敲侧曾经向天涯搔首几回忆故国蓴鲈霜前鴈後

桂枝香

【又一体双调九十九字】

桂枝香 王廷相

一林红叶无力撼惊风雨朝霞散摇落年华宋玉又生幽怨小楼悄悄阑干倚最浮云不堪情  
恋玉书难寄海天空阔梦迷人远叹霜鬓年来较短旅中秋不禁登翫只见青山谁见古时人  
面乡心渺渺随流水更不待商歌魂断新愁顿起半窗暝雨一声归鴈

御选历代诗余卷六十六



# 卷六十七

钦定四库全书

御选历代诗余卷六十七目录【一百字】

念奴娇【上】

宋徽宗

苏轼

黄庭坚

葛郯【三首】

周邦彦

沈公述

蔡伸【二首】

沈瀛

赵师侠【五首】

赵长卿【七首】

张纲

李弥逊

张元干【二首】

曾觌【二首】

王自中

陆凝之

侯寘【二首】

辛弃疾【十首】

范成大【五首】

陈三聘【三首】

张孝祥【四首】

仲并

袁去华

刘克庄【二首】

吴琚

管监【二首】

张鎡【二首】

御选历代诗余卷六十七目录

钦定四库全书

御选历代诗余卷六十七【一百字】

司经局洗马掌局事兼翰林院修撰加二级【臣】王奕清奉旨校刊

念奴娇【上】

【双调一百字一名百字令一名壶中天慢或无慢字一名淮甸春一名百字谣一名湘月一名无俗念一名庆长春一名千秋岁一名赛天香一名杏花天中间平仄句读稍异然实同调也】

念奴娇【弈】 宋徽宗

雅怀素态向闲中天与风流标格绿琐窗前湘簟展终日风清人寂玉子声乾纹楸色静星点连还直跳丸日月算应局上销得全似洛浦斜晖寒鷗游鹭乱点沙汀碛妙算神机须信道国手都无勑敌玳席欢余芸堂香暖赢取专良夕桃源归路烂柯应笑凡客

### 前调【中秋】 苏轼

凭高眺远见长空万里云无留迹桂魄飞来光射处冷浸一天秋碧玉宇琼楼乘鸾来去人在清凉国江山如

画望中烟树历历我醉拍手狂歌举杯邀月对影成三客起舞徘徊风露下今夕不知何夕便欲乘风翻然归去何用骑鹏翼水晶宫里一声吹断横笛

### 前调 黄庭坚

断虹霁雨净秋空山染修眉新绿桂影扶疎谁便道今夕清辉不足万里青天嫦娥何处驾此一轮玉寒光零乱为谁偏照醺醺年少随我追凉晚寻幽径遶张园森木醉倒金荷家万里难得尊前相属老子平生江南江北最爱临风曲孙郎微笑坐来声喷霜竹

### 前调 葛 郯

冯夷微怒被蛟人水府织成绡縠何处飞来双白鹭点破一溪寒玉?柳烟迷海棠酒困赢得春眠足凭阑搔首为谁消遣愁目遥想居士牀头竹渠新雨溜瓮中春醪不惜千金为客寿倒卧南山新绿晚月催归春风留住费尽纱笼烛恍疑仙洞梦游天柱林屋

### 前调 葛 郯

阳关西路看垂杨客舍嫩浮波縠宝马嘶风人渐远隐隐歌声戛玉踏徧春山归来高卧笑濯沧浪足孤鸿天际断霞摇曳心目香雾飞入壶中仙家九醞酿百花醪醪一朵巫阳休怅望且看家山眉绿歌罢风生舞余花颤凤髓飘红烛瑶台月冷夜归斗挂银屋

### 前调【咏杜庵画屏】 葛 郯

蓬莱一岛卧长烟千柳两溪幽趣苜蓿盘中初日上不把截脯充俎和月栽松饶云买石只此为家务倚楹清啸断霞斜倚天暮闻道磊块浇胸槎枒肝肺动笔端风雨壁上潇湘秋一幅影落荻花洲渚暗浦潮生寒砑雪涨无复关尘虑此时渔父短蓑合在何处

### 前调 周邦彦

醉魂乍醒听一声啼鸟幽斋岑寂淡日朦胧初破晓满眼娇晴天色最惜香梅凌寒偷绽漏泄

春消息池塘芳草又还淑景催逼 因念旧日芳菲桃花永巷恰似初相识荏苒时光因惯却觅雨寻云踪迹奈有离情瑶台月下回首频思忆重愁叠恨万般都在胸臆

#### 前调 沈公述

杏花过雨渐残红零落胭脂颜色流水飘香人渐远难托春心脉脉恨别王孙墙阴日断手把青梅摘金鞍何处绿杨依旧南陌 消散云雨须臾多情因甚有轻离轻拆燕子千般争解说些子伊家消息厚约深盟除非重见见了方端的而今无奈寸肠千恨堆积

#### 前调 蔡伸

凌空宝观乍登临多少伤离情味淼淼烟波吴会远极目江淮无际槛外长江楼中红袖澹荡秋光里一声横吹半滩鸥鹭惊起 因念邃馆香闺玉肌花貌有盈盈仙子弄水题红传密意宝墨银钩曾寄泪粉香销碧云路杳脉脉人千里一弯新月肠断危阑独倚

#### 前调 蔡伸

当年豪放况朋侪俱是一时英杰逸气凌云佳丽地独占春花秋月冶叶倡条寻芳选胜是处曾攀折昔游如梦镜中空叹华髮 邂逅萍梗相逢十年往事忍尊前重说茂绿成阴春又晚谁解丁香千结宝瑟弹愁玉壶敲怨触目堪愁絶酒阑人静为君肠断时节

#### 前调 沈瀛

郊原浩荡正花光夺目动人春色白下长干佳丽最寒食嬉游人物露卷香轮风嘶宝骑云表歌声歇归来灯火不知斗柄西揭 六代当日繁华幕天席地醉拍江流窄游女人人争唱道缓缓踏青阡陌乐事何穷赏心无限可恨年光迫须臾聚散人生真信如客

#### 前调 赵师侠

漂流踪迹趁春来还趁春光归去九十韶华能几许着意留他不住?柳催花摧红长翠多少风和雨蜂闲蝶怨尽凭枝上莺语 归櫂去去难留桃花浪煖绿涨迷津浦回首重城天样远人在重城深处惜别愁分凝眸有泪总寄阳关句不堪肠断恨随江水东注

#### 前调 赵师侠

斜风疎雨正无聊情绪天涯寒食烟重云娇春烂漫却得轻寒邀勒柳褪鹅黄池添鸭绿桃杏浑狼籍乱山深处尚留些子春色 海燕未便归来踏青鬪草谁与同寻觅杜宇多情芳树里只管声声历历似劝行人不如及早作个归消息休教肠断梦魂空费思忆

前调 赵师侠

晓风清暑映湖光如练山光如染十里荷花香满路飞盖斜敲妆面一叶扁舟数声柔橹?觉红尘远六桥三塔恍然图画中见因念当日三贤两山佳处应也经行徧咏月吟风无限句景物随人俱显贺监风流元真清致我亦情非浅渔蓑投老利名何用深羨

前调【赋茉莉】 赵师侠

化工何意向天涯海峤有花清絶縞袂绿裳无俗韵不畏炎荒烦热玉骨无尘冰姿有艳雅澹天然别真香冶态未饶红紫春色底事流落江南水仙兄弟端自难优劣瘴雨蛮烟魂梦远宁识溪桥霜雪蓓卜同芳素馨为伴百和清芬蕙凄然风露夜凉香泛明月

前调 赵师侠

枕山平远记当年小阁牙牀曾展围幅高深春昼永寂寂重帘不卷櫂櫂西湖人归南陌酒晕红生脸困来无那玉肌小倚娇软堪恨身在天涯曲屏环枕此意何由见想像高唐无梦到独拥闲衾展转物是人非山长水阔触处思量徧愁遮不断夜阑依旧斜掩

前调【碧含笑】 赵长卿

晚妆才罢见梳丝匀玉一团娇秀趁得年光长是向金谷无花时候不比鸂鶒不关燕燕不似章台柳清凉无汗雪肌潇洒难偶好是斜月黄昏瑶阶钿砌百媚初含酒恼杀多情香喷喷双靥盈盈回首倾国倾城千金莫惜兰蕙应难友沈郎?了为花一味销瘦

前调 赵长卿

据罽肃坐听瓶笙别有天然宫徵纸帐屏山浑不俗写出江南烟水繁短灯青灰闲香软所欠惟梅矣风飞无定数声时颤牕纸试问夜已何其呼童起看月上东墙未天外忽闻征鴈过还把音书来寄短笠埋烟轻蓑鸣雨已办征轺计放教归去故乡江上鱼美

前调【梅二首】 赵长卿

兰枯菊槁是返魂香入江南春早谷静林幽人不见梦与梨花顛倒雪刻檀心玉匀丰颊妆趁严钟晓海仙么凤绿衣何处飞遶竹外孤袅一枝古今解道只有东坡老莫倚广平心似铁闲把珠玑挥埽桃李輿台冰霜宾客月地还凄悄暗香消尽和羹心事谁表

前调 赵长卿

水边篱落独横枝冉冉风烟岑寂踏雪寻芳邨路远竹屋西头遥识蕙草香销小桃红未醉眼

惊春色离愁何处断肠无限陈迹 顚顚素脸朱唇天寒日暮倚阑干无力岁晚天涯驿使远难  
寄江南消息自笑平生怜清惜澹故国曾亲植百花虽好问谁有恁标格

前调【客豫章秋雨怀归】 赵长卿

江城向晓被西风揉碎一天丝雨乱织离愁千万缕多少关心情绪促织鸣时木犀开后秋色  
还如许那堪飘泊异乡千里孤旅 应想帘幙闲垂西楼东院齐把归期数记得临岐收泪眼执  
手叮咛言语白酒红萸黄花绿橘莫等闲辜负朱笼归骑甚时先报鸂鶒

前调【秋日牡丹】 赵长卿

花王有意念三秋寂寞凄凉天气木落烟深山雾冷不比寻常风味勒驾闲来柳蒲顚顚无限  
惊心事仙容香艳俨然春盛标致 雅态出格天姿风流酝藉羞杀巖前桂寄语芙蓉临水际莫  
骋芳颜妖丽一朵凭阑千花退避恼得骚人醉等闲风雨更休偃傺容易

前调【梅影】 赵长卿

银蟾光满弄余辉冷浸江妃无力缓引柔条浮素蕊横在闲窗虚壁染纸挥毫粉涂墨晕不似  
今端的天然造化别呈清瘦踪迹 今夜翠葆堂深梦回风定因月才相识先自离愁那更被晓  
角残更催逼曙色将分轻阴移尽过眼难寻觅江南图上画工应为描得

前调 张纲

多情宋玉值西风摇落悲秋时节赖有幽芳深解意的皤枝头争发欲语含羞敛容微笑心事  
如何说暗香时度卷帘留伴霜月 谁为赋写仙姿挥毫落纸有尊前词客独倚阑干须信道消  
得孤吟愁绝补阙骚经拾遗香传顿许居前列品题多谢一枝当为君折

前调 李弥逊

风帘弄影正闲堂永昼香销人寂轧轧邻鸡芳思乱愁入回文新织燕蹴巢泥莺喧庭柳好梦  
无踪迹那堪春事背人无计留得 谁似爱酒南邻巾坦腹醉踏西山碧彩笔阳春传鴈足催  
我飞觞浮白老去情怀凭君试看鬓上秋霜色故园千里月华空照相忆

前调 张元干

寒绡素壁露华浓羣玉峰峦如洗明镜池开秋水净冷浸一天空翠荷芰波生菰蒲风动惊起  
鱼龙戏山河影里十分光照人世 谁似老子痴顽匡牀欹坐自引壶觞醉醉里悲歌歌未彻屋  
角乌飞星坠对影三人停杯一问谁解骑鲸意玉京何处翠楼空锁十二

前调【己卯中秋和韵】 张元干

垂虹望极埽太虚纤翳明河翻雪一碧天光波万顷涌出广寒宫阙好事浮家不辞百里俱载如花颊琴高双鲤鼎来同醉孤絕浩荡今夕风烟人间天上别似寻常月陶冶三高千古恨赏我中秋清节八十仙翁雅宜图画写取横江楫平生奇观梦回犹竦毛髮

前调【月词应制】 曾覲

素飈漾碧看天衢稳送一轮明月翠水瀛壶人不到比似世间秋别玉手瑶笙一时同色小按霓裳叠天津桥上有人偷记新阙当日谁幻银桥阿瞒儿戏一笑成痴絕肯信羣仙高宴处移下水晶宫阙云海尘清山河影满桂冷吹香雪何劳玉斧金瓯千古无缺

前调 曾覲

人生行乐算一春欢赏都来几日绿暗红稀春已去赢得星星头白醉里狂歌花前起舞?罚金杯百淋漓宫锦忍辜妖艳姿色须信殿得韶光只愁花谢又作经年别嫩紫娇红还解语应为主人留客月落乌啼酒阑烛暗离绪伤吴越竹西歌吹不堪老去重忆

前调 王自中

扁舟夜泛向子陵台下偃帆收櫓水阔风摇舟不定依约月华新吐细酌清泉痛浇尘臆唤起先生语当年纶钓为谁高卧烟渚还念古往今来功名可共能几人光武一旦星文惊四海从此故人何许到底轩裳不如蓑笠久矣心相与天低云淡浩然吾欲高举

前调【观潮】 陆凝之

远山一带遡晴空极目天涯浮白枫落鸦翻谈笑处不觉云涛横席酒病方苏睡魔犹殢一埽无留迹吴帆越棹恍然飞上空碧长记草赋梁园凌云笔势倒三江秋色对此惊心空怅望老作红尘闲客别浦烟平小楼人散回首千波寂西风埽雾为君重喷霜笛

前调【探梅】 侯寘

山翁憨甚向尊前手捻一枝寒玉想见梅台花更好一片琼田栖绿短簪轻舆大家同去取酒偿醲馥元来春晚万苞空间黄竹休恨雪小云娇出羣风韵已觉桃花俗羯鼓声高回笑脸怎得天公来促江上风平岭南人远谁度梁州曲明朝酒醒但余诗兴天北

前调 侯寘

沧浪万顷厌尘缨手掬清流频洗落日孤云烟渚净鸥没澄波心里一舸横秋两桡开浪霜竹

醒烦耳萧萧风露梦回月照船尾 须信闲少忙多壶觞赋咏切莫辜云水乘兴前溪溪又转隐约归帆天际红蓼丹枫黄芦白竹總胜春桃李浮丘何在与君共跨琴鲤

前调【戏赠善作墨梅者】 辛弃疾

江南尽处堕玉京仙子絕尘英秀彩笔风流偏解写姑射冰姿清瘦笑杀春工细窥天巧妙絕应难有丹青图画一时都愧凡陋 还似篱落孤山嫩寒清晓只欠香黏袖淡泞轻盈谁付与弄粉调朱纤手疑是花神竭来人去占得佳名久松篁佳韵倩君添做三友

前调【登建康赏心亭】 辛弃疾

我来吊古上危楼赢得闲愁千斛虎踞龙盘何处是只有江山满目柳外斜阳水边归鸟陇上吹乔木片帆西去一声谁喷霜竹 却忆安石风流东山岁晚泪落哀筝曲儿辈功名都付与长日惟消碁局宝镜难寻碧云将暮谁劝杯中绿江头风怒朝来波浪翻屋

前调【西湖】 辛弃疾

晚风吹雨战新荷声乱明珠苍璧谁把香奩收宝镜云锦周遭红碧飞鸟翻空游鱼吹浪惯趁笙歌席坐中豪气看君一饮千石 遥想处士风流鹤随人去已作飞仙客茅舍疎篱今在否松竹已非畴昔欲说当年望湖楼下水与云寬窄醉中休问断肠桃叶消息

前调【韩南涧载酒过云楼观雪】 辛弃疾

兔园旧赏怅遗踪飞鸟千山都絕縞带银杯江上路惟有南枝香别万事新奇青山一夜对我头先白倚巖千树玉龙飞上琼阙 莫惜雾鬓云鬟试教骑鹤去约尊前月自与诗翁磨冻砚看埽幽兰新阕便拟明年人间挥汗留踏层冰洁此君何事晚来曾为腰折

前调【赋雨岩】 辛弃疾

近来何处有吾愁何处还知吾乐一点凄凉千古意独倚西风寥廓翦竹寻泉和云种树唤做真闲确此心闲处未应长藉丘壑 休说往事皆非而今觉是且把清尊酌醉里不知谁是我非月非云非鹤露冷松梢风高桂子醉了还醒却北牕高卧莫教啼鸟惊着

前调【赋白牡丹】 辛弃疾

对花何似似吴宫初教翠围红阵欲笑还愁羞不语惟有倾城娇韵翠盖风流牙籤名字旧赏那堪省天香染露晓来衣润谁整 最爱弄玉团酥就中一朵曾入扬州咏华屋金盘人未醒燕子飞来春尽最忆当年沉香亭北无限春风恨醉中休问夜深花睡香冷



前调 辛弃疾

风狂雨横是邀勒园林几多桃李待上层楼无气力尘满阑干谁倚傍火添衣移香就枕莫卷朱帘起元宵过也春寒犹自如此 为问几日新晴鸠鸣屋上鹊报檐前喜揩拭老来诗句眼要看拍堤春水月下凭肩花边系马此兴今休矣溪南酒贱光陰只在弹指

前调【为傅岩叟赋香月堂两梅後复为赋家中四古梅】 辛弃疾

是谁调护岁寒枝都把苍苔封了茅舍疎篱江上路清夜月高山小摸索应知曹刘沈谢何况霜天晓芬芳一世料君长被花恼 惆怅立马行人一枝最爱竹外横斜好我向东邻曾醉後唤起诗家二老拄杖而今婆娑雪里又识商山皓请君置酒看渠与我倾倒

前调【书东流邨壁】 辛弃疾

野塘花落又匆匆过了清明时节剗地东风欺客梦一枕云屏寒怯曲?持觞垂杨系马此地曾轻别楼空人去旧游飞燕能说 闻道绮陌东头行人曾见帘底纤纤月旧恨春江流不断新恨云山千叠料得明朝尊前重见镜里花难折也应惊问近来多少华发

前调【题梅】 辛弃疾

疎疎淡淡问阿谁堪比太真顔色笑杀东君虚占断多少朱朱白白雪里温柔水边明秀不借春工力骨清香嫩迥然天与奇絶 常记宝籰寒轻琐窓睡起玉纤纤轻摘漂泊天涯空瘦损犹有当年标格万里风烟一溪霜月未怕欺他得不如归去阆风有个人惜

前调 范成大

水乡霜落望西山一寸修眉横碧南浦潮生帆影去日落天青江白万里浮云被风吹散又被风吹积尊前歌罢满空凝淡寒色 人世会少离多都来名利似蝇头蝉翼赢得长亭车马路千古羁愁如织我辈情锺匆匆相见一笑真难得明年谁健梦魂飘荡南北

前调 范成大

十年旧事醉京花蜀酒万葩千萼一棹归来吴下看俯仰心情今昨强倚雕阑羞簪雪鬓老恐花枝觉揩摩愁眼雾中相对依约 闻道家譙团圞光风转夜月傍西楼落打彻梁州春自远不饮何时欢乐沾惹天香留连国艳莫放灯前酌韞尘生处为君重赋河洛

前调 范成大

双峰叠嶂过天风海雨无边空碧月姊年年应好在玉阙琼宫愁寂谁唤痴云一杯未尽夜气

寒无色碧城凝望高楼缥缈西北 肠断桂冷蟾宫佳期如梦又把阑干拍雾鬓云鬟相借问浮世几回今夕圆缺晴阴古今同恨我更长为客婵娟明夜尊前谁念南陌

前调 范成大

湖山如画系孤篷柳?莫惊鱼鸟料峭春寒花未徧先共疎梅索笑一梦三年松风依旧萝月何曾老邻家相问这回真个归到 绿鬓新点吴霜尊前强健不怕山翁号赖有风流车马客来觅香云花岛似我麤豪不通姓字只要银瓶倒奔名逐利乱帆谁在天表

前调 范成大

吴波浮动看中流翻月半江金碧醉舞空明三万顷不管姮娥愁寂指点琼楼凭虚有路鲸背横东极水云飘荡栏干千丈无力 家世回首沧洲烟波渔艇有鸱夷仙迹一笑闲身游物外来访扁舟消息天上今宵人间此地我是风前客涛生残夜鱼龙惊听横笛

前调【和石湖三首】 陈三聘

余霞飞绮望长天顷刻云容凝碧今夕江皋风力软明日波心头白客舸东流语离深夜遣我新愁积春融花丽定知天相行色 别後一纸乡书故人相问好趁秋鸿翼空有佳人千点泪锦字机中曾织利锁名缰古今同是谁失知谁得来朝愁望旧楼何处西北

前调 陈三聘

晴风丽日算东君拆徧梅心桃萼独有名花开殿後一笑嫣然如昨黄袂层剪霞冠高拥多态春才觉雨巾风帽故人来趁花约 好是罗绮添春香风环坐半醉金钗落老去心情难似旧手捻花枝为乐麝馥萦愁妆光凝恨莫借金荷酌酒阑花睡梦魂重到京洛

前调 陈三聘

水空高下望沉沉一色浑然苍碧天籁不鸣凉有露金气横秋寂寂玉宇琼楼望中何处月到天中极御风归去不愁衣袂无力 此夜飘泊孤篷短歌谁和自笑狂踪迹咫尺蓝桥仙路远宵宵云英消息疎影婆娑恍然身世我是尊前客一声凄怨倚楼谁弄长笛

前调 张孝祥

朔风吹雨送凄凉天意垂垂欲雪万里南荒云雾满弱水蓬莱相接冻合龙冈寒侵铜柱碧海冰渐结凭高一笑问君何处炎热 家在楚尾吴头归期犹未对此惊时节记得年时貂帽煖铁马千羣观猎狐兔成车歌钟殷地归踏层城月持杯且醉不须北望凄切

前调【洞庭】 张孝祥

洞庭青草近中秋更无一点风色玉界琼田三万顷着我扁舟一叶素月分辉银河共影表里俱澄澈怡然心会妙处难与君说 应念岭海经年孤光自照肝肺皆冰雪短发萧骚襟袖冷稳泛沧浪空阔尽挹西江细倾北斗万象为宾客扣舷一笑不知今夕何夕

前调 张孝祥

海云四敛太清楼极目一天秋色明月飞来云雾尽城郭山川历历良夜悠悠西风嫋嫋银汉冰轮侧云霓三弄广寒宫殿长笛 偏照紫府瑶台香笼玉座翠靄迷南北天上人间凝望处应有乘风归客露滴金盘凉生玉宇满地新生白壶中清赏画檐高挂虚碧

前调 张孝祥

星沙初下望重湖远水长云漠漠一叶扁舟谁念我今日天涯飘泊平楚南来大江东去处处风波恶吴中何地满怀俱是离索 长记送我行时绿波亭上泣透青罗薄檣燕低飞人去後依旧湘城帘幙不尽山川无穷烟浪辜负秦楼约渔歌声断为君双泪倾落

前调 仲并

练江风静卧冰奁百尺朱栏飞入江远浮天天在水水满半天云湿白鸟明边青山断处眼冷江头立月明潮上苇间渔唱声急 几度吹老苹花野香无数欲寄应难及天借诗人供醉眼尊俎一时收拾竹里行?花间步障风雨生呼吸酒阑歌罢钓船先具蓑笠

前调【九日】 袁去华

一番雨过一番凉秋入苍崖青壁昼日多阴还又是重九飘零江国瘦水粼粼长烟裊裊枫叶千林赤南山入望为谁依旧佳色 随分绿酒黄花联镳飞盖總龙山豪客人世高歌狂笑外扰扰于身何得短发萧萧风吹乌帽醉里从教侧明年虽健未知何处相忆

前调【菊花】 刘克庄

老夫白首尚儿嬉废圃一番料理餐饮落英并坠露重把离骚拈起野艳幽香深黄浅白占断西风里飞来双蝶绕丛欲去还止 尝试铨次羣芳梅花差可伯仲之间耳佛说诸天金色界未必庄严如此尚友灵均定交元亮结好天随子篱边坡下一杯聊泛霜蕊

前调【木犀】 刘克庄

绕篱寻菊菊犹迟舍北芙蓉浑未却是小山丛桂里一夜天香飘坠约束奴兵丁宁稚子莫埽

青苔砌风高露冷倚阑疑匪人世 客有载酒过予朗吟招隐洗尽悲秋意白发长官穷似蝨刚  
被天公调戏徧地堆金满空雨粟不济渊明事残英賸馥明朝犹可同醉

前调【观潮应制】 吴 琚

玉虹遥挂望青山隐隐有如一抹忽觉天风吹海立好似春霆初发白马凌空琼鳌驾水日夜  
朝天阙飞龙舞凤郁葱环拱吴越 此景天下应无东南形胜伟观真奇絶好是吴儿飞彩帜蹴  
就一江秋雪黄屋天临水犀云拥看击中流楫晚来波静海门飞上明月

前调【重九登金石台】 管 监

登高作赋叹老来笔力多非年少古观重游秋色里冷怯西风吹帽千里江山一时人物迥出  
尘埃表危阑同凭皎然玉树相照 惆怅紫菊红萸年年簪发应笑人空老北阙西江君赐远难  
得一枝来到莫话升沉且乘闲暇赢得清尊倒饮酣归暮浩歌声振林杪

前调【冬日赏梅闻岑守得祠】 管 监

寒梢冰破问何人远寄江南春色似是天怜为客久报我春归消息茅舍疎篱故园开处两岁  
关山隔天涯重见向人风味如昔 谁念月底风前当时青鬓渐与花颜白不恨一番花落早恨  
把年华虚掷嚼蕊含香攀条觅句醉禁愁得酒醒还是梦魂数徧归驿

前调【宜雨亭咏千叶海棠】 张 鎰

绿云影里把明霞织就千重文绣紫腻红娇扶不起好是未开时候半怯春寒半宜晴色养得  
胭脂透小亭人静嫩莺啼破春昼 犹记携手芳阴一枝斜戴娇艳双波秀小语轻怜花总见争  
得似花长久醉浅休归夜深同睡明日还相守免教春去断肠空叹诗瘦

前调【登齐云楼夜饮双瑞堂】 张 鎰

东吴名胜有高楼直在浮云齐处十二阑干邀远望历历斜阳烟树香径人稀屨廊山遶往事  
今何许一天和气为谁吹散疎雨 知是兰省星郎朱轮森戟与风光为主暇日登携多雅致容  
我追随临赋小宴重开晚寒初劲还下危梯去烛华红坠瑞堂犹按歌舞

御选历代诗余卷六十七

# 卷六十八

<集部,词曲类,词选之属,御选历代诗余

钦定四库全书

御选历代诗余卷六十八目录【一百字】

念奴娇【中】

杜旃【二首】

刘儗【二首】

程秘【二首】

王千秋

刘清夫

姜夔【二首】

陆游

刘过

杨炎【二首】

张辑【二首】

谢懋

黄机【二首】

刘鎮

李洪

郑域

王炎

戴复古

毛幵【三首】

洪咨夔

陆淞

高观国

汪莘

吴潜【三首】

李昉英

章谦亨

方岳【五首】

张榘【二首】

冯取洽

卢炳【四首】

沈端节【二首】

黄昇【二首】

吴文英

蒋捷【二首】

张枢

周密

张炎【十首】

御选历代诗余卷六十八目录

钦定四库全书

御选历代诗余卷六十八【一百字】

司经局洗马掌局事兼翰林院修撰加二级【臣】王奕清奉旨校刊

念奴娇【中】

念奴娇【石头城】 杜 旃

江山如此是天开万古东南王气一自髯孙横短槊坐使英雄鹄起玉树声销金莲影散多少  
伤心事千年辽鹤并疑城郭非是 当日万驷云屯潮生潮落只石头孤峙人笑褚渊今齿冷只  
有袁公不死斜日荒烟神州何在欲堕新亭泪元龙老矣世间何限余子

前调【菊】 杜 旃

小妆朱槛护秋英千点金钿如簇黄叶白苹朝露冷只有孤芳幽馥华发苍头宦情羁思来伴  
花幽独巡檐无语清愁何啻千斛  
因念爱酒渊明东篱雅意千载无人续身在花边须一醉小覆杯中醺醖过了重阳捻枝

麝蕊休叹年华速明年春到陈根更有新绿

前调【送张明之赴京西幕】 刘 儗

觚棱东下望西江千里苍茫烟水试问襄州何处是雉堞连云天际叔子残碑卧龙陈迹遗恨  
斜阳里后来人物如君瓌伟能几 其肯为我来邪河阳下士差足强人意勿谓时平无事也便  
以言兵为讳眼底山河楼头鼓角都是英雄泪功名机会要须闲暇先备

前调【长沙赵帅席上作】 刘 儗

西风何事为行人埽荡烦襟如洗熏涨沍澜都卷尽一片潇湘清泚酒病惊秋诗愁入鬓对影  
人千里楚宫故事一时分付流水 江上买取扁舟排云涌浪直过金沙尾归去江南丘壑处不  
用重寻月姊风露杯深芙蓉裳冷笑傲烟霞里草庐如旧卧龙知为谁起

前调【忆先庐春山之胜】 程 秘

归来一笑尚看看趁得人间寒食阿寿牵衣仍问我双鬓新来添白忍见庭前去年芳草依旧青青色西湖雨後绿波两平拍天教断送流年三之一矣又是成疎隔燕子春寒浑未到谁说江南消息玉树垂香冰桃翻浪好个真相识这回归去松风深处横笛

前调【初见海棠】 程 秘

嫣然一笑向烛花光下经年才见欲语还羞如有恨方得东君一盼天意无情更教微雨香泪流丹脸今朝霁色笙歌初沸庭院因是思入东屏当年手植徧桃源低岸失脚东来春七度辜负芳丛无限问讯园丁宁如归去细与从头看东风独立白云遮断双眼

前调【水仙】 王千秋

开花借水信天姿高胜都无俗格玉陇娟娟黄点小依约西湖清魄绿带垂腰碧簪髻索句撩元白西清微笑为渠摹写香色常记月底风前水沉肌骨瘦不禁怜惜生怕因循纷委地仙去难寻踪迹缥槛深栽彤帟密护不肯轻抛释等差休问未容梅品悬隔

前调【武夷咏梅】 刘清夫

乱山深处见寒梅一朵皎然如雪的皜妍姿羞半吐斜映小窗幽絶玉染香腮酥凝冷艳容态天然别故人虽远对花谁肯轻折疑是姑射神仙幔亭宴罢迢迢停瑶节爱此溪山供秀润饱翫洞天风月万石丛中百花头上谁与争高洁麝桃俗李不须连夜催发

前调 姜夔

五湖旧约问经年底事长负清景暝入西山渐唤我一叶夷犹乘兴倦网都收归禽时度月上汀洲冷中流容与画桡不点清镜谁解唤起湘灵烟鬟雾鬓理哀弦鸿阵玉麈谈玄叹坐客多少风流名胜暗柳萧萧飞星冉冉夜久知秋信鲈鱼应好旧家乐事谁省

前调【吴兴荷花】 姜 夔

闹红一舸记来时常与鸳鸯为侣三十六陂人未到水佩风裳无数翠叶吹凉玉容消酒更洒菰蒲雨嫣然摇动冷香飞上诗句日暮青盖亭亭情人不见争忍凌波去只恐舞衣容易落愁入西风南浦高柳垂陰老鱼吹浪留我花间住田田多少几回沙际归路

前调【招韩无咎游金山】 陆 游

禁门钟晓忆君来朝路初翔鸾鹄西府中台推独步行到金莲宫烛蹙绣华鞵仙葩宝带看即



飞腾速人生难料一尊此地相属 回首紫陌青门西湖闲院锁千梢修竹素壁栖鸦应好在残梦不堪重续岁月惊心功名看镜短鬓无多绿一欢休惜与君同醉浮玉

前调【回侍郎李大异】 刘 过

知音者少算乾坤许大着身无处直待功成方始退何日可寻归路多景楼前垂虹亭下一枕眠秋雨虚名相误十年枉费辛苦 不是奏赋明光献书北阙无惊人之语我自匆忙天未肯赢得衣裳尘土白璧堆前黄金酬笑付与君为主蓴鲈江上浩然明月归去

前调 杨 炎

汉天云净望一星飞过湘南湘北当是郴山猿鹤梦唤起日边消息羽扇纶巾浩然乘兴此意无人识扁舟千里但闻清夜横笛 记得天上人间去年今日曾作称觴客明月风烟依旧似只觉蓬莱悬隔更恐明朝诏黄飞下趋驾冲霄翼袞衣劔履望公长在南极

前调 杨 炎

杏花杨柳对东风染尽一年春色弹压烟光三万顷谁识清都仙伯夜泛银潢手移星纬飞堕从天阙御风乘兴偶然身到乡国 年年人乐昇平舞台歌榭处处红牙拍寿酒千觴斟不尽一醉何妨今夕更约明年凤凰池上去作称觴客梅花折得赠君调鼎消息

前调【游高沙访淮海事迹】 张 辑

短髯怀古更文游台上秋生吟兴闲说坡仙来把酒月底频留清影极目平芜孤城泗水画角西风劲曲阑犹在十分心事谁领 词卷空落人间黄楼何处回首愁深省斜照寒鸦知几度梦想当年名胜只有山川曾窥翰墨髣髴余风韵旧游休问柳花淮甸春冷

前调 张 辑

嫩凉生晓怪今朝湖上秋风无迹古寺桂香山色外肠断幽丛金碧骤雨俄成苍烟不见苔径孤吟屐系船高柳晚蝉嘶破愁寂 且约携酒高歌与鸥相好分坐渔矶石算只藕花知我意犹把红芳留客楼阁空蒙管弦清润一水盈盈隔不如休去月悬良夜千尺

前调【中秋呈徐叔至】 谢 懋

霁天湛碧正新凉风露冰壶清澈河汉无声光练练涌出银蟾孤絶岩桂香飘井梧影转冷浸宫袍纈西厢往事一帘幽梦凄切 肠断楚峡云归尊前无绪只有愁如发此夕嫦娥应也恨冷落琼楼金阙禁漏迢迢边鸿杳杳幽意凭谁决阑干星斗落梅三弄初阕

### 前调 黄 机

春愁几许似春云蔼蔼连空无数隐约眉尖偏易得没个因由分付杨柳烟浓海棠花暗绿涨  
墙头路小楼应是有入和泪凝竚长记宝轴妆成鸳鸯绣嬾轻笑歌金缕香雪精神依旧否风  
月谁怜空度带减衣宽十分憔悴两下平分取黄昏可更子规声碎烟坞

### 前调 黄 机

东篱成趣有西风解事催开丛菊碎摺黄金谁试手一一清香堪掬露湿凉轻霞凝寒重秀发  
如新沐宫妆匀就岂知红紫龔俗因念昔日渊明微官不受归伴花幽独弹压秋光三径里浊  
酒牀头初熟饮剧肠宽醉深吻燥更把纶巾漉此翁无恙唤渠同醉船玉

### 前调【茉莉】 刘 鎮

调冰弄雪想花神清梦徘徊南土一夏天香收不起付与蕊仙无语秀入精神凉生肌骨销尽  
人间暑稼轩愁絶惜花还胜儿女长记歌酒阑珊开时向晚笑浥金茎露月浸阑干天似水谁  
伴秋娘窗户困殢云鬟醉敲风帽总是牵情处返魂何在玉川风味如许

### 前调【晓起观落梅】 李 洪

丽谯吹角渐疎星明澹帘筛残月嫋嫋霜飈欺翠袖飞下一庭香雪半面妆新回风舞困此况  
真奇絶桃榔林里苏仙偏感华发休怨时暂飘零玉堂清梦不惹闲蜂蝶好似王家丛竹畔乘  
兴山陰时节翦水无情阍风归去忍使芳心歇和羹有待恁时身到天阙

### 前调【生日作】 郑 域

嗟来咄去被天公把做小儿调戏蹀雪龙庭归未久还促炎州行李不半年间南辕北辙一万  
三千里征衫着破着衫人可知矣休问海角天涯黄蕉丹荔自足供甘旨泛绿依红无个事时  
舞斑衣而已救蚁藤桥养鱼盆沼是亦经纶耳伊周安在且须学老莱子

### 前调【海棠】 王 炎

晓来雨过偏海棠枝上胭脂如滴桃杏不堪来比竝信是倾城倾国藏韵收香谁能描貌阁尽  
诗人笔从教睡去为留银烛终夕不待过了清明绿陰结子无处寻春色簌簌轻红飞一片便  
觉临风凄惻莫道无情嫣然一笑也似曾相识惜花无主自怜身是行客

### 前调【寄李实父】 戴复古

大江西上郁孤台八境人间图画地涌千峰摇翠浪两???玉虹如泻弹压江山品题风月四海

今王谢风流人物如公一世雄也 一片忧国丹心弹丝吹笛未必能陶写西北风云方黯澹宰相闲归绿野月斧争鸣风斤运巧不用修亭榭紫枢黄阁要公整顿天下

前调 毛 玘

少年奇志笑功名画虎文章刻鹄永夜漫漫悲昼短难挽苍龙衔烛飞藿飘零浮云迁变过眼邮传速昔人真意渺然千载谁属 犹喜二子当年诸公乐甚赏云和孤竹翰墨流传知几许遗响宫商相续梦里京华不须惊叹春草年年绿赤霄归去更看犇电歆玉

前调【暮秋登石桥和韵】 毛 玘

十年湖海叹潘郎憔悴无心云阁强起登临惊暮序目断清霜摇落散发层阿振衣千仞浩荡穷林壑沆寥无际镜天收尽云脚 长啸声落悲风沧洲万里想当年归约回首区中无限事此意谁同商略欲驾飞鸿翩然独往汗漫期相诺滞留何事坐令双鬓如鹤

前调【追和张巨山牡丹词】 毛 玘

倚风含露似轻颦微笑盈盈脉脉染素匀红知费尽多少东君心力国艳酣晴天香融煖画手谁传得绿窗朱户晓妆谁见凝寂 独占三月芳菲千花百卉算难争春色欲寄朝云无限意回首京尘犹隔舞破霓裳一枝浑似醉倚香亭北旧欢如梦老怀那更追惜

前调【荷】 洪咨夔

香山老矣正商量不下去留蛮素独立踌躇肠欲断一段若邪溪女水底新妆空中香袖斜日秋风浦向人欲语垂杨清?多处 便好花里唤船碧箫白酒微吸荷心苦佳月一钩天四碧隐约明波横注雪藕逢丝擘莲见蕙枕簟凉如雨一双宿鹭伴人永夜翘竚

前调【和李汉老】 陆 淞

黄橙紫蟹映金壶潋灩新醅浮绿共赏西楼今夜月极目云无一粟挥麈高谈倚栏长啸下视鳞鳞屋轰然何处瑞龙声喷蕲竹 何况露白风清银河澈汉髣髴如悬瀑此景古今如有价岂惜明珠千斛灏气盈襟冷风入袖只欲骑鸿鹄广寒宫殿看人顔似冰玉

前调【灵岩怀古】 高观国

万岩灵秀拱崇台飞观凭陵千尺清磬一声帘幕冷无复宫娃消息响屐廊空采香径古尘土成遗迹石间松老断云空锁愁寂 宫中谁比轻颦楚腰吴艳一笑无颜色风月荒凉罗绮梦输与扁舟归客舞阁歌残国倾人去青草埋香骨五湖波淼远空依旧涵碧

前调 汪莘

龙山高会忆当年宾主风流云散今日紫阳峰顶上人望旌旗天半万叠红蕖千层黄菊照耀  
成飞观西风浩荡碧天斜去双鴈遥想健笔淋漓龙蛇落纸妙句高张翰笼日轻霞横数抹绿  
水金波相间目寄宣平神追师道归櫂摇星汉城中万户烛光香雾交贯

前调【瓜洲会赵南仲】 吴潜

红尘飞骑报元戎小队踏青南陌雪浪堆边呼晓渡吴楚半江分坼岁月惊心风埃眯目相对  
头俱白杨花撩乱可怜如此春色谁道燕燕莺莺多情犹自认得年时客重唱江南肠断句为  
我满倾云液画鼓舟移金鞍人远一晌烟波隔斜阳冉冉依然无限凄恻

前调【寄赵南仲】 吴潜

半空楼阁把江山图画一时收拾白鸟孤飞飞尽处最好暮天秋碧万里西风百年人事漫倚  
阑干拍凝眸何许扬州烟树历历应念老子年来浮名浮利已作虚空掷三迳才寻归活计又  
是飘零为客回首平生惊心双鬓容易成凄恻尊前一笑且由醉帽敲侧

前调【梅花】 吴潜

晓来窗外正南枝初放两花三蕊千古春风头上立羞退穠桃繁李姑射神游寿阳妆褪色界  
尘都洗竹扉松户平生所寄聊耳堪笑强说和羹此君心事指高山流水陇驿凄凉却怕被哀  
角城头吹起此处关情为他凝伫澹月清霜里巡檐何事岁寒相誓而已

前调【避暑白云寺】 李昉英

麦秋时候薄云罩炎日山川乘兴筇屐追随多胜侣青佩黄冠方领坐石谈玄听泉濯暑直上  
千山顶倚风长啸籁鸣林谷相应忽涌云气漫空海吹急雨觉冰練微冷洗尽人间名利障便  
是蓬莱仙境半日偷闲一生清福岂在荣钟鼎青灯深夜陶然独妙清圣

前调【垂杨】 章谦亨

垂杨得地在楼台侧畔无人攀折不似津亭舟系处只伴客愁离别丝过摇金带铺新翠雅称  
莺调舌芳筵相映最宜斜挂残月却得连日春寒未教轻滚一片庭前雪应恨张郎今老去难  
比风流时节醉眼浑醒愁眉都展舞困腰肢怯有时微笑把伊绾个双结

前调【梦雪】 方岳

问天何事雪垂垂欲下又还晴却春到梅梢香逗也尽有心情行乐剡曲舟回灞桥诗在一笑

人如昨此情分付暮天寒月残角 谁道飞梦江南羣山如画一一琼瑶琢中有玉田三万顷云是幼舆丘壑招我归来和春醉去休跨扬州鹤万花曾约酒醒当有新作

前调【万花园次韵呈赵制帅】 方岳

花风初逗喜边亭依旧春闲营柳烟草隋宫歌舞地谁遣万红围绣结酒因缘装春富贵也要经纶手笙箫声里一江晴绿吹约 是处羽箭如飞那知鹤府花压阑干昼油幕文书谈笑了余事尽堪茶酒报答东风流连西日绿外沉吟久与春无负醉归香满襟袖

前调 方岳

绿尊翠勺约秋风一醉小楼先月谁取宝匳奔帝所深锁玉华宫阙老桂香寒疎桐云重生怕金蛇掣那知天柱一峰别与天接 我欲飞佩重游真之衣?照我襟怀雪玉斧难藏修月手待做明宵清絶天地无尘山河有影了不遗毫发举杯相属唤谁賸与天说

前调【和君用】 方岳

槎牙诗骨想生来无分史闾经幄呵护九关多虎豹谁道去天一握奏赋两都闻韶三月鴈远书难托一寒如许蟾枝莫倚高擢 空使满壑风烟半邨雪月孤负梅花约渺渺愁予初度也山泛同云垂幕鹤帐如何牛衣无恙麦陇占优渥不如归去檐花深夜春酌

前调【送吴丞入幕】 方岳

析山底处为二松千竹肯题崖壁雪洒谈犀麾鴈鹭尔辈何烦涉笔使者知乎民其劳止且莫闲耕织片言金石唤回春意无极 虽则王谢人家一壠山泽面作苍烟色茶竈笔牀将两屐吟到梅花消息贱子何为老仙如问莫道头今白寒蓑几梦研朱看点周易

前调【重午二首】 张榘

楚湘旧俗记包黍沉流缅怀忠节谁挽汨罗千丈雪一洗些魂离别赢得儿童红丝纒臂佳话年年说龙舟争渡褰旗撻鼓骄劣 谁念词客风流菖蒲桃柳忆闺门铺设嚼徵含商陶雅兴争似年时娱悦青杏园林一尊煮酒当为浇凄切南薰应解把卿愁袂吹裂

前调 张榘

三闾何在把离骚细读几番击节菖蕙椒兰纷江渚较以艾萧终别清浊同流醉醒一梦此恨谁能说忠魂耿耿祗凭天辨优劣 须信千古湘流练丝纒黍端为英雄设堪笑儿童浮菖歎悲愤翻为喜悦三叹灵均竟罹谗网我独中情切薰风窗户榴花知为谁裂

前调【次韵玉林寄示】 冯取洽

高堂素壁漫生绡十幅图张消暑不奈火云烧六合逃也略无逃处小派秋声巨麓凉点吸歛  
来何许故人词翰此时飞落蓬户 何幸一笑掀髯停杯浩唱三叹遗音古雪碗冰瓯无表里更  
贮三危鲜露咀咽生香清寒入梦展转忘宵曙对牀误喜与君同听风雨

前调 卢炳

晚天清楚埽太虚纤翳凉生江曲四顾青冥天地阔惟有残霞孤鹜山气凝蓝汀烟引素竦竦  
浮羣木白苹风定波澄万顷寒玉 时有一叶渔舟收纶垂钓来往何幽独短发萧萧襟袖冷便  
觉都无袞褥曳杖归来夜深人悄月照鳞鳞屋藤牀一枕迥然清梦无俗

前调【白莲三首】 卢炳

凿开方沼问何人种玉工夫奇絶幻出瀛洲前未有十万水仙罗列风曳璫裾露零珠佩天上  
人装结君看炎夏堕来何处冰雪 我来对此凉生红尘飞尽却笑凌波韞最爱幽姿能雅澹自  
蓄芳馨孤洁挹取天浆唤将空籁齐作清歌发不知尘世晃然身在瑶阙

前调 卢炳

碧池如染把玻璃甃就纤埃都絶西国夫人空里坠圆盖亭亭排列莹质无瑕尘心不染远社  
堪重结当时盛事虎溪茗椀翻雪 千载此意谁论人争买笑醉眼看罗韞坐上如今皆我辈素  
蘊从来蠲洁击节临风停杯对月浩气俱英发两翁仙举玉堂正在金阙

前调 卢炳

好风明月共芙蓉占作人间三絶试问千花还百卉敢与英姿同列一曲千鍾凌云长啸舒放  
愁肠结人生易老莫教双鬓添雪 回首蝇利蜗名微官多误自笑尘生韞争似玉人真妩媚表  
里冰壶明洁露下寒生参横斗转又听秋笳发夜阑人静一声清透云阙

前调【玉蜨梅】 沈端节

洛妃汉女护春寒不惜蛟绡重叠拾翠江边烟澹澹交影参差笼月秦虢相将英娥接武同宴  
瑶池雪层冰连璧个中谁敢优劣 着意晕粉饶酥韵多香馥都与羣花别娟秀敷腴索笑处玉  
脸微生娇靥羞损南枝映翻绿萼不数黄千叶形容不尽细看一倍清絶

前调 沈端节

重阳恁好正秋清天色水容如泻野阔风高香雾满采菊无人同把堪笑渊明蓬头曳杖吟赏

东篱下孤风远韵至今犹作佳话 争似太守仁贤慈祥恺悌赋政多闲暇千里江山供胜践尊俎延登儒雅只恐相将吹花春宴不许斯民借花朝便座尚怀方外司马

前调【夜凉】 黄昇

西风解事为人间洗尽三庚烦暑一枕新凉宜客梦飞入藕花深处冰雪襟怀琉璃世界夜气清如许划然长啸起来秋满庭户应笑楚客才高兰成愁悴遗恨传千古作赋吟诗空自好不直一杯秋露澹月阑干微云河汉耿耿天催曙此情谁会梧桐叶上疎雨

前调【题玉林】 黄昇

玉林何有有一湾莲沼数间茆宇断堑疎篱聊补葺那得粉墙朱户禾黍秋风鸡豚晓日活脱田家趣客来茶罢自挑野菜同煮多少甲第连云十眉环座人醉黄金坞回首邯郸春梦破零落珠歌翠舞得似衰翁萧然陋巷常作溪山主紫芝可采更寻岩谷深处

前调【赋县圃明秀亭】 吴文英

思生晚眺岸乌纱平步春云层绿罨画屏风开四面各样莺花结束寒欲残时香无着处千树风前玉游蜂飞过隔墙疑是金谷偏称晓色横烟愁凝娥髻澹生绡裙幅缥缈孤山南畔路相对花房竹屋溪足沙明岩陰石秀梦冷吟亭宿松风古涧高调月夜清曲

前调【梦有奏方响而舞者】 蒋捷

夜深清梦到丛华深处满襟冰雪人在璫云方响乐杳杳冲牙清絶翠箕翔龙金枴跃凤不是蕤宾铁凄锵仙调风敲珠树新折中有五色光开参差披影对舞山香彻雾阁云窗归去也笑拥灵君旌节六曲栏干一声鸚鵡霍地花空灭梦回孤馆秋笳霜下呜咽

前调【赠薛稼翁】 蒋捷

稼翁居士有几多抱负几多声价玉立绣衣霄汉表曾览八州风化进退行藏此时正要一着高天下黄埃扑面不成也控羸马人道云出无心才离山後岂是无心者自古达官酣富贵往往遭人描画只有青门种瓜闲客千载传佳话稼翁一笑吾今亦爱吾稼

前调 张枢

鴈横迴碧渐烟收极浦渔唱吹晚临水楼台乘醉倚云引吟情闲远露脚飞凉山眉锁暝玉宇冰匳满平波不动桂花低印清浅应是琼斧修成铅霜捣就舞霓裳曲徧窈窕西窗谁弄影红冷芙蓉深苑赋雪词工留云歌断偏惹文箫怨人归鹤唳翠帘十二空卷

前调【中秋】 周密

匳霏净洗唤素娥睡起平分秋色鴈背风高孀兔冷露脚侵衣香湿银浦流云珠房迎晓鬓影  
霜争白玉尊凉夜与谁同醉瑶席忍记倚桂分题簪花筹酒处处成陈迹回首年时飞动意惟  
有孤云知得如此江山依然风月月底人非昔知音何许泪痕空渍愁碧

前调【冬晚山陰溪上】 张炎

行行且止把乾坤收入蓬窗深里星散白鸥三四点数笔横塘清意?嘴冲波篱根受月野径通  
邨市疎风迎面湿衣原是空翠堪叹敲雪门荒争棋墅冷苦竹鸣山鬼纵使如今犹有晋无复  
清游如此落日沙黄远天云澹弄影芦花外几时归去翦取一半烟水

前调【养拙园夜饮】 张炎

瘦筇访隐正繁阴闲锁一壶幽绿乔木苍寒图画古窈窕行人韦曲鹤响天高水流花净笑语  
通华屋虚堂松外夜深凉气吹烛乐事杨柳楼心瑶台月下有生香堪掬谁理商声帘外悄萧  
瑟鸣璫悬玉一笑难逢四愁休赋任我云边宿倚阑歌罢露萤飞上秋竹

前调【赋秀野园清晖堂】 张炎

穿幽透密傍园林宴乐清时钟鼓帘隔波纹分昼影融得一壶春聚篆径通花花多迷径难省  
来时路缓寻深静野云松下无数空翠暗湿荷衣夷犹舒啸日涉成佳趣香雪因风晴更落知  
是山中何树响石横琴悬嵎拥檻待月慵归去忽来诗思水田飞下霜鹭

前调【陆性斋小蓬莱】 张炎

海天缥缈算人间自有移来蓬岛一粒粟中生倒景日月光融丹竈玉洞分春雪巢不夜心寂  
凝虚照鹤溪游处肯将琴劒同调休问挂树瓢空窗前清意赢得不除草只恐渔郎曾悞入翻  
被桃花一笑润色茶经评量山水如此闲方好神仙缩地长房应未知道

前调【客中寄友】 张炎

西秦倦旅是几年不听西湖风雨我把长鑱垂短发心事时看天语吟篋空随征衣休换薜荔  
犹堪补山能招隐一瓢闲挂烟树方叹旧国人稀花间忽见倾盖浑如故客里不须谈世事野  
老安知今古海上盟鸥门深款竹风月平分取陶然一醉此时愁在何处

前调【月涌大江为陆起潜赋】 张炎

长流万里与沉沉沧海平分一水孤白争流蟾不没影落潜蛟惊起莹玉悬秋绿房迎晓楼观



光凝洗紫箫声嫋四檐吹下清气 遥睇浪击空明古愁休问消长盈虚理风入芦花歌忽断知  
有渔舟闲櫂露已沾衣沍犹栖草一片潇湘意人方酣梦长翁元自如此

前调 张 炎

遶枝倦鹄鬓萧萧肯信如今犹客风雪荷衣寒叶补一点灯花悬壁万里舟车十年书劒此意  
青天识泛然身世故家休问清白 却笑醉倒山翁石牀飞梦不入槐安国只恐溪山游未了莫  
叹飘零南北滚滚江横呜呜歌罢渺渺情何极正无聊赖天风吹下孤笛

前调【怀雪友】 张 炎

异乡倦旅问扁舟东下归期何日琴劒空随身万里天地谁非行客李杜飘零羊昙悲感回首  
俱陈迹羁怀难写豆虫吟破孤寂 柳外门掩疎陰佳人何处溪上苹花白留得一方无用月隐  
隐山阳闻笛旧雨不来风流云散惟有长相忆鴈书休寄寸心分付梅驿

前调【寿月溪】 张 炎

波明昼锦看芳莲迎晓风弄晴碧乔木千年长润屋清?图书琴瑟龟甲屏开鰕须帘卷瑶草秋  
无色和熏兰麝彩衣欢拥诗伯 溪上燕往鸥还笔牀茶竈筇竹随游屐闲似神仙闲最好未必  
如今闲得书染芝香驿传梅信次第来云北金尊须满月光常照歌席

前调【赋云溪】 张 炎

随风万里已无心出岫浮游天地为问山中何所有此意不堪持寄澹薄相依行藏自适一片  
松陰外石根苍润飘飘元是清气 长伴暗谷泉生晴光潋灩湿影摇花碎濯濯波涛江汉里忽  
见清流如此枝上瓢空鸥前沙净欲洗幽人耳白苹洲上浩歌一櫂春水

御选历代诗余卷六十八

# 卷六十九

钦定四库全书

御选历代诗余卷六十九目录【一百字】

念奴娇【下】

石孝友

姚勉

林正大【三首】

文天祥【二首】

李彭老

王奕

柴望

王易简

董嗣杲

王梦应

邵博

范端臣

姚卞

梁栋

沈刚孙

僧挥【二首】

僧仲璋

葛长庚【二首】

李清照

朱淑真【二首】

无名氏

蔡松年【二首】

王庭筠

赵秉文

高永

段成己

刘云寰

王恽

彭泰翁

鲜于枢

萨都拉【五首】

张埜【二首】

陶宗仪

滕宾

李孝光

丘长春

高啓

杨基【二首】

瞿佑

吴寛

周用【四首】

杨慎

陆深

边贡

陈子龙

于玉班

李福谦

沈友夔

王凤嫺

张红桥

御选历代诗余卷六十九目录

钦定四库全书

御选历代诗余卷六十九【一百字】

司经局洗马掌局事兼翰林院修撰加二级【臣】王奕清奉旨校刊

念奴娇【下】

念奴娇 石孝友

闷红颦翠惜流年忍对艳阳时节白玉楼成人去後两地音尘都絶鸾镜分飞梦云零乱欢意  
今衰飒墨痕浓澹忆曾题偏红叶 须信後约难凭翦鬟啮臂也只成虚设满眼凄凉无限事付  
与丁香愁结欲语情酸临岐步嬾怅望兰舟发出门谁伴泪昏一片孤月

前调【雪】 姚勉

鸂裘夜冷怪地炉煨酒经时难热晓起盘风天舞絮拍手儿童欢悦客里新吟天葩翦巧思与  
梅争发使君属和雪花同是三絶  
未须赋就梁园阳春拍调压倒唐元白早晚联镳花底去共看朝霞银阙朝退归来清虚

堂里醉洒淋漓墨而今且对聚星堂上宾客

前调【括东坡前赤壁赋】 林正大

泛舟赤壁正风徐波静举尊属客渺渺予怀天一望万顷凭虚独立桂桨空明洞箫吹彻怨慕  
还凄恻星稀月澹江山依旧陈迹 因念酹酒临江赋诗横槊好在今安适漫寄蜉蝣天地尔瞬  
目盈虚消息江上清风山间明月与子欢无极翻然一笑不知东方既白

前调【括东坡後赤壁赋】 林正大

雪堂闲步过临皋霜净晚林木落月白风清如此夜与客行歌相答网举松鲈手携斗酒赤壁  
重寻约悲歌长啸划然声动寥廓 试问日月几何江光山色今日应如昨履徧巉巖风露冷水  
涌怒涛惊跃一叶中流听其所止适有孤飞鹤横江东下问予赤壁游乐

前调【括东坡月夜与客饮杏花下诗】 林正大

杏花春晚散余芳着处紫帘穿箔唤起幽人明月夜步月褰衣行乐置酒花前清香争发雪挽  
长条落山城薄酒共君一笑同酌 且须眼底柔英尊中清影放待杯行数莫遣洞箫声断後月  
落杯空寂寞只恐明朝残红栖绿卷地东风恶更须来岁花时携酒寻约

前调【用东坡韵】 文天祥

庐山依旧凄凉处无限江南风物空翠晴岚浮汗漫还障天东半壁鴈过孤峰猿归危嶂风急  
波翻雪乾坤未老地灵尚有人杰 堪嗟漂泊孤舟河倾斗落客梦催明发南浦闲云连草树回  
首旌旗明灭三十年来十年一过空有星星发夜深愁听鸣笳吹彻寒月

前调【驿中别友用东坡韵】 文天祥

水天空阔恨东风不惜世间英物蜀鸟吴花残照里忍见荒城颓壁铜雀春情金人秋泪此恨凭谁雪堂堂劒气斗牛空认奇杰那信江海余生南行万里送扁舟齐发正为鸥盟留醉眼细看涛生云灭晚柱吞羸回旌走懿千古冲冠发伴人无寐秦淮应是孤月

前调【登寄闲吟台】李彭老

素飈荡碧喜云飞寥廓清透凉宇倦鹊惊翻台榭迴叶叶秋声归树珠斗斜河冰轮辗雾万里青冥路芰深屏翠桂边满袖风露烟外冷逼玻璃渔郎歌杳击空明归去怨鹤知更莲漏悄竹里筛金帘户短发吹寒闲情吟远弄影花前舞明年今夜玉尊知醉何处

前调【金陵赏心亭】王奕

英雄老矣对江山莫遣泪珠成斛一簾西风休掩面白浪黄尘眯目凤去台空鹭飞洲冷几度斜阳木欲书往事南山应恨无竹宁是商女当年後來腔调拍手铜鞮曲偃蹇老松虽拗面犹逞一枰残局乌巷垂杨鹊桥野草今为谁家绿赏心何处浩歌归卧梅屋

前调柴望

春来多困正晷移帘影银屏深闭唤梦幽禽烟柳外惊断巫山十二宿酒初醒新愁半解恼得成憔悴鬢?云鬓不吹鸾镜梳洗门外满地香风残梅零落玉糝苍苔碎乍暖乍寒浑莫拟欲试罗衣犹未鬪草雕阑买花深院做蹋青天气晴鸠鸣处一池昨夜春水

前调王易简

暗帘吹雨怪西风梧井凄凉何早一寸柔情千万缕临镜霜痕惊老鴈影关山蛩声院宇做就新怀抱湘皋遗佩故人空寄瑶草已是摇落堪悲飘零多感那更长安道衰草寒芜吟未尽无那平烟残照千古闲愁百年往事不了黄花笑渔樵深处满庭红叶休埽

前调董嗣杲

莲幽竹邃旧池亭几处多爱君子醉玉吹香还认取忙里得闲标致心逐云帆情随烟笛高会知谁继宵筵会啓蓦然身外浮世因见杜牧疎狂前缘梦里谩蹙双眉翠香满屏山春满几炉拥麝焦禽睡月落梅空霜浓窗掩两耳风声起艳歌终散输他鹤帐清寐

前调王梦应

欲霜更雨记春黄篱落东风前此帘外秋容人共老鴈与愁飞千里水郭烟明竹陂波小万叶寒声起凭高那更九嶷吹尽云气婉婉空复多情年年归梦花与柴桑是谁解魂消风日晚短笛孤舟秋水江蟹笼新露黄斟浅浇得乡关思平芜天远一痕黄抹秋霁

前调【梅】 邵博

天然潇洒尽人间无物堪齐标格只与姮娥为伴侣方显一家颜色好是多情一年一度首作东君客竹篱茅舍典型别是清白惆怅玉杵无凭蓝桥人去空锁神仙宅今日天涯慙马上忽见轻盈冰魄恰似当年温柔乡里晓看新妆额临风三嗅挽条不忍空摘

前调【中秋月】 范端臣

寻常三五问今宵何夕婵娟多胜天阔云收崩浪静深碧琉璃千顷银汉无声冰轮直上桂湿扶疎影纶巾玉麈庾楼无限清兴谁念江海飘零不堪回首惊鹊南枝冷万点苍山何处是修竹吾庐三径香雾云鬟清辉玉臂醉了愁重醒参横斗转辘轳声断金井

前调【诸葛庙】 姚卞

小舟横櫂看云峰高拥千重苍碧白帝城中冠盖换田野犹谈玄德三顾频频两朝开济何处寻遗迹江堆石阵至今神拥沙碛追忆诸葛当年幅巾高卧抱图王可策见说庙堂今尚在中  
有参天松栢据蜀英豪吞吴遗恨俯仰成今昔空令豪俊浩歌挥涕横臆

前调【春梦】 梁栋

一场春梦待从头说与傍人听着罨画溪山红锦幃舞燕歌莺台阁碧海倾春黄金买夜犹道看承薄雕香翦玉今生今世盟约须信欢乐过情闲嗔冷妒一阵东风恶韵白娇红消瘦尽江北江南零落骨朽心存恩深缘浅忍把罗衣着蓬菜何处云涛天际冥漠

前调【钓台】 沈刚孙

我来访古把尘襟都付一声鸣榔笑把瑶觞波浩荡却忆长鲸吞吐坐挹高风骨清毛冷不作器尘语客星何在漫留遗像江渚试问泽畔羊裘当时何事笑禹舜宫武金印貂蝉谁不爱只为汗颜巢许幸有高台较他箕颍未肯轻输与酒酣长啸翩然谁共飞举

前调【避暑】 僧挥

故园避暑爱繁阴翳日流霞供酌竹影筛金泉漱玉红映薇花帘箔素质生风香肌无汗绣扇长闲却双鸾栖处绿云时下风箴吹断舞影歌声阳台人去有当年池阁佩结兰英凝念久言语精神依约燕别雕梁鸿归紫塞音信凭谁托争知好景为君长是萧索

前调【荷】 僧挥

水枫叶下乍湖光清浅凉生商素西帝宸游罗翠盖拥出三千宫女绦彩娇春铅华掩昼占断

鸳鸯浦歌声摇曳浣纱人在何处 别?孤裊一枝广寒宫殿冷落栖愁苦雪艳冰肌羞澹泊偷把臙脂匀注媚脸笼霞芳心泣露不肯为云雨金波影里为谁长恁凝竚

前调【重阳】 僧仲璋

消磨九日算年年惟有黄花白酒把酒簪花能有几多少光陰回首人恨难期酒杯有限花色应如旧花浓酒酺问君着甚消受 彭泽千古英雄有花能折有酒能倾否万事悠悠输一醉花酒休教离手明月西风阑珊酒尽憔悴花枝瘦酒肠花眼正宜年少时候

前调【武昌怀古】 葛长庚

汉江北浮下长淮洗尽胸中今古楼櫓横波征鴈远谁见鱼龙夜舞鸚鵡洲云凤凰池月付与沙头鹭功名何处年年惟见春絮 非不豪似周瑜壮如黄祖亦逐秋风度野草闲花无限数渺在西山南浦黄鹤楼人赤乌年事江汉亭前路浮萍无据水天几度朝暮

前调【春日】 葛长庚

桃花开尽正溪南溪北春风春雨寒食清明都过了愁杀一声杜宇醉跨蹇驴蹋翻芳草满满斟鸚鵡游仙梦觉不知身在何处 因甚青鸟不来一年春事捻指都如许人在白云流水外多少莺啼燕语遣兴成诗烹茶解酒日落蔷薇坞玉龙嘶断乱霞惊起无数

前调【宋媛】 李清照

萧条庭院又斜风细雨重门深闭宠柳娇花寒食近种种恼人天气险韵诗成扶头酒醒别是闲滋味征鸿过尽万千心事难寄 楼上几日春寒帘垂四面玉阑干慵倚被冷香消新梦觉不许愁人不起清露晨流新桐初引多少游春意日高烟敛更看今日晴未

前调【催雪 宋媛】 朱淑真

冬晴无雪是天心未肯化工非拙不放玉花飞墮地留在广寒宫阙云欲同时霰将集处红日三竿揭六花翦就不知何处施設 应念陇首寒梅花开无伴对景真愁絶待出和羹金鼎手为把玉盐飘撒沟壑皆平乾坤如画更吐冰轮洁梁园宴客夜明不怕灯灭

前调【残雪】 朱淑真

鹅毛细翦是琼珠密洒一时堆积斜倚东风浑漫漫顷刻也须盈尺玉作楼台铅熔天地不见遥岑碧佳人作戏碎揉些子抛掷 争奈好景难留风偃雨憊打碎光凝色纵有十分轻妙态谁似旧时怜惜担阁梁吟寂寥楚舞笑捏狮儿只梅花依旧岁寒松竹三益



前调 无名氏

半堤花雨对芳辰消遣无奈情绪春色尚堪描画在万紫千红尘土鹃促归期莺收佞舌燕作留人语遶栏红药韶华留此孤注  
真个恨煞东风几番过了不似今番苦乐事赏心磨灭尽忽见飞书传羽湖水湖烟峰南峰北总是堪伤处新塘杨柳小腰犹自歌舞

前调【次东坡韵】 蔡松年

离骚痛饮问人生佳处能消何物江左诸人成底事空想巉巉青壁五亩苍烟一丘寒玉岁晚忧风雪西州扶病至今悲感前杰我梦卜筑萧闲觉来巉桂十里幽香发魄磊胸中冰与炭一酌春风都灭胜日神交悠然得意离恨无毫发古今同致永和徒记年月

前调【九日】 蔡松年

倦游老眼放闲身管领黄华三日客子秋高茅舍外满眼秋岚欲滴泽国清霜澄江爽气染出千林赤感时怀古尊前一笑都释千古栗里高情雄豪割据戏马空陈迹醉里谁能知许事俯仰人间今昔三弄据牀九层飞观唤取穿云笛凉蟾有意为人点破空碧

前调 王庭筠

山堂晚色满疎篱寒雀烟横高树小雪轻盈如解舞故故穿帘入户埽地烧香团圞一笑不道因风絮冰渐生研问谁先得佳句有梦不到长安此心安稳只有归耕去试问雪溪无恙否十里淇园佳处修竹林边寒梅树底准拟全家住柴门新月小桥谁埽归路

前调【次东坡韵】 赵秉文

秋光一片问苍苍桂影其中何物一叶扁舟波万顷四顾黏天无壁叩枻长歌姮娥欲下万里挥冰雪京尘千丈可能容此人杰回首赤壁矶边骑鲸人去几度山花发澹澹长空今古梦只有归鸿明灭我欲从公乘风归去散此麒麟发三山安在玉箫吹断明月

前调【滕王阁】 高 永

闲登高阁叹兴亡满目风烟尘土画栋朱帘当日事不见朝云暮雨秋水长天落霞孤鹜千载名如故长空淡淡去鸿嘹唳谁数遥忆才子当年如椽健笔坐上题佳句物换星移知几度遗恨西山南浦往事悠悠昔人安在何处寻歌舞长江东注为谁流尽今古

前调【送杨国瑞西归】 段成已

西风汾浦鴈初飞秋水渺茫无际有底忙时来复去泛若虚舟不系篱菊将开邨醪初熟且住  
为佳耳笑言相荅个中吏隐无愧 岁月不贷闲人朱颜非少鬓髮苍如此好把金杯休去手万  
事惟消沉醉日转山腰马嘶柳外歌阕行人起凭高西望相思目断烟水

前调【郡城元夜】 刘云寰

景龙天气正余寒料峭轻风帘幙万斛金莲光不夜香满云间楼阁金鐙频敲绣帘高揭应为  
黄昏约霜娥无恙唤人依旧飘泊 却恨乌兔无情把人青鬓白恁星星却千古繁华行乐地谁  
笑谁歌谁酌北海尊罍东山丝竹梦里扬州鹤客窗无味故人谁念萧索

前调 王恽

瑶台树老独画阑春事犹未消歇好在来禽花盛发满意清明时节翠袖翻香朱颜晕酒绰约  
冰肌洁几年空谷等闲飘坠香雪 回首绮阁东风使君情重一顾倾城色只恐花飞春减却来  
约尊前欢伯起舞山香醉歌金缕细按红牙拍青鸾高兴恍然归梦瑶阙

前调【秋日牡丹】 彭泰翁

九华惊觉又偷承恩露羞匀春色?蓼汀苹成色界未必天香人识粉浣脂凝霜销雾薄娇颤浑  
无力黄昏月掩山城那更闻笛 应是未了尘缘重来迟暮草草西风客莺燕无情庭院悄愁满  
阑干苔积宫锦尊前霓裳月下梦亦无消息嫣然一笑江南如此风月

前调【八咏楼】 鲜于枢

长溪西注似延平双劒千年初合溪上千峰明紫翠放出羣龙头角潇洒云林微茫烟草极目  
春洲阔城高楼迴恍然身在寥廓 我来陰雨兼旬滩声怒起日日东风恶须待青天明月夜一  
试严维佳作风景不殊谿山信美处处堪行乐休文何事年年瘦损如削

前调【登凤凰台怀古】 萨都拉

六朝形胜想倚云楼阁翠帘如雾声断玉箫明月底台上凤凰飞去天外三山洲边一鹭李白  
题诗处锦袍安在淋漓醉墨飞雨 遥忆王谢功名人间富贵散草头朝露澹澹长安孤鸟没落  
日招提铃语古往今来人生无定南北行人路浩歌一曲莫辞别酒频注

前调 萨都拉

秦淮晓发挂云帆十丈天风如箭一碧湖光三十里落日水平天远系马维舟买鱼沽酒杨柳  
人家店轻寒袂袂淮南春色犹浅 几度暮鼓晨钟南来北去游子心无倦芳草萋萋天际绿怅  
望故人应转翠袖偎香锦箏弹月何处相留恋有人独自烛花深夜频翦

前调 萨都拉

周郎幽趣占清溪一曲小桥横渡溪上红尘飞不到惟有白云来去出岫无心凌江有态水面  
鱼吹絮倚门遥望锺山一半留住 涵影淡荡悠扬朝朝暮暮是几番今古指点昔人行乐地半  
是鹭汀鸥渚映水朱楼蹋歌画舫寂寞知何处天涯倦客几时归钓春雨

前调 萨都拉

一壶幽绿爱松陰满地蕊珠宫府老鹤一声霜衬履隔断人间尘土月户云窗石田瑶草丹井  
飞龙虎茶蘼花落东风吹散红雨 春透紫髓琼浆玻璃杯酒滑泻蔷薇露前度刘郎重到也开  
尽碧桃无数花外琵琶柳边莺燕玉佩摇金缕三山何在乘鸾便欲飞去

前调【登石头城次东坡韵】 萨都拉

石头城上望天低吴楚眼空无物指点六朝形胜地惟有青山半壁蔽日旌旗连云檣櫓白骨  
纷如雪一江南北消磨多少豪杰 寂寞避暑离宫东风辇路芳草年年发落日无人松迳里萤  
火高低明灭歌舞尊前繁华镜里暗换青青发伤心千古秦淮一片明月

前调【白莲】 张 埜

水风清暑记平湖十里寒生纨素罗襪尘轻云冉冉髣髴凌波仙女雪艳明秋琼肌沁露香满  
西陵浦兰舟一叶月明曾到深处 谁念玉佩飘零翠房凄冷几度相思苦异地相看浑似梦忍  
把荷觞深注碧藕多丝霜茎有刺脉脉愁烟雨江云撩乱倚阑终日凝竚

前调【题钓台】 张 埜

钓台千尺问谁曾占断一江深绿试拜先生眉宇看何地可容荣辱遥想当年故人邂逅以足  
加其腹书生常事可怜惊骇流俗 应恨惹起虚名平生正坐误识刘文叔笑煞君房痴到底燕  
雀焉知鸿鹄万叠云山一丝烟雨比得三公禄高风千古冷香聊荐秋菊

前调【九日】 陶宗仪

黄花白发又匆匆佳节感今怀昔雨覆云翻无限态故国寒烟榛棘杜老漂零沈郎瘦损此意  
天应识划然长啸不知身是孤客 呼酒漫拨清愁玉奴频劝两脸添春色眼底生平空四海倦  
拂红尘风帻戏马台荒龙山人老往事休追惜山林无恙也须容我高屐

前调 滕 宾

柳颦花困把人间恩爱尊前倾尽何处飞来双比翼直是同声相应寒玉嘶风香云卷雪一拂

骊珠引元郎去後有谁着意题品 谁料浊羽清商繁弦急管犹是余风韵莫是紫鸾天上曲两两玉童肩并白发梨园青衫老傅试与流连听可人何处满庭霜月清冷

前调【次东坡韵】 李孝光

江南春暮看麦枯蚕老故乡风物缟袂青裙桑下路笑动斜阳邨壁鹅鸭比邻牛羊日夕父老头如雪桑麻旧语宁论汉室人杰 谁办草草杯盘朱樱绿笋逸兴尊前发冉冉年华行过也目送孤云明灭拾穗行歌摘瓜抱蔓此事真毫发逢君轰饮与吾唤取明月

前调 丘长春

春游浩荡是年年寒食梨花时节白锦无纹香烂漫玉树琼苞堆雪静夜沉沉浮光霭霭冷浸溶溶月人间天上烂银霞照通彻 浑是姑射真人天姿灵秀意气殊高洁万点参差谁信道不与羣芳同列浩气清英仙材卓犖下土难分别瑶台归去洞天方省清绝

前调 高 启

策勲万里笑书生骨相有谁曾许壮志平生还自负羞比纷纷儿女酒发雄谈劒增奇气诗吐惊人语风云无便未容黄鹄轻举 何事匹马尘埃东西南北十载犹羁旅只恐陈登容易笑负却故园鸡黍笛里关山尊前日月回首空凝竚吾今未老不须清泪如雨

前调【岳阳春暮】 杨 基

楚江天暖满山中桃李东风吹忒怨白愁红千万点都向溪边流出前度刘郎去年崔护相见头全白杜鹃啼处要归谁便归得 惆怅南浦南边东湖东畔芳草茸茸碧寒食清明都过了回首无多春色茂苑莺声鸥波烟雨同是江南客五湖缥缈君山且听吹笛

前调【风雨夜泊大孤庙下】 杨 基

一天风雨奈无情悞我匆匆行色龙女祠前三日住可是东君留客梦里家山灯前儿女几处烟波隔数茎愁鬓看来今又添白 遥想小小宫桃盈盈墙杏都被轻寒勒只有春江如得意添却葡萄三尺莺燕休嗔鳧鷖莫笑行止非人力明朝西去布帆高挂晴碧

前调 瞿 佑

海天何处叹人间别有芙蓉城阙雾阁云窗深几许独驾青螺超越香霭云屏被翻红浪波捧龙绡镜鸾舞罢半帘灯影明灭 谁信一饮琼浆玉山自倒魂逐惊鸿没瘴雨蛮烟归梦断愁满空梁残月畴昔相期杀鸡炊黍中道成相别故山秋晚何人共采薇蕨

前调【秋夜对月】 吴 寛

危楼百尺隐秋蟾微露半规檐角吹灭银灯聊坐待自卷西堂帘幙积雨初收纤云不起讶星河俱落屋梁光满赴人如有盟约 何事李白题诗强分今古有酒宜高酌慢抚枯桐三二引写我一时之乐古树风回荒堦蛩语未觉秋声恶芙蓉花上露华今夜堪濯

前调【上元】 周 用

皇都元夕正瑶空华月九衢如昼为倩农师占五谷道是丰年物候百尺星桥千寻火树遥听钧天奏重门永夜慢催银箭更漏 又道画阁东头何郎诗兴不管梅花瘦松雪王孙传好句信是词垣耆旧鬬草香茵冲花绣羽都在烧灯後品题乐事莫放绿颦红皱

前调【次韵束锺石】 周 用

栽花翦柳闲情绪料理一般文物几许麝煤和兔颖光照词垣四壁锦濯三江珠倾百斛玉并千峰雪王杨卢骆漫说旧时四杰 又见咏月题封西来黄鹤六翮凌风发铁画摩挲双老眼不放银灯吹灭丛菊黄残小梅白瘦敢妒青青发品题桃李看取明年三月

前调【中秋和锺石】 周 用

中秋三五悄依稀犹是去年风物云卷青霄开夕殿一色瑶堦银壁万斛天香千寻仙桂下界霏丹雪迢崕鸷岭聊让唐人四杰 堪爱更漏声沉明河影澹特地清辉发天许姮娥呈素面半点绿烟都灭肃肃冰绡泠泠玉佩冉冉垂云发问依何事家家今夜圆月

前调【早出城南登牛首】 周 用

名山梵宇便从来自有护持神物十载旧游如梦寐犹剩碧纱笼壁久矣寒盟翹然乘兴欲访山陰雪登高能赋地灵休负人杰 应是拂曙星河新晴钟鼓稍稍催明发漫向金陵寻故事不管灰飞烟灭朱雀桥边乌衣巷口白露凄毛发江南诗思晓风相伴残月

前调 杨 慎

芙蓉屏外倒金尊满座艳歌凝咽半面新妆香透幌环佩珊珊步怯接黛垂鬟低声小语问采香仙妾花停柳袅莺莺燕燕标格 媚眼射注檀郎双鸳全露裙底凌波鞦万斛臙脂倾在水染就银河一色天作红墙山为翠幕生把伊依隔离魂牵梦初回南浦凉月

前调【秋日怀乡用东坡韵】 陆 深

大江东去是吾家一段画笥中物襟带五湖吞百渚说甚黄州赤壁两?芦汀一湾柳浪海涌潮

头雪沧浪声里渔翁也是豪杰 明年拟赋归来轻舟短櫂两腋清风发春水稳如天上坐闲看  
浮沤兴灭黄歇穿沙袁崧筑垒到处堪曦发鲈鱼蓴菜一任江天岁月

前调【赠友】 边贡

山城雨过望青郊迢递碧山连属?旭林霏紫远带回首屡看僮仆白石桥边苍松涧底冉冉云  
相逐野猿孤鹤晚来聊伴幽独 几度梦到江南画船箫鼓夜傍芦花宿乌帽锦衣驹唱处犹是  
当年拘束布衲纶巾芒屨藜杖无宠还无辱闲观尘世几人能此知足

前调【春雪咏兰】 陈子龙

问天何意到春深千里龙山飞雪解佩凌波人不见漫说蕊珠宫阙楚殿烟微湘潭月冷料得  
多攀折嫣然幽谷只愁又听啼鴂 当日九畹光风数茎清露纤手分花叶曾在多情怀袖里一  
缕同心千结玉腕香销云鬟雾掩空赠金跳脱洛滨江上寻芳再望佳节

前调【茉莉】 于玉班

帘栊午寂正阴阴窥见後堂芳树绿偏长丛花事杳忽见琼葩丰度艳雪肌肤蕊珠标格消尽  
人间暑还忧风日曲屏罗幙遮护 长记歌酒阑珊微闻暗麝笑觅衣沾露月没阑干天似水相  
伴谢娘窗户浴後轻鬟凉生滑簟无限风流处惹人幽梦枕边零乱如许

前调【中秋】 李福谦

空庭秋晚趁花陰把盏临风独适醉眼模糊潦到处今夕不知何夕桂子飘香银河泻冷秋意  
平分拆凄凉往事不堪回首重忆 堪笑苍狗白衣人间幻影转盼成陈迹记得去年今夜语都  
在心头历历壮志空埋此身依旧漂泊江南客明朝酒醒又添一段於邑

前调【江上晚归】 沈友夔

烟山初晚做蛾眉低绿送人行色空翠满弯携不了江上暮云横碧钓艇烟斜渔蓑雪满微笑  
鲈鱼得月沉渡口断桥残夜人立 无聊酒力微茫闲心渺渺江面孤鸿劈雪浪半空云自卷就  
里片帆风急归去枫邨鹤栖花底月照柴门迹风帟孤枕暮潮犹是空拍

前调【寄女 明媛文姝】 王凤嫺

花娇柳媚问东君正是芳菲时节帐煖流苏鸡报晓睡起悄寒犹怯乌鸟情牵青鸾信杳追忆  
当年别临岐泪滴衷肠哽咽难说 凄凉望断行云柴门倚徧空对闲风月屈指归期无限恨添  
得愁怀叠叠镜影非前人情异昔怎禁心摧折欲凭谁诉数茎新见华发

前调 【明媛】 张红桥

凤凰山下恨声声玉漏今宵易歇三叠阳关歌未竟哑哑栖乌催别含怨吞声两行清泪渍透  
千重铁柔情一缕不知多少根节 还忆浴罢描眉梦回携手蹋碎花间月漫道胸前怀豆蔻今  
日总成虚设桃叶津头莫愁湖畔远树烟云叠寒灯旅邸荧荧谁与闲说

御选历代诗余卷六十九

# 卷七十

<集部,词曲类,词选之属,御选历代诗余

钦定四库全书

御选历代诗余卷七十目录【一百字】

念奴娇【又一体】

苏轼

周紫芝【二首】

赵鼎臣

吕渭老

韩驹

蔡伸

叶梦得

李邴

曾纡【二首】

刘一止

赵长卿

张元干【二首】

朱敦儒【二首】

曾觌



曾惇

辛弃疾

程垓

朱熹

赵彦端【二首】

毛幵【三首】

沈端节【二首】

张炎【三首】

石孝友【二首】

何梦桂【二首】

张翥

王世懋

绛都春【又一体】

赵彦端

吴文英【三首】

蒋捷

翁元龙

朱淑真

高阳台【又一体】

吴文英【二首】

蒋捷

张炎【二首】

李彭老【二首】

李莱老

王亿之

王茂孙

僧晦

张翥

前调【又一体】

王沂孙

东风第一枝

高观国【二首】

史达祖【三首】

张翥

赵崇霄

御选历代诗余卷七十目录

钦定四库全书

御选历代诗余卷七十【一百字】

司经局洗马掌局事兼翰林院修撰加二级【臣】王奕清奉旨校刊

念奴娇

【又一体一名大江东去或无去字或以为大江乘者误也一名酹江月一名赤壁词皆以苏轼词别名按此调若止中间平仄稍异不复另列一体因苏词换头二三句上五下四故分出之】

念奴娇【赤壁怀古】 苏轼

大江东去浪淘尽千古风流人物故垒西边人道是三国周郎赤壁乱石穿空惊涛拍岸卷起千堆雪江山如画一时多少豪杰遥想公瑾当年小乔初嫁了雄姿英发羽扇纶巾谈笑间檣櫓灰飞烟灭故国神游多情应笑我早生华发人生如梦一尊还酹江月

前调【秋月】 周紫芝

冰轮飞上正金波翻动玉壶新绿风帽还敲清露滴凜凜微生寒粟白玉楼高水晶帘卷十里堆琼屋千山人

静怒龙声喷蕲竹夜久斗落天高银河还对泻冷悬双瀑此地人间何处有难买明珠千斛弄影人归锦袍何在更谁知鸿鹄素光如练满天空挂寒玉

前调【送路使君】 周紫芝

楚山无尽看西来新拥石城双旆立马花边金镫暖遥想元戎小队白雪歌成莫愁去後往事空千载一时吟啸风流不减前辈闻道梦泽南州日高初睡足雅宜高会老去愁多谁念我空对云山苍翠南鴈归时白头应记得尊前倾盖送君南浦无情空恨江水

前调【送王长卿赴河间】 赵鼎臣

旧游何处记金汤形胜蓬瀛佳丽绿水芙蓉元帅与宾僚风流济济万柳亭边雅歌堂上醉倒春风里十年一梦觉来烟水千里惆怅送子重游南楼依旧否朱阑谁倚要识当时惟是有明月曾陪珠履量减杯中雪添头上甚矣吾衰矣酒徒相问为言憔悴如此

前调 吕渭老

暮云收尽霁霞明高拥一轮寒玉帘影横斜房户静小立啼红簌簌素鲤频传蕉心微展双蕊明红烛开门疑是故人敲撼窗竹长记那里西楼小寒窗静掩风筝鸣屋泪眼灯光情未尽尽觉语长更促短短霞杯温温罗帕妙语书裙幅五湖何日小舟同泛春绿

前调【月】 韩驹

海天向晚渐霞收余绮波澄微绿木落天高真个是一雨秋容新沐唤起嫦娥掩云拨雾驾此

一轮玉桂华疎淡广寒谁伴幽独 不见弄玉吹箫尊前空对此清光堪掬露鬓风鬟何处问云雨巫山六六珠斗斓斒银河清浅影转西楼曲此情谁会倚风三弄横竹

前调 蔡 伸

轻雷骤雨洗千巘浓翠层峦森列衣袂凉生丛竹外时有飞萤明灭云浪鳞鳞兰舟泛泛共载一轮月五湖当日未应此段奇絶 归路横玉惊鸾叫云清似水悠扬天末玉宇琼林凝望处依约广寒宫阙老去情鍾此心仍在未肯甘华髮清欢留作异时佳话重说

前调【次东坡韵】 叶梦得

云峰横起障吴关三面真成尤物倒卷回潮日尽处秋水黏天无壁绿鬓人归如今虽在空有千茎雪追寻如梦谩余诗句犹杰 闻道尊酒登临孙郎终古恨长歌时发万里云屯瓜步晚落日旌旗明灭鼓吹风高画船遥想一笑吞穷发当时曾照更谁重问山月

前调【秋月次周竹坡韵】 李 邴

素光练净映秋山隐隐修眉横绿鵙楼高天似水碧瓦寒生银粟万丈斜晖奔云涌雾飞过卢仝屋更无尘气满庭风碎梧竹 谁念鹤发仙翁当年曾共赏紫巘飞瀑对影三人聊痛饮一洗离愁千斛斗转参横翩然归去万里骑黄鹄满天霜晓叫云吹断横玉

前调 曾 纡

片帆暮落正前邨梅蕊愁人如雪东陌西溪长记得疎影横斜时节六出水姿玉人微步笑里轻轻折兰房同醉暗香曾共私窃 回首万水千山一枝重见处离肠千结料想临鸾消瘦损时把啼红偷泫怎得伊来许多幽恨共捻青梢说如今千里断肠空对明月

前调【海棠括东坡诗】 曾 纡

江城春晚正海棠临水嫣然幽独秀色天姿真富贵何必金盘华屋月下无人雨中有泪絶艳仍清淑丰肌得酒嫩红微透轻縠 晓日雾霭林深佳人春睡思朦朦初足笑出疎篱端可厌桃李漫山麓俗燕子飞来鸿鹄何在千里移西蜀明朝酒醒乱红那忍轻触

前调【和陈元载中秋小集】 刘一止

燕台暮集对秋容凄紧松陰冪冪徙倚栏边临翠壑千顷风烟横出坐待冰轮天空云散一色如苍璧姮娥有意为谁来赴今夕 身世如许飘流佳时轻过了他年空忆我辈情鍾端未媿昔日兰亭陈迹坐上何人骊歌凄断语别还应惜有心红烛替人珠泪频滴

前调【梅】 赵长卿

小春时候见早梅吐玉裁琼妆白点点枝头光照眼恼损柔肠情客暗里芳心出羣标致经岁成疎隔如今风韵何人依旧冰雪 冷艷潇洒天然香姿肯易许游蜂狂蝶夜半黄昏担带了多少清风明月宋玉虽悲元超虽恨见了千愁歇东君还许有情取次攀折

前调 张元干

江天云雾正露荷擎翠风槐摇绿试问秦楼今夜里愁到阑干几曲笑捻黄花重题红叶无奈归期促暮云千里桂花初绽寒玉 有谁伴我凄凉除非分付与杯中醺醪水本无情山又远回首烟波云木梦绕西园魂飞南浦自古情难足旧游何处落霞空映孤鹜

前调【蕊香堂赏海棠】 张元干

蕊香深处逢上已生怕花飞红雨万点臙脂遮翠袖谁识黄昏凝伫烧烛呈妆传杯凭檻莫放春归去垂丝无语见人却似羞妒 修禊当时今日羣贤弦管里英姿如许宝靥罗衣应未有许多阳台神女气涌三山醉听五鼓休更分今古壶中天地大家着意留住

前调 朱敦儒

别离情绪奈一番好景一番悲戚燕语莺啼人乍远还是他鄉寒食桃李无言不堪攀折总是风流客东君也自怪人冷淡踪迹 花艳草草春上酒随花意薄疎狂何益除却清风并皓月脉脉此情谁识料得文君重帘不卷且等闲消息不如归去受他真个怜惜

前调【梅次赵仙源韵】 朱敦儒

见梅惊笑问经年何处收香藏白似语如愁却问我何苦红尘久客观里栽桃仙家种杏到处成疎隔千林无伴淡然独傲霜雪 且与管领春回孤标争肯接雄蜂雌蝶岂是无情知受了多少凄凉风月寄驿人遥和羹心在忍使芳尘歇东风寂寞可人谁为攀折

前调【赋林檎花】 曾 覲

羣花渐老向晓来微雨芳心初拆拂掠娇红香旖旎浑欲不胜春色淡月梨花新晴繁杏装点成标格风光都在半开深院人寂 刚要买断东风裊柔枝低映舞茵歌席记得当时曾共赏玉人纤手轻摘醉里妖娆醒时风韵比并堪端的谁知顚顚对花空惹思忆

前调【送淮漕钱处和】 曾 惇

绣衣直指问凌风一笑翩然何许诏出层霄持汉节千里秋风淮浦监远江山竹西歌吹曾被

烽烟污须君椽笔为渠一洗尘土 休厌共倒金荷翠眉重为唱渭城朝雨看即扬鞭归骑稳还指郁葱深处宝带兼金华鞚新绣直上云霄去回头莫忘玉霄今夜风露

前调【次东坡韵】 辛弃疾

傥来轩冕问还是今古人间何物旧日重城愁万里风月而今坚壁药笼功名酒垆身世可惜蒙头雪浩歌一曲坐中人物三杰 休叹黄菊凋零孤标应也有梅花争发醉里重揩西望眼惟有孤鸿明灭万事从教浮云来去枉了冲冠发故人何在长庚应伴残月

前调 程垓

秋风秋雨正黄昏供断一窗愁絶带减衣宽谁念我难忍重城离别转枕褰帷挑灯整被总是相思切知他别後负人多少风月 不是怨极愁浓只愁重见了相思难说料得新来魂梦里不管飞来蝴蝶排闷人间寄愁天上终有归时节如今无奈乱云依旧千叠

前调【梅次赵仙源韵】 朱熹

临风一笑问羣芳谁是真香纯白独立无朋算只有姑射山头仙客絶艷谁怜真心自保邈与尘缘隔天然殊胜不关风露冰雪 应笑俗李麝桃无言翻引得狂蜂轻蝶争似黄昏闲弄影清浅一溪霜月画角吹残瑶台梦断直下成休歇绿陰青子莫教容易披折

前调 赵彦端

雨斜风横正诗人闲倦淮山清絶弹压秋光江万顷只欠凌波罗襪好事幽人怜予止酒着意温琼雪翠帷低卷怪来飞堕初月 凉夜华宇无尘舞裙香渐煖锦裯声阒不分金莲随步步谁遣芙蓉争发赖得高情湘歌洛赋称作西风客为君留住不然飞去云阙

前调【中秋】 赵彦端

姮娥万古弄清光常共山青水绿我欲蓬莱风露顶渺视寰瀛一粟携手羣仙广寒游戏玉砌琉璃屋归来一笑葛陂还访骑竹 此夕纵饮清欢吸寒辉万丈快如飞瀑倾倒银河斟斗杓莫问人间荣辱独倚阑干浩歌长啸惊堕云飞鹄乱呼蟾兔捣霜为驻颜玉

前调【陪张子公登览辉亭】 毛幵

层楼飞栋压孤城临瞰并吞空阔千古吴京佳丽地一览江山奇絶天际归舟云中烟树鹭点汀洲雪三山无际渺然相望溟渤 么凤遗响悲凉故台今不见苍烟芜没千骑重来初起废缅想六朝人物岷首他年羊公终在笑几人磨灭一时尊俎且须同赋风月

前调【中秋】 毛 幵

素秋新霁风露洗寥廓珠宫琼阙帘幙生寒人未定鹊羽惊飞林樾河汉无声微云收尽相映  
寒光发三千银界一时无此奇絶 正是老子南楼多情辜负了十分佳节起舞徘徊谁为我倾  
倒杯中明月欲揽姮娥扁舟沧海戏濯凌波韞漏残钟断坐愁人世超忽

前调【次韵施德初席上】 毛 幵

丽谯春晚望东南千里湖山佳色画戟门前清似水时节初过灯夕封井年登京华日近每报  
平安驿满城花柳正须千骑寻觅 忆我年少追游叨兔园客右多惭英识今日怀人无限意老  
泪尊前重滴赋咏空传雄豪谁在鬓点吴霜白招呼一醉幸公时慰愁寂

前调 沈端节

湖山照影正日长娇困不烦匀埽絮满长洲春澹沲开徧吴宫花草嫩绿葱葱轻红簌簌渐觉  
枝头少余芳难并破愁惟有馨醪 应是留得东君海棠方待折玉环娇小雾薄陰轻初睡足宝  
幄画屏香裊醉态天真半羞微斂未肯都开了嫣然一笑此时风度尤好

前调 沈端节

嫩凉清晓淡秋容横写蛟绡十幅山水光中参意味不管人间荣辱藜杖屨纶巾鹤氅宾主  
俱遗俗倚阑舒啸一尊花下相属 云际有药千年琼瑶争秀发龙蛇新劘富贵功名元自有且  
乐无穷真福莲社风流醉乡跌宕时奏长生曲月娥同听好风徐韵松竹

前调【周静镜园池】 张 炎

万尘自远径松存髣髴斜川深意乌石冈边犹记得竹里吟安一字暗叶禽幽虚阑荷近看薄  
迟花气行行且止枯瓢枝上闲寄 不恨老却流光可怜归未得翻恨流水落落岭头云尚在一  
笑生涯如此树老梅荒山孤人共隔浦船归未划然长啸海风吹下空翠

前调【夜渡古黄河】 张 炎

扬舲万里笑当年底事中分南北须信平生无梦到却向而今游历老柳官河斜阳古道风定  
波犹直野人惊问泛槎何处狂客 迎面落叶萧萧水流沙共远都无行迹衰草凄迷秋更绿惟  
有闲鸥独立浪挟天浮山邀云去银浦横空碧扣舷歌断海蟾飞上孤白

前调【和东坡韵赋梅】 张 炎

苔痕抱石透阳春挺挺林间英物隔水笛声那得到斜日空明絶壁半树篱边一枝竹外冷艷

凌苍雪淡然相对万花无此清杰 还念庾岭幽情江南聊折赠行人应发寂寂西窗闲弄影深夜寒灯明灭且看芳壶休簪短帽照见萧萧发几时归去朗吟湖上香月

前调 石孝友

平湖阁上正残虹挂雨微云擎月万顷琉璃秋向冷忍便翠消红歇北海尊罍西园游宴兴逸湖山发飞尘不到坐移蓬岛珠阙莫厌笑口频开少年行乐事转头飘忽公子多情真爱客敢惮深杯百罚太乙舟轻芙蓉城锁醉指神仙窟乘风归去尽教吹乱华发

前调 石孝友

平湖阁上正雌霓将卷雄风初发醉倚危栏吟眺处月在蓬莱溟渤蓬叶香浮桂华光放翻动蛟鼉窟蹋轮谁信宓妃曾借尘鞅人世景物堪悲等闲都换了朱颜云发遥想广寒秋到早闲着几多空阔太白诗魂玉川风腋自有飞仙骨嫦娥为伴夜深同驾霜月

前调【惜春】 何梦桂

三分春色更消得风雨几番零落年少不来春老去空负省薇阶药燕子飞忙杜鹃啼杀总为谁悲乐临春结绮旧家何处楼阁一任年去年来怅画阑舞断尘生帘幙回首扬州浑一梦可是风流俱错百岁心期一春光景付与闲杯酌青蛇犹在莫教雷雨飞却

前调【感旧】 何梦桂

问春何去乱随风飞堕杨花篱落罗幙香囊无觅处谁有返魂仙药细柳重门碧桃深巷回首曾行乐玉龙吟断夜深人在江阁因念璧月琼枝对玉人何处绣帘珠幙一半青铜尘满匣空抚鸾刀金错薇露烟销莲膏花凝不寐还孤酌一春心事总将愁里消却

前调【眉间鴈】 张翥

晓妆乍了又翩翩何许飞来临镜欲寄相思无一字拈起芳心重省鬓髩云低眉颦山远去翼宜相映娇波频送恍如秋水涵影几度揉损啼红恨卿卿不到吴江枫冷一点风流应解妒翡翠双钿相并惯入香奁时违绣枕香足宫花暝多情翦就忍教分做孤另

前调【羁怀】 王世懋

寒衣初授怪重鍼密线织成愁别儿女灯前谁信道野店荒鸡情节倦马惊嘶寒鸡误唱夜半霜天月朦胧滋味此时堪向谁说犹记彭城渡口蚤朝滕暮兗鲁山秦碣白草黄尘青镜里短尽指冠危发哀乐中年浮沉宦况底事忙教彻浊醪久此时还共亲切



## 绦都春

【又一体双调一百字】

### 绦都春 赵彦端

平生相遇算未有笑语闽山佳处旧日文章如今风味浑如许眼前都是蓬莱路但莫道有人曾住异时天上种种风流待君如故 此处君家旧物看九万清风为君掀举举上青云却忆梅花依旧吐故人衰病今无绪只种得梅花盈圃待君一过山家共斟露醕

### 前调【元夕】 吴文英

融和又报乍瑞霭霁色皇都春早翠幃竞飞玉勒争驰都门道鳌山彩结蓬莱岛向晚景双龙衔照绦绡楼上彤芝盖底仰瞻天表 缥缈风传帝乐庆三殿共赏羣仙同到迤邐御香飘满人间闻嬉笑须臾一点星球小渐隐隐鸣鞘声杳游人月下归来洞天未晓

### 前调【为郭清华内子寿】 吴文英

香深雾暖正人在锦瑟年华深院旧日汉宫分得红兰游吴苑临池羞落梅花片弄水月初匀妆面紫烟笼处双鸾共跨洞箫低按 歌管红围翠冻云外似觉东风先转绣畔昼迟花底天宽春无限仙郎骄马琼林宴待卷上珠帘教看更传莺入新年宝钗梦燕

### 前调【为李箕房量珠贺】 吴文英

情黏舞綫怅驻马灞桥天寒人远旋翦露痕移得春娇栽琼苑流莺长语烟中怨恨三月飞花零乱艳阳归後红藏翠掩小坊幽院 谁见新腔按彻背灯暗共倚宝屏葱蒨绣被梦轻金屋装深沉香换梅花重洗春风面正溪上参横月转并禽飞上金沙瑞香雾暖

### 前调 蒋捷

春愁乍画正莺背带绿酴醾花谢细雨院深淡月廊斜重帘挂归时记约烧灯夜早坼尽秋千红架纵然归近风光又是翠阴初夏 娅姹颦青泫白恨玉佩罢舞芳尘凝榭几拟倩人付与兰香秋罗帕知他堕策斜拢马在底处垂杨楼下无言暗拥娇鬟凤钗溜也

### 前调【秋晚海棠与黄菊盛开】 翁元龙

花娇半面记密烛夜阑同醉深院衣袖粉香犹未经年如年远玉颜不趁秋容换但换却春游同伴梦回前度邮亭倦客又拈笺管 慵按梁州旧曲怕离柱断弦惊破金鴈霜被睡浓不比花前良宵短秋娘羞占东篱畔待说与深闺幽怨恨他情澹陶郎旧缘较浅

前调【梅 宋媛】朱淑真

寒陰渐晓报驿使探春南枝开早粉蕊弄香芳脸凝酥琼枝小雪天分外精神好向白玉堂前  
应到化工不管朱门闭也暗传音耗 轻渺盈盈笑靥称娇面爱学宫妆新巧几度醉吟独倚阑  
干黄昏後月笼疎影横斜照更莫待笛声吹老便须折取归来胆瓶插了

高阳台

【又一体双调一百字】

高阳台【落梅】 吴文英

宫粉雕痕仙云堕影无人野水荒湾古石埋香金沙锁骨连环南楼不恨吹横笛恨晓风千里  
关山叹飘零亭上黄昏月冷栏干 寿阳宫里愁鸾镜问谁调玉髓暗补香瘢细雨归鸿孤山无  
限春寒离魂难倩招清些梦缟衣解佩溪边最愁人啼鸟清明叶底清圆

前调【寿毛荷塘】 吴文英

风裊垂杨雪消蕙草何如清润潘郎风月襟怀挥毫倚马成章玄都观里桃千树映麴尘十里  
荷塘未归来应恋花洲醉玉吟香 东风晴昼浓如酒正十分皓月一半春光燕子重来明朝传  
梦西窗朝寒几煖金炉烬料洞天日月偏长杏园诗应待先题嘶马平康

前调【送翠英】 蒋捷

燕卷晴丝蜂黏落絮天教绾住闲愁闲里清明匆匆粉涩红羞灯摇缥晕茸窗冷语未阑娥影  
分收好伤情春也难留人也难留 芳尘满目总悠悠问紫云佩响还绕谁楼别酒才斟从前心  
事都休飞鷲纵有风吹转奈旧家苑已成秋莫思量杨柳湾西且櫂吟舟

前调 张炎

接叶巢莺平波卷絮断桥斜日归船能几番游看花又是明年东风且伴蔷薇住到蔷薇春已  
堪怜更凄然万绿西泠一抹荒烟 当年燕子知何处但苔深韦曲草暗斜川见说春愁如今也  
到鸥边无心再续笙歌梦掩重门浅醉闲眠莫开帘怕见飞花怕听啼鹃

前调【庆承园即韩平原南园】 张炎

古木迷鸦虚堂起燕欢游转眼惊心南圃东窗酸风埽尽芳尘鬓貂飞入平原草最可怜浑是  
秋陰夜沉沉不信归魂不到花深 吹箫踏叶幽寻去任船依断石袖裹寒云老桂悬香珊瑚碎  
击无声故园已是愁如许抚残碑却又伤今更关情秋水人家斜照西泠

前调【落梅】 李彭老

飘粉杯宽盛香袖小青青半掩苔痕竹里遮寒谁念减尽芳云么凤叫晚吹晴雪料水空烟冷  
西冷感凋零残缕遗钿迤逦成尘东园曾趁花前约记按箏筹酒戏挽飞琼环佩无声草暗台  
榭春深欲倩怨笛传清谱怕断霞难返吟魂转销凝点点随波望极江亭

前调【寄题荪壁山房】 李彭老

石笋埋云风篁啸晚翠微高处幽居缥简云签人间一点尘无绿深门户啼鹃外看堆牀宝晋  
图书尽萧闲浴研临池滴露研朱旧时曾写桃花扇弄霏香秀笔春满西湖松菊依然柴桑自  
爱吾庐水弦玉麈风流在更秋兰香染衣裾照窗明小字珠玑重见欧虞

前调【落梅】 李莱老

门掩香残屏摇梦冷珠钿糝缀芳尘临水拏花流来疑是行云薜梢空挂凄凉月想鹤归犹怨  
黄昏黯销凝人老天涯鴈影沉沉断肠不在听横笛在江皋解佩翳玉飞琼烟湿荒邨背春无  
限愁深迎风点点飘寒粉怅秋娘满袖啼痕更关情青子悬枝绿树成阴

前调 王亿之

双桨敲冰低篷护冷扁舟晓渡西冷回首吴山微茫遥带重城堤边几树垂杨柳早嫩黄摇动  
春情问孤鸿何处飞来共唤飘零轻帆初落沙洲暝渐潮痕雨渍面色风皱旅思羁愁偏能老  
大行人姮娥不管征途苦甚夜深尽照孤衾想玉楼犹凭栏干为我销凝

前调 王茂孙

迟日烘晴轻烟缕昼锁窗雕户慵开人独春闲金猊香透兰煤山屏煖倚珊瑚畔任翠阴移过  
瑶阶悄无声彩翅翩翩何处飞来片时千里江南路被东风悞引还近阳台赋雨娇云多情恰  
喜徘徊无端枝上啼鸠唤便等闲孤枕惊回恶情怀一院杨花一迳苍苔

前调 僧晦

红入桃腮青回柳眼韶华已破三分人不归来空教草怨王孙平明几点催花雨梦半阑欹枕  
初闻问东君因甚将春老却闲人东郊十里香尘软旋安排玉勒整顿雕轮趁取芳时去寻岛  
上红云朱衣引马黄金带算到头总是虚名莫闲愁一半悲秋一半伤春

前调【题赵仲穆山水便面】 张翥

染黛浮空凝妆竚远数峯底事含颦一样新眉从他雨抹烟匀龙绡便面宜歌舞看亭亭玉骨

水神几销魂翠被余香锦瑟清尘 如今归去湖山畔对一川平野一片闲云两两渔舟相过桂  
渚兰津谁将玉斧修明月奈琼楼高处无人忆王孙芳草江南啼鹄残春

前调【又一体咏纸被】 王沂孙

霜楮剝皮冰花擘茧满腔絮湿湘帘抱瓮工夫何须待吐吴蚕水香玉色难裁翦更绣鍼茸线  
休拈伴梅花暗卷春风斗帐孤眠 篝熏鹄锦熊羆一任粉融脂浣犹怯痴寒我睡方浓笑他欠  
此情缘揉来细软烘烘煖尽何妨挟纊装絺酒魂醒半榻梨云记坐诗禅

东风第一枝

【双调一百字】

东风第一枝【为梅溪寿】 高观国

玉洁生英冰清孕秀一枝天地春早素盟江国芳寒旧约汉宫梦晓溪桥独步看洒落仙人风  
表似妙句何逊扬州最惜细吟清峭 香暗度照影波渺春暗寄付情云杳爱随青女横陈更怜  
素娥窈窕调羹雅意好赞助清时廊庙美韵高只有松筠共结岁寒难老

前调【立春日访梅溪雨中同赋】 高观国

烧色回青冰痕绽白娇云先酿酥雨纵寒不压葭尘应时已鞭黛土东君入夜怕预恼诗边心  
绪意转新无奈吟魂醉里已题春句 香梦醒几花暗吐绿睡醒几枝偷舞酒醅清惜同斟菜甲  
嫩怜细缕玉纤彩胜愿岁岁春风相遇要等得明日新晴第一待寻芳去

前调【春雪】 史达祖

巧沁兰心偷黏草甲东风欲障新暖漫疑碧瓦难留信知暮寒较浅行天入镜做弄出轻纤软  
料故园不卷重帘悞了乍来双燕青未了柳回白眼红欲断杏开素面旧游忆着山阴後盟遂  
妨上苑熏炉重熨便放慢春衫鍼线怕凤鞦挑菜归来万一灞桥相见

前调【与高宾王赋】 史达祖

草脚春回花心梦醒鞭香拂散牛土旧歌空忆珠帘彩笔倦题绣户黏鸡贴燕想占断东风来  
处暗惹起一掬相思乱若翠盘红缕 今夜覓梦池秀句明日动探花芳绪寄声沽酒人家预约  
嬉游伴侣怜他梅柳怎忍俊天街酥雨待过了一月灯期日日醉扶归去

前调【灯夕】 史达祖

酒馆歌云灯街舞绣笑声喧似箫鼓太平京国多欢大酺绮罗几处东风不动照花影一天春  
聚看翠光金缕相交苒苒细吹香雾羞醉玉少年丰度怀艳雪旧家伴侣闭门明月关心倚窗  
小梅索句吟情欲断念娇俊知人无据想袖寒珠络藏香夜久带愁归去

前调【忆梅】张翥

老树浑苔横枝未叶青春肯悞芳约背阴未返冰魂阳梢已含红萼佳人寒怯谁惊起晓来梳  
掠是月斜窗外么禽霜冷竹间幽鹤云澹澹粉痕渐薄风细细冻香又落叩门喜伴金尊倚阑  
怕听画角依稀梦里记半面浅窥珠箔甚时得重写鸾笺去访旧游妆阁

前调 赵崇霄

妒雪梅苏迷烟柳醒游丝轻扬新霁卷帘看燕初归步履为花早起春来犹浅便做出十分春  
意喜凤钗才卸珠幡早换巧梳描翠着数点催花雨赋更一阵递香风细小莺欢媛调声嫩蝶  
试晴舞翅清欢易失怕轻负年芳流水好趁闲共整吟鞦日日访桃寻李

御选历代诗余卷七十

# 卷七十一

钦定四库全书

御选历代诗余卷七十一目錄【一百字】

念奴娇【又一体】

叶梦得【二首】

张元干

前调【又一体】

陈允平【三首】

万年欢【又一体】

晁补之【二首】

前调【又一体】

胡浩然

无名氏

前调【又一体】

史达祖

夜合花【又一体】

高观国

史达祖【二首】

周密

解语花【又一体】

周邦彦【二首】

方千里

吴文英

陈允平

换巢鸾凤

史达祖

琵琶仙

姜夔

双头莲【又一体】

陆游

石州引

谢懋

春夏两相期

蒋捷

龙山会

吴文英

瑞鹤仙【又一体】

方岳

洪璚

楼采

前调【又一体】

赵文

庆春泽

刘镇

王沂孙

杨慎

遶佛阁

周邦彦

吴文英

陈允平

渡江云

周邦彦

吴文英

陈允平

张炎【三首】

吴澄

前调【又一体】

朱敦儒

前调【又一体】



刘镇

引驾行【又一体】

柳永

晁补之

锦堂春【又一体】

司马光

前调【又一体】

无名氏

八节长欢

吴子孝

彩云归

柳永

御带花

欧阳修

霓裳中序第一

姜个翁

绣鸾凤花犯

周密

长相思【又一体】

秦观

五福降中天【又一体】

沈端节

芳草【又一体】

奚倬然

四代好【又一体】

程垓

舜韶新

无名氏

丹凤吟

张翥

凤箫吟

王之道

满朝欢

李刘

玲珑四犯【又一体】

高观国

梁州令叠韵

晁补之

御选历代诗余卷七十一目录

钦定四库全书

御选历代诗余卷七十一【一百字】

司经局洗马掌局事兼翰林院修撰加二级【臣】王奕清奉旨校刊

念奴娇

【又一体双调一百字此为平韵另分二体按此调从前皆以字句强分殊属支离今断以苏轼词及平韵者各列一格其他若湘月无俗念等名按之实无分别皆并入一格亦有减作九十八字增作一百二字者不知调名百字非如他调可以增减皆系传譌尽去之】

念奴娇【南归杂用渊明语】 叶梦得

故山渐近念渊明归意翛然谁论归去来兮秋已老松菊三径犹存稚子欢迎飘飘风袂依约旧衡门琴书萧散更欣有酒盈尊 惆怅萍梗无根天涯行已徧空负田园去矣何之窗户小容膝聊倚南轩倦鸟知还晚云遥映山气欲黄昏此中真意故应欲辨忘言

前调 叶梦得

洞庭波冷望冰轮初转沧海沉沉万顷孤光云阵卷长

笛吹破层阴汹涌三江银涛无际遥带五湖深酒阑歌罢至今鼉怒龙吟 回首江海平生漂流容易散佳会难寻缥缈高城风露爽独倚危檻重临醉倒清尊姮娥应笑犹有向来心广寒宫殿为予聊借琼林

前调【代洛滨次石林韵】 张元干

吴淞初冷记垂虹南望残日西沉秋入青冥三万顷蟾影吞尽湖阴玉斧为谁冰轮如许宫阙想寒深人间奇观古今豪士悲吟 苍弁丹颊仙翁淮山风露底曾赋幽寻老去专城仍好客时拥歌吹登临坐揖龙江举杯相属桂子落波心一声猿啸听来虚籁山林

前调【又一体水仙】 陈允平

汉江露冷是谁将瑶瑟弹向云中一曲清冷声渐杳月高人在珠宫晕额黄轻涂颧粉艳罗带织青葱天香吹散佩环犹自丁东 回看杜若汀洲金钿玉镜何日得相逢独立飘飘烟浪远鞦尘羞溅春红渺渺予怀迢迢良夜三十六陂风九疑何处断魂飞渡千峰

前调 陈允平

凝云沍晓正蘼花才积荻絮初残华表翩跹何处鹤爱吟人在孤山冻解苔铺水融沙磴谁凭

玉勾阑茸衫毡帽冷香吹上吟鞭 将次柳际琼消梅边粉瘦添做十分寒闲踏轻渐来荐菊半潭新涨微澜水北峰峦城阴楼观留向月中看巘云深处好风飞下晴湍

前调 陈允平

霁空虹雨傍啼蛩莎草宿鹭汀洲隔岸人家砧杵急微寒先到帘钩步幄尘高征衫酒润谁暖玉香篝风灯渐暗夜长难换更筹 应是鴈柱调箏鸳梭织锦付与两眉愁不似尊前今夜月几度同上南楼红叶无情黄花有恨辜负十分秋归心如醉梦魂飞趁东流

万年欢

【又一体双调一百字】

万年欢 晁补之

忆昔论心尽青云少年燕赵豪俊二十南游曾上会稽千仞振袂江中往岁有骚人兰荪遗韵嗟管鲍当日贫交半成翻手难信 君如未遇元礼肯抽身盛时寻我幽隐此事谈何容易骥才方骋彩舫红妆围定笑西风黄花斑鬓君欲问投老生涯醉乡岐路偏近

前调 晁补之

十里环溪记当年并游依旧风景彩舫红妆重泛九秋清镜莫叹歌台蔓草喜相逢欢情犹胜苹洲畔横玉惊鸾半天云正愁凝 中秋醉魂未醒又佳辰授衣良会堪更早岁功名豪气尚凌汝颖能致黄金一井也莫负?夷高兴别有个潇洒田园醉乡天地同永

前调 【又一体】 胡浩然

灯月交光渐轻风布暖先到南国罗绮娇容十里绦纱笼烛花艳惊郎醉目有多少佳人如玉春衫袂整整齐齐内家新样妆束 欢情更阑未足谩勾牵旧恨萦乱心曲怅望归期应是紫姑频卜暗想双眉对蹙断弦待鸾胶重续休迷恋野草闲花凤箫人在金谷

前调 无名氏

天气严凝乍寒梅数枝岭上开拆傅粉凝脂疑是素娥妆拭先报阳和信息更雪月交光一色因追念往日欢游共君携手同摘 别来又经岁隔奈高楼梦断无计寻觅冷艳寒容啼雨恨烟愁湿似向人前泪滴怎不使当窗思忆还只恐?寞空枝又随昨夜羌笛

前调 【又一体】 史达祖

两袖梅风谢桥边岸痕犹带陰雪过了匆匆灯市草根青发燕子春愁未醒悞几处芳音辽絕  
烟溪上采绿人归定应愁沁花骨 非干厚情易歇奈燕台句老难道离别小径吹衣曾记故里  
风物多少惊心旧事第一是侵阶罗襪如今但柳发曦春夜来和露梳月

## 夜合花

【又一体双调一百字】

## 夜合花 高观国

斑驳云开蒙松雨过海棠花外寒轻湖山翠?东风正要新晴又唤醒旧游情记年时今日清明  
隔花陰浅香随笑语特地逢迎 人生好景难并依旧秋千巷陌花月蓬瀛春衫抖擞余香半染  
芳尘念欢约杳难凭被几声啼鸟惊心一庭芳草危阑晚日无限消凝

## 前调【赋笛】 史达祖

冷截龙腰偷拏鸾爪楚山长锁秋云梅花未落年年怨入江城千嶂碧一声清枉人间儿女箫  
笙共凄凉处琵琶湓浦长啸苏门 当时低度西邻天澹阑干欲暮曾赋高情子期老矣不堪带  
酒重听纤手静七星明有新声应更魂惊梦回人世寥寥夜月空照天津

## 前调 史达祖

柳锁莺魂花翻蝶梦自知愁染潘郎轻衫未揽犹将泪点偷藏念前事怯流光早春窥酥雨池  
塘向销凝里梅开半面情满徐妆 风丝一寸柔肠曾在歌边惹恨烛底萦香芳机瑞锦如何未  
织鸳鸯醉扶人月依墙是当初谁敢疎狂把闲言语花房夜久各自思量

## 前调【茉莉】 周 密

月地无尘珠宫不夜翠笼谁炼铅霜南州路杏仙子误入唐昌零露滴湿微妆逗清芬蝶梦空  
忙梨花云暖梅花雪冷应妒秋芳 虚庭夜气方凉曾记幽丛采玉素手相将青蕤嫩萼指痕犹  
映瑶房风透幙月侵牀记梦回粉艷争香枕屏金络钗梁绦缕都是思量

## 解语花

【又一体双调一百字】

## 解语花【上元】 周邦彦

风销绛蜡露浥红莲灯市光相射桂花流瓦纤云散耿耿素娥欲下衣裳淡雅看楚女纤腰一

把箫鼓喧人影参差满路飘香麝 因念都城放夜望千门如昼嬉笑游冶钿车罗帕相逢处自有暗香随马年光是也惟只见旧情衰谢清漏移飞盖归来从舞休歌罢

前调 周邦彦

行歌趁月唤酒延秋多买莺莺笑蕊枝娇小浑无奈一掬醉乡怀抱筹花鬪草几曾放好春闲了芳意阑可惜香心一夜酸风埽 海上仙山缥缈问玉环何事苦无分晓旧愁空杳蓝桥路深掩半庭斜照余情暗恼都缘是那时年少惊回梦嬾说相思毕竟如何老

前调【上元次周美成韵】 方千里

长空淡碧素魄凝辉星斗寒相射凤楼鸳瓦天风动冉冉佩环高下歌清韵雅对好景芳尊满把花雾浓灯火荧煌笑语烘兰麝 千斛明珠照夜况人如画明艳容冶绣巾香帕归来路缓逐杏鞦韆马笙歌散也愁万炬绛莲分谢更漏残惊听西楼吹小梅初罢

前调【立春风雨饯翁处静江上】 吴文英

檐花旧滴帐烛新啼香润残冬被淡烟流绮淩波步暗阻傍墙挑荠梅痕似洗空点点年华别泪花鬟愁钗股笼寒彩燕沾云腻 还鬪辛盘葱翠念青丝牵恨曾试纤指鴈回潮尾征帆去似与东风相避泥云万里应翦断红情绿意年少时偏爱轻怜和酒香宜睡

前调【上元次周美成韵】 陈允平

鳌峰遡碧贝阙缘云桂魄寒光射凤檐鸳瓦星河际缥缈绣帘高下笙箫奏雅爱雪柳蛾儿笑把琼佩摇珠翠盈盈迤逦飘兰麝 陆地金莲照夜富绮罗妆艳春态容冶笼纱鞍帕香尘过禁陌宝车骄马游人静也东风里万红初谢沉醉归残角霜天渐落梅声罢

换巢鸾凤

【双调一百字中间平仄韵互用】

换巢鸾凤 史达祖

人若梅娇正愁横断坞梦绕溪桥倚风融汉粉坐月怨秦箫相思因甚到纤腰定知我今无魂可销佳期晚漫几度泪痕相照 人悄天眇眇花外语香时透郎怀抱暗握萸苗乍尝樱颗犹恨侵堦芳草天念王昌忒多情换巢鸾凤教偕老温柔香醉芙蓉一帐春晓

琵琶仙

【双调一百字】

琵琶仙【吴兴】 姜夔

双桨来时有人似旧曲桃根桃叶歌扇轻约飞花蛾眉正奇絶春渐远汀洲自绿更添了几声啼鴂十里扬州三生杜牧前事休说 又还是宫烛分烟奈愁里匆匆换时节都把一襟芳思与空阶榆荚千万缕藏鸦细柳为玉尊起舞回雪想见西出阳关故人初别

双头莲

【又一体双调一百字】

双头莲【呈范至能待制】 陆游

华鬓星星惊壮志成虚此身如寄萧条病骥向暗里消尽当年豪气梦断故国山川隔重重烟水身万里旧社飘零青门俊游谁记 尽道锦里繁华叹官闲昼永柴荆添睡清愁自醉念此际付与何人心事纵有楚柁吴檣知何时东逝空怅望鱸美菰香秋风又起

石州引

【引或作慢双调一百字】

石州引 谢懋

石脚斜明秋色半陰人意凄楚飞云特地凝愁做弄晚来微雨谁家别院舞困几叶霜红西风送客闻砧杵鞭马出都门正潮平洲渚 无语匆匆短棹满载离愁片帆高举京洛红尘因念几年羁旅浅颦轻笑风月逢迎别来谁画双眉妩回首一销凝望归鸿容与

春夏两相期

【双调一百字】

春夏两相期 蒋捷

听深深谢家庭馆东风对语双燕似说朝来天上婺星光现金裁花结紫泥香绣裹藤舆红茵软散蜡宫辉行鳞厨品至今人羨 西湖万柳如线料月仙当此小停颺辇付与长年教见海心波浅紫云玉佩五侯门洗云华洞三春苑慢拍调莺急鼓催鸾翠陰生院

龙山会

【双调一百字】

龙山会【载酒赏芙蓉】 吴文英

石径幽云冷步帐深深艳锦青红亚小桥和梦醒环佩杳烟水茫茫城下何处不秋陰问谁借  
东风艷冶最娇娆愁侵醉霜泪红绡洒 摇落翠莽平沙挽斜阳驻短亭车马晓妆羞未堕沉恨  
起金谷魂飞深夜惊鴈落清歌酌花觥船快泻去来舍月向井梧梢上挂

瑞鹤仙

【又一体双调一百字】

瑞鹤仙【寿邱提刑除夕生日】 方岳

一年寒尽也问秦沙梅放未也幽寻者谁也有何郎佳约岁云除也南枝暖也正同云商量雪  
也喜东皇一转洪钧依旧春风中也 香也骚情酿就书味熏成这些情也玉堂深也莫道年华  
归也是循环三百六旬六日生意无穷已也但丁宁留取微酸调商鼎也

前调 洪璚

听梅花吹动夜何其明星有烂相看泪如霰问而今去也何时会面匆匆聚散便分作秋鸿社  
燕最伤心夜来枕上断云零雨无限 因念人生万事回首悲凉都成梦幻芳心缱绻空惆怅巫  
阳馆况船头一转三千余里隐隐高城不见恨无情春水连天片帆如箭

前调 楼采

冻痕销梦草又春归旧家池沼园扉掩寒峭倩谁将花信徧传深窈追游趁早便裁却轻衫短  
帽任残梅飞满溪桥和月醉眠清晓 年小青丝纤手彩胜娇鬟赋情谁表南楼信杳江云重鴈  
归少记冲香嘶马流红回岸几度绿杨残照想暗黄依旧东风霸陵古道

前调【又一体】 赵文

绿杨深似雨西湖上愁丝恨缕风流似张绪羨春风依旧年年眉妩宫腰楚楚倚画栏曾鬪妙  
舞想而今似我零落天涯却悔相妒 痛絶长堤别後杨白花飞旧腔谁谱年光暗度往事凄凉  
孰诉记菩提寺路段家桥水何时重到梦处况柔条老去争奈系春不住

庆春泽

【一名庆春宫双调一百字】



庆春泽【丙子元夕】 刘 镇

灯火烘春楼台浸月良宵一刻千金锦步承莲彩云簇仗难寻蓬壶影动星球转映两行宝珥  
瑶簪恣嬉游玉漏声催未歇芳心 笙歌十里夸张地记年时行乐顚顚而今客里情怀伴人闲  
笑闲吟小桃未尽刘郎老把相思细写瑶琴怕归来红紫欺风三径成陰

前调 王沂孙

浅萼梅酸新沟水绿初晴节序暄妍独立雕阑谁云枉度华年朝朝准拟清明近料燕颌须寄  
银笺又争知一字相思不到吟边 双蛾不拂青鸾冷任花陰寂寂掩户闲眠屡卜佳期无凭却  
恨金钱何人寄与天涯信趁东风急整归鞭纵飘零满院杨花犹是春前

前调【上元】 杨 慎

鱼市笙歌螭川灯火又看滇海元宵翦翦轻风绮罗十里香飘彩云影罩冰壶地人家在月户  
星桥恣经过一刻千金玉漏迢迢 柳金梨雪催春早叹他乡异节回首魂消今夜相思玉人何  
处吹箫锦江烟水迷空望绿琴心愁恨慵调梦回时酒醒灯昏月转梅梢

遶佛阁

【双调一百字】

遶佛阁【旅况】 周邦彦

暗尘四敛楼观迥出高映孤馆清漏将短厌闻夜久签声动书幔桂华又满闲步露草偏爱幽  
远花气清婉望中迤迤城陰度河岸 倦容最萧索醉倚斜桥穿柳线还似汴堤虹梁横水面看  
浪颭春灯舟下如箭此行重见叹故友难逢羁思空乱两眉愁向谁行展

前调【天街卢楼追凉小饮】 吴文英

夜空似水横汉静立银浪声杳瑶镜匳小素娥乍起楼心弄孤照絮云未巧梧阴露井偏借秋  
早暗情多少怕教彻胆寒光见怀抱 浪迹尚为客恨满红尘千古道还记暗萤穿帘街语悄叹  
步影归来人鬓花老紫箫天渺又露饮风前凉堕轻?酒杯空数星横晓

前调【次周美成韵】 陈允平

暮烟半敛云护淡月斜照梅馆春夜偏短一牀耿耿孤灯晃帟幔玉壶漏满天外渐觉归鴈声  
远离思凄婉重怀执手东风翠苹岸 料想凤楼人倦绣回文停彩线顚顚泪积香销娇粉面叹  
暗老年光隙驹流箭梦中空见漫惹起相思芳意迷乱锦衾重向纱窗展

## 渡江云

【亦小石调曲也取以名词双调一百字】

### 渡江云 周邦彦

晴岚低楚甸暖回鴈翼阵势起平沙骤惊春在眼借问何时委曲到山家涂香晕色盛粉饰争作妍华千万丝陌头杨柳渐渐可藏鸦堪嗟清江东注画舸西流指长安日下愁宴阑风翻旗尾潮溅乌纱今朝正对初弦月傍水驿深棧蒹葭沉恨处时时自剔灯花

### 前调【西湖清明】 吴文英

羞红颦浅恨晚风未落片绣点重茵旧堤分燕尾桂棹轻鸥宝勒倚残云千丝怨碧渐路入仙坞迷津肠漫回隔花时见背面楚腰身逡巡题门惆怅堕履牵萦数幽期难准还始觉留情转眼带减因春明朝事与孤烟冷做满湖风雨愁人山黛映澄波淡绿无痕

### 前调【次周美成韵】 陈允平

青青江上草片帆浪暖初泊渡头沙翠筇便瘦倚问酒垂杨影里那人家东风未许漫媚妩轻试铅华飘佩环玉波秋莹双髻绿堆鸦空嗟赤阑桥畔暗约琴心傍秋千影下夜渐分西窗愁对烟月笼纱离情暗逐春潮去南浦恨风苇烟葭肠断处门前一树桃花

### 前调【客山陰忆西杭】 张炎

山空天入海倚楼凝望风急暮潮初一帘鸠外雨几处闲田隔水动春锄新烟禁柳想如今绿到西湖犹记得当年深隐门掩两三株愁予荒洲古渚断梗疎萍更飘流何处空自觉围羞带减影怯灯孤常疑即见桃花面甚近来翻笑无书书纵远如何梦也都无

### 前调【怀归】 张炎

江山居未定貂裘已敝空自带愁归乱水流花外访里寻邻都是可怜时桥边燕子似软语斜日江篱休问我如今心事错认镜中谁还思新烟惊换旧雨难招做不成春意浑未省谁家芳草犹梦吟诗一株古柳观鱼港傍清池足可幽栖闲趣好白鸥尚识天随

### 前调【次赵元文韵】 张炎

锦香缭绕地深灯挂壁帘影浪花斜酒船归去後转首河桥那处认纹纱重盟镜约还记得前度秦嘉惟只有叶题堪寄流不到天涯惊嗟十年心事几曲阑干想萧娘声价闲过了黄昏时候疎柳啼鸦浦潮夜涌平沙白问断鸿知落谁家书又远空江片月芦花

前调【送春】 吴澄

名园花正好娇红带白百态竞春妆笑痕添酒晕丰脸凝脂谁与试铅霜诗朋酒伴趁此日流转风光尽夜游不妨秉烛未觉是疎狂 茫茫一年一度烂漫离披似长江去浪但要教啼莺语燕不怨卢郎问春春道何曾去任蜂蝶飞过东墙君看取年年潘令河阳

前调【又一体梅花】 朱敦儒

寒陰渐晓报驿使探春南枝开早粉蕊弄香芳脸凝酥琼枝小雪天分外精神好向白玉堂前应到化工不管朱门闭也暗传音耗 轻渺盈盈笑靥称娇面爱学宫妆新巧几度醉吟独倚阑干黄昏後月笼疎影横斜照更莫待单于吹老便须折取归来胆瓶插了

前调【又一体清明】 刘 镇

和风乍扇又还是去年清明重到喜见燕子巧说千般如人道墙头陌上春梅小是处有闲花芳草偶然思想前欢醉赏牡丹时候 当此三春媚景好连宵恣乐情怀歌曲纵有珍珠难买红颜长年少从他乌兔茫茫走更莫待花残莺老恁时欢笑休把万金换了

引驾行

【又一体双调一百字】

引驾行 柳 永

虹收残雨蝉嘶败柳长堤暮背都门动消黯西风片帆轻举愁靥泛画鷁翩翩灵鼉隐隐下前浦忍回首佳人渐远想高城隔烟树 几许秦楼永昼谢阁连宵奇遇筭赠笑千金酬歌百琲尽成轻负南顾念吴邦越国风烟萧索在何处独自个千山万水指天涯去

前调 晁补之

春云轻锁春风乍扇园林晓埽华堂正桃李芳时诞辰还到年少记绦蜡光摇金猊香郁宝妆了骤骏马天街向晚喜同车咏窈窕 多少卢家壺范杜曲家声荣耀庆孟光齐眉冯唐白首镇同欢笑缥缈待琅函深讨芝田高隐去偕老自别有壶中永日比人间好

锦堂春

【又一体双调一百字或加慢字】

锦堂春 司马光

红日迟迟虚廊转影槐陰迤迤西斜彩笔工夫难状晚景烟霞蝶尚不知春去谩绕幽砌寻花  
奈猛风过后纵有残红飞向谁家始知青春无价笑飘蓬宦路荏苒年华今日笙歌丛里特地  
咨嗟席上青衫湿透箏感旧何止琵琶怎不教易老多少离愁散在天涯

前调【又一体雪梅】 无名氏

腊雪初晴冰销凝泮寻幽闲赏名园向长亭登眺倚徧朱阑拂面严风冻薄满堦前霜叶声乾  
竟小台深处数叶江梅漏泄春权百花休恨开晚奈韶华瞬息常放教先非是东君私与和煦  
恩偏欲寄江南音耗念故人隔阔云烟一枝赠春色待把金刀翦倩人传

八节长欢

【双调一百字】

八节长欢 吴子孝

吴国中秋爱黄金地广白玉台幽望东溟不远浮云来往漠然收素涛汹涌珠宫静青林暗飞  
上银球万里澄光如洗境旷香浮鸣箫闹鼓浅妆还淡服万人携手嬉游仙客自三茅飚轮到  
烟霞犹染衣裘酣歌处神清甚露冷风迺层霄畔楼台灯火何似在瀛洲

彩云归

【双调一百字】

彩云归 柳永

蘅皋向晚櫂轻航卸云帆水驿鱼乡当暮天霁色如晴昼江练静皎月飞光那堪听远村羌管  
引离人断肠此际浪萍风梗度岁茫茫堪伤朝欢暮散被多情赋与凄凉别来最苦襟袖依约  
尚有余香箏得伊鸳被凤枕夜永争不思量牵情处惟有临歧一句难忘

御带花

【双调一百字】

御带花 欧阳修

青春何处风光好帝里偏爱元夕万里缯彩构一屏峰岭半空金碧宝檠银缸耀绛幕龙虎腾  
掷沙堤远雕轮绣毂争走五王宅雍雍熙熙作昼会乐府神姬海洞仙客曳香摇翠称执手行  
歌锦街天陌月淡寒轻渐向晓漏声寂寂当年少狂心未已不醉怎归得

## 霓裳中序第一

【霓裳本唐之道调法曲在教坊中为大乐曲凡十二偏中分之以按拍作舞故曰中序第一宋乐志载拂霓裳队是也调名取此双调一百字】

### 霓裳中序第一【春晚旅寓】 姜夔

园林罢组织树树东风翠云滴草满旧家行迹听得声声晓莺如觅愁红半湿煞顚顚墙根堪惜可念我飘零如此一地送岑寂龟石当年第一也似老人间风日余葩选甚颜色羞捻江南断肠词笔留春浑未得翻些入啼鹃夜泣清江晚绿杨归思隔岸数峰出

## 绣鸾凤花犯

【双调一百字】

### 绣鸾凤花犯【水仙花】 周密

楚江湄湘娥乍见无言洒清泪淡然春意空独倚东风芳思谁记凌波露冷秋无际香云随步起漫说汉宫仙掌亭亭明月底冰弦写怨更多情骚人恨枉赋芳兰幽芷春思远谁赏国香风味相将共岁寒伴侣小窗静沉烟熏翠被幽梦觉涓涓清露一枝灯影里

## 长相思

【又一体双调一百字】

### 长相思 秦观

铁瓮城高蒜山渡阔干云十二层楼开尊待月掩箔披风依然灯火扬州绮陌南头记歌名宛转乡号温柔曲檻俯清流想花陰谁系兰舟念凄絕秦弦感深荆赋相望几许凝愁勤勤裁尺素奈双鱼难渡瓜洲晓监堪羞潘鬓点吴霜渐稠幸于飞鸳鸯未老绸繆

## 五福降中天

【又一体双调一百字】

### 五福降中天【梅】 沈端节

月胧烟淡霜蹊滑孤宿暮林荒驿遶树微吟巡檐索笑自分平生相得冰池半释正节物惊心泪痕沾臆流水溅溅照影古寺满春色沈叹今年未识暗香微动处人初寂酷爱芳姿最怜幽

韵来欸禅房深密他时恨怅却月凌风信音难的雪底幽期爲谁还露立

芳草

【又一体双调一百字】

芳草 奚倬然

笑湖山纷纷歌舞花边如梦如薰  
芎烟惊落日长桥芳草外客愁醒  
天风吹送远向两山唤醒  
痴云犹自有迷林去鸟不信黄昏  
销凝油车归後一眉新月独印湖心  
蕊宫相荅处空岩虚谷  
应猿语香林正酣红紫梦便市朝有耳谁听怪玉兔金乌不换只换愁人

四代好

【又一体双调一百字】

四代好 程垓

翠幙东风早兰窗梦又被莺声惊  
觉起来空对平阶弱絮满庭芳草  
厌厌未忺怀抱记柳外人家曾到  
凭画阑那更春好花好酒好人好  
春好尚恐阑珊花好又怕飘零难保  
直饶酒好未抵意中人好相逢尽  
醉倒况人与才情未老又岂因春去  
春来花愁花恼

舜韶新

【双调一百字】

舜韶新【菊花】 无名氏

香满西风催岁晚东篱黄花争吐  
嫩英细蕊金艷繁妆点高秋偏富  
寒地花媒少算自结多情  
烟雨妆面每年年谢他拒霜相顾  
宝马王孙休笑孤芳陶令因谁便  
思归去负春何事此恨惟  
才子登高能赋千古风流在占定  
泛重阳芳醕堪吟醉赏何须杏园深处

丹凤吟

【双调一百字】

丹凤吟【么凤】 张翥

蓬莱花鸟记并宿苔枝双双娇小  
海上仙姝唤起緑衣歌笑芳丛有时遣探听东风数声啼晓

月下人归凄凉梦醒怅别多欢少 念故巢犹在瘴云杪甚闭入雕笼庭院深悄信断羁雌远镇  
怨情萦绕翠衿近来渐短看梅花又还开了纵解收香寄与索罗浮春杳

### 凤箫吟

【双调一百字亦名芳草】

### 凤箫吟【九日】 王之道

雨溟蒙年年今日农夫共卜时丰登高随处好银屏突兀南峙对三公真珠溥露菊更芙蓉照  
水匀红但华髮衰顔不堪频监青铜 相逢行藏休借问且徘徊目送飞鸿十年湖海千里云山  
几番残照凄风蟹螯麤似臂金英碎琥珀香浓细读离骚为君一饮千鍾

### 满朝欢

【双调一百字】

### 满朝欢【寿韩尚书出守】 李 刘

一点箕星近天边光彩辉耀南极竹马儿童尽道使君生日元是凤池仙客曾曳履持荷簪笔  
称觴处晚节花香月周犹待五夕 谁道久拘禁掖任双旌五马暂从游逸九棘三槐都是等闲  
亲植见说玉皇侧席但早晚促归调燮功成了笑傲南山寿如南山松栢

### 玲珑四犯

【又一体双调一百字】

### 玲珑四犯 高观国

水外轻陰做弄得飞云吹断晴絮驻马桥西还系旧时芳树不见翠陌寻春问着小桃无语恨  
燕莺不识闲情却隔乱红飞去 少年曾失春风意到如今怨恨难诉魂惊冉冉江南远烟草愁  
如许此意待写翠牋奈断肠都无新句问甚时舞凤歌鸾花里再看仙侶

### 梁州令叠韵

【一百字分四叠故谓之叠韵向以第二叠与第一叠同则第四叠应与第二叠同疑有脱误  
然按旧本皆然当不拘也】

### 梁州令叠韵 晁补之

田野闲来惯睡起初惊晓燕樵青走挂小帘钩南园昨夜细雨红芳徧  
平芜一带烟花浅过尽南归鴈俱远凭阑送目空肠断  
好景难常占过眼韶华如箭莫教鶗鴂送韶华多情杨柳为把长条绊  
清尊满酌谁为伴花下提壶劝何妨醉卧花底愁容不上春风面

御选历代诗余卷七十一



## 卷七十二

<集部,词曲类,词选之属,御选历代诗余

钦定四库全书

御选历代诗余卷七十二目錄【一百一字】

木兰花慢

柳永【二首】

吴文英【三首】

前调【又一体】

柳永

吴文英

张炎【三首】

周端臣

李莱老

李彭老

赵孟頫

前调【又一体】

吕渭老【三首】

前调【又一体】

卢祖皋

赵以夫

张炎【七首】

前调【又一体】

辛弃疾【三首】

张孝祥【二首】

程垓

京镗

刘克庄【二首】

张鎰

刘儗

陆游

黄机

王炎

戴复古

张榘

冯艾子

黄昇【二首】

李芸子

陈允平【二首】

张炎

曾觌

严仁

元好问【二首】

张弘范【三首】

梁曾

詹正

周孚先

尹济翁

林正大

卫芳华

张翥

张埜

杨子咸

李珣

前调【又一体】

蒋捷【二首】

吕胜己

御选历代诗余卷七十二目录

钦定四库全书

御选历代诗余卷七十二【一百一字】

司经局洗马掌局事兼翰林院修撰加二级【臣】王奕清奉旨校刊

木兰花慢

【双调一百一字加慢字爲长调不作木兰花又一体也】

木兰花慢 柳 永

倚危楼伫立乍萧索晚晴初渐素景衰残风砧韵冷霜叶红疎云衢见新鴈过奈佳人自别阻  
音书空遣悲秋念远寸肠万恨萦紆陪都暗想欢游成往事动欷歔念对酒当歌低帟并枕翻  
恁轻孤归涂纵凝望处但斜阳暮霭满平芜赢得无言悄悄凭阑尽日踟蹰

前调 柳 永

古繁华茂苑是当日帝王州咏人物鲜明土风细腻曾美诗流寻幽近香径处聚莲娃钓叟簇  
汀洲晴景吴波练静万家緑水朱楼凝眸乃睠东南思共理命贤侯

继梦得文章乐天惠爱布政优优遨头况虚位久遇名都胜景且淹留赢得兰堂醞酒画船携  
妓懽游

前调【钱赵山台】 吴文英

指罨画残月动凉信又催归正玉涨松波花穿画舫无限红衣青丝傍桥浅系问笛中谁奏鹤  
南飞西子水娟冷处素娥宝镜圆时清奇好借秋光临水色写瑶卮向醉中织就天孙云锦一  
杼新诗依稀数声禁漏又东华尘染帽檐缁争似西风小队便乘鲈膾秋肥

前调 吴文英

酹清杯问水惯曾见几逢迎自越櫂轻飞秋萼归後杞菊荒荆孤鸣舞鸥惯下又渔歌忽断晚  
烟生雪浪闲消钓石冷枫频落江汀长亭春恨何穷日易尽酒微醒怅断魂西子凌波去杳环  
佩无声陰晴最无定处被浮云多翳镜华明向晓东风霁色緑杨楼外山青

前调 吴文英

几临流送远渐荒落旧邮亭念西子初来当时望眼啼雨难晴娉婷素红共载到越吟翻调倚  
吴声得意东风去櫂怎怜会重离轻云零梦转浮觴流水畔叙幽情恨赋笔分携江山委秀桃  
李荒荆经行问春在否过汀洲暗忆百花名莺缕争堪细折御黄堤上重盟

前调【又一体清明】 柳 永

拆桐花烂漫乍疎雨洗清明正艳杏烧林绀桃绣野芳景如屏倾城尽寻胜赏骤雕鞍紺幘出郊垧风暖繁弦脆管万家竞奏新声盈盈鬪草踏青人艳冶递逢迎向路傍往往遗簪坠珥珠翠纵横欢情对佳丽地任金罍罄竭玉山倾?却明朝永日画堂一枕春醒

前调【游虎丘】 吴文英

紫骝嘶冻草晓云锁岫眉颦正蕙雪初消松腰玉瘦憔悴真真轻藤渐穿险磴步荒苔犹认瘞花痕千古凄凉旧恨半丘残日孤云开尊重吊吴魂岚翠冷洗微醺问几曾夜宿月明起看劒水星纹登临總成去客更软红先有探芳人回首沧波故苑落梅烟雨黄昏

前调 张炎

采芳洲薜荔流水外白鸥前度万壑千岩晴岚暖翠心目娟娟山川自今自古怕依然认得米家船明月闲延夜语落花静拥春眠吟边象笔蛮牋清絶处小留连正寂寂江潭树犹如此那更啼鹃居?闭门隐几好林泉都在卧游编记得当时旧事误人却是桃源

前调【丹谷园】 张炎

万花深处隐安一点世尘无步翠麓幽寻白云自在流水萦纡携壶缓游细赏倩何人重写辋川图迟日香生草木淡风声和琴书安居歌引巾车童放鹤我知鱼看静里闲中醒来醉後乐意偏殊桃株带春去远有园林如此更何如回首丹光满谷恍然却是蓬壶

前调 张炎

水痕吹杏雨正人在隔江船看燕集深芜渔栖暗竹湿影浮烟余寒尚犹恋柳怕东风未肯擘晴緜愁重迟教醉醒梦长催得诗圆楼前笑语当年情款密思留连记白月依弦青天堕酒衮衮山川垂鬟至今在否倚飞台谁掷买花钱不是寻春较晚都缘听得啼鹃

前调【送人之九华】 周端臣

霭芳陰未解乍天气过元宵讶客?犹寒吟牕易晓春色无聊梅梢尚留顾藉滞东风未肯雪轻飘知道诗翁欲去递香要送兰桡清标会上丛霄千里阻九华遥料今朝别後他时有梦应梦今朝河桥柳愁未醒赠行人又恐越魂销留取归来系马翠长千里柔条

前调 李莱老

向烟霞堆里着吟屋最高层望海日翻红林霏散白猿鸟音深双岑倚天翠湿看浮云收尽雨边晴晓色千松逗冷照人眼底长青闲情玉麈风生摹蛩字校鹅经爱静翻绡帙芸台棐几荷制兰纓分明晋人旧隐掩岩扉日午籟沉沉三十六梯树杪遡空遐想登临

前调 李彭老

正千门系柳赐宫烛散青烟看秀靥芳唇涂妆晕色试尽春妍田田满阶榆荚弄轻阴浅冷似秋天随处饴香杏暖燕飞斜鞦秋千朱弦几换华年扶浅醉落红前记旧时游冶灯楼倚扇水院移船吟边梦云飞远有题红都在薛涛牋听绝残箫倦笛夜堂明月窥帘

前调 赵孟頫

爱青山遶县更山下水萦回有二老风流故家乔木旧日亭台寒梅乱零春雪喜相逢置酒藉苍苔却眼迷朱碧慙无笔写琼瑰徘徊俯仰兴怀尘世事本无涯偶乘兴来游临流一笑洗尽征埃归来算能几日又青回柳叶燕重来但愿朱颜长任他花落花开

前调【又一体】 吕渭老

石榴花谢了正荷叶盖平池试玛瑙杯深琅玕簟冷临水帘帷知他故人甚处晚霞明断浦柳枝垂唯有松风水月向人长似当时依依望断水穷云起处是天涯奈燕子楼高江南梦断虚费相思新愁暗生旧恨更流萤弄月入纱衣除却幽花软草此情未许人知

前调 吕渭老

对修篁万个更疎雨洗琅玕望燕外晴丝鸥边水叶蝴蝶成团榴花劝人把酒泛菖蒲对客不成欢金缕新番彩索始知今岁衣宽年年此日青楼花缺处倚阑干记小扇清歌蛮牋妙墨不觉更残可怜旧游似梦向人人未减一枝兰纵有千金莫惜大家沉醉花间

前调【七夕】 吕渭老

桂乡云万缕更飞雨洗香车念密会经年银潢浪阻玉露期除灵星瑞桥对展散匆匆喜色满天涯回首丁宁晓角未宜吹动梅花家家竞赏彩茸穿桂影醉流霞渐舞袖翻鸾歌声缀凤钗影交加人间共饶宴乐算天孙怎忍遣河斜莫惜西楼翦烛大家同到啼鸦

前调【又一体】 卢祖皋

嫩寒催客櫂载酒去载书归正红叶满山清泉漱石多少心期三生溪桥话别怅碧萝犹惹翠云衣不似今番醉梦帝城几度斜晖鸿飞烟水弥弥回首处只君知念吴江鹭忆孤山鹤怨依旧东西高峰梦醒云起是瘦吟牕底忆君时何日还寻旧约为余先寄梅枝

前调 赵以夫

玉梅吹霁雪觉和气满南州更连夕晴光一番小雨朝霭全收人情不知底事但黄童白叟总

追游驾海千寻彩岫涨空万点星球 风流秀色明眸金莲步度轻柔任往来燕席香风引舞清  
管随讴何曾见痴太守已登车去也又迟留还似多情皓月十分照我当楼

### 前调 张炎

日光牛背上更时把汉书看记落叶江城孤云海树漂泊忘还悬知偶然是梦梦醒来未必是  
邯郸笑指萤灯借暖愁怜镜雪惊寒 投闲寄傲怡颜要一似白鸥闲且旋缉荷衣琴尊客里岁  
月人间菟裘渐营瘦竹任重门近水隔花关数亩清风自足元来不在深山

### 前调【为静春赋】 张炎

幽栖身嬾动邃庭宇日偏长甚不隐山林不喧车马不断生香澄心淡然止水笑东风引得落  
花忙慵对鱼翻暗藻闲留莺管垂杨 徜徉净几明牕穿窈窕染芬芳看白鹤无声苍云息影物  
外行藏桃源去尘更远问当年何事识渔郎争似重门昼掩自看生意池塘

### 前调【游张公洞】 张炎

风雷开万象散天影入虚坛看峭壁垂云青峰献玉光洗琅玕青苔古痕暗裂映参差石乳倒  
悬山那得虚无幻境元来透出玄关 跻攀竟日忘还空翠滴逼衣寒想邃宇阴阴炉存太乙难  
觅飞丹冷然洞灵去远甚千年都不到人间见说寻真有路也须容我清闲

### 前调 张炎

二分春到柳青未了路婆娑甚书劒飘零身犹是客岁月频过西湖故园在否怕东风今日落  
梅多抱瑟空行故道盟鸥顿冷清波 知麽老子狂歌心未歇鬓先皤叹敝却貂裘驱车万里风  
雪关河灯前恍疑梦醒好依然只着旧渔蓑流水桃花渐暖酒船不去如何

### 前调 张炎

二分春是雨采香径绿阴铺正私语晴蛙于飞晚燕闲掩纹疏流光惯欺病酒问杨花过了有  
花无啼鴂初闻院宇钓船犹系菰蒲 林逋树老山孤浑忘却隐西湖叹扇底歌残蕉间梦醒难  
寄中吴秋痕尚悬鬓影见蓴丝依旧也思鲈黏壁蜗涎几许清风只在樵渔

### 前调 张炎

锦街穿戏鼓听铁马响春冰甚舞绣歌云欢情未足早已收灯从今便须胜赏步青青野色一  
枝藤落魄花间酒侣温存竹里吟朋 休憎短发鬢髻游兴嬾我何曾任蹴踏芳尘寻蕉覆鹿自  
笑无能清狂尚如旧否倚东风啸咏古兰陵十里梅香霁雪水边楼观先登

前调 张炎

江南无贺老看万壑出清冰想柳思周情长歌短咏密与传灯山川润分秀色称醉挥健笔剡溪藤一语不谈俗事几人来结吟朋堪憎我发鬢髻频赋曲旧时会但春蚓秋蛩寒篱晚砌颇叹非能何如种瓜种秫带一鉏归去隐东陵野啸天风两耳翠微深处孙登

前调【又一体滁州送范倅】 辛弃疾

老来情味减对别酒怯流年况屈指中秋十分好月不照人圆无情水都不管共西风只管送归船秋晚蓴鲈江上夜深儿女灯前征衫便好去朝天玉殿正思贤想夜半承明留教视草却遣筹边长安故人问我道愁肠殢酒只依然目断秋霄落鴈醉来时响空弦

前调【题上饶翠微楼】 辛弃疾

旧时楼上客爱把酒对南山笑白髮如今天教放浪来往其间登楼更谁念我却回头西北望层栏云雨珠帘画栋笙歌雾鬢风鬟近来堪入画图看父老愿公欢甚挂笏悠然朝来爽气正尔相关难忘使君後日便一花一草报平安与客携壶且醉雁飞秋影江寒

前调【菊隐】 辛弃疾

路傍人怪问此隐者姓陶不甚黄菊如云朝吟暮醉唤不回头纵无酒成怅望只东篱搔首亦风流与客朝餐一笑落英饱便归休古来尧舜有巢由江海去悠悠待说与佳人种成香草莫怨灵修我无可无不可意先生出处有如丘闻道问津人过杀鸡为黍相留

前调【离思】 张孝祥

送归云去雁淡寒影满溪楼正佩解湘腰钗孤楚鬢鸾监分收凝情望行处路但疎烟远树织离忧只有楼前溪水伴人清泪长流霜华夜永逼衾裯唤谁护衣篝念粉馆重来芳尘未埽争见嬉游情知闷来殢酒奈回肠不醉只添愁脉脉无言竟日断魂双鹜南州

前调【别情】 张孝祥

紫箫吹散後恨燕子只空楼念璧月长亏玉簪中折覆水难收青鸾送碧云句道霞扃雾锁不堪忧情与文梭共织怨随宫叶同流人间天上两悠悠暗泪洒灯篝记谷口园林当时驿舍梦里曾游银屏低闻笑语但梦时冉冉醒时愁拟把菱花一半试寻高价皇州

前调【春怨】 程垓

倩娇莺姹燕说不尽此时情正小院春阑芳园昼锁人去花零凭高试回望眼奈遥山远水隔



重云谁遣风狂雨横便教无计留春 情知鴈杳与鸿冥自难寄丁宁纵柳院颦深桃门笑在知  
属何人衣篝几回忘了奈残香犹有旧时熏空使风头卷絮爲他飘荡花城

前调【重九】 京 鎰

算秋来景物皆胜赏况重阳正露冷欲霜烟轻不雨玉宇开张蜀人从来好事遇良辰不肯负  
时光药市家家帘幕酒楼处处丝簧 娑婆老子兴难忘聊复与平章也随分登高茱萸缀席菊  
蕊浮觞明年未知谁健笑杜陵底事独凄凉不道频开笑口年年落?何妨

前调【送郑伯昌】 刘克庄

古人吾不见君莫是郑当时更筑就山房躬耕谷口名动京师诸公任他衮衮与杜陵野老共  
襟期有客至门先喜得钱沽酒何疑 昔年联辔柳边归陈迹恍难追况种桃道士看花才子回  
首皆非相逢故人问讯道刘郎老去久无诗把做一场春梦觉来莫要寻思

前调【丁未中秋】 刘克庄

水亭凝望久期不至拟还差隔翠幌银屏新眉初画半面犹遮须與淡烟薄霭被西风埽尽不  
留些失了白衣苍狗夺回雪兔金蟾 乘云径到玉皇家人世鼓三挝试自判此生更看几度小  
住为佳何须如鉤似玦便相将只有半菱花莫遣素娥知道和他发也苍华

前调 张 鎰

清明初过後正空翠霭晴鲜念水际楼台城隅花柳春意无边清时自多暇日看联镳飞盖拥  
羣贤朱邸横经满座紫薇渊思如泉 高情那更属云天语笑杂歌弦向啼鵲声中落红影里忍  
负芳年浮生转头是梦恐他时高会却难全快意淋漓醉墨要令海内喧传

前调【秋海棠】 刘 儗

渐秋空向晚被风雨?重阳正木落疎林海棠枝上忽见红妆料应妒他兰菊甚年年独自占秋  
光故把春风娇面向人逞艳呈芳 看来毕竟此花强只是欠些香悄一似当年五陵公子却厌  
膏粱肯来水边竹下与幽人相对说凄凉只恐夜深花睡五更微有清霜

前调【夜登青城山玉华楼】 陆 游

阅邯郸梦境叹緑鬢早霜侵奈华岳烧丹青谿看鹤尚负初心年来问浊世里悟真诠秘诀絶  
幽深养就金芝九畹种成琪树千林 星坛夜学步虚吟露冷透瑶簪对翠凤披云青鸾遡日空  
阙萧森琅函一封奏罢自钧天帝所有知音却遇蓬壶啸傲世间岁月駸駸

### 前调 黄机

叹镜中白发元不向酒边栽奈诗习未除客愁易感賸要安排浮名任他有命怕青山颇怪不归来出屋长松招鹤绕渠流水行杯浪驱羸马踏江淮幽梦苦相催甚狭路崎岖雄心突兀谁忍徘徊此事正烦公等笑曹刘只合作舆台我自人间屈曲青云有眼休回

### 前调 王炎

细桃花树下记罗襪昔经行至今日重来人惟独自花亦雕零青鸟杳无消息徧人间何处觅云軿红锦织残旧字玉箫吹断余声销凝衣故几时更又谁复卿卿奈镜里琴中离鸾有恨别鹄无情齐眉处同笑语但有时梦见似平生愁对婵娟三五素光暂缺还盈

### 前调 戴复古

莺啼啼不尽凭燕语语难通这一点芳心十年不断恼乱东风重来故人何处但依前流水小桥东记得同题粉壁而今壁破无踪兰皋空涨绿溶溶流恨落花红念着破春衫当时送别灯下裁缝相思谩今自苦叹云烟过眼總成空落日楚天无际凭阑目送归鸿

### 前调【次韵孙霁臆赋牡丹】 张榘

渐稠红飞尽早浓绿徧林梢正池馆轻寒杨花飘絮草色紫?天香夜浮院宇看亭亭雨槛渍春膏趁取芳时胜赏莫将年少轻抛鞭鞘驱放马蹄高世事一秋毫更飞书恹恹运筹闲暇何害推敲花前效顰着句悄干镆侧畔奏铅刀何日重携尊酒浮瓯细翦香苞

### 前调【和荅玉林韵】 冯艾子

酒醒人世换碧桃靚海山春任青鸟沉沉紫鳞杳杳有玉林人宫袍掉头未爱爱荷衣不染市朝尘仙槎蓬菜翰墨云间鸾凤精神笑呼云汉入金鲸琼苑自由身羨咳唾成章香熏花雾音和韶钧六丁夜来捧去便天人也自叹尖新那得金牋飞洒浩歌飞步苍旻

### 前调【题冯云月玉连环词】 黄昇

自沉香梦断风雨外失余春怅袍锦淋漓金銮论奏四海无人蛾眉古来见妒奈昭阳飞燕亦成尘惟有空梁落月至今能爲传神神游八表跨长鲸谁是再来身爱云月溪头玉环一曲笔力千钧人间不堪着眼但香衣百世尚如新乞我九霞飞佩梯空共上秋旻

### 前调 黄昇

问春春不语漫新绿满芳洲记历历前游看花南陌命酒西楼东风翠红围绕把功名一笑付

糟丘醉里了忘身世吟边自负风流 风流莫莫复休休白发渐盈头叹十载重来略无欢意惟有闲愁多情向人似旧但小桃婀娜柳纤柔望断残霞落日水天拍拍飞鸥

#### 前调 李芸子

占西风早处一番雨一番秋记故国斜阳去年今日落叶林幽悲歌几回激烈寄疎狂酒令与诗筹遗恨清商易改多情紫燕难留 嗟休触绪茧丝抽旧事续何由奈予怀渺渺羁愁郁郁归梦悠悠生平不如老杜便如他飘泊也风流寄与庭柯径菊甚时得櫂孤舟

#### 前调【牡丹】 陈允平

杜鹃声渐老过花信几番风爱翠幄笼晴文梭扬暖栏槛青红新妆步摇未稳捧心娇乍入馆娃宫消得金荷万朵护风帘幕重重 匆匆少小易相逢诗鬓已成翁且持杯秉烛天香院落同赏芳穠花应怕春去早尽迟迟待取绿阴浓却花前醉也梦随蝴蝶西东

#### 前调【和簋房题张园韵】 陈允平

爱吟休问瘦爲诗句几凭阑有可画亭台宜春帐箔如寄身闲胸中四时胜景小蓬莱幻出五云间一掬苹香暗沼半梢松影虚坛 相看倦羽久知还回首鹭盟寒记步履寻云呼灯听雨越岭吴峦幽情未应共嬾把周郎旧曲谱新翻帘外垂杨自舞为君时按弓弯

#### 前调【为越僧樵隐赋樵山】 张炎

龟峰深处隐岩壑静万尘空任一路白云山童休埽却似崆峒只恐烂柯人到怕光阴不与世间同旋采生枝带叶微煎石鼎团龙 从容吟啸百年翁行乐少扶筇向镜水传心柴桑手门掩清风如何晋人去後好林泉都在夕阳中禅外更无今古醉归明月千松

#### 前调 曾覲

正枝头荔子晚红皱裊熏风对碧瓦迷云青山似浪返照浮空高台称吟眺处繁华清胜两两无穷帘卷榕阴暮合万家香霭溟蒙 年光冉冉逐飞鸿叹雨迹云踪渐暑退兰房凉生象簟知与谁同临鸾晚妆初罢怨清宵好梦不相逢看即天涯秋也恨随一叶梧桐

#### 前调【社日有怀】 严仁

东风吹雾雨更吹起袂衣寒正莽莽丛林潭潭伐鼓郁郁焚兰阑干曲多少意看青烟如篆绕溪湾桑柘绿阴犹薄杏桃红雨初翻 飞花片片走潺湲问何日西还叹扰扰人生纷纷离合渺渺悲欢想云軿何处也对芳时应只在人间惆怅回纹锦字断肠斜日云山

前调【游三台】 元好问

渺长江东下流不尽古今情记海上三山云中双阙当日南城黄鹤几年飞去淡春陰平野草  
青青水井犹残石甃露盘已失金茎 风流千古短歌行慷慨缺壶声想酺酒临江赋诗按马词  
气纵横飘零旧家王粲似南飞鸟鹊月三更笑杀西园赋客壮怀无复平生

前调 元好问

拥岧峣双阙龙虎气郁峥嵘想暮雨珠帘秋香桂树指顾台城凭阑为谁西望但哀弦凄断似  
平生只道江山如画争教天地无情 风云奔走十年兵惨澹入经营问对酒当歌曹侯墓上何  
用虚名青青故都乔木怅西陵遗恨几时平安得参军健笔为君重赋芜城

前调 张弘范

忆谯都风物飞一梦过千年美百里溪程两行堤柳数万人烟伤心旧家遗迹谩斜阳流水接  
长天冷落故祠香火白云泪眼潸然 行藏好向故人传椽笔舞蛮牋總纠纠貔貅秋风江上高  
卧南边功名谈笑樽俎向锦江何必上楼船他日玉津关下春风骄马金鞭

前调【征南二首】 张弘范

混鱼龙入海快一夕起鲲鹏驾万里长风高掀北海直入南溟生平许身报国等人间生死一  
毫轻落日旌旗万马秋风鼓角连营 炎方灰冷已如水余烬澹孤星管铜柱新功玉关奇节特  
请长缨胸中凜然冰雪任蛮烟瘴雾不须惊整顿乾坤事了归来虎拜龙庭

前调 张弘范

乾坤秋更老听鼓角壮边声纵马蹙重山舟横沧海戮虎诛鲸笑入蛮烟瘴雾看旌麾一举要  
澄清仰报九重圣德俯怜四海苍生 一尊别後短长亭寒日促行程甚翠袖停杯红裙住舞有  
语君听鹏翼岂徒高举卷天南地北日昇平记取归来时候海棠风里相迎

前调【西湖送春】 梁 曾

问花花不语为谁落为谁开算春色三分半随流水半入尘埃人生能几欢笑但相逢尊酒莫  
相推千古幕天席地一春翠绕珠围 彩云回首暗高台烟树渺吟怀?一醉留春留春不住醉  
里春归西楼半帘斜日怪衔春燕子却飞来一枕青楼好梦又教风雨惊回

前调【白莲】 詹 正

爱幽花带露晓映色淡秋塘恨太华峰高庐山社远身世相妨谁知半溪烟景且乘闲华髮照

苍浪美煞风标公子一生何限清香 仙家摇曳水云乡高韵却浓妆看脉脉盈盈何消解语已断人肠呼童便须沽酒待夜凉和月卷荷觞明日醒来信笔新声付与秋娘

前调【富州道中】 周孚先

访梅江路远喜春在劔川湄正鴈磧云深鱼村笛晚茸帽斜敲旧游不堪回首更文园多病减腰围惟有秋娘声价风流仍似前时 依稀壁粉旧曾题烟草半凄迷叹单父台荒黄公垆寂难觅佳期谁家歌楼催雪遣夜来风雨紧些儿醉後睡壶敲缺龙光摇动晴漪

前调【寄朱子西】 尹济翁

渺渺怀芳意苦对景可怜生记燕外莺边柳深竹嫩度密穿青如今淡烟细雨正午牕半梦酒初醒乐事怎堪重省起来一晌愁萦 悠然又把酒壶倾摆不动离情想闲却春游绿陰深院芳草长亭乾愁有谁解得傍晚来风起碎池萍坐待晴云四卷依然月上疎棂

前调【括将进酒】 林正大

黄河天上脉到东海去难收况镜里堪悲星星白发早上人头人生尽懽得意把金尊对月莫空休天赋君才有用千金散尽何忧 请君听我一清讴钟鼎复奚求但烂醉春风古来惟有饮者名留陈王昔时宴乐?十千斗酒恣懽游莫惜貂裘将换与消千古闲愁

前调【宋宫人】 卫芳华

记当年旧事曾此地会神仙向月地云阶重携翠?来拾花钿繁华总随流水叹一场春梦杳难圆废港芙蓉滴露断堤杨柳垂烟 两峰南北只依然古路草芊芊恨别馆闲房烟销芝盖波没莲船平生玉屏金屋对孤灯无焰夜如年落日牛羊冢上西风燕雀林边

前调【孤山问梅】 张翥

爱西湖千树曾几度为携尊向柳外停桡苔边待鹤酒熟诗温瀛洲旧时月色怅荒凉惟有数枝存天上梨花成梦江南桃叶移根 如今憔悴客愁村难返暗香魂甚岁晚春迟角寒笛晓雪暗云昏登临不堪寄目但青山隐隐月纷纷再约与君同醉从他啄木敲门

前调【重午发淞江】 张埜

恨无情画舸载离思各西东正佳节惊心故人回首应念匆匆殷勤彩丝系臂问如何不系片帆风醉里阳关历历望中烟树蒙蒙 驿亭榴火照尘容依约舞裙红纵旋采青蒲自斟芳酒酒薄愁浓功名事浑几许甚半生长在别离中不似东来潮信日斜还过吴淞

前调【雨中茶蘼】 杨子咸

紫雕红落後忽十丈玉虬横望衆緑帷中蓝田璞碎蛟室珠倾柔条系风无力更不禁连日峭  
寒清空与蝶圆香梦枉教莺诉春情 深深苔径悄无人栏檻湿香尘叹宝髻鬆松粉铅狼藉谁  
管飘零不愁素云易散恨此花开後更无春安得竹牀月夜玉醅满蘸瑶英

前调【寄豫章故人】 李珣

故人知健否又过了一番秋记十载心期苍苔茅屋杜若芳洲天遥梦飞不到但滔滔岁月水  
东流南浦春波旧别西山暮雨新愁 吴钩先透黑貂裘客思晚悠悠更何处相逢残更听鴈落  
日呼鸥沧江白云无数约他年携手上扁舟鸦阵不知人意黄昏飞向城头

前调【又一体咏冰二首】 蒋捷

傍池阑倚偏问山影是谁偷但鹭敛琼丝鸳藏绣羽碍浴妨浮寒流暗冲片响似犀椎带月静  
敲秋因念凉荷院宇粉丸曾泛金瓯 妆楼晓涩翠罽油倦鬟理还休更有何意绪怜他半夜鉶  
破梅愁红稠泪乾万点待穿来寄与薄情收只恐东风未转悞人日望归舟

前调 蒋捷

渺琉璃万顷冷光射夕阳洲见败柳漂枝残芦泛叶欲去仍留罗幃少年梦里正窥帘月浸素  
肌柔谁念衰翁自老断髭冻得成虬 凝眸一望絶飞鸥宇宙正清幽漫细敲紫砚轻呼翠管吟  
思难抽飕飕晚风又起但时听碎玉落檐头多少梅花片脑醉来悞整香篝

前调 吕胜己

残红吹尽了换新緑染疎林正杜宇催归行人贪路天气轻陰江亭旧游讌处但遥山数叠晚  
云深犹忆佳人敛黛为予别泪盈襟 而今旅况苦难禁逢胜嬾登临念景熟难忘情多易感取  
次关心平明又西去也望关山古道马駸駸回首当年一梦笑将浊酒重斟

御选历代诗余卷七十二

## 卷七十三

<集部,词曲类,词选之属,御选历代诗余

钦定四库全书

御选历代诗余卷七十三目錄【一百一字】

翦牡丹

张先

凤箫吟【又一体】

晁补之

瑞雪浓慢

陈亮

金盏子【又一体】

赵以夫

桂枝香

王安石

陈允平

李彭老

唐艺孙

练恕可

唐珏

张翥

吴子孝

张逸

前调【又一体】

陈亮

张辑

张炎【二首】

詹正

王学文

俞琬纶

叶小鸾

真珠帘【又一体】

陆游【二首】

周密

前调【又一体】

张炎

张翥

前调【又一体】

张炎

朱?孙



玉烛新

周邦彦

史达祖

赵以夫

赵文

看花回【又一体】

黄庭坚

周邦彦【二首】

前调【又一体】

蔡伸

玲珑四犯【又一体】

史达祖【二首】

曹邕

霓裳中序第一【又一体】

姜夔

尹焕

应法孙

前调【又一体】

杨慎

忆旧游

吴文英

曲江秋

杨元咎【三首】

水龙吟

苏轼

喜朝天

张先

满朝欢【又一体】

柳永

马家春慢

贺铸

拜星月慢

彭泰翁

山亭宴

张先

花心动【又一体】

蟾英

凤归云

柳永

赵以夫

解语花【又一体】

周密

月当厅

史达祖

喜迁莺【又一体】

史达祖

寿楼春【又一体】

史达祖

翠楼吟

姜夔

杨慎

瑞鹤仙【又一体】

紫姑

梅香慢

贺铸

御选历代诗余卷七十三目录

钦定四库全书

御选历代诗余卷七十三【一百一字】

司经局洗马掌局事兼翰林院修撰加二级【臣】王奕清奉旨校刊

翦牡丹

【双调一百一字】

翦牡丹【舟中闻双琵琶】 张先

野綠连空天青垂水素色溶漾都净柔柳摇摇坠轻絮无影汀洲日落人归修巾薄袂擷香拾翠相竞如解凌波泊烟渚春暝彩绦朱索新整宿绣屏画船风定金凤响双槽弹出今古幽思谁省玉盘大小乱珠迸酒上妆面花艷媚相并重听尽汉妃一曲江空月静凤箫吟

【又一体双调一百一字】

凤箫吟【永嘉郡君生日】 晁补之

晓曈曨风和雨细南园次第春融岭梅犹妒雪露桃云

杏已绽碧呈红一年春正好助人狂飞燕游蜂更吉梦良辰对花忍负金鍾香浓博山沉水小楼清旦佳气葱葱旧游应未改武陵花似锦笑语相逢蕊宫传妙诀小金丹同换冰容况共有芝田旧约归去双峰

瑞雪浓慢

【双调一百一字】

瑞雪浓慢【寿罗春伯】 陈亮

蔗浆酪粉玉壶冰醕朝罢更闻宣赐去天咫尺下拜再三幸今有母可遗年年此日共道月入怀中最贵向暑天正风云会遇有恁嘉瑞鹤冲霄鱼得水一超便直入神仙地植根江表开拓两河做得黑头公未骑鲸赤手问如何长鞭尺箠向来王谢风流只今管是

金盏子

【又一体双调一百一字】

金盏子 赵以夫

得水能仙向汉臯遗佩碧波涵月蓝玉暖生烟称缟袂黄冠素姿芳洁亭亭独立风前照冰壶澄澈当时事琴心妙处难传顿成愁絶六出自天然果一味清香浑似雪西湖秋菊寒泉似坡老风流至今人说殷勤折伴梅边听玉龙吹裂丁宁道百年兄弟相看晚节

桂枝香

【一名疎帘淡月以张辑秋思词中语得名双调一百一字】

桂枝香【金陵怀古】 王安石

登临送目正故国晚秋天气初肃千里澄江似练翠峰如簇征帆去棹残阳里背西风酒旗斜  
矗彩舟云淡星河鹭起图画难足念自昔豪华竞逐叹门外楼头悲恨相续千古凭高对此漫  
嗟荣辱六朝旧事随流水但寒烟衰草凝绿至今商女时时犹唱後庭遗曲

前调【杨山甫席上赋】 陈允平

残蝉乍歇又乱叶打窗蛩韵凄切?寞天香院宇露凉时节乘鸾扇底婆娑影幻清虚广寒宫阙  
小山秋重千岩夜悄举尊邀月 甚赋得仙标道骨倩谁搗玄霜犹未成屑回首蓝桥路迴梦魂  
飞越雕阑翠甃金英满洒西风非雨非雪惜花心性输他年少等闲攀折

前调【蟹】 李彭老

松江岸侧正乱叶坠红残浪收碧犹记灯寒暗聚簪疎轻入休嫌郭索尊前笑且开颜共倾芳  
液翠橙丝雾玉葱洇雪嫩黄初擘 与那日新诗换得又几度相逢落潮秋色常是篱边早菊慰  
渠岑?如今谩有江山兴更谁怜草泥踪迹但将身世浮沉醉乡旧游休忆

前调【蟹】 唐艺孙

收帆渡口认远岸夜篝松炬如昼还见沙痕雪外水纹霜後秦宫梦到无肠断望明河月残疎  
柳琐窗相对茶边犹记眼波频溜 渐嫩菊初簪绿酒叹风味尊前潇洒如旧几度金橙香雾玉  
盘纤手清愁小醉凄凉里 今生容易消瘦草心春浅年年相忆看灯时候

前调【蟹】 练恕可

西风故国记乍免内黄归梦溪曲还是秦星夜映楚霜秋足无肠枉抱东流恨任年年褪筐微  
绿草汀篝火芦洲纬箔早寒渔屋 叙旧别芳筵荐玉正香擘新橙清泛佳菊依约行沙乱雪误  
惊窗竹江湖岁晚相思远对孤灯漫怀幽独嫩汤浮眼枯形脱壳断魂重续

前调【蟹】 唐珏

松江舍北正水落晚汀霜老枯荻还见青筐似绣绀螯如戟西风有恨无肠断怅东流几番潮  
汐夜灯争聚微光挂影误投帘隙 更喜荐新筵玉液正半壳含黄一醉秋色纤手香橙风味有  
人相忆江湖岁晚听飞雪但沙痕空记行迹至今茶鼎时时犹记眼波愁碧

前调【赏桂杨氏小园】 张翥

天香万斛尽贮入魏台辟寒金粟谁唤仙娥睡起露妆烟沐翠云裙?黄云轂倚秋风乍惊郎目恨无明月高烧蜡炬分陰丛緑深照见凉禽并宿爱摇灑酒杯花影堪掬寸梦丝缘旧约尚堪重续何时卜隐西湖上葦緗荷芳杜为屋小山人远魂招不来漫歌遗曲

前调【赏桂用王介甫金陵怀古韵诗】 吴子孝

秋光满目喜凉雨初收轻风方肃林里黄金粟缀白檀香簇此花不似人间有试凭阑瑶峰青矗淮南小隐天竺余芳赏心宁足记旧日凡葩枉逐都不比而今酒阑歌续天上仙姿佳客纷然临辱折花把酒幽闲境看尊前双鬓仍緑但期世泰兵销无事水滨山曲

前调【寄友村居】 张逸

天高气肃正一派秋声悲吟万木潇洒远山抹翠澄溪漾玉故人家住残阳外小枫村低低茅屋烟生芦渚霜沾菊浦酒香茶熟疎篱畔山中野服想竹栏琴韵松牕棋局四壁清幽爱挂云林几幅鲤鱼风起天横鴈待一叶寻他剡曲开尊长笑池边蟹紫墙头橘緑

前调【又一体木犀】 陈亮

天高气肃正月色分明秋容新沐桂子初收三十六宫都足不辞散落人间去怕羣花自嫌凡俗向他秋晚唤回春意几曾幽独是天公余膏剩馥怪一树香风十里相续坐对花傍但见色浮金粟芙蓉只解添愁思况东篱凄凉黄菊入时太浅背时太远爱寻高躅

前调 张辑

梧桐雨细渐滴做秋声被风惊碎润逼衣篝线裊蕙炉沉水悠悠岁月天涯醉一分秋一分憔悴紫箫吹断素笺恨切夜寒鸿起又何苦凄凉客里负草堂春緑竹溪空翠落叶西风吹老几番尘世从前谙尽江湖味听商歌归兴千里露侵宿酒疎帘淡月照人无寐

前调【送叶宾州东归】 张炎

晴江迴阔又客里天涯还难轻别万里潮生一棹柳丝犹结荷衣犹向山中补共飘零几年霜雪赋归何晚依依径菊弄香时节料此去清游未歇引一片秋声都付吟篋落叶长安古意对人休说相思只在相留处有孤芳可怜空折旧怀难写山阳怨笛夜凉吹月

前调【如心翁置酒桂下】 张炎

琴书半室向桂边偶然一见秋色老树香迟清露缀花凝滴山翁翻笑如泥醉笑生平无此狂逸晋人游处幽情付与酒尊吟笔任萧散披襟岸帻叹千古犹今休问何夕髮短霜浓知恐浩歌消得明年野客重来此探枝头几分消息望西楼远西湖更远也寻梅驿

前调【紫极宫写韵轩】 詹正

紫薇花露飘洒作凉云点宫勾羽字字飞仙下笔一帘风雨江亭观宇今如许有飘零墨香千古夕阳芳草落花流水依然南浦 甚两两凌风驾虎恁天孙标致月娥媚妩一笑生春不比世间儿女笔牀砚滴曾窥处有西山青眼如故翠笺寄与玉箫吹彻凤吟鸾舞

前调【和詹天游就访】 王学文

晓天凉露天上玉箫吹飞声如羽金阙高寒闲却一庭梅雨漫漫八表尘埃梦把文章洗空千古精神一似风裳水佩兰皋蘅浦 看万里跳龙跃虎甚花娇英气劒清尘妩憔悴江南应念山牕贫女朱楼十二春无际倚苍寒青岫如故茶香酒熟月明风细试教歌舞

前调【镜】 俞琬纶

张郎一去君且代郎看双蛾解理赠别踌躇不忍把君分碎容颜君独知憔悴受多磨与君无异广寒三五嫦娥愁向却元自己 晴空里似丹青点缀个中小小洞天深处背地沉迷形影都无凭?怜君自为分明累贮尽了汉宫人泪残妆架罢瞥然收却远山横翠

前调【秋夜明媛】 叶小鸾

牕纱欲暮渐暝色?胧暗迷平楚断鴈凄凉点点远天无数苍烟染徧西风路翦江枫飘红荻浦画阑东角疎帘底畔徘徊延伫 漫占得长宵如许又锦屏香冷绣帏寒?满耳秋声长向林梢来去萧萧竹响还疑雨悄窥人嫦娥寒兔壁摇灯影空阶雾结怨虫相语

真珠帘

【又一体双调一百一字】

真珠帘 陆 游

山村水馆参差路感羈游正似残春风絮掠地穿帘知是竟归何处镜里新霜空自恼问几时鸾台螯署迟暮谩凭高怀远书空独语 自古儒冠多误悔当年早不扁舟归去醉下白苹洲看夕阳鸥鹭菰菜鲈鱼都弃了只换得青衫尘土休顾早收身江上一蓑烟雨

前调 陆 游

灯前月下嬉游处向笙歌锦绣丛中相遇彼此知名相见便论心素浅黛娇蝉风调别最动人时时偷顾归去想闲牕深院调弦促柱 乐府初翻新谱漫裁红点翠闲题金缕燕子入帘时又一番春暮侧?胭脂坡下路料也记前年崔护休诉待从今须与好花为主

前调【琉璃帘】周密

宝堦斜转春宵翳云屏敞霞卷东风新霁光照万星寒曳冷云垂地暗忆连昌游冶事照炫转  
荧煌珠翠难比是鲛人织就冰绡清泪犹记梦入瑶台正玲珑透月琼扉十二细缕逗浓香接  
翠莲云气縞夜梨花生暖白浸潋灩一池春水乘醉恍归时人在明河影里

前调【又一体梨花】张炎

綠房几夜迎清晓光摇动素月溶溶如水惆怅一株寒记东阑闲倚近日花边无旧雨便?寞何  
曾吹泪烛外漫羞得红妆而今犹睡琪树皎立风前万尘空独挹飘然清气雅淡不成娇拥玲  
珑春意落寞云深诗梦浅但一似唐昌宫里元是是分明错认当时玉蕊

前调【寿韩伯清提举时在平江】张翥

银蟾半露婵娟影西风早次第中秋天气凉透小帘枕乍夜长迟睡见说灵岩山色好甚也不  
浓如归意归未趁西泠载酒南园寻桂还又客里生朝把金尊綠酒与谁同醉烟雨隔垂虹望  
美人秋水桃叶妆楼团扇曲但小草鸾笺相寄传示送白苹一翦碧云千里

前调【又一体近雅轩即事】张炎

云深别有深庭宇小帘枕占取芳菲多处花暗水房春润几番疎雨见说苏堤晴未稳便嬾趁  
踏青人去休去且料理琴书夷犹今古谁见静里闲心纵荷衣未葺雪巢堪赋醉醒一乾坤任  
此情何许茂树石牀同坐久又却被清风留住欲住奈帘影妆楼翦灯人语

前调朱?孙

青云做冷春知未春愁在碎雨敲花声里海燕已寻踪到画溪沙际院落秋千杨柳外待天气  
十分新霁春市又春帘巷陌红芳歌吹须信处处东风又何妨对此笼香觅醉曲尽索余情奈  
夜航催离梦满冰衾身似寄筭几度吴乡烟水无寐试明朝说与西园桃李

玉烛新

【双调一百一字】

玉烛新【早梅】周邦彦

溪源新腊後见数朵江梅翦裁初就晕酥砌玉芳英嫩故把春心轻漏前村昨夜想弄月黄昏  
时候孤岸峭疎影横斜浓香暗沾襟袖尊前赋与多才问岭外风光故人知否寿阳漫鬪终不  
似照水一枝清瘦风娇雨秀好乱插繁华盈首须信道羌笛无情看看又奏



### 前调 史达祖

疎云紫碧岫带晚日摇光半江寒皱越溪近远空频向过鴈空边回首酸心一缕念水北寻芳  
归後轻醉醒堤月笼纱鞍?宝轮飞骤 秦楼屡约芳春记扇背题诗帕罗沾酒庾愁易就因惊  
断梦里桃源难又临风诉旧想日暮梅花孤瘦还静倚修竹相思盈盈翠?

### 前调 赵以夫

寒空一鴈落正万里相思被渠惊觉春风字字吹香雪唤起西湖盟约当时醉处彷彿记青楼  
珠箔又不是南国花迟徘徊酒边慵酌 家山月色依然想竹外横枝玉明冰薄而今话昨空对  
景怅望美人天角酒罇澹泊便翠羽殷勤难托休品入三叠琴心教人瘦却

### 前调【次清真韵】 赵文

梅花新霁後正锦样华堂一时妆就洞房花烛深深处漫转铜壶银漏新妆未了奈浩荡春心  
相候香篆里簇簇笙歌微寒半侵罗袖 侵晨浅捧兰汤问堂上萱花夜来安否功名浪鬪漫赢  
得万里相思清瘦蓝袍俊秀便胜却登科龙首春昼永帘幙重重箫声缓奏

### 看花回

【又一体双调一百一字】

### 看花回【茶】 黄庭坚

夜永兰堂醺饮半倚颓玉烂漫坠钿堕履是醉时风景花暗残烛欢意未阑舞燕歌珠成断续  
催茗饮旋煮寒泉露井瓶窰响飞瀑 纤指缓连环动触渐泛起满瓯银粟香引春风在手似闽  
岭越溪初采盈掬暗想当时探春连云寻篁竹怎归得鬓将老付与杯中緑

### 前调【咏眼】 周邦彦

秀色芳容明眸就中奇絶细看艶波欲溜最可惜微重红绡轻帖匀朱傅粉几为严妆时澹睫  
因个甚抵死嗔人半晌斜盼费贴燮 斗帐里浓欢意愜带困时似开微合曾倚高楼望远自笑  
指频瞷知他谁说那日分飞泪雨纵横光映颊搵香罗恐揉损与他衫袖褰

### 前调 周邦彦

蕙风初散轻暖霁景澄洁秀蕊乍开乍斂带雨态烟痕春思绉结危弦弄响来去惊人莺语滑  
无赖处丽日楼台乱丝岐路总奇絶 何计解黏花系月叹冷落顿辜佳节犹有当时气味挂一  
缕相思不断如发云飞帝国人在云边心暗折语东风共流转谩作匆匆别

前调【又一体】 蔡 伸

夜久凉生庭院漏声频促念昔胜游旧地对画阁层峦雨余烟簇新诗暗藏小字霜刀刊翠竹  
携素手细遶回塘芰荷香里彩鸳宿 别後想香销腻玉带围减削宽金粟虽有鳞鸿锦素奈事  
与心违佳期难卜拟解愁肠万结惟凭尊酒绿望天涯断魂处醉拍阑干曲

玲珑四犯

【又一体双调一百一字】

玲珑四犯 史达祖

雨入愁边翠树晚无人风叶如翦竹尾通凉却怕小帘低卷孤坐便怯诗慳念俊赏旧曾题偏  
更暗尘偷锁鸾影心事屡羞团扇 卖花门馆生秋草恨弓弯几时重见前欢尽属风流梦天共  
朱楼远闻道秀骨病多难自任从来恩怨料也和前度金笼鹦鹉说人情浅

前调【京口寄所思】 史达祖

阔甚吴天顿放得江南离绪多少一雨为秋凉气小牕先到轻梦听彻风蒲又散入楚空清晓  
问世间情在何处不离淡烟衰草 簟纹独浸芙蓉影想凄凄欠郎偎抱即今卧得云衣冷山月  
仍相照方悔翠尊易分难聚有玉香花笑待鴈来先寄新词归去且教知道

前调【荼蘼】 曹 邕

一架幽芳自过了梅花犹占清绝露叶檀心香满万条晴雪肌素净洗铅华似弄玉乍离瑶阙  
看翠虬白凤飞舞不管暮烟啼鵙 酒中风格天然别记唐宫赐尊芳冽玉蕤唤得余春住犹醉  
迷飞蝶天气乍雨乍晴长是伴牡丹时节夜散琼楼宴金铺深掩一庭春月

霓裳中序第一

【又一体双调一百一字】

霓裳中序第一 姜夔

亭皋正望极乱落红莲归未得多病却无气力况纨扇渐疎罗衣初索流光过隙叹杏梁双燕  
如客人何在一帘淡月彷彿照颜色 幽?乱蛩吟壁动庾信清愁似织沉思年少浪迹笛里关  
山柳下坊陌坠红无信息漫暗水涓涓溜碧飘零久而今何意醉卧酒垆侧

前调【茉莉】 尹 焕

青鬃紫素靛海国仙人偏耐热餐尽风香露屑便万里凌空肯凭莲叶盈盈步月悄似怜轻去  
瑶阙人何在忆渠痴小点点爱清绝 愁绝旧游轻别忍重看锁香金篋凄凉清夜簟萧萧诗  
魂真化风蝶冷香清到骨梦十里梅花霁雪归来也恹恹心事自共素娥说

前调 应法孙

愁云翠万叠露柳残蝉空抱叶帘卷流苏宝结乍庭户嫩凉阑干微月玉纤胜雪委素纨尘锁  
香篋思前事莺期燕约寂寞向谁说 悲切漏签声咽渐寒炷兰缸未灭良宵长是间别酒凝红  
绡粉浣瑶玦镜盟鸾影缺听吹笛西风数阕无言久和衣成梦睡损缕金蝶

前调【又一体咏鸡头】 杨慎

青霞裁雾縠正锦湫瑶潘碧澳水底蛟人织女当翠房深处新妆乍沐尘消罗襪冶步盈盈出  
鳞屋向何许满身璎珞云辘转风縠 皎镜全澄独漉相掩映荷裳芰服昨夜龙宫失晓也养天  
鸡啓明传旭啄梁无半菽筭只有明珠满腹江妃把金鍼穿翫递与素娥掬

忆旧游

【双调一百一字】

忆旧游【别黄澹翁】 吴文英

送人犹未苦苦送春随人去天涯片红都飞尽阴阴润绿暗里啼鸦赋情顿雪双鬓飞梦逐尘  
沙叹病渴凄凉分香瘦减两地看花 西湖断桥路想系马垂杨依旧欹斜葵麦迷烟处问离巢  
孤燕飞过谁家故人为写深怨空壁埽秋蛇但醉上吴台残阳草色归思賒

曲江秋

【双调一百一字】

曲江秋 杨无咎

香消烬歇换沉水重燃熏炉犹热银汉坠怀冰轮转影冷光浸毛髮随分且宴设小槽酒真珠  
滑渐觉夜阑乌纱露濡画帘风揭 清绝轻纨弄月缓歌处眉山怨叠持杯须我醉香红映颊双  
腕凝霜雪饮散晚归来花梢指点流萤灭睡未稳东牕渐明远树又闻鷓鴣

前调【叠前韵诗】 杨无咎

鸣鸠怨歇对急雨过云暗风吹热漠漠稻田差差柳岸新沐青丝髮楼上素琴设爱流水随弦

滑深炷龙津浓熏绦幙博山重揭 超絕遥岑吐月照苍蒨重重叠叠恍然身在处浑疑同泛花舫波喷雪滉漾醉魂醒惊呼不是沍生灭竚望久空叹无才可赋厌听鷓鴣

前调【叠前韵诗】 杨无咎

前山雨歇爱竹树低陰轩牕无热珠箔半垂清风细绕萧萧吹华髮珍簟灿枕设珊瑚瘦琉璃滑永日敲冠知谁是伴旧书重揭 清絕轻云淡月梦同泛沧波万叠杯盘狼藉处相扶就枕欢笑歌翻雪转棹小溪湾人家烟火渐明灭正携手无端惊回檻外数声鷓鴣

水龙吟

【双调一百一字填此调者以一百二字为正格此少一字止苏轼一首也】

水龙吟【咏鴈】 苏轼

露寒烟冷蒹葭老天外征鸿嘹唳银河秋晚长门灯悄一声初至应念潇湘岸遥人静水多菰米望极平田徘徊欲下依前被风惊起 须信衡阳万里有谁家锦书遥寄万重云外斜行横阵才疎又缀仙掌月明石头城下影摇寒水念征衣未捣佳人拂杵有盈盈泪

喜朝天

【双调一百一字】

喜朝天【清暑堂赠蔡君谟】 张先

晓云开睨仙馆凌虚步入蓬莱玉宇琼甃对青林近归鸟徘徊风月从今清暑野色带江山助诗才箫鼓宴璇题宝字浮动持杯 天多送目无际识渡舟帆小时见潮回故国千里共十万室日日春台睢社朝京非远正和羹民口渴盐梅佳景在吴依还望分阃重来

满朝欢

【又一体双调一百一字】

满朝欢 柳永

花隔铜壶露曦金掌都门十二清晓帝里风光烂漫偏爱春杪烟轻昼永引莺吭上林鱼游灵沼巷陌乍晴香尘染惹垂杨芳草 因念秦楼彩凤楚馆朝云往昔曾迷歌笑别来岁久偶忆欢盟重到人面桃花未知何处但掩朱门悄悄尽日竚立无言赢得凄凉怀抱

## 马家春慢

【双调一百一字】

## 马家春慢 贺铸

珠箔风轻绣帘浪卷乍入人间蓬岛鬪玉阑干渐庭馆 珑春晓天许奇葩贵品异繁杏夭桃  
轻巧命化工倾国风流与一枝纤妙 尊前五陵年少纵丹青异格难仿顔貌惹露凝烟困红娇  
额微颦低笑须信浓香易歇更莫惜醉攀吟遶待舞蝶游蜂细把芳心都告

## 拜星月慢

【双调一百一字】

## 拜星月慢 彭泰翁

雾滑觚棱尘侵团扇恨满哀弹倦理控雨笼云共闲情孤倚敛蛾黛怕似流莺历历惹得玉销  
琼碎可惜阑干但苔花沉穗 算天音不入人间耳何人谩裊损青衫泪不是旧谱都忘厌新腔  
娇脆多生不得丹青意重来又花锁长门闭到夜永笙鹤归时月明天似水

## 山亭宴

【双调一百一字与宴山亭无涉】

## 山亭宴【有美堂赠彦献主人】 张先

宴堂永昼喧箫鼓倚青空画栏红柱玉莹紫微人蔼和气春融日煦故宫池馆更楼台约风月  
今宵何处湖水动鲜衣竞拾翠湖边路 落花荡漾怨空树晓山静数声杜宇天意送芳菲正黯  
淡疎烟短雨新欢宁似旧欢长此会散几时还聚试为挹飞云问解相思否

## 花心动

【又一体双调一百一字】

## 花心动【寄外 宋媛】 蟾 英

忽覩菱花这一程减却风流顔色邻姬戏问愧我为羞无语低头寥寂珠泪纷纭和粉垂襟袂  
旧痕乾又湿感起愁怀堆堆积积杜宇催春急 烟笼花柳粉蝶难寻觅紫燕喃喃黄莺恰恰对  
景脂消香浥篆烟将尽愁未休息若得御沟玻璃碧教红叶往来传个消息

凤归云

【双调一百一字】

凤归云 柳 永

向深秋雨余爽气肃西郊陌上夜阑襟袖起凉飈天际残星流电未灭闪闪隔林梢又是晓鸡声断阳乌光动渐分山路迢迢 驱驱行役苒苒光阴蝇头利禄蜗角功名毕竟成何事谩相高抛掷林泉狎翫尘土壮节等闲销幸有五湖烟浪一船风月会须归老渔樵

前调 赵以夫

正愁予可堪去马便駉駉拟折一枝堤上万垂丝离思无边离席易散落日照清漪苦是禁城催鼓虚牀难寐梦魂无路归飞 陡寒还热急雨还晴化工无准将息偏难更向分携处立多时吟鬓雕霜世味嚼蜡病骨怯朝衣後來一壶风月荔丹芝紫约君同语心期

解语花

【又一体双调一百一字】

解语花 周 密

晴丝罥蝶暖蜜酣蜂重帘卷春寂雨萼烟梢压阑干花雨染衣红湿金鞍误约空极目天涯草色阆苑玉箫人去後惟有莺知得 余寒犹掩翠户梁燕乍归芳信未端的浅薄东风莫因循轻把杏钿狼藉尘侵锦瑟残日红窗春梦窄睡起折枝无意绪斜倚秋千立

月当厅

【双调一百一字与霜天晓角别名者不同】

月当厅 史达祖

白璧旧带秦城梦因谁拜下杨柳楼心正是夜分鱼钥不动香深时有露萤自照颭风裳可喜影赭金坐来久都将凉意尽付沉吟 残云事绪无人拾恨匆匆药娥归去难寻缀取雾窗曾唱几拍清音犹有老来印愁处冷光应念雪翻簪空独对西风紧弄一井桐陰

喜迁莺

【又一体双调一百一字】

## 喜迁莺 史达祖

月波凝滴望玉壶天近了无尘隔翠眼圈花冰丝织练黄道宝光相直自怜诗酒瘦难应接许多春色最无赖是随香趁烛曾伴狂客 踪迹漫记忆老了杜郎忍听东风笛柳院灯疎梅厅雪在谁与细倾春碧旧情拘未定犹自学当年游历怕万一悞玉人夜寒帘隙

## 寿楼春

【又一体双调一百一字】

## 寿楼春【寻春服感念】 史达祖

裁春衫寻芳记金刀素手同在晴牕几度因风残絮照花斜阳谁念我今无肠自少年消磨疎狂但听雨挑灯敲牀病酒多梦睡时妆 飞花去良宵长有丝阑旧曲金谱新腔最恨湘云人散楚兰魂伤身是客愁为乡筭玉箫犹逢韦郎近寒食人家相思未忘苹藻香

## 翠楼吟

【双调一百一字姜夔自度曲也】

## 翠楼吟【武昌安远楼成】 姜 夔

月冷龙沙尘清虎落今年汉酺初赐新翻北部曲听羯幕元戎歌吹层楼高峙看檻曲紫红檐牙飞翠人姝丽粉香吹下夜寒风细 此地宜有神仙拥素云黄鹤与君游戏玉梯凝望久叹芳草萋萋千里天涯情味仗酒祓清愁花消英气西山外晚来还卷一帘秋霁

## 前调【代送大理太守】 杨 慎

月晃苍山风清黑水花满原鳞城雉燧松明夜火歌来暮似成都市五华楼阁看五马迎恩双鸿送喜迟迟晷行春金碧照春金紫 此邦宜有循良拥玉麟铜虎旌旗旖旎叶榆难借寇望登仙香尘遥起攀轩举轡正红颊窥帘华顛卧轨画图外甘棠陰里心驰千里

## 瑞鹤仙

【又一体双调一百一字】

## 瑞鹤仙【赋一捻红牡丹】 紫 姑

靚娇红细捻是西子当日留心千叶西都竞栽接好园林台榭何妨日涉轻罗慢褶费多少阳

和调爕向晓来露浥芳苞一点醉红潮颊 双靥姚黄国艷魏紫天香倚风羞怯云鬟试插引动  
狂蜂蝶况东君开宴赏心乐事莫惜献酬频叠看相将红药翻堦尚余媵妾梅香慢

【双调一百一字】

梅香慢 贺铸

高阁寒轻映万朵芳梅乱堆香雪未待江南早冠百花先占一阳佳节翦彩凝酥无处学天然  
奇絶便寿阳妆工夫费尽艷姿终别 风里弄轻盈掩珠英明莹麝蜡飘烈莫放芳菲歇剩夜永  
欢赏酒酣吟折倒玉何妨且听取尊前新阙怕笛声长行云散尽漫悲风月

御选历代诗余卷七十三



## 卷七十四

<集部,词曲类,词选之属,御选历代诗余

钦定四库全书

御选历代诗余卷七十四目錄【一百二字】

水龙吟【上】

柳永

苏轼【四首】

秦观

晁补之【四首】

李之仪

章榘

孔平仲

孔武仲【二首】

周紫芝【二首】

周邦彦

晁端礼

李祁

吕渭老【二首】

向子諲

叶梦得

李纲【二首】

曾觌

杨无咎【三首】

侯寘

辛弃疾【七首】

韩元吉

袁去华

刘克庄【四首】

赵彦端

管监

陈亮

黄机

马庄父

刘鎮

严仁【三首】

毛幵

卢祖皋【二首】

高观国

史达祖【三首】

方岳【二首】

御选历代诗余卷七十四目錄

钦定四库全书

御选历代诗余卷七十四【一百二字】

司经局洗马掌局事兼翰林院修撰加二级【臣】王奕清奉旨校刊

水龙吟【上】

【双调一百二字一名小楼连苑一名海天阔处皆以词句别名也】

水龙吟【梅】 柳 永

雪霏冰结霜凝是谁透得春工意南枝向暖江边岭上独先衆卉闲态幽姿緑窗红蒂粉英金蕊念冰肤秀骨人间要见除非是真仙子羌管且休横吹待佳人新妆初试鸾台晚监人花相对何须更比疎影横斜暗香浮动月低风细又岂知渐结枝头翠玉有和羹美

前调 苏轼

古来云海茫茫蓬山绦阙知何处人间自有赤城居士龙蟠凤举清浄无为坐忘遗照八篇奇语向玉霄东望蓬莱晡霭有云驾骖风驭行尽九州四海笑纷纷落

花飞絮临江一见谪仙风采无言心许八表神游浩然相对酒酣箕踞待垂天赋就骑鲸路稳约相将去

前调【赠吹笛侍儿】 苏轼

楚山修竹如云异材秀出千林表龙须半翦凤膺微涨玉肌匀绕木落淮南雨晴云梦月明风裊自中郎不见桓伊去後知辜负秋多少闻道岭南太守後堂深緑珠娇小绮窗学弄梁州初徧霓裳未了嚼徵含宫泛商流羽一声云杪为使君洗尽蛮风瘴雨作霜天晓

前调【纪梦】 苏轼

小舟横截春江卧看翠壁红楼起云间笑语使君高会佳人半醉危柱哀弦艳歌余响绕云萦水念故人老大风流未减独回首烟波里推枕惘然不见但空江月明千里五湖闻道扁舟归去仍携西子云梦南州武昌南岸昔游应记料多情梦里端来见我也参差是

### 前调 苏轼

小沟东接长江柳堤苇岸连云际烟村潇洒人间一閼渔樵早市永昼端居寸陰虚度了成何事但绿尊玉藕珠杭锦鲤相留恋又经岁 因念浮邱旧侶惯瑶池羽觴沉醉青鸾歌舞铢衣摇曳壶中天地飘堕人间步虚声断露寒风细抱素琴独向银蟾影里此怀难寄

### 前调 秦观

小楼连苑横空下窥绣轂雕鞍骤疎帘半卷单衣初试清明时候破暖轻风弄晴微雨欲无还有卖花声过尽斜阳院落红成阵飞鸳鰲 玉佩丁东别後怅佳期参差难又名缰利锁天还知道和天也瘦花下重门柳边深巷不堪回首念多情但有当时皓月照人依旧

### 前调【寄无愧丈】 晁补之

满湖高柳摇风坐看骤雨来湖面跳珠溅玉圆荷翻倒轻鸥惊散堂上凉生檻边暑退罗裙零乱想东山谢守纶巾羽扇高歌下青天半 应记狂吟司马去年时黄花高宴竹枝苦怨琵琶多泪新年鬓换常恐归时眼中物是日边人远望隋河一带伤心雾霭遣离魂断

### 前调【别吴兴至松江作】 晁补之

水晶宫绕千家卞山倒影双溪里白苹洲渚诗成春晚当年此地行徧瑶台弄英携手月婵娟际筭多情小杜风流未覩空肠断枝间子 一似君恩赐与贺家湖千峰凝翠黄粱未熟红旗已远南柯旧事常恐重来夜阑相对也疑非是向松陵回首平芜尽处在青山外

### 前调【次韵惜春】 晁补之

问春何苦匆匆带风伴雨如驰骤幽葩细萼小园低檻壅培未就吹尽繁红占春长久不如垂柳筭春长不老人愁春老愁只是人间有 春恨十常八九忍轻辜芳醪经口那知自是桃花结子不因春瘦世上功名老来风味春归时候纵尊前痛饮狂歌似旧情难依旧

### 前调 晁补之

去年暑雨鉤盘夜阑睡起同征辔今年芳草齐河古岸扁舟同檣萍梗孤踪梦魂浮世别离常是念当时绿鬓狂歌痛饮今顛顛东风里 此去济南为说道愁肠不醒犹醉多情北渚两行烟柳一湖春水还唱新声後人重到应悲桃李待归时揽取庭前皓月也应堪寄

### 前调【中秋】 李之仪

晚来轻拂游云尽卷霁色寒相射银潢半掩秋毫欲数分明不夜玉琯传声羽衣催舞此欢难

借凜清輝但覺圓月罩影冰壺瑩真無價 聞道水晶宮殿蕙爐熏珠帘高挂琼枝半倚瑤觴更  
勸鸞嬌燕妬目斷魂飛翠紫紅繞空冷小研想歸來醉里鸞篋凤朶倩何人卸

### 前調【柳花】 章 粦

燕忙鸞嬾芳殘正堤上柳花飄墜輕飛亂舞點畫青林全無才思閑趁游絲靜臨深院日長門  
閉傍珠帘散漫垂垂欲下依前被風扶起 蘭帳玉人睡覺怪春衣雪沾琼綴綉牀漸滿香球無  
數才圓却碎時見蜂兒仰黏輕粉魚吞池水望章台路杳金鞍搖蕩有盈盈泪

### 前調【梅】 孔平仲

歲窮風雪飄零望迷萬里云垂凍紅綃翦碎凝酥繁綴烟深霜重疎影沉波暗香和月橫斜浮  
動悵別來欲把芳菲遠寄還羌笛吹三弄 寂寞玉人睡起汚殘妝不勝嬌凤盈盈山館紛紛客  
路相思誰共才與風流賦稱清艷多情惟宋筭襄王枉被梨花瘦損又成春夢

### 前調【梅二首】 孔武仲

淡烟池館霜飈蕭條又是年華暮黃花老盡丹楓舞困江梅初吐點綴南枝暗傳春信玉苞微  
露凭危闌望斷誰家素臉遙山遠空凝竚 昨夜一枝開處正前村雪深幽曙看來只恐瑤台云  
散玉京人去庾岭寒余漢宮妝曉飛堆行雨仗誰人惜取孤芳雅致作春光主

### 前調 孔武仲

數枝凌雪乘冰嫩英半吐琼酥點南州故苑何郎遺咏風台月觀疎影橫斜暗香浮動水寒云  
晚笑浮花浪蕊嬌春萬里空零落愁鸞燕 游子寂寥暮景向天邊几回相見玉人纤手殷勤攀  
贈欲持微盼越使歸來漢宮妝罢昭華流怨念湘江夢杳窗前疑是此情何限

### 前調 周紫芝

黃金雙闕橫空望中隱約三山杳春皇欲降渚烟收盡青虹正繞日到層霄九枝光滿普天俱  
照看海中桃熟云幡綵節冉冉度滄波渺 遙想建章宮闕度薰風月寒清曉紅鸞影上云韶聲  
里蒙天一笑萬國朝元百蠻欵塞太平多少听尧云深处人人盡祝似天難老

### 前調【題夢云軒】 周紫芝

楚山千疊浮雲楚云只在巫山住鸞飛凤舞當時空記夢中寄語曉日曛曛夕陽零亂裊紅紫  
素問如今依旧霏霏冉冉知他為誰朝暮 玉佩烟鬟飛動炯星眸人間相遇嫣然一笑陽城下  
蔡盡成驚顧蕙帳春濃蘭衾日暖未成行雨但丁宁莫似陽台夢斷又隨風去

前调【梨花】 周邦彦

素肌应怯余寒艳阳占立青芜地樊川照目灵关遮路残红敛避传火楼台妒花风雨长门深  
闭亚帘栊半湿一枝在手偏勾引黄昏泪 别有风前月底布繁陰满园歌吹朱铅退尽潘妃却  
酒昭君乍起雪浪翻空粉裳缟夜不成春意恨玉容不见琼英漫好与何人比

前调 晁端礼

倦游京洛风尘夜来病酒无人问九衢雪少千门月淡元宵灯近香散梅梢冻消池面一番春  
信记南楼醉里西城宴阁都不管人春困 屈指流年未几早惊人潘郎双鬓当时体态而今情  
绪多应瘦损马上墙头纵教瞥见也难相认凭阑干但有盈盈泪眼把罗襟搵

前调 李祁

碧山横绕清湖茂林秀麓波光里南宫老大西洲漂荡危亭重倚雨步云行饵风饮露平生游  
戏笑此中空洞都无一物有神妙浩然气 埽尽云南梦北看三江五湖秋水狂歌两解清尊一  
举超然千里江汉苍茫故人何处山川良是待白苹露下青天月上约骑鲸起

前调【寄竹西】 吕渭老

五湖春水茫茫梦魂夜逐杨花去汀花岸草佳人微笑眼波横注借问刘郎心期则甚一成无  
据自春来泪满揜蓝袖口没整顿心情处 闻道相如病渴念文君白头新句相思两地光穷烟  
水一庭花雾锦字藏头织成机上一时分付问他年更有微云淡月重来兮未

前调 吕渭老

年年九月西湖绣船继日笙箫拥五云深处红帘一桁语莺歌凤羣玉峰头影娥池畔烟霞飞  
动认蓬瀛仙子云程路远贪人世瑶池梦 要看黄尘青海戏真珠麻姑清纵曲门自有菊金芳  
砌月篴浮栋子着宫桃舞翻官柳霞杯纤捧待明年更把西风妙曲按成新弄

前调【上元】 向子諲

华灯明月光中绮罗弦管春风路龙如骏马车如流水软红成雾太乙池边葆真宫里玉楼珠  
树见飞琼伴侣霓裳缥缈星回眼莲微步 笑入彩云深处更冥冥一帘花雨金钿半落宝钗斜  
坠乘鸾归去醉失桃源梦回蓬岛满身风露到而今江上愁山万叠鬓丝千缕

前调【西湖讌客】 叶梦得

对花常欲留春恨春故遣花飞早晚来雨过绿陰深处几番芳草一片飘时已知消减满庭谁

埽料多情也似愁人易感先催趁朱颜老 犹有清明未过但狂风匆匆难保酒醒梦断年年此恨不禁烟草只恐春工应留芳信与花争好有姚黄一朵殷勤付与送金杯倒

前调【杨花次章质夫韵】 李纲

晚春天气融和乍惊密雪烟空坠因风飘荡千门万户牵情惹思青眼初开翠眉才展小园长闭又谁知化作琼花玉屑共榆荚漫天起 深院美人慵困乱云鬟尽从妆缀小廊回处氍毹重叠轻拈却碎飞入楼台舞穿帘幕总归流水怅青春又过年年此恨满东风泪

前调【送林商叟海道还闽中】 李纲

际天云海无涯经从一叶舟中渡天容海色浪平风稳何尝有蜃鳞甲千山笙镛羣籁了无遮护笑读君佳阁追寻往事须信道忘来去 闻说钓鲸公子为才名鹗书交举高怀澹泊柏台兰省留连莫住万里闽山不从海道寄声何处怅七年契阔无因握手与开怀语

前调 曾觌

楚天千里无云露华洗出秋容净银蟾台榭玉壶天地参差桂影鸳瓦寒生画檐光射碧梧金井听昭华半夜江梅三弄风嫋嫋良宵永 携手西园宴罢下瑶台醉魂初醒吹箫仙子骖鸾归路一襟清兴鵷鹄楼高建章门迴星河耿耿看沧江潮上丹枫叶落浸关山冷

前调【武宁瑞莲】 杨无咎

晓来雨歇风生素商乍入鸳鸯浦红蕖翠盖不知西帝神游何处罗绮丛中是谁相慕凭肩私语似汉皋佩解桃源人去成思忆空凝竚 肯为风流令尹把芳心双双分付碧纱对引朱衣前导应须此去好揖清香盛邀佳客杯行无数唤瑶姬并立如花并蒂唱黄金缕

前调【木樨】 杨无咎

智琼娇额涂黄为谁种作秋风蕊寒香半露绿帷深护犹闻十里山麝生脐水沉削蜡一时羞避向钱塘江上中秋月下有人暗寻遗子 不奈书生习气对羣花领略风味骚人已去欲纫幽佩重为湘酎天赋风流友梅兄蕙舆桃奴李向明牕棐几纤枝未老眼明如水

前调【梅】 杨无咎

当年谁种官梅自开自落清无地一朝惊见危亭岑立繁华丛里知是贤侯有难兄弟素书时寄纵舞携如意吟搔短髮无从诉心中喜 却对疎枝冷蕊似於人不胜风味冰姿斜映朱唇浅破欣然会意青子垂垂翠陰密密尤堪频憩待促归禁近邦人指点作甘棠比

## 前调 侯寘

夜来霜拂帘旌深云丽日开清晓香猊金?冰壶玉嫩佳辰寒早橘绿橙黄袖红裙翠一堂欢笑  
正梅妃月姊雪肌粉面争妆点潇湘好莫惜芳尊屡倒拥羣仙醉游蓬岛东牀俊选南溟归信  
一时俱到鬓影摇春命书纓锦子孙环绕看他时归去飞觴石涧待甘泉老

## 前调【旅次登楼作】 辛弃疾

楚天千里秋水随天去秋无际遥岑远目献愁供恨玉簪螺髻落日楼头断鸿声里江南游  
子把吴钩看了阑干拍遍无人会登临意休说鲈鱼堪膾尽西风季鹰归未求田问舍怕应羞  
见刘郎才气可惜流年忧愁风雨树犹如此倩何人唤取红巾翠袖搵英雄泪

## 前调【文官花】 辛弃疾

倚栏看碧成朱等间褪了香苞粉上林高选匆匆又换紫云衣润几许春风朝熏暮染为花忙  
损笑旧家桃李东涂西抹有多少凄凉恨拟倩流莺说与记荣华易消难整人间得意千红万  
紫转头春尽白髮怜君儒冠曾悞平生官冷筭风流未减年年醉里把花枝问

## 前调【过南涧双溪楼】 辛弃疾

举头西北浮云倚天万里须长劒人言此地夜深长见斗牛光焰我觉山高潭空水冷月明星  
淡待燃犀下看凭阑却怕风雷怒鱼龙惨峡束苍江对起过危楼欲飞还歛元龙老矣不妨高  
卧冰壶凉簟千古兴亡百年悲笑一时登览问何人又卸片帆沙岸系斜阳缆

## 前调 辛弃疾

老来曾识渊明梦中一见参差是觉来幽恨停觴不御欲歌还止白髮西风折腰五斗不应堪  
此问北牕高卧东篱自醉应别有归来意须信此翁未死到如今凛然生气吾侪心事古今长  
在高山流水富贵他年直饶来晚也应无味甚东山何事当时也道为苍生起

## 前调 辛弃疾

被公惊倒瓢泉倒流三峡词源泻长安纸贵流传一字千金争舍割肉怀归先生自笑又何廉  
也但衔杯莫问人间岂有如孺子长贪者谁识稼轩心事似风乎舞雩之下回头落日苍茫万  
里尘埃野马更想隆中卧龙千尺高吟才罢倩何人与问雷鸣瓦釜甚黄钟哑

## 前调【别傅先之】 辛弃疾

只愁风雨重阳思君不见令人老行期定否征车几辆去程多少有客书来长安却早传闻追



诏问归来何日君家旧事直须待为霖了 从此兰生蕙长吾谁与翫兹芳草自怜拙者功名相  
避去如飞鸟只有良朋东阡西陌安排似巧到如今巧处依然又拙把平生笑

前调 辛弃疾

渡江天马南来几人真是经纶手长安父老新亭风景可怜依旧夷甫诸人神州沉陆几曾回  
首筹平戎万里功名本是真儒事君知否 况有文章山斗对桐陰满庭清昼当年坠地而今试  
看风云奔走绿野风烟平泉草木东山歌酒待他年整顿乾坤事了为先生壽

前调【题三峰阁咏英华女子】 韩元吉

雨余叠巘浮空望中秀色仙都是洞天未锁人间春好玉妃曾坠锦瑟繁弦凤笙清响九霄歌  
吹问分香旧事刘郎去後知谁伴风前醉 回首暝烟千里但纷纷落红如泪多情易老青鸾何  
许诗成谁寄斗转参横半帘花影一溪寒水怅飞鳧路杳行云梦断有三峰翠

前调【九日次韵】 袁去华

汉江流入苍烟戍楼吊古临无地清霜初肃鹰扬隼击青霄凌厉新鴈声中夕阳影里千崖秋  
气念东篱采菊龙山落帽风流在尚堪继 引满松醪径醉诵坡仙临漳宵济茱萸细看明年谁  
健空悲身世儿辈何知更休说似登山临水那纷纷毁誉耳边风过我何曾记

前调【巳亥自寿二首】 刘克庄

年年岁岁今朝左弧悬罢浑无事吾衰久矣我辰安在老之将至嬾写京书怕看除目败人佳  
思把东篱揜定北牕开了悠然酌颓然睡 客有过门投?道先生访华胥氏谁能辛苦陪他绮  
语记他奇字屈指前贤戴花老监岂其苗裔待异时约取寬夫彦国入耆英会

前调 刘克庄

先生放逐方归不如前辈抽身早台郎旧秩看来却似散人新号起舞非狂行吟非怨高眠非  
傲叹终南捷径太行盘谷用卿法从吾好 闭了草庐长啸後将军来时休报牀头书在古人出  
处今人非笑制个闲词呷些薄酒野花簪帽愿云台任满又还因任赛汾阳考

前调【自和前韵二首】 刘克庄

山翁一榻萧然不知世有欢娱事雀罗庭院载醪客去催租人至报荅秋光要些酒量要些诗  
思奈长鲸罢吸寒蛩息响茶瓯外惟贪睡 穷巷幸无干?或相遇莫知谁氏柴门草户阙人守  
舍任伊题字自和山歌国风之变离骚之裔待从今去愿年年强健插花高会

### 前调 刘克庄

平生酷爱渊明偶然一出归来早题诗信意也书甲子也书年号陶侃孙儿孟嘉甥子疑狂疑傲与柴桑樵牧斜川鱼鸟同盟後归于好除了登临吟啸事如天莫相谂报田园闲静市朝翻覆回头堪笑节物催人东篱把菊西风吹帽做先生处士一生一世不论资考

### 前调 赵彦端

春溪漠漠如空望中只与新愁去何知尚有烟间余怨洛津闲赋已瘦难丰久离重见好春如许念海棠未老荼蘼欲吐且莫恨风兼雨休问无情水驿载幽怀小桡轻橹君看睡起平阶柳絮入门花雾才尽无奇客残如埽一尊谁举怅行云断後只应梦里有澄江句

### 前调【雪】 管 监

晓来密雪如筛望中莹彻还如洗梅花过了东君又放满城桃李碎翦琼英高林低树巧妆匀缀更江山秀发田畴清润满眼是丰年意谁念危楼独倚共飘零茫茫天际毫端句涩杯中酒减欢情难寄天为凄凉暂时遮尽黄茅白苇但神州目断珠宫玉阙隔三千里

### 前调 陈 亮

闹花深处层楼画帘半卷东风软春归翠陌平沙茸嫩垂杨金浅迟日催花淡云阁雨轻寒轻暖恨芳菲世界游人未赏都付与莺和燕寂寞凭高念远向南楼一声归鴈金钗鬪草青丝勒马风流云散罗绶分香翠绡封泪几多幽怨正销魂又是疎烟淡月子规声断

### 前调 黄 机

晴江滚滚东流为谁流得新愁去新愁都在长亭望际扁舟行处歌罢翻香梦回呵酒别来无据恨荼蘼吹尽樱桃过了便只恁成孤负须信情锺易感数良辰佳期应误才高自叹彩云空咏凌波漫赋团扇尘生吟笺泪渍一觴慵举但丁宁双燕明年还解寄平安否

### 前调【海棠】 马庄父

东君直是多情好花一夜都开尽杏梢零落药阑迟暮不教寧静风度秋千日移帘幙翠红交映正太真浴罢西施浓抹都沉醉娇相称磨徧绿牕铜镜挽青衫不堪比并暮云空谷佳人何处碧苔侵径睡里相看酒边凝想许多风韵问因何欠却一些香味惹旁人恨

### 前调【丙子立春怀内】 刘 镇

三山腊雪才消夜来谁转回寅斗试灯帘幙送寒幡胜暗香携手少日欢娱旧游零落异乡歌

酒到如今生怕春来太早空赢得两眉皱 春到兰湖少住肯殷勤访梅寻柳相思人远带围宽  
减粉痕消瘦双燕无凭尺书难表甚时回首想画阑倚偏东风闲却负桃花呢

前调【题连州翼然亭】 严仁

翼然新榜高亭翰林铁画燕公手滁阳盛事何人重继湟川太守太守为谁文章的派醉翁贤  
胄对千峰削翠双溪注玉端不减琅琊秀 坐啸清香画戟听丁丁滴花晴漏棠陰昼寂细赓宾  
客竹枝杨柳只恐明朝绋封趣覲未容借寇尽江山识赏盐梅事业换青鞵旧

前调【题天风海涛呈潘料院】 严仁

飚车飞上蓬莱不须更跨琴高鲤划然长啸天风瀕洞云涛无际我欲乘桴从兹浮海约任公  
子办虹竿千丈犗鉤五十亲点对连鳌饵 谁榜佳名空翠紫阳仙去骑箕尾银鉤铁画龙掣凤  
峙留人间世更忆东山哀箏一曲洒沾襟泪到而今幸有高亭遗爱寓甘棠意

前调【题盱江伟观】 严仁

城头杰观峥嵘重栏下瞰苍龙脊镂珉盘础雕檀竦窰玲珑金碧华子冈头麻源谷口神仙窟  
宅道至今清夜月明风冷常隐隐闻笙笛 翠壁烟霞缥缈更寒泉飞空千尺数峰江上孤舟天  
际夕阳红湿抖擞征尘浩然长啸跨青鸾翼向凤冈西望遥酺斗酒酌文章伯

前调【登吴江桥】 毛幵

渺然震泽东来太湖望极平无际三吴风月一江烟浪古今絶致羽化蓬莱胸吞云梦不妨如  
此看垂虹千丈斜阳万顷尽倒影青匳里 追想扁舟去後对汀洲白苹风起只今谁会水光山  
色依然西子安得超然相从物外此生终矣念素心空在徂年易失泪如铅水

前调【荼蘼】 卢祖皋

荡红流水无声暮烟细草黏天远低回倦蝶往来忙燕芳期顿嬾绿雾迷墙翠虬腾架雪明香  
暖笑依依欲挽春风教住还疑是相逢晚 不是梅妆瘦减占人间丰神萧散攀条弄蕊天涯犹  
记曲阑小院老去情怀酒边风味有时重见对枕帟空想东牕旧梦带将离恨

前调【淮西重午】 卢祖皋

会昌湖上扁舟几年不醉西山路流光又是宫衣初试安榴半吐千里江山满川烟草薰风淮  
楚念离骚恨远独醒人去阑干外谁怀古 亦有鱼龙戏舞艳晴川绮罗歌鼓乡情节意尊前同  
是天涯羁旅绿涨池塘翠陰庭院归期无据问明年此夜一眉新月照人何处

## 前调 高观国

旧家心绪如云乍舒乍卷初无定西郊载雨东城隔雾还开晴景爱踏花阴喜移月地朦胧清影任无心有意溶溶曳曳萧散处有谁问朝暮如今难准枉教他嗔春人恨远峰依旧前踪何在有时愁凝此兴飘然不妨吹断一川烟暝待良宵再入高唐梦里觅巫阳信

## 前调【问梅刘寺】 史达祖

夜寒幽梦飞来小梅影下东风晓蝶魂未冷吾身良是悠然一笑竹杖敲苔芒屨踏冻岁常先到傍苍林却恨储风养月须我辈新诗吊永以南枝为好怕从今逢花渐老愁消秀句寒回斗酒春心多少之子逃空伊人遯世又还惊觉但归来对月高情耿耿寄白云杪

## 前调【雪】 史达祖

梦回虚白初生便疑冷月通牖户不知夜久都无人见玉妃起舞银界回天琼田易地恍然非故想儿童健意生愁霁色情频在窥帘处一片樵林钓浦是天教王维画取未知授简先将高兴收归妙句江路梅愁灞陵人老又骑驴去过章台记得春风乍见倚帘吹絮

## 前调【留别社友】 史达祖

道人越布单衣兴高爱学苏门啸有时也伴四佳公子五陵年少歌里眠香酒酣喝月壮怀无挠楚江南每为神州未复阑干静慵登眺今日征夫在道敢辞劳风沙短帽休吟稊穗休寻乔木独怜遗老同社诗囊小牕鍼线断肠秋早看归来几许吴霜染鬓验愁多少

## 前调【瑞香和朱行父韵】 方岳

当年睡里闻香阿谁唤作花间瑞巾飘沉水笼熏古锦拥青绡被初日酣晴柔风逗暖十分情致掩牕纱待得香融酒醒尽消受这春思从把万红排比想较伊更争些子诗仙老手春风妙笔要题教似十里扬州三生杜牧可曾知此趁紫唇凝绽芳心半逗与骚人醉

## 前调【海棠和朱行父韵】 方岳

书长庭院深深春柔一枕流霞醉蒙?欲醒娇羞还困锦屏围翠豆蔻初凝樱桃微绽玉阑同倚记华清浴起渭流波暖红涨腻弃脂水燕子来时天气尽韶风与诗为地芳丛雨歇露痕日酽英英仙意莫恨无香最怜有韵天然情致待问春能几五更犹是?今宵睡

## 御选历代诗余卷七十四

# 卷七十五

钦定四库全书

御选历代诗余卷七十五目錄【一百二字】

水龙吟【下】

张榘【五首】

洪璚

方千里

陈以庄

黄昇

吴文英【二首】

陈允平

丁宥

周密【三首】

王沂孙

张炎

楼扶

汪元量

王易简

吕同老

练恕可

赵汝钠

唐珏

赵闻礼

施岳

陈沂孙

葛长庚

王渥

段克己

王恽

白朴

周景

曾允元

萨都拉

张翥【五首】

张埜【十首】

刘基【三首】

赵南星

沈宜修

叶小鸾

前调【又一体】

曹组

前调【又一体】

赵长卿

前调【又一体】

程垓

吴文英

前调【又一体】

吴文英

前调【又一体】

赵彦端

前调【又一体】

辛弃疾

御选历代诗余卷七十五目錄

钦定四库全书

御选历代诗余卷七十五【一百二字】

司经局洗马掌局事兼翰林院修撰加二级【臣】王奕清奉旨校刊

水龙吟【下】

水龙吟【次韵虚斋先生雨花宴集】 张 榘

暮云低鎖荒台凭闌四望天垂地曼花半夜蜚香繚繞昔人曾记往事悠悠物华非旧江山仍

丽帐斜阳芳草长安不见共谁洒新亭泪 开放林峦旧址动骚人一番词意青油幕里相忘鱼  
鸟水边云际却恨清游未能追逐区区僚底问何如脱了尘埃墨绶为虚斋醉

前调 张 榘

昼长帘幙低垂时时风度杨花过梁问燕子芹随香觜频沾泥浣苦被流莺蹴翻花影一阑红  
露看残梅飞尽枝头微认青青子些儿大  
谁道洞门无鎖翠苔藓何曾踏破好天良夜清风明月正须着我闲展蛮牋寄情

词调唱成谁和问晓山亭下山茶经雨早来开麼

前调【次前韵】 张 榘

暮天丝雨轻寒寒光春色看看过梅花谢了苍苔万点香残粉浣犹喜墙头一枝娇袅杏顚微  
露筭几回逗晓朱阑独倚悄只怕东风大 浮世名缰利鎖这区区要须识破沧波夜月翠微云  
树依然还我重结鸥盟细聽莺语自歌自和问黄沙飞鏃红尘走马又还知麼

前调【顽雪欺春次前韵】 张 榘

先来花较开迟怎禁风雪摧残过红英紫萼从他点缀翻成沾浣一点清香几多穠艳紧藏不  
露伴杨花散漫逡巡堆积纖粟处妆成大 多谢东君造化把羣英一朝除破千机锦绣露浓香  
软中间坐我嚼徵含商振金敲玉坝篴相和问西湖别有一番桃李肯同游麼

前调【次前韵】 张 榘

近家添得园亭晓山时看飞云过拥石栽梅疏池傍竹翦除荒浣更喜南墙杏顚桃脸含羞微  
露筭莺花世界都来十亩规模好何须大 开放两眉上鎖把春前新醅拨破病酒无聊且容觴  
客无多酌我底用歌喉柳边自有鸣禽相和逗归来折得花枝教看似人人麼

前调【追和晁次膺】 洪 璚

经年不见书来後期杳杳从谁问梅英腊小柳枝金嫩艳阳春近罗幙风柔泛红浮緑连朝花  
信念平生多少情条恨叶镇长使芳心困 可是风流薄命镜台前?余鬟茜桃凝粉薰兰涨腻  
翠愁红损纵使归来灯前月下恐难相认卷重帘顚顚残妆泪洗把罗襟搵

前调【海棠次周美成韵】 方千里

锦城春色移根丽姿迴压江南地琼酥拂脸粉云满袖羣芳羞避双燕来时暮寒庭院雨藏烟  
闭正春眠未足宫妆尚怯还轻洒臙脂泪 长是欢游花底怕东风陡成怨吹高烧银烛梁州催



按歌声渐起綠态多慵红情不语动摇人意  
筭吴宫独步昭阳第一可依稀比

前调 陈以庄

晚来江濶潮平越船吴榜催人去稽山滴翠胥涛溅恨一襟离绪  
访柳章台问桃仙浦物华如故向秋娘渡口泰娘桥畔依稀是相逢处  
窈窕青门紫曲蒨罗新衣翻金缕旧音恍记轻拢慢捻哀弦危柱金屋难成  
阿娇已远不堪春暮听一声杜宇红殷綠老雨花风絮

前调 黄昇

少年有志封侯弯弓欲挂扶桑外一朝歛缩萧然清兴了无拘碍  
袖里陰符枕中鸿宝功名蝉蜕看舌端霹雳剧谈玄妙人间世疑无对  
阆苑醉乡佳处想当年綠英犹在羣仙寄语不须点勘鬼神功罪碧海千寻  
赤城万丈风高浪快待踞龟食蛤相期汗漫与烟霞会

前调【惠山泉】 吴文英

艳阳不到青山古陰冷翠成秋苑吴娃点黛江妃拥髻空蒙遮断树密藏溪草  
深迷市峭云一片二十年旧梦轻鸥素约霜丝乱朱顏变 龙吻春霏玉溅煮银餅  
羊肠车转临泉照影清寒沁骨客尘都浣鸿渐重来夜深华表露零鹤怨把闲愁  
换与楼前晚色棹沧波远

前调 吴文英

杜陵新柳狂吟砚波尚湿红衣露仙桃宴早江梅春近还催客句宫漏传鸡禁门  
嘶马宦情热处正黄编夜展天香字?春葱翦红蜜炬 宫帽鸾枝碎舞思飘扬  
驪仙风举星罗万卷云驱千阵飞豪海雨长壽杯深探春腔稳江湖同赋又看看  
便系金狨莺晓傍西湖路

前调【化凤花】 陈允平

杜鹃啼老春愁泪痕化作臙脂雨飞花乱点东风枝上红翔翠翥丹穴鸣初碧梧  
栖未凄凉山坞怅琼姬梦远玉箫声断孤鸾影对谁舞 林下风光自许筭何心玉京  
瑶圃阑干碎倚游尘香散芳菲无主经院僧眠月楼钟静欲飞还驻待青松化尽苍  
龙头角共乘云去

前调 丁宥

鴈风吹裂云痕小楼一缕斜阳影残蝉抱柳寒蛩入户凄音忍听愁不禁秋梦还  
惊客青灯孤枕未更深早是梧桐泣露那更度兰宵永 空叹银餅金井醉乡醒温柔  
乡冷征尘倦扑闲花漫舞何心管领葱指冰弦蕙怀春锦楚梅风韵怅芙蓉城杳蓝云  
依黯鎖巫峰暝

前调 周密

燕翎谁寄愁筹天涯极望王孙草新烟换柳光风浮蕙余寒尚峭倚杖看云翦灯听雨几番诗  
酒叹长安倦客江南旧恨飞花乱清明後 堤上斜阳风骤散香绵轻沾吟袖麴尘两岸纹波十  
里暖蒸香透海阔云深水流春远梦魂难勾问莺边按谱花前觅句解相思否

前调 周密

舞红轻带愁飞宝鞦暗忆章台路吟香醉雨吹箫门巷飘梭院宇立尽残阳眼迷晴树梦随风  
絮叹江潭冷落依旧恨人空老柳如许 锦瑟年华暗度赋行云空题短句晴丝系燕么弦弹  
凤文君更苦烟水流红暮云凝紫是春归去怅江南望远苹花自采寄将愁与

前调【白莲】 周密

素鸾飞下青冥舞衣半惹凉云碎蓝田种玉绿房迎晓一匳秋意擎露盘深忆君凉夜暗倾铅  
水想鸳鸯正结梨云好梦西风冷还惊起 应是飞琼仙会倚凉飈碧簪斜坠轻妆鬪白明璫照  
影红衣羞避霁月三更粉香千点静闻十里聽湘弦奏彻冰绡偷翦聚相思泪

前调【白莲】 王沂孙

翠云遥拥环妃夜凉按彻霓裳舞铅华净洗娟娟出浴盈盈解语太液荒寒海山依约断魂何  
许甚人间别有冰肌雪艳娇无奈频相顾 三十六陂烟雨旧凄凉向谁堪诉如今漫说仙姿自  
洁芳心更苦罗襪初停玉璫还解早淩波去试乘风一叶重来月底与修花谱

前调【白莲】 张炎

仙人掌上芙蓉娟娟犹湿金盘露轻妆照水纤裳玉立飘飘似舞几度销凝满湖烟月一汀鸥  
鹭记小舟夜悄波明香远浑不见花开处 应是浣纱人妒褪红衣被谁轻悞闲情淡雅冶容清  
润凭娇待语隔浦相逢偶然倾盖似传心素怕湘皋佩解绿云十里卷西风去

前调【梨花】 楼扶

素娥洗尽繁妆夜深步月秋千地轻颺晕玉柔肌笼粉缬尘斂避霁雪留香晓云同梦昭阳门  
闭怅仙源路杳曲栏人寂疎雨湿盈盈泪 未放游蜂叶底怕春归不禁狂吹象牀困倚冰魂微  
醒莺声唤起愁对黄昏恨催寒食满襟离思想千红过尽一枝独冷把梅花比

前调【淮河舟中夜闻宫人琴声】 汪元量

鼓鼙惊破霓裳海棠亭北多风雨歌阑酒罢玉啼金泣此行良苦驼背模糊马头匝匝朝朝暮  
暮自都门燕别龙艘锦缆空载得春归去 目断东南半壁怅长淮已非吾土受降城下草如霜  
白凄凉酸楚粉阵红围夜深人静谁宾谁主对渔灯一点羈愁一搦谱琴中语

前调【白莲】 王易简

翠裳微护冰肌夜深暗泣瑶台露芳容淡泞风神萧散凌波晚步西子残妆环儿初起未须匀  
注看明璫素鞵相逢顚顚当应被薰风悞十里云愁雪妒抱凄凉盼娇无语当时姊妹朱颜褪  
酒红衣按舞别浦重寻旧盟惟有一双鸥鹭伴玉颜月晓盈盈冷艳洗人间暑

前调【白莲】 吕同老

冰肌不污天真晓来玉立瑶池里亭亭翠盖盈盈素靥时妆净洗太液波翻霓裳舞罢断魂流  
水甚依然旧日浓香淡粉花不似人顚顚欲唤凌波仙子泛扁舟浩波千里只愁回首冰奩半  
掩明璫乱坠月影凄迷露华零落小栏谁倚共芳盟犹有双栖雪鹭夜寒惊起

前调【白莲】 练恕可

素姬初宴瑶池佩环误落云深处分香华井洗妆湘渚天姿淡泞碧盖吹凉玉冠迎晓盈盈笑  
语记当时乍识江明夜净只愁被婵娟误几点沙边飞鹭旧盟寒远迷烟雨相思未尽纈罗曳  
水清铅泣露玉镜台空银瓶绾絶断魂何许待今宵试采中流一叶共凌波去

前调【白莲】 赵汝钠

淡妆不埽蛾眉为谁伫立羞明镜真妃解语西施净洗娉婷顾影薄露初匀纈尘不染移根玉  
井想飘然一叶颼颼短髮中流卧浮烟艇可惜瑶台路迴抱凄凉月中难认相逢还是冰壶浴  
罢牙牀酒醒步鞵空留羽衣微褪粉残香冷望海山依约时时梦想素波千顷

前调【白莲】 唐珣

淡妆人更婵娟晚奩净洗铅华腻冷冷月色萧萧风度娇红欲避太液池空霓裳舞倦不堪重  
记叹冰魂犹在翠輿难驻玉簪为谁轻坠别有凌空一叶泛清寒素波千里珠房泪湿明璫恨  
远旧游梦里羽扇生秋琼楼不夜尚遗仙意奈香云易散绡衣半脱露凉如水

前调【水仙花】 赵闻礼

几年种玉蓝田緑云翠水烘春暖衣薰麝馥鞵罗尘沁凌波步浅钿碧搔头腻黄冰脑参差难  
翦乍声沉素瑟天风佩冷蹁跹舞霓裳徧满湘浦盈盈月抱相思夜寒肠断含香有恨招魂无  
路瑶琴写怨幽韵凄凉暮江空渺数峰清远粲迎风一笑持花酌酒结南枝伴

前调 施岳

翠鳌涌出沧溟影横栈壁迷烟墅楼台对起栏干重凭山川自古梁苑平芜汴堤疏柳几番晴

雨看天低四远江空万里登临处分吴楚 两岸花飞絮舞度春风满城箫鼓英雄暗老晓潮昏  
汐归帆过櫓淮水东流塞云北度夕阳西去正凄凉望极中原路杳月来南浦

前调【金凤花】 陈沂孙

阶前砌下新凉嫩姿弱质婆娑小仙家甚处凤雏飞下化成窈窕尖叶参差柔枝袅娜体将玉  
造自川葵放後堂萱谢了是园苑无花草 自恨西风太早逞芳容紫团绀绕管里低昂篴头约  
掠空成懊恼圆胎结就小铃垂下直开临晓向凡间谪堕不知西帝曾关宸抱

前调 葛长庚

云屏漫鎖空山寒猿啼断松枝翠芝英安在术苗已老徒劳屐齿应记洞中凤箫锦瑟镇常歌  
吹怅苍苔路杳石门信断无人问溪头事 回首暝烟无际但纷纭落花如泪多情易老青鸾何  
处书成难寄欲问双蛾翠蝉金凤向谁娇媚想分香旧恨刘郎去後一溪流水

前调【从商师国器猎同裕之赋】 王 渥

短衣匹马清秋惯曾射虎南山下西风白水石鲸鳞甲山川图画千古神州一时胜事宾僚儒  
雅快长堤万弩平冈千骑波涛卷鱼龙夜 落日孤城鼓角笑归来长围初罢风云惨淡貔貅得  
意旌旗闲暇万里天河更须一洗中原兵马看鞭?呜咽咸阳道左拜西还驾

前调【壽舍弟菊轩】 段克已

天高秋气初清姑汾山水增明秀黄花红叶输香泛艳恰过重九细捻金蕤旋题新句满斟芳  
酒况人生自有安排去处须富贵何时休 休说山中宰相也不效斜川五柳鉏犁自把山田耕  
罢双牛随後经史传家儿孙满眼渐能承受待与君坐閱庄椿岁月作皤然叟

前调【赋秋日红梨花】 王 恽

纖苞淡贮幽香玲珑轻鎖秋阳丽仙根借暖定应不待荆王翠被潇洒轻盈玉容浑是金茎露  
气甚西风宛转东栏暮雨空点缀真妃泪 谁遣司花妙手又一番角奇争异使君高卧竹亭闲  
?故来相慰燕几螺屏一枝披拂绣帘风细约洗妆快泻玉餠芳酒枕秋蟾醉

前调【维阳途中值雨】 白 朴

短亭休唱阳关柳丝惹尽行人怨鸳鸯只影枯荷蒂淡沙寒水浅红绶双衔玉簪中断苦难留  
恋更黄花细雨征鞍催上青衫泪一时溅 回首孤城不见黯秋空去鸿一线情缘未了谁教重  
赋春风人面鬪草闲庭采香幽径旧曾行徧漫今宵酒醒无言有恨恨天涯远

## 前调 周 景

人生能几相逢百年四海为兄弟旧时青眼今番白髮年华陨涕春更无情抛人先去杨花无  
蒂况江程渐短别期渐紧须重把兰舟系 幸自清江如砥指黄垆流莺声细沧波如许平芜何  
处明朝迢递何预兴亡不如休去墙陰挑荠且相期共看蓬莱清浅更三千岁

## 前调【春梦】 曾允元

日高深院无人榴花扑帐春云暖回文未就停鍼不语绣牀倚偏翠被笼香緑鬢堕膩伤春成  
倦尽云山烟水柔情一缕又暗逐金鞍远 鸾佩相逢甚处似当年刘郎仙苑凭肩後约画眉新  
巧从来未惯枕落钗声帘开燕语风流云散甚依稀难记人间天上有缘重见

## 前调【赠友】 萨都拉

王郎锦带吴鉤醉骑赤鲤银河去绦袍弄月银壶吸酒锦笺挥兔秃鬢西风短篷落月东吴西  
楚怅丹阳郭里相逢较晚共翦烛西窓雨 文采风流俊伟碧纱巾挂珊瑚树出门万里掀髯一  
笑青山无数扬子江头冻沙寒雨暮天飞鹭待明朝酒醒金焦系楫过瓜洲渡

## 前调【傳渊道宅赏紫牡丹】 张 翥

紫云何处飞来仙家别有藏春洞刻缁纹绉镂檀色膩熏脐香重谷雨初晴榆烟新换棟花微  
动是花姑养就韩仙染出还分与人间种 好与密遮绣幄护玉环三生妖梦只愁今夜緑丛月  
老朱房露冻便唤秋娘重浇卯酒缓歌低送倩红鸾与约韶华少住作尊前供

## 前调【次韵王本中赋楼子芍药】 张 翥

宝楼十二玲珑仙家只在云间住金盘舞罢罗裙襞皱乘风欲去画檻移香彩鸾衔信几番延  
伫看钗边叠萼天然富贵妆台近有人妒 勾引广陵遗恨倩流莺为花低诉年年长是芳菲时  
候满城烟絮春色三分落红千片总成尘土向月明空羨双双睡蝶宿花房露

## 前调【广陵送客赋蓼花】 张 翥

芙蓉老去妆残露花滴尽珠盘泪水天潇洒秋容冷淡凭谁点缀瘦苇黄边疎苹白外满汀烟  
穠把余妍分与西风染就犹堪爱红芳媚 几度临流送远向花前偏惊客意船窓雨後数枝低  
入香零粉碎不见当年秦淮花月竹西歌吹但此时此处丛丛满眼伴离人醉

## 前调【蜡梅】 张 翥

玉人相貌堪怜晓妆一洗铅华尽此花应是菊分顔色梅分风韵萼点酡酥口攒金磬心凝檀

粉甚女贞染就仙衣絶胜蜂儿重鹅儿嫩 说与玉龙莫品怕宫波一般流恨故人堪寄折枝代  
取江南春信沉水全熏麝丝密缀额黄深晕乍燕姬未识是花是蜡笑佯人问

前调【听房自然歌为赋】 张翥

春风琼树香中数声恰似流莺啭歌尘飞下落花起舞骊珠脱串豆蔻珠帘牡丹雪岭小桃人  
面是自然絶艺天然画谱霓裳序六么偏 独占二分月色向尊前几番曾见赏音如此不辞醉  
墨为题纨扇浪雨闲云剩香残黛莫论恩怨看穠花又老情缘未断寄楼中燕

前调【咏游丝】 张埜

落花天气初晴随风几缕来何处飘飘冉冉悠悠漾漾欲留还去雪茧新抽青虫暗坠檐珠轻  
度看垂虹百尺萦回不下似欲系春光住 凭仗何人收取付天孙云绡机杼浮踪浪迹忍教长  
伴章台飞絮惹起闲愁织成离恨万头千绪望天涯尽日柔情不断又闲庭暮

前调【题湖山胜槩亭】 张埜

翠微曾共登临冷光潋灩波千顷玉京佳处景虽天造地因人胜若把西施淡妆浓抹两相比  
并得此间如对姮娥仙子慵梳掠临鸾镜 满意曲栏芳径早安排两篷烟艇茶瓯雪卷纹楸  
响醉魂初醒湖海高情林泉清意几人能领筭知音只有中宵凉月浸蓬莱影

前调【游钱塘西山】 张埜

一鞭空醉烟霏笑谈已到山深处丹崖翠壁野猿幽鸟冷泉高树兜率天中蓬壶境内偶成佳  
寓正扪参历井穷探未了回首早踈钟暮 画舸亭亭横渡醉归来被谁留住云窗雾阁羣仙应  
笑尘缘相误白雪歌残青鸾梦觉满身风露料明年却向古台高处忆桃源路

前调【和马西麓韵】 张埜

故人邂逅相逢满怀和气浑无际别来一载光阴回首水流星坠白雪歌词青云人物知音有  
几把沧溟倒卷天瓢满吸须 了为君醉 醉眼瞢腾不寐直望断长空万里风清雾冷乾坤似  
昼月华如洗梦里遨游蕊珠宫殿飘然得意到醉来有句且休拈出怕惊人世

前调【登滕王阁】 张埜

画檐耸翠凌霄暮云还送西山雨千年陈迹一时胜槩东南宾主佩玉鸣銮西风吹入江声柔  
橹漫登临赢得征鞍倦客离思乱乡心苦 一梦繁华何许空留得悲凉今古雄文健笔星辉日  
映鬼呵神护倚徧阑干有心也待题留新句见一双白鹭苍烟影里背人飞去

前调【暇日过田学士村居】 张 埜

翠凝冷浸清溪洞天惟许仙家住主人新葺柳亭梅坞竹轩松户緑野风烟东山泉石少人知  
处怕椿翁早晚急流勇退田园记已成趣 不恋銮坡玉署要管领东皋朝暮君应解得风波何  
限功名良苦琥珀醕浓玻璃盏大醉扶归路料沙头鸥鹭也应笑我却匆匆去

前调【饮刘氏春野亭用前韵】 张 埜

梦回花露沾衣夜深酩酊谁留住依稀犹记春风亭榭野云牕户物外仙姿一声白雪翠凝深  
处要风流陶写等闲莫遣儿童辈识真趣 四海知音难遇尽疎狂暝烟催暮一杯未举两眉长  
皱人生何苦只恐明朝玉骢迷卻武陵溪路倘刘郎不厌醒时来访醉时归去

前调【重九登南高峯寄柳汤佐】 张 埜

重阳何处登临玉骢惯试南山路秋空絶顶西风两鬓白云双屐浙浦寒潮苏堤画舸吴宫烟  
树不一尊琼液数声金缕将此景成虚负 试觅旧题诗句早斓斑雨苔无数琼泉宝瑟不堪重  
记泛觴流羽笑捻黄花闲寻红叶故人何处倚危阑北望燕云晦霭又征鸿暮

前调【咏杏花】 张 埜

雪香飞尽江梅上林桃李寒犹紧墙头惊见枯枝闹簇生红初喷嫩柳亭台新晴巷陌清明相  
近甚等闲勾引狂蜂戏蝶早不管人春困 不怕蜡痕轻褪怕东风乱飘残粉琐牕犹记双鹅细  
翦一簪幽恨骏马如飞流光似箭归期难准料黄昏凝雨盈盈如泪把臙脂搵

前调【酌辛稼轩墓】 张 埜

岭头一片青山可能埋没凌云气遐方异域当年滴尽英雄清泪星斗撑肠云烟盈纸纵横游  
戏漫人间留得阳春白雪千载下无人继 不见戟门华第见萧萧竹枯松悴问谁料理带湖烟  
景瓢泉风味万里中原不堪回首人生如寄且临风高唱逍遥旧曲为先生醉

前调【夜闻铜瓶汤响】 刘 基

玉釭开尽丹葩画檐深宿蟾蜍影门掩清宵声来何处堂空人静如竹梳风如荷遇雨如泉发  
井向罗帏细细如歌如语还如暗虫相命 绣被熏沉正暖梦云车紫鹄双并洞庭旷野九韶齐  
奏殷天笙磬别有蛾眉鼓琴弹瑟江鸣山应待翛然睡觉灯存余燄鸡啼牕烟

前调【吹箫曲用东坡韵】 刘 基

秦台人去无踪空余緑树连天表瑶京路远缙山夜永离愁萦绕露咽秋蝉霜凄白鹤月寒烟

裊想孤鸞舞罷碧桃花盡長是怨多歡少 夢里駟車過處見蒼梧九峰青小修篁染淚滄江流  
恨年年不了廣莫風悲昭華玉冷聲沉雲杪又扶桑日上靡薢光散蓮池春曉

前調【和東坡韻】 劉 基

鷄鳴風雨蕭蕭側身天地無劉表啼?迸淚落花飄恨斷魂飛繞月暗雲霄星沉烟水角聲清裊  
問登樓王粲鏡中白髮今宵又添多少 極目鄉關何處渺青山髻螺都小几回好夢隨風歸去  
被渠遮了寶瑟弦僵玉笙簧冷冥鴻天杪但侵堦莎草滿庭綠樹不知昏曉

前調【楊花】 趙南星

春閨忒恁愁人已看盡落紅翻墜楊花更慘映日連空撩人情思飛過高城尋來小院從教門  
閉偶苹風乍定商量暫住低飛燕還扶起 何物疑花亂玉几曾堪髻簪衣綴蘭閨人倦多愁牽  
夢難成易碎小玉聲喧晴天雪下香堦無水憶遼西何處神魂蕩漾暗拋紅淚

前調【明媛】 沈宜修

石城潮打千秋消磨不盡還相逗閑雲無定野水長縈縈紛繞岫古古今今朝朝暮暮如何參  
透嘆依然風景茫茫交集但凭得秋容瘦 看取嬋娟秋色西風搖落應憐否碧天空闊寒烟無  
數怨砧淒漏把杯邀月恨濃愁極 他中酒問廣寒丹桂飄殘何處斷香盈袖

前調【明媛】 叶小鸞

昼長人靜沉沉綠楊正嫋深深院畫帘低映薄羅無暑汗消珠釧蘭畹香清湘筠影瘦翠陰遮  
徧听蓮歌處處悠揚逸韻半入水風烟片 一霎雨余明淨晚雲如黛花如鈿舟移萍亂芳香袖  
惹媚風輕扇一色紅妝千重翠蓋參差江面更堪憐歸路平波杳杳夕陽斜見

前調【又一体牡丹】 曹 組

曉天谷雨晴時翠羅護日輕烟里醺醺徑?柳花風淡千葩濃麗三月春光上林池館西都花市  
看輕盈隱約何須解語凝情處無窮意 金殿筠籠歲貢最姚黃一枝嬌貴東風既與花王芍藥  
須為近侍歌舞筵中滿裝歸帽斜簪雲髻有高情未已齊燒綵蜡向闌邊醉

前調【又一体咏云】 趙長卿

先來天與精神更因雨景添殊態拖輕冉冉才凝一段還分五彩畢竟非烟有時為雨惹晴無  
奈道無心怎被歌聲遏斷遲遲向青天外 宜伴先生醉卧得饒到和山須買也曾惱煞襄王誰  
道依前不會我欲乘歸去翻恨帝鄉何在念佳期未展天長暮合盡空相對



前调【又一体】程垓

夜来风雨匆匆故园定是花无几愁多愁极等闲辜负一年芳意柳困桃慵杏青梅小对人容易  
筭好春长在好花长见元只是人顚顚回首池南旧事恨星星不堪重记如今但有霜花老  
眼伤情清泪不怕逢花瘦只愁怕老来风味待繁红乱处留云借月也须醉

前调【壽嗣荣王】吴文英

望中璇海波新信槎又匝银河转金风细袅龙枝声奏钧箫秋远南极飞仙夜来催驾祥光重  
现紫霄承露掌瑶池密蟠桃秀螽莲绽新栋晴云凌汉早凉生兰繁书卷绣裳五色昆台十  
二香深帘卷花萼楼高处连清晓千秋传宴赐长生玉字鸾回凤舞下蓬莱殿

前调【又一体用见山韵饯别】吴文英

夜分溪馆渔灯巷声乍寂西风定河桥送远玉箫吹断霜丝舞影薄絮秋云澹蛾山色宦情归  
兴怕烟江渡後桃花又泛宫沟上春流紧新句欲题还省透香煤重笺悞隐西园已负林亭移  
酒松泉荐茗携手同归处玉奴唤绿牕春近想骄骢又踏西湖二十四番花信

前调【又一体雨】赵彦端

淡烟轻雾蒙蒙望中乍歇凝晴昼才惊一霎催花还又随风过了清带梨梢晕含桃脸添春多  
少向海棠点点香红染徧分明是臙脂透无奈芳心滴碎阻游人踏青携手檐头线断空中丝  
乱才晴却又帘幙中间垂处轻风送一番寒峭正留君不住潇潇更下黄昏後

前调【又一体咏瓢泉】辛弃疾

听兮清佩琼瑶些明兮镜秋毫些君无此去流昏涨腻生蓬蒿些虎豹甘人渴而饮汝宁猿猱  
些大而流江海覆舟如芥君无助狂涛些路险兮山高些予块独处无聊些冬槽春盎归来为  
我制松醪些其外芬芳团龙片凤煮云膏些古人兮既往嗟予之乐乐箪瓢些

御选历代诗余卷七十五

# 卷七十六

＜集部,词曲类,词选之属,御选历代诗余

钦定四库全书

御选历代诗余卷七十六目錄【一百二字】

水龙吟【又一体】

苏轼

向子諲

杨无咎

刘过

李昴英

陈允平

张炎【二首】

翁元龙

黄孝迈

何梦桂

赵汝钠

李居仁

杨樵云【二首】

钱继章

叶小鸾【二首】

前调【又一体】

孔方平

晁端礼

蔡伸

赵长卿

杨无咎

赵彦端

姜夔

陆游【二首】

刘镇【二首】

莫仑

胡仔

前调【又一体】

周紫芝

张紉

前调【又一体】

赵彦端

晁端礼

石州慢【又一体】

贺铸

张元干

谢懋

高启

前调【又一体】

张炎

前调【又一体】

蔡松年

元好问

张翥

张埜

宴清都【又一体】

周邦彦

何籀

赵善扛

卢祖皋

赵必????

吴文英【三首】

周密

春从天上来

周伯阳

安公子【又一体】

陆游

金盏子【又一体】

史達祖

绮寮怨

陈允平

鬬百草【又一体】

晁补之

恋春芳慢

晁端礼

御选历代诗余卷七十六目錄

钦定四库全书

御选历代诗余卷七十六【一百二字】

司经局洗马掌局事兼翰林院修撰加二级【臣】王奕清奉旨校刊

水龙吟

【又一体双调一百二字】

水龙吟【杨花】苏轼

似花还似非花也无人惜从教坠抛街傍路思量却是无情有思萦损柔肠困酣娇眼欲开还  
闭梦随风万里寻郎去处又还被莺呼起不恨此花飞尽恨西园落红难缀晓来雨过遗踪何  
在一池萍碎春色三分二分尘土一分流水细看来不是杨花点点是离人泪

前调 向子諲

梦回寒入衾裯晓惊忽堕瑶林里穿帷透隙落花飞絮难穷巧思着帽披裘挈壶呼友倚空临水望琼田不尽银涛无际浮皓色来天地 遥想吴郎病起正冷牕微

吟拥鼻持牋赠我新词絶唱珠零玉碎余兴追游清芬坐对高谈倾耳晚归来风埽停云万里月华如洗

前调【雪】 杨无咎

小轩潇洒清宵午风正紧门深闭藜牀危坐竹牕频听春虫扑纸灯烬垂红篆烟消碧衣轻如水料飞花未止堆檐已满时摧折琅玕尾 骨冷魂清无寐这身在广寒宫里暗怀千古浑疑一夜冰生肠胃岁事峥嵘故园睽阻归期犹未向寒乡不念丰年只忆青天万里

前调 刘过

谪仙狂客何如看来毕竟归田好玉堂无此三山海上虚无缥缈读罢离骚案香犹在觉人间小任菜花葵麦刘郎去後桃开处皆多少 一夜雪迷兰棹傍寒溪欲寻安道而今纵有刘郎冰柱有知音否想见鸾飞如椽健笔檄书亲草筭平生白傅风流未肯向香山老

前调【和吴宪韵且坚郁孤之约】 李昉英

驿飞稳驾高秋迎人满目清新景秋还有色芙蓉照水晨妆对镜雪卷寒芦字横过鴈渡浮孤艇是骚人行处腔风调月香满袖过梅岭 断岸烟收人静雨声乾桐疎枫冷掀髯独笑仙翁起舞卧龙呼醒近小阳春为梅也合迟迟鞭影更郁孤一笑追欢料得坡翁首肯

前调【梨花】 陈允平

晓莺啼醒春愁粉香独步千红地庭闲散缟林空翦雪鸥惊鹤避妒月魂凄行云梦冷温柔乡闭渐黄昏院落清明时候东风里无情泪 织翠玲珑叶底倚阑人玉龙休吹残妆未洗芳心微露昭阳睡起恨结连环舞停双佩水晶如意倩蜂媒聘取琼花细与向尊前比

前调【春晚留别故人】 张炎

乱红飞已无多艳游终是如今少一番雨过一番春减催人渐老倚槛调莺卷帘收燕故园空杳奈关愁不住悠悠万里浑恰是天涯草 不拟相逢古道才疑梦又还惊觉清风在柳江摇白浪舟行趁晓遮莫重来不如休去怎堪怀抱那知又五柳门荒曾听得鶯啼了

前调【寄袁竹初】 张炎

几番问竹平安鴈书不尽相思字篱根半树村深孤艇阑干屡倚远草兼云冻河胶雪此时行李望去程无数并州回首还又渡桑乾水笑我曾游万里甚匆匆便成归计江空岁晚栖迟犹在吴头楚尾踈柳经寒断槎浮月依然顚顚待相逢说与相思想亦在相思里

#### 前调 翁元龙

画楼红湿斜阳素妆褪出山眉翠街声暮起尘侵鐙户月来舞地官柳招莺水蒨飘雁隔年春意黯梨花散作人间好梦琼箫在锦屏底乐事轻随流水暗兰消作花心计情丝万轴因春织就愁罗恨绮昵枕迷香占帘看夜旧游经醉任孤山剩雪残梅渐嬾跨东风骑

#### 前调 黄孝迈

闲情小院沉吟草深柳密帘空翠风檐夜响残灯慵剔寒轻怯睡店舍无烟关山有月梨花满地二十年好梦不曾圆合而今老都休矣谁共题诗秉烛两厌厌天涯别袂柔肠一寸七分是恨三分是泪芳信不来玉箫尘染粉衣香退待问春怎把千红换得一池綠水

#### 前调【和何逢原见壽】 何梦桂

倚牕闲𩚑梅花霜风入袖寒初透吾年如此年年十月见梅如旧白髮青衫苍顔鹤骨花前尊酒问梅花与我是谁瘦絶正风雨年时候不怕参横月落怕人生芳盟难又高楼何处寒英吹落玉龙休奏前日花魁後來羹鼎总归岩岫但逋仙流落诗香留与孤山同壽

#### 前调【白莲】 赵汝钠

露华洗尽凡妆玉妃来侍瑶池宴风裳水佩冰肌雪艳清凉不汗解语情多凌波步稳酒容消散想温泉浴罢天然真态浑疑是宫妆浅暗想凄愁别岸粉痕消香顚凝腕云空水冷此情惟许鹭知鸥见羽扇微摇翠帷低拥清凉庭院待夜深月上阑干更邀取姮娥伴

#### 前调【白莲】 李居仁

蕊仙羣拥宸游素肌恰似波心冷霜裳缟夜冰壶凝露红尘洗尽弄玉轻盈飞琼绰约淡妆临镜更多情一片碧云不卷笼娇面回清影菱唱数声乍听载名娃藕丝萦艇雪鸥沙鹭夜来同梦晓风吹醒酒晕全消粉痕微渍色明香莹问此花曷贮瑶池应未许繁花并

#### 前调 杨樵云

多情不在分明绣牕日日花陰午依依云絮溶溶香雪覩他寻路一滴东风怎生消得翠苞红翎被踈钟敲断流莺唤起但长记弓弯舞空是相思入骨到如今月痕同醉教人枉了若还真个匆匆如此全未惺?纈纹生眼胡牀犹据筭从前总是无凭待说与如何寄

前调 杨樵云

一枝斜堕墙腰向人颤袅如相媚是谁翦取断云零玉轻盈妆缀不是幽人如何能到水边沙际又匆匆过了春风半面尽长把重门闭 只管相思成梦道无情又关乡意苍苔半亩如今已是鹿胎田地甚欲追陪却嫌花下翠环解语待何时月转幽房醉了不教归去

前调【咏杨花和东坡韵】 钱继章

细风铍似吴刀翦成了冰花吹坠但看花落不覩花开怎生情思十五佳人凝妆未了纸牕深闭听侍儿传语漫天飞絮今年又春愁起乍向碧空飘下问长条可容重缀芳心无奈紫骝声疾黄莺声碎谁伴浮踪朱樱古陌碧桃新水料南来几树柔枝博尽了行人泪

前调【明媛】 叶小鸾

芭蕉细雨潇潇雨声断续砧声逗凭阑极目平林如画云低晚岫初起金风乍零玉露薄寒轻透想江头木叶纷纷落尽只余得青山瘦 且问沆寥秋气当年宋玉应知否半帘香雾一庭烟月几声残漏四壁蛩吟数行征鴈漫消杯酒待东篱绽满黄花摘取暗香盈袖

前调 叶小鸾

井梧几树凉飘满庭景色仍如旧啼鸦数点斜阳一缕挂残踈柳有恨林花无情衰草风吹重又看轻陰带雨天涯万里楼高漫频搔首 记泊石城烟渚落红孤鹜常如绣轻舟画舫布帆兰桡暮云天皱水静初澄蓼红将醉早秋时候对庭前萧索西风惟有寒蝉高奏

前调【又一体】 孔方平

去年今日关山路踈雨断魂天气据鞍惊见梅花的皪篱边水际一枝折得雪妍冰丽风梳雨洗正水村山馆倚阑愁立有多少春情意 好是孤芳莫比自不分歌梁舞地暗香踈影高禅文友清谈相对琴韵初调茗瓯催瀹炉熏欲试向此时一段风流付与晋人标致

前调【桃花】 晁端礼

岭梅香雪飘零尽红杏枝头犹未小桃一种妖娆偏占春工用意微喷丹砂半含朝雾粉墙低倚正春寒露井高楼帘外争凝睇东风里 好是佳人半醉近横波一枝娇媚元都观里武陵溪上空随流水惆怅妖红雨风不定五更天气念当年门里如今陌上洒离人泪

前调 蔡伸

画桥流水桃溪路别是壶中佳致南楼夜月东牕踈雨金莲共醉人静回廊并肩携手玉芝香



里念紫箫声断巫阳梦觉人何在花空委 寂寞危栏独倚望仙乡水云无际芸房花院重来空  
鎖苍苔满地物是人非小池依旧彩鸳双戲念当时风月如今怀抱有盈襟泪

前调 赵长卿

危楼横枕清江上两岸碧山如画夕烟幂幂晚灯点点楼台新夜明月当天白沙流水冷光连  
野浸阑千万顷琉璃软皱打鱼艇相高下 何处一声羌笛是谁家倚楼人也多情对景无言有  
恨欲歌还罢把酒临筵阿谁知我此怀难写忍思量後夜芳容不似暗尘随马

前调【赵祖文画西湖图】 杨无咎

西湖天下应如是谁唤作真西子云凝山秀日增波媚宜晴宜雨况是深秋更当遥夜月华如  
水记词人解道丹青妙手应难写真奇语 往事输他范蠡泛扁舟仍携佳丽毫端幻出淡妆浓  
抹可人风味和靖幽居老坡遗迹也应堪记更凭君画我追随二老游千家寺

前调【江楼席上赠歌妓盼盼】 赵彦端

酒潮匀颊双眸溜眉映远山横秀风流俊雅娇痴体态眼前稀有莲步弯弯移归拍里凌波难  
偶对仙源醉眼玉纤笼巧拨新声鱼纹皱 我自多愁多病对人前只推伤酒瞞他不得诗情嬾  
倦沈腰消瘦多谢东君殷懃知我曲翻红豆 来朝又是扶头不起江楼知否

前调【夜泛监湖怀归】 姜夔

夜深客子移舟处两两沙禽惊起红衣入桨青灯摇浪微凉意思把酒临风不思归去有如此  
水况茂陵游倦长干望久芳心事箫声里 屈指归期尚未鹄南飞有人应喜画阑桂子留香小  
待提携影底我已情多十年幽梦略曾如此甚谢郎也恨飘零解道月明千里

前调【云南作】 陆游

尊前花底寻春处堪叹心情全减一身萍寄酒徒云散佳人天远那更今年瘴烟蛮雨夜郎江  
畔漫倚楼横笛临牕看镜时挥涕惊流转 花落月明庭院悄无言魂消肠断凭肩携手当时曾  
效画梁栖燕见说新来网萦尘暗舞衫歌扇料也应顚顚慵行芳径怕啼莺见

前调【春日游摩诃池】 陆游

摩诃池上追游客红绿参差春晚韶光妍媚海棠如醉桃花欲暖挑菜初闲禁烟将近一城丝  
管看金鞍争道香车飞盖争先占新亭馆 惆怅年华暗换黯销魂雨收云散镜奁掩月钗梁折  
凤秦筝斜雁身在天涯乱山孤垒危楼飞观叹春来只有杨花和恨向东风满

前调【庚寅寄远】 刘 镇

老来惯与春相识长记伤春如故去年今日旧愁新恨送将风絮粉泪羞红黛眉颦翠推愁不去任锁窗深闭屏山半掩还别有愁来路 回首画桥烟水念故人匆匆何处客情怀远云迷北树草连南浦离合悲欢去留迟速问春无语笑刘郎不道无桃可种苦留春住

前调【清明和章质夫韵】 刘 镇

弄晴台馆收烟候时有燕泥香坠宿醒未解单衣初试腾腾春思前度桃花去年人面重门深闭记彩鸾别後青骢归去长亭路芳尘起 十二屏山偏倚任苍苔点红如缀黄昏人静暖香吹月一帘花碎芳意婆娑绿阴风雨画桥烟水笑多情司马留春无计湿青衫泪

前调 莫 伦

镜寒香歇江城路今度见春全嬾断云过雨花前歌扇梅边酒浅离思相欺万丝萦绕一襟消黯但年光暗换人生易感西归水南飞鴈 也拟与愁排遣奈江山遮拦不断娇讹梦语湿荧啼袖迷心醉眼绣毂华裯锦屏罗荐何时拘管但良宵空有亭亭霜月作相思伴

前调【以李长吉美人梳头歌填】 胡 仔

梦寒鲛帐春风晓檀枕半填香髻辘轳初转阑干鸣玉咿哑惊起眠鸭凝烟舞鸾翻镜影开秋水解低头试整牙牀对立香丝乱云拖地 纖手犀梳落处腻无声重盘鸦翠兰膏匀渍冷光欲溜鸾钗易坠年少偏娇鬟多无力恼人风味甚含情不语下堦漫自折花枝戏

前调【又一体杏花】 周紫芝

小桃零落春将半双燕却来池馆名园相倚初开繁杏一枝遥见竹外斜穿柳间深映粉愁香怨任红敲宋玉墙头十里曾牵惹人肠断 常记山城斜路喷清香日迟风暖春阴趁後马前惆怅满枝妆浅深院帘垂雨愁人处碎红千片料明年更发多应更好约邻翁看

前调 张 縯

琐窗睡起门重闭无奈杨花轻薄水沉烟冷琵琶尘掩嬾侵弦索檀板歌莺霓裳舞燕当年娱乐望天涯万叠关山烟草连天远凭高阁 闲把菱花自照笑春山为谁涂抹几时待得信传青鸟桥通乌鹊别後余情愁边剩思引杯孤酌正黯然对景销魂墙外一声渔角

前调【又一体梅花】 赵彦端

冰姿玉骨尘埃外看自有神仙格花中越样风流曾是名标清客月夜香魂雪天孤艳可堪怜

惜向枝间且作东风第一和羹事期他日 闻道春归未识问伊家那知消息当时恼煞林逋空  
绕团栾千百横管轻吹处余香散阿谁偏得壽阳宫应有佳人待与点新妆额

前调【梅】 晁端礼

夜来深雪前村路应是早梅先绽故人赠我江头春信南枝向暖踈影横斜暗香浮动月明清  
浅向庭边驿畔行人立马频回首空腸断 别有玉溪仙馆壽阳人初匀妆面天教占了百花头  
上和羹未晚最是关情处高楼上一声羌管仗谁人向道争如留取倚朱阑看石州慢

【又一体双调一百二字一名柳色黄一名石州引】

石州慢 贺铸

薄雨初寒斜照弄晴春意空阔长亭柳色才黄远客一枝先折烟横水际映带几点归鸿东风  
消尽龙沙雪还记出关来恰而今时节 将发画楼芳酒红泪清歌顿成轻别已是经年杳杳音  
尘都絶欲知方寸共有几许清愁芭蕉不展丁香结望断一天涯两厌厌风月

前调 张元干

寒水依痕春意渐回沙际烟阔溪梅晴照生香冷蕊数枝争发天涯旧恨试看几许消魂长亭  
门外山重叠不尽眼中青是愁来时节 情切画楼深闭想见东风暗消肌雪辜负枕前云雨尊  
前花月心期切处更有多少凄凉殷勤留与归时说得到得再相逢恰经年离别

前调 谢懋

日脚斜明秋色半陰人意凄楚飞云特地凝愁做弄晚来微雨谁家别院舞困几叶霜红西风  
送客闻砧杵鞭马出都门正潮平洲渚 无语匆匆短棹满载离愁片帆高举京洛红尘萦念几  
年羁旅浅颦轻笑当时风月逢迎别来谁画双眉妩回首一销凝望归鸿容与

前调 高启

落了辛夷风雨顿催庭院潇洒春来长恁乐章嬾按酒筹慵把辞莺谢燕十年梦断青楼情随  
柳絮犹萦惹难觅旧知音把琴心重写 天冶忆曾携手鬪草阑边买花帘下试看辘轳低转秋  
千高打如今何处纵有团扇轻衫与谁更走章台马回首暮山青又离愁来也

前调【又一体 书所见寄子野公明】 张炎

野色惊秋随意散愁踏碎黄叶谁家篱下闲心似语试妆娇怯行行步影未教背写腰肢一搦  
犹立门前雪依约镜中春又无端轻别 痴絶汉皋何处解佩何人底须情切空引东邻遗恨丁

香空结十年旧梦尚余恍惚云牕可怜不是旧时蝶深夜醉醒来好一庭风月

前调【又一体 高丽使还日作】 蔡松年

云海蓬莱风雾鬓鬟不假梳掠仙衣卷尽云霓方见宫腰纤弱心期得处世间言语非真海犀一点通寥廓无物比情浓覓无情相博 离索晓来一枕余香酒病赖花医却灩灩金尊收拾新愁重酌片帆云影载将无际关山梦魂应被杨花觉梅子雨丝丝满江干楼阁

前调【赴召史馆与德新别】 元好问

击筑行歌按马赋诗年少豪举从渠里社浮沉枉笑人间儿女平生王粲而今顛顛登楼江山信美非吾土天地一飞鸿渺翩翩何许 羈旅山中父老相逢应念此行良苦几为虚名误却东家鸡黍漫漫长路萧萧两鬓黄尘骑驴漫与行人语诗句欲成时满西山风雨

前调【春日雨中】 张翥

烟雨轻陰庭院峭寒情意难准社前燕子归来恰换一番花信春光全在杏花红闹枝头双鸾衔上金钗鬓待到尽开时又臙脂成粉 堪恨西园扑蝶人闲芳径踏青鞦鞢帘影愔愔竟日瞢腾如困惜花中酒寻常过了年年情多那得离愁尽翠被不成温满熏篝兰烬

前调【忆别】 张埜

红雨西园香雪东风还又春暮当时双桨悠悠送客緑波南浦阳关一阕至今隱隱余音眼前浑是分携处此恨有谁知倚阑干无语 凝竚天涯几许离情化作暮云千缕过尽征鸿依旧归期无据京尘染袂故人应念飘零岂知反被功名误无处着羈愁满春城烟雨宴清都

【又一体双调一百二字亦名四代好】

宴清都 周邦彦

地僻无钟鼓残灯灭夜长人倦难度寒吹断梗风翻暗雪洒牕填户宾鸿漫说传书箠过尽千俦万侶始信得庾信愁多江淹恨极须赋 凄凉病损文园徽弦乍拂音韵先苦淮山夜月金城暮草梦魂飞去秋霜半入清镜叹带眼都移旧处更久长不见文君归时认否

前调 何籀

细草沿堦软迟日薄惠风轻霭微暖春工靳惜桃红尚小柳芽犹短罗帏绣幙高卷早已是歌慵笑嬾凭画楼那更天远山远水远人远 堪怨傅粉疎狂窃香俊雅无计拘管青丝绊马红巾寄羽甚处迷恋无言泪珠零乱翠袖尽重重渍徧故要得别後思量归时覩见

前调【钱明远兄赴调】 赵善扛

疎柳无情绪都不管渡头行客欲去犹依赖得玉光万顷为人留住相从岁月如惊叹回首离歌又赋更举目斜照沉沉西风翦翦秋墅 君行定忆南池歌筵舞地花晨月午八瓢步日三雍奏乐送君云路别情未抵遗爱试听取湖山共语便可能无意同倾一尊露醕

前调【初春】 卢祖皋

春讯飞琼管风日薄度墙啼鸟声乱江城次第笙歌翠合绮罗香暖溶溶涧緑冰泮醉梦里年华暗换料黛眉重锁隋堤芳心还动梁苑 新来鴈阔云音鸾分监影无计重见啼春细雨笼愁淡月恁时庭院离肠未语先断筭犹有凭高望眼更那堪芳草连天飞梅弄晚

前调【舟中思家用周美成韵】 赵必????

远远渔村鼓斜阳外宾鸿三两飞度茅檐春小白云隐几青山当户骚人底事飘蓬浑忘却耕徒钓侣何时寻斗酒江鲈悠悠千古重赋 风流种柳渊明折腰五斗身为名苦秫田二顷菊松三径不如归去山灵休勒俗驾容我卧草堂深处问故园怨鹤啼猿今无恙否

前调【连理海棠】 吴文英

绣幄鸳鸯柱红情密膩云低护秦树芳根兼倚花梢钿合锦屏人妒东风睡足交枝正梦绕瑶钗燕股障灩蜡满照欢丛嫠蟾冷落虚度 人间万感幽单华清惯浴春盎风露连鬟并暖同心共结向承恩处凭谁为歌长恨暗殿锁秋灯夜语愿旧期不负春盟红朝翠暮

前调【秋感】 吴文英

万里关河眼愁凝处渺渺残照红敛天低远树潮分断港路回淮甸吟鞭又指孤店对玉露金风送晚恨自古才子佳人此景此情多感 吴王故苑别来良朋雅集空叹蓬转挥毫刻烛飞觴趁月梦消香断区区去情何限倩片纸丁宁过鴈寄相思寒雨灯牕芙蓉旧院

前调【钱嗣荣王仲亨还京】 吴文英

翠羽飞梁苑连催发暮檣留话江燕尘阶堕珥瑶扉乍钥彩绳双贯新烟暗叶成陰效翠妩西陵送远又趁得蕊露天香春留建章花晚 归来笑折仙桃琼楼宴萼金漏催箭兰亭秀语乌丝润墨汉宫传翫红敲醉玉天上倩凤尾时题画扇问几时重驾巫云蓬莱路浅

前调【霅川图】 周密

老去闲情嬾东风外霏霏花絮零乱轻鸥涨緑啼?暗碧一春过半寻芳已是来迟怕迤邐年华

暗换还应恨白雪歌空秋霜鬓冷难管 凭阑自笑清狂事随花谢愁与春缓持杯顾曲登楼赋  
笔杜郎才减前欢已隔前溪但耿耿临高望眼溯轻红一棹归时半蟾弄晚春从天上来

【双调一百二字】

春从天上来 周伯阳

浩荡青冥正凉露如洗万里虚明鼓角悲健秋入重城彷彿石上三生指蓬莱云路渺何许月  
冷风清倚南楼一声长笛几点残星 西风旧年有约听候蛩语夜客里心惊红树山深翠苔门  
掩想见露草踈萤便乘风归去阑干外河汉西倾笑淹留划然孤啸云白天青安公子

【又一体双调一百二字】

安公子 陆游

风雨初经社子规声里春光谢最是无情零落尽蔷薇一架况我今年顛顚幽牕下人尽怪诗  
酒消声价向药炉经卷忘却莺鶯柳榭 万事收心也粉痕犹在香罗帕恨月愁花争信道如今  
都罢空忆前身便面章台马因自来禁得心肠怕纵遇歌逢酒但说京都旧话金盏子

【又一体双调一百二字】

金盏子 史達祖

獎綠催红仰一番膏雨始张春色未踏画桥烟江南岸应是草穠花密尚忆湔裙苹溪觉诗愁  
相觅光风外除是倩莺烦燕漫通消息 梨花夜来白相思梦空阑一林月深深柳枝巷陌难重  
遇弓弯两袖云碧见说倦理秦筝怯春葱无力空遗恨当时留客句苍苔蠹壁绮寮怨

【双调一百二字】

绮寮怨 陈允平

满院荼蘼开尽杜鹃啼梦醒记晓月綠水桥边东风又折柳旗亭蒙茸轻烟草色踈帘净乱织  
罗带青对一尊别酒征衫上点滴香泪盈 几度恨沉断云飞鸾何处连环尚结双琼一曲琵琶  
湓江上惯曾听依依翠屏香冷听夜雨动离情春深小楼无心对锦瑟空涕零鬪百草

【又一体双调一百二字】

鬪百草 晁补之

往事临邛旧游雅态羞重忆解赋才高好音情慧琴里句中暗识正当年似阆苑璫枝朝朝相倚便涤器何妨当垆正好镇同比翼谁使褰裳佩失推枕云归惆怅至今遗恨积双鲤书来大刀诗意纵章台青青似昔重寻事前度刘郎转愁寂漫赢得对东风对花叹息

恋春芳慢

【双调一百二字】

恋春芳慢 晁端礼

蜂蕊分香燕泥破润暂寒天气清新帝里繁华昨夜细雨初匀万品花藏西苑望一带柳接重津寒食近蹴鞠秋千又是无限游人红妆趁戏绮罗夹道青帘卖酒台榭侵云处处笙歌不负治世良辰共见西城路好翠华定将出严宸谁知道人主祈祥为民非事行春

御选历代诗余卷七十六

# 卷七十七

钦定四库全书

御选历代诗余卷七十七目錄【一百二字】

齐天乐【上】

周邦彦【二首】

杨无咎

刘圻父

姜夔

张辑

高观国【三首】

史達祖【五首】

方岳

翁孟寅

洪璚

方千里

吴文英【九首】

陈允平【二首】

文天祥【二首】

周密【六首】



王沂孙【二首】

张炎【十三首】

刘澜

王月山

赵必????

储泳

李莱老

王易简

唐艺孙

吕同老

练恕可

唐珣

御选历代诗余卷七十七目錄

钦定四库全书

御选历代诗余卷七十七【一百二字】

司经局洗马掌局事兼翰林院修撰加二级【臣】王奕清奉旨校刊

齐天乐【上】

【一名台城路一名如此江山一名五福降中天双调一百二字首句或叶或否无定体也】

齐天乐 周邦彦

綠芜雕尽台城路殊乡又逢秋晚暮雨生寒鸣蛩劝织深阁时闻裁翦云牕静掩叹重拂罗裯

顿疎花簾尚有练囊露萤清夜照书卷 荆江留滞最久故人相望处离思何限渭水西风长安  
乱叶空忆诗情宛转凭高眺远正玉液新篘蟹螯初荐醉倒山翁但愁斜照敛

前调【端午】 周邦彦

疎疎几点黄梅雨佳节又逢重午角黍包金香蒲泛玉风物依然荆楚形裁艾虎更钗袅朱符  
臂纏红缕扑粉香绵唤风绡扇小愔午 沈湘人去已远劝君休对景

感时怀古慢转莺喉轻敲象板胜读离骚章句荷香暗度渐引入醺醺醉乡深处卧聽江头画  
船喧叠鼓

前调【和周美成韵】 杨无咎

後堂芳树陰陰见疎蝉又还催晚燕守朱门萤黏翠幙纹蜡啼红慵翦纱帟半掩记云韞瑶山  
粉融珍簾睡起援毫戏题新句漫盈卷 睽离鳞雁顿阻似闻频念我愁绪无限瑞鸭香销铜壶  
漏永谁惜无眠辗转蓬山恨远想月好风清酒登琴荐一曲高歌为谁眉黛敛

前调【壽史沧洲】 刘圻父

雅歌堂下新堤路柳外行人相语碧藕开花金桃结子三见使君初度楼台北渚似画出西湖  
水云深处彩鷁双飞水亭开宴近重午 溪蒲堪荐綠醕幔亭何惜为曾孙留住碧水吟哦沧洲  
梦想未放舟横野渡维申及甫正夹辅中兴擎天作柱愿祝嵩高岁添长命缕

前调【蟋蟀】 姜夔

庾郎先自吟愁赋凄凄更闻私语露湿铜铺苔侵石井都是曾聽伊处哀音似诉正思妇无眠  
起寻机杼曲曲屏山夜凉独自甚情绪 西窗又吹暗雨为谁频断续相和砧杵候馆吟秋离宫  
吊月别有伤心无数幽诗漫举笑篱落呼灯世间儿女写入琴丝一声声更苦

前调 张辑

西风扬子江头路扁舟雨晴呼渡岸隔瓜洲津横蒜石摇尽波声千古诗人一去但对峙金焦  
断矶青树欲下斜阳长淮渺渺正愁予 中流笑与客语把貂裘为浣半生尘土品水烹茶看碑  
忆鹤恍似旧曾游处聊凭陆誾问八极神游肯重来否如此江山更苍烟白鹭

前调 高观国

碧云阙处无多雨愁与去帆俱远倒苇沙闲枯兰砌冷寥落寒江秋晚楼陰纵览正魂怯清吟  
病多消黯怕揖西风袖罗香自去年减 风流江左久客旧游得意处朱帘曾卷载酒春情吹箫

夜约犹忆玉娇香软尘楼故苑叹璧月空檐楚云飞观送絶征鸿楚峰烟数点

前调【中秋夜怀梅谿】 高观国

晚云知有关山念澄霄卷开清霁素景中分水盘正溢何啻婵娟千里危阑静倚正玉管吹凉  
翠觴留醉记约清吟锦袍初唤醉魂起孤光天地共影浩歌谁与舞凄凉风味古驿烟寒幽垣  
梦冷应念秦楼十二归心对此想斗插天南鴈横辽水试问姮娥有愁谁为寄

前调【菊】 高观国

丛幽一笑东篱绕霜华又随香冷晕色黄娇嫩枝翠婉来趁登高佳景谁偏管领是彭泽归来  
未荒三径最惬清霜道家标致自风韵南山依旧翠倚采花无限思西风吹醒万蕊金寒三秋  
梦好曾记餐英清咏斓斑泪沁怕节去蜂愁雨荒烟暝明日重阳为谁簪短鬓

前调【白髮】 史達祖

秋风早入潘郎鬓斑斑遽惊如许暖雪侵梳晴丝拂领栽满愁城深处瑶簪漫妒便羞插宫花  
自怜衰暮尚想春情旧吟凄断茂陵女人间公道惟此叹朱颜也恁容易堕去湮了重緇搔来  
更短方悔风流相悞郎潜几缕渐疎了铜驼俊游俦侣纵有黦黦奈何诗思苦

前调 史達祖

阑干只在鸥飞处年年怕吟秋兴断浦沉云空山挂雨中有诗愁千顷波声未定望舟尾拖凉  
渡头笼暝正好登临有人歌罢翠帘冷悠然魂堕故里奈闲情未了还被吹醒拜月虚檐听蛩  
坏砌谁复能怜娇俊忧心耿耿寄桐叶芳题冷风新咏莫遣秋声树头喧夜永

前调【赋橙】 史達祖

犀纹隐隐莺黄嫩篱落翠深偷见细雨重移新霜试摘佳处一年秋晚荆江未远想橘友荒凉  
木奴嗟怨就说风流草泥来趁蟹螯健并刀寒映素手醉魂沉夜饮曾倩排遣沆瀣含酸金罍  
裹玉簌簌吴盐轻点瑶姬齿软待惜取团圆莫教分散入手温存帔罗香自满

前调【湖上即席分羽字】 史達祖

鸳鸯拂破苹花影低低趁凉飞去画里移舟诗边就梦叶叶碧云分雨芳游自许过柳影闲波  
水花平渚见说西风为人吹恨上瑶树阑干斜照未满杏墙应望断春翠偷聚浅约授香深盟  
捣月谁是牕间青羽孤筇几柱问因甚参差暂成离阻夜色空庭待归听俊语

前调【中秋宿真定驿】 史達祖

西风来劝凉云去天东放开金镜照野霜凝入河桂湿一一水壶相映殊方路永更分破秋光  
尽成悲境有客踟躇古庭空自吊孤影江南朋旧在许也能怜天际诗思谁领梦断刀头书开  
蛩尾别有相思随定忧心耿耿对风鹊残枝露蛩荒井斟酌姮娥九秋宫殿冷

前调【和楚客赋芦】方岳

孤篷夜傍低丛宿萧萧雨声悲切一岸霜痕半江烟色愁到沙头枯叶澹云没灭黯西风吹老  
满汀新雪天岂无情离骚点点送归客归去来兮怎得尽鹭翘鸥倚乍寒时节秋晚山川夕阳  
浦溆赢得别肠千结涛翻浪叠那得似西来一筇横绝搔首江南鴈街千里月

前调【元夕】翁孟寅

红香十里铜驼梦如今旧游重省节序飘零欢娱老大慵立灯光蟾影伤心对景怕回首东风  
雨晴难準曲巷幽坊管弦一片笑相近飞棚浮动翠葆看金钗半溜春垆红粉凤辇鳌山云收  
雾敛迢迢铜壶漏迴霜风渐紧展一幅青绡争悬孤镜带醉扶归晓醒春梦稳

前调洪璚

辘轳声破银牀冻霜寒又侵鸳被皓月疎钟悲风断漏惊起画楼人睡银屏十二叹尘满丝簧  
暗销金翠可恨风流故人迢递隔千里相思情绪最苦旧欢无续处梦魂空费断鴈无情离鸾  
有恨空想吴山越水花顚玉顚但翠黛愁横红铅泪洗待翦江梅倩人传此意

前调【次周美成韵】方千里

碧纱牕外黄鹂语声声似愁春晚岸柳飘飏庭花堕雪惟有平芜如翦重门向掩看风动疎帘  
浪铺湘簟暗想前欢旧游心事寄诗卷鳞鸿音信未覩梦魂寻访後关山无限客馆愁思天涯  
倦迹几许良宵展转情闲意远记密阁深闺绣衾罗荐睡起无人料应眉黛敛

前调【齐云楼】吴文英

凌朝一片阳台影飞来太空不去栋与参横帘鉤斗曲西北城高几许天声似语便闾阖轻排  
虹河平溯问几陰晴霸吴平越漫今古西山横黛瞰碧眼明应不到烟际沉鹭卧笛长吟层霾  
乍裂寒月溟蒙千缕凭虚醉舞梦凝白阑干化为飞雾净洗青红骤飞沧海雨

前调【壽荣王夫人】吴文英

玉皇重赐瑶池宴琼筵第二十四万象澄秋羣裾曳玉清彻水壶人世鳌峰对起许分得钧天  
凤丝龙吹翠羽飞来舞鸾曾赋曼桃字鹤胎曾梦电绕桂根看骤长玉千金蕊少海波新芳茅  
露滴凉入堂阶彩戏香霖乍洗拥莲媛三千羽裳风佩圣姥朝元炼颜银汉水

前调【与江湖诸友泛湖】 吴文英

麴尘犹沁伤心水，歌蝉暗惊春换。露藻清啼，烟萝淡碧，先结湖山秋怨。波帘翠卷，叹霞薄轻绡，汜人重见。傍柳追凉，暂疏怀袖负纨扇。南花清鬣，素靥画船，应不载坡静诗卷。泛酒芳筵，题名蠹壁重集湘鸿。江燕平芜未翦，怕一夕西风，镜心红变。望眼愁生暮天菱唱远。

前调【饮白醪感少年事】 吴文英

芙蓉心上三更露，茸香漱泉玉井。自洗银舟，徐开素酌，月落空杯无影。庭阴未暝，度一曲新蝉，韵秋堪听。瘦骨侵冰，怕惊纹簟夜深冷。当时湖上载酒，翠云开处，共雪面波镜。百感琼浆千茎鬓，雪烟锁蓝桥花径。留连暮景，但闲觅孤欢，强宽秋兴。醉倚修篁，晚风吹半醒。

前调【登禹陵】 吴文英

三千年事残鸦外，无言倦凭秋树。逝水移川，高陵变谷，那识当年神禹。幽云怪雨，翠萍湿空梁，夜深飞去。鴈起青天，数行书似旧藏处。寂寥西窗久坐，故人慙会遇，同翦灯语。败藓残碑，零圭断壁重拂人间尘土。霜红罢舞，漫山色青青雾朝烟暮。岸锁春船，画旗飘赛鼓。

前调【宴丁园】 吴文英

竹深不放斜阳入，横波澹墨林沼。断莽平烟，残荷剩水，宜得秋深才好。荒亭旋埽，正着酒寒轻，弄花春小。障锦城西，会风半围歌袖半吟草。倦游清兴易嬾，景饶人未胜，乐事常少。柳下停车，尊前岸帙同抚云根一笑。秋香未老，渐风雨西城暗，客帽背日移舟乱。鸦溪树绕。

前调 吴文英

新烟初试花如梦，疑收楚峰残雨。茂苑人归，秦楼燕息，同惜天涯为旅。情最苦，早柔绿迷津，乱莎荒圃。数树梨花，晚风吹堕半汀鹭。流红江上去，远翠尊曾共醉，云外别墅。淡月秋千，幽香巷陌，愁绪伤春深处。听歌看舞，驻不得当时，柳蛮樱素。睡起恹恹，洞箫谁院宇。

前调 吴文英

烟波桃叶西陵路，十年断魂潮尾。古柳重攀，轻鸥骤别，陈迹危亭独倚。凉飈乍起，见渺烟磧，飞帆暮山横翠。但有江花共临秋镜，照顚顚、华堂烛暗送客眼。波回盼处，芳艳流水，素骨凝冰柔葱蘸雪。犹忆分瓜深意，清尊未洗，梦不湿行云漫沾残泪。可惜秋宵乱蛩疎雨里。

前调【赠姜石帚】 吴文英

余香才润鸾绡汗，秋风夜来先起。雾锁林深，蓝浮野阔，一笛渔蓑沔外。红尘万里，就中决银河。

冷涵空翠岸觜沙平水杨陰下晚船檣 桃溪人住最久浪吟谁得到兰蕙疏绮硯色寒云籤声  
乱叶蕲竹簟纹如水笙歌醉里步明月丁东静传环佩更展芳塘种花招燕子

前调【南屏晚钟】 陈允平

赤阑桥畔斜阳外临江暮山凝紫戏鼓才停渔榔乍歇一片芙蓉秋水余霞散绮正银钥停关  
画桡催檣鱼板敲残数声初入万松里 坡翁诗梦未老翠微楼上月曾共谁倚乡苑烟花宫斜  
露草几度西风弹指黄昏尽矣有眠月闲僧醉香游子鹭岭猿啼唤人吟思起

前调【次周美成韵】 陈允平

客愁都在斜阳外凭阑桂香吹晚乱叶蝉哀寒汀鹭泊离绪并刀难翦牙屏半掩渐尘扑冰纨  
浪收云簟露入征衣满襟秋思付诗卷 还思前度问酒凤楼人共倚归兴无限雁影亭皋蛩声  
院落双阙明河清转田园梦远叹篱菊初开涧蓴堪荐挂笏西风四山烟翠敛

前调【庆李楼峰】 文天祥

南楼月转银河曙玉箫又吹梅早鸚鵡沙晴葡萄水暖一缕燕香清裊瑶池春好想桃露霏霞  
菊波沁晓袍锦风流御仙花带瑞虹绕 玉关人正未老唤矶头黄鹤岸巾谈笑劒拂淮清槩横  
楚黛雨洗一川烟草印黄似斗看半硯蔷薇满鞍杨柳沙路归来金貂蝉翼小

前调【灯屏】 文天祥

夜来早得东风信潇湘一川新綠柳色含晴梅心沁暖春浅千花如束银蟾乍浴正沙鴈将还  
海鳌初矗云拥旌旗笑声人在画阑曲 星虹瑶树缥缈佩环鸣碧落瑞笼华屋露耿铜虬水翻  
铁马帘幕光摇金粟迟迟倚竹更为托瑶尊满斟 醪回首宫莲夜深归院烛

前调【梅二首】 周密

宫檐融暖晨妆嬾轻霞未匀酥脸倚竹娇颦临溪瘦影依约尊前重见盈盈笑靥映珠络玲珑  
翠绡葱蒨梦入罗浮满衣清露暗香染 东风千树易老怕红颜渐减芳意偷变赠远天寒吟香  
夜永多少江南新怨琼疏静掩任翦雪裁云竞夸轻艷画角黄昏梦随春去远

前调 周密

东风又入江南岸年年汉宫春早宝屑无痕生香有韵消得何郎花恼孤山梦绕记路隔金沙  
那回曾到夜月相思翠尊谁共饮香醪 天寒宫怨赠远水边凭为问春到多少竹外凝情墙陰  
照影谁见嫣然一笑冷香未了怕玉管西楼一声霜晓花自多情看花人自老

前调【赤壁重游】 周密

清溪数点芙蓉雨，苹飐凉泛吟鷁。洗玉空明浮珠沆，人静籁沉波息。仙潢咫尺，想翠羽琼楼，有人相忆。天上人间，未知今夕是何夕。此生此夜，此景自仙翁去後，清致谁识。散髮吟商，花弄水、谁伴空江横笛。流年暗惜，怕一度西风，井梧吹碧。底事闲愁醉歌浮大白。

前调 周密

曲屏遮断行云路，西楼怕听疎雨。砚冻凝华香寒散，雾呵笔慵题句。长安倦旅，叹衣染尘痕，镜添秋缕。过尽飞鸿，锦笺谁与寄愁去。箫台应是怨别，晓寒梳洗，嬾依旧。眉妩酒滴炉香，花围座暖，闲却珠鞦钿柱。芳心谩语，恨柳外游鞦，系情何许。暗卜归期，细将梅蕊数。

前调【蟬】 周密

槐陰忽送清商怨，依稀正闻还歇。写怨声长，危弦调苦，前梦蛻痕枯叶。伤情惜别。是几度斜阳，几回残月。转眼西风，一襟幽恨向谁说。轻鬟犹记动影，翠娥应妒我，双鬓如雪。枝冷频移叶，疎犹抱、肯负好秋时节。凄凄切切，渐迤邐、黄昏砌蛩相接。露洗余悲，暮烟声更咽。

前调【次二隐寄梅】 周密

护春帘幙东风里，当年问花曾到。玉影孤寒，水痕半拆，漠漠冻云迷道。临流更好。正雪影逢迎，陰光相照。梦入罗浮，古苔啁啾翠禽小。一枝空念赠远，遡波流不到。心事谁表。倚竹天寒吹香夜，冷几度、日昏霜晓。寻芳欠早，怕鹤怨山空，鴈归书少。不恨春迟，恨春容易老。

前调【蟬】 王沂孙

一襟余恨宫魂断，年年翠陰庭树。乍咽凉柯，还移暗叶，重把离愁深诉。西窗过雨，怪瑶佩流空，玉笋调柱。镜暗妆残，为谁娇鬟尚如许。铜仙铅泪似洗，叹移盘去远，难贮零露。病翼惊秋，枯形阅世，消得残阳几度。余音更苦，甚独抱清商，顿成凄楚。漫想薰风，柳丝千万缕。

前调【四明别友】 王沂孙

十洲三岛曾游处，离情几番凄惋。坠叶重题，枯条旧折，萧瑟那逢秋半。登临顿嬾，更葵箠难留，苙衣将换。试语孤怀，岂无人与共幽怨。迟迟终是也，别筭何时，趁取凉生江满。挂月催程，收风借泊，休意征帆已远。山陰路畔，纵鸣壁犹蛩，过楼初雁。政恐黄花，笑人归较晚。

前调【北地遇江菊坡】 张炎

十年前事翻疑梦，重逢可怜俱老。水国春空，山城岁晚，无语相看一笑。荷衣换了，任京洛尘沙，十年不到。回首西陵，翠销红减旧歌杳。

冷凝风帽见说吟情近来不到谢池草 欢游曾步翠窈乱红迷紫曲芳意今少舞扇招香歌桡  
唤玉犹忆钱塘苏小无端暗恼又几度留连燕昏莺晓回首妆楼甚时重去好

前调【杭友遇鉴曲渔舍】 张 炎

春风不暖垂杨树吹却絮云多少燕子人家夕阳巷陌行入野畦深窈筹花鬪草记小舫寻芳  
断桥初晓那日心情几人同向近来老 销忧何处最好夜游频秉烛犹是迟了南浦歌阑东林  
社冷赢得如今怀抱吟惊暗恼待醉也慵听劝归啼鸟怕搅离愁乱红休去埽

前调【寄太白山人陈文卿】 张 炎

薛涛笺上相思字重开又还重摺载酒船空眠波柳老一缕离痕难折虚沙动月叹千里悲歌  
唾壶敲缺却说巴山此时怀抱那时节 寒香深处话别病来浑瘦损嬾赋情切太白闲云新丰  
旧雨多少英游销歇回潮似咽送一点秋心故人天末江影沉沉露凉鸥梦阔

前调【游北山寺】 张 炎

云多不记山深浅人行半天岩壑旷野飞声虚空倒影松桂危峰疑落瀑泉喷薄自窈窕寻源  
引瓢孤酌倦倚高寒少年游事老方觉 幽寻闲苑邃阁树凉僧坐夏翻笑行乐近竹惊秋穿萝  
误晚都把尘缘消却东林似昨待学取当年晋人曾约童子何知故山空放鹤

前调【章静山别业】 张 炎

一牕烟雨连荒草移家静藏深窈东壁图书南山杞菊谁识幽居怀抱疎陰未埽叹乔木犹存  
易分残照慷慨悲歌故人多向近来少 相逢何事欠早爱吟心共苦此意难表野水无鸥闲门  
断柳不满清风一笑荷衣制了待寻壑经丘遡云孤啸学取渊明抱琴归去好

前调【送周方山游吴】 张 炎

朗吟未了西湖酒惊心又歌南浦折柳官桥呼船野渡远听垂虹风雨飘流最苦况如此江山  
此时情绪怕有鸱夷笑人何事载诗去 荒台只今在否登临休望远都是愁处暗草埋沙明波  
洗月谁念天涯羁旅荷陰未暑快料理归程再盟鸥鹭只恐空山近来无杜宇

前调【抵吴寄旧友】 张 炎

分明柳上春风眼曾看少年人老雁拂沙黄天垂海白野艇谁家昏晓惊心梦觉漫慷慨悲歌  
赋归不早想得相如此时终是倦游了 经行几度怨别酒痕消不尽空被花恼茂苑重来竹溪  
深隐还胜飘零多少羈怀顿埽尚识得妆楼那回苏小寄语鸥盟问春何处好



前调【钱于壽道应举】 张 炎

几年槐市槐花冷天风又还吹起故篋重寻闲书再整犹记灯牕滋味浑如梦里见说到如今  
早催行李快买扁舟第一桥边趁流水 阳关须是醉酒柳条休要折争似攀桂旧有家声荣看  
世美方了平生英气琼林宴喜带雪絮归来满庭春意事业方新大鹏九万里

前调【遥岑对碧为陆起潜赋】 张 炎

翠屏缺处添奇观修眉远浮孤碧天影微茫烟痕黯淡不与千峰同色凭高望极向帘幙中间  
冷光流入料得吟僧数株松下坐苍石 泉源犹是古迹煮茶曾咏古还记得游历调水符闲登山  
屐在却倚阑干斜日轻陰易失看飘忽风云晦明朝夕为我飞来傍江横峭壁

前调【为湖天赋】 张 炎

扁舟忽过芦花浦闲情便随鸥去水国吹箫虹桥问月西子如今何许危阑漫抚正独立苍茫  
半空飞露倒影虚明洞庭波映广寒府 鱼龙吹浪自舞渺然凌万顷如听风雨夜气浮山晴晖  
薄日一色无寻秋处惊鳬自语尚记得当时故人来否胜景平分此心游太古

前调【迁居】 张 炎

桃花零落玄都观刘郎此情谁语鬓髮萧疎襟怀澹荡空赋天涯羁旅离情万缕第一是难招  
旧鸥今雨锦瑟年华梦中犹记艳游处 依依心事最苦片帆浑是月独抱凄楚屋破容秋牀空  
对雨迷却青门瓜圃初荷未暑叹极目烟波又歌南浦燕忽归来翠帘深几许

前调【陆义斋壽日放舟游吴】 张 炎

清时乐事中园赋怡情楚花湘草秀色通帘生香聚酒修景常留池沼闲居自好奈车马尘喧  
未教闲了把菊清游冷红飞下洞庭晓 寻泉同步翠杏更将秋共远书画船小欸竹谁家鸥盟  
某水白月光涵圆峤天浮浩渺称緑髮飘飘遡风舒啸缓筑沙堤渭滨人未老

前调【仲宾子昂写竹石枯木】 张 炎

老枝无着秋声处萧萧倦听风雨暗饮春腴欣荣晚节不载天河人去心存太古喜冰雪相看  
此君欲语共倚云根岁寒羞并岁寒所 当年曾见汉馆卷帘频坐对飞梦湘楚叹我重来何堪  
如此落叶空江无数盘桓屡抚似冉冉吹衣颇疑非雾素壁高堂晋人清几许

前调 刘 澜

玉钗分向金华後回头路迷仙苑落翠惊风流红逐水谁信人间重见花深半面纵歌得新词

柳家三变綠叶陰陰可怜不似那时看 刘郎今度更老雅怀都不到书带题扇花信风高苕溪月冷明日云帆天远尘缘较短怪一梦轻回酒阑歌散别鹤惊心感时花泪溅

前调【初秋】 王月山

夜来疎雨鸣金井一叶舞风红浅莲渚生香兰皋浮爽凉思顿欺班扇秋光冉冉任老却芦花西风不管清兴难磨几回有句到诗卷 长安故人别後料征鸿声里画阑凭徧横竹吹商疎砧点月好梦又随云远闲情似线共系损柔肠不堪裁翦听着寒蛩一声声是怨

前调【簿厅壁灯】 赵必???

红纷綠闹东风透暖得枳花香也雪柳燃金玉梅铺粉妆点春光无价鳌篷如画簇万顷芙蕖桂华相射艳冶逢迎香尘满路飘兰麝 人生行乐聊尔况良辰美景好天晴夜璽帖争先芋郎卜巧细说成都旧话传觞立马看翠阵珠围歌棚舞社酒尽更阑月在葡萄架

前调 储 泳

东风一夜吹寒食红片枝头犹恋宿酒初醒新吟未稳凭久阑干留暖将春买断恨苔径榆堦翠钱难贯陌上秋千相逢谁认旧时伴 轻衫粉痕褪了丝缘余梦在良宵偏短柳线经烟莺梭织雾一片旧愁新怨慵拈象管待寄与深情怎凭双燕不似杨花解随人去远

前调【寄弁阳翁】 李莱老

半空河影流云碎亭皋嫩凉收雨井叶还惊江莲乱落弦月初生商素堂深几许渐爽入云幄翠绡千缕纨扇恩疎晚萤光冷照牕户 文园顚顚顿老又西风暗换丝鬓无数灯外残碁琴边瘦枕一一情伤迟暮故人倦旅料渭水长安感时吟苦政自多愁砌蛩终夜语

前调【客长安赋】 王易简

宫烟晓散春如雾参差护晴牕户柳色初分饧耆未冷正是清明百五临流笑语映十二阑干翠嚬红妒短帽轻鞍倦游曾徧断桥路 东风为谁媚妩岁华频感慨双鬓何许前度刘郎三生杜牧赢得征衫尘土心期暗数总寂寞当年酒筹花谱付与春愁小楼今夜雨

前调【蟬】 唐艺孙

柳风微扇闲池阁深林翠陰人静渐理琴丝谁调金奏凄咽流空清韵虹明雨润正乍集庭柯凭阑新聽午梦惊回有人娇困酒初醒 西轩晚凉又嫩向枝头占得银露千顷蛻翦花轻翼翻纸薄老去易惊秋信残声送暝恨秦树斜阳暗催光景淡月疎桐半牕留鬢影

前调【蝉】 吕同老

綠陰初蔽林塘路淒淒乍流清韵倦咽高槐惊嘶别柳还忆当时曾听西窗梦醒叹弦絕重调  
珥空难整綽约冰绡夜深谁念露华冷 不知身世易老一声声断续频报秋信坠叶山明疎枝  
月小惆悵齐姬薄幸余音未尽早枯翼飞仙暗嗟残景见洗冰奩怕翻双翠鬢

前调【蝉】 练恕可

蛻仙飞佩流空远珊珊数声林杪薄暑眠轻浓陰听久勾引淒凉多少长吟未了想犹怯高寒  
又移深窈与整綽衣满身风露正清晓 微薰庭院昼永那回曾记得如许幽抱断响难寻余悲  
独省叶底还惊秋早齐宫路杳叹事往魂消夜闲人悄漫想轻盈粉奩双鬢好

前调【蝉】 唐珣

蛻痕初染仙茎露新声又移凉影佩玉流空綽衣翦雾几度槐昏柳暝幽窗睡醒奈欲断还连  
不堪重听怨结齐姬故宫烟树翠陰冷 当时旧情在否晚妆清镜里犹记娇鬢乱咽频惊余悲  
渐杳摇曳风枝未定秋期话尽又抱叶淒淒暮寒山静付与孤蛩苦吟清夜永

御选历代诗余卷七十七

## 卷七十八

＜集部,词曲类,词选之属,御选历代诗余

钦定四库全书

御选历代诗余卷七十八目錄【一百二字】

齐天乐【下】

仇远

姚云文

詹正

刘天迪

曾允元

张翥【二首】

袁易

邵亨贞

萧东父

滕宾

龙紫蓬

钱抱素

钱应庚

王燧

梦庵

花发状元红慢

刘几

上林春慢

晁冲之

曾纡

万年欢【又一体】

贺铸

湘春夜月

黄孝迈

忆旧游【又一体】

周邦彦

赵以夫

方千里

陈允平

张炎【五首】

刘应几

彭泰翁

前调【又一体】

张炎【二首】

月中仙

赵孟頫

昇平乐

无名氏

倒犯

周邦彦

方千里

吴文英

花犯【又一体】

周邦彦

吴文英

王沂孙

谭宣子

刘基

氏州第一

周邦彦

方千里

陈允平

昼锦堂

周邦彦

蒋捷

前调【又一体】

孙惟信

曲游春【又一体】

周密

赵功可

遶池游

韩淲

望春回

李甲

曲江秋

韩玉

瑶华【又一体】

周密

吴文英

张雨

御选历代诗余卷七十八目錄

钦定四库全书

御选历代诗余卷七十八【一百二字】

司经局洗马掌局事兼翰林院修撰加二级【臣】王奕清奉旨校刊

## 齐天乐【下】

### 齐天乐【蝉】 仇远

夕阳门巷荒城曲清音早鸣秋树薄翦绡衣凉生鬓影独饮天边风露朝朝暮暮奈一度凄吟  
一番凄楚尚有残声蓦然飞过别枝去齐宫往事漫省行人犹与说当时齐女雨歇空山月笼  
古柳仿佛旧曾听处离情正苦甚嬾拂水笺倦招琴谱满地霜红浅莎寻蛻羽

### 前调 姚云文

柳花引过横塘路萦回曲折通圃插槿编篱挨梅砌石次第海棠成坞吟筇独拄待寻访斜桥  
水边窥户已约青山云深不碍客来处  
繁华阅人无数问旧日平原君还知否啼鸟牕幽昼陰人寂慵困不知飞絮匆匆燕

语似迎得春来且留春住惜取名花一枝堪寄与

### 前调【赠童瓮天兵後归杭】 詹正

相逢唤醒金华梦吴尘暗斑吟发倚担评花认旗沽酒历历行歌奇迹吹香弄碧有坡柳风情  
逋梅月色画鼓红船满湖春水断桥客当时何限俊侣甚花天月地人被云隔却载苍烟更招  
白鹭一醉修江又别今回记得再折柳穿鱼赏花催雪如此湖山忍教人更说

### 前调 刘天迪

瑞麟香软飞瑶席吟仙笑陪欢宴桐影吹香梅陰弄碧一味晚凉堪荐停杯缓劝记罗帕求诗  
琵琶遮面十载扬州梦回前事楚云远人生总是逆旅但相逢一笑如此何限采石宫袍沈香  
醉笔何似轻衫小扇流年暗换甚新雨情怀故园心眼明日西江斜阳帆影转

### 前调 曾允元

碧梧枝上占秋信微闻雨声还愜虹影分晴云光透晚残日依依团箑阑干一霎又长笛归舟  
乱鸦荒堞两鬓西风有人心事到红叶娇莲相对欲语奈莲茎有刺愁不成折天上欢期人间  
巧意今夜明河如雪新宽带结想宝篆频温翠匳低揭雾湿云鬟浅妆深拜月

### 前调【夜宴送陈子敬瞿子诚】 张翥

阑干十二东风外春藏画楼鸳锁蜡炬光浓氍毹坐软宝鼎旋培沈火玻璃盏大但有酒须倾  
有歌须和剧饮淋漓万金良夜莫虚过中年情绪易恶风流香镜里消减些个闽雨程踪吴云  
驿远别恨料应如我先醉卧任杨柳烟消海棠月堕明日江头倩谁留画舸



前调【临川夜饮】 张翥

红霜一树凄凉叶惊乌夜深啼落客里相逢尊前细数几度雨飘风泊微吟缓酌渐月影斜敲  
画阑东角只怕梅花无人看管瘦如削江湖容易岁晚想多情念我归信曾约尘土狂踪山林  
旧隐梦寄草堂猿鹤离怀最恶是酒醒香残烛寒花薄一枕销凝觉来无处着

前调【送春】 袁易

落红填径东风恶贪飞燕雏归晚听雨楼低留春地窄谁念闲情消减天涯流览正鸥渚波宽  
柳汀云黯赖有遥岑数尖遮断送愁眼年年春草又绿看花人自老遗恨天远雁柱凝尘蛟绡  
暗墨青鬓吴霜轻点风流渐嬾但诗恼东阳病添中散院落无人绣帘和絮卷

前调【清明雨中】 邵亨贞

离歌一曲江南暮依稀灞桥回首立马东风送人南浦认得当年杨柳梨花过后悄不见邻墙  
弄梅纤手绮陌东头个人还似旧时否相如近来病久纵腰围暗减犹未全瘦宿酒昏灯重门  
夜雨寒食清明依旧新愁漫有第一是伤心粉销红溜待约明朝问舟官渡口

前调 萧东父

扇鸾收影惊秋晚梧桐又鸣疎雨翠箔凉多绣囊香减陡觉簟冰如许温存谁与更禁得荒苔  
露蛩相诉恨结愁萦风刀难翦几千缕闲思前事易远怅旧欢无据月堕湘浦软玉分裯腻云  
侵枕犹忆吹兰低语如今最苦甚怕见灯昏梦游间阻怨煞娇痴绿牕还 否

前调【题樟镇华光阁志别】 滕宾

片帆呼渡西山曲匆匆载将春去路入翠寒浪翻红暖一枕敲眼烟雨酒朋诗侣尽醉舞狂歌  
气吞吴楚一样风流依然犹是晋风度人生如此奇遇问碧翁何意萍蓬散聚句落瑶台香霏  
珠唾惊倒世间儿女渭川云树怅後夜相思月明何处怕有新诗鴈来烦寄与

前调【题滕王阁】 龙紫蓬

雨帘云栋重寻处青红半空飞去檻影侵鸥帘光送鴈摇荡秋容十里歌珠舞翠怎禁得无情  
一江流水可是西山半眉新绿向人覩千年留下剩赏尽登临无限须付才思坏堞闲愁危檣  
往恨欲拍阑干无路新碑旧记更今古匆匆一番兴废立尽斜阳共谁评半语

前调【次邵复孺韵】 钱抱素

碧云深处遥天暮经年雁书沈影雨散梅魂风醒草梦还见春回郷井花明柳暝念贾阁香空

谢池诗冷流水斜阳旧游那是旧风景 怀思横泖雅趣故人吟啸里得意酬领谱缀台城絨传  
蒨水肯把俊游重省凭高倚迴纵老兴犹浓不堪驰骋隔断相思浦潮波万顷

前调【次邵复孺韵】 钱应庚

一庭芳草闲春昼疎疎弄帘花影鼓子风暄苔痕雨润还听鸣蛙喧井沈吟坐暝正绮席杯空  
蕙炉烟冷老去无情好春不减旧芳景 天涯谁念倦旅闭门风雨意独自难领南浦歌长西堂  
梦远往事不堪追省沧浪望迴记那日归舟此怀犹骋莫倚危楼乱红愁万顷

前调【题楚江秋晓】 王 燧

黄陵庙下潇湘浦依稀少年羁旅梦泽风生渚宫花落收尽峡云巫雨长天带水正日出三竿  
客船犹櫂回望苍苍秋光都在白苹渚 流年暗惊易度向画中空见旧游如许鼓瑟人遥纫兰  
事往谁折芳馨寄与销魂凝竚待收拾闲情写成新句心与鸿飞空江烟浪里

前调【题燕文贵楚 失名江秋晓图】 梦 庵

晓风吹醒蓬牕梦惊心断魂潮尾深鬓萧萧秋烟黯黯残月渐看西坠披衣乍起对万顷苍茫  
半空飞露曙色才分巫山隐隐埽晴翠 行舟此际竞发叹还吴适楚尽趋名利投老襟怀思乡  
情绪慵赋天涯羁旅鸥汀雁渚记彷彿当年暗经行处今日披图旧游如梦里花发状元红慢

【一名素蛺蝶双调一百二字】

花发状元红慢 刘 几

三春向暮万卉成陰有嘉艳方坼娇姿嫩质冠羣品共赏倾城倾国上苑晴昼暄千素万红犹  
奇特绮筵开会咏歌才子压倒元白 别有芳幽苞小步障华丝绮轩油壁与紫鸳鸯素蛺蝶自  
清旦往往连夕巧莺喧翠管娇燕语雕梁留客武陵人念梦役意浓堪遣情溺上林春慢

【双调一百二字】

上林春慢【上元】 晁冲之

帽落宫花衣惹御香凤辇晚来初过?降诏飞龙衔烛戏端门万枝灯火满城车马对明月有谁  
闲坐任狂游更许傍禁街不扃金锁 玉楼人暗中掷果珠帘下笑看春衫袅娜素娥绕钗轻蝉  
扑鬓垂垂柳丝梅朵夜阑饮散但赢得翠翘双鞞醉归来又重向晓牕梳裹

前调 曾 纘

东苑梅繁豪健放乐醉倒花前狂客靓妆微步攀条弄粉淩波徧寻青陌暗音堕靱更飘近雾  
鬟蝉额倒金荷念流光易失幽姿堪惜惜花心未甘鬓白南枝上又见寻芳消息旧游回首前  
欢如梦谁知等闲抛掷稠红乱蘂漫开遍楚江南北独销魂念谁寄故园春色万年欢

【又一体双调一百二字】

万年欢 贺铸

淑质柔情靓粧艳笑未容桃李争妍红粉墙东曾记窥宋三年不分云朝雨暮向西楼南馆留  
连何尝信美景良辰赏心乐事难全青门解袂画楼回首初沈汉佩永断湘弦漫写浓愁幽恨  
封寄鱼笺拟话当时旧好问同谁与醉尊前除非是明月清风向人今夜依然湘春夜月

【双调一百二字】

湘春夜月 黄孝迈

近清明翠禽枝上销魂可惜一片清歌都付与黄昏欲共柳花低诉怕柳花轻薄不解伤春念  
楚乡旅宿柔情别绪谁与温存空尊夜泣青山不语残月当门翠玉楼前惟是有一波湘水摇  
荡湘云天长梦短问甚时重见桃根这次第算人间没个并刀翦断心上愁痕忆旧游

【又一体双调一百二字或加慢字】

忆旧游 周邦彦

记愁横浅黛泪洗红铅门掩秋宵坠叶惊离思听寒螿夜泣乱雨萧萧凤钗半脱云鬓髙影烛  
花摇渐暗竹敲凉疎萤照晓两地魂消迢迢问音信道底花陰时认鸣镳也拟临朱户叹因  
郎顚顚羞见郎招旧巢更有新燕杨柳拂河桥但满眼京尘东风竟日吹露桃

前调 赵以夫

望红蕖影里冉冉斜阳十里沙平唤起江湖梦向沙鸥住处细说前盟水乡六月无暑寒玉散  
清水笑老去心情也将醉眼镇为花青亭亭步明镜似月浸华清人在秋庭照夜银河落想粉  
香湿露恩泽亲承十洲缥缈何许风引彩舟行尚忆得西施余情裊裊烟水汀

前调【次周美成韵】 方千里

念花边玉漏帐里鸾笙曾欸良宵镂鸭吹香雾更轻风动竹韵响萧萧画檐皓月初挂帘幙縠  
纹摇记罢曲更衣挑灯细语酒晕全消迢迢旧时路纵下马铜驼谁聴扬镳奈可怜庭院又徘徊  
虚过清梦难招断魂暗想幽会回首渺星桥试彷彿仙源重寻当日千树桃

前调【次周美成韵】 陈允平

又眉峯碧聚记得邮亭人别中宵翦烛西牕下听林梢叶堕雾漠烟萧彩鸾梦逐云去环佩入扶摇但镜裂鸳奩钗分燕股粉膩香消 迢迢旧游处向柳下维舟花底扬镳更忆西风里采芙蓉江上双桨频招怨红一叶应到明月赤阑桥渐泪浥琼顚脂淡薄羞嫩桃

前调【大都长春宫】 张 炎

看方壶拥翠太极垂光积雪初晴闾阖开黄道正绿章封事飞上层青古台半压琪树引袖拂寒星见玉冷闲坡金明邃宇人住深清 幽寻自来去对华表千年天籁无声别有长生路看花开花落何处无春露台深锁丹气隔水唤青禽尚记得归时鹤衣散影都是云

前调【留吴寄沈尧道诸公】 张 炎

记开帘过酒隔水悬灯款语梅边未了清游兴又飘然独去何处山川淡风暗收榆荚吹下沈郎钱叹客里光阴消磨艳冶都在尊前 留连殢人处是镜曲窥莺兰阜围泉醉拂珊瑚树写百年幽恨分付吟笺故乡几回飞梦江雨夜凉船纵忘却归期千山未必无杜?

前调【寄赵元文】 张 炎

叹江潭树老杜曲门荒同赋飘零乍见翻疑梦对萧萧乱髮都是愁根秉烛故人归後花月锁春深纵草带堪题争如片叶能寄殷勤 重寻已无处尚记得依稀柳下芳邻伫立香风外抱孤愁凄惋羞燕慙莺俛仰十年前事醉後醒还惊又晓日千峯涓涓露湿花气生

前调【寓毘陵有怀澄江旧友】 张 炎

笑铭崖笔倦访雪舟寒觅里寻邻半掩闲门草看长松落?旧榻悬尘自怜此来何事不为忆鲈蓴但回首当年芙蓉城里胜友如云 思君度遥夜谩疑是梅花檐下空巡蝶与周俱梦折一枝聊寄古意殊真渺然望极来雁传与异乡春尚记得行歌阳关西出无故人

前调【过故园有感】 张 炎

记凝妆倚扇笑眼窥帘曾款芳尊步履交枝径引生香不断流水中分忘了牡丹名字和露拨花根甚杜牧重来买栽无地都是销魂 空存断肠草伴几摺眉痕几点啼痕镜里芙蓉老问如今何处绾緑梳云怕有旧时归燕犹自识黄昏待说与羁愁遥知路隔杨柳门

前调【闻雁】 刘应几

记铜驼载酒翠陌吹箫曾听相呼不尽离离意觉愁肠如翦立马踟蹰人生似此苍髮堪得几

声疎想怨入秋深愁随天远满目平芜 音书未曾寄正人在燕台忘却回车奈菰蒲旧地又山  
空木落霜老泉枯月明仙掌何处转首失栖乌待说与云间潇湘近日风卷湖

前调【雨中海棠】 彭泰翁

玉环扶残醉翠袖笼烟香汗初融昨夜残妆在最难胜珠络都沁?红朝云低护深约蜂蝶不知  
踪奈燕子情多斜飞轻触泪洒羞容 重逢记前度解翦烛调笙踏月鸣骢风入人间远待绿尘  
洗尽飞佩凌空叮咛为我留住携酒寿东风便花谱重修高唐再赋疑梦中

前调【又一体 登越州蓬莱阁】 张炎

问蓬莱何处风月依然万里江清休说神仙事便神仙纵有即是闲人笑我几番醒醉石磴埽  
松陰任狂客难招采芳难赠且自微吟 俯仰成陈迹叹百年谁在横槛孤凭海日生残夜看卧  
龙和梦飞入秋冥还听水声东去山冷不生云正目极空寒萧萧汉柏愁茂陵

前调【寄友】 张炎

记琼筵卜夜花檻移春同恼莺娇暗水流花径正无风院落银烛迟销闹枝浅压髻髻香脸泛  
红潮甚如此游情还将乐事轻趁冰绡 飘零又成梦但长歌嫋嫋柳色迢迢一叶江心冷望美  
人不见隔浦难招认得旧时鸥鹭重过月明桥遡万里天风清声漫忆何处箫月中仙

【双调一百二字】

月中仙 赵孟頫

春满皇州见祥烟拥日初照龙楼宫花苑柳映仙仗云移金鼎香浮宝光生玉斧聽鸣凤箫韶  
乐奏德与和气游天生圣人千载稀有 祥瑞电绕虹流有云生五色芝生三秀四海太平致民  
物雍熙朝野歌讴千官齐拜舞玉杯进长生春酒愿皇庆万年天子与天同壽昇平乐

【双调一百二字】

昇平乐 无名氏

水阁层台短亭深院依稀万木笼陰飞暑无涯行云有势晚来细雨回晴庭槐转影纱?两两蝉  
鸣幽梦断枕金猊旋热兰炷微熏 堪命俊才俦侣对华筵坐列珠履红裙檀板轻敲金尊满泛  
总教畏日西沈金丝玉管间歌喉时奏清音唐虞景尽陶陶沈醉且乐昇平倒犯

【一名吉了犯双调一百二字】

倒犯【秋月】 周邦彦

霁景对霜蟾乍昇素烟如埽千秋夜缟徘徊处渐移深窈何人正弄孤影翩跹西牕悄冒露冷貂裘玉笋邀云表共寒光饮清醪淮左旧游记送行人归来山路寫驻马望素魄印遥碧金枢小爱秀色初娟好念漂浮縣縣思远道料异日宵征必定还相照奈何人自老

前调【次周美成韵】 方千里

尽日任梧桐自飞翠塔慵埽闲云散缟秋容莹暮天清窈斜阳到地楼阁参差帘栊悄嫩袖舞凉飈拂拂生林表荡尘襟写名醪携手故园胜事寻踪松篁幽径寫曲沼瞰静绿帘影龟鱼小信倦迹归来好倩叮咛长安游子道任鬓发霜侵莫待菱花照醉乡深处老

前调【赠黄後庵】 吴文英

茂苑共莺花醉吟岁寒如许江湖夜雨传书问雁多幽阻清溪上惯来往扁舟轻如羽到兴嬾归来玉冷畊云圃按琼箫赋金缕回首词場动地声名春雷初启户枕水卧漱石数间屋梅一坞待共结良朋侣载酒尊随花迎野步要未若城南分取溪隈住昼长看柳舞花犯

【又一体双调一百二字】

花犯【咏梅】 周邦彦

粉墙低梅花照眼依然旧风味露痕轻缀疑净洗铅华无限佳丽去年胜赏曾孤倚水盘同燕喜更可惜雪中高树香篝熏素被今年对花最匆匆相逢似有恨依依愁頼吟望久青苔上旋看飞坠相将见脆圆荐酒人正在空江烟浪里但梦想一枝潇洒黄昏斜照水

前调【谢黄後庵除夜寄古梅枝】 吴文英

翦横枝清溪分影翛然镜空晓小牕春到怜夜冷霜娥相伴孤照古苔泪锁霜千点苍华人共老料浅雪黄昏驿路飞香遗冷草行云梦中认琼娘冰肌瘦窈窕风前纤缟残醉醒屏山外翠禽声小寒泉贮绀壶渐暖年事对青灯惊换了但恐舞一帘蝴蝶玉龙吹又杳

前调【苔梅】 王沂孙

古婵娟苍鬟素靥盈盈瞰流水断魂千里叹绀缕飘零难繫离思故山岁晚谁堪寄琅玕聊自倚漫记我绿蓑冲雪孤舟寒浪里三花两蕊破蒙茸依依似有恨明珠轻委云卧稳蓝衣正护春顚頼罗浮梦半蟾挂晓么凤冷山中人乍起又唤取玉奴归去余香空翠被

前调【芙蓉】 谭宣子

翠匳空红鸾蘸影嫣然弄妆晚雾鬟低颤飞嫩藕仙裳清思无限象牀试锦新翻樣金屏连绣展最好似阿环娇困云酣春帐暖 寻思水边赋娟娟新霜记旧约西风庭院肠断处秋江上朝云轻散凭谁向一声过鴈细说与眉心杨柳怨且趁取菊花天气年年寻醉伴

前调【秋夜】 刘基

夜何其星移漏转凉蟾照无睡宝箏弦断金鴈与青釭相对顚顚塞鸿过尽人千里余香怨绣被但满眼碧云红树阑干空自倚 堦前暗蛩最殷勤凄凄似向我说他情意莎露冷相将到晓霜开蕊惟应有素娥未老曾几见桑田沧海水莫浪语愁来堪遣君看明镜里氏州第一

【唐乐府有氏州歌第一盖歌头也调名取此一名熙州摘徧双调一百二字】

氏州第一 周邦彦

波落寒汀村渡向晚遥看数点帆小乱叶翻鸦惊风破雁天角孤云缥缈宫柳萧疎甚尚挂微微残照景物关情川途换目顿来催老 渐解狂朋欢意少奈犹被思牵情绕座上琴心机中锦字觉?萦怀抱也知人悬望久蔷薇谢归来一笑欲梦高唐未成眠霜空已晓

前调【次周美成韵】 方千里

朝日融怡天气艳冶桃英杏萼犹小燕垒初营蜂衙乍散池面烟光缥缈芳草如薰更潋灩波光相照锦绣萦回丹青映发未容春老 倦客自叹清兴少念归计梦魂飞绕浪阔鱼沈云高鴈阻睽目添愁抱忆香闺临丽景无人伴轻颦浅笑想像销魂怨东风孤衾独晓

前调【次周美成韵】 陈允平

闲倚江楼凉生半臂天高过鴈来小紫芡波寒青芜烟淡南浦云帆缥缈潮带离愁去冉冉夕阳空照寂寞东篱白衣人远渐黄花老 见说西湖鸥鹭少孤山路醉魂飞绕荻蟹初肥蓴鲈更美尽酒怀诗抱待南枝春信早巡檐对梅花索笑月落乌啼渐霜天钟残梦晓昼锦堂

【双调一百二字】

昼锦堂 周邦彦

雨洗桃花风飘柳絮日日飞满雕檐懊恨一春幽怨尽属眉尖愁闻双飞新燕语更堪孤馆宿醒忺云鬟乱独步画堂轻风暗触珠帘 多厌晴昼永琼户悄香消金兽慵添自与萧郎别後事事俱嫌短歌新曲无心理凤箫龙管不曾拈空惆怅常是每年三月病酒恹恹

前调【荷花】 蔣捷

染柳烟消敲菰雨断历历犹寄斜阳掩冉玉妃芳袂拥出灵场倩他鸳鸯来寄语驻君舴艋亦何妨渔榔静独奏棹歌邀妃试酌清觞湖上云渐暝秋浩荡鲜风支尽蝉粮赠我非环非佩万斛生香半蜗茅屋归云影数螺苔石压波光鸳鸯笑何似且留双楫翠隐红藏

前调【又一体】 孙惟信

薄袖禁寒轻妆媚晚落梅庭院春妍映户盈盈回倩笑整花钿柳裁云翦腰支小凤盘鸦耸髻鬟偏东风里香步翠摇蓝桥那日因缘婣娟流慧盼浑当了匆匆密爱深怜梦过阑干犹认冷月秋千杏梢空闹相思眼燕翎难系断肠笺银屏下争信有人真个病也天天曲游春

【又一体双调一百二字】

曲游春 周 密

禁苑东风外扬暖丝晴絮春思如织燕约莺期恼芳情偏在翠深红隙漠漠香尘隔沸十里乱丝丛笛看画船尽入西泠闲却半湖春色柳陌新烟微碧暎帘底宫眉堤上游勒轻暝笼烟怕梨云梦冷杏香愁冪歌管酬寒食奈蜨怨良宵岑寂正恁醉月摇花怎生去得

前调 赵功可

千树笼芳草正蒲风微过梅雨新霁客里幽悵算无春可到和愁都闭万种人生计应不似午天闲睡起来时踏碎松陰萧萧欲动疑水借问归舟归未望柳色烟光何处明媚抖擞人间除离情别恨乾坤余几一笑晴鳬起酒醒後阑干独倚时见双燕飞来斜阳满地遶池游

【双调一百二字】

遶池游【同赵倅赋】 韩 泂

荷花好处是红酣落照翠霭余凉遶郭从前无此乐空浮动山影林篁几度薰风晚留望眼立尽濠梁谁知好事初移画舫特地相将惊起双飞属玉紫小楫蘅岸犹带生香莫问西湖西畔九里松下侯王且举觞寄兴看闲人来伴吟章寸折柏枝蓬分莲实徒系柔肠望春回

【双调一百二字】

望春回 李 甲

霁霞散晓射水村渐明渔火方絶滩露夜潮痕注冻瀨凄咽征鸿来时应附书见疎柳更忆伊同折异乡顚顚那堪更逢岁暮时节东风暗回暖力算拆徧江梅消尽岩雪惟有这愁肠也依旧千结私言窃语些誓约便眠思梦想无休歇这些离恨除非对着说似明月曲江秋



【双调一百二字】

曲江秋 韩 玉

明轩快目正雨过湘溪秋来泽国波面监开山光淀拂竹声摇寒玉鸥鹭戏晚日菱荷动香红  
簌千古兴亡意凄凉扬舟望迷南北 彷彿烟笼雾簇认何处当年绣毂沈香花萼事萧然伤宫  
殿三十六忍听向晚菱歌依稀犹似新翻曲试与问如今新蒲细柳为谁摇绿瑶华

【又一体双调一百二字】

瑶华【琼花】 周 密

珠钿宝玦天上飞琼比人间春别江南江北曾未见漫拟梨云梅雪淮山春晚问谁识芳心高  
洁消几番花落花开老了玉关豪杰 金壶翦送琼枝看一骑红尘香度瑶阙韶华正好应自喜  
初识长安蜂蝶杜郎老矣想旧事花须能说记少年一梦扬州二十四桥明月

前调 吴文英

秋风采石羽扇麾兵认紫骝飞跃江蓠寒草应笑春空锁淩烟高阁凯歌秦陇问铙鼓新词谁  
作有秀孙来染吴香瘦马青刍南陌 冰丝细响长桥荡波底蛟腾不涸霜锷乌丝醉墨红袖暖  
千里湖山行乐老仙何处算洞府光阴如昨想地宽多种桃花艳锦东风成幄

前调【雪】 张 雨

筛水为雾屑玉成尘借阿姨风力千岩竞秀怎一夜换作连城之璧先生闭户怪日短寒驹催  
隙想平沙鸿爪成行恰似醉时书迹 未随埋没双尖便淡扫蛾眉与鬪春色裁诗白战驴背上  
驼取灞桥吟客捻须自笑尽未让诸峯头白看洗出宫柳梢头已借淡黄涂额

御选历代诗余卷七十八

# 卷七十九

钦定四库全书

御选历代诗余卷七十九目錄【一百二字】

瑞鹤仙【又一体】

周邦彦

赵长卿【二首】

张元干

康与之【二首】

曾觌

杨无咎

侯寘【二首】

辛弃疾【二首】

袁去华

赵彦端

王千秋

杨炎

陆淞

高观国

史达祖【二首】

李昉英

陆叟

张榘

方千里

吴文英【五首】

毛幵

蒋捷【四首】

陈允平【二首】

欧良

张炎

刘澜

葛长庚

庆春宫

周邦彦

吴文英

陈允平

张枢

张炎【二首】

前调【又一体】

周密

王沂孙

刘澜

王易简

拜星月慢【又一体】

陈允平

南浦

鲁逸仲

前调【又一体】

喻综

西平乐

柳永

朱雍

御选历代诗余卷七十九目錄

钦定四库全书

御选历代诗余卷七十九【一百二字】

司经局洗马掌局事兼翰林院修撰加二级【臣】王奕清奉旨校刊

瑞鹤仙

【又一体双调一百二字一名一捻红】

瑞鹤仙 周邦彦

悄郊原带郭行路永客去车尘漠漠斜阳映山落敛余红犹恋孤城栏角淩波步弱过短亭何

用素约有流莺劝我重解绣鞍缓引春酌 不记归时早着上马谁扶醒眠朱阁惊飏动幙扶残  
醉遶红药叹西园已是花深无地东风何事又恶任流光过却犹喜洞天自乐

前调【残秋有感】 赵长卿

败荷擎沼面红叶舞林梢光陰何速碧天净如水金风透帘幙露清蝉伏追思往事念当年悲  
伤宋玉渐危楼向晚魂销空倚徧阑干曲 凝目一霎微雨塞鸿声断

酒病相续无情赏处金井梧东篱菊渐兰桡归去银蟾满夜水村烟渡怎宿负伊家万愁千恨  
甚时是足

前调 赵长卿

西风苹未起动院落清秋新凉如水纤歌遏云际正美人翻曲阳春轻丽兰衣玉佩拥南斗光  
中一醉有邦人万口同声赞叹我公恺悌 百里年丰谷稔事简刑清颂声盈耳鹏程九万摩空  
展垂天翅定丹书飞下彤墀归去秘略家传小试看封留亘古功名未容退避

前调 张元干

喜西园放钥对燕寝香润棠陰寒薄东风夜来恶禁烟时天气莺啼花落新晴共约怕韶光容  
易过却把铜壶暖泛金杯祓禊嬉游行乐 弦索笙簧声里还记兰房正垂罗幙初眠柳弱梅如  
豆玉如琢向凤凰池上鸳鸯影里他年何啻紫橐看流芳继踵韦平盛传巩洛

前调【上元应制】 康与之

瑞烟浮禁苑正绛阙春回新正方半冰轮桂华满溢花衢歌市芙蓉开徧龙楼两观见银烛星  
球有烂卷珠帘尽日笙歌盛集宝钗金钏 堪羨绮罗丛里兰麝香中正宜游翫风柔夜暖笑声  
喧花影乱闹蛾儿满路成团打块簇着冠儿鬪转喜皇都旧日风光太平再见

前调【别恨】 康与之

薄寒罗袖怯教小玉添香被翻宫缬兰釭半明灭听几声归雁一帘微月情波恨叶索新词犹  
自怨别梦回时雪暖酥凝掠鬓宝鸳钗折 凄切纹牕描绣旧谱寻棋变成虚设同心对结重来  
是甚时节怅姑苏台上征帆何许隐隐遥山万叠袖红绡独立无言偷弹泪血

前调 曾覿

陡寒生翠幕冻云垂缤纷飞雪初落紫风度池阁嫋余妍时趁舞腰纤弱江天漠漠认残梅吹  
散画角正貂裘乍怯黄昏院宇入檐飘箔 依约银河迢迢种玉羣仙共骖鸾鹤东君未觉先春

绽万花萼向尊前已喜丰年呈瑞人间何事?乐拥笙歌绣阁低帷纵欢细酌

前调 杨无咎

听梅花再弄残酒醒无寐寒衾愁拥凄凉谁与共漫赢得别恨离怀千种拂墙树动更晓来云  
陰雨重对伤心好景回首旧游恍然如梦 欢纵西湖曾返画舫争驰绣鞍双控归来夜中要银  
烛衔金凤到而今谁拣花枝同戴谁酌酒杯笑捧但逢花对酒空祇自歌自送

前调【送张丞罢官归柯山】 侯寘

楚山无际碧湛一溪晴綠四郊寒色霜华弄初日有玉明瑶草金铺平磧天涯倦翼更何堪临  
岐送客念飞蓬断梗无踪把酒後期难觅 愁寂梅花顚顚茅舍萧疎倍添凄惻维舟岸侧留君  
饮醉休惜想柯山春晚还家应对菊老松坚旧宅叹宦游索寞情怀甚时去得

前调【咏含笑花】 侯寘

春风无检束故倡条冶叶恣情丹綠任莺喧燕宿似东邻北里都无贞淑高情恨蹙叹何时重  
见桂菊又谁知天上黄姑扫尽晚春余俗 幽独铅华不御翡翠帷深郁金裙簌长眉了目嫣然  
态倚修竹纵青门瓜美江陵橘老怎比无穷剩馥?难禁扇底横枝恼人睡足

前调【赋梅】 辛弃疾

雁霜寒透幙正护月云轻嫩冰犹薄溪匳照梳掠想含香弄粉艳妆难学玉肌瘦弱更重重龙  
绡衬着倚东风一笑嫣然转盼万花羞落 寂寞家山何在雪後园林水边楼阁瑶池旧约邻翁  
更仗谁托粉蝶儿只是寻桃觅柳开徧南枝未觉但伤心冷落黄昏数声画角

前调【南涧双溪楼】 辛弃疾

片帆何太急望一点须臾去天咫尺舟人好看客似三峡风涛嵯峨劒戟溪南溪北正遐想幽  
人泉石看渔樵指点危楼却羨舞筵歌席 叹息山林钟鼎意倦情迁本无欣戚转头陈迹飞鸟  
外晚烟碧问谁怜旧日南楼老子最爱月明吹笛到而今扑面黄尘欲归未得

前调 袁去华

郊原初过雨见败叶零乱风定犹舞斜阳挂深树映浓愁浅黛遥山眉妩来时旧路尚岩花娇  
黄半吐到而今惟有溪边流水见人如故 无语邮亭深静下马还寻旧曾题处无聊倦旅伤离  
恨最愁苦纵收香藏镜他年重到人面桃花在否念沉沉小阁幽牕有时梦去

前调【钱台山沈公雅】 赵彦端

记河梁折柳问画堂乐事燕鸿难偶十年漫回首但亭亭紫盖差差南斗传闻小有种桃花亲  
烦素手怪归来道骨仙风缥缈迥然非旧 清昼江南如画紫菊冬前翠橙霜後扁舟渡口佳客  
至奉名酒唤青鸾起舞云牕月檻一曲山明水秀笑相看玉海别来浅如故否

前调【九日】 王千秋

征鸿翻塞影怅悲秋人老浑无佳兴鸣蛩问酒病更堆积愁肠摧残诗鬓起寻芳径菊羞人依  
丛半隐又岂知虚度重阳浪阔渺无归信 无定登高人远戏马台前怨歌谁听香肩醉凭镇常  
是笑独醒到如今何在西风凝竚冠也无人正看他门对插茱萸恨长怨永

前调【元夕为王使君赋】 杨炎

风光开旧眼正梅雪初消柳丝新染楼台竞装点照金荷十里珠帘齐卷湘弦楚管动香风旌  
旗影转望云间一点台星飞下洞天清晚 争看袖红围座舞翠回春笑歌生?欢声正远嬉游  
意未容嬾恐丝纶趋召清都仙伯归去朝天夜半倩那人挽取鳌头醉扶玉腕

前调 陆淞

脸霞红印枕睡起来冠儿还是不整屏间麝煤冷但眉山压翠泪珠弹粉堂深昼永燕交飞风  
帘露井帐无人说相思近日带围宽尽 重省残灯朱幌淡月疎牕那时风景阳台路近云雨  
梦便无准待归来先指花梢教看却把心期细问问因循过了青春怎生意稳

前调【筇杖】 高观国

一枝苍玉冷爱露节霜根从他孤劲提携远尘境自清癯骨力岁寒心性登临助兴甚偏与芒  
屨相称笑葛洪陂外腾飞渺渺水闲烟迥 寻胜拨开林影卓破苔痕缓支幽径分云度岭待随  
处问梅信任香挑村醕寒抛夜月识尽江山好景扣禅关拘折归来万缘自静

前调 史达祖

杏烟娇湿鬓过杜若汀洲楚衣香润回头翠楼近指鸳鸯沙上暗藏春恨归鞭隐隐便不念芳  
盟未稳自箫声吹落云东再数故园花信 谁问听歌牕罅倚月阑边旧家轻俊芳心一寸相思  
後总灰尽奈春风多事吹花摇柳也把幽情唤醒对南溪桃萼翻红又成瘦损

前调【红梅】 史达祖

馆娃春睡起为助妆酒暖脸霞轻膩水霜一生里厌重来冷淡粉颿重洗臙脂暗试便无限芳  
穠气味向黄昏竹外寒深醉里为谁偷倚 娇媚春风模样霜月心肠瘦来肌体孤香细细吹梦  
到杏花底被高楼横管一声惊断却对南枝洒泪漫相思桃叶桃根旧家姊妹

前调【甲辰元夕】 李?英

玉城春不夜 映月璧寒流 烛蕖光射 鳌山海云驾 拥遨头 箫鼓锦旗红亚 东风近也 趁乐岁良辰多暇 想阳和早徧南州 暖得柳娇桃冶 堪画纱笼夹道 露重花珠尘吹兰麝 歌朋舞社 玉梅转闹蛾耍 且茧占先探芋郎 戏巧又卜紫姑灯下 听歌声犹自未归 钿车宝马

前调 陆 叡

湿云黏鴈影 望征路愁迷 离绪难整 千金买光景 但疎钟催晓 乱鸦啼暝 花惊暗省 许多情相逢梦境 便行云都不归来也 合寄将音信 孤迥盟鸾心在 跨鹤程高 後期无准 情丝待翦 翻惹得旧时恨 怕天教何处 参差双燕 还染残朱剩粉 对菱花与说相思 看谁瘦损

前调 张 榘

碧油推上客 有神机沈密 参运帷幄 威声际沙漠 庆云飞川泳 和熏三白 霄渊复隔 甚探梅也来相约 更谁怜久客 泥深穿履 栖栖东郭 农麦年来 管好禾黍离离 讵忘关洛 风高水涸 多少事待韬略 看鷺池夜渡 黎明飞捷 儿辈惛惛未觉 便冲寒铁骑横驱 泛埽六合

前调【次周美成韵】 方千里

看青山遶郭 更暮草萋萋 疎烟漠漠 无风自花落 欲黄昏谁向官楼吹角 刚肠顿弱 恨别来辜负厚约 想香闺念旧还忆去年共举杯酌 寂寞光陰虚度 未说离愁泪痕先阁 珠帘翠幙除相见是奇药 况中年已後 凭高临远 情怀终是易恶 早归休月地云阶 賸追笑乐

前调 吴文英

夜寒吴馆窄 渐酒阑烛暗 犹分香泽 轻扬展鸟翮 送高鸿飞过 长安南陌 渔矶旧迹 有陈蕃虚牀挂壁 掩庭扉蛛网黏花 细草静摇春碧 还忆洛阳年少 风露秋檠岁华如昔 长吟堕帻 暮潮送富春客 算玉堂不染梅花 清梦宫漏声中 夜直正逋仙清瘦 黄昏几时觅得

前调【壽方蕙岩寺簿】 吴文英

辘轳秋又转 记旋草新词 江头凭雁 乘槎上银汉 想车尘才踏东华红? 何时赐见 漏声凉移宫夜半 问蓴鲈今几 西风未觉 岁华迟晚 一片丹心白髮 滴露研朱 雅陪清讌 班回柳院 蒲团底小 禅观望罽罍 明月初圆 此夕应共婵娟 茂苑愿年年 玉兔长生 聳秋井干

前调【壽云麓】 吴文英

记年时秋半 看画堂凝香 璇奎初焕 天边岁华转向九重春 近仙桃传宴 银罍翠管 宝香飞蓬



莱小苑感玉皇恩重千秋翠麓峻齐云汉 须看鸿飞高处野阔天宽弋人空羡梅清水暖苔溪畔几吟倦算金门听漏玉墀班早赢得风霜满面总不如绿野身安镜中未晚

前调 吴文英

汨荷抛碎壁正漏云筛雨斜捎牕隙林声怨秋色对小山不迭寸眉愁碧凉欺岸帻暮砧催银屏翦尺最无聊燕去堂空旧幙暗尘罗额 行客西园有分断柳凄花似曾相识西风破屐林下路水边石念寒蛩残梦归鸿心事那听江楼夜笛看雪飞苹底芦梢未如鬓白

前调 吴文英

乱云生古峤记旧游惟怕秋光不早人生断肠草叹如今摇落暗惊怀抱惟临晚眺吹台高霜歌缥缈想西风此处留情肯着故山衰帽 闻道萸香西市酒熟东邻浣花人老金鞭骖裹迫吟赋倩年少想重来新雁伤心湖上销灭红深翠窈小楼寒睡起无聊半帘晚照

前调 毛幵

柳风清昼潯山樱晚一树高红争熟轻纱睡初足悄无人敲枕虚檐鸣玉南园秉烛叹流光容易过目送春归去有无数弄禽满径新竹 闲记追欢寻胜杏栋西厢粉墙南曲别长会促成何计奈幽独纵湘弦难寄鳞香终在屏山蝶梦断续对沿堦细草凄凄为谁自绿

前调【乡城见月】 蒋捷

绀烟迷雁迹渐碎鼓零钟街喧初息风檠背寒壁放水蛭飞到丝丝帘隙琼魂暗泣念乡关霜芜似织漫将身化鹤归来忘却旧游端的 欢极蓬壶蕖浸花院梨溶醉连春夕柯云罢奕樱桃在梦难觅劝清光乍可幽牕相伴休照红楼夜笛怕人间换谱伊凉素娥未识

前调【买妾名雪香】 蒋捷

素肌元是雪向雪里带香更添奇绝梅花太孤洁问梨花何似风标难说长洲漾楫料鸳边娇蓉乍折对珠笼自翦凉衣爱把淡罗轻叠 清澈螺心翠靥龙吻琼涎总成虚设微微醉纈牕灯晕弄明灭算银台高处芳菲仙佩步徧纤云万叶觉来时人在红幮半廊界月

前调【红叶】 蒋捷

缟霜飞霁雪渐翠减凉痕腥浮寒血山川梦凄切短吟筇犹倚莺边新樾花魂未歇似追昔芳销艳灭挽西风再入柔柯误染绀云成纈 休说深题锦翰浅泛琼漪暗春曾泄情条万结依然是未愁绝?恰他南苑空堦堆徧人隔仙蓬怨别锁芙蓉小殿秋深碎蛩诉月

前调【壽东轩立冬前一日】 蒋捷

玉霜生穗也渺洲云翠痕雁绳低也层帘四垂也锦堂寒早近开炉时也香风通也是东篱花深处也料此花伴我仙翁未肯放秋归也 嬉也缁波稳舫镜月危楼醺琼 也笼鹦睡也红妆旋舞衣也待纱灯客散纱牕月上便是严凝序也换青氍小帐围春又还醉也

前调 陈允平

故庐元负郭爱树色参差湖光渺漠楼危万山落俯阑干十二鞦韆飞角花娇柳弱映轻黄浅黛依约与沙鸥共结新盟伴我醉眠醒酌 萧索云根石上瀹茗松泉注书芸阁莺窥燕幙檐外竹圃中药念耕烟钓雪已成活计一任风波自恶但无心万事由天梦中更乐

前调 陈允平

燕归帘半卷正漏约琼签笙调玉琯蛾眉画来浅甚春衫嬾试夜灯慵翦香温梦暖诉芳心芭蕉未展渺双波望极江空二十四桥凭遍 葱蒨银屏彩凤雾帐金蝉旧家坊院烟花弄晚芳草恨断魂远对东风无语緑陰深处时见飞红数片算多情尚有黄鹂向人睨眄

前调【和李梅南】 欧良

赏残陶径菊正嫋嫋愁予风凄露肃何人抱幽独更檐马锵金廊鱼响木此情谁属向底处骋怀游目小牕前频览菱花一笑鬓丝犹緑 萧索故国云迷佳人日暮轻颦倚竹短钗敲玉箏几夜恁孤宿问旅情如许怎生排遣应费酒尊诗轴最无端谁隔西楼正调弦促

前调【代去姬写怀】 张炎

楚云分断雨问那回因甚琴心先许匆匆话离绪正花房蜂闹着春无处残歌剩舞尚隐约当时院宇黯销凝铜雀深深忍把小乔轻误 休赋玉尊别後老叶沈沟暗珠还浦欢游再数能几日采芳去最无端做了霎时妖梦不道风流甚苦把余情付与秋蛩夜长自语

前调【海棠】 刘澜

向阳看未足更露立阑干日高人独江空佩鸣玉问烟鬟霞脸为谁膏沐情闲景淑嫁东风无媒自卜凤台高贪伴吹笙惊下九天霜鹄 红蹙花开不到杜老溪庄已公茅屋山城水国欢易断梦难续记年时马上人酣花醉乐奏开元旧曲夜归来驾锦漫天绦纱万烛

前调【秋归】 葛长庚

残蟾明晚照政一番霜讯四山秋老孤村带清晓有鸣鞭归骑乱林啼鸟青帘缥缈嬾行时持

杯自笑甚年来破帽雕裘惯得淡烟芳草 多少客愁羁思雨泊风餐水边云杪西牕正好疎竹  
外粉墙小念归期相近梦魂无奈不为轻罗寒峭怕无人料理黄花等闲过了庆春宫

【双调一百二字或名庆宫春】

庆春宫【悲秋】 周邦彦

云接平岗山围寒野路回渐转孤城衰柳啼鸦惊风驱雁动人一片秋声倦途休驾澹烟里微  
茫见星尘埃顚顚生怕黄昏离思牵萦 华堂旧日逢迎花艳参差香雾飘零弦管当头偏怜娇  
凤夜深簧暖笙清眼波传意恨密约匆匆未成许多烦恼只为当时一晌留情

前调 吴文英

残叶翻浓余香栖苦障风怨动秋声云影摇寒波尘销膩翠房人去深局昼成凄黯雁飞过垂  
杨转青阑干横暮酥印痕香玉腕谁凭 菱花乍失娉婷别岸围红千艳倾城重洗清杯同追深  
夜豆花寒落愁灯近欢成梦断云隔巫山几层偷相怜处熏尽金篝消瘦云英

前调【次周美成韵】 陈允平

孤鹜披霞归鞍衔日晚香菊自寒城虚馆灯闲征衫尘浣夜深何处砧声乱蛩催怨月明里依  
稀数星云山迢递犹误归期方寸偏萦 秋风燕送鸿迎?怜堤柳白露先零倦倚楼高恨随天  
远桂风和梦俱清故人千里记翦烛西牕赋成相如顚顚宋玉凄凉酒恨花情

前调 张 枢

斜日明霞残红分雨软风浅掠苹波声冷瑶笙情疎宝扇酒醒无奈秋何彩云轻散漫敲缺铜  
壶浩歌眉痕留怨依约远峰学敛双蛾 银牀露洗凉柯屏掩香消忍埽裙罗楚驿梅边吴江枫  
畔庾郎从此愁多草蛩喧砌料催织回文凤梭相思遥夜帘卷翠楼月冷星河

前调【都下寒食】 张 炎

波荡兰觞邻分杏酪昼辉冉冉烘晴冒索飞仙戏船移景薄游也自忺人短桥虚市聽隔柳谁  
家卖饧月题争系油壁相连笑语逢迎 池亭小队秦筝就地围香临水前裙冶态飘云醉妆扶  
玉未应闲了芳情旅怀无限忍不住低低问春梨花落尽一点新愁曾到西泠

前调【金粟洞天】 张 炎

蟾窟研霜蜂房点蜡一枝曾伴凉宵清气初生丹心未拆浓艳到此都消避风归去贮金屋妆  
成汉娇粟肌微润和雾吹香直与秋高 小山旧隐重招记得相逢古道迢遥被酒长歌插花短

舞谁在水国吹箫余音何处看万里星河动摇广庭人散月淡天心鹤下银桥

前调【又一体送赵元父】 周密

重叠云衣微茫鸿影短篷稳载吴雪霜叶敲寒风灯摇晕棹歌人语呜咽拥衾呼酒正百里水河乍合千山换色一镜无尘玉龙吹裂夜深醉踏长虹表里空明古今清絶高堂在否登临休赋忍见旧时明月翠销香冷怕空负年芳轻别孤山春草一树梅花待君同折

前调【水仙】 王沂孙

明玉擎金纤罗飘带为君起舞回雪柔影参差幽芳零乱翠围腰瘦一捻岁华相误记前度湘皋怨别哀弦重听都是凄凉未须弹彻国香到此谁怜烟冷沙昏顿成愁絶花恼难禁酒销欲尽门外水渐初结试招仙魄怕今夜瑶簪冻折携盘独出空想咸阳故宫落月

前调 刘澜

春翦緑波日明金渚镜光尽浸寒碧喜溢双蛾迎风一笑两情依旧脉脉那时同醉锦袍湿乌纱敲侧英游何在满目青山飞下孤白片帆谁上天门我亦明朝是天门客平生高兴青莲一叶从此飘然八极矶头緑树见白马书生破敌百年前事欲问东风酒醒长笛

前调 王易简

庭草春迟汀苹香老数声佩悄苍玉年晚江空天寒日暮壮怀聊寄幽独倦游多感更西北高楼送目佳人不见慷慨悲歌夕阳乔木紫霞洞窈云深嫋嫋余音凤箫谁续桃花赋在竹枝词远此恨年年相触翠鬣芳字漫重省当时顾曲因君凝竚依约吴山半痕蛾緑拜星月慢

【又一体双调一百二字】

拜星月慢 陈允平

漏阁闲签琴牕倦谱露湿宵萤欲暗雁咽凉声寂寞芙蓉院画檐外树色惊霜渐改淡碧云疎星烂旧约桐陰问何时重见倚银屏更忆秋娘面想凌波共立河桥畔重念酒污罗襦渐金篝香散翦孤灯伴宿西风馆黄花梦对发凄凉叹但怅望一水家山被红尘隔断南浦

【楚辞送美人兮南浦後人伤离惜别者辄用之词取以名双调一百二字】

南浦 鲁逸仲

风悲画角听单于三弄落谯门投宿駸駸征骑飞雪满孤村酒市渐阑灯火正敲牕乱叶舞纷

纷送数声惊雁乍离烟水嘹唳度寒云 好在半胧淡月到如今无处不销魂故国梅花归梦愁  
损绿罗裙为问暗香闲艳也相思万点付啼痕算翠屏应是两眉余恨倚黄昏

前调【又一体滕王阁怀古】 喻 综

天高气爽看平楚落叶动秋声南国惊霜征雁带影下寒城漠漠轻舟过雨湿帆飞远几点微  
星更萧条鸦集陌头衰柳残照万峰青 瑟瑟江澄染练忆从前何事不凝情日月销磨今古不  
见旧旗旌青雀黄龙何在也堦除惟有树长生叹去来月上阑干空际水波明西平乐

【双调一百二字】

西平乐 柳 永

尽日凭高寓目脉脉春情緒佳景清明渐近时节轻寒乍暖天气才晴又雨烟光澹荡装点平  
芜远树暗凝竚台榭好莺燕语正是和风丽日几许繁红嫩绿雅称嬉游去奈阻隔寻芳伴侣  
秦楼凤吹楚台云约空怅望在何处寂寞韶光暗度可堪向晚村落声声杜宇

前调【梅次周美成韵】 朱 雍

夜色娟娟皎月梅玉共春绪不使铅华点缀超出精神淡泞休妒残英如雨清香眷恋只恐他  
风满树散难竚江亭暮鸣佩语正值匆匆乍别天远瑶池缟縠好趁

飞琼去忍孤负瑶台伴侣琼肌瘦尽庾岭零落空怅望动情处画角哀声暗度参横向晓吹入  
深沈院宇

御选历代诗余卷七十九

# 卷八十

<集部,词曲类,词选之属,御选历代诗余

钦定四库全书

御选历代诗余卷八十目錄【一百三字】

瑞鹤仙【又一体】

周邦彦

前调【又一体】

张枢

喜迁莺【又一体】

蔡伸

赵长卿

李纲

康与之

胡浩然

曹冠

赵彦端

程秘

王千秋【二首】

黄机

吴礼之【二首】

易祓

高观国【二首】

冯去非

沈端节

吴文英【三首】

蒋捷【三首】

何梦桂【二首】

无名氏【五首】

王特起【二首】

张翥

刘基

周用【三首】

齐天乐【又一体】

吕渭老

陆游【二首】

吴子孝

探春慢【又一体】

姜夔

赵以夫

陈允平

周密

张炎【二首】

还京乐【又一体】

周邦彦

方千里

陈允平

眉妩

姜夔

王沂孙

张翥

御选历代诗余卷八十目录

钦定四库全书

御选历代诗余卷八十【一百三字】

司经局洗马掌局事兼翰林院修撰加二级【臣】王奕清奉旨校刊

瑞鹤仙

【又一体双调一百三字】

瑞鹤仙 周邦彦

暖烟笼细柳弄万缕千丝年年春色晴风荡无际浓於酒偏醉情人词客阑干倚处度花香微散酒力对重门半掩黄昏淡月院宇深寂愁极因思前事洞房佳宴正值寒食寻芳徧赏金谷里铜驼陌到而今鱼雁沈沈无信息天涯常是泪滴早归来云馆深处那人正忆



前调【又一体】 张 枢

卷帘人睡起放燕子归来商量春事风光又能几减芳菲都在卖花声里吟边眼底披嫩绿移红换紫甚等闲半委东风半委小溪流水 还是苔痕溷雨竹影留云

待晴犹未兰舟静横西湖上多少歌吹粉蝶儿守定落花不去湿重寻香两翅怎知人一点新愁寸心万里喜迁莺

【又一体双调一百三字】

喜迁莺 蔡 伸

素娥呈瑞正惨惨暮寒同云千里翦水飞花渐渐瑶英密洒翠筠声细邃馆静深金铺半掩重帘垂地明牕外伴疎梅潇洒玉肌香腻 幽人当此际醒魂照影漏永愁无寐强拊清尊慵添宝鸭谁会黯然情味幸有赏心人奈咫尺重门深闭今夜里莫忍教孤负浓香翠被

前调 赵长卿

商飈轻透动帘幙飞梧乱飘庭甃瑞气氤氲沈檀初爇烟喷宝台金兽黄花美酒天教占得先他时候诞元老庆有声此夕降生华胄 欢笑宜称壽弦管鼎沸宫羽方频奏满捧瑶卮华堂歌舞拍转金钗斜溜朱颜绿鬓殷勤深愿镇长如旧叹滨海道难留指日荣迁飞骤

前调【自池阳泛舟】 李 纲

江天霜晓对万顷雪浪云涛弥渺远岫参差烟雨微茫閱尽往来人老浅沙别浦极望满目余霞残照暮云敛放一轮明月窥人怀抱 杳杳千里恨玉人一别梦断无音耗手捻江梅枝头春信欲寄箴应难到画船片帆浮碧更值风高波浩几时得向尊前销去许多烦恼

前调【秋夜闻雁】 康与之

秋寒初劲看云路雁来碧天如镜湘浦烟深衡阳沙遶风外几行斜阵回首塞门何处故国关河重省汉使老认上林欲下徘徊清影 江南烟水暝声过小楼烛暗金猊冷送目鸣琴裁诗挑锦此恨此情无尽梦想洞庭飞下散入云涛千顷过尽也奈杜陵人远玉关无信

前调【立春】 胡浩然

谯楼残月听画角晓寒梅花吹彻瑞日祥云和风解冻青帝乍临东阙暖向土牛箫鼓天路珠帘高揭最好是戴彩幡春胜钗头双结 奇絶开宴处珠履玳簪俎豆争罗列舞袖翩翩歌喉缥缈压倒柳腰莺舌劝我应时纳佑还把金炉香爇愿岁岁把一卮春酒长陪佳节

### 前调 曹冠

艳阳时序向祓禊芳辰登临仙府碧水澄虚修篁耸翠夹径蕙兰香吐春晚巧莺声碎风卷飞红无数凝望处见桑村麦陇竹溪烟浦 欢聚须信道游宦东西易得成离阻北海开尊东山乘兴四乐偷闲赢取棋战新来常胜诗瘦只因吟苦心湛静笑白云多事等闲为雨

### 前调 赵彦端

登山临水正桂岭瘴开苹洲风起玄?高翔苍鹰远击白鹭欲飞还止江上澄波似练沙际行人如蚁目断处见遥峰簇翠残霞浮绮 千里关塞远鴈阵不来犹把阑干倚数叠悲笳一行征旆城郭几番成毁白塔前朝陵寝青嶂故都营垒念往事但寒烟满目秋蝉盈耳

### 前调【壽薛枢密】 程秘

去年玉燕记曾期今岁瑶光入度今日都人从头屈指尽是黑头公辅争道一朝语合谁信千龄际遇更积雨晚来晴洗出琉璃清宇 笑语知何许旆卷青霓来自钧天所道骨仙风安排顿着须是人间紫府要识云台高絶更有凤池深处从今数看千秋万岁永承明主

### 前调【梅】 王千秋

春前腊尾问谁会开解幽人心里映竹精神凌波标致姑射昔闻今是试妆竞看吹面寄驿胜传缄纸迴潇洒更香来林表枝横溪底 谁为停征骑评蕙品兰俱恐非同里天意深怜花神偏巧特为翦冰裁水拟换绿衣来舞只许苍官相倚醉眠稳尽参横月落留连行李

### 前调【雪和前韵】 王千秋

玉龙垂尾望阙角迢嶢如侵云里明壁榱题白银阶陞平日世间无是静久声鸣槛竹夜半色侵牕纸最奇处尽巧妆枝上低飞檐底 当为呼游骑噉犬擎苍腰箭随邻里藉草烹鲜枯枝煎茗点化玉花为水未挹瑶台风露且借琼林栖倚眩银海待斜披鹤氅骑鲸寻李

### 前调【香风亭上】 黄机

平湖百亩种满湖莲叶遶堤杨柳冉冉波光辉辉烟影空翠湿沾襟袖静愜邻鸡啼午暖逼沙鸥眠昼西园路更红尘不断蜨酣蜂瘦 知否堪画处野荠芜菁冒地铺茵绣桃李陰边桑麻丛里斜矗酒帘夸酒竹寺小依山趾茅店平窥津口春又晚正香风有客倚阑搔首

### 前调【闰元宵】 吴礼之

银蟾光彩喜稔岁闰正元宵还再乐事难并佳时罕遇依旧试灯何碍花市又移星汉莲炬重

芳人海尽勾引徧嬉游宝马香车喧隘 情快天意教人月更圆偿足风流债媚柳烟浓夭桃红  
小景物迥然堪爱巷陌笑声不断襟袖余香仍在待归也便相期明日踏青挑菜

前调【端午】 吴礼之

梅霖初歇正绿色海榴争开佳节角黍包金香蒲切玉是处玳筵罗列鬪巧尽输年少玉腕彩  
丝双结穠彩舫见龙舟两两波心齐发 奇絶难画处激起浪花翻作湖间雪画鼓轰雷红旗掣  
电夺罢锦标方彻望中水天日暮犹自珠帘高揭棹归晚载荷香十里一钩新月

前调 易祓

帝城春昼见杏脸桃顒胭脂微透一霎儿晴一霎儿雨正是催花时候淡烟细柳如画雅称踏  
青携手怎知道那人人独倚阑干消瘦 别後音信断应是泪珠滴徧香罗袖记得年时胆瓶儿  
畔曾把牡丹同鬪故乡水遥山远怎得新欢如旧强消遣把闲愁推入花前杯酒

前调【代人吊西湖歌者】 高观国

歌音凄怨是几度诉春春都不管感绿惊红颦烟啼月长是为花消瘦玉骨瘦无一把粉泪愁  
多千点可怜损任尘侵粉蠹舞裙歌扇 转盼尘梦断峡里云归空想春风面燕子楼空玉台妆  
冷湖外翠峰眉浅绮陌断魂名在宝篋返魂香远此情苦问落花流水何时重见

前调 高观国

凉云归去再约着晚来西楼风雨水静帘阴鸥闲菰影秋到露汀烟浦试省唤回幽恨尽是愁  
边新句倦登眺动悲凉还在残蝉吟处 凄楚空见诉香锁雾局心似秋莲苦宝瑟弹冰玉台窥  
月浅黛可怜偷聚几时翠沟题叶无复绣帘吹絮鬓华晚念庾郎情在风流谁与

前调 冯去非

凉生遥渚正绿芰擎霜黄花招雨鴈外渔灯蜚边蟹舍绦叶满秋来路世事不离双鬓远梦偏  
欺孤旅送望眼但凭舷微笑书空无语 慵看青镜里十载征尘长把朱颜污借筋青油挥毫紫  
塞旧事不堪重举间阔故山猿鹤冷落同盟鸥鹭倦游也便檣云桡月浩歌归去

前调 沈端节

水池轻皱喜寒律乍回微阳初透岁晚云黄日晴烟暖昼刻暗添宫漏山色岸容都变春意欲  
传官柳最好处正酥融粉薄一枝梅瘦 行乐春渐近景胜欢长窃渺丝簧奏鸣玉鴈行退朝花  
院犹有御香沾袖试问西邻虽富何比东皋依旧趁未老便优游林壑围碁把酒

前调【牡丹】 吴文英

凡尘流水正春在绦阙瑶墙十二暖日明霞天香盘锦低映晓光梳洗故苑浣花沈恨化作天  
红斜紫困无力倚阑干还倩东风扶起 公子留意处罗盖牙签一一花名字小扇翻歌密围留  
客云叶翠温罗绮艳波紫金杯重人倚妆台微醉夜和露翦残枝点点花心清泪

前调【福山萧寺岁除】 吴文英

江亭年暮趁飞鴈又听数声柔橹婪尾杯单胶牙饴淡重省旧时羁旅雪舞野梅篱落寒拥渔  
家门户晚风峭做初番花信春还知否 何处围艳冶红烛画堂博塞良宵午谁念行人愁先芳  
草轻送年华如羽自剔短檠不睡空索彩桃新句便归好料鹑黄已染西池千缕

前调【王臞庵与闲堂】 吴文英

烟空白鹭乍飞下似呼行人相语细縠春波微痕秋月曾认片帆来去万顷素云遮断十二红  
帘鈎处黯愁远向虹腰时送夕阳凝竚 轻许孤梦到海上几宫玉冷深牕户遥指人间隔江灯  
火漠漠水苹摇暮看缉断矶残钓替却珠宫雪舞吟未了去匆匆清晓一阑烟雨

前调 蒋捷

晴天辽廓被孤云画出离愁萧索玉局弹碁金钗翦烛芳思可胜摇落镜妆为慵迟晚笙曲缘  
愁差错倒纤指更从头细数年时同乐 寂寞花院悄昨夜醉眠梦也难凭托车角生时马蹄方  
後才始断伊漂泊闷无半分消遣春又几番担阁倚阑久奈东风忒冷红绡单薄

前调【金港阻风】 蒋捷

风涛如许被闲鸥笑我君行良苦槲叶深湾芦窠窄港小憇倦篙慵櫓壮年夜吹笛去惊得鱼  
龙嗥舞怅今老但篷牕紧掩荒凉愁慄 别浦云断处低雁一绳拦断家山路佩玉无诗飞霞乏  
序满席快飈谁付醉中几番重九合度芳尊孤负便晴否怕明朝蝶冷黄花秋圃

前调【暮春】 蒋捷

游丝纤弱漫着意绊春春难凭托水暖成纹云晴生影芳草渐侵裙幄露添牡丹新艳风摆秋  
千闲索对此景动高歌一曲何妨行乐 行乐君听取莺啭绿牕也似来相约粉壁题诗香街走  
马争奈鬓丝输却梦回昼长无事聊倚阑干斜角翠深处看悠悠几点杨花飞落

前调 何梦桂

留春不住又早是清明杨花飞絮杜宇声声黄昏庭院那更半帘风雨劝春且休归去芳草天

涯无路悄无语倚阑干立尽落红无数 谁愬长门事记得当年曾趁梨园舞霓羽香消梁州声歇昨梦转头今古金屋玉楼何在尚有花钿尘土君不顾怕伤心休上危楼高处

前调 何梦桂

东君别後见说道花枝也成消瘦夜雨帘栊柳边庭院烦恼有谁撋就犹记旧看承处梅子枝头如豆最苦是向重门人静月明时候 知否人不见纵有音书争似重携手旧日沈腰如今潘鬓怎奈许多倜傥极目万山深处肠断不堪回首情寸寸到如今只在长亭烟柳

前调【梅花五首】 无名氏

南枝向暖乍秀出庾岭梅英初吐玉颊轻匀琼颔淡抹姑射冰容相许几回立马凝竚影映寒光霜妒教尽占在百花头上严冬独步 芳华春意早昨夜一番雪里开无数万蕊千梢铅堆粉污总是化工偏赋月明暗香浮动休使龙吟声苦且留取待时时频倚阑干重顾

前调 无名氏

腊残春未正候馆梅开墙阴雪里冷艳凝寒孤根回暖昨夜一枝春至素苞暗香浮动别有风流标致谢池月最相宜疎影横斜临水 谁为传驿使陇上故人不见今千里寄与东君从教知人别後岁寒清意乱山万叠何在但有飞云天际故园好早归来休恋繁桃李

前调【用前韵】 无名氏

琼姿冰体料莹光乍转广寒宫里北陆寒深南园春早此後万花方至翦霞鬬萼裁蕊砌成天与高致太潇洒最宜雪宜月宜亭宜水 好是天涯景岭上万株浮动香千里屏写横斜鬓插垂鬟占尽秀骨清意醉魂易醒吟兴信来佳思无际为传语向东风甘使无言桃李

前调 无名氏

霜凝雪汎正斗杓临丑三阳将近万木雕零羣芳消歇禁苑有梅初盛异香似熏沈水素色端如玉莹人尽道第一番天遣先占春信 标韵犹耿耿月观水亭谁解怜疎影何逊扬州拾遗东阁一见便生清兴望林止渴功就不如夭桃繁杏岁寒意看结成秀子归调商鼎

前调 无名氏

一阳初起渐庾岭梅雪才苞香蕊品格清高姿容闲雅别受化工深意放开独占严景不使混同凡卉微雨霁似玉容寂寞无言有泪 难比凝素态不共艳阳桃李争妍丽疑是佳人巧捻香酥枝上玉纤轻缀前村可惜无赏好近天庭阶砌成实後有调和鼎鼐一般滋味

前调【别内】 王特起

东楼欢宴记遗簪绮席题诗纨扇月枕双敲云牕同梦相伴小花深院旧欢顿成陈迹翻作一番新怨素秋晚聽阳关三疊一尊相饯 留恋情繾綣红泪洗妆雨湿梨花面鴈足关河马头星月西去一程程远但愿此心如旧天也不违人愿再相见把生涯分付药炉经卷

前调【题郝仙女庙壁】 王特起

汀洲苹满记翠笼采采相将邻媛苍渚烟生金支光烂人在雾绡蛟馆小鬟顿成云散罗襪凌波不见翠鸾远但清溪如镜野花留钿 情睠惊变现身後神功丝满吴蚕茧汉女菱歌湘妃瑶瑟香动倚云层殿彤车载花一色醉尽碧桃清讌故山晚叹流年一笑人间飞电

前调【琼花】 张翥

东风吹尽但一片綠陰空留春恨后土祠荒飞琼谪久还喜玉容堪认二十四桥夜月二十四番风信便载酒怕芳菲易老阴晴难稳 娇困羞起晚竚立画栏淨洗闲脂粉沈水浓熏蜂黄淡染自有絕尘香韵也知世间无对肯许浮花相近凤箫远待数枝折与玉峰人问

前调【梅花】 刘基

冻云初启看的皜梅花俯窥清泚膏泽无加铅华不御应与素娥争丽艳浥蕊宫露冷香引瑶池风细夜耿耿想飞琼欲下缟衣摇曳 惊慨犹记得月榭春宵锦幃开芳砌倚树聯诗擷英浮酒左右翠翹珠幌今日故人何在肠断白波东逝向此际但含情独立为伊凝睇

前调【九日次韵】 周用

江南九日恰此处登高佳哉风物弱水西头扶桑东畔不碍短墙疎壁欲觅擅塲画手谁识王孙松雪更可笑是刘郎餽字负他诗杰 奇絕正把酒指点江山??清飈发太史占星尚书践斗闻道旄头光灭整顿清时胜事诗律且賒毫发趁余兴促聯翩归骑九衢微月

前调【寄吴静之用前韵】 周用

棱棱风骨看飞黄自是天闲中物一寸丹心数茎白髮合在云台西壁检点平生到处几许坚冰寒雪且听取为从头屈指古来豪杰 卓絕待赤手埽破顽阴划地惊雷发五岭烟消三湘波静谁信口碑磨灭千古是非公论毕竟不差毫髮问心事有海天今夜十分明月

前调【登牛首山再用前韵】 周用

登登天阙问禪宫犹是六朝遗物廿载同游一时回首依旧烟崖云壁见说献花岩里尚有嬾

残融雪都分付与今来往古酒豪诗杰 清絕舒望眼万里秋空草树天香发大历编年中山墨  
本无奈字碑磨灭且倩扶桑向日曦我满头黄髮更相约蹑龙山絕顶剧谈风月齐天乐

【又一体双调一百三字】

齐天乐【观竞渡】 吕渭老

香红飘没明春水寒食万家游舫整整斜斜疎疎密密帘纈旗红相望江波荡漾称彩舰龙舟  
绣衣霞浆舞楫争先笑歌箫鼓乱清唱 重来刘郎老对故园桃红春晚尽成惆悵泪雨难晴愁  
眉又结翻覆十年手掌如今怎向念舞板歌尘远如天上斜日回舟醉魂空舞扬

前调【左县道中】 陆 游

角残钟晓关山路行人乍依孤店塞月征尘鞭丝帽影常把流年虚占藏鸦柳暗叹轻负莺花  
漫劳书劒事往关情悄然频动壮游念 孤怀谁与强遣市垆沽酒酒薄怎当愁酺倚瑟妍词调  
铅妙笔那写柔情芳艳征途自厌况烟斂芜痕雨稀萍点最是眠时枕寒门半掩

前调【三荣人日】 陆 游

客中随处闲消闷来寻啸台龙岫路斂春泥山开翠雾行乐年年依旧天工妙手放轻綠萱芽  
淡黄杨柳笑问东君为人能染鬢丝否 西州催去近也帽檐风輭且看市楼沽酒宛转巴歌凄  
凉塞管携客何妨频奏征尘暗袖漫禁得梅花伴人疎瘦几日东归画船平放溜

前调【午日】 吴子孝

几人得在家鄉老蒲觴再逢重午榴火烘人榆钱满地竹院梧垣无暑莺声未歇况细雨初晴  
疎帘乍举角黍筵前试看画扇长生缕 常忆蒙恩赐宴忧心对酒不似而今无苦彩笔词新朱  
弦歌妙何异神仙俦侣溪山有主喜川竞舟龙门悬艾虎寄与良朋年年常似许探春慢

【又一体双调一百三字】

探春慢【过雪溪别郑次皋诸君】 姜夔

衰草愁烟乱鸦送目飞沙回旋平野拂雪金鞭欺寒茸帽还记章台走马谁念飘零久漫赢得  
幽怀难写故人青盼相逢小牕闲共情话 长恨离多会少重访问竹西珠泪盈把雁碛沙平渔  
汀人散老去不堪游冶无奈苕溪月又唤我扁舟东下甚日归来梅花零乱春夜

前调 赵以夫

南国收寒东郊放暖条风初回台榭小燕横钗闹蛾低鬟眼底吴娃妖冶纤手传生菜向人道  
新春来也莫惜沈醉尊前这些风景无价长恨年年此日迎着个牛儿彩鞭羞打颭颭金幡星  
星华髮得似家山闲暇都把心期事待问讯柳边花下箫鼓声中温存小楼深夜

前调【苏堤春晓】 陈允平

上苑乌啼中洲鹭起踈钟才度云窈篆冷香篝灯微尘幌残梦犹吟芳草搔首卷帘看认何处  
六桥烟柳翠桡才横西冷趁取过湖人少掠水风花缭绕还暗忆年时旗亭歌酒隐约春声钿  
车宝勒次第凤城开了惟有踏青心纵早起不嫌寒峭画阑闲立东风旧红谁埽

前调【修门度岁】 周密

彩胜宜春翠盘销夜客里暗惊时候翦燕心情呼卢音语景物总成怀旧愁鬓妒垂杨早穉眼  
渐浓如豆尽教宽尽春衫毕竟为谁消瘦梅浪半空如绣便管领芳菲忍辜诗酒映竹占花临  
牕卜镜还念岁寒宫袖箫鼓动春城竞点缀玉梅金柳厮勾元宵灯前共谁携手

前调【雪霁】 张炎

银浦流云绿房迎晓一抹墙腰月淡暖玉生烟悬冰解冻碎滴瑶阶如霰才放些晴意早瘦了  
梅花一半也知不作花看东风何事吹散摇落似成秋苑甚酿得春来怕教春见野渡舟回前  
村门掩应是不胜清怨次第寻芳去灞桥外蕙香波暖犹妒檐声看灯人在深院

前调【客吴岁晚寄戚五云】 张炎

列屋烘炉深扉响竹催残客里时序投老情怀薄游滋味消得几夕夕凄楚听雁听风雨更听  
过数声柔橹暗将一点归心试托醉乡分付借问西楼在否休忘了盈盈端正窥户铁马春冰  
柳蛾暗雪次第满城箫鼓闲见谁家月浑不记旧游何处伴我微吟恰有梅花一树还京乐

【又一体双调一百三字】

还京乐 周邦彦

禁烟近触处浮香秀色相料理正泥花时候奈何客里光阴虚费望箭波无际迎风漾日黄云  
委任去远中有万点相思清泪到长淮底过当时楼下殷勤为说春来羁旅况味堪嗟悞约乖  
期向天涯自看桃李想如今应恨墨盈牋愁妆照水怎得青鸾翼飞归教见顚顚

前调【和周美成韵】 方千里

岁华惯每到和风丽日欢再理为妙歌新调粲然一曲千金轻费记夜阑深际更衣换酒珠玑



委怅画烛摇影易积银盘红泪 向笙歌底问何人能道平生聚合欢娱离别兴味谁怜露浥烟  
笼尽栽培艳桃穠李漫萦牵空坐隔千山情遥万水纵有丹青笔应难摹画顚顚

前调【和周美成韵】 陈允平

彩鸾去适怨清和锦瑟谁共理奈春光渐老万金难买榆钱空费岸草烟无际落花满地芳尘  
委翠袖里红粉溅溅东风吹泪 任鸳帏底宝香寒金兽慵熏绣被依依别离意味琼钗暗划心  
期倩啼?为催行李黯消魂但梦绕巫山情牵渭水待得归来後灯前深诉顚顚眉妩

【一名百宜娇双调一百三字】

眉妩【戏张仲远】 姜夔

看垂杨连苑杜若吹沙愁损未归眼信马青楼去重帘下娉婷人妙飞燕翠尊共款听艳歌郎  
意先感便携手月地云阶里爱良夜微暖 无限风流疎散有暗藏弓履偷寄香翰明月闻津鼓  
湘江上催人还解春缆乱红万点怅断魂烟水遥远又争似相携乘一舸镇长见

前调【新月】 王沂孙

渐新痕悬柳澹彩穿花依约破初暝便有团圆意深深拜相逢谁在香径画眉未稳料素娥犹  
带离恨最堪爱一曲银钩小宝帘挂秋冷 千古盈亏休问叹漫磨玉斧难补金镜太液池犹在  
凄凉处何人重赋清景故山夜永试待他窥户端正看云外山河还老尽桂花影

前调【七夕感事】 张翥

又蛛分天巧鹊误秋期银汉会牛女薄命犹如此悲欢事人间何限夫妇此情更苦怎似他今  
夜相遇素娥妒不肯偏留照渐凉影催曙 私语钗盟何处但翠屏天远清梦云去纵有闲鍼缕  
相怜爱丝丝空缀愁绪窃香伴侣问甚时重画眉妩漫铅泪弹风俱付与洗车雨

御选历代诗余卷八十

# 卷八十一

钦定四库全书

御选历代诗余卷八十一目錄【起一百三字至一百四字】

西平乐【又一体】

晁补之

安平乐慢

万俟雅言

长相思【又一体】

柳永

二郎神【又一体】

马庄父

湘江静

史达祖

曲游春【又一体】

施岳

秋霁

曾纡

西江月慢

吕渭老

情久长

吕渭老【二首】

霓裳中序第一【又一体】

周密

詹正

罗志仁

应法孙

忆旧游【又一体】

刘将孙

雨霖铃

柳永

前调【又一体】

黄裳

前调【又一体】

王庭珪

双声子

柳永

双头莲【又一体】

周邦彦

春从天上来【又一体】

吴激

吴易

西湖月

黄子行

金盏子【又一体】

吴文英

蒋捷

楚宫春【又一体】

周密

龙山会【又一体】

赵以夫【二首】

澡兰香

吴文英

春云怨

冯艾子

王世贞

竹马子

柳永

前调【又一体】

叶梦得

绮罗香

张炎

看花回【又一体】

赵彦端【二首】

征部乐

柳永

水龙吟【又一体】

蒋捷

花心动【又一体】

谢逸

赵长卿

李弥逊

刘镇

高观国

史达祖

吴文英

蒋捷

阮逸女

黄子行

张翥

刘基

前调【又一体】

刘焘

长相思【又一体】

袁去华

阳春【又一体】

杨无咎

望远行【又一体】

柳永

向湖边

江纬

清江裂石

屠隆

于未

迎新春

柳永

倾杯乐【又一体】

柳永

潇湘逢故人慢【又一体】

王秋英

御选历代诗余卷八十一目錄

钦定四库全书

御选历代诗余卷八十一【起一百三字至一百四字】

司经局洗马掌局事兼翰林院修撰加二级【臣】王奕清奉旨校刊

西平乐

【又一体双调一百三字】

西平乐【广陵送王止仲赴阙】晁补之

凤诏传来绦阙当宁思贤辅淮海甘棠惠化霖雨商岩吉梦熊虎周郊旧卜千秋盛际催促朝天  
归去动离绪空眷恋难暂驻新植双亭临水风月佳名未覩准拟

金尊时举况乐府风流一部妍歌妙舞紫云回雪亲教与恨难诉争欲攀辕借住功成绣袞重  
与江山作主安平乐慢

【双调一百三字】

安平乐慢【都门池苑应制】万俟雅言

瑞日初迟绪风乍暖千花百草争香瑶池路稳阆苑春

深云树水殿相望柳曲沙平看尘随青盖絮惹红妆卖酒绿阴旁无人不醉春光有十里笙歌  
万家罗绮身世疑在仙乡行乐知无禁五侯半隐少年塲舞妙歌妍空妒得莺娇燕忙念芳菲  
都来几日不堪风雨踈狂长相思

【又一体双调一百三字】

长相思 柳 永

画鼓喧街兰灯满市皎月初照严城清都绦阙夜景风传银箭露暖金茎巷陌纵横过平康款  
辔缓听歌声凤烛荧荧那人家未掩香屏向罗绮丛中认得依稀旧日雅态轻盈娇波艳冶巧  
笑依然有意相迎墙头马上漫迟留难写深诚又岂知名宦拘检年来减尽风情二郎神

【又一体双调一百三字】

二郎神【柳花】 马庄父

日高睡起又恰见柳梢飞絮倩说与年年相挽却又因他相误南北东西何时定看碧沼青浮  
无数念蜀郡风流金陵年少那寻张绪 应许雪花比并扑帘堆户更羽缀游丝隳铺小径肠断  
鸂鶒唤雨舞态颠狂恨腰轻怯散了几回重聚空暗想昔日长亭别酒杜鹃催去湘江静

【双调一百三字一名潇湘静】

湘江静 史达祖

春草堆青云浸浦记匆匆倦篙曾驻渔榔四起沙鸥未落怕愁沾诗句碧袖一声歌石城怨西  
风随去沧波荡晚菰蒲弄秋还重到断魂处 酒易醒思正苦想空山桂香悬树三年梦冷孤吟  
意短屡烟钟津鼓展齿厌登临移橙後几番凉雨潘郎渐老风流顿减闲居未赋曲游春

【又一体双调一百三字】

曲游春【清明湖上次周草窗韵】 施岳

画舸西泠路占柳阴花影芳意如织小楫冲波度麴尘扇底粉香帘隙岸转斜阳隔又过尽别  
船箫笛傍断桥翠绕红围相对半篙晴色 顷刻千山暮碧向沽酒楼前犹系金勒乘月归来正  
梨花夜缟海棠烟冱院宇明寒食醉乍醒一庭春寂任满身露湿东风欲眠未得秋霁

【双调一百三字胡浩然作秋晴词遂以名调又作春晴词亦名春霁但胡词乃一百五字其  
有多寡者皆後人所损益也】

秋霁 曾纡

木落山明暮江碧楼倚太虚寥廓素手飞觞钗头笑取金英满浮桑落鬓云漫约酒红拂破香  
颿薄细细酌帘外任教月转画阑角 当年快意登临异乡节物难禁离索故人远凌波何在惟  
有残英共寂寞愁到断肠无处着寄寒香与凭渠问讯佳时弄粉吹花为谁梳掠西江月慢

【双调一百三字】

西江月慢 吕渭老

春风淡淡清昼永落英千尺桃杏散平郊晴蜂来往妙香飘掷傍画桥煮酒青帘绿杨风外数  
声长笛记去年紫陌朱门花下旧相识 向宝钗裁书凭燕翼望翠阁烟林似织闻道春衣犹未  
整过禁烟寒食但记取角枕题情东牕休误这些端的更莫待青子绿阴春事寂情久长



【双调一百三字此调惟见吕渭老二作并无别格或作百二字者悞】

情久长 吕渭老

冰梁跨水沈沈霁色遮千里怎向我小舟孤楫天外飘坠夜寒侵短髮睡不稳牕外寒风渐起  
岁华暮蟾光射雪碧瓦飘霜尘不动寒无际 鸡咽荒郊梦也无归计拥绣枕断魂残魄清吟无  
味想伊睡起又念远楼阁横枝对倚待归去西牕翦烛小阁凝香深翠幙饶春睡

前调 吕渭老

琐牕夜永无聊尽作伤心句甚近日带腰移眼梨脸挥雨春心偿未足怎忍听啼血催归杜宇  
暮帆挂沈沈暝色滚滚长江流不尽来无据 点检风光岁月今如许趁此际浦花汀草一棹东  
去云牕雾阁洞天晓同作烟霞伴侣算谁见梅帘醉梦柳陌晴游应未许春知处霓裳中序第  
一

【又一体双调一百三字】

霓裳中序第一 周密

湘屏展翠疊恨入宫沟流怨叶银釭冷金花暗结又鴈影带霜蛩音凄月珠宽腕雪叹锦笺芳  
字盈篋人何在玉箫旧约忍对素娥说 愁絶衣砧幽咽任帐底沈烟渐灭红兰谁采赠别怅洛  
浦分销汉皋遗玦舞鸾光半缺最怕听离弦乍阕凭阑久一庭香露桂影弄栖蝶

前调【羽士丈室宣和古镜】 詹正

一规古蟾魄瞥过宣和几春色知那个柳花怯曾搓玉团香涂云抹月龙章凤刻是如何儿女  
消得便孤了翠鸾何限人更在天北 磨灭古今离别幸相从蓟门仙客萧然林下秋叶对云淡  
星疎眉青影白佳人已倾国漫赢得痴铜旧画兴亡事道人知否见了也华髮

前调【四圣观】 罗志仁

来鸿又去燕看罢江湖收画扇漫湖曲雕阑倚倦正船过西陵快篙如箭凌波不见但陌花遗  
曲凄怨孤山路晚蒲病柳淡緑锁深院 离恨五云宫殿记旧日曾游翠輦青红如写便面帐下  
鹄池荒放鹤人远粉墙随岸转漏碧瓦残阳一线蓬莱梦人间那信坐看海涛浅

前调【和周草牕韵】 应法孙

愁云翠万疊露柳寒蝉空抱叶珠帘卷流苏宝结乍庭户嫩凉阑干微月玉纤胜雪委素纨尘  
消香篋思前事莺期燕约寂寞向谁说 悲絶漏签声咽渐寒地兰釭未灭良宵长是间别恨酒

凝红绡粉浣瑶玦镜盟鸾影缺吹怨笛西风数阕无言久和衣成梦睡损缕金蝶忆旧游

【又一体双调一百三字】

忆旧游 刘将孙

正落花时节顛顚东风绿满愁痕悄客梦惊呼伴侣断鸿有约回泊归云江空共道惆怅夜雨  
隔篷闻尽世外纵横人间恩怨细酌重论叹他乡异县渺旧雨新知历落情真匆匆那忍别料  
当君思我我亦思君人生自非麋鹿无计久同羣此去重消魂黄昏细雨人闭门雨霖铃

【本唐明皇蜀归曲也取以名词双调一百三字】

雨霖铃【秋别】 柳永

寒蝉凄切对长亭晚骤雨初歇都门帐饮无绪方留恋处兰舟催发执手相看泪眼竟无语凝  
咽念去去千里烟波暮霭沈沈楚天阔多情自古伤离别更那堪冷落清秋节今宵酒醒何处  
杨柳岸晓风残月此去经年应是良辰好景虚设便纵有千种风情更与何人说

前调【又一体】 黄裳

天南游客甚而今却送君南国西风万里无限吟蝉暗续离情如织秣马脂车去即去多少人  
惜望百里烟惨云山送两程愁作行色飞帆过浙西封域到秋深且撝荷花泽就船买得鲈鳊  
新谷破雪堆香粒此兴谁同须记东秦有客相忆愿听了一阕歌声醉倒?今日

前调【又一体】 王庭珪

璫楼玉宇满人寰似海边洲渚蓬莱又还水浅鲸涛静见银宫如许紫极鸣箫声断望霓舟何  
处待夜深重倚层霄认得瑶池广寒路郢中旧曲谁能度恨声歌响入青云去西湖近时絶唱  
总不道月梅盐絮暗想当年宾从毫端有惊人句漫说向枚叟邹生共作梁园赋双声子

【双调一百三字】

声子 柳永

晚天萧索断蓬踪迹乘兴兰棹东游三吴风景姑苏台榭牢落暮霭初收夫差旧国香径没徒  
有荒丘繁华处悄无覩惟闻麋鹿呦呦想当年空运筹决战图王取霸无休江山如画云涛烟  
浪翻输范蠡扁舟验前经後史嗟漫载当日风流斜阳暮草茫茫尽成万古遗愁双头莲

【又一体双调一百三字】

头莲 周邦彦

一抹残霞几行新鴈天染断红云迷阵影隐约望中点破晚空澄碧助秋色门掩西风桥横斜  
照青翼未来浓尘自起咫尺风帟合有人相识叹乖隔知甚时恁与同携欢适度曲传觞并鞦  
飞辔绮陌画堂连夕楼头千里帐底三更尽堪泪滴怎生向總无聊但只听消息春从天上来

【又一体双调一百三字】

春从天上来 吴 激

海角飘零叹汉苑秦宫坠露飞萤梦回天上金屋银屏歌吹竞举青冥问当时遗谱有絶艺鼓  
瑟湘灵促哀弹似林莺呖呖山溜泠泠 梨园太平乐府醉几度春风鬓髮星星舞彻中原尘飞  
沧海风雪万里龙庭写清笳幽怨人憔悴不似丹青酒微醒一轩凉月灯火青荧

前调 吴 易

有个惺惺记云髯春鬢波翦秋晴哀弹丽曲嘹唳流莺笔走锦字蛇惊忆挑灯丙夜翻青史评  
判豪英两心期待功成拂袖梅墅蓴汀 蓦然江湖风景怅柳拂章台憔悴青青是耶非耶楼空  
人去梦语呜咽悲凝纵成灰心事多情债浩劫魂萦任飘零韦郎两世杜牧三生西湖月

【双调一百三字】

西湖月 黄子行

湖光冷浸坡瓌荡一晌薰风小舟如叶藕花十丈云梳雾洗翠娇红怯壶觞围坐处正酒醪吹  
波潮晕颊尚记得玉臂生凉不放汗香轻浹 殢人小摘墙榴为碎掐猩红细认裙摺旧游如梦  
新愁似织泪珠盈睫秋娘风味在怎得对银缸生笑靥消瘦沈约诗腰仿佛堪捻金盏子

【又一体双调一百三字】

金盏子【寓牕桂花晚开】 吴文英

赏月梧园恨广寒宫树晓风摇落莓砌扫蛛尘空肠断熏鑪烬消残萼殿秋尚有余花锁烟牕  
云幄新鴈又无端送人江上短亭初泊 篱角梦依约人一笑惺忪翠袖薄悠然醉魂唤醒幽丛  
畔凄香雾雨漠漠晚吹乍颤秋声早屏空金雀明朝想犹有数点蜂黄伴我斟酌

前调 蔣 捷

练月紫牕梦乍醒黄花翠竹庭馆心字夜香消人孤另双鶺被他羞看拟待告诉天公减秋声

一半无情鴈正用恁时飞来叫云寻伴 犹记杏枕暖银烛下纤影卸佩款春涡晕红豆小莺衣嫩珠痕澹印芳汗自从信误青鸾想笼鹦停唤风刀快翦尽画檐梧桐怎翦愁断楚宫春

【又一体双调一百三字】

楚宫春【牡丹】 周密

香迎晓日看烟佩霞绡美女金谷倦倚画阑无语情深娇足云拥瑶房翠幙煖卷东风倾国半捻愁红念旧游凝竚兰翘瑞鸾低舞庭绿 犹想沉香亭北人醉里芳笔曾题私曲浥浥露痕移取春归华屋绿幙银屏静掩悄未许莺窥燕宿酒半阑重遶鸳机醉靨争妍红玉龙山会

【又一体双调一百三字】

龙山会【九日二首】 赵以夫

佳节明朝九彩舫凌虚共醉西风酒湖光蓝润透云浪碎巧学波纹吹皱碧落杳无边但玉削千峰寒瘦留连久秋容似洗月华如昼 回头南楚东徐暝霭苍烟处处空刁斗山公今健否功名事付与年时交旧白髮苦欺人尚堪插黄花盈首归去也东篱好在觅渊明友

前调 赵以夫

九日无风雨一笑凭高浩气横秋宇羣峰青可数寒城小一水萦回如缕西北最关情漫遥指东徐南楚黯消魂斜阳冉冉鴈声悲苦 今朝寒菊依然重上南楼草草成欢聚诗朋休浪赋旧题处俛仰已随尘土莫放酒行疎清漏短凉蟾当午也全胜白衣未至独醒凝竚澡兰香

【双调一百三字】

澡兰香【淮安重午】 吴文英

盘丝系悤巧篆垂簪玉隐绀纱睡觉银瓶露井彩笔云牕往事少年依约为当时曾写榴裙伤心红绡褪萼黍梦光阴渐老汀洲烟翳 莫唱江南古调怨抑难招楚江沈魄薰风燕乳暗雨梅黄午镜澡兰帘幙念秦楼也拟人归应翦菖蒲自酌但怅望一缕新蟾随人天角春云怨

【宋冯艾子自度曲其词伤春感昔故以怨名双调一百三字】

春云怨 冯艾子

春风恶劣把数枝香锦和莺吹折雨重柳腰娇困燕子欲扶扶不得软日烘烟乾风收雾芍药荼蘼弄颜色帘幙轻阴图书清润日永篆香绝 盈盈笑靥宫黄额试红鸾小扇丁香双结团风

眉心倩郎贴教洗金罍共看西堂醉花新月曲水澄空丽人何处往事暮云万叶

前调 王世贞

风偃雨僛渐柳眠无力花如中酒睡怯象牀寒峭幽梦几回浑不就燕搗华弦莺调清管细谱  
新词杜鹃嚙行路方难归期无据愁与闷相守芳醪点出天公手解翻寒作暖撋辰成西枕畔  
华胥暂拖逗青眼朦胧一任长门送来银漏未举尊前乍停杯後半刻也堪白首竹马子

【子或作儿双调一百三字】

竹马子 柳 永

登孤垒荒凉危亭旷望静临烟渚对雌霓挂宇?风拂槛微收烦暑渐觉一叶惊秋残蝉噪晚素  
商时序览景想前欢指神京非雾非烟深处 向此成追感新愁易积故人难聚凭高尽日凝竚  
赢得消魂无语极目霁霭霏微断鸦零乱萧索江城暮南楼画角又逐残阳去

前调 【又一体】 叶梦得

与君记平山堂前细柳几回同挽又征帆夜落危槛依旧遥临云巘自笑来往匆匆朱颜渐改  
故人俱远横笛想遗声但寒松千丈倾崖苍藓 世事终何已田园纵在岁陰仍晚嵇康老来尤  
嬾只要蓴羹菰饭却欲便买茅庐短篷轻楫尊酒犹能办君能过我水云聊为伴绮罗香

【双调一百三字】

绮罗香 张 炎

候馆深灯辽天断羽近日音书疑絶转眼伤心慵看剩歌残阙才忘了还着思量待去也怎禁  
离别恨只恨桃叶空江殷勤不似谢红叶 良宵谁见哽咽对熏鑪象尺闲伴凄切独立西风犹  
忆旧家时节随款步花密藏春听怯语柳疎嫌月今休问燕约莺期梦游空趁蝶看花回

【又一体双调一百三字】

看花回 赵彦端

注目正江湖浩荡烟云离属美人衣兰佩玉澹秋水凝神阳春翻曲烹鲜坐啸清静五千言自  
足横劒气南斗光中浩然一醉引双鹿 回鴈未归书未续梦草处旧芳重緑谁忆潇湘岁晚为  
唤起长风吹飞黄鹄功名异时圯上家传谢宠辱待封留拜公堂下授我长生籙

前调 赵彦端

爱日报踈梅动意春前罇白画栋晓开壽域度百和温磨霜华无力斑衣翠袖人面年年照酒  
色环四座璧月琼枝恍然江县拟鄉国 闻道抚东岩旧迹又殊胜谢家清逸知与桃花笑了定  
何似青鸟层城消息他年妙高峰上优昙会堪折拥轻轩未妨游戏看取朱轮十征部乐

【双调一百三字】

征部乐 柳 永

雅欢幽会良夜可惜虚抛掷追念狂踪旧迹长祗恁愁闷朝夕凭谁去花街觅细说与此中端  
的道向我转觉厌厌梦役魂劳苦相忆 须知最有风前月下心事始终难得但愿我虫虫心下  
把人看待长似初相识况逢春色便是有举觞消息待这回好好怜伊更不轻折水龙吟

【又一体双调一百三字】

水龙吟【招梅魂】 蒋 捷

醉兮琼瀣浮觞些招兮遣巫阳些君母去此颶风将起天微黄些野马尘埃污君楚楚白霓裳  
些驾空兮云浪茫洋东下流君住他方些 月满兮方塘些叫云兮笛凄凉些归来兮为我重倚  
蛟背寒鳞苍些俯视春红浩然一笑吐幽香些翠禽兮弄晓招君未至我心伤些花心动

【又一体双调一百四字】

花心动 谢 逸

风里杨花轻薄性银烛高烧心热香饵悬鈎鱼不轻吞辜负钓儿虚设桑蚕到老丝长绊鍼刺  
眼泪流成血思量起拈枝花朵果儿难结 海樣情深忍撇似梦里相逢不胜欢悦出水双莲摘  
取一枝可惜并头分折猛期月满会姮娥谁知是初生新月折翼鸟甚日于飞时节

前调【客中见寄煖香书院】 赵长卿

风软寒轻暗香飘扑面无限清楚乍淡乍浓应想前村定是早梅初吐马儿行过坡儿下危桥  
外竹梢踈处半斜露花花蕊蕊灿然满树 一晌看花凝竚因念我西园玉英真素最是系心婉  
婉精神伴得水云仙侣断肠没奈人千里无计向钗头频覷泪如雨那堪又还日暮

前调【七夕】 李弥逊

水馆风亭晚香浓一番芰荷经雨簟枕乍闲襟裾初试散尽满轩袞暑断云却送轻雷去踈林  
外玉鈎微吐夜未阑秋生败叶暗催庭树 天上佳期久阻星河畔仙车缥缈云路旧恨未平幽  
欢难驻洒落半天风露绮罗人散金猊冷醉魂到华胥深处洞房悄南楼画角自语

### 前调 刘 镇

鸠雨催晴遍园林一番绿娇红媚柳外金衣花底香须消得艳阳天气障泥步锦寻芳路称来往纵横珠翠笑携手旗亭问酒更酬春思 还记东山乐事向歌雪香中伴春沈醉粉袖殢人彩笔题诗陶写老来风味夜深银烛明如昼待归去看承花睡梦云散屏山半熏沈水

### 前调【梅意】 高观国

碧藓封枝点寒英踈踈玉清冰湿梦忆旧家春与新恩曾映寿阳妆额绿衣青袂南邻伴应怪我精神都别恨衰晚春风意思顿成羞怯 犹念横斜性格恼和靖吟魂自来清绝斜傍劲松偷倚修篁总是岁寒相识绿阴青子当时意到如今芳心销歇小桥夜清愁倦陪澹月

### 前调 史达祖

风约帘波锦机寒难遮海棠烟雨夜酒未苏春枕犹敲曾是误成歌舞半褰薇帐云头散奈愁味不随香去尽沈静文园更渴有人知否 嬾记温柔旧处偏只怕临风见他桃树绣户锁尘锦瑟空弦无复画眉心绪待拈银管书春恨被双燕替人言语意不尽垂杨几千万缕

### 前调【柳】 吴文英

十里东风袅垂杨长似舞时腰瘦翠馆朱楼紫陌青门处处燕莺晴昼乍看摇曳金丝绶青浅映鹑黄如酒嫩阴里烟滋露染翠娇红溜 此际雕鞍去久空追念邮亭短枝盈首海角天涯寒食清明泪点絮花沾袖年年折赠行人远今年恨依然纤手断肠也羞眉画应未就

### 前调【南塘元夕】 蒋 捷

春入南塘粉梅花盈盈倚风微笑虹晕贯帘星球攒巷偏地宝光交照涌金门外楼台影参差浸西湖波渺暮天远芙蓉万朵是谁移到 鬢鬓双仙未老陪玳席佳宾暖香云绕翠簪叩冰银管嘘霜瑞露满钲频醺醉归深院重歌舞玳盘转珍珠红小凤洲柳丝丝淡烟弄晓

### 前调 阮逸女

仙苑春浓小桃开枝枝已堪攀折乍雨乍晴轻暖轻寒渐近赏花时节柳摇台榭东风软帘枕静幽禽调舌断魂远闲寻翠径顿成愁结 此恨无人共说还立尽黄昏寸心空切强整绣衾独掩朱扉簟枕为谁铺设夜长更漏传声远纱牕映银缸明灭梦回处梅梢半笼淡月

### 前调【落梅】 黄子行

谁倚青楼把谪仙长笛数声吹裂一片乍零千点还飞正是雨晴时节水晶帘外东风起卷不

尽满庭春雪画阑小斜铺乱飐翠苔成缣 嫋嫋余香未歇空怅望音尘两眉愁切翠袖泪乾粉  
额妆寒此恨有谁同说江南春信无痕迹余情在冷烟残月梦魂远兰灯伴人易灭

前调【劔浦有感】 张翥

花信风寒绮牕深匆匆禁烟时节燕子乍来宿雨才晴满树海棠如雪黛眉准拟明朝画灯花  
翦妆匳双疊负佳约鵲还悞报燕应羞说 宝镜将圆又缺从涩尽银簧怕吹呜咽一霎梦魂也  
唤相逢依旧断云残月古来多少春闺怨看薄命无人如妾软绡帕凭谁寄将啼血

前调 刘基

墙下红葵向斜阳犹开那时颜色半卷绣帘独倚雕阑泪眼为谁长滴九疑烟雾连蓬岛蜚鱼  
去浑无踪迹旧游处空余满地绿苔堆积 百岁真如过客待落蕊重荣不知何夕镜掩素尘香  
歇罗衣此恨怎生消得夜凉月转梧桐影青灯共踈萤寥寂正顚顚饥虫又啼暗壁

前调【又一体咏梅】 刘焘

偏忆江梅有尘表丰仪世外标格低傍小桥斜出踈篱似向陇头曾识暗香孤韵水霜里初不  
怕春寒邀勒问桃李盈门怎生向前争得 省共萧娘去摘玉纤映琼枝照人一色淡粉晕酥多  
少飞来到得壽阳宫额再三留待东君管都将那别花不惜但只恐高楼又三弄笛长相思

【又一体双调一百四字】

长相思 袁去华

叶舞殷红水摇瘦碧隐约天际帆归寒鸦影里断鴈声中依然残照辉辉立马看梅试寻香嚼  
蕊醉折繁枝山翠埽修眉记人人蹙黛愁时 叹客里光阴易失霜侵短鬓尘染征衣阳台云归  
後到如今重见无期流怨清商空细写琴心向谁更难将愁随梦去相思惟有天知阳春

【又一体双调一百四字】

阳春 杨无咎

蕙风轻莺语巧应喜乍离幽谷飞过北牕前迎晴晓丽日明透翠帏縠篆台芬馥初睡起横斜  
簪玉因甚自觉腰肢瘦新来又宽裙幅 对青镜无心忺梳裹谁问着余醒带宿寻思前欢往事  
似惊回好梦难续花亭偏倚檻曲仄满眼争春凡木尽顚顚过了清明候愁红惨绿望远行

【又一体双调一百四字】



## 望远行 柳 永

绣帟睡起残粧浅无绪匀红铺翠藻井凝尘金阶铺藓寂寞凤楼十二风絮纷纷烟荒冉冉永日画阑沈吟独倚望远行南陌春残悄归骑凝睇消遣离愁无计但暗掷金钗买对好景空饮香醪争奈转添珠泪待伊游冶归来故故解放翠羽轻裙重系见纤腰图信人憔悴向湖边

【双调一百四字】

## 向湖边 江 纬

退处乡关幽栖林藪舍宇第须茅盖翠巘清泉启轩牕遥对遇等闲邻里过从亲朋临顾草草便成欢会策杖携壶向湖边柳外旋买溪鱼便斫银丝鱠谁复欲痛饮如长鲸吞海共惜醺酣恐懽娱难再矧清风明月非钱买休追念金马玉堂心胆碎且鬪尊前有阿谁身在清江裂石

【双调一百四字】

## 清江裂石 屠 隆

淼淼重湖背郭斜永日坐蒹葭四面山青不断楼阁外乱水明霞有画船锦缆载词客金翘杂佩强半挟吴娃水穷处长林古寺夏木绿阴遮回首望空明白鸥隐隐飞来带一片轻沙把酒问西湖今来古往都不管兴亡旧恨年华与客櫂扁舟听取哀弦急筑散髮弄荷花

## 前调 于 未

忽见推帘起暮鸦风逼小灯斜又被打牕雪片呼奴问可压梅花有开釭初试乌程酒举杯豪饮强半惜年华纵博得玉壶香暖毕竟是天涯浑一片云山四围隐隐飞峦带不起烟霞驴背叹行频垆头暂醉料醒来孤踪依旧尘沙正醒醉含愁猛听征鸿嘹唳哀怨过谁家迎新春

【双调一百四字】

## 迎新春 柳 永

嶰管变青律帝里阳和新布晴景回轻煦庆佳节当三五列华灯千门万户徧九陌罗绮香风微度十里燃绛树鳌山耸喧喧箫鼓渐天如水素月当午香径里絶纓掷果无数更阑烛影花阴下少年人往往奇遇太平时朝野多欢民康阜堪随分良聚对此争忍独醒归去倾杯乐

【又一体双调一百四字】

## 倾杯乐 柳 永

木落霜洲鴈橫烟渚分明画出秋色暮雨乍歇小檝夜泊宿葦村山驿何人月下临风处起一声羌笛离愁万绪闻岸草切切蛩吟如织为忆芳容别後水遥山远何计凭鳞翼想绣阁深沈争知憔悴损天涯行客楚峡云归高阳人散寂寞狂踪迹望京国空目断远峰凝碧潇湘逢故人慢

【又一体双调一百四字】

潇湘逢故人慢【荅韩元女鬼梦云】王秋英

春光将暮见嫩柳拖烟娇花带雾顷刻间风雨把堂上深恩闺中遗事钻火留饧都付却落花飞絮又何心挈壺提壶鬪草踏青盈路子规啼蝴蝶舞徧南北山头纸灰緑醕奠一丘黄土叹海角飘零湘陰凄楚无主泉扃也能得有情鸡黍画角声吹落梅花又带离愁归去

御选历代诗余卷八十一

## 卷八十二

<集部,词曲类,词选之属,御选历代诗余

钦定四库全书

御选历代诗余卷八十二目录【一百四字】

归朝欢【又一体】

张先

柳永

苏轼

辛弃疾【三首】

马庄父

严仁【三首】

无名氏

詹正

吴子孝

忆旧游【又一体】

周密【二首】

二郎神【又一体】

柳永

春从天上来【又一体】

王恽

张翥

齐天乐【又一体】

卫元卿

霜花腴

吴文英

月中桂

赵彦端

水龙吟【又一体】

葛立方

张孝祥【二首】

前调【又一体】

赵长卿

永遇乐

柳永

苏轼【三首】

晁补之【二首】

解昉

周紫芝

叶梦得

赵师侠【二首】

李纲

杨无咎

辛弃疾【二首】

张元干【二首】

赵彦端

刘儗

黄机

高观国

赵以夫

洪璚

吴文英【二首】

蒋捷

任询

危复之

前调【又一体】

冯琦

前调【又一体】

柳永

前调【又一体】

陈允平

御选历代诗余卷八十二目录

钦定四库全书

御选历代诗余卷八十二【一百四字】

司经局洗马掌局事兼翰林院修撰加二级【臣】王奕清奉旨校刊

归朝欢

【又一体双调一百四字一名菖蒲绿】

归朝欢 张先

声转辘轳闻露井晓引银瓶牵素细西园人语夜来风丛英飘堕红成径宝猊烟未冷莲台香蜡残痕凝等身金谁能得意买此好光景粉落轻妆红玉莹月枕横钗云坠领有情无物不双栖文禽只合长交颈昼长欢岂定争如翻作春宵永日瞳矐娇柔嬾起帘幙卷花影

前调 柳永

别岸扁舟三两只葭苇萧萧风淅淅沙汀宿鴈破烟飞溪桥残月和霜白渐渐分树色路遥川远多行役往来人只轮双桨尽是利名客一望乡关烟水隔转觉归

心生羽翼愁云恨雨两萦牵新春残腊相催逼岁华都瞬息浪萍风梗诚何益问归期玉楼深处有个人相忆

前调 苏轼

我梦扁舟浮震泽雪浪摇空千顷白觉来满眼是庐山倚天无数开青壁此生长接淅与君同是江南客梦中游觉来清赏同作飞梭掷明日西风还挂席唱我新词泪沾臆灵均去後楚山空澧阳兰芷无颜色君才如梦得武陵更在西南极竹枝词暮徭新唱谁谓古今隔

前调【题郑元英尚友斋】 辛弃疾

万里康成西走蜀药市船归书满屋有时光彩射星躔何人汗简讐天禄好之宁有足请看良贾藏金玉记斯文千年未丧四壁闻丝竹试问辛勤携一束何似牙籤三万轴古来不作借人痴有朋只就芸牕读忆君清梦熟觉来笑我便便腹倚危楼人间谁舞埽地八风曲

前调【题积翠岩】 辛弃疾

我笑共工缘底怒触断峨峨天一柱补天又笑女娲忙却将此石投闲处野烟荒草路先生拄杖来看汝倚苍苔摩挲试问千古几风雨长被儿童敲火苦时有牛羊磨角去霍然千丈翠岩屏锵然一滴甘泉乳结亭三四五会相暖热携歌舞细思量古来寒士不遇有时遇

前调【寄题眉山石林】 辛弃疾

见说岷峨千古雪都作岷峨山上石君家右史老泉公千金未尽勤收拾一堂真万石闲庭更与天突兀记当时长编笔砚日日云烟湿野老时逢山鬼泣谁夜持山去难觅有人依样入明光玉堦之下岩岩立琅玕无数碧风流不数平泉物欲重吟青葱玉树须倩子云笔

前调 马庄父

听得提壶沽美酒人道杏花深处有杏花狼籍鸟啼风十分春色今无九麝煤消永昼青烟飞上庭前柳画堂深不寒不暖正是好时候团团宝月凭纤手暂借歌喉招舞袖真珠滴破小槽红香肌缩尽纤罗瘦投分须白首黄金散与亲和旧且衔杯壮心未落风月长相守

前调【南剑双溪楼】 严仁

五月人间挥汗雨离恨一襟何处去双溪楼下碧千寻双溪楼上匏尊举晚凉生绿树渔灯几点依洲渚莫狂歌潭空月冷惨惨瘦蛟舞变化往来无定所求剑刻舟应笑汝只今谁是晋司空斗牛奕奕红光吐我来空吊古与君同记凭阑语问沧波乘槎此去流到天河否

前调 严仁

朱户绿窗深窈窕闪闪华旗红杆小相逢斜柳绊轻舟渚香不断苹花老西风吹梦草题诗未了还惊觉独伤心凄凉故馆月过西楼悄楼外斜河低浸斗夜已如何夜将晓心期欲寄赤鳞鱼秋云不动秋江渺相思千里道多情直被无情恼玉台前请君试看华髮添多少

前调【壽萧禹平】 严仁

云表金茎珠璀璨当日投怀惊玉燕文章议论压西庠风流姓氏翔东观紫皇嗟见晚祥麟五色留金殿大江西铜章墨绶暂尔烦君绾十二金钗扶玉盏锦瑟攸攸随急管兽鑪烟动彩云高秋声拍碎红牙板趣君归翰苑莱衣灿烂潘舆稳任方瞳从今看到弱水波清浅

前调【对雪追和东坡】 无名氏

透隙敲窗风撼撼坐见广庭霜缟白长安道上正骑驴蔡州城里谁坚壁表表风尘物瑶林琼

树三豪客对挥毫连珠唱玉竞把诗笺掷 草草杯盘还促席痛饮狂歌话胸臆前村昨夜放梅花东邻休把夸容色清欢那易得明朝乌髻升南极带随车黄垆咫尺莫作山河隔

前调 詹正

画角西风轰万鼓犹忆元戎谈笑处铁衣露重剑光寒海波飞立鱼龙舞匆匆留不住万里玉关如掌路空怅望夕阳暮霭人立湾傍渡 木落山空人掩户得似旧时春色否鴈声呼彻楚天低玉驄嘶入烟云去无人凭说与梅花泪老愁如雨犹记得颠崖如此细向席前语

前调【春雪】 吴子孝

新岁郊原纖草碧陡然寒甚同云密雪花如掌逐狂飈冰澌似玉流香陌冻成天地白江山万里都辉赫泛兰舟卷帘四望佳景真奇特 江南二月非江北茂苑千花当尽拆天公有意厌尘氛人间借作瑶台色云岩天咫尺山头老树鷗翻日酒酣时登高能赋聊倩春风笔忆旧游

【又一体双调一百四字】

忆旧游【寄王圣与】 周密

记移灯翦雨换火篝香去岁今朝乍见翻疑梦更梅边携手笑挽吟桡依依故人情味歌舞试春娇对婉婉年芳飘零身世尊酒趁愁消 天涯未归客望锦羽沉沉翠水迢迢叹菊荒薇老负故人猿鹤旧隐难招疎花漫捺愁思无句到寒梢但梦绕西泠空江冷月魂断随潮

前调【有怀东园】 周密

记花陰剪烛柳影飞梭庭户东风彩笔争春艳任香迷舞袖醉倒歌丛画帘静卷春昼云剪玉玲珑奈恨絕冰弦尘侵翠谱别凤引离鸿 鸳笼怨春远但翠冷闲堦坠粉飘红事逐年华换叹水流花谢燕去楼空绣鸳暗老薇迳残梦遶雕栊怅宝瑟无声愁痕沁碧江上孤峯二郎神

【又一体双调一百四字】

二郎神【七夕】 柳永

炎光谢过暮雨芳尘轻洒乍露冷风清庭户爽天如水玉鉤遥挂应是星娥嗟久阻叙旧约飈轮欲驾极目处微云暗接耿耿银河高泻 闲雅须知此景古今无价运巧思穿鍼楼上女擡粉面云鬟相亚钿合金钗私语处算谁在回廊影下愿天上人间占得欢娱年年今夜春从天上来

【又一体双调一百四字】



春从天上来【见故宫人感赋】 王 恽

罗绮深宫记紫袖双垂当日昭容锦封香重彤管春融帝座一点云红正台门事简更捷奏清  
昼相同听钧天侍瀛池内宴长乐歌钟 回头五云双阙恍天上繁华玉殿珠枕白髮归来昆明  
灰冷十年一梦无踪写杜娘哀怨和泪点弹与孤鸿淡长空看五陵何似无树秋风

前调【广陵冬夜和松云子】 张 翥

嫋嫋秋风听响彻云间彩凤啼雄羸女飞下玉佩玲珑肠断十二台空渺霜天如海写不尽楚  
客情浓烛销红更鏐金振羽变徵移宫 扬州旧时月色叹水调如今离唱谁工露叶残蛾蟾花  
遗粉寂寞琼树香中问坡仙何处沧江上鹤梦无踪思难穷把一襟幽怨吹与鱼龙齐天乐

【又一体双调一百四字】

齐天乐【填温飞卿江南曲】 卫元卿

藕花洲上芙蓉幟羞郎故移深处弄影萍开拏香袖冑鸂?双双飞去垂鞭笑顾问住否横塘试  
窥帘户妙舞妍歌甚时相见定相许 归来顚顚锦帐久尘金狻?连娟黛眉颦妩扇底红铅愁  
痕暗渍消得腰支如杵鸾弦解语镇明月西南伴人凄楚闷拾杨花等闲春又负霜花腴

【双调一百四字此吴文英自度曲也】

霜花腴【重阳前一日泛石湖】 吴文英

翠微路窄醉晚风凭谁为整敲冠霜饱花腴烛销人瘦秋光做也都难病怀强寛恨雁声偏落  
歌前记年时旧宿凄凉暮烟秋雨野桥寒 妆靨鬓英争艷度清商一曲暗坠金蝉芳节多陰兰  
情稀会晴晖称拂吟笺更移画船引佩环邀下婵娟算明朝未了重阳紫萸应耐看月中桂

【双调一百四字】

月中桂【送杜仲微赴阙】 赵彦端

露醕无情送长歌未终已醉离别何如暮雨酿一襟凉润来留佳客好山侵座碧胜昨夜疎星  
淡月君欲翩然去人间底许员峤问帆席 诗情病非畴昔赖亲朋对影且慰良夕风流雨散定  
几回肠断能禁头白为君烦素手荐碧藕轻丝细雪去去江南路犹应水云秋共色水龙吟

【又一体双调一百四字】

水龙吟【游钓台】 葛立方

九州雄杰溪山遂安自古称佳处云迷半岭风号浅瀨轻舟斜渡朱阁横飞渔矶无恙鸟啼林  
坞吊高人陈迹空瞻遗像知英烈谁千古 忆昔龙飞光武怅当年故人何许羊裘自贵龙章难  
换不如归去七里溪边鸬鹚源畔一蓑烟雨叹如今宕子翻将钓手遮日向西秦路

前调【过浯溪】 张孝祥

平生只说浯溪斜阳唤渡秋船系月华未吐波光不动新凉如水长啸一声山鸣谷应栖禽惊  
起自颜元去後水流花谢当年事无人记 须信两贤不死驾飞车时游此地漫郎宅里中兴碑  
下应留屐齿酌我清尊洗君孤愤来同一醉待相期把袂清都归路骑鹤去三千岁

前调【望九华作】 张孝祥

竹舆晓入青阳细风凉月天如洗峰回路转云舒雾卷了非人世转就丹砂铸成金鼎碧光相  
倚料天关虎守箕畴龙负开神秘留兹地 缥缈朱幢羽卫望蓬莱初无弱水仙人拍手山头笑  
我尘埃满袂春锁瑶房雾迷芝圃昔游都记怅世缘未了匆匆又去空凝竚烟霄里

前调【又一体酴醾】 赵长卿

韶华迤邐三春暮飞尽繁红无数多情为与牡丹长约年年为主晓露凝香柔条千缕轻盈清  
素最堪怜玉质冰肌婀娜江梅漫休争妬 翠蔓扶疏隐映似碧纱笼罩越溪游女从前爱惜娇  
姿终日愁风怕雨夜月一帘小楼魂断有思量处恐因循易嫁东风烂漫暗随春去永遇乐

【双调一百四字一名消息】

永遇乐 柳 永

天阁英游内朝密侍当世荣遇汉守分麾尧庭请瑞方面凭心膂风驰千骑云拥双旌向晓洞  
开严署拥朱旛喜色欢声处处竞歌来暮 吴王旧国今古江山秀异人烟繁富甘雨车行仁风  
扇动雅称安黎庶棠郊成政槐府登贤非久定须归去且乘闲弘阁长开融尊盛举

前调 苏轼

明月如霜好风如水清景无限曲港跳鱼圆荷泻露寂寞无人见 紉如五鼓铮如一叶黯黯梦  
魂惊断夜茫茫重寻无处觉来小园行徧 天涯倦客山中归路望断故园心眼燕子楼空佳人  
何在空锁楼中燕古今如梦何曾梦觉但有旧欢新怨异时对南楼夜景为余浩叹

前调【送孙巨源】 苏轼

长忆别时景疏楼下明月如水美酒清歌留连不住月随人千里别来三度孤光又满冷落共

谁同醉卷珠帘凄然顾影共伊到明无寐 今朝有客来从淮上能道使君深意凭仗清淮分明到海中有相思泪而今何在西垣清禁夜永云华侵被此时看回廊晓月也应暗记

### 前调【眺望】 苏轼

天末山横半空箫鼓楼观高起指点栽成东风满院总是新桃李纶巾羽扇一尊饮罢目送断鸿千里携清歌余音不断缥缈尚萦流水 年来自笑无情何事犹有多情遗思绿鬓朱颜匆匆了却记花前醉明年春到重寻幽梦应在乱莺声里拍阑干斜阳转处有谁共倚

### 前调 晁补之

松菊堂深芰荷池小长夏清暑燕引雏还鸠呼妇往人静郊原趣麦天已过薄衣轻扇试起遶园徐步听衡宇欣欣童稚共说夜来初雨 苍官迳里紫葳枝上数点幽花垂露东里催鋤西邻助饷相戒清晨去斜川归兴翛然满目回首帝乡何处只愁恐轻鞭犯夜灞陵旧路

### 前调【端午】 晁补之

红日葵开映墙遮牖小斋端午杯展荷金簪抽笋玉幽事还堪数绿牕纖手朱匳轻缕争鬪彩丝艾虎想沈江怨魄归来空惆怅对菰黍 未颜老去清风好在未减佳辰欢聚腊酒深斟菖菹细糝围坐从儿女还同子美江村长夏闲对燕飞鸥舞算何须楚王雄风方消畏暑

### 前调 解昉

风暖莺娇露浓花重天气和煦院落烟收垂杨舞困无奈堆金缕谁家巧纵青楼弦管惹起梦云情绪忆当时文衾粲枕未尝暂孤鸳侣 芳菲易老故人难聚到此翻成轻误阆苑仙遥蛮牋纵写何计传深诉青山绿水古今长在惟有旧欢何处空赢得斜阳暮草淡烟细雨

### 前调【午日】 周紫芝

槐幄如云燕泥犹湿雨余清暑细草摇风小荷擎雨时节还端午碧罗牕底依稀记得闲系翠丝烟缕到如今前欢如梦还对彩绦无语 榴花半吐金刀犹在往事更堪重数艾虎钗头菖蒲酒里旧约浑无据轻衫如雾玉肌似削人在画楼深处想灵符无人共戴翠眉暗聚

### 前调 叶梦得

苹芷芳洲故人回首云海何处五亩荒田殷勤问我归计真成否洞庭波冷秋风嫋嫋木叶乱随风舞记扁舟横斜载月日极暮涛烟渚 传声试问垂虹千顷兰棹有谁重驻云濺雷翻潮头过後帆影敲前浦此中高兴何人解道天也未应轻付且留取千锺痛饮与君共赋

前调 赵师侠

秋满蘅皋澹云笼月晚来风劲一抹残霞数声过雁还是黄昏近凭高临远倚楼凝睇多少断愁幽兴聼渔村鸣榔隐隐别浦暮烟收暝湘妃起舞芳兰纫佩约略乱峯云鬓景物悲凉楚天澹淡过尽归帆影斜阳低处远山重叠萧树乱鸦成阵空无言阑杆凭暖闷怀似困

前调【金林檎】 赵师侠

日丽风暄暗催春去春尚留恋香褪花梢苔侵柳径密幄清陰展海棠零乱梨花淡泞初听鬬空莺燕有轻盈妍姿靓态缓步闾风仙苑綠丛红萼芳鲜柔媚约略试妆深浅细叶来禽长梢戏蝶簇簇枝头见酡颜鬢髮春愁无力困倚画屏娇软只应怕风欺雨横落红万点

前调【秋夜有感】 李纲

秋色方浓好天凉夜风雨初霁缺月如鉤微云半掩的皪星河碎爽来轩户凉生枕簟夜永悄然无寐起徘徊凭阑凝竚片时万情千意江湖倦客年来衰病坐叹岁华空逝往事成尘新愁似锁谁是知心底五陵萧瑟中原杳杳但有满襟清泪对兰缸呼童取酒且图径醉

前调【梅子】 杨无咎

风褪柔英雨肥繁实又还如豆玉核初成细腮尚浅齿软酸凝透粉墙低亚佳人惊见不管露沾襟袖折一枝钗头未插应把手搓频嗅相如病酒只应思此免使文君眉皱入鼎调羹攀林止渴功业还依旧看看飞燕衔将春去又是欲黄时候争如向金盘满捧共君对酒

前调【梅雪】 辛弃疾

怪底寒梅一枝雪里只恁愁絶问讯无言依稀似妒天上飞英白江山一夜琼瑶万顷此段如何妒得细看来风流添得自家越樣标格晚来楼上对花临镜学作半妆娇额着意争妍那知却有人妒花颜色无情休问许多般事且自访梅踏雪待行过溪桥夜半更邀素月

前调【京口北固亭怀古】 辛弃疾

千古江山英雄无觅孙仲谋处舞榭歌台风流總被雨打风吹去斜阳草树寻常巷陌人道寄奴曾住想当年金戈铁马气吞万里如虎元嘉草草封狼居胥赢得仓皇北顾四十三年望中犹记烽火扬州路可怜回首佛狸祠下一片神鸦社鼓凭谁问廉颇老矣尚能饭否

前调【宿鸥盟轩】 张元干

月印金盆江萦罗带凉飈天际摩诘丹青营丘平远一望穷千里白鸥盟在黄粱梦破投老此

心如水耿无眠披衣顾影乍闻绕堦络纬 百年倦客三生习气今古到头谁是夜色苍茫浮云  
灭没举世方熟寐谁人着眼放神八极逸想寄尘寰内独凭阑鷄鸣日上海山雾起

前调【为洛滨横山作】 张元干

飞观横空衆山遶甸江面相照曲檻披风虚檐挂月据尽登临要有时巾屨访公良夜坐我半  
天林杪揽浮丘飘飘衣袂相与似游蓬岛 主人胜度文章英妙合住北扉西沼何事十年风簾  
露沐不厌江山好曲屏端有吹箫人在同倚暮云清晓乘除了人间宠辱付之一笑

前调【陪程金谿跃马用其韵】 赵彦端

杜曲桑麻灞桥风雪归梦无路马健凌秋人闲玩日聊用寛迟暮摇摇羽扇翩翩鳬舄胜处恍  
疑仙去笑相看风林露草古来有谁知趣 黄公垆下山陰亭畔岁月着鞭如骛出塞功名入关  
游说纸上俱难据论诗说劒尊前风味天巧却容人覩问少陵酣歌拓戟为谁献赋

前调 刘儼

青幄蔽林白氍铺径红雨迷楚画阁关愁风帘卷恨尽日萦情绪阳台云去文园人病寂寞翠  
尊雕俎惜韶容匆匆易失芳丛对眼如雾 巾敲润裊衣寛凉渗又觉渐回骄暑解箨吹香遗丸  
荐脆小菱浮鸳浦画阑如旧依稀犹记竚立一鉤莲步黯消魂那堪又聽杜鹃声苦

前调【章使君席上】 黄机

别院春深华堂昼永嘉讌初启翠玉尊罍红牙丝管睡鸭沈烟里弄晴云态行空絮影漠漠似  
飞如坠最多情紫綰团就错落乱星流地 使君自有元龙豪气唤客且休辞醉蝶困蜂酣燕娇  
莺姹欢意浓如此侃其笑语止乎礼义衣佩细纫兰芷遥归去残更欲尽晓鸦又起

前调【次韵吊青楼】 高观国

浅晕修蛾脆痕红粉犹记窺户香断匳空尘生砌冷谁唤青鸾舞春风花信秋宵月约历历此  
心曾许衔芳恨千年怨结玉骨未应成土 木兰艇子莫愁何在漫系寒江烟树事逐云沈情随  
佩冷短梦分今古一抔遥夜孤光难晓多少碎人肠处空凄黯西风细雨尽吹泪去

前调【七夕和刘随如】 赵以夫

云鴈将秋露萤照夜凉透牕户星钿珠疎月匳金小清絶无点暑天孙河鼓东西相望隱隱光  
流华渚妆楼上青瓜玉果多少騷儿痴女 金鍼暗度珠丝密结便有系人心处经岁离思霎时  
欢爱愁绪空万缕人间天上一般情味枉了锦笺嘱付又何似吹笙仙子跨黄鹤去

前调【送春】 洪璚

歌雪徘徊梦云溶曳欲劝春住薄幸杨花无端杜宇抵死催教去参差烟岫千回百匝不解禁  
春归路病恹恹那堪更听小楼一夜风雨 金钗鬪草玉盘行菜往事了无凭据合数松儿分香  
把子總是牵情处小桃朱户题诗在否尚忆去年崔护绿陰中莺莺燕燕也应解语

前调【过李氏妆閨见旧题因赋】 吴文英

春酌沉沉晚妆的的仙梦游惯锦湫维舟青门倚盖还被笼鹦唤裴郎归後秋娘沈恨谩客请  
传芳卷联题在频经翠袖胜隔绀纱尘幔 桃根杏叶胶黏绀縹几回凭阑人换蛾髻愁云兰香  
膩粉都为多情褪离巾拭泪征袍染醉强作酒朋花伴留连怕风姨浪妒又吹雨断

前调【探梅次时齐韵】 吴文英

阁雪云低卷沙风急惊鴈失序户掩寒宵屏闲冷梦灯颺似唇语堪怜窓景都闲刺绣但续旧  
愁一缕邻歌散罗襟印粉袖湿蒨桃红露 西湖旧日留连清夜爱酒几将花误遗韞尘消题裙  
墨黯天远吹笙路吴台直下细梅无限未放野桥香度重谋醉揉香弄影水清浅处

前调【绿陰】 蒋捷

清逼池亭润侵山阁云气凝聚未有蝉前已无蝶後花事随逝水西园支径今朝重到半碍醉  
筇吟屐除非是莺身瘦小暗中引雏穿去 梅檐溜滴风来吹断放得斜阳一缕玉子敲枰香綃  
落翦声度深几许层层离恨凄迷如此点破漫烦轻絮应难认争春旧馆倚红杏处

前调 任询

月已中秋菊还重九夜久凉重满地清霜半天白晓孤唱闻耕壠萧萧窓几依然琴砚但觉鼠  
窥风动悔生平趋前猛甚晚退却成无勇 兴衰更换妍媸淆混造物大相愚弄二衅羞人五交  
贾鬻侯伯寧无种而今此念消除都尽惟有故山归梦吾庐更双溪清遶万峯翠拥

前调 危复之

早叶初莺晚风孤蝶幽思何限檐角紫云堦痕积雨一夜苔生徧玉窓闲掩瑶琴慵理寂寞水  
沉烟断悄无言春归无觅卷帘见双飞燕 风亭泉石烟林薇蕨梦绕旧时曾见江上闲鸥心盟  
犹在分得眠沙畔引觴浮月飞谈卷雾莫管愁深懽浅起来倚阑干拾得残红一片

前调【又一体】 冯琦

不愿为云何须似雨但求如雪雨落难收云浓易散惟雪称奇絶乱点梅梢细匀花瓣玉色都

无分别倩微风吹入华轩悄把绣帟轻揭 梅解偷香雪如傅粉贾女何郎相悦漏泄春光东皇相妒不得常攀折雪片都消梅香依旧瘦影侵孤月问何时重上瑶阶明岁寒时节

前调【又一体】 柳 永

薰风解愠昼锦晴和新霁时候火德流光緑图荐祉累庆金枝秀璇枢绕电华渚流虹是日挺生元后续唐虞垂拱千载应期万灵敷佑 殊方异域争贡琛賫架巘航波奔凑三殿称觞九仪就列韶濩锵金奏藩侯瞻望彤庭亲携僚吏赓歌元首祝尧龄北极齐尊南山共久

前调【又一体】 陈允平

玉腕笼寒翠阑凭晓莺调新篁暗水穿苔游丝度柳人静芳昼长云南归鴈楼西飞燕去来惯认炎凉王孙远青青草色几回望断柔肠 蔷薇旧约尊前一笑等闲辜负年光鬪草庭荒抛梭架冷帘外风絮香伤春情绪惜花时候日斜尚未成妆问嬉笑谁家女伴还又采桑

御选历代诗余卷八十二

## 卷八十三

钦定四库全书

御选历代诗余卷八十三目录【起一百四字至一百五字】

拜星月慢【又一体】

周邦彦

周密

南浦【又一体】

周邦彦

安公子【又一体】

晁补之

看花回【又一体】

赵彦端

绮寮怨

周邦彦

赵文

王学文

赏南枝

曾巩

绮罗香【又一体】



史達祖

陈允平

王沂孙【三首】

张炎

张盘

张翥

瀟湘逢故人慢【又一体】

王安礼

钱应金

西湖月【又一体】

黄子行

送入我门来【又一体】

胡浩然

百宜娇

吕渭老

更漏子【又一体】

杜安世

望南云慢

沈公述

惜余欢【又一体】

黄庭坚

西河

周邦彦

花发沁园春

王诜

前调【又一体】

刘圻父

解连环

周邦彦

凉州令【又一体】

欧阳修

张大烈

合欢带【又一体】

柳永

前调【又一体】

杜安世

南浦【又一体】

程垓

史達祖

前调【又一体】

王沂孙【二首】

张炎

张翥

陶宗仪

泛清波摘徧【又一体】

晏几道

秋霁【又一体】

胡浩然

史達祖

吴文英

周密

二郎神【又一体】

徐伸

吴潜

赵以夫【二首】

吴文英

楼采

汤恢

尉迟杯【又一体】

周邦彦

吴文英

无名氏

尹公远

前调【又一体】

贺铸

西河【又一体】

周邦彦

辛弃疾

杨泽民

吴文英

陈允平

张炎

御选历代诗余卷八十三目录

钦定四库全书

御选历代诗余卷八十三【起一百四字至一百五字】

司经局洗马掌局事兼翰林院修撰加二级【臣】王奕清奉旨校刊

拜星月慢

【又一体双调一百四字或无慢字星或作新】

拜星月慢 周邦彦

夜色催更清尘收露小市幽坊月暗竹槛灯牖识秋娘庭院笑相遇似觉琼林玉树相倚?日明

霞光烂水盼兰情總平生稀见 画图中旧识春风面谁知道自到瑶台畔眷恋雨润云温苦金  
风吹散念荒寒寄宿无人馆重门闭败壁秋虫叹怎奈何一缕相思隔溪山不断

前调 周密

膩叶陰清孤花香冷迤邐芳洲春换薄酒孤吟怅相如游倦想人在絮幕香帘凝望误认几许  
烟檣风幔芳草天涯负华堂双燕 记箫声淡月梨花院研红笺漫写

东风怨一夜落红啼鵙唤河桥吟徧荡归心又过江南岸清宵梦远逐飞花乱几千万丝缕垂  
杨系春愁不断南浦

【又一体双调一百四字】

南浦 周邦彦

浅带一帆风向晚来扁舟稳下南浦迢递阻潇湘蘅皋迴斜檣蕙兰汀渚危檣影里断云点点  
遥天暮菡萏里风偷送清香时时微度 吾家旧有簪纓甚顿作天涯经岁羈旅羌管怎知情烟  
波上黄昏万斛愁绪无言对月皓彩千里人何处恨无凤翼身只待而今飞将归去安公子

【又一体双调一百四字】

安公子【送四弟官无为】 晁补之

柳老荷花尽夜来霜落平湖净征鴈横天鸥舞乱鱼游清镜又还是当年我向江南兴移画船  
深渚蒹葭映对半篙碧水满眼青山魂凝 一番伤华髮放歌狂饮犹堪逞水驿孤帆明夜事此  
懽重省梦回处池塘春草愁难整宦情与归思终朝竞记他年相访认取斜川三径看花回

【又一体双调一百四字】

看花回 赵彦端

端有恨留春无计花飞何速檻外青青翠竹镇高节凌云清陰常足春寒风袂带雨穿牕如利  
镞催处处燕巧莺慵几声鈎輶叫云木 看波面垂杨蘸绿最好是风梳烟沐陰重薰帘未卷正  
泛乳新芽香飘清馥新诗惠我开卷醒然欣再读叹词章过人华丽擲地胜如金玉绮寮怨

【双调一百四字】

绮寮怨 周邦彦

上马人扶残醉晓风吹未醒映水曲翠瓦朱檐垂杨里乍见津亭当时曾题败壁蛛丝罩淡墨  
苔晕青念去来岁月如流徘徊久叹息愁思盈去去倦寻路程江陵旧事何曾再问杨琼旧曲  
凄清敛愁黛与谁听尊前故人如在想念我最关情何须渭城歌声未尽处先泪零

前调 赵文

绦阙珠宫何处碧梧双凤唼为底事一落人间轻题破隐韵天音当时点云滴雨匆匆处误墨  
沾素襟算人间最苦多情争知道天上情更深世事似晴又阴罗襦甲帐回头一梦难寻虎啸  
谿护遗迹尚如今斜阳落花流水吹紫宇澹成林霜空月明天风响环佩飞翠禽

前调 王学文

忽忽东风又老冷云吹晚阴疎帘下茶鼎孤烟断桥外梅豆千林江南庾郎憔悴睡未醒病酒  
愁怎禁倚阑干一扇凉风看平地落花如雪深千曲囊中古琴平泉金谷不堪旧事重寻当日  
登临都化作梦销沉元龙丘坟无恙谁唤起共论心哀歌怨吟问何似啼鸟枝上音赏南枝

【双调一百四字】

赏南枝 曾 巩

暮冬天地闭正柔木冻折瑞雪飘飞对景见南岭梅露几点清雅容姿丹染萼玉缀枝又岂是  
一阳有私大抵化工独许使占却先时霜威莫苦禁持此花根性想羣卉争知贵用在和羹三  
春里不管绿是红非攀赏处宜酒卮醉捻嗅幽香更奇倚阑仗何人去嘱羌管休吹绮罗香

【又一体双调一百四字】

绮罗香【春雨】 史達祖

做冷欺花将烟困柳千里偷催春暮尽日冥迷愁里欲飞还住惊粉重蝶宿西园喜泥润燕归  
南浦最妨他佳约风流钿车不到杜陵路沈沈江上望极还被春潮晚急难寻官渡隐约遥峯  
和泪谢娘眉妩临断岸新绿生时是落红带愁流处记当日门掩梨花翦灯深夜语

前调【秋雨】 陈允平

鴈宇苍寒蛩疏翠冷又是凄凉时候小揭珠帘衣润唾花罗绉洗晓露独立衰荷遡归燕尚栖  
残柳想黄华羞涩东篱断无新句到重九孤檠清梦易觉肠断唐昌旧曲声迷宫漏滴入愁心  
秋似玉楼人瘦烟槛外催落梧桐带西风乱捎鸳甃记画帘灯影沉沉共栽春夜韭

前调【红叶二首】 王沂孙

玉杵余丹金刀剩彩重染吴江孤树几点朱铅几度怨啼秋暮惊旧梦绿鬓轻雕诉新恨绦唇微注最堪怜同拂新霜绣蓉一镜晚妆妒 千林摇落渐少何事西风老色争妍如许二月残花空误小车山路重认取流水荒沟怕犹有寄情芳语但凄凉秋苑斜阳冷枝留醉舞

前调 王沂孙

夜滴研朱晨妆试酒寒树偷分春艳赋冷吴江一片试霜犹浅惊汉殿绦点初凝认隋苑彩枝重翦问仙丹链熟何迟少年色换已秋晚 疎枝频撼暮雨消得西风几度舞衣吹断绿水荒沟终是赋情人远空一似零落桃花又等闲误他刘阮且留取闲写幽情石阑三四片

前调 王沂孙

屋角疎星庭陰暗水犹记藏鸦新树试折梨花行入小阑深处听粉片簌簌飘堆有人在夜窓无语料如今门掩孤灯画屏尘满断肠句 佳期浑似流水还见梧桐几叶轻敲朱户一派秋声应做两边愁绪江路远归鴈无凭写绣笺倩谁持去漫无聊犹掩芳尊醉聽秋夜雨

前调【红叶】 张炎

万里飞霜千林落木寒艳不招眷妒枫冷吴江独客又吟愁句正船檣流水孤村似花绕斜阳归路甚荒沟一片凄凉载情不去载愁去 长安谁问倦旅羞见衰颜借酒飘零如许漫倚新妆不入洛阳花谱为回风起舞尊前尽化作断霞千缕记陰陰綠徧江南夜窓听暗雨

前调【渔浦有感】 张盘

浦月窥檐松泉漱枕屏里吴山何处暗粉疎红依旧为谁匀注都贪了燕约莺期更闲却柳烟花雨纵十分春到邮亭赋怀应是断肠句 青青原上荠麦还被东风无赖翻成离绪望极天西惟有陇云江树斜照带一缕新愁尽分付暮潮归去步闲堦待卜心期落花空细数

前调【雨中舟次洹上】 张翥

燕子梁深秋千院冷半湿垂杨烟缕怯试春衫长恨踏青期阻梅子後余润留寒藕花外嫩凉销暑渐惊他秋老梧桐萧萧金井断蛩暮 熏篝须待被暖催雪新词未稳重寻笙谱水阁云牕總是惯从经处曾信有客里关河又怎禁夜深风雨一声声滴在疎篷做成情味苦潇湘逢故人慢

【又一体双调一百四字】

潇湘逢故人慢【初夏】 王安礼

薰风微动方榴花弄色萱草成窝翠帟敞轻罗试水簟初展几尺湘波疎檐广厦称潇湘一枕  
南柯引多少梦魂归绪洞庭雨棹烟蓑惊回处闲昼永更时时燕雏莺友相过正绿影婆娑况  
庭有幽花池有新荷青梅煮酒幸随分赢取高歌功名事到头终在岁华忍负清和

前调【山庄秋集】 钱应金

深秋村落夸青菱香熟素芋甜和擘紫蟹蒸黄雀知已团聚笑语婆娑浓烟淡雪翦湘湖几尺  
渔蓑纵消受白苹红蓼生平未免情多空怀古时悱恻十年来可偿文债诗魔叹世路蹉跎恐  
心费参熊眉费松螺风期阔絶喜今夕重话云窝寒潭月皎然见底问君不醉如何西湖月

【又一体双调一百四字】

西湖月【探梅】 黄子行

初弦月挂林梢又一度西园探梅消息粉墙朱户苔枝露蕊淡匀轻饰玉儿应有恨为怅望东  
昏相记忆便解佩飞入云堦长伴此花倾国还嗟瘦损幽人记立马攀条倚阑横笛少年风味  
拈花弄蕊爱香怜色扬州何逊在试点染吟笺留醉墨漫赢得疎影寒牕夜深孤寂送入我门  
来

【又一体双调一百四字调始胡浩然除夕一词後人复有少一字者次入前卷故以此为又  
一体也】

送入我门来【除夕】 胡浩然

茶垒安扉灵馗挂户神雉裂竹轰雷动念流光四序式周回须知今岁今宵尽似顿觉明年明  
日催向今夕是处迎春送腊罗绮筵开今古偏同此夜贤愚共添一岁贵贱仍偕互祝遐龄山  
海固难摧石崇富贵鏐铿壽更潘岳仪容子建才仗东风尽力一齐吹送入此门来百宜娇

【双调一百四字与眉妩别名百宜娇者不同】

百宜娇 吕渭老

隙月垂窳乱蛩催织秋晚嫩凉庭户燕拂帘旌鼠窥牕网寂寂飞萤来去金铺镇掩漫记得花  
时南浦约重阳更糝菊英小楼遥夜歌舞银烛暗佳期细数帘幙渐西风午牕秋雨叶底翻红  
水面皱碧灯火裁缝砧杵登高望极正雾锁官槐归路定须将宝马钿车访吹箫侣更漏子

【又一体双调一百四字】

更漏子 杜安世



庭远途程算万山千水路入神京暖日春郊绿柳红杏香迳舞燕流莺客馆悄悄闲庭堪惹旧恨深有多少驰驱蓦岭涉水枉废身心 思想厚利高名漫惹得忧烦枉度浮生幸有青松白云深洞清闲且乐昇平长是宦游羁思别离泪满襟望江乡踪迹旧游题书尚自分明望南云慢

【双调一百四字】

望南云慢 沈公述

木叶轻飞乍雨歇亭皋帘卷秋光阑隈砌角绽拒霜几处?深浅红芳应恨开时晚伴翠菊风前竝香晓来寒露嫩脸低凝似带啼妆 堪伤记得佳人当时怨别盈腮泪粉行行而今最苦奈千里身心两处凄凉感物成消黯念旧欢空劳寸肠月斜残漏梦断孤帏一枕思量惜余欢

【又一体双调一百四字】

惜余欢 黄庭坚

四时美景正年少赏心频启东合芳酒载盈车喜朋侣簪盃杯觥交飞劝酬互献正酣饮醉主公陈榻坐来争奈玉山未颓兴寻巫峡 歌阑旋烧绛蜡况漏转铜壶烟断香鸭犹整醉中花借纖手重插相将扶上金鞍骖裹碾春焙愿少延欢洽未须归去重寻艳歌更留时霎西河

【河或作湖三叠一百四字】

西河 周邦彦

长安道潇洒西风时起尘埃车马晚游行灞陵烟水乱鸦栖鸟夕阳中参差霜树相倚到此际愁如苇冷落关河千里追思唐汉昔繁华断碑残记未央宫阙已成灰终南依旧浓翠对此景无限愁思遶天涯秋蟾如水转使客情如醉想当时万古雄名尽作往来人凄凉事

花发沁园春

【双调一百五字】

花发沁园春 王诜

帝里春归早先妆点皇家池馆园林雏莺未迁燕子乍归时节戏弄晴阴琼楼朱阁恰正在柳曲花心翠袖艳衣凭阑干惯问弦管新音 此际相携宴赏纵行乐随处芳树遥岑桃腮杏脸嫩英万叶千枝绿浅红深轻风煦日泛暗香长满衣襟洞户醉归访笙歌晚来云海沉沉

前调【又一体呈史沧洲】 刘圻父

换谱伊凉选歌燕赵一番乐事重起花新笑靥柳软纖腰济楚衆芳围里年年佳会长是傍清明天气正魏紫衣染天香蜀妆红破春睡一簇猩罗凤翠偏东园西城点检芳事铃斋吏散昼馆人稀几阕管弦清脆人生适意流转共风光游戏到遇景取次成欢怎教良夜休醉

### 解连环

【双调一百五字解连环本庄子语国策秦遗齐连环使解之以周邦彦词遂以名调】

### 解连环 周邦彦

怨怀谁托嗟情人断絶信音辽邈纵妙手能解连环似风散雨收雾轻云薄燕子楼空暗尘锁一牀弦索想移根换叶尽是旧时手种红药汀洲渐生杜若料舟依岸曲人在天角记得当日音书把闲语闲言待總烧却水驿春回望寄我江南梅萼?今生对花对酒为伊泪落

### 凉州令

【又一体双调一百五字】

### 凉州令 欧阳修

翠树芳条飏的的裙腰初染佳人携手弄芳菲绿陰红影共展双纹簟插花照影窥鸾监只恐芳容减不堪零落春晚青苔雨後深红点一去门闲掩重来却寻朱槛离离秋实弄轻霜娇红脉脉似见臙脂脸人非事往眉空敛谁把佳期赚芳心只愿长依旧春风更放明年艳

### 前调【榴花次欧阳永叔韵】 张大烈

风动柔枝飏朵朵猩红新染玉手摘来斜插鬓翠鬟疑烧赤耀臙脂簪来回顾影明金监惊惜娇姿减那堪阵阵飘飏妒花风鲜红飞点翡翠重门掩燕子哺雏画槛结来秀实缀芳条朱英丹绽如面微酡脸新子离离胎内敛恐被多情赚怎得月令闰朱明留驻韶华观丽艳

### 合欢带

【又一体双调一百五字】

### 合欢带 柳 永

身材儿早是妖娆算举措实难描一个肌肤浑似玉更都来占了千娇妍歌艳舞莺慙巧舌柳妒纖腰自相逢便觉韩娥价减飞燕声销桃花零落溪水潺湲重寻仙径非遥莫道千金酬一笑便明珠万斛须邀檀郎幸有凌云词赋掷果丰标况当年便好相携凤楼深处吹箫

前调【又一体】 杜安世

楼台高下玲珑鬪芳树绿陰浓芍药孤栖香艳晚见櫻桃万颗初红巢喧乳燕珠帘镂曳满户  
香风罩纱帟象牀屏枕昼眠才似朦胧 起来无语更兼慵念分明往事成空被你厌厌牵系我  
怪纖腰绣带寬?春来早是分飞两处长恨西东到如今扇移明月簾铺寒浪与谁同

南浦

【又一体双调一百五字】

南浦 程垓

金鸭嬾熏香向晚来春醒一枕无绪浓綠涨瑶牕东风外吹尽乱红飞絮无言竚立断肠惟有  
流莺语碧云欲暮空惆悵韶华一时虚度 追思旧日心情记题叶西楼吹花南浦老去觉懽疎  
伤春恨都付断云残雨黄昏院落问谁犹在凭阑处可堪杜宇空只解声声催他春去

前调 史達祖

玉树晓飞香待倩他和愁点破妆镜轻嫩一天春平白地都护雨昏烟暝幽花露湿定应独把  
阑干凭谢屐未蜡安排共文鸳重游芳径 年来梦雨扬州怕事随歌残情趁云冷娇盼隔东风  
无人会莺燕暗中心性深盟纵约尽同晴雨全无定海棠梦在相思过西园秋千红影

前调【又一体】 王沂孙

柳外碧连天漾翠纹渐平低蘸云影应是雪初消巴山路蛾眉乍窥清镜綠痕无际几番飘荡  
江南恨弄波素鞵至甚处空把落红流尽 何时橘里蓴乡泛一舸翻然东风归兴孤梦遶沧浪  
苹花岸漠漠雨昏烟暝连筒接缕故溪深掩柴门静只愁双燕衔春去拂破蓝光千顷

前调【春水】 王沂孙

柳下碧粼粼认麴尘乍生色嫩如染清溜满银塘东风细参差縠纹初徧别君南浦翠眉曾照  
波痕浅再来涨绿迷旧处添却残红几片 蒲萄过雨新痕正拍拍轻鸥翩翩小燕帘影蘸楼陰  
芳流去应有泪珠千点沧浪一舸断魂重唱苹花怨采香幽径鸳鸯睡谁道湔裙人远

前调 张炎

波暖綠鳞鳞燕飞来好是苏堤才晓鱼没浪痕圆流红去翻唤东风难埽荒桥断浦柳陰撑出  
扁舟小回首池塘青欲徧絕似梦中芳草 和云流出空山甚年年净洗花香不了新綠乍生时  
孤村路犹忆那回曾到余情渺渺茂林觴咏如今悄前度刘郎归去後溪上碧桃多少

前调【櫂舟南浦】 张翥

花落楚江流过西山雨涨渔村无路双桨载愁来苹沙外惟有盟鸥相觑春波碧草送君曾是  
伤情处依旧朝云飞画栋秋满鹤汀鳬渚斜阳三两人家看青旗影里炊烟一缕素被夜深船  
凄凉听还似西风湓浦征鸿去尽梦回明月生烟树如此山川无限恨都付一尊怀古

前调 陶宗仪

如此好溪山美云屏九叠波影涵素暖翠隔红尘空明里着我扁舟容与高歌鼓枻鸥边常是  
寻盟去头白江南看不了何况几番风雨画图依约天开荡清晖另有越中真趣孤啸拓篷牕  
幽情远都在酒瓢茶具水荇摇晚月明一笛潮生浦欲问渔郎无恙否回首武陵何许

泛清波摘徧

【又一体双调一百五字】

泛清波摘徧 晏几道

催花雨小着柳风柔都似去年时候好露红烟绿尽有狂情鬪春早长安道秋千影里丝管声  
中谁放艳阳轻过了倦客登临暗惜光阴恨多少楚天渺归思正如乱云短梦未成芳草空把  
吴霜鬓华自悲清晓帝城杳双凤旧约渐虚孤鸿後期难到且趁朝花夜月翠尊频倒

秋霁

【又一体双调一百五字此调始於胡浩然因前有少字者故列为又一体一名春霁一名平  
湖秋月】

秋霁 胡浩然

虹影侵堦乍雨歇长空万里凝碧孤鹜高飞落霞相映远状水乡秋色黯然望极动人无限愁  
如织又听得云外数声新鴈正嘹唳当此暗想画阁轻抛杳然殊无些个消息漏声稀银屏冷  
落那堪残月照牕白衣带顿宽犹阻隔算此情苦除非宋玉风流共怀伤感有谁知得

前调 史達祖

江水苍苍望倦柳愁荷共感秋色废阁先凉古帘空暮鴈程最嫌风力故园信息爱渠入眼南  
山碧念上国谁是鱸膾江汉未归客还又岁晚瘦骨临风夜闻秋声吹动岑寂露蛩悲清灯冷  
屋繙书愁上鬓毛白年少俊游浑断得但可怜处无奈冉冉惊魂采香南浦翦梅烟驿

前调【赋云麓水园长桥】 吴文英

一水盈盈汉影隔游尘净洗寒绿秋沐平烟日回西照乍惊饮虹天北彩兰翠馥锦云直下花成屋试纵目空际醉来风露跨黄鹄追想缥缈钓雪松江恍然烟蓑秋梦重续问何如临池脍玉扁舟空橈洞庭宿也胜饮湘然楚竹夜久人悄玉妃唤月归来挂笙声里水宫六六

前调【秋日游西湖】 周密

重到西泠记芳园载酒画舸横笛水曲芙蓉渚边鸥鹭依依似旧相识年华易失断桥几换垂杨色漫自惜愁损庾郎双鬓点华白残蛩露草怨蝶飞花转眼西风又成陈迹叹如今才疎量减尊前孤负醉吟笔欲寄远情秋水隔旧游空在凭高望极斜阳乱山浮紫暮云凝碧

二郎神

【又一体双调一百五字亦名十二郎】

二郎神 徐 伸

闷来弹鹊又搅碎一帘花影漫试着春衫还思纖手熏彻金猊烬冷动是愁端如何向但怪得新来多病嗟旧日沈腰而今潘鬓怎堪临镜重省别时泪渍罗襟犹凝料为我厌厌日高慵起长托春醒未醒鴈足不来马蹄难去门掩一庭芳景空竚立尽日阑干倚徧昼长人静

前调 吴 潜

小楼向晚正柳鎖一城烟雨记十里吴山绣帘朱户曾学宫词内舞浪逐东风无人管但脉脉岁移年度嗟往事未尘新愁还织恁堪重诉凝竚问春何事飞红飘絮纵度曲秦川旧家都去谁寄音书说与野草凄迷暮云沉黯浑自替人无绪珠泪滴应把寸肠万结夜帷深处

前调【次陈惟道韵】 赵以夫

野塘暗碧渐点点翠钿明镜想昼永珠帘人闲金屋时倚妆台照影睡起阑干凝思处漫数尽归鸦栖暝知月下莺黄云边蛾緑为谁重整曾倩鴈传鹊报心期罕定奈柳絮浮云桃花流水长是参差不并莫怨春归莫愁柘老蚕已三眠将醒肠断句枉费丹青漠漠水遥烟冥

前调 赵以夫

一江绿净算閱尽燕鸿来去便系日?长修蟾斧妙教驻韶华未许白白红红多少态问底事东皇无语但碧草淡烟落花流水不堪回竚晴雨陡寒乍热清陰庭户任诗卷抛荒棋枰休务寂寞风帘舞絮我酌君斟我词君唱谁似卿卿箫史?酩酊断送春归恰好听鸠呼妇

前调【吴江垂虹桥亭】 吴文英

素天际水浪拍碎冻云不凝记晓叶题霜秋灯吟雨曾系长桥过艇又是宾鸿重来後猛赋得  
归期才定嗟绣鸭解言香鲈堪钓尚庐人境幽兴争如共载越娥妆镜念倦客依然貂裘茸帽  
重向松江照影酹酒苍茫倚歌平远亭上玉虹腰冷迎醉面暮雪飞花几点黛愁山暝

前调 楼采

露牀转玉唤睡醒绿云梳晓正倦立银屏新宽衣带生怯轻寒料峭闷绝相思无人问但怨入  
墙阴啼鸟叹露屋锁春晴风喧昼柳轻梅小人悄日长漫忆秋千嬉笑怅冷镫熏花深莺静  
帘箔微红醉裊带结留诗粉痕销把情远窃香年少凝恨极尽日凭高目断淡烟芳草

前调【用徐干臣韵】 汤恢

琐窗睡起闲竚立海棠花影记翠楫银塘红牙金缕杯泛梨花冻冷燕子衔来相思字道玉瘦  
不禁春病应蝶粉半销鸦云斜坠暗尘侵镜还省香痕碧唾春衫都凝悄一似荼蘼玉肌翠被  
消得东风唤醒青杏单衣杨花小扇闲却晚春风景最苦是蝴蝶盈盈弄晚一帘风静

尉迟杯

【又一体双调一百五字】

尉迟杯 周邦彦

隋堤路渐日晚密霭生深树阴阴淡月笼沙还宿河桥深处无情画舸都不管烟波隔前浦等  
行人醉拥重衾载将离恨归去因思旧客京华长偎傍疎林小槛欢聚冶叶倡条俱相识仍惯  
见珠歌翠舞如今向渔村水驿夜如岁焚香独自语有何人念我无聊梦魂凝想鸳侣

前调【赋杨公小蓬莱】 吴文英

垂杨迳洞钥启时遣流莺迎涓涓暗谷流红应有绀桃千顷临池笑靥春色满铜华弄妆影记  
年时试酒湖阴褪花曾采新杏蛛窗绣网玄经才石砚开奩雨润云凝小小蓬莱香一掬愁不  
到朱娇翠靥清尊伴人间永日断琴和棋声竹露冷笑从前醉卧红尘不知仙在人境

前调 无名氏

岁云暮叹光阴冉冉能几许江梅尚怯余寒长安信音犹阻东风无据凭阑久欲去还凝竚忆  
溪边月底徘徊暗香疎影朱户朝来冻解霜销南枝上香英数点微露把酒看花无言有泪还  
是那时情绪花依旧晨妆何处漫赢得花前愁千缕尽高楼画角频吹任教纷纷飞素

前调【题卢古溪响碧琴所】 尹公远

冰弦语在竹树院落深深处当年野草闲花何许浮云飞絮征鸿至止纵汗漫游人远回顾迟  
琼楼五色帘开唤醒玄鹤飞舞 何事梦断湖山尚九里松声八月潮怒三十年余台池清泪不  
为花奴羯鼓想天上羣仙老矣甚比似人间更愁苦倩画阑留住西风莫教吹入云去

前调【又一体】 贺铸

胜游地信东吴絶景饶佳丽平湖底见层岚凉月下闻清吹人如浓李泛衿袂香润苹风起喜  
凌波素鞵逢迎领略当歌深意 鄂君被双鸳绮垂杨?夷犹画舸相檣宝瑟弦调明珠佩委回  
首碧云千里归鸿後芳音如寄念怀系青鬓今无几枉分将镜里华年付与楼前流水

西河

【又一体三叠一百五字】

西河【金陵怀古】 周邦彦

佳丽地南朝盛事谁记山围故国遶清江髻鬟对起怒涛寂寞打孤城风檣遥度天际  
断崖树犹倒倚莫愁艇子曾系空余旧迹郁苍苍雾沈半垒夜深月过女墙来伤心东望淮水  
酒旗戏鼓甚处市想依稀王谢邻里燕子不知何世向寻常巷陌人家相对如说兴亡斜阳里

前调【送钱仲耕移守婺州】 辛弃疾

西江水道是西江人泪无情却解送行人月明千里从今日日倚高楼伤心烟树如荠  
会君难别君易草草不如人意十年着破绣衣茸种成桃李问君可是厌承明东方鼓吹千骑  
对梅花更消一醉看明年调鼎风味老大自怜憔悴过吾庐定有幽人相问岁晚渊明归来未

前调【岳阳次周美成韵】 杨泽民

形胜地岳阳事见图记因山峭拔耸孤城画楼涌起楚吴巨泽坼东南惊涛浮动空际  
半天楼阁翠倚玉人凤舸难系空余细草没章华但存故垒二妃祠宇隔黄陵精魂遥接云水  
蟹鱼橘柚渐上市是当年屈宋乡里别有老仙高世袖青蛇屡入都无人对惟有枯松城南里

前调【登花园】 吴文英

春乍霁清涟画舫融泄螺云万叠黯凝秋黛蛾照水漫将西子比西湖溪边人更多丽  
步危径攀艳蕊掬霞到手红碎青蛇细折小回廊去天半咫画阑入暮起东风棋声吹下人世  
海棠藉雨半绣地残寒退初卸罗绮除酒消春何计向沙头更续斜阳一醉双玉杯和流花洗

前调【金陵怀古次周美成韵】 陈允平

形胜地西陵往事重记溶溶王气满东南英雄间起凤游何处古台空长江缥缈无际  
石头城上试倚吴襟楚带如系乌衣巷陌几斜阳燕闲旧垒後庭玉树委歌尘凄凉遗恨流水  
买花问酒锦绣市醉新亭芳草千里梦醒觉非今世对三山半落青天数点白鹭飞来西风里

前调 张炎

花最盛西湖曾泛烟艇闹红深处小秦筝断桥夜饮鸳鸯水宿不知寒如今翻被惊醒  
那时事都倦省阑干来此间凭是谁分得半机云恍疑画锦想当飞燕皱裙时舞盘微堕珠粉  
软波不翦素练净碧盈盈移下秋影醉里玉书难认且脱巾露髮飘然乘兴一叶浮香天外冷

御选历代诗余卷八十三



## 卷八十四

<集部,词曲类,词选之属,御选历代诗余

钦定四库全书

御选历代诗余卷八十四目录【起一百五字至一百六字】

阳春曲【又一体】

史達祖

梦横塘

刘一止

别瑶姬慢

万俟雅言

蔡伸

望明河

刘一止

定风波【又一体】

柳永

西吴曲

刘过

期夜月

刘濬

曲玉管

柳永

花心动【又一体】

赵长卿

安公子【又一体】

柳永

晁补之

袁去华

前调【又一体】

杜安世

倾杯乐【又一体】

柳永

曾觌

杨无咎

程秘

夜飞鹊

周邦彦

卢祖皋

赵以夫

吴文英

陈允平

张炎

刘基

解连环【又一体】

柳永

姜夔

张辑

高观国【二首】

吴文英

蒋捷

陈允平

王沂孙

张炎【二首】

张翥

黄水村

青门饮

秦观

前调【又一体】

曹组

江南春【又一体】

吴文英

尉迟杯【又一体】

晁补之

前调【又一体】

蔡松年

鼓笛慢【又一体】

秦观

落梅

王诜

前调【又一体】

无名氏

真珠髻

晏几道

望远行【又一体】

柳永

无名氏

醉公子【又一体】

史達祖

春从天上来【又一体】

张炎

楚宫春慢

僧挥

内家娇【又一体】

柳永

飞雪满羣山

张榘

御选历代诗余卷八十四目录

钦定四库全书

御选历代诗余卷八十四【起一百五字至一百六字】

司经局洗马掌局事兼翰林院修撰加二级【臣】王奕清奉旨校刊

阳春曲

【又一体双调一百五字或无曲字】

阳春曲 史達祖

杏花烟梨花雨谁与晕开春色坊巷晓愔愔东风断旧火销处近寒食少年踪迹愁暗隔水南山北还是宝络雕鞍被莺声唤来香陌记飞盖西园寒犹凝结惊醉耳谁家夜笛灯前重帘不挂殢华裾粉痕曾拭如今故里信息赖海燕年时相识奈芳草正锁江南梦春衫怨碧

梦横塘

【双调一百五字】

梦横塘 刘一止

浪痕经雨鬓影吹寒晚来无限萧瑟野色分娇翳不断前溪风物船系朱藤路迷烟寺远鸥浮没听疎钟断鼓似近还遥惊心事伤羈客新醅旋压鵑黄?清愁在眼酒病萦骨绣阁娇慵争解说短封传忆念谁伴涂妆绾髻嚼蕊吹花弄秋色恨对南云此时凄断有何人知得

## 别瑶姬慢

【双调一百五字】

### 别瑶姬慢 万俟雅言

可惜香红又一番骤雨几阵狂风霎时留不住便夜来和月飞过帘栊离愁未了酒病相仍更堪此恨中片片随流水斜阳去各自西东 又还是九十春光悞双飞戏蝶竝采游蜂人生能几许细算来何物得似情浓沈腰暗减潘鬓先秋寸心不易供望暮云千里沉沉障翠峰

### 前调 蔡伸

微雨初晴洗瑶空万里月挂冰轮广寒宫阙迴望素娥缥缈丹桂亭亭金盘露冷玉树风轻顿觉秋思清念去年曾共吹箫侣同赏蓬瀛 奈此夜旅泊江城漫花光眩目绿酒如澠幽怀终有恨恨绮牕清影虚照娉婷蓝桥路杳楚馆云深拟凭归梦寻强就枕无奈孤衾梦易惊

## 望明河

【双调一百五字】

### 望明河 刘一止

华旌耀日报天上使星初辞金阙许国精忠试此日傅岩济川舟楫向来鸡林外况传咏篇章雄絶问人地真是唐朝第一未论勋业 鲸波雾云千叠望仙驭缥缈神仙明灭万里勤劳也等是壮年绣衣持节丈夫功名事未肯向尊前伤轻别看飞棹归侍宸游宴赏太平风月

## 定风波

【又一体双调一百五字】

### 定风波 柳永

竚立长堤澹荡晚风起骤雨歇极目萧疎塞柳万株掩映箭波千里走舟车向此人人奔名竞利念荡子终日驱驰争觉乡关转迢递 何意绣阁轻抛锦字难逢等闲度岁奈泛泛旅迹厌厌病绪近来谙尽宦游滋味此情怀纵写香牋凭谁与寄算孟光争得知我继日添憔悴

## 西吴曲

【双调一百五字】

## 西吴曲 刘 过

说襄阳旧事重省记铜鞮巷陌醉还醒笑莺花别後刘郎憔悴萍梗倦客天涯还买个西风轻艇便欲访骑马山翁问岘首那回风景 襄王城里知几度经过摩挲故宫柳瘦漫吊景冷烟衰草凄迷伤心兴废赖有阳春古郢乾坤谁望六百里路中原空老尽英雄断肠剑锋冷

## 期夜月

【双调一百五字】

## 期夜月【观舞】 刘 濬

金鈎花绶系双月腰肢软低折揎皓腕索绣结轻盈宛转妙若凤鸾飞越无别香檀急扣转亲切翻纖手飘瞥催画鼓追脆管锵洋雅奏尚与衆音为节 当时妙选舞袖慧性雅质名为殊絶满座倾心注目不堪窥回雪逡巡一曲霓裳彻汗透鲛绡肌润教人傅香粉媚容秀发

## 曲玉管

【双调一百五字】

## 曲玉管 柳 永

陇首云飞江边日晚烟波满目凭阑久一望关河萧索千里清秋忍凝眸 杳杳神京盈盈仙子别来锦字终难偶断鴈无凭冉冉飞下汀洲思悠悠 暗想当初有多少幽懽佳会岂知聚散难期翻成雨恨云愁阻追游悔登山临水惹起平生心事一场销黯永日无言却下层楼

## 花心动

【又一体双调一百五字】

## 花心动【荷花】 赵长卿

绿水平湖浸芙蓉烂锦艳胜倾国半敛半开斜立斜欹好似困娇无力水仙应赴瑶池宴醉归去美人扶策驻香驾拥波心媚容靓妆颜色 曾见苕川澄碧匀粉面溪头旧时相识翠被绣裯彩扇香篝度岁杳无消息露痕滴尽风前泪追往恨悠悠踪迹动怨忆多情自家赋得

## 安公子

【又一体双调一百六字】

## 安公子 柳 永

远岸收残雨。雨残稍觉江天暮。拾翠汀洲人寂静，立双双鸥鹭。望几点渔灯掩映，蒹葭浦。停画桡，两两舟人语。道去程今夜，遥指前村烟树。游宦成羁旅。短檣吟倚，闲凝竚。万水千山迷远近，想乡关何处。自别後，风亭月榭，孤欢聚。刚断肠，惹得离情苦。听杜宇声声，劝人不如归去。

## 前调【和次膺叔】 晁补之

少日狂游好。阆苑花间同低帽。不恨千金轻散尽，恨花残莺老。命小辔翩翩，随处金尊倒。从市人拍手，拦街笑。镇琼楼归卧，丽日三竿未觉。迷路桃源了。乱山沉水，何由到。拨断朱弦成底事，痛知音人悄。似近日，曾教青鸟传佳耗。学凤箫，拟入烟萝道。问刘郎，何计解使红颜却少。

## 前调 袁去华

弱柳丝千缕。嫩黄匀遍，鶺鴒啼处。寒入罗衣春尚浅，过一番风雨。问燕子来时，绿水桥边路。曾画楼见个人人否。料静掩云窗，尘满哀弦危柱。庾信愁如许。为谁都着眉端聚。独立东风弹泪眼，寄烟波东去。念永昼春闲，人倦如何度。闲傍枕，百啭黄鹂语。唤觉来，厌厌残照依然花坞。

## 前调【又一体】 杜安世

又是春将半。杏花零乱，闲庭院。天气有时阴淡淡，绿杨轻软，连画阁、绣帘半卷。招新燕，残黛敛，独倚阑干，徧暗思前事。月下风流狂踪无限。惜恐莺花晚，更堪容易相抛远。离恨结成心上病，几时消散。空际有断云片片，遥峰暖，闻杜宇终日哀啼怨。暮烟芳草，写望迢迢，甚时重见。

## 倾杯乐

### 【又一体双调一百六字】

## 倾杯乐 柳 永

禁漏花深，绣工日永，薰风布暖。变韶景，都门十二，元宵三五，银蟾光满。连云复道凌飞观，耸皇居丽，嘉气瑞烟葱蒨。华宵幸是，处层城阆苑。龙凤烛交光，星汉对咫尺鳌山开雉扇。会乐府两籍神仙，梨园四部弦管。向晓色都人未散，盈万井山呼鳌拚。愿岁岁天仗里，常瞻凤辇。

## 前调【赏雪】 曾 觌

锦帐寒添画檐雀噪冻云布。野望空际，瑶峰微吐。琼花初绽，江山如画，裁冰翦水装鸳瓦。杳旗亭路依稀，管弦台榭，小楼佳兴一行珠帘不下。随缕板歌声，闲暇傍翠袖云鬟，怜艳冶似佯醉，不耐娇羞浓欢。旋学风雅，向暝色双鸾舞罢。红兽暖春生金笋，但殢饮香雾卷壶天不夜。



前调【上元上梁帅】 杨无咎

瑞日凝晖东风解冻峭塞犹浅正池馆梅英粉淡柳枝金软兰芽香暖滕城谁种芙蕖满浸银蟾影一夜万花开偏翠楼朱户是处重帘竞卷罗绮簇欢声一片看五马行春旌旆远拥襦袴千里歌谣都入太平弦管且莫厌瑶觞屡劝闻凤诏催归非晚愿岁岁今夜里端门侍宴

前调 程秘

銮殿秋深玉堂宵永千门人静问天上西风几度金盘光满露浓银井碧云飞下双鸾影迢迢笙歌笑语羣仙隐隐更前问讯堕在红尘今省渐曙色晓风清迥更积霭沉阴都卷尽向牕前引镜看来尚喜精神炯炯便折简浮丘共酌奈天也未教酩酊来岁却笑羣仙月寒空冷

夜飞鹊

【或多慢字双调一百六字】

夜飞鹊 周邦彦

河桥送人处良夜何其斜月远堕余辉铜盘烛泪已流尽霏霏凉露沾衣相将散离会探风前津鼓树杪参旗花骢会意纵扬鞭亦自行迟迢迢路回清野人语渐无闻空带愁归何意重经前地遗钿不见斜迳都迷兔葵燕麦向残阳影与人齐但徘徊班草欷歔酹酒极望天西

前调【别意】 卢祖皋

骄嘶破清晓分恨临期花下恁月明知余光是处散离思最怜香霏霏牵衣搵弹泪问凄风愁露剗地东西留鞭换佩怕匆匆已是迟迟凉怯几番罗袂还燕别文梁萤点书帏一自秋娘迢迢黄金对酒争忍轻挥新来院落鴈难寻帘幙长垂怕雕梧敲径惊回旧梦应也颦眉

前调【七夕】 赵以夫

凝云拂斜月万籁声沉凉露暗坠桐阴蛾眉乞得天孙巧恹恹楼上穿鍼佳期鹊桥误到年时此夕欢浅愁深人间儿女说风流直至如今河汉几曾风浪因景物牵情自是人心长记秋庭往事钿花翦翠钗股分金道人无着正萧然竹枕疎衾梦回时天淡星稀闲弄一曲瑶琴

前调【蔡司户席上】 吴文英

金规印遥汉庭浪无纹清雪冷沁花薰天街曾醉美人畔凉枝移插乌巾西风骤惊散念枝悬愁结蒂翦离痕中郎旧恨寄横竹吹裂哀云空剩露华烟彩人影断幽芬深闭千门浑似飞仙入梦罗襪凝步流水青苹轻水软玉帐今朝不共清尊怕云槎来晚流红信杳紫断秋魂

前调【次周美成韵】 陈允平

秋江际天濶风雨凄其云陰未放晴晖归鸦乱叶更萧索砧声几处寒衣沙头酒初熟尽篱边  
朱槿竹外青旗潮期尚晚怕轻离故故迟迟 何似醉中先别容易为分襟独抱琴归回首征帆  
缥缈津亭寂寞衰草烟迷虹收霁色渐落霞孤鹭飞齐更何时重与论文渭北翦烛牕西

前调【中秋会仇山村溧阳】 张炎

林霏散浮暝河汉空云都缘水国秋清绿房一夜迎向晓海影飞落寒冰蓬莱在何处但危峰  
缥缈玉簫无声文箫素约料相逢依旧光陰 登眺尚余佳兴零露下衣襟欲醉还醒明月明年  
此夜颯颯万里同此陰晴霓裳梦断到如今不许人听正婆娑桂底谁家弄笛风起潮生

前调 刘基

中天旧时月还照元宵山叠叠水遥遥碧云日暮去无际玉人何处吹箫东风怜故苑尽莺含  
脆管柳舞纖腰凭高望断旋添清泪作春潮 欲问广寒音信鲸浪涌鱼飞不到层霄芳径苍苔  
渐满琼轩珠缀空掩蠹蛸几时再得海棠花底候鸣镳但长烟綠树青芜暝靄相对魂消

解连环

【又一体双调一百六字一名玉连环一名杏梁燕一名望梅以柳永词赋望梅也】

解连环【望梅】 柳永

小寒时节正同云暮惨劲风朝冽信早梅偏占阳和向日处凌晨数枝先发时有香来望明艳  
遥知非雪展珑金嫩蕊弄粉素英旖旎清彻 仙姿更谁竝列有幽光照水疎影笼月且大家留  
倚阑干鬪綠醕飞看锦牋吟閱桃李春花料比此芬芳俱别见和羹大用莫把翠条漫折

前调 姜夔

玉鞍重倚却沉吟未上又萦离思为大乔能拨春风小乔妙移箏鴈啼秋水柳怯云?更何必十  
分梳洗道郎携羽扇那日隔帘半面曾记 西牕夜凉雨霁叹幽欢未足何事轻弃问後约空指  
蔷薇算如此溪山甚时重至水驿灯昏又见在曲屏近底念惟有夜来皓月照伊自睡

前调 张辑

小楼春浅记鈎帘看雪袖黏芳片似不似柳絮因风更细与品题屡呵冰砚宛转吟情纵真草  
凤牋都徧到灯前笑谑酒祓峭寒移尽更箭 而今柳陰满院却花空雪似人隔春远叹万事流  
水斜阳漫赢得前诗醉污团扇脉脉重来算唯有画阑曾见把千种旧愁付与杏梁语燕

前调【柳】 高观国

露条烟叶惹长亭旧恨几番风月爱细柳先零轻黄渐拂水藏鸦翠陰相接纖软风流眉黛浅  
三眠初歇奈年华又晚萦绊游蜂絮飞晴雪 依依灞桥怨别正千丝万绪难禁愁絕怅岁久应  
长新条念曾系花驄屡停兰楫弄影摇晴恨闲损春风时节隔邮亭故人望断舞腰瘦怯

前调【春水】 高观国

浪摇新綠漫芳洲翠渚雨痕初足荡霁色流入横塘看风外漪漪皱纹如縠藻荇萦回似留恋  
鸳飞鸥浴爱娇云蘸色媚日按蓝远迷心目 仙源漾舟岸曲照芳容几树香浮红玉记那回西  
洛桥边溅裙翠传情玉纖轻掬三十六陂锦鳞渺芳音难续隔垂杨故人望断浸愁千斛

前调【留别姜石帚】 吴文英

思和云结断江楼望睫鴈飞无极正岸柳衰不堪攀忍持赠故人送秋行色岁晚来时暗香乱  
石桥南北又长亭暮雪点点泪痕總成相忆 杯前寸陰似掷几酬花唱月连夜浮白省听风听  
雨笙箫向别枕倦醒絮扬空碧片叶愁红趁一舸西风潮汐叹沧波路长梦短甚时到得

前调【岳园牡丹】 蒋捷

妒花风恶吹青陰涨却乱红池阁驻媚景别有仙葩徧琼甃小台翠油疎箔旧日天香记曾遶  
玉奴弦索自长安路远膩紫肥黄但谱东洛 天汉霁虹似昨听鹃声度月春又寥寞散艳魄飞  
入江南转湖渺山茫梦境难托万叠花愁正困倚鈎阑斜角待携尊醉歌醉舞劝花自落

前调 陈允平

寸心谁托望潇湘暮碧水遥云邈自绣带同翦合欢奈鸳枕梦单凤帏寒薄淡月梨花别後伴  
情怀萧索念伤春渐嬾病酒未忺两眉无药 魂销翠兰紫若任钗沉鬟影香沁眉角怅画阁尘  
满妆台但玉佩依然宝箏闲却旧约无凭误共赏西园桃萼正天涯数声杜宇断肠院落

前调【望梅】 王沂孙

画阑人寂喜轻盈照水犯寒先坼数枝云缕蛟绡露浅浅涂黄汉宫娇额翦玉裁冰已占断  
江南春色恨风前素艷雪里暗香偶成抛掷 如今眼穿故国待拈花弄蕊时话思忆想陇头依  
约飘零甚千里芳心杳无消息粉怯珠愁又只恐吹残羌笛正斜飞半牕晓月梦回陇驿

前调【孤鴈】 张炎

楚江空晚怅离羣万里恍然惊散自顾影欲下寒塘正沙净草枯水平天远写不成书只寄得

相思一点料因循误了残犵拥雪故人心眼 谁怜旅愁荏苒漫长门夜悄锦箏弹怨想伴侣犹宿芦花也曾念春前去程应转暮雨相呼怕蓦地玉关重见未羞他双燕归来画帘半卷

### 前调【陈西麓墓】 张炎

句章城郭问千年往事几回归鹤叹贞元朝士无多又日冷湖阴柳边门钥向北来时无处认江南花落纵荷衣未改渴损茂陵总是离索 山中故人去却但碎寒岵首旧景如昨怅二乔空老春深正歌断帘空草暗铜雀楚魄难招被万叠闲云迷着料犹是听风听雨朗吟夜壑

### 前调【留别临川诸友】 张翥

夜来风色叹青灯素被早寒欺客想寂寞人在帘栊望塞鴈欲来又催刀尺秋满关河更谁倚夕阳横笛记题花赋月此地与君几度游历江头楚枫渐赤对离尊饮泪难问消息趁一舸千里东归渺天末乱山水边孤驿晚晚年华怅回首雨南云北算今古此情此恨甚时尽得

### 前调【春梦】 黄水村

凤楼倚倦正海棠睡足锦衾香软似不似雾阁云窗拥绝妙轻盈霎时会见屏里吴山又依约兽环半掩乍教人觑了疑假疑真一种凄怨游丝落花满院料当时错怪杏梁归燕漫记得栩栩多情似蝴蝶飞来扑翻轻扇偷眼帘帘帷早不见画眉人面但凝思红生半脸枕痕一线

### 青门饮

【双调一百六字与青门引不同】

### 青门饮【赠妓】 秦观

风起云间鴈横天末严城画角梅花三奏塞草西风冻云笼月窗外晓寒轻透人去香犹在孤衾长闲余绣恨与宵长一夜熏鑪添尽香兽前事空劳回首虽梦断春归相思依旧湘瑟声沉庾梅信断谁念画眉人瘦一句难忘处怎忍辜耳边轻呪任人攀折可怜又学章台杨柳

### 前调【又一体】 曹组

山静烟沉岸空潮去晴天万里飞鸿南渡冉冉黄花翠翘金钿还是倚风凝露岁岁青门饮尽龙山高阳俦侣旧赏成空回首旧游人在何处此际谁怜萍泛空自感光阴暗伤羁旅醉里悲歌夜深惊梦无奈觉来情绪孤馆昏还晓厌时闻南楼钟鼓但泪眼临风肠断望中归路

### 江南春

【又一体双调一百六字】

江南春【杜蘅山庄】 吴文英

风响牙籤云寒石砚芳名犹在堂笏秋牀听雨妙谢庭春草吟笔城市喧鸣轍清溪上小山秀  
洁便向此搜松访石葺屋营花红尘远避风月瞿塘路随汉节记羽扇纶巾气凌诸葛青天万  
里料漫忆蓴丝鲈雪车马从休歇荣华事醉歌耳热天与此翁芳芷嘉名纫兰佩兮琼玦

尉迟杯

【又一体双调一百六字】

尉迟杯【亳社惜花作】 晁补之

去年时正愁絶过却红杏飞沉吟杏子青时追悔负好花枝今年又春到傍小阑日日数花期  
花有信人却无凭故教芳意迟迟及至待得融怡未攀条拈蕊又叹春归怎得春如天不老更  
教花与月相随都将命?与酬花似岷山落日客犹迷尽归路拍手拦街笑人沈醉如泥

前调【又一体】 蔡松年

紫云暖恨翠雏珠树双栖晚小花静院相逢的风流心眼红潮照玉盃午香重草绿宫罗淡  
喜银屏小语私分麝月春心一点 华年共有好愿何时定妆鬟暮雨零乱梦似花飞人归月冷  
一夜小山新怨刘郎兴寻常不浅况不似桃花春溪远觉情随晓马东风病酒余香相半

鼓笛慢

【又一体双调一百六字】

鼓笛慢 秦 观

乱花丛里曾携手穷艷景迷欢赏到如今谁把雕阑锁定阻游人来往好梦随春远从前事不  
堪思想念香闺正杳佳欢未偶难留恋空惆怅 永夜婵娟未满叹玉楼几时重上那堪万里却  
寻归路指阳关孤唱苦恨东流水桃源路欲回双桨仗何人细与叮咛问呵我如今怎向

落梅

【双调一百六字】

落梅【本意】 王 诜

壽阳妆晚慵匀素脸经宵醉痕堪惜前村雪里几枝初绽冰姿仙格忍被东风乱飘满地残英堆积可堪江上起离愁凭谁说寄肠断未归客 流恨声传羌笛感行人水亭山驿越溪信阻仙鄉路杳但风流尘迹香艷浓时未多吟赏已成轻掷愿身长健且凭阑明年还放春消息

前调【又一体本意】 无名氏

带烟和雪繁枝淡泞谁将粉融酥滴疎枝冷蕊压羣芳年年常占春色江路溪桥漫倒裊裊风中无力暗香浮动冰姿明月里想无花比高格 争奈光陰瞬息动幽怨潜生羌笛新花鬪巧有天然闲态倚阑堪惜零乱残英片片飞上舞筵歌席断肠忍泪念前期经岁还有芳容隔

真珠髻

【双调一百六字真或作珍】

真珠髻【梅】 晏几道

重重山外冉冉流光又是残冬时节小园幽径池边楼畔翠木嫩条春别纖蕊苞轻粉萼染猩猩鲜血乍几日好景和风次第一齐催发 天然香艳殊絶比成双皎皎倍芳洁去年因遇东归使指增远恨意曾攀折岂谓浮云始终不放满枝明月但叹息时饮金鍾更遶丛丛繁雪

望远行

【又一体双调一百六字】

望远行【雪】 柳 永

长空降瑞寒风翦淅淅瑶华初下乱飘僧舍密洒歌楼迤迤渐迷鸳瓦好是渔人披得一蓑归去江上晚来堪画满长安高却旗亭酒价 幽雅乘兴最宜访戴泛小棹越溪潇洒皓鹤夺鲜白鸂鶒失素千里广铺寒野须信幽兰歌断同云收尽别有瑶台琼榭放一轮明月交光清夜

前调【梅】 无名氏

重陰未解又早是年时梅花争绽暗香浮动疎影横斜月淡水清亭院好是前村雪里一枝开处昨夜东风布暖动行人多少离愁肠断 凝恋天赋自然雅艷似壽阳初匀粉面故人折赠欣逢驿使只恐陇头春晚寄与高楼休学龙吟三弄留取琼花烂漫正有人同倚阑干争看

醉公子

【又一体双调一百六字】

醉公子【咏梅寄南湖】 史達祖

神仙无膏泽琼裾珠佩卷下尘陌秀骨依依误向山中得与相识溪岸侧倚高情自锁烟翠时  
点空碧念香襟沾恨酥手翦愁今後梦魂隔相思暗惊清吟客想玉照堂前树三百雁翅霜轻  
凤羽寒深谁护春色诗鬓白總多因水村携酒烟墅留屐更时带明月同来与花为表德

春从天上来

【又一体双调一百六字】

春从天上来【西湖饮董高士楼】 张 炎

海上回槎认旧时鸥鹭犹恋芰葭影散香消水流云在疎树十里寒沙难问钱塘苏小都不见  
擘竹分茶更堪嗟似荻花江上谁弄琵琶烟霞自延晚照尽换了西林窈窕纹纱蝴蝶飞来不  
知是梦犹疑春在邻家一掬幽怀难写春何处春已天涯减繁华是山中杜宇不是杨花

楚宫春慢

【双调一百六字】

楚宫春慢 僧 挥

轻盈绛雪乍团聚同心千点珠结画馆绣幄低飞融融香彻笑里精神放纵断未许年华偷歇  
信任芳春都不管渐渐南薰别是一家风月扁舟去後回望处娃宫凄凉凝咽身似断云零落  
深心难说不与雕阑寸地忍覩着漂流离缺尽日厌厌總无语不及高唐梦里相逢时节

内家娇

【又一体双调一百六字】

内家娇 柳 永

煦景朝升烟光昼敛疎雨夜来新霁垂杨艷杏丝软霞轻绣出芳郊明媚处处踏青鬪草人人  
偎红倚翠奈少年自有新愁旧恨消遣无计帝里风光当此际正好恁携佳丽阻归程迢递奈  
向好景难留旧欢频弃早是伤春情绪那堪困人天气但赢得独立高原断肠一晌凝睇

飞雪满羣山

【羣或作堆双调一百六字】

飞雪满羣山【喜雪次赵西里韵】 张 榘

爱日烘晴梅梢春动晚牕客梦方还江天万里高低烟树四望犹拥螺鬟是谁邀滕六酿薄暮  
同云沍寒却原来是铃阁云蒸俄忽老青山 都尽道来年须更好无缘农事雨澁风慳鵞池夜  
半衔枚飞渡看尊俎折冲间尽清油谈笑琼花露杯深量寛功名做了云台写作图画看

御选历代诗余卷八十四



## 卷八十五

<集部,词曲类,词选之属,御选历代诗余

钦定四库全书

御选历代诗余卷八十五目录【起一百七字至一百八字】

倾杯乐【又一体】

柳永

前调【又一体】

张先【二首】

望海潮

柳永

秦观【二首】

张元干

史嵩之

石孝友

赵可

折元礼

邓千江

前调【又一体】

秦观

晁补之

吕渭老

季叔房

施绍莘

陆楫

角招

赵以夫

女冠子【又一体】

康与之

惜黄花慢

杨无咎

大圣乐【又一体】

周密

一萼红

李彭老

尹济翁

刘基

望湘人

贺铸

杨基

选冠子

吕渭老【二首】

飞雪满羣山【又一体】

蔡伸

一萼红【又一体】

姜夔

王沂孙【五首】

张炎【三首】

刘天迪

陶宗仪

钱继章

冯鼎位

前调【又一】体

无名氏

薄幸【又一体】

贺铸

吕渭老

韩元吉

毛幵

沈端节

一寸金

周邦彦

吴文英

陈允平

倾杯乐【又一体】

柳永

前调【又一体】

柳永

前调【又一体】

柳永

惜黄花慢【又一体】

吴文英【二首】

前调【又一体】

赵以夫

泛清苕

张先

御选历代诗余卷八十五目录

钦定四库全书

御选历代诗余卷八十五【起一百七字至一百八字】

司经局洗马掌局事兼翰林院修撰加二级【臣】王奕清奉旨校刊

## 倾杯乐

【又一体双调一百七字或作古倾杯】

### 倾杯乐 柳 永

冻水消痕晓风生暖春满东郊道迟迟淑景烟和露偏润长堤芳草断鸿隐隐归飞江天杳杳  
遥山变色妆眉淡埽目极千里闲倚危檣迴眺 动几许伤春怀抱念何处韶阳偏早想帝里看  
看名园芳榭烂漫莺花好追思往昔年少继日恁把酒听歌量金买笑别後暗负光阴多少

### 前调【又一体】 张 先

横塘水静花窥影孤城转浮玉无尘五亭争景画桥对起垂虹不断爱溪上琼楼凭雕阑坐久  
飞云远人在虚

空月生溟海寒鱼夜泛游鳞可辨 正是草长苹老江南地暖汀洲日晚更茶山已过清明风雨  
暴千岩啼鸟怨芳菲故苑深红尽绿叶阴浓青子枝头满使君莫放寻春缓

### 前调 张 先

飞云过尽明河浅天无畔草色栖萤霜华清暑轻颺弄袂澄澜拍岸宴玉麈谭宾倚琼枝香挹  
雕觞满午夜中秋十分圆月香槽拨凤朱弦轧鴈 正是欲醒还醉临空怅远壶更叠换对东西  
数里回塘恨零落芙蓉春不管笼灯待散谁知道座有离人目断双歌伴烟江艇子归来晚

## 望海潮

【双调一百七字】

### 望海潮【钱塘怀古】 柳 永

东南形胜三吴都会钱塘自古繁华烟柳画桥风帘翠幕参差十万人家云树远堤沙怒涛卷  
霜雪天堑无涯市列珠玑户盈罗绮竞豪奢 重湖叠巘清嘉有三秋桂子十里荷花羌管弄晴  
菱歌泛夜嬉嬉钓叟莲娃千骑拥高牙乘醉听箫鼓吟赏烟霞异日图将好景归去凤池夸

### 前调【广陵怀古】 秦 观

星分牛斗疆连淮海扬州万井提封花发路香莺啼人起朱帘十里春风豪俊气如虹曳照春  
金紫飞盖相从巷入垂杨画桥南北翠烟中 追思故国繁雄有迷楼挂斗月观横空文锦制帆  
明珠溅雨宁论雀马鱼龙往事逐孤鸿但乱云流水萦带离宫最好挥毫万字一饮?千锺

前调【越州怀古】 秦观

秦峰苍翠耶溪潇洒千岩万壑争流鸳瓦雉城谯门画戟蓬莱燕阁三休天际识归舟泛五湖  
烟月西子同游茂草荒台苧萝村冷起闲愁 何人览古凝眸怅朱颜易失翠被难留梅市旧书  
兰亭古墨依稀风韵生秋狂客监湖头有百年台沼终日夷犹最好金龟换酒相与醉沧洲

前调【赋碧云楼】 张元干

苍山烟澹寒溪风定玉簪罗带绸缪轻霭暮飞青冥远净珠星璧月光浮城际涌层楼正翠帘  
高卷绿琐低钩影落尊罍气和歌管共清游 使君冠世风流拥香鬟凭槛雾鬓凝眸银烛煨宵  
花光照席谯门莫报更筹逸兴醉无休赋探梅芳信翻曲新讴想见疎枝冷蕊春意到沙洲

前调【浮远堂】 史嵩之

危岑孤秀飞轩爽豁空江泱泱黄流吴札故丘春申旧国西风吹换清秋沧海浪初收共登高  
临眺尊俎绸缪凤集高冈驹留空谷接英游 八牕尽控琼钩送帆樯杳杳潮汐悠悠今古兴怀  
关河极目愁边灭没轻鸥淮岸隔重洲认淡霞天末一缕青浮未许英雄老去西北是神州

前调 石孝友

离情冰泮归心云扰黯然凝竚江皋柳色摇金梅香弄粉依稀满眼春娇常记极游遨更与持  
玉笋因解金貂郎去瞿塘妾家巫峡水迢迢 别来暗减风标奈碧云暗断翠被香销春草生池  
芳尘凝榭凄凉月夕花朝千里梦魂劳但乌啼渡口猿响山椒拟把无穷幽恨万叠写霜绡

前调 赵可

云垂余发霞拖广袂人间自有飞琼三馆俊游百街高选翩翩老阮才名银汉会双星尚相看  
脉脉似隔盈盈醉玉添春梦云同夜惜卿卿 离觞草草同倾记灵犀旧曲晓枕余醒海外九州  
邮亭一别此生未卜他生江上数峰青怅断云残雨不见高城二月辽阳芳草千里路傍情

前调【从军舟中作】 折元礼

地雄河岳疆分韩晋潼关高压秦头山倚断霞江吞绝壁野烟紫带沧洲虎旆拥貔貅看阵云  
截岸霜气横秋千雉严城五更残角月如钩 西风晓入貂裘恨儒冠误我却美兜鍪六郡少年  
三关老将贺兰烽火新收天外岳连楼想断云横晓谁识归舟剩着黄金换酒羯鼓醉凉州

前调【献张太尉】 邓千江

云?天塹金汤地险名藩自古皋兰营屯绣错山形米聚襟喉百二秦关鏖战血犹殷见阵云冷

落时有鵬盘静塞楼头晓月依旧玉弓弯 看看定远西还有元戎阃令上将斋坛区脱昼空兜  
鍪夕解甘泉又报平安吹笛虎牙闲且宴陪珠履歌按云鬟招取英灵毅魄长遶贺兰山

前调【又一体 洛阳怀古】 秦观

梅英疏淡水渐溶泄东风暗换年华金谷俊游铜駝巷陌新晴细履平沙长记误随车正絮翻  
蝶舞芳思交加柳下桃蹊乱分春色到人家 西园夜饮鸣笳有华灯碍月飞盖妨花兰苑未空  
行人渐老重来事事堪嗟烟暝酒旗斜但倚楼极目时见栖鸦无奈归心暗随流水到天涯

前调【扬州芍药会作】 晁补之

人间花老天涯春去扬州别是风光红药万株佳名千种天然浩态狂香尊贵御衣黄未便教  
西洛独占花王困倚东风汉宫谁敢鬪新妆 年年高会江阳看家夸絶艳人诧奇芳结蕊当屏  
联葩就幄红遮绿遶华堂花面映交相更秉藺观洵幽意难忘罢酒风亭梦魂惊恐在仙鄉

前调 吕渭老

侧寒轻雨微灯薄雾匆匆过了元宵帘影护风盆池见日青青柳叶柔条碧草皱裙腰正昼长  
烟暖蠶困莺娇望处凄迷半篙綠水浸斜桥 孙郎病酒无聊记乌丝醉语碧玉风标新燕又双  
兰心渐吐嘉期趁取花朝心事转迢迢但梦随人远心与山遥悞了芳音小牕斜日对芭蕉

前调 季叔房

櫻桃欲暖芭蕉乍綠柳梢风老鷺黄眼底天涯眉间心上春光恁解相妨新燕一双双问归来  
冒雨直为花忙一段黄昏随他带上小纱窗 多情病酒谁行任风流肠肚爱作情郎薄幸怎生  
英雄端的等闲悞了吴娘空令忆难忘恨灯花负夜月色欺廊梦断梨云峭寒风起五更长

前调【早春】 施绍莘

梅魂刚返柳思才荡轻蓝薄粉池塘整顿幅巾安排藤杖春游已费商量又挑动诗肠拟烧灯  
赛月刻烛催觴烟暮风朝总教花月衬文章 东轩密帐明牕有流苏带缓锦瑟弦张椒酒余杯  
钗旛压鬓黄金小鸭添香私祝贺檀郎愿年年绿鬓酒圣花狂依尽甘心典筹分烛夜深忙

前调 陆楫

江帆飞鷁汀莎没鴈玉人方上皇州酒泛霞觴潮生烟浦那堪泪洒苹洲云树两悠悠蓬牕迷  
岸草一任夷犹美尔词源倒倾三峡楚天秋 清时肯卧林丘看诗题杏苑名彻宸旒朔月关心  
燕风刮耳谁云悔觅封侯壮志奋吴鉤故园芳草合鱼鸟含愁何日京尘夜酤清醕泻牀头

## 角招

【双调一百七字赵以夫自注梅词云姜夔制角招徵招二曲余以角招赋梅古乐府有大小梅花皆角声也】

### 角招【梅】 赵以夫

晓寒薄苔枝上翦成万点冰萼暗香无处着立马断魂晴雪篱落横溪略约恨寄驿音书辽邈梦遶扬州东阁风流旧日何郎想依然林壑离索引杯自酌相看冷淡一笑人如削水云寒漠漠底处羣仙飞来霜鹤芳姿绰约正月满瑶台珠箔徙倚阑干寂寞尽分付许多愁城头角

## 女冠子

【又一体双调一百七字】

### 女冠子 康与之

火云初布迟迟永日炎暑浓陰高树黄鹂叶底羽毛学整方调娇语薰风时渐动峻阁池塘菱荷争吐画梁紫燕对对衔泥飞来又去想佳期容易成辜负共人人同上画楼斟香醕恨花无主卧象牀犀枕成何情绪有时魂梦断半牕残月透帘穿户去年今夜扇儿扇我情人何处

## 惜黄花慢

【双调一百七字】

### 惜黄花慢 杨无咎

霁空如水衬落木坠红遥山堆翠独立闲阶数声蝉度风前几点雁横云际已凉天气未寒时问好处一年谁记笑声里摘得半钗金蕊来至横斜为插乌纱更揉碎泛入金尊琼蚁满酌霞觞愿人壽百千可奈此时情味牛山何必独沾衣对佳节惟应懽醉看睡起晓蝶也愁花顚

## 大圣乐

【又一体双调一百七字】

### 大圣乐【东园饯春】 周密

娇绿迷云倦红颦晓嫩晴芳树渐午陰帘影移香燕语梦回千点碧桃吹雨冷落锦衾归後记前度兰桡停翠浦凭阑久漫凝竚凤翘慵听金缕留春问谁最苦奈花自无言莺自语对画楼



残照东风吹远天涯何许怕折露条愁轻别更烟暝长亭啼杜宇垂杨晚但罗袖晴沾飞絮

一萼红

【双调一百七字】

一萼红【寄弁阳翁】 李彭老

过蔷薇正风暄云澹春去未多时古岸停桡单衣试酒满眼芳草斜晖故人老经年赋别灯晕里相对夜何其泛剡清愁买花芳事一卷新诗流水孤航渐远想家山猿鹤喜见重归北阜寻幽青津问钓多情杨柳依依最难忘吟边旧语数菖蒲老是来期几夕相思蝶梦飞遶苹溪

前调 尹济翁

玉搔头是何人敲折应为节奏斐几朱弦翦灯雪藕几回数尽更筹草草又一番春梦梦觉了风雨楚江秋却恨闲身不如鸿雁飞过妆楼又是水枯山瘦叹回肠难贮万斛新愁嬾复能歌那堪对酒物华冉冉都休江上柳千丝万缕恼乱人更忍凝眸犹怕月来弄影莫上帘钩

前调 刘基

白苹洲有芦花似雪人在木兰舟祖帐方开骊歌未阕斜照半入江楼话不了纏绵意绪早归鸿相唤落沙头红蓼丹枫青烟碧草总为供愁此去几时重见怅穠华易谢零雨难收洛浦波空渭城柳尽欲饮还又回眸恨只恨无情海水趁归风辄向西流毕竟难留一宵长似三秋

望湘人

【双调一百七字】

望湘人 贺铸

厌莺声到枕花气动帘醉魂愁梦相半被惜余熏带惊剩眼几许伤春春晚泪竹痕鲜佩兰香老湘天浓暖记小江风月佳时屡约非烟游伴须信鸾弦易断奈云和再鼓曲终人远认罗襪无踪旧处弄波清浅青翰棹檣白苹洲畔尽目临皋飞观不解寄一字相思幸有归来双燕

前调【咏尘】 杨基

爱轻随马足深辗绣轮落花飞絮相和紫陌春晴东华风暖拂拂嫩红掀簸罗袜微生素衣曾染闲愁无那看补巢燕子衔将细雨香泥重做谁向花前行过见金莲踪迹尚留些个无处覓佳音赢得两眉低锁茂宏何事犹携纨扇却恐西风相浼且归去绿树陰中净扫青苔高卧

## 选冠子

【一名过秦楼一名苏武慢一名惜余春亦名惜余春慢双调一百七字字数句法不齐亦有平韵者】

### 选冠子 吕渭老

雨湿花房风斜燕子池阁昼长春晚檀盘战象宝局铺碁筹画未分还嬾谁念少年齿怯梅酸病疎霞盏正青钱遮路绿丝明水倦寻歌扇空记得小阁题名红牋亲制灯火夜深裁翦明眸似水妙语如弦不觉晓霜鸡唤闻道近来箏谱慵看金铺长掩瘦一枝梅影回首江南路远

### 前调 吕渭老

风约晴云花乾宿雾帘幕万家清晓青帘赛酒小坞藏春冶叶艳枝相照羊驾小车笑逐游人远迷芳草更红英飞舞绣茵连接雾台烟沼年少日细马鞦韆红鞵玉带同指软尘西笑珍珠戏掷彩笔搜奇不觉暮春莺老谁见这回霜点染衰事萦怀抱诉一春心事燕子周遮来了

### 飞雪满羣山

【又一体双调一百八字亦名扁舟寻旧约】

### 飞雪满羣山 蔡伸

冰结金壶寒生罗幕夜阑霜月侵门翠筠敲竹疎梅弄影数声鴈过南云酒醒欹粲枕怆然犹有残妆泪痕绣衾孤拥余香未减犹是那时熏长记得扁舟寻旧约听小牕风雨灯火黄昏锦裯才展琼籤报曙宝钗又是轻分黯然携手处倚朱箔愁凝黛顰梦回云散山遥水远空断魂

### 一萼红

【又一体双调一百八字】

### 一萼红 【人日登长沙定王台】 姜夔

古城陰有官梅几许红萼未宜簪池面冰胶墙腰雪老云意还又沈沈翠藤共闲穿径竹渐笑语惊起卧沙禽野老林泉故王台榭呼唤登临南去北来何事荡湘云楚水目极伤心朱户黏鸡金盘簇燕空叹时序侵寻记曾共西楼雅集想垂柳还裊万丝金待得归鞍到时只怕春深

### 前调 【石屋探梅】 王沂孙

思飘飘拥仙姝独步明月照苍翹花候犹迟庭陰不埽门掩山意萧条抱芳恨佳人分薄似未  
许芳魄化春娇雨湿风慳雾轻波细湘梦迢迢谁伴碧尊雕俎叹琼肌皎皎绿鬓萧萧青凤啼  
空玉龙舞夜遥睇河汉光摇未须赋疎香淡影且同倚枯蘚听吹箫听久余音欲絕寒透蛟绡

前调【赤城山中题梅花卷】 王沂孙

玉婵娟甚春余雪尽犹未跨青鸾?萼无香柔条独秀应恨流落人间记曾照黄昏淡月渐瘦影  
移上小阑干一点清魂半枝寒色芳意斑斑重省嫩寒清晓过断桥流水问讯孤山水骨微消  
尘衣不浣相见还误轻攀未须讶东南倦客掩铅泪看了又重看故国吴天树老雨过风残

前调【红梅二首】 王沂孙

占芳菲趁东风妩媚重拂淡臙脂青凤衔丹琼奴试酒惊换玉质冰姿甚春色江南太早有人  
怪和雪杏花飞蘚佩萧疎茜裙零乱山意霏霏空惹别愁无数照珊瑚海影冷月枯枝吴艳离  
魂蜀妖涸泪孤负多少心期岁寒事无人共省破丹雾应有鹤归时可恨蛟绡碎翦不寄相思

前调 王沂孙

翦丹云怕江皋路冷千叠护清芬弹泪绡单凝妆枕重惊认消瘦冰魂为谁趁东风换色任绦  
雪飞满緑罗裙吴苑双身蜀城高髻忽到柴门欲寄故人千里恨燕支太薄寂寞春痕玉管难  
留金尊易泣几度残醉纷纷漫重记罗浮梦觉步芳影如宿杏花村一树珊瑚澹月独照黄昏

前调【初春怀旧】 王沂孙

小庭深有苍苔老树风物似山林侵户清寒捎池急雨时听飞过鸣禽埽荒迳残梅似雪甚过  
了人日更多陰压酒人家试灯天气相次登临犹记旧游亭馆正垂杨引缕嫩草抽簪罗带同  
心泥金半臂花畔低唱轻斟又争信风流一别念前事空惹恨沈沈野服山筇醉赏不似如今

前调【红梅】 张炎

倚阑干问緑华何事偷餌九还丹浣锦溪边餐霞竹里翠袖不倚天寒照芳树晴光泛晓护么  
凤无处认冰顔露洗春腴风摇醉魄听笛江南树挂珊瑚冷月叹玉奴妆褪仙掾诗慳漫覓花  
云不同梨梦推篷恍记孤山步夜雪前村问酒几消凝把做杏花看得似古桃流水不到人间

前调【弁阳翁】 张炎

制荷衣傍山牕小隐雅志可闲时欵竹门深移花檻小动人芳意菲菲怕冷落蕢洲夜月想时  
将渔笛静中吹尘外柴桑灯前儿女笑语忘归分得烟霞数亩乍埽苔寻径拨叶通池放鹤幽  
情吟莺欢事老去却愿春迟爱吾庐琴书自乐好襟怀初不要人知长日一帘芳草一卷新诗

前调【束季博园池】 张 炎

櫺孤篷正丛篁护碧流水曲池通伛僂穿巘纡盘寻径忽见倒影凌空拥一片花陰无地细看来犹占旧春风胜事园林故家陶谢诗酒相逢眼底烟霞无数料神仙即我何处崆峒清气分来生香不断洞户自有云封认奇字摩挲峭石聚万景只在此山中人倚虚阑唤鹤月白千峰

前调 刘天迪

拥孤衾正朔风凄紧羶帐夜惊寒春梦无凭秋期又悞迢递烟水云山断肠处黄茅瘴雨恨骢马憔悴只空还揉翠盟孤啼红怨切暗老朱颜堪叹扬州十载甚倡条冶叶不省春残蔡琰悲笳昭君怨曲何预当日悲欢漫赢得西邻倦客空惆怅今古上眉端梦破梅花角声又报更阑

前调【红梅】 陶宗仪

水云鄉又南枝逗暖绰约汉宫妆春艳浓分朱铅浅试翠袖独倚修篁想应道东风料峭翦霞彩零乱补绡裳勾漏寻真丹丘授诀傲睨冰霜毕竟孤标还在纵天桃繁杏难侣寒香玛瑙坡头珊瑚树底江南别是春光且莫倚高楼玉管怕轻盈飞去误刘郎依旧小牕影淡月昏黄

前调 钱继章

步兵厨有箨冠而隐痛饮者谁乎思发花前人归雁後春山雪意平铺渐渐见草回沙暖正闲身生计厌樵渔惬意除非调琴弄鹤垒石穿渠手把离骚一卷尽黄昏排遣白日消磨高阁藏书矮轩僦竹清风时拂吾庐还记取前身缙岭谪文园今作老相如且趁烟冷月细嚼梅须

前调 冯鼎位

过西村指青青杨柳又是一年春闻说桥头回澜涨绿依前还遶朱门重来问丽人何处但满院苔影锁黄昏回首东风半鈎凉月数点微云却见新来燕子道今朝海上争认罗袞此去经年飘零踪迹知他宋玉谁邻最可怜楼台日暮应几番叫断杜鹃魂空使萋萋芳草为忆王孙

前调【又一体】 无名氏

断云漏日青阳布渐入融和天气糝缀夭桃金绽垂杨妆点亭台佳致晓露染风裁雨暈是牡丹偏称化工美向此际会未教一萼红开鲜蕊迤邐渐成春意放秀色妖艳天真难比粉惹蝶翅香上蜂须忍把芳心縈碎争似便移归深院将绿盖青帟护风日恁时节占断与偎红倚翠

薄幸

【又一体双调一百八字】

## 薄幸【忆故人】 贺铸

淡妆多态更滴滴频回盼睐便认得琴心先许欲绾合欢双带记画堂风月逢迎轻颦浅笑都  
无奈待翡翠屏开芙蓉帐掩羞把香罗偷解自过了烧灯夜都不见踏青挑菜几回凭双燕丁  
宁深意往来翻恨重帘碍知何时再正春浓酒暖人间昼永无聊赖恹恹睡起犹有花梢日在

## 前调 吕渭老

青楼春晚昼寂寂梳匀又嬾乍听得鶂啼莺哢惹起新愁无限记年时偷掷春心花间隔雾遥  
相见便角枕题诗宝钗贯酒共醉青苔深院怎忘得回廊下携手处花明月满如今但暮雨蜂  
愁蝶恨小牕闲对芭蕉展却谁拘管尽无言闲品秦筝泪满参差鴈腰肢渐小心与杨花共远

## 前调 韩元吉

送君南浦对烟柳青青万缕更满眼残红吹尽叶底黄鹂自语甚动人多少离情楼头水濶山  
无数记竹里题诗花边载酒魂断江干春暮都莫问功名事叹白发星星如许任鸡鸣起舞乡  
关何在凭高目尽孤鸿去漫留君住趁酴醾香暖持杯且醉瑶台路相思记取愁绝西牕夜雨

## 前调 毛幵

柳桥南畔驻骢马寻春几徧自见了生尘罗袜尔许娇波流盼为感郎松柏深心西陵已约平  
生愿记别袖频招斜门相送小立钗横鬓乱恨暗写如蚕纸空目断高城人远奈当时消息黄  
姑织女又成王谢堂前燕托琴心怨怕娇云弱雨东风蓦地轻吹散伤春病也狼籍飞花满院

## 前调 沈端节

桂轮香满送寒色轻风翦翦又还是幽牕人静梅影参差初转念少年辜负芳音多时不见文  
君面漫快泻琼舟浓熏宝鸭终是心情差嬾漫就枕浑无寐更听彻天边飞鴈任闲愁万缕如  
何消遣绣衾空忆鸳鸯暖细思量徧倚屏山挑尽琴心谁识相思怨休文瘦损陡觉频移带眼

## 一寸金

### 【双调一百八字】

## 一寸金 周邦彦

州夹苍崖下枕江山是城郭望海霞接日红翻水面晴风吹草青摇山脚波?鳬鹭作沙痕退夜  
潮正落疎林外一点炊烟渡口参差正寥廓自叹劳生经年何事京华信飘泊念渚蒲汀柳空  
归闲梦风轮雨楫终辜前约情景牵心眼流连处利名易薄回头谢冶叶倡条便入渔钓乐

前调【秋感】 吴文英

秋压更长看见姮娥瘦如束正古花摇落寒蛩满地参梅吹老玉龙横笛霜被芙蓉宿红锦透  
尚欺暗烛年年记一种凄凉绣幌金圆桂香玉 顽老情怀都无欢事良宵爱幽独叹画图难仿  
橘村砧思笠蓑有约蓴洲鱼屋心景凭谁语商弦重袖寒转轴疎篱下试觅重阳醉擘青露菊

前调【次周美成韵】 陈允平

吾爱吾庐甬水东西半村郭试倚楼极目千山拱翠舟横沙觜江迷城脚水满苹风作阑干外  
夕阳半落荒烟暝几点昏鸦野色青芜自空廓 浩叹飘蓬春江几度依依柳边泊念水行云宿  
栖迟羁旅鸥盟鹭伴归来重约满室凝尘澹无心处宦情最薄何时遂钓笠耕蓑静观天地乐

倾杯乐

【又一体双调一百八字】

倾杯乐 柳 永

水鄉天气洒蒹葭露结寒生早客馆更堪秋杪空堦下木叶飘零飒飒声乾狂风乱埽当无绪  
人静酒初醒天上征鸿知送谁家归信穿云悲叫 蛩响幽牕风窥寒砚一点银釭闲照梦枕频  
惊愁衾半拥万里归心悄悄往事追思多少赢得空使方寸挠断不成眠此夜厌厌就中难晓

前调【又一体】 柳 永

金风淡荡渐秋光老清宵永小院新晴天气轻烟乍敛皓月当轩练净对千里寒光念幽期阻  
当残景早是多愁多病那堪细把旧约前欢重省 最苦碧云信断仙鄉路杳归鸿难倩每高歌  
强遣离怀奈惨咽翻成心耿耿漏残露冷空赢得悄悄无言愁绪终难整又是立尽梧桐清影

前调【又一体】 柳 永

离宴殷勤兰舟凝滞看看送行南浦情知道世上难使皓月长圆彩云镇聚算人生悲莫悲於  
轻别最苦正欢娱便分鸳侣泪流琼脸梨花一枝春带雨 惨黛蛾盈盈无绪共黯然销魂重携  
纖手话别临行再三问道君须去频耳畔低语知多少他日深盟平生丹素从今尽把凭鳞羽

惜黄花慢

【又一体双调一百八字】

惜黄花慢【吴江夜泊小饮】 吴文英

送客吴皋正试霜夜冷枫落长桥望天不尽背城渐杳离亭黯黯恨水迢迢翠香零落红衣老  
暮愁锁残柳眉梢念瘦腰沈郎旧日曾系兰桡仙人凤咽琼箫怅断魂送远九辨难招醉鬟留  
盼小牕翦烛歌云载恨飞上银霄素秋不解随船去败红趁一叶寒涛梦翠翘怨红斜过南谿

前调【菊】 吴文英

粉靥金裳映绣屏认得旧日萧娘翠微高处故人帽底一年最好偏是重阳避春祇怕春不远  
傍幽径偷理秋妆殢醉乡寸心似翦漂荡愁觞潮腮笑入清霜鬪万花样巧深染蜂黄露痕千  
点自怜旧色寒泉半掬百感幽香鴈声不到东篱畔满城但风雨凄凉最断肠夜深怨蝶飞狂

前调【又一体菊】 赵以夫

衆芳凋谢堪爱处老圃寒花幽野照眼如画烂然满地金钱买断金天无价古香逸韵似高人  
更野服黄冠潇洒向霜夜冷笑暖春桃李天冶襟期问与谁同记往昔独自徘徊篱下采采盈  
把此时一段风流赖得白衣陶写而今为米负初心且细摘轻浮三雅沉醉也梦落故园茅舍

泛清苕

【双调一百八字一名溅罗袞一名感皇恩】

泛清苕 张先

緑净无痕过晓霁清苕镜里游人红柱巧彩船稳当筵主秘馆词臣吴娃劝饮韩娥唱竞艳容  
左右皆春学为行雨傍画桨从教水溅罗裙溪烟混月黄昏渐楼台上下火影星分飞檻倚斗  
牛近响箫鼓远破重云归轩未至千家待掩半妆翠箔朱门衣香拂面扶醉簪花满袖余温

御选历代诗余卷八十五

# 卷八十六

钦定四库全书

御选历代诗余卷八十六目录【起一百八字至一百十字】

菩萨鬘引

罗志仁

击梧桐

柳永

夺锦标

张埜

折红梅

杜安世

吴感

江城子慢【又一体】

吕渭老

蔡松年

解佩环

彭元逊

杜韦孃

杜安世



前调【又一体】

无名氏

綠意

刘基

忆瑶姬【又一体】

史達祖

霜叶飞

方千里

风流子【又一体】

张埜

前调【又一体】

王千秋

五彩结同心【又一体】

无名氏

胃马索

无名氏

选冠子【又一体】

李甲

风流子【又一体】

秦观

周邦彦

葛立方

陆游

谢懋

毛幵

史達祖

方岳

方千里

吴文英

陈允平

孙惟信

翁元龙

李肩吾

无名氏

罗志仁

张翥【二首】

吴子孝

前调【又一体】

张耒

贺铸

张元干

史達祖

吴激

前调【又一体】

贺铸

陈允平

御选历代诗余卷八十六目录

钦定四库全书

御选历代诗余卷八十六【起一百八字至一百十字】

司经局洗马掌局事兼翰林院修撰加二级【臣】王奕清奉旨校刊

菩萨鬘引

【双调一百八字引或作慢按此调与解连环略同然字数既殊调名自别也】

菩萨鬘引 罗志仁

晓莺催起问当年秀色为谁料理怅别後屏掩吴山便楼燕月寒鬓蝉云委锦字无凭付银烛  
尽烧千纸对寒泓净碧又把去鸿往恨都洗 桃花自贪结子道东风有意吹送流水漫记得当  
日心嫁卿卿是日暮天寒翠袖堪倚扇月乘鸾尽梦隔婵娟千里到嗔人从今不信画檐鹊喜

击梧桐

【双调一百八字】

击梧桐 柳 永

香靥深深姿姿媚媚雅格奇容天与自识来来便好看伊会得妖娆心素临期再约同欢定自  
都把平生相许又恐恩情易破难成未免千般思虑 近日书来寒暄而已苦没叨叨言语便忍  
得听人教当拟把前言轻负见说兰台宋玉多才多艺善词赋试与问朝朝暮暮行云何处去

## 夺锦标

【双调一百八字】

## 夺锦标【七夕】 张 埜

凉月横舟银潢浸练万里秋容如拭冉冉鸾骖鹤驭桥倚高寒鹊飞空碧问欢情几许早收拾  
新愁重织恨人间会少离多万古千秋今夕谁念文园病客夜色沉沉独抱一天岑寂忍记穿  
鍼亭榭金鸭香寒玉徽尘积凭新凉半枕又依稀行云消息听牕前泪雨浪浪梦里檐声犹滴

## 折红梅

【双调一百八字】

## 折红梅【本意】 杜安世

喜轻澌初泮微和渐入郊原时节春消息夜来陡觉红梅数枝争发玉溪仙馆不似个寻常标  
格化工别与一种风情似匀点胭脂染成香雪重吟细阅比繁杏夭桃品流真别只愁共彩云  
易散冷落谢池风月凭谁向说三弄处龙吟休咽大家留取时倚阑干闻有花堪折劝君须折

## 前调【本意】 吴 感

覩南翔征鴈疎林败叶凋霜零乱独红梅自守岁寒天教最後开绽盈盈水畔疎影蘸横斜清  
浅化工似把深色胭脂怪姑射冰姿剩与红间谁人宠眷待金锁不开凭阑先看曾飞落寿阳  
粉额妆成汉宫传徧江南风暖春信喜一枝清远对酒便好折取奇苞捻清香重嗅举杯重劝

## 江城子慢

【又一体双调一百九字】

## 江城子慢 吕渭老

新枝媚斜日花径霁晚碧泛红滴近寒食蜂蜨乱点检一城春色倦游客门外昏鸦啼梦破春  
心似游丝飞远碧燕子又语斜檐行云自没消息当时乌丝夜语约桃花时候同醉瑶瑟甚端  
的看看是榆莢杨花飞掷怎忘得斜倚红楼回泪眼天如水沉沉连翠壁想伊不整啼妆影帘  
侧

## 前调【赋瑞香】 蔡松年

紫云点枫叶岩树小婆娑岁寒节占高洁纖苞暖釀出梅魂兰魄照浓碧茗盃添春花气重芸  
牕晚蒙蒙浮霁月小眠鼻观先通庐山梦旧清絕 萧闲平生淡泊独芳温一念犹未衰歇總陈  
迹而今老但觅茶烟禅榻寄闲寂风外天花无梦也鸳鸯债从渠千万劫夜寒回施幽香与愁  
客

解佩环

【双调一百九字此调与解连环相似或云解连环变格字数既殊仍分之】

解佩环 彭元逊

江空不渡恨蘼芜杜若零落无数远道荒寒婉婉流年望望美人迟暮风烟雨雪陰晴晚更何  
须春风千树尽孤城落木萧萧日夜江声流去 日晏山深闻笛恐他年流落与子同赋事濶心  
违交淡媒劳蔓草沾衣多露汀洲窈窕余醒寐遗佩浮沉澧浦有白鸥淡月微波寄语逍遥容  
与

杜韦孃

【双调一百九字】

杜韦孃 杜安世

暮春天气莺儿燕子忙如织间嫩叶题诗哨梅小乍徧水新萍圆碧初牡丹谢了秋千搭起垂  
杨暗锁深深陌暖风轻尽日闲把榆钱乱掷 恨寂寂芳容衰减顿欹玳枕困无力为少年狂荡  
恩情薄尚未有归来消息想当初凤侣鸳俦唤作平生更不轻离拆倚朱扉泪眼滴损红绡数  
尺

前调【又一体】 无名氏

华堂深院霜笼月彩生寒暈度翠幄风触梅香喷渐岁晚春光将近惹离恨万种多情易感欢  
难聚少愁成阵拥红鑪凤枕慵欹银灯挑尽 当此际争忍前期後约度岁无凭準对好景空积  
相思恨但自觉厌厌方寸拟蛩牋象管丹青妙手写出寄与伊教信尽千工万巧惟有心期难  
问

绿意

【双调一百九字此与疎影略同犹暗香之同於红情也】

绿意【荷】 刘基

琴薰应律有细烟冒雨浓露曦日洛浦波生湘渚风交霓裳水佩争出姮娥欲共青鸾舞扬锦  
幕香霏纨质唤海童齐捧骊珠艳色荡摇蛟室遥想麻姑坛上翠霞与缟袂相伴萧瑟妖冶珊  
瑚柔媚昌宗敢污天然清谧西风玉井秋河近看叶底蜂房成蜜为君摘向金尊压倒楚江萍  
实

忆瑶姬

【又一体双调一百九字】

忆瑶姬 史達祖

娇月笼烟下楚岭香分两朵湘云花房渐密时弄杏棧初会歌里殷勤沉沉夜久西牕屡隔兰  
灯幔影昏自彩鸾飞入芳巢绣屏罗荐粉光新十年未始轻分念此飞花可怜柔脆销春空余  
双泪眼到旧家时节漫染愁巾袖止说道凌虚一夜相思玉样人但起来梅发牕前哽咽疑是  
君

霜叶飞

【双调一百九字】

霜叶飞【次周美成韵】 方千里

寒云垂地堤烟重燕鸿初度江表露荷风柳向人疎台榭还清悄恨脉脉离情怨晓相思魂梦  
银屏小奈倦客征衣自徧拂尘埃玉镜羞照无限静陌幽坊追欢寻赏未落人後先到少年心  
事转头空况近春怀抱尽绿叶红英过了离声慵整当时调问丽质从憔悴消减腰围似郎多  
少

风流子

【又一体双调一百九字】

风流子 张 埜

离思满春江当时事争忍不思量记花径月斜凭肩私语兰舟风软携手寻芳回首处青山遮  
望眼绿柳系柔肠云落雨零燕愁莺恨宝钗留股鸾镜无光天涯飘零客情缘向何处最是难  
忘犹剩满襟清泪半臂余香心似雨花一枝寂寞梦随风絮万里悠扬谁信觉来依旧烟水茫  
茫

前调【又一体雪】 王千秋

同云垂六幕啼乌静风御玉妃寒渐声入钓蓑色侵书幌似花如絮结阵成团倦游客一番诗  
思苦无算酒肠宽黄竹调悲绮衾人病岂堪梅蕊索笑巡檐一杯知谁劝空搔首还是忆旧青  
氍问素娥早晚光射江干待醉披鹤氅高吟水柱剡溪何妨乘兴空还只恐橹声咿轧栖鸟难  
安

## 五彩结同心

【又一体双调一百九字】

## 五彩结同心 无名氏

珠帘垂户金索悬牕家接浣纱溪路相见桐阴下一钩月恰在凤凰栖处素琼捻就宫腰小花  
枝袅盈盈娇步新妆浅满腮红雪绰约片云欲度尘寰岂能留住唯只愁化作彩云飞去蝉翼  
衫儿薄冰肌莹轻罩一团香雾彩牕巧缀相思苦脉脉动怜才心绪好作今秦楼活计吹箫伴  
侣

## 冒马索

【双调一百九字】

## 冒马索【梅】 无名氏

晓牕明庭外寒梅向残月吴溪庾岭一枝偷把阳和泄水姿素艳自然天赋品格真香殊常别  
奈北人不识南枝唤作腊前杏先发奇绝照溪临水素禽飞下玉羽琼芳鬬清洁懊恨春工来  
何晚伤怜媚眉先折多情立马待得黄昏疎影斜斜微酸结恨马融一声羌笛起处纷纷落如  
雪

## 选冠子

【又一体双调一百九字】

## 选冠子 李甲

卖酒垆边寻芳原上乱红飞絮悠悠已蜨稀莺散便拟把长绳系日无由谩道草忘忧也徒将  
酒解闲愁正江南春尽行人千里萍满汀洲有翠红径里盈盈侣簇芳茵裸饮时笑时讴当暖  
风迟景任相将永日烂漫狂游谁信盛狂中有离情忽到心头向尊前拟问双燕来时曾过秦  
楼

## 风流子

【又一体双调一百十字亦名内家娇】

风流子 秦观

东风吹碧草年华换行客老沧洲见梅吐旧英柳摇新绿恼人春色还上枝头寸心乱北随云黯黯东逐水悠悠斜日半山暝烟两岸数声横笛一叶扁舟青门同携手前欢记浑似梦里扬州谁念断肠南陌回首西楼算天长地久有时有尽奈何繇繇此恨无休拟待倩人说与生怕伊愁

前调 周邦彦

枫林雕晚叶关河迴楚客惨将归望一川暝霭雁声哀怨半规凉月人影参差酒醒後泪花销凤蜡风幙卷金泥砧杵韵高唤回残梦绮罗香减牵起余悲亭皋分襟地难堪处偏是掩面牵衣何况怨怀长结重见无期想寄恨书中银钩空满断肠声里玉筯还垂多少暗愁密意惟有天知

前调 葛立方

细草芳南苑东风里赢得一身闲见花朵绣田柳丝络岸沼水方泮山雪初残又还是陇头春信动梅蕊入征鞍月里暗香水边疎影淡妆宜瘦玉骨禁寒泛金溪上好开幽户聊面翠麓云湾知道醉吟堪老名利难关算书帷意嬾宦涂游倦旧时习气惟有躋攀拟待杖藜花底直到春阑

前调 陆游

佳人多命薄初心慕德耀嫁梁鸿记緑牕睡起静吟闲咏句翻离合格变玲珑更乘兴素纨留戏墨纖玉抚孤桐蟾滴夜寒水浮微冻凤牋春丽花研轻红人生谁能料堪悲处身落柳陌花丛空羡画堂鸚鵡深闭金笼向宝镜鸾钗临妆当晚绣茵牙板催舞还慵肠断市桥月笛灯院霜钟

前调 谢懋

少年多行乐方豪健何处不嬉游记情逐艷波暖香斜径醉摇鞭影扑絮青楼难忘是歌名偏婉婉鄉号得温柔娇雨娱云旋寛衣带臙风残月都在眉头一成憔悴损人惊怪空自引镜堪羞谁料短封难托征鴈虚浮念夜寒灯火嬾寻前梦晓空烟水供断闲愁情到不堪言处却悔风流

前调 毛幵



新禽初弄舌东郊外催尔踏青期渐晴灩翠漪惠风骀荡暖蒸红雾淑景辉迟粉墙外杏花无限笑杨柳不胜垂闲里岁华但惊萧索老来心赏尤惜芳菲平生歌酒地空回首惆悵触绪沾衣谁见素琴翻恨青镜留悲念千里云遥暮天长短十年人杳流水东西惟有寄情芳草依旧萋萋

#### 前调 史達祖

红楼横落日萧郎去几度碧云飞记牕眼通香玉楼妆罢马蹄敲月沙路人归如今但一莺通信息双燕说相思入耳旧歌怕听金缕断肠新句羞染乌丝相逢南溪上桃花嫩娇样浅淡罗衣恰是怨深腮赤愁重声迟悵东风巷陌草迷春恨软尘庭户花悞幽期多少寄来芳字都待还伊

#### 前调 方岳

小楼帘不卷花正開灯火竞元宵想旧日何郎飞金叵罗三生杜牧醉董娇娆香尘路云?鸾髻髻月衬马蹄骄彷彿神仙刘安鸡犬分明富贵子晋笙箫人生行乐尔君不见迷楼春绿迢迢二十四经行处旧月今桥但索笑梅花酒消新雪纵情诗草笔卷春潮俯仰人间陈迹莫惜金貂

#### 前调【次周美成韵】 方千里

河梁携手别临岐语共约踏青归自双燕再来断无音信海棠开了还又参差料此际笑随花便面醉骋锦障泥不忆故园粉愁香怨忍教华屋緑惨红悲旧家歌舞地生疎久尘暗凤缕罗衣何限可怜心事难诉欢期但两点愁蛾才开重敛几行清泪欲制还垂争表为郎憔悴相见方知

#### 前调【芍药】 吴文英

金谷已空尘薰风转国色返春魂半欹雪醉霜舞低鸾翅绦笼蜜炬绿映龙盆正窈窕绣牕人睡起临砌嘿无言慵整堕鬟怨时迟暮可怜憔悴啼雨黄昏轻桡移花市秋孃渡飞浪溅湿行裙二十四桥南北罗荐香分念碎劈芳心萦思千缕赠将幽素偷翦重云终待凤池归去催咏红翻

#### 前调【次周美成韵】 陈允平

阑干休去倚长亭外烟草带愁归正晓陰帘幙绮罗清润西风环佩金玉参差深院悄乱蝉嘶夏木双燕别春泥满地残花蝶圆凉梦半庭落叶蛩感秋悲兰屏余香在销魂处憔悴瘦不胜衣谁念凤楼当日星约云期悵倦理鸾箏朱弦空暗强临鸳镜锦带闲垂别後两峰眉恨千里心知

前调 孙惟信

三叠古阳关轻寒噤清月满征鞍记玉笋揽衣翠囊亲赠绣巾拭泪金柳初攀自回首燕台云掩冉凤阁雨阑珊天有尽头水无西注鬓难留黑带易成宽啼妆东风悄菱花在拟倩锦鸟封还应任恨蛾凝黛慵髻堆鬟奈情逐事迁心随春老梦和香冷欢与花残闲杀烟茸牕阁十二屏山

前调【闻桂花怀西湖】 翁元龙

天濶玉屏空轻陰弄澹墨画秋容正凉挂半蟾酒醒牕下露催新鴈人在山中又一片好秋光占了香换却西风箫女夜归帐栖青凤镜娥妆冷钗坠金虫西湖花深窈闲庭砌曾占席地歌钟载取断云归去几处房栊恨小帘灯暗粟肌消瘦熏鑪香减珠袖玲珑惆怅年时清梦还与谁同

前调 李肩吾

双燕立虹梁东风外烟雨湿流光望翠草云连怕经南浦葡萄波涨怎博西凉空记省残妆眉晕敛冑袖唾痕香春满绮罗小莺捎蝶夜留弦索么凤求凰江湖飘零久频回首无奈触绪难忘谁信温柔寥落翻堕愁乡便玉牋铜爵花间陶写瑶钗金镜月底平章十二主家楼苑应念萧郎

前调 无名氏

淑景皇州满和风渐催促柳花飞过清明骤雨五侯台榭青烟散入新火开时绣帘外傍人飞燕子映叶语黄鹂秋千昼永绮罗人散花陰笑隔红粉墙低青门多行乐寻芳处何计强逐轻肥空对旧游满目谁共开眉遇有时系马斜阳影下风前竚立惆怅佳期回望故园桃李曾待人归

前调【西湖】 罗志仁

歌咽翠眉低湖船客尊酒漫重携正断续斋钟高峰南北飘零野褐太一东西凄凉处翠连松九里石马溅障泥葛岭楼台梦随烟散吴山宫阙恨与云齐灵峰飞来久飞不去有落日断猿啼无限风荷废港露柳荒畦叹岳公英骨麒麟旧塚坡仙吟魄莺燕长堤欲吊梅花无句素壁慵题

前调【对瑟妓】 张翥

梨园供奉曲卿卿解写入十三弦听促弹宝柱暮催行雨放娇银甲春绕飞烟可人处凤声啼玉碎燕尾点波圆宜与画看徽容妍丽欲裁诗寄莺思纏绵多情曾相遇归舟字梦里尚记游

仙好倩钿牀纖手移近尊前尽何处教吹玉箫明月此情追忆锦瑟华年多少旧愁新恨知为谁传

前调【临川五月忆武陵元夕】 张翥

荷雨送凉飈炎尘静三市影灯宵看珠络翠绳焰摇水盃彩棚花架光射星桥洞天好笑声遮画扇歌韵合鸾箫琼树影中月窥端正云罗香里人鬪娇娆依稀元夜影铜壶短还又露洒烟飘空遣酒怀摇荡羈思无聊想驄马钿车俊游何在雪梅蛾柳旧梦难招醉掩重门半晌兰烬红销

前调 吴子孝

雨痕消已尽长空静皎日映江流看寒草都腓衰林渐薄翠荷偏沼黄橘连洲新晴好抱琴遵竹浦载鹤共兰舟近市炊烟隔林樵唱苍茫望远窈窕寻幽晚来还着屐穷岩壑更上絶顶飞楼何事西南爽气偏对吟眸指青峦万叠澄川百道遶檻分明似画难收方信三吴佳景尽属清秋

前调【又一体】 张耒

亭皋木叶下重阳近又是捣衣秋奈愁入庾肠老侵潘鬓漫簪黄菊花也应羞楚天晚白苹烟尽处红蓼水边头芳草有情夕阳无语鴈横南浦人倚西楼玉容知安否香牋共锦字两处悠悠空恨碧云离合青鸟沉浮向风前懊恼芳心一点寸眉两叶禁甚闲愁情到不堪言处分付东流

前调 贺铸

何处最难忘方豪健放乐五云乡记彩笔赋诗禁池芳草香鞦调马辇路垂杨绮筵上扇偎歌黛浅汗裊舞罗香兰烛伴归绣轮同载闭花别馆隔水深坊零落少年场琴心漫流怨带眼偷长无奈占牀燕月欺鬓吴霜念塞北音尘鱼封永断便桥烟雨鹤表相望好在後庭桃李应记刘郎

前调【延平双谿阁落成】 张元干

飞观插雕梁凭虚起缥缈五云乡对山滴翠岚两眉浓黛水分双派满眼波光曲阑外汀烟轻冉冉莎草细茫茫无数钓舟最宜烟雨有如图画浑似潇湘使君行乐处秦筝弄哀怨云鬓分行心醉一缸春色满座凝香有天涯倦客尊前回首听彻伊州恼损柔肠不似碧潭双剑犹解相将

前调 史達祖

飞琼神仙客因游戏误落古桃源藉吟牋赋笔试融春恨舞裙歌扇聊应尘缘遣人怨乱云天一角弱水路三千还因秀句意流江外便随轻梦身坠愁边风流休相误寻芳纵来晚尚有他年只为赋情不浅弹泪风前想雾帐吹香独怜奇俊露杯分酒谁伴婵娟好在夜轩凉月空自团圆

前调【感旧】 吴 激

书剑忆游梁当时事底处不堪伤望兰楫嫩漪向吴南浦杏花微雨窥宋东墙凤城外燕随青步障丝惹紫游缰曲水古今禁烟前後暮云楼阁芳草池塘回首断人肠年芳去如电镜发成霜独有蚁尊陶写蜨梦悠扬听出塞琵琶风沙淅沥寄书鸿鴈烟月微茫不似海门潮信犹到浔阳

前调【又一体】 贺 铸

新绿小池塘风帘动碎影舞斜阳美金屋去来旧时巢燕土花缭绕前度莓墙绣阁里凤帏深几许听得理丝簧欲说又休虑乖芳信未歌先咽愁转清觞遥知新妆了开朱户应自待月西厢最苦梦魂今宵不到伊行问甚时却与佳音密耗寄将秦镜偷换韩香天便教人霎时厮见何妨

前调【次方回韵】 陈允平

残梦遶林塘诗添瘦瘦不似东阳正流水荡红暗通幽径嫩篁翻翠斜映回墙相对握宝箏低度曲销蜡艳新簧莺嬾昼长燕闲人倦乍亲花簟慵引壶觞帘栊深深地歌尘静芳草自碧空厢十二画桥一堤烟树成行向杜鹃声里绿杨庭院共寻红豆同结丁香春已无多祇愁风雨相妨

御选历代诗余卷八十六

# 卷八十七

<集部,词曲类,词选之属,御选历代诗余

钦定四库全书

御选历代诗余卷八十七目录【起一百十字至一百十一字】

霜叶飞【又一体】

张炎

刘基

前调【又一体】

无名氏

击梧桐【又一体】

李甲

李珣

八宝妆【又一体】

李甲

大圣乐【又一体】

康与之

蒋捷

前调【又一体】

张炎

高山流水

吴文英

八犯玉交枝

仇远

幔卷紉

柳永

李甲

疎影

姜夔

赵以夫

陈允平

周密

王沂孙

张炎【四首】

王梦应

邓剡

赵文

张翥

选冠子【又一体】

周邦彦

方千里

吴文英

陈允平

刘基

吴子孝

前调【又一体】

蔡伸

陈允平

五彩结同心【又一体】

赵彦端

八归

高观国

女冠子【又一体】

柳永

霜叶飞【又一体】

周邦彦

吴文英

张炎【二首】

长壽乐【又一体】

柳永

沁园春【又一体】

杨慎

御选历代诗余卷八十七目录

钦定四库全书

御选历代诗余卷八十七【起一百十字至一百十一字】

司经局洗马掌局事兼翰林院修撰加二级【臣】王奕清奉旨校刊

霜叶飞

【又一体双调一百十字】

霜叶飞【悼澄江吴立斋】 张 炎

故园空杳霜风动南塘吹断瑶草已无清气碍云山奈此时怀抱尚记得修门赋晓杜陵花竹  
归来早傍雅亭幽榭惯款语英游好怀无限欢笑 不见换羽移商杏梁尘远可怜都付残照坐  
中泣下最谁多叹赏音人少怅一夜梅花都老今年因甚无诗到待唤起清魂说与凄凉定应  
愁了

前调【七夕】 刘 基

鲤鱼风起津梁断盈盈一水难渡藕花相向自成莲谁道中心苦又不觉明星在户鹊桥横跨  
黄姑渚怕喜极

悲生似那日匆匆再把欢笑辜负 堪恨桂阙姮娥乘云骖雾便踏龙尾先去碧鸡啼罢凤楼寒  
早漏声催鼓盼油壁香车驾了踟蹰欲上频回顾但暗滴真珠教向人间散成飞雨

前调【又一体】 无名氏

霜林雕晚危楼迥登临无限秋思望中闲想洞庭波面乱红初坠更萧索风吹渭水长安飞舞  
千门里变景摧芳榭唯有兰衰暮丛菊残余蕊 念花满堂时自美人一去镇掩香闺经岁又观  
珠露碎点苍苔败梧飘砌漫赢得相思泪眼东君早作归来计须莫惜丹青手重与芳菲万红  
千翠

击梧桐



【又一体双调一百十字】

击梧桐 李 甲

杳杳春江阔收细雨风蹙波声无歇鴈去汀洲暖岸芜静翠染遥山一抹羣鸥聚散征航来去  
隔水相望楚越对此凝情久念往岁上国嬉游时节 鬪草园林卖花巷陌触处风光奇絶正恁  
浓欢里悄不意顿有天涯离别看即梅生翠实柳飘狂絮没个人共折把而今愁烦滋味教向  
谁说

前调【别西湖社友】 李 珣

枫叶浓於染秋正老江上征衫寒浅又是秦鸿过霁烟外写出离愁几点年来岁去朝生暮落  
人似吴潮展转怕听阳关曲奈短笛唤起天涯情远 双履行春扁舟啸晚忆着鸥湖莺苑小小  
梅花屋雪月後记把山扉牢掩惆怅明朝何处故人相望但碧云半敛定苏堤重来时候芳草  
如翦

八宝妆

【又一体双调一百十字】

八宝妆 李 甲

门掩黄昏画堂人寂暮雨乍收残暑帘卷疎星庭户悄隐隐严城钟鼓空街烟暝半开斜月朦  
胧银河澄淡风凄楚还是凤楼人远桃源无路 惆怅夜久星繁碧云望断玉箫声在何处念谁  
伴茜裙翠袖共携手瑶台归去对修竹森森院宇曲屏香暖凝沉炷问对酒当歌情怀记得刘  
郎否

大圣乐

【又一体双调一百十字】

大圣乐 康与之

千朵奇峰半轩微雨晓来初过渐燕子引教雏飞菡萏暗薰芳草池面凉多浅斟琼卮浮绿蚁  
展湘簟双纹生细波轻纨举动团圆素月仙桂婆娑 临风对月恣乐便好把千金邀艳娥幸太  
平无事击壤鼓腹携酒高歌富贵安居功名天赋争奈皆由时命何休眉锁问朱颜去了还更  
来麼

前调【壽陶成之】 蒋 捷

笙月凉边翠翘双舞壽仙曲破更听得艳拍流星慢唱壽词初了羣唱莲歌主翁楼中披鹤氅  
展一笑微微红透涡襟怀好纵炎官驻繖长是春和 千年鼻祖事业记曾趁雷声飞快梭但也  
曾三径抚松采菊随分吟哦富贵浮云荣华风过淡处还他滋味多休辞饮有碧荷贮酒深似  
金荷

前调【又一体 华春堂分韵】 张 炎

隐市山林傍家池馆顿成佳趣是几番临水看云就树揽香诗满阑干横处翠径小车行花影  
听一片春声人笑语深庭宇对清昼渐长闲教鹦鹉 芳情缓寻细数爱碧草平烟红自雨任燕  
来莺去香凝翠暖歌酒清时钟鼓二十四帘冰壶里有谁在箫台犹醉舞吹笙侣倚高寒半天  
风露

高山流水

【双调一百十字】

高山流水【丁基仲妾善琴题赠】 吴文英

素弦一一起秋风写柔情多在春葱徽外断肠声霜霄暗落惊鸿低颦处翦緑裁红仙郎伴新  
制还赓旧曲映月帘栊似名花并蒂日日醉春浓 吴中空传有西子应不解换徵移宫兰蕙满  
襟怀睡碧總喷花茸後堂深想费春工客愁重时听蕉寒雨碎泪湿琼鍾恁风流也称金屋贮  
娇慵

八犯玉交枝

【双调一百十字】

八犯玉交枝【招宝山观月上】 仇 远

沧岛云连緑瀛秋入暮景却沉洲渚无浪无风天地白听得潮生人语擎空孤柱翠倚高阁凭  
虚中流苍碧迷烟雾惟见广寒门外青无重数 不知是水是山不知是树漫漫知是何处倩谁  
问凌波轻步漫凝睇乘鸾秦女想庭曲霓裳正舞莫须长笛吹愁去怕唤起鱼龙三更喷作前  
山雨

幔卷紬

【双调一百十字或作慢卷袖】

幔卷紬 柳 永

闲牕烛暗孤帏夜永欹枕难成寐细屈指寻思旧事前欢都来未尽平生深意到得如今万般追悔空祇添憔悴对好景良宵皱着眉儿成甚滋味红茵翠被当时一一堪垂泪怎生得依前似恁偎香倚暖抱着日高犹睡算得伊家也应随分烦恼心儿里又争似从前澹澹相看免恁萦系

前调 李甲

絶羽沉鳞埋香葬玉杳杳悲前事对一盏寒灯数点流萤悄悄画屏巫山十二葬脸星眸兰情蕙性一旦成流水便纵有甘泉妙手鸿都方士何济香闺宝砌临妆迤邐苔痕翠更不忍看伊绣残鸳履而今尚有啼红粉渍好梦不来断云飞去黯黯愁无际漫饮尽香醪奈向愁肠消遣无计

疎影

【双调一百十字石湖梅开范成大徵新声於姜夔制暗香疎影二曲後人更以红情緑意名之此其一也】

疎影【石湖梅词】 姜夔

苔枝缀玉有翠禽小小枝上同宿客里相逢篱角黄昏无言自倚修竹昭君不惯龙沙远但暗忆江南江北想佩环月夜归来化作此花幽独犹记深宫旧事那人正睡里飞近蛾緑莫似东风不管盈盈早与安排金屋还教一片随波去又却怨玉龙哀曲等恁时重觅幽香已入小牕横幅

前调【梅】 赵以夫

晴空漠漠催雪来底处飘满篱落元是花神管领春风幽香忽徧林壑玉仙缓辔江城路全不羡扬州东阁似天教瑶佩琼裾荐与翠尊冰勺闻道儿童好语丰年瑞覆早占取红萼驿使飞驰羹鼎安排速趁良辰行乐聯鑣一一清都客也肯把山林同约醉归来梦断西牕怕聽丽譙吹角

前调【次姜白石韵】 陈允平

千峰玉立送孤云伴我罗牕清宿拂镜凭虚春碧生寒夜单瘦倚筇竹东风不解吹愁醒但芳酒溪南北认雾鬢遥鎖修眉顰妩为谁愁独江上轻鸥似识背昭亭两两飞破晴緑一片苍烟隔断家山梦遶石牕萝屋相看不厌朝还暮算几度赤阑干曲待倩诗收拾归来写作卧游屏幅

前调【梅影】 周密

冰条冻叶又横斜照水一花初发素壁秋屏招得芳魂仿佛玉宫明灭疎疎满地珊瑚冷全误却扑花幽蝶甚美人忽到牕前镜里好春难折 闲却孤山旧事浸清漪倒暎千树残雪暗里东风可惯无情搅碎一帘香月轻妆谁写崔徽面认隐约烟绡重叠记梦回纸帐残灯瘦倚数枝清絶

前调【咏梅】 王沂孙

琼妃卧月任素裳瘦损罗带重结石迳春寒碧蘚参差相思曾步芳屨离魂分破东风恨又梦入水孤云阔算如今也厌娉婷带了一痕残雪 犹记冰匳半掩冷枝画未就归棹轻折几度黄昏忽到牕前重想故人初别苍虬欲卷涟漪去慢蛻却连环香骨早又是翠?蒙茸不似一枝清絶

前调【北归感旧寄周草牕】 张 炎

柳黄未结放嫩晴销尽断桥残雪隔水人家浑是花陰曾醉好春时节轻车几度新堤晓想如今燕莺犹说纵艳游得似当年早是旧情都别 重到翻疑梦醒弄泉试照影惊见华髮却笑归来石老云荒身世飘然一叶闭门约住青山色自容与吟牕清絶怕夜寒吹到梅花休卷半帘明月

前调【梅】 张 炎

黄昏片月似碎陰满地还更清絶枝北枝南疑有疑无几度背灯难折依稀倩女离魂处缓步出前村时节看夜深竹外横斜应妒过云明灭 窥镜蛾眉淡抹为容不在貌独抱孤洁莫是花光描取春痕不怕丽譙吹彻还惊海上燃犀去照水底珊瑚如活做弄得酒醒天寒空对一庭香雪

前调【题宾月图】 张 炎

雪空四野照归心万里千峰独立身与天游一洗襟怀海镜倒涌秋白相逢嬾问盈亏事但脉脉此情无极是几番飞盖追随桂底露衣香湿 闲欵楼台夜色料水光未许人世先得影里分明认得山河一笑乱山横碧乾坤许大须容我浑忘了醉乡犹客待倩谁招下清风共结岁寒三益

前调【荷叶】 张 炎

碧圆自洁向浅洲远渚亭亭清絶犹有遗簪不展秋心能卷几多炎热鸳鸯密语同倾盖且重与浣纱人说恐怨歌忽断花风碎却翠云千叠 回首当年汉舞怕飞去漫约留仙裙摺恋恋青衫犹染枯香还叹鬢丝飘雪盘心清露如铅水又一夜西风吹折喜静看匹练秋光倒泻半湖明月

前调 王梦应

瞢腾晓被听堕冰屋角晴晷仍未土湿烟生庭揜寒青障泥嬾为春试东风旧与花飞去料记得年年沙际忍落梅万点苔根化作一牕离思犹忆蔫红穉绿断桥雪未埽天近春易老对荒寒事旧人新鴈後不成情味人间解有花如海待一片不教随水但玉香酥影玲珑逐日暖红云里

前调【送尹簿之平江】 邓剡

瑶尊蘸翠短长亭送别风恋晴袂腊树迎春一路清寒能消几日羈思霜华不借阳关柳悄莫系行人嘶骑对梅花索笑分携胜约别来相寄人物仙蓬妙韵瑞鸾敛迅翼聊憩香枳见说使君好语先传付与芙蓉清致客来欲问荆州事但细语岳阳楼记梦故人翦烛西牕已隔洞庭烟水

前调【道士朱复论琴】 赵文

寒泉溅雪有佩环隐隐飞度霜月易水风寒壮士悲歌关山万里离别杨花浩荡晴空转又化作云鸿霜鹘耿石壕夜久无言寂历如闻幽咽云谷山人老矣江空又岁晚相对愁絶玉立长身自是胎仙舞我黄庭三疊人间只惯丁当字妙处在一声清拙待明朝试拂菱花老我满簪华髮

前调【王元章墨梅图】 张翥

山陰赋客怪几番睡起牕影生白缥缈仙姝飞下瑶台淡泞东风顔色微霜恰护?胧月更想像暝烟低隔恨翠禽啼处惊残一夜梦云无迹惟有龙煤解染数枝入画里如印溪碧老树枯苔玉晕冰围满幅寒香狼藉墨池雪岭春长好悄不管小楼横笛怕有人误认寒花欲点晓来妆额

选冠子

【又一体双调一百十一字】

选冠子 周邦彦

水浴清蟾叶喧凉吹巷陌雨声初断闲依露井笑扑流萤惹破画罗轻扇人静夜久凭阑愁不归眠立残更箭叹年华一瞬人今千里梦沉书远空见说鬟怯琼梳容销金镜渐嬾趁时匀染梅风地溽虹雨苔滋一架舞红都变谁信无聊为伊才减江淹情伤荀倩但明河影下还看稀星数点

前调【次周美成韵】 方千里

柳洒鹅黄草揉螺黛院落雨痕才断蜂须雾湿燕觜泥融陌上细风频扇多少艳景关心长苦  
春光疾如飞箭对东风忍负西园清赏翠深香远空暗忆醉走铜驼闲敲金镫倦迹素衣尘染  
因花瘦觉为酒情鍾緑鬢几番催变何况逢迎向人眉黛供愁娇波回倩料相思此际浓似飞  
花万点

前调【芙蓉】 吴文英

藻国凄迷麴尘澄暎怨入粉烟蓝雾香笼麝水膩涨红波一镜万妆争妒湘女归魂佩环玉冷  
无声凝情谁语又江空月堕凌波尘起彩鸳愁舞还暗忆钿合兰桡丝牵琼腕见药更怜心苦  
玲珑翠幄轻薄冰绡稳称锦云留住生怕衰蝉暗惊秋破红衰啼珠零露奈西风老尽羞趁东  
风嫁与

前调【次周美成韵】 陈允平

翠约苹香緑转槐?隔水晚蝉声断壶冰避暖钗玉欹凉倦暑嬾拈歌扇云浪缥缈鱼鳞新月开  
弦落星沉箭恨经年间阔柔笺空寄梦随天远憔悴损臂薄烟销腰寬霞缕锦瑟暗尘侵染韩  
香犹在秦镜空圆薄幸旧盟俱变虚蠹春华为谁容改芳徽魂飞娇倩凭危楼望断江外青山  
乱点

前调 刘基

暖日蒸红浓烟烘黛又过一年春半鸾啼镜掩桂老蟾孤芳草为谁如翦何处燕子飞来入幕  
穿帘似曾相见问旧时王谢风流安在雪消水泮还记得翠幄笼花琼阑搭柳鸣佩响和清管  
圆光易缺急景难追回首梦迷天远緑蔣青苹是他玉树亭亭金莲宫苑且高歌对酒趁取韶  
华未晚

前调 吴子孝

芳榭春阑曲池风暖满地緑陰清昼柳条点水燕语撩人睡起不禁醇酎最喜洛苑名花色艳  
香浓经旬依旧把越罗团扇走傍花陰几番吟嗅空怅望人在天涯云飞林外霜鬢灰心时候  
莺声渐老梅实才肥莫便风尘驰骤今日欢娛祇求长住衡茅惯寻岩岫看挥毫万字须待玉  
山頽後

前调【又一体】 蔡伸

鴈落平沙烟笼寒水古垒鸣笳声断青山隐隐败叶萧萧天际暝鸦零乱楼上黄昏片帆千里  
归程年华将晚望碧云空暮佳人何处梦魂俱远忆旧游邃馆朱扉小园香径尚想桃花人面

书盈锦轴恨满金徽难写寸心幽怨两地离愁一尊芳酒凄凉危阑倚徧尽迟留凭仗西风吹乾泪眼

前调【壽建安谢使君】 陈允平

谷雨收寒茶烟扬晓又是牡丹时候浮龟碧水听鹤丹山彩屋幔亭依旧和气缥缈人间满谷红云德星呈秀向东风种就一庭兰茁玉香初茂还遥想曲度娇莺舞低轻燕二十四帘芳昼清溪九曲上巳风光觴咏似山陰否翠阁凝清正宜瀹茗银罍熨香金斗双鸾下长生殿里赐蔷薇酒

五彩结同心

【又一体双调一百十一字】

五彩结同心【为渊卿壽】 赵彦端

人间尘断雨外风回凉波自泛仙槎非郭还非野闲莺燕时傍笑语清佳铜壶花漏长如线金铺碎香暖檐牙谁知道东园五亩种成国色天葩主人汉家龙种正翩翩迴立雪紵乌纱歌舞承平旧围红袖诗兴自写春华未知三斗朝天去定何似鸿宝丹砂且一醉朱颜相庆共看玉井浮花

八归

【双调一百十一字】

八归【重阳前一日怀梅溪】 高观国

楚峰翠冷吴波烟远吹袂万里西风关河迴隔新愁外遥怜倦客音尘未见征鸿雨帽风巾归梦杳想吟思吹入飞蓬料恨满幽苑离宫正愁黯文通秋浓新霜初试重阳催近醉红偷染江枫瘦筇相伴旧游回首吹帽知与谁同想萸囊酒醅暂时冷落菊花丛两凝竚壮怀立尽微云斜照中

女冠子

【又一体双调一百十一字】

女冠子 柳 永

淡烟飘薄莺花谢清和院落树陰翠密叶成幄麦秋霁景夏云忽变奇峰倚寥廓波暖银塘涨

新萍綠魚跃想忧端多暇陈王是日嫩苔生阁正铄石天高流金昼永楚榭光风转蕙披襟处  
波翻翠幙以文会友沉李浮瓜忍轻诺别馆清闲避炎蒸岂须河朔但尊前随分雅歌艳舞尽  
成欢乐

霜叶飞

【又一体双调一百十一字又名鬬婵娟】

霜叶飞 周邦彦

露迷衰草疎星挂凉蟾低下林表素娥青女鬬婵娟正倍添凄悄渐飒飒丹枫撼晓横天云浪  
鱼鳞小见皓月相看又透入清辉半晌特地留照迢递望极关山波穿千里度日如岁难到凤  
楼今夜听秋风奈五更愁抱想玉匣哀弦闭了无心重理相思调念故人牵离恨屏掩孤颦泪  
流多少

前调 吴文英

断弦离绪关心事斜阳红映霜树半壶秋水荐黄花香噀西风雨纵玉勒轻飞迅羽凄凉谁吊  
荒台古记醉踏南屏彩扇咽寒蝉倦梦不知樊素聊对旧节传杯尘笺蠹馆断阙经岁慵赋小  
蟾斜影转东篱夜冷残蛩语早白髮缘愁万缕惊飈从卷乌纱去漫细将茱萸看但约明年翠  
微高处

前调【毘陵宅中闻老妓歌】 张炎

绣屏开了惊诗梦娇莺啼破春悄稳将谱字转清圆正杏梁声绕看帖帖蛾眉淡埽不知能聚  
愁多少叹客里凄凉尚记得当年雅音低唱还好同是流落殊乡相逢何晚坐对真被花恼贞  
元朝士已无多但荒烟衰草未忘得春风窈窕却怜张绪如今老且慰我留连意莫说西湖那  
时苏小

前调【春感】 张炎

旧家池沼寻芳处从教飞燕频绕一湾柳护水房春看镜鸾窥晓晕宿酒双蛾淡埽罗襦飘带  
腰围小尽醉方归去又暗约明朝鬬草谁解先到心绪乱若晴丝那回游处坠红争恋残照近  
来心事渐无多尚被莺声恼便白髮如今纵少情怀不似前时好漫竚立东风外愁极还醒背  
花一笑

长壽乐

【又一体双调一百十一字】



## 长壽乐 柳 永

繁红嫩翠艳阳景，妆点神州明媚。是处楼台朱门院落，弦管新声腾沸。恁游人无限，驰骤骄马，如水竞寻芳，选剧强归来，向晚起通衢近远，香尘细细。太平世少年时，忍把韶光轻弃。况有红妆，楚艳一笑千金，何啻向尊前舞袖，飘雪歌响行云止。愿长绳且把，飞乌系任好，从容痛饮，谁能惜醉。

## 沁园春

【又一体双调一百一十一字】

## 沁园春【送卞苏溪】 杨 慎

归去来兮，美公高致，栗里堪齐。记绣斧行边，风生贵竹，青油开府，月朗雕题。黑髮功名，丹心事业，卿棘公槐行可跻。问何事，急流勇退，力挽难稽。公言某岂栖栖，奔走红尘早岁迷。况夜鹤帐中，滇云直北，春鹃花底，蜀日平西。布韞青鞵，水边林下，寻壑经丘一杖藜。喜吾乡，散仙多侣，胜日招携。

## 御选历代诗余卷八十七

# 卷八十八

钦定四库全书

御选历代诗余卷八十八目錄【起一百十二字至一百十四字】

透碧霄

柳永

查荃

女冠子【又一体】

蒋捷

沁园春【又一体】

韩玉

离别难【又一体】

柳永

选冠子【又一体】

侯寘【二首】

陆游

陈允平

冯全真

前调【又一体】

鲁逸仲

杨泽民

虞集【二首】

无名氏

前调【又一体】

张景修

张翥【二首】

虞集

姚绶【三首】

王达

吴子孝

桑悦

韩守益

沁园春【又一体】

曾巩

程垓

陆游

吴子孝

赵宽

前调【又一体】

严参

严仁

前调【又一体】

李福谦

女冠子【又一体】

柳永

玉山枕

柳永

丹凤吟

周邦彦

方千里

吴文英

陈允平

小梅花

贺铸

向子諲

朱雍

刘均国

紫萸香

姚云文

女冠子【又一体】

周邦彦

轮台子

柳永

摸鱼儿

徐一初

御选历代诗余卷八十八目錄

钦定四库全书

御选历代诗余卷八十八【起一百十二字至一百十四字】

司经局洗马掌局事兼翰林院修撰加二级【臣】王奕清奉旨校刊

透碧霄

【双调一百十二字】

透碧霄 柳 永

月华边万年芳树起祥烟帝居壮丽皇家熙盛宝运当千端门清昼觚棱照日双阙中天太平  
时朝野多欢徧锦街香陌钓天歌吹阆苑神仙 昔观光得意狂游风景再覩更精妍傍柳陰寻  
花迳空恁鞦韆垂鞭乐游雅戏平康艳质应也依然仗何人多谢婵娟道宦途踪迹歌酒情怀  
不似当年

前调 查 荃

櫂兰舟十分端是载离愁练波送远屏山遮断此去难留相从争奈心期久要屡变霜秋叹人  
生杳似萍浮又

翻成轻别都将深恨付与东流 想斜阳影里寒烟明处双桨去悠悠爱渚梅幽香动须采掇倩  
纤柔艳歌粲发谁传余韵来说仙游念故人留此遐州但春风老後秋月圆时独倚江楼

女冠子

【又一体双调一百十二字】

女冠子【元夕】 蒋捷

蕙花香也霜晴池馆如画春风飞到宝钗楼上一片笙箫琉璃光射而今灯漫挂不是暗尘明月那时元夜况年来心嬾意怯羞与蛾儿争耍江城人悄初更打问繁华谁解再向天公借别残红地但梦里隐隐钿车罗帕吴牋银粉研待把旧家风景写成闲话笑绿鬓邻女绮窗犹唱夕阳西下

沁园春

【又一体双调一百十二字取汉沁水公主园以名调一名洞庭春色一名大圣乐一名寿星明一名东仙其字数多少者此调变格也】

沁园春 韩玉

壮岁耽书黄卷青灯留连寸阴到中年赢得清贫更甚苍颜明镜白髮轻簪衲被蒙头草屨着脚风雨萧萧秋意深凄凉否饼中匱粟指下忘琴一篇梁父高深看谷变陵迁古又今便离骚经了灵光赋就行歌白雪愈少知音试问先生如何即是布袖长垂不上襟掀须笑一杯有味万事无心

离别难

【又一体双调一百十二字】

离别难 柳永

花谢水流倏忽嗟年少光阴有天然蕙质兰心美韶容何啻直千金便因甚翠弱红衰纏绵香体都不胜任算神仙五色灵丹无验中路委骀髻人悄悄夜沉沉闭香闺永弃鸳衾想娇魂媚魄非远總鸿都方士也难寻最苦是好景良天尊前歌笑空想遗音望断处杳杳巫峰十二千古暮云深

选冠子

【又一体双调一百十三字】

选冠子【湖州赵守席上作】 侯寘

暗雨收梅晴波摇柳万顷水晶宫冷桥森画栋岸列红楼两岸翠帘交映天上行舟监中开户

人在蕊珠仙境况吟烟啸月弹丝吹竹太平歌咏人尽说铜虎分贤银潢储秀巩固行都藩屏  
棠陰散暑鼎篆凝香永日一庭虚静红袖持觞彩笺挥翰适意酒豪诗俊看飞云丹诏行沙金  
勒待公归覲

前调 侯寘

返照回光终焉活计何处可为依托凋零郑圃竹坞松溪林下胜游行乐霞友云朋水色山光  
幽隐烟萝岩壑更堂堂气槩摩天一点浩然寥廓堪叹处蝶戏花梢苔生石径风细日高帘幙  
清虚器量咀嚼乾坤高迈市朝欢约疎葛寛裁瘦玉横拖啸傲东篱吟酌把真情欲写奈何尘  
世故人萧索

前调【唐西安湖】 陆游

澹霭空蒙轻陰清润绮陌细尘初静平桥系马画阁移舟湖水倒空如镜掠岸花飞傍檐新燕  
都是学人无定叹连年戎帐经春边垒暗凋顏鬓空记忆杜曲池台新丰歌管怎得故人音信  
羁怀易感老伴无多谈麈久闲犀柄惟有翛然笔牀茶竈自适笋舆烟艇待綠荷遮岸红蕖浮  
水更乘幽兴

前调 陈允平

倦听蛩砧初抛鸾扇隔浦乱钟催晚湘蒲簟冷楚竹帘稀牕下乍闻裁翦倦柳梳烟枯莲蘸水  
芙蓉翠深红浅对半牕灯火虚堂凄寂近书思徧夜漏永玉宇尘收银河光烂梦断楚天空远  
婆娑月树缥缈天香身在广寒宫殿无奈离愁乱织藉酒消磨倩花排遣浙江空霜晚黄芦澹  
澹一声来鴈

前调 冯全真

饭了从容消闲策杖野望去何凭仗帆归远浦鹭立汀洲千树好花微放芳草池塘锦江楼阁  
隐隐云埋青嶂向东郊极目天涯不见故人惆怅归去也翠麓崎岖林峦掩映消遣晚来情况  
幽禽巧语弱柳摇金綠影小桥流响挥埽龙蛇领略风光陶写丹青吟唱这云山好景物外烟  
霞几人能访

前调【又一体】 鲁逸仲

弄月余花团风轻絮露湿池塘春草萋萋恋友燕燕将雏惆怅睡残清晓还似初相见时携手  
旗亭酒香梅小向登临长是伤春滋味泪弹多少因甚却轻许风流终非长久又说分飞烦恼  
罗衣瘦损绣被香消那更乱红如埽门外无穷路岐天若有情和天须老念高唐归梦凄凉何  
处水流云绕

前调【次周美成韵】 杨泽民

塞鴈呼云寒蝉噪晚遶砌夜蛩凄断迢迢玉宇耿耿银河明月又欹团扇行客暮泊邮亭孤枕难禁一牕风箭念松荒三迳门低五柳故山犹远堪叹处对敌风光题评景物恶句斐然挥染风埃仕路冷暖人情一瞬几番更变唯有芳姿为人歌意尤深笑容偏倩把新词拍数俚人低唱风鞦轻点

前调 虞集

放棹沧浪落霞残照聊倚岸回山转乘鴈双鳬断芦漂苇身在画图秋晚雨送滩声风摇烛影深夜尚披吟卷算离情何必天涯咫尺路遥人远空自笑洛下书生襄阳耆旧梦底几时会见老矣浮丘赋诗明月千仞碧天长劒雪霁琼楼春生瑶席容我故山高宴待鸡鸣日出罗浮飞渡海波清浅

前调【櫟括归去来辞】 虞集

归去来兮昨非今是惆怅独悲奚语迷途未远晨景熹微乃命仆夫先路风扬舟轻候门童穉此日再瞻衡宇酒盈尊三径虽荒松菊宛然如故聊寄傲与世相违旧交俱见更复驾言焉取琴书情话寻壑经丘倦鸟岫云容与农人告我有事西畴孤棹赋诗春雨但乐夫天命何疑乘化任其留去

前调【梅】 无名氏

庾岭烟光江南风景冷落岁寒庭院疎林万木冻折孤根独拒晓霜回暖萼点臙脂粉凝芳蕊依稀几枝初绽上层楼月夜凭阑风送暗香清远嗟往昔汉妃临鸾新妆才饰艳絶人间金钿东君信息造化工夫却笑衆葩开晚若似芳菲迅速终与和羹凤池仙馆愿楼头羌管休吹免使为花肠断

前调【又一体咏柳】 张景修

嫩水挼蓝遥堤影翠半雨半烟桥畔鸣禽弄舌梦草萦心偏称谢家池馆红粉墙头步摇金缕纤柔舞腰低软被和风搭在阑干终日画帘高卷春易老细叶舒眉轻花吐絮渐觉緑陰成幔章台系马灞水维舟谁念凤城人远惆怅故国阳关杯酒飘零惹人肠断恨青青客舍江头风笛乱云空晚

前调【对雪】 张翥

冻雨跳空朔云屯地陡觉夜寒无赖谁从蕊阙宴罢羣仙一样佩零珠解应唤冯夷起舞回风搅碎渺茫银海倚南牕清思盈襟看尽整容斜态君试问白羽鸣弰青貂束锦千骑猎归烟塞



何如倦客蜡屐支筇乘兴竹边梅外随处堪寻卖酒人家春渚水香挑菜趁湖山晴晓吟魂飞上玉峰瑶界

前调【岁晚再雪仍用前韵】 张翥

岁晚江空雪飞风起老境若为聊赖家人解事准备深尊旋遣夜牕寒解萍梗孤踪幻影浮生万里喜还闽海但囊中留得诗篇烂写山情水态真比似一个冥鸿南来北去阅尽几重关塞名缰利锁绊煞英雄都付醉乡之外惟不能忘一舸吴淞鲈膾鼓羹蓴菜且今宵还我冰壶天地眼空尘界

前调 虞集

忆昔东坡夜游赤壁孤鹤掠舟西过英雄消尽身世茫然月小水寒星大何似渔翁不知今古醉傍蓼花然火梦相逢羽服翩翩未必此时非我谁解道岁晚江空风帆目力横槩赋诗江左清露衣裳晚风洲渚多少短歌长些玉宇高寒故人何处渺渺予怀无那叹乘槎径去浮海飘然未知谁可

前调【追和虞道园韵】 姚绶

落落孤怀萧萧霜鬓长啸仰瞻天宇幽壑蛟腾孤舟妇泣何处笛声缕缕逸少黄庭葛洪丹井历几莺啼燕语羡东坡勘破虚名愿作鱼虾之侣最好是无吏催租无人问字老大不知官府插槿编篱牵萝补屋却与闲云同住冠盖重新江山依旧更有月同今古是何人夜半敲门来话梧枝秋雨

前调 姚绶

楚尾吴头江潏浦口秋水连天一碧高下帆樯往来舟楫扰扰东西南北利染蝇头名沾蜗角谁蹶清都双舄等闲过昨日今朝弹指又成畴昔休只是行役忘归相逢不饮尽把浮生当实东峤松花西田秫米酿就玉缸云液芝长丹田乌飞桂窟问甚鹤胎龟息掩柴门无是无非睡足三竿朝日

前调 姚绶

老子重玄庄生虚白只是对人难语撩乱尘埃纷纷世事於此别寻条路弱水东头蓬山上面尽是琼楼玉宇诧人间罗绮笙歌明日红颜非故且收拾在我身心百家药物牢把根源认取勾漏丹砂东林白酒自有故人分与开云种玉问月停杯此景料无风雨是伊谁黄鹤楼前吹笛洒然而去

前调 王达

猿固归来公孙成就莫问世间工拙白鸟无机青山有主尽可与君谈说酒酿松花香烧柏子彼此是非都絶特许他诗客禅僧笑傲烟霞风月到今是一视贤愚两忘荣辱任他楼护唇舌种菊编篱栽松开径占作林间豪杰木落秋亭雨分云散几点远峰斜缺凉此时情趣悠然只可自家怡悦

前调【春日光禄内直拜敕】 吴子孝

莺语初娇柳条渐绿玉殿乍长春书凤诏云飞龙楼日暖风弄御沟波皱调鼎方和盐梅欲进高阁报传清漏望丹霄万树宫花何处箫韶独奏还自念供奉多年挥毫对御几首新诗题就宝辔玲珑锦袍灿烂尘土东华依旧运际昇平才非经济惭媿鸾笺荣绶但徘徊琼宇瑶阶稽首君王思厚

前调 桑悦

湖海疎狂尘埃潦倒难入酒羣花队鬓影萧骚腰围清瘦不是悲秋憔悴雪点青衫风吹乌帽减却年时况味被儿童笑这先生举动如痴如醉休争美出入纱厨轻尝玉食此是蚊蝇富贵龙卧九渊凤翔千仞岂在牢笼之内置屋三间凿池半亩好与虞山相对试长歌坐石观天拍手云霞破碎

前调【江亭远眺】 韩守益

地涌岷峨天开巫峡江势西来百折击楫中流投鞭思济多少昔时豪杰鹤渚沙明鸥波雪净小艇鸣榔初歇喜凭阑握月危亭偏称诗心澄澈还记得王粲楼前吕公矶外一样水光山色烟霞仙馆金碧浮图尽属楚南奇絶紫云箫待绿醕杯停咫尺良宵明月?高歌一曲清词徧彻冯夷宫阙

沁园春

【又一体双调一百十三字】

沁园春【蜡梅】 曾巩

绛萼欺寒暗传春信一枝乍芳向篱边竹外前村雪里青梢犹瘦疎影溪傍惹露和烟凝酥艳似潇洒玉人初试妆江南路有多情竚立回尽柔肠倚楼最难忘处正皓月千里流光纵广平心动难思丽句少陵诗兴犹爱清香休怪东君先留意问他日和羹谁又强还轻许笑凌空桧影松?交相

前调 程垓

锦字亲裁泪巾偷裊细说旧时记笑桃门巷妆窥宝靥弄花庭榭香湿罗衣几度相随游冶去任月细风尖犹未归多少事有垂杨眼见红烛心知如今事都过也但赢得双鬓成丝叹半妆红豆相思有分两分青镜重合难期惆怅一春飞絮尽梦悠扬教人分付谁销魂处又梨花雨暗半掩重扉

#### 前调 陆游

壮岁文章暮年勋业自昔悞人算英雄成败轩裳得失难如人意空丧天真请看邯郸当日梦待炊罢黄粱徐欠伸方知道许多时富贵何处关身人间定无可意怎换得玉鱠丝蓴且钓竿渔艇笔牀茶竈闲听荷雨一洗衣尘洛水情关千古後对树暗苍茫空怆神何须更慕封侯定远图像麒麟

#### 前调【又一体 秋日侍宴真趣园】 吴子孝

震泽波澄虎丘云淨又见秋风有竹下茅庐松边莎径千寻翠石几树丹枫地上神仙山中宰相长奉朱顏白髮翁承顏处更不须丝竹笑语融融庭前昨夜飘桐雨後凉生暑气空感天壽椿年人安蔗境橙香别浦桂长芳丛坐拥斑衣行随竹马开宴高台画檻东对溪山念旨甘虽薄不羨王公

#### 前调 赵 寬

藜杖敲云荷衣浥露斜抱丝桐问钓台何处鹿门无恙心随流水目送飞鸿宇澈微霄林含余霭墅外秋光自不同行还憩过三义路口万里桥东幽人茅屋山中白首淹留桂树丛望丹崖青壁万寻千疊石头有路一径才通轩冕虚花身心实用何事驱驰任转蓬如相见愿执鞭为役没齿从公

#### 前调【又一体】 严 参

曰归去来归去来兮吾将焉归但有东篱菊有西园桂有南溪月有北山薇蜂则有房鱼还有穴蚁有楼台兽有依吾应有云中旧隐竹里柴扉人间征路熹微看处处丹枫白露曦况寒原衰草牛羊来下淡烟秋水鲈鳊初肥自笑平生颓然骨相只合持竿坐钓矶都休也对西风无语落日斜晖

#### 前调 严 仁

竹焉美哉爱竹者谁曰君子欵向佳山水处筑宫一亩好风烟里种玉千余朝引轻霏夕延凉月此外尘埃一点无须知道有乐其乐吾爱吾庐竹之清也何如应料得诗人清矣乎况满庭秀色对拈彩笔半牕凉影伴读残书休说龙吟莫言凤啸且道高标谁胜渠君试看正绕坡云气似渭川图

前调【又一体】 李福谦

随意逍遥但横拖竹杖迤逦溪桥正课晴量雨村翁邂逅鱼时笋候里社招邀抱瓮篱边看花  
岩畔便作我生小有劳外此者蝇头蜗角久付儿曹 行吟不用诗瓢尽得意天风木叶飘想石  
渠天?抛残鬓髮金章紫绶误煞英豪远晤羲皇盟心松菊未必先生不姓陶萧闲甚胸怀似此  
云月俱高

女冠子

【又一体双调一百十三字】

女冠子 柳 永

断烟残雨洒微凉生轩户动清籁萧萧庭树银河浓淡华星明灭轻云时度莎阶寂静无覩幽  
蛩切切秋吟苦疎篁一径流萤几点飞来又去 对月临风空恁无眠耿耿暗想旧日牵情处绮  
罗丛里有人人那回饮散略略曾谐鸳侣因循忍便睽阻相思不得长相聚好天良夜无端惹  
起千愁万绪

玉山枕

【双调一百十三字】

玉山枕 柳 永

骤雨新霁荡原野清如洗断霞散彩残阳倒影天外云峰数朶相倚露莎烟苳满池塘见次第  
几番红翠当是时河朔飞觴避炎蒸想风流堪继 晚来高树清风起动帘幙生秋气画楼昼寂  
兰堂夜静舞艳歌姝渐任罗绮讼闲时泰足风情便争奈雅欢都废省教成几阕新歌尽新声  
好尊前重理

丹凤吟

【双调一百十四字】

丹凤吟 周邦彦

迤逦春光无赖翠藻翻池黄蜂游阁朝来风暴飞絮乱投帘幙生憎暮景倚墙临岸杏靨天斜  
榆钱轻薄昼永惟思傍枕睡起无憀残照犹在庭角 况是别离气味坐来但觉心绪恶痛饮浇  
愁酒奈愁浓如酒无计销铄那堪昏暝簌簌半檐花落弄粉调朱柔素手问何时重握此时此  
意生怕人道着

前调【次周美成韵】 方千里

宛转回肠离绪嬾倚危阑愁登高阁相思何处人在绣帏罗幕芳年艳齿枉消虚过会合丝轻  
因缘蝉薄暗想飞云骤雨雾隔烟遮相去还是天角 怅望不时梦到素书漫说波浪恶纵有青  
青髮渐吴霜妆点容易雕铄欢期何晚匆匆坐惊摇落顾影无言清泪湿但丝丝盈握染斑客  
袖归日须问着

前调【陈宗之芝居楼】 吴文英

丽锦长安人海避影繁华结庐深寂灯牕雪户光映夜寒东壁心雕鬢改镂冰刻水缥筒离离  
风签索索怕遣花虫蠹粉自采秋芸熏架香泛纤碧 更上新梯窈窕暮山淡着城外色旧雨江  
湖远问梧陰门巷燕曾相识吟壶天小不觉翠连云隔桂斧月宫三万年记元和通籍輒红满  
路谁聘幽素客

前调【次周美成韵】 陈允平

暗柳烟深何处翡翠帘栊鸳鸯楼阁芹泥融润飞燕竞穿帘幕秋千倦倚还思年少鞦韆步尘轻  
衫裁罗薄陡顿芳心暗老强理新妆离思都占眉角 过了几番花信晓来剗地寒意恶可煞东  
风甚把夭桃艳杏故故凌铄伤春憔悴泪触粉腮香落条脱金宽双玉腕怕人猜偷握渐芳草  
恨画阁休傍着

小梅花

【亦名梅花引双调一百十四字】

小梅花 贺铸

缚虎手悬河口车如鸡栖马如狗白纶巾扑黄尘不知我辈可是蓬蒿人衰兰送客咸阳道天  
若有情天亦老作雷颠不论钱谁问旗亭美酒斗十千 斟大斗更为壽青鬢常青古无有笑嫣  
然舞翩翻当垆秦女十五语如弦遗音能记秋风曲事去千年犹恨促挽流光系扶桑争奈愁  
来一日却为长

前调 向子諲

花如頰眉如叶小时笑弄阶前月最盈盈最惺惺闲愁未识无计定深情十年空省春风面花  
落花开不相见要相逢得相逢须信灵犀中自有心通 同杯杓同斟酌千愁一醉都忘却花陰  
边柳陰边几回拟待偷怜不成怜伤春玉瘦慵梳掠抛掷琵琶闲处着莫猜疑莫嫌迟鸳鸯翡  
翠總是一双飞

前调【本意】 朱 雍

梅亭别梅亭别梅亭回首都如雪粉融融月蒙蒙江上小车归去小楼空当时曾傅新妆薄而今一任花零落朝随风暮随风竹外孤根犹与幽迳通长相忆无消息庾岭沉沉云暗碧玉痕惊对离情无奈水遥天濶隔琼城年来素袂香不灭此心无限凭谁说夜緜緜路漫漫谁聽枕前吹彻笛声寒

前调【本意】 刘均国

千里月千山雪梅花正落寒时节一枝昂一枝藏清香冷艳天赋与孤光孤光似被珠帘隔风度烟遮好顏色粉垂垂玉累累先春挺秀不管百花知似霜结与霜别莫使幽人容易折短墙边矮牕前横斜峭影重疊鬪婵娟黄昏莫听楼头角只恐听时乱零落醉来看醒来看紫绊丽人潇洒倚阑干

紫萸香

【或加慢字双调一百十四字】

紫萸香【九日】 姚云文

近重阳偏多风雨絶怜此日暄明问秋香浓未待携客出西城正自羁怀多感怕荒台高处更不胜情向尊前又忆漉酒插花人只座上已无老兵凄清浅醉还醒愁不肯与诗平记长楸走马雕弓柳前事休评紫萸一枝传赐梦谁到汉家陵尽乌纱便随风去要天知道华髮如此星星歌罢涕零

女冠子

【又一体双调一百十四字】

女冠子【雪】 周邦彦

同云密布撒梨花柳絮飞舞楼台悄似玉向红炉煖阁院宇深沉广排筵会听笙歌犹未彻渐觉轻寒透帘穿户乱飘僧舍密洒歌楼酒帘如故想樵人山径迷踪路料渔父收纶罢钓归南浦路无伴侣见孤村寂寞招飈酒旗斜处南轩孤鴈过唳唳声声又无书度见腊梅枝上嫩蕊两两三三微吐

轮台子

【轮台西域地名调取此双调一百十四字】

## 轮台子 柳 永

一枕清宵好梦可惜被邻鸡唤觉匆匆策马登途满目淡烟衰草前驱风触鸣珂过霜林渐觉  
惊栖鸟冒征尘远况自古凄凉长安道 行行又历孤村楚天阔望中未晓念劳生惜芳年壮岁  
离多欢少叹断梗难停暮云渐杳但黯黯销魂寸肠凭谁表恁驱驰何时是了又争似却返瑶  
京重买千金笑

## 摸鱼儿

【儿或作子双调一百十四字】

## 摸鱼儿【九日】 徐一初

对茱萸一年一度龙山今在何处参军莫道无勋业消得从容尊俎君看取便破帽飘零也得  
传千古当年幕府知多少时流等闲收拾有个客如许 追往事满目山河晋土征鸿又过边羽  
登临莫上高层望怕见故宫禾黍觞绿醕浇万斛牢愁泪阁新亭雨黄花无语毕竟是西风披  
拂犹忆旧游侣

## 御选历代诗余卷八十八

# 卷八十九

<集部,词曲类,词选之属,御选历代诗余

钦定四库全书

御选历代诗余卷八十九目錄【一百十四字】

沁园春【上】

苏轼

贺铸

赵师侠

张元干

曾觌

辛弃疾【十二首】

丘密

刘克庄【四首】

刘清夫

程秘【三首】

王千秋

刘圻父

陆游【二首】

刘过【九首】



张辑

黄机【五首】

刘镇【二首】

御选历代诗余卷八十九目錄

钦定四库全书

御选历代诗余卷八十九【一百十四字】

司经局洗马掌局事兼翰林院修撰加二级【臣】王奕清奉旨校刊

沁园春【上】

【又一体双调一百十四字】

沁园春 苏轼

孤馆灯青野店鸡号旅枕梦残渐月华收练晨霜耿耿云山摘锦朝露漙漙世路无穷劳生有限似此区区长鲜欢微吟罢凭征鞍无语往事千端当时共客长安似二陆初来俱少年有笔头千字胸中万卷致君尧舜此事何难用舍由时行藏在我袖手何妨闲处看身长健但优游卒岁且鬪尊前

前调 贺铸

宫烛分烟禁池开钥凤城暮春向落花香里澄波影外笙歌迟日罗绮芳尘载酒追游联镳归晚灯火平康寻

梦云逢迎处最多才自负巧笑相亲离羣客宦漳滨但惊见来鸿归燕频念日边消耗天涯怅望楼台清晓帘幙黄昏无限悲凉不胜憔悴断尽危肠消尽魂方年少恨浮名误我乐事输人

前调【避暑】 赵师侠

羊角飘尘金乌铄石雨过如秋有虚堂临水披襟散髮纱?卷雾湘簟波浮远列云峰近参荷气卧看文书琴枕头蝉声寂向庄周梦里栩栩无谋茶瓿醒困堪求麤饱饭安居可以休算憊闲静胜吾能自乐荣华纷扰人漫多愁习嬾非痴觉迷是病一力那能胜九牛但休问且追寻觴咏知友从游

### 前调 张元干

欹枕深轩散帙虚堂畏景屡移渐披襟临水搯牀就月莲香拂面竹色侵衣压玉为醪折荷当  
琰卧看河潢星四垂人归去听饥蝉自啸宿鸟相依痴儿莫道危机悟三十九年都尽非任纡  
朱拖紫围金佩玉青钱流地白璧如坻富贵浮云身名零露事事无心归便归秋风动正吴淞  
月冷蓴长鲈肥

### 前调 曾覿

更漏迢迢乍寒天气画烛对牀正井梧飘砌边鸿度月故人何处水远山长老去功名年来情  
绪寬尽寒衣销旧香除非是仗蛮牋象管时伴吟牕词章莫话行藏且喜见捷书来帝乡看銳  
师云合妖氛电埽隋堤官柳依旧成行梦绕他年青门紫陌对酒花前歌正当空成恨奈潘郎  
两鬓新点吴霜

### 前调【带湖新居将成】 辛弃疾

三径初成鹤怨猿惊稼轩未来甚云山自许平生意气衣冠人笑抵死尘埃意倦须还身闲贵  
早岂为蓴羹鲈脍哉秋江上看惊弦鴈避骇浪舡回东冈更葺茅斋好都把轩牕临水开要小  
舟行钓先应种柳疎篱护竹莫碍观梅秋菊堪餐春兰可佩留待先生手自栽沉吟久怕君恩  
未许此意徘徊

### 前调【送赵景明东归用前韵】 辛弃疾

竚立潇湘黄鹄高飞望君未来快东风吹断西江对语急呼斗酒旋拂尘埃却怪英姿有如君  
者犹欠封侯万里哉?赢得道江南佳句只有方回锦帆画舫行斋怅云浪黏天江景开记我  
行南浦送君折柳君逢驿使为我攀梅落帽山前呼鹰台下人道花须满县栽都休问看云霄  
高处鹏翼徘徊

### 前调【答余叔良】 辛弃疾

我试评君君定何如玉川似之记李花初发乘云笑语梅花开後对月相思白髮重来画桥一  
望秋水长天孤鹭飞同吟处看佩摇明月衣卷青霓相君高节崔嵬是此处耕巖与钓溪被西  
风吹尽村箫社鼓青山留得松盖云旗吊古愁浓怀人日暮一片心从天外归新词好似凄凉  
楚些字字堪题

### 前调【答杨世长用前韵】 辛弃疾

我醉狂吟君作新声倚歌和之算芬芳定向梅间得意轻清多是雪里寻思朱雀桥边何人会  
道野草斜阳春燕飞都休问甚元无霁雨却有晴霓诗坛千丈崔嵬更有笔如山墨作溪看君

才未数曹刘敌手风骚合受屈宋降旗谁识相如平生自许慷慨须乘驷马归长安路问垂虹千柱何处曾题

### 前调【用前韵】 辛弃疾

有美人兮玉佩琼琚我梦见之问斜阳犹照渔樵故里长桥谁记今古相思物化苍茫神游仿佛春与猿吟秋鹤飞还惊笑向晴波忽见千丈虹霓觉来西望崔嵬更上有青枫下有溪待空山自荐寒水秋菊中流却送桂棹兰旗万事长嗟百年双鬓吾非斯人谁与归凭阑久正清愁未了醉墨休题

### 前调【弄溪】 辛弃疾

有酒忘杯有笔忘诗弄溪奈何看纵横斗转龙蛇起陆崩腾决去雪练倾河嫋嫋东风悠悠倒影摇动云山水又波还知否欠菖蒲攢港绿竹缘坡长松谁翦嵯峨笑野老来耘山上禾算只因鱼鸟天然自乐非关风月闲处偏多芳草春深佳人日暮濯髮沧浪独浩歌徘徊久问人间谁似老子婆娑

### 前调 辛弃疾

一曲西来千丈晴虹十里翠屏喜草堂经岁重来杜老斜川好景不负渊明老鹤高飞一枝移宿长笑蜗牛戴屋行平章了待十分佳处着个茅亭青山意气峥嵘似为我归来妩媚生解频教花鸟前歌後舞更催云水暮送朝迎酒圣诗豪可能无势我乃而今驾馭卿清溪上被山灵却笑白髮归耕

### 前调【将止酒戒使勿近杯】 辛弃疾

杯汝前来老子今朝点检形骸甚长年抱渴咽如焦釜於今喜溢气似犇雷漫说刘伶古今達者醉後何妨死便埋浑如许叹汝於知己真少恩哉更凭歌舞为媒算合作人间鸩毒猜况疾无小大生於所爱物无美恶过则为灾与汝成言勿留亟退吾力犹能肆汝杯杯再拜道麾之即去有召须来

### 前调【破酒戒次前韵】 辛弃疾

杯汝知乎酒泉罢侯鸛夷乞骸更高阳入谒都称蠶白杜康初筮正得云雷细数从前不堪余恨岁月都将麴蘖埋君诗好似提壶却劝沽酒何哉君言病岂无媒似壁上雕弓蛇暗猜记醉眠陶令终全至乐独醒屈子未免沈灾欲听公言慙非勇者司马家儿解覆杯还堪笑借今宵一醉为故人来

### 前调【和吴子似】 辛弃疾

我见君来顿觉吾庐溪山美哉怅平生肝胆都成楚越只见胶漆谁是陈雷搔首踟蹰爱而不见要得诗来渴望梅还知否恰清风入手日看千回直须抖擞尘埃人怪我柴门今始开向松间乍可从他喝道庭中且莫踏破苍苔岂有文章漫劳车马待唤青刍白饭来君非我任功名意气莫恁徘徊

#### 前调 辛弃疾

老子平生笑尽人间儿女怨根况白头能几定应独往青云得意见说长存抖擞衣冠怜渠无恙合挂当年神武门多如梦算能争几许鸡晓钟昏此心无有亲冤况抱瓮年来自灌园但凄凉顾影频悲往事殷勤对佛欲问前因却怕青山也妨贤路休鬪尊前现在身山中友试高吟楚些重与招魂

#### 前调【灵山筑堰湖未成】 辛弃疾

疊嶂西驰万马回旋衆山欲东正惊湍直下跳珠倒溅小桥横截缺月初弓老合投闲天教多事检校长身十万松吾庐小在龙蛇影外风雨声中争先见面重重看爽气朝来三四峰似谢家子弟衣冠磊落相如庭户车骑雍容我觉其间雄深雅健如对文章太史公新堤路问堰湖何日烟水蒙蒙

#### 前调【次辛稼轩韵】 丘 密

雨趁轻寒风作秋声燕归鴈来动天涯羁思登山临水惊心节物极目烟埃客里逢君才同一笑何遽言归如此哉别离久算不应兴尽却棹舡回主人下榻高斋更检点笙歌频宴开便流连不到迎春见柳也须小驻度腊观梅楼上盈盈闺中脉脉应念胡麻好种栽从教去正危阑望断小倚徘徊

#### 前调【梦方孚若】 刘克庄

何处相逢登宝钗楼访铜雀台唤厨人斫就东溟鲸膾圉人呈罢西极龙媒天下英雄使君与操余子谁堪共酒杯车千乘载燕南代北劒客奇材饮酣鼻息如雷谁信被晨鸡催唤回叹年光过尽功名未立书生老去机会方来使李将军遇高皇帝万户侯何足道哉推衣起但凄凉感旧慷慨生哀

#### 前调【送包尉】 刘克庄

我羡君归一路秋风芙蓉木樨想慈颜望久灵乌乍噪新眉画就郎马频嘶忙脱征衫快呼斗酒细与家人说建溪情知道这中年怀抱生怕分携丈夫南北东西应笑煞离筵粉泪啼恹佳人来未碧云冉冉王孙去後芳草萋萋明日相思山长水复古道稀茆店鸡元龙老有高楼百尺谁共登梯

前调【寄鍾贤良】 刘克庄

我梦见君带飞霞冠着宫锦袍与牧之高会齐山风月谪仙同载采石云涛万卷星罗千篇电  
埽不学穷儿赋楚骚掀髯处有鱼龙起舞狐兔悲噪 英?埋没蓬蒿暗摸索当年刘与曹叹事  
机易失功名难偶诛茆西崦种秫东皋栅有鸡豚庭无羔鴈不是先生索价高人间窄待相期  
海上共摘蟠桃

前调【寄九华叶贤良】 刘克庄

一卷陰符二石硬弓百筋宝刀更玉花驄喷鸣鞭电抹乌丝阑展醉墨龙跳牛角书生虬髯豪  
客谈笑皆从折简招依稀记曾请纓繫粤草檄征辽 当年目视云霄谁信道凄凉今折腰怅燕  
然未勒南归草草长安不见北望迢迢老去胸中有些磊块歌罢犹须着酒浇休休也但帽边  
鬓减镜里顏雕

前调【白莲】 刘清夫

浅碧芙蓉素艳亭亭前身阿娇记湘滨露冷酥容倍洁华清水滑酒晕全消瑶翦丰肌云翻碎  
萼白羽鲜明时自摇风流处是古香幽韵时度鲜飈 琼姿璧月清标对千朵婵娟倾翠瓢况水  
晶台榭低迷淨緑冰霜词调隐约轻桡细认金房种奇孕秀已觉青衿横素腰西风晚看花开  
十丈玉井非遥

前调【别陈總帅】 程 秘

玉局仙人轻帆万里送入三吴怪一舟如叶元无浊物依然姑射满载冰壶昔日文君千言成  
诵不识如今记得无新来也喜都将分付一颗骊珠 向来田赋蠲输散多少春风巴与渝算公  
家蠹了蓴羹而已何妨西子白髮江湖印铸黄金时来须佩毕竟人生万卷书离情处正秦淮  
岁晚雪意模糊

前调【壽李通判】 程 秘

那用招秋休言推暑风自薰兮问谁解当初识公来处月明碧落旆卷青霓千丈长松起人生  
意冻芋寒瓜空满畦还堪怪怪诸公衮衮我尚凭泥 须教一举崔?算人世功名各有梯更何  
须链鼎玄霜绦雪只烦煮茗水饼冰蘂紫府多仙招来满座公自长生角亢齐何曾也有玉麟  
行地老凤梧栖

前调【谢刘小山频寄所作】 程 秘

君有新词何妨为我时遣奚奴看此山大小风流晋宋眼中余子苦自侏儒九曲清溪千枝杨  
柳还记新条更有无春将好欲从君商略君意何如 佳人玉佩琼裾更胸中浇灌有诗书把古

人行处从头检点今人说底却不须渠更上石头重登钟阜画作金陵考古图频相见怕薰风早晚便隔天隅

前调 王千秋

荳蔻娇春烟花羞暖物华渐嘉也不须莺怨桃封绦萼不须蜂恨兰郁金芽料是东君都将和气分付清丰诗礼家充间庆有青蘊事业丹凤才华 乘槎早上云霞曾侍祠甘泉瞻羽车试笑凭熊轼嘉禾合穗进思鱼钥菡萏骈花萧冠勲名龚黄模样入拜行趋堤上沙今宵里且觥船满棹醉帽敲斜

前调【西岩三涧】 刘圻父

云壑泉泓小者如杯大者如罍更石筵平莹寛容数客淙流回激环遶飞觥三涧交流两崖悬瀑捣雪飞霜落翠屏经行处有丹萸碧草古木苍藤徘徊却倚山楹笑山水娱人若有情见傍回侧转峰峦叠叠欲穷还有岩谷层层仰视云间茆茨鸡犬疑有仙家来避秦青林表望烟霞缥缈隐隐鸾笙

前调【三荣横溪阁小宴】 陆 游

粉破梅梢绿动萱丛春意已深渐珠帘低卷筇枝微步冰开跃鲤林暖鸣禽荔子扶疎竹枝哀怨浊酒一尊和泪斟凭阑久叹山川冉冉岁月駸駸 当时岂料如今漫一事无成霜鬓侵看故人强半沙堤黄阁鱼悬带玉貂映蝉金许国心坚朝天无路万里凄凉谁寄音东风里有灞桥烟柳知我归心

前调 陆 游

一别秦楼转眼新春又近放灯忆盈盈倩笑纤纤柔握玉香花语雪暖酥凝念远愁肠伤春病思自怪平生殊未曾君知否渐香消蜀锦泪渍吴绫 难求繫日长绳况倦客飘零少旧朋但江郊鴈起渔村笛怨寒缸委烬孤砚生水水遶山围烟昏云惨纵有高台常怯登消魂处是鱼笺不到兰梦无凭

前调【送人赴荣道宰】 刘 过

万里湖南历历江山此吾旧游看飞鳬仙子张帆石上周郎赤壁鸚鵡沧洲尽吸西江醉中横笛人在岳阳楼上头波澜静泛洞庭青草东整兰舟 长沙会府风流有万户娉婷帘玉鉤恨楚城春晚岸花檣燕还将客送不是人留且唤阳城更招元结摩抚三关歌咏休心期处算世间真有跨鹤扬州

前调【送丰城王禹锡】 刘 过

自注铜瓶作梅花供尊前数枝说边头旧事人生消得几番行役问我何之小队红旗黄金作印直待封侯知几时杯行处想淋漓一醉明日东西如椽健笔鸾飞重为写春风陌上词便平生豪气消磨酒里世间此乐儿辈争知霜冷貂裘夜寒如水饮到月斜犹未归仙山路有笙簧度曲声到琴丝

### 前调【寄辛承旨】 刘 过

斗酒彘肩风雨渡江岂不快哉被香山居士约林和靖与坡仙老驾勒吾回坡曰西湖正如西子浓抹淡妆临镜台二公者皆掉头不顾只管传杯白云天竺去来图画里峥嵘楼阁开爱纵横二涧东西水绕两峰南北高下云堆逋曰不然暗香浮动不若孤山先访梅须晴去访稼轩未晚且此徘徊

### 前调【寄孙竹湖】 刘 过

问讯竹湖竹如之何如何未归道吴山越水无非佳处来无定止去亦何之只怕秋来未能忘耳心与轻云一样飞愁无奈但北牕寄傲南涧题诗人生万事成痴算世上久无公是非恨云台突兀无君子者雪堂流落有美人兮踈雨梧桐微云河汉钟鼎山林无限悲阳山县是昌黎误汝汝误昌黎

### 前调 刘 过

玉带金鱼绿鬓朱颜神仙画图把擎天柱石空留绿野济川舟楫闲倚西湖天欲安刘公归重赵许大元勋谁得如平章看直人如伊吕世似唐虞不须别样规模但收揽人才多用儒况自昔军中胆能寒敌而今胸次气欲吞吴紫府真人黑头元宰收敛神功寂似无归来好正芝香枣熟鹤瘦松癯

### 前调【张路分秋闕作】 刘 过

万马不嘶一声寒角令行柳营见秋原如掌枪刀突出星驰铁骑阵势纵横人在油幢我韬总制羽扇从容裘带轻君知否是山西将种曾繫诗名龙蛇纸上飞腾看落笔回檐风雨惊便尘沙出塞封侯万里印金如斗未慊平生拂拭腰间吹毛剑在不斩楼兰心不平归来晚听随车鼓吹也带边声

### 前调【席上口占时有新第宗室】 刘 过

一劒横空飞过洞庭又爲此来有汝阳璉者唱名殿陛玉川公子开宴尊罍四举无成十年不调大宋神仙刘秀才如何好将百千万事付两三杯未尝戚戚於怀叹自古英?安在哉看钱塘江上潮生潮落姑苏城里花谢花开道号书生强名举子渐老雪从头上催谁羡汝拥三千珠履十二金钗

### 前调 刘 过

柳思花情湖山应怪先生又来想旧时谈舌依然解便六丁奔走驱斥风雷翠袖传觞金貂换酒痛饮何妨三百杯人间世算谪仙去後谁是天才 碧牕画鼓舩斋胸次与乾坤一样开试云间招手下呼余子逡巡去矣但觉尘埃若是花时无风无雨一日须来一百回教人道任玉山自倒不用人推

### 前调 刘 过

缓轡徐驱儿童聚观神仙画图放芹泥雨过芹香路软金莲自策小小篮輿倚柳题诗穿花劝酒麝蕊攀条得自如山行处有松篁夹道不用传呼 清泉石下盘纡算风景江淮各自殊记东坡赋好纱笼旧壁西山句妙帘卷晴虚白玉堂深黄金印大无此文君载後车杯行处想淋漓醉墨真草行书

### 前调【冯可迁号予为东仙故赋】 张 辑

东泽先生谁说能诗兴到偶然但平生心事落花啼鸟多年盟好白石清泉家近宫亭眼中庐阜九叠屏开云锦边出门去且掀髯大笑有钓鱼舫 一丝风里婵娟爱月在沧浪上下天更从书观徧笔牀静昼蓬牕睡起茶竈疎烟黄鹤来迟丹砂成未何日风流葛稚川人间世听江湖诗友号我东仙

### 前调【柬章使君再游西园】 黄 机

问讯西园一春几何君今再游记流觴亭北偷拈酒戏凌云台上暗度诗阄略略花痕差差柳意十日不来红緑稠须重醉便功名了後白髮争休 定谁骑鹤扬州任书放牀头醺瓮头况殷勤莺燕能歌更舞轻狂蜂蝶欲去还留岁月易忘姓名须载笔势翩翩回万牛归来晚有烛明金翦香暖珠篝

### 前调 黄 机

暑气清微梅腮渐红麦须未黄恨牡丹多病医治费巧酴醾易老点缀无方客里光陰愁中意绪想美人兮山水长销凝处有龙丝坠简来唤持觴 华堂賸贮春光灿一行珠玑时樣妆更燕轻留态词翻古调莺娇欲展曲度新腔玉漏声沉银潢影泻殢酒犹烧心字香归来也判明虬永日瑞锦鸳鸯

### 前调【为潘柳州壽】 黄 机

问讯山翁殷勤为底来万山中想橘边丹井鹤寻旧约松间碧洞鹿养新茸雾节亭亭星旂曳曳导以浮丘双玉童嬉游处尽祥烟瑞雨霁月光风 欢声已与天通更日夜郴江流向东定催



归有诏泥香芝检留行无计路熟花?入侍严凝密陪清燕吴水欢然相会逢年年里对春如酒  
好酒似春浓

前调【次岳總干韵】 黄 机

日过西牕客枕梦回庭空放衙记海棠洞里泥金宝笋酴醾架下油壁钿车醉墨题诗蔷薇露  
重满壁飞鸦行整斜争知道向如今漂泊望断天涯 小桃一半蒸霞更两岸垂杨浑未花便解  
貂贯酒消磨春恨量珠买笑酬答年华对面青山招之不至说与浮云休苦遮山深处见炊烟  
又起知有人家

前调【送徐孟坚秩满还朝】 黄 机

人物眇然落落晓星如今几何有飘摇长袖工持月斧寂寥遗韵妙鼓云和政事文章特其余  
事英气横空时浩歌还堪笑似龙文古鼎谁复摩挲 青丝系马庭柯为小驻壽君金叵罗说一  
时伟望齐高岳麓二年遗爱拍满湘波世事多端细凭商略痛饮不须言语多从今去好经从  
乌府躡上銮坡

前调【云山楼】 刘 镇

爽气西来玉削羣峰千杉万松望疎林清旷晴烟紫翠雪边回棹柳外闻钟夜月琼田夕阳金  
界倒影楼台表里空桥陰曲是旧来忠定手种芙蓉 仙翁心事谁同付鱼鸟相忘一笑中向月  
梅香底招邀和靖云山高处问讯梁公物象搜奇风流怀古消得文章万丈虹沉吟久想依依  
春树人在江东

前调【和潜夫韵送孙季蕃】 刘 镇

谁似花翁长年湖海蹇驴敝裘想红尘醉帽青楼歌扇挥金谈笑指玉风流吴下阿蒙江南老  
贺肯为良田二顷谋人间世算槐根一梦蝼蚁王侯 悠悠吾道何求况白首相逢说旧游记疎  
风淡月寒灯古寺平章诗境分付糟丘聚散抔沙炎凉转烛归去来兮万事休无何有问从前  
那个骑鹤扬州

御选历代诗余卷八十九

# 卷九十

钦定四库全书

御选历代诗余卷九十目錄【一百十四字】

沁园春【中】

洪咨夔【三首】

卢祖皋

汪莘【三首】

李昉英

陈经国【二首】

赵以夫【二首】

方岳【六首】

张榘

冯取洽【六首】

蒋捷

欧良

姚勉【九首】

王鼎翁

何梦桂【二首】

吴潜

陈草阁

葛长庚【三首】

元好问

御选历代诗余卷九十目錄

钦定四库全书

御选历代诗余卷九十【一百十四字】

司经局洗马掌局事兼翰林院修撰加二级【臣】王奕清奉旨校刊

沁园春【中】

沁园春【壽俞紫微】 洪咨夔

诗不云乎蒹葭苍苍白露为霜看高山乔木青云老干英华滋液亦斂而藏匠石操斤便游林下一举采之充栋梁须知道是天将大任翁处还张薇郎玉佩丁当问何时午桥花竹庄又星回岁换腊残春浅锦熏笼紫栗玉杯黄唤起东风吹醒宿酒甲子从头重数将明朝去趁传柑宴近满袖天香

前调 洪咨夔

秋气悲哉薄寒中人皇皇何之更黄花吹雨苍苔滑屐阑空鬪鸭牀老支龟静里蛩音明边眉睫蹴踏星河天脱鞵清谈久顿两忘妍丑嫫母西施 濂溪家住江湄

爱出水芙蓉清絕姿好光风霁月一团和气尸居龙见神动天随着察工夫诚存体段个里言语文字非君家事莫空将太极散打图碑

前调 洪咨夔

归去来兮杜宇声声道不如归正新烟百五雨留酒病落红一尺风妒花期睡起綠牕销残香篆手板搥颐还倒持无人解自追游仙梦作送春诗风流不似年时把别墅江山供奕棋空一川芳草半池晴絮歌翻长恨赋续怀离桃叶渡头沉香亭北往事悠悠难重思徘徊处看鸣鸠唤妇乳燕将儿

前调【双溪狎鸥】 卢祖皋

几叶雕枫半篙寒日傍桥系船爱洞门深锁人间福地双溪分占天上星躔破帽敲寒短鞭敲月此地经行知几年空赢得似沈郎消瘦还欠诗篇沙鸥伴我愁眠向水驿风亭红蓼边有村醪可饮且须同醉溪鱼堪鱠切莫论钱笠泽波头垂虹亭上橙蟹肥时霜满天相随否算江南江北惟有君闲

前调【自题方壶】汪莘

春至伤春秋至悲秋谁在华胥叹谪仙才气飞扬跋扈渊明心事慷慨欷歔自我少时如今晚境行半人间真有余都休问且一觴一咏吾爱吾庐南阜境界何如舍明月清风谁与居望蓬山路杳万株翠桧方壶门掩四面红蕖中有佳人绰如姑射一炷清香满太虚尘寰外被鸣鸾报客飞鹤传书

前调【忆黄山】汪莘

三十六峰三十六谿长锁清秋对孤峰絶顶云烟竞秀悬崖峭壁瀑布争流洞里桃花仙家芝草雪後春正取次游亲承见是龙潭白画海涌潮头当年黄帝浮丘有丹枕玉牀犹在不向天都月夜遥闻凤管翠微霜晓仰盼龙楼砂穴长红丹炉已冷安得灵方问蚤修谁知此只原头白鹿水畔青牛

前调【挂黄山图十二轴恰满一室】汪莘

家在柳塘榜挂方壶图挂黄山觉仙峰六六满堂峭峻仙溪六六遶屋潺湲行到水穷坐看云起只在吾庐寻丈间非人世但鹤飞深谷猿啸高岩如今双足蹒跚向画里嬉游卧里看甚花开花落悄无人见山南山北谁似余闲住个庵儿了些活计月白风清人倚阑山中友类先秦气貌後晋衣冠

前调【监司元宵招饮不赴】李昉英

才到中年节物浑闲赏心顿轻据随分东风瓶簪柳雪应时灯夜棚缀莲星自一家春也三杯酒巧茧堆香笑语声又何须听西楼弦管南陌箫笙平生黄卷青灯肯珠翠奢华八尺檠欲趁队闲嬉雕鞍宝马回头猛忆破案囊萤邻曲渔歌庭除鹤舞尘外冰轮彻骨清人闲处这炯然方寸一点长明

前调 陈经国

把酒西湖花月三年不见粲山想荆州座上消磨岁月唐风集里收卷波澜鹤邑朝帆鲈乡夕棹来往菰蒲何处间应思我似骑驴杜甫长在长安相逢依旧开颜听玉屑霏霏当暑寒笑髯生如许尚夸年少心忙未了浪说身闲鹿梦无凭菟裘堪老付子声名我欲还斜阳外把平生心事同倚阑干

前调 陈经国

过了梅花纵有春风不如早还正燕泥日暖草繇别路莺朝烟淡柳拂征鞍黎岭天高建溪雷吼归好不知行路难龟山下渐杨梅初熟卢橘犹酸 名场老我间关分岁晚诛茆湖上山叹龙舒君去尚留破砚鱼轩人老长把连环镜影霜清衣痕尘暗赢得狂名传世间君归日见家林旧竹为报平安

前调【次刘後村韵】 赵以夫

秋入书帙漏箭初长熏鑪未灰向酒边陶写韩情杜思案头料理汉蠹秦煨天有高情世无慧眼刚道先生是不材人都笑这当行舖席又不成开 忘怀物外徘徊与鸥鹭同盟两莫猜似龙蛇匣里光涵牛斗凤凰台上声挟风雷宝汞一钱冰衔三字浮利浮名安在哉太平也要泥金镂玉除是公来

前调【次方时父韵】 赵以夫

自笑生来骨相无奇壬三甲三觉紫宸班里都忘故步维摩室内添个新参壮也不如老之将至何止嵇康七不堪江湖客况诗肥贾岛骨瘦王昙 纷纷纁紫拖蓝送水北山人又水南喜支离得佚散材为壽一丘自足万象中涵脍炙功名膏肓富贵举世黄粱梦正酣知谁健且茹芝商岭饮菊胡潭

前调【赋子规】 方岳

尽为春愁尽劝春归直恁恨深况雨急黄昏寒欺客路月明夜半人梦家林店舍无烟楚乡寒食一片花飞那可禁小凝竚点红蔫翠老江树陰阴 汀洲杜若谁寻想朝鹤怨兮猿夜吟甚连天芳草凄迷离恨拂帘香絮撩乱深心汝亦知乎吾今倦矣盍有余春可共斟归来也问渊明而後谁是知音

前调【櫟括兰亭序】 方岳

岁在永和癸丑暮春修禊兰亭有崇山峻岭茂林修竹清流激湍暎带山阴曲水流觞羣贤毕至是日风和天气清亦足以供一觴一咏畅叙幽情 悲夫一世之人或放浪形骸遇所欣虽快然自足终期於尽老之将至後视犹今随事情迁所之既倦俛仰之间迹已陈兴怀也将後之览者有感斯文

前调【和宋令致苔梅】 方岳

有美人兮铁石心肠寄春一枝喜藓生龙甲那因雪瘦月横鹤膝不受寒欺云卧空山梦回孤驿生怕渠嗔未敢诗江头路问销魂几许索笑何时 赋成字字珠玑君莫倚家风旧解题叹水

曹安在飄然欲去逋仙已矣其與誰歸烟雨愁予江山老我畢竟歲寒然後知微酸在盡危  
谿斜倚殘角孤吹

前調【用梁叔郡韻餞春】方岳

鶯帶春來鵲喚春歸春總不知恨楊花多事杏花無賴半隨殘夢半惹晴絲立盡碧雲寒江欲  
暮怕過清明燕子時春且住待新篁熟了却問行期問春春竟何之看紫態紅情難語離想芳  
韶猶剩牡丹知處也須些個付與荼蘼喚取娉婷觀教春醉不道五更花漏遲愁一晌笑車輪  
生角早已天涯

前調【和趙司戶紅藥】方岳

把酒問花蜚栗梢頭春今幾何笑身居近侍階翻萬玉面勻菩薩髻攏千螺一一牙籤英英碧  
字占定花間甲乙科歸來也傍紫薇吟處揉作陽和祇今花事無多看幾許風烟付與他待圍  
將翡翠怕蜂黏粉織成雲錦遣風銜梭誰翦并刀贈之燕玉莫負雙蛾嬌溜波花應道盡花強  
人面底用能歌

前調【和林教授】方岳

子盍觀夫商丘之木有樗不才縱斧斤睥睨何妨雪立風烟傲兀怎問春回老子似之倦游久  
矣歸晒漁蓑羹芋魁村鉏外聞韭今有子芥已生台天於我輩悠哉縱作賦問天天亦猜且醉  
無何有酒徒陶陸與二三子詩友陳雷正爾眠云阿誰敲月不是我曹不肯來君且住怕口生  
荊棘胸有塵埃

前調【壽吳履齋】張榘

綠野歸來筇杖角巾豈不快哉有清泉白石東西岩岫翠陰紅影高下樓台況是蕤賓槐庭暑  
薄照眼葵榴次第開輕薰里翦香蒲為壽一笑傳杯栽培多少英材更霖雨看看徧九垓算支  
撐厦屋正資梁棟調和鈞鼎須用鹽梅旒冕興思摛紳顒望應有天邊丹詔催依還是為蒼生  
一起重位元台

前調【次韻四友】馮取洽

我愛之君結屋屏山友松竹梅有倦游孤劍暫懸素壁醉吟行屨時印蒼苔得失不驚知恬交  
養浩浩胸中何壯哉須知道似騁驪萬里道路方開相期湖上舒懷莫放過花枝與酒杯況上  
天已辦河東新賦園橋樂得海內英才矍鑠溪翁據鞍一笑畫餅功名賦儻來長堤上看柳花  
荷氣盡可追陪

前調 馮取洽

一雨沛然六合全清空无点埃喜秋容新沐为谁媚妩凉蟾留照政尔徘徊蜡屐清游渔蓑淡话富贵於余何有哉双溪上總旧盟鸥鹭来往无猜 烟霞竹石松梅更无数幽花陆续开渐黄鸡啄黍肥堪一箸浮蛆拍瓮美可三杯儿解应门翁方索句俗客来时莫放来青山好尽从今日日闲不妨排

#### 前调【用前韵谢魏菊庄】 冯取洽

举世纷纷风靡波流名氛利埃有幽人嘉遯长年修洁寒花作伴竟日徘徊餐荐夕英杯迎朝露世味何如此味哉扬扬蝶尽弄芳来往我又奚猜 双溪约玉林梅拟直到庄门一扣开奈衢山风急勒教回驾横塘水弱未许浮杯恨结停云神驰落月白雪风前急堕来教儿唱侑衰翁一醉无闷堪排

#### 前调【再用前韵答吕柳溪】 冯取洽

问讯柳溪溪上柳容胡为带埃叹阳春陡变孰为披拂赏音难遇谁与徘徊好在湖山吾容不辱寄径垂条岂偶哉休摇荡且深根宁极免俗人猜 何妨傍竹依梅待青眼春回一笑开尽攀丝弄叶效颦施黛笼鞦拂帽窃?传杯未碍飞緜一高千丈风力微时稳下来天难问便陶门汉苑一任安排

#### 前调【和玉林韵】 冯取洽

人事好乖云散风流暗思去年记竹舆伊轧报临村里筇枝顛倒忙返溪边翦韭新炊寻桃小酌取次懽謡俱可编难忘处是阳春一曲羣唱尊前 新晴又放花天况家酿堪携不用钱想有人如玉已过南市无人伴我重醉西阡旧约难凭新词堪赋乐事赏心那得全归来也命儿将此意写似朱弦

#### 前调【赠锦江歌者何琮】 冯取洽

有孤竹君音节拂云謚曰洞箫纵柳郎填就周郎顾罢欠伊品藻律也难调惭愧何郎呜呜嫋嫋翻入齟唇齿舌喉谁知道是郭郎亲授共贯同条 後來一輩枵枵甚声响都如鸚鵡娇叹秦青已往嘉荣何在念奴骨朽李八魂销试向君前听君一曲前辈风流未觉凋冯郎老但点头咽唾?解金貂

#### 前调【书南堂壁】 蒋捷

老子生平辛勤几年始有此庐也学那陶潜篱栽些菊依他杜甫园种些蔬除了雕梁肯容紫燕谁管门前长者车怪近日把一庭明月却借伊渠 鬓边白雪纷如又何苦招宾纳客欵但夏榻宵眠面风敲枕冬檐昼短背日观书若有人寻只教僮道这屋主人今自居休羨彼有摇金宝辔织翠华裾

前调【未开梅】 欧 良

我善观梅识梅妙处舍我其谁待裁冰翦雪已无足道凝酥弄粉愈不为奇枉费心神巡檐索笑点校南枝并北枝梅应道似这般题品未是相知 分明有个端倪遮莫把人间凡眼窥那精神全在半含蕊处风流全在未有香时万木丛边两三点白此是生生化化机花开也又怎生消得个样词儿

前调【壽同年陈探花】 姚 勉

忆昔东坡秀夺眉山生丙子年盖丙离子坎四方中气宜当此岁间出英贤河岳鍾灵星辰再孕来自赤城中洞天新秋霁萃一襟爽气风露澄鲜 玉阶同听胪传伴宝马如龙丝袅鞭正椿庭未老同跻荣路萼楼争耀相照魁躔即似坡公金莲夜对身作玉堂云雾仙怜同岁但乞如梦得分买山钱

前调【壽婺州陈可斋】 姚 勉

四海中间第一清流惟有可斋看平生践履真如水玉?文光焰不涸尘埃元佑诸贤纷纷台省惟有景仁招不来狂澜倒独中流砥柱屹立崔嵬 挂冠有请高哉但清庙正需梁栋材便撑舟野水出航巨海有官鼎鼐无地楼台制菊龄高看萸人健万顷秋江入壽杯经纶了却驭风骑气阆苑蓬莱

前调【壽张府判室】 姚 勉

梅笑东风只两日间又新岁华有玉龟阿母献三蟠实蕊宫仙子飞七香车春满鰕帘雪晴鸳瓦牕户非烟笼翠纱萱堂上看衣翻戏彩觴捧流霞 君家元是仙家几度看菖蒲九节花来劒池丹井平分风月一溪流水犹泛胡麻壽庆千秋荣封两国緑鬢犹深杨柳鸦长生药在蓬莱顶上不必丹砂

前调【送权倅许帐干】 姚 勉

万里清风吹送锦帆入南浦云看拂天旌旆攀留不住迷津舸舰歌舞相迎二许家声三洪地望今代风流第一人蜚英早合词林视草藜阁翻芸 飞刍远饷三军特借作红莲入幕宾把西山暮雨暂时收卷荷山明月小试平分苏醒枯鱼剔除深蠹个是人间有脚春难淹久看诏催入侍香案麒麟

前调【七月朔壽卢守】 姚 勉

一叶新凉又是西风吹转素商揽玉壶英气鍾为人物银河精采融作文章司巧天公换先七夕分付天孙云锦裳骑龙凤自九霄飞至万丈光芒 早年奏赋长杨饱挹尽瀛洲风露香问石



渠天禄借将班马荷山锦水暂作龚黄兰省春风薇垣夜月合佩仙花侍玉皇明年里饮壽椒  
何处宣劝持觴

前调【壽杨帅参次日将之官】姚勉

摘玉蕊梅泛金叶蕉祝公壽齡算今年比似常年迴别翠烟红雾香霭门屏风诏云霄龙光牛  
斗辉射南州孺子亭看看是伴元戎小队花柳郊垌 传家有子明经浑不要黄金遗满籝向月  
中传与一枝仙桂斓斑衣上更着袍青明日瓜期今朝椿壽玉树芝兰羨满庭公知否老人星  
一点映泰阶星

前调【壽赵倅】姚勉

道骨仙风海上骑鲸端是後身把银河天巧锤为文采劒津宝气融作精神壶玉储水掌金擎  
露胸次全无一点尘年年里早花朝六日长庆生申 簪篁濯锦江滨人尽道如公清最真合沉  
香亭北金笺奏曲恩披兽锦醉拭龙巾泥紫颁来渠黄飞去自是八花瓢上人从今後看大钧  
播物万象皆春

前调【饯张倅】姚勉

明月扁舟轻逐江鸥翩然赋归任颠风掀舞涛山浪屋少须平定一碧琉璃柳絮浮云有无根  
蒂到底不磨真是非呵呵笑看人情如纸世事如棋 宜堂事事皆宜把杯酒论文更有谁记风  
云满席吟情浩荡龙蛇满壁醉墨淋漓别後相思有书寄否春在梅花第一枝重相见约柳堤  
撑舫竹阁寻诗

前调【送友人归蜀】姚勉

拂劒整装光射斗牛色正芒寒大丈夫不作儿曹离别何须更唱三叠阳关昼锦还乡油幢佐  
幕谁道青天行路难从今去听声名焰焰飞动岷山 征途少饮加餐要做取功名久远看卷长  
风吹醒劒关云气更须砥柱三峡惊湍闻道槐庭已登安石此去须弹贡禹冠明年里踏梅花  
有分相见长安

前调 王鼎翁

又是年时杏红欲吐柳綠初芽奈寻春步远马嘶湖曲卖花声过人唱牕纱暖日晴烟轻衣罗  
扇看徧王孙七宝车谁知道又十年魂梦风雨天涯 休休何必伤嗟漫赢得清清两鬓华且不知  
门外桃花何代不知江左燕子谁家世事无情天公有意岁岁东风岁岁花?一笑且醒来杯  
酒醉後杯茶

前调 何梦桂

老去无心看尽青山山前暮云问重来海燕乌衣安在乍归辽鹤华表空存世路悠悠风尘渺渺白髮相催乌兔频浮生事算天涯海角谁是闲人几番甲子庚申看青草年年秋又春笑武陵源上桃花未实崑仑山下瑶树长新霓羽飘零蛾眉萧飒欲觅神仙隔两尘草堂在但休教猿鹤夜半移文

#### 前调【壽何逢原北堂】 何梦桂

孔盖霓旌月佩云裳人间女仙问韶光九十何如今日花朝百五好是明年戏舞称觴一堂家庆眼见儿孙曾又玄奇絕处看菱花白髮不改朱顏当年手种红莲笑几度桑田沧海乾想蟾胎链就紫皇灵药龙髯飞墮玉女云輶青鸟重来红霞俨在一曲云和犹未闲羞尘世把蛾眉蝉鬓空为谁妍

#### 前调【梅】 吴潜

十月江南一番春信怕凭玉阑正地连边塞角声三弄人思乡国愁绪千般草草村墟疎疎篱落犹记花间曾卓庵茶瓿罢问几回吟遶冷淡相看堪怜影落溪南又月午无人更漏三虽虚林幽壑数枝偏瘦已存鼎鼐一点微酸松竹交盟雪霜心事断是平生不肯寒林逋在倩诗人此去为语湖山

#### 前调 陈草阁

霜剥枯崖何处邮亭玉龙夜呼唤经年幽梦悠然独觉参横璇汉漏彻铜壶漠漠风烟昏昏水月醉聳诗肩骑瘦驴孤吟处肯寻香吊影搔首踟蹰古心落落如予悄独立高寒凌万夫对荒烟野草浅溪沙路班荆三嗅此意谁如高卧南阳归来彭泽借问风光还似无难穷处待凭将妙手作岁寒图

#### 前调 葛长庚

乍雨还晴似寒而暖春事已深是妇鸠乳燕说教鱼跃豪蜂醉蝶撩得莺吟鬪茗分香脱单衣袂回首清明上巳临芳菲处在梨花金屋杨柳璫林如今诗酒胸襟对好景良辰似有姪念恨如芳草知他多少梦和飞絮何处追寻病酒时光困人天气早有新秧吐嫩鍼兰亭畔渐流觴曲水修禊山陰

#### 前调 葛长庚

吹面无寒沾衣不湿岂不快哉正杏花雨嫩红飞香砌柳枝风软綠映芳台燕似谈禅莺如演史犹有海棠连夜开清明也尚陰晴莫準蜂蝶休猜朝来应问苍苔甚几日都成锦绣堆念四方宾客不堪渭树一年春事已属庭槐宿酒难醒多情易老争奈传杯不放杯如何好看秋千戏剧蹴鞠诙谐

前调 葛长庚

嫩雨如尘娇云似织未肯便晴见海棠花下飞来双燕垂杨深处啼断孤莺綠砌苔香红桥水  
暖笑捻吟髭行复行幽寻嬾就半牕残睡一枕初醒销凝次第清明渺南北东西草又青念镜  
中勲业韶光冉冉梦前今古银髮星星青鸟无凭丹霄有约独倚东风无限情谁知有这春山  
万点杜宇千声

前调【除夕】 元好问

腐朽神奇梦幻吞侵朝昏变迁怅残灯旧岁鸡声竞早春风归兴鴈影相先南渡崩奔东屯留  
滞世事悠悠白髮边虚名误徧人间浪走恰到求田青红花柳争妍意醉眼天公也放颠更云  
雷怒卷颓波一注冰霜冷看老桂千年园令家居陶潜官罢无酒令人意缺然从教去付青山  
屋上明月尊前

御选历代诗余卷九十

# 卷九十一

＜集部,词曲类,词选之属,御选历代诗余

钦定四库全书

御选历代诗余卷九十一目錄【起一百十四字至一百十六字】

沁园春【下】

刘秉忠

白朴【六首】

许有壬

张翥【四首】

张埜【五首】

邵亨贞【二首】

沈景高

高啓【二首】

杨基

瞿佑

吴洪

焦竑

储懋端【二首】

邬仁卿

钱继章

贺新郎

苏轼

周紫芝

马庄父

前调【又一体】

八归【又一体】

姜夔

史達祖

宣清

柳永

瑶台月

无名氏

沁园春【又一体】

张先

刘过【二首】

前调【又一体】

葛长庚

前调【又一体】

秦观

摸鱼儿【又一体】

欧阳修

沁园春【又一体】

林正大【三首】

御选历代诗余卷九十一目录

钦定四库全书

御选历代诗余卷九十一【起一百十四字至一百十六字】

司经局洗马掌局事兼翰林院修撰加二级【臣】王奕清奉旨校刊

沁园春【下】

沁园春 刘秉忠

月落檐西日出篱东晓枕睡余唤老妻忙起晨餐供具新炊藜糝旧蓄盐蔬饱後安排城边垦  
廛要占苍烟十亩居闲谈里把从前荒秽一旦驱除 为农换却为儒任人笑谋身拙更迂念老  
来生业无他长技欲期安稳敢避崎岖達士声名贵家骄蹇此好胸中一点无欢然处有膝前  
儿女几上诗书

前调【凤凰台】 白朴

独上遗台目断清秋凤兮不还怅吴宫幽径埋深花草晋时高塚销尽衣冠横吹声沉骑鲸人  
去月满?江鴈影寒登临处且摩挲石刻徙倚阑干 青天半落三山

更白鹭洲横二水间问谁能心比秋来水静渐教身似岭上云闲扰扰人生纷纷世事就里何  
常不强顏重回首怕浮云蔽日不见长安

前调 白朴

我望山形虎踞龙盘壮哉建康忆黄旗紫盖中兴东晋雕栏玉砌下逮南唐步步金莲朝朝璫  
树宫殿吴时花草香今何日尚寺留萧姓人做梅妆 长江不管兴亡漫流尽英?泪万行问乌  
衣旧宅谁家作主白头老子今日还乡吊古愁浓题诗人去寂寞高楼无凤凰斜阳外正渔舟  
唱晚一片鸣榔

### 前调 白朴

渺渺吟怀望佳人兮在天一方问鷗鵬九万扶摇何力蜗牛两角蛮触谁强华表鹤来铜盘仙去白日青天梦一場俄然觉正醺鸡舞瓮野马飞牕 徜徉玩世何妨更谁道狂时不得狂羡东方臣朔从容帝所西真阿母唤作儿郎一笑人间三游海上毕竟仙家日月长相随去想蟠桃熟後也许偷尝

### 前调 白朴

自古贤能壮岁飞腾老来退闲念一身九患天教寂寞百年孤愤日就衰残麋鹿难驯金鑣纵好志在长林丰草间唐虞世也曾闻巢许遁迹箕山 越人无用殷冠怕机事纏头不耐烦对诗书满架子孙可教琴尊一室亲旧相欢况属清时得延残喘鱼鸟溪山任往还还知否有絶交书在细与君看

### 前调 白朴

玉节星轺十道监司治称最优甚惠风才到豚鱼亦信清霜未降狐兔先愁镇静洪都澄清白下又过东南第一州云烟底看千岩竞秀万壑争流 离筵无计相留漫慷慨中年白髮稠记璫花照眼忙催诗笔松灯促座笑递觥筹放浪形骸欣於所遇负我兰亭共一游心期在想山陰兴尽和月回舟

### 前调 白朴

流水高山独许鍾期最知伯牙愧我投木李得酬琼玖人惊玉树肯倚蒹葭风雨十年江湖千里望美人兮天一涯重携手似仲宣去国江令还家 门前柳拂堤沙更好系天津泛斗槎看金鞍鬧簇花边置酒玉盃旋洗竹里供茶朱雀桥荒乌衣巷古莫笑斜阳野草花寒食近算人生行乐少住为佳

### 前调【临清舟中次韵寄可行】 许有壬

草术无情不问寒暄开时便开只黄花多事偏怜隐逸白头何补且避贤才老友相逢清谈絶倒休校刘郎去後栽尊中物胜他年千里漫寄寒梅 神仙合住蓬莱奈老去思儿忍不回任景庄槐老谁为痴梦梅家酒美且浣幽怀渭北江东暮云春树何日扁舟更此来公知否便连朝觴咏能几徘徊

### 前调【读白太素天籁集】 张翥

客汝知乎载酒轻舟看花小车胜炎州出使瘴浮征旆禁门待漏霜满朝鞞岁去堂堂老来冉冉瓶雀飞时手怎遮平生事叹山川迹远霄汉程賒 从渠梦蝶疑蛇得放嬾还须自在些甚天

荒地老铜台歌舞水流云散金谷豪奢客问先生归宜早计醉後之言可信邪鸥盟在任鱼蓑江上雨细风斜

前调【将北归赋此留别】 张翥

天上玉堂海外瀛洲山中蜕岩甚六十四岁出时持节八千余里来驻征骖香火缘深功名意薄梦觉仙家雪满簪桐花社喜酒边莺燕诗外云岚锦堂容我清酣拥画烛金钩手屡探怪朗吟御史笑回红粉送归司马泪湿青衫蜀魄春多塞鸿秋远无限离情老不堪空留在任水光山色江北江南

前调【广陵九日泛舟】 张翥

何许登临路遶芜城冈连楚皋爱流云低响歌催琼树微波照影人艳仙桃松院移尊柳桥携袖随处兰舟且暂捎秋无际望空江鴈远落木天高不妨左手持螯更右把金尊送浊醪叹鸡台草暗凄然兴废龙山烟冷老矣英豪白发宁饶黄花尽插要裹西风破帽牢刘郎醉把吴牋笑擘试与题餽

前调【次韵聽董氏双弦】 张翥

谁唤娇娆斜插双弦华筵乍开爱玉纤轻轧半笼翠袖歌喉缓引暗点鸳鞵蕃部新声乐工巧制写出龙沙马上哀哀何似似离鸾惊起白雀飞来丁宁击节金钗要细听春风且慢催正宫商双犯拽归双调伊州入破擷徧三台画扇香收罗巾汗湿愁是云兜醉後回花间客尽鸾绡纏髻更尽余杯

前调【宿瓜州】 张埜

瓜步城闉烟树西津几回往来尽洪涛千丈鱼龙出没苍顔十载鸥鹭惊猜驿馆荒凉征鞍牢落寄语楼船且莫开今宵里要江声一枕洗涤羈怀凌晨风定潮回便挂起云帆亦快哉爱金山东畔天开罨画银山南去地涌诗材冲破晴岚拂开苍蘚欲纪兹行百丈催还停笔怕吟鞭犹带京国尘埃

前调【泉南作】 张埜

自入闽关形势山川天开两边见长溪漱玉千瓴倒建高峰泼黛万马回旋石磴盘空天梯架壑驿骑蹒跚鞭不前心无那恰鷓鴣声里又听啼鹃区区薄宦谁怜道有志从来铁石坚但长存一片忠肝义胆何愁半点瘴雨蛮烟尽卷南溟不供杯杓得遂斯游岂偶然天公意要淋漓醉墨海外流传

前调【送吴此民再任江州教】 张埜



前日庐山今日庐山岂偶然哉喜青衫旧梦轻舟熟路白云新兴翠壁丹崖石镜光寒香炉烟  
裊晴雪飞空玉峡开天公意要先生健笔洗尽尘埃 三年握手金台甚意气相期隘九垓恨征  
帆缥缈秋风南浦书灯冷落夜雨西斋莲社香中琵琶亭上应念京尘无好怀君须记向鴈回  
时节早寄诗来

前调【止酒效稼轩】 张 埜

半世游从到处逢迎唯尔麴生喜一尊乘兴时居乐土三杯有力能破愁城岂料前欢俱成後  
患深悔从来见不明筠轩上抱厌厌病枕恨与谁评 请生亟退休停更说甚浊贤与圣清论伐  
人心性蛾眉非惨铄人骨髓鸩毒犹轻裂爵觥弃壶毁榼交絶何须出恶声生再拜道苦无大  
故遽忍忘情

前调【壽杜右丞】 张 埜

勇退归来一担乾坤十年息肩奈东山安石未容高卧洛中司马须在调元车拥蒲轮杖扶灵  
壽琴瑟更张为解弦人都道果功成霖雨泽润无边 河汾间气生贤算甲子才同绦县年更太  
公八十出膺熊虎武公九十入载貂蝉梅信春香槐堦日暖数到庄椿岁八千持杯壽壽文章  
宰相廊庙神仙

前调【美人眉】 邵亨贞

巧鬪弯环纤凝妩媚明妆未收似江亭晓望遥山拂翠宫帘暮卷新月横钩埽黛嫌浓涂铅讶  
浅能画张郎不自由伤春倦为皱多无力翻做娇羞 填来不满横秋料着得人间多少愁记鱼  
笺缄啓背人偷敛鴈钿胶并运指轻揉有喜先占长颦难效柳叶轻黄今在不双尖锁试临鸾  
一展依旧风流

前调【美人目】 邵亨贞

漆点填眶凤梢侵鬓天然俊生记隔花瞥见疎星炯炯倚栏凝注止水盈盈端正窥帘曹腾并  
枕睥睨檀郎长是青端相久待嫣然一笑密意将成 困酣曾被莺惊强临镜按抄犹未醒忆帐  
中亲见似嫌罗密尊前相顾翻怕灯明醉後看承歌阑鬪弄几度孜孜频送情难忘处是鲛绡  
搵透别泪双零

前调【美人指甲和刘龙洲】 沈景高

新脱鱼鳞平分鹅管爱勒眉弯记招恨香蕉愁惊细说划情嫩竹怨曲新翻才贴梅钿旋挑铅  
粉绣领重交犹道寒娇无奈笑轻拈杏带浅揭湘斑 宫棋也学偷弹时绾就同心羞自看解传  
杯频赌藏闾罗袖归鞭重数刻印阑干暗解绡囊倦调瑶瑟喂蕊莺儿绣阁间凝情处把爪犀  
漫剥消遣春闲

前调【鴈】 高 啓

木落时来花发时归年又一年记南楼望信夕阳帘外西牕惊梦夜雨灯前写月书斜征霜阵  
整横破潇湘万里天风吹断见两三低去似落箏弦 相呼共宿寒烟想只在芦花浅水边恨鸣  
鸣戍角忽催飞起悠悠渔火长照愁眠陇塞间关江湖冷落莫恋余粮犹在田须高举教弋人  
空慕云海茫然

前调【寄内兄】 高 啓

忆昔初逢意气相期一何壮哉拟献三千牍叫开汉阙蹶一双屣走上燕台我劝君酬君歌我  
舞天地疎狂两秀才惊回首漫十年风月四海尘埃 摩挲旧劒生苔叹同掩衡门旧草莱视黄  
金百镒已随手去素丝几缕欲上头来莫厌栖栖但存耿耿得失区区何足哀心惟愿对尊中  
酒满树上花开

前调【春水】 杨 基

巴蜀雪消湘汉冰融净无片埃看风吹皱緑晴涵杜若雨添香膩暖浸莓苔江涨鱼鳞溪沉燕  
尾赢得沙鸥宿鹭猜花陰下见行人待渡芳意徘徊 湖边十二楼台映多少珠帘影倒开爱緑  
醅可染蒲萄新酿麴尘低蘸杨柳初栽修禊人归浣纱女去犹有余香拂岸来多情处更桃花  
无数流出天台

前调【鞦杯】 瞿 佑

一掬娇春弓样新裁莲步未移笑书生量窄爱渠尽小主人情重酌我休迟醞酿朝云斟量暮  
雨能使麴生风味奇何须去向花尘留迹月地偷期 风流到手偏宜便豪吸?吞不用辞任凌  
波南浦惟夸罗襪赏花上苑只劝金卮罗帕高擎银瓶低注絶胜湘裙深掩时华筵散奈此心  
先醉此恨谁知

前调 吴 洪

莎迳吟蛩葭汀叫鴈秋气悲哉正江天凄黯斜阳一抹亭皋摇落乱叶千堆露湿吟鞭风敲醉  
帽试与登临览胜来凭高望见江流九曲似我肠回 几年南此尘埃漫赢得吴霜两鬓催忆晚  
香篱畔依然陶菊暗香林下好在逋梅跌宕琴尊评量风月已办浮蛆潄灑杯吾归也唤沙头  
小艇直下长淮

前调【题吴生一枝庵】 焦 竑

手葺茅庵小小何妨疎寮短屏任南山射虎封侯心在辽东化鹤炼药功成自爱鷕鷕一枝长  
足不学蜗牛戴屋行林深处对苍松雪崦白草烟汀 傍人抵死经营似拣尽寒芦宿又惊看须

弥芥子同为世界枋榆九万未问前程壁写沧洲襟题汉上等是风飘过耳情频舒笑谁古今  
達者惟有庄生

前调【偶赋】 储懋端

我亦何为漱彼白石枕彼清流叹舟下潇湘吹残楚竹骑临易水舞罢吴钩飞盖停云曳车飘  
雪浪说生平游八州谁知道空佣书受直未得封侯 少年意气难酬且破尽双柑大白浮除司  
马文章不须痛读杜?诗史何事研求美酒一尊奇文千首都付春江对浴鸥人休问还三句无  
食九月无裘

前调【戏作毛颖策学士文】 储懋端

咨汝穎乎自陈老秃屡乞余骸念望重灵?南山感月名高绣虎北海惊雷铁画银钩积成劳悴  
渐向秋风文塚埋嘉乃绩俾守中山郡其往钦哉 吾将以礼为媒纵故老终疎世莫猜令蜀地  
裁笺先生久待淇园截管君子蒙灾亟召緑沉置之即墨锡汝龙宾水一杯兼策汝端明殿学  
士速驾前来

前调【招隐看梅】 邬仁卿

十里江城共向春风寻到梅花想三更幽梦影移石罅一声梵诵香沁牕纱铁骨崢嶸冰姿修  
洁可是神仙萼緑华今宵醉且休吹玉笛只按红牙 槎枒绮席横斜恨知己难逢好句賒但已  
?零落金铃莫繫不甘争媚锦幕休遮冷欲侵人清能絶俗肯让狂蜂坐晚衙风流话道林逋妻  
汝端不争差

前调【西泠桥作】 钱继章

已远喧阗渐觉幽凉无过西泠政微霜欲下满船枫叶枯荷未尽几点残萤钟入苍烟山黏远  
树抛卷方知午梦醒悠然起看文鱼唼藻野鹤梳翎 安排緑酒青灯拟淘洗闲愁向水汀恰姜  
丝调醋新登蟹俎蕨芽研粉留作蓴羹颇怪山童近添闲供露菊秋葵插满瓶陶然醉任人呼  
马走我已鸿冥

贺新郎

【双调一百十五字此调以一百十六字者为正格别名俱列一百十六字下】

贺新郎 苏轼

乳燕飞华屋悄无人桐陰转午晚凉新浴手弄生绡白团扇扇手一时似玉渐困倚孤眠清熟  
帘外谁来推绣户枉教人梦断瑶台曲又却是风敲竹 石榴半吐红巾蹙待浮花浪蕊都尽伴

君幽独穠艳一枝细看取芳心千重似束又恐被秋风惊绿若待得君来向此花前对酒不忍触共粉泪两簌簌

前调 周紫芝

白首归何晚笑一椽天教付与楚江南岸门外春山晚无数只有匡庐似染但想像红妆不见谁念香山当日事漫青衫泪湿人谁管歌旧曲空凄怨将军未老身归汉算功名过了唯有古祠尘满谁似渊明得老饱看云山万点况此老斜川不远终待我他年自翦黄花一酌重阳琰君为我休辞劝

前调【又一体】 马庄父

客里伤春浅问今年梅蕊因甚化工不管陌上芳尘行处满可计天涯近远见说道迷楼左畔一似江南先得暖向何郎庭下都寻徧辜负了看花眼古来好物难为伴只琼花一种传来仙苑独许扬州作珍产须胜了千千万万又却待东风吹绽自昔闻名今见面数归期屈指家山晚归去说也希罕

八归

【又一体双调一百十五字】

八归【湘中送胡德华】 姜夔

芳莲坠粉疎桐吹绿庭院暗雨乍歇无端抱影销魂处还见筱墙萤暗藓堦蛩切送客重寻西去路问水面琵琶谁拨最可惜一片江山总付与啼鴂长恨相从未款而今何事又对西风离别渚寒烟澹棹移人远缥缈行舟如叶想文君望久倚竹愁生步罗襪归来後翠尊双饮下了珠帘玲珑闲看月

前调 史達祖

秋江带雨寒沙紫水人瞰画阁愁独烟蓑散响惊诗思还被乱鸥飞去秀句难续冷眼尽归图画上认隔岸微茫云屋想半属渔市樵邨欲暮竞燃竹须信风流未老凭持尊酒慰此凄凉心目一鞭南陌几篙官渡赖有歌眉舒绿只匆匆眺远早觉闲愁挂乔木应难奈故人天际望彻淮山相思无鴈足

宣清

【双调一百十五字】

## 宣清 柳永

残月朦胧小宴阑珊归来轻寒凜凜背银釭孤馆乍眠拥重衾醉魂犹噤永漏频传前欢已去  
离愁一枕暗寻思旧追游神京风物如锦念掷果朋侪絶纓宴会当时曾痛饮命舞燕蹁跹歌  
珠贯串向玳筵前尽是神仙流品至更阑疎狂转甚更相将凤帏鸳寝玉钗乱横任散尽高阳  
这次娱甚时重恁

## 瑶台月

【双调一百十五字】

## 瑶台月【梅花】 无名氏

严风凜冽万木冻园林萧静如洗寒梅占早争先暗吐香蕊还素容探暖欺寒偏妆点亭台佳  
致通一气超羣卉值腊後雪清丽开筵共赏南枝宴会好折赠东君驿使把陇头信息远寄遇  
诗朋酒侣尊前吟缀且优游对景欢娱更莫厌陶陶沉醉羌管怨琼花坠结子用调鼎堪餌将  
军止渴思得此味

## 沁园春

【又一体双调一百十五字】

## 沁园春【寄都城赵阅道】 张先

心膂良臣帷幄元勲左右万几暂武林分阃东南外翰锦衣乡社未满瓜时易镇梧台宣条期  
岁又西指夷桥千骑移珠滩上喜甘棠翠?依旧春晖须知繫国安危料节召还趋浴凤池且  
代工施化持钧播泽置盂天下此外何思素卷书名赤松游近鸂鶒云輶仙可期湖山美有啼  
猿唳鹤相望东归

## 前调【美人指甲】 刘过

销薄春冰碾轻寒玉渐长渐弯见凤鞵泥污偎人强剔龙涎香断拨火轻翻学抚瑶琴时时欲  
翦更掬水鱼鳞波底寒纤柔处试摘花香满镂枣成斑时将粉泪偷弹记绾玉曾教柳傅看算  
恩情相着搔便玉体归期暗数划徧阑干每到相思沉吟静处斜倚朱唇皓齿间风流甚把仙  
郎暗掐莫放春闲

## 前调【美人足】 刘过

洛浦凌波为谁微步轻生暗尘记踏花芳径乱红不损步苔幽砌嫩绿无痕衬玉罗慳销金样

窄载不起盈盈一段春嬉游倦笑教人款捻微褪些根 有时自度歌声悄不觉微尖点拍频忆金莲移换文鸳得侣绣茵催袞舞凤轻分懊恨深遮牵情半露出没风前烟缕裙知何似似一钩新月浅碧笼云

前调【又一体】 葛长庚

客里家山记踏来时水曲山崕被滩声喧夜鸡声破晓匆匆惊觉依旧天涯抖擞征衣寒欺薄袂回首银河西未斜尘埃积叹有如此髮空为伊华 古来旅况堪嗟尽贫也还须贫在家料驿舍傍边月痕白处暗香微度应是梅花拣折一枝路逢南鴈和两字平安寄与他教知道有长亭短?五饭三茶

前调【又一体】 秦观

宿霭迷空赋云笼日昼景渐长正兰皋泥润谁家燕喜蜜碑香少触处蜂忙尽日无人帘幕挂更风递游丝时过墙微雨後有桃愁杏怨红泪淋浪 风流寸心易感但依依竚立回尽柔肠念小窗瑶监重匀绡蜡玉笼金斗时熨沉香柳下相将游冶处便回首青楼成异乡相忆事纵蛮牋万叠难写微茫

摸鱼儿

【又一体双调一百十五字】

摸鱼儿 欧阳修

卷绣帘梧桐院落一霎雨添新绿小池闲立残妆浅向晚水纹如縠凝远目恨人去寂寥凤枕孤难宿倚阑不足看燕拂风帘蝶翻露草两两镇相逐 双眉蹙可惜年华婉婉西风初弄庭菊况伊家年少多情未已难拘束那堪更趁凉景追寻甚处垂杨曲佳期过尽但不说归来多应忘了云屏去时嘱

沁园春

【又一体双调一百十六字】

沁园春【括酒德颂】 林正大

大人先生高怀逸兴酒因寓名纵幕天席地居无庐室以八荒为域日月为扃贵介时豪搢绅处士未解先生酒适情徒劳尔漫是非蜂起有耳谁听 先生挈榼提甕更箕踞衔杯枕麴生但无思无虑陶陶自得任兀然而醉恍然而醒静听无闻熟观无覩以醉为乡乐性真谁知我彼二豪犹是蜾蠃螟蛉

前调【括庐山草堂记】 林正大

庐阜诸峰炉峰絶胜草堂介焉敞明窗净室素屏虚榻要仰观山色俯听流泉中有池台旁多竹卉夹涧杉松高刺天堂之北据层嵯积石緑?浓鲜 堂东瀑布飞悬似雨露霏微珠贯穿有春花秋月夏云冬雪更陰晴显晦雾吐烟吞右抱琴书左携妻子杖履从容尽暮年平生志赖清泉白石实听余言

前调【括严先生祠堂记】 林正大

子陵先生故人光武以道相忘幸炎符再握六龙在御看臣来亿兆阳德方刚自是先生独全高节归去江湖乐未央动星象披羊裘傲睨人世轩裳 高哉不事侯王爱此地山高水更长盖先生心地超乎日月又谁如光武器量包荒立懦廉顽有功名教万世清风更激扬无今古想云山郁郁江水泱泱

御选历代诗余卷九十一

## 卷九十二

钦定四库全书

御选历代诗余卷九十二目录【一百十六字】

摸鱼儿【又一体】

晁补之

辛弃疾【三首】

刘克庄

杜旃

张炎

施芸隐

何梦桂

莫仑

唐珣

李俊民

张翥

刘基

杨基

瞿佑【十首】

前调【又一体】



李昉英【二首】

冯取洽

张龙荣

何梦桂【二首】

燕公楠

杨果

李冶

李天骥

许有壬

张翥【二首】

刘基

林鸿

吴易

前调【又一体】

元好问

白朴

卢挚

御选历代诗余卷九十二目錄

钦定四库全书

御选历代诗余卷九十二【一百十六字】

司经局洗马掌局事兼翰林院修撰加二级【臣】王奕清奉旨校刊

摸鱼儿

【又一体双调一百十六字一名安庆摸一名买陂塘一名陂塘柳此体为此调正格填词家多用之】

摸鱼儿【东皋寓居】 晁补之

买陂塘旋栽杨柳依稀淮湘浦东皋雨足新痕涨沙觜鹭来鸥聚堪爱处最好是一川夜月光  
流渚无人独舞任翠幄张天柔茵藉地酒尽未能去青绫被莫忆金闺故步儒冠曾把身误弓  
刀千骑成何事荒了邵平瓜圃君试觑满青镜星星鬓影今如许功名浪语使得似班超封侯  
万里归计恐迟暮

前调 辛弃疾

更能消几番风雨匆匆春又归去惜春长怕花开早何况落红无数春且住见说道天涯芳草  
无归路怨春不

语算只有殷勤画檐蛛网尽日惹飞絮长门事准拟佳期又误蛾眉曾有人妒千金纵买相如  
赋脉脉此情谁诉君莫舞君不见玉环飞燕皆尘土闲愁最苦休去倚危栏斜阳正在烟柳断  
肠处

前调【观潮】 辛弃疾

望飞来半空鸥鹭须臾动地鼙鼓截江组练驱山去鏖战未收貔虎朝又暮悄惯得吴儿不怕  
蛟龙怒风波平步看红旆惊飞跳鱼直上蹙蹋浪花舞凭谁问万里长鲸吞吐人间儿戏千弩  
滔天力倦知何事白马素车东去堪恨处人道是属镂怨愤留千古功名自误漫教得陶朱五  
湖西子一舸弄烟雨

前调【雨岩怪石名曰山鬼】 辛弃疾

问何年此山来此西风落日无语看君似是羲皇上直作太虚名汝溪上住算只有红尘不到  
今犹古一杯谁举笑我醉呼君崔嵬未起山鸟覆杯去须记取昨夜龙湫风雨门前石浪掀舞  
四更山鬼吹灯啸惊倒世间儿女依然处还问我清游杖屦公良苦神交心许待万里携君鞭  
笞鸾凤送我远游赋

前调 刘克庄

怪新来倚楼看镜清狂浑不如旧暮云千里伤心色那更乱蝉疎柳凝望久怆故国百年汉阙  
谁回首功名大谬叹采药名山读书精舍此计几时就封侯事久矣输人妙手扁舟聊作渔叟  
高冠长劔都闲物世上切身惟酒千载後君试看拔山扛鼎俱乌有英雄骨朽问顾曲周郎而  
今还解来听小词否

### 前调【湖上】 杜 旌

放扁舟万山环处平铺碧浪千顷仙人怜我征尘久借与梦游清枕风乍静望两岸羣峰倒浸  
玻璃影楼台相映更日薄烟轻荷花似醉飞鸟堕寒镜中都内罗绮千街万井天教此地幽胜  
仇池仙伯今何在堤柳几眠还醒君试问看此意只今更有何人领功名未竟待学取鸱夷仍  
携西子来动五湖兴

### 前调【登陆起潛皆山楼】 张 炎

步高寒下观浮远清晖隔断风雨醉魂误入滁阳路落莫不知何处阑屡拊又却是秋城自有  
芙蓉主重游倦旅对万壑千岩长江巨浪空翠洒衣屨景如许都被楼台占取晴岚暖霭朝暮  
乾坤静里闲居赋评泊水经茶谱留胜侣更底用林泉曳杖寻桑苧休休访古看排闥青来书  
牀啸咏莫向惠峰去

### 前调【琼花】 施芸隐

柳蒙茸暗凌波路烟飞惨澹平楚香车深驻猊环掩遥认翠华云母芳景暮鸳鸯悄铉衣来按  
飞琼舞凄凉洛浦渐玉漏沉沉清陰满地乘月步虚去销凝处谁说三生小杜翔螭声断箫鼓  
情知禁苑酥尘浣羞与倡红同谱春几度想依旧苔痕长印唐昌土风流千古人在小红楼朱  
帘半卷香注玉壶露

### 前调 何梦桂

把心期半生孤负玉堂元在何处朱弦弹絶无人听空操离鸾烈女遇不遇休更问悠悠世事  
都如许人生草露看百岁勲名青铜鬓影抚劔泪如雨知谁语落落江空岁暮人间一梦今古  
雷塘十里斜阳外野草寒鸦无数身世寓聊尔耳江山有恨谁堪赋冰心更苦都说与梅花参  
横月落一醉且归去

### 前调 莫 仑

听春教燕顰莺诉朝朝花困风雨六桥忘却清明後碧尽柳丝千缕蜂蝶侣正闲觅闲花闲草  
闲歌舞最怜西子尚薄薄云情盈盈波泪点点旧眉妩流红记空泛秋宫怨句才人何处娇妒  
落红无限随风絮诗恨有谁曾遇堪恨处恨二十四番花信催花去东君暗苦更多嘱多情多  
愁杜宇多诉断肠语

前调【蓓】唐珣

渐沧浪冻痕销尽琼丝初漾明镜皎人夜翦龙髯滑织就水晶帘冷鳬叶净最好似嫩荷半卷  
浮晴影玉流翠凝早枯豉融香红盐和雪醉齿嚼清莹功名梦曾被秋风唤醒故人应动高兴  
悠然世味浑如水千里旧怀谁省空对景奈回首姑苏台畔愁波暝烟寒夜静但只有芳洲苹  
花与老何日泛归艇

前调 李俊民

这光景能销几度大都数十寒暑结庐人在山深处万壑千岩风雨朝复暮甚不管堂堂背我  
青春去高情自许似野鹤孤云江鸥远水此兴有谁阻功名事休叹儒冠多误韩颠彭蹶无数  
一溪隔断桃源路只有人家离黍歌且舞更不住醉中时出烟霞语暂来樵斧贪看两争某  
人间不道俯仰成今古

前调【春游连日病酒赋此止之】张翥

过花朝澹烟轻雨东风还又春社客怀不断还家梦只泥酒杯陶写孤馆夜甚浓醉无人知道  
归来也兰灯半炷任赋就鱼笺弦抛玉轸谁念倦司马长安市几度携尊命驾空惊游兴衰谢  
醉乡天地无今古争得一襟潇洒春纵暇便不饮从教团雪揉花打觥筹已罢笑螺赢螟蛉吾  
今真止为报独醒者

前调【雨】刘基

洒轩窗数声疎雨霎时驱退残暑碧江风过龙鳞起天际白云如絮人老去但说道秋来先自  
伤心緒故乡何处望不见渊明菊荒三径尽日漫凝伫新凉夜兔影沉沉汉渚寥寥鸿鴈飞度  
莎鷄络纬闲相妒催得鬢丝千缕芳草渡还又是苍烟緑水连红树荣名几许随分莫求多五  
湖有路波浪未应阻

前调【感秋】杨基

问黄花为谁开晚青青犹遶西圃秋光又染芙蓉好那更薄霜轻雾江远处但望见寒烟衰草  
山无数凭阑不语恨一点飞鸿数声柔櫓都不带愁去当时梦空忆邯郸故步山阳笛里曾赋  
黄金散尽英雄老莫倚善题鹦鹉君看取且信提携如意尊前舞浮名浪许要插柳当门种  
桃临水归老旧游路

前调【苏堤春晓】瞿佑

望西湖柳烟花雾楼台非远非近苏堤十里笼春晓山色空蒙难认风渐顺忽听得鸣榔惊起  
沙鸥阵瑶塔露润把绣幕微褰纱牕半起未审甚时分凭阑处水影初浮日晕游船未许开尽

卖花声里香尘起罗帐玉人犹困君莫问君不见繁华易觉光陰迅先寻芳信怕绿叶成陰红英结子留作异时恨

前调【平湖秋月】 瞿佑

望西湖断虹收雨长天秋水一色姮娥捧出黄金镜照我清尊瑶席风浪息想此际骊龙熟睡鮫人泣吹残短笛对香雾云鬟清辉玉臂今夕是何夕凭阑处听尽更筹漏刻人间此景难得满身风露飕飕冷何用水晶屏隔君莫惜君不见坡仙乐事俱尘迹扁舟二客向赤壁重游山高水落孤鹤梦中识

前调【断桥残雪】 瞿佑

望西湖玉花飘後嫩寒犹自凝沍瑶台梦断飞琼老惆怅今吾非故斜日暮试指点桥南桥北经行路佳期又误正环玦随波泪铅成水流入里湖去凭阑处十里银沙分布水泥深阻行步孤山欲访梅花信除是扁舟飞渡君莫诉君不见酒尊谁酌逋仙墓诗魂未遇但寂寞黄昏月香水影吟尽断肠句

前调【雷峯夕照】 瞿佑

望西湖雷峯夕照霞光云彩红粲相轮高耸犹难碍何况铃音低唤堪爱翫最好是前山紫翠峰腰断平銜一半似金镜初分火珠将坠万丈瑞光散凭阑处催罢舞羣歌伴游船竞泊芳岸雕甍绣勒争门入赢得六街尘乱君莫叹君不见疎星澹月横微汉敲碁待旦听鲸吼华钟鼙鸣急鼓光景暗中换

前调【麴院荷风】 瞿佑

望西湖藕花风起纱牕午梦初觉吴娃小艇贪游戏冲破浮萍一道闲自料多应是凌波竞赴仙娥召轻摇桂棹爱香袖翻空明妆映水齐唱采莲调凭阑处两岸波光相照楼台帘影颠倒蜻蜓飞去鸳鸯散应有玉颜欢笑君莫谄君不见流光过眼催年少新凉又到渐苦入芳心丝纏香窍荷背雨声闹

前调【花港观鱼】 瞿佑

望西湖两堤新涨粼粼绿痕微起水香波暖鱼初上来往岸唇沙觜游棹檣又惊散茫然一去何曾止春融十里爱桃浪翻红萍星散紫此乐可知矣凭阑处闲把金鈎垂水波心频掣双鲤纤丝暗逐长竿袅牵动一帘纹绮君莫喜君不见区区名利皆香饵朝恩暮已便紫绶金章不如蓑笠长卧钓船里

前调【南屏晚钟】 瞿佑

望西湖暮天云敛夕阳冉冉西坠落霞孤鹜齐飞处认得南屏古寺行乐地便一霎夜昏花暝  
松烟翠钟声三四见竹院僧归兰舟人散寂寞凤城闭凭阑处望断朱楼十二有人独自憔悴  
青禽不到红娘去谁把锦书重寄君莫睡君不见月华星彩尤增媚张灯就醉怎料得明朝忧  
愁风雨日出更多事

前调【柳浪闻莺】瞿佑

望西湖六桥新柳晓烟笼络不定迎风翠浪高低起天赋水情云性宜掩映都涨满杏花深巷  
桃花径青浓绿净看鸥鹭惊飞鱼龙起舞画楫去相并凭阑处两两金梭抛竞繇蛮巧语如咏  
银屏记豆红牙按提起去年游兴君莫听君不见歌楼多少新翻令凤笙同韵好留取长条渭  
城朝雨重与故人赠

前调【三潭印月】瞿佑

望西湖暮蟾初出金波十里如泻就中胜景三潭好不照绮罗游冶谁与话问素娥广寒独宿  
何曾嫁纤云怎惹看笑弄兰芳轻摇桂影拭目辨真假凭阑处尽把闲情陶写冰轮容易西下  
舞衫蹋破歌裙褪唤起更将泉洒君莫舍君不见世间谁是长年者今宵醉也任颠倒纶巾淋  
漓宫锦休放碧瑶竿

前调【两峯插云】瞿佑

望西湖两峯齐耸亭亭南北相对玉山高并三千丈俯视渺茫尘界云鬣翬遮不尽七层牖户  
双飞盖经时历代向僧定人归铃音自语也似说成败凭阑处几度晴明陰晦山光依旧如黛  
白衣苍狗多更变识破世间情态君莫怪君不见英雄往日今何在羣仙久待便乘此清风问  
之明月稳跨大鹏背

前调【又一体 送王子文知太平州】李昉英

怪朝来片红初瘦半分春事风雨丹山碧水含离恨有脚阳春难驻芳草渡似叫住东君满树  
黄鹂语无端杜宇报采石矶头惊涛屋大寒色要春护阳关唱画鷁徘徊东渚相逢知又何处  
摩挲老劒心在对酒漫评今古君此去几千里东南只手擎天柱长生壽母更稳步安輿三槐  
堂上好看彩衣舞

前调 李昉英

晓风吹绣帘低舞霜霏香碎红雨燕忙莺嬾春无赖肯为好花遮护浑不顾费多少工夫做得  
芳菲聚休颿百五却自恨新年游疎醉少光景恁虚度猊烟瘦困起庭陰正午游丝飞絮无据  
千林湿翠须臾徧难绿鬓根霜缕愁絶处怎忍听声声杜宇深深树凭君寄语道去也还来後  
期长在紫陌岁相遇

前调【和玉林遗蜕山观桃花】 冯取洽

叹刘郎那回轻别霏霏三落红雨玄都观里应遗恨一抹澹烟残缕愁望处想雾暗云深忘却来时路新花旧主记刻羽流商裁红翦翠山径日将暮空枝上时有幽禽对语声声如问来否人生行乐须闲健衰老念谁免此吾所与在溪上深深锦绣花千坞何时定去但对酒思君呼儿为我频唱小桃句

前调 张龙荣

又风尘暗斑吟袖西湖深处能浣晴云片片平波影飞趁棹歌声远回首唤髣髴记春风共载斜阳岸轻携分短帙柳密藏桥烟浓断迳隔水语音换思量偏前度高阳酒伴离踪悲事何限双峰塔露书空颺情共暮鸦盘转归思嬾悄不似留眠水国莲花畔灯帘晕满正蠹帙重繙沉煤半冷风雨闭宵馆

前调 何梦桂

记年时人人何处长亭曾共尊酒酒阑归去行人远折不尽长亭柳渐白首待把酒送君恰又清明後青条似旧问江北江南离愁如我还更有人否留不住强把蔬盘澹韭行舟又报潮候风急岸花飞尽也一曲啼红满袖春波皱青草外人间此恨年年有留连握手叹人世相逢百年欢笑能得几回又

前调【用前韵】 何梦桂

把人间古今勋业一时都付杯酒青山行徧人华发老尽门前青柳试回首记晓雨征衫又过年时後相逢故旧说亭北楼南看花纵好能似少年否还自笑应是山林厌非忘却儿童迎候兴来漫学长沙舞要舞更无长袖眉休皱欢笑外风涛世上时时有共君握手且尽日尊前相一醉醉後明朝又

前调【答程雪楼见壽】 燕公楠

又浮生平头六十登楼怅望荆楚出山小草成何事闲却竹烟松雨空自许早摇落江潭一似琅琊树苍苍天路漫伏枥心长衔图志短岁晏欲谁与梅花赋飞堕高寒玉宇铁肠还解情语英雄操与君侯耳过眼羣儿谁数霜鬓缕祇梦听楼头翡翠催归去清觴飞羽且细酌盱泉酣歌郢雪风致美无度

前调【同遗山赋鴈丘】 杨果

怅年年鴈飞汾水秋风依旧兰渚网罗惊破双栖梦孤影乱翻波素还碎羽算古往今来只有相思苦朝朝暮暮想塞北风沙江南烟月争忍自来去埋恨处依约并门旧路一丘寂莫寒雨

世间多少风流事天也有心相妒休说与还却怕有情多被无情误一杯会举待细读悲歌满  
倾清泪为尔酹黄土

前调【和遗山鴈丘】 李 冶

鴈双双正分汾水回头生死殊路天长地久相思债何似眼前俱去摧劲羽傥万一幽冥却有  
重逢处诗翁感遇把江北江南风嘹月唳并付一丘土 仍为汝小草幽兰丽句声声字字酸楚  
拍江秋影今何在宰木欲迷堤树霜魂苦算犹胜王嫱青塚真娘墓凭谁说与对鸟道长空龙  
艘古渡马耳泪如雨

前调【灯花】 李天骥

又何须向明还灭寒花点缀孤影玉龙度海吹鱼浪烟澹宝钗横鬓斜又整是虫滴骊珠两两  
相交颈夜长人静恁玉果低抛金钱暗卜此意有谁领 欢娱事料想凭伊先应靶销新泪犹凝  
银篴未忍轻挑去只恐暗风吹尽重记省怕莫是明朝有个青鸾信怎知无定算只解窥人人  
孤影只成瘦又成病

前调【和明初韵】 许有壬

买陂塘旋栽杨柳归来此是先务他乡故里都休较旧雨不如今雨鸿在渚笑尔尚南飞吾已  
安孤屿黄花解语道人老宜秋身安耐酒此正有真趣 釜坡路大手深惭燕许超腾又被锤吕  
但求闲澹如元亮不恨诗无奇句倾绿醕底须按乐天池上霓裳谱休论往古有三日重阳约  
君同醉老子筑西圃

前调【春日西湖泛舟】 张 翥

涨西湖半篙新雨麴尘波外风软兰舟同上鸳鸯浦天气嫩寒轻暖帘半卷看一缕歌云不碍  
桃花扇莺娇燕婉任狂客无肠王孙有恨莫放酒杯浅 垂杨岸何处红亭翠馆如今游兴全嬾  
山容水态依然好惟有绮罗云散君不见歌舞地青芜满目成秋苑斜阳又晚正落絮飞花将  
春欲去目送水天远

前调【元夕赠楚芳吴兰】 张 翥

记苏台旧时风景西楼灯火如画严城月色依然好无复绮罗游冶欢意谢向客里相逢还有  
诗陶写金尊翠笋把锦字新声红牙小拍分付倦司马 繁华梦唤起燕娇莺姘肯教辜负元夜  
楚芳玉润吴兰媚一曲夕阳西下沉醉罢君试看人生谁是无情者先生归也但留意江南杏  
花春雨和泪在罗帕

前调【金陵秋夜】 刘 基



正凄凉月明孤馆那堪征鴈嘹唳不知衰鬓能多少还共柳丝同毳朱户闭有瑟瑟萧萧落叶  
鸣莎砌断魂不系又何必殷勤啼蜚络纬相伴夜迢递 樵渔事天地和人较计虚名枉误身世  
流年袞袞长江逝回首碧云无际空引睇但满眼芙蓉黄菊伤心丽风吹露洗寂寞旧南朝凭  
阑怀古零泪在衣袂

#### 前调【寄红桥】 林 鸿

记红桥少年游冶多少雨情云緒金鞍几度归来晚香靥笑迎朱户断肠处是半醉微醒灯暗  
夜深语问情几许情应似吴蚕纏絲吞茧撩乱丝千缕 别离路澹月乳鸦啼曙泪痕红袖沾污  
深怀遥想何年了空寄锦囊佳句春欲去恨不得长绳系日留春住相思最苦莫道不消魂衷  
肠铁石涕泪也如雨

#### 前调【浙江潮】 吴 易

问天吴鞭江驱潮为谁 弄如许一丝练影摇天末瞬息鱼龙啸舞流传误道白马素车果否  
英雄怒訇訇雷鼓看贝阙翻鲸鳌山蹴雪瑶岛飞仙堕 伤心事不阻投鞭飞渡鸱夷巨手何处  
霸图牛斗曾雄踞气压回澜万弩今又古只恐怕蓬莱清浅迷归路归时记取有精卫心痴麻  
姑眼老盼望久延伫

#### 前调【又一体并蒂莲】 元好问

问莲根有丝多少莲心知为谁苦双花脉脉娇相向只在旧家儿女天已许甚不教白头生死  
鸳鸯浦夕阳无语算谢客烟中湘妃江上未是断肠处 香奁梦好在灵芝瑞露中间俯仰今古  
海枯石烂情缘在幽恨不埋黄土相思树流年度无端又被西风误兰舟少住怕载酒重来红  
衣半落狼藉卧风雨

#### 前调【七夕用严柔济韵】 白 朴

问双星有情几许消磨不尽今古年年此夕风流会香暖月牕云户听笑语知几处彩楼瓜果  
祈牛女蜘蛛暗度似抛掷金梭萦回锦字织就旧时句 愁云暮漠漠苍烟桂树人间心更谁诉  
擘钗分钿蓬山远一样绦河银浦乌鹊渡离别苦啼妆洒尽新秋雨云軿且驻算犹胜嫦娥仓  
皇奔月只有去时路

#### 前调【题雪楼先生岁寒亭诗卷】 卢 摯

为君歌岁寒亭子无烦洲畔鸚鵡江山胜槩风霜地要近鲁东家住丘壑趣应素爱昂霄老柏  
孤松树登高作赋想白雪阳春碧云日暮别有倚楼处 金闺彦尚忆西清接武年来乔木如许  
团茅时复羲皇上我醉欲眠卿去歌欲举还自悟君家琢就琼瑶句疎斋试与倩倚竹佳人湘  
弦赴节凉满北牕雨

御选历代诗余卷九十二

# 卷九十三

<集部,词曲类,词选之属,御选历代诗余

钦定四库全书

御选历代诗余卷九十三目录【一百十六字】

摸鱼儿【又一体】

程垓

黄机

卢祖皋

张榘【五首】

黄昇

陈允平

李演

王沂孙

张炎【四首】

欧良

陈策

林正大

李彭老

王易简【二首】

葛长庚

程钜夫【二首】

韦居安

王学文

李裕翁

周伯阳

许有孚

马熙

许桢

张翥【四首】

邵亨贞【二首】

前调【又一体】

张翥

李冶

姚云文

刘克庄【二首】

李昉英

前调【又一体】

元好问

白朴【三首】

前调【又一体】

蒋捷

御选历代诗余卷九十三目錄

钦定四库全书

御选历代诗余卷九十三【一百十六字】

司经局洗马掌局事兼翰林院修撰加二级【臣】王奕清奉旨校刊

摸鱼儿

【又一体双调一百十六字】

摸鱼儿 程垓

掩凄凉黄昏庭院角声何处呜咽矮牕曲屋风灯冷还是苦寒时节凝竚切念翠被熏笼夜夜成虚设倚阑愁絶听凤竹声中犀帟影外簌簌酿轻雪伤心处却忆当年轻别梅花满院初发吹香弄蕊无人见惟有暮云千叠情未彻又谁料而今好梦分吴越不堪重说但记得当初重门鎖处犹有夜深月

前调 黄机

惜春归送春惟有乱红扑簌如雨乱红也怨春狼藉搵得泪痕无数肠断处更唤起羣鸦催发长亭路征鞍难

驻但脉脉含顰嗔人底事刚爱逐春去 阑干凭芳草斜阳凝竚愁连满眼烟树 ？不理金钗溜鸾镜一奩香雾花谁主怅玉容寂寞试问春知否单衣嬾御任门外东风流莺声里尽日搅飞絮

前调【九日登姑苏台】 卢祖皋

怪西风晓来敲帽年华还是重九天机袞袞山新瘦客子情怀谁剖微雨後更鴈带边寒裊裊欺罗袖慵荷倦柳悄不似黄花田田照眼风味尽如旧 登临地寂寞崇台最久阑干几度搔首翻云覆雨无穷事流水斜阳知否吟未就但衰草寒烟商略愁时候闲愁浪有总输与渊明东篱醉舞身世付杯酒

前调【荼蘼】 张 槊

正莓墙柳丝低度枝头红紫飞尽穠阴涨绿冰钿碎涓涓麝兰成阵仙骨嫩恍姑射瑶姬青幺  
游琼苑风前有恨也一似宫梅飘香坠粉轻点寿阳鬓 梨花雪谁道全无清韵何曾留到春晚  
柔条不受真珠露滴沥紫檀心晕莫更问待按放金尊?作通宵饮日高慵困任翠幄低云玉薰  
泛梦路入醉乡稳

前调【送邵瓜坡赴含山尉】 张 槊

正挑灯共听檐雨问谁催动行色风前千点离亭恨惟有落梅知得王谢宅记前度斜阳燕子  
曾相识花香雾舄无计强迫随阳关声断回首暮云隔 文章贯合上薇垣梧掖征鞍底事江北  
青衫莫对韩彭着还是玉麟佳客须记忆有衿佩锵锵正愿依重席荼蘼未拆次第牡丹开一  
尊留待相与醉寒食

前调 张 槊

望关河目断烟草青天长劒频倚香街十里珠帘月空想当年华丽堪叹处但沙靄蒹葭啍轧  
鴈声起平山漫记怅杨柳春风晴空栏槛陈迹总非是 重阳好红叶黄华满地良辰美景如此  
青油幕府传芳笋苒苒露琼花气还更喜看玉阍规恢笑骋伊吾志尘清北冀向关洛联镳巍  
巍冠佩麟阁画图里

前调 张 槊

猛思量嬾窝初度鲁云呈瑞时节平山杨柳苍茫外犹是乡关明月春漏泄定知有梅花先向  
江南发烟波梦濶漫约住西风呼将寒鴈把酒为君说 君看取世道羊肠屈摺依然熟路轻辙  
林泉暂洗经纶手桐栢夜香熏彻趋魏阙指天上星辰平步仪清切蟠桃未结待做着功名却  
寻曼倩相与带花折

前调 张 槊

正桃花渐飞红雨依稀一半春色东风十里离亭恨杨柳丝丝如织还又忆向雪月梅边陶写  
吟情逸清愁拍拍算祇暮山知栖鸦斜照春树渺空碧 文章贯合整垂云健翼翔鸾底用栖棘  
要寻玉洞烟霞胜聊趁麟符蜚檄归驄急看尘袂方清有恩纶催入鳧仙倦舄相与问孤山开  
尊抵掌一舸画桥侧

前调【遗蜕山观桃花作】 黄 昇

问山中小桃开后曾经多少晴雨遥知载酒花边去唱我旧歌金缕行乐处正蝶绕蜂围锦绣  
迷无路风光有主想倚杖西阡停杯北望望断碧云暮 花知道应倩飞鸿寄语年来老子安否

一春一到成虚约不道树犹如此烦说与但岁岁东风轻点红云坞刘郎老去待有日重来同君一笑拈起看花句

前调【西湖送春】 陈允平

倚东风画阑十二芳阴帘幙低护玉屏翠冷梨花瘦寂寞小楼烟雨肠断处怅折柳柔情旧别长亭路年华似羽任锦瑟声寒琼箫梦远羞对彩鸾舞文园赋重忆河桥眉妩啼痕犹溅纨素丁香共结相思恨空托绣罗金缕春已暮纵燕约莺盟无计留春住伤春倦旅趁暗绿稀红扁舟短棹载酒送春去

前调【太湖】 李演

又西风四桥疎柳惊蝉相对秋语琼荷万笠花云重嫋嫋红衣如舞鸿北去渺岸芷汀芳几点斜阳雨吴亭旧树又系我扁舟渔乡钓里秋色澹归鹭长干路蔓草疎烟断墅商歌如写羁旅丹溪翠岫登临事苔屐尚黏苍土鸥且住怕月冷吟魂婉冉空江暮明灯暗浦更短笛衔风长云弄晚天际画秋句

前调【蓴】 王沂孙

玉匳寒翠丝微断浮空清影零碎碧芽也抱春洲怨双卷小絨芳字还又似系罗带相思几点青钿缀吴中旧事怅酪乳争奇鲈鱼漫好谁与共秋醉江湖兴昨夜西风又起年年轻误归计如今不怕归无准却怕故人千里何况是正落月垂虹怎赋登临意沧浪梦里纵一舸重游孤怀暗老余恨渺烟水

前调【高爱山隐居】 张炎

爱吾庐傍湖千顷苍茫一片清润晴岚暖翠融融处花影倒窥天镜沙浦迴看野水涵波隔柳横孤艇眠鸥未醒甚占得蓴乡都无人见斜照起春暝还重省岂料山中秦晋桃源今度难认林间即是长生路一笑元非捷径深更静待散发吹箫跨鹤天风冷凭高露饮正碧落尘空光摇半壁月在万松顶

前调【寓澄江喜魏叔皋至】 张炎

想西湖断桥疎树梅花多是风雨如今见说闲云散烟水少逢鸥鹭归未许又款竹谁家远思愁徐庾重游倦旅纵认得鄞山长江滚滚隔浦正延佇垂杨渡握手荒城旧侣不知来自何处春牕翦韭青灯夜疑与梦中相语栏屡拊甚转眼流光短发真堪数从教醉舞试借地看花挥毫赋雪孤艇且休去

前调【别陆处梅】 张炎

向天涯水流云散依依往事非旧西湖见说鸥飞去知有海翁来否风雨後甚客里逢春尚记  
花间酒空嗟皓首对茂苑残红携歌占地相趁小垂手 归时候花径青红尚有好游何事诗瘦  
龟蒙未肯寻幽兴曾恋志和渔叟吟啸久爱如此清奇岁晚忘年友呼船渡口欲西出阳关故  
人何处愁在渭城柳

前调【春雪客中寄友】 张 炎

又孤吟灞桥深雪千山絶尽飞鸟梅花也着东风笑一夜瘦添多少春悄悄正断梦愁诗忘却  
池塘草前邨路查看野水流冰舟闲渡口何必见安道 慵登眺脉脉霏霏才了寒威犹自清峭  
终须几日开晴去无奈此时怀抱空懊恼料酒兴歌情未肯随人老惜花起早?醉里忘归接?  
更好一笑任倾倒

前调【和李玉田韵】 欧 良

喜西风朝来如约新凉一雨初霁家山望断知何处渺渺长天秋水空眼底叹鴈杳鱼沉尺纸  
无人寄芸牕草砌渐影颤疎桐声敲落叶孤枕怎成睡 逢場戏遮莫怨秋憔悴今朝有酒须醉  
尊前待唤佳人道为雪藕丝轻脆闲省记便笑口频开一岁知能几归期尚未且蜡屐兰桡湖  
山深处同赏月中桂

前调【仲宣楼赋】 陈 策

倚危梯酹春怀古轻寒才转花信江城望极多愁思前事恼人方寸湖海兴算合付元龙举白  
浇谈吻凭高试问问旧日王郎依刘有地何事赋幽愤 沙头路休记家山远近宾鸿一去无信  
沧波渺渺空归梦门外北风凄紧乌帽整便做得功名奈绿星星鬓敲吟未稳又白鹭飞来垂  
杨自舞谁与寄离恨

前调【括叶清臣松江秋泛赋】 林正大

泛松江水遥山碧清寒微动秋浦霜空霁色横无际别鹄惊鸿无数朝又暮听牧笛长吹隐隐  
渔榔度骚人才子漫览物兴怀浮游尘外啸傲剧清思 人间世扰扰荣途要路瀛洲琼馆安所  
轩裳何似渔蓑兴萧散龙游鹤翥须归去办双桨孤帆云月和烟雨江湖伴侣趁社橘初黄汀  
葭余翠成我蓴鲈趣

前调【蓴】 李彭老

过垂虹四桥飞雨沙痕初涨春水腥波十里吴歛远绿蔓半萦船尾连复碎爱滑卷青绡香裊  
冰丝细山人隼味笑杜老无情香羹碧涧空祇赋芹美 归期早谁似季鹰高致鲈鱼相伴菰米  
红尘如海丘园梦一叶又秋风起湘湖外看采撷芳条际晓随鱼市旧游漫记但望极江南秦  
鬟贺镜渺渺隔烟翠



前调【蓴二首】 王易简

怪蛟宫水晶帘卷冰痕初断香缕柔波荡桨人难到三十六陂烟雨春又去伴点点荷钱隐约  
吴中路相思日暮恨洛浦娉婷芳钿翠翦匳影照凄楚 功名梦消得西风一度高人今在何许  
鲈香菰冷斜阳里多少天涯意绪谁记取但枯豉红盐溜玉凝秋筇尊前起舞算惟有渊明黄  
花岁晚此兴共千古

前调 王易简

过湘皋碧龙惊起冰涎犹护髯影春洲未有菱歌伴独占暮烟千顷呼短艇试翦取纤条玉溜  
青丝莹尊前细认似水面新荷波心半卷点点翠钿净 凄凉味酪乳那堪比并吴盐一箸秋冷  
当时不为鲈鱼去聊尔动渠归兴还记省是几度西风几处吹愁醒鸥昏鹭暝漫换得霜痕萧  
萧两鬓羞与共秋镜

前调 葛长庚

问沧江旧盟鸥鹭年来景物谁主悠悠客鬓知何似吹满西风尘土浑未悟漫自许功名谈笑  
侯千户春衫戏舞怕三径都荒一犁未把猿鹤笑君误 君且住未必心期尽负江山秋事如许  
月明风静萍花路敲枕试听鸣榔还又去道唤取陶泓要草归来赋相思最苦是野水连天渔  
榔四起蓑笠占烟雨

前调【壽燕五峯右丞】 程钜夫

记江梅向来轻别相逢今又平楚东风小试南枝暖早已秋千烟雨春几许向五老仙家移下  
琼瑶树溪桥驿路更月晓堤沙霜秋野水疎影自容与 平生事几度含章殿宇隔花么风能语  
苔枝夭矫苍龙瘦谁把冰须细数千万缕簇一点芳心待与和羹去移宫换羽且度曲传觞主  
人花下今日庆初度

前调【次卢疎斋题岁寒亭】 程钜夫

问疎斋湘中朱凤何如江上鸚鵡波寒木落人千里客里与谁同住茅屋趣吾自爱吾亭更爱  
参天树劳君爲赋渺雪鴈南飞云涛东下岁晏欲何处 疎斋老意气经文纬武平生握手相许  
江南江北寻芳路共看碧云来去黄鹄举记我渡秦淮君正临清句歌声缓与怕迳竹能醒庭  
花起舞惊散夜来雨

前调 韦居安

绕苕城水平波渺双湖遥睇无际就中惟有鱼湾好占得西关佳致杨柳外美泛宅浮家当日  
玄真子溪山信美叹陈迹犹存前贤已往谁会景中意 萧闲甚筑屋三间近水汀洲香泛兰芷

清风明月知多少肯滞软红尘里垂钓饵趁春水生时膾有桃花鰕烦襟净洗待办取轻蓑来分半席相对弄清泚

前调【送汪水云之湘】 王学文

记当年舞衫零乱淋铃忍按新阕杜鹃枝上东风晚点点泪痕凝血芳信歇念初试琵琶谁识关山月悲弦易绝奈笑罢颦生曲终愁在谁解寸肠结浮云事又作南柯梦彻一簪聊寄华发乾坤桑海无穷事才历昆明初劫谁共说都付与焦桐写入梅花叠黄花送别休更问湘魂独醒何在沉醉浩歌发

前调 李裕翁

讶江南许多风景繁华只在晴昼些儿澹沲冲融意到处拈花着柳疎雨後更艳艳緜緜泼眼浓如酒飞浮宇宙但借日浮香随风着物巧笔画难就惆怅处曾记苏堤携手十年惊觉回首苍埃霁景成阴晦湖水湖烟依旧凝望久问燕燕莺莺识此年华否长门别有脉脉断肠人柔情荡漾长是为伊瘦

前调 周伯阳

又匆匆月鞭露镫梅花江上归路海图破碎来时线何似彩衣低舞风雪暮正望断青山一发云横处浩歌独举便想见迎门牵衣儿女总是旧眉妩阳关曲挥洒紫薇花露妙音清远高驻经寒杨柳休轻折摇动一溪霜雾邯郸步笑布韞青去住知何许汀鸥沙鹭若问我重来明年有约今日是前度

前调 许有孚

买陂塘旋栽杨柳不妨三月农务溪翁走报新痕涨昨夜西山雷雨将没渚有复径双洲缭绕通孤屿黄鹂对语正春色暄妍物华明媚好在浴沂趣天涯路芳草茫茫如许蛮牋难写心吕碧云冉冉春波绿都是相思情句花共醕似梅与山矾臭味曾同谱堤阴树古要乱絮漫空柔条蘸水慎勿折樊圃

前调【和许可行韵】 马熙

买陂塘旋栽杨柳梦中还理家务十年不到衡山麓辜负楚云湘雨苹映渚渺杜若江蓠香接烟霞屿口心相语为蝇骥东西云龙上下误却钓游趣平生志欲识平舆二许煌煌岳降申吕菲词聊为先生壽博得月章星句毋我醕只小草幽兰心醉离骚谱松存径古待游徧西园荷锄归去吾亦爱吾圃

前调【和可行叔韵】 许桢

买陂塘旋栽杨柳求田专理农务扁舟来往烟波里青簑绿蓑风雨时泛渚把远岫遥岑收拾  
来孤屿霜花笑语道凤阁鸾台黄尘乌帽争似醉乡趣洄溪上道士而今谁许非熊梦断姜吕  
水声山色相萦绕涌出笔端新句斟桂醕听万籁笙竽一派仙家谱休论往古向种菊篱边观  
鱼轩外晚节有秋圃

前调【送黄任伯归丰城】 张翥

正匆匆楚乡秋晚孤鸿飞过南浦同来桃叶堪惆怅一舸载春先去愁绝处问那曲阑干曾听  
人低语今宵最苦向枫树溪桥芦花野馆翦烛卧听雨吴霜鬓破帽西风怎护丝丝都是离绪  
旧愁顿冷新愁重总付坠鞭词谱君记取待雪夜相思乘兴柴冈路唱予和汝要款段随车轻  
盈唤酒重为国香赋

前调【题熊伯宣藏梅花卷子】 张翥

记西湖水边曾见植枿老树如此冰痕冷沁苔枝雪的皤数花才试天也似爱玉质清高不入  
闲红紫孤山处士纵赋得招魂烟荒雨暗寂寞香魂死春风笔休忆深宫旧事添人多恨多思  
墨池雪岭三生梦唤起缟衣仙子仍独自向瘦影黄昏和月窥牕纸声声字字写不尽江南闲  
愁万斛诉与绿衣使

前调【双头莲为人折去】 张翥

问西湖旧家儿女香魂还又连理多情欲赋双蕖怨闲却满匳秋意娇旖旎爱照影红妆一样  
新梳洗王孙正拟唤翠袖轻歌玉笋低按凉夜为花醉鸳鸯浦凄断凌波梦里空怜心苦丝脆  
吴娃小艇应偷采一道绿萍犹碎君试记还怕是西风吹作行云起阑干漫倚便载酒重来寻  
芳已晚余恨渺烟水

前调【赋湘云】 张翥

问湘南有云多少不应长是为雨平生宋玉缘情老赢得鬓丝如许歌又舞更一曲琵琶昵昵  
如私语闲愁浪苦怪旧日青衫空流泪满不解画眉妩空凝伫十二峰前路阻相逢知在何处  
今朝重见春风手仍听旧弹金缕君且住怕望断衡皋日暮伤离绪新声自谱把江北江南今  
愁往恨尽入断肠句

前调【吴门九日次魏彦文韵】 邵亨贞

鴈来时晚寒初劲青灯摇动牕户商声暗起邻墙树触景乱愁还聚秋又暮奈合造凄凉无处  
无笳鼓狂吟醉舞记满帽簪花分筹藉草骑马忘归路怀人远有恨凭谁寄语虚名长是相误  
天涯节序浑非旧留得满城风雨心万缕漫自喜孤高不惹沾泥絮羁怀倦诉好分付儿曹耘  
耒三迳早晚赋归去

前调【山中九日】邵亨贞

记年时满城风雨姑苏台下重九客楼已办登临屐曾为好山回首延佇久望翠壁嶙峋闲却题诗手相逢野叟强笑折黄花乱簪乌帽来与共尊酒流光去肯爲闲人宿留惊心节序依旧西风只管吹蓬鬓病骨尚堪驰骤官渡口便拟唤扁舟往问江潭柳明年健否纵世故无情未应迟暮孤负这时候

前调【又一体】张翥

甚瑶台翠鸾雏小风流占断妍景数声何处啼春胜帘卷小牕人静天气困梳未稳緑鬟倭髻临妆镜羞媚倦整待铰个金花眉尖双鴈还怯翦刀冷仙家好十二行云路迴牢笼芳梦不定多情正要人拘管无奈绿昏红暝乘酒兴携两袖天风飞上蓬莱顶阑干独凭为唤玉笙来霓裳按舞和月醉花影

前调【并蒂莲】李冶

为多情和天也老不应情遽如许请君试听双蕖怨方见此情真处谁点注香潋灩银塘对抹胭脂露藕丝几缕绊玉骨春心金沙晓泪漠漠瑞红吐连理树一样骊山怀古古今朝暮云雨六郎夫妇三生梦幽恨从来难阻须念取共鸳鸯翡翠照影长相聚秋风不住怅寂寞芳魂轻烟北渚凉月又南浦

前调【艮岳】姚云文

渺人间蓬瀛何许一朝飞入梁苑辋川梯洞层崖出犹带鬼愁龙怨穷游宴谈笑里金风吹折桃花扇翠华天远怅莎沼萤黏锦屏烟合草露泫苍蘚东华梦好在牙樯调鞞画图历历曾见落红万点孤臣泪斜日牛羊春晚摩双眼看尘世鳌宫又报蛟波浅吟鞭拍断便乞与娲皇化精卫填不尽遗憾

前调【赏海棠】刘克庄

甚春来冷烟凄雨朝朝迟了芳信蓦然作暖晴三日又觉万株娇困天怎忍潘令老不成也没看花分才情减尽怅玉局飞仙石湖絶笔孤负这风韵倾城色懊恼佳人薄命墙头岑寂谁问东风日暮无聊赖吹得胭脂成粉君细认花共酒古来二事天犹吝年光去迅漫绿叶成阴苍苔满地做取异时恨

前调 刘克庄

便披蓑荷锄归去何须身着宫锦与谁共话桑麻事朱老阮生尤稔筛样饼瓮样茧长须赤脚供樵饪清流浊品尽埽去胷中置诸膜外对酒莫辞饮华胥梦怕煞人惊晓枕疎牕惟月来闯

一生常被弓旌误且告朝家迫寝愁个甚君管取有薇堪采松堪?茅山再任幸不是谋臣又非世将免犯道家禁

前调 李昉英

敞茅堂茂林环翠苔矶低蘸烟浦青蓑混入渔家社斜日断桥船聚真乐处坐芳草瓦尊浊酒频频注皋禽自舞惯松径穿云梅邨蹋雪朗笑自来去 乘车坠争似修筇稳步前尘回首俱误安闲得在中年好抱瓮尚堪蔬圃高眼覷算不识人间宠辱除巢许风篁解语应共笑羣狙无端喜怒三四计朝暮

前调【又一体鴈丘】 元好问

问世间情是何物直教生死相许天南地北双飞客老翅几回寒暑欢乐趣离别苦就中更有痴儿女君应有语渺万里层云千山暮雪只影向谁去 横汾路寂寞当年箫鼓荒烟依旧平楚招魂楚些何嗟及山鬼暗啼风雨天也妒未信与莺儿燕子俱黄土千秋万古为留待骚人狂歌痛饮来访鴈丘处

前调【真定异尘堂同诸公晚眺】 白朴

敞青红水边牕外登临元有佳趣薰风荡漾昆明锦一片藕花无数才欲语香暗度红尘不到苍烟渚多情鸥鹭尽翠盖摇残红衣落尽相与伴风雨 横塘路好在吴儿越女扁舟几度来去采菱歌断三湘远寂寞?花汀树天已暮更留看飘然月下凌波步风流自许待载酒重来淋漓醉墨为写洛神赋

前调 白朴

望参差冶城烟雨故人知在琳宇绣衣来就论文友随意割鸡炊黍欢乐处忘尔汝清谈况有神仙侣一杯缓举放远目增明遥岑出翠俯仰几今古 红尘梦不到丹台紫府寻真偶得佳趣两株翠柏参天起千亩渭川烟雨君已许向此地结亭为我开牕户朝来暮去待细揽烟霞平分风月挥洒锦囊句

前调【次前韵】 白朴

听西风细吟亭树秋声先到衡宇季鹰千里蓴鲈兴更喜范张鸡黍倾盖处惭愧汝高楼不见烟霞侣匏尊笑举对得意江山忘怀风月醉眼翫今古 釜坡客又向红莲幕府田园何日成趣九重闻道思贤佐恐要济时霖雨天若许从所好结庐相就开蓬户山人休去怕蕙帐空悬猿惊鹤怨贻笑草堂句

前调【又一体壽东轩】 蒋捷

禪吟鞭鴈峰高处曾游长壽仙府年年长见瑶簪会霞杪盖芝轻度开绣户芙蓉万朵香红  
染秋光素清箫丽任灩玉杯深鸾酣凤醉犹未洞天暮 尘缘误迷却桃源旧步飞琼芳梦同赋  
朝来闻道仙童宴翹首翠房玄圃云又雾身恍到微茫认得胎禽舞遥汀近浦便一苇渔航撑  
烟载雨归去伴寒鹭

御选历代诗余卷九十三

# 卷九十四

钦定四库全书

御选历代诗余卷九十四目录【一百十六字】

贺新郎【上】

廖行之

李玉

叶梦得

辛弃疾【十六首】

游次公【二首】

京镗

袁去华

刘克庄【八首】

王迈【三首】

于国宝

张鎡

刘儗【四首】

程秘

王千秋

陈亮

刘过【六首】

杨炎

张辑

黄机【二首】

御选历代诗余卷九十四目录

钦定四库全书

御选历代诗余卷九十四【一百十六字】

司经局洗马掌局事兼翰林院修撰加二级【臣】王奕清奉旨校刊

贺新郎【上】

【双调一百十六字郎亦作凉一名金缕歌一名金缕衣一名乳燕飞一名风敲竹一名貂裘换酒皆同调异名也】

贺新郎【赋木樨】 廖行之

修月三千户拥冰输同游碧落问津牛渚上界真仙多才思巧与瑶阶玉树渺万里人间何处云叶依依分清?记当年掩映霓裳舞算万木宁如许年年萧爽幽岩路倚西风吹香金粟超然云坞一洗纷纷凡花尽堪写清商对抚为豁散蛮烟瘴雨脱俗高标谁能领向骚人正欠题新句须大手与君赋

前调 李玉

篆缕消金鼎醉沉沉庭阴转午画堂人静芳草王孙知

何处惟有杨花糝径渐玉枕腾腾梦醒帘外残红春已透镇无聊滞酒厌厌病云鬓乱未忺整江南旧事休重省徧天涯寻消问息断鸿难倩月满西楼凭阑久依旧归期未定又只恐鉶沉金井嘶骑不来银烛暗枉教人立尽梧桐影谁伴我对鸾镜

前调 叶梦得

睡起流莺语掩苍苔房枕向晚乱红无数吹尽残花无人见惟有垂杨自舞渐暖霭初回轻暑



宝扇重寻明月影暗尘侵上有乘鸾女惊旧恨遽如许 江南梦断横江渚浪黏天葡萄涨绿半空烟雨无限楼前沧波意谁采苹花寄取但怅望兰舟容与万里云飘何时到送孤鸿目断千山阻谁为我唱金缕

### 前调【赋水仙】 辛弃疾

云卧衣裳冷看萧然风前月下边幽影罗幮生尘凌波去汤沐烟波万顷爱一点娇黄成晕不记相逢曾解佩甚多情为我香成阵待和泪收残粉 灵均千古怀沙恨记当时匆匆忘把此仙题品烟雨凄迷倦愁损翠袂摇摇谁整漫写入瑶琴幽愤弦断招魂无人赋但金杯的皪银台润愁殢酒又独醒

### 前调【赋海棠】 辛弃疾

着厌霓裳素染胭脂苳萝山下洗沙溪渡谁与流霞千古醞引得东风相误从舆入吴宫深处鬓乱钗横浑不醒转越江划地迷归路烟艇小五湖去 当时倩得春留住就锦屏一曲种种断肠风度才得清明三月近须要诗人妙句笑援笔殷勤为赋十样蛮牋纹错绮粲珠玑渊掷惊风雨重唤酒共花语

### 前调【赋滕王阁】 辛弃疾

高阁临江渚访层城空余旧迹黯然怀古画栋珠帘当日事不见朝云暮雨但遗下西山南浦天宇修眉浮新绿映悠悠潭影痕如故空有恨奈何许 王郎健笔夸翹楚到如今落霞孤鹜竞传佳句物换星移知几度梦想珠歌翠舞为徙倚阑干凝伫目断平芜沧波晚快江风一瞬澄襟暑谁共饮有诗侣

### 前调【赋琵琶】 辛弃疾

凤尾龙香拨自开元霓裳曲罢几番风月最苦浔阳江头客画舸亭亭待发记出塞黄云堆雪马上离愁三万里望昭阳宫殿孤鸿没弦解语恨难说 辽阳驿使音尘绝琐窗寒轻拢慢捻泪珠盈睫推手含情还却手一抹梁州哀彻千古事云飞烟灭贺老定场无消息想沉香亭北繁华歇弹到此为呜咽

### 前调 辛弃疾

柳暗凌波路送春归猛风暴雨一番新绿千里潇湘葡萄涨人解扁舟欲去有樯燕留人相语艇子飞来生尘步唾花寒唱我新翻句波似箭催鸣橹 黄陵祠下山无数听湘娥泠泠曲罢为谁情苦行到东吴春已暮江阔潮平稳渡望金雀觚棱翔舞前度刘郎今重到问玄都千树花存否愁为倩么弦诉

前调【别陈同父闻笛有感】 辛弃疾

把酒长亭说看渊明风流酷似卧龙诸葛何处飞来林间鹊蹙蹋松梢残雪要破帽多添华发  
剩水残山无态度被疎梅料理成风月两三鴈也萧瑟佳人重约还轻别怅清江天寒不渡水  
深冰合路断车轮生四角此地行人销骨问谁使君来愁絶铸就而今相思错料当初费尽人  
间铁长夜笛莫吹裂

前调【三山雨中有怀赵丞相】 辛弃疾

翠浪吞平野挽天河谁来照影卧龙山下烟雨偏宜晴更好约略西施未嫁待细把江山图画  
千顷光中堆灩澦似扁舟欲下瞿塘马中有句浩难写诗人例入西湖社记风流重来手种绿  
成陰也陌上游人夸故国十里水晶台榭更复道横空清夜粉黛中洲歌妙曲问当年鱼鸟无  
存者堂上燕又长夏

前调 辛弃疾

觅句如东野想钱塘风流处士水仙祠下更忆小孤烟浪里望断彭郎欲嫁是一色空蒙难画  
谁解胸中吞云梦试呼来草赋看司马须更把上林写鷄豚旧日渔樵社问先生带湖春涨几  
时归也为爱瑤璿三万顷正卧水亭烟榭对玉塔潏潏深夜鴈鹜如云休报事被诗逢敌手皆  
勍者春草梦也宜夏

前调 辛弃疾

碧海成桑野笑人间江翻平陆水云高下自是三山顏色好更看雨婚姻嫁料未必龙眠能画  
拟向诗人求幼妇倩诸君妙手皆谈马须进酒为陶写回头鸥鹭瓢泉社莫吟诗莫抛尊酒是  
吾盟也千骑而今遮白髮忘却沧浪亭榭但记得灞陵呵夜我辈从来文字饮怕壮怀激烈须  
歌者蝉噪也绿陰夏

前调【题傅君用山园】 辛弃疾

曾与东山约为儵鱼从容分得清泉一勺堪笑高人读书处多少松牕竹阁甚长被游人占却  
万卷何言达时用土方穷早与人同乐新种得几花药山头怪石蹲秋鹞俯人间尘埃野马孤  
撑高攬拄杖危亭扶未到已觉云生两脚更换却朝来毛发此地千年曾物化莫呼猿且自多  
招鹤吾亦有一丘壑

前调【题赵晋臣敷文积翠巖】 辛弃疾

拄杖重来约到东风洞庭张乐满空箫勺巨海拔犀头角出束向北山高阁尚依旧争前又却  
老我伤怀登临际问何方可以平哀乐惟是酒万金药劝君且作横空鹞更休论人间腥腐纷

纷鸟攫九万里风斯在下翻覆云头雨脚快直上崑仑濯发好卧长虹陂千里是谁言听取双黄鹤携翠影浸云壑

前调【韩仲止判院见访用前韵】 辛弃疾

听我三章约有谈功谈名者舞谈经深勺作赋相如亲涤器识字子云投阁算枉把精神费却此会不如公荣者莫呼来政尔妨人乐医俗士苦无药当年衆鸟看孤鹗意飘然横空直把曹吞刘攫老我山中谁是伴须信穷愁有脚似翦尽还生僧发自断此生天休问倩何人说与乘轩鹤吾有志在丘壑

前调【独坐停云有怀亲友】 辛弃疾

甚矣吾衰矣怅平生交游零落只今余几白发空垂三千丈一笑人间万事问何物能令公喜我见青山多妩媚料青山见我应如是情与貌略相似一尊搔首东窗里想渊明停云诗就此时风味江左沉酣求名者岂识浊醪妙理回首叫云飞风起不恨古人吾不见恨古人不见吾狂耳知我者二三子

前调【题悠然阁】 辛弃疾

路入门前柳到君家悠然细说渊明重九晚岁凄其无诸葛惟有黄花入手更风雨东篱依旧频顾南山高如许是先生拄杖归来後山不记何年有是中不减匡庐秀倩西风为吾唤起翁能来否鸟倦飞还平林去云自无心出岫賸准备新诗几首欲辨忘言当年意慨遥遥我去羲农久天下事可无酒

前调【用前韵再赋】 辛弃疾

肘後俄生柳叹人生不如意事十常八九右手淋漓才有用闲却持螯左手漫赢得伤今感旧投阁先生惟寂寞笑是非不了身前後持此语问乌有青山幸自重重秀问新来萧萧木落可堪秋否总被西风都瘦损依旧千岩万岫把万事无言搔首翁比渠侬人谁好是我常与我周旋久寧作我一杯酒

前调【和徐斯远下第】 辛弃疾

逸气轩眉宇似王良轻车熟路骅骝欲舞我觉君非池中物咫尺蛟龙云雨时与命犹须天赋兰佩芳菲无人问叹灵均欲向重华诉空郁郁共谁语儿曹不料扬雄赋怪当年甘泉误说青葱玉树风引船回沧溟阔目断三山伊阻但笑指吾庐何许门外苍官三百辈尽堂堂八尺须髯古谁载我带湖去

前调 游次公

斗柄回秋律素蟾飞冰霜万里满川金碧得月偏多何处是惟有桥东第一正野迴西风寒寂  
丹桂婆娑疎影在想微瑕未累千金璧河汉远澹无迹知君有句酬佳夕尽高歌胡牀自倚露  
溥珠溢坐到参横星欲闇隐隐天低似笠但络纬悲啼催织吟咏凄凉翻有恨凉知音又远空  
追忆谁为置郑庄驿

### 前调 游次公

暖霭浮晴簾锁垂杨笼池罩阁万丝千缕池上晓光分宿雾日近羣芳易吐寻并蒂阑干凝竚  
不信钗头飞凤去但宝刀被妾还留住天一笑万花妒阿娇正好金屋贮正西风易得萧疎扇  
鸾尘土一自昭阳扃玉户墙角土花无数况多病堪伤幽素别院时闻箫鼓奏望红云冉冉知  
何处天尺五去无路

### 前调【中秋】 京 镗

试与嫦娥语问因何年年此夜月明如许万顷熔成银世界是处玉壶风露又岂比寻常三五  
变化乾坤同一色觉星躔斗柄皆回互须教我共分付平生脚踢红尘处漫纷纷鸡虫厚薄燕  
鸿来去只有婵娟多情在依旧当时雅素空自叹归心难住留取清光岷江畔照扁舟送我章  
江路频引满莫匆遽

### 前调 袁去华

晓色明窗绮耿残灯寒生翠幙鸟啼人起一夜西园新雨过细草闲花似洗漾阑影柳塘春水  
闲昼双飞归来燕正东风漫漫吹桃李还是个闷天气回廊小院帘垂地想连天芳草萋迷短  
长亭际愁到春来依然在旧事浑如梦里又生怕人惊憔悴楼上人家吹长笛向曲中说尽相  
思意三弄处寸心碎

### 前调【郁孤台】 刘克庄

絶顶规危榭跨高寒鸟飞不过云生其下斤斲无声人按堵翕忽青红变化览城郭山川如画  
阁老凤楼修造手笑谭间突出凌云厦台上景买无价唾壶麈尾登临暇似当年文章太守欧  
阳公也倾倒赣江供砚滴判断雪天月夜更唤取邹枚司马铜雀凌歊歌舞罢访残甃断甃无  
存者余翰墨被风雅

### 前调【芍药】 刘克庄

一梦扬州事画堂深金瓶万朵元戎高会座上祥云层层起不减洛中姚魏叹别後关山迢递  
国色天香何处在想东风犹忆狂书记惊岁月一弹指数枝清晓烦驰骑向小窗依稀重见芜  
城佳丽料得花怜依消瘦依亦怜花憔悴漫怅望竹西歌吹老矣应无骑鹤日但春衫点点当  
时泪那更有旧情味

前调【端午】 刘克庄

深院榴花吐画帘开彩衣纨扇午风清暑儿女纷纷新结束时样钗符艾虎早已有游人观渡  
老大逢场慵作戏任白头年少争旗鼓溪雨急浪花舞灵均标致高如许忆生平既纫兰佩又  
怀椒醑谁信骚魂千载後波底垂涎角黍又说是蛟馋龙怒把似而今醒到了料当年醉死差  
无苦聊一笑吊今古

前调【九日】 刘克庄

湛湛长空墨更那堪斜风细雨乱山如织老眼平生空四海赖有高楼百尺看浩荡千崖秋色  
白发书生神州泪尽凄凉不向牛山滴追往事去无迹少时自负凌云笔到如今春华落尽满  
怀萧瑟常恨世人新意少爱说南朝狂客把破帽年年拈出若对黄花辜负酒怕黄花也笑人  
岑寂鸿北去日西匿

前调【游水东周园】 刘克庄

溪上收残雨倚危阑薄繻乍脱日陰亭午闹市不知春色处散在荒园废墅渐小白长红无数  
客子虽非河阳令也随缘暂作莺花主那可负杯中醑碧云四合千岩暮恨匆匆余方有事子  
姑归去趁取羣芳未摇落暇日提鱼就煮叹激电光陰如许回首明年何处在问桃花尚记刘  
郎否公莫笑醉中语

前调【郡会闻妓歌有感】 刘克庄

妾出於微贱少年时朱弦弹絶玉笙吹徧羸识诗家关雎乱羞学流莺百啭總不涉闺情春怨  
谁向西邻公子说要珠鞍迎入梨花院身未动意先嬾主家十二楼连苑那人人靓妆按曲绣  
帘初卷道是华堂箫管唱笑杀街坊拍袞回首望侯门天远我有平生离鸾操颇哀而不愠微  
而婉聊一奏更三叹

前调【端午】 刘克庄

思远楼前路望平堤十里湖光画船无数緑盖盈盈红粉面叶底荷花解语鬪巧结同心双缕  
尚有经年离别恨一丝丝總是相思处相见也又重午清江旧事传荆楚叹人情千载如新尚  
沉菰黍且尽尊前今日醉谁肯独醒吊古泛几盏菖蒲绿醑两两龙舟争竞渡奈珠帘暮卷西  
山雨看未足怎归去

前调 刘克庄

动地东风起画桥西绕溪桑柘漫山桃李寂寂墙陰苍苔路犹印前回屐齿惊岁月飈驰云驶  
太息攀翻长亭树是先生手种今如此君不乐欲何俟傍人错会渊明意笑斯翁皇皇汲汲登

山临水佳处径呼篮舆去髣髴柴桑栗里从我者门生儿子尝试平章先贤传屈原醒不似刘伶醉判酩酊卧花底

前调【送赵伯泳侍郎守温陵】 王 迈

忆昔同时召正青山亲提玉尺量材廊庙当日班行比元佑北玉西珠照耀一转首宫商移调君自乌台登骑省觉精神风采增佳峭数贤者一不肖酒酣耳热惟长啸便翩翩辍班荷橐一麾闽峤堪笑狂生无用处垂老云耕月钓这富贵非由人要畴昔评君如玉雪好翛然琴鹤风尘表清献後又有赵

前调【守邵武宴同官】 王 迈

此是河清宴觉朝来薰风满入生绡团扇太守愁眉才一展且喜街头米贱也莫管官租难办遶砌苔钱无限数更莲池雨过珠零乱尽买得凌波面家山乐事真堪羨记年时荔支新熟荷笛齐劝底事来寻焦鹿梦赢得乾忙似箭笑富贵多如邮传做了丰年还百姓便蓴鲈归兴催张翰看卿等上霄汉

前调【呈刘後村】 王 迈

出了罗浮洞有多情梅花雪片殷勤相送见说翛然琴鹤外诗压牛腰较重又管甚羣儿嘲弄岭海三年持翠节料无时不作家山梦驰玉勒归金凤一门朱紫环昆仲看阶庭森森兰玉慈顔欢动宰相时来须着做且舞莱衣传奉却不信大材难用时事烦多人物少便中兴谁办浯溪颂更大厦要梁栋

前调 于国宝

梦里骖黄鹤觉三山依然不远海风吹落浮到五湖烟水上刚被梅花醉着粲玉树轻明疎薄千万琼琚天女队捧冰壶玉液琉璃杓来伴我荐清酌恍然梦断殊非昨问溪边竹外新来为谁开却无限冰魂招不得拟把离骚唤觉待抖擞红尘双脚万里瑶台终一到想玉奴不负东风约留此恨寄残角

前调 张 鎡

看了梅花去要东风攀翻看雪与君同赋海内从来天际远一笑平窥万古待翦尽烛花红吐久矣南湖无此客似乔松万丈凌霄举飞咳唾埽尘土承平气象森眉宇想天家骖鸾洞里细烟凝雾我亦秦关归未得谁念干将醉抚判良夜倚横冠屨莫叹潇湘居尚远拥戎钲万骑鸣笳鼓云正锁汴京路

前调【题吴江】 刘 儗

重唤松江渡叹垂虹亭下销磨几番今古依旧四桥风景在为问坡仙甚处但遗爱沙边鸥鹭  
天水相连苍茫外更碧云去尽山无数潮正落日还暮十年到此长凝竚恨无人与共秋风鱸  
丝蓴缕小转朱弦弹九奏拟致湘妃伴侣俄皓月飞来烟渚恍若乘槎河汉上怕客星犯斗蛟  
龙怒歌欸乃过江去

前调【洪守席上咏牡丹】 刘 儼

翠盖笼娇面记当年沉香亭北醉中曾见见了风流倾国艳红紫纷纷过眼算好处何嫌春晚  
谁把天香和晓露倩东风特地匀芳脸千万朵一时偏隔花听取提壶劝道此花过了春归蝶  
愁莺怨挽住东君须醉倒花底不妨留恋待唤取笙歌一片最爱就中红一朵似状元得意春  
风殿还惹起少年恨

前调【壽王简卿】 刘 儼

小队停钲鼓向沙边柳下维舟庆公初度平尽羣蛮方易镇此事多应有数奈自古功成人妒  
君看乐羊中山役任谤书盈篋终无据千载下竟谁与诗中带得西山雨指天台鴈荡归与壽  
乡深处缓急朝廷须公出更作中流砥柱笑痴騃纷纷儿女多少人间不平事有皇天老眼能  
区处挥玉笋听金缕

前调【贈建康郑玉脱籍】 刘 儼

郑玉非娼女叹尘缘未了飘零被春留住肠断臙脂坡下路成甚心情意绪生怕入梨园歌舞  
寂寞阳台云雨散算人间谁是吹箫侣空买断两眉聚新来镜里惊如许暗伤怀莺老花残几  
番春暮事逐孤鸿都已往日落千山杜宇念修竹天寒何处不念琐窗并绣户妾从前命薄甘  
荆布谁为作解绦主

前调【壽李端明】 程 垓

袖手云溪畔看人间饥乌腐鼠触蛮交战便得金鱼垂玉带多少雌黄点勘算此语必非河汉  
直自弹冠班八座更青春数到期颐算一段玉无瑕玷公难学处尤堪羨似泠泠秋水澄泓体  
清形健出处从来高一着那肯随人脚转要须是乾坤清晏天意未教公猛去要都俞了却从  
公便歌寿笋珠帘卷

前调【石城吊古】 王千秋

吊古城头去正高秋霜晴木落路通洲渚欲问紫髯分鼎事只有荒祠烟宇巫覡去久无箫鼓  
霸业荒凉遗堞坠但苍崖日阅征飈渡兴与废几今古夕阳细草空凝竚试追思当时子敬用  
心良误要约刘郎铜雀醉底事遽争荆楚遂但见蜀吴烽举致使五官伸脚睡唤诸儿昼取长  
陵土遗此恨欲谁语

前调【怀辛幼安】 陈亮

话杀浑闲说不成教齐民也解为伊爲葛尊酒相逢成二老却忆去年风雪新着了几茎华髮  
百世寻人犹接踵叹只今两地三人月写旧恨向瑶瑟 男儿何用伤离别况古来几番际会风  
从云合千里情亲长晤对妙体本心次骨卧百尺高楼斗絶天下适安耕且老看买犁卖劒平  
家铁壮士泪肺肝裂

前调 刘过

弹铗西来路记匆匆经行数日几番风雨梦里寻秋秋不见秋在平芜远渚想鴈信家山何处  
万里西风吹客髮把菱花自笑人憔悴留不住少年去 男儿事业无凭据记当年击筑悲歌酒  
酣箕踞腰下光芒三尺劒时解挑灯夜语更忍对灯花弹泪唤起杜陵风雨手写江东渭北相  
思句歌此恨慰羁旅

前调【赠乡人朱唐卿】 刘过

多病刘郎瘦最伤心天寒岁晚客他鄉久大舸翩翩何许至元是高阳旧友便一笑相欢携手  
与问武昌城下月又何如扬子江头柳追往事两眉皱 烛花自翦明如昼唤青娥小红楼上殷  
勤劝酒昵昵琵琶恩怨语春笋轻笼翠袖看舞彻金钗微溜若见故乡吾父老道长安市上强  
如旧重会面几时又

前调【赠张彦功】 刘过

晓印霜花步梦半醒扶上雕鞍马嘶人去岚湿青丝双辔冷暖控野梅江路听画角吹残更鼓  
悲壮寒声撩客恨甚貂裘重拥愁无数霜月白照离緒 青楼回首家何处早山遥水阔天低断  
肠烟树谁念天涯牢落况轻负暖烟浓雨记酒醒香销时语客里归鞚须早发怕天寒风急相  
思苦应看我翠眉聚

前调【西湖】 刘过

睡觉啼莺晓醉西湖两峰日日买花簪帽去尽酒徒无人问惟有玉山自倒任拍手儿童大笑  
一舸乘风翩然去避鱼龙不见波声峭歌韵远唤苏小 神仙路远蓬莱岛紫云深参差禁树有  
烟花遶人世红尘西嶂日百计不如归好付乐事与他年少费尽柳金梨雪句问沉香亭北何  
时召心未惬髮先老

前调 刘过

院宇重重掩醉沉沉亭陰转午绣帘高卷金鸭香浓喷宝篆惊起雕梁语燕正架上荼蘼开遍  
嫩萼梢头舒素脸似月娥初试宫妆浅风力嫩异香软 佳人无意拈鍼线遶朱阑六曲徘徊为



他留恋试把芳心轻轻数暗计归期近远奈数了依然重怨把酒问春春不管枉教人只恁空  
肠断肠断处怎消遣

前调【赋赠老娼】 刘 过

老去相如倦向文君说似而今怎生消遣衣袂京尘曾染处空有香红尚软料彼此魂消肠断  
一枕新凉眠客舍听梧桐疎雨秋风颤灯晕冷记初见 楼低不放珠帘卷晚妆残翠蛾狼藉泪  
痕流脸人道愁来须殢酒无奈愁深酒浅但托意焦琴纨扇莫鼓琵琶江上曲怕荻花枫叶俱  
凄怨云万叠寸心远

前调 杨 炎

十日狂风雨埽园林红香万点送春归去独有荼蘼开未到留得一分春住早杨柳趁晴飞絮  
可奈暖埃欺昼永试薄罗衫子轻如雾惊旧恨到眉宇 东风台榭知何处问燕莺如今尚有春  
光几许可煞一年游赏倦放得无情露溼为换取扇歌裙舞乞得风光还两眼待为君满把金  
杯举扶醉玉伴挥麈

前调【别冯可久】 张 辑

笛唤春风起向湖边腊前折柳问君何意孤负梅花立晴昼一舸凄凉雪底但小阁琴棋而已  
佳客清朝留不住为匡庐只在家牕里湓浦去两程耳 草堂旧日谈经地更从容南山北水庾  
楼重倚万卷心胸几今古牛斗多年紫气正江上风寒如此且趁霜天鲈鱼好把貂裘换酒长  
安市明夜去月千里

前调【次岳总干韵】 黄 机

击碎珊瑚树为留春怕春欲去驶如风雨春不留兮君休问付与流莺自语但莫赋绿波南浦  
世上功名花梢露政何如一笑翻金缕系白日莫教暮 苍头引马城西路趁池亭荻芽尚短梅  
心未苦小雨欲晴晴不定漠漠云飞轻絮算行乐春来几度鞭影不摇鞍小据过横塘试把前  
山数双白鹭忽飞去

前调【次徐斯远韵寄稼轩】 黄 机

兴废元同宇唤君来浮君大白为君起舞洒满斑斑功名泪百岁风吹急雨愁与恨凭谁分付  
醉里狂歌空漫触且休歌只倩琵琶诉人不语弦自语 诗成更倩君同赋渺楼头烟迷碧草云  
连芳树草树那能知人意怅望关河梦阻有心事牋天天许绣帽轻裘真男子政何须纸上分  
今古未办得赋归去

御选历代诗余卷九十四

# 卷九十五

<集部,词曲类,词选之属,御选历代诗余

钦定四库全书

御选历代诗余卷九十五目錄【一百十六字】

贺新郎【中】

刘鎮

李泳

戴复古

宋自逊【三首】

严仁【三首】

赵善扛

毛幵

洪咨夔【二首】

卢祖皋【二首】

高观国

刘方叔

李刘

韩淲【二首】

汪莘【三首】

吴潜【六首】

李昉英

赵以夫

方岳【四首】

张榘

冯取洽【四首】

陈以庄

卢炳

黄昇【四首】

吴文英【三首】

蒋捷【八首】

御选历代诗余卷九十五目录

钦定四库全书

御选历代诗余卷九十五【一百十六字】

司经局洗马掌局事兼翰林院修撰加二级【臣】王奕清奉旨校刊

贺新郎【中】

贺新郎【题王守西湖书院】 刘 镇

云澹天垂野望晴郊疎烟半卷断虹低跨老树连陰藏远景十里湖光照夜看不尽真山图画  
春满轩窓无着处更银蟾冷浸鸳鸯瓦人共境转幽雅 文章太守归来也似当年和靖风流小  
孤山下问讯佩兰餐菊友曾约梅兄入社待付与竹牖陶写尘外闲寻行乐地任傍人歌舞喧  
台榭诗世界有王谢

前调【感旧】 李 泳

门掩长安道卷重帘垂杨散暑嫩凉生草午梦惊回庭陰翠蝶舞莺吟未了正露冷芙蓉池沼  
金鴈尘昏么弦断理余音尚想腰支袅欢渐远思还绕 临皋望极沧

江渺晚潮平湘烟万顷断虹残照彩舫凌波分飞後别浦菱花自老问锦鲤何时重到楼迴层  
城看不见对潇潇暮雨怜芳草幽恨阔楚天杳

前调【寄丰宅之】 戴复古

忆把金罍酒叹别来光陰荏苒江湖旧友世事不堪频着眼赢得两眉长皱但东望故人翘首  
木落山空天远大送飞鸿北去伤情久天下事公知否 钱塘风月西湖柳渡江来百年机会从  
前未有唤起东山丘壑梦莫惜风霜老手要整顿封疆如旧早晚枢庭开幙府是英雄尽为公  
奔走看金印大如斗

前调【七夕】 宋自逊

灵鹊桥初就记迢迢重湖风浪去年时候岁月不留人易老万事茫茫宇宙但独对西风搔首  
巧拙岂关今夕事奈痴儿騃女流传谬添话柄柳州柳 道人识破灰心久只好风凉月佳时疎  
狂如旧休笑双星经岁别人到中年已後云雨梦可能常有雪藕调冰花熏茗正梧桐雨过新  
凉透且随分一杯酒

前调【括东坡後赤壁赋】 宋自逊

步自雪堂去望临皋将归二客从余遵路木叶萧萧霜露降仰见天高月吐共对影行歌频顾  
月白风清如此夜叹无肴有酒成虚度闻薄暮网罾举 归而斗酒谋诸妇便携鳞载酒相从旧  
追游处断?横江寻赤壁不复江山如故但放舟中流容与客去冥然方就睡梦蹁跹羽衣揖余  
语相顾笑遂惊寤

前调【题雪堂】 宋自逊

唤起东坡老问雪堂几番兴废斜阳衰草一月有钱三十块何苦抽身不早又底用北门摘藻  
儋耳蛮烟添老色和陶诗翻被渊明恼到底是忘言好 周郎英发人间少漫依然乌鹄南飞山  
高月小岁月堂堂留不住此世何时是了算不满英雄一笑我有丰淮千斗酒把新愁旧恨都  
倾倒三弄笛楚天晓

前调【寄上官伟长】 严 仁

兰芷湘东国正愁予一江红叶水程孤驿欲写潇湘无限意那得如椽彩笔但满眼西风萧瑟

我所思兮何处所在  
顰津津上沧湾侧  
谁氏子阆风客  
阆风仙客才无敌  
赋悲秋抑扬顿挫  
淋漓沉郁百赋千诗  
朝复暮解道  
波涛春力忆共尔乘槎吹笛  
八表神游  
吾梦见渺洞庭青草烟波隔空怅望楚天碧

#### 前调【清浪轩送春】 严仁

碧浪摇春渚浸虚檐  
葡萄滉漾翠绡掀舞  
透曲经过台下路  
载取落花东去  
问花亦漂流良苦  
花不能言应有恨  
恨十分都被春风误  
同此恨有飞絮  
人生聚散原无据  
尽凭阑一尊相对  
苹洲春暮  
嫉色冲冲空怅望  
泪尽世间儿女君不见  
千金求赋飞燕婕妤  
今何在看黏云江影伤  
千古流不去断魂处

#### 前调【送杜子野赴省】 严仁

说到城南杜  
尽风流至今人号去  
天尺五家世联翩  
苍玉佩自有文章机杼  
看鸾凤九霄轩翥  
文阵堂堂新得隼  
正少年壮气虹霓吐  
拈彩笔月城去  
出关相送梅千树  
雪连空马蹄特特晓  
寒人度帝里春浓  
花似海吹入明光奏赋  
须快展亨衢阔步  
随世功名真漫浪  
要平生所学期无负  
须记得别时语

#### 前调 赵善扛

昼永重帘卷  
乍池塘一番过雨  
芰荷初展竹引新梢  
半含粉绿扶疎满院  
过花絮蜂稀蝶嬾  
户沉沉人不到  
伴清幽时有流莺  
啭凝思久意何限  
玉钗坠枕风鬟颤  
湛虚堂壶冰莹彻  
簟波零乱  
自是仙姿清无暑  
月影空垂素扇破  
午睡香销余篆一枕  
湖山千里梦正白苹  
烟棹归来晚云弄碧  
楚天远

#### 前调 毛幵

风雨连朝夕最惊心  
春光晚晚又过寒食  
落尽一番新桃李  
芳草南园似积  
但燕子归来幽寂  
况是单栖饶惆怅  
尽无聊有梦寒犹力  
春意远恨虚掷  
东君自是人间客  
暂时来匆匆却去  
为谁留得走马插花  
当年事池畹空余旧迹  
奈老去流光堪惜  
杳隔天涯人千里  
念无凭为寄长相忆  
回首处暮云碧

#### 前调【咏梅二首用甄龙友韵】 洪咨夔

放了孤山鹤  
向西湖问讯  
水边嫩寒篱落  
试粉盈盈微见面  
一点芳心先着  
正日暮烟轻云薄  
欲揽清香和月咽  
倩冯夷为洗黄金杓  
花向我劝多酌  
单于吹彻今成昨  
未甘渠琢玉为堂把  
春留却倚偏黄昏栏  
十二知被儿曹先觉  
更笑煞卢仝赤脚  
但得东风先在手  
管绿阴好践青青约  
方寸事两眉角

前调 洪咨夔

谁识昂昂鹤且随缘剩水残山东邨西落世事几番新局面看底却高三着况转首西山日薄  
雪意压檐梅索笑任柄长柄短邻家杓斲小瓮动孤酌见花忆得年时昨正微醺独步黄昏被  
花迷却冷月吹香春弄影么凤梢头先觉恍梦断罗浮山脚欲寄心期无驿使想凌寒不奈腰  
肢约空凭暖画阑角

前调【赋三高祠前钓雪亭】 卢祖皋

挽住风前柳问鸱夷当日扁舟近曾来否月落潮生无限事零落茶烟未久漫留得蓴鲈依旧  
可是功名从来误抚荒祠谁继风流後今古恨一搔首江涵鴈影梅花瘦四无尘雪飞云冻夜  
牕如昼万里乾坤清絶处付与渔翁钓叟又恰是题诗时候猛拍阑干呼鸥鹭道他年我亦垂  
纶手飞过我共尊酒

前调【姑苏台观雪】 卢祖皋

十顷涵空碧画图中峥嵘幻玉乱零吹壁倚徧危阑吟不尽把酒风前?幘记当日西湖为客谁  
翦吴淞江上水笑乾坤奇事成儿剧还照我夜牕白崇台目断清无极引枝筇琼瑶步软印登  
临屐娃馆娉婷知何在泪粉愁浓恨积故化作飞花狼藉旧事悠悠浑莫问有玉蟾醉里曾相  
识聊伴我夜吹笛

前调【赋梅】 高观国

月冷霜袍拥见一枝年华又晚粉愁香冻云隔溪桥人不度的皦春心未纵清影怕寒波摇动  
更没纤毫尘俗态倚高情预得春风宠沉冻蝶挂么凤一杯正要吴姬捧想见那揉酥弄白暗  
香偷送回首罗浮今在否寂寞烟迷翠壠又争奈桓伊三弄开徧西湖春意烂算羣花正作江  
山梦吟思怯暮云重

前调【端午】 刘方叔

翠葆摇新竹正榴花枝头叶底鬬红争绿谁在纱牕停鍼线闲理竹西旧曲又还是兰汤新浴  
手弄合欢双彩索笑偎人福壽低相祝金凤鞦艾花矗龙舟嚙水飞相逐记当年怀沙旧恨至  
今遗俗雨过平芜凉天阔画鷁凌波昼簇沸十里笙歌声续好是蟾鉤随归棹任欢呼船重成  
颓玉犹未忍罩银烛

前调 李刘

鹄立通明殿又重逢揆余初度梦庚华且不学花奴簪红槿且看秋香宜晚任甲子重新更换  
天欲东都修车马故降神生甫维周翰歌崧岳咏江汉明堂歌舞夷琛献引星辰万人共听风

尘长算清昼山东诸将捷席卷黄河两?问谁在玉皇香案师保万民功业在向西京原庙行圭  
瓚定郊廓卜瀍涧

前调 韩 滉

病起情怀恶小帘栊杨花坠絮木阴成幄试问春光今几许都把年华忘却更多多少从前盟约  
拟待莺边寻好语恍残红零乱风回薄思往事信如昨 清明寒食须行乐算人生何时富贵自  
徒萧索试着春衫从酒伴乱插繁英嫩萼信莫被功名担阁随分溪山供笑傲任一身闲处谁  
能缚琴劒外尽杯酌

前调【小园梅枝微红点缀】 韩 滉

梅蕊依稀矣岁华深邈然但把杖藜闲倚山遶荒林红叶下落日孤城烟水意兴寄云何则是  
底事疎枝横絶峭未吹香便与花相似不忍折为之喜 寒鸦万点霜风起正人家园收芋栗小  
槽初美欲醉阿谁同一饮欲赋才成又止老态度浑侵发齿摸索孤根春在否任红红白白闲  
桃李空烂漫岂能尔

前调【感秋采楚词赋此】 汪 莘

去郢频回首正横江荻桡容与兰旌悠久怅望龙门都不见似把长楸孤负念往日佳人为偶  
独向芳洲相思处采苹花杜若空盈手乘赤豹谁来後 云中眼界穷高厚览山川冀州还在陶  
唐何有木叶纷纷秋风晚缥缈潇湘左右见帝子冰魂相守应记挥弦相对日酌一杯太乙东  
皇酒问此意君知否

前调【寄刘闾风祭酒】 汪 莘

晓趁西湖约到湖头烟消日出波生两脚日挈白鱼携碧酒要与诗人共酌把楼上珠帘卷却  
坐对荷花三万朵念西邻未嫁肌如削待折与不堪着 别来又见秋萧索恨无由将余风月伴  
君猿鹤相见登山临水处醉把茱萸盘礴唱白雪阳春新作忆自东篱人去後算人间黄菊空  
零落叹作者多命薄

前调 汪 莘

策杖南山去到南溪谁家宅院欺人先渡羽扇徐麾僮仆退翠柳白沙西路帝赐我闾风玄圃  
一片飞来红叶阔细看来上有双鸾句应念我尘中住 眼前儿女闲相语怪人间禁烟时节安  
排尊俎为道从来寒食好且莫思量今古共绿水春风鸥鹭望我壶天天未晚计碧桃花发闲  
庭户归到也对花舞

前调【次韵送郑宗丞】 吴 潜

又是春残去倚东风寒云澹日堕红飘絮燕社鸿秋人不问尽管吴笙越鼓但短发星星无数  
万事惟消彭泽醉也何妨袖卷长沙舞身与世只如许 阑干拍手闲情绪便终朝苍烟白鹭北  
山南浦笑指午桥桥畔路帘幙深深院宇尚趁得柳烟花雾我亦故山猿鹤怨问何时归棹双  
溪渚歌一曲恨千缕

### 前调【寄赵南仲】 吴潜

烟树瓜州望旌旗猎猎遥空故人天远不似沙鸥飞得渡直到雕鞍侧畔但徙倚危阑目断自  
古锺情须我辈况人间万事思量徧涛似雪风如箭 扬州十里珠帘卷想桃根桃叶依稀旧家  
庭院谁把青红吹到眼知有醉翁局段便回首舟移帆转渺渺江波愁未了正淮山日暮云撩  
乱阁酒盏倚歌扇

### 前调 吴潜

笑口开能几把年年芳情冶思总抛闲里桃杏枝头春才半寒食清明又是但岁月飚飞川逝  
回首秦楼双燕语到如今日断斜阳外将往事试重记 香罗尚有相思泪笑人生新愁易积旧  
欢难继水上流红无觅处还隔关山万里但赢得新来憔悴昨夜东风颠狂後想余芳尽是飘  
零底词写就倩谁寄

### 前调【赠□妓唐玉】 吴潜

可意人如玉小帘枕轻匀澹注道家妆束长恨春归无寻处全在波明黛绿看冶叶倡条浑俗  
比似江梅清有韵更临风对月斜依竹看不足咏不足 曲屏半掩春山簇正轻寒夜深花睡半  
敲残烛缥缈九霞光里梦香在衣裳臄馥又只恐铜壶声促试问送人归去後对一窗花影垂  
金粟肠易断情难续

### 前调【送吴侍郎】 吴潜

说着成凄楚正尘飞岷峨灩澦兔嗥狐舞颇牧禁中留不住弹压征西幕府便一舸月汀烟渚  
四塞三关天样险问何人自辟隄隄路成败事几今古 荼蘼芍药春将暮最无情飘零柳絮搅  
人离緒屈指秋风吹鴈信应忆西湖夜雨漫岁月消磨如许上下四方男子志肯临岐昵昵儿  
曹语呼大白为君举

### 前调【沧浪亭和梦遶韵】 吴潜

扑尽征衫气小夷犹尊罍杖屨蹋开花事邂逅山翁行乐处何似乌衣旧里叹荒草舞台歌地  
百岁光阴如梦断算古今兴废都如此何用洒儿曹泪 江南自有渔樵队想家山猿愁鹤怨问  
人归未寄语寒梅休放尽留取三花两蕊待老子领些春意皎皎风流心自许尽何妨瘦影横  
斜水烦翠羽伴醒醉



前调【赋菊】 李昴英

细雨黄花悦是天教开遇重阳玉裁金屑老行要寻松竹伴雅爱山翁鬓雪任满插追陪节物  
惟有渊明吾臭味傍东篱盘礴芳丛撷便无酒也清絕 芒寒色正孤标洁惯平生餐霜饮露倚  
风迎月不比芙蓉偏妩媚不比茱萸太烈似隐者萧闲巖穴至老枝头犹健在笑纷纷红紫尘  
沙汨香耐久看晚节

前调【送郑宗丞】 赵以夫

载酒阳关去正西湖连天烟草满堤晴絮采翠撷芳游冶处应和娇弦艳鼓看柳外画船无数  
万顷琉璃浑镜净陡风波汹汹鱼龙舞谈笑里遽如许 流觴满引浇离绪便东西斜阳立马绿  
波南浦自是蓴鲈高兴动恰听春山杜宇漫回首软红香雾咫尺佳人千里隔望空江明月横  
洲渚清梦断恨如缕

前调【寄两吴尚书】 方岳

鴈向愁边落渺汀洲孤云细雨暮天寒角有美人兮山翠外谁共霜桥月壑想朋友春猿秋鹤  
竹屋一灯碁未了问人间局面如何着风雨後更商略 六州铁铸从头错笑归来冰鲈堪鱸雪  
螯堪嚼莫遣孤舟横浦溆也怕浪狂风恶且容把钓纶收却云外空山知何似料清寒只与梅  
花约逋老句底须作

前调【吴侍郎梦枯梅独秀】 方岳

霜月寒如洗问梅花经年何事尚迷烟水梦着翠霞寻好句新雪阑干独倚见竹外一枝黄蕊  
已占百花头上料诗情不但江山耳春已逗有佳思 一香吹动人间世奈何他丛篁低碧巧  
相亏蔽尽让春风凡草木便做云根月底但留取微酸滋味除却林逋无人识算岁寒只有天  
知己休弄玉怨迟滞

前调【戊戌生日用郑省仓韵】 方岳

问讯江南客怕秋崖苔荒诗屋云侵山屐留得钓竿西日手梦落鸥傍鹭侧倩传语溪翁将息  
四十飞腾斜暮景笑双蓬一嬾无他画惟饱饭散轻策 世间万事知何极问乾坤待谁整顿岂  
无豪杰水驿山邨还要我料理松风竹雪也不学草顛诗白自有春蓑黄犢在尽诸公宝马摇  
金勒容我辈醉云液

前调【生朝自匡庐归】 方岳

天意然乎否待相携风烟五亩招邀迂叟屋上青山花木野尽可两朋三友笑老子只堪碁酒  
似恁疎顽何为者向人前不解高叉手寧学圃种松韭 春猿秋鹤皆依旧怪吾今鬓已成丝胆

还如斗谁与庐山麾之去尔辈何留之有黯离緒暮江搔首非我督郵犹束带这一归便落渊  
明後君试问长亭柳

前调【送刘澄斋归京口】 张 槃

疋马鍾山路怅年来只解郵亭送人归去季子貂裘尘渐满犹是区区羈旅漫空有劒峰如故  
髀肉未消仪舌在向尊前莫洒英雄泪鞭未动酒频举 西风乱叶长安树叹离离荒宫废苑几  
番禾黍云栈萦紆今平步休说襄淮乐土但滚滚江涛东注世上岂无高卧者奈草庐烟锁无  
人顾賸此恨付金缕

前调【送别定轩】 冯取洽

梦折营门柳送君归鬪戏斑衣又拢征袖到得皇州风景异只有湖山似旧把感慨寓之杯酒  
雨抹晴妆西子样且平章?赋诗千首富与贵本来有 青油幕底筹攻守拥貔貅朝气凌云夜  
锋冲斗蜀祲淮氛犹在眼一掃政须健帚又何惜驱驰奔走快展韬铃资世用看归来金印悬  
双肘倾玉笋为亲壽

前调【谢黄玉林交游风月楼作】 冯取洽

自顾卑栖翼似沧洲白鸟悠悠静依拳石聊寄一梯云木表俯视雾虹千尺乐江上山间声色  
镜样清流环样绕笑赐湖一曲夸唐敕尘外趣有谁识 飞来妙墨痕犹湿走盘珠流出不火食  
人胸膈三叹阳春知和寡但觉光生虚室何处觅倚歌箫客他日玉林来得否待平分风月供  
吟笔添一友共闲逸

前调【咏菊和江定轩韵】 冯取洽

句里思黄九笑王郎不奈寒芳腰围如柳得似江郎饶雅趣时揽黄花诳口吐妙语与之争秀  
闲遶珍丛吟不尽尽风前露下桀桀瘦香自足岂劳鶼 一尊问我能同否叹双溪冷落篱边傲  
霜犹有浩唱云间金缕调兴发小槽珠酒待唤醒早春梅友独恨爱花人易老漫一年好景还  
依旧东望处立良久

前调【次玉林溪楼宴集韵】 冯取洽

二老交相访政不妨勃窣僂躄舍车而杖忆在蓉邨新雨过门外春流浩荡中有个列仙臞相  
把酒论诗饶胜韵更柳边花底同心赏临别句几回唱 忽传风驭来溪上遣儿曹策马郊迎老  
怀欣畅争讶金华佳父子飞下蓬萊崑閬有四士追随仙仗我爱君何如次道便令人直欲倾  
家酿歌妙曲郑声放

前调【和刘潛夫韵】 陈以庄

晓梦莺呼起便安排诗家厨传酒家行李点检花边新雨露春在万家生齿道官似锦溪清驶  
但使有人耕绿野正不妨鼓吹频来此方觅句且夷俟画桥西畔多春意记年年曾来几度落  
花流水行到水穷云起处依约辋川竹里兴未属王孙公子料想明年端门里有传柑宴罢黄  
封醉肯回首万杉底

#### 前调 卢炳

绿徧芳郊木早红褪香乾堪叹韶华瞬目薄幸东风缘底事得恁匆匆去速正永日初长晴淑  
尤忆夜来成梦处记分明浑似瑶台宿人语静燕双逐纱牕一炷沉烟馥淋浪剧饮高枕春  
醒草屋无计留春添怅望空写新词叠幅算负却照妆画烛欲说萦心些个事恐教人蹙损眉  
峰绿慵倚偏画阑曲

#### 前调【梅】 黄昇

自埽梅花下问梢头冷蕊疎疎几时开也间者阔焉今久矣多少幽怀欲写有谁是孤山流亚  
香月一联真絶唱与诗人千载为佳话余兴味付来者清癯不恋华亭榭待与君白发相亲竹  
篱茅舍喜甚今年无酒禁溜溜小槽压蔗已准拟雪天霜夜自醉自吟仍自笑任解冠落佩从  
嘲骂书此意寄同社

#### 前调【题冯熙之交游风月之楼】 黄昇

倦整摩天翼笑归来点画亭台按行泉石落落元龙湖海气更着高楼百尺收揽尽水光山色  
曾驾飈车蟾窟去几回批借月支风敕斯二者惯相识玲珑牕户青红湿夜深时寒光爽气洗  
清肝膈似此交游真洒落判与升堂入室有万象来为宾客不用笙歌轻点涴看似翁手搦虹  
霓笔吟思远两峰碧

#### 前调 黄昇

风送行春步渐行行山回路转入云深处问讯花梢春几许半在诗人杖屨点点是祥烟膏露  
中有瑶池千岁种整严妆来作巢仙侣相妩媚试凝竚风流座上挥谈麈更多情多才多调缓  
歌金缕趁取芳时同宴赏莫惜清尊缓举有明月随人归去从此一春须一到愿东君长与花  
为主泉共石闻斯语

#### 前调【菊】 黄昇

莫恨黄花瘦正秋林风霜摇落暮秋时候晚节相看元不恶采采东篱独秀试揽撷幽香盈手  
几刼修来方得到与渊明千载为知旧同冷淡比兰友柴桑心事君知否把人间功名富贵付  
之尘垢不肯折腰营口腹一笑归欤五柳怅此意而今安有若得风流如此老也何妨相对无  
杯酒诗自可了重九

前调【陪履斋沧浪看梅】 吴文英

乔木生云气访中兴英雄陈迹暗追前事战舰东风慳借便梦断神州故里旋小筑吴宫闲地  
华表月明归夜鹤叹当时花竹今如此枝上露溅清泪 遨头小簇行春队步苍苔寻幽别坞看  
梅开未重唱梅边新度曲催发寒梢冻蕊此心与东君同意後不如今今非昔两无言相对沧  
浪水怀此恨寄残醉

前调 吴文英

湖上芙蓉早向北山山深雾冷更看花好流水茫茫城下梦空指游仙路杳笑萝障云屏亲到  
雪玉肌肤春温夜饮湖光山绿成花貌临涧水弄清照 着愁不尽宫眉小听一声相思曲里赋  
情多少红日阑干鸳鸯枕那枉裙腰褪了算谁识垂杨枝袅不是秦楼无缘分点吴霜羞带簪  
花帽但殢酒任天晓

前调【为德清赵令君赋小垂虹】 吴文英

浪影龟纹绉蘸平烟青红半湿枕溪牕牖千尺晴虹慵卧水万叠罗屏拥绣漫几度吴船回首  
归鴈五湖应不到问苍茫钓雪人知否樵唱杳度深秀 重来趁得花时候记留连空山夜雨短  
亭春酒桃李新栽成蹊处尽是行人去後但东阁官梅清瘦欸乃一声山水绿燕无言风定垂  
帘昼寒正悄簪吟袖

前调【秋晓】 蒋捷

渺渺啼鸦了亘天寒生峭屿五湖秋晓竹几一灯人做梦嘶马谁行古道起搔首窥星多少  
月有微黄篱无影挂牵牛数朵青花小秋太淡添红枣 秋痕倚赖西风埽被西风翻催鬓鬢与  
秋俱老旧院隔霜帘不卷金粉屏边醉倒计无此中年怀抱万里江南吹箫恨恨参差白鴈横  
天杪烟未敛楚山杳

前调【约友三月旦饮】 蒋捷

鴈屿晴岚薄倚层屏千树高低粉纤红弱云隘东风藏不尽吹艳生香万壑又散入汀蘅洲药  
扰扰匆匆尘土面看歌莺舞燕逢春乐人共物知谁错 宝钗楼上围帘幙小婵娟双调弹箏半  
霄鸾鹤我辈中人无此分琴思诗情当却也胜似愁横眉角芳景三分才过二便绿陰门巷杨  
花落沽斗酒且同酌

前调【怀旧】 蒋捷

梦冷黄金屋叹秦箏斜鸿阵里素弦尘扑化作娇莺飞归去犹认纱牕旧绿正过雨荆桃如菽  
此恨难平君知否似琼台涌起弹碁局消瘦影嫌明烛 鸳楼泻碎东西玉问芳踪何时再展翠

钗难卜待把宫眉横云样描上生绡画幅怕不是新来妆束彩扇红牙今都在恨无人解听开元曲空掩袖倚修竹

### 前调 蒋捷

深阁帘垂绣记家人软语灯边笑涡红透万叠城头哀怨角吹落霜花满袖影厮伴东奔西走望断乡关知何处羨寒鸦到着黄昏後一点点归杨柳相看只有山如旧叹浮云本自无心也成苍狗明日枯荷包冷饭又过前头小阜趁未发且尝邨酒醉探柺囊毛锥在问邻翁要写牛经否翁不应但摇手

### 前调【题後院画像】 蒋捷

绿堕云垂领背琵琶盈盈裹手粉闲红靥依约春游归来倦又似春眠未醒灩寒泚低迷蓉影莺带声飞过也柳惺深尚记停鍼听魂浩荡孤芳景金钗断股瓶沉井问苏城香销卷子倩谁题咏灯晕青红残醉在小院屏昏帐暝误嗔怪眉心慵整人道真真招得下任千呼万唤无言应空对此泪花冷

### 前调【吴江】 蒋捷

浪涌孤亭起是当年蓬莱顶上海风飘坠帝遣江神长守护八柱蛟龙纒尾鬬吐出寒烟寒雨昨夜鲸翻坤轴动卷雕輦掷向虚空里但留得绦虹住五湖有客扁舟檣怕羣仙重游到此翠旌难驻手拍阑干呼白鹭为我殷勤寄语奈鹭也惊飞沙渚星月一天云万壑览茫茫宇宙知何处鼓双楫浩歌去

### 前调 蒋捷

妾有琵琶谱抱金槽慢捻轻抛柳梢鶯语羽调六么弹偏了花底灵犀暗度奈敲断玉钗纤股低画屏深朱户掩卷西风满地吹尘土芳事往蝶空诉天天把妾芳心误小楼东隐约谁家凤箫鼙鼓泪点染衫双袖翠修竹凄其又暮背灯影萧条情互捐佩洲前裙步步渺无边一片相思苦春去也乱红舞

### 前调【括杜少陵佳人诗】 蒋捷

絶代幽人独掩芳姿深居何处乱云深谷自说关中良家子零落聊依草木世丧败谁收骨肉轻薄儿郎为夫壻爱新人窈窕顔如玉千万事风前烛鸳鸯一旦成孤宿最堪怜新人欢笑旧人哀哭侍婢卖珠回来後相与牵萝补屋漫采得栢枝盈掬日暮山中天寒也翠绡衣薄甚肌生粟空敛袖倚修竹

### 御选历代诗余卷九十五

# 卷九十六

钦定四库全书

御选历代诗余卷九十六目录【一百十六字】

贺新郎【下】

姚勉【四首】

林正大【二首】

何梦桂

赵问礼

赵必????【三首】

李震

陈纪

王奕【二首】

葛长庚【三首】

平江妓

韩玉【三首】

黄子行

张翥【二首】

张埜【二首】

陶安

瞿佑

王世贞

屠隆

费元禄

顾士林

顾孔昭

吴易【二首】

前调【又一体】

戴复古

史达祖

李昉英【四首】

前调【又一体】

杨炎

史达祖【四首】

前调【又一体】

李南金

御选历代诗余卷九十六目录

钦定四库全书

御选历代诗余卷九十六【一百十六字】

司经局洗马掌局事兼翰林院修撰加二级【臣】王奕清奉旨校刊

## 贺新郎【下】

### 贺新郎【忆别】 姚勉

薄晚收残暑叹西风暗换流年又还如许鸦背斜阳初敛影云澹新凉天宇人袖手阑干凝竚邻笛唤将乡思动聴愁声又入梧桐雨秋到也尚羈旅故人只在江南渚想应嫌久恋东华软红尘土寄远裁衣知念否新月家家砧杵魂梦想鹅黄金缕鴈影不来天更远写书成欲寄凭谁与知客恨两蛩语

### 前调 姚勉

牕月梅花白夜堂深烛摇红影绣帘垂额半醉金钗娇暎坐寒处也留春色深意在四弦轻摘香坞花间聴啄木翠微边细落仙人屐星盼转趁娇拍人间此手真

难得向尊前相逢有分底须相识愁浅恩深千万意惆怅故人云隔怕立损弓鞣红窄换取明珠知肯否绿牕深长共春怜惜休恼乱座中客

### 前调【及第作】 姚勉

月转宫墙曲六更残钥鱼声亮纷纷袍鹄黼座临轩清跸奏天仗缀行森肃望五色云浮黄屋三策忠嘉亲赐擢动龙顔人立班头玉牖首唱衆心服殿头赐宴宫花簇写新诗金笺竞进绣牀争蹴御渥新沾催进谢一点恩袍先绿归袖惹天香芬馥玉勒金鞵迎夹路九街人尽道苍生福争拥入状元局

### 前调【送杨帅参之任】 姚勉

唱彻阳关调伴行人梅拂征鞍晓霜寒峭金甲雕戈开玉帐尊俎风流谈笑看策马雍容江表自是药垞苔砌客卷经纶且泛芙蓉沼襟量阔江湖小允文事业从容了要推他岷峨人物後先相照见说君王曾有问似此人才多少便咫尺云霄清要四世三公復旧况蜀珍先已登廊庙但侧耳聴新诏

### 前调【括兰亭记】 林正大

兰亭当日事有崇山茂林修竹羣贤毕至湍激清流相映带旁引流觞曲水但畅叙幽情而已一咏一觞真足乐厌管弦丝竹纷尘耳春正暮共修禊惠风和畅新天气骋高怀仰观宇宙俯察品类俯仰之间因所寄放蕩形骸之外曾不知老之将至感慨旧游成陈迹念人生行乐都能几後视今犹昔尔

### 前调【书林和靖诗後】 林正大



生长湖山曲美吴儿呼吸湖光饱餐山绿世外不须论隐逸谁似先生冰玉自骨冷神清无俗  
我不识君曾梦见炯双瞳碧色光相烛遗妙语看不足平生高节难为续到如今凛凛风生言  
犹可录不作相如封禅稿身後谁荣谁辱争肯效白头吟曲好与水仙为伴侣傍西湖湖畔脩  
脩竹时一酌荐秋菊

前调 何梦桂

更静钟初定卷珠帘人人独立怨怀难忍欲拨金猊添沉水病力厌厌不任任蝶粉蜂黄消尽  
亭北海棠还开否纵金钗犹在成长恨花似我瘦应甚凄凉无寐闲衾枕看夜深紫垣华盖低  
摇红柄重拂罗裳蹙金线尘满双鸳花胜孤负我花期春令不怕镜中羞华发怕镜中无伴孤  
鸾影美尽处悠悠兴

前调【萤火】 赵问礼

池馆收新雨耿幽丛流光几点半侵疎户入夜凉风吹不灭冷焰微茫暗度碎影落仙盘秋露  
漏断长门空照泪袖纱寒暝竹无心顾孤枕掩残灯炷练囊不照诗人苦夜沉沉拍手相亲駉  
儿痴女阑外扑来罗扇小谁在风廊笑语竞戏踢金钗双股故苑荒凉悲旧赏怅寒芜衰草隋  
宫路同磷火徧秋圃

前调【壽陈新绿二首】 赵必????

壽酒浮萸菊记年年重阳佳节开尊华屋绿鬓朱顏春不改彼美人兮如玉有锦绣珠玑满腹  
户外红尘飞不到受人间山水清闲福数花甲才八六十分秋色呈新绿一簇儿池馆亭台左  
梅右竹柳下系船花下饮不减西园金谷更橘外安排碁局独立小桥明月夜唤莺莺低唱双  
飞曲有子也万事足

前调 赵必????

低唱芙蓉菊有吟翁坐拥红娇宴黄金屋恰则绂麟三日後灿灿睟盘珠玉不待梦燕怀松腹  
自是嫦娥分桂种伴灵椿千岁延清福回笑我龟藏六归坎老圃鉏新绿吾菟裘三迳荒苔一  
?瘦竹欲隐贫无山可买聊尔徜徉盘谷更管甚云台玉局紧闭柴门传语客道主人高枕南牕  
曲有酒蟹此生足

前调【贺张小山纳妇】 赵必????

沙上盟鸥鹭笑吟翁梦今不到草堂深处金屋重重深处睡暖翠偎香步步已自摘蟠桃三度  
旧日画眉情性在更君房妙絶文章语消受得乘鸾侣楼中燕燕谁家住又从新移根换叶栽  
花千树第一信风春事觉莫遣绿羞红污早早做阑干遮护天上因缘千里合喜乘槎先入银  
河路人似玉衣金缕

前调【题高尚书夜山图】 李震

楼据英山背倚高寒尘飞不到越山相对老月腾辉羣动息独坐清分沆瀣更满聽潮声澎湃  
醉里诗成神鬼泣景苍凉又在新诗外浑忘却功名债凭谁妙笔能图绘羨中郎前身摩诘宛  
然心会拈出清宵无限意半幅溪藤光怪方信有人间仙界云淡天低奇絕处笑僧繇未识丹  
青在留此轴夸千载

前调【聽琵琶】 陈纪

趁拍哀弦促聽泠泠弦间细响手间推覆莺语间关花底滑急雨斜穿梧竹又涧底松风簌簌  
铁拨鵾弦春夜永对金钗钲乳人如玉敲象板翦银烛六么声断凉州续帐梅花岁晚天寒佳  
人空谷有限弦声无限意沦落天涯幽独顿唤起闲愁千斛贺老定場无处问到如今只鼓昭  
君曲呼羯鼓浮醪醖

前调【纪行二首】 王奕

有客过东鲁自葛水泛舟西下帆开三楚万里湖光磨水镜五老落星烟渚又飞过二妃门户  
彭泽柳青新旧色望九华依约池阳路风雨庙乌江羽蛾眉牛渚皆如故问缘何魯港汀洲江  
声无语采石书生勲业在公子锦袍何处流恨下秦淮商女多景楼头吟北固笑平山堂里谁  
为主且烂饮琼花露

前调 王奕

醉醒琼花露买扁舟召伯津头向秦邮去流水孤邨鸦万点回首少游斜树又访着山阳酒侶  
细剔留城碑藓看上歌台一笑江东北望鳧绎过邹鲁孔林百拜瞻莹墓历曲阜少皞之虚大  
庭之库竟涉汶河登泰岱夜半清光玄圃迢迢问东平归路四塚黄花吟笑罢下新州醉白楼  
头赋复淮楚寻故步

前调 葛长庚

且尽杯中酒问平生湖海心期更如君否渭树江云多少恨离合古今非偶更风雨十常八九  
长铗歌弹明月堕对萧萧客鬓闲携手还怕折渡头柳小楼夜久微凉透倚危阑一池倒影半  
空星斗此会明年知何处苹末秋风未久漫输与鹭朋鸥友已办扁舟松江去与鲈鱼蓴菜论  
交旧应念此重回首

前调 葛长庚

谓是无情者又如何临岐欲别泪珠如洒此去兰舟双桨急两?秋山似画况已是芙蓉开也小  
立西风杨柳?觉衣单略说些些话重把我袖儿把小词做了和愁写送将归要相思处月明

今夜客里不堪仍送客平昔交游亦寡况惨惨苍梧之野未可凄凉休哽咽更明朝後日才方卸情默默斜阳下

前调 葛长庚

月插青螺髻柳梢头斜阳荏苒西风摇曳数粒苍山黏远汉树色烟光紫翠飞骑气半醒半醉  
劒跨秋空磨星斗指璫童不得鸣金警恐惊动紫清帝 浮云飞渡蓬莱水忆山中松寒露冷猿  
啼鹤唳家在武夷岩谷里一亩烟霞活计叹捻指人生百岁兰畹芝田几今古洞门前小鹿衔  
花戏不知有人间世

前调【送太守】 平江妓

春色元无主荷东君着意看承等闲分付多少无情风与浪那更蝶欺蜂妒算燕雀眼前无数  
纵使帘栊能爱护到如今已是成迟暮芳草碧遮归路 看看到得难言处怕仙槎轻转旌旗易  
歌襦袴月满西楼弦索静云蔽崑城阊府便恁地一帆轻举独倚阑干愁拍碎惨玉容泪眼如  
红雨去与住两难诉

前调 韩玉

柳外莺声碎晚晴天东风力软嫩寒初退花底觅春春已去时见乱红飞坠又闲傍阑干十二  
阑外青山烟缥缈远连空愁与眉峰对凝望处两叠翠 鸳鸯结带灵犀佩绮屏深香罗帐小宝  
檠灯背谁谓彩云和梦断青翼阻寻後会待都把相思情缀便做锦书难写恨奈菱花却见人  
憔悴那更有枕函泪

前调 韩玉

绰约人如玉试新妆娇黄半绿汉宫匀注倚傍小阑闲伫立翠带风前似舞记洛浦当年俦侣  
罗韞尘生香冉冉料征鸿微步凌波女惊梦断楚江渚 春工若见应为主忍都教闲亭邃馆冷  
风凄雨待把此花都折取和泪连香寄与须信道离情如许烟水茫茫斜照里是骚人九辨招  
魂处千古恨与谁语

前调 韩玉

睡起帘栊静展金铺春帟半掩宝香烟冷门外落花风不定糝糝乱红堆径谁唤做春愁如病  
零乱云鬟慵梳掠傍菱花羞对孤鸾影情易感恨难醒 沙边柳外当时景记分携离筵乍阙去  
帆初整尽举棹歌和泪听云淡水寒烟暝空恹望楼高天迥犹未归来何处也日长时不念人  
孤冷书漫写鴈谁倩

前调【咏冰筍】 黄子行

开偏寒梅萼正东皇排酥砌玉幻成楼阁十万琼琚仙女队来趁春光游乐向醉里玉钗轻落  
零乱不知何处去甚人间一夜东风恶吹起在画檐角 参差向晓森如削似吴姬妆残粉指向  
人垂着好似西园春笋瘦红绵綳儿乍剥且莫遣儿童敲却拟办羔儿香瓮酒唤刘义来醉惺  
前约吟好句且描摸

前调【送友还广陵】 张翥

西子湖边路看依然水光山色自宜晴雨天上归来重载酒惟有旧盟鸥鹭笑鬓影星星如许  
分子华筵凉似水更绿鬟窈窕歌金缕留晚醉看眉妩 三生书记真豪举把平生香奁软语锦  
囊佳句君到淮南明月夜爲问崔娘安否翻怨作锦筝新谱只恐惊鸿花外起趁行云直过沧  
江去飞不到断肠处

前调【送上官子东之崑山州幕】 张翥

烟草长洲苑渺姑苏旧游麋鹿岁华云晚多少吴宫花月恨春去春来不管只付与行人凄断  
君去风流宾幕里把今情古意供裁翦珠唾湿玉烟暖 相逢尽看金杯满信人生好怀有几梦  
长缘短白发峥嵘三千丈底用云揉雨染且鬪取尊前强健爲问浮槎还到否便乘之直上三  
山远看瀛岛水清浅

前调【淮上中秋】 张埜

晚蛩收残雨喜晴空冰轮飞上月明三五前岁钱塘江上看去岁京华容与今岁又秋风淮浦  
料得姮娥应笑我笑星星鬓影今如许空浪走竟何补 此生此夜还知否问几人沧浪抖擞衣  
裾尘土独倚篷牕谁共饮万象不分宾主恍疑在玉霄高处击碎珊瑚歌未彻见洪涛千丈鱼  
龙舞舟一叶任掀举

前调 张埜

九日城西路艳平川黄云万顷碧山无数百尺危台堪眺望抖擞征衫尘土又惹起悲凉今古  
佩玉鸣鸾春梦断赖高情且作风烟主嗟往事向谁语 人生适意真难遇对西风满浮大白狂  
歌起舞使得腰悬黄金印於世涓埃何补愈想起渊明高趣莫唱当时朝士曲怕黄花红叶俱  
凄楚愁思在鴈飞处

前调【夜宿省中怀贺久孚】 陶安

庭树秋声冷夜迢迢漏传银箭月明华省最惜稽山无贺老短烛照人红影依稀梦续还惊醒  
风透围屏青琐薄且披衣立傍梧桐井兵卫宿画廊静 江湖聚散如萍梗笑谈间云霄满足一  
鞭驰骋万壑水晶天不夜人在玉真仙境说近日四郊无警兵後遗黎归故里渐桑麻绿映鹅  
湖岭须携手寻风景

前调【题秦女吹箫图】 瞿佑

风露非人世正良宵月华如昼云开天霁十二楼高无人到只有彩鸾飞至便同跨抟风双翅  
手弄参差琼玉琯向曲中写出求凰意霄汉上共游戏 祥飈浩荡吹香袂任钗横鬓乱嬾把妆  
梳重试偿尽三生于飞愿到处相随尤殢果然是赤绳双系天若有情天也许许人间夫妇咸  
如是欢乐事莫相弃

前调【谢袁履善惠酒】 王世贞

天意归风雨到如今缓红舒翠一番重起况更索居无一事鎖日琴书而已待醉也如何得醉  
多谢白衣能远致把葛巾忙卸科头倚胸磊块故应洗 琼膏漫入清尊细似当年掌分茎露雪  
消春水试折荷筒充□驾凭借麴生爲驭直引到华胥路里遮莫归来问名姓道清真袁粲频  
爲主天下事任公耳

前调【锦帐词赠陈伯符归娶】 屠隆

华屋重门敞正开帘花近龙笙金屏月上罗绮香中云不散相映银釭绣幌年少也风流两两  
何处天风吹得下似一双彩凤纷来往明月度玉箫响 郎君得意辞天仗乍相逢新人似玉明  
珠入掌宛转流苏谁不羡万朵芙蓉罗帐人却在瑶池蓬阆占断人间欢乐事只人间何必如  
天上对风景總堪赏

前调【暮春】 费元禄

瑞脑烧金鼎卷重帘庭阴正午画堂人静春落天涯知何处糝地杨花飞尽印玉枕流莺催醒  
梅雨纱窗寒欲透更长年三月厌厌病愁不语慵看镜 江南旧事须重整隔花阴传消寄息月  
娥难倩梦断秦楼相思久芳草佳期未定倚遍了梧桐金井蝴蝶已归煤麝冷枉教人揉碎丁  
香影谁共我步香径

前调【櫜括王子安滕王阁赋序】 顾士林

故郡开新府下临江长洲旧馆兀然今古耸翠流丹分翼軫雨卷云飞朝暮竞玉佩鸣鸾歌舞  
雅望阎公张胜饯尽东南胜友兼文武蛟凤起竟谁数 书生万里晨昏路出名区九秋霞鹜一  
帆樯櫓作赋羣公应让座宝树谢家堪许看逸兴遄飞眉妩独惜凌云杨意少漫猖狂投笔神  
凄楚听晚唱渔归浦

前调【九日独酌】 顾孔昭

初试罗衣皱渐秋深东篱风露菊芳兰秀蕤蕤黄云弥四野今岁吴农大有喜佳节又临重九  
不用登高悲往事但花前莫放传杯手歌玉案拍铜斗 牛山此日空沾袖算浮生如云变幻白

衣苍狗杜牧多情刚解道人世难逢笑口年少去几时还又树杪落晖休怅望满寒空月色明如昼舞影乱更呼酒

前调【九日】 吴易

身世今如此甚重阳正逢阳九劫花飞坠愁雨骄云天欲暝孤馆海涯愁寄纵满目天涯秋霁红萼黄英堪鬪艳但登临只迸西风泪千斛酒怎能醉 龙山嘲咏成何事尽豪雄彭城歌舞金钗铁骑挥霍燕秦如电埽万里鹰扬虎视问江左霸才何处检尽纷纷南北史算神州离合浑无据江水咽向东注

前调【戏马台】 吴易

九曲洪河泻似重瞳风流豪宕美人骏马募涧注波三十万盖世喑呜叱咤目断处高丘浩野成败难平广武叹尽纷纷竖子王和霸君莫笑拔山者 卯金龙种堪无价下梢头使君?箸寄奴田舍玉帐茱萸歌吹满旧楚楼船台榭对寂寞山川图画鬪虎英雄争鹿地付乌骓赤兔渔樵话藉草坐泪盈把

前调【又一体 江淮伟观楼】 戴复古

百尺连云起试登临江山人物一时俱伟傍挹金陵龙虎势京岷诸峰对峙隐隐接扬州歌吹雪浪舞从三峡下乍逢迎海若谈秋水形胜地有如此 使君一世经纶志把风斤月斧来此等闲游戏见说楼成无多日大手一何容易笑天下纷纷血指酝酿春风与和气举长江变作香醪美人共乐醉桃李

前调【湖上高宾王赵子栻同赋】 史达祖

西子相思切委萧萧风裳水佩照人清越山染蛾眉波曼睩聊可与之娱悦便莫赋湘妃罗襪怕见绿荷相倚恨恨白鸥占了凉波阔拣凉处放船歇 道人不是尘埃物纵狂吟落魄吹乱一巾凉发不觉引杯浇肺渴正要清歌骇发更坐上其人冰雪截取断虹堪作钓待玉匳今夜来时节也胜钓石城月

前调【陪广帅方右史登越台】 李昴英

绣谷流明帜稳飞輿茵柔草碧盖欹松翠遡首意行穷絶顶彩榭千年胜地远峰断莽苍烟水护日晴云收午暑飒长风振叶生秋思笼雾炷飘霞袂 清明官府歌棠芾且萧闲事外下看玉城珠市山色骄人逢此客麈尾霏霏露碎一笑又羊衔新穗田野欢声和气合唤觥船猛爲鱼占喜谁会得醉翁意

前调【白莲】 李昴英

谁种蓝田玉碧云深亭亭月上水明溪曲羞作时妆儿女态冷淡水餐露沐出尘外风标幽独  
除了留侯无此貌便何郎傅粉终龌俗意凝远韵清淑凉台向晚微风馥讶银杯羽化折取戏  
浮醪安得梅花如许大天遣辟除暑溽浑不觉鹭翘鸥浴可恨妖红浮太液只东林社友追  
游熟宜夜看灿瑶烛

前调 李昴英

过雨璇空湿浩秋香光浮桂菊晓风吹入柳系牙樯应小驻草草还成胜集又追趁牡车原隰  
照座玉人风骨耸想胸蟠蕊阙琳琅笈真作者世难及远山云雾工开翕共朱阑徙倚總好锦  
囊收拾老我只今才思涩知二争如知十戛金缕檀敲休急访古夷犹行八境忆朝阳鸣凤台  
端立笔也醉砚池吸

前调【用前韵钱吴宪燧持节江西】 李昴英

元日除书湿到而今西风老矣驾轺初入自是龙颜深注想孤凤翔而後集久父老攀留原隰  
庾岭经行梅亦喜小奚奴背底惟诗笈冰雪句又谁及昨来容易风云翕便三台两地也只等  
闲如拾天马不鸣凡马喑百步何如五十况汹汹波涛方急此去一言回天力看着高百尺竿  
头立浇磊块快鲸吸

前调【又一体】 杨炎

梦里骖鸾驭望蓬莱不远翩然被风吹去吹到楚楼烟月上不记人间何处但疑是蓬壶别所  
缥缈霓裳天女队奉一仙满把流霞举如唤我醉中舞醉醒梦觉知何许问潇湘今日谁与主  
盟尊俎无限青春难老意拟倩管弦寄与待新筑沙堤稳步万里云霄都历徧却依前流水桃  
源路留此笔为君赋

前调 史达祖

花落台池静自春衫闲来老了旧香荀令酒既相违诗亦可此外云沉梦冷又催唤官河兰艇  
轧?烟飞吹不断望楼阴欲带朱桥影和草色入轻暝裙边竹叶多应賸怪南溪见後无个再  
来芳信蝴蝶一生花里活难制窃香心性便有段新愁随定落日年年宫树绿堕新声玉笛西  
风劲谁伴我月中听

前调 史达祖

绿障南城树有高楼街城楼下芰荷无数客自倚阑鱼亦避恐是持竿伴侣对前浦扁舟容与  
杨柳影间风不到倩诗情飞过鸳鸯浦人正在断肠处两山带着冥冥雨想低帘短额谁见恨  
时眉妩别为青尊眠锦瑟怕被歌留愁住便欲趁采莲归去前度刘郎虽老矣奈年来犹道多  
情句应笑煞旧鸥鹭

前调【七夕】 史达祖

鹊翅西风浅乍疎云垂幔近月银钩将卷天上应间支机石前度芳盟谁践便好织回文锦献  
乞得浓欢今夜里算盈盈一水曾何远寧不会暗相见 彩楼吹断闲鍼线想幽情嫩约别有薜  
庭花院青鸟沉沉音尘絶烟锁蓬莱宫殿渐木杪参旗西转不怕天孙成间隔怕人间薄幸心  
肠变又学得易分散

前调【西湖月下】 史达祖

同住西山下是天地中间爱酒能诗之社船向西陵佳处放尘世必无知者暑不到雪宫风榭  
楚竹忽然呼月上被东西几叶云萦惹云散去笑声罢 清尊莫为婣娟泻为狂吟醉舞毋失晋  
人风雅踏碎桥边杨柳影不听渔樵闲话更欲举空杯相谢北斗以南如此几想吾曹便是神  
仙也问今夜是何夜

前调【又一体】 李南金

流落今如许我亦三生杜牧为秋娘着句先自多愁多感慨更值江南春暮君看取落花飞絮  
也有吹来穿绣幌有因风飘堕随尘土人世事總无据 佳人命薄君休诉若说与英雄心事一  
生更苦且尽尊前今日意休记绿牕眉妩但春到几家庭户幽恨一帘烟月晓恐明朝鴈亦无  
寻处浑欲倩莺留住

御选历代诗余卷九十六



# 卷九十七

<集部,词曲类,词选之属,御选历代诗余

钦定四库全书

御选历代诗余卷九十七目录【起一百十七字至一百三十字】

子夜歌

彭元逊

冯鼎位

凤归云【又一体】

柳永

双鸾

吴朏

夏云叠嶂

王锡爵

暮云碧

李甲

金明池

秦观

僧挥

送征衣

柳永

水漫声

屠隆

瑶台月【又一体】

葛长庚

白苧

蒋捷

笛家

柳永

朱雍

多丽

傅按察

秋思耗

吴文英

洞仙歌【又一体】

柳永

晁补之

翠羽吟

蒋捷

洞仙歌【又一体】

晁补之

春风袅娜

冯艾子

白苧【又一体】

柳永

引驾行【又一体】

柳永

洞仙歌【又一体】

柳永

兰陵王

周邦彦

葛郯

辛弃疾

张元干【二首】

曹冠

袁去华【二首】

高观国【二首】

史达祖

李昉英

方千里

杨泽民

陈允平

赵必???

刘辰翁

施岳

彭履道

张翥

邵亨贞

御选历代诗余卷九十七目录

钦定四库全书

御选历代诗余卷九十七【起一百十七字至一百三十字】

司经局洗马掌局事兼翰林院修撰加二级【臣】王奕清奉旨校刊

子夜歌

【双调一百十七字此子夜歌正格与菩萨蛮之别名者不同也】

子夜歌【和刘尚友韵】 彭元逊

视春衫篋中半在涓涓酒痕花露恨桃李随风吹尽梦里故人如雾临颖美人秦川公子却共  
何人语对谁家花草池台回首故园咫尺未成归去 昨宵听危弦急管酒醒不知何处漂泊情  
多衰迟感易无限堪怜许似尊前眼底红颜消几寒暑年少风流未谙春事追与东风赋待他  
年君老巴山共君听雨

前调 冯鼎位

上西楼曲屏幕霭记得烛花红处自心字香消绮袖飞散彩云难聚春水画桥烟溪芳草夜夜  
相思路怅重来

情事依然惟有半帘淡月照人离绪 酒阑後无聊短梦尚逐紫箫声去杨柳梢头寒梅影里曾看弓弯舞想章台信杳凄凉京兆眉妩啼把遗红唾裙留碧憔悴莺花主倩谁传桃叶桃根断肠新句

凤归云

【又一体双调一百十八字】

凤归云 柳 永

恋帝里金谷园林平康巷陌触处繁华连日疎狂未尝轻负寸心双眼况佳人尽天外行云堂上飞燕向玳筵一一皆妙选长是因酒沉迷被花萦绊 更可惜淑景亭台暑天枕簟霜月夜凉雪霰朝飞一岁风光尽堪随分俊游清宴算浮生事瞬息光阴锱铢名宦正欢笑试恁暂分散即是恨雨愁云地遥天远

双鸾

【双调一百十八字】

双鸾 【明媛】 吴 朏

雨浴幽庭冰簟清凉足篆烟微宿醒乍醒枕痕消玉惊闻咽徵谐商却是铛烹泉熟倾瑶杯露芽清扑更萱花黄嫩绀榴红簇十二阑干闲倚引却双眉蹙 心事悠悠惟有吟清竹晚风轻云疎蟾漏重峦改目且开花下金尊得趣偏宜幽独卷湘帘清光满屋有句穿溟漠花飞酌绿报道紫箫人返共引双鸾曲

夏云叠嶂

【双调一百十八字王锡爵一词和友人自度曲也】

夏云叠嶂 王锡爵

尽把南窗洞啓觉荷香十里尚未全衰早近水人家三分暑散沿楼树色一味寒来纵飞仙飞到也教重筑避风台真所谓清凉世界笑渠河朔未免尘怀 原是大家风月岂山僧野老让彼应该便冷落行囊剩书残卷寻常供具竹箸磁杯得终年居此世间乐事孰如哉但不识尘魔许我几多牵绊可肯离开

暮云碧

【双调一百十九字一名吊严陵】

暮云碧 李 甲

蕙兰香泛孤屿潮平惊鸥散雪迤逦点破澄江秋色暝霭向敛疎雨乍收染出蓝峰千尺渔舍孤烟锁寒磧画鷁翠帆旋解轻櫂晴霞岸侧正念往悲酸怀乡惨切何处引羌笛 追惜当时富春佳地严光钓址空遗迹华星沉後扁舟泛去潇洒闲名图籍离觞吊终寓目意阑魂消泪滴渐洞天晓回首暮云千里碧

金明池

【宋汴京游幸地也南宋德寿出游修旧京金明池故事调名取此双调一百二十字有以夏云峰别为一调者按与此略无分别盖即此调别名也】

金明池 秦 观

琼苑金池青门紫陌似雪杨花满路云日澹天低昼永过三点两点细雨好花枝半出墙头似怅望芳草王孙何处更水遶人家桥当门巷燕燕莺莺飞舞 怎得东君常为主把绿鬓朱颜一时留住佳人唱金衣莫惜才子倒玉山休诉况春来倍觉伤心念故国情多新年愁苦纵宝马嘶风红尘拂面也只寻芳归去

前调 僧 挥

天阔云高溪横水遶晓日寒生轻晕闲阶静杨花渐少朱门掩莺声欲嫩悔匆匆过却清明旋占得余芳已成幽恨却几日阴沉连宵慵困起来韶华都尽 怨入双眉闲鬪损怎拾得情怀看承全近深深态无非自许厌厌意终羞人问争知道梦里蓬莱待忘了余香时传音信纵留得莺花东风不住也到眼前愁闷

送征衣

【双调一百二十字结句作五字者非】

送征衣 柳 永

过昭阳璿枢电绕华渚虹流运应千载会昌罄寰宇荐殊祥吾皇诞弥月瑶图纘庆玉叶腾芳竝景觐三灵眷佑挺英哲掩前王遇年年嘉节清和颁率土称觴 无间要荒华夏尽万里走梯航彤庭舜张大乐禹会羣方鴈行趋上国山呼鳌拚遥爇炉香竟就日瞻云献寿指南山等无疆愿巍巍宝历鸿基天地齐长

水漫声

【双调一百二十字止屠隆作一首或是隆自度腔也】

水漫声【西湖】屠隆

一片大湖何限浸空城碧浪崔巍白日孤悬画屏四合翠微里涌出楼台落尽桐花飘残柳絮  
正芙蕖冉冉将开衣上冷香飞欲湿轻鸥如带兰桨共潋洄天放闲人时容傲吏水云深处相  
对且衔杯君莫对此景浪生忧喜请看层波叠叠前後相催钱氏舞袞赵家歌扇零落總成灰  
君去也西湖无恙歌舞又重来

瑶台月

【又一体双调一百二十字】

瑶台月 葛长庚

烟霄凝碧问紫府清都今夕何夕桐阴下幽情远与秋无极念陈迹虎殿虬宫记往事龙箫凤  
笛露华冷蟾光白云影静天籁息知得是蓬莱不远身无羽翼广寒宫舞彻霓裳白玉台歌罢  
瑶席争不思下界有人岑寂羨博望两泛仙槎与曼倩三偷桃实把丹鼎暗融液乘云气醉麾  
斥嗟惜但城南老树人谁我识

白苧

【苧或作紵亦名白紵歌晋宋以来舞曲俱有白紵辞调名取此双调一百二十一字】

白苧 蒋捷

正春晴又春冷云低欲落琼苞未剖早是东风作恶旋安排一双银蒜鎖罗幙幽壑水生漪皱  
嫩绿潜鳞初跃愔愔门巷桃树红才约略知甚时霁华烘破青青萼忆昨引蝶花边近来重见  
身学垂杨瘦削问小翠眉山为谁攢却斜阳院宇任蛛丝罥徧玉笋弦索户外惟闻放翦刀声  
深在妆阁料想裁缝白苧春衫薄

笛家

【双调一百二十一字或作笛家弄】

笛家 柳永

花发西园草薰南陌韶光明媚乍晴轻暖清明後水嬉舟动褰开银塘似染金堤如绣是处王孙几多游妓往往携纤手遣离人对嘉景触目尽成感旧别久汴城当日兰堂夜烛百万呼卢画阁春风十千沽酒未省宴处能忘弦管醉里不寻花柳岂知秦楼玉箫声断前事难重偶空遗恨望仙乡一晌泪沾襟袖

前调【咏梅次柳屯田韵】 朱 雍

瓊质仙姿缟袂清格天然疎秀静轩烟锁黄昏後影瘦零乱艳冷珑璁雪肌莹暖冰枝紫绣更赋风流几番攀赠细捻香盈手与东君叙睽远脉脉时情有旧立久阆苑凝夕瑶牕澹月百琲寻芳醉玉谈羣千锺酹酒向此是处难忘瘦花送远何劳垂柳忍听高楼笛声凄断乐事人非偶空余恨惹幽香不灭尚沾春袖

多丽

【双调一百二十一字亦名鸭头绿按多丽唐张均妓名而鸭头绿唐教坊曲名也向分二调今合之宋人作多一百三十九字傳词或有脱误】

多丽 【佚名】 傅按察

静中看记昔日淮山隐隐宛若虎踞龙盘下樊襄指挥湘汉鞭云骑围遶江干势不成三时当混一过唐之数不为难陈桥驿孤儿寡妇久假当还挂征帆龙舟催发紫宸初卷朝班禁庭空土花晕碧辇路悄呵喝声乾纵余得西湖风景花柳亦凋残去国三千游仙一梦依然天澹夕阳间昨宵也一轮明月还照临安

秋思耗

【一名画屏秋色双调一百二十三字】

秋思耗 【为括苍名姝赋听雨小阁】 吴文英

堆枕香鬟侧骤夜声偏称画屏秋色风碎串珠润侵歌板愁压眉窄动罗篴清商寸心低诉叙怨抑映梦牕零乱碧待涨绿春深落花香泛料有断红流处暗题相忆欢夕檐花细滴送故人粉黛重饰漏侵琼瑟丁东敲

断弄情月白怕一曲霓裳未终催去骖凤翼叹谢客犹未识漫瘦却东阳灯前无梦到得路隔重云鴈北洞仙歌

【又一体双调一百二十三字】



## 洞仙歌 柳 永

乘兴闲泛兰舟渺渺烟波东去淑气散幽香满蕙兰江渚绿芜平畹和风轻暖曲岸垂杨隐隐  
隔桃花坞芳草外闪闪酒旗遥举 羁旅渐入三吴风景水邨渔浦闲思更遶神京抛掷幽会小  
欢何处不堪独倚危楼凝情西望日边繁华地归程阻空自叹当时言约无据伤心最苦竚立  
对碧云将暮关河远怎奈向此时情绪

### 前调【填卢仝诗】 晁补之

当时我醉美人颜色如花堪悦今日美人去恨天涯离别青楼珠箔婵娟蟾桂三五初圆伤二  
八还又缺空竚立一望不见心绝 心绝顿成凄凉千里音尘一梦欢娱推枕惊巫山远洒泪对  
湘江阔美人不见愁人看花心乱含愁奏绿绮弦清切何处有知音此恨难说怨歌未阕恐暮  
雨收行云歇梅发乍似覩芳容冰洁翠羽吟

### 【双调一百二十四字】

## 翠羽吟 蒋 捷

绀露浓映素空楼观悄玲珑粉冻霁英冷光摇荡古青松半规黄昏澹月梅气山影溟蒙有丽  
人步依修竹潇然态若游龙 绡袂微皱水溶溶仙茎清瀟净洗斜红劝我浮香桂酒环佩暗解  
声飞芳霭中弄春弱柳垂丝慢按翠舞娇童醉不知何处惊翦翦凄紧霜风梦醒寻痕访踪但  
留残挂穹梅花未老翠羽双吟一片晓峰洞仙歌

### 【又一体双调一百二十四字】

## 洞仙歌【留春】 晁补之

花恨月恼更夏有凉风冬轩雪皎闲事不关心算四时皆好从来又说春台登览人意多同常  
是惜春过了须痛饮莫放欢情草草 年少尚忆瑶阶得隼寻芳骖驔东坡适见垂鞭酩酊南陌  
又逢低帽莺花荡眼功名满意无限嬉游荣华事如梦杳伤富贵浮云曾萦怀?为春醉倒愿花  
更好春休老开口笑占醉乡莫教人到春风袅娜

### 【此冯艾子自度腔双调一百二十五字】

## 春风袅娜 冯艾子

被梁间双燕话尽春愁朝粉谢午花柔倚红阑故与蝶围蜂遶柳絲无数飞上搔头凤管声圆  
蚕房香煖笑挽罗衫须少留隔院兰馨趁风远邻墙桃影伴烟收 些子风情未减眉头眼尾万  
千事欲说还休蔷薇露牡丹球殷勤记省前度绸缪梦里飞红觉来无觅望中新绿别後空稠

相思难偶叹无情明月今年已是三度如鉤白苧

【又一体双调一百二十五字】

白苧【雪】柳永

绣帘垂画堂悄寒风淅沥遥天万里黯淡同云暮?渐纷纷六花零乱散空碧姑射宴瑶池把碎玉零珠抛掷林峦望中高下琼瑶一色严子陵钓台归路迷踪迹追惜燕然画角宝篝珊瑚是时丞相虚作银城换得当此际偏宜访袁安宅醺醺醉了任金钗舞困玉壶倾侧又是东君暗遣花神先报南国昨夜江梅漏泄春消息引驾行

【又一体双调一百二十五字】

引驾行柳永

红尘紫陌斜阳暮草长安道是谁人断魂处迢迢匹马西征新晴韶光明媚轻烟澹薄和气暖望花邨路隐映摇鞭时过长亭愁生伤凤城仙子别来千里重行行又记得临岐泪眼湿莲脸盈盈销凝花朝月夕最苦冷落银屏想媚容耿耿无限屈指已算回程相萦空万般思忆争如归去覩倾城向绣帏深处仔细说如此牵情洞仙歌

【又一体双调一百二十六字】

洞仙歌柳永

佳景留心惯况年少彼此风情非浅有笙歌巷陌绮罗庭院倾城巧笑如花面恣雅态明眸回美盼同心绾算国艳仙材翻恨相逢晚 缱绻洞房悄悄绣被重重夜永欢余共有海约山盟记得翠云偷翦和鸣彩凤于飞燕向柳径花阴携手徧情眷恋问其间密约轻怜事何限忍聚散况已结深深愿愿人间天上暮云朝雨长相见

兰陵王

【三叠一百三十字兰陵王者北齐高长公封号取以名调以其遇敌先登周齐之间多用为乐府曲也亦名高冠军】

兰陵王周邦彦

柳阴直烟缕丝丝弄碧隋堤上曾见几番拂水飘絮送行色登临望故国谁识京华倦客长亭路年去岁来应折柔条过千尺闲寻旧踪迹又酒趁哀弦灯照离席梨花榆火催寒食愁一箭风快半篙波暖回头迢递便数驿望人在天北凄恻恨堆积渐别浦萦回津堠岑寂斜阳冉冉

春无极念月榭携手露桥闻笛沉思前事似梦里泪暗滴

前调【和吴宣卿】 葛 郊

乱烟簇帘外青山渐肃莲房净荷盖半残欲放清涟媚溪绿凭高送远目飞起沧洲鴈鹭寒  
静茶椀未深一枕方牀昼眠足 闲行问松菊怪今雨谁家空对银烛箫声忽下瑶台曲看鹤舞  
风动乌啼云起何须舟内怨女哭抱琴写幽独 情触会相续况节近中元月浪翻屋长鲸愁晓  
寒蝉促要百桡倾珠万花流玉山肴倒尽又空腹脰野？

前调【赋一丘一壑】 辛弃疾

一丘壑老子风流占却茅檐上松月桂云脉脉石泉逗山脚寻思前事错恼杀晨猿夜鹤终须  
是邓禹辈人锦绣麻霞坐黄阁 长歌自深酌看天阔鸢飞渊静鱼跃西风黄菊香喷薄怅日暮  
云合佳人何处纫兰结佩带杜若入江海会约 遇合事难托莫击磬门前荷蓑人过仰天大笑  
冠簪落待说与穷达不须疑着古来贤者进亦乐退亦乐

前调 张元干

卷珠箔朝雨轻阴乍阁阑干外烟柳弄晴芳草侵堦映红药东风妒花恶吹落梢头嫩萼屏山  
掩沉水倦熏中酒心情怕杯勺 寻思旧京洛正年少疎狂歌笑迷着障泥油壁催梳掠曾驰道  
同载上林携手灯夜初过早共约又争信漂泊 寂寞念行乐甚粉澹衣襟音断弦索琼枝璧月  
春如昨怅别後华表那回双鹤相思除是向醉里暂忘却

前调 张元干

绮霞散空碧留晴向晚东风里天气困人时节秋千闭深院帘旌翠波颭牕影残红一线春光  
巧花脸柳腰勾引芳菲闹莺燕 闲愁费消遣想蛾绿轻晕鸾监新怨单衣欲试寒犹浅羞衾凤  
空展塞鸿难托谁问潜宽旧带眼念人似天远 迷恋画堂宴看最乐王孙浓艳争劝兰膏宝篆  
春宵短拥檀板低唱玉杯重煖衆中先醉漫倚檻早梦见

前调 曹 冠

晚云碧松巘飞泉翠滴双溪畔疑是永和曲水流觞旧风物波光映山色时见轻鸥出没壶天  
邃修竹翠阴虚籟吟风更幽寂 登临兴何极上烟际危亭彩笔题石山中猿鹤应相识对远景  
舒啸壮怀豪逸刘郎何在翫石刻感往事陈迹 还忆少年日帅旗鼓文場轩冕京国如今老大  
机心息有陶令秫酒谢公山屐闲来潭洞醉皓月弄横笛

前调【柳州作】 袁去华

晓阴薄隔屋呼晴噪鹊长烟袅轻素望中林表初阳照城郭秋容自寂寞清浅溪痕渐落桥虹外晴嶂万重云木干章映楼阁天涯信飘泊漫水遶郴山尺素难托文园多病宽衣索最长笛声断画栏凭暖黄昏前後况味恶甚良宵闲却辽邈误行乐料恨寄徽弦心倦梳掠西风满院垂帘幕对千里明月五更悲角归期秋尽尚未定怎睡着

前调【次周美成韵】袁去华

小桥直林表遥岑寸碧斜阳外霞绚晚空一目千里總佳色初寒徧泽国投老依然是客功名事云散鸟飞匣里青萍漫三尺重来怆陈迹又水褪沙痕风满帆席鲈肥蓴美曾同食听虚阁松韵古墙竹影参差犹记过此驿傍溪南山北悲恻暗愁积拥绣被焚香谁伴孤寂追寻恩怨无穷极正难续幽梦厌闻邻笛那堪檐外更夜雨断又滴

前调【春雨】高观国

洒尘阁暮暮天垂似幕春寒峭吹断万丝湿影和烟暗帘箔清愁晓来觉佳景悵悵过却芳郊外莺恨燕愁不管秋千冷红索行云楚台约念今古凝情朝暮如昨啼红泣翠春情薄漫一犁江上半篙堤外勾引轻阴趁画角正孤绪寂寞斑驳止还作听点点檐声沉沉春酌只愁入夜东风恶怕催教花放?将花落溟蒙烟草梦正远恨怎托

前调【为十年故人作】高观国

凤箫咽花底寒轻夜月兰堂静香雾翠深曾与瑶姬恨轻别罗巾泪暗叠情入歌声怨切殷懃意欲去又留柳色和秋为重折十年迴凄絕念髻怯瑶簪衣褪香雪双鳞不度烟江濶自春来人见水边花外羞倚东风翠袖怯正愁恨时节南陌阻金勒甚望断青禽难倩红叶春愁欲解丁香结整新欢罗带旧香官篋凄凉风景待见了更何说

前调【南湖以碧莲见寄次韵谢之】史达祖

汉江侧月弄仙人佩色含情久摇曳楚衣天水空蒙染娇碧文漪簟影织凉骨时将粉饰谁曾见罗幃去时点点波间冷云积相思旧飞鷁漫想像风裳追恨瑶席涉江几度和愁摘记雪映双腕刺紫丝缕分开绿盖素袂湿放新句吹入寂寂意犹昔念净社因缘天许相觅飘萧羽扇摇团白屣侧卧寻梦倚阑无力风标公子欲下处似认得

前调李昉英

燕穿幕春在深深院落单衣试龙沫旋熏又怕东风晓寒薄别来情绪恶瘦得腰围柳弱清明近正似海棠怯雨芳踪任飘泊钗留去年约恨易老娇莺多误灵鹊碧云杳渺天涯各望不断芳草又迷香絮回文强写字屡错泪欲注还阁孤酌住春脚更彩局谁炊宝轡慵学堦除拾取飞花嚼是多少春恨等闲吞却猛拍阑干叹命薄悔旧诺

前调【次周美成韵】 方千里

晚烟直池沼波痕皱碧年芳为花态柳情按粉揉蓝酿春色繁华记上国曾识倾城妙客风流  
事联句送钩牋绿绡红递书尺行云去无迹念暖响歌台香雾瑶席当时谁信盟言食知一岁  
离聚几多间阻人生如梦寄埃驿况分散南北悲恻万愁积奈鸾凤欢疎鱼鴈音寂天涯何处  
相思极但目断芳草恨随塞笛那堪庭院更听得夜雨滴

前调【渔父词次周美成韵】 杨泽民

翠竿直一叶扁舟漾碧澄江上几度啸日迎风怡怡钓秋色渔乡共水国都属沧浪傲客烟波  
外风笠雨蓑才掷丝纶便千尺飘然去无迹恣脚扣双舷帆挂轻席盈钩香饵鱼争食更拨棹  
葭?放篙菱浦才过新栅又旧驿占江南江北堪恻利名积算纵有豪华难比清寂须知此乐  
天无极有一斗芳酒数声横笛芦花深夜半醉里任露滴

前调【次周美成韵】 陈允平

古堤直隔水轻盈扬碧东风路还是舞烟眠露年年自春色红尘徧京国留滞高阳醉客斜阳  
外千缕翠条髣髴流莺度金尺长亭半陈迹记曾系征鞍频护歌席匆匆江上又寒食回首处  
应念旧曾攀折依然离恨徧四驿倦游尚南北恻恻怨怀积渐楚榭寒收隋苑春寂颦眉不尽  
相思极想人在何处倚楼横笛闲情似絮更那听夜雨滴

前调【顓上用美成韵】 赵必????

画栏直鬪釘千红万碧无端被怪雨狂风慙柳僝花禁春色寻芳徧楚国谁识五陵俊客流水  
远题叶无情鴈足不来杳牋尺浮生等萍迹才卸却归鞭坐未温席匆匆还又京华食叹聚少  
离多漂零因甚江南逢梅望寄驿美人?天北悲恻恨成积怅钗玉尘生貌金烟寂绿杨芳草  
情何极偏嬾拨琵琶愁听羌笛梨花院落黄昏後珠泪滴

前调【送春】 刘辰翁

送春去春去人间无路秋千外芳草连天谁遣风沙暗南浦依依甚意绪漫忆海门飞絮乱鸦  
过斗转城荒不见来时试灯处春去最谁苦但箭鴈沉边梁燕无主杜鹃声里长门暮想玉树  
凋霜泪盘如露咸阳送客屡回顾斜日未能渡春去尚来否正江令恨别庾信愁赋苏堤尽日  
风和雨叹游神故国花记前度人生流落顾孺子共夜语

前调 施岳

柳花白飞入青烟巷陌凭高处愁锁断桥十里东风正无力西湖路咫尺犹阻仙源信息伤心  
事还似去年中酒恹恹度寒食闲牕掩春寂但粉指留红茸唾凝碧歌尘不散蒙香泽念鸾孤

金镜鴈空瑶瑟芳时良夜尽怨忆梦魂省难觅 鳞翼渺踪迹纵罗帕亲题锦字谁识 緘情欲寄  
重城隔又流水斜照倦箫残笛楼台相望对暮色恨无极

前调 彭履道

章台路西出重城几步秦楼晓花气分明一霎空蒙洗高树行人半倚户飞去黄鹂自语秋千  
小不系柳条惟有轻阴约飞絮 钿车暗相遇早拂拭红巾初放鸚鵡闻歌犹是淋铃处唤鸣箏  
掩面倚垆呼酒东风重记旧媚妩报伊共歌舞 西去屡回顾渐客舍荒凉嘶马先驻玉关万里  
知何许但倦拥荒泽瓜洲难渡将军垂老望故国夜梦苦

前调【临川寓舍闻箏】 张翥

晚风恶墙外杨花正落秋千罢人在琐窗犹怯春寒下帘幙多情倦绣作恰了棠梨半萼移金  
鴈应是自调尽寄深情与弦索 数声白翎雀又歇指多时娇甚弹错新声旧谱都忘却想红香  
憔悴锦书辽邈匆匆前度见约略甚如在天角 雾阁闭银钥奈梦断行云青鸟难托三生书记  
情缘薄记旧家歌舞那时行乐桃枝人面问酒家负旧约

前调 邵亨贞

暮天碧长是登临望极松江上云冷鴈稀立尽斜阳耿相忆凭栏起叹息人隔吴王故国年华  
晚烟水正深难折梅花寄寒驿 东风旧游历记草暗书帘苔满吟屐无情征旆催离席嗟月墮  
寒影夜移清漏依稀曾向梦里识恍疑见顔色 空惜鬓毛白恨莫趁金鞍犹误尘迹何时弭棹  
苏台侧共漉酒纱帽放歌瑶瑟春来双燕定否到旧巷陌

御选历代诗余卷九十七

# 卷九十八

钦定四库全书

御选历代诗余卷九十八目录【起一百三十二字至一百三十八字】

瑞龙吟

翁元龙

刘基

破阵乐【又一体】

张先

柳永

大酺

周邦彦

赵以夫

方千里

杨泽民

吴文英

陈允平

周密

刘辰翁

顏奎

浪淘沙慢【又一体】

周邦彦

瑞龙吟【又一体】

周邦彦

方千里

杨泽民

吴文英【二首】

陈允平

张翥

前调【又一体】

杨慎

浪淘沙慢【又一体】

周邦彦

方千里

杨泽民

吴文英

陈允平

西平乐【又一体】

吴文英

歌头



後唐庄宗

西平乐【又一体】

周邦彦

方千里

陈允平

多丽【又一体】

李漳

御选历代诗余卷九十八目录

钦定四库全书

御选历代诗余卷九十八【起一百三十二字至一百三十八字】

司经局洗马掌局事兼翰林院修撰加二级【臣】王奕清奉旨校刊

瑞龙吟

【三叠一百三十二字前二段属正平调所谓双拽头也】

瑞龙吟 翁元龙

清明近还是递？东风做成花信芳时，一刻千金半晴半雨，酹春未准。  
鴈横阵，数字向人慵写，暗云难认。西园猛忆逢迎，翠纨障面，花间笑隐。  
曲径池连平砌，绦裙曾与，濯香湔粉。无奈燕幕莺帘，轻负娇俊。春榆巷陌，马蹋红成寸。  
十年梦，秋千吊影，韞罗尘褪。事往凭谁问。昼长病酒，添新恨。烟冷斜阳暝山黛远。  
曲曲阑干凭损，柳丝万尺，半堤风紧。

前调 刘基

秋光好，无奈锦帐香消，绣帏寒早。钩帘人立，西风送书。

过鴈依然又到，故乡杳空把泪随江水。梦萦西草，何时赋得归来，倚松对柳，开尊醉倒。  
衰鬓不堪临镜，镜中愁见蓬飞丝绕。门外远山青青，长带斜照。石泉涧月孤负，夜猿啸，伤心处，枫凋露

渚荷枯烟沼燕去黄蜂老满天细雨鸣羈鸟花蔓当檐裊庭院静遥闻清砧声捣拥衾背壁一灯红小

破阵乐

【又一体双调一百三十三字】

破阵乐 张先

四堂互映双门并丽龙阁开府郡美东南第一望故苑楼台霏雾垂柳池塘流泉巷陌吴歌处处近黄昏渐更宜良夜簇繁星灯烛长衢如昼暝色韶光几帘粉面飞蕙朱户欢遇鴈齿桥红裙腰草绿云际寺林下路酒熟梨花宾客醉但觉满山箫鼓尽朋游因民乐芳菲有主自此归从泥诏去指沙堤南屏水石西湖风月好作千骑行春画图写取

前调 柳永

露花倒影烟芜蘸碧灵沼波暖金柳摇风木末系彩舫龙船遥岸千步虹桥参差鴈齿直趋水殿遶金堤曼衍鱼龙戏簇娇春罗绮喧天丝管霁色荣光望中似覩蓬莱清浅时光凤辇宸游鸾觴禋饮临翠水开镐宴两两轻舠飞画楫竞夺锦标霞烂罄欢娱歌鱼藻徘徊宛转别有盈盈游洛女采明珠争收翠羽相将归去渐觉云海沉沉洞天日晚

大酺

【汉唐皆有赐酺合宴欢乐也唐教坊有大酺词取以名双调一百三十三字】

大酺 周邦彦

对宿烟收春禽静飞雨时鸣高屋墙头青玉旆洗铅霜都尽嫩梢相触润逼琴丝寒侵枕障虫网吹黏帘竹邨亭无人处听檐声不断困眠初熟奈愁极频惊梦轻难托自怜幽独行人归意速最先念流潦妨车毂怎奈向兰成顚顚卫玠清羸等闲时易伤心目未怪平阳客双泪落笛中哀曲况萧索青芜国红糝铺地门外荆桃如菽夜游共谁秉烛

前调【赏牡丹】 赵以夫

正绿陰浓莺声嫩庭院寒轻烟薄天然花富贵逞妖红殷紫叠葩重萼醉艷酣春妍姿浥露翠羽轻明如削檀心鸦黄嫩似离情愁绪万丝交错更银烛相辉玉瓶微浸宛然京洛朝来风雨恶怕僝僽低张青油幕便好倩佳人插?上客传觥趁良辰赏心行乐四美难并也须?醉莫辞杯杓被花恼情无着长笛何处一笑江头高阁极目水云漠漠

前调【次周美成韵】 方千里

正夕阳闲秋光澹鸳瓦参差华屋高低帘幙迴但风摇环佩细声频触瘦怯单衣凉生两袖零乱庭梧牕竹相思谁能会是归程客梦路谙心熟况时节黄昏闲门人静凭阑身独欢情何太速岁华似飞马驰轻轂漫自叹河阳青鬓冉冉如霜把菱花怅然凝目老去踈狂减思堕策小坊幽曲趁游乐繁华国回首无绪清泪纷於红菽话愁更堪翦烛

前调【次周美成韵】 杨泽民

渐雨回春风清夏垂柳凉生芳屋余花犹满地引蜂游蝶戏慢飞轻触院宇深沉帘栊寂静苍玉时敲疎竹雕梁新来燕恣呢喃不住似曾相熟但双去并来漫萦幽恨枕单衾独仙郎去又速料今在何许伫双轂任梦想频登台榭徧倚阑干水云千里空流目纵遇双鱼客难尽写别来心曲媚容幸倾城国今日何事还又难分麴菽寸心天上可烛

前调【荷塘小隐】 吴文英

峭石帆收归期差林沼半销红碧渔蓑樵笠畔买佳邻翻盖浣花新宅地凿桃陰天开藻镜聊与渔郎分席沧波畊不碎似蓝田初种翠烟生璧料情属新篷梦惊春草断桥相识平生江海客秀怀抱云锦当秋织任岁晚陶篱菊暗逋梅荒总输玉井尝甘液忍弃红香叶集楚裳西风催着正明月秋无极归隐何处门外垂杨天窄放船五湖夜色

前调【次周美成韵】 陈允平

雾幕西山珠帘卷浓霭凄迷华屋蒲萄新绿涨正桃花烟浪飞红翻触绣阁留寒罗衣怯润慵理凤楼丝竹东风垂杨恨鎖朱门深静粉香初熟念缓酌灯前醉吟孤枕顿成清独伤心春去速叹双景虚掷如飞轂漫辜负秋千台榭拾翠心期误芳菲怨眉愁目冷透金篝湿空展转画屏山曲梦不到华胥国闲倚雕楹试采青青梅菽海棠尚堪对烛

前调 周密

又子规啼荼蘼谢寂寂春陰池阁罗牕人病酒奈牡丹初放晚风还恶燕燕归迟莺莺声嬾闲冒秋千红索三分春过半早朱桁尘凝翠衣香薄傍鸳迳鸚笼一池萍碎半檐花落冉冉春梦弱楚台远负雨期云约漫念想清歌锦瑟翠管瑶尊几回重醉东园酌但兔葵燕麦倩谁访画阑红药况多病腰如削相如老去赋笔吟簪闲却此情更谁问着

前调【春寒】 刘辰翁

任琐牕深重帘闭春寒知有人处当年笑花信问东风情性是娇是妒冰柳成须吹桃欲削知更海棠堪否相将燕归後看香泥半雪欲归还误漫低回芳草依稀寒食朱门封絮少年惯羈

旅乱山断欹树唤船渡正暗思鸡声落月梅影孤屏更梦衾千里似雾相如倦游去掩四壁凄其春暮休回首都门路几番行晓个个阿娇深贮而今断烟细雨

前调【和须溪春寒】 顔 奎

唱古荼蘼新荷叶谁向重帘深处东风三十六向园林都过余寒犹妒公子狐裘佳人翠袖怎见此时情否天上知音杳怪参差律吕世间多误记画扇题诗单衣试酒梦归泥絮嗟春如逆旅送前路远涉公无渡回首住凌波亭馆待月楼台满身花气凝香雾度入南薰去留燕伴不教迟暮但一点芳心苦生怕摇落分付荷房收贮晚妆又随过雨

浪淘沙慢

【又一体双调一百三十三字】

浪淘沙慢 周邦彦

万叶战秋声露结鴈度沙碛细草和烟尚绿遥山向晚更碧见隐隐云边新月白映落照帘幙千家听数声何处倚楼笛装点尽秋色脉脉旅情暗自消释念珠玉临水犹悲感何况天涯客忆少年歌酒当时踪迹岁华易老衣带宽懊恼心肠终窄飞散後风流人阻蓝桥约怅恨路隔马啼过犹嘶旧巷陌叹往事一一堪伤旷望极凝思又把阑干拍

瑞龙吟

【又一体一百三十三字一名章台路按此调或分三叠或分四段周邦彦词於归来旧处为第一段盈盈笑语为第二段此即双拽头也若於低金缕为第三段合末段为第四段则为四叠体各本互异今从三叠】

瑞龙吟 周邦彦

章台路还见褪粉梅梢试华桃树愔愔坊陌人家定巢燕子归来旧处黯凝伫因记个人痴小乍窥门户侵晨浅约宫黄障风映袖盈盈笑语前度刘郎重到访邻寻里同时歌舞惟有旧家秋娘声价如故吟笺赋笔犹记燕台句知谁伴名园露饮东城闲步事与孤鸿去探春尽是伤离意绪官柳低金缕归骑晚纤纤池塘飞雨断肠院落一帘风絮

前调【次周美成韵】 方千里

楼前路愁见万点风花数行烟树依依斜日红收暮山翠接平芜尽处小留伫还是画阑凭暖半扃朱户帘栊尽日无人消凝怅望时时自语堪恨行云难系赋情杨柳徘徊犹舞追想向来欢娱怀抱非故题红寄绿魂断江南句何时见轻衫雾唾芳茵莲步燕

子西飞去为人试道相思闷绪空有肠千缕清泪满斑斑多於春雨忍看鬓发密堆飞絮

前调【次周美成韵】 杨泽民

城南路凝望映竹摇风酒旗标树郊原游子停车问山崦里人家甚处  
去还伫徐见画桥流水小窗低户深沉绿满垂杨芳?娅姸娇莺解语 多谢佳人情厚卷帘羞  
得庭花飘舞可谓望风知心倾盖如故犹殢香玉休赋断肠句堪怜处生尘罗襪凌波微步底  
事匆匆去为他系绊离情万绪空有愁如缕桃李忆春风梧桐秋雨又还过却落花飘絮

前调【送梅津】 吴文英

黯分袖肠断去水流萍住船系柳吴宫娇月烧花醉题恨倚蛮江荳?  
吐春绣笔底丽情多少眼波眉岫新园鎖却愁陰露黄迷漫寒香半亩 还背垂虹秋去四桥烟  
雨一宵歌酒犹忆翠微携壶乌?风骤西湖到日重见梅钿皱谁家听琵琶未了朝骢嘶漏印刻  
黄金籀待来共凭齐云话旧莫唱朱櫻口生怕遣楼前行云知後唳鸿怨角空教人瘦

前调【清明竞渡】 吴文英

大溪面遥望绣羽冲烟锦梭飞练桃花三十六陂蛟宫睡起娇雷乍转  
去如箭催趁戏旗游鼓素澜雪溅东风冷湿蛟腥澹陰送昼轻霏弄晚 洲上青苹生处鬪春不  
管怀沙人远残日半开一川花影零乱山屏醉缣连棹东西?阑干倒千红妆靨铅香不断傍暝  
疎帘卷翠涟皱净笙歌未散簪柳娇桃嫩犹自有玉龙黄昏吹怨重云暗阁春霖一片

前调【次周美成韵】 陈允平

长安路还是燕乳莺娇度帘迁树层楼十二阑干绣帘半卷相思处处  
漫凭伫因念彩云初到琐牕琼户梨花犹怯春寒翠羞粉怨尊前解语 空有章台烟柳瘦纤仍  
似宫腰飞舞憔悴暗觉文园双鬓非故闲拈断叶重托殷勤句频回首河桥素约津亭归步恨  
逐芳尘去眩醉眼尽游丝乱绪肠结愁千缕深院静东风落红如雨画屏梦遶一篝香絮

前调【次周美成韵】 张翥

鳌溪路潇洒翠壁丹崖古藤高树林间猿鸟欣然故人隐在溪山胜处  
久延伫浑似种桃源里白云牕户灯前素瑟清尊开怀正好连牀夜语 应是山灵留客雪飞风  
起长松掀舞谁是倦途相逢倾盖如故阳春一曲总是关心句何妨共矶头把钓梅边徐步只  
恐匆匆去故园梦里长牵别緒寂寞闲针缕还念我飘零江湖烟雨断肠岁晚客衣谁絮

前调【又一体】 杨慎

东风峭谁倩水翦余霞日烘残照妆成窥宋东墙倾城倾国嫣然一笑  
轻笼罩叶底烟开冉冉枝头春闹燕泥香里斜阳酒旗映水天涯一棹 消息繁华谁报记曲江  
池上长安古道多少愁落愁开风横雨暴沉吟无语时把朱阑靠知谁伴单衫露冷碎红簪?倚  
醉狂歌浩悠悠尽是伤离调花艷为谁好春又晚可惜年华空老关山迢递故人难到

### 浪淘沙慢

【又一体三叠一百三十三字】

### 浪淘沙慢 周邦彦

晓陰重霜凋?草雾隐城堞南陌脂车待发东门帐饮乍阕正拂面垂杨堪揽结掩红泪玉手亲  
折念汉浦离鸿去何许经时音信絶 情切望中地远天濶向露冷风清无人处耿耿寒漏咽嗟  
万事难忘惟是轻别翠尊未竭凭断云留取西楼残月 罗带光销纹衾叠连环断旧香顿歇怨  
歌永琼壶敲尽缺恨春去不与人期弄夜色空余满地梨花雪

### 前调【次周美成韵】 方千里

素秋霁云横旷野浪拍孤堞柔櫓悲声顿发骊歌恨曲未阕念一寸回肠千缕结柳条去忍使  
攀折但怅惘章台路多少相思?愁絶 凄切去程浩渺空濶奈断梗孤篷西风外簌簌残吹咽  
应暗为行人伤念离别泪波易竭凝怨怀羞覩当时明月 烟浪无穷青山叠鱼封远鴈书渐歇  
甚时合金钗分处缺漫飘荡海角天涯再见日应怜两鬓玲珑雪

### 前调【次周美成韵】 杨泽民

禁城外青青细柳翠拂高堞征鼓催人骤发长亭渐觉宴阕情绪似丁香百千结忍重看手简  
亲折听怨举离歌寄深意新声更清絶 心切暮天塞草烟濶正乍裊轻尘新晴後汨汨清渭咽  
闻西度阳关风致全别玉杯屡竭思故人千里惟同明月 扶上雕鞍还三叠那更第四声未歇  
念蟾魄能圆还解缺况人事莫苦悲伤悴?色归来复见头应雪

### 前调【李尚书山园】 吴文英

梦仙到吹笙路杳度巘云滑溪谷冰绡未裂金铺昼鎖乍掣见竹静梅深春海濶有新燕画帘  
低说念汉履无声跨鲸远年年谢桥月 曲折画阑尽日凭热半蜃起玲珑楼阁畔缥缈鸿去絶  
飞絮扬东风天外歌阕睡红醉纈还是催寒食看花时节 花下苍苔盛罗幃银烛短漏壶易竭  
料池柳不攀春送别倩玉兔别捣秋香更醉蹋千山冷翠飞晴雪

### 前调【次周美成韵】 陈允平

暮烟愁鸦归古树鴈过空堞南浦牙樯乍发阳关歌尽半阙早恨入回肠千万结长亭柳寸寸攀折望日下长安近莫遣鳞鸿成间絕 凄切去帆浪远江濶怅顿解连环西牕下对烛频哽咽叹百岁光陰几度离别翠销粉竭信乍圆易散彩云明月 浙水吴山重重叠流苏帐楚台梦歇暗尘鎖孤鸾秦镜缺羞人问怕说相思正满院杨花落尽东风雪

## 西平乐

【又一体双调一百三十五字或加慢字】

## 西平乐【重过西湖先贤堂】 吴文英

岸压邮亭路欹华表堤树旧色依依红索新晴翠陰寒食天涯倦客重归叹绿草平烟带苑幽渚尘香荡晚当时燕子无言对立斜晖追念吟风赏月十载事梦惹绿杨丝 画船为市天妆艷水日落云沉人换春移谁更与苔根浇石菊井招魂漫省连车载酒立马临花犹认薦红傍路枝歌断讌阑荣华露草冷落山丘到此徘徊细雨西城羊昙醉後花飞

## 歌头

【本教坊曲取以名词双调一百三十六字】

## 歌头 後唐庄宗

赏芳春暖风飘箔莺啼绿树轻烟笼晚阁杏桃红开繁萼灵和殿禁柳千行斜金丝络夏云多奇峰如削纨扇动微凉轻绡薄梅雨霁火云烁临水槛永日逃繁暑泛觥酌 露华浓冷高梧凋万叶一霎晚风蝉声新雨歇暗惜此光陰如流水东篱菊残时叹萧索繁陰积岁时暮景难留不觉朱顏失却好容光旦旦须呼宾友西园长宵讌云謡歌皓齿且行乐

## 西平乐

【又一体双调一百三十七字】

## 西平乐【复游天长感赋】 周邦彦

稚柳苏晴故溪渴雨川迴未觉春賒驼褐寒侵正怜初日轻陰抵死须遮叹事逐孤鸿去尽身与塘蒲共晚争知向此征途区区竚立尘沙追念朱顏翠发曾到处故地使人嗟 道连三楚天低四野乔木依前临路欹斜重慕想东陵晦迹彭泽归来左右琴书自乐松菊相依何况风流鬓未华多谢故人亲驰郑驿时倒融尊劝此淹留共过芳时翻令倦客思家

## 前调【次周成美韵】 方千里

倦蹋征尘厌驱匹马凝望故国犹賒孤馆今宵乱山何许平林漠漠烟遮怅过眼光陰似瞬回  
首欢娱异昔流年迅景他鄉霜枫败叶惊沙无奈轻离易别千里意制泪独长嗟 绮牕人远青  
门信杳钗影何时重见云斜空怨忆吹箫韵曲旋锦回文想像宫商蠹损机杼生尘谁为新妆  
晕素华那信自怜悠扬梦蝶浮没书鳞纵有心情尽为相思争如傍早归家

前调【次周美成韵】 陈允平

泛梗飘萍入山登陆迢递雾迴烟賒漠漠蒹葭依依杨柳天涯总是愁遮叹寂寞尘埃满眼梦  
逐孤云缥缈春潮带雨鸥迎远渚鴈别平沙寒食梨花素约肠断处对景暗伤嗟 晓钟烟寺晨  
鷄月店征裾萧疎破?欹斜忆几度微吟马上长啸舟中惯蹋新丰巷陌旧酒犹香憔悴东风自  
鬓华重忆少年櫻桃渐熟松粉初黄短楫欢呼日日江南烟邨八九人家

多丽

【又一体双调一百三十八字】

多丽 李 漳

好人人去来欲见无因记当时窃香倚煖岂期蜨散鷄分到而今漫劳梦想嗟後会惨啼痕绣  
阁银屏知他何处一重山尽一重云暮天杳梗踪萍迹还是寄孤邨寂寥月今宵为谁虚照黄  
昏 细追思深诚密意黯然一晌消魂仗游鱼漫传尺素望塞鴈空忆回纹帐冷衾寒香消尘满  
博山沉水更谁熏断肠也无聊情味惟是殢芳尊沉吟久移灯向壁掩上重门

御选历代诗余卷九十八



# 卷九十九

<集部,词曲类,词选之属,御选历代诗余

钦定四库全书

御选历代诗余卷九十九目录【起一百三十九字至一百四十六字】

多丽【又一体】

晁补之

晁端礼【二首】

王安中

张纲

张元干

杨无咎

葛立方

张孝祥

严仁

欧良

李清照

詹正

张翥【三首】

前调又【一体】

葛立方

周格非

六丑

周邦彦

方千里

杨泽民

陈允平

前调【又一体】

吴文英

詹正

多丽【又一体】

王肯堂

六州歌头

程秘

轮台子【又一体】

柳永

十二时【又一体】

葛长庚

六州歌头【又一体】

韩元吉

夜半乐

柳永

六州歌头【又一体】

李冠

前调【又一体】

辛弃疾

张孝祥

刘克庄

张翥

前调【又一体】

刘过

前调【又一体】

袁去华

夜半乐【又一体】

柳永

小诺皋

王世贞

御选历代诗余卷九十九目录

钦定四库全书

御选历代诗余卷九十九【起一百三十九字至一百四十六字】

司经局洗马掌局事兼翰林院修撰加二级【臣】王奕清奉旨校刊

多丽

【又一体双调一百三十九字】

多丽【观轻盈弹琵琶】晁补之

新秋近晋公别馆开筵喜清时衔杯乐圣未饶绿野堂边绣屏深丽人乍出座中雷雨起鵾弦  
花暖间关冰凝幽咽宝钗摇动坠金钿未弹了昭君遗怨四座已凄然西风里香街驻马嬉笑  
微传算从来司空见惯断肠初对云鬟夜将阑井梧下叶砌蛩收响悄林蝉赖得多愁浥阳司  
马当时不在绮筵前竞叹赏檀槽倚困沉醉倒觥船芳春调红英翠萼重变新妍

前调 晁端礼

锦堂深兽炉一喷沉烟紫檀槽金泥花面美人斜抱当

筵挂罗绶素肌莹玉近鸾翅云鬓梳蝉玉笋轻拢鱼纹细抹凤凰飞出四条弦碎牙板烦襟消  
尽秋气满庭轩今宵月依稀向人欲鬪婵娟 变新声能翻往事眼前风景依然路漫漫汉妃出  
塞夜悄悄商妇移船马上愁思江边怨感分明都向曲中传困无力劝人金盏须要倒垂莲?沉  
醉身世恍然一梦游仙

前调 晁端礼

晚霞收澹天一片琉璃烂银盘来从海底皓色千里澄辉莹无尘素娥澹泞静可数丹桂参差  
玉露初零金风未凜一年无似此佳时向坐久疎星时度乌鹊正南飞瑶台冷阑干凭暖欲下  
迟迟念佳人音尘隔後对此应解相思最关情漏声正永暗断肠花影潜移料得来宵清光未  
减陰晴天气又争知共凝恋如今别後还是隔年期人总健清尊素月长愿相随

前调【大名岳宫作】王安中

魏都雄凤凰飞观云间佩麟符荀池元老暂辞西省仙班憩甘棠地澄远籁咏华黍河卷惊澜  
碧草凄迷舟毫冷落圜扉铃索鎖长闲绣筵展三台星近锵玉韵珊珊金尊灋新醕方荐薄暑  
初残政成时欢余客散後园朱户休关度秋风画栏枕水挂夜月雕檻骑山锦帐笼香鸾钗按  
曲琵琶数转语绵蛮劝行榜眉间黄气先报袞衣还登庸际应褒旧德喜动天顏

前调 张纲

爱家山坐来心与云闲念生平功名有志暮年多病知难眷簪纓未容引去奈猿鹤久已催还

松菊关情蓴鲈引兴昔人高韵照尘寰细追想山林钟鼎从古罕兼全归来好皇恩赐可拂袖欣然望西清犹叨法从梦魂宁隔台躔蒔七松便爲小隐开三径且乐余年宾友相过鸡豚爲具从容聊作饮中仙君试听阳春佳阕今日恰新传休辞酒从教醉舞踏碎花毡

#### 前调 张元干

少年时壮怀谁与重论视文章真成小技要知吾道称尊奏公车治安秘计乐油幕谈笑从军百镒黄金一双白璧坐看同辈上青云事大谬转头流落徒步出修门三十载黄粱未熟沧海扬尘念向来浩歌独往故园松菊犹存送飞鸿五弦寓目望爽气西山忘言整顿乾坤廓清宇宙男儿此志会须伸更有几渭川垂钓投老策奇勋天难问何妨袖手且作闲人

#### 前调【中秋】 杨无咎

晚风清澹云卷尽轻罗看银蟾初离海上碧溪万里澄波碾云衢玉轮缓驾照山影宝镜新磨光彻庭除寒生绮席无聊清兴助吟哦共宴赏明宵天气晴晦又知他无眠处夜濡湛露目断明河念年来青云矢志举头羞见姮娥且高歌细敲檀板痛饮频倒金荷断约他年重挥大手桂枝须砍最高柯恁时节清光比似今夕更应多功名事到头须在休用忙呵

#### 前调【赏梅】 葛立方

冷云收小园一段瑶芳乍春来未回穷腊几枝开犯严霜傍黄昏暗香浮动照清浅疎影低昂却月幽姿含章媚态姮娥姑射下仙乡倚阑看殷勤持酒索笑也何妨堪怜处东君不管独自凄凉算何人为伊销断古今才子篇章有西湖赋诗处士与东阁年少台郎驿使来时吴王醉处几番牵动广平肠膾宴赏微酸如豆又是隔年长高楼外莫教羌管吹堕寒香

#### 前调 张孝祥

景萧疎楚江那更高秋远连天茫茫都是败芦枯蓼汀洲认炊烟几家蜗舍映夕照一簇渔舟去国虽遥宁亲渐近数峰青处是吾州便乘取波平风静荃棹且夷犹关情有冥冥去鴈拍拍轻鸥忽追思当年往事惹起无限羁愁拄笏朝来多爽气秉烛夜永足清游翠袖香寒朱弦韵悄无情江水只东流舵楼晚清商哀怨还听隔船讴无言久余霞散绮烟际帆收

#### 前调 严仁

最无端官楼画角轻吹一声来深闺深处把人好梦惊回许多愁尽教依受些个事未必君知泪滴兰衾寒生珠幌翠云撩乱枕频敲牕儿上几条残月斜玉界罗帏更堪听霜摧败叶静扣朱扉念别离千里万里问何日是归期关情处鱼来鴈往断肠是兔走乌飞美景良辰赏心乐事风流孤负缕金衣漫赢得花颜玉骨瘦损爲相思归须早刘郎双鬓莫遣成丝

前调【杨花】 欧 良

日初长宝猊一缕沉烟绿陰新垂杨亭榭知谁巧擘香繡有时共落红零乱有时共芳草留连  
只道无情那知有意几回飞徧綺窗前人争讶艳阳三月乾雪舞晴天游丝外不堪燕掠无奈  
蜂黏那小鬟忒煞娇劣漫鎖日倚阑干轻吹处櫻桃的的闲拈处玉笋纤纤爱点猩罗装成蛩  
纈嗔人不许放珠帘端相好蓦然风起特送上秋千明朝看池塘雨过萍翠应添

前调【兰菊 宋媛】 李清照

小楼寒夜长帘幙低垂恨萧萧无情风雨夜来揉损琼肌也不似贵妃醉脸也不似孙寿低眉  
韩令偷香徐娘傳粉莫将比拟未新奇细看取屈平陶令风韵正相宜微风起清芬醞藉不减  
荼蘼 渐秋阑雪清玉瘦向人无限依依似愁凝汉皋解佩似泪洒纨扇题诗明月清风浓烟暗  
雨天教憔悴瘦芳姿纵爱惜不知从此留得几多时人情好何须更忆泽畔东篱

前调 詹 正

晚云归小楼又做新凉霎儿间恨桐招雨西风叶叶商量醒时心又还南浦愁边句多在斜阳  
菱枕笼清莲瓶拖艳旋倾花水咽茶香怨蛩有许多言语说动软心肠夜沉沉几条凉月界破  
晴牕 共綉帘吹絮未久却孤剑水云鄉自家书未能成字邻家笛且莫吹商好梦偏慳闲情未  
了隔墙又唱谢秋娘帔綃依旧时香拊戏封做书囊鸳鸯字见时千万綉一双双

前调【爲友人书所见】 张 翥

小庭堦帘栊婀娜蓬萊恨匆匆归鸿度影东风摇荡情怀不多时见他行过霎时後依旧回来  
银钿双鬟玉丝头导一尖生色合欢鞦韆香粉綉茸衫子窄窄可身裁偶回头笑涡透脸蝉影  
笼钗 忆踈狂随车信马那知沦落天涯荳蔻初可怜春早菖蒲晚难见花开红叶波深彩楼天  
远浪凭青鸟信音乖等闲是这番迷眼无处可安排行云断梦魂不到恐赋阳台

前调【清明上巳同日会饮乐寿园】 张 翥

凤凰箫新声远度兰桡漾东风湖光十里参差绿港红桥暖云蘸郁金衫色晴烟抹翡翠裙腰  
罨画名园闹红芳树蒲葵亭畔彩绳摇满鸳鵲落英堪藉犹作殢人娇渍罗袂莫揉痕退生怕  
香销 忆当年尊前扇底多情冶叶倡条浴兰女隔花偷盼修禊客临水相招旧约寻欢新声换  
谱三生梦里可怜宵纵留得楝花寒在啼鵲已无聊江南恨越王台下几度回潮

前调【西湖泛舟席上作】 张 翥

晚山青一川云树冥冥正参差烟凝紫翠斜阳画出南屏馆娃归吴台游鹿铜仙去汉苑飞萤  
怀古情多凭高望极且将尊酒慰飘零自湖上爱梅仙远鹤梦几时醒空留得六桥疎柳孤屿

危亭待苏堤歌姬散尽更须携妓西冷藕花深雨凉翡翠菰蒲软风弄蜻蜓澄碧生秋闹红驻景采菱新唱最堪听见一片水天无际渔火两三星多情月爲人留照未过前汀

前调【又一体七夕游莲荡作】 葛立方

破波光如镜双翼轻舟对雨余重巘叠嶂何妨影堕清流望芙蕖渺然如海张云锦掩映汀洲出水奇姿凌波艳态眼看一叶弄新秋恍疑是金沙池内玉井认峰头花深处田田叶底鱼戏龟游正微凉西风初度一弯斜月如钩想天津鹊桥将驾看宝匳蛛网初抽晒腹何堪穿鍼无绪不如溪上少淹留竞笑语追寻惟有沉醉可忘忧凭清唱一声檀板惊起沙鸥

前调 周格非

陇头泉未到陇下轻分一声声凄凉呜咽岂堪侧耳重闻细思量那时携手画楼高帘幕黄昏月不长圆云多轻散天应偏妒有情人自别後小牕幽院无处不消魂罗衣上残妆未减犹带啼痕自一从瓶沉簪折要知欲见无因也浑疑事如春梦又只恐人是朝云破镜分来朱弦断後不堪独自对芳尊试与问多才谁更匹配得文君须知道东阳瘦损不爲伤春

六丑

【双调一百四十字明杨慎易名个依或分爲两调者非也】

六丑【蔷薇谢後作】 周邦彦

正单衣试酒怅客里光阴虚掷愿春暂留春归如过翼一去无迹爲问花何在夜来风雨葬楚宫倾国钗钿堕处遗香泽乱点桃蹊轻翻柳陌多情更谁追惜但蜂媒蝶使时叩牕隔东园岑寂渐蒙笼暗碧静遶珍丛底成叹息长条故惹行客似牵衣待语别情无极残英小强簪巾幘终不似一朵钗头颤袅向人欹侧漂流处莫趁潮汐恐断鸿尚有相思字何由见得

前调【次周美成韵】 方千里

看流莺度柳似急响金梭飞掷护巢占泥翩翩飞燕翼昨梦前迹暗数欢娱处艳花幽草纵冶游南国芳心荡漾如波泽系马青门停车紫陌年华转头堪惜奈离襟别袂容易疎隔人间春寂漫云容暮碧远水沉双鲤无信息天涯渐老羈客叹良宵漏断独眠愁极吴霜皎半侵华帻谁复省十载匀香晕粉髻倾鬟侧相思意不离潮汐想旧家按酒巡歌计今难再得

前调【次周美成韵】 杨泽民

叹浓欢易散便忍把恩情抛掷恁时寸心惟思生羽翼别後踪迹不定如萍泛暂抛江沔又流连京国芳容料见尤光泽共赏清楼同游绮陌皆曾痛怜深惜纵鳞鸿托意云水犹隔兰房深

寂映轻红淡碧翠竹名花底同燕息杯盘屡肯留客见真诚厚爱意深情极乌纱翦爲新冠幘  
谁知道荏苒尘埃带袜任他倾侧朝云信且候潮汐但素心未改伊人在应须近得

前调【次周美成韵】 陈允平

自清明过了渐柳底莺梭慵掷万红御风飘飘如附翼锦绣陈迹障地香尘暗飞蜂似雨漫冶  
游南国兰襟缥缈辞湘泽马迹郊原燕泥巷陌伤春爲花深惜叹芳菲薄幸容易踈隔庭闲人  
寂空余芳草碧梦里惊春去如瞬息长安市上狂客爲桃源解佩醉浓欢极无心整雾襟烟幘  
惊回处断雨残云倦倚画阑干侧相思恨暗度流汐更杜鹃院落黄昏近谁禁受得

前调【又一体 元夕风雨】 吴文英

渐新鹅映柳茂苑锁东风初掣馆娃旧游罗襦香未灭玉夜花节记向留连处看街临晚放小  
帘低揭星河潋灩春云热笑靥欹梅仙衣舞纈澄澄素娥宫阙醉西楼十二铜漏催彻红销翠  
歇叹霜簪练髮过眼年光旧情尽别泥深厌听啼鴂恨愁霏润沁陌头尘韞青鸾杳钿车音絶  
却因甚不把欢期付与少年花月残梅瘦飞趁风雪丙夜永更说长安梦灯花正结

前调【杨花】 詹正

似东风老大那复有当时风气有情不定江山身是寄浩荡何世但忆临官道暂来不住便出  
门千里痴心指望回风坠扇底相逢钗头微缀他家万条千缕解遮亭障驿不隔江水 洲曾  
樣等行人岁岁日下长秋城乌夜起帐庐好在春睡共飞归湖上草青无地惜惜雨春心如膩  
欲待化丰乐楼前帐饮青门都废何人念流落无际几点抔作雪絲?润爲君裛泪

多丽

【又一体双调一百四十字】

多丽 王肯堂

步花陰满园春色飘零过横塘曲阑斜折崎岖转入水亭坐无聊起看画障行还倦闲拨炉熏  
暗觉声喧微窺影乱映门一线露罗裙双扉啓缟衣翠袖相簇度银屏霎时间虚牕雪艳素壁  
霞明 细看他莲随步起果然兰并肌芬脸盈盈疑开蛤帐腰细细堪试香尘膩发盘云修眉偃  
月珊瑚一颗蹙朱樱擎浆处春纤如削浑是玉雕成临别去流波回覩障面笑狂生

六州歌头

【双调一百四十一字六州伊凉甘石氐渭也唐时乐府多以此名填词因之】



## 六州歌头 程秘

向来抵掌未必总谈空难偏举质三事试从公记当年赋得一丘一壑天鸢濶渊鱼静莫击磬  
但酌酒尽从容一水西来他日会从公曳杖其中问前回归去笑白发成蓬不识如今几西风  
蒙庄多事论蝨豕推羊蚁未辞终又骤说鱼得计孰能通叹如云网罟龙伯啖眇难穷凡三惑  
谁使我释然融岂是匏系者把行藏悉付鸿蒙且从头检校想见喜迎公湖上千松

## 轮台子

【又一体双调一百四十一字】

## 轮台子 柳永

雾敛澄江烟锁蓝光碧彤霞衬遥天掩映断续半空残壁孤邨望处人寂寞闻钓叟甚处一声  
羌笛九疑山畔才雨过斑竹作血痕添色感行客翻思故乡恨因循阻隔路久沉消息正老松  
古栢青如织闻野猿啼愁听得见钓舟初出芙蓉渡头鸳鸯滩侧干名利禄终无益念岁岁间  
阻迢迢紫陌翠娥娇艳从别经今花开柳圻伤魂魄怕利名牵役又怎忍把光景抛掷

## 十二时

【又一体三叠一百四十一字】

## 十二时 葛长庚

素馨花生枝无几秋入阑干十二那茉莉如今已矣只有兰英菊蕊霜蟾年时香橙天气总是  
悲秋意问宋玉当日如何对此凄凉风月怎生存济还未知幽人心事望得眼穿心碎青鸟不  
来彩鸾何处云锁三山翠是碧霄有路要归归又无计奈何他水长天远身又何曾生翅手捻  
芙蓉耳听鸿鴈怕有丹书至纵人间富贵一岁复一岁此心终日绕香盘在篆畦儿里

## 六州歌头

【又一体双调一百四十二字】

## 六州歌头 韩元吉

东风着意先上小桃枝红粉腻娇如醉倚朱扉记年时隐映新妆面临水?春将半云日暖斜阳  
转夹城西草软沙平骤马垂杨渡玉勒争嘶认蛾眉凝笑脸薄拂臙脂绣户曾窥恨依依昔携  
手处香如雾红随步怨春迟消瘦损凭谁问只花知泪空垂旧日堂前燕和烟雨又双飞人自  
老春长好梦佳期前度刘郎几许风流地也应悲但茫茫暮霭目断武陵溪往事难追

夜半乐

【三叠一百四十三字】

夜半乐 柳 永

冻云黯澹天气扁舟一叶乘兴离江渚渡万壑千巘越溪深处怒涛渐息樵风乍起更闻商旅相呼片帆高举泛画鷁翩翩过南浦望中酒旆闪闪一簇烟邨数行霜树残日下渔人鸣榔归去败荷零落衰杨掩映?边两两三三浣纱游女避行客含羞笑相语到此因念绣阁轻抛浪萍难驻後约叮咛竟何据惨离怀空恨岁晚归期阻凝泪眼杳杳神京路断鸿声远长天暮六州歌头

【又一体一百四十三字或作三叠或分四段今按张孝祥词止双调仍之】

六州歌头【骊山】 李 冠

凄凉绣岭宫殿倚山阿明皇帝曾游地锁烟萝郁嵯峨忆昔真妃子艳倾国方姝丽朝复暮嫔嫱妒宠偏颇三尺玉泉新浴莲羞吐红浸秋波听花奴敲羯鼓酣奏鸣鼙体不胜罗舞婆娑正霓裳曳惊烽燧千万骑拥珣戈情宛转魂空乱蹙双蛾奈兵何痛惜三春暮委妖丽马嵬坡平寇乱回宸辇忍重过香瘞紫囊犹有鸿都客钿合应讹使行人到此千古只伤歌事往愁多

前调【又一体】 辛弃疾

晨来问疾有鹤止庭隅吾语汝只三事大愁余病难扶手种青松树碍梅坞妨花迳才数尺如人立却须锄秋水堂前曲沼明於镜可烛眉须被山头急雨畊垄灌泥涂谁使吾庐映污渠叹青山好檐外竹遮欲尽有还无删竹去我乍可食无鱼爱扶疎又欲爲山计千百虑累吾躯凡病此吾过矣子奚如口不能言臆对虽卢扁药石难除有要言妙道往问北山愚庶有瘳乎

前调 张孝祥

长淮望断关塞莽然平征尘暗霜风劲悄边声黯销凝追想当年事殆天数非人力洙泗上弦歌地亦羶腥隔水疆乡落日牛羊下区脱纵横看名王宵猎骑火一川明笳鼓悲鸣遣人惊念腰间箭匣中剑空埃蠹竟何成时易失心徒壮岁将零渺神京干羽方怀远静烽燧且休兵冠盖使纷驰骛若爲情闻道中原遗老常南望翠葆霓旌使行人到此忠愤气填膺有泪如倾

前调【牡丹】 刘克庄

维摩病起兀坐等枯株清晨里谁来问是文殊遣名姝夺尽羣芳色浴才出醒初解千万态娇无力困相扶絶代佳人不入金张室却访吾庐对茶铛禅榻笑杀此翁癯瑶砌金壶始消渠忆

承平日繁华事修成谱写成图奇絕甚欧公记蔡公书古来无一自京华隔问姚魏竟何如多  
应是彩云散劫灰余野鹿衔将花去休回首河洛坵墟漫伤春吊古梦遶汉唐都歌罢欷歔

前调【孤山寻梅】张翥

孤山岁晚石老树查牙逋仙去谁爲主自疎花破冰芽乌帽骑驴处近修竹侵荒藓知几度蹋  
残雪趁晴霞空谷佳人独耐朝寒峭翠袖笼纱甚江南江北相忆梦魂賒水遶云遮思无涯又  
苔枝上香痕沁么凤语冻蜂衙瀛屿月偏来照影横斜瘦争些好约寻芳客问前度那人家重  
呼酒摘琼朵插鬓鸦唤起春郊扶醉休辜负锦瑟年华怕流芳不待回首易风沙吹断城笳

前调【又一体】刘过

鎮长淮一都会古扬州昇平日珠帘十里春风小红楼谁知艰难去边尘暗戎马扰笙歌散衣  
冠渡使人愁屈指细思血战成何事万户封侯但琼花无恙开落几经秋故垒荒丘似含羞怅  
望金陵宅丹阳郡山不断绸缪兴亡梦荣枯泪水东流甚时休野竈炊烟里依然是宿貔貅叹  
灯火今萧索尚淹留莫上醉翁亭看蒙蒙雨杨柳丝柔笑书生无用富贵拙身谋骑鹤来游

前调【又一体渊明祠】袁去华

柴桑高隐坵壑岁寒姿北牕下羲皇上古人期俗人疑束带真难事赋归去吾庐好斜川路携  
筇杖看云飞六翮冥冥高举青霄外矰缴何施且流行坎止人世任相违采菊东篱正悠然见  
南山处无穷景与心会有谁知琴中趣杯中物醉中诗可忘饥一笑骑鲸去向千载赏音稀嗟  
倦翼瞻遗像是吾师门外空余衰柳摇疎翠斜日辉辉遣行人到此感叹不胜悲物是人非

夜半乐

【又一体三叠一百四十五字】

夜半乐 柳永

艷阳天气烟细风暖芳草郊外闲凝竚渐妆点亭台参差佳树舞腰困力垂杨绿映浅桃穠李  
夭夭嫩红无数度绮燕流莺鬪双语翠娥南陌簇簇蹀影红陰缓移娇步擡粉面韶容花光相  
妒绦绡袖举云鬓风颤半遮檀口含羞背人偷顾竞鬪草金钗争笑赌对此佳景顿觉销凝惹  
成愁绪念解佩轻盈在何处忍良时辜负少年等闲度空望极回首斜阳暮叹浪萍风梗如何  
去小诺皋

【双调一百四十六字明王世贞自度曲按诺皋太陰之名唐段成式着诺皋记又有支诺皋  
调名取此】

## 小诺皋 王世贞

闾辟以前乾坤之外到了不堪穷际尽追求尽多胡突依形附气何处小儿谵语羞杀井蛙垤  
蚁说甚麽出世住世治世黄面瞿昙青牛老子更有那我家司寇伎俩一般而已赚人处还在  
此 稷下万言河间千卷毕竟没些把鼻莫轻容古人瞒过常谈俗事装点几张故纸无奈藏头  
露尾不保他上计中计下计浊酒三杯清琴一几别饶借澹月微风受用残山剩水五更事休  
办取

御选历代诗余卷九十九

# 卷一百

钦定四库全书

御选历代诗余卷一百目录【起一百五十五字至二百四十字】

宝鼎现

赵长卿

康与之

前调【又一体】

无名氏

前调【又一体】

张元干

前调【又一体】

刘辰翁

怨朱弦

王世贞

三台【又一体】

万俟雅言

抛球乐【又一体】

柳永

哨徧

汪莘

前调【又一体】

辛弃疾

前调【又一体】

苏轼

前调【又一体】

苏轼

前调【又一体】

王安中

辛弃疾【二首】

刘克庄

吴潜

方岳【二首】

曹冠

戚氏

柳永

前调【又一体】

苏轼

莺啼序

黄在轩

前调【又一体】

杨慎

前调【又一体】

汪元量

前调【又一体】

吴文英

前调【又一体】

吴文英

前调【又一体】

吴文英

前调【又一体】

赵文

御选历代诗余一百目錄

钦定四库全书

御选历代诗余卷一百【起一百五十五字至二百四十字】

司经局洗马掌局事兼翰林院修撰加二级【臣】王奕清奉旨校刊

宝鼎现

【三叠一百五十五字东观汉记载永平六年宝鼎出雒山班固东都赋云宝鼎见兮色纷縕调名取此】

宝鼎现【上元】 赵长卿

嚣尘尽埽碧落辉腾元宵三五更漏永迟迟停鼓天上人间当此遇正年少尽香车宝马次第  
追随士女看往来巷陌连蓂簇起星球无数 政简物阜清闲处听笙歌鼎沸频举灯焰暖庭帷  
高下红影相交知几户恣欢笑道今宵景色胜却前时几度细算来皇都此夕消得喧传今古  
绮席成行炉喷袅沉檀轻缕覩遨游彩仗疑是神仙伴侣欲飞去恨难留住渐到蓬瀛步愿永  
逢恁时恁节且与风光为主

前调 康与之

夕阳西下暮霭红溢香风罗绮乘丽景华灯争放浓焰烧空连锦砌覩皓月浸严城如昼花影  
寒笼绛蕊渐掩映芙蕖万顷迤迤齐开秋水 太守无限行歌意拥麾幢光动珠翠倾万井歌台  
舞榭瞻望朱轮骈鼓吹控宝马耀貔貅千骑银烛交光数里似乱簇寒星万点拥入蓬壶影里  
宴阁多才环艷粉瑶簪珠履恐看看丹诏催奉宸游燕侍便趁早占通宵醉缓引笙歌妓任画  
角吹老寒梅月满西楼十二

前调【又一体】 无名氏

东君着意化工恩被灼灼妖艷袅嫩梢轻蓓紫风惹露偏早香英绽似向人故矜夸标致倚阑  
全如顾盼尚困怯余寒柔情弱态天真无限 断桥压柳时非浅先百花风光独占当送腊初归  
迎春欲至芳姿偏婉娈料碎翦就缢纨辉丽更把胭脂重染自赋得一般容冶宛胜神仙妆脸  
折近小阁幽牕酷爱处令亲几砚孜孜观赏不枉人称妙选待密密付如膏雨泽仍妆点任扰  
扰百草千花掩迹一时羞见

宝鼎现

【又一体三叠一百五十八字】

宝鼎现 张元干

山庄图画锦囊吟咏胸中坵壑年少日如虹豪气吐凤词华浑忘却便袖手向岩前溪畔种满  
烟梢雾箨想别墅平泉当时草木风流如昨 瘦藤闲倚看锄药双芒屨雨後常着目送处飞鸿  
灭没谁问蓬蒿争燕雀乍霁月望松云南渡短艇敲沙夜泊正万里青冥千林虚籁从渠赠缴  
携幼尚有筠丁谁会得人生行乐岸帻纶巾归去深户香迷翠幙恐未免上凌烟阁好在秋天  
鶚念小山丛桂今宵狂客不胜杯勺

前调【又一体】 刘辰翁

红妆春骑踏月呼影千旗穿市望不尽琼楼歌舞习习香尘莲步底箫声断约彩鸾归去未怕  
金吾呵醉甚犖路喧阗且止听得念奴歌起 父老犹记宣和事抱铜仙清泪如水还转盼沙河  
多丽滟潏明光连邸第帘影动散红光成绮月浸蒲桃十里看往来神仙才子肯把菱花扑碎



肠断竹马儿童空见说三千乐指等多时春不归来到春时欲睡又说向灯前拥髻暗滴鲛珠  
坠便当日亲见霓裳天上人间梦里

怨朱弦

【双调一百六十七字明王世贞自度曲也】

怨朱弦 王世贞

谱朱弦一片秋声万壑松涛银汉初倾挟徧侯门沉深似海雕阑十二娇莺流苏帐底小按银  
箏哑哑轧轧嚶嚶骂书生煞横捻冷装酸搅破春情我道高山流水渠道香云暖雨两语难凭  
怎能勾师涓老子证个分明酒人哉七首荆卿宋意悲歌高渐沾纓应徵飞霜倚天雌霓长河  
倒泻珠绳蒲萄尚暖蝴蝶犹萦陡被杜宇啼醒道不如归去归去来兮任女纵横鱼为洞庭清  
乐凤为苏门长啸飞跃争听何须借天公两耳枉施瑶京三台

【又一体三叠一百七十一字】

三台 万俟雅言

见梨花初带夜月海棠半含朝雨内苑春不禁过青门御沟涨潜通南浦东风静细柳垂金缕  
望凤阙非烟非雾好时代朝野多欢徧九陌太平箫鼓乍莺儿百啭断续燕子飞来飞去近绿  
水台榭映秋千鬪草聚双双游女香更酒冷踏青路曾暗识夭桃朱户向晚骤宝马雕鞍醉  
襟惹乱花飞絮正轻寒轻暖漏永半陰半晴云暮禁火天已是试新妆岁华到三分佳处清明  
看汉蜡传宫炬散翠烟飞入槐府敛兵卫闾阖门开任传宣又还休务

抛球乐

【又一体双调一百八十七字】

抛球乐 柳 永

晓来天气浓澹微雨轻洒近清明风絮巷陌烟草池塘尽堪图画艶杏暖妆脸匀开弱柳困宫  
腰低亚是处丽质盈盈巧笑嬉嬉争簇秋千架戏彩球罗绶金鸡芥羽少年驰骋芳郊绿野占  
断五陵游奏脆管繁弦声和雅向名园深处争泥画轮竞羈宝马取次罗列杯盘就芳树绿影  
红陰下舞娑娑歌宛转髣髴娇燕姹寸珠片玉争似浓欢无价任他美酒十千一斗饮竭仍  
解金貂贯恣幕大席地陶陶尽醉太平且乐唐虞景化须信艶阳天看未足已觉莺花谢对绿  
蚁翠蛾怎生轻舍哨徧

【双调一百九十九字哨或作稍本作哨徧般涉调涉读作瞻龟兹语五声曰般瞻盖此曲为

羽音羽於宫商历第五故以偏名词调取此按此调诸家长短不同且用韵平仄互异今按字数分列各体若句读同而平仄异者不复分体也】

哨偏【櫟括王摩诘与裴迪书】 汪莘

近腊景和故山可过足下听余述便自往山中憩精蓝与僧饭讫北涉灞川明月华映郭夜登华子冈头立嗟辋水沦涟与月上下寒山远火朦胧听林外犬类豹声雄更邨落谁家鸣夜春疎钟相间独坐此时多思往日噫记与君同清流仄径玉琤琮携手赋佳什往来萝

月松风只待仲春天春山可望山中卉木垂萝密见出水轻儵点溪白鹭青皋零露方湿雉朝飞陇鸣俦匹念去此非遥莫相失傥能从我敢相必天机非子清者此事非所急是中有趣殊深愿子无忽不能一一偶因馱藥附吾书是山人王维摩诘

哨偏

【又一体双调二百一字】

哨偏【为赵成父赋鱼计亭】 辛弃疾

池上主人人适忘鱼鱼适还忘水洋洋乎翠藻青萍里相鱼兮无便於此尝试思庄周谈两事一明豕蝻一羊蚁说蚁慕於羶於蚁弃知又说於羊弃意甚蝻焚於豕独忘之却骤说於鱼为得计千古遗文我不知言以我非子噫子固非鱼鱼之为计子焉知河水深且广风涛万顷堪依有网罟如云鰕鰃成阵过而留泣计应非其外海茫茫下有龙伯饥时一啖千里更任公五十犗为饵使海上人人厌腥味似鷗鵬变化几东游入海此计直以命为嬉古来谬算狂图五鼎烹死恒为平地嗟鱼欲事远游时请三思而行可矣

哨偏

【又一体双调二百三字】

哨偏【櫟括归去来辞】 苏轼

为米折腰因酒弃家口体交相累归去来谁不遣君归觉从前皆非今是露未曦征夫指予归路门前笑语喧童稚嗟旧菊都荒新松暗老吾年今已如此但小牕容膝闭柴扉策杖看孤云暮鸿飞云出无心鸟倦知还本非有意噫归去来兮我今忘我兼忘世亲戚无浪语琴书中有真味步翠麓崎岖泛溪窈窕涓涓暗谷流春水观草木欣荣幽人自感吾生行且休矣念寓形宇内复几时不自觉地皇皇欲何之委吾心去留谁计神仙知在何处富贵非吾愿但知临水登山啸咏自引壶觞自醉此生天命更何疑且乘流遇坎还止

前调【又一体春词】 苏轼

睡起画堂银蒜押帘珠幙云垂地初雨歇洗出碧罗天正溶溶养花天气一霎时风回芳草荣  
光浮动卷皱银塘水方杏靛匀酥花须吐绣园林翠红排比见乳燕捎蝶过繁枝忽一綫炉香  
惹游丝昼永人闲独立斜阳晚来情味 便乘兴携将佳丽深入芳菲里拨胡琴语轻拢慢捻总  
伶俐看紧约罗裙急趣檀板霓裳入破惊鸿起顰眉醉霞横脸歌声悠扬天际任满头红  
雨落花飞坠渐鵙楼西玉蟾低尚徘徊未尽欢意君看今古悠悠浮幻人间世这些百岁光  
陰几日三万六千而已醉乡路稳不妨行但人生要适情耳

前调【又一体】 王安中

世有達人潇洒出尘招隐青霄际终始追游览老山栖藐千金轻脱如屣彼假容江皋濫巾云  
岳撓情好爵欺松桂观向释谈空寻真讲道巢由何足相拟待诏书来起便驹驰席次早焚裂  
芰荷衣敲扑喧喧牒诉忽忽抗顏自喜 嗟明月高霞石径幽絕谁回睇空怅猿惊处凄凉孤鹤  
嘹唳任列壑争讥衆峰竦谄林惭润媿移星岁方浪杳神京腾装魏阙徘徊经过留憩致草堂  
灵怒蒋侯麾局岫幌驱烟勒新移忍丹崖碧岭重淙鸣湍声断幽谷逋客归何计信知一逐浮  
荣便丧素守身成俗士伯鸾家有孟光妻岂逡巡眷恋名利

前调【秋水观】 辛弃疾

蜗角鬪争左触右蛭一战连千里君试思方寸此心微总虚空并包无际喻此理何言泰山毫  
末从来天地一稊米嗟小大相形鸬鹚自乐之二虫又何知记跖行仁义孔丘非更殤乐长年  
老彭悲火鼠论寒冰蚕语热定谁同异 噫贵贱随时连城才换一羊皮谁与齐万物庄周吾梦  
见之正商略遗篇翩然顾笑空堂梦觉题秋水有客问洪河百川灌雨泾流不辨涯涘於是焉  
河伯欣然喜以天下之美尽在已渺沧溟望洋东视逡巡向若惊叹谓我非逢子大方達观之  
家未免长见悠然笑耳此堂之水几何其但清溪一曲而已

前调【用前韵】 辛弃疾

一壑自专五柳笑人晚乃归田里问谁知几者动之微望飞鸿冥冥天际论妙理浊醪正堪长  
醉从今自酿躬耕米嗟美恶难齐盈虚如代天邪何必人知试回头五十九年非似梦里欢娱  
觉来悲夔乃怜蚺谷亦亡羊算来何异 嘻物讳穷时丰狐文豹罪因皮富贵非吾愿遑遑乎欲  
何之正万籟都沉月明中夜心弥万里清如水却自觉神游归来坐对依稀淮岸江涘看一时  
鱼鸟忘情喜会我已忘机更忘已又何曾物我相视非鱼濠上遗意要是我非子但教河伯休  
慙海若大小均为水耳世间喜愠更何其笑先生三仕三已

前调【櫟括盘谷序】 刘克庄

胜处可宫平处可田泉土尤甘美深复深路絕住人稀有人兮盘旋於此送子归是他隐居求

志是要明主媒当世嗟此意谁论其言甚壮孔顔犹有遗旨大丈夫之被遇於时便入坐庙朝出旗麾列屋名姬夹道武夫满前才子 噫有命存焉吾非恶此而逃之富贵人所欲如之何幸而致向茂树堪休清泉可濯谷中别有闲天地爱鱸细於丝蕨甜似蜜采於山钓於水大丈夫不遇之所为唐处士依稀是吾师觉山林尊如朝市五侯门下宾客扰扰趋权势嗟盘之乐谁争子所占断千秋万岁呼童秣马更膏车便与君从此逝矣

#### 前调【櫟括兰亭序】 吴潜

晋在永和癸丑暮春初作兰亭会集衆贤临峻岭崇山有茂林修竹流水畅幽情纵无管弦丝竹一觴一咏佳天气於宇宙之中游心骋目此娱信可乐只念人生相与放形骸或一室晤言襟抱开静躁虽殊当其可欣不知老至 游倦复何之情随事改悲相系俛仰间遗迹往往俱成陈矣约境遇变迁终期於尽修龄短景都能几漫古换今移时销物化痛哉莫大生死每临文吊往一兴嗟亦自悼不能喻於怀算彭殤妄虚均耳今之视昔如契後视今犹昔故聊叙録时人所述慨想世殊事异後之览者览斯文将悠然有感於此

#### 前调【问月】 方岳

月亦老乎劝尔一杯听说平生事吾问汝开辟自何时 有乾坤便应有尔年几许鸿荒邈哉遐已吾今断自唐虞起繫帝曰放勳甲辰踐祚数至今宋嘉熙凡三千五百廿年余叹雨旸风僦几盈亏老兔奔驰痴暮吞吐定应衰矣 噫月岂无悲吾观人寿几期颐炯炯双眸子明清无过婴儿但才到中年昏然欲眊那堪老矣知何似试以此推之吾言有理不能不自疑耳恐古时月与今时异恨则恨今人不千岁但见今冰轮如洗阿谁曾自前古看到隋唐世几时明洁几时昏暗毕竟少晴多雨须與月落夜何其曰先生寘之姑醉

#### 前调【用前韵作月对】 方岳

月曰不然君亦怎知天上从前事吾语汝月岂有弦时奈人间并观乃尔休浪许历家繆悠而已谁云魄死生明起又明死魄生循环晦朔有老兔自熙熙妄相传月遯日光余叹万古谁知了无亏玉斧修成银蟾奔去此言荒矣 噫世已堪悲听君歌复解人颐桂魄何曾死寒光不减些儿但与日相望对如两镜山河大地无疑似待既望观之冰轮渐侧转斜才一鉤耳论本来不与中秋异恐天问灵均未知此又底用咸池重洗乾坤一点英气宁老人间世飞上天来摩挲月去才信有晴无雨人生圆阙几何其且徘徊与君同醉

#### 前调【櫟括赤壁赋】 曹冠

壬戌孟秋苏子夜游赤壁舟轻漾观水光弥渺接遥天月出於东山之上与客同清欢扣舷歌咏开怀饮酒情酣畅如羽化登仙乘风独立飘然遗世高尚客吹箫音韵远悠扬怨慕舞潜蛟动凄凉自古英雄孟德周郎旧踪可想 噫水与月兮逝者如斯曷尝往变化如一瞬盈虚兮莫消长自不变而观物我无尽何须感物兴悲怅夫天地之间物各有主惟同风月清赏念江山

美景岂可量吾与子乐之兴相狎听江渚樵歌渔唱侣鱼鰕友麋鹿举匏尊相向人生堪笑蜉蝣一梦且纵扁舟放浪戲将坡赋度新声写高怀自娱闲旷

戚氏

【本曲名为词调三叠二百十二字】

戚氏 柳永

晚秋天一霎微雨洒庭轩槛菊萧疎井梧零乱惹残烟凄然望乡关飞云黯淡夕阳间当时宋玉悲感向此临水与登山远道迢递行人凄楚倦听陇水潺湲正蝉吟败叶蛩响衰草相应声喧孤馆度日如年风露渐变悄悄至更阑长天静绦河清浅皓月婵娟思緜緜夜永对景那堪屈指暗想从前未名未禄绮陌红楼往往经岁迁延帝里风光好当年少日暮宴朝欢况有狂朋怪侣遇当歌对酒竞留连别来迅景如梭旧游似梦烟水程何限念利名憔悴长萦绊追往事空惨愁颜漏箭移稍觉轻寒听呜咽画角数声残对闲牕畔停灯向晓抱影无眠

戚氏

【又一体三叠二百十四字】

戚氏 苏轼

玉龟山东皇灵姆统羣仙绦阙迢嶢翠房深迥倚霏烟幽闲志萧然金城千里鎖婵娟当时穆满巡狩翠华曾到海西边风露明霁鲸波极目势浮輿盖方圆正迢迢丽日玄圃清寂琼草芊芊争解绣勒香鞦韆銮辂驻蹕八马戏芝田瑶池近画楼隐隐翠鸟翩翩肆华筵花间作管鸣弦宛若帝所钧天稚顔皓齿绿鬓方瞳圆极恬澹高妍尽倒琼壶酒献金鼎药固大椿年缥缈飞琼妙舞命双成奏曲醉留连云璈韵响泻寒泉浩歌畅饮斜月低河汉渐渐绮霞天际红深浅动归思回盼尘寰烂漫游玉輦东还杏花风数里响鸣鞭望长安路依稀柳色翠点春妍

莺啼序

【四叠二百三十四字此调字数最长填词多参错不合今按字分别各体】

莺啼序 黄在轩

银云卷晴缥缈卧长龙一带柳丝蘸几簇柔烟雨市帘栋如画芳草湾环半玉鳞鳞曲港双流会看碧天连水翻成箭樣风快白露横江一苇万顷问灵槎何在空翠湿衣不胜寒日华金掌沆瀣登花平绿纹衬步琼田涌出神仙界黛眉修依约雾鬟在秋波外阁嘘青蜃檐啄彩虹飞盖蹴鳌背灯火暮相轮倒景偷睇别浦片片归帆舞蛟幽壑栖鸦古木有人翦取江水忆细鳞

巨口鱼堪脍波涵笠泽时见静影浮光霏陰万貌千态蒹葭深处应有闲鸥寄语休见猜洗却香红尘面买

个扁舟身世飘萍名利微芥栏干拍徧除东曹掾与天随子是我辈尽胸中着得乾坤大亭前无限惊涛总把遥岑月明满载

前调【又一体】 杨 慎

碧鷄唱晓霞散绮重关?画遶邨步几簇生烟空翠幻作仙界菱草荡湾环洲渚轻风送幅蒲帆快看舞鸥飞鹭聯翩向沆寥外 晴兆须臾雨信顷刻问水桩山带树羽颭风展青帘驳霞销睨日晒浪花平洛神衬鞦红妆涌出青罗盖浮修眉约略黛螺映盘鸦? 梅花汀藻文石锦沙纶组迎船絺渔火焰涟漪倒影归棹穿方罨蒲牢昏吼栖鸦结阵八邨九寺鸣箫簌提筠篮金线穿鱼卖松灯点点互月彩卧玉塔浮澜素娥窈窕千态翠巘深靄禅室僧归杖锡微径隘月黑白林明处香

软寒轻惹苴缸中梨梦紫呷南蛮老松遥看晴雪似银龙下斟玉瀣洗尘襟着得乾坤大辘川何似吾庐海变春醪偿风月债

莺啼序

【又一体四叠二百三十六字】

莺啼序【重过金陵】 汪元量

金陵故都最好有朱楼迢递叹倦客又此登高檻外已少佳致更落尽梨花飞尽杨花春色成憔悴问青山三国英雄六朝奇伟 麦甸葵丘荒台败垒鹿豕衔枯荠正潮打空城寂寞斜阳影里听楼头哀笳怨角未把酒愁心先醉渐夜深月满秦淮烟笼寒水 凄凄惨惨冷冷清清灯火渡头市慨商女不知兴废隔江犹唱庭花余音亶亶伤心千古泪痕如洗乌衣巷口青芜路认依稀王谢旧邻里临春结绮可怜红粉成灰萧索白杨风起 因思畴昔铁索千寻漫沉江底挥羽扇障西尘便好角巾私第清谈到底成何事回首新亭风景今如此楚囚对泣何如已叹人间今古真儿戏东风岁岁还来吹入锺山几重苍翠

莺啼序

【又一体四叠二百四十字一名丰乐楼为此调之正体同一字数体各不同俱为列出】

莺啼序 吴文英

天吴驾云阆海凝春空灿绮倒银海蘸影西城四碧天镜无际彩翼曳扶摇宛转雩龙降尾交

新霁近玉虚高处天风笑语吹坠 清濯缁尘快展旷眼傍危阑醉倚面屏障一一莺花薜萝浮动金翠惯朝昏晴光雨色燕泥动红香流水步新梯藐视年华顿非尘世 麟翁袞舄领客登临座有诵鱼美翁笑起离席而语敢诧京兆以後为功落成奇事明良庆会赓歌熙载隆都观国多闲暇遣丹青雅饰繁华地平瞻太极天街润纳璇题露牀夜沉秋纬 清风观阙丽日罨罍正午长漏迟为洗尽脂痕茸唾净卷麴尘永昼低睡绣帘十二高轩驷马戎冠鸣佩班回花底修禊饮御炉香分惹朝衣袂碧桃数点飞花涌出宫沟阳春万里

前调【又一体】 吴文英

残寒正欺病酒掩沉香绣户燕来晚飞入西城似说春事迟暮画船载清明过却晴烟冉冉吴宫树念羁情游荡随风化为轻絮 十载西湖傍柳系马趁娇尘暖雾迢迢渐招入仙溪锦儿偷寄幽素倚银屏春宽梦窄断红湿歌纨金缕暝堤空轻把斜阳总还鸥鹭 幽兰渐老杜若还生水乡尚寄旅别後访六桥无信事往花委瘞玉埋香几番风雨长波妒盼遥山羞黛渔灯分影春江宿记当时短楫桃根渡青楼髣髴临分败壁题诗痕墨惨淡尘土 危亭望极草色天涯叹鬓侵半苧暗点检离痕欢唾尚染蛟绡顰凤迷归破鸾慵舞殷勤待写书中长恨蓝霞辽海沉过鴈漫相思弹入哀箏柱伤心千里江南怨曲重招断魂在否

前调【又一体 咏荷和韵】 吴文英

横塘棹穿艷锦引鸳鸯弄水断霞晚笑折花归绀纱低护灯蕊润玉瘦冰轻倦浴斜拖凤股盘云坠听银牀声细梧桐渐觉凉思 牕隙流光过如迅羽翾空梁燕子误惊起风竹敲门故人还又不至记琅玕新诗细掐早陈迹香痕纤指怕因循罗扇恩疎又生秋意 西湖旧日画舸频移叹几萦梦寐霞佩冷叠澜不定麝霭飞雨乍湿蛟绡暗盛红泪练单夜共波心宿处琼箫吹月霓裳舞向明朝未觉花容悴嫣香易落回头澹碧销烟镜空画罗屏里 残蝉度曲唱彻西园也感红怨翠念省惯吴宫幽愁暗柳追凉晓岸参斜露零鸥起丝萦寸藕留连欢事桃笙频展湘浪影有昭华浓李冰相倚如今鬓点凄霜半篋秋词恨盈蠹纸

前调【又一体 壽胡存斋】 赵文

初荷一番濯雨锦云红尚卷隘华屋赋客吟仙候望南极天远还报道飘然紫气山奇水胜都行徧却归来领客水晶庭院开宴 牕户青红正似京洛按笙歌一片似别有金屋佳人桃根桃叶清婉倚薰风虬须正绿人似玉手按纨扇算风流只有蓬瀛画图曾见 谁知老子正自萧然於此兴颇浅只拟问金砂玉蕊兔髓乌肝偃月炉中七还九转今来古往悠悠史传神仙本是英雄做笑英雄到此多留恋看看破晓耕龙跨海骑鲸千年依旧丹脸 便教乞与万里封侯奈朔风如箭又何似六山一任种竹栽花棋局思量墨池挥染天还记得生贤初念乾坤正要人撑拄便公能安隐天宁愿待看佐汉功成伴赤松游恁时未晚

御选历代诗余卷一百

# 卷一百一

<集部,词曲类,词选之属,御选历代诗余

钦定四库全书

御选历代诗余卷一百一

司经局洗马掌局事兼翰林院修撰加二级【臣】王奕清奉旨校刊

词人姓氏

唐

昭宗讳杰懿宗第七子即位後改名敏

沈佺期字云卿相州内黄人上元中举进士长安中累迁通事舍人除给事中考功郎坐赃配流岭表神龙中授起居郎加修文馆直学士侍宴为回波词悦帝因赐牙绯寻为太子詹事开元初卒善属文尤长七言与宋之问齐名有集十卷

李景伯邢州柏仁人怀远之子景龙中为谏议大夫景云中进太子庶子终右散骑常侍

张说字道济一字说之其先自范阳徙河南遂为洛阳人永昌中对策贤良方正第一授校书郎迁左补阙中

宗朝累迁至兵部侍郎兼修文馆学士睿宗即位擢中书侍郎进同中书门下平章事监修国史开元初进中书令封燕国公出为幽州都督召拜兵部尚书同中书门下三品进尚书右丞相兼中书令迁左丞相授开府仪同三司卒諡文贞有集二十卷明皇使就家録其文行於世

李白字太白凉武昭王九世孙其先陇西成纪人後徙居蜀天宝初游长安贺知章见其文言於明皇召见金銮殿奏颂一篇命供奉翰林恳求还山赐金放归後坐永王璘事流夜郎会赦还代宗立以左拾遗召已卒其所制清平调菩萨蛮诸阙实词调所自起云

王维字摩诘太原人开元九年进士第一调太乐丞擢右拾遗历监察御史累迁给事中肃宗立下迁太子中允进中庶子终尚书右丞赠秘书监後代宗求其乐章其弟缙集为十卷表上之

元结字次山瀘州人天宝十二载进士苏源明荐之肃宗召见上时议三篇擢监察御史迁水



部员外郎拜道州刺史进容管经略使卒赠礼部侍郎自称浪士更称聱叟亦曰漫叟

张鹤龄一名松龄志和之兄官浦阳尉

张志和字子同金华人本名龟龄以明经擢第献策於肃宗得待诏翰林授左金吾卫录事参军改今名坐事贬南海尉经量移不愿之官扁舟江湖自称烟波钓徒宪宗尝命物色之不能致着书十二卷名元真子亦以自号

崔液字润甫安喜人中书侍郎仁师之子官至殿中侍御史坐兄湜事废

刘长卿字文房河间人开元中进士至德中为监察御史以检校祠部员外郎为转运使判官知淮西鄂岳转运留後鄂岳观察使吴仲儒诬奏贬潘州南巴尉寻除睦州司马终随州刺史有集十卷

韦应物京兆人周逍遥公复之後永泰中任洛阳丞历鄂栎阳二县令建中二年除比部员外郎出刺滁州改江州入为左司郎中贞元初又刺苏州有诗文集十卷韩翃字君平南阳人天宝十三载进士侯希逸节度淄青表佐幕府李勉任宣武复辟之建中初以驾部郎中知制诰终中书舍人有集五卷

戴叔伦字幼公润州金坛人师事萧颖士贞元中及第刘晏奏为主运湖南嗣曹王皋领湖南表在幕府杨惠琳劫之不从建中中李希烈反留叔伦守抚州刺史封谯县男後迁容管经略德宗尝赋中和节诗遣使宠饯代还卒於道

张仲素字绘之元和中为翰林学士韦贯之谓学士所以备顾问不宜专取词艺奏罢之

王建字仲初颍川人大历十年进士官渭南尉历秘书丞侍御史出为陕州司马从军塞上後归卜居咸阳有集十卷

刘禹锡字梦得中山人贞元中进士复登博学宏词科为监察御史与王叔文善擢屯田员外郎叔文败贬朗州司马召还复出刺连州又历夔和二州入为主客郎中裴度荐为集贤直学士迁太子宾客会昌时加检校礼部尚书有集四十卷

柳宗元字子厚河东人贞元九年进士再登博学宏词科授校书郎历蓝田尉贞元十九年为监察御史里行王叔文用事擢礼部员外郎後坐叔文党贬邵州刺史再贬永州司马元和十年徙为柳州刺史卒刘禹锡编定其集凡四十五卷

白居易字乐天其先太原人徙下邳贞元中进士拔萃补校书郎元和初入翰林为学士迁左拾遗进左赞善大夫贬为江州司马徙忠州刺史入为司门员外郎迁主客郎中知制诰转中书舍人出刺杭州分司东都复刺苏州文宗立以秘书监召迁刑部侍郎拜河南尹会昌初以

刑部尚书致仕赠尚书右仆射諡曰文自号醉吟先生又号香山居士有长庆集七十五卷

李德裕字文饶赞皇人元和宰相吉甫之子以廕补校书郎累迁至翰林学士进中书舍人御史中丞出为浙西观察使文宗立召拜兵部侍郎节度郑滑徙劔南西川太和七年拜同中书门下平章事封赞皇县伯武宗立再入相以平刘稹功拜太尉进封赵国公改卫国大中初贬崖州司户卒懿宗朝追复故官赠尚书左仆射有会昌一品集二十卷姑臧集五卷行於世

杜牧字牧之京兆人贞元宰相佑之孙太和二年第进士复举贤良方正为淮南节度府掌书记擢监察御史分司东都历黄池睦三州刺史入为司勳员外郎复自乞为湖州刺史踰年以考功郎中知制诰终中书舍人有樊川集二十卷

温庭筠本名岐字飞卿太原人贞观宰相彦博之後累举不第大中末为方山尉徐商镇襄阳署巡官及商执政欲白用之会商罢遂废唐自大中以後诗衰而倚声作至庭筠始有专集名握兰金荃与诗集五卷汉南真稿十卷并传於世

段成式字柯古临淄人长庆宰相文昌之子会昌时累擢尚书郎出为吉州刺史终太常少卿

皇甫松一作嵩字子奇睦州人工部郎中湜之子崔怀宝

郑符字梦复荥阳人官秘书监

张希复字善继常山人牛僧孺之壻河南府士曹集贤校理後官学士有与段成式郑符联句

司空图字表圣河中人咸通末进士由宣歙幕召为礼部员外郎迁郎中僖宗幸凤翔间关至行在拜知制诰迁中书舍人後还河中屡徵不起昭宗在华召拜兵部侍郎复固辞隐居中条山之王官谷名其亭曰休休自称耐辱居士朱全忠召为礼部尚书不食而卒有一鸣集三十卷

韩偓字致尧一字致光万年人龙纪元年进士佐河中幕府召拜左拾遗累迁左谏议大夫王溥荐为翰林学士迁中书舍人从昭宗幸凤翔迁兵部侍郎进承旨欲相者三四皆固辞後为朱全忠所恶贬濮州司马天佑二年复召为学士偓不敢入朝挈家南依王审知自号玉山樵人所著有金銮密记五卷诗一卷又香奁集一卷

张曙小字阿灰成都人侍郎禕子龙纪元年进士林楚翘

方外

吕岩字洞宾京兆人咸通中举进士两为县令值黄巢乱携家入终南山学道不知所终

## 宫嫔

杨太真小字玉环永乐人蜀州司户参军元琰之女始为壽王妃开元二十八年诏度为女道士赐号太真旋召入禁中称娘子天宝初册为贵妃

## 妓女

### 柳氏韩翃姬

刘采春浙人作罗唢曲元稹廉问浙东有因循归未得不是恋鲈鱼之句或曰为好监湖春色耳谓采春也

## 女鬼

### 王丽真见才鬼錄

## 後唐

庄宗名存勗小字亚子天佑五年嗣立为晋王破燕灭梁遂袭尊号改元同光在位三年性知音善度曲世传其一叶落宴桃源等词

和凝字成绩郢州人举进士仕後唐为翰林学士知制诰晋天福中拜中书侍郎同中书门下平章事後汉时加太子太傅封鲁国公周显德中卒赠侍中有集共百余卷其长短句名红叶稿

## 南唐

中主李璟字伯玉徐州人唐宗室之裔嗣父昇僭号江南改元保大初名景通後奉周正朔避庙讳改名璟降称国主宋建隆二年卒其子从嘉乞追复帝号太祖许之庙号元宗有长短句数首

後主李煜字重光初名从嘉璟之第六子建隆二年嗣立开宝八年国入於宋封违命侯太平兴国中进封陇西郡公卒追封吴王赠太师煜妙於音律能自谱乐府後人合中主所作刻之为南唐二主词集一卷

冯延巳一名延嗣字正中其先彭城人唐末徙家新安又徙广陵事李昇为校书郎继事璟累官翰林学士承旨进中书侍郎左仆射同平章事後改太子太傅所着乐府甚多嘉佑中陈世修编定为阳春錄一卷

徐铉字鼎臣会稽人父延休唐乾符中进士後仕吴遂家广陵铉与弟锴俱知名时号二徐铉始仕杨溥为秘书郎李昇时知制诰煜时累迁翰林学士归宋为直学士院给事中散骑常侍淳化初坐累黜静难军司马卒於邠有徐常侍集三十卷

张泌一作泌字子澄淮南人初官句容尉上书陈治道後主徵为监察御史历考功员外郎进中书舍人改内史舍人随煜归宋仍入史馆迁郎中归寓家毘陵有集一卷

卢绛字晋卿宜春人唐中书舍人肇之後举进士不第上书论事授沿江巡检後主用为凌波都虞候累迁昭武军节度留後进柱国归宋授冀州团练使

成幼文江南人官大理卿

耿玉真卢绛未遇时梦白衣女子歌菩萨蛮词且曰他日富贵相见於固子坡後绛入宋被刑有妇人耿玉真者同斩姿貌宛如所梦问其地为固子坡云

前蜀

後主王衍字化源许州人嗣父建僭号於蜀改元乾德後唐同光四年举国降天成中追封顺正公衍有才思尤好靡丽之词所制词曲蜀人皆传诵焉

韦庄字端已杜陵人唐宰相见素之孙乾宁元年进士官左补阙王建为西川节度使昭宗命庄同李询宣谕遂留掌书记寻以起居舍人召建复表留之及僭号进庄左散骑常侍判中书门下事累官至吏部尚书同平章事卒諡文靖有集二十余卷其弟蔼编定其诗为浣花集五卷

牛峤字松卿一字延峰陇西人唐宰相僧儒之後乾符五年进士历官拾遗补尚书郎王建镇蜀辟为判官後仕蜀为给事中有集三十卷

牛希济峤之兄子王衍时累官翰林学士御史中丞降於後唐明宗拜为雍州节度副使

庾传素事王建为蜀州刺史累官至左仆射同平章事罢为工部尚书衍嗣立加太子少保兼中书侍郎後降唐授刺史

毛文锡字平珪南阳人唐太仆卿龟范子登进士仕蜀为翰林学士迁内枢密使进文思殿大学士拜司徒贬茂州司马随衍降唐复仕後唐与欧阳炯等并以词章供奉内庭所着有前蜀纪事二卷茶谱一卷

薛昭蕴官至侍郎

魏承班父弘夫为王建养子赐姓名王宗弼封齐王承班为驸马都尉官至太尉

尹鹖成都人事王衍为翰林校书累官参卿

李珣字德润先世本波斯人家於梓州王衍昭仪李舜弦兄也为蜀秀才尝与宾贡有琼瑶集一卷

後蜀

後主孟昶字保元初名仁赞邢州人嗣父知祥僭号於蜀改元广政宋乾德三年举国降封秦国公卒赠尚书令追封楚王諡恭孝性好学尝集古今韵会五百卷亦工乐府

欧阳彬字齐美衡州人前蜀时官翰林学士兵部侍郎充唐国通好使後归孟知祥历事昶累官尚书左丞出为宁江军节度使

欧阳炯益州人事王衍为中书舍人後事知祥及昶累官翰林学士进门下侍郎同平章事从昶归宋授左散骑常侍

顾夐前蜀时官刺史後事知祥累迁至太尉

鹿昭信字晦之永泰军节度使进检校太尉加太保昭信选蜀布衣时称为处士

毛熙震蜀人官秘书监

徐氏青城人有才色昶册为贵妃升号慧妃别称花蕊夫人尝傲王建作宫词百首为时所称

南汉

黄损字益之连州人登梁龙德二年进士第後仕南汉刘龔居幕府累进尚书左仆射以极諫忤意退居永州卒或曰仙去所着有三要书桂香集射法

楚

伊用昌南岳道士有异术

南平

孙光宪字孟文贵平人唐时为陵州判官天成初避地江陵高季兴据荆南署为从事历事三世累官荆南节度副使检校秘书兼御史中丞後劝高继冲归宋太祖授以黄州刺史将用为

学士未及而卒自号葆光子有荆台笔佣橘斋巩湖诸集

徐昌图莆阳人与兄昌嗣并有才名陈洪进归宋令昌图奉表入汴太祖命为国子博士累迁殿中丞

闽

陈金凤福清人唐福建观察使陈岩女王审知选为才人延钧立复嬖之封淑妃及僭号册为后金凤善歌舞尝作乐游曲

御选历代诗余卷一百一

# 卷一百二

钦定四库全书

御选历代诗余卷一百二

司经局洗马掌局事兼翰林院修撰加二级【臣】王奕清奉旨校刊

词人姓氏

宋

徽宗讳佶神宗子天才睿敏诗文之外尤工长短句书画入妙世称宣和名笔

高宗讳构字德基徽宗第九子博学强记政事之暇寄情歌咏所制渔父词尤为世所传

潘阆字逍遥大名人尝居洛阳卖药太宗朝有荐其能诗者召见崇政殿赐进士及第授四门国子博士後坐事遁入中条山中题诗钟楼寺僧疑而迹之复逸去寻出自首谪信州真宗朝为滁州参军有逍遥词一卷苏易简字太简梓州人太平兴国五年登进士覆试擢甲科第一由知制诰入为翰林学士续唐李肇翰林志

二卷以献太宗赐诗嘉之淳化中参知政事後以礼部侍郎出知邓州

寇准字平仲下邳人年十九登太平兴国中进士除巴东令累官尚书右仆射集贤殿大学士景德中同中书门下平章事封莱国公为丁谓所构贬雷州司户参军仁宗朝赠中书令諡忠愍有巴东集

王禹偁字元之钜野人太平兴国八年进士端拱初召试擢右拾遗直史馆二年拜左司谏知制诰坐事贬旋召为礼部员外郎历翰林学士又罢为工部郎中知滁州改知扬州复召还知制诰再出知黄州徙鄆州有小畜集

丁谓字公言初字谓之长洲人淳化三年进士天禧初拜平章事封晋国公後贬崖州

夏竦字子乔德安人举贤良方正庆历中同中书门下平章事判大名府召入为宰相改枢密使封英国公进封郑国公卒赠太师中书令諡文正以刘敞言改諡文庄有集一百卷

钱惟演字希圣吴越王俶之子少补牙门将归宋为右屯卫将军召试学士院改太仆少卿累迁至枢密使罢为镇国军节度观察留後改保大军节度知河阳入朝加同中书门下平章事

坐擅议宗庙又与后家通婚落平章事以崇信军节度使归镇卒赠侍中諡曰思改諡文僖有拥旆集

赵拚字閱道西安人第进士为武安推官历知崇安海陵江源三县通判泗州以曾公亮荐擢殿中侍御史英宗朝除龙图阁直学士知成都神宗初召知谏院擢参知政事与王安石议政不协求去除资政殿学士出知越州寻以太子少保致仕卒赠太子少师諡清献晏殊字同叔临川人景德初张知白安抚江南以神童荐真宗召见命与进士并试援笔立成赐同进士出身累官翰林学士左庶子仁宗朝迁右谏议大夫兼侍读学士历迁至参知政事集贤殿学士拜同中书门下平章事兼枢密使卒赠司空兼侍中諡元献有殊玉词一卷

陈尧佐字希元阆中人少师省华次子少从种放读书终南山第进士历官同中书门下平章事集贤殿大学士以太子太师致仕赠司空兼侍中諡文惠

贾昌朝字子明获鹿人天禧中真宗祈谷南郊昌朝献颂召试赐进士出身除晋陵簿景佑初授崇政殿说书历天章阁待制累官至同中书门下平章事兼侍中封许国公英宗立加左仆射进封魏国公諡文元有集百十二卷木兰花令一调极为黄昇所称

王益临川人安石之父官都官员外郎

杜衍字世昌山陰人登进士甲科历官州县皆有政绩庆历中拜同平章事集贤殿大学士兼枢密使以事罢知兖州致仕皇佑中进太师封祁国公卒赠司徒兼侍中諡正献

王琪字君玉华阳人举进士调主簿除馆阁校勘集贤校理历官知制诰加枢密直学士以礼部侍郎致仕所制乐府名谪仙长短句

林逋字君复钱塘人少孤力学不事进取放游江淮间久之归杭州结庐西湖之孤山二十年足不及城市真宗赐以粟帛诏有司岁时劳问及卒仁宗赐諡和靖先生有和靖先生集附词

李遵勗字公武上党人崇矩之孙登进士大中祥符间召见便殿尚荆国大长公主授左龙武军驸马都尉赐第永宁里累迁宁国军节度使徙镇国军知许州卒赠中书令諡和文有闲宴集

叶清臣字道卿长洲人天圣二年举进士对策擢第二历官翰林学士权三司使罢为侍读学士知河阳卒赠左谏议大夫有集

聂冠卿字长孺新安人举进士授连州军事推官以大臣荐召试学士院充馆阁校勘预撰景佑广乐记庆历中入为翰林学士判昭文馆兼侍读学士有蕲春集韩琦字稚圭安阳人天圣五年进士第二人嘉佑初历官同中书门下平章事集贤殿大学士迁昭文馆大学士进右仆射再进司空兼侍中封仪国公进封卫国公再进封魏国公卒赠尚书令諡忠献徽宗追论定



## 策功赠魏郡王有安阳集

范仲淹字希文吴县人大中祥符八年进士明道中为右司谏以直言远贬寻召还累官至权知开封府复忤吕夷简贬知饶州西北用兵仁宗以仲淹人望所属起为陕西招讨副使兼知延州改知庆州屡进枢密直学士右谏议大夫充陕西路安抚招讨使召还拜枢密副使除参知政事卒赠兵部尚书楚国公諡文正有集李师中字诚之楚丘人登进士仁宗朝权主管经略司文字提点广西路刑狱历天章阁待制河东都转运使贬和州团练副使安置稍迁至右司郎中

宋祁字子京安陆人徙居雍丘天圣中与兄郊同举进士时称为大小宋累官翰林学士承旨知制诰卒赠尚书諡景文有出麾小集西州猿稿

吴感字应之天圣二年省试第一又中拔萃科仕至殿中丞以咏红梅词得名

韩维字持国雍丘人忠献公亿之子用门廕入仕欧阳修荐为检讨知太常礼院出判泾州除同修起居注进知制诰神宗初除龙图阁直学士历知州郡召拜门下侍郎以太子少傅致仕

韩缜字玉汝维之弟登进士累官大中大夫同知枢密院事拜尚书右仆射兼中书侍郎以太子太保致仕赠司空崇国公諡庄敏

郑獬字毅夫安陆人皇佑五年举进士第一知制诰神宗召夕对内东门命草制赐双莲烛送归院拜翰林学士命权知开封府王安石恶之以侍读学士出知杭州徙青州有郾溪集

张昇字杲卿韩城人大中祥符八年进士累官参知政事兼枢密使以彰信军节度使同中书门下平章事判许州改镇河阳进太子太师致仕卒赠司徒兼侍中諡康节

谢绛字希深富阳人以父涛廕试秘书省校书郎复登进士甲科知汝陰县迁光禄寺丞召试擢秘阁校理历官至朝散大夫行尚书兵部员外郎知制诰出知邓州欧阳修字永叔庐陵人两试国子监一试礼部皆第一擢进士甲科补西京留守推官景佑初召试迁馆阁校勘历官至礼部侍郎兼翰林侍读学士进枢密副使参知政事熙宁四年以观文殿学士太子少师致仕卒赠太子太师諡文忠修初号醉翁晚更号六一居士有六一居士词三卷

苏舜钦字子美易简之孙以父廕补太庙斋郎调茱阳尉复举进士官大理评事范仲淹荐其才召试擢集贤校理监进奏院为王拱辰诬奏除名寓居吴中买水石一区作沧浪亭以诗酒自放後为湖州长史卒有集梅尧臣字圣俞宣城人以从父询廕为河南主簿历镇安判官仁宗召试赐进士出身为国子监直讲迁尚书屯田都官员外郎有宛陵集

石延年字曼卿其先幽州人徙宋城累举进士不第补三班奉职迁殿直累迁大理寺丞通判海州终太子中允秘阁校理

司马光字君实夏县人宝元初登进士甲科累官天章阁待制知谏院治平间为谏议大夫龙图阁直学士熙宁初迁翰林学士御史中丞进枢密副使不拜与王安石不合出知永兴军哲宗立拜门下侍郎进尚书左仆射卒赠太师温国公諡文正

王安石字介甫临川人庆历中擢进士第知鄞县嘉佑三年为度支判官迁直集贤院同修起居注知制诰神宗在颖邸闻其名及即位命知江宁府数月召为翰林学士兼侍讲熙宁二年拜参知政事三年拜同平章事七年罢八年复相屡谢病出判江宁府元丰二年复拜左仆射封舒国公改封荆卒赠太师諡曰文追封舒王晚居金陵自号半山老人有临川集词一卷

范纯仁字尧夫仲淹次子第进士除官不赴仲淹没始出仕治平中为侍御史争濮王典礼出判安州神宗朝知谏院加直集贤院同修起居注忤王安石改判国子监出知河中府哲宗立命同知枢密院事元佑三年拜尚书右仆射兼中书侍郎绍圣中贬永州安置後追赠开府仪同三司许国公諡忠宣有集

晏几道字叔原殊之幼子尝监颖昌许田镇有小山词一卷黄庭坚为之序

张先字子野吴兴人晏殊尹京兆辟为通判历官都官郎中居钱塘尝创花月亭有子野词一卷

柳永字耆卿初名三变乐安人景佑元年进士历官屯田员外郎有乐章集九卷

韦骧字子骏钱塘人皇佑五年进士历官尚书主客郎中提点夔州路刑狱有集

御选历代诗余卷一百二

# 卷一百三

钦定四库全书

御选历代诗余卷一百三

司经局洗马掌局事兼翰林院修撰加二级【臣】王奕清奉旨校刊

词人姓氏

宋

苏轼字子瞻一字和仲自号东坡居士眉山人嘉佑二年试礼部第一复对制策入三等历官端明殿学士兼翰林侍读学士守礼部尚书绍圣初安置惠州徙昌化元符初北还高宗即位赠资政殿学士再赠太师諡文忠有东坡居士词二卷

苏辙字子由年十九与兄轼同登进士科又同策制举以直言置下等授商州军事推官神宗立上书召对为三司条例属官以忤王安石徙他职後坐兄轼诗祸谪监筠州盐酒税移知绩溪县哲宗即位召入元佑初为右司谏迁起居郎中书舍人代轼为翰林学士寻权吏

部尚书使契丹还为御史中丞寻拜尚书右丞进门下侍郎以直谏落职知汝州再谪袁州未至降秩试少府监分司南京筠州居住又谪化州别驾雷州安置移循州徽宗朝徙永州岳州已而复大中大夫奉祠蔡京当国又降居许州致仕自号颍滨遗老卒追复端明殿学士淳熙中諡文定有栟城集

曾巩字子固南丰人登嘉佑二年进士第历集贤校理出通判越州知齐襄洪三州加直龙图阁知福州屡外徙寻判三班院加史馆修撰终中书舍人有南丰集黄庭坚字鲁直分宁人自号山谷道人一号涪翁举进士元佑初为校书郎迁集贤校理擢起居舍人除秘书丞以忤章惇蔡卞贬涪州别驾安置黔州起监鄂州税迁知舒州复贬宜州卒追諡文节有山谷词二卷黄知命字元明庭坚之弟

秦观字少游初字太虚高邮人登第後苏轼荐於朝除太学博士迁秘书省正字兼国史院编修官坐党籍远徙徽宗朝放还有淮海词三卷

晁补之字无咎钜野人元佑初应进士举试开封府及礼部别试皆第一除秘书省正字迁校书郎以秘阁校理通判扬州寻召还为著作郎坐党籍徙放还後葺归来园自号归来子又称济北诗人大观末起知泗州有鸡肋集词一卷其琴趣外篇六卷则俗人贗托者张耒字文潜淮陰人第进士历官起居舍人以直龙图阁知润州坐党籍谪官晚监南岳庙主管崇福宫建

炎初贈集英殿修撰有宛丘集嘗從蘇軾游與黃庭堅秦觀晁補之稱蘇門四學士

陳師道字履常一字無已號後山彭城人年十六謁曾公衮大器之元豐初曾公衮典五朝史事以白衣薦為史館屬章惇屢招之卒不一往元祐初蘇軾薦為徐州教授未幾除太學博士坐黨籍罷官元符間除秘書省正字有後山集長短句二卷

李廌字方叔華山人嘗携所作文謁蘇軾於杭州軾大稱賞復歸華山閉戶讀書應鄉舉試禮部不第遂絕意進取定居長社有濟南集又名月岩集

李之儀字端叔無棣人第進士歷樞密院編修官通判原州徽宗初提舉河東常平坐為范純仁作遺表及行狀編管太平自號姑溪居士久之徙唐州終朝請大夫有姑溪詞二卷

賀鑄字方回衛州人孝惠后族孫嘗為武弁元祐中通判泗州又倅太平州退居吳下築室於橫塘自號慶湖遺老自製其歌詞為東山寓声乐府三卷

毛滂字泽民江山人為杭州法曹以乐府受知蘇軾得名嘗知武康縣又知秀州有東堂乐府二卷行於世王仲字與善元祐間人

杜安世字壽域有詞一卷

李元膺南京教官

孫洙字巨源廣陵人未冠登進士補秀州法曹復舉制科遷集賢校理太常禮官治平中兼史館檢討同知諫院出知海州元豐初召還直學士院撰靈津廟碑稱旨擢翰林學士有孫賢良集

朱服字行中烏程人熙寧中登進士甲科累官國子司業起居舍人以直龍圖閣知潤州徙泉州寧海州紹聖初召為中書舍人歷禮部侍郎坐與蘇軾游貶海州團練副使蕲州安置

章粦字質夫浦城人以叔得象廕為孟州司戶參軍試禮部第一歷官樞密直學士龍圖閣端明殿二學士以平夏州功拜同知樞密院事贈右銀青光祿大夫諡莊簡揮麈錄作莊敏

舒亶字信道慈谿人試禮部第一累官御史中丞以罪斥終龍圖閣待制贈直學士

李清臣字邦直魏人舉進士歷官知制誥翰林學士遷尚書左丞罷為資政殿學士復拜中書侍郎以大學士知河南府徽宗立入為門下侍郎出知大名府贈金紫光祿大夫

王洙字晉卿太原人徙開封尚英宗女魏國大長公主歷官定州觀察使開國公駙馬都尉贈昭化軍節度使諡榮安

赵令畤字德麟燕懿王德昭之後元佑中签书颍州公事苏轼为守爱其才荐於朝及轼被窜坐交通罚金後官右朝请大夫改右监门卫大将军营州防御使迁洪州观察使袭封安定郡王寻迁宁远军承宣使同知行在大宗正事赠开府仪同三司有聊复集一卷

王安礼字和甫临川人安石之弟登制科吕公弼荐为著作佐郎崇文院校书历迁直舍人院同修起居注进知制诰翰林学士尚书左丞元佑中加资政殿学士历扬青蔡三州刺史

王安国字平甫临川人安礼之弟熙宁初用韩绶荐召试赐进士及第又举茂才异等除西京国子教授崇文院校书改秘阁校理坐郑侠事夺官有王校理集曾肇字子开南丰人巩之弟举进士元佑中官中书舍人徽宗朝再入西掖迁翰林学士兼侍读以龙图阁学士提举中太乙宫崇宁中安置汀州绍兴初追諡文昭有曲阜集

晁冲之字叔用一字用道钜野人举进士绍圣初以党论被逐隐居具茨山下号具茨先生有具茨集词一卷秦觏字少章高邮人观之弟举进士

王观字通叟如皋人试开封府第一中元佑二年进士第官翰林学士以赋应制词被谪因自号逐客有冠柳集一卷一云官大理寺丞知江都县事

孔武仲字常父临江新喻人至圣四十八代孙也举进士中甲科调谷城主簿教授齐州为国子直讲历秘书正字校书集贤校理著作郎国子司业论诋王氏进起居郎侍讲迺英起居舍人旋拜中书直学士院擢给事中迁礼部侍郎以宝文阁待制知洪州改宣州坐元佑党夺职居池州卒与兄文仲弟平仲并有文名时称二苏三孔有清江集

孔平仲字毅父武仲之弟第进士吕公着荐为秘书丞集贤校理出为江东转运判官绍圣中坐元佑党谪知衡州徙韶州复谪惠州别驾安置徽宗立召为户部金部郎中出提举永兴路刑狱帅鄜延环庆党论再起罢职有清江集

米芾字元章太原人徙居襄阳又徙居吴以恩补临光尉历官太常博士知无为军召为书画学博士擢礼部员外郎出知淮阳军有襄阳集

滕宗谅字子京河南人举进士范仲淹荐其才以秦州军事推官召试学士院改大理寺丞累迁至天章阁待制出知庆州再知虢州复徙岳州终知苏州

郑仅字彦能彭城人第进士历官显谟阁待制出知宁州徙秦州迁都转运使召拜户部侍郎改吏部侍郎知徐州终显谟阁直学士通议大夫赠光禄大夫諡修敏黄裳字勉仲延平人元丰五年进士先是神宗见裳所着文喜之及进读试策亲擢为第一累官端明殿学士赠少傅有演山集词二卷

张景修字景叔常州人治平中举进士元丰末为饶州浮梁令迁郎中

孙儀字济师

程过字观过

解昉字方叔

陈亚字亚之扬州人咸平五年举进士尝知润州终司封郎中一云太常少卿有澄源集

张舜民字芸叟邠州人登进士第以荐为监察御史累官至吏部侍郎坐元佑党谪楚州复为集贤殿修撰自号浮休居士有画墁集

沈括字存中钱塘人以父任为沭阳主簿登进士第编校昭文书籍为馆阁校勘迁太子中允检正中书刑房提举司天监历迁太常丞同修起居注擢知制诰兼通进银台司自中允至是才三月为河北西路察访使遣聘契丹还拜翰林学士权三司使为蔡确所论以集贤学士知宣州明年复龙图阁待制知审官院又出知青州未行改延州以副种谔西讨巴延有功加龙图阁学士坐失援谪均州团练副使元佑初徙秀州继以光禄少卿分司居润卒括博学无所不通多所论着又有梦溪笔谈

王雱字元泽安石之子举进士调旌德尉累官崇政殿说书迁天章阁待制兼侍讲进龙图阁直学士赠右谏议大夫

蔡挺字子政一作子正宋城人第进士累官天章阁待制出知渭州进右谏议大夫龙图阁直学士拜枢密副使赠工部尚书諡肃敏

汪辅之字正夫宣州人熙宁中登第历官职方郎中广南转运使左迁知?州有集三十卷

苏庠字养直丹阳人绍圣中与徐俯同召不起自放江湖间号後湖居士有後湖集一卷

刘涇字巨济简州人举进士王安石荐其才召见除经义所检讨迁太学博士後官至职方郎中有前溪集五卷

潘元质金华人

苏过字叔党轼之第三子当时号为小坡初监太原府税次知颍昌府鄆城县皆坐党人子弟去官终於通判中山府留家颍昌经营湖陰水竹数亩名曰小斜川自号斜川居士有斜川集

秦湛字处度观之子官宣教郎

李婴

许庭字伯扬濠梁人

葛胜仲字鲁卿丹阳人绍圣四年进士历官礼部员外郎权国子司业迁太常卿兼谕德除国子祭酒出知汝州改湖州謚文康有丹阳集词一卷

李冠字世英山东人

张表臣官承议郎通判常州着珊瑚钩诗话

查莹

周紫芝字少隐宣城人两以乡贡试礼部不第从李之仪吕本中游年六十一始以廷对第三同学究出身历枢密院编修官右司员外郎出知兴国军秩满奉祠居庐山有竹坡词一卷

谢逸字无逸临川人第进士有溪堂词一卷

谢薖字幼盘逸之从弟有竹友词一卷

葛郯字谦问丹阳人有信斋词一卷

赵鼎臣字承之卫城人登元佑甲科绍圣间举博学宏词科宣和中以右文殿修撰知邓州召为太府卿自号苇溪翁有竹隐畸士集

廖行之字天民衡阳人有省斋诗余一卷

周邦彦字美成钱塘人元丰初进汴都赋神宗异之除太学正历官秘书监进徽猷阁待制提举大晟府出知顺昌府徙知处州秩满以待制提举南京鸿庆宫有清真集二卷後集一卷

晁端礼字次膺熙宁六年进士两为县令政和癸巳以蔡京荐赴阙进词称旨除大晟府协律郎有闲适集一卷

孔方平

田不伐

曹组字元宠颍昌人宣和三年登进士第有旨换武阶兼阁职仍给事殿中挥麈录云官副使有箕颖集万俟雅言自号词隐游上庠不第崇宁中充大晟府制撰有大声集五卷

徐伸字干臣三衢人政和初以知音律为太常典乐出知常州有青山乐府一卷

陈克字子高临海人侨寓金陵元丰间吕安老辟入幕府为参议官有赤城词一卷

李祁字萧远官至尚书郎宣和间责监汉阳酒税吕渭老字圣求秀州人宣和末朝士有词一卷赵师秀序之

赵企字循道南陵人神宗朝举进士大观中宰绩溪县历员外郎

李持正字季秉政和五年进士历知德庆南剑潮阳三郡终朝请大夫

王柁字道辅一云字辅道江州人枢密韶之子登第後为校书郎宣和末官至侍郎以林灵素潜坐法

韩驹字子苍蜀利州仙井监人政和初以献颂补假将仕郎召试赐进士除秘书省正字坐苏氏党谪知分宁召为著作郎迁中书舍人兼修国史权直学士院寻提举太平观出知江州卒赠中奉大夫有陵阳集

徐积字仲车楚州山阳人中进士第除扬州司户参军楚州教授改和州防御推官徽宗立改宣德郎赐諡节孝处士有集二十卷

何籀字子初信安人

蒋子云字元龙

宋齐愈字退翁宣和三年上舍第一建炎初官谏议大夫

李甲字景元华亭人

夏倪字均父蕲州人竦之诸孙自府曹左官监祁阳酒税终知江州有远游集

沈会宗字文伯

孙浩然

廖世美

林少瞻

何大圭字搢之广德军人年十八试礼部第一徽宗朝举进士



沈公述

鲁逸仲

何?字子缜一云字文缜蜀利州仙井监人政和丙申进士第一历官御史中丞尚书右仆射兼中书侍郎赠观文殿大学士

陈瓘字莹中延平人中甲科建中靖国初为右司谏极论章惇蔡卞之奸章疏十上遂除名编隶合浦靖康中赠谏议大夫绍兴中追諡忠肃有了斋集词一卷王安中字履道曲阳人进士及第宣和中累官御史中丞翰林学士承旨尚书左丞燕云既复授庆远军节度使河北河南燕山府路宣抚使加少师靖康初安置象州绍兴初复左中大夫有初寮集词一卷

杨适字时可棣州人年十八登进士第晚始出仕为尚书比部员外郎

刘焘字无言元佑中进士有见南山集

方乔乐至人大观间秀才

李玉

波子山宿州狱掾

蔡伸字伸道莆田人襄之孙宣和中官彭城倅历左中大夫自号友古居士有友古词一卷

王之道字彦猷濡须人宣和六年与兄之义之深同举进士历官枢密使封魏国公有相山居士词二卷向镐字丰之河内人有乐斋词二卷

刘弇字伟明庐陵人登元丰进士第继中博学宏词科元符中进南郊大礼赋称旨除秘书省正字改著作佐郎实录检讨官有龙云集三十二卷

赵师侠字介之燕王德昭七世孙举进士有坦庵长短句一卷

赵长卿南丰宗室自号仙源居士有惜香乐府十卷王灼字晦叔遂宁人有颐堂词一卷

陈济翁

汪存字公泽婺源人元丰七年领乡荐元佑中授西京文学上封事不报弃官归养政和间复故官力辞乞归学者称四友先生

御选历代诗余卷一百三

# 卷一百四

<集部,词曲类,词选之属,御选历代诗余

钦定四库全书

御选历代诗余卷一百四

司经局洗马掌局事兼翰林院修撰加二级【臣】王奕清奉旨校刊

词人姓氏

宋

李纲字伯纪邵武人政和二年进士钦宗立除兵部侍郎迁尚书右丞观文殿学士尚书左仆射未几落职高宗朝历官江西安抚大使卒赠少师諡忠定有梁溪词赵鼎字元镇闻喜人崇宁初举进士累官尚书左仆射同中书门下平章事兼枢密院使赠太傅諡忠简追封丰国公有得全居士集词一卷

欧阳澈字德明崇仁人建炎初与太学生陈东同伏阙上书力诋用事者遂为黄潜善等所陷绍兴间追赠朝奉郎秘阁修撰着有飘然集六卷

岳飞字鹏举相州汤阴人初为秉义郎见知於宗泽张

所累官至武胜定国军节度使开府仪同三司湖北京西宣抚使兼营田大使召还为少保枢密副使諡武穆改諡忠武追封鄂王

向子諲字伯恭临江人敏中之後以钦圣宪肃皇后从侄恩补假承奉郎建炎初迁直龙图阁江淮发运副使为黄潜善所斥寻起知潭州累迁户部侍郎以徽猷阁直学士知平江府复忤秦桧罢归卜筑清江颜其堂曰芑林自号芑林居士有酒边集词四卷

叶梦得字少蘊吴县人绍圣四年进士累官翰林学士兼侍读进户部尚书以崇信军节度使致仕自号石林居士卒赠检校少保有建康集石林词一卷

沈瀛字子壽吴兴人少入太学历仕四十余年绌於王官再入郡三佐帅幕有竹斋词一卷叶适序之

李邴字汉老任城人崇宁五年进士绍兴初参知政事授资政殿学士諡文昭有云龔草堂集

汪藻字彦章婺源人登进士第历官中书舍人兼直学士院擢给事中迁兵部侍郎兼侍讲进翰林学士高宗尝以所御白团扇书紫诰仍兼绀黄麻似六经十字赐之有浮溪文粹附词一卷

曾纘字公衮南丰人布之子假守润州入为司农少卿直宝文阁出知秀州又知衢州有空青集

徐俯字师川分宁人黄庭坚之甥绍圣间召至京由通直郎历官右谏议大夫绍兴初赐进士出身累迁至端明殿学士签书枢密院事权参知政事有东湖集陈与义字去非号简斋慥之孙本蜀人後徙居河南叶县政和中登上舍甲科绍兴中累官翰林学士知制诰进参知政事有简斋集无住词一卷

刘一止字行简归安人登宣和三年进士绍兴中官监察御史累迁给事中以直学士致仕有苕溪词一卷王庭珪字民瞻庐陵人登政和八年进士调衡州茶陵丞不就筑草堂於卢溪因以自号以送胡铨诗触秦桧怒流夜郎後召还除国子监主簿进直敷文阁有卢溪集词二卷

李弥逊字似之号筠溪翁吴县人大观三年登进士第累官起居郎试中书舍人再试户部侍郎以争和议忤秦桧意乞归遂以徽猷阁直学士知端州改知漳州晚岁隐连江西山有筠溪集

朱翌字新仲龙舒人政和中进士历官中书待制有灋山集

张元干字仲宗三山人太学上舍绍兴中坐送胡铨及寄李纲词除名自号芦川居士有归来集芦川词一卷洪皓字光弼乐平人第进士建炎中以徽猷阁待制假礼部尚书充通问使留金十五年归除徽猷阁直学士提举万壽观兼权直学士院忤秦桧谪濠州团练副使安置英州後徙袁州卒諡忠宣

吕本中字居仁其先河南人父好问从高宗南渡卜居金华遂为金华人以恩授承务郎迁祠部员外绍兴六年召试赐进士累迁中书舍人兼侍读权直学士院以草赵鼎制忤秦桧意讽御史劾之罢职提举太平观卒諡文清所著有江西诗派图及紫薇诗话行於世邓肃字志宏延平人入太学高宗召对擢为左正言居谏垣不三月抗二十疏会李纲罢争之力亦罢归所著有栟榈集词一卷

刘子翬字彦冲崇安人以父鞡任授承务郎通判兴化军辞不就归隐武夷山学者称为屏山先生有屏山集附词

张抡字材甫南渡故老与曾觌同知合门事自号莲社居士有莲社词一卷

朱敦儒字希真一作希直洛阳人绍兴二年以荐授迪功郎赐进士出身除秘书省正字兼兵

部郎官迁两浙东路提点刑狱上疏乞归居嘉禾晚年起为鸿胪少卿有词三卷名樵歌

康与之字伯可号顺庵渡江初以乐府受知高宗官郎中有顺庵乐府五卷

吴亿字大年蕲春人父择仁官尚书亿於南渡初为靖江倅居余干着有溪园自怡集

曾觌字纯甫汴人绍兴中以寄班祇候与龙大渊同为建王内知客孝宗受禅以潜邸旧人除权知合门事淳熙初进武泰军节度使开府仪同三司加少保领醴泉观使有海野词三卷

阎苍舒蜀人官侍郎尝北使汴京

左誉字与言天台人登第後弃官为浮屠所着词名筠翁长短句

陆凝之字永仲号石室余杭人高宗朝以布衣召见辞不赴

杨无咎字补之清江人高宗朝累徵不起自号清夷长老有逃禅词三卷

阮閱字閱休一作閔字閔休建炎初知袁州致仕寓居宜春着诗话总龟

侯寘字彦周东武人晁说之甥绍兴中以直学士知建康府有嬾窟词一卷

曾慥字端伯官至太府卿退居银峰着类说五十卷又有皇宋诗选乐府雅词诸书

曾惇字猷父知台州有词一卷

朱雍绍兴中召试贤良有梅词二卷

姚进道华亭人

胡舜陟字汝明绩溪人登大观三年进士第历任州县擢为监察御史建炎已酉以待制帅建康与右丞杜充不协移两浙宣抚司参谋官寻起知杭州建炎中以集英殿修撰知庐州累官广西路经略使提举太平观为秦桧所陷追赠少师

胡仔字仲任舜陟子寓居吴兴号苕溪渔隐宣和间官建安主簿有渔隐丛话百卷

刘之翰荆南人官峡州远安主簿

张纲字彦正金坛人政和四年以上舍及第释褐授承事郎徽宗知纲三中首选特命除太学正迁博士擢校书郎历迁至给事中进徽猷阁待制致仕归绍兴中累召为参知政事卒諡文

定改諡章简尝自号华阳老人所着词名华阳老人长短句

江纬

倪偁字文举吴兴人绍兴八年进士官太常寺主簿有绮竹词一卷

辛弃疾字幼安历城人耿京聚兵山东节制忠义军马留掌书记令奉表南归高宗召见授承务郎累官浙东安抚使加龙图阁待制进枢密都承旨德佑初以谢枋得请赠少师諡忠敏有稼轩长短句十二卷传於世范成大字致能一字至能吴郡人绍兴中擢进士第累官权吏部尚书参知政事尝帅蜀继帅广西复帅金陵进资政殿学士领洞霄宫加大学士退居石湖之上自称石湖居士卒諡文穆有石湖集词一卷

陈三聘字梦弼吴郡人尝和范成大词数百首为时所称

黄公度字思宪莆田人绍兴八年进士第一除秘书省正字秦桧诬以事罢归後官至尚书考功员外郎有知稼翁集词一卷子沃编辑行世

葛立方字常之丹阳人胜仲之子与弟立象同登绍兴八年进士历官吏部侍郎有归愚词一卷

姚寬字令威剡川人待制舜明之子宫六部监门有西溪居士乐府一卷

张孝祥字安国号于湖历阳人绍兴二十四年廷试第一累迁至中书舍人直学士院兼都督府参赞军事领建康留守寻以荆南湖北路安抚使请祠进显谟阁直学士致仕有于湖词一卷

王十朋字龟龄乐清人绍兴二十七年对策高宗亲擢第一除著作郎签判绍兴府迁大宗正丞请祠归孝宗立起知严州累迁侍御史国子司业陞侍讲进吏部侍郎出知饶夔湖三州除太子詹事以龙图阁学士致仕諡忠文有梅溪集

程垓字正伯眉山人与苏轼为中表兄弟有书舟雅词一卷王偁序之行世

韩元吉字无咎号南涧许昌人门下侍郎维之四世孙官至吏部尚书有焦尾集一卷

周必大字子充一字弘道庐陵人登绍兴二十一年进士复中博学宏词科召试馆职授秘书省正字累迁至监察御史孝宗朝历官左丞相光宗立进少保封益国公赠太师諡文忠所著有平园集二百卷近体乐府一卷

高登字彦先漳浦人宣和间为太学生绍兴二年廷对授富川主簿迁古田县令後以事忤秦

桧编管漳州绍兴末起为廸功郎有东溪集二十卷

京镗字仲远豫章人登绍兴二十七年进士第由县令擢御史迁右司郎中出为四川安抚使进刑部尚书庆元初拜左丞相赠太保諡文穆改諡文忠复改庄定有松坡居士乐府一卷

尤袤字延之无锡人入太学以词赋冠多士寻冠南宫绍兴十八年擢进士第累官至礼部尚书正奉大夫赠光禄大夫諡文简有梁溪集

仲并字弥性江都人绍兴壬子进士授平江教授改左承奉郎历光禄寺丞终朝请大夫淮东安抚司参议有浮山集十六卷

御选历代诗余卷一百四

# 卷一百五

钦定四库全书

御选历代诗余卷一百五

司经局洗马掌局事兼翰林院修撰加二级【臣】王奕清奉旨校刊

词人姓氏

宋

朱熹字元晦一字仲晦婺源人少依父友刘子翬寓建安後徙建阳之考亭从李侗诸儒游尽得程氏之学登绍兴进士第历事高孝光宁四朝累官转运副使崇政殿说书焕章阁待制致仕筑室武夷山下集生徒讲论其中卒赠太师封信国公改封徽国諡曰文有晦庵词一卷

真德秀字景元更字景希浦城人登庆元进士第授南劔州判官复中博学宏词科召试学士院除秘书省正字历官兵部尚书翰林学士知制诰拜参知政事卒赠银青光禄大夫諡文忠着大学衍义四十三卷学者称

为西山先生

魏了翁字华甫浦江人庆元元年登进士开禧初以武学博士对策谏开边事御史徐相劾其狂妄遂辞去筑室白鹤山下授徒讲学嘉定末除起居郎历任州郡入朝权工部侍郎旋贬靖州理宗亲政召还命直学士院累擢端明殿学士同签书枢密院事开府江州督视江淮京湖军马御书唐人送严武诗及鹤山书院四大字赐之寻召还屡疏乞归以资政殿学士致仕卒諡文清追赠秦国公有鹤山词一卷

程大昌字泰之休宁人绍兴二十一年第进士擢太平州教授孝宗即位累迁着作佐郎国子司业兼权礼部侍郎直学士院权吏部尚书出知泉明二州以龙图阁学士致仕諡文简

赵汝愚字子直汉恭宪王元佐七世孙家饶之余干县隆兴三年登进士第一授签书宁国军节度判官累迁至吏部尚书知枢密院事宁宗立进光禄大夫右丞相为韩侂胄所忌讽李沐劾之以观文殿大学士出知福州旋罢职提举洞霄宫庆元元年责授宁远军节度副使永州安置理宗朝追赠太师封沂国公进封周王諡忠定图其像於昭勲崇德阁

洪适字景伯乐平人皓之长子绍兴十二年与弟遵同举博学宏词科历官司农少卿权直学士院进尚书右仆射同中书门下平章事兼枢密使加观文殿大学士乞休归家居十六年以



着述吟咏自娱卒諡文惠有盘洲集词二卷

洪迈字景卢皓之季子绍兴十五年登第累迁至吏部郎敷文阁待制与修国史进直学士院讲读官以端明殿学士致仕諡文敏

曹冠字宗臣东阳人居秦桧门下教其孙壻与壻同登甲科未几坐为壻假手事觉夺官易前名复赴廷试仕至知彬州所着乐府名燕喜集

吕胜已字季克渭川人尝为沅州守部使者忌之中以事罢归有别业一洲可五百亩植花竹其上号小渭川作渭川行乐词

姚述尧钱塘人有箫台公余词一卷

汤思退字进之处州人绍兴中以县令试博学宏词科除秘书省正字累官端明殿学士签书枢密院事进知枢密院事拜尚书左仆射淳熙末太学生张观等上书论之谪永州安置

王之望字瞻叔襄阳人後寓台州初以廕补官绍兴八年登进士第历官至参知政事加资政殿大学士出知温州寻罢归有汉滨集六十卷

魏杞字南夫壽春人绍兴十二年进士知泾县召对擢太府寺主簿累迁宗正少卿充金国通问使还擢给事中同知枢密院事进参知政事右仆射兼枢密使乾道丁亥免官嘉泰中追諡文节

牟巘字献甫吴兴人历官至大理少卿有陵阳先生集王自中字道甫平阳人淳熙中登进士乙科官怀宁主簿分水令中书舍人王藺荐其才召对称旨改籍田令迁通判郢州道知光化军光宗朝召为郎固辞命知信州再知邵州终知兴化军

丘密字宗卿江陰军人隆兴元年进士授建康府观察推官光宗立除四川安抚制置使兼知成都府累迁至资政殿学士同知枢密院事卒諡文定有文定词一卷姜特立字邦杰丽水人以恩补承信郎淳熙中累迁福建路兵马副都监除合门舍人充左右春坊光宗即位除知合门事为留正所论夺职宁宗朝拜庆远军节度使有梅山续稿词一卷

吴儆字益恭休宁人绍兴二十七年登进士调明州鄞县尉历官奉议郎淳熙初通判邕州任满入对即擢知州事兼广南西路安抚都监以亲老请祠得主管台州崇道观转朝散郎致仕宝佑中追諡文肃有竹洲集词一卷

赵磻老字渭师东平人娶欧阳懋女以懋待制恩补官从范成大使北还擢知临安府坐事谪饶州有拙庵杂着三十卷外集四卷

杨万里字廷秀吉水人初为零陵丞绍兴中登进士光宗朝官秘书监出为江东路转运副使改知赣州请祠不出後以宝文阁待制致仕进宝谟阁学士卒赠光禄大夫諡文节学者称为诚斋先生有诚斋乐府一卷袁去华字宣卿奉新人绍兴乙丑进士知石首县有适斋类稿八卷词一卷

李处全字粹伯淳熙中历官至侍御史有晦庵词一卷张震字东父益宁人自号无隐居士有词一卷绍兴中高宗尝命陈俊卿择文士掌内制俊卿以震及范成大对孝宗朝官中书舍人一云尝为谏官

罗愿字端良号存斋歙县人绍兴中以廕补承务郎监临安新城税乾道二年登进士第任赣州通判秩满差知南剑州改知鄂州所著有尔雅翼及鄂州小集崔与之字正子广州人绍兴四年进士累官秘书监权工部侍郎出知成都府进本路安抚使又为广东路经略安抚使兼知广州拜参知政事右丞相皆力辞以观文殿大学士致仕封南海郡公卒諡清献有诗文集刘克庄字潜夫号後村莆田人以廕补潮州倅迁建阳令移仙都淳熙中赐同进士出身累官龙图阁直学士出为福建路提点刑狱有词一卷名後村别调

楼钥字巨山淳熙中知江陰军

吴玘字居夫汴人宪圣皇后侄太宁郡王益之子乾道九年特授添差临安府通判历尚书郎除知明州兼沿海制置使寻知邓州再知庆元府淳熙初直学士院庆元中以镇安节度使守建康迁少保卒諡忠惠所著有云壑集

赵彦端字德庄宋宗室乾道淳熙间以直宝文阁知建宁府有介庵词四卷

唐庚字子西眉州丹棱人年十四能诗文绍圣间登进士官博士张商英荐其才除提举京畿常平商英罢亦贬惠州有眉山集附词

管监字明仲尝节镇岭表有养拙堂词一卷

魏子敬有云谿乐府四卷

甄龙友字云卿永嘉人绍兴中进士官国子监簿尝游天竺寺集诗句为大士赞书壁间孝宗临幸赏之诏侍臣物色其人召见不称旨遣还

于国宝临川人淳熙间入太学尝游西湖题风入松词於断桥酒肆为光尧所见甚加称赏即日命释褐有醒庵遗珠集十卷一作俞国宝

卫元卿洋州人尝领乡荐

李石字知几资阳人绍兴中为学官乾道中为郎历麾节坐论罢有方舟集一云乾道中以荐授太学博士出为成都倅

张鎡字功甫号约斋居士西秦人循王俊诸孙官奉议郎有玉照堂词一卷

杜旟字伯高号桥斋金华人吕颐浩门下士兄弟五人并有名誉

刘儼字仙伦庐陵人自号招山翁有招山集乐章一卷一云名仙抡字叔儼

岳珂字肃之号倦翁忠武王飞之孙敷文阁待制霖之子宫内劝农使知嘉兴府历户部侍郎淮东总领兼制置使所着有桯史十五卷及金陀粹编吁天辨诬録玉楮集诸书

程秘字怀古休宁人绍兴四年进士知富阳县历官翰林学士知制诰进宝文阁学士出知福州兼福建路安抚使封新安郡侯以端明殿学士致仕卒赠特进少师系本河北洛川因自号洛川遗民有洛水集词一卷王千秋字锡老东平人有审斋词一卷

程先字传之休宁人父为团练使以偏师御金兵於池州殉节死朝议録其嗣固辞不受隐居东山自号东山隐者所着有东隐集

苏洵字召叟山陰人有冷然阁集二十卷

关注字子东钱塘人绍兴五年进士尝为湖州教授历太学博士自号香岩居士有关博士集二十卷

刘圻父字子寰号篁翁游朱子之门所着有麻沙集刘克庄为之序

游次公字子明号西池建安人礼部侍郎操之子范成大帅桂林以文章见知参内幕

姜夔字尧章鄱阳人流寓吴兴自号白石道人尝进乐书免解不第而卒有白石词五卷

刘清夫字静甫居麻沙

黄师参字子鲁号鲁庵三山人

章良谟嘉泰中官起居舍人

蔡幼学字行之瑞安人年十八试礼部第一历官宝谟阁直学士提举万壽宫进权兵部尚书兼太子詹事有育德堂集

卓田字稼翁号西山建阳人

蔡桷字坚老号云壑南城人有云壑隐居集三卷所着词名浩歌集

陆域

王嵎字季夷号贵英北海人寄居吴兴有北海集二卷施乘之号枫溪

王炎字晦叔婺源人登乾道间进士调崇阳主簿张栻帅江陵闻其贤檄入幕府秩满授潭州教授改知临湘县积官至军器监中奉大夫赐金紫封婺源县男所居在武水之阳双溪合流因以自号着有双溪集张履信字思顺号游初

周文璞字晋仙号方泉老人淳熙间人

李刘字公甫号梅亭

俞灏

张元祥

罗椅字子远号涧谷

宋自逊字谦父号壶山南昌人所着乐府名渔樵笛谱

御选历代诗余卷一百五

# 卷一百六

钦定四库全书

御选历代诗余卷一百六

司经局洗马掌局事兼翰林院修撰加二级【臣】王奕清奉旨校刊

词人姓氏

宋

陆游字务观山陰人以廕补登仕郎历枢密院编修官隆兴初赐进士出身五为州别驾范成大帅蜀为参议官嘉泰中诏同修国史实録陞宝章阁待制致仕自号放翁追封渭南伯有劔南集词二卷

陈亮字同甫永康人童幼时即为参政周葵上客隆兴初婺州以解头荐上中兴五论不报居太学上舍淳熙中更名同复诣阙三上书俱不报绍兴四年光宗策进士亲擢为第一授签书建康府判官厅公事未至官而卒端平初赐諡文毅有龙川集词二卷

刘过字改之襄阳人一云太和人自号龙洲道人尝客

辛弃疾幕府有龙洲词一卷

杨炎号止济翁庐陵人偃蹇仕进悒悒不得志清海有山曰西樵尝寓居其中因取以名集乐府一卷亦名西樵语业

张辑字宗瑞自号东泽鄱阳人受诗法於姜夔长短句二卷名东泽绮语债

谢懋字勉仲有静寄居士乐章二卷

黄机

刘镇字叔安南海人嘉泰二年进士自号随如子着有随如百咏

危稹字逢吉临川人淳熙十四年进士调南康军教授历官著作郎进屯田郎中忤执政出知潮州被论罢职久之起知漳州作龙江书院於临漳台上後以提举崇禧观致仕所着有巽斋集

吴礼之字子和钱塘人有顺受老人词五卷

刘光祖字德修简州人登进士第绍兴中官侍御史宁宗立改司农少卿迁起居郎韩侂胄严道学之禁光祖撰涪州学记坐谤讪夺职累起至显谟阁直学士提举西京嵩山崇福宫卒諡文节有鹤林词一卷

闾丘次杲

马庄父字子严建安人自号古洲居士尝为岳阳守譔岳阳志二卷传於世

刘宰字平国号漫堂金坛人绍熙元年进士调江陵尉再调真州司法历浙东仓司干官告归监南岳庙屡徵不起理宗立召为太常寺丞至吴门拜疏竟归朝廷嘉其节卒諡文清着有漫塘集三十卷

李洪字子大庐陵人与弟漳泳淅并举进士着李氏花萼集五卷其侄直伦为之序

李漳字子清一作子申

李泳字子永

李淦字子召

李浙字子秀

郑域字中卿号松牕三山人庆元中随张贵谟使北着燕谷剽闻二卷

许棐字忱父海盐人有梅屋藁及献丑集俱自为之序戴复古字式之天台人家於石屏山下因号石屏有石屏集词一卷

黄铢字子厚自号谷城翁建安人有谷城集朱熹为序严仁字次山邵武人与同族严参严羽称邵武三严有清江欸乃词一卷

易祓字彦祥长沙人一云字彦章宁乡人宁宗朝登进士第一累官至礼部尚书有山斋集

赵蕃字昌甫号章泉郑州人寓信州之玉山以廕补仕尝受学於刘清之清之守衡州乃求监衡州酒库以卒业焉旋乞祠归理宗朝与刘宰同召不赴景定中追諡文节

赵善扛字文鼎宋宗室别号解林居士

毛幵字平仲信安人礼部尚书友之子仕止州倅与尤袤友善袤尝为序其集有樵隐词一卷

洪咨夔字舜俞於潜人嘉定二年进士初受崔与之辟判蜀还朝应诏上书忤史弥远镌秩理宗亲政累迁至吏部侍郎兼给事中进刑部尚书拜翰林学士知制诰加端明殿学士卒赠两官着有平斋集词一卷

赵汝迂字叔午乐清人嘉定中进士金判雷州以诗忤权要谪官

章颖字茂献临江军人淳熙二年试南宫第一历官礼部尚书兼侍读赠光禄大夫諡文肃

郭应祥字承禧号逊斋临江军人嘉定中进士尝官楚越间有笑笑词一卷

陆淞字子逸号雪牕山陰人左丞相佃之孙游之从兄弟尝官辰州

卢祖皋字申之永嘉人楼钥之甥一云本邛州人庆元中登进士嘉定中为军器少监自号蒲江居士有蒲江集词一卷

徐照字道晖自号山民永嘉人与翁卷徐玠赵师秀号永嘉四灵有集三卷

高观国字宾王号竹屋山陰人乐章一卷名竹屋痴语高邮陈造序之

史达祖字邦卿汴人有梅溪词二卷张鎡序之

韩淲字仲止号涧泉尚书元吉子有涧泉诗余一卷汪莘字叔耕休宁人屏居黄山研穷易义傍究韬铃释老诸书嘉定中尝诣阙三上书不报徐谊欲以遗逸荐不果筑室柳溪自号方壶居士有方壶存稿词二卷吴潜字毅夫宁国人嘉定十年进士第一淳佑中参知政事拜右丞相兼枢密使进左丞相封庆国公改封许国公景定初为贾似道所陷安置循州卒追赠少师有履斋诗余二卷

王迈字实之仙游人嘉定十年以第四人登第官教授为郑清之所知因论事镌秩历判外州清之再相召入为右司郎官卒赠司农少卿

李昉英字俊明番禺人宝庆中进士第三人任临汀推官累官至吏部侍郎諡忠简有文溪词一卷一云名昉英字公昉资州人

史隼之绍定初知江陰军

章谦亨字牧叔吴兴人为铅山令

赵以夫字用父长乐人端平中知漳州有虚斋乐府二卷

姚镛字希声自号雪篷为吉州判官以平寇功擢守章贡端平初贬衡阳

陈经国嘉禧淳佑间人有龟峰词一卷

陈从吉字曦颜金坛人举进士历知衡饶信三州入直秘阁所著有洮湖集

方岳字巨山自号秋崖祁门人绍定间乡荐为别省第一登徐元杰榜进士累官至吏部侍郎历知饶抚袁三州加朝散大夫所著有秋崖先生小稿

杨伯嵒字彦瞻号泳斋

周晋字明叔号啸斋

杨缵字继翁号守斋

翁孟寅字宾阳号五峰

汪晫字处微绩溪人开禧中尝一至阙下不就举试而归栖隐山中结庐曰环谷着有环谷存稿里人私谥曰康范先生

赵汝茆字参晦号霞山

冯去非字可迁号深居南昌人淳佑元年进士尝干办淮东转运宝佑四年召为宗学谕理宗下诏立石禁三学诸生上书去非不肯书名遂罢归

陆叡字景思号云西

萧泰来字则阳号小山有集

张榘字方叔润州人有芸牕词一卷

连久道字可久汉阳人

赵希迈字瑞行号西里

赵崇迈



洪璚字叔璜自号空同词客有空同词一卷

赵崇璫字汉宗号白云

赵希 字清中号十洲

王澡字身甫宁海人初名津字子知官太常博士有瓦全居士诗词二卷

赵与?字庆御号崑仑

楼盘字考甫号曲涧

锺过字改之号梅心

方千里三衢人有和清真词

杨泽民乐安人有续和清真词时人合周邦彦方千里词刻之号三英集

尹焕字惟晓号梅津山陰人登进士仕至右司郎官历左司有梅津集

冯取洽字熙之延平人自号双溪翁

陈以庄字敬叟号月溪建安人有月溪集

卢炳字叔阳自号丑斋有哄堂词一卷

沈端节字约之吴兴人有克斋词一卷

潘昉字庭坚闽县人初名公筠梦南台人持方牛首与之遂易今名端平二年以第三人及第调镇南军节度推官历浙西常平司提举迁太学正出判潭州有紫岩集

冯艾子字伟壽号云月取洽子

黄昇字叔阳号玉林有散花庵词一卷又辑唐宋诸名家乐府为絶妙词十卷行於世

文及翁字时学号本心緜州人登进士第历官参知政事

李芸子字耘叟号芳洲昭武人

严羽字仪卿邵武人自号沧浪逋客有沧浪集附词一卷

严参字少鲁自号三休邵武人

李廷忠字居厚号橘山有乐府一卷

王以宁字周士长沙人历官宣抚司参谋制置襄邓有词一卷

吴文英字君特号梦窗四明人有梦窗甲乙丙丁稿四卷

蒋捷字胜欲义兴人德佑进士入元不仕学者称竹山先生有竹山词一卷

陈允平字君衡号西麓明州人有日湖渔唱二卷张枢字斗南号寄闲

李演字广翁号秋堂

邵博字公济康节之孙着闻见後录

赵德仁

御选历代诗余卷一百六

# 卷一百七

<集部,词曲类,词选之属,御选历代诗余

钦定四库全书卷

御选历代诗余卷一百七

司经局洗马掌局事兼翰林院修撰加二级【臣】王奕清奉旨校刊

词人姓氏

宋

周密字公谨济南人侨居吴兴自号弁阳啸翁又号萧斋尝辑南渡以後诸名家乐府为草牕词选自着有草牕词二卷一名蕢洲渔笛谱

王沂孙字圣与号碧山又号中仙会稽人有碧山乐府二卷一名花外集

张炎字叔夏循王俊之後西秦人侨居临安自号乐笑翁着乐府指迷有玉田词三卷郑思肖为之序又有白云词八卷

欧良有抚掌词一卷

石孝友字次仲有金谷遗音一卷

孙惟信字季蕃开封人不乐仕进放浪江湖间自号花翁有花翁词一卷传於世

刘褒字伯宠一字春卿武夷人登淳熙进士除司门郎中历官朝请郎知西全州有集

张盘有梅崖集

张桂字惟月号竹山

张林字去非号樗岩

张景臣

潘希白字怀古号渔庄永嘉人宝佑中登第干办临安节制司公事德佑中起为史馆检校不赴

汤恢号西村

张矩字子成有梅渊集

赵耆孙

韩礪

翁元龙字时可号处静

郑楷

李肩吾字子我号蟪洲

黄兰字元易号东浦

陈策字汝贾号南墅

李振祖号中山

薛梦桂

毛珣字元白号吾竹

康仲伯

陈郁字藏一着词腴

覃怀高

赵旭

梅扶字叔茂

丁宥字基重号宏庵

史介翁字吉父号梅屋

周端臣字彦良号葵牕

姚勉号雪坡宝佑元年进士第一有雪坡词一卷何光大字谦履号半湖

赵潜字元晋号冰壶

赵淇

杨彦龄

李珣字元辉景定三年进士第一

方有闻字躬明号堂溪歙州人登进士授南丰尉屡迁司农丞转运判官兼庐州帅有堂溪集

利登

曹邕

刘澜字养源号江村

陈德武三山人有白雪遗音一卷

周格非

陈袞善尝为河朔掾

权无染

丁义叟

张龙荣

吕直夫

王武子一作子武有词一卷

赵君举字子发

王文甫德安人

施芸隐尝应幕府荐

刘钧国

楼扶字鹏举

郑觉斋

王月山

陈草阁

房舜卿

林正大字敬之号随庵嘉泰时人着有风雅遗音四卷曾揆字舜卿号嬾翁

黄孝迈字德文号云舟

江开字开之号月湖

文天祥初名云孙字天祥宝佑乙卯以字贡於乡遂改字宋瑞又字履善吉水人登宝佑四年进士第一历官右丞相兼枢密使加少保封信国公为元兵所执留燕三年不屈遇害有文山乐府一卷

汪元量字大有号水云钱塘人以善琴供奉内庭为琴师随德佑君赴北留燕久之黄冠南归往来匡庐彭蠡间有水云词一卷

邓剡字光荐庐陵人一云名光荐字中甫官礼部侍郎从卫王於海上事亟投水为元兵所得张弘范异之待以宾礼终不屈节有中斋集

王鼎翁字炎午安福人太学观化斋生有梅边遗集附词

何梦桂字岩叟初名应祈字申甫淳安人咸淳乙丑省试第一廷试一甲三名授台州军事判官累官至大理寺卿引疾去至元中屡徵不起筑室小酉源自号潜斋有潜斋集词一卷

梁栋字隆吉其先湘州人生於鄂州後迁镇江第进士选宝应簿调钱塘仁和尉入帅幕旋避地建康归武林晚依弟柱於茅山以终

李南金自号三溪冰雪翁第进士

储泳

徐一初

莫仑字若山

刘辰翁字会孟号须溪庐陵人第进士入元不仕所著有须溪集

黄公绍字直翁邵武人咸淳进士元初隐居樵溪著有韵会举要行世

李彭老字商隐号箕房有箕房词

李莱老字周隐号遯翁彭老之弟有秋崖词

王亿之字景阳号松涧

余桂英字子发号野云

胡仲弓字希圣号苇杭

尚希尹字莘老号畏斋

柴望字仲山号秋堂

朱藻号野逸

黄铸字曦颜号乙山

王同祖字与之号花洲

王茂孙字景周号梅山

王易简字理得山陰人

冯应瑞字祥父号友竹

唐艺孙字英发有瑶翠山房稿

吕同老字和甫号紫云

练恕可字行之越州人

朱鼎孙字令则号万山

吴大有字有大号松壑

赵崇霄字有得号莲畹

范曦文字景文号药庄

郑斗焕字丙文号松牕

曹良史字之才号梅南

董嗣杲

赵与仁字元父号学舟

赵汝钠字真卿号月洲

王奕字伯敬号斗山玉山人自号至元逸民有集十二卷梅岩杂咏七卷皆散失仅存东行斐稿三卷

唐珏字玉潜号菊山越州人至元间与林景熙同为采药之行潜瘞诸陵遗骨树以冬青谢翱作冬青引纪之汴人袁俊官越延致之为买田宅以给焉

李居仁字师吕号五松

王梦应字静得攸县人咸熙中进士调庐陵尉德佑末起兵勤王以义烈着

谭宣子字明之号在庵

陈逢辰字振祖号存义

范端臣字元卿

姚卞



楼采字君亮

沈刚孙

汤弥昌字师言瑞安州判官有碧山类稿

奚倬然字秋崖

赵闻礼字立之有钓月轩词

赵必????官参军金书有秋晓词

陈纪咸淳进士

陈先

束从周合肥人

李震庐陵人

李铨

史可堂

郑子玉

施岳字仲山有梅川词

宦者

裴湘字楚老仁宗时内官有肯堂集

佚名

寇寺丞

陈参政

杜郎中

德佑太学生

上清蔡真人

于真人

冯全真

乱仙

方外

惠洪字觉范姓喻氏新昌人试经得度与张商英善郭天信奏赐宝觉圆明禅师政和初坐交张郭配崖州赦还着有筠溪集冷斋夜话石门文字禅皆行於世祖可字正平丹阳人苏坚之子有恶疾号癩可住庐山与陈师道徐俯谢逸入江西诗社词名东溪集

挥字仲殊姓张氏安州人尝举进士後弃家为僧居杭州吴山宝月寺尝中盍食蜜得解东坡因呼为蜜殊词七卷名宝月集

皎字如晦

葛长庚闽人一云琼州人自名白玉蟾入武夷山修道嘉定中徵赴阙馆太一宫封紫清明道真人寻别衆於霍林羽化有海璠集词二卷

闰媛

卢氏天圣中人父为县令随之官後归自汉州过泥溪驿题词壁上

舒氏武弁女适枢密王岩叟弟齐叟以齐叟失礼妇翁竟至离絶

魏氏南丰曾布妻纁之母封鲁国夫人

苏氏门下侍郎颂之妹其先同安人徙居润之丹阳长於文翰世称延安夫人

李清照自号易安居士济南李格非之女适东武赵挺之仲子明诚有漱玉集一卷

阮氏阮逸之女

幼卿宣和中武弁妻随官陕石题浪淘沙一词於驿壁吴淑姬嫁士人杨子治有词五卷名阳

春白雪

朱淑真钱塘人与曾布妻魏氏为词友有断肠集词一卷

蒋氏义兴人父兴祖知阳武县殉节其女被掠过雄州驿题词壁间一云浙西人

郑氏名意娘杨思厚妻被掳不辱以节烈称

珍娘

梁意娘梁萧湖女适李生

慕容崑卿妻

孙道绚号冲虚居士黄铢之母着词甚富晚以火毁有流传人口者铢复访求得之手录以藏云

蟾英诸葛章妻

吴氏郑禧姬

曹希蕴有咏灯花传於世

孙氏秀州人太学服膺斋上舍郑文妻

紫竹大观中人适秀才方乔

王莹卿蜀人王通判女

王氏妾名飞红

刘彤字文美适章文虎

陶氏

孙氏建安黄云轩妻

陆氏姬名美奴陆藻侍儿

陆游妾驿卒之女游之蜀宿一驿中见题壁诗询知之遂纳为妾

赵秋官妻有题岐阳邮亭壁词一首

刘鼎臣妻婺州人鼎臣就省试於行都其妻自制彩花一枝为赠并侑以鹧鸪天词

金淑柔宝佑中题词於临川驿壁

张淑芳贾似道妾後为尼

章丽真宋宫人随谢太后入燕有送汪元量南归词金德淑宋宫人後归章丘李生

妓女

琴操杭州妓後为尼

湘江妓有侑舒亶词

盼盼汴南妓

聂胜琼长安妓後归李之问

陈凤仪成都妓

僧儿广汉妓

平江妓

赵才卿成都妓

严蕊字幼芳天台妓後归一宗子家作妾

朱秋娘

女仙

玉英蓬莱仙人

吴城小龙女黄庭坚登荆州亭见柱间一词夜梦一女子云有感而作庭坚惊悟曰此必吴城

小龙女也赤城韩夫人绍兴间都下有一乌衣椎髻女子歌词九阙皆非人世语或记之以问一道士道士惊曰此赤城韩夫人所制水府蔡真君法驾导引也

曹仙姑

卫芳华永嘉滕穆侨居临安尝月夜游聚景园遇一女鬼自言是卫芳华宋理宗朝故宫人

紫姑乾道中吴兴周权知衢州西安县令术士沈延年邀致紫姑神赋牡丹词限以险韵顷刻而成

御选历代诗余卷一百七

# 卷一百八

钦定四库全书

御选历代诗余卷一百八

司经局洗马掌局事兼翰林院修撰加二级【臣】王奕清奉旨校刊

词人姓氏

金

章宗讳璟显宗子大定末年以太孙继大统在位二十年典章文物粲然一新天姿超悟兼工诗词归潜志载其擘橙为软金杯及聚扇二词

完顏璫字仲宝一字子瑜世宗之孙越王永功子自号樗轩居士封密国公宣宗南渡以开府仪同三司奉朝请自刊其诗三百首词百首名如庵小集赵秉文序之宇文虚中字叔通成都人仕宋为黄门侍郎资政殿学士天会中奉使至金留掌词命天眷皇统间历官翰林学士承旨封河内郡开国公为人恃才轻肆好讥讪卒以此得罪

吴激字彦高建州人宋宰相栻之子米芾之婿使金被留累官翰林待制皇统初出知深州到官三日卒有东山词一卷

蔡松年字伯坚父靖於宣和末为真定府判官遂家真定松年仕金累官吏部尚书参知政事迁尚书左丞封郾国公进拜右丞相加开府仪同三司又封卫国公卒加封吴国公諡文简乐府推伯坚与吴彦高号吴蔡体自号萧闲老人有萧闲公集六卷

蔡珪字正甫松年子七岁赋菊诗大德三年进士授澄州军事判官迁三河主簿入为翰林修撰同知制诰改户部员外郎太常丞大定中由礼部郎中封真定县男除潍州刺史道卒有词一首附萧闲公集後

刘仲尹字致君号龙山盖州人後迁沃州正隆二年进士历官潞州节度副使召为都水监丞有龙山集高士谈字子文一字季默宋韩武昭王琼之後宣和末任忻州户曹参军仕金为翰林直学士宇文虚中以图书得罪连及士谈时论惜之所著有蒙城集

元德明秀容人拓拔魏之後裔累举不第放浪山水间有东岩集子好问最知名

赵可字献之高平人贞元二年进士仕至翰林直学士有玉峰散人集

邓千江临洮人

任询字君谟号南麓易州军市人父贵游江浙生询於处州登正隆二年进士历省掾大名总幕益都都司判官北京盐使课殿降泰州节厅致仕

李晏字致美高平人皇统二年经义进士释褐临汾丞稍迁辽阳幕官以文章受知於世宗召入馆阁历官翰林直学士御史中丞章宗立进礼部尚书翰林学士承旨出为沁源军节度使改昭义军节度使明昌中致仕卒諡文简

刘迎字无党东莱人初以廕试郡掾大定十三年以荐对策第一明年登进士除幽王府记室改太子司经卒章宗即位追録旧学功赐其子国枢进士迎自号无诤居士所着诗文乐府名山林长语诏国学刊行之党怀英字世杰其先冯翊人徙家泰安宋太尉进十一世孙试东府取解魁登大定十年进士调成阳军事判官汝陰令入为史馆编修应奉翰林学士出为太定军节度使召为翰林学士承旨纂修辽史卒諡文献有竹谿集

王庭筠字子端盖州熊岳人大定十六年进士治剧有声明昌中召入馆阁承安中坐言者谪郑州幕官复应奉稍迁翰林修撰卒尝读书黄华山寺自号黄华老人景覃字伯仁华陰人病不就举隐居西阳里中以种树为业自号渭滨野叟

王磻字逸滨先世临洛人至磻徙家汴梁明昌中丞相马惠迪以德行才能荐诏授鹿邑主簿就乞致仕赵秉文尝刻七家诗名曰明昌词人雅制磻其一也

赵秉文字周臣滏阳人大定二十五年进士入翰林明昌中因言事免官起为同知岢岚军事转北京路转运司度支判官泰和二年改户部主事翰林修撰出为宁边州刺史改平定州贞佑四年除翰林侍读学士转侍读兴定中拜礼部尚书知集贤院自号闲闲居士所著有滏水集

孟宗献字友之开封人大定三年乡府省御四试皆第一天下号孟四元除供奉翰林转曹王府文学兼记室寻授同知单州军州事丁内忧哀毁卒自号虚静居士王特起字正之崞县人泰和中登进士甲科调真定府録事参军改沁源令终於司竹监使

韩玉字温甫北平人明昌五年中经义词赋两科进士入翰林为应奉文字泰和中授同知陕西东路转运使事凤翔府判官大安中夏人犯边陕西帅府檄为都统或诬其有异谋收鞫死有东浦词一卷

刘昂字次霄济南人同时先有一刘昂故号为小刘昂承安间进士历鄆邹平二县令

张行信字信甫一名行忠莒州人大定间进士南渡後官礼部尚书参知政事出镇邠鄜泾三州正大初召拜左丞寻致仕葺园池於汴城东筑亭曰静隐

赵元字宜之一名宜禄定襄人幼举童子科後调巩西簿以病失明去官自号愚轩居士南渡後往来洛阳西山中所着有愚轩词

高宪字仲常辽东人王庭筠之甥泰和中登进士乙科仕至博州防御判官

许古字道真河间人承安中进士宣哀之世屡为谏官竟以左司谏致仕卜居伊阳郡守为建伊川亭

辛愿字敬之福昌人年二十五始杜门读书学成不仕隐居女几山下使其子躬耕以给时往来长水永宁间自号女几野人又号溪南诗老

王予可字南云吉州人尝为卒伍南渡後居鄢蔡间衣皮衣露双膝插花盈头额上系一铜片如月所言皆诞诡莫可测为诗多奇语然皆不成篇人以其衣短号曰哨腿王又呼为王赤腿云

李献能字钦叔河中人贞佑间廷试第一入翰林为应奉文字寻出为鄜州观察判官用荐复应奉俄迁修撰以镇南军节度副使充河中经历河中?走陕州被召不能赴权就陕府行省左右司郎中後歿於陕军雷渊字希顔一字季默浑源人至宁初进士累官监察御史迁太常博士调南京转运使户籍判官终翰林修撰

冯延登字子俊吉州人承安间中词赋进士令宁边南渡後为太常博士累迁吏部郎中翰林待制奉使入元抗节不屈二年乃归迁祭酒历礼吏二部侍郎权刑部尚书天兴末殉节

王渥字仲泽太原人少入太学兴定二年进士调管州司候不赴连辟壽州商州武胜三府经历官令宁陵召为省掾使宋归为太学助教充枢密院经历官迁右司都事天兴中出援武仙战歿

高永字信卿自号应庵渔阳人初名夔字舜卿又名揆累举不第正大末上书不报终於汴京

折元礼官治中

赵撝字子充宛平人官翰林自号醉全道人

刘着字鹏南皖城人宋宣政间进士入金历仕州县年六十余始入翰林充修撰出守武遂终于忻州刺史自号玉照老人

段克已字复之河东人世居绛之稷山少时与弟成已俱有文名赵秉文目之曰二妙大书双飞二字名其里金末登进士入元不仕与成已避地龙门山中有遯斋乐府一卷



段成已字诚之克已弟正大间进士授宜阳主簿克已歿後自龙门山徙居晋宁北郭闭户读书元世祖召为平阳儒学提举官不赴有菊轩乐府一卷

李俊民字用章号鹤鸣老人唐韩王元嘉之後家於泽州承安中举经义进士第一应奉翰林文字未几弃官隐於嵩山元世祖以安车召见延访无虚日遽乞还山卒赐諡庄靖先生有庄靖遗集

元好问字裕之太原秀容人德明之子少从陵川郝天挺学登兴定三年进士不就选往来箕颍者数年除南阳令调南乡迁尚书省掾左司都事员外郎天兴初入翰林知制诰金亡不仕世称遗山先生尝辑金人长短句一帙名中州乐府其所自着者钱塘凌云翰編集之为遗山乐府

御选历代诗余卷一百八

# 卷一百九

钦定四库全书

御选历代诗余卷一百九

司经局洗马掌局事兼翰林院修撰加二级【臣】王奕清奉旨校刊

词人姓氏

元

耶律楚材字晋卿广宁人其先本辽裔父履金右丞章宗南渡楚材留燕为左右司员外郎元太祖定燕闻其名召置左右屡从征伐日见亲用太宗朝拜中书令先後历仕三十余年至顺初追封广宁王諡文正有湛然居士集

许衡字仲平河内人从柳城姚枢学得程朱氏之传隐居苏门被召为京兆提学累官中书左丞集贤大学士兼国子祭酒领太史院事凡朝仪官制及授时历皆其所定也赠荣禄大夫司徒諡文正至大中加赠太傅开府仪同三司魏国公皇庆中从祀孔子庙庭有鲁斋集

附词

张弘范字仲畴河内人蔡国公柔之子中统初授行军司马进顺天路管民总管累官至鎮国上将军江东道宣慰使蒙古汉军都元帅赠银青荣禄大夫平章政事諡武略至大四年加赠太师开府仪同三司上柱国齐国公改諡忠武延佑六年加封淮阳王更諡献武有淮阳词一卷

刘秉忠字仲晦邢州人少为僧随其师海云入见世祖遂留侍左右人称为聪书记至元初更今名拜光禄大夫太保参预中书省事卒赠太傅封赵国公諡文贞成宗时加赠太师諡文正仁宗时进封常山王有藏春散人集

燕公楠字国材江州人一云建昌人至元初辟贑州通判累官资德大夫河南江浙湖广行省右丞有五峰集拜珠安图之孙延佑中累官大司徒金紫光禄大夫开府仪同三司至治初拜中书平章政事进右丞相为达实所害泰定初追封东平王諡忠献

程钜夫名文海避武宗讳以字行先世自休宁徙郢至钜夫始迁建昌世祖时以质子入见擢应奉翰林文字进修撰拜侍御史奉诏求贤江南荐赵孟頫等二十余人累擢翰林学士承旨参知政事皇庆初致仕泰定中追赠光禄大夫楚国公諡文宪有雪楼集词一卷卢挚字处道

号疎斋涿州人元初官翰林学士有疎斋集

刘敏中字端甫济南人至元中由中书掾擢兵部主事拜监察御史劾权相僧格罢归寻起为御史台都事累官至翰林学士承旨追封齐国公諡文简有中斋集杨果字正卿号西庵蒲阴人金正大初进士入元为河南课税及经略司幕官中统初擢北京宣抚使拜参知政事至元六年出为怀孟路总管卒諡文献有西庵集行於世

仇远字仁近一字仁父钱塘人宋咸淳中与白斑同以诗名人谓之仇白张雨张翥皆出其门元至元中部使者强起之为溧阳州学教授寻以杭州知事致仕自号近村又号山村民有山村遗稿

李冶字仁卿栾城人金进士尝知钧州元初避地忻崞间世祖闻其贤召见之终不仕晚家元氏封龙山下至元初再以学士召就职期月以老病辞归有敬斋集王恽字仲谋汲县人中统初姚左丞相宣抚东平辟为详议官擢中书省详定官转翰林修撰同知制诰兼国史院编修官至元中历监察御史出为平阳路判官历河南北燕南山东诸道提刑按察副使进福建闽海按察使擢翰林院学士大德五年求退得请归八年卒赠翰林学士承旨资善大夫追封太原郡公諡文定有秋涧集词四卷

赵孟頫字子昂宋秦王德芳之後四世祖秀王子偁实生孝宗赐第湖州遂为湖州人宋末为真州司户参军至元中以程钜夫荐授兵部郎中迁集贤直学士出同知济南总管府历江浙等处儒学提举延佑中累擢翰林学士承旨荣禄大夫得请归至治初卒追封魏国公諡文敏有松雪词一卷

刘因字梦吉一名駟字梦骥容城人至元中徵为承德郎右赞善大夫以母疾乞归复以集贤学士嘉议大夫召固辞卒赠翰林学士资善大夫护军追封容城郡公諡文靖有樵庵词一卷

梁曾字贡父燕人中统四年辟为令史累进兵部吏部尚书赐三珠金虎符两使安南历云南河南湖广行省参知政事进集贤侍讲学士

陈孚字刚中号笏斋临海人至元中以布衣上大一统赋署上蔡书院山长调翰林国史院编修官摄礼部郎中副梁曾使安南还除翰林待制兼国史院编修官出为建德路总管府治中再迁衢州秩满授奉直大夫台州路总管府治中有观光交州玉堂诸稿

汪宗臣字公辅号紫岩婺源人有紫岩集附词

姚云文字圣瑞高安人宋咸淳进士入元授承直郎抚建两路儒学提举有江村遗稿

詹正一作玉字可大别号天游郢人官翰林学士白朴

蒲道源字得之号顺斋自眉州徙居兴元尝为郡学正罢归晚以遗逸徵入翰林改国子博士岁余引去起提举陕西儒学不就卒以仲子机贵赠秘书少监有顺斋词

吴澄字幼清晚称伯清抚州崇仁人生三岁授诗成诵五岁日记千余言弱冠领乡荐避地布水谷纂次诸经修正大小戴记至元二十三年侍御史奉诏求贤江南徵至京师以母老辞归大德初起应奉翰林文字除江西儒学副提举三月移疾去至大初召为国子监丞皇庆改元进司业谢归英宗即位拜翰林学士同修国史泰定初为讲官英宗实录成亟命小车出都遣官驿追不及加授资善大夫卒赠江西行省左丞临川郡公諡文正有草庐词一卷

彭元逊字巽吾庐陵人

罗志仁号壶秋涂川人

韦居安号梅涧

李琳号梅谿长沙人

赵文字仪可一字惟恭号青山庐陵人初名宋永与从弟宋安以文章齐名尝三贡於乡由国学上舍为南雄府教授宋亡隐居不仕当路强起为东湖书院山长再授清江儒学教授

王义山字元高富州人宋景定壬戌廷试乙科授永州司户累迁通判瑞安军至元庚辰行省礼聘之使掌江西学事辛巳退老东湖之上名其堂曰君子扁其庐曰稼村学者称稼村先生所著有稼村类藁

宋远号梅洞涂川人

周景字秋阳南阳人

刘将孙字尚友庐陵人辰翁之子

萧列号高峰涂川人

司马昂父字九臯

应法孙

王学文号竹涧眉山人

彭芳远

危复之抚州人元帅郭昂荐为儒学官不就至元中累徵不应隐紫霞山中卒私谥贞白先生

顏奎字子俞号吟竹太和人

刘景翔号溪山安成人

吴元可字山庭吉安人

刘铉字鼎玉

萧允之号竹屋

黄子行号蓬瓮

彭履道

李裕翁

段弘章号嬾融吉州人

刘天廸字云闲西昌人

周伯阳字霁海

尹公远号琴泉

曾允元字舜卿号鸥江太和人

李天骥字次飞庐陵人

刘应几字定叟安成人

周孚先号梅心西昌人

尹济翁字润民吉州人

王从叔号山樵庐陵人

萧汉杰号吟所吉水人

彭泰翁字会心安福人

赵功可

戴山隐

姜个翁

欧阳玄字原功先世自庐陵迁浏阳八岁能属文延佑乙卯以乡贡首荐登进士第除同知平江州事调芜湖武冈二县尹召为国子博士迁翰林待制天历初授艺文少监纂修经世大典至正初以学士告归诏修宋辽金三史起为总裁官拜翰林学士承旨屡乞休不允卒赠大司徒柱国楚国公諡曰文有圭斋集

冯子振字海粟攸州人仕至承事郎集贤院待制自号瀛州客

虞集字伯生号邵庵崇仁人宋丞相允文五世孙以荐为大都路儒学教授历国子助教博士累官秘书少监翰林直学士兼国子祭酒天历中除奎章阁侍书学士命修经世大典进侍讲学士卒赠江西行中书省参知政事封仁寿郡公諡文靖有道园学古录词一卷鲜于枢字伯机渔阳郡人至元间以材选为浙东宣慰司经历改江浙行省都事迁太常典簿晚年谢客营一室曰困学斋自号困学民又号直寄老人有困学斋集宋聚字显夫宛平人登泰定甲子进士除秘书监校书郎累官监察御史迁国子司业进翰林直学士兼经筵讲官卒赠范阳郡侯諡文清有燕石集附词

刘诩字桂翁自号桂隐庐陵人隐居教学屡荐不起有桂隐集附词

曹伯启字士开殳山人以荐擢西台御史历司农丞集贤学士御史台侍御史泰定初引年归天历中召为淮东廉访使陕西诸道行御史台中丞不起卒於毘陵赠行中书左丞上护军追封鲁郡公諡文贞有汉泉漫稿词一卷

许有壬字可用汤阴人年二十畅师文荐入翰林不报授开宁路学正登延佑二年进士第累官参议中书省事元统二年拜参知政事至正中转中书左丞六年召为翰林学士承旨改御史中丞以病归起河南行省左丞十五年迁集贤大学士复拜中书左丞寻兼太子左谕德十七年致仕卒諡文忠有圭塘小稿词一卷许有孚字可行登进士第授湖广儒学副提举历中宪大夫同佥太常礼仪院事兄有壬尝得康氏园池出所赐金买之名曰圭塘别墅偕楚人马熙及子弟觞咏其中有孚哀其唱和之作为圭塘欵乃集

马熙字明初衡州人官右卫率府教授尝与许有壬兄弟唱酬所着乐府附圭塘杂咏後

许桢字元干有壬子以门功补太祝应奉翰林所着见圭塘欵乃集中

萨都拉字天锡号直斋本达实密氏祖父以勲留鎮云代遂为雁门人登泰定丁卯进士第除应奉翰林文字出为燕南经历擢御史於南台以弹劾权贵左迁鎮江録事历闽海廉访司知事进河北廉访司经历有鴈门集词一卷

张翥字仲举晋宁人尝学於李存仇远之门以隐逸荐至正初召为国子助教分教上都寻退居淮东会修宋金辽三史起翰林国史院编修官累迁太常博士国子祭酒集贤学士以翰林学士承旨致仕博罗特穆尔强翥草诏不可博罗诛以翥为河南行省平章政事仍翰林承旨致仕给全俸终其身有蜕岩乐府三卷

李孝光字季和乐清人隐居雁荡山五峰下至正七年诏徵隐士以秘书监著作郎召赴京进孝经图说顺帝大悦赐上尊明年陞文林郎秘书监丞卒於官有五峰词

袁易字通甫长洲人尝为徽州路石洞书院山长有静春堂词一卷

沈禧字廷锡吴兴人有竹牕词一卷

洪希文字汝质莆田人父岩虎有集名轩渠希文侍父居山中着词一卷号续轩渠集

张埜字埜夫邯鄲人有古山乐府二卷

吴鎮字仲圭嘉兴人书仿杨凝式画出关荆董巨少师事柳天骥隐於武塘垂帘卖卜所居曰梅花庵自署梅花庵主又号梅花道人

倪瓚字元鎮无锡人工画性好洁所居有云林堂萧闲馆清閼阁至正间知天下将有事尽鬻其家产以与贫交疎族扁舟箬笠往来湖泖间自称懶瓚亦称倪迂有清閼阁遗藁词一卷

顾德辉字仲瑛别名瑛又名阿瑛崑山人举茂才署会稽教谕辟行省属官皆不就避张士诚之辟断髮庐墓自称金粟道人至正末以子贵封武略将军飞骑尉钱塘县男所着有玉山璞附词一卷

陶宗仪字九成台州人流寓松江有南村集

汪斌字以质绩溪人有云坡集

邵亨贞字复孺号清溪华亭人有蛾术词选四卷沈景高乌程人

罗庆

唐桂芳字仲实新安人以荐授崇安县教谕迁南雄路儒学正学者称白云先生所着有武夷

藁

凌云翰字彦种钱塘人领至正巳卯乡荐授绍兴路兰亭书院山长不赴退居吴兴梅林村号避俗翁有柘轩集词一卷

杨樵云涂川人

周玉晨字晴川邦彦从孙

张半湖

萧东父

黄水村

白无咎

许谦字益之金华人受业金履祥之门延佑间隐居东阳入华山屡荐不起自号白云山人卒赐諡文懿有白云集

张可久字伯远号小山庆元人以路吏转首领有小山乐府二卷

乔吉字梦符太原人有惺惺道人乐府一卷

何继高字佐昌至正八年进士知嵩明州

陈深字子微平江人天历间屡荐不出自号清全有宁极斋藁

赵雍字仲穆孟頫仲子以廕守昌国海宁二州历迁至翰林院待制

王德璉字国器吴兴人赵孟頫婿

孟昉字天伟本西域人寓北平至正中为翰林待制後官至江南行台监察御史

舒頔字道原绩溪人至元丁丑辟贵池教谕转台州学正归隐华阳山中自号华阳逸者屡聘不出顔其居曰贞素斋自作贞素先生传有集

舒逊字士谦頔之弟所着名搜枯集



刘忠之

何可视字思明嘉兴人隐居不仕自号烂柯樵者袁华字子英崑山人

于立字彦成南康人学道会稽山中

陆仁字良贵河南人

张逊

石民瞻润州人

郊韶字九成吴兴人至正中尝辟试漕府掾自号云台散吏又号苕溪渔者有云台集

柯九思字敬仲号丹邱天台人文宗时为奎章阁鉴书博士

王逢字原吉江阴人至正中尝作河清颂累荐不起隐居江上之黄山自称席?山人寻避地无锡梁鸿山又迁松之青龙江名所寓曰梧溪精舍自称梧溪子盖以大母徐尝手植双梧於故里之横江也又徙上海之乌泾筑草堂以居号最闲园丁有梧溪集

何景福字介夫淳安人别号铁牛翁隐居不仕有介夫集

梁寅字孟敬新喻人元末累举不第辟集庆路儒学训导隐居教授明初徵至京修礼书书成辞疾归结庐石门山学者称为梁五经

钱抱素字素庵

钱应庚字南金抱素之弟

吴瓘字莹之号竹庄

王蒙字叔明吴兴人德珪之子赵孟頫外孙别号黄鹤山樵工画元末官理问明洪武初为泰安州知州刘云寰

王燧吴人

张 嘉兴人

金綱嘉兴人

王容溪

龙端是

龙紫蓬

失名

傅按察

方外

丘长春初名处机字通密号长春登州栖霞人年十九为全真师王真人嘉於海上戊申召见阙下随还终南山已卯元太祖遣近侍迎至雪山之阳延问至道癸未东还赐号神仙爵大宗师居燕太极宫改名长春丁亥卒有磻溪集六卷

张雨字伯雨一名天雨号贞居子钱塘人宋崇国公九成之裔年二十徧游名山弃家为道士居茅山自号句曲外史有贞居词一卷

滕宾字玉霄睢阳人官江西儒学提举後入天台为道士称涵虚子有词一卷

闰媛

管道昇字仲姬赵孟頫妻能诗工书画竹尤妙王秋英

妓女

刘燕哥

御选历代诗余卷一百九

# 卷一百十

<集部,词曲类,词选之属,御选历代诗余

钦定四库全书

御选历代诗余卷一百十

司经局洗马掌局事兼翰林院修撰加二级【臣】王奕清奉旨校刊

词人姓氏

明

仁宗讳高炽成祖子虚怀嗜书学问渊雅尤好宋欧阳修之文乙夜繙阅每至达旦受诗法於赞善徐善述有御制集上下二卷

宣宗讳瞻基仁宗子天质神敏逊志经史长篇短歌援笔立就雅意兴贤作招隐歌猗兰操以见志

刘基字伯温青田人负命世才博通天文地理阴符家言元至顺间以明经登进士第累仕皆投劾去入明以佐命功官至御史中丞封诚意伯正德中追諡文成诗文皆手自编定在元季作者名覆瓿集明初作者名犁眉公集

高啓字季迪长洲人至正末隐吴淞江之青邱自号青邱子洪武初召入都命纂修元史寻入内府教功臣子弟授翰林院国史编修官三年七月擢户部侍郎力辞赐白金放还词一卷名扣舷集

杨基字孟载其先本嘉州人以大父仕江左生於吴中九岁背诵六经着书十余言名曰论鉴洪武二年授荊阳知县谪居鍾离久之用荐为江西行省幕官坐省臣得罪落职六年起奉使湖南广右召授兵部员外郎出为山西按察使基少负诗名与高啓张羽徐賁为友时号吴中四杰有眉庵集十二卷

陶安字主敬太平人明祖渡江安率父老奉迎留置幕府历左司郎中出知黄州降桐城令移知饶州仍改黄州寻召为翰林院学士御制门帖赐之曰国朝谋略无双士翰苑文章第一家洪武元年擢江西行中书参知政事有学士集

王行字止仲长洲人髫时从其父为闾门市人市药主人翁授以鲁论一夕成诵乃令徧阅

所藏书未久辞去授徒於城北洪武初郡庠延为训导晚年隐居石湖好谈兵法喜释老工诗画洪武二十六年游京师居凉国公西塾竟同坐法

解缙字大绅一字缙绅吉水人洪武二十六年进士授中书庶吉士改御史建文时待诏翰林永乐初为侍读学士直文渊阁进翰林学士出为广西参议改交址缙生而颖异下笔辄数万言未尝起藁有春雨集

林鸿字子羽福清人洪武初以荐授将乐儒学训导居七年拜膳部员外郎召试龙池春晓孤鴈二诗名动京师自免归有集

胡俨字若思南昌人洪武末会试乙科授华亭教谕永乐初擢翰林简讨直内阁进国子监祭酒兼侍讲掌翰林院洪熙元年加太子宾客致仕

王达字达善无锡人洪武中举明经除国子监助教永乐中擢翰林编修迁侍读学士有盛名与解缙王偁等号东南五才子所传有耐轩天游二稿

王珽字汝器长洲人洪武壬子以会试举子简授编修肄业文华堂终吏部主事

瞿佑字宗吉钱塘人洪武中以荐历仁和临安宜阳训导迁周府右长史

马洪字浩澜仁和人善吟诗词调尤工有花影集莫璠字仲璵钱塘人隐居不仕有西湖十景词盛传於世

晏璧江西人宣德时攘吴草庐三礼改注

徐有贞初名理字元玉吴县人宣德癸丑进士选翰林院庶吉士授编修历春坊谕德改金都御史治河张秋天顺改元以迎复功拜华盖殿大学士兵部尚书掌内阁事封武功伯

商辂字弘载淳安人正统乙丑进士自乡试会试以至殿试皆第一授翰林院修撰累官至礼部尚书入东阁諡文毅有文毅集

汤公让其先凤阳人东瓯王和之曾孙隶应天府学为诸生寻弃之巡抚周忱荐其有文武才授锦衣卫百户历官至延绥参将

李东阳字宾之茶陵人以戍籍居京师四岁举神童八岁入京学天顺八年登进士选翰林院庶吉士授编修历官至吏部尚书华盖殿大学士諡文正有怀麓堂集及续集南行东祀诸集

姚绶字公绶嘉善人天顺末进士拜监察御史成化初知永宁府解官作室曰丹邱自称丹邱先生

周用字行之吴江人弘治壬戌进士授行人迁南京工科给事中历仕至吏部尚书諡恭肃

吴寛字原博长洲人成化八年会试廷试俱第一入翰林累迁至掌詹礼部尚书司内阁诰敕諡文定有匏庵集

吴洪字禹畴吴江人成化壬辰进士由刑部主事历官至刑部尚书

赵寛字栗夫吴江人成化辛丑进士第一历官刑部郎中出为浙江提学副使广东按察使有半江集

桑悦字民怵常熟人读书一过辄焚弃年十九领成化乙酉乡荐三赴会试得乙科除泰和训导迁长沙通判调柳州外艰归遂不出尝作两都赋有集

沈周字啓南长洲人受经学於陈寛景泰间举贤良筮得遯之九五遂不应耕读於相城里工诗画有石田先生集

韩守益

史监字明古吴江人博学好古隐居邑之西村有西村集

文徵明初名璧以字行更字徵仲长洲人父林为温州守徵明受文法於吴寛受书法於李应祜受画法於沈周以诸生岁贡入京授翰林院待诏寻告归

顾璘字华玉吴县人徙居金陵弘治丙辰进士历官至南京刑部尚书璘少负才名与陈沂王韦同号金陵三俊有息园浮湘凭几归田诸集

边贡字廷实历城人弘治丙辰进士授太常博士累官至南京户部尚书有华泉集八卷即弘治七子之一王廷相字子衡仪封人弘治壬戌进士选庶吉士改授兵科给事中再谪再起历官至兵部尚书兼都察院左都御史有家藏集行世

陆深字子渊上海人弘治乙丑进士由庶吉士授编修陞国子监祭酒左迁延平府同知历副使布政使召还以太常卿兼侍读学士进詹事府詹事諡文裕有诗文集百卷及河汾燕闲录玉堂漫笔传於世

陆楫字思豫深之子有蒹葭堂集

吴山字静之吴江人大司寇洪之子正德戊辰进士授刑部主事历任南赣河南四川巡抚入为刑部尚书諡忠襄

杨慎字用修新都人大学士廷和之子七岁作拟古战场文正德辛未廷试第一授翰林院修撰以议礼谪戍滇南着述最富诗文集之外凡百余种

张縉字世文高邮人正德癸酉举人选武昌府通判迁知光州着诗余图谱词家奉为指南有南湖集四卷夏言字公谨贵溪人正德丁丑进士授行人历史科都给事中以议礼称旨改翰林院侍读入直内阁历官至吏部尚书华盖殿大学士諡文愍有元相桂翁词及鸥园新曲行世

徐阶字子升华亭人嘉靖癸未进士廷试第三人授编修历官礼部尚书建极殿大学士諡文贞

王慎中字道思晋江人嘉靖丙戌进士授户部主事改礼部又改吏部历验封郎中谪为常州府通判稍迁南户礼二部终河南左参政

黄正色字斗南无锡人嘉靖己丑进士历知仁和香山南海三县擢为御史後官至大理卿有辽阳藁

吴子孝字纯叔长洲人大学士一鹏之子嘉靖己丑进士选庶吉士改工部主事历光禄寺丞迁湖广参议提督太和山有海峰词集

骆文盛字质甫武康人嘉靖乙未进士由庶吉士授翰林院编修寻告归所居在余英溪之下因自号两溪李攀龙字于鳞历城人嘉靖甲辰进士授刑部广东司主事历郎中出知顺德府擢陕西提学副使移疾归用何景明例特予告凡十年起浙江副使迁参政拜河南按察使母丧归卒有沧溟集三十卷

王世贞字元美太仓人嘉靖丁未进士除刑部主事历郎中出为青州兵备副使以家难解官归隆庆初起补大名兵备迁浙江参政山西按察使入为太仆卿以右副都御史抚治郧阳迁南大理卿应天府尹乞归起南刑兵两部侍郎拜刑部尚书乞归卒与李攀龙辈号後七子有弇州山人四部正续稿百余卷

邬仁卿字汝元丹徒人嘉靖壬子举人知湘潭县有骈语集

吴邦桢字子宁吴江人大司寇山之子嘉靖癸丑进士授刑部主事累迁至太仆卿

于永号励庵金坛人侍郎湛之子嘉靖乙卯举人王世懋字敬美世贞之弟嘉靖乙未进士除南京礼部主事改北礼部主事迁司宝丞出江西参议陕西福建提学副使终南京太常寺少卿有奉常集

王锡爵字元驭太仓人嘉靖壬戌进士第一廷试第二授翰林院编修历官礼部尚书建极殿

大学士諡文肃有文肃集

莫是龙字云卿以字行更字廷韩华亭人以诸生贡入太学

陆祖允

徐渭字文清更字文长山阴人嘉靖中少保胡宗宪督兵浙江以诸生延入幕府掌书记有阙编樱桃馆诸集陈淳字道复吴郡姚湖人自号白阳山人

林章字初文福清人万历癸酉举人侨寓金陵屡上书言时事卒於狱

赵南星字梦白高邑人万历甲戌进士选汝宁府推官迁户部郎历吏部考功郎中削籍里居三十年天啓初以列卿起废拜吏部尚书坐忤逆奄遣戍大同卒諡忠毅有集

冯琦字用韞临朐人万历丁丑进士选庶吉士授翰林院编修历官至礼部尚书諡文敏有北海集

屠隆字长卿鄞县人万历丁丑进士除颍上知县调青浦陞礼部主客主事历仪制郎中有由拳白榆采真南游诸集

汤显祖字义仍临川人万历癸未进士授南京太常博士迁南礼部郎疏劾政府谪广东徐闻典史稍迁知遂昌县有玉茗堂集

袁黄字坤仪吴江人万历丙戌进士官至兵部职方司主事

焦竑字弱侯金陵人万历己丑进士廷试第一官翰林院修撰

张琨

王肯堂字宇泰金坛人万历己丑进士由庶吉士补外任历官福建布政司参政

费元禄字无学铅山人南太仆卿尧年之子有甲秀集储昌祚字肩宇宜兴人万历己丑进士历官四川按察司僉事

储懋端昌祚之子

王衡字辰玉太仓人大学士锡爵之子万历辛丑进士廷试第二授翰林院编修有缙山集

俞彦字仲茅金陵人万历辛丑进士历官光禄寺少卿王坊字元表华亭人万历壬子举人历

官河南信阳州知州

俞琬纶字君宣吴县人万历癸丑进士授西安知县有自娱集

钱继登字龙门嘉善人万历丙辰进士知饶州府有壑专堂集

魏浣初字仲雪常熟人万历丙辰进士历官广东提学参政有四如山楼集

吴宗达字青门武进人万历甲辰进士廷试一甲第三名历官至大学士諡文端

陈继儒字仲醇华亭人隐居小崑山自号眉公

吴正志字之矩有云起楼集

葛一龙字震甫吴之洞庭人官云南布政司理问范汭字东生乌程人祭酒应期之侄太学生辑全唐诗千余卷有诗集四卷

吴鼎芳字凝父世居吴之西洞庭与乌程范汭有披襟倡和集後薙染为僧号唵

李鄂

施绍莘字子野嘉兴人有花影集

张逸字泰庵

陈子龙字卧子青浦人崇祯丁丑进士历官兵科给事中有湘真阁江蓠槛词行世

夏允彝字彝仲华亭人崇祯丁丑进士官至吏部考功司主事

季叔房字孟莲

钱继章字尔斐嘉善人继登之弟崇祯丙子举人有谿嘿山房集菊农词

吴易字日生吴江人太仆卿邦桢之孙崇祯癸未进士授兵部职方司主事有东湖倡和诗词二卷

王泰际字内三嘉定人崇祯癸未进士有冰抱集二十卷

沈泓字临秋



沈友夔初名龙华亭人崇祯癸未进士有雪初堂集沈麇字天鹿华亭人

沈懋德字云嵩嘉善人所着有坊表录及湖目斋诗词行世

陆释麟字瞿弥有集

于玉班字清卿金坛人孝廉永之孙光禄少卿孔兼之子

于玉珩字佩卿玉班之弟

冯鼎位字素人松江人崇祯戊辰拔贡授翰林院待诏喻综

王彦泓字次回金坛人都御史樵之孙以岁贡授华亭训导

钱应金字星白嘉兴人有古堂集

夏复字存古华亭人吏部主事允彝之子有玉樊堂藁胡偕行字与行徽州人

董斯张字遐周归安人大宗伯份之孙撰广博物志四十卷

程醇字墨仙休宁人有石交堂词

吴充字鲁于武进人万历庚子举人

高濂字深甫

顾同应字仲从华亭人

张草字石阳有绣香集

陈翼飞字元朋

卓人月字珂月仁和人苾渊集

于儒颖字仲金坛人光禄少卿孔兼之孙

沈自炳字君晦吴江人副使琬之子

顾士林字文叔嘉兴人

钱继振字尔玉嘉善人

钱光绣字圣月

沈宗堦字以冲仁和人崇祯癸未进士终行人

沈宗堦字旨庵

钱芬字仲芳

沈鍾鹤字同庵

顾孔昭

沈士鑛字宝臣

沈士铎字声令

顾諫字廷直嘉兴人

朱諫

顾志字存英有晖吉堂集

张大烈字言冲钱塘人有诗余类函

唐世瀚字宗之

李伊玉

吴桢字永锡

朱灝字宗远松江人

薛廷宠

周世臣字颖侯

孙茂芝字若英

裘昌令字梅倩有书仙阁词

褚附凤字梧冈

李福谦字子虚嘉兴人

冯盛世字济之

戈止字永清

佚名

梦庵

方外

释涵初

闰媛

朱盛藻字琼蕤黄州楚宗女尝作灌春逸尚序

端淑卿当涂人教谕廷弼之女归芮氏有绿牕诗藁王凤嫺字瑞卿号文如子华亭人进士张本嘉妻婺居教子与二女引元引庆自相倡和有贯珠集双燕遗音行世

张引元字文姝又字蕙如华亭张本嘉之女适杨安世黄氏状元杨慎妻

张红桥闽县人居於红桥之西因自号红桥後归福清林鸿

孟淑卿苏州人训导澄之女自号荆山居士

陆卿子长洲人尚宝卿师道女太仓赵宦光妻有云卧阁考盘诸集

项兰贞字孟畹秀水黄卯锡妻有裁云月露二草陆卿子为之序

沈宜修字宛君吴江人山东副使琉之女工部郎中叶绍袁妻有鹂吹集

沈静专字曼君宜修之妹归吴氏所着诗词名适适草叶纨纨字昭齐绍袁长女归同邑袁氏藁名愁言叶小纨字蕙绸绍袁次女适同邑沈永楨

叶小鸾字琼章绍袁幼女遗藁名返生香

张倩倩吴江人适同邑沈自徵

徐媛

武氏三水人太仆少卿文翔凤妻

刘氏楚人

钱氏

郭?字素汝长洲人适埭川顾氏

顾若璞字知和钱塘人适王氏有卧月轩集

商景兰字媚生会稽人应天巡抚祁彪佳妻

周兰秀吴江人适平湖孙氏

韩智玥湖州人状元韩敬之女归金坛于銮

谢小湄字中李有集

吴朏号冰蟾子华亭人适曹氏

陈?字无垢宜兴人有茹蕙集

妓女

王微字修微广陵妓自号草衣道人有樾馆诗数卷杨宛字宛叔金陵妓有集

马琼琼

御选历代诗余卷一百十

# 卷一百十一

钦定四库全书

御选历代诗余卷一百十一

司经局洗马掌局事兼翰林院修撰加二级【臣】王奕清奉旨校刊

词话【唐一】

舜典曰诗言志歌永言声依永律和声诗序曰在心为志发言为诗情动於中而形於言言之不足故嗟叹之嗟叹之不足故咏歌之咏歌之不足故不知手之舞之足之蹈之乐记曰诗言其志也歌咏其声也舞动其容也三者本於心而乐器从之故有心则有诗有声则有律先定其音节然後制词亦依永和声之意也今又分诗与乐府作两科曰古诗曰乐府谓诗之可歌者也而古乐府以为诗之流而词皆就音节以为名汉时雅郑杂用而郑为多魏平荆州得汉雅乐古曲音调存者有四曰鹿鸣驹虞伐檀文王而李延年之徒以歌被宠复改易音节止存鹿鸣一曲晋初亦除之又考汉时短箫

铙歌乐曲三国所存者有朱鹭艾如张上之回战城南将进酒之类凡二十二曲晋兴又尽改之独玄云钹竿二曲而已自晋以来五季新曲颇衆隋初尽归清乐唐景龙後曲词犹存如白雪公莫舞巴渝白苧子夜团扇懊悢莫愁杨叛儿乌夜啼玉树後庭花六十三曲唐中叶有声有词者三十有七有声无词者止七曲唐歌曲比前代为多其见於今者十之三四耳【碧鸡漫志】

词起於唐人而六代已滥觞矣梁武帝有江南弄陈後主有玉树後庭花隋炀帝有夜饮朝眠曲岂独五代之主蜀之王衍孟?南唐之李璟李煜吴越之钱俶以工小词为能文哉王衍之月明如水浸宫殿有酒不醉真痴人李玉箫爱赏之元人用为传奇孟?之冰肌玉骨清无汗东坡复衍足其句钱俶之金凤欲飞遭掣搦情脉脉行即玉楼云雨隔为艺祖叹赏惜无全篇而亦流递於後矣【曲洧旧闻】

隋乐工王令言妙达音律时炀帝将征辽令言之子弹琵琶作安公子曲令言惊问那得有此对曰宫中新翻曲也调在太簇角【通典】

玉台新咏载乌夜啼徐陵云绣帐罗帏灯影独一夜千年犹不足惟憎无赖汝南鸡天河未落已争啼王建云章华宫人夜上楼君王望月西山头夜深宫殿门不锁白露满山山叶堕一首转韵平仄各叶此商调曲也皇甫松竹枝祖之【杨慎】

填词必溯六朝者亦昔人探河穷源之意如梁武帝江南弄云衆花杂色满上林舒芳耀彩垂

轻阴连手 蹀舞春心舞春心临岁腴中人望独踟蹰梁僧法云三洲歌一解云三洲断江口水从窈窕河旁流啼将别共来长相思二解云三洲断江口水从窈窕河旁流欢将乐共来长相思梁臣徐勉迎客曲云丝管列舞曲陈含羞未奏待佳宾罗丝管陈舞席歛袖嘿唇迎上客送客曲云袖缤纷声委咽歌曲未终高驾别爵无筭景已流空纤长袖客不留隋炀帝夜饮朝眠曲云忆睡时待来刚不来卸妆仍索伴解佩更相催博山思结梦沉水未成灰忆起时投簪初报晓被惹香黛残枕隐金钗袅笑动上林中除却司晨鸟王叡迎神歌云蓬草头花柳叶裙蒲葵树下舞蛮云引领望江遥滴泪白苹风起水生纹送神歌云枳枳山响答琵琶酒湿青莎肉饲鸦树叶无声神去後纸钱飞出木棉花此六代风华靡丽之语後來词家之所本也略辑於此【杨慎】

沈约亦有六忆诗其三云忆眠时人眠独未眠解罗不待劝就枕更须牵复恐旁人见娇羞在烛前已开炀帝之先矣【词苑】

唐时古意犹未失竹枝浪淘沙抛球乐杨柳枝乃诗中絶句而定为歌曲故李白清平调皆絶句元白诸诗多为知音者协律白居易守杭元稹赠诗云休遣玲珑唱我诗我诗多是别君辞自注云乐人高玲珑能歌余数十诗又白居易自有诗云席上争飞使君酒歌中羣唱舍人诗又元稹见人歌韩舍人新律诗戏赠云轻新便妓唱凝妙入僧禅沈亚之云故人李贺善撰南北朝乐府多怨郁凄艳之句诚能盖古排今使为词者莫能偶矣唐史称李贺乐章数十篇诸工皆合之管弦又称李益诗每一篇成乐工慕名者争以赂取之被诸声歌供奉天子旧史亦称武元衡工五言诗好事者传之往往见於乐部开元中王昌龄高适王之涣旗亭画壁伶官招妓聚宴以此知唐之伶妓以当时名士诗词入歌曲皆常事也【碧鸡漫志】

梁乐府有夜夜曲或名昔昔盐昔即夜也盐亦曲之别名张枯诗村俗犹吹阿滥堆贺铸词塞管孤吹新阿滥又戴式之有乌盐角行元人月泉吟社诗山歌聒耳乌盐角村酒柔情玉练槌阿滥堆乌盐角皆曲名也李郢诗谢公留赏山公醉知入笙歌阿那朋刘禹锡竹枝词今朝北客思归去回入纥那披绿萝阿那纥那亦当时曲名李诗言变梵呗为艳歌刘词言变南调为北曲也【杨慎】

唐词纪为郭茂倩所辑杨璠董御多收伪词以广之有以其名同而滥收之者今取刘禹锡纥那曲云踏曲兴无穷调同词不同愿郎千万寿长作主人翁按词品阿那纥那皆当时曲名刘禹锡言变南调为北曲盖随方音而转也刘采春罗唢曲云莫作商人妇金钗当卜钱朝朝江口望错认几人船按曲有三解一名望夫歌取其一以存调无名氏一片子云柳色青山映梨花雪鸟藏緑牕桃李下闲坐叹春芳按教坊记有此名乐府解题所不详者更有琴曲名千金意始分前後段起句三字一音如音音音三字起句後接心心心三字起句而下俱指法未能格之也【古今词话】

今以五七言之别见者彙较之如何满子已收六言六句矣兹考薛逢之何满子云系马宫槐老持杯店菊黄故交今不见流恨满山光如三台令已收六言四句矣兹考李後主之三台令云不寐倦长更披衣出户行月寒秋竹冷风切夜窗声如杨柳枝已收七言四句矣兹考李商

隐之杨柳枝云画屏绣步障物物自成双如何湖上望只是见鸳鸯如醉公子已收无名氏之五言八句矣兹考无名氏之醉公子云昨日春园饮今朝倒接谁人扶上马不省下楼时如长命女已收长短句矣兹考无名氏之长命女云云送关西雨风传渭北秋孤灯然客梦寒杵捣乡愁如乌夜啼已收长短句矣兹考聂夷中之乌夜啼云众鸟各归枝乌乌尔不栖还应知妾恨故向绿牕啼如长相思已收琴调之长短句矣兹考张继之仄韵长相思云辽阳望河县白首无由见海上珊瑚枝年年寄春燕又令狐楚之平韵长相思云君行登陇上妾梦在关中玉筯千行落银牀一夕空如江南春既列长短句矣兹考刘禹锡之江南春云新妆宜面下朱楼深锁春光一院愁行到中庭数花朵蜻蜓飞上玉搔头如步虚词已列长短句之双调矣兹考陈羽之步虚词云楼阁层层阿母家崑仑山顶驻红霞笙歌往见穆天子相引笑看琪树花如渔歌子已列长短句之单调双调矣兹考李梦符之渔父词二首云村市钟声渡远滩半轮残月落前山徐徐拨棹却归去浪叠朝霞碎锦翻渔弟渔兄喜到来婆官赛却坐江隈榔榆杓子瘤杯酒烂煮鲈鱼满盎堆如凤归云已列林钟商之长调矣兹考滕潜之凤归云二首云金井阑边见羽仪梧桐树上宿寒枝五陵公子怜文彩画与佳人刺绣衣饮啄蓬山最上头和烟飞下禁城秋曾将弄玉归云去金翻斜翻十二楼他如离别难金缕曲水调歌白苧各有七絶杂以虚声亦多可歌者後之集谱者无以诗句而乱词调也【古今词话】

清商曲有采莲子即江南弄中采莲曲如李白耶溪采莲女见客棹歌回笑入荷花里佯羞不出来刘方平落日晴江曲荆歌艳楚腰采莲从小惯十五即乘潮又王昌龄乱入池中看不见闻歌始觉有人来张潮赖逢邻女曾相识并着莲舟不畏风殊有风致然必以皇甫松孙光宪之排调有衬字者为词体【乐府解题】

无名氏回纥曲云阴山瀚海信难通幽闺少妇罢裁缝缅想边庭征战苦谁能对镜冶愁容久戍人将老须臾变作白头翁长歌之哀过於痛哭必陈隋初唐之作也冯延巳别名抛球乐莫思归其所制见阳春集【词品】岑参六州歌头云西去轮台万里余也知音信日应疎陇山鹦鹉能言语为报家人数寄书注云六州伊渭梁氏甘凉也王维伊州歌云秋风明月独离居荡子从军十载余征人去日殷勤嘱归雁来时好寄书张仲素渭州词云亭亭孤月照行舟寂寂长江万里流乡国不知何处是云山漫漫使人愁王之涣梁州歌云黄河远上白云间一片孤城万仞山羌笛何须怨杨柳春风不度玉门关张佑氏州第一云十指纤纤玉笋红雁行轻度翠弦中分明自说长城苦水阔云寒一夜风符载甘州歌云月里嫦娥不画眉只将云雾作罗衣不知梦逐青鸾去犹把花枝盖面归无名氏凉州歌云一去辽阳系梦魂忽传征骑到中门纱牕不肯施红粉图遣萧郎问泪痕此皆商调曲也乐府所收六州歌头则一百四十三字长短句之三叠者【乐府衍义】

五行之声所司为正所欹为傍所斜为偏所下为侧正宫之调正犯黄钟宫傍犯越调偏犯中吕宫侧犯越角之类乐府诸曲自昔不用犯声唐自天后末年劒器入浑脱始为犯声明皇时乐人孙处秀善吹笛好作犯声亦郑卫之变也【陈阳乐书】

唐时羯鼓录无有能传其法者开元帝最为妙絶宋璟李皋裴冕亦精其理至宋元佑中邠州一老犹能之有大合禅滴滴泉曲【太平乐府】

乐部中有促拍催酒谓之三台唐士云蔡邕自御史累迁尚书不数日间历徧三台乐工以邕洞晓音律故制词以悦之又始作乐必曰丝抹将来盖丝竹在上钟鼓在下丝以起之乐乃作亦唐以来如是【珊瑚钩诗话】

宋沆为太乐令知音近代无比太常久亡徵调沆乃考钟律而得之【唐国史补】

唐永徽中王方言於河滩拾得小树栽之及长乃林檎也进於高宗以为朱柰又名五色林檎教坊以为曲名【洽闻记】

景云初设宴於桃花园羣臣毕集学士李峤等各献桃花诗令宫女歌之辞既清婉歌复妙絶献诗者舞蹈称万岁勅太常简二十篇入乐府号曰桃花行【武平一文馆记】先天初明皇御安福门观灯令朝士能文者为踏歌声调入云【辇下岁时记】

李白草堂集白蜀人草堂在蜀怀故国也菩萨蛮忆秦娥二首为百代词曲之祖【郑樵通志】

开元中李白供奉翰林时禁中木芍药盛开明皇乘照夜白贵妃以步辇从选梨园子弟度曲李龟年捧檀板押衆乐前欲歌明皇曰赏名花对妃子焉用旧词遂命龟年持金花笺宣赐李白立进清平调三章白宿醒未解援笔而就太真持颇黎七宝杯酌西凉葡萄酒明皇亲调玉笛以倚曲每曲徧将换则迟其声以媚之太真饮罢斂绣巾重拜自此顾李白异於他学士【松牕摭异录】李白於便殿对帝譔词时天寒笔冻莫能书字帝敕宫嫔十人侍白左右各执牙笔呵之其受圣眷如此【开元遗事】杨用修所载太白清平乐二阙识者谓非太白作以其卑浅也按太白清平调本三絶句而已不应复有词也【王世贞四部稿】

河汉女玉链顔云辘往往在人间九霄有路去无迹袅袅香风生佩环此太白桂殿秋词也得於石刻而无腔刘无言倚其声歌之音极清雅【能改斋漫录】

仙女下董双成汉殿夜凉吹玉笙曲终却从仙官去万户千门惟月明李太白词也得於石刻而无其腔刘无言自倚其声歌之东皋杂录又以为范德孺谪均州偶游武当山石室极深处有题此曲於崖上未知孰是【词苑】平林漠漠烟如织寒山一带伤心碧暝色入高楼有人楼上愁玉阶空伫立宿鸟归飞急何处是归程长亭更短亭此词写於鼎州沧水驿不知何人所作魏道辅泰见而爱之後至长沙得古风集於曾子宣内翰家乃知李白所譔【湘山野录】

开元时南诏入贡危髻金冠璎珞被体号菩萨蛮因以制曲杨慎改蛮为鬘以戒经华鬘被首为据殊失详考【胡应麟笔丛】

唐大中初女蛮国贡双龙犀明霞锦其人危髻金冠璎珞被体当时号为菩萨蛮优者作女王曲文士往往谱为词【杜阳杂编】



忆秦娥商调曲也凤楼春即其遗意李白之箫声咽用仄韵孙夫人之花深深用平韵张宗瑞复立新名曰碧云深【唐词纪】

唐词载李德裕步虚词即双调捣练子唐词本无换头捣练子本无双调近刻列为李白桂殿秋二首李集之考核者多矣不闻菩萨蛮忆秦娥而外别有桂殿秋也吴虎臣得於石刻而无其腔刘无言倚其声歌之其说亦未足信刘禹锡作潇湘神起处叠三字一句亦即捣练子但为迎神送神之词耳【古今词话】

教坊记曰开元十一年初制圣寿乐以歌舞之所司先进曲名以墨点者舞舞有曲教坊惟得舞伊州五天重来叠不离此两曲余悉让内家也内家舞曲有二垂手罗回波乐兰陵王春莺啭半社渠借席乌夜啼之属谓之软舞阿辽曲柘枝黄鞞拂林大渭州达摩之属谓之健舞此崔令钦所编曲名三百余调始此【古今词话】

明皇尝坐朝以手指上下按其腹朝退高力士进曰陛下向来数以手指按腹岂非圣体小有不安耶明皇曰非也吾昨夜梦游月宫诸仙娱以上清之乐寥亮清越非人间所闻酣醉久之合奏诸乐以送吾归其曲凄楚动人杳杳在耳吾回以玉笛寻之尽得之矣坐朝之际虑忽遗忘故怀玉笛於衣中时以手指上下寻按非有不安力士再拜贺曰非常之事也愿陛下为臣一奏之其声寥寥然不可名言力士又再拜且请其名明皇笑曰此曲名紫云回遂载於乐章【郑棨传信录】

昔昔盐阿滥堆乌盐角阿那朋之类皆歌曲名也自昔昔盐排律外余多七言絶句有其名而无其调隋炀帝李白调始生矣然望江南忆秦娥则以词起调者也菩萨蛮则以词按调者也【艺苑卮言】

骊山多飞鸟名阿滥堆明皇御玉笛采其声翻为曲子当时左右皆传唱之一作鸚烂堆【中朝故事】

开元中大酺於勤政楼观者喧聚莫辨鱼龙百戏之音高力士请命宫人张永新出歌可以止喧永新出奏曼声广場寂寂若无一人大酺之曲名始此矣【太平乐府】明皇谳音律善度曲尝临轩纵击制一曲曰春光好方奏时桃李俱发又制一曲曰秋风高奏之风雨然帝曰此事不唤我作天公可乎词俱失传惟好时光一阙云宝髻偏宜宫样莲脸嫩体犹香眉黛不须张敞画天教入鬓长莫倚倾城貌嫁取个有情郎彼此当年少莫负好时光【开元轶事】

荔枝香出唐书贵妃生日命小部奏新曲未有名适进荔枝即以名曲解语花明皇称贵妃语出天宝遗事念奴娇明皇宫人念奴也【词品】

乐府声诗并着最盛於唐开元天宝间有李八郎者以能歌擅名天下时新及第进士开宴曲江榜中有名士先召李易服隐姓名与同至宴所曰表弟愿与座末衆皆不顾既而酒行乐作歌者曹元谦奏念奴娇衆皆咨嗟称赏名士忽指李曰请表弟歌衆皆哂或有怒者及转喉发

声一曲未终衆皆泣下罗拜曰此李八郎也【李清照】明皇幸蜀霖雨弥旬栈道中闻铃声明皇悼念贵妃为制雨霖铃曲【太真外传】

杨太真亦有一词赠善舞张云容者词云罗袖动香香不已红蕖袅袅秋烟里轻云岭上乍摇风嫩柳池边初拂水此阿那曲也【词统】

江采苹九岁诵二南诗开元中选侍明皇见宠所居悉植梅花故号梅妃为太真逼迁上阳明皇於花萼楼念之会夷使贡珠命封一斛赐妃妃谢以诗云柳叶双眉久不描残妆和泪污红绡长门尽日无梳洗何必珍珠慰寂寥明皇以新声度曲曰一斛珠【梅妃传】

王士源襄阳集序云孟浩然骨貌清淑风神散朗文不按古师心独妙其春词有云青楼晓日珠帘映红粉春妆宝镜催已厌交欢怜枕席相将游戏绕池台坐时衣带萦纤草行即裙裾埽落梅更道明朝不当作私邀共鬪管弦来论者以为有诗词之别【唐诗解】

王维诗名盛於开元天宝间与弟缙宦游两都凡诸王驸马豪右贵势之门无不拂席迎之宁王薛王待之如师友人得奏乐图不知其名维视之曰霓裳第三叠第一拍也好事集乐工按之一一无差咸服其精鉴【唐诗纪事】

开元中诗人王昌龄高适王之涣齐名时风尘未偶而游处略同一日天寒微雪三诗人共诣旗亭贯酒小饮忽有梨园伶官数人登楼会讌三诗人因避席隈映拥炉火以观焉俄有妙妓数辈寻续而至奢华艳曳都冶颇极旋即奏乐皆当时名部也昌龄等私相约曰我辈各有诗名无从自定其甲乙今者可以密观诸伶所讴若诗入歌词之多者为优矣俄而一伶拊节而唱乃曰寒雨连江夜入吴平明送客楚山孤洛阳亲友如相问一片冰心在玉壶昌龄则引手画壁曰一絶句又一伶讴曰开筵泪沾臆见君前日书夜台何寂寞犹是子云居适则引手画壁曰一絶句寻又一伶讴曰奉帚平明金殿开强将团扇共徘徊玉颜不及寒鸦色犹带昭阳日影来昌龄又引手画壁曰二絶句之涣自以得名已久意颇不平谓诸人曰此辈皆潦倒乐官所唱皆巴人下里之词耳岂阳春白雪之曲俗物敢近哉因指诸伎中最佳者待此子所唱如非我诗即终身不敢与子争衡矣脱是我诗子等须当列拜牀下以师事我因欢笑而俟之须臾次至双鬟发声则曰黄河远上白云间一片孤城万仞山羌笛何须怨杨柳春风不度玉门关之涣即揶揄二子曰田舍奴我岂妄哉因大谐笑诸伶不喻其故皆起诣曰不知诸郎君何此欢噱昌龄等因话其事诸伶竞拜曰俗人不识神仙乞降清重俯就筵席三子从之饮醉竟日【唐诗纪事】

张志和自称烟波钓徒尝谒颜真卿於湖州以舴艋敝请更之愿为浮家泛宅往来苕霅间作渔歌子词曰西塞山前白鹭飞桃花流水鳜鱼肥青箬笠绿蓑衣斜风细雨不须归【乐府纪闻】

湖州磁湖鎮道士矶即张志和所谓西塞山前白鹭飞也【西吴记】

武昌府大冶县东九十里为道士湫即西塞山寨音涩水经云壁立千仞东北对黄公九矶故名西塞横截江流旋涡沸激舟人过之每为失色张耒诗云已逢妩媚散花峡不怕危亡道士矶遂以为即志和所游西塞山未知孰是【词苑】

志和性高迈自为渔歌便画之甚有逸思【名画记】

张松龄以渔歌子招其弟志和曰乐在风波钓是闲草堂松桂已胜攀太湖水洞庭山风狂浪急且须还後家莺脰湖旁仙去吴人为建望仙亭【罗湖野录】

东坡云元真子渔父词极清丽恨其曲度不传加数语以浣溪纱歌云西塞山边白鹭飞散花洲外片帆微桃花流水鳜鱼肥自庇一身青箬笠相随到处绿蓑衣斜风细雨不须归山谷见之击节称赏且云惜乎散花与桃花字重叠又渔舟少有使帆者乃为浣溪纱云新妇矶边眉黛愁女儿浦口眼波秋惊鱼错认月沉钩青箬笠前无限事绿蓑衣底一时休斜风细雨转船头东坡云鲁直此词清新婉丽以水光山色替却玉肌花貌真得渔父家风然才出新妇矶便入女儿浦此渔父母乃太澜浪乎山谷晚年亦悔前作之未工因表弟李如篴言渔父词以鸕鶚天歌之甚协律恨语少声多因以宪宗画像求元真子文章及元真之兄松龄劝归之意足前後数句云西塞山前白鹭飞桃花流水鳜鱼肥朝廷尚觅元真子何处而今更有诗青箬笠绿蓑衣斜风细雨不须归人间欲避风波险一日风波十二时东坡笑曰鲁直乃欲平地起风波也徐师川作浣溪纱鸕鶚天各二阙盖因坡谷异同而作浣溪纱云西塞山前白鹭飞桃花流水鳜鱼肥一波才动万波随黄?岂如青箬笠羊裘何似绿蓑衣斜风细雨不须归又云新妇矶边秋月明女儿浦口晚潮平沙头鹭宿戏鱼惊青箬笠前明此事绿蓑衣底度平生斜风细雨小舟轻鸕鶚天云西塞山前白鹭飞桃花流水鳜鱼肥朝廷若觅元真子长在晴江理钓丝青箬笠绿蓑衣斜风细雨不须归浮云万里烟波客惟有沧浪孺子知其二云七泽三湖碧草连洞庭江汉水如天朝廷若觅元真子不在云边在酒边明月棹夕阳船鳜鱼恰似镜中悬丝纶钓饵都收却八字山前听雨眠【词苑】

元结於大历中为道州刺史以军事诣都还洛日春水涨溢不得前作欸乃曲数首使舟子歌之以取适於道路云【古今词话】

渔翁夜傍西岩宿晓汲清湘燃楚竹烟消日出不见人欸乃一声山水绿此柳宗元欸乃曲也见本集有误作晚唐人词者非也当以音调辨之犹徐昌图以词名而误入宋词唐宋之音尚不能辨况中晚乎【古今词话】

御选历代诗余卷一百十一

## 卷一百十二

<集部,词曲类,词选之属,御选历代诗余

钦定四库全书

御选历代诗余卷一百十二

司经局洗马掌局事兼翰林院修撰加二级【臣】王奕清奉旨校刊

词话【唐二】

韦应物晓音律夜泊灵璧舟中闻笛声谓酷似天宝梨园法曲李暮所吹者询之乃暮外甥许云封也韦授以李暮笛许曰此非外祖所吹者遇至音必裂强令试之遂吹六州徧一叠而裂【乐府纪闻】

韦苏州性高洁所在焚香埽地惟顾况皎然辈得与倡酬其小词不多见惟三台令转应曲流传耳【唐诗记事】金坛戴叔伦有转应曲云边草边草边草尽来兵老山南山北雪晴千里万里月明明月明月哀笳一声愁绝即调笑令也笔意回环音调宛转与韦苏州一阕同妙韦词云河汉河汉晓挂秋城漫漫愁人起望相思塞北江南别离离别离别河汉虽同路绝【古今词话】

陶岷者彭泽之子孙也家於崑山泛舟江湖徧游烟水往往数岁不归自制三舟一舟自载一舟载宾客一舟载饮饌客有前进士孟彦深孟云卿布衣焦遂善为词调岷有女乐一部奏清商之曲逢奇胜则穷其景物尽兴而行吴越之士号为水仙【甘泽謠】

刘宾客官苏州刺史李司空罢鎮日慕其名招致之出伎佐觴刘赋春风一曲杜韦娘司空呼伎归之【耆旧续闻】刘梦得在沅湘日以里歌俚鄙乃依骚人九歌作竹枝九章教里中儿由是盛於贞元元和之间每岁正月里中儿联歌竹枝吹笛击鼓以应节歌者扬袂睢舞以曲多为贵聆其声音中黄钟之羽卒章讌激如吴歆虽伧儻不可分而含思宛转有淇澳之艳【刘禹锡竹枝序】

刘禹锡别有潇湘神词云斑竹枝斑竹枝泪痕点点寄相思楚客欲听瑶瑟怨潇湘深夜月明时亦竹枝之流也【草堂笈】

春去也多谢洛城人弱柳从风疑举袂丛兰浥露似沾巾独坐亦含颦刘宾客词也一时传唱乃名为春去也曲【古今词话】

柳枝乐府作折杨柳为汉铙歌横吹曲上马不捉鞭反拘杨柳枝蹀坐吹长笛怨煞行客儿盖边词别曲也旧词如刘禹锡云清江一曲柳千条二十年前旧板桥曾与美人桥上别更无消息到今朝一日寿杯词如千门万户喧歌吹富贵人间只此声年年织作昇平字高映南山献寿觞语意自别【古今词话】

唐无名氏柳枝云万里长江一带开岸边杨柳是谁栽锦帆落尽西风起惆怅龙舟更不回尽推此曲为第一然不若薛能杨柳枝云汴水高悬百万条清风两岸一时摇隋家力尽虚栽得无限春风属圣朝更得大体【古今词话】

周德华在崔刍言郎中席上唱柳枝如刘禹锡之春江一曲柳千条贺知章之碧玉栽成一树高杨巨源之江边杨柳麴尘丝而不取温庭筠裴諝所作二人有愧色【耆旧续闻】

元稹歌曰樱桃花一枝两枝千万朵花砖曾立采花人宰破罗裙红似火此亦长短句比章台柳少叠三字【古今词话】

稹长於诗词与白居易名相埒天下传讽往往播於乐府穆宗在东宫日妃嫔近习皆歌之宫中呼为元才子【唐诗纪事】

白居易在洛作柳枝词云一树春风万万枝嫩於金色软於丝永丰东角荒园里尽日无人属阿谁有人歌之闻於宣宗因命移永丰柳二枝植内庭白复作词云一树衰残委泥土两枝移植在天庭定知此後天文里柳宿光中添两星【唐诗纪事】

白乐天词云花非花雾非雾夜半来天明去来如春梦不多时去似朝云无觅处盖其自度之曲因情生文虽高唐洛神奇丽不及也张子野衍之为御街行亦有出蓝之色【杨慎】

白乐天长相思望江南缦丽可爱非後世作者可及花非花一首尤纏绵无尽【花庵词客】

唐有杜秋娘歌行相传是金陵女子为浙西观察使李錡妾錡有阴谋秋娘时解勉之尝为錡制小词云劝君莫惜金缕衣劝君莫惜少年时有花堪折君须折莫待无花空折枝後錡败籍入宫此盖以词隐諫者唐词选为金缕曲今尚存金缕巷名则不独桃叶桃根专美於秦淮也【客座赘语】

王仲初以宫词百首着名三台令转应曲其余技也【花庵词客】

王建霓裳词云弟子部中留一色听风听水作霓裳今教坊尚存其声而其舞则废不传矣近世有望瀛府献仙音二曲乃其遗声也霓裳曲前世传记论说颇详不知听风听水为何事白乐天有霓裳羽衣歌甚详亦无风水之说第记之必有知者尔【六一诗话】

欧阳永叔以不晓听风听水作霓裳为疑按唐人西域记龟兹国王与其臣庶之知乐者於大

山间听风水声均节成音後翻入中国如伊州甘州凉州等曲皆自龟兹所致虽未及霓裳而其制曲亦用其法此说近之【蔡絛诗话】

唐明皇改婆罗门引为霓裳羽衣属黄钟商时号越调白乐天嵩阳观夜奏霓裳诗云开元遗曲自凄凉况近秋天调是商知其为黄钟商无疑欧阳永叔知霓裳羽衣为法曲而以望瀛府献仙音为其遗声不明宫调亦太疎矣【碧鸡漫志】

莆中逍遥楼楣上有唐人横书类梵字相传是霓裳谱字训不通莫知其说或谓今都下献仙音乃其遗声【笔谈】同州乐工翻黄幡绰霓裳谱人以为非是仍依法曲造成伶人花日新见之题其後云法曲虽精莫近望瀛【嘉佑杂志】

唐宪宗时每大宴作霓裳舞文宗时诏太常卿冯定采开元雅乐制云韶雅乐是时霓裳曲四方大都邑及士大夫家已多按习而文宗乃加考订制为舞曲因曲存而舞节非旧故加整顿耳李後主作昭惠后诔云霓裳羽衣曲经兹兵火世罕闻者偶获旧谱残缺颇甚暇日与后详定去其淫繁定其缺坠盖霓裳曲在唐末已不全矣【碧鸡漫志】

白乐天和元微之霓裳羽衣歌曰磬箫箏笛递相横击擷吹弹声迤迤注云凡曲之初衆音不齐金石丝竹次第发声霓裳序之初亦复如此又曰散序六奏未动衣阳台宿云慵不飞中序擘弄初八拍秋竹吹裂春冰拆注云散序六遍无拍故不舞中序始有拍乃舞又曰繁音急节十二遍跳珠撼玉何縦铮翔鸾舞罢却收翅喉鹤曲终长引声注云霓裳十二遍而曲终凡曲将终皆声拍促速惟霓裳之末长引一声通计霓裳曲凡十二叠前六叠无拍至第七叠谓之叠遍自此始有拍而舞矣沈存中笔谈指霓裳为遗调法曲未尝见旧谱岂亦得於乐天之诗乎【碧鸡漫志】

开元中乐工李龟年兄弟三人皆有盛名彭年善舞鹤年龟年善歌制渭州六么亦奏霓裳羽衣特承顾遇【明皇杂录】

六么一名绿腰一名录要唐史吐蕃传云奏凉州渭州录要杂曲段安节琵琶录云绿腰本录要也乐工进曲必令录其要者青箱杂记云曲有绿腰乃霓裳羽衣之要拍也【碧鸡漫志】

康崑仑琵琶第一手两市鬪乐崑仑居东彩楼弹新翻羽调绿腰自谓无敌手矣曲罢市之西彩楼出一女郎抱乐器云我亦弹此曲兼移在枫香调中拨声如雷雨交集奇妙入神崑仑怅然自失愿拜为师女郎更衣出乃僧善本俗姓段者是也【碧鸡漫志】

张红红者大历初随父丐食遇将军韦青因其善歌乃纳为姬颖悟絶伦有乐工取西河长命女加减节奏颇有新声未进内廷先歌於韦青宅第青令红红隔屏听之以小豆合数记其拍给之云女弟子久歌此非新曲也隔屏奏之一声不失且云曲中有一声不稳今已正之矣乐工大惊拜伏嗟叹不已寻诏入内庭宜春院宠泽隆异宫中号为记曲娘子即拜才人【脞说】

李益诗名早着征人歌一篇好事者画为图障回乐峰前沙似雪天下唱为歌曲【唐语林】

韩翃字君平有友人每将妙妓柳氏至其居窥韩所与往还皆名人必不久贫贱许配之未几韩从辟淄青置柳都下三岁寄以词章台柳章台柳昔日青青今在否纵使长条似旧垂也应攀折他人手柳答以词杨柳枝芳菲节可恨年年赠离别一夜随风忽报秋纵使君来岂堪折後为番将沙叱利所劫有虞候许俊诈取得之诏归韩【太平广记】

韦蟾字隐珪下杜人廉问鄂州罢还宾客祖饯蟾书文选句云悲莫悲兮生别离登山临水送将归以牋毫授宾从请续其句逡巡有伎泫然起曰某不才不敢染翰欲口占两句韦大惊异随令念曰武昌无限新栽柳不见杨花扑面飞座客无不嘉叹韦令唱作杨柳枝词【唐诗纪事】

太和中文宗於内殿看牡丹翹足凭阑忽吟舒元舆牡丹赋云坼者如语含者如咽俯者如愁仰者如悦吟罢方省元舆词不觉叹息良久泣下沾襟时有宫人沈阿翹者为舞何满子调声风态率皆宛转曲罢赐金臂环即问其从来翹曰妾本吴元济之伎女元济败因以声得为宫人俄遂进白玉方响云本元济所与也光明皎洁可照十数步犀槌即响犀也方物有声乃响应其中焉架则云檀香也文彩若云霞之状芳馥着人弥月不散制度精妙非中国所有因令阿翹奏凉州曲音韵清越听者无不凄然谓之天上乐乃选内人与阿翹为弟子焉【杜阳杂编】

开成中高锴知举内出霓裳羽衣曲赋太学创置石经诗进士复试诗赋自此始也【卢氏杂说】

京师景德寺东廊三学院壁间题云明月斜秋风冷今夜故人来不来教人立尽梧桐影相传吕洞宾题也【庚溪诗话】

大梁景德寺峨眉院壁间有吕洞宾题字寺僧相传以为顷时有蜀僧号峨眉道者戒律甚严不下席者二十年一日有布衣青裘昂然一伟人来与语良久期以明年是日复相见於此愿少见待也明年是日日方午道人沐浴端坐而逝至暮伟人果来问道者安在曰亡矣伟人叹息良久忽不见明日见数语於堂侧壁间絶高处其语云落日斜西风冷幽人今夜来不来教人立尽梧桐影字画飞动如翔鸾舞凤非世间笔也【竹坡诗话】如梦令小石调曲有传自庄宗者有传自吕僊者庄宗於宫中掘得石刻名曰古记复取调中二字为名曰如梦令所谓如梦如梦残月落花烟重是也不知先曾有一阕云尝记溪亭日暮沉醉不知归路兴尽欲回舟误入藕花深处争渡争渡惊起一行鸥鹭传是吕僊之曲别刻又云无名氏作非吕僊也张宗端寓以新词曰比梅近选以庄宗曾宴桃源深洞又名曰宴桃源【古今词谱】解红相传为吕仙作余考解红为和鲁公歌童其词曰百戏罢五音清解红一曲新教成两个瑶池小仙子此时夺却拓枝名鲁公自制曲也按解红舞衣紫绯绣襦银带戴花凤冠五代时饰焉有吕仙在唐季预为此腔耶【物外清音】

司空图隐王官谷自目为耐辱居士豫为冢棺遇胜日引客坐圻中赋诗词徘徊不已客或难之则曰君何不广也生死一致吾宁暂游此中哉每岁时祠祷歌舞与闾里耆老相乐有酒泉子词云买得杏花十载归来方始坼假山西畔药栏东满枝红旋开旋落旋成空白髮多情人更惜黄昏把酒祝东风且从容【唐诗纪事】

凡写迷离之况者止须述景如小牕斜日到芭蕉半牀斜月疎钟後不言愁而愁自见因思韩致光空楼雁一声远屏灯半灭已足色悲凉何必又顰眉山正愁絶耶觉首篇时复见残灯和烟坠金穗如此结句更自含情无限【词筌】

韩偓小字冬郎父瞻李义山同门也偓尝即席为诗相送义山喜赠之有十岁裁诗走马成及雏凤清於老凤声句其生查子二首风致过人【唐诗纪事】

韩冬郎浣溪纱絶非和鲁公之嫁名者亦以香蕝名词【全芳备祖】

温庭筠旧名岐以鸡声茅店月人迹板桥霜句知名才思敏捷入试日凡八义手而八韵成多为邻舖假手沈询知贡举别施一席试之或曰潜救八人矣词有金荃集盖取其香而软也【北梦琐言】

宣宗爱唱菩萨蛮令狐綯假温庭筠手撰二十阕以进戒勿泄而遽言於人且曰中书堂内坐将军以讥其无学也由是疎之【乐府纪闻】

赵崇祚花间集载温飞卿菩萨蛮甚多合之吕鹏尊前集不下二十阕【古今词话】

温飞卿才思艳丽与李义山齐名号温李一日义山谓曰近得一联句远比赵公三十六年宰辅未有偶温曰何不云近同郭令二十四考中书宣宗尝赋诗上句用金步摇未有对遣索进士对之温乃以玉条脱续之宣宗赏焉又有药名白头翁温以苍耳子为对他皆类此宣宗好微行遇於逆旅温不识龙顔傲然诘之曰公非长史司马之流帝曰非也得非六参簿尉之类帝曰非也後谪为方城尉最善鼓琴吹笛云有丝即弹有孔即吹不必柯亭?桐也着乾 子不传有握兰集金荃集汉南真槩【唐诗纪事】

温李齐名或谓温不如李徒以温多香蕝之词耳然亦有彼此互胜者李七夕诗云清漏渐移相望久微云未接过来迟温七夕词云苏小横塘过桂楫未应清浅隔牵牛皆妙於荒唐事说得真实李隋宫诗云玉玺不缘归日角锦帆应是到天涯温春江花月夜诗云十幅锦帆风力满连天展尽金芙蓉虽竭力描写豪奢不及李语能状无涯之态至其结句云地下若逢陈後主岂宜重问後庭花温云後主荒宫有晓莺飞来只隔西江水则温语含蓄多矣【诗话又编】

薛昭纬恃才傲物每入朝省弄笏而行旁若无人好唱浣溪纱词知举後有一门生辞归乡里临岐献规曰侍郎重德某乃受恩尔後请不弄笏与唱浣溪纱幸甚时人以为至言【北梦琐



言】

宣宗制泰边陲曲【杜阳杂编】

唐昭宗宫人作巫山一段云二首或以为昭宗作二首各一体比旧调用六字句换头而第二首结句换韵【尊前集】乾宁三年昭宗次华州韩建迎归郡中帝郁郁不乐每登城西齐云楼远望明年秋制菩萨蛮词云登楼遥望秦宫殿茫茫只见双飞燕渭水一条流千山与万丘远烟笼碧树陌上行人去何处是英雄迎依归故宫【中朝故事】徐昌图唐人冬景木兰花一词缛丽可爱今入草堂之选然莫知为唐人也【词品】

尊前集有徐昌图临江仙河传二首俱唐音也按昌图为肃宗时进士至宋太宗时世次遥遥而必欲屈之为博士以列於宋人不可解也或云是两人【古今词话】

仄韵絶句唐人以入乐府谓之阿那曲女郎姚月华歌二首即手拂银瓶秋水冷烟柳瞳矐鹊飞去也其夫北游感其词而归【古今词谱】

太平广记载妖女一词云五原分袂真吴越燕拆莺离芳草歇年少烟花处处春北邙空恨清秋月其词亦佳【词品】

郑继超遇田参军赠妓曰妙香留数年告别歌北邙月送酒明日偕过北邙化狐而去【洞微志】

唐中涓宿宫妓馆见童子捧酒核导三人至皆古衣冠相谓曰崔常侍来何迟俄一人至有离别意共联四句为字字双曲牀头锦衾斑复斑架上朱衣殷复殷空庭明月闲复闲夜长路远山复山【才鬼录】

贾人女裴玉娥善箏与黄损有婚姻约损赠词云无所愿愿作乐中箏得近佳人纤手子研罗裙上放娇声便死也为荣後为吕用之刼归第赖胡僧神术复归损词内七言二句本唐崔怀宝诗多有以此词为崔作者【诗余广选】门外猧儿吠知是萧郎至剗鞦下香阶冤家今夜醉扶得入罗帏不肯脱罗衣醉则从他醉还胜独睡时此唐人词也前辈谓读此可悟诗法或以问韩子苍子苍曰只是转折多耳且如喜其至是一转也而苦其今夜醉又是一转入罗纬是一转矣而不肯脱罗衣又是一转後二句自家开释又是一转直是赋尽醉公子也【怀古录】东都防河卒於濬汴日得一石刻有词无调摭词中四字名之曰鱼游春水教坊倚声歌之词云秦楼东风里燕子还来寻旧垒余寒犹峭红日薄侵罗绮嫩草方抽碧玉簪媚柳轻拂黄金縷莺啭上林鱼游春水几曲阑干徧倚又是一番新桃李佳人应怪归迟梅妆泪洗凤箫声絶无归雁望断清波无双鲤云山万重寸心千里凡八十九字而风花莺燕动植之物曲尽此唐人语也【词苑】

宣和间掘地得石刻一词唐人作也本无名後人名之为後庭宴云千里故乡十年华屋乱魂

飞过屏山簇眼重眉褪不胜春菱花知我销香玉双双燕子归来应解笑人幽独断歌零舞遗恨清江曲万树绿低迷一庭红扑簌【词苑】

长命西河女羽调曲亦名薄命女唐五言体云云送关西雨风传渭北秋孤灯燃客梦寒杵捣乡愁和凝有长短句云天欲晓宫漏穿花声缭绕窗里星光少冷霞寒侵帐额残月光沉树杪梦断锦闱空悄悄强起愁眉小力崇词格者当不取诗体也【乐府解题】

政和中京师有姥入内教歌传得禁中撝芳词一名摘红英张尚书帅成都日人竞歌之却於前段记得年时共伊曾摘其下添忆忆忆三字换头落句燕儿来也又无消息於下添得得得三字撝芳擅芳禁中园名【太平乐府】满江红仙吕宫曲教坊记有此名唐人冥音录所载上江虹即此彭芳远有平声词【古今词谱】

七言八句与七言四句见诸歌曲者今止小秦王瑞鹧鸪耳瑞鹧鸪犹依字易歌若小秦王必杂以虚声乃可歌也【苕溪渔隐】

唐词多述本意有调无题如临江仙赋水媛江妃也天仙子赋天台仙子也河渚神赋祠庙也小重山赋宫词也思越人赋西子也有谓此亦词之末端者唐人因调而制词故命名多属本意後人填词以从调故赋咏可离原唱也【沈际飞】

唐人歌词皆七言而异其调渭城曲为阳关三叠杨柳枝复为添声采莲竹枝当日遂有排调如竹枝女儿年少举棹同声附和用韵接拍不仅杂以虚声也【古今词谱】唐人曲调皆有词有声而大曲又有艳有趋有乱词者其歌诗也声者若羊吾夷伊那何之类也艳在曲之前趋与乱在曲之後亦犹吴声西曲前有和後有送也【词品】诗至晚唐五季气格卑陋千家一律而长短句独精巧高丽後世莫及此事之不可晓者【陆游】

当开元盛日王之涣高适王昌龄词句流播旗亭而李白菩萨蛮等词亦被之歌曲逮及花间兰畹香蕊金荃作者日盛古诗之於乐府律诗之於词分镳并轡非有後先有谓诗降而词以词为诗之余者殆非通论【玉茗堂选花间集序】

御选历代诗余卷一百十二

# 卷一百十三

钦定四库全书

御选历代诗余卷一百十三

司经局洗马掌局事兼翰林院修撰加二级【臣】王奕清奉旨校刊

词话【五代十国】

一叶落阳台梦皆後唐庄宗所制一叶落云一叶落褰珠箔此时景物正萧索画楼月影寒西风吹罗幙吹罗幙往事思量着阳台梦云薄罗衫子金泥凤困纈腰怯铢衣重笑迎移步小兰丛鞦金翘玉凤娇多情脉脉羞把同心捻弄楚天云雨却相和又入阳台梦旧本有改金泥凤凤字为缝字者【北梦琐言】

庄宗尝制小词云曾宴桃源深洞一曲舞鸾歌凤长记别伊时和泪出门相送如梦如梦残月落花烟重盖其自度曲也古今词话又云後唐庄宗修内苑掘得断碑中有三十二字令乐工入律歌之一名忆仙姿【词统】金陵妓王感化善词翰元宗手写山花子二阙赐之云

菡萏香消翠叶残西风愁起绿波间还与韶光共憔悴不堪看细雨梦回鸡塞远小楼吹彻玉笙寒多少泪珠何限恨倚阑干又云手卷真珠上玉钩依前春恨锁重楼风里落花谁是主思悠悠青鸟不传云外信丁香空结雨中愁回首绿波三峡暮接天流【耆旧续闻】

南唐书云王感化善讴歌声韵悠扬清振林木系乐部爲歌板色元宗尝作浣溪沙二阙手写赐感化後主即位感化以词札上之後主感动赏赐感化甚优古今词话以为後主作非也【词苑】

冯延巳着乐章百余阙其鹤冲天词云晓月坠宿云披银烛锦屏帟建章钟动玉?低宫漏出花迟又归国謡词云江水碧江上何人吹玉笛扁舟远送潇湘客芦花千里霜月白伤行色明朝便是关山隔见称於世元宗乐府云小楼吹出玉笙寒延巳有风乍起吹皱一池春水之句皆爲警策元宗尝戏延巳曰吹皱一池春水干卿何事延巳对曰未如陛下小楼吹彻玉笙寒元宗悦【南唐书】

古今词话云江南成幼文为大理卿词曲妙絶尝作谒金门云风乍起吹皱一池春水中主闻之因按狱稽迟召诘之且谓曰卿职在典刑一池春水又何干於卿幼文顿首又本事曲云南唐李国主尝责其臣曰吹皱一池春水干卿何事其臣即对曰未如陛下小楼吹彻玉笙寒二说不同未详孰是【苕溪渔隐】

元宗保大五年元日大雪命太弟以下展燕赋诗词令中人就私第赐李建勲继和时建勲方会中书舍人徐铉勤政殿学士张义方於溪亭即时和进乃召建勲铉义方三人同宴夜艾方散侍臣皆有诗词铉为前後序仍集名手图画御容则高冲主之侍臣法部丝竹则周文矩主之楼阁宫殿则朱澄主之雪竹寒林则董源主之池沼禽鱼则徐崇嗣主之图成皆为絶笔【清异录】中宗一日乘醉命奏水调乐工惟歌南朝天子爱风流及本为战争收拾得却因歌舞破除休再四不易因罢鼓吹【古今词话】

蜀主衍裹小巾其尖如锥宫妓多衣道服簪莲花冠施脂夹粉名曰醉妆自制醉妆词云者边走那边走只是寻花柳那边走者边走莫厌金杯酒又尝宴於怡神亭自执板歌後庭花思越人曲【北梦琐言】

蜀宫人李玉箫爱唱王衍宫词月华如水浸宫殿有酒不醉真痴人後有以诗纪之者云云散江城玉漏遥月华浮动可怜宵停歌不饮将何待试问当年李玉箫【五代轶事】

衍尝宴怡神亭召嘉王宗壽赴宴宗壽因持杯谏衍宜以社稷为念少节宴饮其言慷慨激烈至於流涕衍有媿色佞臣潘在迎顾在珣韩昭等奏曰嘉王从来酒悲不足责乃相与谐谑戏笑衍命宫人李玉箫歌衍所撰宫词侑宗壽酒宗壽惧祸乃尽饮之在迎曰嘉王闻玉箫歌即饮请以玉箫赐之衍曰王必不纳宗壽字永年建之族子【幸蜀记】

王衍词惟以甘州曲中画罗裙能结束称腰身三句为取【古今词话】

蜀王衍奉其太后太妃祷青城山宫人皆衣云霞之衣後主自制甘州曲令宫人唱之其辞哀怨闻者凄惨词曰画罗裙能结束称腰身柳眉桃脸不胜春薄媚足精神可惜许沦落在风尘衍意本谓神仙而在凡尘耳後降中原宫伎多沦落人间始验其语【十国春秋】

蜀主孟昶令罗城上尽种芙蓉盛开四十里语左右曰古以蜀为锦城今观之真锦城也尝夜同花蕊夫人避暑摩诃池上作玉楼春词云冰肌玉骨清无汗水殿风来暗香满绣帘一点月窥人敲枕钗横云鬓乱起来琼户启无声时见疎星渡河汉屈指西风几时来只恐流年暗中换【温叟词话】

花蕊夫人制采桑子题葭萌驿壁才半阙为军骑促行後有续成之者云三千宫女如花貌妾取婵娟此去朝天只恐君王宠爱偏花蕊至宋尚有十四万人齐解甲更无一个是男儿之句岂有随昶行而作此败节之语【太平清话】

後蜀主孟昶好学为文皆本於理居恒谓李昊徐光溥曰王衍浮薄而好轻艳之词朕不为也然昶亦工声曲有相见欢词【十国春秋】

蜀亡花蕊夫人随孟昶行至葭萌驿题壁云初离蜀道心将碎离恨绵绵春日如年马上时时闻杜鹃书未竟为军骑促行只二十二字及见宋祖有十四万人齐解甲更无一个是男儿之句

足婉须眉矣後召入宫昌陵亦惑之晋邸数谏昌陵不聽一日从猎苑中花蕊在侧晋邸方调弓矢引满拟兽忽回射花蕊一箭而死【词苑】後蜀徐光溥时号睡相坐以艳词挑前蜀安康长公主罢相云【十国春秋】

李後主煜菩萨蛮词云铜簧韵脆锵寒竹新声慢奏移纤玉眼色暗相勾娇波横欲流雨云深绣户来便谐衷素宴罢又成空梦迷春睡中又花明月暗飞轻雾今宵好向郎边去剗鞦下香堦手提金缕鞦画堂南畔见一晌偎人颤奴为出来难教君恣意怜按两词为继立周后作也周后即昭惠后之妹昭惠感疾周后常留禁中故有来便谐衷素教君恣意怜之语声传外庭至再立后成礼而已韩熙载等皆为诗讽焉【古今词话】

南唐张泌潘佑徐铉汤悦俱有才名後主於宫中作红罗亭四面栽红梅欲以艳曲记之佑应令云楼上春寒三四面桃李不须夸烂漫已失了东风一半时已失淮南故佑以词讽谏云【鹤林玉露】

南唐大周后即昭惠后尝雪夜酣讌举杯属後主起舞後主曰汝能剗为新声则可后即命笺缀谱?无滞音笔不停思谱成名邀醉舞破又恨来迟破亦昭惠作二词俱失无有能传其音节者【填词名解】

念家山破後主煜所作盖旧曲有念家山後主亲演为破昭惠后亦作邀醉舞破恨来迟破既久而忘之後主追悼昭惠询问旧曲无复晓者宫人流珠独能记忆故三曲复有名传【填词名解】

南唐後主乐曲有念家山破至宋祖开宝八年悉收其地乃入朝是念家山破之应也【陈阳乐书】

後主於围城中赋临江仙未终而城破其词云樱桃落尽春归去蝶翻金粉双飞子规啼月小楼西玉钩牵幙惆怅卷金泥门掩寂寥人散後望残烟草凄迷於此停笔後有刘延仲补之云何时重聽玉骢嘶扑帘柳絮依约梦回时而花闲集所载有烬香闲袅凤凰儿空持裙带回首故依依故是全本亦见耆旧续闻备记之【乐府纪闻】南唐宫人庆奴後主尝赐以词云风情渐老见春羞到处芳魂感旧游多见长条似相识强垂烟穗拂人头书於黄罗扇上流落人间盖柳枝词也【客座赘语】

後主归宋後与故宫人书云此中日夕只以眼泪洗面每怀故国词调愈工其赋浪淘沙有云梦里不知身是客一晌贪欢流水落花春去也天上人间其赋虞美人有云问君能有几多愁恰似一江春水向东流旧臣闻之有泣下者七夕在赐第作乐太宗闻之怒更得其词故有赐牵机药之事【乐府纪闻】

徐铉归朝为左散骑常侍迁给事中太宗一日问曾见李煜否铉对臣安敢私见之帝曰但言朕令卿往见可矣铉遂迳往其居望门下马一老卒守门徐言愿见太尉卒言有旨不得与人

接徐云奉旨来老卒往报徐入立庭下久之老卒遂取旧椅子相对铉遥见谓卒曰但正衙一椅足矣顷间李主纱?道服而出铉方拜遽下堦引其手以上铉辞宾主之礼李主曰今日岂有此礼徐引椅少偏乃敢坐後主乃默不言忽长吁曰当时悔杀了潘佑李平铉既去有旨召对询後主何言铉不敢隐又七夕在赐第命故妓作乐声闻於外太宗闻之大怒又传小楼昨夜又东风及一江春水向东流之句遂被祸云【王銍默记】

南唐主归宋後作长短句云帘外雨潺潺春意阑珊罗衾不耐五更寒梦里不知身是客一晌贪欢独自暮凭阑无限江山别时容易见时难流水落花春去也天上人间含思凄惋未几下世其归国临行有词云四十年来家国三千里地山河凤阁龙楼连霄汉玉树琼枝作烟萝几曾识干戈一旦归为臣虏沈腰潘鬓销磨取是苍皇辞庙日教坊犹奏别离歌挥泪对宫娥东坡谓後主既为樊若水所卖举国与人故当痛哭於九庙之前谢其民而後行顾乃挥泪对宫娥聽教坊离曲哉【词苑】李重光深院静小令升庵曰词名捣练子即咏捣练也复有云鬓乱一篇其词亦同衆刻无异尝见一旧本则俱系鹧鸪天二词之前各有半阙其云鬓乱一阙云节气虽佳景渐阑吴绫已暖越罗寒朱扉日暮随风掩一树藤花独自看云鬓乱晚妆残带恨眉儿远岫攢斜托香腮春笋嫩为谁和泪倚阑干其深院静一阙云塘水初澄似玉容所思还在别离中谁知九月初三夜露似珍珠月似弓深院静小庭空断续寒砧断续风无奈夜长人不寐数声和月到帘栊【词苑】

李後主重光作乌夜啼一词最为凄惋其词曰无言独上西楼月如钩寂寞梧桐深院锁清秋翦不断理还乱是离愁别是一般滋味在心头所谓其音哀以思也【词苑】顏氏家训云别易会难古人所重江南饯送下泣言离北方风俗不屑此事岐路言别欢笑分首李後主长短句盖用此耳故云别时容易见时难又云别易会难无可奈顏说又本文选陆士衡答贾谧诗云分索则易携手实难【能改斋漫录】

荆公问山谷云作小词曾看李後主词否云曾看荆公云何处最好山谷以一江春水向东流为对荆公云未若细雨梦回鸡塞远小楼吹彻玉笙寒又细雨湿流光取妙词苑云细雨梦回二句元宗词荆公误以为後主也【雪浪斋日记】

归时休放烛花红待踏马啼清夜月致语也小楼昨夜又东风及问君能有几多愁恰似一江春水向东流情语也後主是一词手【王世贞四部稿】

薛九江南富家子得侍李後主宫中善歌嵇康曲曲为後主所制江南平流落江北尝一歌之座人皆泣後易为嵇康曲舞词云薛九三十侍中郎兰香花媚生春堂龙蟠王气变秋雾淮声泗水浮秋霜宜城酒烟生雾服与君试舞当时曲玉树遗词悔重聽黄尘染鬓无前緑【客座赘语】

李後主宫中未尝点烛每夜则悬大宝珠光照一室尝赋玉楼春词曰晚妆初了明肌雪春殿嫔娥鱼贯列凤箫声断水云闲重按霓裳歌徧彻临风谁更飘香屑醉拍阑干情未切归时休放烛花红待踏马蹄清夜月【词苑】郑遨字云叟滑州白马人昭宗时举进士不第弃妻子

入少室山其妻数以书劝归辄投於火好为词以见意惜词多不传闻华山有五粒松脂沦入地千年化为药能去三尸因徙华陰欲求之与道士李道殷罗隐之善邀种田隐之卖药自给殷有钓鱼术钓而不饵世目为三高士【五代史】

和凝少时好为曲子布於汴洛泊入相契丹号为曲子相公有集百卷自镂板以行世识者非之曰此顏之推所谓諠痴符也【花间集】

和成绩艳词每嫁名於韩偓因在政府讳之也又欲使人知之乃作游艺集序曰予有香菰蠹金不传於世【乐府纪闻】

韦庄字端已着秦妇吟称为秦妇吟秀才举乾宁进士以才名寓蜀蜀主建勣留之庄有宠人姿质艳丽兼善词翰建闻之托以教内人为词强夺去庄追念悵怏怏作荷叶杯小重山词情意凄怨人相传播盛行於时【古今词话】韦端已思旧姬作荷叶杯词云絶代佳人难得倾国花下见无期一双愁黛远山眉不忍更思惟闲掩翠屏金凤残梦罗幕画堂空碧天无路信难通惆悵旧房枕又记得那年花下深夜初识谢娘时水堂西面画帘垂携手暗相期惆悵晓莺残月相别从此隔音尘如今俱是异乡人相见更无因又小重山词云一闭昭阳春又春夜寒宫漏永梦君恩卧思前事暗消魂罗衣湿新搵旧啼痕歌吹隔重阁遶庭芳草绿倚长门万般惆悵向谁论凝望立宫殿欲黄昏流传入宫姬闻之不食死【尧山堂外纪】

牛峤字松卿乾符中进士事蜀为给事中其杨柳枝词不分钱塘苏小小引郎松下结同心见推於时【古今词话】牛松卿望江南词一咏燕一咏鸳鸯是咏物而不滞於物者也词家当法此【姜夔】

牛峤定西番为塞下曲望江怨为闺中曲是盛唐遗音及读其翠娥愁不擡头莫信彩牋书里赚人肠断字则又刻细似晚唐矣【陆游】

南史王曦诗日暮当归去鱼鸟见留连俗本改暮作暮浅矣孟蜀牛峤词日暮天空波浪急正用曦语【词品】欧阳炯即首序花间集者每言愁苦之音易好懽愉之语难工其词大抵婉约轻和不欲强作愁思【蓉城集】炯事孟蜀後主时号五鬼之一曾约同僚纳凉於寺寺僧可朋作耘田鼓歌以刺之遂撤饮炯始作三字令有欧阳彬作生查子者其弟也【尧山堂外纪】

蜀通正初顾夔为内直小臣命作亡命山泽赋有到处不生草句一时传笑後官太尉小词特工【尧山堂外纪】顾太尉诉衷情云换我心为你心始知相忆深虽为透骨情语已开柳七一派【蓉城集】

冯正中乐府思深语丽韵逸调新多至百首有杂入六一集中者黄山谷陈後山虽以庸濫目之然诸家骈金俪玉而阳春词特为言情之作【柳塘词话】

宫瓦数行晓日龙旗百尺春风殊有元和气象阳春词尚饶蕴藉堪与李氏齐驱【蓉城集】

鹿?宸事蜀为永泰军节度使初读书古祠见画壁有周公辅成王图期以此见志国亡不仕词多感慨之音【乐府纪闻】

鹿公高节偶尔寄情倚声而曲折尽变有无限感慨淋漓处【倪瓚】

魏承班词俱为言情之作大旨明净不更苦心刻意以竞胜者【元好问】

承班词较南唐诸公更淡而近更宽而尽人人喜效为之如相见绮筵时深情黯共知难话此时心梁燕双来去亦为弄姿无限【柳塘词话】

後唐尹鹖官参卿其词以明浅动人以简净成句者也【张玉田】

尹鹖秋夜月颇觉遵古而非正赏之音杏园芳更多颓唐之句【古今词话】

尹鹖杏园芳第二句教人见了关情末句何时休遣梦相萦遂开柳屯田俳调至其临江仙云西窗乡梦等闲成逡巡觉後特地恨难平又昔年於此伴萧娘相偎竚立牵惹叙衷肠流递於後令读者不能为怀岂必曰花间尊前句皆婉丽也【柳塘词话】

蜀人毛熙震集止二十余调中多新警而不为儂薄【齐东野语】

毛秘监词象梳敲鬓月生云玉纤时急绣裙腰晓花微敛轻呵展裊钗金燕软不止以浓艳见长也卒章情致尤为可爱其後庭花云伤心一片如珪月闲琐宫阙清平乐云正是销魂时候东风满院花飞南歌子云娇羞爱问曲中名杨柳杏花时节几多情试问今人弄笔能出一头地否【柳塘词话】

毛文锡词大致匀净不及熙震其所撰纱窗恨可歌也【古今词话】

文锡词以质直为情致殊不知流於率露诸人评庸陋词者必曰此仿毛文锡之赞成功而不及者逮覽其全集有巫山一段云词细心微诣直造蓬莱顶上【叶梦得】梓州李珣其先波斯人珣有诗名以秀才豫宾贡事蜀主衍国亡不仕有琼瑶集多感慨之音其妹为衍昭仪亦能词有鸳鸯瓦上忽然声句误入花蕊宫词中【茅亭客话】李珣欧阳炯辈俱蜀人各制南乡子数首以志风土亦竹枝体也【周密】

同光三年唐主命蜀旧臣王锬等赋蜀亡诗牛希济一律云满朝文武欲朝天不觉邻师犯塞烟唐主再悬新日月国王还却旧山川末云古往今来亦如此几曾懽笑几潜然唐主曰希济不忘忠孝也赐緞百词亦富贍载花间集【尧山堂外纪】



希济临江仙芊緜温丽极矣自有凭吊凄怆之意得咏史体裁【仇远】

孙光宪遭兵戈之际以金帛购书数万卷着比梦琐言亦多采词家逸事【古今词话】

小词有絶无含蓄自尔入妙者孙葆光之浣溪沙也【孙洙】

孙葆光一庭花雨湿春愁佳句也【黄昇】

韩熙载放旷不羈每得俸钱辄为诸姬分去乃着衲衣负筐使门生舒雅执歌板乞食於诸姬院以取笑乐及使中国有云我本江南人去作江北客舟到江北来举目无相识不如归去来江南有人忆【南唐近事】

国初朝廷遣陶谷使江南以假书为名实使覘之李献以书抵韩熙载曰五柳公骄甚其善待之谷至果如李所言熙载谓斫亲曰陶奉使非端介者其守可隳当使诸君一笑因令誉六朝书半年乃毕熙载使歌妓秦弱兰衣敝衣为驿卒女谷见之遂犯慎独之戒作长短句赠之明日中主宴谷谷俨然不可犯中主持觥使弱兰出歌谷所赠之词侑觴谷大惭而罢词名风光好云好姻缘恶姻缘只得邮亭一夜眠别神仙琵琶拨尽相思调知音少再把鸾胶续断弦是何年【侍儿小名録】

陶谷尚书奉使江南邂逅驿女秦弱兰作风光好词前人小说或有以为曹翰者疑以传疑本不足论也近乃见括苍所刻沈叡達之云巢编中所纪独以为陶使吴越惑娼妓杜任娘遂作此词以求遗书为寻逸犬且云娼既得陶词後遂落髮建立仁王院与诸家之说大异审如其言则此娼亦不凡矣叡達杭人所闻当不谬院不知在何地今城中吴山自有仁王院建於近年者亦非也【野雪鋸】

江南张泌为李後主内史以江城子二阙得名国亡仕宋与钱俶諡议泌每奏驳其人少与邻女浣衣善经年不见夜必梦之女别字泌寄以诗云多情只有春庭月犹爲离人照落花浣衣为之陨涕【古今词话】

张子澄时有幽艳语露浓香泛小庭花是也时遂有以浣溪沙为小庭花者【花间集】

皇甫松为牛僧孺甥以天仙子词着名终不若摘得新二首为有達观之见【花庵词客】

皇甫松以竹枝采莲排调擅場而才名远逊诸人花间集所载亦止小令短歌耳【元好问】

无名氏有扑蝴蝶词云烟条雨叶緑徧江南岸思归倦客寻春来较晚岫边红日初斜陌上花飞正满凄凉数声羌管怨春短玉人应在明月楼中画眉嬾鸾牋锦字多少鱼鴈断恨随去水东流事与行云共远罗衾旧香犹暖一篇情景周摯换头句逼真周秦之先声也【词统】词至西蜀南唐作者日盛往往情至文生纏緜流露不独为苏黄秦柳之开山即宣和绍兴之盛

皆兆於此矣论者乃有世代升降之感不知天地之运日开山川之秀不尽有不知其然而然者非可胶柱而鼓瑟也【玉茗堂集】

御选历代诗余卷一百十三

# 卷一百十四

<集部,词曲类,词选之属,御选历代诗余

钦定四库全书

御选历代诗余卷一百十四

司经局洗马掌局事兼翰林院修撰加二级【臣】王奕清奉旨校刊

词话【宋一】

词盛於宋而国初宸翰无闻然观钱俶之金凤欲飞遭掣搦为艺祖所赏李煜之一江春水向东流为太宗所忌开剏之主非不知词不以词见耳嗣则有金珠乞诗之宫嫔有提举大晟之官僚按月律进词承宣命珥笔宠诸词人良云盛事奚必宸翰之远播哉【古今词话】吴越後王来朝太祖为置宴出内伎弹琵琶王献词曰金凤欲飞遭掣搦情脉脉行即玉楼云雨隔太祖起拊其背曰誓不杀钱王【後山诗话】

吴越王妃每岁归临安王以书遗之云陌上花开可缓缓归矣吴人用其语为缓缓歌後苏东坡为易其词歌之陌上山花无数开路人争看翠輶来即古清平调也

【古今词话】

南唐後主在围城中作临江仙词未就而城破尝见其残稿点染晦昧心方危窘不在书耳艺祖曰李煜若以作词工夫治国家岂为吾所俘也【西清诗话】

按太祖实录及三朝正史云开宝七年十月诏曹彬潘美等帅师伐江南八年十一月拔昇州今後主词樱桃落尽云云乃咏春景非十一月破城时作然王师围金陵凡一年後主於围城中春间作此词亦未可知方是时其心岂不危急【苕溪渔隐】

潘逍遥狂逸不羈往往有出尘之语自制忆余杭词三首一时盛传东坡爱之书於玉堂屏风石曼卿使画工绘之作图其词曰长忆西湖湖水上尽日凭阑湖上望三三两两钓鱼舟岛屿正清秋笛声依约芦花里白鸟成行忽飞起别来闲想整纶竿思入水云寒又长忆孤山山影独山在湖心如黛簇僧房四面向湖开轻棹去还来芰荷香细连云阁阁上清声檐下铎别来尘土浣人衣空役梦魂飞又长忆西湖添碧溜灵隐寺前天竺後冷泉亭上旧曾游三伏似清秋白猿时见攀高树长啸一声何处去别来几向画图看终是欠峯峦旧刻或云虞美人或云酒泉子皆误更有失去第二首山影独字第三首添碧溜字者不成词矣【古今词话】

潘阆忆孤山词句法清古语带烟霞近时罕及【陆淞】仁宗尝语张文定宋景文曰孟子可谓知乐矣今乐犹古乐又曰自排徧以前音声不相侵乱乐之正也自入破之後始侵乱矣至此则郑卫也【随手杂录】

武才人色冠後庭裕陵得之会教坊献新声因为制词号瑶台第一层【後山诗话】

寇莱公诗才思融远年十九成太平兴国进士初知巴东县有诗云野水无人渡孤舟尽日横又尝为江南春词云波渺渺柳依依孤村芳草远斜日杏花飞江南春尽离肠断苹满汀洲人未归一时脍炙【温公诗话】

寇莱公诗若野水无人渡孤舟尽日横之句深入唐人三昧初授归州巴东令人皆以寇巴东呼之以比韦苏州然富贵时所作诗皆凄楚愁怨尝为江南春词一阙脍炙人口又有诗曰杳杳烟波隔千里白苹香散东风起日落汀洲一望时愁心不断如春水余尝谓世之深於诗者尽慕唐人清怨悲感以主其格不知清极则志飘感深则气谢莱公富贵时送人使岭南云到海只十里过山应万重人以为警絶晚窜海康至境首吏呈图经迎拜於道公问州去海远近曰只可十里憔悴奔窜已兆於此矣余尝爱王沂公曾布衣时以所业质吕文穆公蒙正卷有早梅诗云雪中未问和羹事先向百花头上开文穆曰此生已次第安排作状元宰相矣後果然【蓼花洲闲录】

晏元献尤喜冯延巳歌词其所自作亦不减延巳乐府木兰花云重头歌咏响 琤入破舞腰红乱旋重头入破皆管弦家语也【贡父诗话】

晏叔原谓蒲传正曰先君一生小词未尝作妇人语传正曰緑杨芳草长亭路年少抛人容易去岂非妇人语叔原曰公谓年少为所欢乎因公言乃解得乐天诗欲留所欢待富贵富贵不来所欢去传正笑而悟其言之失【诗眼】

皇佑中吕夷简致仕仁宗问卿去谁可代者夷简荐陈尧佐上遂召还大拜吕生日陈携酒过之作踏莎行词曰二社良辰千家庭院翩翩又覩双飞燕凤凰巢稳许为邻潇湘烟暝来何晚乱入红楼低飞緑岸画梁轻拂歌尘转为谁归去为谁来主人恩重珠帘卷吕笑曰只恐卷帘人已老陈曰但得公老於廊庙莫愁调鼎事无功二公相推何等蕴藉【词苑】

钱惟演吴越王俶之子为中书门下平章事坐擅议宗庙且与后家通婚落职为崇信军节度使其玉楼春词云城上风光莺语乱城下烟波春拍岸緑杨芳草几时休泪眼愁肠先已断情怀渐觉成衰晚鸾镜朱顔惊暗换昔年多病厌芳尊今日芳尊惟恐浅此公暮年之作词极凄惋【黄昇】

钱思公谪汉东日撰玉楼春词酒阑歌之必为泣下後阁有白髮歌姬乃旧日邓王舞鬟惊鸿也言先王将薨预戒挽铎中歌木兰花引拂为送今相公其将危乎果然【侍儿小名録】

韩稚圭点绛唇词云病起恹恹庭前花影添憔悴乱红飘砌滴尽真珠泪惆怅前春谁向花前醉愁无际武陵凝睇人远波空翠公经国大手而小词乃以情韵胜人【词苑】

皇佑初魏公镇扬州撰维扬好四章所谓二十四桥千步柳春风十里上珠帘者是也後罢相出镇安阳复作安阳好词十章皆望江南调也【吴虎臣】

范文正公谪睦州过严陵祠下会吴俗岁祀里巫送神歌满江红有云湘江好洲漠漠波似染山如削遶严陵滩畔鹭飞鱼跃公曰吾不善音律但撰一絶送神云汉包六合网英豪一个冥鸿惜羽毛世祖功臣三十六云台争似钓台高吴俗至今歌之【湘山野录】

范希文守边日作渔家傲数首皆以塞上秋来风景异为起句欧阳公常呼为穷塞主之词【东轩笔録】

范文正公苏幕遮词云碧云天红叶地秋色连波波上寒烟翠山映斜阳天接水芳草无情更在斜阳外黯乡魂追旅思夜夜除非好梦留人睡明月楼高休独倚酒入愁肠化作相思泪公之正气塞天地而情语入妙至此【词苑】

范文正公韩魏公一时勲德重望而范有御街行词韩有点绛唇词皆极情致予友朱良规尝云天之风月地之花柳与人之歌舞无此不成三才虽戏语亦有理也【杨慎】

贤如寇准晏殊范仲淹勲名重臣不少艳词即丁谓贾昌朝夏竦亦有绮语流传当不以人废言也【古今词话】贾昌朝木兰花令词都城水绿嬉游处仙棹往来人笑语红随远浪泛桃花雪散平沙飞柳絮东君欲共春归去一阵狂风和骤雨碧油红旆锦障泥斜日画桥芳草路黄叔阳云文元公生平惟赋此一词极有风味【古今词话】宋初以词章早着名者梓州苏易简作越江吟载百琲明珠蜀之大魁自此始钜野王禹偁作点绛唇见小畜集其文章亦重於当世【古今词话】

王元之有小畜集其点绛唇词水村渔市一缕孤烟细之句清丽可爱岂止以诗擅名【词苑】

王君玉有望江南词十首自谓谪仙王荆公酷爱其红绡香润入梅天句【陈辅之】

晏元献赴杭道过维扬憩大明寺暝目徐行使吏诵壁间诗版戒勿言爵里姓名终篇者无几别诵一诗问之江都王琪也召之同游池上时春晚已有落花元献曰每得句书壁或弥年未尝强对且如无可奈何花落去至今未有偶琪应声曰似曾相识燕归来何如元献大喜由此辟置馆职【苕溪渔隐】

欧阳文忠爱王君玉燕词云烟径掠花飞远远晓?惊梦语匆匆梅圣俞以为不若李尧夫燕诗云花前语涩春犹冷江上飞高雨乍晴君玉全章云江南燕轻扬绣帘风二月池塘新社过六

朝宫殿旧巢空颀颀恣西东王谢宅曾入绮堂中烟径掠花飞远远晓牕惊梦语匆匆偏占杏梁红【能改斋漫录】

聂冠卿词不多见其多丽一首有露洗华桐烟霏丝柳四句所谓玉中之拱璧珠中之夜光每一观之抚玩无斁【黄昇】

翰林学士聂冠卿尝於李良定公席上赋多丽词云想人生美景良辰堪惜向其间赏心乐事古来难是并得况东城凤池沁苑泛晴波浅照金碧露洗华桐烟霏丝柳緑陰摇曳荡春一色画堂迴玉簪琼佩高会尽词客清歌久重燃绛蜡别就瑶席有翩若惊鸿体态暮为行雨标格逞珠?缓歌妖丽似听流莺乱花隔慢舞萦回娇鬟低鞞腰肢纤细困无力忍分散彩云归後何处更寻觅休辞醉明月好花莫漫轻掷蔡君谟时知泉州寄良定公书云新传多丽词述宴游之娱使病夫举首增叹耳又近者有客至自京师言诸公春日多会於元伯园池因念昔游辄形篇咏緑渠春水走潺湲画阁峰峦映碧鲜酒令已行金盏侧乐声初认翠裙圆清游胜事传都下多丽新词到海边曾是尊前沉醉客天涯回首重依然【复斋漫録】

林君复结庐孤山二十年足不及城市真宗赐以粟帛诏长吏岁时存问有咏梅霜天晓角词云冰清雪洁昨夜梅花发甚处玉龙三弄声摇动枝头月梦絶金兽 晓寒兰烬灭要卷珠帘清赏且莫埽堦前雪又咏草点绛唇词云金谷年年乱生春色谁为主余花落处满地和烟雨又是离歌一阕长亭暮王孙去萋萋无数南北东西路【古今词话】

林和靖不特工於诗且工於词如咏草一首金谷年年乱生春色谁为主终篇不露一草字与范咏梅一首风吹平野一点香随马终篇不露一梅字同一雅洁【诗话總龟】

欧阳永叔中岁居颍日自以集古一千卷藏书一万卷琴一张棊一局酒一壶公以一翁老於五物间称六一居士有六一词【乐府纪闻】

欧阳公尝致意於诗温柔敦厚诗教也所得多矣吟咏之余溢为词章平山堂集盛传於世公自云所作多在三上者枕上马上厕上也【罗泌序】

欧阳公浣溪沙云堤上游人逐画船拍堤春水四垂天緑杨楼外出秋千只一出字自是後人道不到【晁补之】 阑干十二独凭春晴碧远连云千里万里二月三月行色苦愁人谢家池上江淹浦畔吟魄与离魂那堪疎雨滴黄昏更特地忆王孙此欧阳公少年游咏草词也不惟君复圣俞二词不及求诸唐人温李集中殆与之为一矣【吴虎臣】

庭院深深深几许杨柳堆烟帘幙无重数金勒雕鞍游冶处楼高不见章台路雨横风狂三月暮门掩梨花无计留春住泪眼问花花不语乱红飞过秋千去欧阳修蝶恋花词也李易安酷爱其语遂用作庭院深深数阕杨升庵云一句中连三字者如夜夜夜深闻子规又日日斜空醉归又更更更漏月明中又树树树梢啼晓莺皆善用叠字也【词苑】

钱惟演宴客後园一官妓与永叔後至诘之妓对以失钗故钱曰乞得欧阳推官一词当即偿汝永叔即席云柳外轻陰池上雨雨声滴碎荷声小楼西角断虹明阑干倚徧留待月华生燕子飞来栖画栋玉钩垂下帘旌凉波不动簟纹平水晶双枕旁有堕钗横【尧山堂外纪】西清诗话谓欧词之浅近者是刘辉伪作又云元丰中崔公度跋冯延巳阳春词云其间有入六一词者今柳三变词亦有杂入平山堂集者则知浮艷者皆非公作也【古今词话】

山色有无中欧阳公咏平山堂句也或谓平山堂望江南诸山甚近公短视故耳东坡为公解嘲乃赋快哉亭词云记得平山堂上敲枕江南烟雨杳杳没孤鸿认得醉翁语山色有无中盖山色有无非烟雨不能也然公词起句是平山阑檻倚晴空安得烟雨恐东坡终不能为公解矣【词苑】

王銍默记载欧阳公望江南双调云江南柳叶小未成陰人为绿轻那忍折莺怜枝嫩不胜吟留取待春深十四五闲抱琵琶寻堂上簾钱堂下走恁时相见已留心何况到如今初奸党诬公盗甥公上表自白云丧厥夫而无托携孤女以来归张氏此时年方十岁钱穆父素恨公笑曰此正学簾钱时也欧知贡举下第举人复作醉蓬莱讥之按欧公此词出钱氏私志盖钱世昭因公五代史中多毁吴越故丑诋之其词之猥弱必非公作不足信也【词苑】

欧公小词间见诸词刻陈氏书録一卷其闲多有与阳春花间相混者亦有鄙俚之语一二厕其中当是仇人无名子所为近有醉翁琴趣外篇凡六卷二百余首所谓鄙俚之语往往而是不止一二也前题东坡序八九语词气卑陋不类坡作益可以证词之伪【词苑】

宋子京为天圣中翰林以赋采侯中博学宏词科第一有色映棚云烂声连羽月迟之句时呼为宋采侯每夕临文必使丽姝燃双椽烛即张子野所谓红杏枝头春意闹尚书也【古今词话】

宋景文以余力游戏为词而风流闲雅超出意表【李之仪】宋祁为学士一日遇内家车子数辆於繁台不及避车中有褰帘者曰此小宋也祁惊讶不已为作鹧鸪天词云画毂雕轮狭路逢一声肠断绣帘中身无彩凤双飞翼心有灵犀一点通金作屋玉为笼车如流水马如龙刘郎已恨蓬山远更隔蓬山一万重传唱達禁中仁宗闻之问第几车子有内人自陈顷之宣学士赴宴从容语之祁惶惧仁宗曰蓬山不远遂以内人赐之【词林海错】侍读刘原父守维扬宋景文赴壽春道出治下原父为具以待又为踏莎行词以侑欢云蜡炬高高龙烟细细玉楼十二门初闭疎帘不卷水晶寒小屏半掩琉璃翠桃叶新声榴花美味南山宾客东山伎利名不肯放人闲忙中偷取工夫醉宋即席为浪淘沙近以别原父云少年不管流光如箭因循不觉韶华换到如今始惜月满花满酒满扁舟欲解垂杨岸尚同欢宴日斜歌阕将分散倚兰桡望水远天远人远南山宾客东山伎本白乐天诗【能改斋漫录】

孙巨源於元丰间居翰苑与李端愿太尉往来尤数会一旦锁院宣召者至其家则出数十辈踪迹之得之於李氏时李新纳妾能琵琶公饮不肯去而迫於宣命入院几二鼓矣遂草三制罢复作长短句以记别恨楼头尚有三通鼓何须抵死催人去上马苦匆匆琵琶曲未终回头

凝望处那更廉纤雨谩道玉为堂玉堂今夜长迟明遣以示李【黄昇】

孙洙词多为晏几道所夺【荪林学山】

庆历中开封府与棘寺同日狱空仁宗宫中宴集宣晏几道作鹧鸪天以歌之得旨受赏大意先赋昇平之盛又见祥瑞之徵而未句略近之极为得体所传朝来又奏圜扉静十样宫眉捧寿觞句是也亦以志一时之治化云【古今词话】

晏叔原乐府寓以诗人句法精壮顿挫能动摇人心合者高唐洛神之流下者亦不减桃叶团扇云【黄庭坚】叔原不蹈袭人语风度闲雅自是一家如舞低杨柳楼心月歌尽桃花扇底风乃知此人必不生於三家村中者【晁补之】

伊川闻诵叔原词梦魂惯得无拘检又踏杨花过谢桥笑曰鬼语也意颇赏之【程叔彻】

叔原词在诸名胜中独可追逼花间高处或过之【陈质斋】石曼卿真宗朝学士生平遗落世事死後有见之者曰我今为仙主芙蓉城其扞蝨庵长短句少有流传者【古今仙监】

曼卿通守朐山遣人以泥封桃李核弹之岩谷间嗣後花开满山又尝携伎石室中鸣弦为水车铁马之声後党竹谿为词以吊之云铁马水车断遗响林花石室自春风芙蓉城阙五云中【尧山堂外纪】

李长吉歌天若有情天亦老人以为奇絶无对石曼卿对以词曰月如无恨月长圆足为勍敌【温叟诗话】

梅圣俞有苏幕遮咏草词云露堤平烟墅杳乱碧萋萋雨後江天晓独有庾郎年最少翠地青袍嫩色宜相照接长亭迷远道堪怨王孙不记归期早落尽梨花春又了满地残阳翠色和烟老与六一词咏草一首同妙【古今词话】

吕士隆知宣州好答妓适杭妓到喜之一日欲答宣妓妓曰不敢辞但恐杭妓不安士隆宥之梅圣俞为词曰莫打鸭打鸭惊鸳鸯鸳鸯新向池中浴不比孤洲老鸕鶿若增一句即谢秋娘也【温叟诗话】

辍耕录载梅圣俞禽言四章云泥滑滑苦竹冈雨潇潇马上郎马蹄凌兢雨又急此鸟为君应断肠婆饼焦儿不食尔父向何之尔母山头化为石山头化石可奈何遂作微禽啼不息提壶芦沽美酒风为宾树为友山花撩乱目前开劝尔今朝千万寿不如归去春山云暮万木兮参天蜀道兮何处人言有翼可高飞安用空啼向春树此与文与可题竹十字令俱长短句金元人皆有和词而不可以被之管弦者也【古今词话】

司马温公词云渔舟容易入深山仙家日日闲绮牕纱幌映朱颜相逢醉梦间松露冷海霞斑



匆匆整棹还落花寂寂水潺潺重寻此路难盖阮郎归本意也【古今词话】王荆公筑草堂於半山引八功德水作小港其上叠石作桥为集句填菩萨蛮云数间茅屋闲临水窄衫短?垂杨里花是去年红吹开一夜风梢梢新月偃午睡醒来晚何物取关情黄鹂三两声後黄豫章戏效其体云半烟半雨谿桥畔渔翁醉着无人唤踈嬾意何长春风花草香江山如有待此意陶潜解问我去何之君行即自知【能改斋漫录】

金陵怀古诸公寄调桂枝香者三十余家惟王介甫为絶唱东坡见之叹曰此老乃野狐精也其词云登临送目正故国晚秋天气初肃千里澄江似练翠峰如簇征帆去棹残阳里背西风酒旗斜矗彩舟云淡星河鹭起图画难足念自昔豪华竞逐叹门外楼头悲恨相续千古凭高对此漫嗟荣辱六朝旧事随流水但寒烟衰草凝绿至今商女时时犹唱後庭遗曲【古今词话】

介甫弟和甫名安礼有潇湘逢故人慢云引多少梦魂归结洞庭烟棹渔蓑弟平甫名安国有减字木兰花云月破黄昏帘里余香马上闻子雱字元泽有心疾妻独居小楼事佛介甫怜而嫁之雱作眼儿媚词有相思只在丁香枝上豆蔻梢头之句更有倦寻芳云恨被榆钱买断两眉长鬪皆人所不能及【古今词话】

元丰初韩丞相缜以枢密院都承旨使北将行剧饮通夕作乐府词留别爱妾翌日神宗已密知之忽中批步军司遣兵马搬家追送之缜初莫测久之知自乐府发也缜之词由此盛传於天下【石林诗话】

韩缜有爱姬能词韩奉使时姬作蝶恋花送之云香作风光浓着露正恁双栖又遣分飞去密诉东君应不许泪波一洒奴衷素神宗知之遣使送行刘贡父赠以诗卷耳幸容留婉娈皇华何啻有光辉莫测中旨何自而出後乃知姬人别曲传入内庭也韩亦有词云锁离愁连丝无际来时陌上初薰绣帏人念远暗垂珠露泣送征轮长行长在眼更重重流水孤云但望极楼高尽日目断王孙消魂池塘别後曾行处绿妬轻裙恁时携素手乱花飞絮里缓步香茵朱颜空自改向年年芳草长新偏绿野嬉游醉眼莫负青春此凤箫吟咏芳草以留别与兰陵王咏柳以叙别同意後人竟以芳草为调名则失凤箫吟原唱意矣【乐府纪闻】

客谓张子野曰人咸目公为张三中谓公词有心中事眼中泪意中人也子野曰何不谓之张三影客不喻子野曰云破月来花弄影娇柔嬾起帘压卷花影柳径无人坠絮轻无影此生平得意者【乐府纪闻】

子野词才不足而情有余【李之仪】

晏元献尹京日辟张先为通判新纳侍儿公甚属意先能为诗词公雅重之每张来令侍儿出侑觞往往歌子野所为之词其後王夫人浸不容公即出之一日子野至公与之饮子野作碧牡丹云步障摇红绮晓月堕沉烟砌缓板香檀唱彻伊家新制怨入眉头敛黛峰横翠芭蕉寒雨声碎镜华翳闲照孤鸾戏思量去时容易钿盒瑶钗至今冷落轻弃望极蓝桥但暮云千里

几重山几重水令营伎歌之至末句公恍然曰人生行乐耳何自苦如此亟命於宅库支钱若干复取前所出侍儿既来夫人亦不复谁何也【道山清话】

子野於玉仙观道中逢谢媚卿作谢池春慢云繚墙重院闲有流莺到绣被掩余寒画阁明新晓朱檻连空阔飞絮无多少径莎平池水渺日长风静花影闲相照尘香拂马逢谢女城南道秀艳过施粉多媚生轻笑鬪色鲜衣薄碾玉双蝉小欢难偶春过了琵琶流怨都入相思调一时传唱几徧【古今词话】

宋景文过子野家将命者曰尚书欲见云破月来花弄影郎中子野内应曰得非红杏枝头春意闌尚书耶【古今词话】

张先郎中能为诗及乐府至老不衰子瞻尝赠以诗云诗人老去莺莺在公子归来燕燕忙先和云愁似鰕鱼知夜永嬾同蝴蝶为春忙为子瞻所赏然世俗多喜传先乐府遂掩其诗声识者皆以为恨【石林诗话】

本朝有两张先皆字子野一则枢密副使逊之孙与欧阳文忠同在洛阳幕府其後文忠为作墓志铭称其志守端方临事敢决者一与东坡先生游东坡推为前辈诗中所谓诗人老去莺莺在公子归来燕燕忙能为乐府号张三影者【王明清玉照新志】

天圣间一时有两张先者皆字子野俱进士其能诗壽考悉同一博山人号三影者一吴兴人为都官郎中见齐东野语愚按红杏枝头春意闌尚书欲见云破月来花弄影郎中将命之语人或疑之子野自谓何不谓之张三影如娇柔嬾起帘压卷花影柳径无人坠絮轻无影并前句为三影岂博山人为之乎且吴兴近杭子野至多为官伎作词常与东坡作六客词而年取耄载在癸辛杂识不闻有两人同号张三影者也【胡应麟笔丛】张先以三影名者因其词中有三影字故自誉也然以云破月来花弄影为取余二影字不及【词统】

吾昔自杭移高密与杨元素同舟而陈令举张子野皆从余过李公择於湖遂与刘孝叔俱至松江夜半月出置酒垂虹亭上子野年八十五以歌词闻於天下作定风波令其略云见说贤人聚吴分试问也应傍有老人星座客欢甚有醉倒者此乐未尝忘也今七年尔子野孝叔令举皆为异物而松江桥亭今岁七月九日海风驾潮平地丈余荡尽无复子遗矣追思曩时真一梦耳【苏轼】

吴兴郡圃今有六客亭即公择子瞻元素子野令举孝叔时公择守吴兴也东坡又云余昔与张子野刘孝叔李公择陈令举杨元素会於吴兴时子野作六客词其卒章云见说贤人聚吴分试问也应傍有老人星凡十五年再过吴兴而五人皆已亡矣时张仲谋与曹子方刘景文苏伯固张秉道为座客仲谋请作後六客词云月满苕溪照野堂五星一老鬪光芒十五年间真梦里何事长庚对月独凄凉緑鬢苍顏同一醉还是六人吟笑水云乡宾主谈锋谁得似看取曹刘今对两苏张【苕溪渔隐】

子野耆卿齐名而时论有以子野为不及耆卿者然子野韵高是耆卿所乏处【晁补之】

子野词胜乎情耆卿情胜乎词情词相称少游一人而已【蔡伯世】

仁宗留思儒雅务本理道深斥浮艳虚薄之文初进士柳三变好为淫冶曲调传播四方尝有鹤冲天词云忍把浮名换了浅斟低唱及临轩放榜特落之曰此人风前月下好去浅斟低唱何要浮名且填词去三变由此自称奉旨填词景佑中方及第後改名永方得磨勘转官其词曰黄金榜上偶失龙头望明代暂遗贤如何向未遂风云便争教不恣狂荡何须论得丧才子词人自是白衣卿相烟花巷陌依约丹青屏障幸有意中人堪寻访且恁偎红翠风流事平生畅青春都一晌忍把浮名换了浅斟低唱【能改斋漫录】

耆卿与孙相何为布衣交孙知杭门禁甚严耆卿欲见之不得作望海潮词往诣名妓楚楚曰欲见孙恨无门路若因府会愿启朱唇歌之若问谁为此词但说柳七中秋夜作楚楚宛转歌之孙即席迎耆卿入座词曰东南形胜三吴都会钱塘自古繁华烟柳画桥风帘翠幕参差十万人家云树遶堤沙怒涛卷霜雪天堑无涯市列珠玑户盈罗绮竞豪奢重湖叠巘清佳有三秋桂子十里荷花羌笛弄晴菱歌泛夜嬉嬉钓叟莲娃千骑拥高牙乘醉听箫鼓吟赏烟霞异日图将好景归去凤池夸【词苑】

尝见一西夏归朝官云世间有井水饮处即能歌柳词【叶梦得】

柳词风格不高而音律谐缓词意妥贴承平气象形容曲尽尤工於羁旅行役【陈质斋】

人皆言柳耆卿词俗然如霜风凄紧关河冷落残照当楼唐人佳处不过如此【苏轼】

耆卿词铺叙展衍备足无余较之花间所集韵终不胜【李之仪】

耆卿词虽极工然多杂鄙语【孙敦立】

耆卿词有教坊丁大使意【刘克庄】

景佑中柳永以登第冀进用适奏老人呈现左右令永作醉蓬莱词以献曰渐亭皋叶下陇首云飞素秋新霁华阙中天锁葱葱佳气嫩菊黄深拒霜红浅近宝堦香砌玉宇无尘金风有露碧天如水正值昇平万几多暇夜色澄鲜漏声迢递南极光中有老人呈瑞此际宸游凤辇何处度管弦声脆太液波翻披香帘卷月明风细仁宗见之不悛【太平乐府】

宋无名氏眉峰碧词云蹙损眉峰碧纤手还重执镇日相看未足时忍便使鸳鸯只薄暮投村驿风雨愁通夕牕外芭蕉牕里人分明叶上心头滴真州柳永少读书时遂以此词题壁後悟作词章法一妓向人道之永曰某於此亦颇变化多方也然遂成屯田蹊径【古今词话】山抹微云秦学士露花倒影柳屯田【苏轼】

御选历代诗余卷一百十四

# 卷一百十五

钦定四库全书

御选历代诗余卷一百十五

司经局洗马掌局事兼翰林院修撰加二级【臣】王奕清奉旨校刊

词话【宋二】

苏轼於中秋夜宿金山寺作水调歌头寄子由云明月几时有把酒问青天不知天上宫阙今夕是何年我欲乘风归去又恐琼楼玉宇高处不胜寒起舞弄清影何似在人间转朱阁低绮户照无眠不应有恨何事长向别时圆人有悲欢离合月有陰晴圆缺此事古难全但愿人长久千里共婵娟神宗读至琼楼玉宇二句乃叹云苏轼终是爱君即量移汝州【坡仙集外纪】

明月几时有一词画家大斧皴书家劈窠体也【词统】中秋词自东坡水调歌头一出余词尽废【苕溪渔隐】仆七岁时见眉州老尼自言尝随其师某入蜀主?宫中一夕主与花蕊夫人避暑摩河池上作词尼具能道

之今死久矣仅得二句暇日为成足之乃洞仙歌也冰肌玉骨自清凉无汗水殿风来暗香满绣帘开一点明月窥人人未寝敲枕钗横鬓乱起来携素手庭户无声时见疎星渡河汉试问夜如何夜已三更金波澹玉绳低转但屈指西风几时来又不道流年暗中偷换【东坡洞仙歌词序】

杨元素作本事曲记言钱塘老尼能诵蜀主词云冰肌玉骨清无汗水殿风来暗香满绣帘一点月窥人敲枕钗横云鬓乱起来庭户悄无声时见疎星渡河汉屈指西风几时来不道流年暗中换温叟诗话如此与东坡序小异当以序为正【词苑】

古今词话云东坡在黄州中秋夜对月独酌作西江月词云世事一场大梦人生几度新凉夜来风叶已鸣廊看取眉间鬓上酒贱长愁客少月明多被云妨中秋谁与共孤光把盞凄然北望坡以谗言谪居黄州郁郁不得志凡赋诗缀词必写其所怀然一日不忘朝廷其怀君之心末句可见矣苕溪渔隐曰聚兰集载此词注云寄子由故後句云中秋谁与共孤光把盞凄然北望则兄弟之情见於句意之间矣疑是倅钱塘时作子由时为睢阳幕客若词话所云则非也【词品】

别酒送君君一醉清润潘郎更是何郎壻记取钗头新利市莫将分付东邻子回首长安佳丽地三十年前我是风流帅为向东楼寻旧事花枝缺处余名字右蝶恋花词东坡在黄州时送

潘邠老赴省试作也今集不载【吴虎臣】

东坡先生谪居黄州作卜算子词云缺月挂疎桐漏断人初静时见幽人独往来缥缈孤鸿影惊起却回头有恨无人省拣尽寒枝不肯栖寂寞沙洲冷其托意盖自有在读者不能解张右史文潜继贬黄州访潘邠老尝得其详题诗以志之云空江月明鱼龙眠月中孤鸿影翩翩有人清吟立江边葛巾藜杖眼窥天夜冷月堕幽虫泣鸿影翹沙衣露湿仙人采诗作步虚玉皇饮之碧琳腴【能改斋漫录】

东坡卜算子词语意高妙似非吃烟火食人语【黄庭坚】女红余志云惠州温氏女超超年及笄不肯字人闻东坡至喜曰我壻也日徘徊牕外听公吟咏觉则亟去东坡知之乃曰吾将呼王郎与子为媼及东坡渡海归访超已卒葬於沙际公因作卜算子有拣尽寒枝不肯栖之句按词为咏鴈当别有寄托何得以俗情傅会也【古今词话】

东坡别参寥长短句云有情风万里卷潮来无情送潮归问钱塘江上西兴渡口几度斜晖不用思量今古俯仰昔人非谁似东坡老白首忘机记取西湖西畔正暮山好处空翠烟霏算诗人相得如我与君稀约他年东还海道愿谢公雅志莫相违西州路不应回首为我沾衣按羊昙为谢安所爱重安薨後辄弥年不行西州路尝因大醉不觉至州门左右曰此西州门也昙悲感以马策扣扉诵曹子建诗曰生存华屋处零落归山丘因恸哭而去东坡用此故事若世俗之论必以为成讖矣然其词石刻後东坡自题云元佑六年三月六日余以东坡年谱考之元佑四年知杭州六年召为翰林学士承旨则长短句盖此时作也自後复守颖徙扬入长礼曹出帅定武至绍圣元年方南迁岭表建中靖国元年北至常乃薨凡十一载则世俗成讖之论安可信邪【苕溪渔隐】

琅琊山水奇丽泉鸣空涧若中音会六一居士作醉翁亭其上欣然忘归既去十余年好奇之士沈遵往游以琴写其声曰醉翁操节奏疎宕音韵和畅知琴者以为絶伦然有声无词醉翁为之作歌而与琴声不合又依楚词作醉翁引好事者亦倚其词以制曲而琴声为词所缚非大成也後三十余年公既捐馆舍遵亦殒久矣有庐山玉涧道人特妙於琴恨其曲之无传乃谱其声请於轼以补之为醉翁操云【东坡醉翁操序】

苏子瞻守钱塘有官妓秀兰天性黠慧善於应对一日湖中有宴会羣伎毕集惟秀兰不至督之良久方来问其故对以沐浴倦睡忽闻叩户甚急起而问之乃乐营将催督也谨以实告子瞻已恕之坐中一倅怒其晚至诘之不已时榴花盛开秀兰折一枝藉手奉倅倅愈怒子瞻因作贺新凉令歌以送酒倅怒顿止词曰乳燕飞华屋悄无人庭陰转午晚凉新浴手弄生绡白团扇扇手一时似玉渐困倚孤眠清熟门外谁来推绣户枉教人梦断瑶台曲又却是风敲竹石榴半吐红巾蹙待浮花浪蕊俱尽伴君幽独浓艳一枝细看取芳心千重似束又恐被西风惊绿若待得君来向此花前对酒不忍触共粉泪两簌簌子瞻之词皆纪前事取其沐浴新凉故曲名贺新凉也後人不知误作贺新郎盖不得子瞻之意子瞻真可谓风流太守岂可与俗吏同日语哉【杨湜词话】

野哉杨湜之言真可入笑林矣东坡此词冠絕古今托意高远宁为一妓而发邪帘外谁来推绣户及又却是风敲竹等语用唐人帘开风动竹疑是故人来变化入妙今乃云为乐营将催督可笑一石榴半吐红巾蹙至细看取芳心千重似束等句因初夏时花事已阑而榴花独吐因以红巾拂取写其幽闲之意今乃云榴花盛开折奉府倅可笑者二贺新郎乐府旧调今乃云取其新沐後人讹为贺新郎此可笑者三东坡此词不幸横遭点污江左有文拙而好石刻者谓之詒痴符杨湜之类是也【苕溪渔隐】

西湖有一倅唱少游满庭芳悞举一韵云画角声断斜阳妓琴操在侧云谯门非斜阳也倅因戏之曰尔可改韵否琴即改作阳字韵云山抹微云天黏衰草画角声断斜阳暂停征辔聊共饮离觞多少蓬莱旧侣空回首烟霭茫茫孤邨里寒鸦数点流水遶低墙魂伤当此际轻分罗带暗解香囊漫赢得青楼薄幸名狂此去何时见也襟袖上空惹余香伤心处高城望断灯火已昏黄东坡闻而称赏之後东坡在西湖戏琴曰我作长老尔试参问琴曰何谓湖中景东坡答曰秋水共长天一色落霞与孤鹜齐飞又曰何谓景中人东坡云裙拖六幅湘江水髻挽巫山一段云又云何谓人中意东坡云惜他杨学士慙杀鲍参军琴又云如此究竟如何坡云门前冷落车马稀老大嫁作商人妇琴大悟遂削发为尼【能改斋漫录】

东坡守钱塘无一日不在西湖尝?妓谒大通禅师师愠形於色东坡作长短句令妓歌之曰师唱谁家曲宗风嗣阿谁借君拍板与门鎚我也逢场作戏不须疑溪女方偷眼山僧莫皱眉却嫌弥勒下生迟不见阿婆三五少年时时有僧仲殊在苏州闻而和之曰解舞清平乐如今说与谁红炉片雪上钳鎚打就金毛狮子也堪疑木女明开眼泥人暗皱眉蟠桃已是着花迟不向东风一笑待何时【冷斋夜话】

东坡自钱塘被召过京口林子中作郡守有宴会座中营妓出牒郑容求落籍高莹求从良子中命呈牒东坡坡索笔题减字木兰花於牒後云郑庄好客容我楼前先堕幘落笔生风籍籍声名不负公高山白早莹骨柔肌那解老从此南徐良夜风清月满湖暗用郑容落籍高莹从良八字於句端也一作润守许仲远【东皋杂录】东坡知杭州马中玉成为浙漕东坡被召赴阙中玉席间作词曰来时吴会犹残暑去日武林春已暮欲知遗爱感人深洒泪多於江上雨欢情未举眉先聚别酒多斟君莫诉从今宁忍看西湖擡眼尽成肠断处东坡和之所谓明朝归路下塘西不见莺啼花落处是也中玉忠肃亮之子仲甫犹子也【玉照新志】

东坡云龙丘子自洛之蜀载二侍女戎装骏马至溪山佳处辄留数日见者以为异人後十年筑室黄冈之北号静庵居士作临江仙赠之云细马远驮双侍女青巾玉带红鞵溪山好处便为家谁知巴峡路却见洛城花回旋落英飞玉蕊人间春日初斜十年不见紫云车龙丘新洞府铅鼎养丹砂龙丘子即陈季常也秦太虚寄之以诗亦云侍童双擢玉鬟发光可照骏马锦障泥相随穷海峤暮年更折节学佛得心要鬻马放阿樊幅巾对沉燎坡又作诗戏之有龙丘居士益可怜谈空说有夜不眠忽闻河东狮子吼拄杖落手心茫然之句则知季常载侍女以远游及暮年甘於枯寂盖有所制而然亦可悯笑也【苕溪渔隐】

玉龟山东皇灵媿统羣仙绛阙迢嶢翠房深迴倚霏烟幽闲志萧然金城千里鎖婵娟当时穆

满巡狩翠华曾到海西边风露明霁鲸波极目势浮輿盖方圆正迢迢丽日玄圃清寂琼草芊  
绵争解绣勒香鞦韆銮辂驻蹕八马戏芝田瑶池近画楼隐隐翠鸟翩翩肆华筵间作吹管鸣丝  
宛若帝所钧天稚顔皓齿绿发方瞳举止恬淡高妍尽倒琼壶酒献金鼎药固大椿年缥缈飞  
琼妙舞命双成奏曲醉留连云璫韵泻寒泉浩歌畅饮斜月低河汉渐绮霞天际红深浅动归  
思回首尘寰烂漫浮玉辇东还杏花风数里响鸣鞭望长安路依稀柳色翠点秦川此东坡戚  
氏词也元佑末东坡自礼部尚书帅定州官妓因宴索公为戚氏词公方与客论穆天子事颇  
讶其虚诞遂率笔应之随声随写歌竟篇就才点定五六字座中随声击节终席不闻他语【  
词苑】

东坡知颍州时一夕月下梅花盛开王夫人曰春月色胜如秋月色秋月令人惨凄春月令人  
欢悦何不招赵德麟辈来饮花下东坡喜曰谁谓夫人不能诗此真诗家语也作减字木兰花  
以纪之云春庭月午摇荡春醪光欲舞步转回廊半落梅花婉婉香轻风薄雾都是少年行乐  
处不似秋光只与离人照断肠【侯鯖录】

东坡和章质夫杨花一首後段愈出愈奇压倒今古【张炎】王定国自岭表归出歌者柔奴  
劝东坡饮坡问广南风土应不好柔奴曰此心安处便是吾乡东坡喜其语作定风波词以纪  
之常美人间琢玉郎天教分付点酥娘自作清歌传皓齿风起雪飞炎海变清凉万里归来年  
愈少微笑笑时犹带岭梅香试问岭南应不好却道此心安处是吾乡【东皋杂录】

东莱先生谓後赤壁赋结尾用韩文公石鼎联句叙弥明意俞文豹谓不然盖弥明真异人文  
公纪其实也与此不同东坡先生贯通内典尝赋西江月词云休言万事转头空未转头时皆  
梦赤壁之游乐则乐矣转眼之间其乐安在以是观之则我与二客鹤与道士皆一梦也【清  
夜录】

东坡贬惠州日晁以道见公词有海仙时遣探芳丛倒挂绿毛么凤便云此老须过海只为古  
今人不能道及应罚教去【太平乐府】

词至东坡一洗绮罗香泽之态使人登高望远举首浩歌超乎尘 之外於是花间为阜隶柳  
氏为舆台矣【胡寅】东坡居士词人谓多不谐音律然横放杰出自是曲子中缚不住者【  
晁补之】

居士词岂无去国怀乡之感殊觉哀而不伤【周輝】子瞻在玉堂日有幕士善歌因问我词  
何如柳七对曰柳郎中词只合十七八女郎执红牙板歌杨柳外晓风残月学士词须关西大  
汉铜琵琶铁绰板唱大江东去东坡为之絶倒【吹剑录】

子瞻问陈无已我词何如少游无已曰学士小词似诗少游诗似小词【坡仙集外纪】

东坡以诗为词如雷大使之舞虽极天下之工要非本色【陈师道】



子瞻常自言生平有三不如人谓着某吃酒唱曲也然三者亦何用如人子瞻之词虽工而多不入腔盖以不能唱曲故耳【皇甫牧玉匣记】

世言东坡不能歌故所作乐府多不协律晁以道谓绍圣初与东坡别於汴上东坡酒酣自歌阳关曲则公非不能歌但豪放不喜翦裁以就声律耳试取东坡诸词歌之曲终觉天风海雨逼人【陆游】

东坡词极雅丽舒徐高出人表周秦诸人所不能到【张炎】子瞻有二韵事见於行香子秦黄张晁为苏门四学士每来必命取密云龙供茶家人以此记之廖明略晚登东坡之门公大奇之一日又命取密云龙家人谓是四学士窥之则廖明略也坡为赋行香子一阕又尝约刘器之参玉版和尚至廉泉寺烧笋而食刘问之东坡指笋曰此玉版僧最善说法使人得禅悦味遂有麤生禅玉版局一时参之句亦行香子也【古今词话】

闾丘公显致仕居吴东坡过之必流连信宿尝言过姑苏不游虎丘不谒闾丘乃二欠事一日闾丘出後房善吹笛者名懿卿佐酒东坡作水龙吟咏笛材以遗之【鹤林玉露】东坡水龙吟咏笛词传有八字諡楚山修竹如云异材秀出千林表此笛之质也龙须半翦凤膺微涨玉肌匀绕此笛之状也木落淮南雨晴云梦月明风嫋此笛之时也自中郎不见将军去後知孤负秋多少此笛之事也闻道岭南太守後堂深緑珠娇小此笛之人也绮牕学弄凉州初试霓裳未了此笛之曲也嚼徵含宫泛商流羽一声云杪此笛之音也为使君洗尽蛮烟瘴雨作霜天晓此笛之功也嚼徵含宫泛商流羽五音也用其四惟少一角字末句作霜天晓歇後一角字【贵耳录】照野弥弥浅浪横空暖暖微霄东坡用陶语山涤余霭宇暖暖微霄也公以春夜行蕲水道中过酒家醉饮乘月至一溪桥曲肱少寐及觉已晓乱山葱笼不谓人世也黄九疑公有突兀之句故小叙及之【花庵词客】

东坡在儋耳常负大瓢行歌田间所歌皆哨徧也一日遇一媪谓坡曰学士昔日富贵一场春梦耳东坡因呼为春梦婆【坡仙集外纪】

东坡蝶恋花词云花褪残红青杏小燕子飞时緑水人家遶枝上柳绵吹又少天涯何处无芳草墙里秋千墙外道墙外行人墙里佳人笑笑渐不闻声渐悄多情却被无情恼东坡渡海惟朝云王氏随行日诵枝上柳绵二句为之流泪病极犹不释口东坡作西江月悼之【冷斋夜话】东坡长短句无情汴水自东流只载一船离恨向西州张文潜用其意为小诗云亭亭画舸系春潭只待行人酒半酣不管烟波与风月载将离恨过江南王平甫尝爱诵之不知其出於东坡也【能改斋漫录】

永叔东坡极不能作丽语而亦有之永叔如当路游丝牵醉客隔花啼鸟唤行人东坡如彩索身轻常趁燕红牕睡重不闻莺胜人百倍【王世贞词评】

东坡少子过人以小坡目之有斜川词常以山芋作玉糝羹进坡公公喜而为诗【词品】

苏叔党有新月娟娟高柳蝉嘶二首皆点绛唇也时禁苏氏文章故隐其名以为汪彦章作【古今词话】

黄鲁直小词固高妙然不是当家语是着腔子诗【晁补之】山谷少时尝作茶词寄调满庭芳云北苑龙团江南鹰爪万里名动京关碾轻罗细琼蕊暖生烟一种风流气味如甘露不染尘烦纖纖捧冰瓷莹玉金缕鸂鶒斑相如方病酒银瓶蟹眼涛怒波翻为扶起尊前醉玉颓山饮罢风生两腋醒魂到明月轮边归来晚文君未寝相对小妆残其後增损前词止咏建茶云北苑春风方圭圆璧万里名动天关粉身碎骨功业上凌烟尊俎风流战胜降春睡开拓愁边纖纖捧香泉溅乳金缕鸂鶒斑相如虽病渴一觴一咏宾有羣贤便扶起灯前醉玉颓山搜搅胸中万卷还倾动三峡词源归来晚文君未寝相对小牕前辞意益工也後山陈无已同韵和之云北苑先春琅函宝韞帝所分落人间绮牕纖手一缕破双团云里游龙舞凤香雾霭飞入瑤盘华堂静风松雪竹金鼎沸潺湲门阑车马动浮黄嫩白小袖高鬟便胸臆轮囷肺腑生寒唤起谪仙醉倒翻湖海倾泻涛澜笙歌散风帘月幕禅榻鬢丝斑【能改斋漫录】

山谷在当涂有好事近词赠小妓杨姝弹瑟送酒云一弄醒心弦情在南山斜叠弹到古人愁处有真珠承睫使君来去本无心休泪界红頰自恨老来怕酒负十分金叶故集中有赠琴妓杨姝絶句云千古人心指下传杨姝冷处更婵娟不知心向谁边切弹作南风欲断弦【吴曾】

黄豫章守当涂既解印後一日郡中置酒郭功父在座豫章为木兰花令以示之云凌歊台上青青麦姑孰堂前余翰墨暂分一印管江山稍为诸公分皁白江山依旧云空碧昨日主人今日客谁分宾主强惺惺问取矶头新妇石其後复窜易前词云翰林本是神仙谪落帽风流倾座席座中还有赏音人能岸乌纱倾大白江山依旧云横碧昨日主人今日客谁分宾主强惺惺问取矶头新妇石【能改斋漫录】

崇宁四年重九山谷在宜城郡楼听边人私语今当鏖战取封侯耳因作南乡子词有花向老人头上笑羞羞白发簪花不解愁倚阑高歌若不胜情【耆旧续闻】

豫章云醉惺惺醉一曲乃醉落魄也其词云醉惺惺醉凭君会取些滋味浓斟琥珀香浮蚁一入愁肠便有阳春意须将幕席为天地歌前起舞花前睡从他兀兀陶陶里犹胜惺惺惹得闲憔悴此词亦有佳句而多斧凿又语高下不甚入律或传是东坡语非也与蜗角虚名之曲相似疑是王仲父所作因戏作二篇似元祥仲行其一云陶陶兀兀尊前是我华胥国争名争利休休莫雪月风花不醉恁归得邯郸一枕谁忧乐新事新诗共闲适东山小妓携丝竹家里乐天邨里谢安石其二云陶陶兀兀人生无累何由得杯中三万六千日闷损旁观我但醉落魄扶头不起还颓玉日高春睡平生足谁家可买新篁熟安乐春泉玉醴荔枝绿其曰安乐春泉玉醴荔枝绿者新贤宅四酒名其曰家里乐天邨里谢安石此皆石曼卿自嘲语邨里黄繙绰家中白侍郎【能改斋漫录】

今代词手惟秦七黄九耳余人不逮也词家以秦黄并称秦能为曼声以合律形容处亦少刻

肌入骨语黄时出俚浅可称伧父然黄如春未透花枝瘦正是愁时候峭健亦非秦所能作【陈师道】

黄词断送一生惟有破除万事无过盖韩诗有云断送一生惟有酒破除万事无过酒才去一字遂为切对而语益峻【後山诗话】

东坡櫟括归去来词山谷櫟括醉翁亭记两人固是词家好手【本事记】

山谷阮郎归全用山字为韵稼轩柳梢青全用难字为韵皆福唐体究同嚼蜡【古今词话】

豫章先生弟黄元明宰庐陵县赴郡会巾带偶脱太守令妓为缀之且俾元明撰词词云银烛画堂如昼见林宗巾垫羞蓬首鍼借花枝线賒罗袖须臾两带还依旧劝君倒戴休今後也不须更漉渊明酒宝篋深藏浓香熏透为经十指如葱手盖七娘子调也【能改斋漫录】东坡初未识少游少游闻其将过维扬作坡笔语题壁於一山寺中东坡果不能辨大惊及见孙莘老出少游诗词数十篇读之乃叹曰向书壁者定此郎也後与少游维扬饮别作虞美人曰波声拍枕长淮晓隙月窥人小无情汴水自东流只载一船离恨向西州世传为贺方回作山谷云大观中於扬州见其亲笔醉墨超脱气压子猷盖东坡词也【冷斋夜话】

秦少游千秋岁词余尝见诸公倡和亲笔乃知在衡阳时作也少游云至衡阳呈孔毅甫使君其词云云今更不载毅甫云次韵少游见赠其词云春风湖外红杏花初退孤馆静愁肠碎泪余?在枕别久香销带新睡起小园戏蝶飞成对惆怅人谁会随处聊倾盖情暂遣心何在锦书消息断玉漏花陰改迟日暮仙山杳杳空云海其後东坡在儋耳从孙苏元老因赵秀才还自京师以少游毅甫所赠酬者寄之东坡乃次韵录示元老且云使见其超然自得不改其度意其词云岛边天外未老身先退珠泪溅丹衷碎声摇苍玉佩色映黄金带一万里斜阳正与长安对道远谁云会罪大天难盖君命重臣节在新恩犹可觐旧学终难改吾已矣乘桴且恁浮於海豫章题云少游得谪後尝梦中作词云醉卧古藤陰下了不知南北竟以元符庚辰卒於藤州光华亭上崇宁甲申庭坚窜宜州道过衡阳览其遗墨始追和其千秋岁词云苑边花外记得同朝退飞骑轧鸣珂碎齐歌云遶扇赵舞风回带严鼓断杯盘狼籍犹相对洒泪谁能会醉卧藤陰盖人已去词空在兔园高宴悄虎观英游改重感慨波涛万顷珠沉海晁无咎集中尝载此词而实非也少游词云忆昔西池会鹄鹭同飞盖亦谓在京师与毅甫同在於外署共为金明池之游耳今越州楚州皆指西池在彼盖未知本原而云也【能改斋漫录】古今词话以古人好词世所共知者易甲为乙称其所作仍随其词牵合为说殊无根蒂皆不足信如秦少游千秋岁水边沙外城郭春寒退末云春去也落红万点愁如海山谷尝叹其句意之善欲和之而以海字难押陈无已言此词用李後主问君能有几多愁恰似一江春水向东流但以江为海耳洪觉范尝和此词晁无咎亦和此词吊少游观诸公所云则此词为少游作明甚【苕溪渔隐】

山谷守当涂日郭功甫尝寓焉一日过山谷论文山谷诵少游千秋岁词叹其句意之善欲和之而海字难押功甫连举数海字若孔北海之类山谷颇厌而未有以郤之次日又过山谷问

焉山谷答曰羞杀人也爷娘海自是功甫不复论文於山谷矣【能改斋漫录】

近来作者皆不及少游如斜阳外寒鸦数点流水遶孤邨虽不识字人亦知是天生好语【晁补之】

秦少游满庭芳山抹微云天黏衰草今本改黏作连非也韩文洞庭汗漫黏天无壁张祜诗草色黏天鵝鴝恨山谷诗远水黏天吞钓舟邵博诗老滩声殷地平浪势黏天赵文昇词玉关芳草黏天碧严次山词黏云江影伤千古叶梦得词浪黏天蒲桃涨绿刘行简词山翠欲黏天刘叔安词暮烟细草黏天远黏字极工且有出处若作连字是小儿语也【词品】

寒鸦万点流水遶孤邨人皆以为少游自造此语殊不知亦有所本予在临安见平江梅知录云隋炀帝诗云寒鸦千万点流水遶孤邨少游用此语也又予尝读李义山效徐陵体赠更衣诗云轻寒衣省夜金斗熨沉香乃知少游词玉笼金斗时熨沉香袖与睡起熨沉香玉腕不胜金斗其语亦有来处【艺苑雌黄】

少游小词奇丽咏歌之下想见其神情在绦阙道山之间【释觉范】

秦少游在蔡州与营妓委婉字东玉者甚密赠之词云小楼连苑横空又云玉佩丁东别後者是也又赠妓陶心儿云天外一钩斜月带三星谓心字也【高斋词话】

莺花亭诗序云秦少游水边沙外之词盖在括苍监征时所作予至郡徐子礼提举按部来迎初予作小亭记少游旧事又取词中语名之曰莺花亭赋诗六绝而去明年亭成次韵寄之诗曰滩长石出水平堤城郭西头旧小溪游子断魂招不得秋来春草更萋萋愁边逢酒却成憎衣带宽来不自胜烟水苍茫沙外路东风何处挂枯藤垆下三年世路穷蚁封盘马竟难工千山虽隔日边梦犹到平阳池馆中文章光焰照金闺岂是遭逢乏圣时纵有百身那可赎琳琅空见万篇垂山碧丛丛四打围烦将旧恨访黄鹂缬林霜後黄鹂少须是愁红万点时古藤阴下醉中休谁与低眉唱此愁团扇他年书好句平生知己识儋州【范成大石湖集】

少游自会稽入都见东坡东坡曰不意别後公学柳七作词耶少游曰某虽无学亦不如是东坡曰销魂当此际非柳七语乎坡又问别作何词少游举小楼连苑横空下窥绣毂雕鞍骤东坡曰十三个字只说得一个人骑马楼前过少游问公近作乃举燕子楼空佳人何在空锁楼中燕晁无咎曰只三句便说尽张建封事【高斋词话】少游蹋莎行为郴州旅舍作也山谷曰此词高绝但斜阳暮为重出欲改斜阳为帘栊范元实曰只看孤馆闭春寒似无帘栊山谷曰亭传虽未有帘栊有亦无碍范曰词本摹写牢落之状若曰帘栊恐损初意今郴州志竟改作斜阳度余谓斜属日暮属时不为累何必改也东坡回首斜阳暮美成鴈背斜阳红欲暮可法也【苕溪渔隐】少游子处度亦多好词山谷极称赏之如藕叶清香胜花气一时盛传【古今词话】

范元实为人凝重尝在歌舞之席终日不言一妓问公亦解词曲否范笑曰吾乃山抹微云女

堦也草堂诗余亦有范元实词【乐府纪闻】

张文潜十七岁作函关赋从东坡游元佑中在秘阁上巳日集西池张咏云翠浪有声黄鵠动春风无力彩旌垂少游云帘幕千家锦绣垂同人笑曰又将入小石调也因文潜作大石调风流子故云【尧山堂外纪】

文潜官许州喜营妓刘氏为作少年游云含羞倚醉不成歌纖手掩香罗偎花映竹偷传深意酒思入横波看朱成碧心迷乱翻脉脉歛双蛾相见时稀隔别多又春尽奈愁何其後去任又为秋蕊香寓意云帘幕踈踈风透一线香飘金兽朱阑倚徧黄昏後廊下月华如昼别离滋味浓如酒令人瘦此情不及墙东柳春色年年依旧元佑诸公皆有乐府惟张仅见风流子及此二词味其句意不在诸公之下矣【苕溪渔隐】

晁补之自称济北词人有鸡肋词逃禅词近代词家自秦七黄九外无咎未必多逊【陈质斋】

政和癸巳大晟乐府告成蔡元长荐晁次膺赴阙下会禁中嘉莲生进并叶芙蓉词称旨充大晟协律【能改斋漫录】晁冲之政和间作汉宫春咏梅献蔡攸攸以进其父京曰今日於乐府中得一人因以大晟府丞用之【古今词话】陈後山自谓他文未能及人独词不减秦七黄九其自矜如此【苕溪渔隐】

晁无咎出小鬟佐饮後山作减字木兰花赠之云娉娉嫋嫋芍药枝头红样小舞袖低回心到郎边客已知金尊玉酒劝我花前千万壽莫莫休休白发簪花我亦羞【古今词话】

东坡守杭毛滂为法曹掾常眷一妓秩满当辞留连惜别赠以惜分飞词明日东坡宴客妓即歌此词侑酒云泪湿阑干花着露愁到眉峰碧聚此恨平分取更无言语空相觑断雨残云无意绪寂寞朝朝暮暮今夜山深处断魂分付潮回去东坡问是谁作妓愀然以毛法曹对东坡语坐客曰郡寮有词人而不及知某之罪也折柬追还为之延誉滂以此得名【乐府纪闻】

毛泽民惜分飞词语尽而意不尽意尽而情不尽陈质斋云滂他词虽工未有能及此者【周輝】

程正伯东坡中表之戚其酷相思四代好折红英俱佳故盛以词名独尤尚书以为正伯之文过於词【词品】沉水熨香年似日薄云垂帐夏如秋书舟佳句也【古今词话】乌程朱行中历官礼部侍郎坐与苏轼游贬海州团练副使至东阳郡斋作渔家傲以寄意云小雨纖纖风细细万家杨柳青烟里恋树湿花飞不起愁无际和春付与东流水九十春光能有几金龟解尽留无计寄语东阳沽酒市一醉而今乐事他年泪读其词想见其人不愧为东坡党也【乌程旧志】

御选历代诗余卷一百十五

# 卷一百十六

<集部,词曲类,词选之属,御选历代诗余

钦定四库全书

御选历代诗余卷一百十六

司经局洗马掌局事兼翰林院修撰加二级【臣】王奕清奉旨校刊

词话【宋三】

元佑时宗室能词者衆如嗣濮王仲御瑶台第一层词有云嶰管声催人报道嫦娥步月来凤灯鸾炬寒轻珠箔光泛楼台欢陪千官万骑九霄人在五云堆赭?光里星球宛转花影徘徊又安定郡王令時尝夜过东坡家饮梅花下曾有题会真记凤栖梧云锦额重帘深几许只是低头怕受他人顾强出娇嗔无一语绦绡频掩酥胸素见聊复集【古今词话】

赵德麟元佑中知行在大宗正事有蝶恋花词云欲减罗衣寒未去不卷珠帘人在深深处残杏枝头花几许啼红正恨清明雨尽日水沉香一缕宿酒醒迟恼破春情绪飞燕又将归信悞小屏风上西江路【词苑】

王直方诗话云白藕作花风已秋不堪残睡更回头晚云带雨归飞急去作西牕一夜愁此赵德麟细君王氏所作也德麟鰥居因见诗遂与之为姻则此诗乃二十八字媒也德麟赠以小词有脸薄难藏泪眉长易觉愁之句人多称之乃用香奁集中桃花脸薄难藏泪柳叶眉长易觉愁之句耳【苕溪渔隐】

驸马王晋卿乐府清丽幽远工在江南诸贤季孟之间【黄庭坚】

王晋卿歌姬名啜春莺晋卿得罪外谪姬为密县人所得晋卿南还至汝陰道中闻歌声曰此啜春莺也访之果然赋诗云佳人已属沙吒利义士曾无古押衙有足成之者云回首音尘两沉絶春莺休啜上林花寻复归晋卿晋卿有人月圆烛影摇红花发沁园春诸调【西清诗话】贺铸东山乐府絶妙一世盛丽如游金张之堂妖冶如揽嫫施之祛幽索如屈宋悲壮如苏李【张文潜】

方回少为武弁以定力寺一絶句见赏王荆公知名当世小词有梅子黄时雨之句人呼为贺梅子方回寡发郭功甫指其髻曰此真贺梅子也【周紫芝】

方回小筑在苏之横塘有青玉案词云凌波不过横塘路但目送芳尘去锦瑟年华谁与度月

台花榭琐窗珠户惟有春知处碧云冉冉蘅皋暮彩笔新题断肠句试问闲愁都几许一川烟草满城风絮梅子黄时雨黄山谷赠以诗曰解道江南肠断句只今惟有贺方回其为前辈推重如此【吴中纪闻】

寇莱公诗云杜鹃啼处血成花梅子黄时雨如雾世推方回梅子黄时雨为绝唱盖莱公语也【潘子真】

方回有鴈後归词云巧翦合欢罗胜子钗头春意翩翩艳歌浅笑拜嫣然愿郎宜此酒行乐驻华年末至文园多病客幽襟凄断堪怜旧游梦挂碧云边人归落鴈後思发在花前山谷守当涂方回过焉人日席上作也调本临江仙山谷以方回用薛道衡诗易名鴈後归云耳【复斋漫录】

方回眷一姝别久姝寄诗云独倚危阑泪满襟小园春色嬾追寻深恩纵似丁香结难展芭蕉一寸心贺因赋石州引词先叙分别时景色後用所寄诗语有芭蕉不展丁香结之句【能改斋漫录】

词句欲全篇皆好极为难得如贺方回淡黄杨柳带栖鸦之句写景可谓造微入妙若其全篇皆不逮矣【苕溪渔隐】天台陈子高元丰间名士吕安老师建康辟为参议有赤城词【耆旧续闻】

子高菩萨蛮云几处簾钱声绿牕春梦轻谒金门云檀炷绕窗灯背壁画檐残雨滴殊觉其香倩【卢祖皋】子高词格高丽晏周之流亚也【陈质夫】

王通叟元佑中官翰林宣仁谪之自号逐客词名冠柳其踏青一词风流楚楚又不独冠柳词之上也【黄昇】逐客词风格不高以冠柳自名则可见矣【陈质斋】

王逐客冬景天香词云霜瓦鸳鸯珠帘翡翠今年又是寒早矮钉明窗窄开朱户切莫乱教人到重阴不解云共雪商量未了青帐垂氈要密锦缝放帟宜小呵梅弄妆试巧绣罗襦瑞云芝草共我语时同语笑时同笑已被金尊劝倒更唱个新词故相恼尽道穷冬元来恁好涪翁见而赏之且曰此曲一处所一物色无一不是严冬萧索之境但仔细详味之略无半点酸寒憔悴之意亦善於造语者矣【古今词话】

王通叟少年游宦长安负不羁之才颇饶逸韵辇下欣慕者衆後数年复至旧游多有存者仍寓意焉遂作感皇恩一曲有长安重到人面依然似花好之句【古今词话】米元章与周熟仁试赐茶於甘露寺作满庭芳词墨蹟为世所重其警句云轻涛起香生玉麈雪溅紫瓯圆推为独绝【襄阳书画考】

俞秀老弟清老名字见王介甫黄鲁直集中诗词传世虽少亦间见於文蕴等编叶石林诗话误以为扬州人按鲁直答清老寒夜三诗其一引牧羊金华山黄初平事盖黄上世亦出金华

也近览智者草堂所藏张公诩青溪图有秀老手题临江仙一阕後书金华俞紫芝不知石林何以误也此词世少知者錄於後弄水亭前千万景登临不忍空回水轻墨淡写蓬莱莫教世眼容易洗尘埃收去雨昏都不见展时还似云开先生高趣更多才人人尽道小杜却重来【能改斋漫錄】

谢无逸常过黄州杏花村馆题江神子词於驿壁过者传写索笔於驿卒卒苦之因以泥涂焉其为人所赏重可知【复斋漫錄】

谢无逸花心动一词句句用比方小雅鹤鸣篇体也【沈际飞】无逸弟邁字幼盘有竹友词云其减字木兰花赠奕妓宋瑶云风篁度曲倦倚银屏初睡足清簟疎帘金鸭香消嬾去添纖纖玉露风篁纵横飞钿局频歛双蛾凝竚无言密意多【古今词话】

汪彦章舟行汴中见岸傍画舫有映帘而观者止见其额作词云小舟帘隙佳人半露梅妆额綠云低映花如刻恰似秋宵一半银蟾白髻儿梢朶香红仿钿蝉隐隐摇金碧春山秋水浑无迹不露墙头些子真消息醉落魄调也【苕溪渔隐】

王彦龄高才不羈为太原掾官尝作青玉案望江南词以嘲帅与监司监司闻之大怒责之彦龄敛板向前曰某居下位尝恐被人谗只是曾填青玉案如何敢做望江南请问马初监时马初监者适与彦龄竝坐惶恐亟自辩诉既退尤彦龄曰某初不知何乃以某为证彦龄笑曰乃借公趁韵幸勿多怪【轩渠錄】

李冠蝶恋花词云遥夜亭皋闲信步才过清明渐觉伤春暮数点雨声风约住朦胧淡月云来去张子野云破月来花弄影不如冠之朦胧淡月云来去也【王安石】徽宗天才甚高诗文之外尤工长短句尝作探春令云帘旌微动峭寒天气龙池冰泮杏花笑吐香犹浅又还是春将半清歌妙舞从头按等芳时开宴记去年对着东风曾许不负莺花愿又有聒龙謡临江仙燕山亭等篇皆清丽凄惋【能改斋漫錄】

宣和初雅乐新成八音告备因作徵招角招有曲名黄河清慢者词曰晴景初升风细细云收天淡如洗望外凤凰城阙葱葱佳气朝罢香烟满袖侍臣报天顔有喜夜来频得封章大河彻底清泚君王壽与天齐馨香动上穹频降祥瑞大晟奏功六乐初调宫徵合殿薰风乍转万花覆千官尽醉内家传诏重开宴未央宫里此词音调极韶美入大晟乐府天下无问遐迩大小虽伟男髻女皆争唱之【铁围山丛谈】

万俟雅言自号词隐崇宁中充大晟府制撰与晁次膺按月进词其清明应制一词尤佳即见梨花初带夜月海棠半含朝雨之词也【古今词话】

雅言之词词之圣者也发妙音於律吕之中运巧思於斧凿之外平而工和而雅比之刻琢句意求精丽者远矣【花庵词客】



周邦彦以进汴都赋得官徽庙时提举大晟乐府每制一词名流辄为赓和东楚方千里乐安杨泽民全和之或合为三英集行世【古今词话】

美成词摹写物态曲尽其妙自题所居曰顾曲堂【强焕】美成词多用唐人诗句櫟括入律浑然天成长调尤善铺叙富艳精工词人之甲乙也【陈质斋】

作词当以清真集为主盖美成最知音故下字用韵皆有法度【沈伯时】

王都尉有忆故人词云烛影摇红向夜阑乍酒醒心情嬾尊前谁为唱阳关离恨天涯远无奈云沉雨散凭阑干东风泪眼海棠开后燕子来时黄花庭院徽宗喜其词意犹以为不尽宛转遂令大晟乐府别撰腔周美成增损其词而以首句为名谓之烛影摇红云芳脸匀红黛眉巧画宫妆浅风流天付与精神全在娇波眼早是萦心可惯向尊前频频顾盼几回相见见了还休争如不见烛影摇红夜来饮散春宵短当时谁会唱阳关离恨天涯远争奈云收雨散凭阑干东风泪满海棠开后燕子来时黄昏庭院【古今词话】

周美成在姑苏与营妓岳楚云相恋后从京师过吴则岳已从人矣因饮太守蔡峦席上见其妹乃赋点绛唇词寄之云辽鹤归来故人多少伤心事短书不寄鱼浪空千里凭仗桃根说与相思意愁无际旧时衣袂犹有东风泪楚云得词感泣累日【夷坚志】

周美成咏梅调寄花犯云粉墙低梅花照眼依然旧风味露?轻缀拟净洗铅华无限清丽去年胜赏曾孤倚冰盘共宴喜更可惜雪中高士香篝熏素被今年对花太匆匆相逢似有恨依依憔悴凝望久青苔上旋看飞坠相将见脆圆荐酒人正在空江烟浪里但梦想一枝潇洒黄昏斜照水此只咏梅花而纤徐反覆道尽二年间事其词尤圆美流转如弹丸【黄昇】

美成为溧水令主簿之姬有色而慧每出侑酒美成为风流子以寄意云新绿小池塘风帘动碎影舞斜阳美金屋去来旧时巢燕土花缭绕前度莓墙绣阁凤帏深几许听得理丝簧欲说又休虑乖芳性未歌先咽愁近清觞遥知新妆了开朱户应自待月西厢最苦梦魂今宵不到伊行问甚时说与佳音密耗寄将秦镜偷换韩香天便教人霎时厮见何妨新绿待月皆主簿厅轩名【挥尘录】

美成至汴主角妓李师师家为赋洛阳春师师欲委身而未能也一夕徽宗幸师师家美成仓卒不能出匿复壁间遂制少年游以纪其事徽宗知而遣发之师师饯送美成复作兰陵王咏柳词有长亭路年去岁来应折柔条过千尺之句师师归而歌之闻於徽宗即留为大晟府待制【耆旧续闻】

美成以待制提举南京鸿庆宫自杭徙居睦州梦中作瑞鹤仙一阕既觉犹能全记了不详其所谓也未几遇方腊之乱欲还杭州旧居而道路兵戈已满仅得脱免入钱塘门见杭人仓卒奔避如蜂屯蚁沸视落日在鼓角楼檐间即词中所谓斜阳映山落敛余霞犹恋孤城阑角者应矣旧居既不可往是日无处得食忽稠人中有呼待制何往者乃乡人之侍儿素所识也且

日日旻必未食能舍车过酒家乎美成从之惊遽间连引数杯腹枵顿解则词中所谓凌波步弱过短亭何用素约有流莺劝我重解绣鞍缓引春酌之句应矣饮罢觉微醉耳目惶惑不敢少留乃径出城北江涨桥断诸寺士女已盈满不能驻足独一小寺经阁偶无人遂宿其上即词中所谓不记归时早暮上马谁扶醒朱阁者应矣已闻两浙尽为贼据因自计方领南京鸿庆宫有斋厅可居乃挈家往焉则词中所谓念西园已是花深无地东风何事又恶任流光过了归来洞天自乐之句又应矣美成生平好作乐府末年梦中得句而字字皆应岂偶然哉【玉照新志】

姑苏官妓苏琼行第九蔡元长过苏州太守召佐饮元长闻琼能词因命即席为之并限以九字为韵琼即献词曰韩愈文章盖世谢安情性风流良辰美景在西楼敢劝一卮芳酒记得南宫高选弟兄争占鳌头金鑪玉殿瑞烟浮高占甲科第九盖元长奏名第九也【能改斋漫录】徐伸政和初以知音律为大常典乐所着青山乐府多杂调惟二郎神一曲天下称之词云闷来弹鹊又搅碎一帘花影漫试着春衫还思纖手熏彻金猊烬冷动是愁端如何遣但怪得新来多病嗟旧日沈腰而今潘鬓不堪临镜重省别时泪渍罗襟犹凝料为我恹恹日高慵起长托春醒未醒鴈足不来马蹄难去门掩一庭芳景空竚立尽日阑干倚徧昼长人静【花庵词客】

曹组咏梅词皆有佳句其蓦山溪云竹外一枝斜想佳人天寒日暮用东坡竹外一枝斜更好句可谓入神其好事近云一阵暗香飘处已不胜愁絶亦何减孤山风致【词品】

元宠六举不第着铁砚篇自励宣和中成进士有宠於徽宗曾赏其如梦令风弄一枝花影及点绛唇暮山无数归鴈愁边度句徽宗又手书眉峰碧词问其出处真蹟藏其家【松窓录】

吕圣求在宋不甚着名而词极工词选载有望海潮醉蓬莱扑蝴蝶近惜分钗薄幸选冠子百宜娇豆叶黄鼓笛慢词调佳处不让少游即东风第一枝咏梅亦何减东坡之绿毛么凤也但疑中兴後不复有此等词【杨慎】圣求词婉媚深窈视美成耆卿伯仲【黄昇】

李持正上元明月逐人来词云星河明澹春来深浅红莲正满城开徧禁街行乐暗尘香拂面皓月随人近远天半鳌山光动凤楼西观东风静珠帘不卷玉辇待归云外闻弦管认得宫花影转苏子瞻见之曰好个皓月随人近远【古今词话】

苏养直名伯固与东坡同族坡集中有送伯固兄还吴诗其清江曲有属玉双飞水满塘句当时盛传词亦工如醉眠小坞黄茅店梦倚高城赤叶楼鹧鸪天之佳句也【词品】

何大圭小重山有玉船风动酒鳞红句如云锦月鈎夺造化之巧【高耻庵】

宣和中宋齐愈为太学官徽宗召对曰卿文章新奇可作梅词进呈须是不经人道语齐愈立进眼儿媚云霏霏疎影转征鸿人语暗香中小桥斜度曲屏深院水月蒙蒙人间不是藏春处玉笛晓霜空江南处处黄垂密雨绿涨薰风徽宗称善次日谕近臣曰宋齐愈梅词非惟不经

人道且自开花说至结子黄熟并天气亦言之可谓尽致矣【宣和遗事】

夏均父宣和庚子迁祁阳酒官过浯台爱其山水奇秀谓非中州所有作减字木兰花词云江涵晓日荡漾波光摇桨入笑指浯溪漫叟雄文鎖翠微休嗟不偶归到中州何处有独立风烟湘水浯台總接天【能改斋漫录】向子諲有梅花引戏代李师周作即所传花如颊眉如叶小时笑弄堦前月是也又有席上赠侍儿轻轻殢人娇词云白似雪花柔於柳絮蝴蝶儿镇长一处春风骀荡蓦然吹去争得倩游丝半空惹住波上精神掌中态度分明彩云团做当年飞燕从今不数只恐是高唐梦中神女【古今词话】

芑林居士步趋苏堂而哿其截者也【胡寅】

宣和壬寅蔡伸道与向伯恭同为大漕属官向有词云凭书续断肠蔡因感而作南乡子云木落鴈南翔锦鲤殷勤为渡江泪墨银钩相忆字成行滴损云笺小凤凰陈事费思量回首烟波卷夕阳尽道凭书聊破恨难忘及至书来更断肠【古今词话】

李邴少年日作汉宫春词脍炙人口所谓问玉堂何似茅舍疎篱者是也政和间自书省丁忧归山东服终造朝举国无与立谈者方怅怅无计时王黼为首相忽遣人招至东阁开宴延之上坐出其家姬数十人皆绝色也酒半羣唱是词以侑觞大醉而归数日有馆阁之命不数年遂入翰苑【玉照新志】

李汉老有美人书字一阙为云龔集中之最纖丽者调寄玉楼春云沉吟不语晴牕畔小字银钩题欲徧云情散乱未成篇花骨敲斜终带软重重说尽情和怨珍重提携常在眼暂时得近玉纖纖翻美镂金红象管【古今词话】

刘一止有晓行喜迁莺一阙即晓光催角听宿鸟未惊邻鸡先觉之词也一时盛传号刘晓行【陈质斋】

何文缜政和丙申进士第一靖康中尽节名臣也少时会饮贵戚家侍儿惠柔慕公丰标解幌为赠约牡丹时再集何赋虞美人词云分香幌子柔蓝腻欲去殷勤惠重来约在牡丹时只恐花枝相妬故开迟别来看尽闲桃李日日阑干倚催花无计问东风梦作一双蝴蝶遶芳丛【乐府纪闻】

侯蒙少游場屋年三十有一始得乡贡人以其年长貌寝不之敬有轻薄子画其形於纸鸢上引线放之蒙见而大笑作临江仙词题其上曰未遇行藏谁肯信如今方表名踪无端良匠画形容当风轻借力一举入高空才得吹嘘身渐稳只疑远赴蟾宫雨余时候夕阳红几人平地上看我碧霄中竟一举登第年未四十遂为执政【夷坚志】

谢克家作忆君王词云依依宫柳拂宫墙楼殿无人春昼长燕子归来依旧忙忆君王月照黄昏人断肠语意悲凉读之使人堕泪真忧君忧国之语【鼠璞】

胡浩然在北宋时代氏籍俱未详选词家俱薄其声口庸俗然如元夕传言玉女云艳妆初试把珠帘半揭娇羞向人手捻玉梅低说相逢长是上元佳节情致斐亹亦人所不易到【草堂笺】

宣和间上元张灯许士女纵观各赐酒一杯一女子窃所饮金杯卫士见之押至御前女诵鹧鸪天云月满蓬壶灿烂灯与郎携手至端门贪看鹤阵笙歌举不觉鸳鸯失却羣天渐晓感皇恩传宣赐酒饮杯巡归家恐被翁姑责窃取金杯作照凭徽宗大喜以金杯赐之令卫士送归【宣和遗事】

陈东靖康间尝饮於京师酒楼有倡向座而歌东不之顾乃去倚阑独立歌望江南词音调清越东不觉倾听视其衣服故敝时以手揭衣爬搔肌肤绰约如雪乃复召使前再歌之其词曰阑干曲红扬绣帘旌花嫩不禁纖手捻被风吹去意还惊眉黛蹙山青铿铁板闲引步虚声尘世无人知此曲却骑黄鹤上瑶京风冷月华清东问何人所制曰上清蔡真人词也歌罢得数钱即下楼亟追之已失所在矣【夷坚志】

波子山宿州狱掾也昵营妓张温卿於南京途次作剔银灯以忆之云一夜隋河风劲霜混水天如镜古柳长堤寒烟不起波上月流无影那堪嬾听疎星外离鸿相应须信情多是病酒到愁肠还醒数叠罗衾余香未减甚时枕鸳重竝教伊须更将兰约见时先定【古今词话】僧仲殊本安州进士妻以药毒之遂为僧时食蜜以解其毒东城呼为蜜殊每於禁烟时置酒待宾客谓之看花局其填词甚多小令为最小令中诉衷情为最【花庵词客】洪觉范善作小词情思婉约似少游仲殊参寥皆不能及【许顗】

洪觉范留南昌登秋屏阁望西山而有归志赋浪淘沙【冷斋夜话】

僧祖可字正平苏伯固子与陈师道谢逸结江西诗社其小重山词最工吴虎臣曰正平工诗长短句尤佳何世徒称其诗也【东溪词话】

朱晦庵曰本朝妇人能词者惟李易安魏夫人二人而已黄玉林曰李易安魏夫人使在衣冠之列当与秦七黄九争雄不徒擅名闺阁也【古今词话】

李易安元宵永遇乐云落日熔金暮云合璧词已自工致至於染柳烟轻吹梅笛怨春意知几许气象更好後段云於今憔悴风鬟霜鬓怕是夜间出去皆以寻常语度入音律愈平淡愈精巧其声声慢云寻寻觅觅冷冷清清凄凄惨惨戚戚乃公孙大娘舞劒手本朝非无能词之士从未有一气下十四个叠字者後叠又云到黄昏点点滴滴又使叠字俱无斧凿痕守着牕儿独自怎生得黑黑字不许第二人押妇人中有此奇笔真间气也【张正夫】

前辈称易安绿肥红瘦为佳句余谓宠柳娇花语亦甚奇俊前此未有能道之者【黄昇】

李易安以重阳醉花陰词寄其夫赵明诚明诚叹絶苦思求胜之废寝食者三日得五十阙杂

易安词於中以示友人陆德夫陆玩之再三谓只三句絶佳莫道不消魂帘卷西风人比黄花瘦正易安词也【卿嬛记】

李清照有清露晨流新桐初引之句用世说入妙【词品】魏夫人曾子宣丞相内子有江城子卷珠帘诸曲脍炙人口其尤雅正者则有菩萨蛮云溪山掩映斜阳里楼台影动鸳鸯起隔岸两三家出墙红杏花緑杨堤下路早晚溪边去三见柳絮飞离人犹未归深得国风卷耳之遗【雅编】

宣和间有女子幼卿题词陕府驿壁云极目楚天空云雨无踪漫留遗恨鎖眉峰自是荷花开较晚辜负东风客馆叹飘蓬聚散匆匆扬鞭那忍骤花骢望断斜阳人不见满袖啼红盖卖花声也【能改斋漫録】

御选历代诗余卷一百十六

# 卷一百十七

钦定四库全书

御选历代诗余卷一百十七

司经局洗马掌局事兼翰林院修撰加二级【臣】王奕清奉旨校刊

词话【南宋一】

光尧当内修外攘之际尤以文德服远至於宸章睿藻日星昭垂者非一绍兴二十八年将郊祀有司以太常乐章篇序失次文义弗协请遵真宗仁宗朝故事亲制祭享乐章诏从之自郊社宗庙共十有四章肆笔而成睿思雅正宸文典贍所谓大哉王言也至於一时闲适寓景而作则有渔父词十五章又清新简远备骚雅之体其词有曰薄晚烟林澹翠微江边秋月已明辉纵远舵适天机水底闲云片段飞又曰青草开时已过船锦鳞跃处浪痕圆竹叶酒柳花蘊有意沙鸥伴我眠又曰水涵微影澹虚明小笠轻蓑未要晴明镜里縠纹生白鹭飞来空外声词不能尽载观此数篇虽古之骚人

词客老於江湖擅名一时者不能企及【廖莹中江行杂录】慈寧殿赏牡丹时椒房受册三殿极欢高宗洞達音律自制曲赐名舞杨花停觴命小臣赋词令内人歌之以玉卮侑酒为壽左右皆呼万岁词云牡丹半坼初经雨雕檻翠幕朝阳娇困倚风台榭遶羣芳洗烟凝露向清晓步瑶池月里霓裳轻笑淡拂宫黄浅拟飞燕新妆杨柳啼鸦昼永正秋千亭馆风絮池塘三十六宫簪艳粉浓香慈寧玉殿庆清赏占东君谁比花王良夜高烛荧煌影里留住年光此康伯可乐府所载高宗又尝使御前画工写曾海野喜容带牡丹一枝命吕本中作赞云一枝国艳两鬓东风高宗大喜【贵耳录】

绍兴中禁中避暑多御复古选德殿及翠寒堂纳凉长松修竹浓翠蔽日层峦奇岫静窈窕深寒瀑飞空下注大池可十亩池中红白菡萏万柄盖园丁以瓦盎别种分列水底时易新者庶几美观又置茉莉素馨建兰麝香藤朱槿玉桂红蕉闍婆薝卜南花数百盆於广庭鼓以风轮清芬满殿御榻两旁各设金数十架冰雪如山纱前後皆悬挂伽兰木真蜡龙涎等香珠百余蔗浆金盃珍果玉壶初不知人间有尘暑也洪景卢学士尝赐对於翠寒堂当三伏中战栗不可久立高宗问故遣中贵人以北绡半臂赐之则境界可想见矣景卢作词纪恩而出【周密岁时记】

隆兴元年五月三日晚胡铨侍上於内殿之秘阁蒙赐金凤牋就所御玉管笔并龙脑墨凤珠研又赐以花藤席命铨视草毕唤内侍司满头花备酒上御玉荷杯铨用金鸭杯令潘妃唱贺新郎兰香执玉荷杯上自注酒赐铨曰贺新郎者朕自贺得卿也酌以玉荷杯者示朕饮食与卿同器也铨再拜谢贺新郎词中有所谓相见了又重午上曰今重午不数日矣词中又有湘

江旧俗之句上曰卿流落海岛二十余年得不为屈原之葬鱼腹者皆天地祖宗之灵留卿以辅朕也銓流涕上亦黯然俄而迁坐进入宝羹洗盏更酌上命潘妃执玉荷杯唱万年欢此词乃仁庙所制上饮讫亲唱一曲名喜迁莺且谓銓曰朕每在宫中不妄作歌祇侍太上宴时有旨令唱始作之今夕与卿相会朕意甚欢故作此乐卿耳又曰昨朕苦嗽故声音稍涩卿勿嫌銓奏曰太上退闲陛下御宇正当勉力恢复然此孝养亦宜时有上曰卿真忠臣也汉之汲黯唐之魏徵亦不过是上又问銓在海南时所作诗文銓一一奏对时漏已四下上又凭阑四望顷之天竺钟声已动御苑已鸦噪矣【澹庵老人玉音问答】

乾道三年三月初十日上遣使至德壽宫奏知太上连日天气甚好欲一二日间恭请车驾幸聚景园看花取自圣意选定一日太上云传语官家备见圣孝春和景明正可游豫但出去祇为看花今本宫後园亦有几株好花不若来日请官家过来闲看遂遣提举官同到南内奏过遵依讫次日进早膳後车驾与皇后太子过宫起居二殿讫先至灿锦亭进茶宣召知阁门并两府以下六员侍宴同至後苑看花两廊并是小内侍及幕士全效西湖铺放珠翠花朵翫具足帛及花篮鬪竿市食等许从内人关扑次至球场看小内侍抛彩球蹴秋千又至射厅看百戏依例宣赐回至清妍亭看茶蘼就登御舟遶堤闲游亦有小舟数十只供应杂艺嘌唱鼓板蔬菓与湖中一般太上倚阑闲看适有双燕掠水飞过传旨令曾觐制词遂进阮郎归云柳陰庭院占风光呢喃春昼长碧波新涨小池塘双双蹴水忙萍散漫絮悠扬轻盈体态狂为怜流去落红香衔将归画梁既登舟知阁张抡进柳梢青云柳色初匀余寒似水纖雨如尘一阵东风縠纹微皱碧沼鳞鳞仙娥花月精神奏凤管鸾弦鬪新万岁声中九霞杯内长醉芳春曾觐和进云桃靨红匀梨腮粉薄鸳径无尘凤阁凌虚龙池澄碧芳意鳞鳞清时酒圣花神看内苑风光又新一部仙韶九重鸾仗天上长春各有宣赐次至静乐堂看牡丹进酒三盏太后邀太皇官家同到刘婉容奉华堂聽摘阮奏曲罢婉容进茶讫遂奏太后云近教得二女童琼华緑华并能琴阮下碁写字画竹背诵古文欲得就纳於官家遂令各呈技艺并进自制阮谱三十曲太后遂宣赐婉容宣和殿玉轴沉香槽三峡流泉正阮一面白玉九芝道冠北珠缘领道氎银三百两绢三百疋会子一百万贯是日三殿并醉西牌还内自此官家知圣意不欲频出劳人遂奏知命修内司於北内後苑建造冷泉堂叠巧石为飞来峯开展大池引注湖水景物并如西湖其西又建大楼取苏轼诗句名曰聚远并是上御名恭书又御制堂记太上赋诗令上恭和刻石是岁翰苑进端午帖子云聚远楼前面面风冷泉堂下水溶溶人间炎热何由到正是瑶台第一重又曰飞来峯下水泉清台沼经营不日成境趣自超尘世外何须方士覓蓬瀛皆纪实也【乾淳起居注】

淳熙六年春车驾迎太上太后游聚景园乘步輦至瑶津西轩都管刘景进新制泛兰舟曲各赐银绢是岁太上圣壽七十有三上亲捧玉酒船进太上酒斟酒入船则船中人物花草俱动太上饮尽又至锦壁赏花有牡丹十余丛各有牙牌金字为记又另采数千朵插水精玻璃天青汝窑金瓶中太上前又独设沉香桌列白玉碾花商尊高三尺径一尺三寸上插照殿红十五枝随驾各官皆赐两面翠叶滴金牡丹御书扇沉香为柄知阁张抡进壶中天一阕云洞天深处赏娇红轻玉高张云幕国艳天香相竞秀琼蕊清光如昨露洗妖妍风传馥郁云雨巫山约春浓似酒五云台榭楼阁圣代治功成一尘不动四境无鸣柝屡有丰年天助顺基业增隆山岳两世明君千秋万岁永享昇平乐东皇呈瑞更无一片花落【西湖志余】

淳熙八年元日上坐紫宸殿引见讫即率皇后皇太子太子妃至德壽宫行朝贺礼是岁太上圣壽七十有五欲再行庆壽礼太上不许至是乃密进黄金酒器二千两上侍太上於栲木堂香阁内说话宣押某待诏并小说孙奇等十四人下碁两局各赐银绢讫官家恭请太上太后来日就南内排当初二日进早膳讫遣太子到宫恭请官家亲至殿门拱迎亲扶太上降辇至损斋进茶次至清燕殿闲看书画翫器约午时初後苑供进酥酒十色熬煮午正三刻就凌虚排当进酒三盏至萼绿华堂看梅上进银三万两会子十万贯太上云此无用钱处不须得上再三奏请止受三分之一未初雪大下正是腊前太上官家大喜云今年正欠些雪可谓及时太上云雪却甚好但恐长安有贫者上奏云已令有司比去年倍数支散矣太上亦命提举官於本宫支拨官会照朝廷数目发下临安府支散贫民一次又移至明远楼张灯进酒节使吴琚进喜雪水龙吟词云紫皇高宴仙台双成戏擊璫苞碎何人为把银河水翦甲兵都洗玉樣乾坤八荒同色了无尘翳喜冰消太液暖融鵲端门晓班初退圣主忧民深意转鸿钧满天和气太平有象三宫二圣万年千岁双玉杯深五云楼迴不妨频醉细看来不是飞花片片是丰年瑞太上大喜赐镀金酒器二百两细色段疋复古殿香羔儿酒?太后命本宫歌板色歌此曲进酒太上尽醉一更後宣轿儿入便门上亲扶上辇还宫【乾淳起居注】

淳熙九年八月十五日驾过德壽宫起居太上留坐至乐堂进早膳毕命小内侍进彩竿垂钓上皇曰今日中秋天气甚清夜间必有好月色可少留看月上恭领圣旨索车儿同过射厅观御马院使臣打球进市食看水傀儡晚宴香远堂堂东有万岁桥长六丈余并用吴璘进到玉石甃成四畔雕镂栏檻莹彻可爱桥中心作四面亭用白栲木盖造极为雅洁大池十余亩皆是千叶白莲凡御榻御屏酒具香奩器用并用水精南岸列女童五十人奏清乐北岸芙蓉阁一带并是教坊近二百人待月初上箫韶齐举缥缈相应如在霄汉既入座乐少止太上召刘贵妃令独吹白玉笙霓裳中序上自起执玉杯奉两殿酒并以金嵌宝注碗杯盘?物赐贵妃侍宴官开府曾觐恭进壶中天慢一首云素飀扬碧看天衢稳送一轮明月翠水瀛壶人不到比似世间秋别玉手瑶笙一时同色小按霓裳叠天津桥上有人偷记新阕当日谁幻银桥阿瞞儿戏一笑成痴絶肯信羣仙高宴处移下水精宫阙云海尘清山河影满桂冷吹香雪何劳玉斧金瓯千古无缺上皇大喜曰从来月词不曾用金瓯事可谓新奇赐金束带紫番罗水晶注盃一副上亦赐宝盞古香至一更五点还内是夜隔江西兴亦闻天乐之声【乾淳起居注】

淳熙十年八月十八日上诣德壽宫恭请两殿往浙江亭观潮进早膳讫御辇及内人车马并出候潮门先是命修内司於浙江亭两旁?缚蓆屋五十间至是并用彩纈幕帘得旨从驾百官各赐酒食并免侍班从便观看先是澈浦金山都统司水军五千人抵江下至是又命殿司新刺防水军临安府水军并行阅试军船摆布西兴龙山两岸近千只管军官於江面分布五阵乘骑弄旗标枪舞刀如履平地点放五色烟炮满江及烟收炮息则诸船尽藏不见一只奉旨自管军官以下并行支犒一次自龙山以下贵邸豪民彩幕凡二十余里车马駟阬几无行路西兴一带亦皆?缚幕次彩绣照江有如铺锦市井水人弄潮儿?凡百余人皆手持十幅彩旗踏浪争雄直至海门迎潮又有踏混水傀儡水百戏撮弄等各呈技艺并有支赐太上喜见顔色曰钱塘形胜东南所无上起奏曰钱塘江潮亦天下所无有也太上宣谕侍宴官令各赋诗江月一曲至晚进呈太上以吴琚为第一其词云玉虹遥挂望青山隐隐一眉如抹忽觉



天风吹海立好似春霆初发白马凌空琼鳌驾水日夜朝天阙飞龙舞凤郁葱环拱吴越此景天下应无东南形胜伟观真奇絶好是吴儿飞彩帜蹴起一江秋雪黄屋天临水犀云拥看击中流楫晚来波静海门飞上明月两宫并有宣赐至月上还内【乾淳起居注】绍兴间洪景卢在临安试词科三塲毕与数友同过抱劒街孙氏妓楼夜月如昼正凭阑抚几两烛结花灿若连珠孙氏黠慧白坐中客曰今夕桂魄皎洁烛花呈祥诸君较艺兰省高掇无疑请各赋一词为他日佳话座中有何自明即操笔作浣溪沙词云草草杯盘访玉人灯花呈喜座添春邀郎覓句要清新黛浅波娇情脉脉云轻柳弱意真真从今风月属闲人衆传观叹赏恨其末句失意景卢作临江仙词云绮席留欢欢正洽高楼佳气重重钗头小篆烛花红直须将喜事来报主人公桂月十分春正半广寒宫殿匆匆姮娥相对曲阑东云梯知不远平步蹑东风孙满酌一觥劝洪曰此瑞殆为君设也必高中矣已而景卢果奏名赐第【词苑】

淳熙间御舟过断桥见酒肆屏风上有风入松词云一春常费买花钱日日醉湖边玉驄惯识西湖路骄嘶过沽酒楼前红杏香中歌舞緑杨影里秋千暖风十里丽人天花压鬓云偏画船载得春归去余情付湖水湖烟明日重扶残醉来寻陌上花钿高宗称赏良久宣问何人所作乃太学生俞国宝也重扶残醉原词作重携残酒高宗笑曰此句不免寒酸气因改为扶残醉即日予释褐【中兴词话】

赵鼎中兴名相而词章婉媚不减花间其点绛唇云梦回鸳帐余香嫩更无人问一枕江南恨醉桃源云青春不与花为主花正开时春暮只有一尊芳醕留得青春住较花间更饶情思【古今词话】

忠简丁未九月南渡泊真州作满江红词最佳其词曰惨结秋陰西风送丝丝雨湿凝望眼征鸿几字暮投沙磧欲问乡关何处是水云浩荡连南北但修眉一抹有无中遥山色江上路天涯客肠已断头应白空搔首兴叹暮年离隔欲待忘忧除是酒奈酒行有尽愁无极便挽将江水入尊罍浇胸臆【百琲明珠】

韩蕲王生长兵间未尝知书晚岁忽若有悟能作字及小词一日至香林园苏仲虎尚书方宴客王径造之宾主欢甚尽醉而归明日王餉以羊羔且手书二词遗之其临江仙云冬日青山潇洒静春来山暖花浓少年衰老与花同世间名利客富贵与穷通荣华不是长生药清闲不是死门风劝君识取主人公单方只一味尽在不言中其南乡子云人有几多般富贵荣华总是闲自古英雄都是梦为官宝玉妻儿宿业纏年事已衰残须髮苍苍骨髓乾不道山林多好处贪欢只恐痴迷悞了贤【西湖志余】

岳侯忠孝人也其小重山词梦想旧山悲凉悱恻之至词云昨夜寒蛩不住鸣惊回千里梦已三更起来独自遶阶行人悄悄帘外月胧明白首为功名故山松菊老阻归程欲将心事付瑶箏知音少弦断有谁聽【古今词话】武穆贺讲和赦表云莫守金石之约难充谿壑之求故作词云欲将心事付瑶箏知音少弦断有谁聽盖指和议之非也又作满江红忠愤可见其不欲?闲白了少年头足以明其心事【话腴】

刘子翬晦庵之师以承务郎通判兴化军辞归隐武夷山有九日蓦山溪词云浮烟冷雨此日还重九秋去又秋来但黄花年年依旧平台戏马荒处问英雄茅舍小竹篱疎兀坐空搔首客来何有草草三杯酒一醉万缘空休贪他金印如斗病翁老矣谁共赋归欤芟陇麦网溪鱼未落他人後【屏山集】

张材甫南渡故老及见太平之盛者集中多应制词如蝶恋花朝中措霜天晓角杰作也【莲社词选】

曾海野东都故老及见中兴之盛尝侍宴上苑进阮郎归咏燕柳梢青咏柳一时推重其奉使旧京作上西平重到临安作感皇恩感慨淋漓甚得大体人所不及也【花庵词客】

叶少蕴妙龄词甚婉丽晚岁落其华而实之能於简淡中时出雄杰合处不减东坡【关注】

叶梦得九月望日与客习射西园病不能射因作水调歌头以寄意云霜降碧天净秋事促西风寒声隐地初聽中夜入梧桐起瞰高城四顧寥落关河千里一醉与君同叠鼓鬧清晓飞骑引琱弓岁将晚客争笑问衰翁平生豪气安在走马为谁雄何似当筵虎士挥手弦声响处双鴈落遥空老矣真堪惜回首望云中【词苑】陈去非词虽不多语意超絶可摩坡仙之垒【黄昇】张叔夏云去非临江仙一阕真是自然而然其词云忆昔午桥桥上饮坐中多是豪英长沟流月去无声杏花疎影里吹笛到天明二十余年成一梦此身虽在堪惊闲登小阁眺新晴古今多少事渔唱起三更清婉奇丽集中惟此最优【胡仔】

朱希真东都名士天资旷逸有神仙风致西江月二首可以警世之役役於非望之福者【花庵词客】

希真赋月词插天翠柳被何人推上一轮明月赋梅词横枝消瘦一如无但空里疎花数点词意奇絶似不食烟火人语【张正夫】

康伯可有声乐府凡中兴以来粉饰治具及慈寧归养两宫欢集必假其应制尝於上元节进瑞鹤仙云瑞烟浮禁苑正绦阙春回新正方半冰轮桂华满溢花衢歌市芙蓉开徧龙楼两观见银烛星球光烂卷珠帘尽日笙歌盛集宝钗金钏堪美绮罗丛里兰麝香中正宜游翫风柔夜暖花影乱笑声喧鬧蛾儿满路成团打块簇着冠儿鬪转喜皇都旧日风光太平再见高宗览之极称赏风柔夜暖以下数语赐金甚厚【黄昇】

伯可词如柳耆卿音律甚协未免时有俗语【沈伯时】康与之长安怀古诉衷情云阿房废址汉荒丘狐兔又羣游豪华尽成春梦留下古今愁君莫上古原头泪难收夕阳西下塞鴈南来渭水东流如此等词居然不俗今有晏叔原亦不得独擅【王性之】

康伯可人瘦也比梅花瘦几分与李清照帘卷西风人比黄花瘦同妙【王世贞】

左与言策名之後入钱唐幕府时乐籍有名姝张芸女名浓者色艺妙天下与言甚眷之如盈盈秋水澹澹春山及帷云翦水滴粉搓酥之句皆为浓而作当时都人有晓风残月柳三变摘粉搓酥左与言之对其人物风流可以想见俟扰之後浓委身於立勲大将家易姓章疏封大国绍兴中左因覓官赴阙下暇日行天竺两峯间忽逢车輿甚盛中一丽人褰帘顾左而颦曰如今若把菱花照犹恐相逢是梦中视之乃浓也与言醒然有悟即拂衣东渡为浮屠【王仲言】

杨补之有赠妓周三五词调寄明月棹孤舟云宝髻双垂烟缕缕年纪小未周三五压衆精神出羣标格偏向衆中翘楚记得谯门初见处禁不定乱红飞去掌托鞦儿肩拖裙子悔不做闲男女补之在高宗朝累徵不起自号清夷长者而词之艳如此【古今词话】

阮阅休赠宜春官妓赵佛奴寄调洞仙歌云赵家姊妹合在昭阳殿因甚人间有飞燕见伊底尽道独步江南便江北也何曾惯见怜伊情性好不解嗔人长带桃花笑时脸向尊前酒底见了须归似恁地能得几回细看待不眨眼儿看着伊将眨眼工夫看伊几徧按阅休建炎初知袁州即致仕寓居宜春着诗话总龟而词复排纂协律如此然已为元曲开山矣【宜春遗事】

张孝祥紫微雅词汤衡称其平昔未尝着稿笔酣兴健顷刻即成却无一字无来处一日在建康留守席上作六州歌头张魏公读之罢席而入【朝野遗记】

曾慥曾惇故相之孙皆以词章擅名而端伯编乐府雅词尤有功词学其咏梅调笑令云清友羣芳右万槁纷披兹独秀天寒月薄黄昏後缟袂亭亭招手故山千里迷云岫借问如今安否【古今词话】

朱新仲南渡後待制填词尝雪中至西湖看梅作点绛唇词云流水泠泠断桥横路梅枝亚雪花飞下浑似江南画白璧青钱欲买春无价归来也风吹平野一点香随马西湖咏梅者多矣而不为琬琢自然大雅首推此词【词苑】

赵师侠词章摹写风景体状物态俱极精巧初不知其得之之易也其坦庵集中有谒金门词云沙畔路记得旧时行处蔼蔼疎烟迷远树野航横不渡竹里疎梅花吐照眼一川鸥鹭家在清江江上住水流愁不去师侠燕王德昭七世孙【尹先之】

淳熙间宗室赵彦端字德庄者赋西湖词有波底夕阳红湿句为孝宗所赏曰我家里人也会作此?语【古今词话】太学服膺斋上舍郑文秀州人其妻寄以忆秦娥云花深深一钩罗幘行花陰行花陰闲将柳带试结同心日边消息空沉沉画眉楼上愁登临愁登临海棠开后望到如今此词为同舍所见一时传播酒楼妓馆皆歌之【古杭杂记】

绍兴戊辰信州铅山驿壁有题玉楼春词不着姓氏今载於此东风杨柳门前路毕竟雕鞍留不住柔情胜似岭头云别泪多於花上雨青楼画幕无重数聽得楼边车马去若将眉黛染情

深直到丹青难画处【能改斋漫录】胡铨上书论王伦秦桧谪吉阳军又贬新州张栻曰铨何故未过海铨偶为词云欲驾巾车归去有豺狼当辙栻即迎桧意奏铨怨望於是送南海编管流落几二十年愁饥蛟涛涌波诡有非人世所堪者壽皇即位首复官即日召对留侍经筵杨万里称其骚词抉天之幽泄神之庾灵均以来一人而已【宋名臣言行录】

张元干以送胡铨及寄李纲词坐罪皆金缕曲也元干以此得名其送铨词云梦绕神州路怅秋风连营画角故宫禾黍底事崦嵫倾砥柱九曲黄流乱注聚万落千邨狐兔天意从来高莫问况人情易老悲难诉更南浦送君去凉生岸柳催残暑耿斜河疎星澹月断云微度万里江山知何处回首对牀夜语鴈不到书成谁与目尽青天怀今古肯儿曹恩怨相尔汝举大白聽金缕【百琲明珠】

王庭珪送胡铨远谪有句曰痴儿不了公家事男子要为天下奇又曰百辟动容观谏草几人回首愧朝班亦贬辰州其留别感皇恩云无情江水断送扁舟何处其感旧点绛唇云白发相逢犹唱当时曲皆可歌也【古今词话】王卢溪先生知时事陆危无宦游意学道着书若将终身焉胡忠简尝答以诗曰万卷不移顔氏乐一生无愧伯夷班可想见其人矣壽皇之代与朱晦庵同以诗人荐敦召再三踰年始至壽皇一见契合优诏獎之曰粹然纯儒凛有直节命直敷文阁年九十有三其诗词格力雅健兴寄高远不知其齿之宿也尝作上元鼓子词云玉漏春迟铁关金锁星桥夜暗尘随马明月应无价天半朱楼银汉波光射更深也翠娥如画犹在凉檐下盖寄点绛唇云【宋名臣言行录】

晦庵先生回文词几於家弦户诵矣其櫟括杜牧之九日齐山登高诗水调歌头一阙气骨豪迈则俯视辛苏音韵谐和则仆命秦柳洗尽千古头巾俗态词云江水浸云影鸿雁欲南飞携壶结客何处空翠渺烟霏尘世难逢一笑况有紫萸黄菊堪插满头归风景今朝是身世昔人非酬佳节须酩酊莫相违人生如寄何用辛苦怨斜晖不尽今来古往多少春花秋月那更有危机与问牛山客何必泪沾衣【读书续录】

吕居仁有咏柳花词云柳塘新涨艇子摇双桨闲倚曲阑成怅望是处春愁一样傍人几点飞花夕阳又送栖鸦试问画楼西畔暮云恐近天涯盖清平乐也居仁直忤桧臣深居讲道而小词乃工稳清润至此【啸翁词评】尤袤潜心理蘊所着梁溪集长短句尤工其咏落梅瑞鹧鸪云清溪西畔小桥东落月纷纷水映空五夜客愁花片里一年春事角声中歌残玉树人何在舞破山香曲未终却忆孤山醉归路马蹄香雪衬东风【啸翁词评】杨万里不特诗有别才即词亦有奇致其好事近云月未到诚斋先到万花川谷不是诚斋无月隔一庭修竹如今才是十三夜月色已如玉未是秋光奇絶看十五十六昔人谓东坡词是曲子中缚不住者廷秀词又何多让乃知有气节人笔墨自然不同【续清言】

真德秀咏红梅词云两岸月桥花半吐红透肌香暗把游人误尽道武陵溪上路不知迷入江南去先是冰霜真态度何事枝头点点胭脂浣莫是东君嫌淡素问花花又娇无语盖蝶恋花也作大学衍义人又有此词笔【宋名家词评】

王十朋以忠諫着称与胡澹庵同为孝宗所拔其梅溪集中咏茶蘼一阕云野态芳姿枝头占得春长久怕鈎衣袖不放攀花手试问东风花似当时否还依旧谪仙去後风月今谁有盖点绛唇也【词苑】

花庵词客曰杨万里极称张功甫之词玉照堂词以种梅得名如光摇动一川银浪九霄珂月是也周密曰张功甫西秦人其月洗高梧一阕乃咏物之入神者此白石论史邦卿词而及之【古今词话】

洪皓为通问使途间作梅花引即天涯池馆忆江梅几枝开使南来还带余杭春信到燕台之词也终以忤秦桧谪官则梅花引何减广平梅花赋乎【宋名家词评】

张子韶对策有夜桂飘香之语赵明诚妻嘲之曰露花倒影柳三变夜桂飘香张九成【词苑】

黄公度以第一人登第为赵忠简所器而秦桧颇衔之及召赴行在知非当路意而迫於君命故作青玉案词有云欲倩归鸿分付与鸿飞不住倚阑无语独立长天暮盖去就早定矣【知稼翁集跋】

葛立方卜算子词用十八叠字妙手无痕堪与李清照声声慢并絶千古本色学道人胸中乃有此奇特其词云袅袅水芝红脉脉蒹葭浦淅淅西风澹澹烟几点疎疎雨草草展杯觞对此盈盈女叶叶红衣当酒船细细流霞举【草窗词评】

周必大有点绛唇词赠歌者小琼作也秋夜乘槎客星容到天孙渚眼波微注待许牵牛渡见了还非重理霓裳谱期无误几年一遇莫讶周郎顾【词苑】

陈济翁南渡遗老有蓦山溪词云去年今日从驾游西苑彩仗压金波看水戏鱼龙曼衍宝津南殿宴坐近天顔金杯酒君王劝头上宫花颤六军锦绣万骑穿杨箭日暮翠华归拥钧天笙歌一片如今关外千里未归人前山雨西楼晚望断思君眼此词天下歌之舍人张孝祥以廷试第一移知潭州因宴客妓有歌之者至金杯酒君王劝头上宫花颤张之首不觉自为摇动者数四坐客忍笑指目者甚多而张不知也【能改斋漫录】

范成大行宜春道中见野塘春水可喜有怀旧隐作谒金门词云塘水碧仍带麴尘顔色泥泥縠纹无气力东风如爱惜恰似越来溪侧也有一双鸂鶒只欠柳丝千百尺繫船春弄笛成大出使回每思石湖故言之悒悒如此【杨慎】

乐府有五杂组及两头纖纖殆类小令孔平仲?爱作此以为词戯故亦效之作五杂组词云五杂组同心结往来当牕月不得已话离别五杂组流苏缕往来临行语不得已上马去五离组回纹机往来锦梭飞不得已独画眉五杂组彩丝鍼往来鸟投林不得已梦孤衾五杂组绶若若往来大车铎不得已去丘壑五杂组侯门戟往来道上檄不得已天涯客五

杂组汉旌旆往来宾鸿字不得已餐糗使五杂组非烟云往来朝马尘不得已攫龙鳞又作两头纖纖词云两头纖纖探官茧半白半黑鹤擎缘膈膈膊膊上帖箭磊磊落落封侯面两头纖纖小秤衡半白半黑月未明膈膈膊膊扣户声磊磊落落金盘水【范石湖集】

吴江三高祠前有钓雪亭盖渔人之窟宅也卢申之题贺新郎一阕云挽住风前柳问鸱夷当日扁舟近曾来否月落潮生无限事零乱茶烟未久漫留得蓴鲈依旧可是功名从来悞抚荒祠谁继风流後千古恨一搔首江涵鴈影梅花瘦四无尘雪飞风起夜牕如昼万里乾坤清絕处付与渔翁钓叟又恰是题诗时候猛拍阑干呼鸥鹭道他年我亦垂纶手飞过我共尊酒【芦浦笔记】范致能帅蜀陆务观在幕府主宾酬倡人争传诵之陆尝春日游摩诃池上作水龙吟云摩诃池上追游路红綠参差春晚韶光妍媚海棠如醉桃花欲暖挑菜初闲禁烟将近一城丝管看金鞍争道香车飞盖争先占新亭馆惆怅年华暗换黯消魂雨收云散镜奩掩月钗梁拆凤秦筝斜鴈身在天涯乱山孤垒危楼飞观叹春来只有杨花和恨向东风满又在王忠州席上作玉蝴蝶云倦客平生行处坠鞭京洛解佩潇湘此夕何年来赋宋玉高唐绣帘开香尘乍起莲步稳银烛分行暗端相燕羞莺妬蝶扰蜂忙难忘芳尊频劝峭寒新退玉漏犹长几许幽情只愁歌罢月侵廊欲归时司空笑问微近处丞相嗔狂断人肠假饶相送上马何妨【词苑】

放翁娶唐氏女伉俪相得而弗获於姑陆出之後改适同郡赵士程春日出游相遇於禹迹寺南之沈园唐语其夫为致酒肴陆怅然赋钗头凤词云红酥手黄藤酒满城春色宫墙柳东风恶欢情薄一怀愁绪几年离索错错错春如旧人空瘦泪痕红浥鲛绡透桃花落闲池阁山盟虽在锦书难托莫莫莫唐亦和之未几怏怏卒放翁复过沈园赋诗云落日城头画角哀沈园非复旧池台伤心桥下春波綠曾见惊鸿照影来【耆旧续闻】

放翁词纖丽处似淮海雄快处似东坡其感旧鵲桥仙一首华灯纵博雕鞍驰射谁记当年豪举酒徒一半取封侯独去作江边渔父轻舟八尺低篷三扇占断苹洲烟雨镜湖元自属闲人又何必官家赐与英气可掬流落亦可惜矣【词品】

放翁呈范至能待制双头莲末句云空怅望鱸美菰香秋风又起又夜闻杜鹃鵲桥仙末句云故山犹自不堪聽况半世飘然羈旅去国怀乡之感触绪纷来读之令人於邑【词统】

御选历代诗余卷一百十七

# 卷一百十八

<集部,词曲类,词选之属,御选历代诗余

钦定四库全书

御选历代诗余卷一百十八

司经局洗马掌局事兼翰林院修撰加二级【臣】王奕清奉旨校刊

词话【南宋二】

放翁稼轩一埽纖艳不事斧凿高则高矣但时时掉书袋要是一癖【刘克庄】

蔡光陷北辛弃疾以所业谒之蔡曰诗则未也他日当以词名【本传】

辛稼轩每开宴必令侍姬歌所作词特好歌贺新郎自诵其中警句我见青山多妩媚料青山见我应如是与不恨古人吾不见恨古人不见我狂耳顾问坐客何如既而作永遇乐千古江山英雄无覓孙仲谋处特置酒招客使妓按歌自击节徧问客必使摘其疵客逊谢不可措一二语不契又弗答相台岳珂年最少率然对曰童子何知而敢有议必欲如范希文以十金求严陵

记一字之易则晚进窃有议也稼轩促膝使毕其说珂曰前篇豪视一世独前後二警语差相似新作微觉用事多耳稼轩大喜谓座客曰夫夫也实中余痼乃味改其语日数十易累月未竟【古今词话】

稼轩与朱晦庵陈同父刘改之友善晦庵尝曰若朝廷赏罚明此等人尽可用同甫答辛啓曰经纶事业股肱王室之心游戏文章脍炙士林之口改之寄辛词曰古岂无人可以似我稼轩者谁观诸贤之推服如此则稼轩可知矣【古今词话】

陈亮过稼轩纵谈天下事亮夜思幼安素严重恐为所忌窃乘其廐马以去幼安赋破阵子词寄之词云醉里挑灯看劒梦回吹角连营八百里分麾下?五十弦翻塞外声沙場秋点兵马作的卢飞快弓如霹雳弦惊了却君王天下事赢得生前身後名可怜白发生【古今词话】淳熙己亥幼安自湖北漕移湖南同官王正之置酒小山亭辛赋摸鱼儿一阕词意颇怨使在汉唐寧不贾种豆种桃之祸闻壽皇见此词颇不悦然终不加罪可谓有君人之度【罗大经】

稼轩有姬名钱钱辛年老遣去赋临江仙与之云一自酒情诗兴嬾舞裙歌扇阑珊好天良夜月团团杜陵真好事留得一丈看岁晚人欺程不识怎教阿堵流连杨花榆荚任漫天从今花

## 影下只看綠苔圓【词苑】

辛稼轩帅浙东时朱晦庵张南轩为仓宪使刘改之欲见辛不纳二公为之地云某日公宴君可来门者不纳但喧争之必可入改之如所教门下果喧譁辛问故门者以告辛怒甚二公因言改之豪杰也善赋诗可试纳之改之至长揖辛问能诗乎曰能时方进羊腰肾羹遂命赋之改之曰甚寒愿乞卮酒酒罢乞韵时饮酒手颤余沥流於怀因以流字为韵即吟云拔毫已付管城子烂胃曾封关内侯死後不知身外物也随尊俎伴风流辛大喜命共尝此羹终席而去厚馈焉席散南轩邀至公廨置酒语之曰先公一生公忠为国而厄於命来挽者竟无一章得此意愿君为发幽潜改之即赋一絶云背水未成韩信阵明星已陨武侯军平生一点不平气化作祝融峯上云南轩为之堕泪今龙洲集中不见此二诗岂遗珠耶又稼轩守京口时大雪率僚佐登多景楼改之敝衣曳屐而前辛令赋雪以难字为韵即赋云功名有分平吴易贫贱无交访戴难辛喜甚又诵其贺新郎沁园春词遂自此莫逆云【蒋子正山房随笔】

刘改之能诗词酒酣耳热出语豪纵嘉泰癸酉寓中都时辛稼轩帅越遣使招之适以事不及行因仿辛体作沁园春一词臧往下笔便逼真其词曰斗酒彘肩风雨渡江岂不快哉被香山居士约林和靖与东坡老驾勒吾回坡谓西湖正如西子淡抹浓妆临照台二人者俱掉头不顾只管传杯白云天竺去来看金碧峥嵘图画开更纵横一涧东西水遶两峯南北高下云堆逋曰不然暗香疎影何似孤山先探梅须晴去访稼轩未晚且此徘徊辛得词大喜竟邀之去馆燕弥月酬赠千緡改之竟荡於酒不问也尝以此词语岳侍郎倦翁掀髯有得色岳曰词句固佳但恨无刀圭药疗君白日喑吃症耳举座大噱【词苑】

刘改之造词贍逸有思致沁园春二首尤纖刻奇丽可爱【陶宗仪】

贺新郎老去相如倦一阕去年秋余试牒四明赠老妓者至今天下与禁中皆歌之江西人來以为邓南秀词非也【刘过自记】

陈同父开拓万古之心胸推倒一世之豪杰而作词乃复幽秀其水龙吟云闹花深处层楼画帘半卷东风软春归翠陌平沙茸嫩綠杨金浅迟日催花淡云阁雨轻寒轻暖恨芳菲世界游人未赏都付与莺和燕寂寞凭高念远向南楼一声归鴈金钗鬪草青丝勒马风流云散罗袖分香翠绡封泪几多幽怨正销凝又是疎帘淡月子规声断【词苑】

东风荡漾轻云缕时送潇潇雨水边台榭燕新归一点香泥湿带落花飞海棠糝径铺香绣依旧成春瘦黄昏庭院柳啼鸦记得那人和月折梅花盖虞美人词也陈龙川好谈天下大略以气节自居而词亦疎宕有致【周密词评】

叶正则赠杜幼高诗有杜子五兄弟才名不相下之语盖伯高早登东莱之门其词如乘风逸足而鸣以和鸾仲高丽句如半落半开花有恨一晴一雨春无力令人眼动叔高戈矛森立有吞虎食牛之气季高幼高後先辉映匪独一门之盛可谓一时之豪【陈亮】



赵汝愚有题丰乐楼柳梢青词云水月光中烟霞影里涌出楼台空外笙歌人间笑语身在蓬莱天香暗逐风回正十里荷花尽开买个轻舟山南游徧山北归来汝愚谪後朱晦庵叹宗臣去国注楚辞以哀之【宋名家词评】刘仙抡有招山诗集其乐章尤为人所脍炙【黄昇】岳倦翁登北固亭赋祝英台近其末云倚楼休弄新声重城门掩历历数西州更点真佳句也【玉楮集评】

嘉定中求直言汪莘三上书不报为杨慈湖朱晦庵真西山所叹服筑室柳溪自号方壶居士其柳塘长短句似坡公不受音律束缚【孙山甫】

美人家在江南住每惆怅江南日暮白苹洲畔花无数还忆潇湘风度犹恐是断肠无处乍强作莺声燕语东风占断秦筝柱也逐落花归去汪叔耕杏花天词也叔耕词蘊霞賸玉滴之奇而忧深思远未易遽班之贺白也【程秘】

刘圻父早登朱晦庵之门刘後村尝序其词其咏山泉云静坐时看松鼠饮醉眠不碍山禽浴是真得山泉之兴趣者【古今词话】

朱晦翁示黄铄以欧阳永叔鼓子词盖所以讽之也铄赋渔家傲云永日离忧千万绪霜舟远泛清漳浦珍重故人寒夜语挥玉麈沉沉画阁凝香雾风砌落花留不住红蜂翠蝶闲飞舞明日柳陰江上路云起处苍山万叠人归去【草牕词选】

朱晦庵为仓使时某郡太守贪污几为按治忧惶百端未几晦庵移节他路喜可知也有招守饮者出宠姬歌大圣乐至末句云休眉锁问朱顏去了还更来麼太守为之起舞【轩渠後錄】

唐仲友知台州晦庵为浙东提举互相申奏壽皇问宰执两人曲直对曰秀才争闲气耳仲友眷官妓严蕊奴晦庵繫治之及晦庵移去提刑岳霖行部至台蕊乞自便岳问曰去将安归蕊赋卜算子云住也如何住去也终须去若得山花插满头莫问奴归处岳笑而释之【雪舟脞语】

谢希孟陆象山门人也少豪俊与妓陆氏狎象山屡责之希孟但敬谢而已他日复为妓造鸳鸯楼象山又以为言希孟谢曰非特建楼且为作记象山喜其文不觉曰楼记云何即占首句云自逊抗机云之死而天地英灵之气不鍾於男子而鍾於妇人象山默然知其侮已也一日在妓所恍然有悟不告而行妓追送江浒悲恋涕泣希孟不顾取领巾书一词与之云双桨浪花平夹岸青山锁你自归家我自归说着如何过我断不思量你莫思量我将你从前与我心付与他人可其词勇决真象山门下之利根也【古今词话】

姜白石诗家名流词尤精妙不减清真乐府其间高处有美成所不能及者善吹箫多自制曲初则率意为长短句既成乃按以律吕无不协者有咏蟋蟀齐天乐一阙最胜其词曰庾郎先自吟愁赋凄凄更闻私语露湿铜铺苔侵石井都是曾聽伊处哀音似诉正思妇无眠起寻机

杼曲曲屏山夜凉独自甚情绪西牕又吹暗雨为谁频断续相和砧杵候馆吟秋离宫吊月别有伤心无数幽诗漫与笑篱落呼灯世间儿女写入琴思一声声更苦其过苕霅云拂雪金鞭欺寒茸帽尝记章台走马鴈碛沙平渔汀人散老去不堪游冶人日词云池面冰胶墙腰雪老云意还又沉沉朱户黏鸡金盘簇燕空叹时序侵寻湘月词云中流容与画桡不点清镜从柳州绿净不可唾之语翻出戏张平甫纳妾云别母情怀随郎滋味桃叶渡江时翠楼吟云槛曲萦红檐牙飞翠酒祆清愁花消英气法曲献仙音云过秋风未成归计重见冷枫红舞玲珑四犯云轻盈唤马端正窥户酒醒明月下梦逐潮声去句法奇丽其腔皆自度者惜旧谱零落未能被之管弦也【词品】

鄱阳姜尧章流寓吴兴尝暇日游金阊徘徊吊古赋柳枝词有行人怅望苏台柳曾为吴王埽落花之句杨诚斋极喜诵之萧东父尤爱其词以其兄之子妻焉【乐府纪闻】姜尧章自序曰淳熙辛亥之冬余载雪诣石湖上留止币月主人授简索句且徵新声因作仙吕宫二曲石湖把翫不已使工伎肄习之音节谐婉乃命之曰暗香疎影小红者石湖家青衣也色艺俱妙尤善歌二词及姜归石湖以小红赠之【古今词话】

尧章尝寓吴兴张仲远家仲远屡出外其室人知书宾客通问必先窥来札性颇妒尧章戏作百宜娇词以遗仲远云看垂杨迷苑杜若吹沙愁损未归眼信马青楼去重帘下娉婷人妙飞燕翠尊共欸聴艳歌郎意先感便携手月地云阶里爱良夜微暖竟为所见仲远归竟莫能辩则受其指爪损面至不能出外云【耆旧续闻】

白石词如野云孤飞去留无迹不惟清虚又复骚雅歌之使人神观飞越【乐府指迷】

高观国精於咏物竹屋痴语中?佳者有御街行咏轿咏帘贺新郎咏梅解连环咏柳祝英台近咏荷少年游咏草皆工而入逸婉而多风【古今词话】

高竹屋有中秋夜怀史梅溪齐天乐词即晚云知有关山念一阕也徘徊宛转交情如见【姜夔】

史達祖词织绡泉底去尘眼中妥帖轻圆情词俱到有瓊奇警迈清新闲婉之长而无荡污淫之失端可分鑣清真平睨方回【张鎰】

史邦卿杏花天词云软波拖碧蒲芽短画楼外花晴柳暖今年自是清明晚便觉芳情较嬾春衫瘦东风翦翦逗花坞香吹醉面归来立马斜阳岸隔水歌声一片姜尧章谓邦卿之词奇秀清逸有李长吉之韵盖能融情景於一家会句意於两得者其做冷欺花将烟困柳一阕将春雨神色拈出飘然快拂花梢翠尾分开红影又将春燕形神画出矣姜亦当时名手而推服之如此【词品】吴梦旂名文英字君特四明人尹惟晓序其集云求词於我宋前有清真後有梦旂此非煥之言四海之公言也其咏京市舞女玉楼春云茸茸狸帽遮梅额金蝉罗翦胡衫窄乘肩争看小腰身倦态强随闲鼓笛问称家在城东陌欲买千金应不惜归来困顿殢春眠犹梦婆娑斜趁拍深得其意态云【词品】

吴城连日赏桂一夕风雨悉已零落独寓牕晚花方作小蕾未及见开遂有新邑之役謁来西馆篱落间嫣然一枝可爱见似人而喜为赋一解【吴文英金盏子词自序】

吴梦牕词如七宝楼台眩人眼目拆碎下来不成片段惟唐多令一首云何处合成愁离人心上秋纵芭蕉不雨也飕飕都道晚凉天气好有明月怕登楼年事梦中休花空烟水流燕辞归客尚淹留垂柳不萦裙带住漫长是繫行舟及倦寻芳之不约舟移杨柳繫有缘人映桃花见高阳台之南楼不恨吹横笛恨晓风千里关山?为疎快不质实【张炎】

张子野晚年多畜姬侍东坡有诗云诗人老去莺莺在公子归来燕燕忙盖均用张家故事也按唐有张君瑞遇崔氏女於蒲崔小名莺莺元稹与李绅语其事作莺莺歌汉童謡曰燕燕尾涎涎张公子时相见又张祐妾名燕燕其事蹟与对偶皆精切如此然莺莺对燕燕已见於杜牧之诗曰緑树莺莺语平沙燕燕飞前辈用字必有所祖鲁直作苏翰林出游诗曰人间化鹤三千岁海上看羊十九年亦皆用本家故事而不失之偏枯可以为法也余尝祖其意作一词为张仪真壽曰三杰後福壽两无涯食乳相君功未既画眉京兆眷方滋富贵莫推辞门两戟却棹一纶丝蓴菜秋风鲈膾美桃花春水鳜鱼肥笑傲霅溪湄盖寓声望江南云【野客丛谈】

伤离念远之词无如查荃斜阳影里寒烟明处双桨去悠悠令人不能为怀然尚不如孙光宪两桨不知消息远汀时起鷗?尤为黯然洪叔玘醉中扶上木兰舟醒来忘却桃源路造语虽工却微着色矣两君专以淡语入情【词筌】

张宗瑞乐府一卷名东泽绮语债其词皆倚旧腔而别立新名亦好奇之故也草堂选其疎帘淡月一篇即桂枝香也余尤爱其垂杨碧一篇即谒金门其词曰花半湿睡起一牕晴色千里江南空咫尺醉中归梦直前度兰舟送客双鲤沉沉消息楼外垂杨如许碧问春来几日【词品】

严次山清江欸乃集极为词家所重玉楼春之春怨鷓鴣天之别情緑头鸭之记恨金缕曲之送春无不入选而吾独爱其黏云江影伤千古流不去断魂处自是才人创句【草堂词评】

蜀人李方舟着续博物志词亦风致可喜其夏夜词云烟柳疎疎人悄悄赠妓云瘦玉倚香愁黛翠皆名句也【古今词话】

静寄居士谢勉仲有声乐府吴伯明称其片言只字戛玉铿金蕴藉风流为世所贵其七夕鹊桥仙一词入草堂选即鈎帘借月染云为幌是也若余醒未解扶头嬾屏里潇湘梦远亦的的奇句【词品】

吴礼之顺受老人词久着名其雨中花慢及丑奴儿长调皆能以寻常语言为极透脱文字【郑国辅】

郑中卿号松牕尝随张贵谟使北着燕谷剽闻二卷纪事甚详小词亦清醒可喜如昭君怨咏梅云道是花来春未道是雪来香异水外一枝斜野人家冷淡竹篱茅舍富贵玉堂琼榭两地不同栽一般开兴比甚佳丽情云合是一钗双燕却成两镜孤鸾乐府多传之【词品】姚令威家於西溪擅山水之胜故号西溪亦以名其集其闺词云酒面扑春风泪眼零秋雨秋思云采菱渡口日将斜飞鸿楼上人空立足以见其槩矣【古今词话】

词有如张融危膝不可无一不可有二者如刘改之天仙子别妾词云别酒醺醺浑易醉回过头来三十里马儿不住去如飞行一憩牵一憩断送杀人山共水是则功名真可喜不道恩情抛得未梅村雪店酒旗斜去也是住也是烦恼自家烦恼你又小说载曹东亩赴试步行戏作红牕迴慰其足云春闹期近也望帝乡迢迢犹在天际懊恼这一双脚底一日赶不上五六十里争气扶持我去博得官归那时赏你穿对朝靴安排你在轿儿里更选对宫样鞦儿夜间伴你此等词後人若再效颦宁非打油恶道乎然改之梅村雪店酒旗斜固非雅流不能作此曹太俚俗去之甚远至无名氏青玉案曰落日解鞍芳草岸花无人戴酒无人劝醉也无人管语澹而情浓事浅而言深真得词家三昧非鄙俚朴陋者可冒【词筌】

刘潜夫後村别调一卷大抵直致近俗乃效稼轩而不及者其沁园春梦方孚若云何处相逢登宝钗楼访铜雀台唤厨人斫就东溟鲸膾圉人呈罢西极龙媒天下英雄使君与操余子谁堪共酒杯车千乘载燕南赵北劔客奇材饮酣画鼓如雷谁信被晨鸡催唤回叹年光过尽功名未立书生老去机会方来使李将军遇高皇帝万户侯何足道哉推衣起但凄凉四顾慷慨生哀举一以例他词类是【张炎】

贪与萧郎眉语不知舞错伊州妙语也除是无身方了有身常有闲愁悟语也皆後村句【古今词话】

王迈字实之号臞庵丁丑第四人及第刘後村赠以词云天壤王郎数人物方今第一谈笑里风霆惊座云烟生笔落落元龙湖海气琅琅董相天人策其重之如此又尝见翰苑新书载後村与实之四六啓云声名早着不数黄香之无双科目小低犹压牧之之第五元化孕此五百年之间气同辈立於九万里之下风又云朱云折檻诸公慙请劔之言阳子哭廷千载壮裂麻之语一叶身轻何去之勇六丁力尽而挽不回有谪仙人骏马名姬之风无杜少陵冷炙残杯之态丽人歌陶秀实卹亭之曲好事绘韩熙载夜宴之图拥通德而着书命便了以沽酒观此知实之盖进则忠鯁退则豪侠元龙太白一流人也可以补史氏之遗【词品】

随如百咏丽不至褻新能化陈周柳辛陆之能事庶乎兼之【刘克庄】

孙花翁有好词亦善运意但雅正中时有一二市井语【沈伯时】

冯双溪与黄玉林互相标榜其子伟壽字文子精於律吕词多自制腔草堂选其春风恶劣把数枝香锦和莺吹折一首又有自度春风袅娜词云被梁间双燕话尽春愁朝粉谢午花柔倚红阑故与蝶围蜂绕柳绵无数飞上搔头风管声圆蠹房香暖笑挽罗衫须少留隔院兰馨趁

风远邻墙桃影伴烟收此子风情未减眉头眼尾万万事欲说还休蔷薇刺牡丹球殷勤记省前度绸缪梦里飞红觉来无覓望中新綠别後空稠相思难偶叹无情明月今年已是三度如鉤殊有前宋秦晁风艳比之晚宋酸馅味教督气不侔矣余句如笑呼银汉入金鲸临邛高耻庵列为丽句图云文子小名艾非误文也以双溪壽玉林沁园春词考之云更携阿艾同壽灵椿可证【古今词话】

蕢洲渔笛谱中玲珑四犯词乃戏调梦牕作也後阕云凭问柳陌情人比似垂杨谁瘦其拜星月乃春暮寄梦牕作也後阕云荡归心已过江南岸清宵梦远逐飞花乱又有玉漏迟题梦牕霜花腴词集全阕更觉纏綿深至可泣可歌【宋名家词评】

词欲雅而正志之所至词亦至焉一为物所役则失其雅正之音近日惟陈西麓日湖渔唱颇有佳者【张炎】李莱老彭老兄弟皆与草牕善莱老题其词卷有句云白发潘郎吟欲醉綠暗靡芜千里彭老怀啸翁词有句云相对夜何其泛剡清愁买花芳事一卷新诗【词苑】赵汝愚题鼓山寺云几年奔走厌尘埃此日登临亦快哉江月不随流水去天风常送海涛来朱晦庵摘其中天风海涛四字题匾人莫知为赵公诗也严次山有水龙吟词题壁云飈车飞上蓬莱不须更跨琴高鲤翥然长啸天风瀕洞云涛无际我欲乘桴从兹浮海约任公子办虹竿千丈糖鈎五十亲点对连鰲饵谁榜佳名空翠紫阳仙去骑箕尾银鈎铁画龙拏凤翥留人间世更忆东山登临一曲暗沾襟泪到而今幸有高亭遗爱寓甘棠意此词前段言江山景後段紫阳仙去指朱文公东山甘棠指赵公也赵诗朱字严词可谓三絕特记於此【词品】

黄玉林早弃制科雅意吟咏阁学游受斋称其词如晴空冰柱闽帅楼秋房闻其与魏菊庄为友以泉石清士目之【胡德方】

葛鲁卿有蓦山溪一曲咏天穿节郊射也宋以前以正月二十三日为天穿节相传云女娲以是日补天俗以煎饼置屋上名曰补天穿今其俗废久矣词云春风野外卵色天如水鱼戏舞绡纹似出聽新声北里追风骏足千骑卷高门一箭过万人呼鴈落寒空里天穿过了此日名穿地横石俯清波竞追随新年乐事谁怜老子使得纵遨游争捧手共凭肩夹路游人醉词不甚工而事奇故拈出之卵色天用唐诗残霞蹙水鱼鳞浪薄日烘云卵色天之句东坡诗亦云笑把鸕夷一尊酒相逢卵色五湖天今刻苏诗者不知出处改卵色为柳色非也花间词一方卵色楚南天注以卵为卯亦非【词品】乐笑翁张炎词如荒桥断浦柳陰撑出渔舟小赋春水入画其咏孤鴈云自顧影欲下寒塘正沙净草枯水平天远写不成书只寄得相思一点如此等语虽丹青难画矣【草窗词选】

张叔夜国香词自序云沈梅娇杭妓也忽於京师见之把酒相劳苦犹能歌周清真意难忘台城路二曲因属余纪其事词成以素罗帨书之莺柳烟堤记未吟青子曾比红儿娇蕊弄香微透鬟翠双垂不道留仙不住便无梦吹到南枝相看两流落掩面凝羞怕说当时凄凉歌楚调嫋余音不放一朵云飞丁香枝上几度欸语深期拜了花梢淡月?难忘弄影褰衣无端动人处过了黄昏犹道休归【能改斋漫录】

张叔夏台城路自序云岁庚寅会江兰坡於蓟北恍然如梦回忆旧游已十八年矣其起句云十年旧事翻如梦重逢可怜俱老水国春空山城日晚无语相看一笑如此等词即以为杜诗韩笔可也岂止极填词之能事【宋名家词评】

叔夏琐窗寒自序云王碧山又号中仙越人也其诗清峭其词闲雅有姜白石意趣今絶响矣因作此以悼之其前段云断碧分山空帘到月故人天外香留酒滞蝴蝶一生花里想如今愁魂正远夜台梦语秋声碎自中仙去後词牋赋笔更无清致其推碧山至矣然如此等词其清致不更胜碧山耶【宋名家词评】

西子妆吴梦窗自度曲余爱其声调嫵雅久欲效而未能甲午春寓罗江与陈文卿闲行江上景况离离斜日孤村鹃声万里因填此阙惜旧谱零落不能倚声而歌也【乐笑翁自题】

苏雪坡赠杨直夫云允文事业从容了要岷峨人物後先相照见说君王曾有问似此人才多少况蜀珍先已登廊庙但侧耳听新诏按小说高宗尝问马骥曰蜀中人才如虞允文者有几骥对曰未试焉知允文亦试而後知也苏与杨马皆蜀人杨在眉山为甲族直夫之妹通经学比於曹大家嫁虞氏生虞集为钜儒其学无师传於母氏也此事蜀人亦罕知故着之【辍耕录】

守岁之词虽多极难其选独杨守斋一枝春?为近世所称其词云竹爆惊春竟喧闾夜起千门箫鼓流苏帐暖翠鼎缓腾香雾停杯未举奈刚要送年新句应自赏歌清字圆未夸上林莺语从他岁穷日暮纵闲愁乍减刘郎风度屠苏办了迢迢柳欢梅妬宫壶未晚早骄马绣车盈路还又把月夕花朝自今细数建安马古洲有经学多论着填词其余事也草堂选其春游归朝欢一首余如月华清云怅望月中仙桂问窃药佳人与谁同岁贺圣朝云游人不知返被子规呼转阮郎归云三三两两叫船儿人归春也归俱骀荡清快别有旨趣元夕词云玉梅对妆雪柳闹蛾儿象生娇颤更可考见杭都节物【宋名家词评】

俗谓风曰孟婆蒋捷词云春雨如丝绣出花枝红裊怎禁他孟婆合皐江南七八月间有大风甚於舶?野人相传以为孟婆发怒按北齐李騊駼聘陈问陆士秀江南有孟婆是何神也士秀曰山海经云帝之二女游於江中出入必以风雨自随以帝女故曰孟婆犹郊祀志以地神为泰媼此言虽鄙俚亦有自来矣【词品】

茉莉岭表所产古今咏者无多朱晦庵有二絶句叶道卿题一小词独施仲山小莲水洁四字摹状?佳【周密】吴毅甫嘉定丁丑状元为贾似道所陷南迁岭表有履斋诗余行世其送李御带祺一词报国无门空自怨济时有策从谁吐亦自道也李祺号竹湖亦当时名士所着有春秋王霸列国分纪余得之市肆故书中乃为传之【词品】

魏了翁道学宗派与真西山齐名词不作艳语有长短句一卷皆壽词也菩萨蛮壽江倅云东牕五老峯前月南牕九叠坡前雪推出侍郎山着君牕户间离骚乡里住却记庚寅度挹取芷兰芳酌君千岁觴又鷓鴣天壽范靖州云谁把璿玑运化工参旗又挂玉梅东三三律琯声余

亥九九元经卦起中又水调歌头云玉围腰金系肘绣笼鞍宋代壽词无有过之者【词品】

文文山驿中与友人言别赋百字令气冲牛斗无一毫委靡之色其词曰水天空濶恨东风不借世间英物蜀鸟吴花残照里忍见荒城颓壁铜雀春情金人秋泪此恨凭谁雪堂堂劒气斗牛空认奇杰那信江海余生南行万里送扁舟齐发正为鸥盟留醉眼细看涛生云灭晚柱吞羸回旗走懿千古冲冠发伴人无寐秦淮应是孤月【陈子龙】

元兵入杭中宫以下皆赴北有王昭仪名清惠者题词於驿壁即所传满江红也其後阌云驿馆夜惊尘土梦宫车晓碾关山月愿嫦娥相顾且从容随圆缺文文山读至末句叹曰惜哉夫人於此少商量矣为代作二首全用其韵其一云回首昭阳离落日伤心铜雀迎新月算妾身不愿似天家金瓯缺其二云世态便如翻覆雨妾身原是分明月笑乐昌一段好风流菱花缺文山於成败死生之际盖见之明守之固矣然女史载王昭仪抵上都悬为女道士号冲华则昭仪女冠之请丞相黄冠之志固先後合辙从容圆缺取义成仁无有二也【词苑】文信国被执北行次信安馆人供帐甚盛信国達旦不寐题词於壁调寄南楼令云雨过水明霞潮回岸带沙叶声寒飞透牕纱懊恨西风吹世换又吹我落天涯寂寞古华豪乌衣又日斜说兴亡燕入谁家只有南来无数鴈和明月宿芦花或云邓光荐词也【耆旧续闻】

邓光荐号中斋信国公之客也宋亡以义行着其所着鹧鸪词有曰行不得也哥哥瘦妻弱子羸犝驮天长地濶多网罗南音渐少北语多肉飞不起可奈何行不得也哥哥其赞文山像曰日煌煌兮踈星晓寒气英英兮晴雷殷山头碎柱兮璧完血化碧兮心丹呜呼孰谓斯人兮不在人间【遂昌杂录】

中斋有卖花声词曰梦断古台城月淡潮平便须携酒访新亭不见当时王谢宅烟草青青其怀君忆旧情见乎词矣【雪舟脞语】

刘辰翁作宝鼎现词时为大德元年自题曰丁酉元夕亦义熙旧人只书甲子之意其词有云父老犹记宣和事抱铜仙清泪如水又云肠断竹马儿童空见三千乐指又云向灯前拥髻暗滴蛟珠坠便当日亲见霓裳天上人间梦里反反覆覆字字悲咽真孤竹彭泽之流【张孟浩】

须溪大酺词後阌云休回首都门路几番行晚个个阿娇深贮而今断烟细雨说春寒至此大有深味兰陵王首句云送春去春去人间无路九字悲絶换头云春去最谁苦但箭雁沉边梁燕无主杜鹃声里长门暮此四句凄清何减夜猿後段云春去尚来否正江令恨别庾信愁赋苏堤尽日风和雨叹神游故国花看前度人生流落顾孺子共夜语其词悠扬悱恻即以为小雅楚骚可也填词云乎哉【卓人月】

唐玉潜与林景熙同为采药之行潜葬诸陵骨树以冬青世人高其义烈而咏蓴咏莲咏蝉诸作巧夺天工亦宋人所未有【陈子龙】

李五松咏白莲词与唐菊山同一妙手【王世贞】

上元鹧鸪天词十五首备述宣政之盛非想像者所能道不知何人所作当与梦华录并行也【芦浦笔记】

刘朔齐宣城得代以词别吴履斋末句云愁绿野堂边刘郎去後谁伴老裴度履斋见之垂泪送金百两古人怜才如此【中吴纪闻】

史弥远之比周於杨后也出入宫禁外议甚譁有人作咏云词讥之云往来与月为俦舒卷和天也蔽贾似道当国日陈藏一亦作咏雪词以讥之曰没巴没鼻霎时间做出漫天漫地不论高低并上下平白都教一例鼓弄滕六招摇巽二直恁张威势识他不破至今道是祥瑞?是鹅鸭池边三更半夜悞了吴元济东郭先生都不管关上门儿稳睡一夜东风三竿红日万事随流水东皇笑道山河元是我的调寄念奴娇【钱塘遗事】

似道遭贬时人有题壁云去年秋今年秋湖上人家乐复忧西湖依旧流吴循州贾循州十五年间一转头人生放下休此词视雷州寇司户之句尤警吴循州谓履斋遭贬乃贾挤之也【西湖志余】

蜀人文及翁登第後游西湖一同年戏之曰西蜀有此景否及翁即席赋贺新郎云一勺西湖水渡江来百年歌舞百年酣醉回首洛阳花世界烟渺黍离之地更不复新亭堕泪簇乐红妆摇画舫问中流击楫何人是千古恨几时洗余生自负澄清志更有谁磻溪未遇傅岩未起国事如今谁倚仗衣带一江而已便都道波神堪恃试问孤山林处士但掉头笑指梅花蕊天下事可知矣【古杭杂记】

石次仲金谷遗音有多丽一词以西湖晚为起句人多和之按次仲於宋未甚着名而词之清奇宕逸如此乃知宋之填词犹唐之诗晋之字不必名家而皆可传也【杨慎】

刘跛子者青州人拄一拐每岁必至洛中看花馆范家园春尽即还京师陈莹中作长短句赠之曰槁木形骸浮云身世一年两到京华又还乘兴闲看洛阳花闻道鞦红?好春归後终委泥沙忘言处花开花落不似我生涯年华留不住饥餐困寝触处为家这一轮明月本自无瑕随分冬裘夏葛都不会赤水黄沙谁知我春风一拐谈笑有丹砂後又见於兴国寺以诗戏之曰相逢一拐大梁间妙语时时见一斑我欲从公蓬岛去烂银坑里看青山【冷斋夜话】

白玉蟾居武夷山中嘉定间诏徵赴阙尝过武昌赋酹江月怀古词云汉江北泻下长淮洗尽胸中今古楼櫓横波征鴈远谁见鱼龙夜舞鹦鹉洲云凤凰山月付与沙头鹭功名何处年年惟见春絮非不豪似周瑜壮如黄祖亦逐秋风度野草闲花无限恨渺在西山南浦黄鹤楼人赤乌年事江汉亭前路浮萍无据水天几度朝暮【能改斋漫录】

白玉蟾琼州人有海瓠子集自言世间有字之书无不目过足迹半天下常为朱晦庵题像赋



三台令词其自题亦云千古蓬头跣足一生服气餐霞笑指武夷山下白云深处吾家後於鹤林羽化【涌幢小品】

东坡水调歌明月几时有一词画家大斧皴书家擘窠体也後有海璠子一词足与匹敌起句云一叶飞何处天地起西风卒章云铁笛一声晓唤起五湖龙此岂胸中有烟火笔下有纖尘者所能彷彿其一二耶且读此老嬾翁赋冰纨火布错列交陈真令馋眼为醉【词统】易彦祥宁宗朝状元初以优校为前廊久不归其妻作一翦梅词寄之云染泪修书寄彦祥贪却前廊忘却回廊功名成就不还乡石做心肠铁做心肠红日三竿未理妆虚度韶光瘦损容光相思何日得成双羞对鸳鸯嬾绣鸳鸯【古杭杂记】

延安夫人苏丞相子容之妹有寄季玉妹更漏子词云小阑干深院宇依旧当时别处朱户锁玉楼空一帘霜日红弄珠江何处是望断碧云无际凝泪眼出重城隔溪羌笛声【侯鯖錄】

南渡後有二妇人能继李易安之後清庵【阙】氏秀斋方氏也皆能文章清庵乃鲍守之妻秀斋乃夷吾之女弟归於陈日华秀斋能识人尝有两馆客一陈勉之一陈景南也【绍陶錄】

陆放翁娶妇琴瑟甚和而不当母夫人意遂至解褫然犹馈遗殷勤尝贮酒赠陆陆谢以词有东风恶欢情薄之句盖寄声钗头凤也妇亦答词云世情薄人情恶雨送黄昏花易落晓风乾泪痕残欲笺心事独语斜阑难难难人成各今非昨病魂常似秋千索角声寒夜阑珊怕人寻问咽泪妆欢瞒瞒未几以愁怨死又放翁尝过一驿见题壁一诗玉阶蟋蟀闹清夜金井梧桐辞故枝一枕凄凉眠不得呼灯起作感秋诗询之知是驿卒女遂纳为妾未半载夫人逐之妾赋生查子词云只知眉上愁不识愁来路深院有芭蕉阵阵黄昏雨晓起理残妆整顿教愁去不合画春山依旧愁住遂别夫爱妻见逐於母爱妾复见逐於妻放翁於家室之间何多不幸欤【夸娥齐主人】

陆敦礼侍儿名美奴善口占小词每乞韵於座客顷刻成章敦礼令掌文翰其卜算子词云送我出东门乍别长安道两岸垂杨锁暮烟正是秋光老一曲古阳关莫惜金尊倒君向潇湘我向秦鱼鴈何时到如梦令云日暮马嘶人去船逐清波东注後夜最高楼还肯思量人否无绪无绪生怕黄昏疎雨【苕溪渔隐】

张淑芳西湖樵家女理宗选妃日贾似道匿为已妾即德佑太学生百字令中所指新塘杨柳也有无名氏题壁云山上楼台湖上船平章醉後嬾朝天羽书莫报樊城急新得蛾眉正少年淑芳亦知必败营别业以遯迹焉木棉之後自度为尼罕有知者词数阙今錄其浣溪纱云散步山前春草香朱阑緑水遶吟廊花枝惊堕绣衣裳?定?摇江上柳爲鸾为凤月中篁为谁掩抑锁云牕更漏子云墨痕香红蜡泪点点愁人离思桐叶落蓼花残鴈声天外寒五云岭九溪坞待到秋来更苦风淅淅水淙淙不教蓬径通至今五云山下九溪坞尚有尼庵【西湖志余】

章丘先生至元都旅次无聊对月歌曰万里倦行役秋来瘦几分因看河北月忽忆海东云夜静闻邻妇有倚楼而泣者明日访之则宋宫人金德淑也询李曰客非昨暮悲歌人乎词乃佳制否李曰歌非已作有同舟人自杭来吟此故记之耳妇泣曰此亡宋昭仪王清惠所寄汪水云诗因自举其望江南词云春睡起积雪满燕山万里长城横缟带六街灯火已阑珊人立玉楼间後遂委身於生【乐府旧闻】

延佑初永嘉滕穆寓临安聚景园月夜遇一丽人自言故宋理宗宫人卫芳华也命女侍名翹者设茵席陈酒果邀滕共饮自歌木兰花慢词以侑觞云记前朝旧事曾此地会神仙向月地云阶重携翠袖来拾花钿繁华总随流水叹一场春梦杳难圆废港芙蓉滴露断堤杨柳摇烟两峯南北只依然輦路草芊芊恨别馆离宫烟消凤盖波没龙船平生玉屏金屋对漆灯无焰夜如年落日牛羊冢上西风燕雀林边遂?翹翹守宅而随生焉经三年忽云冥缘已尽遂别【乐府纪闻】

明州舒信道中丞第中常见一女子举手代拍而歌者询之云姓丘氏每歌烛影摇红曲有云绿净波光浅寒先到芙蓉岛谢池幽梦属才郎几度生春草恨锁横波远山浅黛无人埽句亦婉丽家人以其为祟延法士治之则一池中物也【乐府纪闻】

宋人不知诗而强作诗其为诗也言理而不言情终宋之世无诗然其欢愉愁苦之致动於中而不能抑者类发於诗余故其所造独工盖以沉摯之思而出之必浅近使读之者骤遇之如在耳目之前久诵之而得隳永之趣则用意难也以儇利之词而制之必工链使篇无累句句无累字圆润明密言如贯珠则铸词难也其为体也纖弱明珠翠羽犹嫌其重何况龙鸾必有鲜妍之姿而不藉粉泽则设色难也其为境也婉媚虽以惊露取妍实贵含蓄不尽时在低徊唱叹之际则命篇难也宋人专事之篇什既富触景皆会虽高谈大雅而亦觉其不可废也【陈子龙】

御选历代诗余卷一百十八

# 卷一百十九

<集部,词曲类,词选之属,御选历代诗余

钦定四库全书

御选历代诗余卷一百十九

司经局洗马掌局事兼翰林院修撰加二级【臣】王奕清奉旨校刊

词话【金元】

金章宗喜文学善书画闻宋徽宗以苏合油烟爲墨命购得之墨一两价黄金一斤尝有蝶恋花词咏聚扇云几股湘江龙骨瘦巧样翻腾叠作湘波皱金缕小钿花草鬪翠条更结同心扣金殿珠帘闲永昼一握清风暂喜怀中透忽听传宣须急奏轻轻褪入香罗袖【词苑】章宗喜翰墨听朝之暇即与李宸妃登梳妆台评品书画临翫景物得句辄自书之李妃亦有梳妆台乐府不传於世亦闺幃中间气所鍾也【如庵小集】

金世宗尝赐元悟玉禅师长短句云但能了净万法因缘何足问日月无爲十二时中更勿疑常须自在识取从来无罣碍佛佛心心佛若休心也是尘师献和云无

爲无作认着无爲还是缚照用同时电卷星流已太迟非心非佛唤作非心犹是佛人境俱空万象森罗一境中此减字木兰花也世宗尝以手心书非心非佛四字示禅师故及之【法苑春秋】

海陵阅柳永望海潮词有三秋桂子十里荷花句遂有立马吴山之志淳熙中谢处厚诗云谁把杭州曲子讴荷花十里桂三秋那知卉木无情物牵动长江万里愁余谓此不足以咎柳永也惟一时士大夫妆点湖山流连景物竟忘中原爲可恨耳【崔林玉露】

金主亮亦能词其待月鹊桥仙云停杯不举停歌不发等候银蟾出海不知何处片云来做许大通天障碍虬髯捻断星眸睁裂惟恨劒锋不快一挥截断紫云腰仔细看嫦娥体态傚而实豪其咏雪昭君怨云昨日樵邨渔浦今日琼川银渚山色卷帘看老峰峦锦帐美人贪睡不觉天孙翦水惊问是杨花是芦花则又诡而有致矣【艺苑雌黄】

密国公完顔璫宗室之才隽明昌中禁诸王不得与外人交故能穷日力於书而一时文士亦时至其门藏书甚富与中秘等其如庵小藁有临江仙青玉案可歌也【金史论略】

吴彦高在会宁府遇一老姬善琵琶者自言故宋梨园旧籍彦高对之凄然爲赋春从天上来

词云海角飘零叹汉苑秦宫坠露飞萤梦回天上金屋银屏歌吹竞举青冥问当时遗谱有絕艺鼓瑟湘灵促哀弹似林莺啁啾山溜泠泠梨园太平乐府醉几度春风鬓发星星舞彻中原尘飞沧海风雪万里龙庭写清笳幽怨人憔悴不似丹青酒微醒一轩凉月灯火青荧宁宗庆元间三山郑中卿随张贵谟出使北地闻有歌之者归而述之元遗山曰曾见王防御公玉说此词句句用琵琶故实引据甚明惜不能记忆矣【古今词话】

先公在燕山日偶赴北人张总侍御家集出侍儿佐酒中有一人进止温雅意状摧抑可怜问其姓名乃宣和殿小宫姬也坐客翰林直学士吴彦高作人月圆词纪之云南朝千古伤心地曾唱後庭花旧时王谢堂前燕子飞入人家恍然一梦仙肌胜雪宫鬓堆鸦江州司马青衫泪湿同是天涯举座凄然有挥涕者【洪迈】

彦高在张侍御座上赋人月圆词时宇文叔通亦赋念奴娇先成而颇近俚鄙及见彦高作茫然自失自後人有求作乐府者叔通即批云吴郎近以乐府高天下可往求之【中州乐府】

木兰花慢惟柳耆卿清明词得音调之正盖倾城盈盈欢情皆於第二字中藏韵近见吴彦高中秋词云敞千门万户瞰沧海烂银盘对沆瀣楼高储胥鴈迴坠露生寒阑干眺河汉外送湿云尽去衆星乾丹桂霓裳缥缈似闻杂佩珊珊长安底处高城人不见路漫漫叹旧日心情如今容鬓瘦沈愁潘幽欢纵容易得奈佳期动是隔年看归去江湖一叶浩然对景垂竿所用阑干长安幽欢等字亦不失韵然後段起句又异常体元遗山集中此调凡九首内五首两处用韵亦未爲全知者【词品】金九主百一十八年间独蔡松年丞相乐府与吴彦高东山乐府脍炙艺林推爲吴蔡体松年尉迟杯有梦似花飞人归月冷一夜小山新怨之句其子珪字正甫即萧真卿所谓金源文派断以蔡正甫爲宗者乃其乐府仅见一江城子附萧闲公集後何文人之词阙如也【竹坡丛话】

蔡松年小词喜银屏小语私分麝月春心一点麝月茶名麝言香月言圆也或说麝月是画眉香煤亦通但下不得分字又党怀英茶词红莎绿蕖春风饼趁梅驿来云岭金自明昌大定时文物已圯中国而制茶之精如此风味亦何减宋人【词品】

乐府推吴彦高蔡伯坚爲吴蔡体实皆宋儒也不当於金源文派列之当断自蔡正甫爲宗党竹谿次之赵闲闲又次之余倡此论一时无异议云【萧真卿】

蔡正甫江城子云鹊声迎客到庭除问谁欵故人车千里归来尘色满征裾珍重主人留客意奴白饭马青刍东城入眼杏千株雪模糊俯平湖与子花间随兮倒金壶归报东垣诗社友曾念我醉狂无乃爲王季温自北都归过三河坐中赋也【中州集】

党怀英文似欧阳不爲奇险语诗如陶谢奄有魏晋风少同辛幼安师事蔡丞相伯坚爲其所识拔筮仕决以蓍辛得离南归党得坎遂留事金有竹谿词【中州乐府】金源文派不过诗词家耳赵周臣尝集党承旨路司谏赵黄山刘之昂尹无忌王逸宾周德卿七人目爲明昌词人雅制刻木以传【元儒考略】

王庭筠字子端读书黄华山寺好赋梅花引高宪字仲常庭筠之甥有舅氏风亦好赋梅花引後改名贫也乐【词统】

宇文太学虚中蔡丞相伯坚蔡太常珪党承旨怀英赵尚书秉文王内翰庭筠其所制乐府大旨不出苏黄之外要之直於宋而伤浅质於元而少情也【中州乐府】

宋开禧中金将赫舍哩子仁驻兵濠梁命小刘之昂赋上平南词书壁云蛩锋摇螳臂振旧盟寒恃洞庭彭蠡狂澜天兵小试万蹄一饮楚江乾捷书飞奏九重殿春满长安舜山川周礼乐唐日月汉衣冠洗五州妖气关山已平全蜀风行何用一泥丸有人传喜日边路都护先还事载齐东野语按子仁破宋兵史书之矣何以词品曰元将赫舍哩子仁也胡应麟笔丛力驳用修之误谓当在张浚用兵符离时又云赫舍哩本姓金元人无此姓其说实无据惟蒋一葵外纪载韩侂胄欲伐金金将驻兵濠梁命小刘之昂作上平南词则知词品竟谓子仁作者亦悞王世贞宛委余编曰金人姓氏有赫舍哩华言曰高是赫舍哩即其姓胡之不详於稗史亦犹之杨耳【古今词话】

金人乐府称邓干江望海潮爲第一其词云云雷天堑金汤地险名藩自古皋兰营屯绣错山形米聚襟喉百二秦关鏖战血犹殷见阵云冷落时有鵬盘静塞楼头晓月依旧玉弓弯看看定远西还有元戎阆令上将斋坛区脱昼空兜铃夕解甘泉又报平安吹笛虎牙闲且宴陪珠履歌按云鬟招取英灵毅魄长遶贺兰山此词全步骤沈公述上王君贶一首而繁缛雄壮何啻十倍过之不止出蓝已也【词品】

王予可字南云本军校子南渡後居鄆城麻九畴知几张?伯玉与之游甚狎年三十余大病後忽能作诗文与之纸辄书数百言散漫无首尾遇宋讳亦时避之询以故实其应如响稍有条贯随以诞幻语乱之尝赋射虎诗首句云风色偃貂裘即掷笔云此虎来矣其宫词云翠雀啄晴苔醉後句云一壶天地醒眠小乐府句云唾尖绒舌澹红甜词意隽上无尘俗气时李子迁赠以诗云石鼎夜联诗笔健布囊春醉酒钱麤亡後复有见之淮上者或云忠义神仙也【中州乐府】

王予可明昌时人或传其仙去事不可知其生查子云夜色静明河风好来千里水殿谪仙人皓齿清歌起前声金铎中後调银河底一夜岭头云遶徧楼前水词之高妙飘逸如此固谪仙之流亚也【词品】

王正之喜迁莺爲别内作也词云东楼欢宴记遗簪绮席题诗纨扇月枕双敲云牕同梦相伴小花深院旧欢顿成陈迹翻作一番新怨素秋晚听阳关三叠一尊相饯留恋情缱绻红泪洗妆雨湿梨花面鴈足关河马头星月西去一程程远但愿此心如旧天也不违人愿再相见把生涯分付药炉经卷纒緜凄惋殊令人不能爲怀【尧山堂外纪】

博陵县有郝仙女庙仙女魏青龙中人年及笄姿色姝丽采苹水中苍烟白雾俄失所在其母哀求水滨愿言一见良久异香袭人隐约於波渚间曰儿以灵契托蹟绡宫阴主是水府世缘

已断无用悲悵而今而後使乡社田蚕岁宜有感而通乃爲吾验後人立庙祀之王正之题喜迁莺词云汀洲苹满记翠笼采采相将邻媛苍渚烟生金支光烂人在雾绡蛟馆小鬟顿成云散罗韞凌波不见翠鸾远但清溪如镜野花留钿情睠惊变现身後神功丝满吴蚕茧汉女菱歌湘妃瑶瑟香动倚云层殿彤车载花一色醉尽碧桃清宴故山晚叹流年一笑人间飞电【词品】

王特起贺人生第三子叠用三字作喜迁莺词云古今三絶惟郑国三良汉家三杰三俊才名三儒文学更有三君清节争似一门三秀三子三孙奇崛人总道赛蜀郡三苏河东三薛欢悵况正是三月风光好倾杯三百子并三贤孙齐三少俱笃三余事业文既三冬足用名即三元高揭亲朋庆看宠加三锡礼膺三接此等语意即福唐体之变调也【古今词话】

正大末冯子骏奉命北使见留不屈割?髯羈管丰州二年乃还天兴初京城?投井死劲骨正气可与洪忠宣文信国并传其所作玉楼春临江仙诸词亦不减天涯池馆雨过霞明之句也【中州乐府】

刘仲尹龙山词盖参涪翁而得法者草堂中与刘迎词并入选皆金昌词人也【词统】

元遗山从郝天挺游六年学成闲闲公以书招至之爲延誉公卿间及登第出公之门正大甲申诸公坐政府有从外至者诵遗山所作秦王破塞建德降王世充露布公顾左右曰人言我党元子诚党之邪【金源言行録】正大中狂僧李菩萨於十月间洒洒作花开牡丹二株遗山爲赋满庭芳一时传诵【锦机集】

元遗山鴈丘词序曰太和五年乙丑岁赴试并州道逢捕鴈者云今日获一鴈杀之矣其脱网者悲鸣不能去竟自投於地而死余因买得之葬於汾水之上累石爲识号曰鴈丘并作鴈丘词云问世间情是何物直教生死相许天南地北双飞客老翅几回寒暑欢乐趣离别苦就中更有痴儿女君应有语渺万里层云千山暮雪只影向谁去横汾路寂寞当年箫鼓荒烟依旧平楚招魂楚些何嗟及山鬼暗啼风雨天也妒未信与莺儿燕子俱黄土千秋万古爲留待骚人狂歌痛饮来访鴈丘处李冶和云鴈双双正飞汾水回头生死殊路天长地久相思债何似眼前俱去摧劲羽倘万一幽冥却有重逢处诗翁感遇把江北江南风嘹月唳并付一丘土仍爲汝小草幽兰丽句声声字字酸楚拍江秋影今何在宰木欲迷堤树霜魂苦算犹胜王嫱青塚真娘墓凭谁说与对鸟道长空龙艘古渡马耳泪如雨【中州乐府】

遗山词深於用事精於链句其风流蕴藉处不减周秦【张炎】

王德新玉溪在嵩山之前费庄两山之絶胜处也遗山作水调歌头以纪之云空蒙玉华晓潇洒石淙秋嵩高大有佳处元在玉溪头翠壁丹崖千丈古木寒藤两?邨落带林丘今日好风色可以放吾舟百年来算惟有此翁游山川邂逅佳客猿鸟亦相留父老鸡豚乡社儿女篮舆竹几来往亦风流万事已华发吾道付沧洲【词苑】三奠子唐宋未有是曲元遗山锦机集中有二阕传是奠酒奠谷奠璧也崔令钦教坊记有奠璧子元词云怅韶华流转无计流连行乐

地一凄然笙歌寒食後桃李恶风前连环玉回文锦两纏絲芳尘未远幽意谁传千古恨再生缘闲衾香易冷孤枕梦难圆西牕雨南楼月夜如年【词辨】

段克已渔家傲云楼外垂杨千万缕风落絮阑干倚徧空无语段成已大江东去云篱菊将开村醪初熟且住爲佳耳笑言相答个中吏隐无愧二段幼有才名赵尚书秉文识诸童时目之曰二妙大书双飞二字名其里兄弟俱第进士入元後皆不仕时人目爲儒林标榜【古今词话】

近世所谓大曲在金则吴彦高春草碧蔡伯坚石州慢元遗山买陂塘邓千江望海潮堪与苏子瞻念奴娇辛幼安摸鱼儿相颉颀【陶宗仪】

元在御时宫掖事无能知者永乐元年赐周宪王一穿宫老嫗嫗爲元后乳姆之女久居内庭通书翰记元宫中事甚悉王暇日访之具得其详多有史氏所不载者因制词百首别有张昱辇下曲来复燕京杂咏各百首胜国事蹟灿然在目昔人谓迂固最号博洽然其後葛洪辈三辅黄图等书纪秦故事又皆迂固之所未及也【龙庄甄敬】

张弘范围襄阳日赋鷓鴣天词多夸大之语其临江仙有云紫箫明月底翠袖暮云寒风调不减晏小山可知元之武臣亦有能词者【古今词话】

许衡别大名亲旧满江红云河上徘徊未分袂孤怀先怯中年後此般憔悴怎禁离别泪苦滴成襟畔湿愁多拥就心头结倚东风搔首漫无聊情难说黄卷在消白日青镜里增华发念岁寒交友故山烟月虚负人生归去好谁知美事难双得计从今佳会几何时长相忆此被召时作也又尝自言曰生平爲虚名所累不能辞官其心亦可哀矣【古今词话】

刘秉忠乾荷叶曲云乾荷叶色苍苍老柄风摇荡减清香越添黄都因昨夜一番霜寂寞秋江上此秉忠自度曲曲名乾荷叶即咏乾荷叶犹是唐词之意也又一首吊南宋云南高峰北高峰惨澹烟霞洞宋高宗一場空吴山依旧酒旗风两度江南梦此借腔别咏後世词例也秉忠助元亡宋而其吊惜之词感慨凄惻如此岂其中亦有不得已者邪或云此词非秉忠作【杨慎】

程钜夫有寿燕公楠摸鱼儿云记江梅向来轻别相逢今又平楚东风小试南枝暖早已干林烟雨春几许向五老仙家移下琼瑶树溪桥驿路更月晓堤沙霜寒野水疎影自容与平生事几度含章殿宇隔花么凤能语苔枝天矫苍龙瘦谁把冰须细数千万缕簇一点芳心待与和羹去移宫换羽且顾曲传觴主人花下今日庆初度盖五峰生日在梅花时故通首皆影借梅花故事也燕亦有和韵答程雪楼见寿云又浮生平头六十登楼怅望荆楚出山小草成何事闲却竹烟松雨空自许早飘落江潭一似琅琊树苍苍天路漫伏枥心长衔图志短岁晏欲谁与梅花赋飞堕高寒玉宇铁肠还解情语英雄操与君侯耳过眼羣儿谁数霜髯缕祗梦听枝头翡翠催归去清觴飞羽且细酌盱泉酣歌郢雪风致美无度按摸鱼儿乐府大曲元之公卿间用以倡酬如此【词苑】

王翰林恽字仲谋仕元日亦效吴彦高赋故人春从天上来词不引用故实而澹宕可喜小词甚多若平湖乐及後庭花破子即元人所爲曲调也【乐府纪闻】

天台陈刚中曾爲僧以避世变至元中献大一统赋得官奉使安南有诗云老母越南垂白发病妻塞北倚黄昏蛮烟瘴雨交州客三处相思一梦魂所着交州集一卷皆志风土之异端阳日当母诞不得归作太常引词云彩丝堂上簇兰翘记生母在今朝无地捧金蕉奈烟水龙沙路遥又云短衣孤劒客乾坤奈无策报亲恩三载隔晨昏更疎雨寒灯断魂至今读之犹令人如见青衫泪痕也【尧山堂外纪】

大名民家有男女以私情不遂赴水者後三日二尸相抱出水滨是年此陂荷花无不并蒂李冶赋双蕖怨云爲多情和天也老不应情遽如许请君试听双蕖怨方见此情真处谁点注香潋灩银塘对抹胭脂露藕丝几许伴玉骨春心金沙晚泪漠漠瑞红吐连理树一样骊山怀古古今朝暮云雨六郎夫妇三生梦幽恨从来艰阻须念取共翡翠鸳鸯照影长相聚秋风不住怅寂寞芳魂轻烟北渚凉月又南浦事奇而词亦工堪与鴈丘作并传【乐府纪闻】

梁贡父燕京人大德初爲杭州路总管政事文学皆有可观尝作西湖送春木兰花慢词云问花花不语爲谁落爲谁开算春色三分半随流水半入尘埃人生能几欢笑但相逢尊酒莫相推千古幕天席地一春翠绕珠围彩云回首暗高台烟树渺吟怀一醉留春留春不住醉里春归西楼半帘斜日怪衔春燕子却飞来一枕青楼好梦又教风雨惊回此词格调俊雅不让宋人也【词品】

赵子昂以程钜夫荐仕元爲翰林承旨元主见其仪观非常恐爲人望所归密至馆阁相其背曰秀才官後有虞堪题其所画苕溪图曰吴兴公子玉堂仙写出苕溪似辋川回首青山红树下那无十亩种瓜田邵复孺曰公以承平王孙而遭世变黍离之悲有不能忘情者故其长短句有骚人之遗【尧山堂外纪】

都城外有万柳堂廉野云置酒招卢疎斋赵松雪同饮时歌妓解语花者左手折荷花右手执杯行酒歌小圣乐词云绿叶阴浓徧池亭水阁偏趁凉多海榴初绽朵朵蹙红罗乳燕雏莺弄语对高柳鸣蝉相和骤雨过似琼珠乱撒打徧新荷人世百年有几念良辰美景休放虚过富贵前定何用苦张罗命友邀宾燕赏饮芳醪浅斟低歌且酩酊从教二轮来往如梭此词载锦机集盖元遗山预爲制曲以教歌者也【古今词话】

赵松雪於李丞相会间赠歌者贵贵浣溪沙云满捧金杯低唱词尊前再拜索新诗老夫惭愧鬓成丝罗袖染将修竹翠粉香须上小梅枝相逢不似少年时【词苑】松雪夫人管仲姬生泖西小蒸至今其路尚名管道工诗善画竹亦能小词尝题渔父图云人生贵极是王侯浮利浮名不自由争得似一扁舟弄月吟风归去休松雪和云渺渺烟波一叶舟西风木落五湖秋盟鸥鹭傲王侯管甚鲈鱼不上钩【太平清话】

赵承旨与管夫人伉俪相得倡和甚多一日赵欲纳姬以一曲调管夫人云我爲学士你做夫



人岂不闻陶学士有桃叶桃根苏学士有朝云暮云我便多娶几个吴姬越女何过分你年纪也过四旬只管占住玉堂春管亦以一曲答之云你依我依忒煞情多情多处热似火把一块泥捏一个你塑一个我将他来齐打破用水调和再捏一个你再塑一个我我泥中有你你泥中有我和你生同一个衾死同一个椁调笑甚工【古今词话】

故宋驸马都尉杨震尝招詹天游饮酒半出诸姬侑觞天游属意名粉儿者口占浣溪沙有不曾真个也消魂之句杨遂以粉儿赠之曰请天游真个消魂也天游又有清平乐云醉红宿翠髻髻乌云坠管是夜来浑不睡那更今朝早起东风满搦腰肢堦前小立多时却恨一番新雨想应湿透鞦儿云见一妓诉状立厅下遂赋此一云石次仲作【乐府纪闻】

詹天游於至元中监醮长春宫见羽士丈室古镜状如秋叶背有金刻宣和御宝四字有感因赋霓裳中序第一词云一规古蟾魄瞥过宣和几春色知那个柳松花怯曾搓玉团香涂云抹月龙章凤刻是如何儿女消得便孤了翠鸾何限人更在天北磨灭古今离别幸相从蓟门仙客萧然林下秋叶对云淡星疎眉青影白佳人已倾国漫赢得痴铜旧画兴亡事道人知否见了也华发【词苑】

詹天游以艳词得名见诸小说其送童瓮天兵後归杭齐天乐云相逢唤醒京华梦吴尘暗斑吟发倚担评花认旗沽酒历历行歌奇迹吹香弄碧有坡柳风情逋梅月色画鼓红船满湖春水断桥客当时何限俊侣甚花天月地人被云隔却载苍烟更招白鹭一醉修江又别今回记得再折柳穿鱼赏梅催雪如此湖山忍教人更说此伯颜破杭州之後也观其词絶无黍离之感桑梓之悲而止以游乐爲言宋季士习一至於此【词品】赵待制作木兰花慢词又别书乐府成帙以就正於王德珪凡三十五首而艳词特多凭阑干水调歌头二阙颇以孤忠自许纷华是薄而兴亡骨肉之感默寓其中意其父子之仕当时亦实有不得已者良可悲也【许初跋赵仲穆自书乐府卷子】

王德珪赵子昂之壻其学识爲时所推尤长於今乐府曾制踏莎行八阙寄杨廉夫廉夫大称赏命侍儿歌之并梓以行世【词统】

姚牧庵醉高歌词云十年燕月歌声几点吴霜髻影西风吹起鲈鱼兴已在桑榆暮景荣枯枕上三更傀儡場中四并人生幻化如泡影几个当机自省牧庵一代文章钜公此词高古不减东坡稼轩【词品】

吴草庐以理学名其和揭浩斋送春渡江云流传一时词云名园花正好娇红殢白百态竞春妆笑痕添酒晕丰脸凝脂谁与试铅霜诗朋酒伴趁此日流转风光尽夜游不妨秉烛未觉是疎狂茫茫一年一度烂漫离披似长江去浪但要教啼莺语燕不怨卢郎问春春道何曾去任蜂蝶飞过东墙君看取年年潘令河阳【词苑】元文宗御奎章阁虞伯生爲侍从日以讨论法书名画爲事柯敬仲退居吴下伯生赋风入松词寄之末云报道先生归也杏花春雨江南词翰兼美一时传唱机坊织其词爲靶几如法锦後张仲举於姚子章席上同敬仲赋摸鱼儿末段及之云楚芳玉润吴兰媚一曲夕阳西下沉醉罢君试问人生谁是无情者先生归也但

留意江南杏花春雨和泪在罗帕楚芳吴兰二妓名【古今词话】黄季景湖亭莲花中有双头一枝方邀客同赏而为人折去季景惘然张仲举为作摸鱼儿词云问西湖旧家儿女香魂还又连理多情欲赋双蕖怨闲却满匳秋意娇旖旎爱照影红妆一样新梳洗王孙正拟唤翠袖轻歌玉笙低按凉夜为花醉鸳鸯浦凄断凌波梦里空怜心苦丝脆吴娃小艇应偷采一道绿萍犹碎君试记还怕是西风吹作行云起阑干漫倚待载酒重来寻芳已晚余恨渺烟水【词苑】

古今梅词甚多惟张翥六州歌头一首云孤山岁晚石老树槎枒逋仙去谁为主自疎花破冰芽乌帽骑驴处近修竹侵荒藓知几度蹋残雪趁晴霞空谷佳人独耐朝寒峭翠袖笼纱甚江南江北相忆梦魂赊水遶云遮思无涯又苔枝上香痕沁么凤语冻蜂衙瀛屿月偏来照影横斜瘦争些好约寻芳客问前度那人家重呼酒摘琼葩插鬓鸦唤起春郊扶醉休辜负锦瑟年华怕流芳不待回首易风沙吹断城笳真有飞鸿戏海舞雩游天之势【卓人月】

仇仁近居钱塘游其门者张雨张翥俱以能词名其咏蝉齐天乐极可诵尝登招宝山观月出作八犯玉交枝後段云不知是水是山不知是树茫茫知是何处倩谁问凌波轻步漫凝睇乘鸾秦女想庭曲霓裳正舞莫须长笛吹愁去怕唤起鱼龙三更喷作前山雨其纵横之妙直似东坡【词苑】

张雨故宋崇国公九成裔孙自号句曲外史有雪狮儿咏梅花次仇山邨韵云含香弄粉便勾引游骑寻芳城南城北别有西邨断港冰澌微绿孤山路熟伴老骝晚先寻宿怕冻损三花两蕊寒泉幽谷几番花影濯足记归来醉卧雪深平屋春梦无凭鬓底鬃蛾争扑不如图画相对展官奴风竹烧黄烛自听瓶笙调曲【词苑】沈休文八咏诗语丽而思深後人遂以名楼映照千古近时赵子昂鲜于伯机诗词颇胜赵诗云山城秋色静朝晖极目登临未拟归羽士曾闻辽鹤语征人又见塞鸿飞西流二水玻璃合南去千峰紫翠围如此溪山良不恶休文何事不胜衣伯机百字令云长溪西注似延平双劒千年初合溪上千峰明紫翠放出羣龙头角潇洒云林微茫烟草极目春洲阔城高楼迴恍然身在寥廓我来阴雨兼旬滩声怒起日日东风恶须待青天明月夜一试严维佳作风景不殊溪山信美处处堪行乐休文何事年年多病如削伯机名枢自号困学民性嗜古物图书彝鼎环列一室中客至则相对吟讽穷日夜不倦或命酒径醉醉中作放歌大字皆奇崛不凡居吴兴时赵子昂为貌其神蜀郡虞伯生赞之曰敛风沙裘劒之豪为湖山图史之乐翰墨秣米薛而有余风流拟晋宋而无忤可以想其人矣【词品】

萨天锡小阑干词云去年人在凤凰池银烛夜弹丝沉水香消梨云梦暖深院绣帘垂今年冷落江南夜心事有谁知杨柳风柔海棠月淡独自倚阑时笔情何减宋人其金陵怀古词尤多感慨有一江南北消磨多少豪杰之句【词苑】

天台陶宗仪崎岖乱离之日每以笔墨自随时时休息树阴有所见辄摘叶书之贮破盎埋树根下积十数日一发其藏书成名辍耕录有南浦词其卒章曰水荇摇晚月明一笛潮生浦欲问渔郎无恙否回首武陵何许其高致可想见也【古今词话】

会波邨在松江城北三十里其西九山离立若幽人冠带拱揖状一水并九山南过邨外以入於海沟塍畎隐翳竹树间春时桃花盛开鸡犬之声相闻有武陵风概隐者停云子居焉一舟时放中流或投竿或弹琴或呼酒独酌或哦咏陶谢韦柳诗殆将与功名相忘尝坐余舟中作茗供襟抱清旷不觉度成溪山好一曲主人即补入中吕调命洞箫吹之与童子櫓歌相答极鸥波缥缈之思【陶宗仪】

吴仲圭工於画亦能小词尝题麀溪沈彦实处士画册云红叶邨西日影余黄芦滩畔月痕初轻拨棹且归欵挂起渔竿不钓鱼盖渔父词也其品之高妙何减张志和【名画记】

倪元鎮亦以画名慕吴仲圭之爲人曾绘其渔父词爲图小词亦澹而洁【古今词话】

云林有人月圆词云惊回一枕江南梦渔唱起南津画屏云嶂池塘春草无限消魂旧家应在梧桐覆井杨柳藏门闲身空老孤篷听雨灯火江邨词意高洁别有赠妓小璫英柳梢青云楼上玉笙吹彻白露冷飞琼佩玦黛浅含颦香残栖梦子规啼月扬州往事荒凉有多少愁萦思结燕语空津鸥盟寒渚画阑飘雪又何其婉转多风如是【词苑】

元人工於小令套数而词学渐衰惟滕玉霄集中填词不减宋人之工鹊桥仙齐天乐二首共推清绮又有赠宋六嫂百字令云柳颦花困把人间恩爱尊前倾尽何处飞来双比翼直是同声相应寒玉嘶风香云卷雪一串骊珠引元郎去後有谁着意题品谁料浊羽清商繁弦急管犹自余风韵莫是紫鸾天上曲两两玉童肩并白发梨园青衫老傅试与流连听可人何处满庭霜月清冷六嫂小字同寿元遗山有赠觥策工张翥儿词即其父也嫁於宋每与其夫合乐妙入神品盖六嫂善讴其夫能传其妇翁之艺云玉霄又有赠歌童阿珍瑞鹧鸪云分桃断袖絶嫌猜翠被红裯兴不乖洛浦乍阳新燕尔巫山行雨左风怀手携襄野使娟合背抱齐宫婉娈谐玉树庭前千载曲隔江唱罢月笼阶盖郑樱桃解红儿之流用事甚工予同年吴学士仁甫极喜诵之【词品】崑山顾阿瑛好游每出必以笔墨自随往来九峰遯浦间自称金粟後身一日同陈浩然游支硎山饮於张氏楼徐姬楚兰佐酒以琵琶度曲座客郟云台爲之心醉阿瑛口占蝶恋花词戏之有云玉手佳人笑把琵琶理狂杀云台标外史断肠只合江州死一时争传唱之【古今词话】

予於近世诸家乐府惟清真词犁然有当於心晴川殊有宗风雨坐空山试阅一解便如轻衫骏骑上下五陵花发莺啼垂杨拂面时也【程钜夫】

无名氏有作天净沙者其一云枯藤老树昏鸦小桥流水平沙古道西风瘦马夕阳西下断肠人在天涯其二云平沙细草斑斑曲溪流水潺潺塞上清秋早寒一声新鴈黄云红叶青山每见元人作金字经迎仙客乾荷叶天净沙等曲因其无一定之律欲去之如此曲马字亦可叶作平声者则何所不至也【老学丛谈】

元人小说博罗有杏园春时诸女秋千爲戏拜珠立马墙头见之求婚焉令赋秋千寄调菩萨蛮咏莺寄调满江红词意可喜许之按安图孙曰拜珠延佑中少年平章也【乐府纪闻】

昔於臨潼驪山之湯泉見石刻元人無名氏一詞云三郎年少客風流夢綉嶺盡瑤環漸嬌汗發香海棠睡暖笑波生媚荔子漿寒況此際曲江人不見偃月事無端羯鼓三聲打開蜀道霓裳一曲舞破潼關馬嵬西去路愁來無會處汨滿關山空有羅囊遺恨錦韞傳看嘆玉笛聲沉樓頭月下金釵信杳天上人間幾度秋風渭水落葉長安語語爲太真紀恨按之爲大石調風流子也再過之石已磨爲別刻矣【詞品】

天目中峰禪師與趙文敏爲方外交同院馮海粟學士甚輕之一日松雪強中峰同訪海粟海粟出所賦梅花百絕句示之中峰一覽畢走筆成七言律詩如馮之數海粟神氣頓懾嘗賦行香子詞云短短橫牆矮矮疎牕一方兒小小池塘高低疊嶂曲水邊旁也有些風有些月有些香日用家常竹几藤牀盡眼前水色山光客來無酒清話何妨但細烘茶淨洗盞滾燒湯又云閬苑瀛洲金谷瑯樓算不如茅舍清幽野花綉地莫也風流却也宜春也宜夏也宜秋酒熟堪簞客至須留更無榮無辱無憂退閑是好着甚來由但倦時眠渴時飲醉時謳又云水竹之居吾愛吾廬石粼粼亂砌堦除軒牕隨意小巧規模却也清幽也瀟灑也安舒嬾散無拘此等何如倚闌干臨水觀魚風花雪月贏得工夫好炷些香圖些畫讀些書若不经意出之者所謂一天真一一明妙也【筆記】

馮海粟每臨文必命侍史二三人潤筆以俟酒酣伸紙疾書隨數多寡頃刻而盡嘗賦踏莎行詞以贈妓女珠帘綉【堯山堂外紀】

黃子常賣花聲本意云人過天街曉色担頭紅紫滿筠筐浮花浪蕊畫樓睡醒正眼橫秋水听新腔一聲催起吟紅叫白報得蜂兒知未隔東西余音軟美迎門爭買早斜簪云髻助春嬌粉香帘底喬夢符和之云侵曉園丁報道嬌紅嫩紫巧工夫攢枝餽蕊行歌伫立洒洗妝新水卷香風看街帘起深深巷曲有個重門開未忽驚他尋春夢美穿牕透閣便凭伊喚取惜花人在誰根底可謂工力悉敵夢符嘗言作樂府有三法凤頭猪肚豹尾也其集名惺惺老人樂府【堯山堂外紀】

邵亨貞有沁園春二首一咏美人眉一咏美人目新艷入情其單詞凭闌人云誰寫江南一段秋妝點錢塘蘇小樓樓中多少愁楚山無尽头氣竭於直而情亦不贍【古今詞話】

楊鐵崖年未七十休官駕一舟名春水宅往來九峰三泖間東南才俊之士造門納屨無虛日酒酣以往筆墨橫飛鉛粉狼籍或戴華陽巾披鶴氅坐船屋上吹鐵笛作梅花弄或呼侍儿歌白雪之詞自倚凤琶和之賓客皆蹁跹起舞以爲神仙中人竹枝盛於元季鐵崖集之自制亦至五十余首時又有一鐵崖者假其名折柬至止相見之次飲酒賦詩才思不減絕無赧容不受津饋而去鐵崖爲嘆息久之【古今詞話】

楊廉夫竹枝詞一時和者五十余人詩百十余首予最愛徐延徽一首云盡說盧家好莫愁不知天上有牽牛鵝拋万斛胭脂水泻向銀河一色秋【詞品】

楊鐵崖云往年與大痴道人扁舟東西泖間或乘興涉海抵小金山道人出所制小鐵笛令余

吹洞庭曲道人自歌小海和之不知风作水横舟楫挥舞鱼龙悲啸也【太平清话】

丘长春咏梨花无俗念云春游浩荡是年年寒食梨花时节白锦无纹香烂漫玉树琼苞堆雪静夜沉沉浮光霭霭冷浸溶溶月人间天上烂银霞照透彻浑似姑射真人天姿灵秀意气殊高洁万化参差谁信道不与羣芳同列浩气清英仙才卓犖下土难分别瑶台归去洞天方看清絶长春世之所谓仙人也而词之清拔如此余尝问好事者曰神仙惜气养真何故读书史作诗词答曰天上无不识字神仙余因语吾党曰天上无不识字神仙世间宁有不读书道学邪今之讲道者东书不看号曰忘言观妙岂不反爲异端所笑乎【词品】

元有浚仪永古特氏马公名祖常者制词云金炉宝熏流篆云花间百舌啼早春五方戏马赛争道传宣催赐十流银又云日边宝书开紫泥内人珠帽步辇齐君王视朝天未旦铜龙漏转金鸡啼词统列於竹枝而余辨爲宫词也元人小说中称其乐府纖艳胜人惜乎未见有阿嚕威嘉结桑者竹枝云南北峰头春色多湖山堂下来棹歌美人荡桨过湖去小雨细生寒绿波其张掖人雅克布哈者竹枝云湖头水满藕花香夜深何处有鸣榔郎来打鱼三更里零乱波光与月光其回回巴哩察者竹枝云凤凰岭下月色凉无数竹枝官道旁东家爲爱青青竹截作参差吹凤凰俱极轻丽【古今词话】

元季明州女子柳含春年十六祷於神祠一少年僧竺月华窥其姿而悦之戏以其姓作咒诵云江南柳嫩绿未成陰攀折尚怜枝叶小黄鹂飞上力难禁留取待春深女闻之怒归告其父讼於方国珍捕僧至欲投之江月华诉曰死分也乞伸一言许之乃复吟云江南月如镜亦如鉤如镜未临红粉面如鉤不展翠帏羞空自照东流国珍知其以名爲解一笑释之【留青日札】

元女子有咏九张机者中一首云四张机鸳鸯织就欲双飞可怜未老头先白春波碧草晓寒深处相对浴红衣此与王秋涧之平湖乐邵清溪之凭阑人不便与词并传者也而女子之黠慧可想矣【乐府雅词】

陈凤仪刘燕哥皆乐妓也陈有送别一络索词云海棠也似别君难一点点啼红雨刘有饯刘参议太常云明月小楼间第一夜相思泪弹皆传唱一时【古今词话】嘉靖甲子福清韩梦云过石湖山前见遗骸惻然掩之夜中梦一丽人自称王秋英字澹容元季兵乱不辱而死感君掩骨恩愿谐伉俪明年上巳梦云携鸡酒奠其墓而哭之秋英出见歌所制潇湘逢故人慢一阕有无主泉扃也能得有情鸡黍之句遂与梦云同归【词统】元士大夫以乐府名者奇巧莫如关汉卿庾吉甫杨淡斋卢疎斋豪爽则有冯海粟滕玉霄蘊藉则有贯酸斋马昂夫【太平清话】

词忌堆砌亦不仅以纖艳爲工元人之妙在於冷中带谑所以老优能制少妇善讴即当日院本昔人以被之丝竹者何等清新流丽噫音律一道无关理学何苦复驱之爲学究【元词序】

御选历代诗余卷一百十九

# 卷一百二十

<集部,词曲类,词选之属,御选历代诗余

钦定四库全书

御选历代诗余卷一百二十

司经局洗马掌局事兼翰林院修撰加二级【臣】王奕清奉旨校刊

词话【明】

有明两祖列宗好学不倦染翰俱工如仁宗凤栖梧赋九月海棠云烟抹霜林秋欲褪吹破臙脂犹觉西风嫩翠袖怯寒愁一寸谁传庭院黄昏信明月修容生远恨旋摘余娇簪满佳人鬓醉倚小阑花影近不应先有春风分娟秀絶伦宣宗有醉太平赐学士沈度云浓云散雨收花苑内鸣鸠晓来喜见日光浮暖融融永昼麦苗润泽怀清秀榴花湿映红光溜田家鼓缶尽歌讴是处庆丰年醉酒其留心农事如此不须七月绘豳风矣【兰皋集】

周宪王遭世隆平奉藩多暇留心翰墨尤精马贯之学制诚斋乐府传奇若干种音律谐美流传内府至今中

原弦索多用之李梦阳汴中元宵絶句云中山孺子倚新妆赵女燕姬总擅场齐唱宪王新乐府金梁桥外月如霜王诗有诚斋录新录诸集其竹枝歌云春风满山花正开春衫女儿红杏腮依家荡桨过江去爲问阿郎来不来巴山後面竹鸡啼巴山前头沙鸟栖巴水巴山到郎处闻郎又过石门溪复有鷓鴣天咏绣鞦云花簇香钩浅浣尘轻风微露石榴裙金莲自是慳三寸难载盈盈一段春仙已去事犹存阳台何处更爲云相思携手游春日尚带年时草露痕【兰皋集】

刘基初见明太祖命赋竹箸诗有汉家四百年天下只在张良一借间之句太祖恨相见晚也其未遇时赋感怀水龙吟云鸡鸣风雨潇潇侧身天地无刘表啼鹃迸泪落花飘恨断魂飞绕月暗云霄星沉烟水角声清哀问登楼王粲镜中白髮今宵又添多少极目乡关何处渺青山髻螺低小几回好梦随风归去被渠遮了宝瑟弦僵玉笙指冷冥鸿天杪但侵堦莎草满庭緑树不知昏晓感喟激昂择木之意见矣【草堂词评】

昔文履善过张许庙作沁园春词旨壮烈刘伯温过余阙庙亦作沁园春以哀之其词可与履善相匹今载於此生天地间人谁不死死节爲难念英伟奇才世居淮甸少年科第拜命金銮面折奸贪指挥风雨人道先生铁肺肝生平事扶危济困拯溺摧顽清名要继文山使廉儒闻风胆竝寒想孤城血战人皆致死阖门抗节谁不辛酸宝劒埋光星芒失色露湿旌旗也不乾

如公者黄金难铸白璧常完【词苑】

青田生查子云蜘蛛网画檐一日丝千转红烬落寒釭心死无由见谒金门云风嫋嫋吹綠一庭春草转应曲云秋雨秋雨牕外白杨自语青门引云相怜自有明月照人肺腑清如水渔家傲云乱鸦啼破楼头鼓花犯云余香怨绣被踏莎行云愁如溪水暂时平雨声一夜依然满渡江云云定巢新燕子睡起雕梁对立整乌衣山鬼謠云离魂常在郊树月深星暗苍梧远化作杜鹃归去皆妙丽入神句【古今词话】

宋金华以大手笔开一代风气而亦有丽语如恋郎思郎非一朝好似并州花剪刀一股在南一股北几时裁得合欢袍有郎金凤饰花容无郎秋鬓若飞蓬依身要令千年白不必来涂红守宫此滥湖竹枝也其小词惜不及见耳【古今词话】

杨孟载少时见杨廉夫命赋铁笛歌成廉夫喜曰吾意诗境荒矣今当让子一头地当时有老杨小杨之目眉庵词饶有新致【乐府纪闻】

高季廸十宫词思深致远不仅以典贍见长即如长门怨云君明犹不察妬极是情深可以想其情思青邱乐府大致以疎旷见长而石州慢又纏綿之极綠杨芳草年少抛人晏元献何必不作妇人语【古今词话】

成祖於中秋夜开宴赏月月为云掩命解缙赋诗缙遂口占落梅风一调云嫦娥面今夜圆下云帘不着羣仙见?今宵倚阑不去眠看谁过广寒宫殿成祖览之欢甚又赋长歌成祖益喜同缙饮至夜半月复明朗浮云尽散成祖笑曰卿真夺天手段也【解缙集】

杨廉夫游杭州访瞿士衡於传桂堂士衡之从孙宗吉年十四见廉夫香奩八题即席倚和俊语叠出其花尘春迹云燕尾点波时有韵凤头踏月悄无声黛眉顰色云恨从张敞毫边起春向梁鸿案上生金钱卜欢云织锦轩窗闻笑语采苹洲渚听愁吁香頰啼痕云斑斑湘竹非因雨点点杨花不是春廉夫叹赏谓士衡曰此君家千里驹也时席上以鞦杯行酒即命制词宗吉赋沁园春云一搦娇春弓样新裁莲步未移笑书生量窄爱渠尽小主人情重酌我休迟醞酿朝云斟量暮雨能使麴生风味奇何须去向花尘留迹月地偷期风流到手偏宜便豪吸雄吞不用辞任凌波南浦惟夸罗袜赏花上苑祇劝金卮罗帕高擎银瓶低注絶胜翠裙深掩时华筵散奈此心先醉此恨谁知廉夫大喜命侍妓歌以行酒极欢而罢【词品】

瞿宗吉风情丽逸着翦灯新话及乐府歌词多假红倚翠之语为时传诵及谪戍保安当兴安失守边境萧条永乐己亥降佛曲於塞下选子弟唱之时值元宵作望江南五首词旨凄絶闻者皆为泣下【西湖志余】

凌彦翀於宗吉为大父行彦翀作梅词霜天晓角柳词柳梢青各一百首号梅柳争春宗吉一日尽和之彦翀惊叹呼为小友宗吉以此知名後彦翀自南荒归葬西湖宗吉作诗送之云一去西川隔夜台忽看白璧瘞苍苔酒朋诗友凋零尽只有存斋冒雨来存斋宗吉自号也【西



## 湖志余】

杨复初筑室南山以村居自号凌彦翀赋渔家傲词壽之云采芝步入南山道道深宛似蓬莱岛闻说村居诗思好还被恼苍苔满地无人埽载酒亭前松合抱客来便许同倾倒玉兔已将灵药捣秋意早月华长似人难老复初和云当时承望求仙道那知薄命如郊岛留得残生犹自好多懊恼尘缘俗虑何时埽子已成童无用抱醉眠任便和衣倒今岁砧声秋未捣凉风早看来只恐中年老瞿宗吉亦和云喜来不涉邯鄲道愁来不甯沙门岛惟有村居闲最好无事恼苔阶竹径频频埽有酒可斟琴可抱长生拟看三松倒臼内灵砂亲自捣归隐早朝廷未放元真老宗吉既和此词而复序云旧谱皆以仄声起欧公呼范文正为穷塞主首句所谓塞上秋来风景异者正此格也他如王荆公之平岸小桥千嶂抱周清真之几日春阴寒恻恻谢无逸之秋水无痕清见底张仲宗之钓笠披云青嶂遶亦皆如是今二公皆以平声易之特着此以俟知音尔【词品】

闽人林子羽官员外郎有题吴江垂虹桥诗欲借仙家辽海鹤月明吹笛水晶宫是也其妻朱氏赠外之什亦有待漏衣沾仙掌露朝天身惹御炉香句时闽中良家女张红桥平日欲得才如李青莲者事之林投以诗红桥称善遂委身焉林游金陵作念奴娇留别红桥有云软语叮咛柔情婉娈熔尽肝肠铁此去何之碧云春树早晚翠千叠图将羈思归来细与伊说红桥和答云还忆浴罢描眉梦回携手踏碎梁间月漫道胸前怀豆蔻今日总成虚设桃叶津头莫愁湖畔远树烟云叠寒灯旅邸荧荧谁与闲说一则打算归来一则商量去後情事如见【闲情集】

钱塘马浩澜号鹤臆善咏诗尤工词调虽皓首韦布而含吐珠玉锦绣胸肠褒然若贵介王孙也其词名花影集自序云予始学为南词漫不知其要领偶閱吹劒录中载东坡在玉堂日有幕士善歌坡问曰吾词何如柳七对曰柳郎中词宜十七八女郎按红牙拍歌杨柳岸晓风残月学士词须关西大汉执铁板唱大江东去缘是求二公词而读之下笔略知蹊径然四十余年仅得百篇亦不可谓不难矣法云道人尝劝山谷勿作小艳词山谷云空中语耳余欲以空中语名其集或曰不文改称花影集花影者月下灯前无中生有以为假则真谓为实犹涉虚也徐伯龄言鹤臆与陆清溪同出刘菊庄之门清溪得诗律鹤臆得词调异体齐名可谓盛矣【词品】

聂大年尝赋卜算子词二首盖自况也词云杨柳小蛮腰惯逐东风舞学得琵琶出教坊不是商人妇忙整玉搔头春笋纖纖露老却江南杜牧之嬾为秋娘赋粉泪湿蛟绡只恐郎情薄梦到巫山第几峰酒醒灯花落数日尚春寒未把罗衣着眉黛含顰为阿谁但恨从前错马浩澜和云歌得雪儿歌舞得霓裳舞料想前身跨凤仙合作萧郎妇顔色雪中梅泪点花梢露云雨巫山十二峰未数高唐赋花压鬓云低风透罗衫薄残梦瞢腾下翠楼不觉金钗落几许别离愁犹自思量着欲寄萧郎一纸书又怕归鸿错【词品】

朝鲜苏世让与华使君有倡和集其忆王孙赋残春云无端花絮晓随风送尽春归我又东雨後岚光翠欲浓寄征鸿家在千山万柳中又西域锁懋坚作乐府有声其菩萨蛮赋残春云晓

钟若到春偏去一番日永伤迟暮谁送断肠声黄鹂知客情山光娇靥湿仍滞伤春泣绿酒浮杯心卷帘空抱琴亦可见文教之远矣【古今词话】杭州花纶年十八黄观榜及第第三人初读卷官进卷以花为第一练子宁第二黄观第三御笔改定黄第一练第二花第三故南京有花练黄黄练花之语後人犹以花状元称之是科题名记及登科录皆以黄练二公死革除之难刻毁故相传多误花有词藻其谪戍云南日有题杨太真画图水仙子云海棠风梧桐月荔枝尘霓裳舞翠盘娇绣岭春锦棚嬉金钗信香囊恨痴三郎泥太真马嵬坡血污游魂杨柳眉青颦黛损芙蓉面零脂落粉牡丹芽翦草除根其风致不减元人小山酸斋辈滇人传唱多讹其字余为订正之云【词品】

宣德中三杨在内阁有从官出松竹梅求题者荣题松溥题竹後皆书赐进士第赐进士出身独士奇起於辟召乃作题梅词云竹君子松大夫梅花何独无称呼回头试问松和竹也有调羹手段无盖桂殿秋也世以此定三杨优劣【晚香堂清语】

商榷庵乡会殿试皆第一负鼎铉重望而小词明净简练亦复沾沾自喜今读其旅情春暮秋月退食诸篇不堕时趋自有殊致其一丛花咏初春云东风有信无人见露微意柳际花边尤觉妥帖轻圆也【古今词话】

吴匏庵词有繁花落尽留红药新笋丛生带绿苔名句也时有赵宽字栗夫为匏庵所取士词名半江集匏庵尝曰不遇吴宽争得赵宽【耆旧续闻】

夏言以议礼骤贵世庙因正月降雪命言等作时玉赋石塘曾铣夏之内戚作渔家傲词互相赓唱遂起河套之议故黄泰泉有千金不买陈平计之句盖讥之也【涌幢小品】

词至夏桂洲严介溪俱以百字令木兰花慢为赠答之什如陆俨山周白川亦无不效之但悉遵旧人之韵千篇一律了无旨趣若桂洲闺艳小令脍炙人口者则又嫁名於无名氏集中三百九十调应酬居多介溪往来词调纷纷於扇面画幅相见辄用以媚之尝有寄陆俨山百字令後半云祇今遥指江云重吟渭树高兴参差发四十年来同宦海不觉飚驰星灭槐省垂鱼凤池鸣玉相对俱华髮君恩报了五湖同访烟月此正奸雄之语也余虽不欲以人废言亦岂至为其所欺耶【钱允治】

空得郁金香酒痕和泪痕舒亶语也锺退谷评间邱晓诗谓具此手段方能杀王龙标此等语乃出渠辈手岂不可惜仆每读严分宜钤山堂集至佳处辄作此叹【花草蒙拾】

我朝以词名家者伯温穠纖有致去宋尚隔一尘用修好入六朝丽字似近而远公瑾最号雄爽比之稼轩觉少精思【艺苑卮言】

成都杨慎所着书百余种号为博洽金华胡应麟嫌其熟於稗史不嫻於正史作笔丛以驳之然杨所辑百琲明珠词林万选王弇州亦谓之词家功臣也因议礼谪戍泸州暇时红粉傅面作双了髻插花令诸妓扶觞游行了不为作有以书规之者答云文有仗境生情诗或托物起

兴如雀延伯临阵则召田僧超为壮士歌宋子京修史使丽竖?椽烛吴元中起草令远山磨礪麋是或一道也走岂能执鞭古人聊以耗壮心遣余年耳知我者不可以不闻此言不知我者不可以不闻此言诗有罗衣香未歇犹是汉宫恩句词亦富赡【乐府纪闻】

杨用修少时善琵琶每自为新声度之及登第後犹於暑月花馆两角髻着单纱半臂背负琵琶共二三骚人携尊酒席地坐西长安街上歌所制小词撮拨到晓适李阁老早朝过之听其声异常流令人询之则云杨公子修撰也李为之下车杨举卮进李曰朝尚早愿为先生更弹弹罢而火城将熄李先入朝杨亦随着朝衣而至朝退进阁揖李先生及其尊人李笑谓曰公子韵度自足千古何必躬亲丝竹乃擅风华自是长安一片月絕不闻杨公子琵琶声矣【桐下听然】

升庵夫人黄氏寄外诗有日归日归愁岁暮其雨其雨怨朝阳之句传诵人口又有满庭芳巫山一段云诸词皆为雅丽或比之赵松雪管夫人然管工画竹耳诗词鄙俚不及黄远矣【晚香堂清语】

王泚陂初作北曲自谓极工徐召一老乐工问之殊不见许於是爽然自失北面执弟子礼以伶为师久遂以曲擅名天下词曲虽不同要不可尽作文字观此词与乐府所以同源也【花草蒙拾】

唐子畏素性不羈及坐废益游於酒人以自娛宸濠礼聘之子畏知其有异志乃佯狂裸形箕踞以处得遣归又传其鬻身梁溪巨室以求美婢见诸剧戏祝枝山尝傅粉墨从优伶入市度新声多为狎斜游着掷果窥帘醉红金缕诸集皆言情之作好负逋债出则萃而呼责之者踵相接也两人同滥笔墨多谐谑而人尊重之唐词有踏莎行千秋岁引祝有凤栖梧浪淘沙俱不甚精警【古今词话】

子畏吴下才人而佳词絕少踏莎行四时闺词脍炙当世及读陈白阳集知俱系陈作陈集编於其从孙明卿者谅无传疑余欲改正友人曰倩陈山人彩毫为唐解元点染风流也可何必认真乃不果改【兰皋集】

文衡山待诏素性高雅不喜声妓吴俗六月廿四荷花洲渚画舫笙歌咸集祝枝山唐子畏预匿二妓人於舟尾邀之同游衡山先面订不与妓席唐祝私约酒阑歌声相接出以侑觴衡山愤极欲投水唐祝呼小艇送之乃其水龙吟题情亦甚婉丽但声调错落句读参差稍为正之词云依依落日平西正池上晚凉初足太湖石畔丝丝疎雨芭蕉簇簇院落深沈帘栊静悄阑干幽曲猛然间何处玉箫声起满地月明人独风约轻纱透肉掩酥胸盈盈新浴一段风情满身娇怯恍然寒玉青团扇子欲举还垂几番虚扑向夜阑独笑红裆自解灭银屏烛【古今词话】

王世贞於帖括盛行之日独以诗古文鸣世当时词家亦都尚不痛不痒篇什而独能以生动见长以故汪道昆李攀龙辈俱逊之即弇州自谓意在笔先笔随意往法不累气才不累法有

境必穷有证必切匪独诗文为然填词末艺敢於数子云有微长晚年学道王穉登以书讽之弇州答曰仆晏坐澹然无营子嘲我未焚笔砚笔砚固当焚但世无士衡以此二物少延耳【古今词话】

弇州少好读书骆行简奇之曰他日必以文章名世汪伯玉曰诗如孙武韩信用兵宫嫔市人无不可阵词则沾沾自喜亦出人一头地李于鳞曰惟某敢与狎主齐盟而小词弗逮也弟世懋时人呼为小美奉常集词仅数首自谓游江西後颇觉有进【尧山堂外纪】

探花王昂榜下择壻时作催妆词寄调好事近云喜气满门阑光动绮罗香陌行到紫薇花下悟身非凡客不须脂粉污天真嫌怕太红白留取黛眉浅处画章台春色【词品】

李于鳞怀宗子相诗云卧病山中生桂树怀人江上落梅花边廷实怀李献吉诗云四海酒杯形影外十年诗草梦魂余时推作者而李有八声甘州边有踏莎行俱不足存何也【古今词话】

徐文长为胡少保幕客掌书记督府势严重文武将吏莫敢仰视文长戴敝乌巾衣白布襜衣非时直闯门入长揖就坐奋袂纵谈幕中有急需召之不至夜深开戟门以待使者还报徐秀才方泥饮大醉叫呶不可致也倭既靖宴将士於烂柯山文长走笔作铙歌云接得羽书知破贼烂柯山上正围棋又云帐下共推擒虎将江南只数义乌兵少保命刻石词有菩萨蛮咏鞦鵒踏花翻咏走马妓诸选皆载之【明诗纪事】

文长咏半面美人图词有这半面刚被那半面儿相遮之句灵慧絶伦【屠隆】

林章溺情一妓适妓以他事系狱林日徘徊於外计欲出之爲赋孤鸾一阕云爲谁抛撇似海燕初分林莺乍别回首天涯满目云山愁絶东风不怜春色把一枝杨花吹折直恁黏云带雨更盈盈似雪奈梦儿相隔恨难说想昨夜孤衾今日双颊比这青衫上有几重啼血一声晚钟动了又送人肠断时节莫把琵琶乱拨正春江潮咽寻爲当事所释欲委身於林林竟度爲女冠人皆贤之【乐府纪闻】

汤义仍文采风流照耀一世出其绪余以爲填词如回文菩萨蛮添字昭君怨皆杰作也【古今词选】

俞仲茅小词云轮到相思没处辞眉间露一丝视易安才下眉头又上心头可谓此儿善盗然易安亦从范希文都来此事眉间心上无计相回避语脱胎特更工耳【花草蒙拾】

俞少卿云万历以来诗文制义化爲四目蒙魑九头妖鸟而诗余以无人染指故独留本来面目此言固是激论如冯董二文敏赵忠毅吴文端李太?范尚宝焦修撰王编修诸公何尝无一二佳词但非专家故不爲少卿所推藉耳【词衷】

俞君宣自負風情嘗爲顧文英賦古鏡詞云張郎一去君且代郎看雙蛾解理贈別躊躇不忍把君分碎問容顏君獨知憔悴受多磨與君無異廣寒三五嫦娥愁向却元自己晴空里似丹青點綴个中小小洞天深处背地沉迷形影都無據憐君自爲分明累貯盡了漢宮人泪架罢妝殘瞥然收却遠山橫翠盖調寄桂枝香也文英善書以碧絲作小楷綉之鏡台遺所歡未几卒君宣夢文英謝此詞且曰後二語不吉愛其佳未請易也嗟乎柳絲枝上朝雲爲之感沒架罢妝殘文英遂以讖終詞入妙來竟令生者可以死耶【蘭皋集】

古今竹枝皆泛咏風土惟田藝蘅云阿娘拘束好心痴白玉闌干护竹枝春色到來抽乱笋石頭縫里迸芽儿若个郎來討竹秧雌雄須得要成双明年此日春雷發管取嬰兒脫錦腔共四首皆賦本意盖仿楊柳枝采蓮曲體也卓珂月以爲正格要亦不必【花草蒙拾】

吾家於陵及華山處士世有隱德余輩膠黏五濁羈鎖一生每忆少年青松白石之盟何止浩叹岁丁酉始得筑婉婁草堂於二陸遺址故有長者爲營栽竹地中年方愜住山心之句然山中亦不能如道家保鍊吐納以啻余年即佛藏五千卷隨讀隨輟惟喜與邻翁院僧談接花藝果種術鬪苓之法其余一味安穩本色而已嘗作臨江仙一詞云婉婁北山松樹下石根結个岩阿巧藏精舍恰無多尚余檐隙地種竹與栽梧高卧不須愁客至客來野笋山蔬一瓢濁酒盡能沽倦時呼霍舞醉後倩僧扶【陳繼儒岩栖幽事】

四時之景無如初夏余嘗夜歸作攤破浣溪沙云梓樹花香月半明棹歌歸去螭蛄鳴曲曲柳塘茅屋矮挂漁罾笑指吾庐何处是一池荷葉小橋橫燈火紙牕修竹里讀書聲【岩栖幽事】

維揚張世文著詩余图谱絕不似嘯余譜詞體明辨之舛錯而爲之規規矩矩真填詞家功臣也其自制鵲踏枝有云紫燕雙飛深院靜寶枕紗幮睡起嬌如病一线碧烟縈藻井小鬟茶進龍香餅又斜日高樓明錦幕樓上佳人痴倚闌干角心事不知緣底惡對花珠泪双双落新藕蘊藉更足振起一時【古今詞話】

卓珂月自負逸才詞統一書蒐采鑒別大有廓清之力乃其自運去宋人門庑尚遠神韻興象都未夢見【花草蒙拾】王次回喜作小艷詩最多而工疑雨集二卷見者沁入肝脾里俗爲之一變几於小元白云詞不多作而善改昔人詞殊有加毫顙上之致如秋千改徐文長云多嬌最愛鞦兒淺有時立在秋千板板已窄棱棱犹余三四分一鈎渾玉削紅綉幫儿雀休去步香堤游人量印泥起句已比旧作較穩換頭紅絨止半索綉滿幫儿雀仅能刻画其纤改語則見其暫而直矣且雀不可以紅絨綉乃以絨綉雀於紅幫上耳亦改語爲是其別意改洪叔璚云花露漲冥冥欲雨還晴薄羅衫子着來輕解道明朝寒食近且莫成行花下酒頻傾纤手重增十三弦畔訴离情又得一宵相伴也无限丁宁比洪作止存三句詞意俱換几於虞允文用王權之卒不止李太尉入北軍也其茉莉改劉叔安云帘枕午寂正陰陰窺見後堂芳樹綠徧長丛花事杳忽接琼葩丰度艷雪肌肤蕊珠標格銷盡人間暑還忧風日曲屏羅幙遮護長記歌酒闌珊微聞暗麝笑覓衣沾露月沒闌干天似水相伴謝娘牕戶浴後輕鬟涼生滑簟总是牽情处惹人幽夢枕边零乱如许起处帘中堂後綠陰庵藹說花時已覺有情艷雪蕊珠狀花

之色暗麝状花之香鬢间簪上枕边举护花者之张设戴花者之神情摹拟毕到语复俊丽可谓词中圣手所用刘语不过四句此可竟称次回作也【词筌】

吴鲁于孝廉能诗善书筑墅南郭尽泉池涧石亭台花竹之胜小词潇洒絶俗自比稼轩有和稼轩卜算子词云性嬾不衣冠地僻无车马谁与山翁作往还五月披裘者高枕石爲牀剧饮盆爲瓦不让羲皇已上人五柳先生也倦放林逋霍嬾策山公马千尺长廊水一方犹羨舟居者地僻藓侵堦屋老松生瓦门外人来问主人山水之间也【词衷】

沈天羽四集中有别集自谓有鉅肠镂肾之妙吾最喜其意致相诡言语妙天下数语爲诗余别开生面然亦有刻意纤巧致离本旨不无奇过得庸深极反浅之病岷源滥觞不得不归咎别集二字【词衷】

陈大樽文高两汉诗轶三唐苍劲之气与节义相符乃湘真一集风流婉丽如此传称河南亮节作字不胜绮罗广平铁心梅赋偏工清艳於黄门益信【兰皋集】

明季词家竞起然妙丽惟湘真阁江蓠檻诸什如咏斜阳则云弄晴催薄暮咏黄昏则云青灯冷碧纱烟尽半晌愁难定咏五更则云愁时如梦梦时愁角声到小红楼咏杏花则云微寒着处不胜娇一番弄雨花梢咏落花则云玉轮碾平芳草半面恼红妆咏春闺则云几度东风人意恼深深院落芳心小咏艳情则云难去难去门外尺深花雨皆黄门意到之句【古今词话】

夏存古烛影摇红云辜负天公九重上有春如海佳期一梦断人肠静倚银缸待隔浦红莲堪采上扁舟伤心欸乃梨花带雨柳絮迎风一番愁债回首当年绮楼画阁生光彩朝弹瑶瑟夜银筝歌舞人常在一自变迁陵谷黯消魂难再金钗十二珠履三千凄凉千载遗珠零璧诸选不收偶列於此【玉樊堂稿】

词至云间幽兰湘真诸集言内意外已无遗议所谓华亭肠断宋玉魂消称诸妙合谓欲专诣所微短者长篇不足耳北宋诸家大率如是正如嘉州右丞不能爲工部之五七排体自足名家【远志斋】

相传黄山逸客行香子一阙云俊翮无声饥掠寒庭满樛枝鸟雀皆惊惜哉不中狙击秦嬴恨筑参差椎孟浪剑纵横汝鹖来听休耻无能问何如绣臂金铃空拳未往气已峥嵘任破长空没孤影搅青冥云见一鹖击鸟不中而旁爲之叹惜者惜不得作者姓名然其词自足传也【诗余五集】

徐小淑络纬吟其爲絶句也盖贤乎其爲近体也其爲乐府也盖贤乎其爲近体絶句也乃其爲长短句也盖贤乎其爲开元诸家也如中调霜天晓角爲归舟之作有云露浥芙蓉茜翠涩枯棠瓣傍疎柳西风几点行行尚缓家在碧云天半念归舟游子一片乡心撩乱对旅鴈沙汀盼杀白苹秋苑小淑善绘事此爲画中词词中画吾不能辨【董斯张】

吴江叶仲韶之配沈宜修字宛君一女名纨纨字昭齐有愁言集一女名小鸾字琼章有返生香集宛君浣溪沙云淡薄轻阴拾翠天细腰柔似柳飞髴吹箫闲向画屏前诗句半缘芳草断鸟啼多爲杏花残夜寒红露湿秋千纨纨浣溪沙云几日轻寒嬾上楼重帘低控小银钩东风深锁一牕幽昼永半消春寂寂梦残独语思悠悠近来长自只知愁小鸾南柯子云门掩瑶琴静牕消画卷闲半庭香雾绕阑干一带淡烟红树隔楼看云散青天瘦风来翠袖寒嫦娥眉又小檀弯照得满堦花影只难攀虞美人云深深一点红光小薄缕微烟裊锦屏斜背汉宫中曾照阿娇金屋泪痕浓朦胧穗落轻烟散顾影浑无伴怆然午夜漫凝思恰似去年秋夜雨牕时填词甚富尽称令晖道韞萃於一门惜乎天靳之以年也【午梦堂集】

王修微初爲青楼後爲黄冠词集甚富皆言情之作多有俳调其怀谭友夏如梦令云月到闲庭如昼修竹长廊依旧对影黯无言欲道别来清瘦春骤春骤风底落红僂僂【竹牕词选】

庐州少妇张嫺倩作子夜歌云落花风卷愁难歇枝头燕翦裁桃叶花气沁兰香游丝挂緑牕蕉青鸾翅影草碧龙须冷无语倚瑶琴闲花在胆瓶虽緑牕自怨不失贞静【伊人思】

张倩倩沈宛君之姑之女归宛君弟君庸宛君季女琼章儿时寄养舅家以倩倩为母倩倩工诗词作即弃去琼记忆其数首琼章亡宛君悼其女追怀倩倩为之作传并录琼章所记诗词附传中有寒夜怀君庸蝶恋花云漠漠轻陰笼竹院细雨无情泪湿霜花面试问寸肠何様断残红碎緑西风片千徧相思才夜半又听楼前叫过伤心鴈不恨天涯人去远三生缘薄吹箫伴【午梦堂集】洪武中吴江沈韶游襄汉归舟次九江登琵琶亭月下髣髴闻歌声明日复往徙倚亭中一丽人冉冉来二小姬前导韶拜问之曰汉主陈友谅之婕妤郑婉娥也年二十而死殡此亭旁二侍女一名钿蝉一名金鴈皆当时殉葬者命取酒共饮歌念奴娇一阕曰即昨夕郎所闻也词云离离禾黍叹江山依旧英雄尘土石马铜驼荆棘里閱徧几番寒暑剑戟灰飞旌旗鸟散底处寻楼榭喑哑叱咤只今犹说西楚憔悴玉帐虞兮灯前掩面双泪飞红雨凤辇羊车行不返九曲愁肠漫苦梅瓣凝妆杨花翻雪回首成终古翠螺青黛绦仙慵画眉妩又口占一律赠韶云凤?龙舟事已空银屏金屋梦魂中黄芦晚日烘残垒碧草寒烟锁故宫隧道鱼灯油欲烬妆台鸾镜匣长封凭君莫话兴亡事泪湿臙脂损旧容与韶谈元末羣雄兴废及伪汉宫中事历历如见临别以金条脱为赠同游梁生作琵琶佳遇歌【乐府纪闻】

尝论前代诸词家文成之於元献犹兰亭之似梓泽也新都之於庐陵犹弘治之似伯玉也琅琊之於眉山犹小令之似大令也公谨之於幼安犹宣武之似司空也逮黄门舍人之於屯田待制直如曹刘之与苏李遂觉後來益工世有解人应不河汉斯言【词衷】

周东迁三百篇音节始废至汉而乐府出乐府不能代民风而歌谣出六朝至唐乐府又不胜诘屈而近体出五代至宋近体又不胜方板而诗余出唐之诗宋之词甫脱穎而已徧传歌工之口元世犹然今则尽废矣观唐以後诗之腐澁反不如词之清新使人怡然适性是不独天资之高下学力之浅深各殊要亦气运人心有日新而不能已者故诗至於余而诗亡诗至於余而诗复存也【词统序略】

御选历代诗余卷一百二十